









ARNOLDI
VINNII I.C.
INSTITUTIONUM IMPERIALIUM
COMMENTARIUS.

TOMUS SECUNDUS.

Февраль 36
Англия 1²
Vol 4.

БИБЛИОГРАФИЧЕСКАЯ
КОМПЛЮТЕРНАЯ
СИСТЕМА
ДЛЯ АВТОМАТИЧЕСКОГО
ПОДСЧЕТА СЛОВ

ARNOLDI VINNII I.C.
IN QUATUOR LIBROS
INSTITUTIONUM
IMPERIALIUM
COMMENTARIUS
ACADEMICUS ET FORENSIS.

EDITIO NOVA

IN USUM HISPANÆ IVENTUTIS ADORNATA

In qua Auctoris textus ad Batavicar. Edd. fidem exhibetur: Græca Latine donatur: Patrii Iuris fontes, tum Ius ipsum & receptæ de eo in praxi DD. Hispanorum opiniones singulis quibusque §§. indicantur atque exponuntur-

TOMUS SECUNDUS.



SUPERIORUM PERMISSU
VALENTIÆ

Apud BENEDICTUM MONFORT Typogr.
MDCCLXXXVI.

ARNOLDI VINNI J.C.
IN LIBRUM TERTIUM
INSTITUTIONUM IMPERIALIUM
COMMENTARIUS
ACADEMICUS ET FORENSIS.

TITULUS I.

DE HEREDITATIBUS QUÆ AB INTESTATO DEFERUNTUR.

Dig. lib. 38. tit. 16. Cod. lib. 6. tit. 55. & 58. Nov. 118.

Ratio ordinis cum argomento tituli.

DEcursis omnibus supremæ voluntatis partibus redit Imperator ad institutam de universitate bonorum adquirenda disputationem. Ex quatuor hujus generis adquisitionis modis propositis §. ult. Inst. sup. per quas pers. cuiq. adq. eum primo explicandum suscepit per quem hereditas nobis obvenit. Obvenire vero nobis dixit vel ex testamento vel ab intestato. Quoniam igitur de hereditate ex judicio defuncti adquirenda hactenus solum tractavit, cuius semper prior & potior causa est, l. 39. de adq. ber. l. 89. de reg. jur. quod reliquum est ad tractationem illam absolvendam, de hereditate legitima seu ea quæ lege ab intestato deferuntur pertexere prius voluit quam ad ceteros per universitatem adquirendi modos transitum faceret. Hereditates quæ ab intestato deferuntur eadem passim & lege deferri dicuntur nomenque legitimarum hereditatum sibi proprium fecerunt, licet testamentaria quoque hereditas dici possit lege obvenire, l.

Tom. II.

130. de verb. sign. Sed illæ solæ hoc nomen occupaverunt, propterea quod immediate & proxime deferuntur à lege, & à lege sola absque voluntate defuncti; cum testamentariam non ipsa lex deferat, sed delatam à testatore confirmet d. l. 130. Hinc etiam heredes legitimi & testamentarii passim opponuntur, l. 3. §. 2. pro soc. l. 17. §. 1. ll. 70. & 77. de adq. ber. l. 2. & tot. tit. ff. de suis & legit. her. Succeditur ab intestato vel ingenuis vel libertis. De ingenuorum successione tractat priore loco: deinde de successione libertorum, & demum tit. 8. Hoc autem titulo solum agitur de successione descendentium sive liberorum, quorum in causa successionis legitimæ prima semper ratio habita. Cum autem varia sint libero cum genera & pro varietate eorum varia quoque jura succedendi ab intestato, eo ordine hic proceditur ut primi & statim post descriptionem intestati prodeant qui principem locum iure civili inter ipsos liberos obtinebant, aut potius soli in causa successionis liberi habebantur,

A

tur,

tur, sui scilicet heredes. Inde §. 9. transitur ad successionem emancipatorum. Postea §. 14. commemoratur mutatio juris circa liberos adoptivos. Ad extremum discriben vetus ex masculis & feminis descendientium tollitur. Quæ mutatio jure novissimo in successione ab intestato facta sit *Nov. 118.* in unoquoque ordine succendentium suo quæque loco indicabimus ubi res id postulare videbitur; & denique totum illud jus accuratius tractabimus seorsum adjectis institutis patris post explanationem tituli *de success. cognat.* qui hujus libri quintus.

TEXTUS.

Definitio intestati.

Intestatus decedit qui aut omnino testamentum non fecit aut non jure fecit, aut id quod fecerat ruptum irritumve factum est, aut si ex eo nemo heres extiterit.

L. I. tit. 13. Part. 6.

COMMENTARIUS.

1. *An appellatio intestati etiam ad pupillum furiosum prodigum pertineat.*
2. *Appellatione rupti quid hic significetur.*
3. *Quando successioni ab intestato locus testamento irrito facta.*
4. *De testamento destituto.*

* * * **D**Es scriptio est intestati, cui similis Ulpiani in l. 1. pr. de suis & legit. Ait, qui aut omnino testamentum non fecit. Testamentum non fecisse atque intestato mortuus esse dicitur non solum is qui non fecit testamentum cum facere potuerit, verum etiam is qui cum civis Romanus esset & sui juris, propter extatam aliamve causam testari non potuit, ut pupillus furiosus prodigus, d. l. 1. in pr. quamvis si quis captare velit verbum *intestatus*, non videantur hi proprie dici intestati: siquidem ubi habitus non est non potest esse privatio. Sed cum duotantum genera successionum jus civile agnoscat, ex testamento & ab intestato; cui synonyma ex lege, & impuberes quoque, furiosi, & prodigi suos successores ex lege habeant: vox *intestatus*, ut forte minus proprie, ex sententia tamen legum accipienda fuit non utique pro negatione *privante*, sed pro negatione quæ Philosophis *negans* dicitur. Adde quod tametsi ipsi non possunt, possunt tamen

parentes iis testamentum facere. Successorum impuberum ab intestato mentio est in l. 4. §. 3. qui pet. tut. l. 9. de reb. dub. l. 37. ff. de vulg. & pup. l. 6. C. ad Tertyll. l. 10. C. de legit. hered. Quamobrem dubitandum non est quin recte sentiant qui cum Bart. in d. l. 1. de suis & legit. statuta de successione intestati loquentia ad supradictas quoque personas pertinere statuant. consule Forster. lib. 3. de her. quæ ab intest. cap. 4.

Non jure fecit] Puta quod legitimū numerū testū non adhibuerit aliasve solemnitates quæ ad ordinanda testamenta necessario desiderantur omiseit; aut quod liberos quos in potestate habebat heredes non institerit aut exheredaveit, secundum ea quæ tradita sunt libro superiore *tit. de exher. lib.*

2. *Ruptum*] Rumpi testamentum propriè dicitur, cum testatore manente in eodem statu jus testamenti vitiatur, §. 1. *Inst. sup. quib. mod. test. inf.* Ex duobus vero modis quibus testamentum rumpi docemur l. 1. de *injust. rupt. test.* & d. §. 1. cum seqq. unus tantum hoc pertinet, agnatio sui heredis; nam mutatione voluntatis testatoris aliud testamentum postea facientis etsi prius quidem etiam rumpitur, tamen ei non succeditur ab intestato sed hereditas defertur ex posteriori. Plane mutatio voluntatis in qua testator subsistit, putasi tabulas testamenti inciderit, scripturam deleverit, cancellaverit, signa avulserit intestatum eum facit, tit. ff. de bis que in test. del. l. 1. §. pen. ff. si tabb. test. null. ext. l. pen. C. de test. Resciso quoque testamento per querelam inofficiosi paterfam. intestatus fit, ac retroversus perinde omnia habentur ac si hereditas numquam adita esset, l. 6. §. 1. l. 21. §. 2. ff. de *inoff. test.* l. 17. C. de collat. idemque est si petita bonorum possessio contra tabulas, d. l. 17. de quo fortassis alibi diligenterius.

3. *Irritumve factum*] Si testamentum irritum factum in speciali significatione accipimus, nempe pro testamento quod per testatoris capitinis deminutionem infinitatum est, quo modo fere accipi solet cum opponitur testamento rupto, §. 4. & 5. *Inst. sup. quib. mod. test. inf.* l. 12. de *injust. rupt.* non video quomodo id ad questionem propositam applicari queat; nam capitinis deminutione testatoris qualiscumque ea sit non tantum irritum fit testamentum quod antea factum est; sed per eam etiam persona testatoris in eum statum deducitur ut simul jus testamenti faciendo amittat, atque adeo bona quoque ipsa, ut nec

heredem ab intestato habere possit. Quod si respicimus casum quo capite minuti mutata iterum conditione bona & heredem habere possunt, veluti si deportatus beneficio Principis restitutus sit, adrogatus sui juris iterum factus; atque ita decesserint non condito novo testamento: ne sic quidem pro intestatis habentur saltem jure prætorio; nam restituti quidem testamentum etiam citra novam declarationem voluntatis convalescit, l. 6. §. pen. de *injust. rupt.* si sui juris effecti, si codicillis aut aliis literis declaraverit se eo testamento quod ante adrogationem fecit velle decedere, l. pen. §. 2. de *bon. poss. sec. tabb.* ut proinde si verba, uti dictum est, stricte accipimus unus tantum casus relinquatur qui huc accommodari possit, si is qui sui juris postea effectus voluntatem quam irritam fecerat capitis deminutio recenti aliquo iudicio non resuscitaverit. Quid si dicamus de irrito additum propter jus civile, quo hereditas ex testamento quod semel irritum factum est nullo casu defertur? Sane causam non habet Bachovius cur cautius Tribonianum loqui velit quam locutus est Ulp. in d. l. 1. de suis & legit. her.

4. *Nemo heres extiterit*] Etiam id testamentum ex quo nemo heres extitit nullas vires habet, §. 2. Inst. sup. quib. mod. test. inf. l. 9. de testam. tut. ac proinde non adita hereditate paterfam. retroversus intestatus decessisse intelligitur, l. 64. de verb. sign. Hoc autem casu in specie dicitur testamentum destitui aut deserit, §. 7. & 8. inf. hoc tit. §. 2. Inst. sup. de leg. Falc. l. ult. in fin. de cond. inst. nonnumquam etiam irritum fieri, ut in l. 1. de *injust. rupt.* l. 20. cont. tabb. l. 50. de man. test. & tamen ab irrito, strictius accepto vocabulo, distinguitur in d. l. 1. de suis & legit. her. unde hic locus descriptus est. Itaque sine causa iterum Bachovius Tribonianum reprehendit quod destitutum testamentum hoc loco separat ab irrito. In transitu observetur, etsi utroque modo fiat ut intestatus decessisse quis intelligatur, & is cuius testamentum post mortem deseritur, & cuius testamentum ipso adhuc vivo confirmatur; tamen in tempore deferenda hereditatis & effectu succedendi insignem inter hunc & illum modum esse differentiam; quam videbimus in §. 7. inf. buj. tit. & §. 6. tit. seq.

TEXTUS.

Primus ordo succendentium ab intestato.

1. *Intestatorum autem hereditates ex lege duodecim tabularum primum ad suos heredes pertinent.*

COMMENTARIUS.

Non reperitur inter reliquias legis XII. tabb. caput aliquod quo mortuo patrefamilias intestato sui heredes nominatim ad successiōnem vocentur. Ceterum non ambigo quin proprio etiam capite & separatim de hac successione caverint decemviri, arg. §. 2. Inst. sup. de ber. qual. & diff. l. 3. C. de suis & leg. & quidem mox immediate post legem testamentariam: quod mihi non obscure ostendere videtur caput legis de successione agnatorum quod extat apud Ulp. in fragm. tit. 26. in hac verba: *At si intestatus moritur cui suus heres nec extabit, agnatus proximus familiam habeto.* Primum enim verba haec, *At si intestatus,* arguunt paulo ante cautum fuisse de successione testamentaria, confirmatasque defunctorum voluntates data cuique patrifam, libera testandi potestate: que legis illa particula est relata his verbis à Pomponio in l. 20. de verb. sign. *Uti quisque legasit sue rei ita jus esto;* & plenius à Cic. lib. 2. de invent. & Cornificio lib. 1. Rhetor. ad Herenn. Deinde verba sequentia *cui suus heres nec extabit* aperte ostendunt proxime præcessisse & interjectum fuisse inter hoc & illud de testamentis caput de successione ab intestato; & quidem quo sui heredes primo loco vocati fuerint. Cur autem ad liberos suos heredes dumtaxat lex successionem hanc pertinere voluerit alibi explicatum est, & fortassis nonnihil iterum de eo dicetur in sequentibus. Vinn. Proprio capite & singulari lege de successione suorum egisse decemviros non adeo expeditum est, idque merito negare videtur Gothofr. ad legg. XII. tabb. tab. 5. p. 204. seqq. Ceterum fundamentum totius successions legitimæ à decemviris stabilitæ est conservatio gentium. Hinc est quod quicumque non erant ejusdem gentis ab hereditate legitima excluderentur. Succedebant itaque sui, non emancipati, non in adoptionem dati, non illegitimi, quia hi omnes non erant pars familiæ paternæ. Post suos vocabantur agnati, & his deficientibus gentiles, non cognati qui alterius erant gentis.

tis. Uxor quæ in manum convenerat defuncto succedebat, quia particeps erat gentis & sa-
crorum mariti; adeoque non vocabatur *uxor*
quæ in manum non convenerat, quippe alienæ gentis. Et hinc est quod hereditates le-
gitimas Veteres vocant *gentilicias*, quasi quæ
soli defuncti genti debeantur. Loca Veterum
quæ huc pertinent jam collegit laudatus Go-
thofr. *ibid.* p. 204. Conf. omnino ill. By-
nkeish. *obs. lib. 11. cap. 1.* HEIN.

TEXTUS.

Qui sunt sui heredes.

2. *Sui autem heredes existimantur (ut supra diximus) qui in potestate morientis fuerint, veluti filius filiave, nepos neptive ex filio, pro nepos proneptive ex nepote, ex filio nato prognatus prognatave. Nec interest utrum naturales sint liberi an adoptivi. Quibus connumerari necesse est etiam eos qui ex legitimis quidem nuptiis vel matrimonii non sunt progeniti, curiis tamen civitatum dati secundum Divalium constitutionum que super his positæ sunt tenorem heredum suorum jura nanciscuntur. Nec non eos quos nostræ amplexæ sunt constitutiones, per quas jussimus, ut si quis mulierem in suo contubernio copulaverit non ab initio affectione maritali, eam tamen cum qua poterat habere conjugium, & ex ea liberos sustulerit; postea vero affectione procedente etiam nuptialia instrumen-
ta cum ea fecerit & filios vel filias habue-
rit: non solum eos liberos qui post dotem edi-
ti sunt justos & in potestate patris esse, sed etiam anteriores, qui & iis qui postea nati sunt
occasionem legitimi nominis praestiterant. Quod
obtinere censuimus etsi non progeniti fuerint
post dotale instrumentum confitum liberi, vel
etiam nati ab hac luce fuerint subtraffi. Ita de-
mum tamen nepos neptive pronepos proneptis-
ve suorum heredum numero sunt, si precedens
persona desierit in potestate parentis esse, sive
morte id acciderit sive alia ratione, veluti eman-
cipatione. Nam si per id tempus quo quis mo-
ritur filius in potestate ejus sit, nepos ex eo
suum heres esse non potest. Idque & in ceteris
liberorum personis dictum intelligimus. Postumi
quoque qui si vivo patre nati essent in pot-
estate ejus futuri forent sui heredes sunt.*

COMMENTARIUS.

* Legitimati an ad feudi successionem admittantur.

2 Cessare bodie editum de conjungendis cum
emancipato liberis.

Hic §. prolixus est, sed planus; continet
enim repetitionem eorum quæ jam ante
diversis in locis tradita & illustrata sunt, ma-
xime in §. ult. *Inst. sup. de nupt.* §. 2. *Inst. de*
exber. liber. §. 2. *Inst. de her. qual.* ut novam
explicationem non magnopere desideret. Sui
heredes ita à nobis d. §. 2. *de her. qual.* defini-
ti sunt, liberi defuncti qui in potestate morien-
tis fuerunt & tempore delata hereditatis
primum in familia defuncti gradum obtinent:
quæ definitio modis omnibus perfecta est, ut
patet ex hoc textu, junct. §. 7. *infr. hoc tit. l.*
6. *de injust. rupt.* l. 7. *unde lib.*

Pronepos proneptive.] Ordo est, *pronepos pro-*
neptive, pregnatus prognatave ex nepote nato ex
filio: hoc est, ex nepote qui non ex filia sed
ex filio susceptus sit; nam nepotes ex filia huc
non pertinent, quia patris non matris fami-
liam sequuntur, l. 196. §. 1. *de verb. sign.*
Pertinent quidem huc ex novo jure; sed de
eo nondum tempus est dicendi.

Nec interest utrum naturales sint an adoptivi.]
Per naturales intelligit ex justo matrimonio
natos: quam perpetuam naturalium liberorum
significatio esse cum opponuntur adoptivis
docuimus in d. §. ult. *de nupt.* Adoptivi in cau-
sa successionis ab intestato eadem conditione
sunt qua naturales, non veteri solum jure,
l. 1. §. 2. *de suis & legit.* sed etiam novo ex
constitutione Justiniani, qui jus succedendi ab
intestato integrum conservavit etiam his qui
adoptati sunt ab extraneo, l. pen. §. 1. C. *de adopt.*
Sed de horum successione plura *inf.* §. 13. &
14. *buj. tit.*

Quibus connumerari &c.] Recenset hic duos
modos quibus liberi extra nuptias quæsiti ce-
terum nati ex concubina muliere libera quam
pater uxorem habere poterat jus suorum he-
redum nanciscuntur ex suis vel anteriorum
Principum constitutionibus; si curiis oblati
fuerint: si mater postea uxori ducta; & nimis
rem eos ipsos modos quibus tradidit liberos na-
tos ex parentibus non conjugatis legitimos effi-
ci & in potestate patris, d. §. ult. *Inst. de nupt.*
Idem jus concessum legitimatis per rescriptum
Principis: qui modus confirmandæ paternæ
originis postea accessit, Nov. 74. & 89. Re-
vise quæ *sup. ad d. §. ult. de nupt.*

Quod obtinere censuimus etsi non progeniti]
Cum constitutio Justiniani in l. 10. C. *denat.*
liber. qua natos ex concubina quæ proceden-
te deinde affectione uxori ducta sit patri suo

DE HEREDITATIBUS QUÆ AB INTESTATO DEFER.

5

legitimos fieri voluit stricte a nonnullis accepta esset, quasi eo tantum casu legitimos eos fieri Justinianus voluiset quo ex matrimonio secuto quoque liberi nati forent, superioribus fratres & sorores, quod ex verbis constitutionis colligebant: Justinianus nova & speciali constitutione mentem suam plenius exposuit, atque expresse jussit natos ante matrimonium etiam eo casu legitimos fieri quo nulli liberi ex matrimonio postea contracto nati fuerint, aut nati ex hac luce sublati. Extat constitutio in l. 11. C. de natur. lib. Hinc apparet mendose legi textum qui claudit d. §. ult. Inst. de nupt. & omnino restituendam esse lectionem sic ut ex Hotomanno eam illic restituimus.

1. Jure feudali ad feudi successionem solli videntur admitti qui legitime nati sunt exclusis omnibus legitimatis, lib. 2. Feud. tit. 26. vers. naturales: Vult. 1. feud. 9. Sonsbec. de feud. lib. 1. pag. 9. n. 72. Hotomann. ad d. vers. naturales; quamvis major pars Interpretum excipiat legitimatos per subsequens matrimonium. VINN. Quo jure etiam Hispani utuntur. Molin. de primog. lib. 3. cap. 1. n. 6. ADDIT. Feudistæ post Andr. de Isernia in d. vers. naturales. Curt. tract. feud. part. 1. 2. memb. 3. part. princ. n. 41. Zas. de feud. part. 8. D. Tulden. comm. hic cap. 13. Distinguunt quoque inter legitimationem Principis simpli- cem & quando Princeps nominatim ad feuda quoqæ liberos legitimavit, Curt. d. loc. n. 39. Zas. ibid. Borcholt. de feud. cap. 7. sed de hoc item dictum sub §. ult. Inst. de nupt.

Ita demum nepos neptivus] Quamvis semper filius qui est in potestate simul suus heres sit; in persona tamen descendantium sæpe contingit ut in potestate sint adscendentium nec tamen numerentur inter suos heredes, puta si nepotem filius prone- potem filius aut nepos præcedant. Nam ad jus sui heredis non sufficit esse in potesta- te nisi simul proximum à defuncto gradum obtineas, hoc est nemo te in tuo ordine antecedat. Ideoque ut nepos, verbi causa, jus sui heridis consequatur, necesse est primum filium de familia sublatum esse: tunc autem statim in patris sui locum succedit, & quasi agnascendo jus sui heridis in familia avi nan- ciscitur, de quo fusius sub §. 2. Inst. de exber. lib. & §. 2. de ber. qual. Diserte autem lo- cutus est de nepotibus & neptibus ex filio, omisis consulto natis ex filia, quod hi uti extra familiam avi materni nascuntur, ita & ma- nent matre sublata. Postea tamen vocati sunt

ex constitutionibus & ante agnatos admissi, §. ult. inf. hoc tit. & plenissimo jure una cum filiis aut nepotibus ex filio suis heredibus. Nov. 118. cap. 1.

2. Sive alia ratione veluti emancipatione] Sed hodie quoad effectum succedendi nepotes in potestate retenti in locum patris sui emanci- pati non succedunt aut jus suorum heredum consequuntur; verum filius nepotem ex se natum semper excludit, d. Nov. 118. cap. 1. ut nec amplius locus sit editio de conjug. cum eman. lib. Multoque magis obstabunt nepo- tibus ex iis natis quos dignitas de potestate patria exemit; quippe quibus jura suorum he- redum integra conservari voluit Justinianus Nov. 8. cap. 2.

Postumi quoque] Postumi qui vivo paren- te nati in ejus fuissent potestate primumque gradum in familia obtinuerint suorum here- dum numero sunt, 1. pen. Inst. sup. de tutel. sicut & in aliis fere omnibus juris partibus qui in utero sunt pro jam natis habentur quo- ties de eorum commodo agitur, l. 7. & pen. de stat. hom. De diversis postulariorum generi- bus tractatum sup. §. 1. & seq. de exbereda. lib. & §. 26. de legat.

TEXTUS.

Quomodo sui heredes fiunt.

3. Sui autem heredes fiunt etiam ignorantis; & licet furiosi sint heredes possunt existere: quia quibus ex causis ignorantibus nobis adquir- ritur, ex his causis & furiosi adquiri potest. Et statim à morte parentis quasi continuatur dominium; & ideo nec tutoris auctoritate opus est pupillis, cum etiam ignorantibus adquiratur suis heredibus hereditas; nec curatoris assensu adquiritur furioso sed ipso jure.

COMMENTARIUS.

1. An uti dominium ita & possessio rerum be- reditariarum suis heredibus continuetur.

Hoc quoque loco inculcantur pleraque quæ relata & explicata sunt §. 2. Inst. de ber. qual. Ait ignorantes. Sui heredes ipso jure, id est sine ullo suo facto aut voluntate, sola juris potestate heredes fiunt; & ideo non ut extranei hereditatem adire dicuntur, sed he- redes existere, l. 14. de suis & legit. hered. Quo jure posito consequens est ut heredes ex- istant etiam ignorantes; atque hinc si quis

ex

ex suis heredibus patri superstes decesserit, quamvis ignorans patrem decessisse, nihilominus tamen hereditatem patris ut jam potestate juris quæsitam ad quoscumque heredes transmittit, l. 3. C. de jur. delib. Quinetiam invitæ & nolentes heredes fiunt, eaque de causa necessarii quoque heredes appellantur, d. §. 2. cuius rei magnus jure civili effectus fuit. Ceterum jure prætorio beneficium abstinenti habent, d. §. 2. & tamen post abstentionem nihilominus heredes manent quoad multa effecta. Unde illud, non est sine herede qui suum heredem habet licet abstinentem se, l. 30. §. 10. de fideic. libert. V.I.N.N. Sed repeate notata ad d. §. 2. quo loco etiam monuimus jure Hispano omnes heredes esse voluntarios.

ADDIT.

Et licet furiosi] L. 63. ff. de adq. ber. l. ult. §. 2. C. de cur. fur. Hoc autem & ipsum ex jure superiore necessariò sequitur: quia, ut ait, quibus ex causis ignorantibus adquiritur, ex his omnibus adquiri potest & furiosi; quod & alibi traditum, l. 12. de reb. cred. l. 24. de obl. & act. eademque ratio & infantis & pupilli est. Paul. apud Ruffinum tit. de legit. succes.

A morte parentum continuatur dominium] Suis non tam adquiritur hereditas quam dominium continuatur, l. 11. de lib. & post. Ob eam enim causam sui dicuntur quod non alienarum sed suarum quodammodo rerum heredes esse videantur: quippe suus heres patri vivo quasi coheres & communium bonorum socius est, ut illo mortuo non novum adquirat dominium, sed quod prius cœptum erat tunc plenius habere incipiat, d. l. 11. d. §. 2. Inst. de ber. qual. cumque ipso mortis momento statim heres existat, l. 1. §. 7. si quis om. caus. test. jacere hereditas numquam dici potest. Pulcherrime Hotom. 9. observ. 10.

1. Ceterum non ut rerum hereditiarum dominium ita & possessio suis heredibus continuatur; quoniam possessio cum facti sit cœtra naturalem rei apprehensionem non adquiritur, l. 1. §. 3. l. 3. §. 1. l. 8. de adq. poss. l. 19. ex quib. caus. maj. Et quod traditum est in l. 23. de adq. poss. adita hereditate iura quidem omnia ad heredem transire possessionem vero non transire nisi naturaliter apprehensa sit, id non magis ad extraneos pertinet quam ad suos heredes. Nam ut concedamus existentiam in suis heredibus partem vim habere cum additione in extraneis, maiorem tamen vim ei inesse putare & fortius operari valde absurdum est. Immo eamdem

prorsus vim habet aditio in heredibus extra-neis quam in suis immixtio. Moveare neminem debet quod in l. 30. ex quibus caus. maj. apud Paulum scriptum est, possessionem defuncti quasi junctam descendere ad heredem; de effectu enim usucapiendi loquitur, quod quoad hunc effectum qui sine possessione nullus est, l. 25. de usuc. ipsa simul possessio transire videatur, propterea quod tempora possessionis defuncti & heredis ita conjunguntur ut usucatio numquam interrupta videatur, l. 31. §. penult. d. tit. Alioqui contra jus expressum inferri posset etiam hereditatem jacentem possidere, quoniam usucatio à defuncto cœpta etiam ante hereditatem aditam impleri potest, l. 40. de usuc. Illud nimis jejunum est quod vulgo objicitur, dominium non adquiri sine possessione; nam hoc ad modos adquirendi qui sunt ex jure gentium pertinet, in civilibus autem acquisitionibus non est perpetuum, l. 64. de furt. l. 19. §. 1. quemadmodum serv. amitt. add. Vigl. ad d. §. 2. Inst. de ber. qual. Gail. 2. obs. 129. Mynsin. 3. ob-serv. 38. Anton. Fab. Cod. suo de ineff. testam. defin. 4. Christin. vol. 4. decis. 26. In Burgundia & tota fere Gallia obtinet illud, *Le mort saisit le vif*. Tiraquel in isto trattat. Chassan. de success. rub. 7. §. 1. V.I.N.N. Elegans ratio cur possessio ad heredes non transeat redditur in l. 1. §. 15. ff. si quis testam. liber. esse ius. quia videlicet ea tantum quæ hereditatis sunt in heredem transfunduntur, possessio autem hereditatis esse negatur. HEIN.

Nec tutoris auctoritate] Hoc quoque con-sectorium videtur, ut & quod mox sequitur ex eadem juris ratione est. In extranei hereditate contra observatur, quippe quam pupillus sibi delatam adeundo adquirere non potest sine tutoris auctoritate, l. 9. & 49. de adq. ber. etiamsi perspicue lucrosa sit neque ullum ab additione periculum immineat, l. 9. §. 2. de aut. tut. §. 1. Inst. sup. de aut. tut. Pupillis infantibus quomodo extranei hereditas adquiratur cognoscas obiter ex l. 65. §. 3. ff. ad senat. Treb. l. 18. C. de jur. deliber. tractatio non est hujus loci.

Nec curatoris assensu furioso] Immo nihil curatoris assensu furioso adquiri potest, ac proinde nec hereditas extranei; cum per rerum naturam fieri non possit ut consensus alterius accommodetur ei cuius nulla voluntas est. Sed nec ipse curator nomine furiosi hereditatem jure civili adire potest. Plane potest si velit bonorum possessionem nomine furiosi agnoscere, l. 1. de bon. poss. fur. im-

mo ex constitutione Justiniani etiam debet *cus ei succedat; sed potest dici ipso quidem ju-*
ubi manifesta est furiosi utilitas, l. ult. §. 3. re suum heredem esse sed desinere,
C. de cur. fur.

T E X T U S .

De filio post patris mortem ab
hostibus reverso.

4. *Interdum autem licet in potestate parentis mortis tempore suus heres non fuerit, tamen suus heres parenti efficitur: veluti si ab hostibus quis reversus fuerit post mortem patris suis jus enim postliminii hoc facit.*

C O M M E N T A R I U S .

Licet in potestate parentis &c. non fuerit] Respicit ad id quod dixit initio §. 2. suos heredes esse liberos qui in potestate sunt quo tempore parens moritur: unde hic excipit casum quo filius ab hostibus captus post mortem patris revertitur. At enim si fictionem postliminii consideramus nulla hic exceptio est; nam cum postliminium fingatur qui ad suos reversus est semper in civitate fuisse, secundum hanc fictionem etiam tempore mortis patris in potestate fuit. Verum Imperator in excipiendo spectavit rei veritatem; revera enim suus heres non est nec in potestate morientis patris qui eo tempore in potestate est hostium. Sic & filius ejus qui apud hostes decessit invitus hereditati obligatur, quamvis suus heres dici non possit, ut ait Jurisconsultus l. 12. qui test. fac. qui in potestate morientis non fuit; & tamen hic etiam in potestate & suus heres est ex lege Cornelia, quæ fingit captum ipso momento captivitatis mortuum & in civitate.

Jus enim postliminii] Impp. Dioclet. & Maxim. id fictioni tribuunt legis Corneliae, l. 9. C. de postlim. rev. sed abusio est nominum legis Corneliae pro juris postliminii; nisi sit *κατάγνωμα μημονίου* (*memoriae lapsus*) sit.

T E X T U S .

De memoria patris damnata ob
crimen perduellionis.

5. *Per contrarium autem hoc evenit, ut licet quis in familia defuncti sit mortis tempore tamen suus heres non fiat: veluti si post mortem suam pater judicatus fuerit perduellionis reus ac per hoc memoria ejus damnata fuerit. Suum enim heredem habere non potest cum fis-*

Vid. l. 13. tit. 2. Part. 7.

C O M M E N T A R I U S .

CAsus superiori contrarius, quo scilicet fit ut qui mortis tempore in potestate defuncti est & proximum in familia gradum obtinet suus tamen heres non efficiatur: quod ait evenire si pater post mortem suam perduellionis reus judicatus fuerit, quomodo & Ulp. hoc extulit l. 1. §. 3. de suis & leg. Interdum, inquit, etiam filius suus heres excluditur fisco prælato; ut puta si perduellionis fuerit damnatus pater post mortem suam. Basil. 45. tit. 1. ἐπὶ τυραννίᾳ ναραρπίῃ.

Post mortem] Speciale est in crimen perduellionis quod accusatio & cognitio coepit etiam post mortem rei peragitur; nam reliqua fere crimina mortalitate extinguentur aut potius criminum persecutio, l. ult. ff. ad leg. Jul. maj. tot. tit. C. si reus vel accus. mort. Quid inter sit inter crimen majestatis & perduellionis demonstrabitur alio loco.

Memoria ejus damnata] Gravius & severius est memoriam alicujus damnari quam persecutionem criminis post mortem durare. Persecutio durat etiam in judiciis publicis peculatus, repetundarum, de residuis, l. 20. de accus. l. ult. ad leg. Jul. pecul. At memoria rei damnatur in solo judicio perduellionis, lata in ipsum mortuum sententia per quam quasi adhuc viveret memoria ejus deleatur, l. ult. C. ad leg. Jul. maj.

Suum heredem esse sed desinere] Patre mortis suæ tempore nondum damnato ac proinde libero & cive Romano decedente filius non potest non suus heres esse, cum, ut dictum est, statim à tempore mortis hereditas suis heredibus adquiratur; sed quia tempus sententiae & securæ postea condemnationis retrotrahitur ac conjungitur cum tempore admissi criminis, fit ut jus suitatis extinguitur aut potius perinde habendum sit ac si mortis tempore suus heres non fuisset & jam à die contracti criminis desiisset esse in potestate, arg. l. 15. l. 31. §. ult. de donat, l. ult. ad leg. Jul. maj.

T E X T U S .

De divisione hereditatis inter suos
heredes.

6. *Cum filius filiave & ex altero filio nepos ne-*

neptiue existunt pariter ad hereditatem avi vocantur, nec qui gradu proximior est ulteriorem excludit. *Aequum enim esse videtur nepotes neptiue in patris sui locum succedere. Par ratione & si nepos neptiue sit ex filio & ex nepote pronepos neptiue simul vocantur. Et quia placuit nepotes neptiue item pronepotes neptiue in parentis sui locum succedere, conveniens esse visum est non in capita sed in stirpes hereditatem dividere: ut filius partem diriadiam hereditatis habeat & ex altero filio duo pluresve nepotes alteram dimidiam. Item si ex duabus filiis nepotes neptiue existant, ex altero unus aut duo forte, ex altero tres aut quatuor: ad unum aut duos dimidia pars pertineat, ad tres vel quatuor altera dimidia.*

L.3. tit. 13. Part. 6.

COMMENTARIUS.

- 1 Quid sit in capita, quid in stirpes succedere.
- 2 Successionis in stirpes jure veteri usum tantum inter suos heredes fuisse, & bujus successionis ratio.
- 3 Quatenus bæc successio procedente tempore extensa.
- 4 Cur in ea proximior ulteriorem non excludat.
- 5 Illustratur quibusdam aliis exemplis.
- 6 Etiam ubi soli sunt nepotes ex diversis filiis in stirpes familiali ercisci.

1. **L**ocus est notabilis, in quo agitur de ratione succedendi & divisione hereditatis inter suos heredes primi & sequentium graduum. Descriptus autem est ex Gajo lib. 3. Inst. apud Rufin. tit. de legit. success. Omnis ab intestato successio aut est in capita aut in stirpes. In capita, *πετρωνικάς* succedi dicitur cum in tot partes hereditas dividitur quot sunt capita sive personæ succendentium; in stirpes *κατὰ συγγάρη*, cum pro numero stirpium secatur; ut qui sunt ex una stirpe partem unam ferant, qui ex altera licet pauciores aut unus tantum partem alteram. Capita sunt personæ unius aut plurium stirpium. Stirpes sunt generis origines: veluti filius est stirps nepotum, nepos stirps pronepotum. In capita toties succeditur quoties personæ succendentium proprio jure & ex sua persona veniunt; in stirpes, cum veniunt jure representationis, id est ex persona ejus in cuius jus & locum successerunt.

2. Et successionis quidem in stirpes jure veteri inter descendentes tantum eosque de-

scendentium solos usus fuit qui ex filiis progeniti aut nepotibus ex filio in avi aut proavi de cuius successione agebatur potestate & in familia proximi mortis tempore inventi essent filii puta aut nepotibus præmortuis emancipatis, l. 1. §. 4. ff. de suis & legit. hered. l. 2. & 3. C. cod. l. 8. §. 8. de inoff. testam. Ulpian. in fragm. tit. 26. §. 1. Gaj. lib. 2. tit. 8. §. 2. Etenim ratio succedendi in stirpes ut ex citatis locis intelligere licet tota est ex jure singulari suorum heredum; nec aliud fundamentum habet quam quod filiifam. vivo etiamnum patre domini bonorum paternorum habitu sunt, l. 11. de lib. & post. §. 2. Inst. sup. de ber. qual. & jam heredes *κατὰ περιτίχη*; quodque hinc filio è familia patris sublato statim nepotes ex eo in locum ejus & gradum succedunt & jus sui heredis idem illud quod pater ante habuit quasi persona ejus induita in familia avi nanciscuntur, d. l. 1. §. 4. de suis & legit. §. 2. Inst. sup. de exher. lib. l. 13. de injust. rupt. Hoc siquidem jure constituto consequens omnino est ut nepotes & deinceps ex manuculis descendentes in successione avi ab intestato & ceterorum per patrem ascendentium in stirpes veniant, ut qui sunt ex una stirpe licet plures numero non amplius consequantur quam parentes eorum cujus personam representant laturus fuisse, & quam capiunt ex alia stirpe forte pauciores, d. l. 8. §. 8. ff. de inoff. test. d. l. 2. C. de suis & legit.

3. Ceterum postquam exemplo suorum heredum matris etiam & avia hereditas liberis delata fuit, & denique liberorum omnium conditio in successione parentum exæqua: placuit & hic quoque eamdem rationem in divisione hereditatis inter liberos primi & inferiorum graduum servari, §. ult. sub fin. buj. tit. l. 9. C. de suis & leg. Nov. 118. cap. 1. In linea quoque collaterali fratum & sororum filii jure representationis seu in stirpes veniunt cum defuncti fratribus ex eadem nova Justiniani constitutione, Nov. 118. cap. 3.

4. *Nec qui gradu proximior ulteriorem excludit*] Quem tamen excluderet nisi ulteriorem placaret in locum patris succedere & jure representationis quasi eodem gradu cum proximiore existentem ad successionem admitti. Hac autem verba declarant quomodo accipiendum sit quod præcedit, pariter ad hereditatem vocantur, nempe non de æqualitate partium hereditatis in quas succeditur, sed de pari ac æquali jure successionis, quod scilicet nepotes etiam locum patris ingressi, ut sui

sui heredes & ideo aequali jure & pariter si-
ve simul cum patruis suis ad successionem
avi vocentur, l. 3. C. de suis σ legit. Quod
autem in specie illic proposita etiam here-
ditas in partes aequales dividi debet, ex
accidenti est, ubi nepos ex uno filio & al-
ter filius soli concurrunt.

Et ex nepote pronepos proneptive) Et pari-
tem ratione si sit ex nepote pronepos pro-
neptive, & ex altero pronepote abnepos vel
abnepis simul vocabuntur. Nam jus repræ-
sentationis intra certum descendentium gra-
dum conclusum non est, per l. 1. §. 7. de
conjung. cum eman. lib. Nov. 118. cap. 1. Nec
aliud hoc loco propositum Justiniano fuit
quam exemplis que forte hic attulit decla-
rare quomodo remotiores concurrentes cum
proxinioribus succedant: quæ & communis
est Interpretum nostrorum sententia. Vid.
Gomez lib. 1. var. resol. cap. 1. n. 15. Schrad.
de feud. part. 7. cap. 5. n. 41.

5. In parentis sui locum succedere) Ratio
successionis in stirpes, quæ modo à nobis fu-
se explicata est. Ait, ex altero filio duo plu-
res; quare & si unus tantum sit filius & ex
altero filio sex nepotes, ille unus integrum
semissem hereditatis & tantum solus quan-
tum nepotes omnes habebit. Quod si plu-
res sint filii, singuli tantum capiunt quan-
tum nepotes ex filio præmortuo universi. Et
convenienter si duo aut plures sint nepotes
ex diversis filiis & ex alio nepote pronepo-
tes, hi pronepotes universi non plus ferent
quam nepotum singuli. Quibus casibus mix-
ta est successio. Observandum autem est non
minus nepotes ex filio quam nepotes in locum
parentum succedere, l. 1. §. 6. de suis σ le-
gitim.

6. Item si ex duobus filiis nepotes] Exem-
plum simplicis successionis in stirpes cum so-
li sunt nepotes ex diversis filiis; & hoc ca-
su maxime est conspicua vis repræsentationis,
quæ ex jure suitatis primam traxit originem.
Licet enim omnes hic pari gradu sint, ut
proprio singuli jure succedere posse videan-
tur; tamen postquam semel placuit nepotes
in locum patris sui demortui aliave ratione
exuti jure sui heredis succedere: non debuit
hoc jus ex accidenti aliquo variari, puta ut
soli nepotes ex diversis filiis & numero in-
aequales seu pauciores cum pluribus ex hac
vel illa stirpe concurrentes in capita here-
ditatem dividerent, l. 2. C. de suis σ legit.
ber. Quare sic in universum recte definiemus,
descendentes ex masculis omnes qui sunt di-

versarum stirpium, quantumvis ejusdem omnes
gradus, in stirpes non in capita succedere.

TEXTUS.

Quo tempore suitas spectatur.

7. Cum autem queritur an quis suus heres
existere possit; eo tempore querendum est quo
certum est aliquem sine testamento decessisse;
quod accidit σ destituto testamento. Hac ra-
tione si filius exheredatus fuerit σ extraneus
heres institutus, σ filio mortuo postea certum
fuerit heredem institutum ex testamento non fieri
heredem, aut quia noluit esse heres aut quia non
potuit, nepos aro suus heres existet: quia quo
tempore certum est intestatum decessisse patrem
familias solus invenitur nepos, σ hoc certum est.

COMMENTARIUS.

- 1 Quando quæstiōni propositæ locus. Et n. 4.
- 2 Plura exempla buc pertinentia.
- 3 Removentur quæ hic objici posse videntur.

1. Etsi certum est in causa successio-
nis ab intestato primum locum
obtinere suos heredes, tractari tamen potest
quo tempore inspiciendum sit an aliquis suus
heres existere possit, mortisne defuncti tan-
tum, an etiam alias delatae ab intestato he-
reditatis. Enimvero hæc quæstio locum ha-
bere non potest cum nullum testamentum de-
functus fecit aut non jure fecit: quo casu
palam est tempus mortis à tempore delatae
hereditatis non separari, ac ne tunc quidem
cum testamentum factum est sed vivo ad-
huc testatore vitiatum aut destruetum; nam
hic quoque necesse est ut tempus delatae he-
reditatis cum tempore mortis, quo jam nullum
erat testamentum, concurrat. At locum habet
in casu testamenti destituti, hoc est, cum in
irritum constituitur testamentum quod jure
factum erat post mortem testatoris, eo quod
heres scriptus ex testamento hereditatem non
adierit. Cum enim lex hereditatem nemini
deferat ab intestato quādiū ea ex testamen-
to adiri potest, l. 39. de adq. ber. hic jam
tractationi propositæ locus sit, utrum cum
queritur an ut quis tamquam suus heres
succedere possit inspiciendum sit tempus mor-
tis testatoris, quo adhuc sua vis testamento
constat; an tempus testamenti deserti, ut suf-
ficiat vel eo tempore suum esse quo heredi-
tas ab intestato deferri seu certum esse in-
cipit defunctum intestatum decessisse nemini
nemque ei ex testamento heredem fore? quod

posterioris placuit, l. 1. §. 8. de suis & legit. l. 6. in pr. vers. plane de injust. rupt. l. 7. unde lib. & hoc text. Hinc ergo interdum evenit ut suus heres existat qui eo tempore quo is de cuius hereditate agitur decessit suus heres non erat. Quæ res uno exemplo hic declaratur, videlicet si pater fam. testamento factò decesserit exheredato filio ex quo ei nepos erat, & post exheredati mortem contingat institutum heredem non esse; hoc enim casu nepotem avo suum heredem existere: quo exemplo etiam uritur Ulp. d. l. 1. §. 8. de suis & legit. Et Papin. d. l. 7. unde lib.

2. Aliud & simile habemus apud Theophilum, si filius exheredatus extraneo sub conditione instituto pendente conditione decesserit & postea defecerit conditio. Ulpianus d. l. 1. §. 8. etiam exemplum affert in filio sub conditione quæ fuit in arbitrio ipsius instituto & mortuo non impleta conditione. In legitima quoque agnatorum successione hujus questionis usus est, cum disputatur quo tempore spectanda proximitas, §. 6. seq. tit.

Quod accidit & destituto testamento] Id est cum ex testamento nemo heres extiterit, vel quia heres institutus heres esse noluit, vel quia non potuit, ut statim sequitur: quæ destinatio ex eo tempore patrem fam. tam intestatum facit quam si aut nullo facto testamento aut eo quod factum erat ante mortem evacuato decessisset, sup. in pr. buj. tit. d. l. 1. de suis & leg. her. l. 1. de injust. rupt. test.

3. *Si filius exheredatus & extraneus heres institutus & filio mortuo*] Ait exheredatus: nam ut valeat testamentum quo filius ipse non instituitur exheredatum cum nominatim esse oportet, l. 30. de lib. & post. sup. pr. tit. Inst. de exhered. lib. Ait filio mortuo, deliberante forte herede instituto, d. l. 1. §. 8. de suis & legit. hered. d. l. 7. unde liberi. Necesse autem est ut quæstioni locus sit filium medio tempore decessisse; alioqui ipse deserito testamento suus heres patri existet, l. 20. de honor. poss. cont. tabb. Hinc colligunt per exheredationem non tolli jus familiæ, & rete; alioqui ipse nepos prorsus patris locum occuparet atque ipso statim jure everteret testamentum avi. Vid. nostra ad §. 4. Inst. sup. de pup. subst.

Aut quia non potuit] Pura quod antequam hereditatem adiret mortuus sit, aut cum sub conditione heres institutus esset conditio deficerit. Adeunte igitur extraneo manet sepultum jus nepotis.

4. *Nepos suus heres existet*] Nec obstabit

nepoti quod filius exheredatus patri suo superstes fuit; quia filio non est delata hereditas: quæ ratio redditur in d. l. 1. §. 8. de suis & legit. significatur in l. 6. pr. vers. plane de injust. rupt. & d. l. 7. unde lib. ac simul removet quod objici posset, quamquam ejusdem potestatis est, in suis heredibus successiōnem non esse; videlicet quia isti regulæ tunc locus est quando quæsito est de nepote ut suo herede admittendo post delatam filio hereditatem, d. l. 1. §. 8. An jure civili hodierno in descendantibus locus sit edicto successorio, difficultis & intricata quæstio est, quæ fuse tractatur à Bart. Bald. Salic. Castr. in l. 3. C. unde lib.

TEXTUS.

De nota post mortem avi, vel adoptato à filio emancipato.

8. *Et licet post mortem avi natus sit tamen avo vivo conceptus, mortuo patre ejus posteaque deserto avi testamento suus heres efficitur.* Plane si & conceptus & natus fuerit post mortem avi, mortuo patre suo desertoque postea avi testamento suus heres avo non existet; quia nullo jure cognationis patrem sui patris attigit. Sed nec ille est inter liberos avi quem filius emancipatus adoptavit. Hi autem cum non sint sui (quantum ad hereditatem) liberi, neque bonorum possessionem petere possunt quasi proximi cognati. Hæc de suis heredibus.

COMMENTARIUS.

1. Species; & cur in ea filius non obstat nepoti aut nepos non rumpat.

2. Conceptum & natum post mortem avi buc non pertinet; & quare.

3. De adoptato à filio emancipato.

4. Amplius de concepto & nato post mortem avi.

1. *P*ost mortem avi natus tamen vivo conceptus] Aliud exemplum ad præcedentem tractationem pertinens & quamdam continens amplificationem: nempe si quis filio exheredato nuru prægnante decesserit, & filio deinde mortuo antequam partus edetur heres institutus omiserit hereditatem. Hic quoniam qui in utero sunt cum de commido eorum agitur pro jam natis habentur, l. 7. l. pen. de stat. hom. l. 7. de suis & legit. placet hunc nepotem licet natum post avi mortem non minus quam si ante natus fuisset avo suo ab intestato heredem fore; neque magis obsta-

stare nepoti filium quam in casu præcedenti, propter eamdem rationem quia filio non est delata hereditas, ut qui mortuus sit eo tempore quo adhuc ex testamento adiri poterat. Cur vero hic nepos postumus non rumpit agnascendo? Nimirum quia agnascendo is solus rumpit quem tempore mortis nemo præcedebat. Hæc ad hunc ferme modum Jurisconsultus in l. 6. pr. vers. plane de *injust. rupt.*

2. *Plane si & conceptus & natus*] Quod dictum est §. præc. nepotem avo suo heredem existere posse qui tempore mortis suus non erat, modo solus inveniatur tempore destituti testamenti, hoc nunc sic restringit, ut dicat id locum habere cum tempore mortis nepos jam in rebus humanis fuit aut saltu vivo avo conceptus, cum Ulpiano in l. 1. §. 8. de *suis & leg.* De nepote vero concepto post avi mortem ait, hunc nepotem mortuo patre suo non posse deserto testamento suum heredem avo existere; & addit rationem quia nullo jure cognationis patrem sui patris attigit. Ratio generalis, ex qua consequitur nec posse eum ullo alio jure succedere, neque ut nepotem, neque ut cognatum ad bonorum possessionem admitti: quod etiam in calce expressum est & pluribus locis apertissime traditum. Sed de eo videbimus postea.

3. *Quem filius emancipatus adoptavit*] Quem filius meus emancipatus adoptavit nepos meus non est l. 26. de *adopt.* Ratio perspicua est, quia per emancipationem filius agnatus esse desiit; & ita jus constitutum est, ut adoptati his tantum quibus agnascuntur cognati fiant, l. 23. cod. tit. ut mirum non sit mortuo filio emancipato non posse adoptivum illum vel tamquam suum vel tamquam inter liberos hereditatem vel bonorum possessionem petere. Unde putaverit aliquis hoc exemplum positum esse loco alieno; sed videtur Justinianus qualique similitudine illustrare voluisse quod dixerat de nepote concepto post mortem avi.

Cum non sint sui] Vocem *suis* delendam esse Contius & Hotomannus existimant, propterea quod ante dixit ne cognatos quidem esse, nedum liberos. Sed non placet nimia ista scrupulositas in examinandis verbis conditorum juris. Et cur vero vox ista retineri non posset? Per occasionem dumtaxat, ut probet suos non esse ne cognatos quidem esse ait; ceterum tota disputatio ex professo de suis heredibus instituta est ut ipse Justinianus testatur in extremo hujus §.

Quantum ad hereditatem] Recte quantum

ad hereditatem; nam in aliis rebus, puta privilegiis, causis prohibendarum nuptiarum, iure patronatus nepotes etiam post mortem avi concepti pro liberis habentur; & sunt sane sanguine conjuncti omnibus qui ayo fuerunt aut ab eo descendunt, l. 1. §. pen. de *suis & leg.* Quod succedant in jus patronatus docet Paul. l. 47. §. 3. de *bon. libert.* quo argumento admitti videntur & ad feuda, ad emphyteusin acceptam pro descendantibus, item ad jus retractus. D. Tulden. comm. bīc cap. 4.

4. *Neque bonorum possessionem petere quæti proximi cognati*] Sicut is qui post mortem avi concipitur non vocatur ad legitimam avi hereditatem tamquam suus heres, ita nec bonorum possessionem tamquam cognatus accipere potest; quia ut lex XII. tabb. eum voeat ad hereditatem qui moriente eo de cuius bonis agitur in rerum natura fuit, quo in numero etiam habetur qui vivo eo est conceptus: ita prætor proximitatis nomine bonorum possessionem pollicetur his qui defuncto mortis tempore cognati fuerunt, l. 6. cum 2. seqq. de *suis & legit.* l. 6. in pr. vers. plane de *injust. rupt.* l. 1. §. 8. unde cogn. Quare quod dictum supra est, nepotem qui tempore deserti testamenti solus & proximus inventur avo suum heredem existere, hoc sic est intelligendum, si & remoto mortis tempore obstaculo, aut testamento non facto, & nemine eum tunc præcedente statim jus succendi habuisset: quod habere non potest qui moriente avo in rebus humanis non est. Quod vero nepotes cognati appellantur etiam eorum post quorum mortem concepti sunt, id Julianus scribit non proprie sed per abusum, vel potius ἀραφορικῶς (per relationem) accidere, l. 8. de *suis & legit. her.* Pileus, ut refert Accursius bīc, putavit nunc etiam posse hunc nepotem suo jure succedere ex Nov. 118. cap. 1. sed contraria Joannis sententia pluribus probata est, testibus Joann. Fab. & Angel. bīc. Sane d. Nov. nihil juvat opinionem Pilei, utpote qua tantum tollitur differentia sexus gradus & potestatis. Add. Bachov. in Treutl. vol. 2. disp. 16. thes. 1. D. Tulden. in tit. C. de *suis & legit.* n. 4. & d. cap. 4. ad hunc tit. ubi tamen fatendum esse ait proposito Justiniani, qui omnia in hac successione ad simplicitatem naturæ redigere studet, maxime consentaneum esse ut hoc quoque emendatum voluerit; ceterum cum id expresse non fecerit, hujusmodi causa eveniente opus esse remedio Principali per l. 2. de *reb. eor.* qui sub tut.

tut. VINN. Potest tamen nepos etiam post avi mortem conceptus & editus bonorum possessionem contra tabulas liberti aviti petere, quia licet non sit avo agnatus, est tamen liberti aviti patronus eoque jure ad hujus successionem vocatur, l. 47. §. pen. ff. de bon. libert. Vid. Balduin. & Giphan. ad hunc §. HEIN. Adi Gomecium tom. I. var. cap. I. n. 8. & seqq. ubi sententia hujus textus quamplurimas subjungit exceptions, eam autem ad majoratus non extendi pro certo tradit Molin. lib. I. de Hispan. Primog. cap. 6. n. penult. & ult. ADDIT.

TEXTUS.

De liberis emancipatis.

2. Emancipari autem liberis jure civili nibil juris habent; neque enim sui heredes sunt qui in potestate morientis esse desierunt, neque ullo alio jure per legem duodecim tabularum vocantur. Sed prætor naturali aequitate motus dat eis bonorum possessionem unde liberi, perinde ac si in potestate parentis tempore mortis fuissent: sive soli sint sive cum suis heredibus concurrant. Itaque duobus liberis existentibus, emancipato uno & eo qui tempore mortis in potestate fuerit, sane quidem is qui in potestate fuit solus jure civili heres est & solus suus heres; sed cum emancipatus beneficio prætoris in partem admittitur, evenit ut suus heres pro parte heres fiat.

COMMENTARIUS.

* Qua ratione motus & quo colore prætor emancipatis deferat bonorum possessionem unde liberi.

I. **L**iberis emancipatis contingit capitulis deminutio per quam jus agnationis & familiae amittunt, ut late docetur lib. I. Inst. Proinde cum nec sui heredes sint qui in potestate esse desierunt, nec agnati propter mutationem familiae: verus legitima hereditas quæ lege XII. tabb. suis dumtaxat heredibus & post hos agnatis defertur ad eos non pertinet, l. 11. de suis & leg. l. 1. §. 8. ad sen. Tertyll. l. 7. de cap. minut. Ceterum quia nihilominus liberi manent, quia manet naturæ vinculum & jus sanguinis, l. 4. unde lib. I. 8. de reg. jur. & maxime quia nihilominus verum est ex masculis eos esse procreatores, prætor his succurrat rescinditque capitulus deminutionem, ut loquitur Jurisconsultus l. 6.

§. 1. in fin. de bon. poss. hoc est, perinde emancipatos vocat ac si capite minuti non essent, vique ipsa restituit iis jus suorum heredum dum eis defert bonorum possessionem unde liberi, atque in partem bonorum parentorum unà cum suis heredibus admittit. Sic & in ordinatione testamenti eadem ratione adductus prætor quod jus civile in suis tantum heredibus requirebat jussit liberos emancipatos vel heredes institui vel exhederari, data præteritis bonorum possessione contra tabulas, §. 3. Inst. sup. de exher. lib.

Neque ullo alio jure] Lex XII. tabb. ad legitimam hereditatem vocabat alios jure suitatis, alios jure agnationis, alios jure patronatus. Quod ergo ait, liberos emancipatos neque suos heredes esse neque alio jure à lege vocari, planum ac perspicuum sensum habet, nec jure agnationis eos vocari, nec jure patronatus quo vocantur patrono mortuo liberi ejus ad legitimam hereditatem liberi, infr. tit. Inst. de succ. libert. ac proinde nodum in scripto quærit Hotomanus dum pro his verbis per legem XII. tabb. legendum existimat præter legem &c.

Bonorum possessionem unde liberi] L. 4. & passim si tab. test. null. ext. unde liberi §. 1. Inst. inf. de bonor. poss. Ceterum si quæ propria habent his qui in potestate manserunt conferre debent, l. 20. §. 1. ff. contr. tabb. l. 9. l. 18. C. de collat. Ulp. lib. 2. Inst. apud Rufin. tit. de legit. success. Unde liberi autem dicimus præcisè, pro ex ea parte edicti unde liberi vocantur: quod in ceteris quoque bonorum possessionibus usuvenit. Sic dicitur bonorum possessio unde legitimi, item unde cognati, & unde vir & uxor, d. §. 1. & seq. Inst. infr. de bon. poss.

In partem admittitur] Dimidiam scilicet: *τις τὸν πατέρα* Theoph. Nam emancipati apud prætorem sunt loco suorum heredum, tit. seq. in pr. d. §. 1. de bon. poss. Et expresse scribit Justinianus l. ult. §. 1. C. de legit. ber. filium emancipatum in patris successionem sine ulla deminutione à prætore vocari. Hæc autem bonorum possessio etiam suis heredibus ex abundanti proposita, d. §. 1. de bon. poss. l. 1. §. 6. unde liberi. Jure novissimo etiam jure civili emancipari succedunt, Nov. 118. cap. 1.

TEXTUS.

Si emancipatus se dederit in adoptionem.

10. At bi qui emancipati à parente in adoptione-

ptionem se dederunt non admittuntur ad bona naturalis patris quasi liberi, si modo cum is moreretur in adoptiva familia fuerint. Nam vivo eo emancipati ab adoptivo patre perinde admittuntur ad bona naturalis patris ac si emancipati ab ipso essent nec unquam in adoptiva familia fuissent. Et convenienter quod ad adoptivum patrem pertinent extraneorum loco esse incipiunt. Post mortem vero naturalis patris emancipati ab adoptivo patre, & quantum ad hunc adoptivum patrem pertinet, æque extraneorum loco sunt; & quantum ad naturalis patris bona pertinet nibil magis liberorum gradum nanciscuntur. Quod ideo sic placuit, quia iniquum erat esse in potestate patris, adoptivi ad quos bona naturalis patris pertineant, utrum ad liberos ejus an ad agnatos.

COMMENTARIUS.

1. Cur ad bonorum possessionem unde liberi non vocentur qui à patre emancipati se adrogandos dederunt.
2. Cur ab adrogatione emancipati vivo patre naturali jus liberorum recuperent, secus si post mortem ejus; & quid hic respectu patris adoptivi.

Quod dictum fuit, liberos emancipatos beneficio prætoris vocari ad bonorum possessionem unde liberi, id hic locus docet non esse perpetuum; & primum non pertinet ad eos qui à patre emancipati se adrogandos dederunt & quo tempore pater naturalis moritur adhuc sunt in potestate & familia patris adoptivi, fac. l. ult. unde liberi: deinde non pertinere omnino ad emancipatos à patre adoptivo cum de illius successione queritur: quæ mox seqq. §§. plenius declarantur.

In adoptionem] Manifestum est verbo generali significari hoc loco speciem adoptionis quæ adiogatio dicitur; quippe quæ sola eorum est qui sunt juris, §. 1. Inst. sup. de adopt.

1. Non admittuntur] L. 4. unde liber. Et enim prætori hoc solum propositum fuit ut succurreret emancipatis qua tales sunt, idque ratione quadam commisserationis, quæ in iis cessat qui se dederunt in adrogationem alium que sibi patrem quasiverunt, dum his satis consultum in familia adoptiva, in qua jus suorum heredum & agnationis nanciscuntur. Ad hanc prætor emancipatos vocat inter suos heredes & tamquam suos, tit. seq. in pr. l. 6.

§. 1. de bon. poss. ratiō autem non patitur ut quis jus sui heredis habeat in duabus familiis.

Quasi liberi] Id est, ex ea edicti parte qua prætor ad successionem ab intestato liberos vocat: quod ideo expressit, quia etsi non admittuntur ut liberi, admittuntur tamen alia parte edicti, qua scilicet vocantur cognati, §. 13. inf. hoc tit. Illud satis constat, inter legitimos eos non admitti, quia jus agnationis per capitis deminutionem extinctum est.

2. Nam vivo eo emancipati ab adoptivo patre perinde admittuntur] Si liberi uaturales emancipati & adoptati iterum emancipati sint, prætor ex humanitate his restituit jus naturale liberorum quod ademerat adrogatio, perindeque eos admittit ad bonorum possessionem patris naturalis ac si semper sui juris mansissent, l. 4. unde lib. scilicet quia aliqui foret ut spe omni desticerentur atque excluderentur & à patris naturalis successione & adoptivi.

Quod ad patrem adoptivum pertinet extraneorum loco] Jura enim adoptionis in totum dissolvuntur emancipatione, ita ut & nomen liberorum emancipati à patre adoptivo amittant, & pater adoptivus post emancipationem pater esse designat, l. 1. §. 6. l. 4. unde lib. l. 2. §. 15. ad Tertyll. denique nullum ferre ex pristino jure retineatur vestigium, l. 13. de adopt. Particula (fere) eo loco addita à Jurisconsulto, propterea quod filiam quodnam adoptivam uxorem habere non possum, l. 55. de rit. nupt.

Post mortem patris naturalis] In bonis patris adoptivi nihil juris habent, sive ante siue post mortem patris naturalis ab adrogatione emancipati fuerint; quod vero attinet ad successionem patris naturalis interest emancipati sint vivo adhuc patre an post mortem ejus: nam priori casu jus liberorum per adrogationem amissum beneficio prætoris recuperant; posteriore casu non item, sed tertio demum loco invitantur ad bonorum possessionem unde cognati, §. 13. inf. hoc tit.

Iniquum erat esse in potestate patris adoptivi] Ratio cur ab adrogatione emancipati post mortem patris naturalis liberorum gradum non consequantur; ne aliqui in potestate adrogatoris sit utri ad successionem ab intestato veniant, liberine an agnati: quippe qui facere posset ut succederet agnatus proximus non emancipando, ut non succederet emancipando; atque ita jus hereditatis ex alie.

no penderet arbitrio: quod regule juris non admittunt, l. 32. de ber. inst. Sed longius ista *diuoxia* (*rationis redditio*) petita est. Commodius hæc afferri poterat, ne jam delata aut quæsita aliis liberis aut agnatis hereditas ex postfacto & accidenti auferatur; neque ulla hic fit injuria liberis, utpote qui & ulti se in adoptionem dederunt postquam à patre naturali emancipati fuere, & volentes iterum sunt emancipati à patre adoptivo.

TEXTUS.

Collatio filiorum naturalium &
adoptivorum.

11. *Minus ergo juris habent adoptivi filii quam naturales. Namque naturales emancipati beneficio prætoris gradum liberorum retinent licet jure civili perdant. Adoptivi vero emancipati, & jure civili perdunt gradum liberorum & à prætore non admittuntur;* & Recl. *Natura-*
lia enim iura civilis ratio perimere non potest;
nec quia desinunt sui heredes esse possunt de-
sinere filii filie & nepotes neptes esse. Adopti-
vi vero emancipati extranorum loco incipiunt
esse: quia jus nomenque filii filie & quod per
adoptionem consecuti sunt alia civili ratione,
id est emancipatione, perdunt.

COMMENTARIUS.

Hic locus continet antithesin liberorum emancipatorum naturalium & adoptivorum, cuius explicatio petenda ex iis quæ dicta sunt sub §§. præc. 9. & 10. Summa hæc est: liberos naturales emancipatos jus liborum & successiones ab intestato quod amittunt jure civili retinere jure prætorio; emancipatos vero ex adoptione nec à prætore liberorum numero haberi, ullo modo vocari ad successionem quondam adoptivi patris. Ratio, quia illi etsi sui heredes esse desinunt, quod nomen civile est, non tamen desinunt esse liberi naturæ; hi plane extranei fiunt jusque & nomen liberorum adoptione quæsuum emancipatione perdunt, l. 1. §. 6. l. 4. unde lib. Regula, *Civilis ratio civilia iura perimere &c.* plenissime à nobis explicata est sub §. ult. Inst. de leg. agn. tut. & §. pen. Inst. de cap. dem.

TEXTUS.

De bonorum possessione contra tabb.

12. *Eadem boc observantur & in ea bono-*

rum possessione quam contra tabulas testamen-
ti parentis liberis præteritis, id est neque
beredibus institutis neque ut oportet exheredatis, prætor pollicetur. Nam eos quidem qui in
potestate mortis tempore fuerint & emancipa-
tos vocat prætor ad eandem bonorum posse-
sionem; eos vero qui in adoptiva familia fue-
rint per hoc tempus quo naturalis parens more-
retur repellit. Item adoptivos liberos emancipa-
tos ab adoptivo patre, sicut nec ab intestato,
ita longe minus contra tabulas testamenti ad
bona ejus admittit: quia desinunt in numero
liberorum ejus esse.

COMMENTARIUS.

- 1 *Etiam suis beredibus propositam bonorum pos-*
sitionem contra tabulas.
- 2 *Communia utriusque bonorum possessions.*
- 3 *Difficilis quem admitti ad bonorum posse-*
sionem contra tabulas quam ab intestato.

Prætor non tantum in causa successionis ab intestato liberis emancipatis succurrit data iis bonorum possessione *unde liberi*; ve-
rum etiam testamento factò pollicetur præter-
itis bonorum possessionem contra tabulas: quæ
bonorum possessio cum præcedenti illa tribus
in rebus hoc loco comparatur.

Neque ut oportet exheredatis] Non enim quævis exhereditatio summovet liberos à bo-
norum possessione contra tabulas, sed quæ
rite facta est; quæ vitiōse, pro præteritione
habetur, l. 8. §. 2. de bon. poss. contr. tabb.
§. 3. Inst. sup. de exher. lib. Incaute D. Tuld.
inf. tit. Inst. de bon. poss. cap. 5. pro non recte
aut vitiōse, dixit inique; nam qui dicunt *ini-*
que se exheredatos, certum est iis nullum re-
medium superesse præter querelam inofficiosa
testamenti. Eodem autem modo quo jure ci-
vili testamento factò liberi sui heredes insti-
tuendi sunt aut exheredandi, filii scilicet no-
minatim filia & nepotes saltem inter ceteros,
voluit prætor institui aut exheredari etiam
emancipatos; eoque neglecto decernit eis bo-
norum possessionem contra tabulas testamenti,
§. 3. Inst. sup. de exher. lib.

1. *Eos qui in potestate*] Sive naturales si-
ve adoptivos, l. 1. in pr. contra tabb. Licet
enim bonorum possessio contra tabulas potis-
simum comparata sit emancipatorum gratia;
quippe qui exheredati aliud remedium non
habebant: eadem tamen & in potestate con-
stitutis sive suis heredibus proposita, si ne-
que instituti neque exheredati sunt, d. l. 1.

in pr. quamvis horum præteritione testamen-tum vitietur nulliusque momenti jure civili sit, *l. 1. de injuri. rupt. test.* ut proinde ex abundantia hoc illis beneficium tribuatur: fac.
l. 2. C. eod. sit.

2. *Vocat ad eamdem possess.*] Sequuntur nunc comparationes utriusque remedii à similibus. Prima similitudo in eo est, quod ut bonorum possessio unde liberi & suis & eman-cipatis pariter proposita est: ita & hæc bonorum possessio contra tabulas, *d. l. 1. in pr.* junct. §. 6. cont. tabb. Secunda, quod sicut illa ab intestato non datur liberis qui tempore mortis patris naturalis in aliena familia sunt: ita nec hæc eis detur contra illius tabulas, & eamdem scilicet ob causam quia alium patrem habent cui sui heredes sunt jure civili, *l. pen. non procul à pr. C. de adopt.* Tertia, quod quemadmodum illa ab intestato non datur emancipatis à patre adoptivo: ita nec hæc contra tabulas testamenti patris adoptivi, quia non sunt amplius ex liberis, jure adoptionis per emancipationem soluto, *d. l. 1. §. 6. l. 5. §. 2. de bon. poss. cont. tabb.*

3. *Ita longe minus contra tabb.]*A' *ραοχεύδης* (arguit) à minori ad majus & difficilius. Qui non admittitur ad bonorum possessionem ab intestato, is non debet admitti ad bonorum possessionem contra testamentum; illud enim minus est, hoc majus propter favorem testamenti, cuius rescissio difficulter & non nisi gravi ex causa permittitur. Unde Justinianus cùm iis qui adoptati sunt ab extraneo reser-vet jus succendit ab intestato, tamen testa-mento factò præteritos aut exheredatos à suc-cessione in totum repellit, *d. l. pen. C. de adopt.* §. 13. inf. hoc tit.

TEXTUS.

Unde cognati.

13. *Admonendi tamen sumus eos qui in aliena familia sunt quive post mortem naturalis parentis ab adoptivo patre emancipati fuerint, intestato parente naturali mortuo licet ea parte edicti qua liberi ad bonorum possessionem vocantur non admittantur, alia tamen parte vocari, scilicet qua cognati defundi vocantur. Ex qua ita admittuntur, si neque sui heredes liberi neque emancipati obstat, neque agnatus quidem ullus interveniat. Ante enim prætor liberos vocat tum suis heredes quam emancipatos, deinde legitimos heredes; tertio proximos cognatos.*

COMMENTARIUS.

1. *Cur ab adrogatione emancipati post mortem*

patris naturalis admittantur ut cognati, non admittantur ut liberi.

2. *Hodie vix esse bujus questionis usum.*

1. **D**Eclarat hic Imperator quomodo accipiendum quod dictum est, li-beros qui emancipati à patre naturali se in adoptionem dederunt & adhuc cum is mori-tur in adoptiva familia suarū aut post mortem demum patris ab ea emancipati fuerunt ad bonorum ejus possessionem non admitti: nem-pe non admitti neque ex capite edicti quo vocantur liberi quod ante quoque obiter monuimus, neque ex capite altero quo vo-cantur agnati; sed admitti tamen tertio sci-licet loco in ordine cognatorum, inque eo ceteris cognatis jure proximitatis præponi. Cu-jus rei ratio hæc est, quia etsi jus & nomen liberorum per adoptionem amittunt & agna-ti quoque esse desinunt: cognationis tamen jura in familia patris naturalis semper reti-nent, utpote fortiora quam ut per actum ci-vilem adoptionis perimi possint, *l. 1. §. 4. unde cogn. §. ult. Inst. sup. de leg. agn. tut.* Cur vero minus liberorum numero quam co-gnatorum à prætore habentur, cum utrumque nomen æque naturale sit? Quia absurdum prætori visum est suorum heredum loco esse patri naturali eos qui alium patrem habent cui sunt sui heredes jure civili. Nam sci-endum est, emancipatos à prætore vocari non simpliciter ut liberos sed ut suos heredes, quorum numero eos habet, *tit. seq. in pr.* pro-inde nomen liberorum propemodum civile esse, non utique vocis sono sed intellectu ju-ris prætorii.

2. Hodie vix ullus esse videtur hujus §. usus. Nam cum Justinianus discrimen agna-tionis & cognitionis susulerit & cognatos æque ac agnatos ad successionem ab intesta-to vocaverit secundum gradus cuiusque præ-rogativam, *Nov. 118. cap. 3. §. 4.* conse-quens est liberos de quibus hic agitur non cognatis tantum sed agnatis etiam omnibus præferri.

Post mortem naturalis parentis] Minime mi-rum; nam emancipatio hæc potius augere de-bebat quam minuere jus illud quod ut co-gnati in bonis patris naturalis habebant cum adhuc essent in familia adoptiva. Sane nisi bonorum possessio patris naturalis deferretur liberi tunc cum adhuc sunt in familia alie-na, non deferretur emancipatis post illius mortem: ut disseruimus *sup. §. 10.*

Nec agnatus ullus] Nam prætor totum agna-to-

torum ordinem cognatis anteposuit; & ideo licet remotiores sint agnati, cognatis tamen proximioribus præferuntur: quod ulti videtur prætor dedisse jure civili quo agnati soli vocantur cognatis insuper habitis.

Ante enim prætor liberorum. &c.] Hi sunt tres illi gradus successionum ab intestato aut potius ordines succedendi quos prætorem fecisse legimus. Primus ordo est liberorum, sive sui heredes sint sive emancipati. Secundus legitimorum; nam statim post liberos ad bonorum possessionem admittit agnatos. Tertius cognatorum, quos jure civili in totum exclusos vocat deficientibus agnatis, l. 1. §. 1. unde lib. l. 1. in pr. quis ord. in bon. poss.

TEXTUS.

Emendatio juris antiqui. De adoptivis.

14. *Sed ea omnia antiquitatē placuerunt;* aliquam autem emendationem à nostra constitutione acceperunt, quam super iis personis expusimus que à patribus suis naturalibus in adoptionem aliis dantur. Invenimus etenim nonnullos casus in quibus filii & naturalium successionem propter adoptionem amitterebant, & adoptione facile per emancipationem soluta ad neutris patris successionem vocabantur. Hoc solito more corrigentes constitutionem scripsimus, per quam definimus, quando parens naturalis filium suum adoptandum alii dederit, integra omnia jura ita servari atque si in patris naturalis potestate permanisset nec penitus adoptio fuisse subsecuta; nisi in hoc tantummodo casu ut possit ab intestato ad patris adoptivi venire successionem. Testamento autem ab eo factō neque jure civili neque prætorio ex hereditate ejus aliquid persecui potest, neque contratabulas bonorum possessione agnita, neque inofficiosa querela instituta; cum nec necessitas patri adoptivo imponatur vel heredem eum instituere vel exheredem facere, utpote nullo vinculo naturali copulatum; neque si ex Sabiniano senatusconsulto ex tribus moribus fuerit adoptatus. Nam & in ejusmodi casu neque quarta ei servatur neque ulla aſſio ad ejus persecutionem ei competit. Nostra autem constitutione exceptus est is quem parens naturalis adoptandum suscepit; utroque enim jure tam naturali quam legitimo in banc personam concurrente pristina jura tali adoptioni servamus: quemadmodum si paterfamilias sese dederit adrogandum; quæ

specialiter & singulatim ex prefata constitutionis tenore possunt colligi.

LL. 8. & 9. tit. 16. Part. 4.

COMMENTARIUS.

1. *Quæ mutatio & quam ob causam circa successionem adoptivarum facta à Justiniano.*
2. *Notatur Bachovii oscitatio.*
3. *Collectiones Triboniani minime necessarie.*
4. *Sabiniano senatusconsulto quid cautum.*
5. *Disputationem de successione adoptivarum hodie inutilem esse.*

1. **H**oc §. refertur & insculcatur jus novum quod à Justiniano circa liberos adoptivos introductum est l. pen. C. de adopt. & de quo actum sup. §. 2. Inst. de adopt. Summa huc redit. Jus vetus ita fuit ut non tantum qui adrogabantur in potestatem & familiam patris adoptivi transirent; verum etiam qui filiifam. à patre naturali in adoptionem alii dabantur sine ulla distinctione jus liberorum & suorum heredum in familia naturali amitterent novumque nanciscerentur in familia adoptiva. In adrogatione nihil mutatum, in adoptione nonnihil propter incommodum quod ex veteri jure nasci poterat. Igitur in casu filii à patre naturali in adoptionem dati ita Justiniano placuit, ut si datus sit personæ extraneæ (qualis omnis qui est extra lineam parentum) non transiret in potestatem & familiam hujus patris adoptivi, sed jus parentis naturalis salvum maneret, retinereturque filius in illius familia nomen & jus sui heredis; & porro, quod huic consequens erat, ut impune à patre adoptivo testamento facto præteriri aut exheredari posset, hoc uno tamen ei concesso ut ab intestato huic patri succedat. Si vero datus sit personæ non extraneæ, sed avo materno puta, aut nepos post emancipationem patris conceptus & editus avo etiam paterno jus vetus integrum reliquit sine ulla innovatione.

Quia invenimus nonnullos casus] Usus videtur plurativo pro singulari. Nam unus dumtaxat casus reperitur quo in adoptionem extraneo dati & patris naturalis & adoptivi hereditate excidere poterant, videlicet si post mortem patris naturalis ex adoptione essent emancipati: cuius etiam solius mentio in d. l. pen. C. de adopt.

Ut possit ab intestato) Et quidem jure sui heredis; hoc enim jus diserte hactenus ei tribui-

batur, d.l.pen. §. 1. in fin. Atque ita occurrit hic casus singularis quo si qui in potestate non est & tantum non extraneus, sui heredis jus habeat voceturque ad hereditatem unâ cum defuncti liberis naturalibus & legitimis. Ceterum voluit Justinianus hanc adoptionem tantum prodesse adoptato ad solam successionem extranei patris adoptivi, non etiam ad consequenda jura legitima in ejus familia, d.l.pen. §. 1.

2. Quamobrem vix scio quid sibi velit Bachovius qui pro limitatione hic addendum scribit ex Nov. 118. cap. 3. concurrere hunc extraneum adoptatum tantum cum liberis ab uno latere conjunctis quia cum utrumque conjuncti excludant consanguineos & uterinos, multo magis adoptatum excludere debeant &c. Non puto Bachovium tam profunde somniasse, ut quamvis sic loquatur existimaverit liberorum quosdam esse ex uno latere conjunctos, quosdam ex utroque; & hos illis, ac proinde & adoptatis in successione parentis ex d. Nov. præferri; sed ut apparet ex d. cap. 3. quod allegat cogitasse de successione collateralium, & admonere voluisse in ea successione adoptivos defuncti fratres ex d. Nov. cap. 3. non plus juris habere posse quam conjunctos ex uno parente tantum, quibus præferuntur conjuncti utrumque. Credibile quoque est eum intellexisse liberos adrogatos; nam hi de quibus hic agimus liberis extranei adoptatoris fratres non sunt, nec eis succedunt prorsus. Utur sit, aut alienum est quod Bachovius monet aut fallitur.

Neque jure civili neque jure prætorio] Olim liberi adoptivi omnes qui transibant in familiam patris adoptivi quamdiu in eadem conditione manebant, non minus quam justis nuptiis quæsiti, heredes institui aut exheredari debebant: præteriti & jure civili testamentum nullum dicere poterant, & jure prætorio contra tabulas bonorum possessionem petere: exheredatis patebat querela inofficiosa testamenti, §. 4. Inst. sup. de exher. lib. 1. in pr. cont. tabb. §. 2. Inst. sup. de inoffic. testam. quod Justiniani lege mutatum in adoptatis ab extraneo, velut consequens ei quod voluit, eos non transire in adoptivi patris potestatem. Ergo ex dicta constitutione impune hi præteriri vel exheredari possunt, nulloque remedio sive civili sive prætorio adversus testamentum adjuvantur, d.l.pen. C. de adopt. Non obloquitur sibi Justinianus cum ait emancipatione talis filii jura ado-

Tom. II.

ptiva dissolvi, l.pen. §. 2. C. de adopt. Hoc enim non de jure familie aut patriæ potestatis intelligi debet, sed de jure succedendi ab intestato, quod solum apud patrem adoptivum habebat.

3. Cum nec necessitas imponatur patri adoptivo] Non satis bona collectio: non est necesse hunc heredem instituere vel exheredare, qui tamen præteriti aut exheredati testamentum per querelam inofficiosi impugnant. Sic nec illa consecutio necessaria est: Non est mihi naturali vinculo copulatus: ergo non est necesse eum heredem instituere &c. quasi solo vinculo civili nemo adstringatur ad aliquem heredem instituendum &c. quæ tanen vis adhuc hodie est adrogationis, ut in fin. bujus §.

4. Ex Sabiniano senatusconsulto ex tribus maribus) Quo senatusconsulto, quantum ex hoc loco conjicere est, cœtum fuit ut qui unum è tribus alterius liberis maribus adopasset quartam partem ei bonorum suorum relinquere cogeretur, sicut ex constitutione Antonini Pii quarta relinquenda est adrogatio impuberi. Ex eodem senatusconsulto manasse videtur quod Justinianus commemorat in l. ult. C. de decur. lib. 10. ut qui tres maris haberet, si unum ex iis qui decurio esset in senatum maximum allegendum curaret, ei curia liberationem pareret; quod referendum inter privilegia πολυπαρδίας (numerose prolis). Meminit quoque hujus senatusconsulti Justinianus in d.l. pen. §. 3. C. de adopt. Nihil agunt qui hunc locum vel aliter explicant, ut Connan 2. comm. 15. vel aliter legunt, & pro tribus maribus ut etiam legitur apud Theoph. substituunt tribus manibus, ut Alciat. 4. parerg. 3. tribus mancipacionibus, ut Rævard. cap. 6. de auctl. prud. Add. Cujac. in d. l. ult. C. de decur. Gothofred. ad l. pen. §. 3. C. de adopt.

Pristina jura tali adoptioni servamus) Propterea quod hoc casu concurrente naturali vinculo cum civili cessat metus superioris incommodi, ne scilicet adoptatus ab utriusque patris successione aliquando excludatur: qui sensus est d.l.pen. C. de adopt.

5. Jus vetus adoptionis plane nunc exolevit; neque enim adoptati aut liberorum aut agnatorum aut cognatorum jure hodie censentur, sed tantum pro aliois sunt: ut proinde tota disputatio de successione liberorum adoptivorum hodie sit inutilis. Videsis

TEXTUS.

De descendantibus ex feminis.

15. Item vetustas ex masculis progenitos plus diligens solos nepotes vel neptes qui quæve ex virili sexu descendunt ad suorum vocabat successionem & jure agnatorum eos anteponebat; nepotes autem qui ex filiabus nati sunt & pronepotes qui ex nepribus cognatorum loco connumerans post agnatorum lineam eos vocabat, tam in avi vel proavi materni quam in avia vel proavia sive paterna sive materna successionem. Divi autem Principes non passi sunt talem contra naturam injuriam sine competenti emendatione relinquere; sed cum nepotis & pronepotis nomen commune sit utrisque tam qui ex masculis quam qui ex feminis descendunt, ideo eundem gradum & ordinem successionis eis donaverunt. Sed ut amplius aliquid sit eis qui non solum nature sed etiam veteris juris suffragiis muniuntur, portionem nepotum vel neptum vel deinceps (de quibus supra diximus) paulo minuendam esse existimaverunt, ut minus tertia parte acciperent quam mater eorum vel avia fuerat acceptura, vel pater eorum vel avis paternus sive maternus, quando femina mortua sit cuius de hereditate agitur; iisque licet soli sint adeuntibus agnatos minime vocabant. Et quemadmodum lex duodecim tabularum filio mortuo nepotes vel neptes pronepotes vel neptes in locum patris sùl ad successionem avi sui vocat; ita & Principalis dispositio in locum matris suæ vel aviae eos sum jam designata partis tertie diminutione vocat. Sed nos cum adhuc dubitatio maneret inter agnatos & memoratos nepotes, quartam partem substantia defuncti agnatis sibi vindicantibus ex cuiusdam constitutionis auctoritate, memoratam quidem constitutionem à nostro Codice segregavimus; neque inseri eam ex Theodosiano Codice in eo concessimus. Nostra autem constitutione promulgata toti juri ejus derogatum est; & sanximus talibus nepotibus ex filia vel pronepotibus ex nepte vel deinceps superstitibus agnatos nullam partem mortui successionis sibi vindicare; ne bi qui ex transversa linea veniunt posteriores bis babeantur qui recto jure descendunt. Quam constitutionem nostram obtinere secundaria sui vigorem & tempora & nunc sancimus; ita tamen ut quemadmodum inter filios & nepotes ex filio antiquitas statuit non in capita sed in stirpes di-

vidi hereditatem: similiter nos inter filios & nepotes ex filia distributionem fieri jubeamus, vel inter omnes nepotes & neptes & inter pronepotes vel proneptes & alias deinceps personas; ut utraque progenies matris vel patris avie vel avi portionem sine ulla diminutione consequatur; ut si forte unus vel duo ex una parte, ex altera tres aut quatuor extent: unus aut duo dimidiā, alteri tres aut quatuor alteram dimidiā hereditatis habeant.

L. 3. tit. 13. Part. 6.

COMMENTARIUS.

- 1 Qui descendantium lege XII. tabb. & a praetore ad successionem intestati vocentur.
- 2 Juris veteris derogatio qua ratione & a sufficienti nitatur.
- 3 Planius & plenius quam vulgo explicatur quatenus per leg. 4. Cod. Theod. de legit. hered. veteri juri derogatum.
- 4 Quid insuper detractum, quid adjectum constitutione Justiniani lege ult. C. de suis & legit. lib.
- 5 Cantiunculae & Mynsingeri error.

Hæc pars est hujus tituli postrema, in qua primum repetuntur ex vetusto jure differentiaz circa successionem descendantium ex masculis & feminis; deinde ostenditur quantum his differentiis detractum & de antiquo jure derogatum sit constitutione recentiorum Principum & postremo Justiniani. Locus est obscurus & ænigmaticus, à paucis intellectus, & ab his qui eum intellexisse videntur ita explicatus ut tamen aliquid amplius desideres & plus lucis. Plenus ergo & planius si posterio rem totam explicabo.

1. Item vetustas] Intelligit tum legem XII. tabb. tum jus prætorium. Falluntur enim qui putant legem XII. tabb. ad hereditatem ab intestato vocasse tam natos ex filiabus quam ex filiis, totumque illud discrimin quod hic refertur adscribunt media Jurisprudentiaz, inter quos Myns. Cantiunc. & Giphanus. Etenim palam est lege XII. tabb. ex descendantibus eos solos ad hereditatem vocari qui sunt sui heredes, atque his deficientibus ex transversa linea solos agnatos; eos vero qui tantum cognati essent jus successionis ab intestato nullum ex ea lege habuisse. Nimirum Decemviri ut dignitati & propagationi familiarum consulerent ad eos solum successionem pertinere voluerunt qui essent ejusdem gentis

tis & familiæ. Quare cum nepotes ex filia non sint sui heredes avo materno, sed patri in eūjus sunt potestate; & femina non suam aut patris sed alienam in quam nubit familiam propaget, l. 195. §. ult. de verb. sign. non poterant hi nepotes ad successionem avi materni ullo modo venire, excludebanturque non tantum à filiis & filiabus defuncti ab iisve qui ex filiis essent progeniti; verum etiam ab agnatis ejus. Denique prætor emancipatos dumtaxat inter suos vocabat, ut masculorum quoque progeniem; hosce autem nepotes & ceteros ex sexu muliebri demum post lineam agnatorum, in tertio scilicet ordine qui cognatorum est.

Quam aviæ vel proaviæ sive paternæ sive maternæ.] In aviæ aut proaviæ paternæ successione nihil plus juris nepotes aut pronepotes ex lege xii. tabb. habent quam habent in successione avi proavive, aviæ proaviæ maternorum. Non enim magis aviæ aut proaviæ paternæ sui heredes aut agnati sunt quam avo aut proavo materno &c. cum nec filius materi sit, ob eamque causam nec ipse matr ex lege succedit, nec à prætore in primo ordine vocetur. Filii tamen aut filiæ mentionem non facit, quia hīs matris legitima hereditas primæ delata fuerat senatusconsulto Orficiano, non aviæ nepotibus, inf. tit. 4. būj. lib. & ideo recte ait, nepotes pronepotesque ad aviæ & proaviæ successionem à prætore admissos fuisse demum in linea cognatorum, quia nec post illud senatusconsultum jus liberorum in ea successione habebant.

2. Divi autem Principes non passi sunt &c.] Sequitur jam derogatio juris antiqui quæ autores habet Valentinianum, Theodosium & Arcadium, l. 4. C. Theod. de legit. ber. quam parte aliqua mutilatam in codicem suum retulit Justinianus l. 9. C. de suis & leg. lib. Justitia derogationis duplice ratione commendatur: (1) quia inæqualitas illa juris inter descendentes ex masculis & feminis injuriosa in ipsam naturam: quomodo alibi naturæ accusatores appellat qui differentiam inducunt inter masculos & feminas, l. 4. C. de lib. præt. (2) quia nomen nepotum & pronepotum omnibus commune, & tam iis qui ex feminis quam qui ex maribus progeniti sunt convenientis. Quarum tamen rationum, si libere dicendum est, altera vera non videtur, altera minime sufficiens. Nam quæ injuria est in naturam si is qui jus percipiendarum hereditatum in sua familia habet ut suus aut agnatus, non admittatur eodem jure in familia

aliena, ne duabus in familiis simul regnum teneat? Deinde si contra naturam non est hoc prospicere ut ne familia splendor ac dignitas minuantur aut pereat, sed consentaneum etiam juri gentium legibusque plurimorum bene ordinatarum civitatum dare oportet ut sartæ testæ familiæ conserventur: non potest à ratione naturali alienum videri, simasculi potius atque ex masculis descendentes propagatores & columnæ familiarum quam feminæ in quibus familiæ intereunt ad hereditatem vocentur: quod & ipsum diligenter cautum reperitur legibus Mosaicis, Numer. 27. v. 8. Vid. Philon, de vita Mos. cap. 3. Hinc jam sponte intelligitur quam fculneum argumentum sit alterum quod à communione petitur nominis ad inducendam juris & qualitatem inter eos quos tam insignis consideratio disjungit. Sed videamus quid placitum Græcis Principibus.

3. Eundem ordinem & gradum successio-
nis] Donaverunt Imperatores eundem gradum successionis nepotibus & pronepotibus de quibus hic sermo est, quem habent illi qui succedunt ex lege xii. tabb. & qui vocantur à prætore: hoc est, voluerunt ex feminis prognatos non minus jus liberorum & successoris ab intestato habere quam prognati ex masculis, ut sui heredes habent ex lege xii. tabb. & liberi emancipati ex edictu prætoris unde liberi, ut cum his in successione concurrant. Addo, ut sequentia minore negotio perciptiantur, ut concurrant etiam cum liberis primi gradus, patruis scilicet & avunculis suis in successione aviæ, quos jam temporibus Marci agnatis in successione matris præpuserat senatusconsultum Orficianum. Ceterum portio horum nepotum aliquantum memoratorium Principum constitutione minuta fuit, ut mox audiemus.

Veteris juris suffragiis mununtur) Jus vetus hic accipere debemus tum legem xii. tabb. quæ ex liberis suos dumtaxat heredes ad hereditatem vocabat; tum edictum prætoris, quo ad bonorum possessionem ab intestato invitatur liberi emancipati; & denique senatusconsultum Orficianum, quo, ut diximus, matris legitima hereditas defertur filiis & filiabus. Latus enim tractatio hujus §. se extendit quam spondet principium; plusque sensit quam scripsit Justinianus, ut statim videbimus.

Ut minus tertia parte) Quamvis prædicti Principes nepotes neptesve ex sexu femineo descendentes cum his à quibus jure veteri in

totum excludebantur ad successionem ab intestato admiserint: noluerunt tamen illos cum his æqualiter hereditatem partiri, sed aliquanto plus habere eos qui etiam juris veteris suffragatione nituntur, & nimis illos triente minus quam hos consequi, d. l. 9. C. de suis *et legit.* quod datum reverentia juris veteris fuit.

Quam mater eorum vel avia] Casus pertinens ad successionem ascendentium matrum, cum defunctus descendantibus unus pater avusque aut proavus paternus, aliis avus proavusque maternus est: de feminarum ascendentium successione mox subjicitur. Cum igitur de successione avi materni quæritur inter filium superstitem & ex filia demortua nepotes: hic filius quia juvatur prærogativa legis XII. tabb. aut si emancipatus est suffragio juris prætorii, bessem hereditatis ex dicta constitutione feret, nepotes trientem reliquum: id est, hi tertia parte minus ferunt quam mater superstites latura fuisset; illa enim hereditatem paternam æqualiter cum fratre suo divisisset: jan si de semisse quem mater habitura fuerat tertiam partem detrahas, triens tantum nepotibus relinquitur; alter semis auctus accessione detracti sextantis bessem efficit. Similiter quando quæritur de hereditate proavi materni inter filium & pronepotem natum ex nepite prognata ex filio aut filia: filius favore juris veteris altero tanto amplius habebit quam hi pronepotes, qui pro semisse in quem avia eorum vocata fuissent trientem tantum accipiunt, id est tertia parte minus. Nihil autem in successione proavi materni interest nisi sint pronepotes ex nepite an ex nepote ex filia; nam quod ad stirpem attinet, aviam scilicet filiam proavi, omnes ex sexu muliebri veniunt. Illud quoque non refert, utrum pari gradu an impari sint descendentes ex sexu virili cum posteris ex sexu sequiore, remotiores an propiores. Nam etsi ex filio tantum nepos sit aut pronepos ex nepote ex filio nato, sive suus sive emancipatus, & ex adepto nepos ex filia: illi nihilominus propter suffragationem juris veteris bessem totius hereditatis auferent, hic non amplius triente.

Pater eorum vel avus paternus sive maternus, quando femina mortua] Hic apparet plus sensisse Justinianum quam hactenus scripsit. Nihil enim hucusque traditum est quo id quod hic proponitur referri posse videatur. Nam initio locutus est tantum de descendantibus ex masculis, quos solos dixit à Veteribus ut

liberos ad hereditatem vocatos fuisse, insuper habitis iis qui ex femineo sexu descendenter. Deinde ait, hos cum illis admissos fuisse à divis Principibus cum diminutione tamen tertiae partis propter suffragationem juris veteris qua juvantur qui ex viris progeniti sunt. Quamobrem quod hic scribit ænigma videri poterat, nisi ante monuissem id quod de juris veteris prærogativa dixit ex mente ejus referendum esse etiam ad eos quibus suffragatur senatusconsultum Orficianum: quod collatum cum constitutione Divoris. Principum sane vetus etiam est. Hoc senatusconsulto vocantur liberi ad hereditatem matris, & vocantur pleno jure absque partis ullius detractione, exclusis in totum defuncta agnatis. At vocantur liberi dum taxat primi gradus, filii scilicet & filiæ; nepotes & deinceps ad successionem avia non vocantur, tit. 4. inf. in pr. & §. 1. sed hi demum cum istis admissi sunt eadē illa constitutione cuius jam saepē facta mentio; admissi vero cum diminutione item tertiae partis, propterea quod filii & filiæ juris quoque veteris suffragio nubiti erant, id est senatusconsulto Orficiano.

Pater eorum] Supple, vel mater. Casus enim est in quo agitur de hereditate feminæ defunctæ dividenda inter liberos primi & secundi gradus. Pone igitur hinc esse filium filiamve, illinc nepotem neptremve ex filio filiave demortuis: senatusconsultum Orficianum hereditatem ex asse attribuit soli filio aut filiæ, nepoti nepte nihil. Ex nova vero constitutione etiam nepos & neptis ad avia successionem vocantur, & simul cum filio filiave; ita tamen ut pati debeant tertiam sibi detrahi de parte quam integrum pater eorum vel mater superstites habituri fuissent in materna hereditate ex senatusconsulto.

Vel avus paternus sive maternus] Casus quo quæritur de successione feminæ defunctæ inter liberos primi gradus & pronepotes proneptesve qui tertio gradu sunt. Supplendum igitur, *vel avia paterna sive materna*; nam hæ quoque superstites matri successissent ex senatusconsulto. Ponamus ergo cum filio aut filia superstitibus concurriere pronepotes proneptesve natos natave ex nepote nepte nato natave ex altero filio aut filia demortuis. Hi pronepotes proneptesve in totum à successione proavia repelluntur senatusconsulto; à Principibus autem una cum filio aut filia admittuntur, ceterum cum diminutione illa quam diximus partis avitæ: quod datum honori senatus, ut scilicet tertia minus con-

sequantur quam habituri fuissent avi aviæ, qui si viverent ex æquo cum fratre aut sorore maternam hereditatem partirentur. Sed quid dicendum in proposito si hinc nepos tantum sit aut neptis, illinc pronepos aut proneptis, nulli autem liberi primi gradus? Recte nimurum censet Hotomannus nihil amplius hic latores nepotes quam pronepotes; sed æqualiter omnes illos ad aviæ, hos ad proavia hereditatem ex Principali dispositione admittendos esse; quia cum nepotes in successione aviæ non magis jus liberorum ante constitutionem habuerint quam pronepotes in successione proavia, sive legem antiquam consideres sive edictum prætoris sive denique senatusconsultum Orficianum: non possunt illi majorem sibi portionem vindicare partemve aliquam detrahere pronepotibus ob juris ullius antiquioris suffragium, quo nomine tantum detractio illa à Principibus permissa est.

Licet soli sint, adeuntibus, agnatos minime vocabant] Hoc non sic accipendum est quasi agnati hoc casu in totum fuerint exclusi, quod demum à Justiniano constitutum, ut ipse postea commemorat; sed non admissi soli & in solidum, ut jure antiquo. Liquet enim ex constitutione, ut ea integra extat in Codice Theod. l. 4. de legit. ber. agnatos non penitus excludi, neque priore illo casu, cum avo aut proavo mortuo soli reperiuntur ex liberis nepotes aut pronepotes ex sexu muliebri descendentes; neque hoc posteriore, cum mortua avia aut proavia soli reperiuntur liberi secundi aut inferioris gradus, sed agnatos cum his nepotibus & deinceps admitti in quadrantem hereditatis. Hoc enim est quod in dicta constitutione legimus, agnatos in casibus propositis in quamdam Falcidiam, nepotes in dodrantem succedere. Ceterum hec pars dictæ constitutioni detracta est à Triboniano inserente eam Codici Justinianeo, l. 9. C. de suis & leg. propter l. uit. C. eod. quâ quartâ illa ademta agnati in totum repelluntur, ut postea iterum dicetur.

Et quemadmodum lex duodecim tabularum &c. ita Principalis dispositio &c.] Dicendum erat: quemadmodum lex XII. tabb. filio mortuo nepotes & pronepotes vocat ad hereditatem avi aut proavi paterni, & vocat in locum patris sui aut avi paterni, ut unâ cum superstribus defuncti filiis aut filiabus succedant; ita ex dispositione Principali mortua filia nepotes & pronepotes ex ea vocari ad successionem avi vel proavi materni, & vocari in locum matri sui aut aviæ maternæ,

ut simul succedant cum defuncti liberis superstitibus, sive suis heredibus quos solos decemviri, sive emancipatis quos præterea admittit prætor; & quemadmodum senatusconsultum Orficianum filios tantum & filias vocat ad successionem matris: ita dispositionem Principum vocare etiam nepotes & pronepotes ad successionem aviæ aut proaviae sive paternæ sive maternæ, & simul etiam cum liberis primi gradus; sed & in hoc & in superiori concurso detractionem tertia partis quam diximus pati.

4. Cum adhuc dubitatio maneret inter agnatos &c.] Sequitur juris antiqui altera derogatio & augmentum juris quod descendantibus ex sexu muliebri accessit constitutione Justiniani l. ult. C. de suis & legit. Ait, *cum adhuc dubitario &c.* non quod jus dubium fuit; quippe cautum expresse l. 4. C. Theod. de legit. ber. sed hoc vult dicere: cum adhuc agnati ex ejusdem constitutionis auctoritate (sic legendum, non cuiusdam) quæ est d. l. 4. nepotibus ex feminis solis existentibus (nam cum concurrebant cum liberis, qui etiam jure veteri vocabantur, agnatis nulum jus erat) quartam hereditatis partem sibi vindicare poterant: se hoc jus in totum constitutione sua abrogasse, quæ est d. l. ult. C. de suis & legit. atque ob eam causam noluisse constitutionem prædictam suo Codici inseri, id est noluisse inseri integrum; nam utique detracta illa clausula quæ agnati in quadrantem vocabantur, inserta est. Confer d. l. 4. C. Theod. de legit. ber. cum l. 9. C. Justin. de suis & legit. Quartam igitur agnatorum tantum sustulit, deductionem tertiae reliquit.

Ne bi qui ex transversa linea veniunt potiores] Rectius dixisset, ne qui ex transversa linea veniunt unâ cum iis qui recta ex nobis descendunt ad successionem admittantur vel in partem aliquam dumtaxat. Quamquam in eo nihil absurdum est si collateralium aliqui ob jus agnationis præferantur in successione iis descendantibus qui non sunt de familia defuncti.

Non in capita sed in stirpes] Postquam nepotibus ex filia & pronepotibus natis ex nepote nepoteve ex filia hoc jus datum est ut in locum veniant parentum succedantque ad instar nepotum & pronepotum ex virili sexu: non est sine ratione ut eodem modo hereditatem dividant, sive soli sint sed plures ex diversa stirpe ad hereditatem avi vel proavi materni vocentur, sive cum filiis aliisve descendantibus ex virili sexu concurrant, cum diminutione tertia partis.

Ut utraque progenies matris vel patris &c.)
Non tantum igitur cum de successione masculi agitur, avi aut proavi materni nepotes & pronepotes etiam soli existentes agnatos excludent, quamvis haec tenus nihil amplius dictum; sed etiam cum femina mortua proponitur, avia vel proavia sive paternæ sive maternæ; & in hac item successione nepotes aut pronepotes eodem modo hereditatem divident, salvo liberis primi gradus si cum his concurrant jure deducendæ tertiaræ partis.

5. *Sine ulla deminutione*) Hæc ita scripta sunt ut non sine causa existimare quis possit etiam liberis primi gradus & nepotibus ex sexu virili denegari tertiaræ deductionem, quod etiam Cantiuncula & Mynsing. pro certo

tradunt. Ceterum nihil minus cogitasse Justinianum patet tum ex saepè memorata constitutione Principum, quam ita in Codicem suum retulit ut nihil amplius ei detraxerit quam particulam qua in quadrantem vocantur agnati cum posteris ex sexu femineo non concurrentibus cum illis liberis qui etiam jure veteri veniunt, relicta illa parte qua istis tertiaræ deductione tribuitur intacta; tum ex ipsius constitutione Justiniani ad quam hic se refert, scilicet *l. ult. C. de suis & legit.* quæ quidem correctiora illius Principum, sed quartam dumtaxat tollit agnatorum. Jure novissimo par liberorum omnium in successione ab intestato conditio est, *Nov. 118. cap. I.* de quo accuratius *infra. post. tit. 5.*

TITULUS II.

DE LEGITIMA AGNATORUM SUCCESSIONE.

Dig. lib. 38. tit. 16. Cod. lib. 6. tit. 58.

Continuatio & argumentum tituli.

Hucusque de primo ordine succedentium ab intestato, in quo sunt descendentes sive liberi, ex lege XII. tabb. soli sui heredes, §. 1. tit. præced. ex jure prætorio etiam emancipati, §. 9. eod. ex constitutionibus nepotes quoque & pronepotes ex sexu femineo, de quibus in §. ult. eod. Sequitur ordo secundus, qui agnatorum fuit; insistit enim Imperator vestigis legis XII. tabb. qua nemo ex ascendentibus ad hereditatem vocatur: non pater ad hereditatem filii; quia si filius in potestate fuerat nec habere poterat heredem cum patri omnia adquireret, & bona castrensis quæ postea filio concessa eo intestato mortuo occupabat pater jure peculii, *l. 2. de castr. pecul. sin. emancipatus*, pater huic & ille patri ratione familiæ extraneus erat. Sed nec prætor patrem qua patrem vocabat ante ordinem cognatorum, *l. 10. C. de suis & legit.* Ajo, qua patrem; nam jure patroni vocabatur etiam ad hereditatem legitimam, *d. l. 10.* Non mater; quia & ipsa filio eadem ratione extranea, & ideo à prætore quoque inter cognatos demum admissa fuit. De senatusconsulto Teraylliano videbimus *tit. seq.* Hoc titulo primum descriptionem habemus agnatorum tum

naturalium tum adoptivorum: mox docetur qui ex his & quomodo succedant, & tum mares tum feminæ; hinc quo ordine vocentur, & postremo qua ratione parens vocetur ad legitimam hereditatem filii emancipati.

TEXTUS.

Secundus ordo heredum legitimorum.

Si nemo suus heres, vel eorum quos inter suos heredes prætor vel constitutiones vocant, existat qui successionem quoquo modo amplectatur, tunc ex lege duodecim tabularum ad agnatum proximum pertinet hereditas.

COMMENTARIUS.

Existat] Nec speretur fore ut existat. Nam quamdiu vel spes est futuruū ut suus heres defuncto existat, tamdiu agnatis locus non est; puta si defuncti uxor prægnans sit quæ suum heredem paritura speratur, aut defuncti filius apud hostes sit qui de captivitate reverti potest, *l. pen. §. 1. unde legit. fac. l. 2. in pr. de suis & legit.* Ulpian. *in fragm. tit. 26. §. 2.*

Tunc ex lege duodecim tabb. ad agnatum proxi-

ximum] Dictum hoc paulo crassius. Nam lex XII. tabb. ex liberis eos solos ad hereditatem vocat qui sunt vere sui heredes, hoc est liberos defuncti legitimos qui tempore mortis in potestate ejus erant & proximum ab eo gradum in familia obtinebant, atque his non extantibus statim loco proximo agnatos; sed postquam & alii tum à praetore tum constitutionibus admissi sunt & praepositi agnatis, lex XII. tabb. non nisi isti quoque deficientibus vim suam exercuit agnatisque de-tulit hereditatem.

Ad agnatum proximum] In primo ordine sufficit, verbi causa, suum esse, nec gradus queritur; in secundo agnatum esse non sufficit, sed proximitatis sive graduum ratio habetur ex verbis ipsis legis XII. tabb. §. 5. *infra-* hoc tit. l. 2. §. 4. *de suis* & legit. in leg. XII. *agnatus proximus familiam habeto.*

TEXTUS. De agnatis naturalibus.

1. *Sunt autem agnati (ut primo quoque libro tradidimus) cognati per virilis sexus personas cognitione conjuncti, quasi à patre connati. Itaque ex eodem patre nati fratres agnati sibi sunt: qui & consanguinei vocantur; nec requiritur an etiam eandem matrem habuerint. Item patruus fratri filio & invicem is illi agnatus est. Eodem numero sunt fratres patrue's, id est qui ex duobus fratribus procreati sunt, qui etiam consobrini vocantur. Qua ratione etiam ad plures gradus agnationis pervenire poterimus. IIi etiam qui post mortem patris nascentur jura consanguinitatis nascuntur. Non tamen omnibus simul agnatis dat lex hereditatem, sed iis qui tunc proximiore gradu sunt cum certum esse cœperit aliquem intestatum decessisse.*

COMMENTARIUS.

1. *Modestini locus in l. 5. unde legit. expositus.*
2. *Quot modis nomen agnatorum usurpetur.*
3. *Qui nostris consanguinei; & unde sic appellentur.*
4. *Prærogativa consanguinitatis sublata.*

Cognati per virilis sexus personas] Eodem modo describit agnatos lib. I. *Inst. tit. de leg. agn. tut. & Juriscons. l. ult. §. 2. de grad. & affin.* nempe inter cognatos & agnatos hoc interest quod inter genus & speciem, ut ait Paul. d. l. ult. §. 4. *de grad. & affin.* genus cognati, agnati species cognatorum.

Ceterum nomen cognitionis non tantum generale est, sed etiam speciale & proprium eorum qui vel per feminine sexus personas conjunguntur, d. l. ult. §. 2. vel capitinis deminutione jura agnationis amiserunt; quippe ad quos speciali & proprio designandos discernendos que ab agnatis necesse fuit nomen generale aique utrisque commune coactare & quasi proprium facere ejus speciei quæ aliud nomen proprium non invenit: quod in aliis quoque nominibus sæpe usuvenit, ut notavimus *sup. §. 1. tit. Inst. de adopt.* eaque significatio frequentissima & in hoc argumento fere perpetua est.

1. Alio autem sensu dixit Modestinus in agnatis & cognatos contineti, in cognatis non utique & agnatos, l. 5. *unde legit.* nimirum considerans essentiam generis & speciei. Generis enim essentia tota inesset in singulis speciebus; tota vero speciei essentia non est in genere; siquidem ut Porphyrius cap. 4. scribit, διαφορά ἐστιν, οὐ περὶ τὸ οὐδὲ τὸ γένος (differentia est, quæ species generi, seu pre genere abundat) & ibid. Γένος διάμετρον καὶ πάσας ἔχει τὰ τοῦ οὐρανοῦ διαφορὰς, ἐπεργάτης δὲ οὐδεὶς. (genus virtute quidem omnes continet que sub ipso sunt differentias; actu autem nullas).

2. Agnatorum quoque nomen modo generalius modo specialius usurpatur. Generali significatione continentur etiam sui, d. l. ult. §. 3. *de grad. & affin.* unde filius dicitur patri esse agnatus proximus, l. 12. *de suis* & legit. Specialiter vero agnati appellantur qui ex latere sunt per virilem sexum conjuncti, ut in præsenti titulo. Sed & ex his quidam nati sunt nomen speciale vocatique consanguinei, ut fratres & sorores eodem patre geniti; unde altera vocis restrictio, agnatique specialissime appellati qui fratres sequuntur, l. 2. *in pr. & §. 1. de suis* & legit. l. 4. *unde cogn.* l. 6. §. 1. *ad Tertyll.* quam distinctionem media peperit jurisprudentia. Vinn. Adenda & illa significatio qua agnati distinguuntur à gentilibus, quos post agnatos tertio loco admittabant XII. tabb. Vide *apud Pariat. LL. Mos. & Rom. tit. 16. §. 4.* Succedebat ergo primo domus, dein familia, postremo gens. Agnati ergo sunt quotquot ex eadem familia; gentiles qui ex eadem gente sunt, vel, ut Cicero in *Top. cap. 6.* definit, qui ab ingenuis oriundi sunt, quorum majorum nemo servitutem servivit, qui capite non sunt diminuti. Sic ex. gr. gentis Domitiae duæ erant familie, Calvinorum & Ahenobarborum. Omnes Calvini, itemque omnes Ahenobarbi in-

ter se erant agnati ; omnes Domitii ex utraque familia gentiles , modo essent ingenui nec capitis deminutionem passi. Unde *gentiles* erant ejusdem nominis , ut est apud Festum in voce *gentilis* ; *agnati* ejusdem cognominis. Sed gentilitatis jura jam Ulpiani temporibus non amplius in usu erant. *Pariat. LL. Moss. & Rom. ibid. HEIN.*

3. Qui σ consanguinei vocantur) Fratres *διμονάτρου* , id est ex eodem patre nati consanguinei nostri dicuntur. Gajus lib. 2. Inst. tit. 8. §. 3. l. 3. C. de legit. tut. l. 1. l. 6. C. de legit. hered. Hinc Virgilius 6. *Aeneid.* soporem appellat *letbi consanguineum*, quem Homerus ζ. *Iliad.* *Katayentos θαράτῳ.* Graci *μετέπειτας* vocant, teste Theophilo. Dicuntur & *σύγαιροις*. Sophocles in *Ajac.* τὸν τὰ μαρίτους σύγαιροις ἀποκαλύπτειν fratrem furiosi vocantes. Ita consanguineum interpretaberis, l. 1. §. 9. l. 2. in pr. de suis σ legit. l. 1. §. pen. l. 6. §. 1. l. 7. ff. ad *Tertyll.* l. 1. C. ad *Orfic.* l. 3. C. de legit. her. Cassius consanguineos definit qui sanguine inter se connexi sunt , d. l. 1. §. pen. de suis σ legit. quæ definitio nimis lata videtur ; nam & ceteri agnati atque adeo cognati omnes sanguine inter se conjuncti sunt. Quin etiam per jus sanguinis sola naturalis cognatio sæpe significatur , ut in l. 2. unde cogn. l. 12. de manum. vind. l. 23. de adopt. l. 8. de reg. jur. Necessè igitur est propria quadam ratione fratres eodem patre progenitos isto nomine alioqui communi appellantos esse : fortassis quia hi eundem sanguinis auctorem immediate habent , & quod sanguinis origo magis ex patre estimanda sit quam ex matre : quippe cum etiam Peripatetici , si Galeno & recentioribus quibusdam credimus, totum hoc ex patre estimaverint. Jura igitur consanguinitatis à patre , ut ait Jurisconsultus l. 4. unde cogn. oriuntur ; qua de causa etiam non refert eodem patre nati communem matrem habeant an diversas , l. 1. C. de legit. her.

4. Hodie vero fratres jure solius consanguinitatis prærogativam non habent , sed qui ex utroque parente conjuncti sunt præferuntur iis qui conjuncti sunt ex uno dumtaxat ; nec qui ex eodem solum patre conjuguntur plus juris habent quam qui eadem tantum matre nati , Nov. 118. cap. 3. auth. itaque C. comm. de success. ubi consanguinei appellantur in specie qui tantum eundem patrem habent ; opponuntur enim tam tribus germanis quam uterinis. Canonistæ ver-

bo consanguinitatis usi sunt ad significandam omnis generis cognitionem , π . de consang. & affin.

Fratres patruelis qui etiam consobrini] Agnatorum numero sunt & duorum fratum filii , qui fratres patruelis appellantur, & καταχρησίας (abusivè) consobrini; propriè enim, ut quidam putant, consobrini sunt duarum sororum liberi , ita dicti quasi consororini , vid. *infr. tit. 6. §. 4.* ubi hoc fusius explicabitur. Sed & deinceps ceteri virili sexu ab eodem orti in infinitum invicem agnati sunt , l. 2. §. 1. de suis σ legit. Quemadmodum autem gradus numerentur docebit nos idem *tit. 6. infr.*

Qui post mortem patris] Etiam qui post mortem patris nascuntur jura consanguinitatis & agnationis habent , l. ult. unde legit. l. 1. §. pen. de suis σ legit. Ceterum quod ad jus succedendi attinet necesse est ut moriente eo de cuius successione queritur in rerum natura fuerint , aut saltu vivo eo concepti , l. 6. cum 2. seqq. de suis σ legit. vid. *sup. tit. 1. §. 8.*

Qui proximiore gradu sunt σ c.] Legitima hereditas tantum proximo defertur , l. 2. §. 4. de suis σ legit. & diserta sunt verba ipsa legis XII. tabb. *Agnatus proximus familiam babeto.* Estimatur autem proximus ex tempore delatae hereditatis ; quapropter si nullum factum est testamentum proximus intellegitur qui tunc fuit cum patre familias moreretur ; si factum est testamentum qui tunc cum certum esse coepit ex eo testamento heredem existere non posse. Sed hæc iterum & fusius §. 5. & seq.

TEXTUS.

De adoptivis.

2. Per adoptionem quoque agnationis jus consistit , veluti inter filios naturales & eos quos pater eorum adoptavit. Nec dubium est quin ii improprie consanguinei appellantur. Item si quis ex ceteris agnatis tuis , veluti frater aut patruus aut denique is qui longiore gradu est , adoptaverit aliquem , agnatus inter tuos esse non dubitatur.

COMMENTARIUS.

Agnatorum nomen civile est , l. ult. §. 4. de grad. & affin. uti & suorum heredum. Proinde quemadmodum nihil interest quoad jus suitatis utrum naturales sint libe-

beri an adoptivi, §. 2. præc. tit. ita quoque quod ad jus agnationis attinet nihil refert utrum nativitate conjuncti sint an adoptione. Nam & qui adoptatur iisdem fit agnatus quibus pater ipsius agnatus fuit, legitimamque eorum hereditatem consequitur vel ipsi illius, l. 2. §. 3. de suis & legit. l. 23. de adopt. Ulp. in collat. Rufin. tit. 16. Consanguineos & adoptio facit & adrogatio.

Inpropre consanguinei) Rechte; nam ex definitione Cassii consanguinei proprie sunt qui sanguine inter se sunt connexi, l. 1. §. pen. de suis & legit. hoc est, ut nos interpretari sumus, qui eundem patrem sanguinis auctorem habent; adoptati vero etsi communem cum liberis naturalibus patrem habeant, sanguinis tamen paterni nexus cum ipsis copulati non sunt. Male autem ad hoc probandum adducitur ab Hotomanno & Pacio dicta lex 23. de adopt. quo in loco manifestum est jus sanguinis accipi non pro consanguinitate, sed pro mera cognatione naturali. Ceterum etsi adoptati proprie consanguinei non sunt, jus tamen consanguinitatis & proper hoc legitimæ successionis cum aliis qui sunt in familia habent, l. 1. §. ut. de suis & legit. l. 44. de adopt. atque hujus effectus intuitu etiam fratres adoptivi consanguinei vocantur, l. 2. §. 19. l. 7. ad Tertyll. Post constitutionem Justiniani l. pen C. de adopt. soli ex adoptivis jus consanguinitatis & agnationis in familia adoptiva nanciscuntur qui adoptati sunt à persona non extranea.

Agnatus inter tuos esse non dabitur] Hotomannus agnatos legit in casu accusandi; quod parum refert. In vulgatis codicibus est inter tuos heredes; sed illa lectio manifeste vitiosa est, & vox heredes omnino delenda: quam etiam ab antiquis omnibus codicibus abesse testatur Hotomannus. Cum eodem pro tuos reposui tuos, quia contextus id flagitat.

TEXTUS.

De masculis & feminis.

3. Ceterum inter masculos quidem agnationis jure hereditas, etiam longissimo gradu sint, ultra citroque capit. Quod ad feminas vero attinet ita placebat ut ipsæ consanguinitatis jure tantum capiant hereditatem si sorores sint; ulterius non capiant. Masculi autem ad earum hereditates (etiam longissimo gradu sint) admittantur. Qua de causa fratrii tui aut patrui tui filia, vel amittæ tue hereditas ad te

Tom. II.

pertinebat; tua vero ad illas non pertinebat. Quod ideo ita constitutum erat, quia commodius videbatur ita jura constitui ut plerumque hereditates ad masculos confluarent. Sed quia sane iniquum erat in universum eas quasi extraneas repellere, prætor eas ad bonorum possessionem admittit ea parte qua proximitatis nomine bonorum possessionem pollicetur: ex qua parte ita scilicet admittuntur si neque agnatus ullus neque proximior cognatus interveniat. Et hec quidem lex duodecim tabb. nullo modo introduxit, sed simplicitatem legibus amicam amplexa simili modo omnes agnatos sive masculos sive feminas cuiuscumque gradus ad similitudinem suorum invicem ad successionem vocabat. Media autem jurisprudentia, que erat quidem lege duodecim tabb. junior Imperiali autem dispositione anterior, subtilitate quadam excogitata præfatam differentiam inducebat, & penitus eas à successione agnatorum repellebat, omnia alia successione incognita; donec prætores paulatim asperitatem juris civilis corrigentes sive quod deerat implentes, humano proposito alium ordinem suis editis addiderunt; & cognationis linea proximitatis nomine introducta per bonorum possessionem eas adjuvabant, & pollicebantur his bonorum possessionem que unde cognati appellantur. Nos vero legem duodecim tabb. sequentes & ejus vestigia bac in parte conservantes laudamus quidem prætores sue humanitatis, non tamen eos in plenum huic cause mederi invenimus. Quare etenim uno cōdemque gradu naturali concurrente & agnationis titulis tam in masculis quam in feminis aqua lance constitutis, masculis quidem dabatur ad successionem venire omnium agnatorum: ex agnatis autem mulieribus nulli penitus nisi soli sorori ad agnatorum successionem patebat aditus? Ideo nos in plenum omnia reducentes & ad ius duodecim tabb. eamdem dispositionem exequantes; nostra constitutione sanctissimas omnes legitimas personas, id est per virilem sexum descendentes (sive masculini generis sive feminini sint) simili modo ad iura successionis legitimæ ab intestato vocari secundum sui gradus prærogativam; nec ideo excludendas, quia consanguinitatis iura sicut germanæ non habent.

COMMENTARIUS.

- 1 Quando consanguinitas ab agnatione distingui & quam ob causam coepit.
- 2 Feminae agnatae non consanguineae quo ordine vocentur à prætore.
- 3 Quid

- 3 Quid per medium jurisprudentiam intelligat
Justinianus: ubi quædam non vulgaria.
4 Veteris jurisprudentia contra accusationem
Justiniani defensio.

Locus verbosus. Narratur mutatio juris facta circa legitimam successionem feminarum agnatarum, & revocatur jus vetustius. Lege XII. tabb. feminæ agnatae juxta ac masculi, cujuscumque gradus essent, ad legitimam agnatorum hereditatem vocabantur: quod jus cum media ætatis Consultorum interpretatione coangustatum esset restrictumque ad consanguineas, id est sorores, *μοναρχις*, exclusis remotioribus quæ tantum à prætore postea admissæ sunt nomine proximitatis in ordine cognatorum, Justinianus hic restituit. Hæc summa est.

Etiamsi longissimo gradu] Id est, ut plerique interpretati sunt, etiamsi decimo sint gradu, quo terminari putant legitimam agnatorum successionem; recte an secus, videbimus infra §. ult. *Inst. de succes. cognat.*

1. *U. ipse consanguinitatis jure*] Hoc est fraternitatis. Nam ex quo hoc jus introductum est consanguinitas copta est distingui ab agnatione, & consanguinei ab agnatis ulterioribus; & quia post consanguineas mulieris sexus personæ licet agnatae essent non admitebantur, agnatos definierunt esse virilis sexus personas, l. 2. §. 1. *de suis & legit.* duoque quasi ordines ex uno facti, l. 1. §. 9. d. l. 2. in pr. d. tit. l. 4. unde cogn. cum antea lex XII. tabb. omnes per virilem sexum cognatos uno agnatorum nomine appellasset, & proximus ex his sine ulla sexus aut consanguinitatis discretione detulisset hereditatem.

Quia commodius videbatur] Prudentibus vi- sum fuit utilius esse ac rationi magis consentaneum ut hereditates ad masculos potius quam ad feminas pervenirent: non tantum quia masculi Reipubl. magis prosunt dum aut bella gerunt aut sacra faciunt aut muneribus publicis funguntur, quam rationem hic afferit Theophilus; aut ne mulieres ditescerent ac propter hoc elatae æquarent se viris; verum etiam & potissimum quia familiæ quæ in feminis intereunt per mares conservantur & propagantur. Ac talis etiam scopus decemviris propositus fuit dum solis agnatis hereditatem detulerunt exclusis cognatis omnibus non ejusdem familiæ.

Proximitatis nomine] Quia cognati non alio jure quam proximitatis veniunt, & hoc ex edicto prætoris: verbum proximitatis factum

est proprium jurisprudentiæ, eoque cognati proprie designantur non agnati, l. 3. l. 4. unde cognati. In suis heredibus nulla omnino servatur gradus prærogativa. In ordine vero agnatorum etsi proximitas etiam spectatur dum agnati inter se conferuntur, ea tamen non spectatur quando conferuntur cum cognatis; quippe quibus omnibus solo jure agnationis præferuntur, etiamsi ipsi longe sint remotiores.

2. *Si neque agnatus ullus neque proximior cognatus*] Feminas agnatas secundo gradu remotiores, quæ jure civili in totum à successione ab intestato repellebantur, postquam iis jus agnationis in ea causa ademum erat disputatione fori: prætor, ne in universum exclusæ manerent, in linea quam tertiam ipse fecit admisit, id est, nomine proximitatis vocavit ad bonorum possessionem unde cognati. Et vero nulla causa fuit cur has minus in eo ordine admitteret quam qui tantum cognati sunt. Ait, *neque agnatus ullus*. Non ait *proximior*, ut mox cum de cognato loquitur, quia universus agnatorum ordo cognatis simpliciter præponebatur sine consideratione gradus. Ait, *neque proximior cognatus*; nam in successione cognatorum uti quisque proximior est ita in alterum excludit; nec prætor quicquam in deferenda hac bonorum possessione considerat præter solam proximitatem.

3. *Media jurisprudentia*] Cujacius & Homomannus quos Pacius & Tuningius sequuntur existimant Imperatorem ita loqui, cum intelligat *nouæ serias*, seu leges quæ latæ sunt post duodecim tabulas, & videlicet legem Voconiam. Sed à vero longe abest hæc eorum opinio. Nam lex Voconia jam priscis temporibus in desuetudinem abierat, ut aperte testatur Gell. lib. 20. cap. 1. Jus autem quod hic media jurisprudentia introduxisse dicitur ætate Pauli & Ulpiani adhuc erat in viridi observantia. Paul. 4. sent. 8. Ulp. in fragm. tit. de legit. her. §. 6. ac diu etiam post obtinuit adeoque duravit usq[ue] ad tempora Justiniani qui demum post consulatum Lampadii & Orestis id sustulit, l. pen. C. de legit. her. Præterea ut alibi ostendimus ex Cic. Ascon Dion. Augustino, lex Voconia sanxerat ne quis virginem neve mulierem heredem faceret, ac nec unicam filiam. Quod si ita est, nullo modo referri ad legem Voconiam potest quod hic adscribitur mediæ jurisprudentiæ. Nam si Voconius ne filias quidem ad hereditatem patris admisit, præculdubio magis removit sorores à successione

ne fratum; & si nec ex testamento feminas heredes esse voluit, multo minus ab intestato; quippe plus semper tributum voluntati testatoris. Facit §. 12. sup. tit. 1. buj. lib. 1. pen. §. 1. C. de adopt. Fefellit haud dubie Cujacium idem quod Hotomannum, nimurum locus Pauli 4. sent. 8. ubi sic scribit: *Feminae ad hereditates legitimas ultra consanguineas successiones non admittuntur; idque jure civili vel Voconia rogatione videtur effectum.* Ceterum lex duodecim tabularum nulla discretione sexus agnatos admittrit. Etenim ex hoc loco non magis colligere possis rogatione Voconia effectum ne feminæ ultra consanguineas ad legitimam successionem admirterentur quam jure civili, hoc est disputatione Jurisconsultorum: quæ juris pars, uti constat, communis nomine appellatur jus civile, l. 2. §. 5. de orig. jur. Disjuncta enim cum sit Pauli oratio, non minus hoc quam illo possito veritas ejus constabit. Ac proinde si verbis Justiniani servientes medium jurisprudentiam cum Theophilo interpretetur, ποὺς μετὰ τὸν δυσεκάδετον σεφόις, Prudentes post XII. tabb. legem) non magis nobis Paulus adversabitur quam alios juvabit qui Voconium plebiscitum intelligunt; videturque tantum Jurisconsultus usus esse hac disjunctione ut sibi caveret; cum id quod de legitima consanguinearum successione & reliquarum agnatarum exclusione scribebat alterutro quidem jure effectum scire; utro autem effectum esset in praesentia non occurseret nec vacaret inquirere. Nos vero sine cunctatione juri civili adscribemus quod tribunitiae rogationi nullo modo tribui posse clare ostendimus; idque ex ipsius etiam sententia Pauli; quippe cum in omnibus disjunctionibus à disserente significetur unum saltem verum esse. Et omnino sic sentio, jam diu antequam Voconius legem rogaret, quod factum esse inter secundum & tertium bellum Punicum testatur Augustinus 3. de civ. Dei cap. 21. prudentum auctoritate atque interpretatione legitimas feminarum successiones coeritas fuisse intra gradum consanguinearum. Postea autem lege Voconia feminas omnes penitus remotas fuisse & ab omni successione. Ceterum cum ea lex ut nimis rigida paulatim iterum in desuetudinem abiisset, revocatum de novo fuisse jus pristinum, non quod XII. tabula, sed quod prudentum introduxerat interpretatione. quæ interpretatio media nomine jurisprudentiae hic significatur. Vinn. Verissimum est hoc jus esse ex jure civili, id est ex interpretatione prudentum. Sed nec minus verum illud inventum esse ex rationibus Voconianis, quibus

& eversa abolita lege Voconia locus esse potuit. Conferantur omnino quæ eruditæ ad Pauli recept. sent. lib. 4. tit. 8. disseruit vir cl. Anton. Schultingius. Inde autem non sequitur jus civile hic sit idem ac *jurisprudentia media*. Nimurum uti omnem jurisprudentiam quæ prætoris edictum antecessit vocarunt *veterem*: ita *media* est quæ per Edictum perpetuum inventa; *nova* quæ per constitutiones novorum Principum. Ita rem ego concipio; nec multo aliter vir cl. Jac. Perizon. de leg. Voc. p. 198. HEIN

Imperiali dispositione anterior] D. Wesembelius putat medium jurisprudentiam viguisse usque ad occupatam à Cæsaribus Remp. Sed malo cum Bachovio eam porrigitur usque ad tempora translati in Orientem imperii; tunc enim primum pleraque mutata sunt una cum forma Reipub. & vetera instituta exolescere coepiunt. Piores vero Principes majorum institutis constanter inhæserunt, nec nisi parcissime legibus stante adhuc Repub. latis aut veterum consuetudini derogarunt. Quin etiam major dignitas jure civili, hoc est disputationi fori accessit, ex quo Augustus constituit ut consulti ex Principis auctoritate de jure responsitarent legesque interpretarentur, l. 2. circa fin. de orig. jur. Quamobrem quod Justinianus hic ait de Imperiali dispositione, id ad Imperatores refero Constantinopolitanos.

Laudamus prætores sue humanitatis] Ε'λλεπτικῶς (defective) more Græcorum; intelligitur enim ergo vel *causa*. Theoph. in paraphrasi redidit, επαύει μὲν τὸν φιλαρθροποιὸν τὸν πεγαιτώπας; laudat quidem prætores propter humanitatem. Græcis hæc locutio familiaris est, Luc. 16. v. 8. επήρετε δὲ κύριος τὸν οἰκονόμον τὸν ἀδίκιας. Et laudavit Dominus villicum iniqtatis. Eadem reticentia est apud nostros cum ajunt, noxæ dedere, satis legatorum desiderare, l. 3. §. 2. ut in poss. leg. satis dotis fieri, l. 22. §. 4. sol. matrimon. id est, nomine noxæ, nomine legatorum, nomine dotis. Cic. 5. in Verr. aliquid lucri vel accessionis dare, id est nomine, vice accessionis. Cels. lib. 1. laudatur Hippocrates artis & facundiæ.

4. *Quare etenim ὅτι.*] Tota vetus jurisprudentia responderet æquissimum esse ut plus maribus tribuatur quam feminis, propter onera quæ domi militiæque soli mares sustinent, dum operantur, bella gerunt, munia omnia Reip. obiunt. In bene constitutis civitatibus præciuam semper familiarum & gentium rationem habitam fuisse, quarum dignitas cum sine opibus & pecunia retineri non possit, optimos quoque legislatores id operam dedisse ut

ad masculos fere hereditates confluenter, ut solos generis ac nominis conservatores propagatoresque. Sext. Cæcilius Jurisconsultus etiam legem Voconiam revocandam censeret. Diceret nihil sibi ea lege videri utilius; quippe qua impotenti sexui præclusa sit via omnis pervenienti ad dvitias, ne ditatus insolenter sese efferat & insultet ipsis viris; ideoque merito Marcum Catonem, illum familiæ Porcia principem & cognomento Sapientem, se illius legis jactare suosorem &c. Sed noster legislator more suo pro muliebri sexu cui impense semper favet declinat, *lege pen. C de legit. her. l. 4. C. de lib. præt.*

Nostra constitutione] Exstat in *d. l. pen. C. de legit. her.* ubi similiter, ut hoc loco, legem *xii. tabb.* prolixe commendat ut quæ bene humano generi prospexerit. Ceterum ubi visum est eam iterum incusat, veluti in *pr. seq. tit.* ubi eam hoc nomine reprehendit, quod nimis angustis terminis jura successionis concluserit. Tandem longissime ab ea recessit sublata omni agnatorum prærogativâ, *Nov. 118.*

Secundum sui gradus prærogativam] Ita ut ex constitutione Justiniani feminæ omnes agnatæ gradu proximiores agnatis masculis remotoribus præferantur. In quo plenus ipsis consuluit quam prætor, qui agnatas remotores consanguineis ne in ordine quidem agnatorum admisit, sed demum post omnes agnatos vocavit ordine tertio inter cognatos & post cognatos proximiores. Ut autem hic utrumque sexum in suo ordine exæquavit Justinianus: ita *d. Novellæ 118.* jura agnationis & cognationis.

TEXTUS.

De filiis sororum.

4. *Hoc etiam addendum nostræ constitutioni existimavimus, ut transferatur unus tantummodo gradus à jure cognationis in legitimam successionem; ut non solum fratri filius & filia (secundum quod jam definitivimus) ad successionem patrui sui vocentur; sed etiam germanæ consanguineæ vel sororis uterinæ filius & filia soli, & non deinceps personæ, una cum his ad jura avunculi sui perveniant; & mortuo eo qui patruus quidem est sui fratri filiis, avunculus autem sororis sue sobeli, simili modo ab utroque latere succedant, tamquam si omnes ex masculis descendentes legitimo jure veniant, scilicet ubi frater & soror superstites non sunt.*

His etenim personis præcedentibus & successiōnem admittentibus ceteri gradus remanent penitus semoti, videlicet hereditate non in stirpes sed in capita dividenda.

L. 5. tit. 13. Part. 6.

COMMENTARIUS.

1 *Fratres germani.*

2 *Fratres uterini, eorumque & ex iis natorum in ordinem legitimorum translatio, novissimique juris crebra inculcatio.*

IN calce superioris tit. descendentes ex feminis transtulit in ordinem suorum: proxime præcedenti §. feminis aguatris ultra secundum gradum jura successionis legitimæ restituit. Hic etiam cognatos aliquos ex tertio ordine accessitos transponit in ordinem agnatorum, sororum scilicet filios & filias, itemque avunculos defuncti quos pariter cum agnatis ejusdem gradus vult succedere. Non quiesceret donec discrimen omne sexus, agnatinis cognitionisque confuderit.

Addendum nostræ constitutioni] Duo sunt constitutionis supradictæ, & scilicet *legis pen. C. de legit. her.* capita, quorum in priore feminis agnatis quotocumque gradu sint jus legitimæ successionis datur, in altero sororum filiis & avunculis defuncti.

Unus tantummodo gradus] Tertius scilicet. In ulterioribus enim cognitionis gradibus adhuc retinet ordinem antiquum, ut post agnatos demum cognati tertio gradu remotores veniant. Ceterum *Nov. 118.* cognatis omnibus æqualia jura cum agnatis concessit.

1. *Germanæ consanguineæ vel sororis uterina filius]* Αδελφὸς ἡμπατεῖον ἡγετούσιος, sororis consanguineæ vel uterinæ filius. Theophil. sic in extremo §. præcedentis germanam appellat etiam quæ ex eodem tantum patre nata est. Vulgo tamen creditur fratres germanos proprie duci qui eundem utrumque parentem habent. Terent. in *Andr.* act. 1. scen. 6. v. 57. *Si te in germani fratri dilexi loco.* Idem in *Adelph.* act. 2. scen. 4. v. 5. *O mi Æschine ὡ mi germane.* Magis id probat locus Ciceronis pro Milon. cap. 27. Clodius cum sorore germana nefarium stuprum fecit: ubi germana expressum videtur ad augendam gravitatem delicti; cum grandius nefas admittat qui sorori ex utroque parente conjunctæ stuprum infert, quam qui consanguineæ tantum aut uterinæ. Nomen à germe deductum

Etum Festus scribit: *Germen*, inquit, est, quod ex arborum surculis nascitur; unde *germani* quasi eadem stirpe geniti. Græcis dicuntur αὐτάδελφοι, αὐτοκατιγνωτοί. Podarces αὐτοκατιγνωτοί Protesilai *Iliad.* 13.

2 *Vil sororis uterinae*] Fratres & sorores uterini qui dicantur satis notum est, nimirum qui geniti diverso patre prodierunt ex eodem utero, sive qui eamdem habuerunt matrem dumtaxat, ομορήτραι, seu ἴμιούρατραι. Sic autem hic loquitur Imperator, quasi ipsa soror uterina sit in numero legitimorum. Estne igitur? Jure antiquo sane non fuit, cum non sit agnata; & constat eo jure filium fratris præmortui sororem defuncti uterinam exclusisse, agnatosque adeo omnes quantumvis gradu remotissimos ordine tamen potiores fuisse solis cognatis. Sed sciendum est ab ipso Justiniano jam ante editam *legem pen. C. de leg. her.* fratres & sorores uterinos translatos fuisse in ordinem legitimorum, *l. ult. C. ad sen. Tertyll.* quod repetitum postea lege *ult. §. 2. C. de legit. her.*

Soli & non deinceps) Solos nunc filios & filias sororis qui in tertio cognitionis gradu sunt cum agnatis ejusdem gradus ad legitimam successionem vocat, non ulteriores cognatos. *Novella 1. 8.* omnes pari jure ut jam dictum est.

Avunculus autem sororis sue soboli] Finge igitur esse defuncto de cuius hereditate agitur filium fratris, esse & filium sororis, præterea patrum & avunculum: hic cognati, filius scilicet sororis & avunculus defuncti, una cum agnatis fratris filio & defuncti patruo ad hereditatem jure legitimo venient. In *d. Nov. 118.* fratum & sororum filii patruis & avunculis defuncti etiam præferuntur.

Frater & soror superstites non sunt] Hoc quoque mutatum jure novissimo, unaque cum fratribus & sororibus defuncti admissi germanorum fratrum & sororum filii & filiae jure representationis ut in stirpes veniant, *d. Nov. 118. cap. 3. Nov. 127. cap. 1.* Eodem jure non solum fratres germani, sed etiam eorum demortuorum filii præferuntur fratribus defuncto conjunctis ex uno latere tantum.

Successionem admittentibus] Repudiantibus enim vel deficientibus primis succedunt & admittuntur proximi graduum sequentium: de quo sub *§. pen. inf. hoc tit.*

Non in stirpes sed in capita] Ut hereditas in tot partes distribuatur quot sunt heredes;

ut puta: duos fratres habui quorum unus unum filium alter duos reliquit: hereditas non in tres partes dividitur, quarum singuli singulas ferent, l. 2. §. 2. de suis & legit. Ulpian. in *fragm. tit. 26. §. 3.* Ratio cur in capita fiat divisio, hæc est, quod omnes ut pari gradu sunt, ita suo quoque jure atque ex sua persona videntur, non jure representationis aut successionis in locum parentum; cum aliqui simul cum suis patruis & avunculis admittantur, ut nepotes admittuntur ad hereditatem avi unā cum filiis, & quemadmodum eos jure Novellarum admitti & tunc in stirpes succedere jam diximus. An autem eodem jure fratrum filii, etiam cum soli sunt, in stirpes succedere debeant, quod Joannes voluit, an vero in capita ut olim, quod Azoni placuit, videbimus *inf. sub tit. 5.*

TEXTUS.

De proximis vel remotis.

5. *Si plures sint gradus agnatorum aperte lex duodecim tabularum proximum vocat.* Itaque si (verbi gratia) sint defuncti frater & alterius fratris filius aut patruus, frater potior babetur. Et quamvis singulari numero usa lex duodecim tabularum proximum vocet; tamen dubium non est quin si plures sint ejusdem gradus omnes admittantur. Nam & proprie proximus ex pluribus gradibus intelligitur; & tamen non dubium est quin licet unus sit gradus agnatorum pertineat ad eos hereditas.

COMMENTARIUS.

L Ex duodecim tabb. proximum vocat) Hisce verbis: *Agnatus proximus familiaris habebito*, l. 195. §. 1. de verb. sign. Ulpian. in *fragm. tit. 26.* Volut ergo lex in ordine agnatorum servari gradus prærogativam, & solos proximos hereditatem capere; eaque causa est cur inter agnatos semper in capita non in stirpes hereditas dividatur, l. 2. §. 2. de suis & legit.

Frater potior babetur) Nimurum quia frater secundo gradu est, fratris filius tertio; solum autem proximum lex vocat. Eadem ratione soror quoque defuncti consanguinea vincit atque excludit alterius fratris defuncti filios l. 3. C. de leg. her. Ceterum ut etiam dictum est §. præced. Justinianus *Nov. 118.* concessit fratum filiis beneficium representationis.

Si plures sint ejusdem gradus omnes admit-
tan-

tantur] Lex xii. tabbb. numero singulari proximum vocat, non quod si plures sint pari gradu neminem admitti voluit, quod esset ridiculum; sed quia divinare non potuit quod quisque agnatos relicturus esset. Quodsi ergo plures sint ejusdem gradus ex mente legis omnes æqualiter admittuntur, l. 2. §. 2. de suis & legit. Simili modo cum lex agnato proximo tutelam defert, si plures sint eodem gradu agnati pariter omnibus deferre intelligitur, ll. 8. & 9. de legit. tut. §. ult. Inst. sup. de cap. dem.

Proprie proximus ex pluribus gradibus] Proximus enim dicitur relative ad differentiam remotiorum, eumque significat proprie qui inter plures diversorum graduum proximiore est, l. 1. §. 5. unde cogn. Sed docet hic Imperator verbum hoc captandum non esse; atque ex sententia legis etiamsi unus tantum gradus agnatorum sit ad eos hereditatem pertinere: quemadmodum & Ulpian. d. l. 2. §. 4. de suis & legit. qui sic eo loco scribit: Legitima hereditas tantum proximo defertur. Nec interest unus solus sit an ex duobus prior pluribus, an duo plures ab eodem gradu venientes, qui vel ceteros antecedant vel soli sint; quia & is proximus est quem nemo antecedit: & is ultimus quem nemo sequitur; & interdum idem primus postremusque qui solus occurrit. Adde l. 1. §. 5. unde cogn. ll. 92. 155. & 162. de verb. sign.

TEXTUS.

Quo tempore proximitas spectatur.

6. *Proximus autem si quidem nullo testamento facta quisquam decesserit, per hoc tempus requiritur quo mortuus est is cuius de hereditate queritur.* Quod si facto testamento quisquam decesserit, per hoc tempus requiritur quo certum esse cœperit nullum ex testamento heredem extitum; tunc enim proprie quisque intestatus decessisse intelligitur. Quod quidem aliquando longo tempore declaratur. In quo spatio temporis sœpe accidit ut proximiore mortuo proximus esse incipiat qui moriente testatore non erat proximus.

COMMENTARIUS.

1. *Tempus delatae ab intestato hereditatis non semper unum esse & idem.*

1. *C*um queritur quo tempore spectandum sive an quis suus sit sive

an proximus agnatus cognatusve, dicendum quidem est semper spectari tempus delatae ab intestato hereditatis. Ceterum hoc tempus non semper unum est & idem. Interest enim utrum is de cuius bonis queritur nullo testamento facta decesserit (quod tunc quoque intelligitur cum aut non jure fecit aut quod fecit ipso adhuc vivo eversum est), an factō jure testamento quod demum post mortem ejus in irritum constituantur. Priore casu proximum eum accipi placet qui tunc fuit cum paterfam. moreretur, quia hic tempus delatae hereditatis cum tempore mortis concurrit; posteriore eum qui tunc est cum testamentum deseritur; quia mortuo paterfam. testamento factō non ante hereditas ejus ab intestato deferrī incipit quam certum est neminem ex eo testamento heredem extitum, l. 2. §. 5. & 6. de suis & legit. l. 1. §. 6. & 7. unde cogn. Ubi etius hæc exposuimus sub §. 7. superioris tit.

Tunc enim proprie quicunque intestatus] D. Contius legit. Tunc enim etiam proprie &c. quomodo Ulpian. l. 1. de suis & legit. eum etiam cuius ex testamento hereditas adita non est ait non in proprie intestatum decessisse. Sed Justinianus tantummodo indicare voluit differentiam quæ sit in proposito inter eum qui testamentum non fecit, qui proutinus intestatus moritur; & eum qui fecit testamentum qui ex eo demum tempore quo testamentum ejus destitutum est intestatus decessisse intelligatur.

Qui moriente testatore non erat proximus] Sit species hujusmodi. Fecit quis testamentum cum haberet patruum & patrui filium: deliberante herede scripto patruus decessit; mox heres institutus repudiavit hereditatem: patrui filius admittetur, l. 2. §. 5. de suis & legit. quo loco quod Ulp. ait, interdum ulteriorem agnatum admitti, ulteriorem accipi constat non qui ulterior sit quo tempore admittitur sive tempore destituti testamenti; sed anaphorice, qui erat ulterior cum patruis moreretur.

TEXTUS.

De successorio edicto.

7. *Placebat autem in eo genere percipiendarum hereditatum successionem non esse: id est, ut quamvis proximus qui secundum ea quæ diximus vocatur ad hereditatem, aut spreverit hereditatem aut antequam adest decesserit, nihil magis legitimo jure sequentes admittantur.*

Quod

Quod iterum prætores imperfecto jure corrigentes non in totum sine adminiculo relinquebant sed ex cognatorum ordine eos vocabant, utpote agnationis jure *eis recluso*. Sed nos nihil perfe-
ctissimo juri deesse cupientes, nostra constituti-
tione quam de jure patronatus humanitate sug-
gerente protulimus, sancimus, successionem in
agnatorum hereditatibus non esse *eis denegan-*
dam; cum satis absurdum erat, quos cognati
à prætore apertum est hoc agnatis esse re-
clusum; maxime cum in onere quidem tute-
larum & primo gradu deficiente sequens succe-
dit; & quod in onere obtinebat non erat in lu-
cro permissum.

COMMENTARIUS.

1. Olim in legitimis hereditatibus successionem non fuisse, & quamobrem.
2. Quomodo accipendum quod dicitur, successionem non esse in suis heredibus; & num id postea mutatum.
3. Cur Imperatori visum successionem in agnatorum hereditate admitti.

1. **J**ure antiquo in legitimis hereditatibus non erat locus successionis, hoc est, proximo repudiante vel deficiente ad insequentem agnatorum gradum ex lege hereditas non transmittebatur. Ulp. in fragm. tit. 26. §. 4. & ideo fratre, verbi causa, decedente antequam adiret aut repudiaret hereditatem, fratris filius admitti non poterat. Paul. 4. sent. 8. Atque hoc est quod scribit idem Ulpian. l. 2. in pr. de suis & legit. Si sint consanguinei, licet non aderint hereditatem, legitimis, id est agnatis remotioribus, non deferri. Rationem hujus juris suggerit Paul. d. loc. quia omnis successio proximiori defertur, hoc est, quia lex XII. tabb. hereditatem defert agnato proximo, & tantum semel; ut unica illa delatione potestate legis consumta gradus insequens, cui lex non defert, legitimo jure admitti non possit. Nimium sic primis deferebatur ut in horum persona consisteret jus percipienda hereditatis. Quod si illi hereditatem omississent aut non adiissent morte præventi sequentibus gradibus non deferebatur, sed vacabat hereditas, eoque redibat ad fiscum ut cetera bona vacantia: quod jus imperator hic abrogat data legitimis heredibus successione exemplo cognatorum.

2. **I**n eo genere] In secundo scilicet ordine heredum, in quo vocantur agnati. Quamquam nec in suis heredibus successio est, te-

ste Ulp. l. 1. §. 8. de suis & legit. ubi scilicet agitur de gradibus ejusdem linea, de filio & nepote ex eo; ut postquam filio semel delata est hereditas nepoti ut suo heredi aut agnato non deferatur, l. ult. C. unde lib. alioqui constat nepotes in locum patris sui præmottui succedere, & una cum liberis primi gradus admitti ad hereditatem avi. Putant autem plerique etiam d. legem ult. correctam esse per hunc §. aut certe per Nov. 118. cap. 1. sed contrarium, teste Jasone, tenuerunt Ultramontani & DD. Bononienses, quorum sententia mihi videtur ex ratione juris communis ve-
rior.

Nibili magis legitimo jure sequentes] Quid si plures sint eodem gradu agnati & quidam ex his omiserint hereditatem, vel morte vel alia ratione impediti fuerint quominus adirent? Reliquis qui adierint illorum portio accrescit, & licet decesserint antequam accresceret ad heredes tamen eorum pertinet, l. 9. de suis & legit. §. ult. Inst. infr. de sen. Orf. Ulp. in fragm. tit. 26. §. 4.

Ex cognatorum ordine eos vocabant] Edicto successorio, l. 1. de succes. edit. Observabat autem prætor in eo ordine gradus prærogativam; verbi causa: Titius intestato decessit reliquo fratri filio, itemque filio sororis & alterius fratri nepote: repudiante hereditatem fratri filio, nepos alterius fratri ad hereditatem legitimam non admittitur; sed nec ut cognatos ad bonorum possessionem, quia obstat filius sororis cognatus proximior.

Agnationis jure eis recluso) *Recluso* dixit pro *occluso*; ut & iterum postea, *hoc agnatis esse reclusum*, contra auctorum loquendi consuetudinem, quibus recludere est quod clausum erat aperire, reserare, Virg. 8. Aeneid. v. 244. *Infernus reseret sedes & regna recludat*. Horat. lib. 3. carm. od. 2. *Virtus reclu-
dens immeritis mori Coelum &c.* Justinus tamen lib. 1. cap. 9. de pellicibus regis loquens, dicit singulas separatim *recludi*, pro *occlu-
di*. In l. pen. C. de legit. ber. *recluditur* di-
xit Justinianus pro *excluditur*, cum ait: *Ger-
mana ejus ab eadem successione recluditur*.

Constitutione nostra) Constitutionis hujus de jure patronatus meminit etiam inf. in pr. tit. 7. buj. lib. & multis aliis locis; sed desideratur. Hac autem constitutione inter alia hoc caustum, ut agnato proximo hereditatem sibi delatam repudiante admitterentur ex eodem ordine gradus sequentes exclusis cognatis etiam proximioribus; atque ita auctius factum est jus agnatorum. Hodie vero nullus est hujus be-

neficii usus postquam cognati per omnia agnatis exæquati Nov. 118. cap. 4.

3. *Quod cognatis à prætore apertum*] Duas rationes afferit Imperator cur in agnatorum hereditatibus locum esse velit successioni. Prima est quæ hic redditur, quia prætor eam admisit in ordine cognatorum, l. 1. §. 6. & §. 10. de succ. edit. & ut verum fatear mera quædam juris subtilitas est quod proximiore agnato deficiente ulterior admitti non possit. VENN. Ex quo patet falli Aleandrum & Oiselium qui ad Gaj. Inst. lib. 11. tit. 8. §. 23. scribunt, agnatos remotiores jure civili exclusos vocatos esse edicto prætoris *unde cognati*. Propriorem enim cognatum eo causa exclusisse remotiorem agnatum certissimum est. Vide vir. cl. Ant. Schulting. *jurisprud. vet. p. 139. HEIN.*

Maxime cum in onere tutelarum] Ratio altera & argumentatio ab onere ad emolumen-tum. Si in onere tutelæ quam ad cognatos ideo pertinere ipsa lex xii. tabb. voluit quia eosdem vocavit ad hereditatem, successioni locus est; & proximiore agnato vel mortuo vel capite minuto qui post eum est in administratione succedit, l. 3. §. pen. de leg. tut. justum & equum est ut eodem modo deficiente priore, qui sequitur emolumento potiatur hereditatis, juxta l. 10. de reg. jur.

TEXTUS.

De legitima parentum successione.

8. *Ad legitimam successionem nibilominus vocatur etiam parens qui contracta fiduciâ filium vel filiam, nepotem vel neptem ac deinceps emancipat: quod ex nostra constitutione omnino inducitur, ut emancipationes liberorum semper videantur quasi contracta fiduciâ fieri; cum apud Veteres non aliter hoc obstinebat nisi specialiter contracta fiduciâ parens manumisisset.*

COMMENTARIUS.

- 1 *Filiū fam. heredem ab intestato non habuisse usque ad constitutionem Leonis & Anthemii.*
- 2 *Quo loco ex ea constitutione pater vocetur, & quo ex Nov. 118.*
- 3 *Quo jure olim pater ut pater successerit filio emancipato.*

1. **T**raictatur hic de legitima successione parentis, non quatenus ut parens consideratur, sed quatenus ut manu-

missor patronus. Quo ordine pater filio olim successerit non satis liquet. Illud constat, in filiofam. hujusmodi questioni locum esse non potuisse jure illo veteri quo filius omnia patri adquirebat. Ac licet postea exceptum fuerit peculium castrense & paulatim etiam quasi castrense, permisumque filiofam. in his bonis heredem sibi testamento instituere: jus tamen vetus haec tenus patri conservatum fuit ut si filius intestatus decessisset bona ista pater jure peculii occuparet, l. 2. & 9. de castr. pecul. Hoc igitur casu manebat adhuc eadem conditio bonorum castrensiuum quæ reliqui peculii. Atque hucusque filiofam. heredem ab intestato habere non potuit; sed habere posse demum coepit posterioribus temporibus, cum liberis concessa fuit proprietas bonorum maternorum & materni generis, & de veteri illo jure patria multa detracta sunt.

2. Extat constitutio Leonis & Anthemii l. 4. C. de bon. que lib. qua res liberorum defunctorum primò eorum liberis deferuntur: si nulli sint liberi, fratribus & sororibus: si hi quoque desint tertio loco parentibus; nec ergo jam amplius tamquam peculium, sed ut hereditas. Eadem proculdubio ratio succendi fuit & in bonis castrensiibus. Nam si bona adventitia, quorum usumfructum tamen habebat, pater jure peculii occupare non poterat: omnino credibile est nec potuisse castrensis; quod & ipsum satis aperte testatur Justinianus in princ. tit. Inst. quib. non est permis. fac. test. cum ait, si filiifam. qui castrense peculium habent intestati decesserint nullis liberis vel fratribus superstibus, id ad parentes eorum jure communi pertinere: jure communi, hoc est jure hereditario ex posteriorum Principum constitutionibus; nam si jure peculli ad patrem pertineret, nemo patri præferri posset, nec cuiquam hereditario jure deferri: de quo in explicatione d. loc. fusi disseruimus. Novelâ 118. parentes sine discretione sexus aut potestatis vocantur ad legitimam hereditatem in ordine secundo, cum quibus tamen simul admittuntur fratres ex utroque latere defuncto conjuncti.

3. Ad filium vero emancipatum quod attinet, planum quidem est patri manumissori legitimam intestati hereditatem delatam fuisse; at quo jure quove loco successerit ut pater, non item. Habuisse patrem jus succendi patet ex eo quod præteritus suo jure de officioso agere potuit, l. 1. §. ult. si à par. quis man. l. 14. de inoff. quod utique nemo potest nisi

nisi qui jus succedendi ab intestato habet ; & tamen jure civili heredem eum esse non potuisse , arguento est quod eo jure ad hereditatem tantum sui heredes & his non existentibus agnati vocantur ; pater autem neque suus est neque agnatus filio emancipato. Dices , à prætore admissum ad bonorum possessionem. Ex quo ergo capite ? Unde legitimi , an unde cognati ? Si unde legitimi , debuit excludere fratres & sorores qui ad bonorum possessionem fratri sui emancipati ex alio capite venire non potuerunt quam unde cognati. Sed etsi unde cognati dicas , adhuc tamen pater jure proximitatis preferri debuit defuncti fratribus. Atqui contra pater à fratribus exclusus fuit , l. 2. C. ad sen. Tertyll. Rursus si unde cognati dicas , mater unà cum patre vocari debuit , & post senatusconsultum Tertyllianum , ex quo mater ex capite unde legitimi vocata fuit , etiam patri ordine preferri , l. 1. §. ult. unde legit. At pater in petenda bonorum possessione matri prælatus fuit etiam post illud senatusconsultum , l. 10. de suis & legit. l. 2. §. 15. ad ten. Tert. §. 3. inf. tit. seq. Ego sic existimo , patrem olim admissum fuisse ex capite unde cognati , cognatisque omnibus nomine proximitatis prælatum , & jure patris etiam matri : quod jus ei expresse reservatum fuerit [senatusconsulto , dictamque legem 2. C. ad sen. Tertyll. à Triboniano interpolatam accommodatamque ad iura recentiora & nominatim ad leg. 4. C. de bon. que lib. & leg. 11. C. comm. de succes.

Qui contracta fiduciā &c.] Id est qui liberos ex pacto fiducie sibi remancipatos manumittit. Nam inventis ad usurpationem vetustatis in emancipatione liberorum imaginariis illis venditionibus & manumissionibus , de qui-

bus in §. 6. sup. quib. mod. jus pat. pot. solv. solebat plerumque pater naturalis fiduciam cum emtore imaginario contrahere de liberis sibi remancipandis quos ipse deinde manumittebat , eoque facto ipse pater in eos eorumque bona jura patroni consequebatur , tit. ff. si à par. quis man. Ceteroquin omnis emancipatio fiebat contracta fiduciā , hoc est , ea lege & fide saltem interposita ut liberos sibi traditos emtor manumitteret: qui ob id dicebatur pater fiduciarius , teste Gajo lib. 1. Inst. tit. 6. §. 3.

Semper videantur quasi contracta fiduciā fieri) Justinianus imaginarias illas antiquæ emancipationis solemnitates sustulit legē ult. C. de emanc. lib. salvo tamen jure antiquo patris manumissoris , ut scilicet adhuc ad legitimam hereditatem filii vocetur ceteraque jura patroni consequatur perinde ac si contracta fiduciā eum emancipasset. Parum autem subtiliter locuti sunt Compositores cum ajunt emancipationem ex constitutione Justiniani semper intelligi fieri contracta fiduciā. Cur enim aut quomodo fieri videri volunt quod penitus sublatum est ? Jure Novellarum parens manumissor jure patroni quoad commodum hereditatis non amplius utitur , arg. Nov. 118. cap. 2. Vinn. Videntur Compositores hoc loco ad aliam respxisse constitutionem , quæ cum Codice Justinianeo intercidit , qua Imperator sanxerat ut pactum fiduciæ semper interpositum esse fingeretur , etiamsi expresse interpositum non esset. Sed hac constitutione post legem ult. C. de emanc. lib. non amplius opus fuit. Unde & omissa fuit in Codice repetita prælectio- nis. Ceterum omnino eatenus excusari nequeunt compositores Institutionum quod immemores novæ istius constitutionis vetustioris & aboli- tæ fecerunt mentionem. HEIN.

TITULUS III.

DE SENATUSCONSULTO TERTYLLIANO.

Dig. lib. 38. tit. 17. Cod. lib. 6. tit. 56.

Argumentum hujus & sequentis tituli.

Hoc titulo docet Imperator quando & quonodo mater ad liberorum suorum intestatorum legitimam hereditatem vocetur. In sequenti quando & quonodo illi matri intestatae succedant.

Tom. II.

TEXTUS.

De lege xii. tabb. & jure prætorio.

Lex duodecim tabularum ita stricto jure ure-
batur & proponebat masculorum progeniem , &
Eos

eos qui per feminini sexus necessitudinem sibi junguntur adeo expellebat, ut ne quidem inter matrem & filium filiamve ultro citroque hereditatis capienda jus daret; nisi quod praetores ex proxinitate cognatorum eas personas ad successionem bonorum possessione unde cognati accommodata vocabant.

COMMENTARIUS.

NE quidem inter matrem & filium] Ait, lege XII. tabb. ne inter matrem quidem & filium filiamve jus ultro citroque capienda hereditatis concessum fuisse. Quod verum est. Nam lex ista duos dumtaxat ordines heredum ab intestato fecerat, suorum scilicet heredum & agnatorum. Mater autem & liberi nec sui heredes invicem sunt nec agnati. Cognati quidem invicem sunt, sed cognati nulli à lege vocantur. VNN. Hæc quidem in se vera sunt. Potuit tamen contingere ut & mater ex lege XII. tabb. filii heres esset: (1) si esset ejusdem familiae vel gentis, ex. gr. si Scipio alterius Scipionis filiam duxisset ex eaque procreasset liberos. Hic enim mater tamquam agnata succedere poterat si erat proxima. Deinde (2) si mater in manum convenisset; sic enim eodem erat loco quo filia familias, adeoque & filiis tamquam agnata succedebat. Ast postea quam media jurisprudentia agnatas, præter sorores, excluderat, & uxores rarius in manum convenire coepérant: rarissima quoque fuit matrum successio antequam senat. Tertulliano illis prospiceretur. HEIN.

Nisi quod praetores ex proximitate] Pro nisi utendum erat conjunctione discretiva certorum aut sed; ne quis putet ex præscripto legis quod praetores fecerunt. Sensus enim est, prætorem more suo rigorem legis antiquæ mitigasse; &, quod poterat, matrem & liberos qui heredes invicem ex lege non erant, invicem sibi fecisse bonorum possessores ad mutuam successionem eos vocando in ordine cognatorum, quem ipse solius proximitatis & sanguinis ratione introduxit & tertium fecit.

TEXTUS.

De constitutione Divi Claudi.

1. *Sed hæc juris angustiae postea emendatae sunt. Et primus quidem Divus Claudio matri ad solarium liberorum amissorum legitimam eorum detulit hereditatem.*

COMMENTARIUS.

HÆ juris angustia emendatae] Hoc est ipsi legi XII. tabb. postea derogatum est, & quod prætor facere non poterat, jus legitimæ hereditatis etiam matri & liberis datum se natus consultis; ac dehinc cum antea demum post omnes agnatos à prætore vocarentur ad bonorum possessionem, vocari coepi sunt ordine secundo ex capite unde legitimi, l. 2. §. ult. unde legit.

Primus D. Claudio nihil apud alios reperitur quod quidem ad rem propositam facere videatur, nisi hæc referas quod Suetonius scribit cap. 19. eum feminis dedisse jus quatuor liberorum: quo etsi quid significet obscurum est, opinor tamen eum intelligere jus liberis succedendi, cuius hæc fit mentio: quod quidem Claudio primus matribus dedit, ceterum non omnibus, verum iis dumtaxat quæ quater peperissent. Sane accipi non potest pro jure liberorum quod olim à Principibus pro beneficio datum fuit orbis ad evitandas poenas legis Papie, quarum una erat quod solidum capere non poterant: quod indicatur à Juvenale satyr. 9.

Jura parentis babes, propter me scriberis heres.

Legatum omne capis nec non & dulce caducum. Adulterum inducit Poëta, qui maritum hoc sibi beneficium debere ait quod poenas orbitatis lege Papia constitutas jam non patiatur, sed solidi capiendo jus habeat; quippe cum maritus ipse liberos ex uxore suscipere non posset vicem ejus supplex, & inde liberos natos. VNN. Omnino privilegium à Claudio concessum apud Suet. cap. 19. pertinet ad legem Julianam & Papiam; eoque id consequebantur feminæ ut tutelâ liberarentur, solidum & caducum caperent, poenas orbitatis evitarent. Diximus ea de re fusius in comm. ad leg. Jul. & Pap. Procul dubio hoc privilegium à Claudio non tam omnibus feminis quam quibusdam speciali beneficio concessum est. Vid. Cujac. not. poster. ad bunc §. HEIN.

Ad solarium liberorum amissorum] Ut hoc qualquam solatio luctum amissorum liberorum levaret: quomodo Pompon. l. 6. de jur. dor. patri succursum esse scribit, ut filiâ amissa dos ab eo profecta ei redderetur, ne & filiæ amissæ & pecuniaæ damnum sentiret. Homomannus & Tuningius putant per amissos significari eos qui in acie ceciderunt.

TEXTUS.

Ad senatusconsultum Tertyllianum.
De jure liberorum.

2. Postea autem senatusconsulto Tertylliano, quod Divi Hadriani temporibus factum est, plenissime de tristi successione matri, non etiam aviæ, deferenda cautum est: ut mater ingenua trium liberorum jus habens, libertina quatuor, ad bona filiorum filiarumve admittatur intestato mortuorum, licet in potestate parentis sit: ut scilicet cum alieno juri subjecta est, jussu ejus aeat hereditatem bujus juri subjecta est.

COMMENTARIUS.

*D*ivo Hadriani temporibus] Zonaras lib. 2. testatur hoc senatusconsultum factum esse Divo Pio auctore; quod & fasti confirmant, in quibus post Barbatum & Regulum consules ponuntur Tertillus & Sacerdos, quo tempore jam annos viginti Antoninus Pius rei Romanæ præfuerat. Ergo Divum Hadrianum hic accipiemus non patrem sed filium, Antoninum scilicet Pium qui jure adoptionis idem cum patre nomen sortitus est & Hadrianus quoque appellatus. Sic epistola vulgo Hadriani dicta qua pluribus unius rei fidéjussoribus beneficium divisionis datum est Divo Pio tribuitur, l. 49. §. 1. in fin. de fidejuss. Ob eamdem rationem Hadrianus quoque Trajani nomine sæpe appellatur. Cujac. bic. VENN. Hæc omnia quam incerta sint quamque parum fidei mereatur Zonaras diximus in Antiq. Rom. §. 3. idemque ante nos monuit vir cl. Ant. Schult. in jurisprud. vet. ante Just. p. 668. HEIN.

Plenissime de tristi successione] Plenissime, id est diligentissime; accurate enim de hac successione senatusconsulto cautum, definitumque qui cum matre concurrant, quos ipsa vel qui ipsam excludant, quid matri faciendum incumbat &c. vide l. 2. hoc tit. *Tristi successione:* luctuosam hereditatem appellat lex ult. C. de inst. §. substit. scilicet quia obvenit contra votum matris, quæ velit & optet liberos suæ superesse vitæ sospites & superstites.

Non etiam aviæ] Senatusconsultum Tertyllianum matri tantum filiorum filiarumve hereditatem detulit, non aviæ aut ulterioris gradus ascendentibus nepotum neptumve aut deinceps descendantium. Unde petenda ratio legis

9. C. de legit. her. quæ in successione intestata sororem præfert aviæ, nimirum consanguineam; nam ex edicto unde cognati, aviam cum uterina ut gradu parem simul admissam fuisse non est dubitandum. Credibile autem est ob juris veteris reverentiam tunc ultra prium gradum processum non esse; ulterius tandem progressus est Justinianus Nov. 118.

Ingenua trium liberorum, libertina quatuor] Hoc quoque veterum legum venerationi datum videtur, quod senatus non simpliciter matribus omnibus sed quæ multos cives Reipubl. peperissent prospexit; & nimirum ingenuis quæ ter, libertinis civibus Romanis quæ quater enixa essent, dummodo vivos & pleni temporis. Reliquæ ex senatusconsulto non succidunt, nisi jus liberorum à Principe consecutæ sint. Paul. 4. sent. 9. in pr. §. fin. Ulp. in fragm. tit. 26. §. ult.

Intestato mortuorum) Igitur necesse est ut liberi defuncti quorum de successione agitur fuerint sui juris; nam qui in potestate sunt jure antiquo nullo casu heredem ab intestato habere potuerant, ne in bonis quidem castrenibus, ut demonstravimus sub §. ult. præc. tit. Hodie vero id secus est; nam ex Nov. 118. mater proprio jure succedit, & vel sola vel cum patre & fratribus defuncti, ut jam nullus amplius hujus senatusconsulti usus sit.

Licet in potestate parentis) Quominus mater ad hereditatem ex senatusconsulto admitteretur non impediens quod in aliena erat potestate, l. 6. C. hoc tit. quamvis hoc casu nihil admodum emolumenti ad eam perveniret; sed avo magis, cui commodum omne hereditatis adquirebatur, quam matri consuleretur. At hodie usumfructum tantum in proposito avus consequetur, mater proprietatem habebit per l. 6. C. de bon. quæ lib.

TEXTUS.

Qui præferuntur matri vel cum ea admittuntur.

3. *Præferuntur autem matri liberi defuncti qui sui sunt, quive suorum loco sunt, sive primi gradus sive ulterioris.* Sed §. filie sue mortuæ filius vel filia præponitur ex constitutib[us] matri defunctæ, id est aviæ suæ. Pater vero utriusque non etiam avus §. proavus matri anteponitur, scilicet cum inter eos solos de hereditate agitur. Frater autem consanguineus tam filii quam filiae excludebat matrem; soror autem consanguinea pariter cum matre ad-

mittebatur. Sed si fuerant frater & soror consanguinei & mater liberis onerata, frater quidem matrem excludebat; communis autem erat hereditas ex aequis partibus fratribus & sororibus.

COMMENTARIUS.

- 1 Qui ex liberis filii defuncti matri præferantur.
- 2 Qui ex liberis filiæ defunctæ.
- 3 Qui ascendentium.
- 4 Qui lateralium.

Continet hic §. declarationem senatusconsulti Tertylliani; doceturque primo quid juris sit si cum matre defuncti existant liberi: deinde si pater aut avus paternus: tertio si fratres aut sorores.

Præferuntur matri liberi defuncti] Quando cum matre concurrunt liberi defuncti sive primi sive ulterioris gradus, liberi matrem excludunt; idque sive agatur de masculi sive de feminæ successione, ut mox apparebit.

1. *Qui sui quive suorum loco*] Hic necesse est casus ponatur quo filius mortuus est; siquidem filia suoi heredes habere non potest. Ait autem Imp. matri defuncti præferri liberos qui sui defuncto heredes sunt, tum qui sunt suorum loco. Sui sunt etiam liberi adoptivi; ceterum hi post emancipationem matri defuncti non obstant, nec admittuntur nisi fuerint ex liberis naturalibus, ut puta nepos adoptatus ab avo, l. 2. §. 6. hoc tit. Quid autem juris hodie si adoptati ab extraneo? Non habent hi quidem jus suorum heredum; sed tamen quia Justinianus expresse iis servavit jus successionis ab intestato, dicendum videatur matri præferendos esse, l. pen. §. 1. C. de adopt. Quid si quis decesserit relicta matre & item filia quam in adoptionem dederat? Et quidem in adoptionem dati neque sui heredes sunt patri naturali neque suorum heredum loco. Placuit tamen cessare senatusconsultum & simul admitti ad bonorum possessionem unde proximi cognati matrem & filiam, l. 2. §. 9. hoc tit. Suorum loco sunt primum liberi emancipati, quos saepe diximus prætorem suorum numero habere, eosque tamquam suos vel cum suis heredibus vel solos bonorum patris possessores facere. Deinde suorum quoque loco sunt ex constitutionibus Principum & præcipue Justiniani nepotes & pronepotes ex filia; nam & hi inter suos & cum suis vocantur §. ult. sup de her. que ab intest. ut matri defuncti præferri debeant; cùm in suis aut qui suorum numero sunt gradus non quæ-

ratur, hoc est, nihil referat primi gradus sint an ulteriorum, at ipse Imp. hic docet.

2. *Filiæ sue mortuae*] Casus ubi de filiæ intestato mortuæ successione quæritur. Ait sue, id est quæ sui juris suæque potestatis fuerit: quomodo M. Tullius lib. 3. de Repub. Est, inquit, genus *injustæ servitutis* cum ii sunt alterius qui sui possunt esse. Persius sat. 4. v. 88. *Vindictâ postquam meus à prætore recessi;* & alioqui nec huic senatusconsulto nec successioni ab intestato omnino locus esse potest, ut notatum §. præc. Utique illud palam est, liberos suos heredes matri non esse. Apud Wesembecium vox sue deest.

Filius vel filia præponitur ex constitutionibus] L. 4. C. ad senatuscons. Orfie. l. II. C. de suis & legit. l. 3. & pen. C. Theod. de legit. ber. Ut autem filius & filia matri præferrentur nec inter eos & matrem divideretur hereditas constitutionibus opus fuisse ideo Hotomannus & Bachovius scribunt, quia pari jure niti videantur, mater suffragio senatusconsulti Tertylliani, filius & filia Orficiani; & tamen in Orficiano excluduntur consanguinei, qui in Tertylliano aut præferuntur aut cum matre concurrunt; unde si intestata mulieri consanguinei extant & mater & filia, ad solam filiam ex senatusconsulto Orficiano hereditatem pertinere rescriptum est ab Alexandro l. 1. C. ad senatuscons. Orfian. Plane illud ex constitutionibus est, quod etiam nepotes neptesque admittantur & matri defunctæ præponantur, d. l. II. C. de suis & legit.

Pater vero utriusque non etiam avus & proavus) Jam cum matre conferre incipit ascendentis alios, patrem, avum, proavum. Ait, patrem matri anteponi, patrem scilicet naturalem; nam adoptivus matri non nocet, l. 2. §. 15. l. 3. hoc tit. Ait *utriusque*, id est, & filii & filia intestato mortuorum, de quibus distincte antea locutus erat. Summovet autem matrem, sive manumissor heres pater existat, sive non manumissori bonorum possessio competit, d. l. 2. §. 15. l. 10. de suis & leg. Non etiam avus & proavus. Neque avus neque proavus, ait Ulpianus, in Tertylliano matri innocentem fiduciam contraxerint, d. l. 2. §. 15.

3. *Cum inter eos solos*) Scilicet, ajunt Hotoman. Wesemb. Pac. inter patrem & matrem: qui manifestus error est; pater enim semper & omnimodo matrem excludit. Referendum hoc omnino est ad proxime antecedens, nempe si mortuo jam antè patre defuncti inter avum aut proavum & matrem

TEXTUS.

Jus novum. De jure liberorum
sublato.

solos de hereditate agatur: hoc casu significat Imperator matrem potiorem esse; ast ubi simul pater superest cui avus anteponatur, non item: verbi causa, ueros ab avo manumissus decessit patre & avo & matre superstibus: hic avus manumissor quia speciali jure tamquam patronus patri, id est filio suo in potestate retento, præfertur, matrem quoque cui pater obstat propter patrem excludet, l. 5. §. ult. hoc tit. neque enim matri prodesse debet quod avus patri anteponitur jure patroni. At patre mortuo si avus solus extet cum matre, avus etiam manumissor matri postponetur, d. l. 2. §. 15. eod. Unde notant Jo. Fab. Porc. & alii regulam *si vinco vincentem te multo magis vinco te*, non procedere ubi non sunt pares termini; ego dicere, ubi non meo jure te vinco sed propter tertium. Non absimilis casus est qui proponitur ab Ulp. d. l. 2. §. 18. eod.

4. Frater consanguineus excludebat matrem, sutor autem pariter &c.) Hic cum matre conferuntur fratres & sorores, atque haec tria docentur. (1) Si fratres consanguinei cum matre defuncti existant, fratres esse potiores. (2) Si sorores consanguineæ, siquidem solæ, cum his pariter matrem admitti. (3) Si & sorores sint & fratres consanguinei, non prodesse matri quod tunc sorores æque ac fratres admittantur; neque enim ut matrem ita & sorores à fratribus excludi. Porro cum fratres dumtaxat & sorores hoc loco matri objiciantur, existimandum est ceteris à latere venientibus sive agnatis sive cognatis matrem præferri. Sed & quia consanguineorum tantum mentio fit, credibile est fratres & sorores uterinos senatusconsulto fuisse exclusos; ceterum Justinianus hos etiam cum matre admisit, §. 5. inf. hoc tit. Novellâ 118. totum hoc jus mutatum est, ut identidem monuimus.

Et mater liberis onerata) Probabilis est conjectura Cujacii in not. ad Ulp. tit. ult. pro onerata legendum existimantis honorata; ut enim verum sit liberos matri esse oneri, tamen respectu senatusconsulti Tertylliani de quo hic agitur non oneri sed emolumento matri sunt. Conjecturam Cujacii Theophilus quoque iuvat, qui vertit ἡγετὴ δικαιονομία παιδῶν (qua habet jus liberorum); & §. 5. eamdem appellat δικαιονομία παιδῶν κατοχήν (liberorum jure ornata) Cicero 1. Tusc. cap. 35. Metellus ille bonatur quatuor filiis.

4. Sed nos constitutione quam in codice nostro nomine decorato posuimus matri subveniendum esse existimavimus, respicientes ad naturam & puerperium & periculum & saepe mortem ex hoc casu matribus illatam. Ideoque impium esse credidimus casum fortuitum in ejus admitti detrimentum. Si enim ingenua ter vel libertina quater non pepererit, inmerito defraudabatur successione suorum liberorum. Quid enim peccavit si non plures sed paucos peperit? Et dedimus jus legitimum plenum matribus sive ingenuis sive libertinis eti non ter enixa fuerint vel quater, sed eum tantum vel eam qui quæ morte intercepti sunt, ut sic vocentur in liberorum suorum legitimam successiōnem.

COMMENTARIUS.

Constitutione quam in Codice] Ea est lex 2. C. de jur. lib. qua matri jus legitimæ successionis omnimodo conceditur, licet ingenua tres libertina quatuor liberos non pepererit.

Impium esse credidimus] Non debebat disputare adversus senatusconsultum, quo iura matrium adaucta sunt; nec impium sed plenum pietatis amplissimi Ordinis consilium fuit; nimis præmio aliquo matres invitare ad liberorum procreationem atque educationem, & occurtere detestabili infantium exponentiorum audacia; forte & flagitiis aliis feminarum obviam ire, quæ (qui tunc temporis mores erant) frequenter abortionibus operabantur: cuius rei testis nobis sit Juvenalis satyr. 6. v. 593.

Sed jacet aurato vix ulla puerpera letto.

Tantum artes bujus, tantum medicamina possunt,
Quæ steriles facit atque homines in ventre ne-
cando
Conducit.

Quid enim peccavit] Cur non omissa omnia disputatione pro imperio suo statuit quod vult, & tribus verbis simpliciter matri jus legitimæ successionis dat? Senatus non fortunam sed civitatis propagationem spectavit, uti & lex Papia Poppæa, quæ non modo coelibes verum orbos etiam poenâ affectat quanvis nil peccantes; cum nemo divinare possit uxorem quam dicit infœcundam fore. Æquo tamen animo hujusmodi feren-
da sunt, & cedendum publicæ utilitati.

TEXTUS.

Quibus mater præponitur, &
quibuscum admittitur.

5. Sed cum antea constitutiones jura legitimæ successionis perscrutantes partim matrem adjuvabant partim eam prægravabant, nec in solidum eam vocabant sed in quibusdam casibus tertiam ei partem abstrabentes certis legitimis dabant personis, in aliis autem contrarium faciebant: nobis visum est recta & simplici via matrem omnibus personis legitimis anteponi, & sine ulla deminutione filiorum suorum successionem accipere: excepta fratribus & sororis persona (sive consanguinei sint sive sola cognationis jura habentes) ut quemadmodum eam toti alii ordini legitimo præposuimus, ita omnes fratres & sorores (sive legitimi sint sive non) ad capiendas hereditates simul vocemus; ita tamen ut siquidem solæ sorores agnatae vel cognatae & mater defuncti vel defunctæ supersint, dimidiā quidem mater alteram vero dimidiā partem omnes sorores habeant. Si vero matre superstite & fratre vel fratribus solis vel etiam cum sororibus sive legitima sive sola cognationis jura habentibus intestatus quis vel intestata moriatur, in capita ejus distribuatur hereditas.

COMMENTARIUS.

Partim adjuvabant partim prægravabant] Ejuscemodi extat constitutio Constantini lege C. Theod. de legit. ber. Adjuvat ea matrem, quia matri etiam non habenti jus liberorum defert tertiam partem bonorum filii intestati detractam agnatis, à quibus antea in totum excludebatur. Vicissim prægravat, quia licet mater habeat jus liberorum, tamen agnatis proximis ultra consanguineos, patruo scilicet ejusque filio & nepoti, non ulterioribus, pari beneficio defert tertiam portionem detractam matri, quæ ex senatusconsulto totum sola habitura fuisset. Eodem pertinet lex 2. d. tit. Gravabatur etiam mater jus liberorum habens si torum priorem secundo mutasset amplexu, proprietate ipsi ademta rerum filii defuncti paternarum, l. pen. d. tit.

In aliis contrarium faciebant] Hoc est, ut illic detrahebant matri liberis honoratae trientem, quem adspargebant agnatis: ita hic contrarium faciebant, trientemque detrahebant agnatis, quem adspergebant matri jure liberorum non honoratae.

Matrem omnibus legitimis & sine ulla deminutione] Matres omnes jure liberorum honestantur, l. ult. C. de jur. lib. Ex quo secundum sententiam senatusconsulti Tertylliani mater, sive ter peperisset sive non, agnatis omnibus secundo gradu remotioribus simpliciter præferenda fuerat, nisi obstitissent constitutiones quibus jus matris liberis honestata minuebatur, agnatis quos diximus admissis in partem tertiam: quas constitutiones Justinianus hic abrogat matrem omnibus agnatis sine ulla deminutione anteponens.

Excepta fratribus & sororis persona, sive consanguinei &c.] In Tertylliano fratres consanguinei matrem excludebant, mater uterinos, soror consanguinea cum matre pariter admittebatur. Justinianus etiam cum fratribus consanguineis matrem admisit, & cum matre etiam uterinos, l. ult. C. hoc tit.

Quemadmodum eam toti alii legitimo ordini] Cum in eum modum jura matrum beneficio Justiniani aucta sint, ut legitimis omnibus præter fratres in totum exclusis etiamsi ter non pepererint solæ succedant; ut cum consanguineis defuncti fratribus à quibus antea excludebantur, quantumvis jus liberorum habent, nunc admittantur etiamsi non habeant: putavit Imperator matres haud iniquo animo pati debere si uno in casu vicissim jus ipsarum minueret, & fratum sororumque haec augeret ut cum ipsa admitteret & uterinos.

Ita tamen ut siquidem solæ sorores] Quæ sequuntur pertinent ad modum succendi sive rationem distribuendæ hereditatis inter matrem defuncti ejusque fratres & sorores. Constituit autem, ut si cum matre concurrant sorores solæ sive consanguineæ sive uterinæ, duo semisses fiant, quorum unum mater alterum sorores capiant; sin fratres, sive soli sive etiam cum sororibus, in capita hereditas dividatur, torque partes fiant quot sunt persone succendentium, d. l. ult. C. hoc tit. Hæc iterum mutata sunt Nov. 118. qua fratres & sorores omnes ex uno tantum latere defunctorum conjuncti tam à matre quam à fratribus utrimque conjunctis excluduntur, mater cum his ex æquis partibus succedit.

TEXTUS.

De tutore liberis petendo.

6. Sed quemadmodum nos matribus prospeximus, ita eas oportet suæ seboli consulere: sci-

seituris eis, quod si tutores liberis non petierint, vel in locum remoti vel excusati intra annum petere neglexerint, ab eorum impuberum morientium successione merito repellentur.

L. 12. tit. 16. Part. 6.

COMMENTARIUS.

ITa eas oportet suæ soboli consulere) Matri onus tutelæ impositum non est, quia virile munus est tutelam gerere; at petendi tutores negotium injunctum, quod maternæ pietati maxime convenit. Quod si petere neglexerit ut indigna à legitima hereditate filii repellitur, l. 2. §. 1. & 2. qui pet. tut. l. 2. §. 23. & seqq. hoc tit. ubi hic locus fuse explicatur.

Non petierint vel in locum remoti) Si mater, inquit Ulpian. non petierit tutores idoneos filiis suis, vel prioribus excusatis rejeclisve non confessim aliorum nomina ediderit, jus non habet vindicandorum sibi bonorum intestatorum filiorum, d. l. 2. §. 23. hoc tit. idque etiam hodie adhuc obtinebit, si mater nec tutorem petat nec ipsa administracionem tutelæ suscipiat; quod matri concessum Nov. 118. cap. 5. VINN. Hæc autem servanda esse apud Hispanos ex prædicta lege 12. tit. 16. Part. 6. monet Pichard. ad hunc text. ADDIT.

Intra annum) Quid ergo si intra annum pupillus moriatur non petitio tutore, an tum mater excusabitur à poena? Non puto: quia requiritur ut petat confessim, ubi primum potuit, id est prætoris copiam habuit huic rei sedentis, d. l. 2. §. 23. & §. 43. ubi Græci, *buic rei sedentis, τύτισι τῷ διοικητῇ τῷ πανταγίᾳ περιγράφεται* (*id est administrationi rerum pupillarum*) Quod vero hic dicitur, & in l. 10. C. de legit. bered. si *intra annum non petierit*, sic accipio ut nullo modo post annale spatiū excusatetur; nec si magnam causam non petendi habuerit quæ usque ad annum eam excusaret, per d. l. 2. §. 43.

Impuberum morientium) Ex contrario ergo si puberes moriantur quibus tutor petitus non est mater ab eorum hereditate non excludetur; quod & diserte rescriptum est in l. 3. C. hoc tit. & ideo in d. l. 10. C. de legit. ber. expresse additur hæc restrictio, *si impuberes moriantur*. Quippe credendum, puberem qui testamentum facere poterat intestato mori malentem, ultro matri injuriam remittere, & tacite velle ad matrem legitimam hereditatem pertinere, per l. 8. §. 1. de jur. codicill.

TEXTUS.

De vulgo quæsitis.

7. *Licet autem vulgo quæsitus sit filius filiave, postest tamen ad bona ejus mater ex Tertylliano senatusconsulto admitti.*

COMMENTARIUS.

Quemadmodum mater à prætore admittitur ad liberorum etiam vulgo quæsitorum bonorum possessionem, & vicissim liberi etiam vulgo quæsiti ad bonorum possessionem matris ex capite *unde proximi cognati*, l. 2. *unde cognati*: ita & mater ex senatusconsulto Tertylliano admittitur ad legitimam hereditatem filii filiæ, tam eorum qui vulgo quæsiti sunt quam qui procreati ex justis nuptiis, l. 2. §. 1. hoc. sit. Et contra etiam vulgo quæsiti ex Orficiano admittuntur ad legitimam hereditatem matris, l. 1. §. 2. eod. §. pen. tit. seq. Nimurum mater semper certa est, & in his senatusconsultis matris & filiorum personæ naturaliter designantur, l. 7. de cap. min. cumque vulgo quæsiti patrem non habere intelligentur à quo sunt agnationis & familiæ jura, nemo est qui matri jure consanguinitatis aut agnationis hic objici possit, l. 4. unde cogn. VINN. Atque hoc jure etiam nunc utimur. Gregor. Lop. gloss. 3. ad l. 11. tit. 13. Part. 6. ADDIT.

TITULUS IV.

DE SENATUSCONSULTO ORFICIANO.

Dig. lib. 38. tit. 17. Cod. lib. 6. tit. 57.

TEXTUS.

Origo & summa senatusconsulti.

Per contrarium autem liberi ad bona matrum

intestatarum admittuntur ex senatusconsulto Orficiano, quod Orficio & Rufo consulibus effectum est Divi Marci temporibus, & data est tam filio quam filie legitima hereditas, etiam si alieno

no juri subjecti sint, & præferuntur consanguineis & agnatis defunctæ matris.

L. 1. tit. 8. lib. 5. Recop.

COMMENTARIUS.

Lege xii. tabb. nec mater liberis nec liberis matri ab intestato succedebant; nam duo dumtaxat genera lex agnoscebat, suos heredes & agnatos, cujusmodi nec mater liberis nec illi matri sunt, ut dictum supra est in præc. tit. Ceterum cum placitum esset hoc dare naturali conjunctioni, ut mater vocaretur ad legitimam successionem filii & filiæ: æquum erat ut retro tantumdem etiam concederetur liberis, ut scilicet & hi vicissim jus legitimæ successionis consequerentur in bonis matris; cum adeo liberorum conditio in causa successionis etiam potior esse debeat propter naturæ simul & parentum commune votum, l. 7. §. 1. unde lib. Id effectum est senatusconsulto Orficiano viginti ferme annis postea quam matri legitima hereditas delata fuerat senatusconsulto Tertylliano, ut ex Fastis colligitur. Cur matri tanto tempore antè consultum fuerit quam liberis causam ignorare me fateor. VENN. Maxime tamen probabilis est ratio quam reddit vir cl. Ant. Schultingius p. 669. quod mater si vellet pietatis officio per testamentum posset satisfacere, id quod per æstatem liberis saepe haud licuerit. Cum ergo saepius contingeret ut liberorum hereditate liberi quam hi materna exciderent: nec mirum videbitur prius prospectum fuisse matri quam liberis. HEIN.

Orificio & Rufo coss. D. Marci temporibus]
In imperio Marci Antonini Philosophi & Commodi notantur hi consules, Vettius, seu ut alii, Velius Rufus & Corn. Scipio Orfitus, A. U. C. 930. qui vigissimus est à consulatu Flavii Tertylli à quo senatusconsultum Tertyllianum, Lamprid. in *Commod.* Onuphr. in *fast.* Moris erat illis temporibus ut ex Imperatorum orationibus vel epistolis in curia recitatis quasi in eorum sententiam senatusconsulta fierent; unde saepe eamdem rem & senatusconsultis tribui & orationibus videmus: quemadmodum etiam in proposito Gaius l. pen. hoc tit. oratione D. Marci (quem appellatione sacratissimi Principis designat) cautum scribit ut matris intestata hereditas ad liberos pertineat.

Etiamsi alieno juri subjecti) Diff. l. pen. uti ex contrario quoque mater licet in potestate

patris sit admittitur ad bona liberorum. Et ergo uti mater filias. ita & hi liberi jussu patris adibunt, §. 2. tit. præc. Matrem autem de cuius successione queritur sui juris fuisse cum moreretur oportet; alioqui si jus illorum temporum spectamus heredem ab intestato habere non potuit. Plane hodie post Nov. 118. etiam filii & filiæ fam. intestati heredes habent in adventitiis quorum ipsis concessa proprietas.

Et præferuntur consanguineis) Filius & filia ex Orficiano pleniore jure vocantur ad hereditatem matris quam ipsa ad illorum ex Tertylliano; illi enim vocantur cum prærogativa ante omnes non modo agnatos, quos etiam in Tertylliano mater excludit, verum etiam ante defunctæ matris fratres consanguineos; cum in Tertylliano consanguinei defuncti præferantur matri; & quamvis ex. gr. ex duabus filiis alter adierit alter repudiaverit hereditatem matris tamen ad consanguineum aut agnatum defunctæ proximum pars repudiata non pertinet, sed accrescit alteri filio, l. 1. §. 9. hoc tit.

TEXTUS.

De nepote & nepte.

x. Sed cum ex hoc senatusconsulto nepotes & neptes ad aviæ successionem legitimo jure non vocarentur, postea hoc constitutionibus Principalibus emendatum est, ut ad similitudinem filiorum filiarumque & nepotes & neptes vocentur.

L. 3. tit. 13. Part. 6.

COMMENTARIUS.

Utrumque senatusconsultum & Tertyllianum & Orficianum reverentiā quadam juris veteris in primo gradu cognationis substitut, atque ut Tertyllianum soli matri filiorum & filiarum detulit hereditatem, aviam ad hereditatem nepotum neptumve non admisit: sic Orficianum similiter filios dumtaxat & filias vocavit ad successionem matris, non etiam nepotes & neptes ad successionem aviæ. Nam quod Modestinus l. 8. unde cogn. respondet, nepotes atque adeo etiam vulgo quæsitos ad aviæ bona ab intestato admitti: ad edictum prætoris pertinet, quo deficiensibus legitimis ad bonorum possessionem vocantur proximi cognati.

Constitutionibus Principalibus) Principes Va-

jen-

lentinianus, Theodosius & Arcadius etiam nepotes & neptes vocarunt ad legitimam successionem aviae, l. 4. C. Theod. de legit. her. ut tamen tercia parte minus acciperent quam pater eorum vel mater habituri fuissent: de quo diximus ad §. ult. Inst. sup. de her. que ab intest. Novissimo jure in successione ab intestato descendentes omnes aequaliter jus habent, nec sexus, suitatis aut agnationis ulla amplius prerogativa est, Nov. 118.

TEXTUS.

De capitinis deminutione.

2. Sciendum autem est, būjusmodi successiones quae ex Tertylliano & Orficiano senatusconsultis deferuntur capitinis deminutione non perimi, propter illam regulam qua novae hereditates legitimae capitinis deminutione non pereunt; sed illæ sola que ex lege duodecim tabularum defuruntur.

COMMENTARIUS.

REGLA juris est, novas hereditates legitimas capitinis deminutione non perimi, l. 7. de cap. min. l. 11. de suis & legit. l. 1. §. 8. hoc tit. Novas hereditates appellat, quæ novo jure post legem XII. tabb. deferuntur vel ex constitutionibus vel ex senatusconsultis, dd. II. & l. 3. in fin. de hered. pet. Capitis autem deminutionem mininam intelligi manifestum est, scilicet quæ contingit salva civitate; nam libertate aut civitate amissa de successione queri non potest, d. l. 1. §. 8. Hujus regulæ rationem hanc Paulus afferit in d. l. 7. de cap. min. quod novis legibus & hisce senatusconsultis hereditates sic deferantur, ut personæ naturaliter designentur: id est nomine naturali, puta matris aut filii filiæ; quæ nomina ut naturalia sunt ita post capitinis deminutionem adhuc manent.

[*Illæ solæ que ex lege duodecim tabb.*] Propter ea quod lege XII. tabb. hereditas sic defertur ut personæ designentur civiliter, id est civili nomine, suorum scilicet heredium & agnatorum: quæ nomina cum civilia sint minima quoque capitinis deminutione pereunt, §. ult. Inst. sup. de leg. agn. tit. VINN. Hodie successio seu testamentaria sive legitima nulla capitinis deminutione perimitur, arg. II. 3. & 5. tit. 4. & l. 1. tit. 8. lib. 5. Recop. ADDIT.

TEXTUS.

De vulgo quæsitis.

3. Novissime sciendum est, etiam illos liberos qui vulgo quæsiti sunt ad matris hereditatem ex senatusconsulto admitti.

L. 11. tit. 13. Part. 6.

COMMENTARIUS.

Ex concubina natos meliore conditione esse quam vulgo quæsitos, & hos quam natos ex damnato coitu.

Sicut mater ex Tertylliano succedit libris etiam vulgo quæsiti: ita vicissim & vulgo quæsiti matri succedunt ex Orficiano, l. 1. §. 1. hoc tit. propter rationem quam paulo ante indicavi & sub §. ult. preced. tit. Succedunt autem matri non tantum cum soli sunt, sed simul etiam cum liberis ex juxto matrimonio procreatis; nisi mater illustris sit, cui spurii non aliter ex constitutione Justiniani succedant quam si legitima soboles deficit; ne stirpis claritudo ista labet & memoria maternæ infamia dedecoretur, l. pen. C. hoc tit. Sed & præteriti de inofficio matris testamento dicere possunt, l. 29. §. 1. de inoff. test. Inter parrem vero & spurios jus idem mutuæ successionis non est.

1. Porro sciendum est, liberos naturales, id est natos ex concubina paulo meliore conditione esse quam spurios seu vulgo quæsitos, sive de successione matris queratur sive de successione patris; & utrosque meliores quam natos ex complexu damnato incestove. Naturales seu nati ex concubinatu admittuntur una cum legitimis ad matris, etiam illustris, & per matrem ascendentium successionem, d. l. pen. C. hoc tit. Denique & patri naturali ex jure novissimo in duas uncias unâ cum matre dividendas succedunt, nisi ille liberos legitimos vel uxorem reliquerit, quo casu alimentis contentos esse oportet, Nov. 89. cap. 12. unde auth. licet. C. de nat. lib. quorum neutrum pertinent ad *zoproyeris* (vulgo quæsitos). Ex incesto aut damnato legibus coitu procreati nihil ne ex matris quidem successione captiunt; ac ne alimenta quidem petendi jus habent, d. Nov. 89. cap. ult. Nov. 74. cap. ult. auth. ex complexu C. de incest. nupt. quem tamen rigorem mitigavit æquitas juris Canonici, cap. cum haberet §. in fin.

fin. de eo qui dux. in uxori. quam adult. poll.
Sane nec putarem jus civile refragari quominus
magistratus ex officio liberis hujusmodi
alias fame perituriis alimenta jubeat submini-
strari; nam & pater licet incestuosus & im-
pius alendus est, quia pater est, *Nov. 12. cap.*
2. Vid. *Palæot. de nob. & spur. cap. 41.* cum
seqq. Gail. 2. obs. 115. Christin. vol. 1. decis.
198. & vol. 4. decis. 64. Vinn.

Locus postulat ut de successione naturalium
paqua e jure nostro disseramus. Matri omnes
liberi naturales, cujuscumque generis ac
conditionis sint necessario succedunt tam ex testa-
mento quam ab intestato: modo filios legitimos
persona non habeat, etiamsi parentes, *l. 9. Tauri*
(*7. tit. 8. lib. 5. Recop.*) Et licet mater illustris
personam fuerit, *d. l. 9.* Soli à materna here-
ditate excluduntur nati ex damnato coitu; qui
vero hi sint docet *d. l. 9.* Cum matri omnes
liberi sint naturales; qui patri naturales ha-
benti debeant controversum antea fuerat, nunc
vero *lege 11. Tauri* (*9. tit. 8. lib. 5. Recop.*) de-
cissum est naturales patri habendos esse
liberos qui ex ea muliere nati sunt cum qua
justæ nuptiæ sive conceptionis sive partus tem-
pore contrahi poterant; modo pater filium
agnoscat, licet mulier neque in domo neque
sola fuerit. His naturalibus liberis integrum
hereditatem relinquere pater potest; modo
filios aut descendentes legitimos non habeat,
etiamsi ascendentēs habeat, *l. 10. Tauri* (*8.*
tit. 8. lib. 5. Recop.) Illud in universum ob-
servandum est, tam patrem quam matrem pos-
se quintam bonorum partem alimentorum cau-
sa legare liberis illegitimis, qui integrum he-
reditatem capere non possunt, vel quia extant
legitimi vel alia justa ex causa, *dd. 11. 9. &*
10. Tauri. Demum liberi illegitimi cujuscumque
generis sint jus habent ad alimenta ca-
pessenda tam à patre quam à matre, *l. 8.*
tit. 13. Part. 6. Et hac summa est eorum quæ
à Gomezio ad *dd. 11. Tauri*, & Azaved. ad *11.*
tit. 8. lib. 5. Recop. disputantur. Quo autem
pacto liberi naturales parentibus succedunt:
eodem prorsus & parentes ad liberorum natu-
ralium successionem vocantur, *l. 8. tit. 13. Part.*
6. ADDIT.

TEXTUS.

De jure accrescendi inter legitimos
heredes.

*4. Si ex pluribus legitimis heredibus quidam
omiserint hereditatem, vel morte vel alia cau-*

*sa impediti fuerint quominus adeant, reliquis
qui adierint accrescit illorum portio; & licet
ante decesserint ad heredes tamen eorum pertinet.*

COMMENTARIUS.

Hic locus continet doctrinam omnibus le-
gitimis successionibus communem: nem-
pe si plures sint ejusdem ordinis & gradus
qui simul ad successionem vocentur & eorum
aliqui defecerint, portionem illorum ceteris
qui adierunt accrescere. Ex quo discimus, jus
accrescendi non modo locum habere inter he-
redes testamentarios verum etiam inter legiti-
mos, sive sui sint sive alterius generis here-
des. Quod si nullus eorum qui pari gradu &
proximi sunt adierit, sequentibus ejusdem ordi-
nis hereditatem deferri docemur *§. pen. Inst.*
sup. de leg. agn. succ.

*Reliquis qui adierint accresci] L. 1. §. 9. hoc
tit. l. 9. de suis & legit.* unde totus hic locus
descriptus est. Ratio est, quia nemo heredem
pro parte habere potest, aut diversi generis
successores, puta heredem legitimum & fis-
cum. Illa autem ratio quod nemo pro parte
testatus pro parte intestatus decadere potest
adæquata non est, sed particularis ubi ex plu-
ribus testamento institutis alii adeunt alii omit-
tunt aut pars aliqua vacat. *Vinn.* Ratio hu-
jus juris propriar dari potest, *quia omnis suc-
cessio, ut ait Paul. recept. sent. lib. 4. tit. 8. §.
23. proximiori defertur.* Quemadmodum ita-
que ob hanc rationem repudiante propiore
remotior non admittebatur, *Paul. ibid. §. 7.*
Inst. de legit. agn. success. ita deficiente uno
coherede portio ejus alteri ejusdem gradus me-
rito accrescebat; ne vocandus esset cum pro-
piore remotior, id quod absurdum omnino
videri posset. Alteram rationem reddit *Duan-
ren. de jure accrescendi lib. 1. cap. 1. & 14.*
quod qui in eodem gradu sunt conjuncti esse
videantur. Sed conjunctionis materia ad te-
stamentariam successionem pertinet ubi que-
stio est de præsumpta testatoris voluntate, non
ad legitimam. *Hein.*

*Licet ante decesserint] His verbis non hoc
significat Imperator, portionem hereditatis quæ
uni ex legitimis heredibus delata sit; mortuo
eo antequam hereditatem adeat, ad heredes
ejus pertinere, iisque portionem deficientium
accrescere; certum enim est hereditatem non
aditam non transmitti, *l. unic. §. 5. C. de cad.
toll.* portionem autem accrescere portioni, *l.
33. in fin. de usufr.* ut proinde nihil heredi-
bus illius legitimū heredis qui non adiit acre-*

eere possit; sed si decesserit antequam ipsi accresceret: quod diserte expressit Marciān. d. l. 9. de suis & legit. hoc est, si decesserit postea quidem quam portionem sibi ab initio delatam adeundo vel pro herede gerendo adquisivisset, sed antequam coheredes defice-

rent eorumque portio ipsi deferretur & accresceret. Plane ad suos heredes qui ipso jure sine aditione heredes existunt, l. 14. de suis & legit. & qui ex lege Theodosii hereditatem non aditam transmittunt, l. un. C. de his qui ante ap. tabb. pars deficientis quoquo modo pertinebit.

TITULUS V.

DE SUCCESSIONE COGNATORUM.

TEXTUS.

Tertius ordo succendentium ab intestato.

Post suos heredes eosque quos inter suos heredes prætor & constitutiones vocant, & post legitimos (quorum numero sunt agnati & hi quos in locum agnatorum tam supradicta senatusconsulta quam nostra erexit constitutio) proximos cognatos prætor vocat.

COMMENTARIUS.

LEx antiqua XII. tabb. duos tantum heredum ab intestato ordines fecit, suorum & agnatorum. Novæ leges & senatusconsultata non adierunt quidem ordinem novum, sed personas quasdam quæ nec sui heredes nec agnati revera sunt, suorum heredum & agnatorum numero esse voluerunt; atque in ordine suorum vel agnatorum unâ cum vere suis heredibus aut agnatis ad hereditatem intestati admitti. Inter suos heredes novæ leges numerant suisque per omnia exæquant liberos legitimos, §. 2. Inst. sup. de her. quæ ab intest. Inter eosdem quoque & simul cum iis vocant nepotes & pronepotes ex sexu femineo, §. ult. d. tit. In agnatorum ordinem senatusconsulta transtulerunt matrem & liberos, Justinianus fratres & sorores uterinos eorumque & sororum consanguinearum filios & filias, §. 4. Inst. sup. de leg. agn. succes. l. pen. §. 1. C. de leg. her. Anastasius fratres & sorores emancipatos, §. 1. inf. hoc tit. Prætor vero tres succendentium ab intestato ordines fecit: primum liberorum (non dixit suorum, quia ex liberis vocat etiam non suos): alterum legitimorum, in quo vocantur agnati & jura agnationis habentes ex posterioribus legibus aut ex senatusconsultis, l. 2. §. ult. & l. 3. unde legit. tertium cognatorum, in quo admisit omnes

quos sola sanguinis ratio vocat ad hereditatem, licet jure civili deficiant, l. 1. in pr. l. 2. unde cogn. item eos qui, quod prioribus ordinibus exclusi essent, ex nullo alio capite venire poterant, l. 5. unde cog. §. 1. inf. hoc tit. Tamdem Justinianus cognatos omnes etiam heredes legitimos fecit, ademta agnatis omnī prærogativā, Nov. 118.

Proximos cognatos prætor vocat] In hoc ordine qui ad successionem vocantur, videlicet cognati, jure civili heredes non fiunt; sed jure prætorio bonorum possessores; ac proinde pertinet ad tit. Inst. inf. de bon. poss. Possunt tamen etiam hoc loco considerari, quia prætor bonorum possessores pro heredibus habet, & vi ipsa heredes facit. Post Nov. 118. cognati jure civili succedunt, ut non magis quam agnati pratoris auxilio indigeant.

TEXTUS.

Qui vocantur in hoc ordine. De agnatis capite minutis.

1. *Qua parte naturalis cognatio spectatur;* nam agnati capite deminuti quique ex his progeniti sunt ex lege duodecim tabularum inter legitimos non babentur, sed à prætore tertio ordine vocantur, exceptis solis tantummodo fratre & sorore emancipatis, non etiam liberis eorum, quos lex Anastasiana cum fratribus integrj juris constitutis vocat quidem ad legitimam fratri hereditatem sive sororis, non aquis tamen patribus sed cum aliqua deminutione, quam facile est ex ipsius constitutionis verbis intelligere. Aliis vero agnatis inferioris gradus licet capitis deminutionem passi non sunt, tamen an seponit eos, & proculdubio cognatis.

COMMENTARIUS.

Porro jam declarare instituit Imperator qui nam illi sint quos prætor in ordine tertio

tio proximitatis nomine vocat; & ad extremum successionem eorum determinat. Revoce-
mus illos ad tres classes. Primum in eo numero ponit agnatos capite minutos, id est minimam capitis deminutionem passosnam media & maxima capitis deminutione interveniente jus omne successionis tollitur, l. i. C. de her. inst. Igitur ut capite deminuti, hoc est emancipati aut adrogati, amittebant jus agnationis & legitime hereditatis quæ lege xii. tabb. deferebatur: ita nec prætor his dabat bonorum possessionem jure heredum legitimorum, l. 5. unde cogn. l. 1. unde legit. Ceterum quia jura naturalis cognationis & sanguinis minima capitis deminutione non pereunt sed post eam salva adhuc & integra manent, §. ult. Inst. sup. de leg. agn. tut. l. 8. de reg. jur. prætor qui tertia editi parte, qua scilicet proximos cognatos vocat, tantum naturalem sanguinis conjunctionem spectavit, eadem parte recte etiam admisit capite minutos, scilicet post suos & legitimos, l. 1. unde legit. d. l. 5. unde cogn. Ut ecce, frater emancipatus ad fratris sui hereditatem jure civili propter capitis deminutionem non vocabatur, neque solus neque cum fratribus integri capitis & unde nec jure honorario venire poterat ad bonorum possessionem ex edito unde legitimi, sed tertio demum loco admittebatur jure cognationis naturalis, quod capitis deminutione non perimitur.

Exceptis fratre & sorore emancipatis &c. quos lex Anastasiana] Hæc lex Anastasiæ desideratur. Inserta sine dubio fuit priori Codici, quoniam hic legenda nobis commendatur; sed in Codice repetitæ prælectionis posita non est, propter l. ult. C. de leg. her. ut opinor, qua plenius fratribus & sororibus emancipatis consulitur & eorum quoque filiis aut filiabus jus legitimæ successionis datur. Anastasius enim solos fratres & sorores emancipatos vocaverat, & cum partis aliqua deminutione, nimirum ut fratres integri juris altero tanto amplius consequerentur, si fides Theophilo. Justinianus vero emancipatos cum reliquis fratribus succedere voluit æquo jure & sine ulla deminutione, d. l. ult. §. 1. & 3. Itaque hic etiam §. per d. l. ult. correctus est; quippe quam post Institutiones jam compostas & editas promulgatam esse appareat ex eo quod Imp. in ipsa lege mentionem Institutionum facit. Vestigium legis Anastasianæ extat in l. 4. C. de legit. tut.

Aliis vero agnatis &c. anteponit eos & prouidubio cognatis] Hoc expeditius procedit

post Nov. 118. Pertinent etiam ad hanc classem qui in adoptionem dati sunt à patre, aut qui cum sui juris essent se adrogari siverunt; nam & isti jus agnationis ita amittunt, ut cognationis jus in familia naturali erga omnes retineant; ac propterea etiam tertio hoc capite à prætore vocantur, l. i. §. 4. unde cogn.

TEXTUS.

De conjunctis per feminas.

2. Eos etiam qui per feminini sexus personas ex transverso cognatione junguntur, tertio gradu proximitatis nomine prætor ad successionem vocat.

COMMENTARIUS.

Hæc secunda classis est eorum qui à prætore vocantur gradu seu ordine tertio, nimirum qui per muliebrem sexum ex transversa cognationis linea conjuncti sunt, qui que agnationis jus (quippe quod à patre oritur) numquam habuerunt, l. 2. & 4. unde cogn. At autem diserte ex transverso; quia qui sunt in linea recta eos secundo capite prætor vocat, quoniam his jus legitimorum heredum competit ex senatusconsultis & constitutionibus, de quibus actum est superius.

Proximitatis nomine] Id est cognatos, l. 3. d. l. 4. unde cogn. l. 8. de suis & leg. §. pen. & ult. inf. hoc tit. In cognatione enim sola proximitas spectatur; agnati vero licet gradu remotiores, ordine tamen priores sunt omnibus cognatis qui jus legitimum non habent; sed hodie potiores non sunt ut sæpe dictum est.

TEXTUS.

De liberis datis in adoptionem.

3. Liberi quoque qui in adoptiva familia sunt ad naturalium parentum hereditatem hoc eodem gradu vocantur.

COMMENTARIUS.

Liberi in adoptionem dati jus cognationis in familia naturali retinent, l. i. §. 4. unde cognati. Pertinent autem hi ad primam classem, eorum scilicet qui jus agnationis per capitis deminutionem amiserunt, ut notavimus in fine §. 1. hoc tit. Quod si ab adoptivo patre emancipati fuerint vivo adhuc patre

tre naturali recipiunt gradum liberorum, l. 4. unde lib. & perinde admittuntur ad bona patris naturalis ac si ab ipso emancipati essent nec umquam fuissent in familia adoptiva, ut seilicet jam ex prima parte editi veniant, qua prætor liberos vocat, §. 10. junct. §. 13. Inst. sup. de her. quæ ab intest. def.

TEXTUS.

De vulgo quæsitis.

4. Vulgo quæsitos nullos habere agnatos manifestum est; cum agnatio à patre sit, cognatio à matre; hi autem nullum patrem habere intelligantur. Eadem ratione ne inter se quidem possunt videri consanguinei esse; quia consanguinitatis jus species est agnationis. Tantum ergo cognati sunt sibi, sicut & matri cognati sunt. Itaque omnibus istis ex ea parte competit honorum possessio qua proximitatis nomine cognati vocantur.

COMMENTARIUS.

- 1 Non magis natos ex concubina quam vulgo quæsitos jus agnationis habere.
- 2 Naturales & spurios ex eadem matre editos, & inter se & cum aliis per matrem conjunctis jus cognatorum habere; ex patris tantum latere junc̄tis non item.
- 3 Natos ex dannato legibus cōitu omnis successionis esse expertes.

IN tertia classe eorum qui nomine proximitatis vocantur sunt vulgo quæsiti: qui & ipsi inter se & cum aliis per matrem à latere conjunctis jus cognationis habent. Ajo à latere; quoniam inter matrem ipsam & liberos, licet vulgo quæsiti sint, etiam legitimæ hereditatis capienda ultro citroque jus est ex senatusconsultis & constitutionibus. Post Nov. 118. idem jus successionis inter se habent quod parentes & liberi legitimi.

1. *Nulos habere agnatos*] Ad spuriū nullius hereditas, & ad nullum hereditas spurii jure agnationis pertinere potest; quoniam agnationis jus à patre oritur, quem nullum habere intelliguntur qui vulgo concepti sunt, l. 4. unde cogn. junct. II. 19. & 23. de stat. bom. Sed nec natorum ex concubina hereditas ad ullum jure agnationis pertinet; quia etsi patrem demonstrare possunt, jura tamen agnationis in familia patris non habent, quippe quæ nemo ex naturalibus liberis consequitur

nisi qui ex legitimo matrimonio natus est; ceteri omnes matrem sequuntur, d. l. 19. l. 24. de stat. bom. Forster. tract. de her. quæ ab int. circa fin. lib. 1.

Ne inter se quidem possunt videri consanguinei] Argumentum à remotione generis ad remotiōnem speciei. Si vulgo quæsiti non sunt inter se agnati, nec erunt inter se consanguinei; quoniam consanguinitas est species agnationis. Etenim agnati omnes sunt qui per virilem sexum conjunguntur; consanguinei soli fratres & sorores eodem patre nati. Quare si jure agnationis hereditas ad vulgo quæsitos pertinere non potest, nec poterit jure consanguinitatis, l. 4. unde cogn. Ex hoc autem loco appetet consanguinitatem non esse ordinem perse, sed gradum in ordine agnatorum: qua de re abunde supra tit. Inst. de leg. agn. succ.

Cognati sunt sibi sicut & matri] L. 4. §. 2. de grad. & affin. l. 2. unde cogn. An igitur liberi extra nuptias concepti sive vulgo sive ex concubina matri tantum & maternis cognati sunt, non etiam patri & paternis? Sunt sane; & naturalis hæc cognatio obstat quominus pater filiam, frater sororem vulgo quæsitarum uxores ducere possint, l. 14. §. 2. l. 54. de rit. nupt. Ceterum in causa successioneis ratione patris jus cognationis nec inter se nec cum patre aut conjunctis per patrem habent, quamvis nati sint ex concubina; quamquam hos Justinianus patri succedere voluit in duas uncias si nulli liberi legitimi nec uxor supersit, auth. licet C. de natur. lib. Vinn. Quod apud Hispanos observandum esse contendunt nostri ex l. 8 tit. 13. Part. 6. nobis incerta res est. ADD. r. Sic ergo habeto: Fratres naturales & spurii ex diversis matribus, quamvis geniti eodem patre, nec sibi invicem nec legitimis genitorum libris aliisve per patrem conjunctis succedunt.

3. Contrà vero etiam fratres illegitimis sive ex concubina sive vulgo nati, ex eadem tamen matre licet diversis patribus geniti, invicem sibi jure cognationis succedunt, & item per matrem à latere conjunctis; & hic vicissim illis, d. l. 2. unde cogn. & hoc text. dum tamen ex eo complexu orti non sint qui jure accusari & puniri queat. Nam ex damnato & secundum leges, ut loquuntur, punibili cōitu nati omnis successionis sive paternæ sive maternæ, tam ex testamento quam ab intestato penitus sunt incapaces; nec ullum vel cognationis jus cum patre matre (quod est extra controversiam), nec inter se ipsi

ipsi aut cum aliis per patrem matremve à latere conjunctis habent; quippe cujusmodi sobolem nec liberorum nomine censendam, nec eam ex qua nati appellatione matris Justinianus constituit, proinde nec fraternitatis inter illos necessitudo esse videtur quæ faciat successioni locum, per cap. ult. Nov. 74. & cap. ult. Nov. 89. Gloss. comm. approbata in l. ult. C. de natural. lib. Cagnol. in l. pen. C. ad senat. Orfic. Palæot. de notb. Et spur. cap. 43. Forster. tit. de success. eor. qui ex damnat. coest. conclus s. Ant. Fab. Cod. suo lib. 6. rit. 33, decis. 3. 7. Et 8. Fachin. 6. contr. 10. Dissentiunt Christin. vol. 1. decis. 198. & ibi citati VNN. Jure patrio matris consanguinei liberis naturalibus succedunt, & hi vicissim consanguinei; consanguinei vero patris naturalibus non succedunt, neque hi illis, l. 12. tit. 13. Part. 6. Gomez ad leg. 9. Et seqq. Taur. n. 46. Et seqq. De successione fratrum naturalium adesis d. leg. 12. tit. 13. Part. 6. ADDIT.

TEXTUS.

Ex quo gradu agnati vel cognati succedunt.

s. Hoc loco Et illud necessario admonendi sumus, agnationis quidem jure admitti aliquem ad hereditatem eti decimo gradu sit, sive de lege duodecim tabularum queramus sive de editio quo prætor legitimis heredibus daturum se bonorum possessionem pollicetur. Proximitatis vero nomine iis solis prætor promittit bonorum possessionem qui usque ad sextum gradum cognationis sunt, Et ex septimo à sobrino sobrinaque nato natave.

COMMENTARIUS.

- 1 Cur latius agnatorum successionem diffundi placuerit quam cognatorum.
- 2 In obscuro esse cur sexto potius quam quo alio gradu successio cognatorum determinata, explosa ratione Mynsingri Et aliorum.
- 3 Supradictum discrimen sublatum esse Nov. 118.
- 4 Agnatorum successio an certo gradu terminetur, Et an novo jure item cognatorum.

Hoc §. determinatur successio eorum qui ex tertio capite unde cognati veniunt, & simul insinuant differentia quæ hac in parte sit inter agnatos & cognatos.

1. Agnationis jure etsi decimo gradu] No-

minis & familie propagandæ studium fecit ut successio quæ agnationis jure nititur latius diffunderetur quam quæ naturali dumtaxat cognatione; nec à prætore in infinitum producenda fuit successio jure civili incognita. Ait, et si decimo. Hoc dicitur πρὸς Διατολὴν (ad distinctionem) sexti, quo terminatur successio cognitorum; nam agnatorum successionem verius est nullo fine terminatam fuisse, ut mox audiemus.

Edicto quo prætor legitimis] Nam quibus ius civile legitimam defert hereditatem, iisdem etsi heredes non extiterint prætor ut custos & minister juris civilis etiam jure legitimi heredis defert bonorum possessionem, quamvis sexto gradu sint remotores.

2. Usque ad sextum cognationis gradum] Inclusive, ut loquuntur, l. 1. §. 3. l. pen. unde cogn. Quid prætorem moverit ut potius sexto gradu quam quinto aut alio hanc successionem determinaret difficile est dicere. Paulus 4. sent. 11. in fin. hanc rationem affert, quod in sexto gradu deficiunt nomina cognationis quibus personæ proprie denotentur. Mynsingerus, Hotomannus & Wesembecius aliam afferunt, quia scilicet naturalis cognatio propter vitæ humanæ brevitatem ultra sextum gradum non producatur. Sed hec ratio, quod pace tantorum virorum dictum sit, perspicue inepta & falsa est. Tractatur enim hic non de successione ascendentium aut descendenterum, sed eorum qui ex latere veniunt, quos ultra sextum aut septimum gradum qui reperiri posse negat, eum necesse est sanæ mentis non esse. Et vero si natura ultra eum gradum neminem patiatur vivere, nec patietur ultra vivere agnatos. Cur ergo hos licet longe remotores sint & jus civile & prætor admitti voluit? Evidem fateor, Paulum quoque dicto loco eamdem istam rationem expressisse, & Modestinum quoque in l. 1. in pr. de grad. Et affin. Verum illi, ut credibile est, in hac διατολογίᾳ (causa redditione) respexerunt maxime ad successionem superiorum & inferiorum, id est eorum qui sunt in linea recta & transversa inæquali. Nam in transversa æquali, puta si ex duobus fratribus continua serie sobolem propagatam ponamus, vel vicecum gradu inter se distantes reperias.

3. De eo nemo dubitat, si Hotomanum exceperis, quin hodie sublatu per Nov. 118. agnationis & cognationis discriminé intelligi debeat sublatum quoque esse discrimen termini successionis; quod pene etiam expressum est in calce cap. 3. d. Nov. 118. Gloss.

Gloss. Joann. Fab. Ang. Wesemb. hic. Forster trax. 3. cap. 9.

4. Unum superest non satis expeditum, utrum quemadmodum sextus gradus terminus successioni cognatorum hic positus est, ita etiam decimus præfixus intelligi debeat successioni agnatorum; an vero hæc certo gradu non terminetur: unde dependet decisio quæstionis, utrum ex novo jure cognati pariter & agnati tantum ad decimum usque gradum succedant, an vero etiam ultra eum. Ut dicamus decimum gradum terminum successioni agnatorum hic constitutum multa suadent. Primum enim eur decimi gradus mentionem Imperator facit si etiam ultra decimum agnati admittantur? Deinde cum utrumque dicat, agnatos succedere etiam qui in decimo gradu sunt, & cognatos usque ad sextum: ratio pati non videtur ut dicamus uno numero successionem terminari, altero non item. Postremo nisi finis aliquis successioni agnatorum statuatur, vix umquam ordini tertio aut quarto; in quo sunt vir & uxor, locus futurus est. Hoc igitur posito, decimo gradu terminatam fuisse successionem agnatorum, dicendum est æquato cum agnatis jure cognatorum dicta Nov. 118. utrosque jam ad decimum gradum admittendos esse, non ultra; quod & vulgo receptum est, testibus Joann. Fab. Ang. Porc. Myns. Schneid. Wesembec. Vinn. Quod apud nos decisum est l. 6. tit. 13. Part. 6. ADDIT. Sed in contrarium movet quod supra Justinianus tradidit, jure agnationis hereditatem ultro citroque capi, etiamsi longissimo gradu sint, §. 3. Inst. in pr. de leg. agn. success. quod & mox ibidem repetit & iterum §. ult. Inst. inf. de serv. cogn. Item quod Ulpian. l. 2. §. 1. de suis & legit. definit, agnatos esse cognatos virilis sexus ab eodem ortos in infinitum: in qua definitione effectum & jus succedendi Jurisconsultum considerasse perspicuum est; ideo enim virilis sexus tantum meminit, ut significet masculos solos non etiam feminas agnatas consanguineis remotiores jus legitimæ successionis habere, §. 3. Inst. sup. de leg. agn. succ. Et deinde quod lex XII. tabb. simpliciter & sine ulla determinacione gradus, si sui heredes non extent, proximum agnatum familiam habere jubet. Nec difficilis responsio est ad ea quæ pro communi sententia proferuntur. Nihil enim prohibet quominus dicamus exempli tantum gratia hic decimi gradus mentionem fieri. Non enim eodem modo de agnatis & cognatis Imp. loquitur. De agnatis non loquitur determina-

tive: sed ait, eos succedere etsi decimo gradu sint, utens rotundo & certo numero pro incerto. De cognatis contrà determinatives ait enim eos succedere usque ad sextum gradum. Porro facile evenire potuit ut defunctus vel nullos agnatos relinquenter propter emancipationes, vel ut agnati in suo ordine non succederent, puta si proximus defecisset, §. 7. Inst. sup. de leg. agn. succ. His jam consequens est, post d. Nov. 118. etiam cognatos ultra decimum gradum succedere debere, uti etiam in fin. cap. 3. d. Nov. omnes deinceps à latere cognati simpliciter & sine ulla determinacione vocantur: quæ sententia Baroni quoque & Bachovio probatur, item Gudelino lib. 2. de jur. nov. cap. 15. & Valent. Forster d. trax. lib. 3. cap. 10. in fin. sed is in eo fallitur, quod ita etiam moribus receptum putat; contrarium enim testantur pragmatici illi omni exceptione majores quos ante citavimus. Vinn. Apud nos explorati juris est deficientibus cognatis decimi gradus bona defuncti ad fiscum spectare, d. l. 6. tit. 13. Part. 6. ADDIT.

Sobrino sobrinaque nato natave] Bonorum possessio, ait Ulp. quæ ex hac editi parte datur cognatorum sex gradus complectitur, & ex septimo duas personas, sobrino & sobrina natum & natam, l. 1. §. 3. unde cognat. Propter has autem duas personas quæ ex septimo veniunt, Paulus videtur septem gradus constituisse, lib. 4. sent. 11. in fin.

Ratio succedendi ab intestato ex jure novissimo.

Quemadmodum fundamentum successionis antiquæ fuit conservatio gentium, ita Justinianus naturæ secutus simplicitatem eos ad successionem vocavit Nov. 118. quos defunctus quam maxime dilexisse censemur: id quod & aliis gentibus placuisse novimus. Grot. lib. 2. de jur. bell. & pac. cap. 7. §. 3. Cum itaque jam pridem observassent Philosophi, ὅτι μᾶλλον συνοικεῖται τὸ ἀρχὲ τῷ γενεσίτῃ, ἢ τὸ γνωμένον τῷ ποντίστῃ, τὸ γὰρ εἴξι αὐτοῦ λύκειον τῷ ἀρχέ, magis affici causam gignentem erga genitum quam genitum erga gignentem; idque quod ex aliquo ortum est id ei quasi proprium esse; præter causam autem gignentem & genitum magnum inesse monumentum ταύτα ἀματι και ταύτη πίκρα eidem sanguini & eidem radici, Arist. Ethic. ad Nicom. lib. 8. cap. 11. consequi videbatur, ut successio primum descenderet: si quod descenderet non esset, ascenderet: si nec

ascendere posset, ad latus divergeret. Nov. 118. præf. HEIN.

De successione liberorum.

- 1 Jure Novell. liberos omnes non habita ratione familiæ, sexus, gradus, ceteris omnibus in successione parentum præferri; & quæ inde consequaria.
- 2 Due cause in quibus alia persona cum liberis admittitur.
- 3 Quis succedendi in hoc ordine modus.
- 4 De liberis legitimatis, illegitimis & adoptivis. Remissive.

1. **S**uccedentium ab intestato tres ordinis Justinianus novissime fecit Nov. 118. Primus est descendantium sive liberorum defuncti. Hos voluit ceteris omnibus præferri solosque admitti ad hereditatem parentum intestato mortuorum, & ita admitti omnes ut non sexus neque familia neque gradus ulla prærogativa esset, sed sive masculi sint sive feminæ, sive ex masculis sive ex feminis descendant, & sive suæ sint potestatis sive sub potestate, primi sive inferiorum graduum ascendentibus omnibus & lateralibus præponerentur, d. Nov. 118. cap. 1. Ex quo primum intelligimus, liberos emancipatos in hac successione suis sic exæquari, ut illi jam non amplius indigeant auxilio prætoris, etsi nihil minus ad acquirendam hereditatem eamve ad quoscumque heredes transmittendam necessaria iis sit aditio, ut & iis qui ex feminis descendant, ut bene doctissimus Vigl. in §. 5. Inst. sup. de exher. lib. Deinde sic admitti ut etiam patri in cuius potestate defunctus fuerat præferantur in iis bonis quæ patii ex constitutionibus non adquiruntur: quod etiam expresse d. cap. 1. cautum est. De pluribus autem gradibus liberorum sic statuit: vivos quidem liberos primi gradus obstare nepotibus ex se natis in successione avi; illis autem mortuis nepotes in locum eorum succedere & admitti ad successionem avi, sive soli sint sive cum filiis defuncti, iisdemque hiis suis concurrant, ut jam olim juris fuit in nepotibus suis heredibus, §. 6. Inst. sup. de her. quæ ab intest. Quid si filius emancipatus sit, nepos in potestate retentus? Dicendum est, filium solum excluso nepote admitti, ut nunc amplius locus non sit editio de conjugendis cum emancipatis liberis, arg. d. cap. 1. quod & D. Gudelinus lib. 2. de jur. nov. cap. 13. post D. Wesemb. in par. ad istud editum recte ob-

servavit: ut ut id negent Cujac. ad banc Nov. 118. & Hotom. ad calcem tit. Inst. de ber. quæ ab intest.

2. Duo tantum sunt casus quibus parens superstes cum liberis ad certam partem jure singulari admittitur: pater in usumfructum virilis partis bonorum (quæ ex hereditate materna ad filios emancipatos pervenerunt, l. 3. C. de bon. matern.) ; conjux inops in bona conjugis locupletis pro quarta aut virili ususfructus eorum, Nov. 53. cap. ult. Nov. 117. cap. 5. autb. præterea unde vir & ux.

3. Modus succedendi in hoc ordine talis est. Nepotes sive soli sint, diversarum tamen stirpium, sive cum this suis concurrant succedunt in stirpes; quoniam jure representationis semper veniunt, ut scilicet in parentis de mortui locum succendant, non habita ratione cujus sexus parens fuerit, aut an liberos in potestate habuerit necne, d. cap. 1. quod representandi jus etiam in pronepotibus & deinceps ceteris locum habet, concurrentibus cum iis qui sunt gradu proximiores, per §. ult. Inst. sup. de ber. quæ ab intest.

4. Liberi vero omnes qui ejusdem sunt stirpis & gradus in capita succedunt; id est viriliter, ut æqualiter hereditas inter eos dividatur, d. cap. 1. Facit §. 6. & d. 5. ult. Inst. de ber. quæ ab intest. Scindendum autem est, Justinianum toto d. cap. 1. Nov. 118. loqui de solis liberis natu ex justo matrimonio, quibus tamen etiam exæquari sunt in hac causa liberi legitimati, §. 2. sup. d. tit. ubi diximus, Nov. 74. & 89. De illegitimorum successione alibi tractavimus, §. pen. Inst. sup. de senat. Orfo. In successione adoptivorum sequendum quod constitutum est l. penult. C. de adopr. de quo non uno loco disseruimus sub tit. de ber. quæ ab intest. Sæpe etiam alibi monuimus, apud nos adoptionem in usu non esse, certe non tribuere jus liberorum aut cognationis omnino, ut sub rubr. tit. Inst. de adopt. & sub tit. Inst. de exher. lib. Vinn.

Ordines successionis quos Justinianus constituit in d. Nov. 118. Leges Regiae sunt imitatæ, l. 2. tit. 13. Par. 6. itaque de his singillatim agendum erit. In primo ordine, in successione nempe liberorum, eodem prorsus modo jure nostro succeditur ac describit Vinnius ē jure novissimo, tam quod ad representationis jus spectat, quam quod ad successionem nepotum in stirpes, l. 3. tit. 13. Part. 6. Quod vero de successione patris in virilem ususfructus partem tradidit Auct. hodiernus usus non servat; nisi quod legitimus bonorum filiorum qui

qui ad justam etatem non pervenerint administrator sit : textus in l. 13. tit. 2. lib. 4. legg. *Wisigott.* quæ moribus comprobata est. Quæ vero de successione uxoris inopis in quartam bonorum mariti partem , modo honeste se gerat nec secundas ambiat nuptias , commemorantur , confirmata sunt in l. 7. tit. 13. Part. 6. cum ex *Wisigott.* legg. in quartam ususfructus partem veniret , l. 14. tit. 2. lib. 4. legg. *Wisigott.* Hodie moris est alimenta viduæ assignare pro re & qualitate defuncti ac mulieris conditione. De filiis illegitimis superius diximus. De adoptivis l. 5. tit. 6. lib. 3. for. legg. cautum invenimus eos à naturalibus excludi ; præterea adoptiones apud nos in usu non esse superius monuimus. Illud è nostro jure repetere vissum est , non posse parentes filiis aut ceteris descenditibus superstibus erogare , sive in alimenta filiorum naturalium sive in funerum expensas sive in pias causas sive in alia legata , præterquam bonorum quintam partem , l. 12. C. 13. tit. 6. &c l. 8. tit. 8. lib. 5. Recop. ADDIT.

De successione parentum.

- 1. In hoc ordine quis succedendi modus ; & an referat unde bona obvenerint.
- 2. Qui pariter cum ascendentibus admittantur ; & in quam partem.

1. Secundus ordo ascendentium est si-
ve parentum. Hi liberis defuncti non extantibus ad legitimam liberorum suorum hereditatem vocantur hoc modo. Si nec fratres defuncti reliquerit succedunt soli , & soli inter eos qui sunt gradu proximi , d. Nov. 118. cap. 2. Et si quidem ex eadem sunt linea succedunt in capita ; quippe in hoc ordine locum non habet representatio , d. cap. 2. Nov. 118. autb. defuncto C. ad sen. Tert. sin ex di-
versa , tamquam in stirpes , ut semissem unum paterni , alterum materni licet impares numero consequantur , d. cap. 2. Nec attenditur unde bona aut major bonorum pars defuncto obvenerit , à paterna linea an à materna , per d. cap. 2. vers. si autem. Gudel. lib. 2. de jur. noviss. cap. 14. Fab. Cod. suo , lib. 6. tit. 33. de-
fin. 2.

2. Quod si cum ascendentibus inveniantur simul fratres ex utroque parente defuncto conjuncti non soli parentes ad hereditatem admittuntur , sed una cum horum proximis fratres & sorores superstites : quæ successio in capita est , & hoc singulare habet quod nec

Tom. II.

usufructus portionis fratribus delatae parentibus quorum in potestate sunt adquiratur , d. cap. 2. vers. si vero. Postea cum parentibus & fratribus germanis admissi etiam eorum fratribus demortuorum filii in stirpes , data his portione quam pater eorum superstes accepturus fuisset , Nov. 127. cap. 1. autb. cessante C. de leg. ber. Nepotes ex fratre non idem juris habent ; neque fratres consanguinei tantum cum patre aut uterini cum matre admittuntur , per d. cap. 2. autb. defuncto C. ad senatus. Tert. ubi DD. Sed nec fratribus germanorum filii soli cum parentibus ex d. Nov. 127. succedunt ; verum ita demum si fratres concurrant. De parentibus illegitimis statuendum ex successione liberorum illegitimorum ; de adoptivis ex jure veteri & l. pen. C. de adopt. VIMN.

In successione ascendentium idem juris apud nos est , ac d. Nov. 118. statutum est. Itaque deficientibus ascendentibus succedunt ascen-
dentes , l. 1. tit. 8. lib. 5. R-cop. Jus repræsen-
tationis inter eos non est. Itaque proximior , veluti pater aut mater , avos sive pateinos sive maternos excludit , l. 4. tit. 13. Part. 6. Si plures sint ascendentes , alii paterni alii materni , hereditas in duas partes dividitur , quarum alteram paterni alteram materni ex æquo ferent , d.l.4. Cum in eos jus repræsen-
tationis non cadat , successio semper fit in capita nunquam in stirps , d. l. 4. neque discretio fit bonorum ut paterna paternis materna redeant maternis , nisi in locis ubi viget lex Fori legg. (10. tit. 6. lib. 3.) in qua hæc bo-
norum divisio statuta fuerat : express. text. in l. 1. tit. 8. lib. 5. Recop. Itaque , ut verbo dicam , quæcumque de jure novissimo Vinnius noster , eadem jure Hispano observantur. Una exceptio est , quod ascendentes excludunt fra-
tres germanos & filios fratribus ex leg. 6. Tauri (1. tit. 8. lib. 5. Recop.) cum tam d. Nov. 1. 8. quam Partt. jure simul vocarentur , l. 4. tit. 13. Part. 6. hodie vero deficientibus ascen-
dientibus soli succedunt ascendentes ex d. leg. Tauri. Illud observandum est , non posse li-
beros ascendentibus extantibus neque ex te-
stamento neque ab intestato disponere præ-
terquam de tertia bonorum parte ; reliquum
hereditatis ad parentes sive ascendentes jure
legitimæ spectare , d. l. Recop. modo filios na-
turales non habeant quibus universam here-
ditatem relinquere fas est , l. 8. tit. 8. lib. 5.
Recop. De successione parentum illegitimo-
rum diximus supra §. 3. ad senat. Orfic. ADDIT.

De successione lateralium.

- 1 Qui primi in hoc ordine; & qua ratione vocentur.
- 2 Utrum fratum filii, quando soli sunt, in capita an in stirpes succedant.
- 3 Qui secundo loco veniant; & utrum fratres consanguinei & uterini concurrentes ex aequo in bina omnia defuncti fratris, an illi in paterna, bi in materna succedant.
- 4 Qui qua ratione postremo loco vocentur.

1. **T**ertius ordo collaterales habet, qui omnes ex d. Nov. 118. cap. 3. vniuent remoto discrimine sexus, agnationis, cognationis. Hos inter primum locum obtinent fratres sororesque germani seu ex utroque latere conjuncti; cum quibus tamen admittuntur & fratum eorum defunctorum filii jure representationis, ut tantum ferant quantum pater eorum habiturus fuisse; & quamvis soli sint preferuntur tamen defuncti thii, atque adeo fratribus ex uno tantum latere defuncto conjunctis, quemadmodum pater eorum si vixisset iisdem defuncti fratribus & tam consanguineis quam uterinis preferendus fuisse, d. cap. 3. Nov. 118. auth. itaque 3. comm. de success. Omnia contra rationem juris veteris, quo jure fratres qui tantum consanguinei sunt idem jus habent quod germani; & ad patruos aequo ut ad fratum filios legitima hereditas pertinet; nec non ad avunculos aequo atque ad filios sororum honoraria, l. 1. §. pen. unde cogn. Vid. sup. tit. Inst. de legit. agn. succ. & de success. cogn.

2. Illud non satis expeditum est, num fratum filii quando soli existunt in stirpes an vero in capita ex jure novissimo succedere debeant. Accursius censuit etiam tunc in stirpes succedere, Azo contra in capita. Utroque magnos habet propugnatores, quos vid. apud Forster. 8. de success. ab intest. cap. 3. Fachin. 6. contr. 3. Mihi semper probabilior visa est Azonis sententia: propterea quod iuri veteri & constitutionibus quoque posterioribus consentanea est, §. 4. Inst. sup. de leg. agn. succes. l. 2. §. 2. de suis & legit. l. pen. in fin. & ultim. §. 3. C. de legit. ber. nec ostendi potest Justinianum quidquam, quod quidem ad hanc causam attinet, innovasse. Nam quod Accursius eumque secuti sunt, constitutione Justiniani filios fratum jure representationis vocari, atque ex eo sic argumentantur: Qui jure representationis succedunt

illi non aliter succedere possunt quam in stirpes, cum non amplius possint accipere quam is cuius locum representant accepturus fuisse, §. 6. Inst. sup. de ber. que ab int. At filii fratum succedunt jure representationis, d. cap. 3. Nov. 118. Ergo. Ad hoc respondeo, falsam esse istius argumentationis assumptionem si in sensu diviso, de quo queritur, accipiatur, hoc est quando fratum filii soli succedunt. Nam Justinianus in d. cap. 3. eo tantum casu jus representationis filii fratum concedit quando concurrunt cum patruis aut avunculis suis; quippe cum hoc casu ex sua persona succedere non possint, quoniam uno gradu remotiores sunt fratribus defuncti, quibus ne injuria fieri videatur jus representationis introducendum fuit ut in patris locum succederent atque ex persona ejus vocarentur: quod necessarium non est cum soli reperiuntur ut propria ex persona succedere possunt. Non obstat exemplum nepotum, quos constat in stirpes semper succedere, si ve succedant cum patruis sive soli: quasi post constitutionem Justiniani eadem plane esset ratio filiorum fratum quæ jure veteri nepotum fuit, ut nimur parentum suorum locum in succendo perpetuo occupent. Nam haec duæ species certo jure distinctæ sunt. In linea recta descendantium numquam proximitas spectatur, d. §. 6. & §. ult. Inst. de ber. que ab int. in linea collaterali perpetuo, & sola, sup. tit. de leg. agn. succ. in pr. & in pr. de succ. cogn. l. 3. C. de legit. ber. unde unum tantum casum, eum quem diximus, exceptit Justinianus. Atqui, ajunt, fratris filii excludunt defuncti patrum qui eodem gradu est, d. cap. 3. hoc vero certum esse argumentum eos non jure proximitatis sed representationis succedere. Respondeo, excludunt & fratrem ex uno tantum latere defuncto conjunctum, qui uno gradu est proximior; nec tamen inde sequitur, quod putavit Fachin. d. loc. eos hoc casu succedere jure representationis, non magis quam si dicam, filius & filia defuncti patrem & matrem excludunt qui eodem gradu sunt, ergo succedunt jure representationis. Sed & frater ex utroque latere conjunctus perficitur fratri ex altero latere conjuncto dumtaxat, qui tamen eodem gradu est, non tamen jure representationis. Quo igitur? Non alio quam proximitatis, quia tertium non datur. Concludo igitur, fieri posse ut aliqui pari gradu constituti jure proximitatis soli succedant, exclusis iis qui eodem gradu aut etiam proximiore sunt, si illo-

lorum jus sit potius, ut ex constitutione Justiniani est jus filiorum fratum tamquam descendentium, quam patruorum aut avuncularum qui instar sunt ascendentium; & jus plenorum sive germanorum fratum, & horum item filiorum, propter duplex sanguinis vinculum quam consanguineorum tantum aut uterinorum, Nov. 84. cap. 1. §. 1. Nec dicat quis, hoc jure posito magnam liberis fratum inferri injuriam si forte unus plures alter pauciores reliquerit. Nam ubi fortuiti casus par in utramque partem ratio est neuter laedi videtur, l. 12. C. de inoff. test. Azonis sententia constitutione Caroli V. in comitiis Spirensibus confirmata est anno 1529. probataque & Gallicanis Parlamentis. Papon. lib. 21. tit. 1. arrest. 11. & 12. Maynard. lib. 6. decis. 92. n. 3. Costal. in l. 1. §. ult. C. si pars ber. pet. & plerisque aliis supremæ jurisdicitionis Curiis. Thesaur. dec. 162. Ant. Fab. Cod. suo tit. de legit. ber. defin. 1. Christin. vol. 1. dec. 194. Atque ita quidem ego olim pro Azone. Ceterum postea dum singula d. cap. 3. Nov. 118. enucleatus examino, vereri coepi, ne non satis ex mente & sententia Justiniani. Sane verbis d. cap. 3. Azonis opinio minus convenire mihi visa, nisi cum Fachin. d. loc. eam sic limitemus, ut eo dumtaxat casu procedat quo fratum filii ex propria persona veniunt; non autem quando vocantur ad exclusionem aliorum qui alias aut cum iis concurrerent aut eos ipsos excluderent: de quo nos opulentus lib. 2. select. quest. c. 30.

3. Post fratres germanos eorumque demortuorum filios admittuntur fratres consanguinei & uterini, & cum his eorum demortuorum filii in stirpes, d. Nov. 118. cap. 3. auth. post fratres C. de leg. ber. Atque hos ex æquo succedere in omnia fratris defuncti bona sive ea paterna sint sive materna sive quæsita aliunde, magna causa est cur existimem; licet DD. comm. contrà sentiant, & consanguineis paterna, uterinis materna assignent, aliunde quæsita demum æqualiter censeant distribuenda: uti & Forster. lib. 8. cap. 8. Gomez ad leg. Tauri l. 8. n. 8. Gudelin. lib. 2. de jur. nov. cap. 15. Nam primum bona cujusque undecumque proœcta unum & simplex patrimonium ejus constituunt, atque ex vera ratione juris successio fit in bona univera, æqualique jure succedentes æqualiter defunctum representant: qua eadem ratione plerique defendant, parentem liberis suis remota quæstione unde bona obvenerint succedere. Forster. lib. 7. cap. 4. n. 6. & seqq. Fachin.

6. contr. 4. Covar. epit. de succes. ab intest. n. 3. Deinde Justinianus primo utrimque conjunctos simpliciter præfert conjunctis ex uno latere, ac mox post illos etiam hos indistincte vocat. Quod si causa & origo bonorum spectaretur, vide quæ huic rei sint consequentia. Unum est, ut consanguinei cum germanis admittantur ad bona paterna, uterini cum iisdem ad bona materna. Secundum, ut admittantur & multo magis cum eadem distinctio ne bonorum consanguinei & uterini cum fratum germanorum filiis. Etenim in bonis quæ ex. gr. à communi patre provenerunt nihil operari potest aut debet concurrens in altero fratum defuncti à matre cognatio, aut efficeri ut is ob eam causam præferri debeat conjuncto tantum per patrem, si unde bona obvenerint non jus succendentium consideremus: quemadmodum in feidis constat consanguineos à germanis non excludi. Alvarot. in tit. de success. fratr. §. in his vero. Feud. lib. 2. in tit. 11. Curt. traff. de feud. part. 3. n. 56. Denique si defunctus nulla bona materna habeat sed paterna dumtaxat, uterinum hac ratione frater consanguineus in totum submovet. Quæ quidem omnia & cum verbis & cum mente Justiniani in d. cap. 3. Nov. 118. pugnare videntur consanguineos & uterinos simpliciter & pari jure ad successionem intestati fratris vocantis. Communis opinio fundatur in l. 13. §. 2. C. de legit. ber. & Nov. 84. cap. 1. §. 2. Sed verissimum est minimeque obscurum, quod etiam D. Gothofr. ad d. l. 13. notat, textus istos per hanc Novellam nostram abrogatos esse; quippe in quibus pater fratribus omnibus postponitur; nec tamen alio casu quam cum pater adhuc vivit & usumfructum consequitur, ex eadem matre nati in bonis quæ à matre proœcta sunt consanguineis præferuntur.

4. Postremo veniunt ceteri collaterales, & tam ex uno latere quam ex utroque cognatione juncti. Quo autem quisque proximior est ita alterum excludit. Si plures sint ejusdem gradus in capita familiaria dividunt, d. Nov. 84. cap. 3. infn. Unde duo colligimus quæ diligenter notanda sunt. Unum est, quod qualitas duplicitis conjunctionis sive plenioris sanguinis non consideratur ultra fratres eorumque filios; alterum, quod jus representationis in hoc ordine fratum filii terminant. De successione lateralium illegitimorum plene diximus sub §. pen. Inst. de success. cogn. De lateralibus adoptivis ad §. 2. Inst. de legitim. agn. success. VINN.

In successione laterali permulta quæ ex d. Nov. 118. controversa erant nostro jure decisa sunt, quod ut plenius intelligatur integrum rem exponam. (1) Duobus ordinibus tam descendantium quam ascendentium deficientibus succedunt laterales, II. 5. & 6. tit. 13. Part. 6. inter quos primum locum obtinent fratres germani unâ cum filiis germanorum, qui ceteros fratres tam consanguineos quam uterinos excludunt, d. l. 5. Quod vero diximus filios fratum simul admitti licet gradu remotiori sint, hoc evidens indicium est in locum demortuorum fratum venire, quare succedunt per representationem & in stirpes, I. 5. tit. 8. lib. 5. Recop. Si filii germanorum fratum soli sint ceteros excludunt. Post fratres germanos eorumque filios vocantur fratres consanguinei & uterini cum filiis eorum; si vero simul concurrant discretio fit bonorum, & consanguinei in bonis paternis uterini in maternis succedunt; in bonis vero aliunde quæsitis æquis partibus admittuntur, per text. express. in d. l. 6. Partt. Filii fratum tum consanguineorum tum uterinorum in stirpes cum suis thii vocantur & pari jure cum his censemur. Sed insignis jure nostro quæstio est, an filii fratum cum soli sunt in stirpes an in capita vocentur, in qua disputatione hæsitasse Vinnium nostrum ex commentario disces. Inter nostros D. Covarrubias in epit. succ. ab intest. in capita succedere docet, motus præcipue auctoritate legis

Fori Judicum (8. tit. 2. lib. 4. legg. Wisigott.). Antonius vero Gomez in comm. ad l. 8. Tauri strenue contendit filios fratum succedere in stirpes, etiam cum soli sunt: quam fuisse legis Tauri decisionem magno nisu propugnat. Nostrum tantas componere lites non est; opinio tamen Gomezii magis arrireat. Post fratres denum & filios fratum, inter quos solum ratio habetur representationis ac duplicitatis vinculi in linea laterali, ceteri tam agnati quam cognati, nullo inter eos discrimine, quo quisque gradu proximior est ordine vocatur; si plures sunt in eodem gradu pariter admittuntur: quæ lateralium successio usque ad decimum gradum extenditur: textus est in d. l. 6. tit. 11. Part. 6. Demum deficientibus cognatis ad decimum usque gradum coniux ad hereditatem defuncti intestati conjugis vocatur, d. l. 6. Si vero nullus eorum extiterit bona defuncti quasi vacantia fiscus occupat, I. 12. tit. 8. lib. 5. Recop. De successione illegitimorum naturalium supra monuimus. Illud omittere fas non erat, non posse magistratus sive Ecclesiasticos sive Seculares se immiscere in intestatorum bonis ad conficienda inventaria, seu ad distribuendam quintam bonorum partem in funeris expensas & alias pias causas, sed heredis officio permititi has res pro conditione personæ ac rei hereditariæ curare; magistratus tamen officium est negligenter heredem ad hæc exequenda admonere & compellere, I. 16. tit. 4. lib. 5. Rec. ADDIT.

TITULUS VI.

DE GRADIBUS COGNATIONUM.

Dig. lib. 38. tit. 10. Et l. 3. tit. 6. Part. 4.

TEXTUS.

Continuatio & cognitionis divisio.

Hoc loco necessarium est exponere quemadmodum gradus cognitionis numerentur. Quare in primis adinonendi sumus cognitionem aliam supra numerari, aliam infra, aliam ex transverso quæ etiam à latere dicitur. Superior cognitione est parentum, inferior liberorum, ex transverso fratum sororu[m] & eorum qui quæve ex his generantur; & convenienter patrui, amitæ, avunculi, materteræ. Et superior quidem & inferior cognitione à primo gradu incipit;

at ea quæ ex transverso numerantur à secundo.

L. 2. tit. 13. Part. 6.

COMMENTARIUS.

1. Causæ ob quas cognitionum gradus nosse oporteat; & cur seriem generationum gradus jurisconsulti vocent.
2. Qua serie gradus numerentur tum in generationis linea recta tum in laterali.

1. Non unam ob causam Jurisconsultus cognitionum gradus nosse de-

debet; nam & legitimæ hereditates & tutela ad proximum quemque agnatum redire consuerunt, & edicto prætor proximo cuique cognato dat bonorum possessionem, l. ult. in pr. de grad. & affin. & jure novissimo ab intestato tam ad hereditatem quam ad tutelam cognati omnes, id est non tantum agnati sed etiam ceteri cognati servata gradus prærogativâ vocantur, Nov. 118. cap. 4. & 5. Præterea lege publicorum judiciorum contra certi gradus cognatos inviti testimonium dicere non cogimur, l. 4. de test. d. l. ult. de grad. & affin. Sed & propter nuptias distinctio graduum cognitionis cognoscenda est, maxime post jus Canonicum, quod hic diversa à jure Civili dinumeratione uti coepit: quam differentiam eo quod in causis matrimonialibus dumtaxat etiam in foro Ecclesiastico servatur, supra exposui ad §. 4. Inst. de nupt. Primus autem & potissimus hujus disputationis usus jure civili in hereditatibus cernitur; atque ob hanc causam ait Imperator, necessarium esse hoc loco exponere quomodo gradus cognitionum numerentur. Itaque proposita primum divisione cognitionis respectu linearum in quibus gradus collocantur gradus ipsos deinde specialiter enumerat, eorumdemque numerandorum rationem hoc titulo ostendit. Gradus Jurisconsulti μεταφορικῶς (translate) vocant ipsam generationum seriem, quod alii ab aliis quasi gradibus quibusdam oriuntur. Gradus, inquit Paulus, dicti sunt à similitudine scalarum locorumve proclivium, quos ita ingredimur ut à proximo in proximum, id est in eum qui quasi ex eo nascitur transeamus, d. l. ult. §. 10. de grad. & affin.

Aliam supra, aliam infra, aliam ex transverso] Linea graduum cognitionis duplex est: una recta & perpendicularis, altera transversa sive lateralis: illa vel est superior in qua sunt parentes, id est omnes ascendentis; vel inferior in qua liberi, id est descendentes: hæc eorum est qui ex latere veniunt, fratum scilicet & sororum & qui ex his generantur, item patruorum &c. Estque vel æqualis, in qua latera utrimque coëunt, quæ scilicet eorum est qui pari gradu distant à communi parente; vel inæqualis, cum alter est remotor, ut patruus & fratri filius.

2. Recta linea & sursum & deorsum initium capit à primo gradu; transversa autem incipit à gradu secundo, l. i. §. 1. l. 9. de grad. & affin. & hoc text. insin. Ut ecce, pater recta generat filium, filius recta generatur à patre; & ita deinceps ascendendo aut de-

scendendo progrediendum, totidemque gradus numerandi quot sunt generationes. Lateralis autem cognatio ex alio originem trahit quam de cuius hereditate agitur, puta fratri ex patre aut matre, patrui & avunculi ex avo & avia; nam frater, verbi causa, à fratre non generatur, sed ut ortus utriusque auctor est communis parens ita & conjunctio eorum ab eo penderit. Itaque quamvis gradus semper numerentur per generationes, id tamen in cognitione lateralí fit serie nonnulli diversa. Et enim cum à latere ad latus perveniri non possit nisi per eum transeas à quo veluti communī limite utrumque latus descendit, necesse est primum ut ab eo de cuius cognitione queratur ad communem cognitionis auctorem, επὶ τῷ διαγένεται αὐτὸν πρόσωπον (ad personam quæ cognitionis est auctor), ut Theoph. de legit. agn. succ. in pr. sursum progrediare, & inde iversus deorsum ad alterum, de quo & ipso queratur. Quamobrem si queratur frater quanto gradu à fratre distet, primum ab uno fratre ascendendum est ad caput utriusque patrem scilicet, deinde descendendum ad alterum fratrem, & competremus fratres duabus gradibus inter se distare: ut ecce, ego genitus à patre meo; hic habes unum gradum: idem pater meus genuit Titum fratrem meum; hic habes alterum. Pari ratione, si quereras quanto gradu patruus tuus tibi conjunctus sit, ascende primum ad avum vestram cognitionis communem limitem, deinde iterum descende ad ejus filium qui est patruus tuus; & reperies eum tibi conjungi tertio gradu cognitionis. In remotioribus longiori circuitu opus est, eadem tamen proportio servatur; numera enim generationes, & gradus numeraveris. Atque hæc est perspicua germana ipsique naturæ prorsus consentanea graduum numeratio.

TEXTUS.

Primus gradus.

1. Primo gradu est supra pater, mater, infra filius, filia.

Secundus.

2. Secundo gradu supra avus, avia: infra nepos, neptis; ex transverso frater, soror.

Tertius.

3. Tertio gradu supra proavus, proavia: infra pronepos, proneptis; ex transverso fratis sororisque filius, filia; & convenienter patruus, amita, avunculus, materteria. Patruus est parvis

L I B . III.
iris frater, qui Græcis πατράδελφος appellatur. Avunculus est frater matris, qui Græce μητράδελφος dicitur, & uterque promiscue θεῖος appellatur. Amita est patris soror, quæ Græce πατράδιλφη appellatur. Matertera vero matris soror, quæ Græce μητράδιλφη dicitur; & utraque promiscue θεῖα appellatur.

L . 4. tū. 6. Part. 4.

C O M M E N T A R I U S .

IN his §§. nihil est quod interpretem desideret. Nomina Græca quæ hic addita, non sunt apud Gajum l. 1. §. 3. & 2. seqq. de grad. & affin. & quædam etiam desunt quæ aliter leguntur in aliis editionibus. Pro πατράδελφος & μητράδελφος apud Cujac. Hotom. Cont. W. semb. legitur πατρῆος & μητρῆος, quomodo & Theophilus habet. Illa autem πατράδιλφη & μητράδιλφη, non agnoscunt, nec satis Græca sunt: quoniam Græci non solent sic composita efferre terminatione feminina; & diserte Pollux in Ὀνοματικῷ (Onomastico) scribit: τὴν πατρῆον ἀδελφὴν (patris sororem) πατράδελφον, τὴν δὲ μητρῆον (matris vero sororem) μητράδελφον appellari: Θεῖος & θεῖα communia nomina esse constat quibus promiscue fratres & sorores tam patris quam matris appellantur. In calce §. 3. inter θεῖα & appellatur, in nonnullis editionibus interpositum est, que etiam τίτλος, quod interserit etiam Theophilus, quamvis fortassis de suo, ut paraphrastes. Plane Polluci τίτλος est in μητράδελφος. Hesychio & Suidæ θεῖα tam patris quam matris soror, sed apud hos legitur τίτλος. Fratris sororisque filii & filiæ speciale cognationis nomen apud Romanos non habent, l. ult. §. 14. de grad. & affin. Apud Græcos habent, & eleganter fratris filius ἀδελφίδης, filia fratris ἀδελφίδη vocatur. Erasmus & Valla ἀδελφόδηs patruelis vertunt: quo nomine recte notantur à D. Giphanio. Æacus Plutonis ἀδελφίδηs apud Lucianum, Jovis & Æginæ filius, fratruelis. Gloss. gr. lat. ἀδελφίδηs, fratruelis fratris filius vel fraternus. VENN. Dicuntur & nepotes, quamvis ea notio sequiore Latinitatem sapiat. Vide Causaub. ad Spart. Hadr. cap. 2. Voss. de vit. serm. cap. 27. Attamen Ovid. 3. Pont. eleg. 3. ad Cupidinem.

Cæsar ab Ænea qui tibi fratre nepos. quod notavit Barthius ad Guill. Brit. p. 431. Seculo 4. Licinium Constantini ex sorore nepotem vocant. Hieronym. Chron. n. 2330.

T I T . VI.

& Oros. lib. 7. cap. 28. Quæ loca suppeditat vir cl. Christ. Cellar. in Cur. poster. p. 235. HEIN.

T E X T U S .

Quartus gradus.

4. Quarto gradu supra abavus, abavia: infra abnepos abneptis; ex transverso fratris sororisque nepos neptisve; & convenienter patruus magnus, amita magna, id est avi frater & soror; item avunculus magnus & matertera magna, id est avie frater & soror: consobrinus, consobrina, id est qui quæve ex sororibus aut fratribus procreantur. Sed quidam recte consobrinos eos proprie dici putant qui ex duabus sororibus progenierantur, quasi consororinos; eos vero qui ex duobus fratribus progenierantur proprie fratres patruelis vocari. Si autem ex duabus fratribus filiæ nascuntur, sorores patruelis appellari. At eos qui ex fratre & sorore progenierantur amitinos proprie dici putant. Amitæ tue filii consobrinum te appellant, tu illos amitinos.

C O M M E N T A R I U S .

HÆc quoque sunt perspicua quoad rem ipsam. Illud tantum notandum, quod tum qui ex duobus fratribus, tum qui ex duabus sororibus, item qui ex fratre & sorore natiti sunt propriis quidem nominibus distinguuntur, sed quorum plerisque vulgo promiscue utimur. Nam & qui quæve ex duobus fratribus nati natæ sunt fratres & sorores patruelis proprie appellari; qui quæve ex duabus sororibus consobrinos consobrinasque, quasi consororinos; qui quæve ex fratre & sorore amitinos & amitinas dici tradunt Gaius l. 1. §. 6. & Paul. l. ult. §. 15. de grad. & affin. ubi tamen hos omnes à plerisque uno communi nomine consobrinos vocari resonantur. Et quamvis amitini numquam inter se duo sint, quoniam qui alteri amitinus est is ab eo consobrinus nominatur, ut in finibus §. etiam Justinianus indicat: tamen ex sorore & fratre natos mutuò amitinos quoque dici significant. Ex quo hoc etiam apparet, consobrinorum nomen non posse restringi ad solos duarum sororum liberos; nam avunculi filium non alio nomine proprie appellare possum quam consobrini. In lege Pompeja de parricidiis appellatione patruelium videntur significari fratres & sorores consanguinei, matriuelum uterini, l. 1. de parricidio nec enim potes illo loco patruelum & ma-

truelem consobrinos interpretari cum Bachovio ; tum quia non debent consobrini præponi patruo & avunculo ; tum etiam quia eodem loco post patruum & avunculum collocantur consobrinus & consobrina , ut bene observavit D. Cujac . 6. obs. 17. ubi refert, etiam Græcos patruem interpretatos ἀμάρτιον fratrem sororemque consanguineos , matruem ἀμάρτιον , fratrem sororemque ute-rinos. Itaque & qui ex duobus fratribus orti sunt fratres patruales recte appellabimus , & ipsos quoque fratres consanguineos : illos, quod per patres conjungantur, hos, quod eundem patrem habeant. Idemque sentio de fratribus matruelibus.

TEXTUS.

Quintus gradus.

5. Quinto gradu supra atavus , atavia : infra atnepos , atneptis ; ex transverso fratri sororisque pronepos, proneptis , & convenienter pro-patruus , proamita , id est proavi frater & soror , & proavunculus & promaterter , id est proavia frater & soror ; item fratri patruelis vel sororis patruelis , consobrini & consobrina , amitini & amitina filius , filia , propior sobrino , propior sobrina. Hi sunt patrui magni , amite-magne , avunculi magni , materterae magna-filius , filia.

COMMENTARIUS.

Propior sobrino] Propior sobrino , sobrina , & propior sobrino , sobrina , item propior sobrinus , sobrina , & propior sobrinus , sobrina recte omnimodo dicetur , l. 1. §. ult. l. ult. §. 16. vers. personæ ff. de grad. & affin. l. 2. C. unde leg. Paul. 4. sent. 11. Festus in verbo propior. Usitatus tamen est propior sobrino , pro quo Tacitus lib. 12. annal. cap. 64. dixit sobrino prior. Lepida , inquit , minore Antonia genita , avunculo Augusto , Agrippinæ sobrina prior &c. parem sibi claritudinem credebat. Neque enim necesse est ut cum Cujacio & Giphanio pro prior legamus propior ; nam utriusque vocula eadem vis , ut bene Lipsius. Est autem propior sobrino , sobrina , patris ejus de cuius cognatione queritur , consobrinus , consobrina , d. l. 1. §. ult. & l. 2. eod. cui vicissim ille est consobrini filius , d. l. 1. §. ult. & hoc text. Sic Lepida cum esset Germanico patri Agrippinæ consobrina (nam ab Agrippina vocata est sobrina propior) Agrip-

pina illi consobrini filia. Verum ut confusa est utrimque amitini & consobrini appellatio, ita factum arbitror ut proprii sobrino ego etiam vocer propior sobrinus , l. 2. C. unde legit. Fest. d. loc. ubi ait , proprius sobrino mihi esse consobrini mei filium & patris mei consobrinum.

TEXTUS.

Sextus gradus.

6. Sexto gradu supra tritavus , tritavia : infra trinepos trineptis ; ex transverso fratri sororisque abnepos abneptis ; & convenienter ab-patruus abamita , id est abavi frater & so-ror : abavunculus abmaterter , id est abavie frater & soror : item propatru , proamita , pro-avunculi , promaterter & filius , filia : item pro-pius sobrino sobrinave fi ius , filia : item conso-brini consobrini nepos , neptis : item sobrini , so-brina , id est qui quæve ex fratribus vel so-ro-ribus patruelibus vel consobrinis vel amitinis progenerantur.

COMMENTARIUS.

Item propius sobrino sobrinave filius , filia] Hæc verba omnino inducenda sunt ut superflua. Etenim filii & filiae propioris mei sobrini & sobrina aut sunt mihi nepotes ac neptes consobrini & consobrina , aut ipsi mihi sobrini & sobrina : quorum utrumque mox fit mentio. Hoc autem demto cetera recte habent ; neque aut plura demere cum Cujacio , aut ordinem mutare cum Hotomanno aut Wesembicio necesse est. Omnino enim male Gothofredus verba ista retinuit, illa autem , item consobrini &c. expunxit.

Item consobrini consobrini nepos , neptis] Hotomannus ex Gajo l. 3. de grad. & affin. sic restituit : Item fratri patruelis , sororis patruelis , consobrini , consobrina , amitini , amitina nepos , neptis ; nulla tamen necessitate , quoniam , ut supra notatum est , generali consobrinorum appellatione patruales quoque & amitini continentur.

Qui quæve ex fratribus patruelibus] Sobri-norum nomina , ut patruelium & consobrino-rum , inter se referuntur , ut qui mihi sobrinus est ego ei vicissim sim sobrinus. Ne quis igitur ex hoc loco existimet , fratri patruelis &c. filium sobrinum dici. Sententia enim Imperatoris hæc est , utrimque sobrinos dici eos qui ex duobus patruelibus , ex amitino &

L I B . III .
consobrino , ex duabus item consobrinis nati sunt . Hoc gradu propria cognationis nomina desinunt , *l. ult. §. ult. de grad. & affin. V I N N.* De gradibus cognationum stemma elegantissimum confecit Ildephonsus Rex tabulis iconographicis , *tit. 16. Part. 4.* ubi nomina quæ hisce cognationis gradibus patrio sermone congruunt videre poteris . ADDIT .

T E X T U S .

De reliquis gradibus .

7. Haec tenus ostendisse sufficiat quemadmodum gradus cognationis numerentur . Namque ex his palam est intelligere quemadmodum ulteriores quoque gradus numerare debeamus : quippe semper generata persona gradum adjicit ; ut longe facilius sit respondere quoto quisque gradu sit , quam propria cognationis appellatione quemquam denotare .

L . 3 . tit . 6 . Part . 4 .

N O T A .

7. Generata persona gradum adjicit] Jus autem Canon. alia dinumeratione utitur in linea transversa ; quæ tamen in causis matrimonialibus dumtaxat servatur : videt. ad sedem cap. parentela caus. 35 . quest. 5 .

C O M M E N T A R I U S .

G enerata persona gradum adjicit] Quantum numerus generationum , tantumdem excrescit numerus graduum . Quippe unaquaque generatio gradum facit . Et ideo in quavis questione proposita videndum quot inter utramque personam generationes extiterint , atque ex earum numero constituendus erit numerus graduum .

T E X T U S .

De gradibus agnationis .

8. Agnationis quoque gradus eodem modo numerantur .

T I T . VI .

C O M M E N T A R I U S .

R Ecte Hotomannus hunc locum sic interpretatur , non quasi Justinianus dicere voluerit agnationis gradus eodem modo numerari sicut cognationis , tam enim agnatorum quam cognatorum haec tenus mentio facta ; sed hoc , etiam agnationis gradus eadem , quam modo dixit , ratione crescere , nimis ut semper persona generata adjiciat gradum .

T E X T U S .

De graduum descriptione .

9. Sed eum magis veritas oculata fide quam per aures animis hominum infigatur : ideo necessarium duximus post narrationem graduum eos etiam praesenti libro inscribi , quatenus possint & auribus & oculorum inspectione adolescentes perfectissimam graduum doctrinam adipisci .

L . 2 . tit . 6 . Part . 4 .

C O M M E N T A R I U S .

R Eci cuiusque cognitione certius ex oculorum sensu quam aurium percipitur . Cujus rei rationem Aristoteles *πεπιστημένος* (de sensu) hanc affert , quod aspectus per se aut visu nulliusque alterius operâ percipit , auditus vero per accidens & operâ aliena . Sane quia quæ videmus in propinquo sunt , ideo ea nos magis afficiunt quam quæ audimus , quæ absunt fere & ideo non ita movent . Hotat. in arte v . 180 .

Segnius irritant animos demissa per aurem ,
Quam quæ sunt oculis commissa fidelibus .
Hoc Candales creditit , & in Gyge cum amissione regni expertus est , quæ oculis hau- riuntur celerius ad annum accedere quam quæ aurium viâ manant . Polyb. 12 . *ιφθαλυσί τὰς ἀταρ ἀγγιβήτεροι μάρτυρες* (oculi præ auribus testes accuratores).

P ræsenti libro inscribi] Hec graduum cognationis descriptio periit temporum injuriâ . Sed nullo negotio similis delineari & in tabula representari potest : quod cum etiam à plerisque factum sit , quorum commentarii in manibus candidatorum iuris versantur , nobis nihil opus est hic item tabulam aliquam exhibere .


15. Oct. 1592. Printed by J. C. for Thomas Newcomen
and sold by him at 2d. and 2d. 6d. orange



ODT

ODT

TYPUS HIC REFERENDUS EST AD
paginam 57. §. IX. Tituli VI. de gradibus Cognationis



EGO

Filius
Filia

Nepos
Neptis

Pronepos
Proneptis

Adnepos
Adnephis

Abnepos
Abnephis

Trinepos
Trineptis

TITULUS VII.

DE SERVILI COGNATIONE.

Dig. lib. 38. tit. 2. Cod. lib. 6. tit. 4.

TEXTUS.

Illud certum est, ad serviles cognationes illam partem edisti qua proximitatis nomine bonorum possessio promittitur non pertinere; nam nec ulla antiqua lege talis cognatio computabatur. Sed nostra constitutione quam pro jure patronatus fecimus (quod jus usque ad nostra tempora satis obscurum atque nube plenum, & undique confusum fuerat) & hoc humanitate suggestente concessimus, ut si quis in servili constitutus consoritio liberum vel liberos babuerit, sive ex libera sive ex servili conditionis muliere, vel contraria serva mulier ex libero vel servo babuerit liberos cuiuscumque sexus, & ad libertatem his pervenientibus ii qui ex servili ventre natu sunt libertatem meruerint, vel dum mulieres liberæ erant ipsi in servitute eos babuerint & postea ad libertatem pervenerint: ut bi omnes ad successionem patris vel matris veniant, patronatus jure in hac parte sopito. Hos etenim liberos non solum in suorum parentum successionem sed etiam alterum in alterius successionem mutuam vocavimus, ex illa lege specialiter eos vocantes, sive soli inveniantur qui in servitute natu & postea manumissi sunt, sive una cum aliis qui post libertatem parentum concepti sunt, sive ex eodem patre sive ex eadem matre sive ex aliis nuptiis, ad similitudinem eorum qui ex justis nuptiis procreati sunt.

L. 10. tit. 22. Part. 4.

NOTA.

Liberum vel liberos] Liberum, numero unitatis, vide sup. §. 2. Inst. per quas pers. Sat- tis erat dicer e, liberos babuerit, l. 148. de verb. sign. VENN. Eodem modo locuti sunt Veteres quidam. Aurel. Victor: Nerva Trajanum in liberi locum adoptavit. Add. Quintil. de elam. 11. l. 33. C. de inoff. test. Ex instituto ea de voce disputant Voss. de analog. lib. 1, cap. 42. Munker. ad Hygin. fab. 9. & vir cl. Dukerus de Lat. vet. fct. p. 385. HEIN.

COMMENTARIUS.

Notant fere recentiores omnes in plerisque manuscriptis & in Græca paraphrasi hunc locum nullam novam inscriptionem Tom. II.

habere, sed cohærente titulo præcedenti, cuius etiam partem esse arguit collatio ordinum & graduum quæ hoc eodem loco instituitur. Sed age rem ipsam videamus. Erimus autem tum in hujus tum in sex proxime seqq. titt. explicatione solito breviores, ne nimium hoc opus excrescat curiosa tractatione earum rerum quæ nullum aut per exiguum usum nunc habent.

Ait, neque edicti prætoris eam partem quæ bonorum possessio cognatis defertur, neque legem ullam antiquam ad cognationes serviles pertinere: ex Ulpian. l. 1. §. 2. unde cogn. & Paul. l. ult. §. 5. de grad. & affin. Quod sic intelligendum est, non pertinere edictum aut leges antiquas ad servorum cognationem etiam postquam manumissi sunt; nam quamdiu servitutem serviunt nec successorem habere possunt nec ipsi alteri succedere, l. 4. C. comm. de success. neque novi juris quæ sequitur constitutio ad servos quamdiu in servitute manent pertinere potest.

Nec ulla antiqua lege talis cognatio] In causa videlicet successionis de qua hic agitur. Nam in nuptiis etiam jure antiquo servilis cognationis ratio habetur, nuptiisque impedimento est si forte pater & filia, frater & soror manumissi fuerint, §. 10. Inst. sup. de nupt. l. 14. §. 2. & 3. de rit. nupt. Quo loco etiam diversi juris ratio indicatur, hæc nimirum, quod in contrahendis matrimonii naturale jus & pudor inspicitur. In successionibus autem naturalis servorum cognatio insuper habita fuit, d. l. ult. §. 5. de grad. & affin. Itaque si, verbi causa, ancilla cum liberis quos in servitute pepererat manumissa fuerat, neque liberi ex senatusconsulto Orficiano ad hereditatem defunctæ matris, neque mater ex senatusconsulto Tertulliano ad hereditatem librorum, & neque hæc neque illi ad bonorum possessionem ex parte edicti unde cognati proximi vocabantur; licet inter matrem & vulgo quæsitos invicem capienda hereditatis & accipienda bonorum possessionis jus esset.

Sed nostra constitutione] Desideratur hæc constitutio. Epitomen ejus in membranis quibusdam Latine expressam atque à se reperitam Cujacius exhibet lib. 20. observ. 34. in qua tamén epitome tantum jura patronatus definitur.

tur. Eodem loco repræsentat ex Basilicis constitutionem Græcam, quam putat esse integrum hanc Justiniani. Sane Græce scriptam fuisse testatur ipse Justinianus, §. 3. seq. tit.

Humanitate suggestente] Etsi servilis cognationis, quamdiu durat servitus, in causa successionis ratio haberi non potest; potest tamen servitute sublata; atque adeo plenum humanitatis est tunc in hac etiam causa cognationem illam naturalem spectari.

Ut bi omnes ad successionem] Igitur hac constitutione Justiniani nati ex servis ancillisve, si parentibus manumissis ipsi quoque manumissi sint superstites, eis ab intestato succedunt, exclusis patronis, à quibus ipsi antea excludebantur.

Alterum in alterius successionem mutuam] Ita ut non solum parentibus sed etiam ipsi manumissi fratres & sorores inter se succedant. Quod tamen ego sic accipiendum esse existimo, si, quod multis modis accidere potest patronus deficiat. Nam liberis non extantibus expresse statim patronum ad liberti intestati successionem ipse Justinianus vocat, idque eadem constitutione quam hic significat, d. §. 3. vers. sin autem tit. seq. Quamvis sane fratres patrono præferendos arguat l. 2. ad senatusc. Tertyll. Sed non esse eadem ratio patris & filii emancipati quæ liberti proprie dicti & patroni: utique postquam fratres in successione patri prælati sunt, l. 4. C. de bon. que lib. l. ult. C. comm. de success. ad quod jus Tribonianus dictam l. 2. interpolando conformavit.

Sive soli inveniantur] Quare non modo qui nati in servitute postea manumissi sunt inter se ab intestato succedunt, sed etiam cum aliis qui post parentum libertatem nascuntur.

Sive ex aliis nuptiis] Verbum nuptiis tollendum esse censem Cujac. Cont. Hotom. Giphan. auctoritate quorumdam manuscriptorum, & Theophili, apud quem tantum est ētre ēx diafrēw (sive ex diversis) ut horum verborum sive ex aliis hic sit sensus, sive ex alio & diverso patre, sive ex alia seu diversa matre. Sed contra hos insurgit Bachovius & maxime in Cujacium. Ego in hac eorum līte Palæmon.

TEXTUS.

Collatio ordinum & graduum.

1. *Repetitis itaque omnibus quæ jam tradidimus* appareat non semper eos qui parem gradum cognationis obtinens pariter vocari; eoque

amplius ne eum quidem qui proximior sit cognatus semper potiorem esse. Cum enim prima causa sit suorum heredum & eorum quos inter suos heredes enumeravimus, apparet pronepotem vel abnepotem defuncti potiorem esse quam fratrem aut patrem aut matrem defuncti; cum aliqui pater quidem & mater (ut supra quoque tradidimus) primum gradum cognationis obtineant frater vero secundum, pronepos autem tertio gradu sit cognationis & abnepos quartus. Nec interest in potestate morientis fuerit an non, quod vel emancipatus, vel ex emancipato vel femineo sexu propagatus est. Amotis quoque suis heredibus & quos inter suos heredes vocari dixinus, agnatus qui integrum fuisse habet agnationis, etiam si longissimo gradu sit, plerumque potior habetur quam proximior cognatus. Nam patrui nepos vel pronepos avunculo vel materteræ præfertur. Toties igitur dicimus aut potiorem haberi eum qui proximiorem gradum cognationis obtinet, ut pariter vocari eos qui cognati sunt, quoties neque suorum heredum quique inter suos heredes sunt neque agnati nisi jure aliquis præferri debeat: secundum ea quoque tradidimus; exceptis fratre & sorore emancipatis, qui ad successionem fratribus vel sororum vocantur: qui etsi capite diminuti sunt, tamen præferuntur ceteris ulterioris gradus agnatis.

COMMENTARIUS.

Hic locus ad ea omnia quæ hactenus hoc libro tractata sunt generaliter pertinet. Summa est, duas esse succendentium prærogativas, unam in ordine, alteram in gradu; illius autem quam hujus potiorem rationem esse, in tantum ut qui ordine præcedit, licet gradu sit posterior, præferatur ei qui est posterior ordine quantumvis gradu prior.

Pronepotem vel abnepotem &c. quam fratrem, patrem, matrem) Conferuntur hic sui & qui suorum numero sunt cum legitimis, qui cum illis concurrere numquam possunt, propter prærogativam ordinis suorum. Sed si sui inter se conferantur, hic qui gradu proximior est, puta filius, remotiorem, puta nepotem, non excludit. Nam jus repræsentationis & successio in locum patris facit ut nepos non videatur remotior.

Amotis quoque suis heredibus, agnatus etiamsi longissimo gradu &c.) Agnati quoque & certi legitimis successores collati cum cognatis præferuntur non ex prærogativa gradus sed ordinis; nam cognati demum tertio loco vocantur, sup. pr. tit. Inst. de succ. cogn. Verum in-

DE SUCCESSIONE

inter agnatos ipsos spectatur prærogativa graduum ; quoniam in hoc ordine repræsentatio locum non habet, extrâ quam quod novissimo jure introductum est *Nov. 118. cap. 3.* si fratum filii cum patruis concurrant. Ceterum revolve quæ tradita tit. *Inst. de leg. agn. succ. item de senatusc. Tertyll. §. 3. & seqq.* quæ hic inculcare non lubet. Hodie agnatorum & cognatorum jura confusa sunt, *d. Nov. 118.* ubi Justinianus tres novos ordines succendentium fecit , unum descendantium alterum ascendentium tertium collateralium. Descendentes reliquos omnes excludunt ; neque inter eos gradus prærogativa servatur. Cum ascendentibus admittuntur fratres ex utroque parente conjuncti eorumque filii ; ceteri laterales ab iisdem excluduntur ; inter ipsos au-

LIBERTORUM.

59

tem succedunt tantum proximi, *d. Nov. 118. cap. 2. & Nov. 127.* Lateralium quoque proximi solum vocantur ; nisi quod fratum germanorum filii jure representationis simul cum patruis & avunculis suis veniunt , & patruis avunculisque defuncti ejusque fratribus ex uno dumtaxat latere conjunctis præferuntur: his jure plenioris sanguinis , illis jure quadrangulatus descendantium : qua de re supra explicatum est diligentius.

Exceptis fratre & sorore emancipati.] Ex constitutione Anastasii , §. 1. Inst. sup. de success. cogn. Exceptis item sorore uterina & sororis sive consanguinea sive uterina filiis & filiabus, §. 4. Inst. sup. de leg. agnat. success. Sunt autem hæ exceptiones superflue , quoniam personæ exceptæ agnationis jure præferuntur.

TITULUS VIII.

DE SUCCESSIONE LIBERTORUM.

Dig. lib. 38. tit. 2. Et L. 10. tit. 22. Part. 4.

Ratio ordinis & summa tituli.

Hucusque disseruit de successione ingenuorum ; sequitur nunc de successione libertorum, id est de jure succedendi in bonis libertorum. Vox enim successionis hic non active ut in precedentibus, sed passive accipitur : non qua libertus succedit aliis , sed qua ipsi liberto succeditur. Circa hereditates libertorum mira extitit juris varietas. Aliud lege xti. tabb. constitutum fuit, aliud prætores introduxerunt quod auctum postea lege Papia ; postremo aliter hanc causam definivit Justinianus : quæ singula hic ordine referuntur & explicantur.

vero adoptivus filius fuisset aperte iniquum erat nihil juris patrono superesse.

COMMENTARIUS.

- 1 *Legem XII. tabb. non alio jure patronum censuisse quam agnatorum.*
- 2 *Cur magis iniquum visum patronum ab adoptivis excludi quam patrem , fratrem &c.*

Nam ita demum lex XII. tabb.] Argumentum ex contrariis, quo probat jure antiquo XII. tabb. licuisse liberto testato decedenti patronum impune præterire. Collectio hæc est : Lex XII. tabb. patronum nominatim vocat ad hereditatem liberti intestato mortui : ergo in bonis liberti testato mortui nullum jus patronum habere voluit , si videlicet testamento præteritus nihilve ei relictum sit.

1. *Herede suo nullo relitto]* Intestato liberto mortuo lex XII. tabb. primum suis hereditibus defert hereditatem ; si hi non fuerint, tunc patrono. Ulp. l. 3. in pr. de suis & legit. & in fragm. tit. 27. & tit. ult. in pr. ubi sic scribit : *Civis Romani liberti hereditatem lex duodecim tabularum patrono defert, si intestato sine suo berede libertus decesserit. Ideoque sive*

TEXTUS.

Qui succedunt de lege XII. tabb.

Nunc de libertorum bonis videamus. Olim itaque licet liberto patronum suum impune testamento præterire ; nam ita demum lex duodecim tabularum ad hereditatem liberti vocabat patronum si intestatus mortuus esset liber tus berede suo nullo relitto. Itaque intestato mortuo liberto, si iis suum beredem reliquisset, patrono nihil in bonis ejus juris erat. Et si quidem ex naturalibus liberis aliquem suum beredem reliquisset , nulla videbatur querela ; si

testamento factō decedat licet suus heres ei non sit, seu intestato & suus heres ei sit quamvis non naturalis, sed uxor, puta quae in manu fuit, vel adoptivus filius, lex patrono nihil præstat. Hinc vero apparet legem non alio jure patronum censuisse quam agnatorum, qui & ipsi ab intestato post suos heredes vocantur & testamento præteriri possunt. Quod autem primo loco & solum post suos heredes patronum lex vocat mirum non est, quoniam liberti agnatos non habent. VInN. Recte Vinnius observat patronum liberto loco agnati fuisse. Diserti id dicit Justinianus in constitutione Græca quam ex Basilicis primus extulit Cujac. lib. 20. obs. cap. 34. Επειδὴ δοκεῖσθαι σιλληρέις ἔται τῶν ἐλευθερομένων οἱ ἐλευθερουρτεῖς αὐτές, διὰ τέτοιο καὶ καλῶντας ἐκ τῆς γομίνης διὰ δοχῆς. Οὐστέρ ἐπὶ τῶν ἐνυπερθέρων οἱ κατὰ βασιλεὺς ἐγγύτεροι καλῶνται, οὗτοι καὶ ἐπὶ τῶν ἀπελευθερών. Cum veluti agnati libertorum patroni censeantur, hinc & vocantur ad legitimam successionem. Quemadmodum ingenuorum agnati gradu propiores vocantur, ita & libertinorum. Inde est quod & nomina patronorum & cognomina assumerent liberti. Vide Lactant. Inst. div. lib. 4. cap. 3. Car. Sigan. de nomin. propri. 1418. HEIN.

2. Si adoptivus filius aperte iniquum] Patronum à liberti liberis naturalibus, id est procreatis justo matrimonio, excludi indignum visum non est; at iniquum visum eudem excludi etiam ab adoptivis & adscititiis. Cur vero inquis in patrono id minus ferendum fuit quam in patre, matre, fratribus, sororibus reliisque agnatis & cognatis, quibus omnibus filium adoptivum in hereditate ingenui præferri constat? Putat D. Hotomannus prætorem ideo plus juris patronis in bonis libertorum concessisse, ne aliqui duras nimis conditiones libertis suis in præstanta libertate imponerent, arg. l. 1. de bon. lib. Sed & illud duriusculum visum, posse patronum per quemvis heredem testamento liberti scriptum repellere. Ceterum erat hoc consequens libera testandi facultati lege XII. tabb. civibus omnibus datæ.

TEXTUS.

De jure prætorio.

2. Qua de causa postea prætoris edicto hac juris iniquitas emendata est; sive enim faciebat testamentum libertus, jubebatur ita testari ut patrono partem dimidiā bonorum suorum re-

linqueret; & si aut nihil aut minus parte dimidia reliquerat, dabatur patrono contra tabulas tettamenti partis dimidiæ bonorum possessio. Sive intestatus moriebatur suo herede relicto filio adoptivo, dabatur æque patrono contra hunc suum heredem partis dimidiæ bonorum possessio. Prodesse autem liberto solebant ad excludendam patronum naturales liberi, non solum quos in potestate mortis tempore babebat, sed etiam emancipati & in adoptionem dati, si modo ex aliqua parte scripti heredes erant, aut præteriti contra tabulas bonorum possessionem ex editio prætorio petierant; nam exheredati nullo modo repellebant patronum.

NOTE.

1. Dimidiā bonorum) Non tamen admittebatur patronus contra ea bona liberti quæ in castris quæsita, l. 3. §. 6. ff. de bon. libert. l. 37. C. de inoffic. test.

Æque patrono dabatur &c. bonorum possessio] Theoph. Πράτων ἐδίδε τὴν contra tabulas; sed aut somniavit, aut locus corruptus est. Quid enim contra tabulas liberto intestato mortuo?

COMMENTARIUS.

PRætor duo mutavit. Primum testandi licentiam in liberto coœravit, jussitque libertum ita testari ut patrono non minus parte dimidia bonorum relinquere, data patrono partis dimidiæ bonorum contra tabulas possessione, si aut nihil aut minus parte dimidia ei relictum esset. Ceterum quod hic simpliciter scriptum est id hanc habet exceptionem, nisi libertus liberos naturales sive suos sive emancipatos (nam liberi adoptivi jure prætorio non plus juris contra patronum habent quam extranei) heredes instituerit; quippe à quibus & non facto testamento patronus excluderetur. Ulpian. in fragm. d. tit. ult. in pr.

Sive intestatus relicto filio adoptivo] Hoc alterum est quod in hac causa mutavit prætor. Nam lex XII. tabb. etiam adoptivo filio suo herede existente patronum in totum ab hereditate liberti intestato mortui excludebat. Edicto vero prætoris ex parte dimidia admittitur.

Et in adoptionem dati] Liberi naturales in adoptionem dati quamdiu in familia adoptiva sunt quasi liberi ad bona patris naturalis non admittuntur, sed tantum ex ea parte editi veniunt quæ vocantur cognati, §. 10. &

S. 12. cum seq. Inst. sup. de her. quæ ab int. Patronum igitur excludere non potuerunt nisi testamento heredes scripti; ac proinde clausula sequens, si modo ex aliqua parte scripti heredes erant, adjecta est.

Aut præteriti contra tabulas] Hoc ad solos emancipatos referri debet; quippe cum bonorum possessio contra tabulas iis dari non soleat qui tempore mortis ejus de cuius successione agitur in aliena familia fuerunt, d. §. 12. sup. de her. quæ ab int.

Exeredati nullo modo] Sed quid si testamentum per querelam eversum fuerit? Dubitandum non est quin liberi patronum excludant, cum res ad causam intestati redeat. Plura Bachovius hic.

TEXTUS. De lege Papia.

1. Postea vero lege Papia adaucta sunt jura patronorum qui locupletiores libertos habebant. Cautum enim est, ut ex bonis ejus qui sestertiū centum milium patrimonium reliquerat & pauciores quam tres liberos habebat (sive is testamento facto sive intestatus mortuus erat) virilis pars patrono deberetur. Itaque cum unum quidem filium filiamve heredem reliquerat liberatus perinde pars dimidia debebatur patrono, ac si is sine ullo filio filiale intestatus decessisset. Cum vero duos duarum heredes reliquerat tertia pars debebatur patrono; si tres reliquerat repelletur patronus.

COMMENTARIUS.

1 Sestertius & sestertiū an idem valeant.

SEcunda hujus juris mutatio facta est lege Papia Poppæa. Tulere hanc legem nonnihil ei dederunt sufficii coss. M. Papius Mutilus, Q. Poppæus Secundus, A. U. C. 761. Multa hujus legis fuere capita. Fragmenta restituit notisque illustravit vir cl. D. Jacobus Gothofredus.

Qui locupletiores libertos] Hæc igitur lex ad libertos locupletiores solummodo pertinuit; in pauperioribus antiquiora jura patronatus intacta reliquit.

Qui sestertiū centum milium) Locupletiores habiti qui sestertiū centum milium patrimonium habebant: pro quo præcisæ dixit Africanus rem centum, l. 26. de bon. libert. Hinc libertus centenarius qui rem centum milium habet, l. 16. de jur. patron. Etenim

ut docet Hotom. lib. de re numm. duplex Veteribus enuntiandi usus fuit: interdum plena oratione ut dicerent, verbi causa, centum milia sestertiū, quomodo hoc extulit Justinianus hic; interdum præcisæ, verbi causa, centum sestertiū aut centum simpliciter: qua forma usus Africanus, d. l. 26. ubi per octoginta & centum, totidem sestertiiorum millia eum intelligere certum est.

1. Quod autem Cantiuncula & Mynsingerus hic scribunt, atque in Dictionario suo prodidit Calepinus, sestertiū neutro genere, & in plurali numero sestertia singula significare & valere mille sestertiios nummos, secuti auctoritatem magni illius Budæi qui hoc primus libro de Asse docuit, errorem esse Bachovius existimat, eoque nomine merito Budæum ab Hotomanno d. lib. de re numm. reprehensem. Sed videtur mihi Bachovius valde oscitanter, Hotoni, inspexisse, qui hoc quidem docet & ostendit, sestertiū neutro genere à probatis Latinæ rei auctoribus usurpatum non esse, nisi quod metri causa à Poëtis id factatum; quod & jam antea observaverat Georg. Agtic. lib. 2. de pond. Ceterum quod porro asserit Bachovius, sestertiū neutro genere eadem significatione usurpari à Poëtis qua masculino à ceteris, & hoc quoque ex doctrina Hotomanni: in eo dupliciter errat; nam nec Hotomannus id docuit sed Agricola; & verum non esse contra Agricolam ipse Hotomannus demonstrat cap. 22. d. lib. de re numm. ubi expresse scribit sextertia à Poëtis dici solita non pro nummis sestertiis, sed pro mille nummorum summa, multis id confirmans auctoritatibus. Unus locus Juvenalis huic rei demonstrandæ sufficit. Is satyra 4. Chrispini cuiusdam gulam exagitans sic ait v. 15.

..... Nullum sex millibus emit,
& quoniam sane paribus sestertia libris.
quod priore versu de minoribus sestertiis Poëta dixerat, sequenti de majoribus enuntiat; significat enim totidem libras nullum istum peperdisse quot sestertiis Poëticis emtus fuerat, nimis sex. In eo omnes convenient, quod ultra nonagesima millia sestertiiorum Romani non pronuntiaverint; sed cum ad mille millia ventum esset adverbii numerabilibus usos; ut dicerent decies aut vices sestertiū præcisæ, pro decies aut vices centena millia sestertiū. Sed desino plura. Illud tamen ar-huc obiter monendum sestertiū fuisse quam partem denarii, denarium partem vicesimam quintam aurei; ac proinde aureum continuisse sestertiios centum, idemque valere cen-

centum milia sestertiorum in bonis habere, & mille aureos. De toto re nummaria plura & certiora quam hactenus habuimus expectamus à D. Salmasio. VNN. Addi ad hunc locum potest vircl. Jac. Perizon. de lege Vocatione. p. 171. Nos quoque rem expendimus in comm. ad leg. Pap. Poppæam lib. I. cap. ult. HEIN.

Pauciores quam tres liberos virilis pars patrono] Lex Papia patronum liberti centenarii seu locupletis sive testato sive intestato mortui in virilem ejus hereditatis partem admittebat, si modo is pauciores quam tres liberos reliquisset.

Sine ullo filio intestatus] Reponendum omnino cum Russard. Cuj. Cont. Hotom. testatus, Theophilus, ētī diaðixx, condito testamento. Nam liberto intestato & sine liberis defuncto solus & in solidum succedit patronus, tam ex edicto prætoris quam ex lege XII. tabb. sup. in pr. ♂ S. I. buj, tit. Cujac. 3. obs. 13.

Si tres, repellebatur patronus] In hoc igitur differt lex Papia à jure prætorio, quod patronus à prætore repellebatur etiam si libertus unum aut duos tantum liberos reliquisset; lego vero Papia virilem hic partem patronus obtinebat. At si libertus tres aut plures liberos reliquerat, tunc sive testato sive intestato decessisset patronus in totum etiam per legem Papiam summovebatur.

TEXTUS.

De constitutione Justiniani.

3. Sed nostra constitutio (quam pro omni natione Græcā lingua compendioso tractatu habito compusimus) ita bujusmodi causam definit, ut siquidem libertus vel liberta minores centenarii sint, id est minus centum aureis habeant substantiam (sic enim legis Papia summam interpretati sumus, ut pro mille sestertiis unus aureus computetur) nullum locum habeat patronus in eorum successione, si tamen testamentum fecerint. Sin autem intestati decesserint nullo liberorum reliquo, tunc patronatus jus quod erat ex lege duodecim tabularum integrum reservavit. Cum vero majores centenarii sint, si heredes vel bonorum possessores liberos habeant, sive unum sive plures cujuscumque sexus vel gradus, ad eos successiones parentium deduximus, patronis omnibus modis cum sua progenie semotis. Sin autem sine liberis decesserint, si quidem intestati, ad omnem hereditatem patronus

patronasque vocavimus. Si vero testamentum quidem fecerint, patronos autem patronas præterierint cum nullos liberos haberent, vel babentes eos exheredaverint, vel mater sive avus maternus eos præterierint, ita quod non possint argui inofficiosa eorum testamenta: tunc ex nostra constitutione per bonorum possessionem contra tabulas, non dimidiam ut ante sed tertiam partem bonorum liberti consequantur; vel quod deest eis ex constitutione nostra repleatur, si quando minus tercia parte bonorum suorum libertus vel liberta eis reliquerit; ita sine onere, ut nec liberis liberti libertæve ex ea parte legata vel fideicommissa prætentur, sed ad coheredes eorum hoc onus redundet. Multis aliis casibus à nobis in prefata constitutione congregatis quos necessarios esse ad hujusmodi dispositionem juris perspeximus; ut tam patroni patronæque quam liberi eorum, nec non qui ex transverso latere veniunt usque ad quintum gradum ad successionem libertorum libertarumve vocentur, sicut ex ea constitutione intelligendum est. Et si ejusdem patroni vel patronæ vel duorum duarumque pluriumve liberi sint, qui proximior est ad liberti vel libertæ vocetur successionem, ♂ in capita non in stirpes dividatur successio: eodem modo ♂ in iis qui ex transverso latere veniunt servando. Pene enim consonantia jura ingenuitatis ♂ libertinitatis in successionibus fecimus.

L. 10. tit. 22. Part. 4.

N O T A.

Nostra constitutio] Non extat in Codice Justiniani: sed vides apud Cujac. lib. 20. obs. 34.

C O M M E N T A R I U S.

Quoniam lex Papia nimirum patronis trahere videbatur, eo quod certis casibus hos etiam liberis liberti centenarii exæquaret; & jure prætorio libertus sine liberis decedens cogebatur semissim omnium bonorum patrono relinquere: Justinianus utrique juri derogavit, causamque sic in summa definit, ut liberto minore centenario testato decedente patronus nullum jus in successione ejus haberet. Sin autem centenario major decederet sive testatus sive intestatus, tum si liberos reliquisset, & vel unum cujuscumque sexus gradus aut conditionis, patronus excluderetur, nisi forte testamento patris liberi essent exhereditati; si vero nullos liberos reliquisset, ab intestato patronus in solidum ut he-

heredes esset, antiquo jure patronatus integro hoc casu servato; testamento vero factō, uti pro semisse quem prætor patrono decreverat trientem sine ullo onere obtineret; atque hoc succedendi jus non solum ipse patronus haberet, verum etiam eo mortuo liberi ejus, & his non extantibus patroni ex latere cognati usque ad quintum gradum, sic ut inter illos & hos proximior remotiorem excluderet & in capita hereditas divideretur.

Pro mille sestertiis unus aureus) Justiniani estate cum multo minores essent hominum facultates, locupletes censebantur qui centum aureos in bonis habebant, cum antea ex milie aureis hoc estimaretur. Hotomannus putat, transposita esse nomina, & pro *mille* hic substituit *centum*, uti paulo ante pro *centum*, *mille*: quod probat Wesembecius; ego in medio relinquo.

Sin autem sine liberis] Quid si adoptivos tantum reliquerit? Hotomannus censet, patronum & hoc casu lege Justiniani in totum excludi. Bachovius contra in partem patronum admitti: cuius sententiam verior videtur, arg. pr. *bujus tit. in fin.* & §. 1. in pr. item constitutionis Græcæ relatae à Cujac. lib. 20. obs. 34.

Vel mater sive avus maternus] Quippe quorum præterito pro exheredatione est, §. ult. *Inst. sup. de exher. lib.* quod nec jure novissimo mutatum esse demonstravimus *sup. pr. tit. Inst. de inoff. test.*

Ex constitutione nostra repleatur) Intelligit haud dubie constitutionem l. 30. C. de inoff. test. ut proinde hactenus eadem sit ratio legitima patronorum & liberorum..

Sine onore] Et ergo in hoc quoque exequata jura patronorum & liberorum, ut ambo portionem debitam seu legitimam sine onore habere debeant, l. 32. C. de inoff. test. junct. hoc text. cum olim legatorum & fideicommissorum præstandorum onus, quæ liberis præteritis aut exheredatis elicita erant, patrono in cumberet, l. 4. de cond. & dem. l. 64. §. ult. ad senat. Treb.

Usque ad quintum gradum] Pacius putat, hæc verba ad eos tantum referenda esse qui ex latere veniunt, non ad liberos patroni, cum Mynsingero ad hunc loc. & §. 2. *Inst. inf. de bon. poss.* sed refelluntur verbis constitutionis Græcæ relatae apud Cujac. 20. obs. 34. ac proinde nullus momenti est argumentum petitum ex l. 220. de verb. sign.

Qui proximior est] Si unius pluriumve patronorum plures liberi sint diversi gradus, qui

proximior est in successione liberti præfertur, ut plurium patronorum liberi non in stirpes sed in capita succedunt, l. 23. §. 1. & seqq. de bon. libert. Ulp. in fragm. tit. 27. §. 1. & seqq. Non est huic contrarium quod de liberis supra relatum est, eos parentum suorum locum occupare, inque stirpes non in capita succedere; quippe hic non queritur de hereditate parentum patronorum, sed liberti, ad cujus successionem patroni eorumque liberi non jure suorum heredum sed agnatorum jure veniunt, l. 2. §. 1. unde legit. Hactenus ergo nihil novi Justinianus.

TEXTUS.

Quibus libertinis succeditur.

4. Sed hæc de iis libertinis bodie dicenda sunt qui in civitatem Romanam pervenerunt, cum nec sint alii liberti, simul & dedititiis & Latinis sublati, cum Latinorum successiones nullæ penitus erant; quia licet ut liberi vitam suam peragebant, attamen ipso ultimo spiritu simul animam atque libertatem amitterebant, & quasi servorum ita bona eorum jure quodammodo peculii ex lege Junia Norbana manumissiones detinebant. Postea vero senatusconsulto Largiano cautum fuerat, ut liberi manumissionis non nominatim exhereditati extranei beredibus eorum in bonis Latinorum præponereatur. Quibus etiam supervenit divi Trajanī editum, quod eundem hominem si invito vel ignorantie patrino ad civitatem Romanam venire ex beneficio Principis festinarat, faciebat quidem vivum civem Latinum vero morientem. Sed nostra constitutione propter *bujusmodi conditionum vices* & alias difficultates, cum ipsis Latinis etiam legem Juniam & Senatusconsultum Largianum & editum divi Trajanī in perpetuum deleti censiimus, ut omnes liberi civitate Romana fruantur; & mirabili modo quibusdam adjectiōibus ipsas vias quæ in Latinitatem ducebant ad civitatem Romanam capiendam transposuimus.

COMMENTARIUS.

Olim non omnes libertini ejusdem erant conditionis; nam eorum qui manumittebantur quidam cives Romani siebant, alii Latini Juniani aut dedititi; idque vel propter qualitatem domini manumittentis vel modum manumissionis vel ætatem aut personam manumissi: quod lib. 1. Inst. tit. de libertin. latius explicatum est. Itaque cum eum quem he-

heredem vel ex testamento vel ab intestato habere volumus necesse sit esse civem Romanum: satis apparet, ea quæ de jure succendi in bonis libertorum legibus prioribus & edito cauta sunt ad Latinos & deditios non pertinuisse. Quod autem Justinianus monet, ea quæ ipse de eadem re constituit ad libertos Latinos & deditios non pertinere, sublata jam tunc Latina & deditia libertate, parum subtile est.

Latinorum legitimæ successiones nullæ] Neque testamentariae. Nam Latini nec testamentum facere neque omnino heredem habere poterant, sicut nec ipsi heredes esse. Hæc enim omnia, jus testamenti faciendi, jus capienda hereditatis, item heredis habendi, propria erant civium Romanorum. Quare nec intestati Latini decessisse dici poterant. l. 1. in pr. de suis & leg. Libertorum vero civium Romanorum ut testamentariae ita & legitimæ successiones erant; nam eorum intestatorum hereditas primum suis heredibus deferebatur, deinde patronis eorumque liberis tamquam agnatis, quibus quæ defertur in edito prætoris in specie legitima dicitur, tit. ff. unde legit.

Jure quodammodo peculii] Nam mortuo liberto Latino Juniano patronus bona ejus non tamquam hereditatem, sed eodem jure ex lege Junia occupabat quo dominus peculium servi, pater filii retinet. Unde si patronus cum liberis suis simul extraneos quosdam heredes instituisset, bona hujus liberti dividebantur com-

muniter inter suos & extraneos heredes: quemadmodum peculium servi aut filii dividitur inter heredes domini aut patris.

Extraneis heredibus eorum] Id est, extraneis heredibus manumissorum seu patronorum. Ut ecce: L. Ticius qui libertum Latinum habebat decessit liberis suis & quibusdam extraneis heredibus institutis; moritur deinde liberus: ex lege Junia una cum liberis Titi extranei scripti heredes ad bona liberti veniunt. Ex senatusconsulto autem Largiano soli veniunt liberi Titii. Tota via in hoc explicando deerravit Hotomannus; iis quoque quæ paulo ante dixerat manifeste contraria tradens. Meminit Justinianus senatusconsulti Largiani iq. l. un. C. de Lat. lib. toll. & Nov. 78. in pr.

Divi Trajani editum] Editio Divi Trajani cavebatur ut Latinus Junianus qui invito ignoranteve patrono jus civitatis Romanæ beneficio Principis adeptus esset, viveret quidem ut civis Romanus, moriens autem liberti Latini exitum faceret, id est ut bona ejus quasi peculii jure ad Patronum pertinerent. Hujus editi mentio item fit in d. l. pen. in pr. & §. ult. C. de Lat. lib. toll.

Sed nostra constitutione] Ea est d. l. un. C. d. tit. qua ut antea ingenuos omnes Antoninus civitate donavit, l. 17. de stat. hom. ita Justinianus libertinos omnes civitate donatos exequat. Novissime libertinos omnes tantum non exequavit ingenui, Nov. 78.

TITULUS IX.

DE ASSIGNATIONE LIBERTORUM.

Dig. lib. 38. tit. 4.

Continuatio.

Hic titulus moderationem continet proxime præcedentis. Nam quod generaliter ibi definitum est, patrono mortuo ad liberos ejus qui gradu proximi sunt bona liberti ex æquo pertinere, id hanc habere exceptionem hoc titulo docemur, nisi uni ex liberis libertum assignaverint, hoc est, testificatus fuerit cuius ex liberis eum libertum esse velit, l. 107. de verb. sign. hoc enim causa is solus cui facta est assignatio pro patrono habetur, & in bona liberti succedit, reliquis liberis assignatoris exclusis, l. 1. in pr. hoc tit.

TEXTUS.

An assignari possit; & quis assignationis effectus.

In summa (quod ad bona libertorum attinet) admonendi sunus censuisse Senatum ut quamvis ad omnes patroni liberos qui ejusdem gradus sunt æqualiter bona libertorum pertineant; tamen licere parenti uni ex liberis assignare libertum, ut post mortem ejus solus is patronus habeatur cui assignatus est; & ceteri liberi qui

qui ipse quoque ad eadem bona, nulla assignatione interveniente, pariter admittentur, nihil juris in his bonis habeant; sed ita demum pristinum jus recipient, si is cui assignatus est decederit nullis liberis relidis.

NOTA.

Assignare libertum] Id concessum fuit Senat. sub Claudio A. U. C. 798. Suillio Rufo & P. Ostorio coss. Ipsa legitima senat. verba habes in l. 1. pr. ff. hoc tit. HEIN.

COMMENTARIUS.

Licere parenti] Et quidem soli. Nam jus assignandi libertum parenti manumissori senatus dedit, d. l. 1. hoc tit. quod tam arcte acceptum, ut liberi manumissoris libertum paternum, quantumvis à parente sibi assignatum, liberis suis assignare non potuerint; cum tamen in plerisque aliis causis jure manumissorum censerentur, l. 8. eod.

Ita demum pristinum jus recipient] Ad liberos non ad heredes extraneos jus patronatus assignatione quæsitum transmittitur: quod intelligitur ex verbis extremis senatusconsulti relati apud Ulp. d. l. 1. hoc tit. Utique si ex liberis quis in civitate esse desiisset, neque ei liberi ulli essent, ceteris ejus liberis qui manumisso, perinde omnia jura serventur, ac si nibil de eo liberto eave liberta is parens significasset.

TEXTUS.

De sexu assignati, & de sexu graduque ejus cui assignatur.

1. *Nec tantum libertum sed etiam libertam, & non tantum filio nepotive sed etiam filiae nepitive assignare permittitur.*

COMMENTARIUS.

Sed etiam libertam] Hoc ex ipsis verbis Senatusconsulti planum est: quippe quo perpetuò tam libertæ quam liberti fit mentio.

Sed etiam filiae nepitive] Senatus generaliter loquitur, si quis liberos in potestate haberet, siue discriminé sexus aut gradus. Itaque non minus filiae nepitive quam filio vel nepoti assignari posse intellectum est. Quin etiam præferri posse filio nepotem assignatoris, l. 3. §. 4. hoc tit. quippe cum hoc tantum requirat Senatus, ut liberi assignatoris in potestate sint,

Tom. II.

non etiam ut sint sui heredes. Perperam hæc omisit Theoph.

TEXTUS.

De liberis in potestate vel emancipatis.

2. *Datur autem hæc assignandi facultas ei qui duos plures liberos in potestate habebit, ut eis quos in potestate habet assignare libertum libertamve liceat. Unde quærebatur, si eum cui assignavit postea emancipaverit num evanescat assignatio? Sed placuit evanescere: quod & Julianus & aliis plerisque visum est.*

COMMENTARIUS.

Qui duos plures liberos in potestate] Cum assignare nihil aliud sit quam jus patronatus quod alioqui pluribus competenter uni proprie ac peculiariter attribuere, in eumque solum derivare: non est existimandum dubitatum fuisse an is demum assignare possit qui duos aut plures liberos habeat; aut si unum tantum quis habeat an ulla tunc esse possit assignatio; neque iste hujus loci sensus est, sed hic: assignationem tantum posse fieri pluribus liberis, vel uni ex pluribus in potestate constitutis, ut hinc removeantur emancipati. Nimirum quemadmodum lex XII. tabb. jus patronatus retineri voluit in familia, ita etiam Senatusconsultum idem jus assignatione contractum finibus familiæ conclusit: idque ipsa verba Senatusconsulti indicant & hic ipse locus.

Placuit evanescere] Non tantum emancipato facta assignatio nulla est, sed etiam facta ei qui in potestate erat emancipatione ejus evanescit. Congruit l. 1. in fin. hoc tit. De eo dubitatum, an si præter emancipatum duo existant in potestate, possit hoc casu patronus non tantum uni ex his qui in potestate sunt, sed simul etiam emancipato assignare. Sed Modestinus respondit, magis esse ut possit. Igitur quod per se non haberet emancipatus, id per conjunctam personam consequitur, ut in specie legis 9. eod. l. ult. de lib. & post. Quod si unus tantum sit in potestate, alter emancipatus & utrique libertus assignetur: quæ assignatio in persona ejus qui in potestate est nulla est, ea propter emancipatum utilis fieri non debet. Ita censeo cum Cujac. Vinn. Egocum Edm. Merill. obs. lib. 7. cap. 13. ita conciliare malum textus, quod pos-

possit pater & emancipato libertum assignare, per ea quæ tradit Modestinus l. 9. ff. hoc tit. si tamen suo assignarit eumque postea emanciparit, exspirare assignationem, per §. 2. Inst. hoc tit. quia pater dum emancipat mutasse voluntatem censeatur. HEIN.

verbis patronis hoc permittitur facere, ex ipso Senat. quod Claudianis temporibus factum est, Sabellio Rufo & Asterio Scapula consulibus.

TEXTUS.

Quibus modis aut verbis assignatio fit;
& de Senatusconsulto.

3. Nec interest an testamento quis assignet
an sine testamento. Sed etiam quibuscumque

COMMENTARIUS.

Assignari libertus potest & testamento & codicillis & per modum contractus aut donationis inter vivos vel mortis causa, qui buscumque verbis, epistolâ, chirographo, pure, sub conditione, denique nunc etiam, l. i. §. 3. l. 7. hoc tit. quod procul dubio ex verbo significasset, quo Senatus utitur sumum est; & ideo ait Justinianus, hoc patronis facere permissum ex ipso Senatusconsulto.

TITULUS X.

DE BONORUM POSSESSIONIBUS.

Dig. lib. 37. tit. 1.

Ratio ordinis. Bonorum possessio quid? Argumentum tituli.

EX quatuor adquirendi per universitatem modis propositis §. ult. Inst. sup. per quas pers. cuiq. adq. primus & præcipius expositus est, scilicet ratio adquirendæ hereditatis jure civili tum testamento tum ab intestato delata. Succedit nunc species acquisitionis ejusdem generis secunda, seu ea hereditatis adquirendæ ratio quæ est ex jure prætorio per bonorum possessionem: de qua hoc titulo ex professo nunc Imperator tractat. Nam quod subinde etiam supra de jure prætorio disputatum est, id factum per occasionem exigente hoc rerum affinitate. Bonorum possessio finitore Ulpiano l. 3. §. 2. hoc tit. est jus persequendi retinendive patrimonii sive rei quæ cujusque eum moritur fuit. Non ergo bonorum possessio hic accipitur uti possessio illa rerum singularium quæ facti est & corporalis detentionis, de qua tit. π. & C. de adq. poss. sed tota iuris est & dominium tribuit; ut hæc duo præter nomen nihil commune habeant. Denique bonorum possessio vi ipsa nihil aliud est quam hereditas, d. l. 3. in pr. & §. 1. l. 1. & l. 2. ed. l. 117. de reg. jur. unde Græcis dicitur περιταπίδιαδοξη (successio præatoria). Tantum in tempore & modo adquirendi diversitas est. De fine bonorum possessionis, tum quam ea vim & unde habeat, primum hic exponitur; deinde species ejus eo

ordine quo edicto propositæ fuerunt recensentur; ac mox quibusdam remotis quædam transponuntur: ad extremum agitur de tempore & modo bonorum possessionis petendæ.

TEXTUS.

Cur introductæ bonorum possessiones
& quis sit earum effectus.

Jus bonorum possessionis introductum est à prætore emendandi veteris juris gratia. Nec solum in intestatorum hereditatibus vetus jus eo modo prætor emendavit sicut supra dictum est, sed in eorum quoque qui testamento facto descerint. Nam si alienus postumus heres fuerit institutus, quamvis hereditatem jure civili adire non poterat, cum institutio non valebat; bonario tamen jure bonorum possessor efficiatur: videlicet cum à prætore adjuvabatur. Sed & is à nostra constitutione hodie recte heres instituitur, quasi & jure civili non incognitus. Aliquando tamen neque emendandi neque impugnandi veteris juris, sed magis confirmandi gratia prætor pollicetur bonorum possessionem. Nam illis quoque qui recte testamento facto heredes instituti sunt dat secundum tabulas bonorum possessionem. Item ab intestato suos heredes & agnatos ad bonorum possessionem vocat. Sed

*E*t remota quoque bonorum possessione ad eos pertinet hereditas jure civili. Quos autem solus prætor vocat ad hereditatem heredes quidem ipso jure non fiunt, nam prætor heredem facere non potest; per legem enim tantum vel similem juris constitutionem heredes fiunt, vel per senatusconsulta & constitutiones Principales; sed cum eis prætor dat bonorum possessionem loco heredum constituantur & vocantur bonorum possessores. Adhuc autem & alios complures gradus prætor fecit in bonorum possessionibus dandis, cum id agebat ne quis sine successore moreretur. Nam angustissimis finibus constitutionum per legem duodecim tabularum jus percipiendarum hereditatum prætor ex bono & aequo dilatavit.

COMMENTARIUS.

1. *Quomodo prætor circa successiones jus vetus emendabit.*
2. *Quænam bonorum possessiones juris civilis confirmandi gratia introductæ & quam utiliter.*
3. *Qui jure civili succedere possunt, si malint honorario, heredes an bonorum possessores efficiantur.*
4. *Cur prætor heredem facere non possit.*
5. *Bonorum possessores vi ipsa heredes esse & jure prætorio dominium rerum singularium consequi: quod à plerisque minus bene perceptum.*
6. *Scopus prætoris in introducendis bonorum possessionibus.*

1. *Mendandi juris veteris gratia*] Supradidicimus, legem XII. tabb. successiones ab intestato tam angustis finibus conclusisse, ut intra suorum heredum & agnatorum ordinem cisteret. Postea vero multas personas tum inter suos heredes tum inter agnatos vocatas à prætore senatusconsultis, constitutionibus. Prætorem etiam tertium ordinem fecisse, in quo omnes eos vocavit qui naturali cognatione conjuncti. Hoc significat Justinianus, cum ait prætorem bonorum possessiones introduxisse emendandi juris veteris causa. Emendavit enim laxando mitigandoque juris civilis rigorem, dum illo jure neglectis liberis emancipatis cognatisque ad successionem viam aperuit. Ajo, jure civili negligens; nam capere nominatim prohibitis prætor non succurrat, ne directo, quod non potest, contra leges faciat, I. 22. §. 2. hoc tit. I. 12. §. 4. de Publ. in rem act. Simili quoque correctione & quadam velut impugnatione juris civilis usus est prætor & in he-

reditatibus eorum qui testati decesserunt, dando bonorum possessionem secundum tabulas postumis alienis heredibus institutis, I. 3. sec. tabb. & contra tabulas liberis emancipatis præteritis, §. 12. Inst. sup. de her. quæ ab int. def.

Si alienus postumus] Quis dicatur suus, quis alienus postumus; item cur alienus postumus jure civili heres institui non potuerit neque legatum capere diligenter exposuimus lib. 2. Inst. sub tit. de legat. §. 26. Adde & quæ sub §. 2. Inst. sup. de exher. liber. notavimus.

Honorario jure bonorum possessorum] d. I. 3. sec. tabb. I. 6. de inoff. test. Atque ad effectum hujus juris & simul institutionis & legati respiens dixit alibi, postumum alienum etiam olim heredem institui potuisse, §. 28. Inst. sup. de legat. quod multis ibi argumentis confirmavimus.

2. *Sed magis confirmandi gratia*] Ait quasdam bonorum possessiones à prætore etiam confirmandi id est adjavandi juris veteris gratia introductas; idque declarat duplice specie bonorum possessionis, quarum una ex testamento secundum tabulas, quam etiam recte institutis heredibus prætor pollicetur; altera ab int. statu: eaque item duplex unde liberi & unde legitimi, quarum ad illam etiam suos heredes, ad hanc etiam agnatos & qui agnatorum jure censemur invitet.

Heredes instituti] Heredi testamento recte instituto scimus necessariam non esse bonorum possessionem secundum tabulas, cum adita hereditate jure civili heres fiat. Existimo etiam prætorem ab initio bonorum possessionem secundum tabulas jure civili scriptas perfectasque pollicitum non esse, sed secundum eas dumtaxat quæ ipsius instituto scriptæ fuerant, quarum formam jus civile, quo solo hereditas defertur, ignorabat, hoc est quæ septem testium signis erant obsignatae, I. 2. C. sec. tabb. aut quæ jure civili ideo non valabant quod vel familia mancipatio vel nuncupatio non intervenerat, vel testamentum ruptum irritum factum fuerat. Ulpian. in fragm. tit. 23. §. 6. & tit. 28. §. 6. I. 12. de injust. rupt. irrit. §. 6. Inst. sup. quib. mod. test. infirm. Ceterum progressu temporis jus prætorium crevisse, inolevisseque ut etiam qui recte heredes instituti erant, aliqui qui jure civili hereditatem adeundo consequi poterant, ad majorem cautionem, puta ut remedii prætorii uterentur, veluti interdicto quorum bonorum I. 1. quor. bon. vel quia multis in rebus liberalius agitur cum bonorum possessori-

ribus quam cum heredibus, l. 3. §. 7. hoc tit. l. 1. & ult. qui adm. ad bon. poss. bonorum possessionem peterent; edictumque postea plenius conceptum. Hotomannus putat, per bonorum possessionem etiam adquiri possessionem ipsarum rerum: qui manifestus error est; non enim magis agnoscendo bonorum possessionem rerum singularium possessionem adipsicimur quam adeundo hereditatem, l. 3. pr. §. 1. & 2. hoc tit. junct. l. 23. de adq. poss. Sed & si quis res defuncti corporaliter possideat, eum tamen necesse est bonorum possessionem a praetore obtinere ut in naturali rerum singularium possessione defendatur. Wensem. par. hoc tit. n. 8. D. Diod. Tuld. in comm. sic cap. 1.

Suos heredes & agnatos] Suos heredes ad bonorum possessionem *unde liberi*, agnatos ad bonorum possessionem *unde legitimi*. Licet enim his bonorum possessio non sit necessaria (utpote qui etiam remota ea jure civili hereditatem obtineant) & aspectu principalis scopi bonorum possessio *unde liberi* comparata sit emendandi juris civilis gratia succurrendique liberis emancipatis quos jus civile non agnoscit, §. 9. Inst. sup. de bered. quæ ad int. tamen suos etiam heredes praetor edicto complexus est, l. 1. *unde liberi*, & agnatos quoque & ceteras personas legitimas vocavit, tit. *unde legitimi*; ne quod iis concesserat quos solos ipse vocat, denegasse illis videretur quos vocat potentior; inque eo juris civilis se adjutorem præbuit. Οὐκ ἐστὶ διαχείριστο περιττός, (praetor non est acerbus) ait Theoph. & Theod. Hermop. ad leg. 117. de reg. jur. & παιταῖος νέπος φιλαγαθότερος, jus praetorium humanius est. Hinc illustratur lex 7. §. 1. de just. & jur. & §. 7. Inst. sup. de jur. nat. gent. & civil.

3. Solus vocat praetor] Quid ergo si quis testamento heres institutus aut agnatus proximus intestati, quos solus praetor non vocat, sed quibus liberum est vel hereditatem adire vel ex edicto bonorum possessionem accipere, l. 2. §. 8. sec. tabb. hoc quam illo jure succedere maluerint? Hos etiam non heredes sed bonorum possessores effici, ac proinde non directis sed utilibus actionibus usuros recte censet Jo. Faber. Quin amplius, nec suum heredem qui secundum tabulas aut *unde liberi* accepit, existimo alias quam utiles & praetorias actiones exercitetur; directasque quæ apud eum remanent, quia ipso jure heres extitit, esse sine effectu, arg. l. 7. §. 10. de minorib. l. 8. de ber. instit.

4. Praetor heredem facere non potest] Heredem facere est justum plenoque jure Quiritum dominum facere, quod solius legis est, utpote qua rebus omnium tamquam regina & domina presidet, l. 2. de legib. aut ejus qui similem legi auctoritatem habet: qualem etiam habuit Senatus, uti docet l. 9. de legib. & ostendunt senatusconsulta Terrylianum & Orficianum; non praetoris qui nudus fuit magistratus δικαιοδότης non νομοθέτης: (juris dispensator non lator), qui tamen tacite consentiente populo hoc usurpavit, ut nonnulla non quidem directo contra sed tamen præter rationem juris constituti ex æquo & bono constiuteret, quæ juris etiam auctoritatem obtinuerunt. Vid. notata sub §. 7. Inst. sup. de jur. nat. gent.

Loco heredum constituuntur] Praetor successores suos quos heredes facere non potuit bonorum possessores appellavit, iisque utiles actiones dando effecit ut vicem heredum obtinerent immo vi ipsa ut heredes essent, l. 1. 2. 3. hoc tit. Unde est quod heredis appellatio etiam bonorum possessori absolute tribuitur, & perpetuo appellatione hereditatis bonorum quoque possessio venit, l. 138. de verbis sign. l. 19. §. 2. de cond. & demonstr. l. 1. §. 7. ff. ad senatuscons. Treb. l. ult. C. qui adm. ad bon. poss. Sed & passim Nostri bonorum possessores vocant successores honorarios, l. 24. §. 1. fam. erc. l. 9. §. 6. de interr. in jur. l. 10. ad senatuscons. Vell. l. 1. §. 8. ut legator. nom. cav.

5. Cum ergo bonorum possessores jus heredum consequantur, etiam dominum eos consequi necesse est, & quidem refutum ipsarum seu proprietatem ipsam, uti hoc discrete traditum est ab Ulp. l. 1. hoc tit. dominium, inquam; non utique directum aut ex jure Quiritum seu legitimum, sed utile siue bonitarium, aut si mavis dominium praetorium. Nam bonorum possessor heres honorarius est, heres vero dominum significat. Ita quem praetor secundo decreto in possessionem mittit dominus etiam constituit, l. 15. §. 16. & §. 33. de damn. inf. Perspicuum est igitur eos errare, ut levissime dicam, qui contendunt praetorem nihil aliud tribuere bonorum possessori quam rerum possessionem; quippe quæ nihil cum dominio commune habet, l. 12. §. 1. de adq. poss. immo quam nec tribuit praetor & quæ nemini adquiritur nisi qui eam naturaliter apprehenderit, l. 1. & passim de adq. poss. Domini quaque possessionis, quale alii tantum suc-

successoribus honorariis tribuunt merum com-
mentum est. Clarissimus D. Tuldenus sic hæc
explicat: hereditas, inquit, quia successio
est in universum jus defuncti statim ut ad-
dicta est tribuit dominium rerum hereditaria-
rum. Non par vis, inquit, bonorum posses-
sioni, quippe quæ tantum facultatem tribuit
persequendi. Hæc ille. At enim vero si rem
spectemus, par utrique & eadem vis; nam
& bonorum possessio non minus quam here-
ditas, eademque ratione qua hereditas suc-
cessio est in universum jus defuncti, &
ipsa quoque simul atque admissa est domi-
nium jure prætorio tribuit æque ac hereditas
jure civili: textus sunt expressi & clari in
ll. 1. & 3. in pr. hoc tit. Res hæc ideo mi-
nus recte vulgo percepta est, quod in de-
scribenda tum hereditate tum bonorum pas-
sessione Jurisconsulti improprie locuti sunt,
nec vero sed tropico genere usi; nam ne-
que hereditas proprie successio est, ut abun-
de demonstravimus sub tit. Inst. de reb. corp.
& incorp. neque bonorum possessio potestas
persequendi; sed utraque nihil aliud quam
universum patrimonium & jus alicujus defun-
cti, in quod & heres succedens & bonorum
possessor, ille scilicet adeundo, hic bona
apud magistratum amplectendo, dominium
rerum singularum statim nanciscuntur: ille
civile, hic prætorium, & consequenter jus
eas res persequendi ille directis & civilibus,
hic utilibus & honorariis actionibus. VINN.
Omnino recte rem explicasse videtur Tuldene-
nus. Bonorum enim possessio pertinet ad ea
quæ in jure fiunt, l. 178. §. 2. ff. de verb.
sign. at successio civilis in voluntate consi-
stit, nudoque animo verbis vel factis decla-
rato adquiritur citra interpellationem magi-
stratus, l. 20. ff. de adq. hered. Ita & vir cl.
Pagenstech. in apborism. jur. lib. 3. §. 41.
HEIN.

Et alios complures gradus] Id est ordines; est enim hoc Nostris non infrequens, ut ordi-
nes successionum ab intestato gradus quoque
appellent, l. 1. §. 1. unde liberi, l. 5. unde
cogn. l. un. quis ord. in poss. Unde etiam Inter-
pres Novellarum, quod in textu Græco,
Nov. 118. in pr. legitur, πάτερ ἡ τέ γένεσις εἰ
αδιαδέτη διαδέχεται τοῖοι γνωγίζεται τάξει redi-
dit, tribus cognoscitur gradibus, id est
βαθμοῖς (gradibus) ut nihil cause vi-
deam, quamobrem hoc carperit Bern. Suth-
olt. diss. 11. n. 42. Sunt autem intestati
gradus seu ordines, præter enumeratos li-
berorum & legitimorum, nunc adhuc duo:

cognatorum, & unde vir & uxor, d.l. 1. §. 1.
& d.l. un.

6. *Ex aequo & bono dilatavit*] Scopus hic
prætori in introducendo jure bonorum pos-
sessionis propositus fuit amplificare jus percipi-
endarum ab intestato hereditatum, quod lex XII. tabb. familiæ finibus ita concluserat
ut suos tantum heredes & post hos agnatos
solos admitteret, atque ita admitteret ut in
eorum hereditatibus successioni locum non
daret, hoc est ut proximo deficiente vel re-
pudiante insequentis gradus agnatos non ad-
mitteret, §. 7. Inst. sup. de leg. agn. succ.
Prætor autem & alios fecit ordines ordi-
numque & graduum successionem admisit,
tit. ff. de success. edit.

TEXTUS.

De speciebus ordinariis. Jus vetus.

1. Sunt autem bonorum possessiones, ex
testamento quidem bæ: prima quæ præteritis
liberis datur vocaturque contra tabulas. Se-
cunda quæ omnibus jure scriptis heredibus
prætor pollicetur, ideoque jure vocatur secundum
tabulas. Et cum de testatis prius locutus est,
ad intestatos transitum fecit. Et primo loco
suis heredibus, & iis qui ex editio prætoris
inter suos heredes connumerantur dat bono-
rum possessionem, que vocatur unde liberi.
Secundo legitimis heredibus. Tertio decem perso-
nis quas extraneo manumissori præferebat.
Sunt autem decem personæ bæ: pater, mater,
avus, avia tam paterni quam materni: item
filius, filia, nepos, neptis tam ex filio quam
ex filia, frater, sorore consanguinei vel uteri-
ni. Quarto cognatis proximis. Quinto tamquam
ex familia. Sexto patrono patronaque, liberis-
que eorum & parentibus. Septimo viro & uxori.
Octavo cognatis manumissoris.

COMMENTARIUS.

1. Quo sensu bonorum possessio contra tabulas
dicatur esse ex testamento, cum per eam
succedatur ab intestato. Quod à paucis ob-
servatum.
2. Cur ea primo loco in editio proposita.
3. Extraneus manumissor quis dicatur.
4. Quid per familiam significetur in ea quam
prætor quinto loco propositus.

H Abemus hic catalogum veterum bono-
rum possessionum earumque gradus uti
quæ-

L I B . III.
quaque edicto proposita fuit. Similis est apud Ulp. in fragm. tit. 28. §. 6. Percurramus singula.

1. *Ex testamento quidem he] Bonorum possessio, itidem ut jure civili hereditas, defertur aut testamento aut ab intestato. Quæ testamento factō competit ea duplex est, contra tabulas, & secundum tabulas: quarum hæc etiam ex testamento est, ita ut per eam etiam succedatur ex testamento; illa ex testamento non est, ne quis erret; cum enim detur contra testamentum, & per eam testamentum oppugnetur atque evertatur, l. 1. in pr. ff. de legat. præst. l. 17. in pr. C. de collat. ex testamento esse dici non potest, neque per hanc bonorum possessionem ex testamento succidi; sed uti resciso per inofficiosi querelam testamento res ad causam intestati reddit, l. 6. §. 1. l. 21. §. 2. de inoff. test. eodem modo resciso testamento per bonorum possessionem contra tabulas liberi præteriti jure prætorio ab intestato succedunt, uti diserte scriptum est in d. l. 17. C. de collat. Quamobrem quod hic Imperator etiam bonorum possessionem contra tabulas dicit esse ex testamento, certum est id improprie atque abusive ab eo dici; nec alio sensu quam quod ea locum non habeat nisi defunctus testamento factō decesserit; atque ob hanc solam causam contra tabulas bonorum possessio opponitur successioni intestati, meret scilicet illi, seu cum nullæ tabulæ factæ sunt, l. 1. in pr. T. §. 5. ff. unde lib. l. 4. C. de collat. non, inquam, ut successio ex testamento, sed ut ejus qui factō testamento decessit. Quod idcirco monendum fuit quia à paucis observatum.*

Quæ præteritis liberis] Præteritis liberis datur bonorum possessio contra tabulas patris aut ceterorum parentum per partem conjutorum, n. T. C. de bon. poss. cont. tabb. quæ species à nobis exposita est sub §. 12. Inst. de ber. que ab int. & §. 3. Inst. sup. de exber. lib. Sunt & aliae species bonorum possessionis contra tabulas, veluti ea quæ patrino præterito datur contra tabulas liberti, §. 1. Inst. sup. de success. libert. item quæ datur patri adversus tabulas filii quem emancipavit, l. 1. si à parent. quis man.

Secundum tabulas] Quod si heres non scripus testamento sed nuncupatus sit, datur secundum nuncupationem, l. 2. C. de bon. poss. sec. tabb. Datur si modo tabulæ recte factæ sint. Enimvero prætor non omnes hæc solemnitates juris civilis desiderat, sed hoc

tantum requirit ut septem testium signis tabula signatae sint. Secundum nuncupationem quoque non aliter dat quam si testator voluntatem suam rite declaraverit.

2. *Illa autem contra tabulas, & in edito & hic primo loco proposita est, quoniam si eo testamento de quo agitur liberi defuncti præteriti sint, ad hos prius contra tabulas pertinet, nec antè ad scriptos heredes pervenitur quam liberi bonorum possessione contra tabulas exclusi sint, l. 2. in pr. sec. tabb. Quod si scripti præmatre secundum tabulas impetrârint, ea sine re futura est si liberi postea suo jure utantur: de quo plura scripsimus sub tit. Inst. de exbered. lib. ad calcem pr.*

Unde liberi] Patre intestato mortuo datur liberis bonorum possessio quæ unde lib. ri dicitur, introducta principaliter liberorum emancipatorum gratia, §. 9. Inst. sup. de ber. que ab inst. sed interim tamen & suis heredibus edicto proposita, l. 1. §. 6. unde lib.

Secundo, legitimis heredibus] Quæ dicitur unde legitimis; & generaliter omnibus defertur quibus lex aut senatus defert hereditatem. Unde & mater quæ ex senatusconsulto Tertylliano venit, & liberi qui ex Orficiano ad legitimam matris hereditatem admittuntur hanc bonorum possessionem petere possunt, l. 2. §. ult. l. 3. unde legit. Vid. sup. tit. Inst. de leg. agn. succ. T. 2. tit. seqq.

3. *Tertio decem personis quas extraneo manumissori] Extraneus manumissor patri manumissori opponitur. Est autem extraneus manumissor emtor ille imaginarius seu pater fiduciarius qui filium à patre naturaliter venditum sibi ter ipse manumisit nullo fiducie pacto interposito ut post tertiam manumissionem eum remanciparet. Huic enim tamquam patrono jure civili legitima hereditas defrebatur, excluso patre naturali ceterisque personis quæ hic enumerantur: vides quæ sup. §. ult. Inst. de leg. agn. succ. & sub §. 6. quib. mod. jus patr. pot. solv. quod prætor durum atque iniquum ratus emendavit. Hanc bonorum possessionem intelligit Modestin. l. 10. de suis T. leg. Ait, decem personis. Totidem eædemque personæ præferuntur fisco in iis quæ à viro relicta sunt mulieri si eum non eluxerit, l. 1. C. de sec. nup. Vinn. Parum accurate extraneus manumissor vel emtor filii imaginarius appellatur pater fiduciarius. Si enim vel maxime fateamur id vocabulum esse genuinum & antiquum: non prius tamen illud emtori dari potuit quam interposita fi-*

ducia, id est contractu de filio tertium sibi mancipato patri naturali remancipando. Hic autem agitur de filii emtore qui nullam contraxerat fiduciam, adeoque filium sibi mancipatum non patri remancipaverat sed eum ipse manumiserat, & eo ipso sibi adquisiverat jura patronatus. HEIN.

4. *Quinto, tamquam ex familia]* Ita legitur in vulgatis & apud Theop. Cujacius repavit, *tum quem ex familia*. Alii aliter. Putto autem familiam significari pationi, id est hac bonorum possessione vocari patroni agnatos. Certe hos etiam ad successionem liberti admissos fuisse constat, l. 3. §. 9. de suis & leg. l. 17. de bon. libert. ut vero non sit simile eos hic esse omissos. Nec me movet quod hac explicatione admissa invertitur ordo succedendi, cum patronus familiâ sua sit potior. Nam Tribonianus, cui propositum fuit tollere bonorum liberti possessiones, necesse non habuit accurate ordinem observare: quod fortassis nec ipse prætor fecit. Quod si hæc ad familiam liberti referri volumus, intelligendi erunt liberti quasi agnati: ut verbi causa, si alter ex duabus fratribus manumissis filium genuerit, hic filius tamquam agnatus ad patri sui bonorum possessionem admittatur. Sed vix est ut hoc obtinuisse credam; cum utique tales personæ inter cognatos vocatae fuerint.

Sexto, patrono patronæque] Qui etiam in secundo ordine ex edito unde legitimi venire possunt, l. 2. §. 1. l. 3. unde legit. VENN. Patronus hic vocatur si forte tempore vel repudiatione effectum esset ut ex præcedentibus editi partibus venire non posset. Ita & Theophil. ad hunc §. Conf. vir cl. Ant. Schulting. ad Ulp. in fragm. tit. 28. §. 7. p. 673. HEIN.

Septimo, viro & uxori] Hæc septima bonorum possessio unde vir & uxor dicta viro & uxori def. rtur, excluso fisco qui alioqui bona vacante occuparet, l. un. π. & C. unde vir. & uxor.

Ottavo, cognatis manumissoris] Probabilis hinc mihi videtur conjectura Bachovii, prætorem etiam separatim de bonorum possessionibus libertorum edixisse, easque similiter ut ingenuorum proposuisse tribus distinctis ordinibus, quorum in primo promiserit patronis eorumque liberis & parentibus, in secundo quasi agnatis eorum, in tertio cognatis. VENN. Quæ conjectura Bachovii præsidium reperit in Basil. tom. c. p. 595. Vid. Schulting. ibid. HEIN.

TEXTUS.

Jus novum.

2. *Sed eas quidem præatoria introduxit jurisdictionem;* à nobis tamen nihil incuriosum prætermissem est; sed nostris constitutionibus omnia corrigentes, contra tabulas quidem & secundum tabulas bonorum possessiones admisisimus, utpote necessarias constitutas; necnon ab intestato, unde liberi & unde legitimis, bonorum possessiones. Quæ autem in prætoris edito quinto loco posita fuerat, id est unde decem personæ, eam pio proposito & compendioso sermone supervacuum ostendimus. Cum enim privata bonorum possessio decem personas præponebat extraneo manumissori: nostra constitutio quam de emancipatione liberorum fecimus omnibus parentibus eisdemque manumissionibus contracta fiduciâ manumissionem facere dedit; ut ipsa manumissio eorum hoc in se habeat privilegium, & supervacua fiat supradicta bonorum possessio. Sublata igitur prædicta quinta bonorum possessione in gradum ejus sextam antea bonorum possessionem induximus, & quintam fecimus quam prætor proximis cognatis pollicetur. Cumque antea fuerat septimo loco bonorum possessio tamquam ex familia, & octavo unde patroni patronæque liberi & parentes eorum: utramque per constitutionem nostram quam de jure patronatus fecimus penitus evacuavimus. Cum enim ad similitudinem successionis ingenuorum libertorum successiones posuerimus, quas usque ad quintum gradum tantummodo coarctavimus ut sit aliqua inter ingenuos & libertinos differentia: sufficit eis iam contra tabulas bonorum possessio, quam unde legitimi & unde cognati, ex quibus possunt sua jura vindicare, omni scrupulositate & inextricabili errore istarum duarum bonorum possessionum resoluto. Aliam vero bonorum possessionem, quæ unde vir & uxor appellatur, & non loco inter veteres bonorum possessiones posita fuerat, & in suo vigore servavimus, & altiore loco, id est sexto eam posuimus; decima quoque veteri bonorum possessione, quæ erat unde cognati manumissionis, propter causas enumeratas merito sublata; ut sex tantummodo bonorum possessiones ordinariae permaneant suo vigore pollentes.

COMMENTARIUS.

Ex bonorum possessionibus retentis prime qua-

- quatuor quando necessarie, quando utiles tantum.*
2. *Hodie nullam barum trium, unde liberi, unde legitimi, unde cognati necessariam esse; & vix ullam earum utilem.*
 3. *Septima & octava quare sublatae. Ubi quædam illustrantur ex constitutione Græca.*
 4. *Solanum unde vir & uxor jure novissimo necessariam.*

Hoc §. removet quasdam species ex iis quæ præcedenti §. recensitæ sunt, atque in earum locum quasdam transponit, quas servat, remotiores. Conjunction autem hic numerat bonorum possessiones, tam quæ testamento facto competunt quam quæ ab intestato, quas modo separatim & distincte consideravit. Unde fit ut, verbi causa, bonorum possessio *unde cognati* quæ modo illi quarta fuit hic sexta numeretur.

1. *Utpote necessarias*] Ait, se quatuor primas bonorum possessiones, nempe *contra tabulas, secundum tabulas, unde liberi, & unde legitimi*, retinuisse; utpote quarum usus sit necessarius, aut certe, quod intelligendum est, utilis. Evidem bonorum possessio *contra tabulas* liberis emancipatis omnino necessaria erat; quippe qui jure civili pro extraneis habiti; adeoque adhuc hodie est, ut defendimus *sup. ad pr. & §. 2. tit. Inst. de inoff. test.* suis vero heredibus præteritis neque olim fuit neque nunc est necessaria. Secundum *tabulas* necessaria olim postumo alieno heredi instituto, nunc non est, *sup. eod. tit. in pr. Ceteris heredibus testamento factò scriptis nec olim nec nunc necessaria, sed utilis durastaxat; necessaria tamen si quid solemnitatis jure civili requisita desit. Ceterum tunc sèpe sine re aut effectu est proximis ab intestato hereditatem evincientibus. Ulp. in fragm. tit. 28. §. ult. Unde liberi non necessaria suis heredibus, quippe qui ipso jure heredes existunt; necessaria emancipatis; at hodie ne his quidem. Nam cum novissima Justiniani lege idem jus in successione ab intestato emancipatis tributum sit quod sui habent, Nov. 118. certe prætoris auxilio non amplius indigent, quamvis nihilominus ad adquirendam hereditatem necessaria illis sit aditio. Sed neque bonorum possessio *unde legitimi* necessaria: quippe cum agnati ex legge XII. tabb. ceteræ legitimæ personæ ex senatusconsultis aut constitutionibus quibus jus agnationis iis datum est succedere possint, *1. 3. unde legit.* A prætore cuiquam jura legitimi*

*ma successio data non legimus. Hodie hæc species una fere est cum *unde cognati*.*

Unde decem personæ] Hanc bonorum possessionem sponte evanescere necesse fuit nullumque ejus usum relinquī, ex quo extranei manumissores quibus ea decem memoratas personas præponebat esse desierunt. Desierunt autem postquam Justinianus emancipationem fieri voluit sola professione patris apud competentem magistratum denuntiantis se filium de manu sua ac potestate dimittere, omni venditionum & intercedentium manumissionum ritu sublato, *1. ult. C. de emanc. lib. nam ex eo tempore non aliis quam pater naturalis filii emancipati manumissor existere potuit. Cessante igitur bonorum possessione *unde decem personæ*, locum ejus occupare jussit bonorum possessionem *unde cognati*: quæ olim necessaria, hodie non est post juris agnatorum & cognatorum confusionem, Nov. 118.*

2. Itaque tres illæ bonorum possessiones, *unde liberi, unde legitimi, unde cognati* nullam necessitatem, immo vix utilitatem ullam hodie habent, mutato ordine succendentium, sublataque veteri sexus familiæ agnationisque prærogativa. Atque in hoc omnes fere consentiunt. Christin. vol. 4. decis. 1.

Tamquam ex familia & unde patroni] Ait, se hasce duas bonorum possessiones, *tamquam ex familia, & unde patroni* liberique & parentes eorum sustulisse constitutione sua *de jure patronatus*. Hæc est eadem illa Græca constitutio cajus superius quoque alio oties meminit, & qua totam se causam successionis libertorum plene definitivisse testatur, *§. 3. Inst. de succ. libert.* Non extat constitutio, sed epitomen ejus nobis ex Basilicis repræsentat Cujacius lib. 20. obs. 34.

Ad similitudinem successionis ingenuorum] Hujus loci non hæc sententia est, Justinianum in successione libertorum inter se, aut in successione cognatorum liberti (agnatos, ut sepius jam dictum est, liberti nullos habent) eadem jura constituisse quæ in successione ingenuorum; sed hæc: voluisse simili ratione patronum ejusque liberos, parentes, agnatosque & cognatos succedere liberto qua succeditur ingenuis: quod ex iis quæ mox subiiciuntur liquet. Ita quoque supra d. §. 3. in fin. de succ. libert. ait, se bene concordantia jura ingenuitatis & libertinitatis in successionibus fecisse; cum tamen ibi tantum definit rationem qua patroni eorumque liberi & cognati succedant libertis.

Usque ad quintum gradum] Tam liberorum patrōni quam agnatorum aut cognatorum ejus. Quod ostendit ipsa constitutio, in qua hæc legitimus, *ἴας δέ πέμπτης βαθμός ἡ οἰκλαγία συγγενεῖς τῷ πάτρονῷ, καὶ οἱ κατιέρτες ἀντεκτομένωσαν ἢ ἀπελένθεσον* (*usque ad quintum gradum patrōni ex transverso cognati & descendentes ab ipso liberis hereditate porcentur*) Falluntur igitur Myns. & Pacius, dum verba textus restringunt ad eos qui ex transverso patrōno juicti. In summa, hanc differentiam Justinianus esse voluit ingenuitatis & libertinitatis in successionibus, ut licet illæ laxius deferantur, hæc tamen intra quintum gradum liberorum & cognatorum patrōni consistarent, d. §. 3. de succ. libert. in cuius §. fine ob hanc causam particula (*pene*) addita est.

Sufficit eis contra tabulas] Si libertus liberos non habens testamento suo patrōnum præteriisset, aut minus parte dimidia bonorum reliquisset, dabatur edicto prætoris patrōno contra tabulas liberti partis dimidiæ bonorum possessio, §. 1. d. tit. de succ. libert. Justinianus pro dimidia tertiae tantum partis dari voluit, d. §. 3. Ad hanc tertiae partis bonorum successionem admituntur soli patrōni eorumque liberi, non etiam qui ex latere veniunt; sed nec liberi admittuntur ultra quintum gradum. Utrumque hoc cædem constitutione expressum est; sic enim definit, ut in proposito tertiae partis bonorum possessionem petere possint, *ἴας πάτρος καὶ πατέρων καὶ παῖδες ἀντεκτομένωσαν ἢ ἔας πέμπτης βαθμός κατιέρτες τῷ πάτρονῷ, καὶ μονοὶ οἱ περιστέραις αὐτῶν κατιέρτες, ἢ ἐξ πλαγίας, ὁντις ἐπιτίθεται τὸν διαβήνος &c* (*patronus & patrona & eorum liberi usque ad quintum gradum à patrōnis descendentes, & quidem soli; qui vero ulterius ab ipsis descendunt & ex transverso cognati jus non babent ad impugnandum testamentum*).

Unde legitimi & unde cognati] Itaque liberis intestato sine liberis mortuo, patrōnus, liberi ejus, agnati & cognati ex istis aliorum agnatorum & cognatorum ordinib⁹ admittuntur.

Unde vir & uxor] Hanc servatam Justinianus proximo loco ab illa *unde cognati* collavit, agmenque ordinariarum claudere jussit. Est inter eas que ab intestato promittuntur sola etiam nunc necessaria. Illa alia successionis species est per quam conjux inops ad partem vocatur, *auct. præterea C. unde vir & uxor.*

Unde cognati manumissoris] Quippe qui-

bus sufficit generalis *unde cognati*, ut modo dictum est. Igitur sustulit Justinianus tres illas bonorum possessiones quæ patrōno ejusque liberis & parentibus, quæ agnatis patrōni, quæ ejusdem cognatis dabatur.

Sex bonorum possessiones ordinariæ] Duæ factō testamento, contra tabulas & secundum tabulas: quatuor tabulis non extantibus, *unde liberi, unde legitimi, unde cognati, & unde vir & uxor*. Dicuntur ordinariæ, quia certum habeat in edito ordinem gradum & titulum, l. 1. quis ord. in poss. §. 4. Inst. inf. hoc tit. quæ sequuntur sunt extraordinariæ.

TEXTUS.

Species extraordinaria.

3. *Septima eas secuta, quam optima ratione prætores introduxerunt. Novissime enim promittitur edito iis etiam bonorum possessionibus ut detur lege vel senatusconsulto vel constitutione comprehensum est: quam neque bonorum possessionibus quæ ab intestato veniunt, neque iis quæ ex testamento sunt prætor stabili jure connoveravit; sed quasi ultimum & extraordinarium auxilium (prout res exigit) accommodavit, scilicet iis qui ex legibus, senatusconsultis, constitutionibusve Principum, ex novo jure vel ex testamento vel ab intestato veniunt.*

COMMENTARIUS.

1. *Extraordinariarum bonorum possessionum quasdam esse definitas, quasdam indefinitas; atque utriusque speciei exempla.*
2. *Bonorum possessionem que editalis dicitur & eam quæ decretalis esse species revera oppositas: contra comm.*

Præter sex illas bonorum possessiones ordinarias, quas sic appellari diximus quia certo jure atque ordine certisque personis, tum testamento factō tum ab intestato deferruntur, haud secus ac ex legibus hereditas: sunt etiam nonnullæ extraordinariæ quæ extra certum illum ordinem quibusdam accommodantur.

1. Harum autem quādam definitæ sunt, hoc est semel certis casibus ac personis propositæ, his ipsis causâ cognita decernuntur; cujusmodi est ea quæ ventri datur, *tit. ff. de ventr. in poss. mitt. Item Carboniana*, quæ ex edito Carboniano datur impuberi qui filius esse negatur, dilato status judicio in tempus pubertatis, l. 1. & passim de Carb. edit.

edict. hæc expresse ordinariæ opponitur in l. 3. §. pen. & ult. d. tit. l. 5. §. 3. de legat. præst. Aliæ indefinitæ & vagæ, quæ variis ex causis prout res & equitas exigit à prætore decernuntur. Huc pertinent species propositæ in l. 84. de adq. hered. l. 4. §. ult. cum l. seq. l. 14. §. ult. ff. cont. tabb. l. 18. C. de Jur. delib. l. 2. §. 11. ff. ad Tertyll. Nonnulli huc etiam referunt bonorum illam possessionem præparatoriam quærelæ in officiosi testamenti quæ litis ordinandæ causa conceditur, l. 6. in fin. & l. 7. de inoff. testam. Pertinet & huc ea bonorum possessio quæ lege uti detur senatusve consulto aut constitutio ne caustum est l. un. ut ex legibus &c. l. 3. unde legit. Exempla ex lege Papia, lege Cornelia, senatusconsulto Aproniano profert Scipio Gentil. l. de jurisdic. 26. arg. §. 2. Inst. de succ. libert. l. 26. ff. ad senat. Trebell. l. 4. C. de postlim. rev. Cujacius & Hotomanus ex constitutione Hadriani qua militis capite dampnati ex delicto militari bonorum possessio desertur cognatis militis usque ad quintum gradum, l. 2. de veter. success. l. 8. §. 6. de injus. rupt. test. Hotomannus item aliud ex ejusdem Imperatoris constitutione, qua in specie l. 12. d. tit. scriptis hereditibus defertur bonorum possessio secundum tabulas, ut rem obtineant, quæ alioqui sine re futura erat. Permiscentur autem hæc bonorum possessiones per omnes superiores ordines, verbi causa, Carboniana datur impuberi cui controversia fit an si ex liberis, si præteritus est contra tabulas; si institutus secundum tabulas: ab intestato unde liberi, l. 1. & l. 3. de Carbon. edit. In libris nostris bonorum possessio sic etiam distinguitur, ut quædam dicatur edictalis, quædam decretalis, l. 1. §. 7. de succ. edit. l. 1. §. 4. unde lib. l. 30. §. 1. de adq. hered. Doctores vulgo existimant, non esse hæc nomina diversarum specierum, sed attributa tantum quibus una eademque specie bonorum possessio distinguatur; & edictalem dici quatenus ex edicto prætoris mortui, ut loquuntur, competit; decretalem quatenus à vivo prætore conceditur; seu eamdem bonorum possessionem, quæ edictalis vocatur quatenus consideratur ut edicto proposita & promissa, decretalem dici quatenus petita & agnita. Ita post Accurs. Cyn. Bart. aliasque veteres Interpretes, Sichard. ad rubr. C. qui adm. ad bon. possess. n. 10. & seqq. Schneid in §. seq. n. 7. Myns. hic ad rubr. n. 10. Menoch. remed. 1. adipisc. poss. n. 10. & seqq. Grass. §. bonorum possessio quæst.

3. Tulden. comm. in bunc tit. cap. 3.

2. Sed videamus an non, quod magis arbitror, sint revera hæc distinctæ & oppositæ species & falsa illa DD. opinio. Moveor (1) eo quod edictalis decretali opponitur, ut ordinariæ extraordinariæ, l. 3. §. 14. & seq. de Carbon. edit. l. 5. §. 3. de leg. præst. (2) quod Jurisconsultus scribit, concessione Carbonianæ possessionis non impediri edictalem, d. l. 1. §. 4. unde lib. & quod hic simile in d. l. 3. §. pen. de Carb. edit. eum qui se filium dicit non solum Carbonianam possessionem accipere debere, verum etiam ordinariam. (3) quod decretalis expresse opponitur ei quæ de plano agnoscitur, l. 2. §. 1. quis ordo in bon. poss. (4) quod in tempore petendæ edictalis dies omnes utiles, id est quibus qualiscumque magistratus copia fuit, in decretali tantum dies sessionum, ut utiles computentur, d. l. 2. §. 1. quis ordo, (5) quod decretalis cum effectu proprie non intelligitur de lata antequam decreta est; cui consequens est quod nec repudiari possit, d. l. 1. §. 7. de succ. edit. at in edictali tempora delationis & acquisitionis distincta sunt, uti in hereditate; ac proinde jus ejus petendæ repudiari potest, d. l. 1. §. 1. & 6. unde lib. l. 70. de adq. her. Hæc omnia, si quid video, clare ostendunt Doctores in explicatione hujus rei errasse, & memoratas bonorum possessiones vere esse diversas species & quæ formâ differant. Nimirum edictalem dici & esse quæ postulant datur ex ipso edicto sine decreto aut causæ cognitione, quæ proinde etiam de plano peti potest: quales naturâ sua sunt ordinariæ omnes; decretalem, quæ non ex solo edicto sed interveniente decreto magistratus datur seu quæ causâ cognita petenti adjudicatur; ac proinde sedente pro tribunali magistratu peti & decerni debet, d. l. 2. §. 1. quis ord. in bon. poss. l. 3. §. pen. hoc tit. quales naturâ sua Carboniana aliaque extraordinariæ, l. 84. de adq. hered. l. 14. §. ult. cont. tabb. Ajo, naturâ sua: nam ex accidenti fieri potest ut interdum de plano peti & concedi possit quæ naturâ sua decretum requirit; atque in edictali proper contradicitionem alterius aliquando opus sit causæ cognitione, arg. l. 1. §. 14. l. 7. §. 1. de ventr. in poss. mitt. l. 1. pr. l. 3. §. 4. de Carb. edit. l. 3. §. pen. hoc tit. Atque ita ferme etiam doctissimi recentiorum Interpretum Baro, Duar. Cujac. Hotom. Donell. Wesemb. Bachov. Vinn. Accedit & altera differentia ratione effectus, Edictalis enim est perpetua;

de-

decretalis ad certum tempus datur. Vid D. Pagenstech. *admon. ad ff. part. 6. §. 5.* Unde divisio bonorum possessionis in *perpetuam & temporalem*; quam reliquis addunt Doctores cum hac eadem videtur. HEIN.

TEXTUS.

De successorio edicto.

4. Cum igitur plures species successionum prætor introduxisset easque per ordinem dispositisset, & in unaquaque specie successionis sœpe plures extant dispari gradu personæ; ne actiones creditorum differentur sed haberent quos convenienter, & ne facile in possessionem bonorum defuncti mitterentur & eo modo sibi consularent: ideo petendæ bonorum possessioni certum tempus præfinivit. Liberis itaque & parentibus iam naturalibus quam adoptivis in petenda bonorum possessione anni spatium, ceteris autem (agnatis vel cognatis) centum dierum dedit.

COMMENTARIUS.

Dispositis per ordinem bonorum possessionibus edictum prætor subjicit, quod successorium ex potissima parte appellatur. Duo enim sunt hujus edicti capita. Priore, quod principale est; prætor denuntiat se inter eos quibus bonorum possessio defertur successionem permissurum, l. 1. §. 10. de success. edicto. Successio hæc duplex est, una *ordinum*, altera *graduum*. Ordinum dicitur, cum ordo personarum universus, quarum in petenda bonorum possessione prima causa est, illam omisit: veluti liberis omnibus omittentibus res ad agnatos redit, & his rursus eam repudiantibus ad cognatos: postremo ad virum & uxorem. Hi enim nunc sunt ordines intestati, §. 2. sup. hoc tit. l. 1. §. 1. unde lib. l. 1. quis erdo in bon. posses. quibus locis verba Jurisconsultorum à Triboniano circumcisæ sunt. Vulgo hæc successio de ordine in ordinem appellatur. Potest & de capite in caput nominari, l. 5. C. qui adm. ad bon. posses. Graduum successio dicitur, cum iis qui in ordine aliquo sunt gradu proximo omittentibus remotioris gradus in eodem ordine personæ admittuntur. Quæ successio est de gradu in gradum; atque in solo ordine cognatorum, non etiam liberorum aut agnatorum locum habet. Nam in liberorum ordine nulla est gradus prærogativa; agnatos vero remotiores proximis repudiantibus non quasi agnatos sed

quasi cognatos prætor admittit, §. 7. sup. de leg. agn. success. Sed enim cum eo loco Justinianus etiam in hereditatibus graduum successionem inter agnatos admitteret, prætoris est etiam in bonorum possessione eam inter illos admittere: arg. l. 3. unde legit. quamquam nunc hæc disputatio supervacua est sublata prærogativâ ordinis agnatorum Nov. 118. Capite hujus edicti altero certum tempus petendæ bonorum possessioni præfinitur, d. l. 1. in pr.

In unaquaque specie successionis] Id est, ordine; ut in tribus illis intestati, liberorum, agnatorum, cognatorumque. Nam quarti, viri scilicet & uxoris, nulli sunt gradus.

Plures dispari gradu] Gradus bifariam usurpat; interdum pro ordine successionis ab intestato, l. 1. quis ordo in honor. posses. l. 6. unde cogn. frequentissime vero, ut & hoc loco, pro ordine cognitionis.

Ne actiones creditorum differentur] Edictum successorium, præcipue quidem cognatorum inferiorum causâ comparatum, sed tamen ex parte id etiam creditoribus consulit, atque ipsi quoque defuncto; triplicique omnino de causa prætor è re esse putavit præstituere certum & breve tempus ad bonorum possessionem petendam. Prima est, ut sciri possit quando finito jure primorum graduum sequentes eam petere possent, nullove petente insequens ordo aut fiscus admitteretur. Altera, ne si bona hereditaria diu jacerent creditoribus longior mora afferretur, quorum interest mature scire utrum habeant quem convenienter, an bona fisco sint delata. Tertia, ne creditores, si nemo inveniatur qui actiones excipiat, ad possessionem & distractionem bonorum procedant, quod defuncto ignominiosum, d. l. 1. in pr. & §. 1. de succ. edict. VENN. Add. Cic. pro P. Quint. cap. 15. & supra §. 1. Inst. quib. ex caus. alien. non lic. HEIN.

Liberis & parentibus anni spatium] Largius tempus liberis & parentibus tributum est in honorem sanguinis, l. 1. §. 12. de succ. edict. Parentes quidem nullo proprio ordine aut capite ad bonorum possessionem vocantur; certum admittuntur vel ex capite unde legitimis, ut parens manumissor, cui etiam contra tabulas datur, d. l. 1. §. pen. & mater quæ ex Tertulliano venit, l. 2. §. ult. unde leg. vel ex capite unde cognati. Atque ex his omnibus causis intra annum bonorum possessionem petere possunt, d. l. 1. §. ult.

De jure accrescendi ; & iterum de
successorio edito.

S. Et si intra hoc tempus aliquis bonorum possessionem non petierit, ejusdem gradus personis accrescit; vel si nullus sit deinceps ceteris bonorum possessionem perinde ex successorio edito pollicetur, ac si is qui præcedebat ex eo numero non esset. Si quis itaque delatam sibi bonorum possessionem repudiaverit, non quounque tempus bonorum possessioni præfinitum excesserit expectatur; sed statim ceteri ex eodem edito admittuntur.

COMMENTARIUS.

Non tantum in successione ex testamento locus est juri accrescendi, verum etiam in successione ab intestato, tum legitima, §. ult. sup. de senatus. Orf. tum honoraria, ut docet hic locus &c l. 3. §. ult. cum 2. l. seqq. ff. hoc tit. l. un. C. quand. non pet. part. vid. Duar. i. de jure accresc. cap. 20. & 2. cap. 18.

Non perirent] Si plures sint quibus bonorum possessio competit, quorum unus admissit bouorum possessionem ceteri non admisserunt, vel quod spreverint jus suum, aut tempore bonorum possessionis finito exclusi sint, aut ante mortui quam bonorum possessionem petierint, ei qui admissit accrescunt portiones quæ ceteris competenter si pétissent, d. l. 3. §. ult. & 2. seqq. Et accrescent igitur portiones deficientium sine nova petitione aut agnitione, ut jure civili portiones heredum deficientium sine nova aditione accrescent iis quæ pro sua parte heredes exiterunt.

Deinceps ceteris] Qui vel in eodem ordine inferiori gradu sunt, aut his omnibus sufficientibus qui proximi sunt gradu in ordine sequenti. Nam edito successorio non est locus nisi inter personas diversi ordinis aut gradus. Illud notandum, successionem ordinum prætorem admississe etiam in una eademque persona, verbi causa, ut filius omissa bonorum possessione unde liberi, petere adhuc possit unde legitimi aut unde cognati, d. l. 1. §. 11. de succ. edit. l. 2. unde legit.

Sed statim ceteri] Ut primum quis delatam sibi bonorum possessionem repudiavit continuo ceteri admittuntur non expectato tempore petitioni præfinito, d. l. 2. §. 10. de succ. edit. Ex quo intelligimus, tum eum qui se-

mel noluit bonorum possessionem petere jus ejus petendæ amississe, etiamsi tempora lar-giantur; tum, quod huc præcipue pertinet, repudiantibus primis statim insequentibus tem-pus currere; quippe ad quos illis repudianti-bus bonorum possessio statim pertinere inci-pit, d. l. 1. §. 6. de succ. edit.

TEXTUS.

6. In petenda autem bonorum possessione dies utiles singuli considerantur.

COMMENTARIUS.

Qui dies continui, qui utiles, qui sessionum.
Et quando de plano prætor jus reddere dicatur.

Dies in jure nostro alii sunt *continui*, alii *utiles*. *Continui*, qui sine interruptione nullisque exceptis currunt; *utiles* illi dum-taxat quibus experiundi sui juris potestat est, l. 1. de div. & temp. præscr. l. 11. §. 5. ad leg. Jul. de adult. & proinde hi neque igno-ranti neque agere non valenti currunt. In hoc ergo negotio cum dies utiles solum con-siderentur, neque illud tempus numerabitur quo quis nescivit bonorum possessionem sibi delatam esse, neque illud quo à prætore eam postulare non potuit, l. 2. pr. quis ord. in bon. possess. Non enim semper prætoris copia est, l. 26. in pr. & §. 4. ex quib. ex. maj. Dupli-citer vero prætor copiam sui facit: interdum pro tribunal, interdum extra tribunal quovis alio loco, ubi salva majestate in perii sui salvoque morte majorum jus dicere constituit, l. pen. de just. & jur. Quibus diebus pro tri-bunali sedens postulationibus & cognitionibus occupatur, ii dies sessionum appellantur, d. l. 2. §. 1. quis ordo in bon. poss. Cum alio lo-co civibus se præbet, de plano jus reddere dicitur, l. 9. §. 3. de offic. procons. l. 6. de accus. suntque hæc nostris adversa, pro tri-bunali cognoscere, & de plano, l. 1. §. 8. ad Turpil. l. 18. in fin. de quæst. Quæcumque causæ cognitionem decretum magistratus desiderant pro tribunali non de plano cogno-scenda & expedienda sunt, d. l. 9. §. 1. de offic. procons. l. 71. l. 105. de reg. jur. Cum ergo, ut antea ostendimus, quædam bonorum possessiones sunt quæ decretum magistra-tus exposunt ob quam causam etiam decre-tales dictæ, quædam quæ decretum causæ cognitionem non requirunt edictales appella-
la-

DE ADQUISITIONE PER ADROGATIONEM.

77

Iatæ ; & consequenter illæ tantum pro tribunali peti & dari hæ vero etiam de plano possint : hinc fit, ut his omnes dies quibus quovis modo pratoris copia fuit utiles numerentur, in illis sessionum dumtaxat, d. l. 2. §. quis ord. in bon. poss. VENN. Non ergo confundenda locutiones : *de plano cognoscere* (unde *plenaria interpellatio* in l. 4. C. de di- lat. edit. *Haloandr.*) & *summatis cognoscere*. Bonorum enim possessio ex edito Carboniano non dabatur de plano sed pro tribunali, & tamen cognitio erat summaria, l. 3. §. 8. de bon. poss. l. 2. §. 1. ff. quis ordo in poss. serv. Rem omnem accuratius exposuit vir celeberr. Ger. Noodt. de jurisd. lib. 1. cap. 10. p. 135. HEIN.

TEXTUS.

Quomodo peti debet.

7. Sed bene anteriores Principes & huic cau-
sæ providerunt, ne quis propetenda bonorum pos-
sessione curet; sed quocumque modo admitten-
tis eam indicium ostenderit, intra statuta ta-
men tempora, plenum habeat earum beneficium.

COMMENTARIUS.

Vetus petitio bonorum possessionis sole-
nis fuit, ut significat l. 1. C. comm. de
succ. Solemnitas certam verborum conceptio-
nem seu formulam habuit; quibus & petere-
tur & potenti daretur. Tum etiam hic ritus
erat, quod non apud quemvis magistratum
peti poterat, nec cuiusvis magistratus erat
dare, sed solum prætoris in urbe & præsi-

dum in provinciis, l. 2. §. 1. & seqq. qui
ord. in bon. poss. Utrumque hoc sustulit Con-
stantinus, exclusisque verborum inanum, ut
ipse eas appellat, captionibus, constituit, ut
satis sit eum cui bonorum possessio delata
est quemvis judicem & vel magistratum mu-
nicipalem adire, atque apud hunc qualis-
cumque voluntatis testatione interposita bo-
norum possessionem amplecti, l. ult. qui adm.
ad bon. poss. Ceterum hoc ad extraordina-
rias bonorum possessions quæ non nisi cau-
sâ cognitâ decernuntur non pertinet; sed hæ
etiam nunc prætorem & tribunal desiderant.

Sed quocumque modo admittentis &c.) Ma-
gistratum tamen aliquem adire oportet apud
quem de voluntate nostra publice testemur;
alioqui si nuda & simplex declaratio vo-
luntatis privatim aut coram testibus facta
suficeret, agitio bonorum possessionis nul-
la in re differret ab aditione hereditatis; &
Constantinus tantum necessitatem petitionis so-
lemnis & necessitatem prætoris aut præsidis
adeundi in agnoscenda bonorum possessione
sustulit, d. l. ult. C. qui adm. ad bon. posses-
sion. VENN. In hisce Regnis bonorum possessionis
nullus usus est, sed solum utimur civili aditio-
ne seu agnitione hereditatis. Etenim bonorum
possessiones effectu nihil aliud erant quam he-
reditates quas deferebat prætor his qui ex juris
civilis rigore ad eas non admittebantur. Cum
autem hodie distinctio hæc inter jus civile &
prætorium evanuerit, nomen etiam bonorum
possessionis evanuit. An vero vir & uxor
sibi mutuo & quo loco jure Hispano suc-
cedant: tum utrum nemine ex consanguineis
sese offerente bona vacantia fiscus occupet
Superius diximus. ADDIT.

TITULUS XI.

DE ADQUISITIONE PER ADROGATIONEM.

Continuatio & origo.

Sequitur nunc species adquisitionis per
universitatem: quæ inter hæc genera ter-
tio loco collata est §. ult. Inst. sup. per
quas. pers. nimis adquisitio per adrogationem.
Inter superiores autem illas & hanc hæc
est differentia, quod per illas defuncti, per
hanc viventis universa bona adquirimus. Est-
que hæc adquisitio necessarium consequens
juris patriæ potestatis.

TEXTUS.

*Est & alterius generis per universitatem
successio, quæ neque lege duodecim tabularum
neque prætoris edito, sed eo jure quod con-
sensu receptum est introducta est.*

COM.

2 Operarum obligationes quæ hic intelligantur.

COMMENTARIUS.

Cum jus hujus acquisitionis dependeat à jure antiquo patriæ potestatis, quæ potestas lege Romuli primum introducta à decemviris postea repetita est, ut ostendimus *sup. tit. Inst. de patr. potest. ex lege potius seu legis sententia hanc acquisitionem descendere quam moribus aut consuetudine receptam esse dicendum videtur, arg. l. 6. §. 1. de verb. obl. & sup. tit. Inst. de leg. patron. tut. cum satis constet eos qui adrogantur tam jure legeque filios fam. fieri, quam si ex patre matre que ejus familias nati sint. Dicitur quidem etiam patriæ potestas moribus recepta, l. 8. de bis qui suis vel al. jur. sed dumtaxat certo respectu, ut loco citato demonstratum est. D. Cujacius non ad modum acquirendi hæc refert sed ad jus adoptandi seu adrogandi: quod exterum cum esset populus Rom. receperit, sibique adsciverit ex legibus theticis Græcorum. Sane nusquam proditum est, lege aliqua cautum ut liceret civi Romano filium sibi adoptare. Quin singula adrogationes stante Repub. per populi rogationem siebant comitiis curiatis: quod diligentius expositum tit. *Inst. de adopt.**

TEXTUS.

Quæ hoc modo adquiruntur.
Jus vetus.

1. Ecce enim cum paterfamilias sese in adoptionem dat, omnes res ejus corporales & incorporeales quæque ei debitæ sunt adrogatori antea quidem pleno jure adquirebantur, exceptis iis quæ per capitum diminutionem pertinet, quales sunt operarum obligationes & jus agnationis. Usus etenim & ususfructus licet his antea connumerabantur; attamen capitum diminutione minima eos tolli prohibuit nostra constitutio.

NOTA.

1. *Quales operarum*] Locus difficilis, quem Theoph. se explicaturum pollicetur, non explicat tamen, lapsu, ut credo, memoria: vides Cujac. *ad bunc loc.*

COMMENTARIUS.

x Per adrogationem etiam possessionem adquiri adrogatori; & quare.

1. *O Mnes res ejus*] Qui se adrogandum dat, cum capite fortunas quoque suas, id est omnia quæ habet transfert ad patrem adoptivum, l. pen. §. 2. sec. tabb. l. 15. de adopt. adeo ut actiones etiam & nomina transeant sine ulla cessione, hoc text. quippe cessio quæ alias ad actiones transferendas necessaria est, hic non est: quoniam hæc adquisitio universalis est, & quantum ad commoda attinet successioni per omnia similis. Quin etiam non proprietas tantum verum & possessio adrogatori adquiritur, l. 16. de precar. neque absurdum est, licet id Faber existimet, plus in eo tribui adrogatori quam heredi, ad quem eisi adita hereditate jura omnia transeunt, possessio tamen non pertinet nisi eam naturaliter apprehendat, l. 23. de adq. poss. Nam adrogatus qui ante adrogationem suo nomine possidebat, adrogatione facta patris nomine possideres, incipit eumque statim possessorem ministerio suo facit, arg. l. 18. eod. Non idem dici potest possessore mortuo, ac proinde nec de herede: quod etiam Glossa intellexit, & Bart. in d. l. 16. ubi etiam hoc à simili colligit, si aliquis monasterium intraverit, ipso ingressu sine nova apprehensione monasterium adquirere rerum omnium possessionem: de quo amplius DD. in auth. si qua mulier C. de sacrosanct. Eccles. Atque olim quidem hæc omnia adrogatori adquirebantur pleno jure: Justinianus vero eamdem moderationem hic servari voluit quam adhibuit in acquisitione per liberos naturales, §. 2. bju. tit. Vinn. Et ex eo quod & possessio adrogatori sine nova apprehensione adquiritur, interpretanda videtur lex 15. pr. ff. de adopt. & emancip. ubi omnia quæ filii fuerunt & adquiri possunt, tacito jure ad eum qui adoptavit transire dicuntur. HEIN.

2. *Quales sunt operarum obligationes*) Operarum scilicet officialium: quod additum oportebat; nam fabrilium obligatio capitum minutione non perimitur. Quod ut perfectius intelligatur, sciendum est operarum duas esse species, officiales & artificiales. Officiales sunt, quas libertus patrono officii causa præstat; artificiales, quæ in artificio aliquo consistunt, puta fabricandi, pingendi, medicandi. Illæ non ab aliquo quam à liberto, nec alii quam patrono deberi possunt; artificiales à quocumque cuicunque recte solvuntur, l. 9. §. 1. de oper. libert. Hinc est, quod

quod artificiales etiam in heredes transeunt, officiales non item, *ll. 6. & 7. §. pen. eod.* quodque officialium obligatio adrogatione extinguitur. Hoc enim fieri necesse est, quandoquidem in persona adrogati durare non potest nisi adquiratur adrogatori. At adrogator patronus non est cui soli hæc operæ deberi possunt, ut dictum est. Plane jus obsequii non videtur capitis diminutione perimi, arg. *l. 10. §. 3. de in jus voc.*

Jus agnationis] Quæ jura agnationi tributa sunt capitis diminutione pereunt; & ideo ad adrogatorem transire non possunt, veluti jus percipiendarum legitimarum hereditatum, *l. 7. de cap. min. §. 2. Inst. sup. de senatusc. Ofic.* quamquam hoc ad eas tantum hereditates pertinet quæ lege *xii. tabb.* non etiam ad eas quæ novis legibus aut senatusconsultis deferuntur, *d. l. 7. & d. §. 2. Inst. de quo dictum alibi.* Sed nec jus legitimæ hereditatis quod patronus ut patronus habet adrogatione ejus perimitur, *ll. 23. & 39. de bon. libert.*

Usus & ususfructus] Olim usus & ususfructus etiam minima capitis minutiōne extinguebantur, *l. 1. quib. mod. us. am. Paul. 3. sent. 6.* eadem fere ratione qua operarum officialium obligatio; sed hoc suscitulit Justinianus *l. pen. C. de usufr. vid. sup. §. pen. Inst. de usufr.*

TEXTUS.

Jus novum.

2. Nunc autem nos eamdem acquisitionem quæ per adrogationem fiebat coarctavimus ad similitudinem naturalium parentum. Nihil enim aliud, nisi tantummodo ususfructus, tam naturalibus parentibus quam adoptivis per filiosfamilias adquiritur in iis rebus quæ extrinsecus filiis obveniunt, dominio eis integro servato. Mortuo autem filio adrogato in adoptiva familia, etiam dominium rerum ejus ad adrogatorem pertransit: nisi supersint aliae personæ quæ ex constitutione nostra patrem in iis quæ adquiri non possunt antecedant.

COMMENTARIUS.

*A*D similitudinem naturalium parentum] Et recte. Nam cum naturalibus parentibus eorum quæ extrinsecus obveniunt usumfructum tantum adquiri voluerit, proprietate filiis concessa; *l. 6. C. de bon. quæ lib. §. 1. Inst. sup. per quas pers. ratio non patitur ut plus juris tribuatur patri adoptivo.*

Etsam dominium rerum] Et si jam primorum Principum constitutionibus jus adquirendi per filiosfamil. nonnihil imminentum fuit: tamen in adventitiis æque ac profectitiis bonis diu jus vetus patri servatum, atque haec tenus quoque in peculio castrensi & quasi castrensi, ut tametsi vivente filio nihil juris in eo pater haberet, liceretque filio in his bonis heredem sibi testamento instituere: tamen eo intestato mortuo pater tam ies castrenses quam reliquas jure peculii occuparet, adeo ut nullorum adhuc bonorum heredem filius ab intestato haberet, *l. 2. de castr. pec.* Tamdem secuta est major mutatio, & primo quorundam adventitiorum dumtaxat, postremo eorumdem omnium usumfructum tantum patri adquiri placuit, tributa filio earum rerum proprietate; datique ei sunt & in castrenibus, & in peculii adventitii proprietate heredes ab intestato, primum liberi ejus, dein fratres, tertio loco parentes, *ll. 3. & 4. & 6. C. de bon. quæ lib. l. ult. C. comm. de success.* Igitur quod hic ait Justinianus, mortuo filio adrogato in adoptiva familia etiam dominium bonorum adventitiorum adrogatori adquiri, non sic accipi oportet, adquiri ei jure peculii, alioqui nemo ei anteponeretur; sed adquiri jure hereditatis ei delatae post liberos & fratres defuneti. Hæ enim sunt illæ personæ quæ hic patrem dicuntur antecedere ex constitutione Justiniani, quæ est *l. ult. C. comm. de succ.* Fusius hæc explicata sunt *lib. 2. Inst. tit. quib. non est perm. fac. test.* Novellâ 118. ordo successionis mutatus;

TEXTUS.

Effectus hujus acquisitionis.

3. Sed ex diverso, pro eo quod is debuit qui se in adoptionem dedit ipso quidem jure adrogator non tenetur, sed nomine filii convenitur; & si noluerit eum defendere, permittitur creditoribus per competentes nostros magistratus bona quæ ejus cum usufructu futura fuissent, si se alieno juri non subjecisset, possidere, & legitimo modo ea disponere.

COMMENTARIUS.

1. *Actiones quæ in adrogatum competebant directo in adrogatorem non dari; neque actionem de peculio ex ante gesto.*
2. *An adversus adrogatum directæ actiones salvæ manent.*
3. *In hoc quoque dispar ratio est adrogatoris & heredis, quod in he-*

redem etiam illæ actiones quæ adversus defunctum competebant directo dentur, in adrogatorem non dentur quæ competebant in adrogatum. Neque enim ut heres personam defuncti, ita & adrogator suscipit personam adrogati. Quod obligationes & actiones adrogatori adquirantur id ei tribuit jus patriæ potestatis, cuius juris hæc vis est ut omnia patri per filium querantur, non etiam ut filius contrahendo patrem obligare possit præterquam de peculio; sed hoc speciale rationem habet, videlicet quia pater concedendo peculium hoc ipso etiam jus contrahendi hactenus ei permittere videtur, per l. 1. §. 5. de adq. poss. Atque hoc ipsum argumentum est, adrogatorem de peculio conveniri non posse ex ea obligatione quam adrogatus antequam adrogaretur contraxit: quomodo accipienda lex. 42. de pecul. ut scilicet sententia Sabini & Cassii, qui ex ante gesto actionem de peculio non dabant, Ulpiano probetur. Hoc ipsum ex eo quoque confirmatur, quod ipsius patris, qui actione de peculio conveniri potest, si filium non defendat bona possideri jubentur, l. 7. §. 15. quib. ex caus. in poss. eur. Adhac tempore contractus adrogatus erat adhuc sui juris ut nec peculium habere potuerit.

Ipsius jure adrogato non tenetur] Hæc verba ipso jure Cujac. & Pacius sic interpretantur, ipso jure prætorio; ego mera & stricta ratione juris, τὴ ἀρχιτεκτονία (accurata observatione) uti in §. 10. Inst. inf. de act. Hoc enim significat, neminem personali actione teneri nisi qui contraxit aut heredem ejus: adrogatorem autem non contraxisse neque personam suscepisse adrogati, heredis instar.

Sed nomine filii] Ex æquo & bono; neque enim in fraudem & præjudicium creditorum adrogationes fieri permittendum erat. Et est æquissimum, ut parens adrogator qui bona omnia tenete filium defendat, aut si nolit de-

fendere patiatur creditores mitti in bona quæ filii ante adrogationem pleno jure fuerunt.
2. Illud quæsumus est, an actiones ipso jure adrogatione pereant, atque ex edicto de capite minutis restituantur; an salvæ maneat directeque adhuc in adrogatum, in adrogatorem utiles dentur. Prius Bachovio placet hac ratione, quoniam omnia bona adrogati ipso jure adquiruntur adrogatori, saltem ex ratione juris veteris, vel potius quia capitis diminutione etiam minima, quam adrogato contingere constat, subtilitate juris actiones pereunt, l. 2. de cap. min Prior ratio nullius momenti est; nam cum in persona filifam. etiamsi bona non habeat & patri omnia adquirat obligatio consistere possit, l. 39. de obl. & act. satis liquet, ob hoc solum obligationem in persona adrogati non tolli quod bona habere desinit. Ac ne istud quidem video, qua ratione dici possit actiones perire capitis diminutione adrogati; neque enim sola familiæ mutatio actionem perimere potest, nisi quid aliud interveniat, ut in emancipatione per quam filius deducebatur in imaginariam servilem causam, l. 3. §. 1. de cap. min. In adrogatione vero nullæ venditiones aut manumissiones intercedebant. Probabilius itaque mihi videtur, in quæstione proposita actiones non ipso jure sublatas atque ex edicto restitutas fuisse; sed mansisse salvas & utiles, ex ante gesto in adrogatorem datas, hoc effectu ut aut creditoribus responderet, aut hoc eo non faciente pateretur eos mitti in bona quæ filius habuit & transstulit: similiter ut in specie legis l. §. pen. d. tit. neque aliud hic locus significat.

Cum unfructu fuissent) Hoc ideo ait, quia nunc solus ususfructus parenti adrogatori quæritur, proprietate penes adrogatum manente, §. præc. Ait, legitimo modo disponere: de quo adi. tit. πτ. quib. ex caus. in poss. eur. & de reb. audt. jud. poss. item de curat. bon. dand.

TITULUS XII.

DE EO CUI LIBERTATIS CAUSA BONA ADDICUNTUR.

Continuatio & summa.

TEXTUS.

Accessit novus casus successionis ex constitutione divi Marci. Nam si ii qui libertatem

aceperunt à domino in testamento ex quo non aditur hereditas velint bona sibi addici libertatum conservandarum causa, audiuntur.

COMMENTARIUS.

Quartus adquirendi per universitatem modus & postremus inter eos qui propo-
siti sunt §. ult. Inst. sup. per quas pers. est libertatum conservandarum causa bonorum addic-
tio. Hęc adquisitio neque lege antiqua introducta aut confirmata est ut hereditas, neque jure prætorio ut bonorum possessio, neque consensu populi ut adrogatio; sed ex constitutione D. Marci descendit, cui consti-
tutioni causam dedit favor libertatis, l. 2.
ff. de fideic. lib. 1. 6. & l. ult. C. de testam.
man. Etsi autem is cui bona libertatis causa addicta sunt neque heres est neque bonorum possessor: tamen quia in locum defuncti succedit bonorum possessori assimilatur, l. 4. §.
21. de fid. lib. atque in eum tamquam in heredem prætorium utiles actiones creditoribus dantur, l. 3. d. tit. Verba constitutionis D. Marci primum Justinianus refert, deinde exponit.

Qui libertatem acceperunt] Uberius sub disjunctione dixisset, vel quilibet extraneus: qua disjunctione utitur lex ult. in pr. C. de testam.
man. & ita loquitur, quasi constitutio D. Marci eodem modo disjunctim locuta sit: quemadmodum etiam Jurisconsultus *lege* 50.
§. 1. de man. testam.

Ex quo non aditur hereditas] Fieri enim sse potest ut heres metuens xris alieni hereditarii magnitudinem hereditatem adire recuset, atque ita deserto testamento nihil ex eo ac ne libertas quidem debeatur, l. 2. C. de test. man. l. 1. C. de fideic. libert.

TEXTUS.

Rescriptum D. Marci.

1. Et ita divi Marci rescripto ad Pompiliū Rufū continetur. Verba rescripti ita se habent. Si Virginio Valenti qui testamento suo libertatem quibusdam adscripsit nemine successore ab intestato existente, in ea causa bona ejus esse coeperunt ut venire debeant: is cuius de ea re notio est aditus rationem desiderii tui habebit, ut libertatum, tam earum quę directo quam earum quę per speciem fideicommissi relictę sunt, tuendarum gratia addicantur tibi, si idonee creditoribus caveris de solido quod cuique debetur solvente. Et ii quidem quibus directa libertas data est perinde liberi erunt ac si hereditas

adita esset; iiautem quos heredes manumittere rogatus est à te libertatem consequentur; ita ut si non alia conditione velis tibi bona addici quam ut ii etiam qui directo libertatem acceperunt tui liberti fiant. Nam huic etiam voluntati tuae si ii quorum de statu agitur consentiant auctoritatem nostram accommodamus. Et ne hujus rescriptionis nostrae emolumen-
tum alia ratione irritum fiat, & fiscus bona agnoscere voluerit & ii qui bonis nostris attendunt, sciant commodo pecuniariorum præferendam esse libertatis causam, & ita bona cogenda ut libertas ei salva sit qui eam adipisci potuerunt, ac si hereditas ex testamento adita esset.

COMMENTARIUS.

Pompiliū Rufū] Hęc nomina non con-
veniunt servo, non magis quam *Gajus Sejus*, l. 23. de manum. & ideo assentiri non possum Theophilo asserenti hunc Pompiliū Rufū fuisse unum ex servis Virginii Valentis testamento manumissis. Ut ut est, etiam extraio libero homini ipsa constitutione D. Marci permitti bonorum addicitionem ostendunt d. l. 50 §. 1. ff. de man. test. l. ult. C. eod. quamvis potius ad extraios productam colligas, ex l. 6. C. eod. V. INN. Et exinde quoque colligas recte existimare Theophilum, Pompiliū istum Rufū servum potius aut statu liberum quam ingenuum vel libertum fuisse. Statu sane liberos ob spem libertatis non raro se pro liberis gessisse & nomina patronorum genilia ante manumissionem assumisse colligere mihi videor ex l. 11. C. de fideic. lib. HEIN.

Testamento libertatem adscripsit] Hoc rescriptum locum non habet nisi libertates datae sint. Ait adscripsit. Quid si libertates dedit herede testamento non scripto sed nuncupato? Placet etiam hic constitutioni esse locum, d. l. ult. C. de testam. man.

Nemine successore ab intestato] Explicatus dixisset, nec ex testamento nec ab intestato; siquidem huic rescripto locus non datur nisi cum nec ex testamento nec ab intestato quisquam heres est, d. l. ult. Nemo tamen ex hoc loco colligit testamentariis heredibus repudiatis, si ab intestato heres existat libertates præstandas esse; certum enim est destituto testamento si is qui ab intestato venit hereditatem amplectitur nec libertates deberi, l. 1. C. de fid. lib. l. 14. C. de fideic. Ut enim magnus sit libertatis favor, tamen tan-

tum huic favori tribui non debuit, ut jus alteri quæsumus, legitimis nimurum heredibus, auferatur. VINN. Aliud obtinebat, si ex gr. fideicommissaria libertas ita data, si uxori testatoris placuisset. Tunc enim ea non adeunte hereditatem & filio succedente servus libertatem petere poterat, dum uxor testatoris non refragaretur, l. 8. C. de fideic. libert. HEIN.

Venire debeant] Si cui mortuo nemo heres extet qui creditoribus satisfaciat, bona ejus in ea causa sunt ut possideri à creditoribus aut rectâ constituta actione vendi possint, l. 8. ff. quib. ex ca. in poss. l. 6. C. de bon. auct. jud. poss. Ex quo intelligimus, hac constitutione etiam famæ defuncti consultum.

Addicantur] Addici igitur bona dicuntur cum ab eo qui jurisdictioni præest causâ cognita petenti attribuuntur: qui proinde tamquam decretalis bonorum possessor constitutur.

Si idonee caveris] Addici ita demum bona voluit si idonee creditoribus cautum fuerit de solido quod cuique debetur solvendo, l. 2. l. 4. §. 8, de fideic. lib. Merito. Ita enim favendum libertatibus est ut ne alteri inferatur injuria. Quid est autem idonee cavere? Satidato uisque vel pignoribus datis. Sed tamen & si fides habita fuerit promittenti sine satisfactione, placet idonee cautum videri, d. l. 4. §. 8. De solido autem, id est de sorte & usuris, d. l. 4. §. 11. Justinianus etiam passionem de parte solvenda creditoribus admittendam censuit, d. l. ult. §. 1. C. de testam. man.

Quibus directa libertas data] Qui directam libertatem acceperunt statim post additionem bonorum liberi sunt; qui fideicommissariam, manumittendi sunt ab eo cui bona addicta sunt. Itaque illi Orcini, hi liberti manumissoris efficiuntur. Plane qui bona sibi addici desiderat, ut mox sequitur, si non alia conditione velit sibi addici quam ut etiam hi qui directam libertatem acceperunt ipsius liberti fiant: fient, si modo consentiant contenti fideicommissaria libertate. Neque tamen dissensu quorundam impeditur bonorum additio, sed quem patronum habere recusant dominum habere coguntur, d. l. ult. C. de test. man.

Ac si hereditas adita] Aut bonorum possessio admissa decretabe. Non igitur ex passione, sed ex additione, quæ vicem additionis hereditatis aut agnitionis adjudicatio- nisve bonorum possessionis obtinet. Illud nondum, loqui rescriptum de casu testamenti

ti facti; nam ab intestato nemini libertas directo competere potest.

Si fucus bona agnoscere] Bona eorum qui heredem non habent vacantia dicuntur, ea à fisco jure regalium occupari notissimi juris est. Verum in hoc argumento libertatis causa commodo fisci benigne prælata est; ut etiam si non sit qui bona sibi addici petat conservandarum libertatum gratia, tamen fucus non aliter admittatur quam si & ipse libertates præstet, d. l. 4. §. 17. de fid. libert. Enimvero si bona damnati vel debitoris sui fucus occupet cessat hæc constitutio. Sic cum Accursio accipio illud, si alia ratione agnoscat, in d. l. 4. §. 17. de fid. lib.

TEXTUS.

Utilitas rescripti.

2. Hoc rescripto subuentum est & libertatibus & defunctis, ne bona eorum à creditoribus possideantur & veneant. Certe, si fuerint bac de causa bona addicta, cessat bonorum venditio; existit enim defuncti defensor, & quidem idoneus, qui de solido creditoribus cavit.

COMMENTARIUS.

Indicatur hoc §. primum finis atque utilitas hujus rescripti; deinde ostenditur non esse coniunctum cum injurya creditorum. Finis rescripti duplex est, ut libertates datae conserventur, qui principalis est; tum ut famæ defunctorum consulatur, cui ignominiosum bona sua à creditoribus possideri & distrahi: qua de re M. Tullius pro Quintio cap. 15. & Justinian. §. 1. Inst. sup. quib. ex ca. man. & §. 1. de her. qual. Creditores injuriâ non afficiuntur; nam per bonorum ex hac causa additionem fit quidem ut ipsi in bona defuncti ire & sibi consulere non possint; ceterum existit idoneus defuncti defensor qui de solido quod cuique debetur solvendo caveat, ut justam querimonie causam nullam habeant. Ita enim in universum jus est, ut quoties alicujus defensor idoneus existit, creditores in bona ejus non mittantur, l. 2. & passim quib. ex ca. in poss. l. 35. §. 3. l. pen. de procur. Legatariis ex hac causa nec cavendum est; quippe qui destituto testamento nihil consequerentur.

TEXTUS.

Quibus casibus locus est rescripto.
De libertate in testamento vel in
codicillis relictā.

3. In primis hoc rescriptum toties locum habet quoties testamento libertates datae sunt. Quid ergo si quis intestatus decedens codicillis libertates dederit, neque adita sit ab intestato hereditas? Favor constitutionis debet locum habere. Certe si testatus decesserit & codicillis dederit libertatem, competere eam nemini dubium est.

Si certum sit vel incertum utrum successor existat.

4. Tunc enim constitutioni locum esse verba ostendunt cum nemo successor ab intestato existat. Ergo quamdiu incertum erit utrum existat an non, cessabit constitutio. Si vero certum esse coepit neminem existere, tunc erit constitutioni locus.

De in integrum restitutione.

5. Si is qui in integrum restituui potest absinuerit hereditate, quamvis potest in integrum restituui potest admitti constitutio & bonorum additio fieri. Quid ergo si post additionem libertatum conservandarum causa factam in integrum sit restitutus? Utique non erit dicendum revocari libertates, quia semel competierunt.

COMMENTARIUS.

Constitutio D. Marci nominatim loquitur de libertatibus testamento datis. Ceterum & si quis intestato decedens codicillis libertates dederit, neque adita sit ab intestato hereditas: placuit, ad hunc quoque casum favorem constitutionis extendi, juxta id quod dicitur, favores esse ampliandos, l. 2. ff. de fideic. lib. I. ult. C. de test. man. Quartus & quintus §§. desumti ex l. 4. pr. §. 1. & 2. de fid. lib.

TEXTUS.

Si libertates datae non sint.

6. Hec constitutio libertatum tuendarum causa introducta est. Ergo si libertates nullae sint datae cessat constitutio. Quid ergo si vivus de-

derit libertates vel mortis causa, & ne de hoc queratur, utrum in fraudem creditorum an non factum sit, idcirco velint sibi bona addici: an audiendi sunt? Et magis est ut audiri debeant, etsi deficiant verba constitutionis.

COMMENTARIUS.

Favor rescripti à Justiniano etiam ad eum casum trahitur quo mortis causa libertates datae sunt vel etiam simpliciter inter vivos; ut statim valeant, si creditores postea obstant quod in fraudem suam datas dicant. Quamvis enim verba constitutionis hic deficiant, ex aequitate tamen & sententia ejus hoc etiam admitti debere & audiri eum qui libertatem accepit, si bona sibi addici velit parato creditoribus idonee cavere. Et igitur in proposito quæ libertates ipso jure non valerent conservantur beneficio additionis bonorum.

TEXTUS.

De speciebus additis à Justiniano.

7. Sed cum multas divisiones ejusmodi constitutioni deesse perspeximus, lata est à nobis plenissima constitutio, in qua multæ species collatae sunt, quibus jus hujusmodi successionis plenissimum est effectum, quas ex ipsius lectio- ne constitutionis potest quis cognoscere.

COMMENTARIUS.

Constitutione Justiniani, quæ est lex ult. C. de test. man. jus additionis bonorum à D. Marco introductum multis modis amplificatum est. Amplificationem Hotomannus quartuor his versibus complectitur: *Jus postulandi annum esto. 2. Si plures simul satisdato postulerent, iis bona simul addicuntur. 3. Ejus qui plus se præstitum satisdabit potissimum jus esto. 4. Qui plus quam alter cui addicta bona sunt intra annum offeret, altero libertatem suam retinente, bona obtineto.* VINN.

Hujus & superioris tituli hodie nullus usus est. Ratio manifesta, nam ad primum quod attinet, adrogationes apud nos in desuetudinem abierunt; secundus omnino supervacaneus; nihil enim nunc est necesse ut cui bona addicantur qui partes heredis deficientis sustineat, ne libertates testamento datae cadant: cum ut libertates, fideicomissa, & cetera legata valeant jure Hispano heredis aditio non sit necessaria, l. 1. tit. 4. lib. 5. Recop. ADDIT.

TITULUS XIII.

DE SUCCESSIONIBUS SUBLATIS QUÆ FIEBANT PER
BONORUM VENDITIONES ET EX SENATUSCONSULTO CLAUDIANO.

Cod. lib. 7. tit. 24.

TEXTUS.

Erant ante prædictam successionem olim & aliae per universitatem successiones: qualis fuerat bonorum emtio, quæ de bonis vendendis per multas ambages fuerat introducta; & tunc locum habebat, quando judicia ordinaria in usu fuerant; sed cum extraordinariis judiciis posteritas usa est, ideo cum ipsis ordinariis judiciis etiam bonorum venditiones expiraverunt; & tantummodo creditoribus datur officio judicis bona possidere, & prout utile eis visum est, ea disponere: quod ex latioribus Digestorum libris perfectius apparebit. Erat & ex senatusconsulto Claudio miserabilis per universitatem adquisitio, cum libera mulier seruili amore bacchata ipsam libertatem per Senatusconsultum amitterebat & cum libertate substantiam. Quod indignum nostris temporibus esse existimantes, & à nostra civitate deleri & non inseri nostris Digestis concessimus.

COMMENTARIUS.

REferuntur hoc tit. duæ species adquisitio-
nis per universitatem, quarum altera
jam ante Justinianum in usu esse desiit, alte-
ram ipse sustulit.

*Qualis fuerat bonorum emtio] Si quis in jus vocatus potestatem sui non faciebat neque defendebatur, ejus bona ex edicto possideri jubebantur; post deinde iis vendendis magistri constituebantur, & postquam aliquamdiu celeberrimis in locis proscripta pepen-
dissent, emtori uni ex creditoribus aut cui extraneo addicebantur, qui bonorum emtor dicebatur, & omnibus in solidum satisfaciebar. Quod si diffidebat ne paria facere posset, tum antequam emeret cum creditoribus de certa parte decidebat. Huc pertinet locus Cic. 6. ad Attic. 1. ubi scribit, sine edicto non posse transigi de bonis possidendi, ma-
gistris faciendis, vendendis; hæc enim ex edicto & postulari & fieri solere. Item illud ex oratione pro Quintio cap. 13. Cujus bona ex*

*editio possidentur, bujus omnis fama & ex-
istimatio cum bonis simul possidetur, de quo
libelli in celeberrimis locis proponuntur: huic ne
perire quidem certe tacite obscureque conceditur:
cui magistri sunt & domini constituuntur, qui
qua lege & qua conditione pereat pronuntient
&c. Idem observatum fuisse cum bona de-
functi solvendo non essent nec heredem re-
perirent, ostendit hic textus. Neque hæc ra-
tio vendendi bona Pandectarum jure incogita est, l. 16. l. 29. de reb. aust. jud. poss.
l. 16. de patr. l. 9. ff. de cur. fur. l. 4. C. de
bon. aust. jud. poss. Illud etiam olim non erat
infrequens, ut bona alicujus damnati proscri-
ptique sectoribus in auctione venderentur,
qui ut tradit Ascon. ad lib. 1. in Verr. spem
lucri sui secuti bona condemnatorum semel
auctionabantur & semel pecuniam arario in-
ferebant, ac postea pro compendio suo sin-
gulas quasque res populo venditabant. Quo
refert Hotomannus, quod Varro lib. 2. de re
rust. cap. 10. modos adquirendi legitimi do-
minii enumerans scribit: *Tumve cum in bonis
sectioneve cuius publice venit. Hæc bonorum
distractio etiam decemvirali verbo sectio di-
cebatur; videturque successisse ignominiosa
ista bonorum proscriptio in locum sectionis
debitorum in partes lege XII. tabb. introdu-
ctæ: quam crudelitatem consensu publico
postea erasam esse, & in pudoris notam
poenam capitis conversam adhibita proscrip-
tione testatur Tertull. Apol. cap. 3. Suf-
fundere, inquit, maluit hominis sanguinem
quam effundere. Add. Gell. lib. 20. cap. 1.
Salmas. de mod. usur. cap. 18. Vinn. Sed ad-
de tu sis illust. Byrkensk. observ. lib. 1. cap. 1.
ubi ab omni crudelitatis suspicione decemvi-
ros erudit absolvit. HEIN.**

*Per multas ambages] Ter creditores adire
prætorem op̄orebat: primum ut liceret bona
possidere, deinde ut liceret magistrum bonis
constituere qui in auctione divenderet, po-
strem ut legem dare bonorum venditioni, &
cum emtore cui addicerentur de parte ejus
quod cuique deberetur pacisci. Ceterum hæc
fu-*

fusius Theophilus. VENN. Plura & accuratiora reperies apud CAR. SIGON. de antiqu. jur. civ. Rom. lib. 1. cap. 11. & de Judic. Rom. lib. 1. cap. 18. Addesis antiqu. nostr. Rom. lib. 2. tit. 17. §. 11. HEIN.

autb. & qui jurat C. de bon. autt. poss.

Libera mulier servili amore bacchata) Senatusconsulto libera mulier quæ se alieno seruo junxerat domino servi cum bonis omnibus addicebatur. Meminit hujus senatusconsulti Tacitus lib. 12. annal. cap. 53. ubi de rebus gestis sub Claudio tractans sic scribit: *Inter quæ refertur ad patres de pœna feminarum quæ servis conjungerentur; statuiturque ut ignaro domino ad id prolapsa in servitute, si consensisset pro liberta haberetur.* Ita locum ex codice Farnesiano restituit Lipsius. Suetonius hoc ipsum decretum adscribit Vespasiano, ut nisi erret Suetonius id repetitum fuisse necesse sit. Denuntiationis Tacitus non meminit, sed simpliciter ignorantis domini: unde licet existimare, necessitatem denuntiandi ne cum servo consuetudinem haberet (vid. Ulpian. in fragm. tit. 11. §. 10. l. 27. ff. de pos. l. un. C. de sen. Claud. toll. l. 7. C. de murileg. Theoph. bīc. Pet. Fab. lib. 1. semest. 25.) disputatione Jurisconsultorum Senatusconsulto additam. Justinianus autem hoc senatusconsultum sustulit, permisitque domino potestatem si quid tale servus commiserit eum castigandi, atque avellendi a muliere, simul denuntians non impune laturum dominum si hac potestate non utatur, d. l. ult. in fin. C. de senat. Claud. toll.

TITULUS XIV.

DE OBLIGATIONIBUS.

Dig. lib. 44. tit. 7. Cod. lib. 4. tit. 10. Et lib. 5. tit. 16. Recop.

- 1 Ratio ordinis.
- 2 Duo insignes errores notati.
- 3 N*e* que definitiones neque divisiones hic propositas continere omnem speciem obligationis.
- 4 Obligationum summa divisio.
- 5 Quid sit & quam vim habeat obligatio naturalis.
- 6 Explicatur lex 10. de obl. & act.
- 7 Quæ res faciant ut tantum naturalis non etiam civilis sit obligatio.
- 8 Non omnium naturalium obligationum cumdem esse effectum jure civili, & quæ quamvis habeant.
- 9 Obligatio mere civilis.
- 10 Obligatio mixta.

1. **T**ria esse disciplina juris summa capita seu objecta didicimus §. uit. Inst. sep. de jur. nat. gent. & civ. personas, res, actiones. De jure personarum, id est, eo jure quod cuique competit pro conditione & statu personæ disputatum à titulo tertio usque ad finem libri primi. Rerum tractatio suscepta tit. 1. lib. 2. ubi diximus rei appellatione in hac distinctione objectorum significari non tantum ea quæ dominii nostri sunt, ceteraque jura in rem quæ vindicari possunt, verum etiam ius ad rem, quod uno verbo dicimus obligationem; nec n'ale eos facere qui totius hujus argumenti tractationem ad duo capita revocant, dominium & obligationem, dominii verbo omnia in rem jura complecten-

tes. De dominio ejusque adquirendi modis actum haec tenus. De obligationibus earumque contrahendarum & distrahendarum ratione nunc sequitur. Quæ tractatio continuatur usque ad tit. 6. libri 4. ubi initium fit disputationis de actionibus.

2. Duo igitur errores hic nobis vitandis sunt. Quorum unus eorum est qui ita obligationes à rebus separant, tamquam ad tertium juris objectum id est actiones pertincent; alter eorum qui eas referunt ad objectum primum quod est de jure personarum. In priore errore Theophilus est & vulgo Interpp. qui existimant, hic initium fieri doctrinae de actionibus, præmittique obligationes ut actionum causas earumque matres, ut loquuntur. Hoc autem falsum esse vel ex uno hoc apparet, quod ista consideratione non magis obligatio ad actiones pertinet quam dominium, quam cetera in rem iuri, quam ipsum jus personæ; quippe quæ & ipsa singula suas actiones habent & pariunt, §. 1. & 2. §. 13. Inst. inf. de act. Alter error Vulteji est, qui lib. 1. disc. rebol. cap. 16. & ad hanc rubr. contendit obligationes referendas esse ad jus personarum. Quem temere secutus est D. Anton. Matth. colleg. Inst. 2. disp. 3. Utitur Vultejus duplici fere argumento. Primum est, quod obligatio personæ inhæret. Atqui eadem ratione multo magis usum & usumfructum ad jus personarum referri oportebat. Sed quid certius est quam ea omnia quæ in bonis & patrimonio nostro sunt ad tractatum rerum pertinere; nec solum res corporales verum etiam incorporales, sup. tit. Inst. de reb. corp. & incorp. quo loco inter res incorporales cum hereditate usufructu servitutibus, numeratur etiam obligatio ut res in bonis nostris & subjecta acquisitioni: add. 1. 49. de verb. sign. Apparet vero Vultejum obligationes tantum considerasse in relatione ad personam debitoris; cum præcipue hic considerandæ sint ratione creditoris qui eas contrahendo sibi adquisivit, easque suo modo vendendo, donando, legando in alium transferre potest: quæ ostendunt obligationes à parte creditoris esse in commercio, quod de jure personarum, puta libertatis, civitatis, familiæ nemo dixerit. Sed etsi obligationes considerentur ex parte debitoris ut personæ ejus inhærentes, tamen ad jus personarum ne isto quidem respectu referri possunt. Jus enim personæ dicitur, quod personam afficit quatenus persona est, id est, id jus quo quisque in civitate censemur propter statum & quali-

tatem personæ suæ. Quid autem obligatio commune habet cum statu debitoris? Quis ita personas umquam distinxit, ut dixerit quasdam personas esse obligantes, quasdam obligatas? aut hominum alios esse creditores, alios debitores? Nimirum obligatio etsi personam obligati afficit, non tamen afficit quatenus consideratur ut persona, sed quatenus ut debitor. At debitor dicitur intuitu rei quæ debetur. Neque enim hic finis summus est obligationis ut personam nobis obligatam habeamus, sed ut rem in obligationem deducam consequamur, l. 3. de obl. & aft. l. 38. §. 17. de verb. oblig. Quamobrem sive essentiam obligationum spelemus sive objectum earum sive finem ultimum, non alio referri possunt aut debent quam ad eam disciplinæ nostræ partem quæ est de jure rerum. Alterum argumentum Vulteji tale est. Si obligatio ad jus rerum pertineret, uti dominium pertinet, tum ex obligatione quoque uti ex dominio competenter actio in rem; at actio ex obligatione in personam est: ergo ipsa obligatio ad jus personarum non rerum referenda. *Πορνὴ ἐπίθεσις, (falsa expositio)* & error perspicuus παρὰ τὸ ἐπόμενον (*præter consequentiæ leges*). Non enim ideo actio ex obligatione in personam esse dicitur, quia per eam aut personam aut jus aliquod quod in personam aut personæ sit persequimur (quippe semper persequimur rem aliquam externam, eam, quæ ex obligatione præstanda est); sed quia hæc actio in personam obligati dirigitur, & semper adversus eum locum habet; cum in rem actio cum re ambulet & sequatur possessorem, l. 25. de obl. & aft. Quintimmo contrà si obligatio jus esset personæ, actio quæ de eo jure competenter ad classem actionum in rem referenda esset, non ad eas quæ in personam competit: arguento actionum præjudicialium quæ de statu & vero jure personarum competit, quas in rem esse expresse scriptum est in §. 13. Inst. inf. de act. quamquam hoc etiam negavit Vultejus, quia vidit sententia sua repugnare. Sed de his opulentius suis locis, §. 1. & d. §. 13. inf. de act. Hoc titulo primum docetur quid sit obligatio; deinde dupliciter ea dividitur à causis efficienibus; postremo prima & præcipua ejus species subdividitur in quatuor species inferiores.

3. Quoniam vero neque definitio neque divisiones hic propositæ omnes species obligationum continent, sed ad eas dumtaxat pertinent quæ actionem eamque efficacem jure civili producunt, & tamen illæ quoque quæ vel

vel non producunt actionem vel eam producunt quæ exceptione repellere potest, suum quemdam usum & effecta jure civili habent: recte facturi videmur, si priusquam ad ea declaranda accedimus quæ hic à Justiniano tradita sunt, naturam diversitatemque obligationum à capite repetitam explicemus.

4. Omnis obligatio vinculum quoddam juris est quo adstringimur ad aliquid præstandendum. Ceterum cum ad hoc aliquando nos adstringat sola æquitas & ratio naturalis, interdum mera subtilitas juris, ut plurimum autem jus naturæ ac civile simul: pro hac juris varietate obligatio in tres species recte dividitur, in puram *naturalem*, meram *civilem*, & *mixtam*.

5. *Naturalis obligatio* est, naturæ & æquitatis vinculum quo ita adstringimur ad aliquid dandum vel faciendum ut nulla eo nomine sit actio jure civili. Dicitur *naturalis*, non à natura seu naturali instinctu nobis cum brutis animantibus communi, sed à natura humana, id est recta ratione quæ sola quod æquum est dictat. Itaque *naturalis obligatio* non est duplex, ut quidam opinati sunt: una quæ sit ex jure gentium & humani generis propria, altera quæ sit ex jure naturali omnium animantium communi & in bruta quoque cadat, in quæ nec consensus nec intellectus cadit; sed una & simplex quæ tota est ex jure gentium, ut ipsa æquitas cuius vinculo sustinetur, l. 95. §. 4. de solut. Quod etiam Paulus confirmat *lige* 84. §. 1. de reg. jur. ubi ait, *eum naturâ debere quem jure gentium dare oportet*. Hac obligatio conscientias quidem hominum devincit, cum sit vinculum naturæ & æquitatis, d. l. 95. §. 4. de solut. d. l. 84. §. 1. de reg. jur. quo loco verbo *oportet* quædam necessitas moralis significatur; in foro tamen exteriori & jure civili eam efficaciam non habet ut actionem aut exactiōnē producat: id quod ex enumeratione specierum quæ ad hoc genus obligationis pertinent liquere potest.

6. Nam quod in *lege* 10. de obl. &c. l. 16. §. 4. de fidejuss. dicitur, *naturales obligationes non eo solo estimari si actio aliqua ex his competat, verum etiam si soluta pecunia repeti non potest: id non totum ad puras naturales pertinet, sed posterius dumtaxat; pars autem præcedens ad mixtas, eas scilicet quæ nascuntur ex contractibus juris gentium, & quæ ipsæ nonnumquam absolute naturales dicuntur, l. 59. vers. videamus ad sen. Treb. l. 126. §. 2. vers. superest de verb. oblig. nimi-*

rum quia tota essentiâ sua sunt ex jure gentium, l. 5. de just. & jur. à jure autem civili præter nudam confirmationem nihil habent: quo tamen respectu cum etiam civiles sint, nomine *civilium* frequentius appellantur propter auctoritatem juris *civili*.

7. Ut *naturalis* tantum non etiam *civilis* simul sit obligatio, facit aut qualitas conventionis, aut personæ paciscentis contrahentisse, aut qualitas personæ & negotii simul. Principio non omnis conventionis obligationem civilem parit, sed illa dumtaxat quæ vel in proprium nomen contractus transit, vel cui præter conventionem alia subest obligandi causa, vel quæ legitima dicitur, aut quæ contractui incontinenter adjecta, l. 6. l. 7. in pr. §. 2. & 4. de pac. Ex ceteris, quæ solo placiti fine stant, nascitur dumtaxat obligatio *naturalis*; quippe nudis pactis vim tales obligandi Romanæ leges tribuere noluerunt ut ex iis etiam ultro agere licet, d. l. 7. §. 4. ff. de pac. l. 10. C. eod. l. 27. C. de locat. Plura dicemus infra sub §. ultim. huj. tit. Secundo facit qualitas personæ contrahentis ut ex conventione quantumvis idonea tantum *naturalis* obligatio oriatur: veluti si pupillus intelligens quod agit contraxerit sine tutoris auctoritate, l. 127. de verb. oblig. l. 1. in fin. de novat. l. 25. §. 1. quand. dies leg. aut servus, l. 14. de oblig. & action. l. 13. de cond. ind. aut is cui bonis interdictum est, l. 6. de verb. obl. Personæ & negotii qualitas simul, veluti si mulier intercesserit, filius famili. mutuam pecuniam accepit, l. 16. §. 1. ad senat. Vell. l. 9. in fin. l. 10. de senat. Mated. Præter hanc etiam citra ullam conventionem sola officii & pudoris ratio *naturalem* obligationem inducit: qualis est causa beneficij accepti. Unde obligatio ad *artidapam* (*ad retribuendum*) l. 25. §. 1. de hered. pet. l. 54. §. 1. de furt. & quæ hujus species est, manumissio: unde operarum officiū debitio *naturalis*, l. 26. §. 12. de cond. ind. Ad hanc classem refero etiam eam quæ oritur ex voluntate testatoris testamento minus solemnē declarata; item eam quæ heres legatis oneratus tenetur ea integra præstare citra detractiōnem Falcidiæ, l. 2. C. de fideic. l. 5. §. 15. ff. de don. int. vir. & uxor. l. 1. l. ult. C. ad legem Falcid.

8. *Naturalium harum obligationum quædam* in totum juris *civili* auxilio destituntur, quædam non omnino hujus auxillii sunt expertes. Prioris generis est obligatio beneficij accepti, in qua nulla necessitas præter illud honestatis *naturalis* vinculum quo ad gra-

titudinem & remunerationem obstringitur is qui beneficium accepit si vir bonus haberi velit, ad exigendum autem vel retinendum obligatio nulla. Puto etiam, ipsum jus gentium pudori cujusque totum hoc reliquise. Quippe alia est, ut ait Cicero pro *Planc.* cap. 28. *debitio gratiae*, alia pecuniae; neque convenit beneficia foenerari aut in calendario scribere. Quo etiam pertinent illa Seneca 3. de *benef.* cap. 7. Cum res honesta sit referre gratiam, desinit honesta esse si necessaria est: id est, honestatis gradum excellentem amittit, quod sequentia indicant. Non enim magis laudabit quisquam gratum hominem, quam eum qui depositum reddidit, aut quod debebat citra judicium solvit. Et mox: *Non est gloria res gratum esse nisi tutum est ingratum fuisse.* Operarum tamen quae ex causa manumissionis patrono naturaliter debentur obligatio hunc jure civili effectum habet, ut soluta per errorem repeti non possint, d. l. 26. §. 12. de *cond. ind.* Ejusdem fere conditionis est & obligatio testamenti minus solemnis, & ad integra legata præstanda; nam etiam quod ex his causis per errorem facti solutum est jure civili repeti potest, l. 7. C. de *cond. ind.* l. 9. C. ad *leg. Falc.* Similiter si is cui bonis interdictum est quid promiserit, adeo jure civili non tenet obligatio, ut ne fidejussores quidem admittat, quasi negotium nullum gestum sit, l. 6. de *verb. obl.* Tantundem dici potest de transactione alimentorum Senatusconsulto prohibita, l. 23. §. 2. de *cond. ind.* item de intercessione mulierum; nisi quod obligatio hinc nata actionem parit, sed quam inefficacem reddit perpetua Senatusconsulti exceptio, l. 40. ff. de *cond. indeb.* l. 9. C. eod. Filius autem familias qui mutuam pecuniam accepit, si pater fam. factus solverit, non repetit, d. l. 40. l. 9. in fin. de *sen. Mac.* Ceteræ obligationes naturales quæ ex conventione descendunt eosdem pene effectus, si unam demseris actionem, jure nostro habent quos habet naturalis & civilis simul. Ac de hujusmodi obligationibus potissimum agunt Jurisconsulti, cum ajunt aut negant naturaliter quem obligari, ut videre est l. 13. 19. 38. 41. 64. de *cond. ind.* l. 10. l. 59. de *obl. & aff.* l. 1. de *novat.* l. 5. §. 2. de *solut.* & similibus locis. Effectus isti principales hi sunt, debiti hujus naturalis cum alio quovis compensatio, l. 6. de *compens.* ejusdem soluti per errorem retentio, d. l. 10. de *obl. & aff.* d. l. 19. de *cond. ind.* l. 1. §. 17. ff. ad *leg. Falc.* l. 3. C.

de *usur.* Præterea quod ita naturaliter debetur constitui potest, l. 1. §. pen. de *pec. const.* item novari, l. 1. in fin. de *novat.* Potest & fidejussor huic obligationi accedere, §. 1. Inst. inf. de *fidejuss.* denique & pignus, l. 5. de *pign.* Minus tamen efficacia is est in obligatione pupilli sine tutoris auctoritate contrafacta; quippe quæ accessiones dumtaxat recipit, principalia autem illa ut pupillo nocentia respuit: quo aspectu, quod pupillus ita promisit ne natura quidem deberi dicitur, d. l. 41. de *cond. ind.* d. l. 59. de *obl. & aff.*

9. Obligatio mere civilis est vinculum solidius juris civilis, seu τέλος δικαιονομίας, (summi juris) quo quis ita tenetur, ut summo jure in eum sit actio, sed quæ jure prætorio infirmetur opposita perpetua exceptione. Hujus generis sunt omnes illæ quæ sola juris subtilitate nituntur contra naturalem æquitatem: veluti si quis metu coactus aut dolo inductus aut errore lapsus aliquid promiserit; aut si post constitutam obligationem debitor cum creditore pactus sit ne à se peteretur, §. 1. & seqq. Inst. inf. de *excep.* Hoc genus obligationis propemodum sine re est & exitu iniunile, l. 3. §. 1. de *const. pec.* l. 112. de *reg. jur.* l. 14. de *compens.*

10. Mixta obligatio seu naturalis & civilis simul, est vinculum æquitatis pariter & juris civilis quo quis ita adstringitur ut actio efficax in eum detur. Mixtam hanc obligationem vocamus, propterea quod eam & naturalis sustinet æquitas, & simul juris civilis firmat auctoritas. Unde etiam sola plena præstandi necessitatem habet, actionemque & exactionem producit. Ex quo porro etiam hoc est, quod sola proprie & absolute obligatio in usu iuriis vocatur: quemadmodum & debitor is proprie intelligitur à quo invito pecunia exigi potest, l. 108. de *verb. sign.* & ex adverso creditor qui exceptione perpetua removeri non potest, l. 10. eod. tit. alii per abusionem, l. 16. §. 4. de *fidejuss.* Denique hinc intelligimus ad hoc genus obligationis tantum & definitiones & divisiones hoc titulo propositas pertinere. Est vero (quod apprime notandum est) mixta hæc obligatio aut vere talis aut præsumtive: qualis est obligatio judicati & confessi; item jurisjurandi necessarii. Quippe res judicata pro veritate accipitur, l. 56. de *reg. jur.* confessi in jure pro judicatis habentur, d. l. 56. l. 1. ff. de *confess.* l. un. C. eod. jurisjurandi quoque aut potius sententia ex eo latæ eadem fere vis est.

Hujus generis etiam obligatio est quæ dicitur litterarum, *inf. tit. Inst. de litt. obl.* Jam ad explicationem textus accedamus.

TEXTUS.

Continuatio & definitio.

Nunc transeamus ad obligationes. Obligatio est juris vinculum quo necessitate adstringimur alicuius rei solvendæ secundum nostræ civitatis jura.

COMMENTARIUS.

*E*st juris *vinculum*] *Recte vinculum:* quoniam qui nobis obligatus est necessitate quadam præstationis tenetur, ut effugere non possit nisi vinculo hoc soluto. Metaphora sumta à vinculis corporis. Concepta est definitio relatione facta ad personam debitoris, ita tamen ut simul ostendat quodnam hic sit jus creditoris. Sequentia formam obligationis, subiecto, effectu & causa efficiente remota adumbrant.

Necessitate adstringimur] Effectus. Obligatio (sic absolute nunc porro mixta vocabitur) semper adjunctam habet necessitatem præstationis: quæ necessitas in eo consistit ut nisi obligatus præstet id quod debetur, iure judicioque experiri cum eo hoc nomine liceat invitumque ad solutionem compellere.

Alicuius rei] Subiectum. Rei autem verbum generale est & factum quoque comprehendit, *l. 1. in fin. de reb. cred.* Proinde sive in dando consistat obligatio sive in faciendo, necessitas obligationis postulat ut utrumque præstetur, *l. 2. de verb. obl. §. ult. Inst. inf. eod. l. 3. de obl. 9^a act.*

Solvenda] Solvi dicitur res in usu juris cum debita præstatur, *l. 49. de solut. l. 9. §. 3. & seqq. de pign. act.* eaque solutione tollitur obligatio, *inf. tit. Inst. quib. mod. toll. obl. in pr.* tametsi persona obligati tantum adstringi videtur, non res ipsa, nisi per consequiam, aut nisi pignori nexa sit. Etenim obligationis non hæc vis est ut aut corpus aliquod, aut servitutem nostram faciat; aut ut per eam dominium aliudve jus in rem immediate consequamur; sed jus tantum ad rem tribuit, id est personam nobis obstringit ad dandum vel faciendum, *l. 3. de obligat. & att.*

Secundum nostræ civitatis jura] Hæc verba referenda sunt ad totum illud quod præcepit. *Tom. II.*

dit, quo necessitate adstringimur alicuius rei solvendæ. Temperatur enim hac adjectio, non (ut male Theophilus) potestas solvendi, sed necessitas; ut intelligamus adstringi nos non quibuslibet modis, non ex quavis causa, sed secundum jus civitatis nostræ: item necessitate non quavis, sed in qua insit ea cogendi ratio quæ jure civitatis nostræ sit approbata. Quod si cum Theophilo verba hæc ad id solum quod proxime præcedit, *rei solvendæ*, referimus, falsam efficimus sententiam, nimisrum eum qui non recte solvit non esse obligatum. In eodem errore fuit & *Ac-* cursius.

TEXTUS.

Divisio prior.

1. Omnium autem obligationum summa divisio in duo genera deducitur, namque aut civiles sunt aut prætoriae. Civiles sunt, quæ aut legibus constituta aut certo jure civili comprobatae sunt. Prætoriae sunt quas prætor ex sua jurisdicione constituit: quæ etiam honorarie vocantur.

L. 5. tit. 12. Part. 5.

COMMENTARIUS.

*A*ut civiles aut prætoriae] Distributio obligationis à causis efficientibus remotis. Nulla enim est obligatio (vera scilicet & efficax, de qua sola hic disputatur) qua non aut jure civili aut prætorio constituta vel recepta sit. Illud hic monendi sumus, cum civiles obligationes opponuntur naturalibus, appellatione civilium prætorias quoque contineri; sicut in universum, cum jus civile opponitur naturali, ejus appellatione etiam prætorium venit. Nam jus prætorium pars est juris civilis generaliter sumti, *§. 3. Inst. sup. de jur. nat. gent. & civ.* At cum obligationes civiles prætoris opponuntur, per civiles intelligi eas dumtaxat quæ legibus alia-ve parte juris civilis, quæ parem legibus auctoritatem habet, constituta aut confirmata sunt: quemadmodum cum in genere jus civile opponitur prætorio, id jus significatur quod ex legibus, plebiscitis, senatusconsultis, decretis Principum, auctoritate prudentum descendit, *l. 7. de just. & jur.* Similis huic est divisio actionum, *§. 3. Inst. inf. de att.*

Constitutæ aut comprobatae] Sit igitur civilium obligationum hæc quædam subdivisio, M quod

quod earum quædam jure civili constitutæ sunt, quædam simpliciter approbatæ seu receptæ. Prioris generis sunt paucæ: ex contractu obligatio literarum & verborum, *inf. tit. 16.* & *tit. 22.* *buj. lib. ex delicto*, qua tenetur fur nec manifestus, arg. §. 4. *Inst. inf. de noxal. act. junct. pr. tit. Inst. inf. de per- pet. & tem. act.* item is qui damnum injuriæ dedit, cuius quadrupes pauperiem fecit, qui arbores furtim cecidit, *inf. tit. Inst. de lege Aquil.* & *si quadrup. paup. fec. l. 1. arb. furt. cas.* Referuntur huc vulgo & eas quæ descendunt ex pactis speciali lege confirmatis, quæ dicuntur legitima, *l. 6. de paff.* quale verbi causa est pactum donationis, & pollicitatio dotis, *l. 35. §. ult. C. de donat. l. 6. C. de dot. prom.* Illa quoque obligatio constitutio- ne civilis est qua tenetur is cui ex senatus- consulto Trebelliano restituta est hereditas. In posteriore genere sunt innumerabiles, omnes nimis illæ quæ nascuntur ex contra- ctibus juris gentium, *l. 7. de paff.*

Quas prætor ex sua jurisdictione] Naturalem equitatem secutus. Nam omnis obligatio præatoria naturalis quoque est; à prætore autem introducta dicitur ea ex qua prætor in personam in foro civili actionem dedit: cujusmodi est illa qua pater & dominus te- nentur ex contractu filii aut servi: qua constituens pecuniam ei cui constituitur: qua is qui detulit jurandum juranti; item quæ ex furto manifesto, rapinâ, injuriis nascitur; ceteraque omnes quibus qui obstrictus est honoraria actione tenetur, vid. *inf. §. 8. & aliquot seqq. Inst. de adl. & tit. quod cum eo qui in al. pot. item §. 4. Inst. de nox. act. & §. ult. de leg. Aquil. VINN.* Recte Vinnius obligationem prætoriam omnem naturalem simul esse ait. Quamvis enim prætor aliquando & civiles obligationes firmet, veluti dum lege *1. ff. commod.* ex commodato actionem pollicetur; proprie tamen tunc obligatio non est præatoria, quia vinculum juris jam citra prætoris auxilium habet. HEIN.

TEXTUS.

Divisio posterior.

2. *Sequens divisio in quatuor species di- ditur. Aut enim ex contractu sunt, aut quasi ex contractu, aut ex maleficio, aut quasi ex maleficio. Prius est ut de iis quæ ex contractu sunt dispiciamus. Harum æque quatuor sunt species. Aut enim re contrabuntur, aut verbis,*

aut litteris, aut consensu: de quibus singulis dispiciamus.

COMMENTARIUS.

- 1 Unde sumta sequens hæc divisio.
- 2 *Recte ne Aristoteles delictum speciem faciat συαλλάγματος (contractus).*
- 3 *Præter quatuor ordinarias obligationum cau- sas quæ hic recensentur esse & alias quas- dam irregulares & extraordinarias.*
- 4 *Medestini obligationum divisio minus accu- rata in l. 52. de obl. & aet.*
- 5 *Quid sit conventione sive pactio aut pactum in genere, & quotuplex.*
- 6 *Quid pactum nudum, quod passim abso- lute pactum: & cur ex eo jure civili non detur actio.*
- 7 *Pacta legitima & in continentis contractibus adjecta. Et n. 10.*
- 8 *An pacta ex continenti adjecta à parte actio- ris insint etiam in contractibus stricti juris.*
- 9 *De conventione non nuda, quæ uno nomi- ne contractus. Ejus definitio, divisio, cum explicazione legis 19. de verb. sign.*
- 11 *Hodie etiam ex pacto actionem dari juxta scita juris Canonici.*
- 12 *Explicatur subdivisio obligationum primæ speciei.*

1. *A*ut enim ex contractu] Επιδιαιρέσι seu secunda obligationum divi- sio à causis efficientibus proximis. Nulla enim est obligatio quæ non ex causa aliqua, & regulariter quæ non ex facto aliquo obli- gati præcedente nascatur; nec ulla jure ci- vili aut honorario confirmatur quæ non pro- priis viribus consistat, ut loquitur Papinianus, id est quæ non ex propria causa consti- tuta sit, *l. 27. de obl. & aet.* Causæ seu fa-cta obligatoria quatuor hic ponuntur à Ju- stiniano, totidemque obligationis species his causis inter se distinctæ: contractus, quasi contractus, maleficium, quasi maleficium. Aristoteles 5. ethic. 2. uno verbo συαλλά- γματος (contractus) hæc omnia comprehendit. Duo enim ille genera συαλλάγματων (contra- ctuum) facit: ἵκσια, & ἀἵκσια voluntaria & involuntaria ἵκσια appellat commercia, con- ventiones, contractus, ἀκίσια; maleficia & delicta.

2. Verum enim vero si vox Græca συ- αλλάγματες respondet verbo Latino com- mercii aut contractus, valde abusive deli- citum dicitur species συαλλάγματος; ipseque Aristoteles cap. 5. ejusd. lib. negat, corre- gio-

ctionem delictorum ad justitiam *συναλλάγτης*
 (commutativam) pertinere. Ut ut est, in jure
 nostro *συναλλάγμα* tantum ad commercia re-
 fertur, l. 7. §. 2. de pact. l. 15. de verb. sign. com-
 mercium autem uno modo usurpatur pro con-
 ventione & contractu; atque haec à delictis
 perpetuo separantur. Unico tantum loco de-
 licatum appellatur contractus, non quidem
 involuntarius, sed malus, l. 52. de re jud. ubi
 Triphoninus scribit, actionem rerum amota-
 rum ex malo contractu, aut, ut est in codice
 Florentino, ex malo contractu oriri. Papinia-
 nus quoque verba Demosthenis in oratione
 contra Aristogitonem, *ἐπαρθέμα τῶν ικεσιών*,
καὶ ἀντίον ἀμαρτημάτων, Latine reddidit,
delictorum quæ sponte vel ignorantia contrah-
buntur coercitio, l. 1. junct. l. 2. de legib. Il-
 lud vero frequens apud nostros est, ut ap-
 pellatione contractus & maleficii etiam qua-
 si contractus & quasi maleficia significantur,
 l. 16. de neg. gest. l. 23. de reg. jur. ll. 1. 4.
 & 49. hoc tit. §§. 1. 10. 17. & seq. Inst. inf. de
 act. §. 1. de perp. & temp. actione.

3. Porro sciendum est, quatuor causas
 obligationis quæ hic à Justiniano recensem-
 tur esse quidem illas principales & ordina-
 rias; ceterum esse præterea quasdam obli-
 gationes quæ ex nulla quatuor istarum cau-
 sarum proficiscuntur, sed ex sola & singulari
 æquitate. Hujusmodi species obligationis est
 quæ à Celso proponitur in l. 32. de reb. cred.
 item ex qua ad exhibendum agitur, l. 3. §.
 3. ad exhib. quam nullum omnino factum
 obligatorium præcedere constat: item illa qua
 in duplum obstringitur qui tignum alienum
 ædibus suis bona fide junxit, §. 29. Inst. sup.
 de rer. div. denique omnes illæ ex quibus
 actiones in factum subsidiariæ dantur, §. ult.
 Inst. infr. de leg. Aquil. l. 23. §. 5. de rei vind.
 Sed nec omnis obligatio quæ ex conventione
 est eadem est ex contractu, veluti quæ da-
 tur ex pacto legitimo vel ex constituto: quod
 mox perfectius intelligetur. Atque hanc ego
 causam esse arbitror quod Gajus l. 1. pr. hoc
 sit. causas & fontes obligationum indicatur
 contractus & maleficii tantum meminit,
 cautionis gratia subjiciens eas quæ extra hæc
 facta nascentur proprio quodam jure nasci
 ex variis causarum figuris. Sic ergo haben-
 dum, duo illa, contractum & maleficium,
 esse causas obligationum generales & ordi-
 narias ac principes; esse tamen & alias non-
 nullas, sed quæ sint extraordinariae & irre-
 gulares, ut nec certo nomine significari nec
 certa regulâ comprehendendi possint. Videtur

autem Gajus in d. l. 1. nomine contractus &
 maleficii etiam quasi contractum & quasi
 maleficium intelligere: quæ tamen cum sin-
 gula proprie & distincte considerare volu-
 mus, à contractu & maleficio diversa esse
 idem recte docet lege s. cod. & ex eo Justinianus
inf. tit. Inst. de obl. que quasi ex del.
 Igitur pro quadruplici illa consideratione cau-
 sarum quadripartita quoque est obligationis
 divisio.

4. Extat alia obligationis ex causis dis-
 tributio apud Modestin. l. 52. hoc tit. sed
 minus accurata. Confundit enim eo loco
 Modestinus causas remotores cum propin-
 quis: nimur causas juris & facti: causas
 propter quas obligatio constituitur, cum ju-
 re quod obligationem constituit aut confir-
 mat. Plura etiam vitia istius divisionis alii
 observarunt. Ego singula adamassim exami-
 nare nolim; nam pinguius aliquando disputant
Jurisconsulti. Vinn. Si paulo accuratius
 partiri velis, ita omnes obligationes ad suas
 species revocari posse crediderim. Obliga-
 tio est vinculum juris. Jus ponit legem. Om-
 nis itaque obligatio ex lege est, & quidem
 vel *άριστος* ex sola lege, vel *τυμπάνος* inter-
 cedente facto aliquo obligatorio. Prioris ge-
 neris sunt omnes obligationes quas Gajus *ex*
variis causarum figuris nasci ait, quasque
Vinnius noster n. 3. recenset, & *extraordi-*
narios vel *irregulares* vocat. Factum porro
 obligatorium est vel licitum, veluti contra-
 ctus & quasi contractus, vel illicitum, ut
 delictum & quasi delictum. Rem exposui in
elementis jur. hoc tit. §. 771. seqq. Hein.

5. De isti quæ ex contractu] Quid sit con-
 tractus intelligi non potest nisi prius in gene-
 re constet quid sit conventio; est enim con-
 tractus species conventionis, l. 1. §. 1. l. 7.
 de pact. Conventio seu pactio (idem enim
 hæc duo & idem pactum in genere sumtum
 valent) est duorum vel plurium in idem pla-
 citum & consensus, definitore Ulpiano d. l.
 1. §. 2. de pact. l. 3. politic. In idem, id est
 in eamdem rem, in hoc ut aliquid fiat aut
 non fiat, prout placuit. Conventionum duæ
 sunt species; aut enim ex publica causa
 fiunt aut ex privata, l. 5. de pact. De pu-
 blicis tractare non est hujus loci. Privata
 conventione aut nuda est, aut non nuda, d. l.
 7. §. 1. 2. & 4. ff. de pact. l. 10. C. cod. l. 15.
 de prescr. verb. Non nudam conventionem
 Doctores vulgo vestitam & pactum vestitum
 appellant, verbo magis quam sensu incon-
 cino.

6. Nuda conventio est, quæ in nudis placiti & conventionis finibus stat, nec certum nomen habens, nec ullam obligandi causam præter conventionem, l. 7. §. 1. 2. ff. de pact. l. 27. C. de locat. in libris nostris etiam pactum simpliciter & passim appellatur, d. l. 7. §. 4. ff. seqq. de pact. l. 10. C. eod. l. 15. de prescr. verb. d. l. 27. C. de locat. l. 1. C. de pact. conv. l. 5. C. de contr. stipul. l. 5. §. 2. de solut. Appellatur pactum nudum quia solum pactum est, nihil amplius, l. 23. C. de pign. nimirum eadem translatione qua nudam vocem, nudam voluntatem, nudum consensum, nudam proprietatem &c. dicimus. *Γραῖς φιλοὶ σύμφωνοι (nudum consensum)* Quod definiunt, *ἐνίκα μὴ προγνωταὶ δόσεις, ἀλλὰ μόνοι οὐτῷ εἰπὲ δόσου (quando donum non perficitur sed solum de dono convenit)* Hæc conventio eam vim obligandi jure civili Romanorum non habet ut ex ea actio detur, d. l. 7. §. 4. ff. seqq. l. 45. de pact. l. 8. l. 15. de prescr. verb. ll. 10. 21. ff. 28. C. de pact. l. 28. C. de transact. l. 3. C. de rer. permitt. cum similib. Immo proverbii vice olim jaētatum fuisse, *ex pacto actionem non nasci*, indicant Imp. in d. l. 10. C. de pact. & d. l. 1. C. de pact. conv. tam sup. dot. Et ideo omnibus pactis stipulatio subjici debet ut ex stipulatu actio nasci possit, ut ait Paul, 2. sent. 22. §. ult. Ceterum quæ pacta liberationis causa interposita sunt jure prætorio exceptionem pariunt, d. l. 7. §. 4. ff. seqq. l. 13. d. l. 28. C. eod. &c. Nimirum conditores juris Romani hujusmodi conventionibus vim coactricem subtraxerunt, ut sola paciscentium fide statetur, honestius atque ad excitandum virtutis studium conducibilius esse existimantes quædam relinquare hominum inter se spontanæ fidei & probitati, quam omnia vinculis legum & necessitate adstringere. Quo pertinet locus Cornificii lib. 2. ad Heren. *Pa-*
cta sunt quæ sine legibus observantur ex con-
ventione, quæ etiam juri præstari dicuntur. Cui similis est apud Ciceronem lib. 2. de invent. Et explodendi, ut *ἀπολίτικοι (rurum civilium rudes)* qui negant, potestatem civilem constitutre posse ut non nisi sub certo modo & forma obligatio ex consensu nascatur. Qua de re uberiori disserimus in tractatu de pactis quem nuper edidimus cap. 5. ff. ubi etiam nova opinio num circa hoc argument. monstra profligamus.

7. Excipiuntur ex hoc genere pacta duo quæ obligationem & actionem pariunt: primum illa quæ manente simplici forma conventionis speciatim ad efficaciam obligatio-

nis sunt confirmata vel jure civili, quæ pacta dicuntur legitima, l. 6. de pact. quale est ex. gr. pactum donationis, l. 35. C. de donat. item quibus dos constituitur, l. 6. C. de dot. prom. vel jure prætorio, ut constitutum & conventione de pignore, l. 1. & passim de pecun. const. l. 17. §. 2. de pact. l. 1. de pign. act. Deinde & pacta bonæ fidei contractibus in continenti adjecta, quæ his contractibus tamquam pars eorum inesse creduntur, l. 7. §. 5. ff. de pact. l. 13. C. eod. Unde etiam ex hujusmodi pacto actio ejus contractus cuius in continenti interpositum est competit, l. 7. de contr. emt. l. 6. §. 1. ff. de act. emt. l. 11. C. de pact. Ceterum hæc res non una indiget cautione & distinctione. Primum enim non quævis pacta huc pertinent, sed ea dumtaxat quæ sunt *κατὰ τὴν φύσιν τὰ συναλλάγματα (contractus naturæ consentanea)* secundum naturam contractus, aut quæ aliqua saltem ratione præstationes contractus cui adjiciuntur tangunt, aut contractum promovent, d. l. 7. §. 5. ff. seqq. de pact. & ibi comm. DD. l. 72. de contr. emt. Unde Jason ait, pactum quod est contra natu ram contractus non vestiri cohærentiā contractus. Deinde nec omnium contractuum hoc commune est, ut pacta quantumvis ex continenti adjecta contractibus insint & actionem pariant; sed proprium contractuum bonæ fidei; neque tamen omnium ex æquo, sed maxime eorum qui solo consensu, itidem ut pacta, constant, ut emtio, locatio &c. quorum etiam contractuum exempla fere in hac disputacione proferuntur, ut videre est plerisque locis modo citatis. Qui autem contractus, cum sint bonæ fidei, solo consensu non consistunt sed re perficiuntur, ut commodatum, depositum, iis pacta quorum substantia in solo consensu, tam facile inesse & incorporari, ut sic loquar, non possunt; nec alia exempla pactorum quæ hujusmodi contractibus insint occurruunt, quam quæ de dolo, culpa, aut casibus fortuitis præstandis interponuntur, l. 5. §. 10. commod. l. 1. §. 35. depos. l. 23. de reg. fur. præter exemplum de præstatione usuraram in deposito irregulari, l. 24. ff. seqq. depos.

8. Quod attinet ad contractus stridi ju ris, Bachov. ad Treutl. disp. de pact. thes. 10. putat, distinguendum inter contractus qui re fiunt ut mutuum, & qui verbis ut stipulatio. Pacta mutuo adjecta ad obligandum & agendum non prodesse, propterea quod re obligatio contrahi non potest ultra id quod datum est, l. 17. in pr. de pact. l. 11. §. 1. de reb. cred. ad hæc nullas in mu tuo

tuo esse præstationes doli aut culpæ, & si qua de his pactio fiat eam esse extra naturam contractus: denique ob eamdem causam, & quia præterea stricti judicij est, nec usuras ex mutuo citra stipulationem exigere posse, l. 8. C. de usur. Quod autem quibusdam casibus usuræ pecuniae creditæ, aut frumenti vel hordei mutuo dati accessio ex nudo pacto debetur & peti potest, l. 30. de usur. l. 5. & l. 7. ff. de naut. fœn. l. 12. C. de usur. id non ex eo fieri quod in continenti hæc pacta adjecta sint & proinde mutuo insint, sed quia speciatim & nominatim jure civili confirmata sunt: esse enim pacta legitima. Stipulationis vero diversam causam esse; licet enim & ipsa contractus sit stricti juris, & ideo non facile extensionem recipiat; tamen quia verbis perficitur magnamque in eo cum pactis affinitatem habet, d. l. 7. §. 12. de paſt. facilis admissum esse ut pacta in continenti facta stipulationibus contineri, iisque inesse intelligerentur, arg. l. 40. de reb. cred. nec obstat legem. 99. de verb. obl. nam quod pacto stipulationi statim subjecto placuit, id perinde habendum ac si verbis stipulationis expressum esset. Quæ licet probabiliter à Bachovio disputentur, verior tamen mihi videtur sententia Cujacii, Busii in d. l. 7. Donelli in d. l. 40. & in l. 13. C. de paſt. qui etiam stipulationem hinc removent. Neque enim frustra & quod ubi pro regula traditur, pacta in continenti facta ex parte actoris inesse, nominatim additur in bonæ fidei judiciis, d. l. 7. §. 5. d. l. 13. de paſt. Quorum enim hæc adjectio in bonæ fidei judiciis, nisi ut intelligamus in strictis judiciis non idem juris esse? Sic cum dicitur, in bonæ fidei contractibus usuras ex mora deberi, l. 32. §. 3. de usur. hoc significatur, deberi in bonæ fidei non in stricti juris judiciis, l. 3. C. de usur. Similiter cum dicitur, exceptiones inesse bonæ fidei judiciis, l. 3. de resc. vend. hoc dici intelligimus, in his solum inesse non etiam in strictis judiciis; nam in strictis non veniunt exceptions nisi nominatim contestatae, l. 9. l. ult. C. de except. Et certe ineptum esset ac supervacuum de bonæ fidei judiciis nominatim addere, si pacta in continenti facta pariter inessent omnibus contractibus quibus subjiciuntur. Nec ullum in libris nostris locum reperio quo probari possit pactum stipulationi appositorum actionem parere, aut legem stipulationi dare, actionemque ex stipulatu formare, ita stipulationi inesse ut ad id quod pacto comprehen-

sum est, ex stipulatu agi possit, pactum augere, informare, extendere verborum obligationem. Paulus autem in d. l. 40. de reb. cred. cum pactum subjectum stipulationi inesse dicit, non significat id actionem parere, cum in casu illic proposito non in pacto agatur ut quid detur quod prius dari non debuit; sed ut de eo quod datum oportuit aliquid remittatur: quale pactum ex parte creditoris valere ad agendum natura sua non potest. Alii nec mutuum hinc removendum putant, quorum sententiam late tuerit Cœdd. de cont. stipul. cap. 8. concl. 2. Nos fusius hæc exequimur in eo quem modo dicebanus tractatu de pactis cap. 9. & seqq. Vinn. Sed rem tamen clarissimam puto si leges conferas. Hæc distinguunt utrum in continenti adjiciatur pactum contractui stricti juris an ex intervallo, itemque addatne obligationi adtrahat. Si in continenti adjectum obligationi detrahit, inest contractui ex parte rei, ut plus ab eo peti nequeat: ex. gr. si decem dedi ut novem debebas, non nisi novem debebis, l. 11. §. 1. ff. de reb. cred. Sin in continenti adjectum addit obligationi, tunc non inest ex parte actoris nec actionem parit: ex. gr. si decem dem ut viginti debeantur, tunc non nisi decem debentur, l. 17. ff. de paſt. Pacta ex intervallo adjecta sive addant sive detrahant obligationi non insunt contractui stricti juris, nec ipso jure tollunt obligationem quamvis exceptionem producant. Conf. vir cl. Ger. Noodt de paſt. & transact. cap. 12. HEIN.

9. Conventio non nuda sive vestita, est quæ puri placiti fines egreditur: quod ex duabus notis cognoscitur, si proprium nomen sortita est, vel si præter conventionem alia obligandi causa subsit, id est si negotium civile gestum sit, d. l. 7. §. 2. de paſt. Hæc conventionis species uno verbo appellatur contractus. Et igitur contractum sic definio: Contractus est, conventio habens nomen speciale aut eo deficiente civilem obligandi causam. Definitio tantum non iisdem verbis proposita d. lege 7. §. 1. & 2. de paſt. Itaque duo sunt harum conventionum genera: unum earum quæ speciale nomen habent, ex quo genere sunt emio, venditio, locatio, conductio, societas, mandatum, depositum, commodatum, pignus & similes contractus, qui quod certum nomen habent dicuntur contractus nominati, & obligationem actionemque certo jure producent, non utique propter nomen quod extrinsecum quid est

est atque accidens, sed propter utilitatem commercii, cuius indicium est, quod certo ac proprie nomine appellantur; vel potius quia haec conventiones ob frequentiorem usum tales accepere vim ac naturam, quae etiamsi nihil specialiter dictum sit, ex ipso nomine satis intelligatur. D. Grot. 2. de jur. bell. & pac. cap. 12. n. 3. Alterum genus est earum conventionum quae nomine quidem proprio carent, sed quibus praeter consensum subest causa, ut hoc exprimit Jurisconsultus d. l. 7. §. 2. de pact. Et haec quoque conventiones obligationem & actionem pariunt. Causam definitionem vel factum certa lege, puta si quid tibi dedi aut feci ea lege ut vicissim mihi aliquid dares aut faceres, uti & Jurisconsultus d. l. 7. §. 2. ipse hoc explicat & innumeris locis significatur, l. 5. per tot. l. 8. l. 15. ff. de præscr. verb. l. 6. l. 33. C. de transact. l. 6. C. de rer. perm. & similib. Alias negotium dicitur, d. l. 15. de præscr. verb. & negotium civile, l. 2. l. de estim. act. id est tale quod constituit σύμβασις (contractum), unde obligatio & actio civilis; ne quis hic somniet de causa impellente aut finali quae pacientes movit; nam talis causa etiam in nudis pactis est: ut dabo tibi Sticum, tu mihi Pamphilum: dabo tibi equum, tu mihi insulam facies: dabo tibi partem bonorum ut a lite discedas, l. 2. l. C. de pact. l. 28. C. de transact. Videamus autem ne definitio contractus a nobis proposita nimis lata sit. Nam Labeo in l. 19. de verb. sign. contractum sic definit, ut dicat esse ultro citroque obligationem, id est negotium unde ultro citroque obligatio nascitur; at nostra definitio etiam ea negotia complectitur ex quibus unus tantum obligatur, qualia sunt mutuum & stipulatio, quae Labeo d. loc. expresse a contractu distinguit. Sed animadvertisendum est, Labeonem eo loco non definire generaliter quid sit contractus, aut quae sit propria hujus verbi significatio, sed quid prætor eo verbo significet, cum haec tria finitima significacionis in edito conjungit, actum, contractum, gestum. Nam cum haec singula per se possita & vi sua generalia sint, apparent Labeonem ea non ex propria significacione sed ex sententia prætoris illa conjungentis distinguendo ad certas species referre, verbumque contractus ad eas species traducere contractum quae mutuam obligationem pariunt. Nos vero hoc certo tenebimus, substantiam contractus in eo non consistere ut ultro citroque obliget; sed non minus pro-

prie si unus tantum alteri quam si invicem contrahentes inter se ex conventione obligentur contractam dici obligationem, & negotium ipsum appellari & esse contractum: id quod satis ostendit vetus & recepta contractum divisio, hoc text. & in l. 1. de oblig. & act. proposita, item l. 1. §. pen. de pact.

10. Apparet autem ex disputatione Ulpiani, in d. l. 7. §. 1. T. 2. de pact. unde nostra contractus definitio sumta est, neque pacta legitima neque ea quae contractibus adjiciuntur contractus esse aut cum contractibus confundenda, sed esse & manere pacta nuda, quamvis enim communem vim obligandi cum contractibus habeant; tamen neque in proprium nomen transeunt, nec causam cur dare aut facere debeas ullam habent praeter conventionem: utique si per se spectentur, illa sine adminiculo legis, haec sejuncta a contractu in quo fiunt. Ceterum Doctores haec etiam pacta vestiverunt, alterum vestimento assistentiae legis, alterum coherentiae contractus; quippe qui nuda ea pacta sola appellant quae efficaciam obligandi non habent & in terminis juris gentium manserunt. Quod etsi ratione non caret, tamen Veteres omnem conventionem extra contractum non alio nomine, quam nudi pacti simpliciter appellare solent, etiam quae obligandi efficacitatem habet, l. 6. l. 7. §. 5. ff. de pact. l. 10. l. 13. C. eod. l. 30. ff. de usur. l. 12. C. eod. l. 6. C. de jur. dot.

11. Usu jam pridem receptum esse constat, ut etiam ex nudo & simplici pacto actio detur, ita ut pacti nunc eadem vis sit quae stipulationis. Tantum meminerimus distinctuendas esse promissiones serias meditatas & utiles ab inconsideratis temerariis atque inutilibus: cum quis non dispositus, ut loquuntur, nec seriò, sed vel narrative vel per jocum & aliud agens aliquid pronuntiat, ut ex illis tantum non ex his obligatio & actio nascatur. Et hoc etiam iure Canonico satis expresse cautum est cap. 1. & cap. 2. x. de pact. & videmus pleraque etiam alia ad simplicitatem juris gentium hodie reducta. Vinn. De jure nostro expresse decisum est in l. 2. tit. 16. lib. 5. Recop. pacta nuda etiam si inter absentes conveniant fuerint actionem & obligationem parere: cuius decisionis effectus late persequitur Azeved. in comm. ad diff. leg. ADDIT. Connarus vir eruditione minime vulgaris prædictus existimat, ne jure quidem gentium ex nuda conventione obligationem oriri, lib. 5. comm.

comm. cap. 1. sed ei occurritur à D.Grot. lib. 2. de jur. belli & pac. cap. 11.

12. Aut re contrahitur aut verbis (c.) T'ποδιάποτε (subdivision) primæ speciei, id est eam obligationum quæ sunt ex contractu, summa à causis obligationem ex contractu proxime constituentibus. Nam contractus quidam re perficiuntur, quidam verbis, quidam literis: id est, obligationem tum demum producunt cum vel res vel certa verba vel scriptura intervenerit; quidam consensu sunt, id est, præter consensum quomodocunque declaratum ad sui perfectionem nihil desiderant. Itaque proposita divisio non sic accipienda est, quasi in ea obligationes quæ consensu dicuntur contrahi opponantur obligationibus quæ non contrahuntur consensu; nullus enim contractus nullave obligatio ex contractu sine consensu esse potest, l. 1. §. pen. de paſt. sed ita, ut obligationibus quæ non solo consensu sunt, sed præter consensum rem verba aut literas requirunt, oppositam intelligamus eam speciem quæ solo consensu contrahitur, nihil amplius ad constitutionem obligationis desiderans. Denominatae enim

sunt haec species ab eo quod cujusque proprium est & in unaquaque eminet.

Aut literis) Hanc speciem obligationis vindicentur Veteres comprehendisse sub ea quæ re contrahitur; quoniam ex literarum obligatione qui agit pecuniam petit ut mutuam. Certe plurim, quæ ex contractu sint, illi non meminerunt quam harum trium, re, verbis, consensu, l. 1. §. 1. l. 4. hoc tit. l. 1. §. 3. de paſt. l. 8. §. 1. de fidejuss. l. 1. §. 1. de novat. Et tamen hanc obligationem jam tum in usu fuisse constat ex tit. C. de non num. pec. Vinn. Immo multo certius hoc genus contractuum jam saeculo Christi 2. in usu fuisse constat ex Gaj. Inst. lib. 11. tit. 9. §. 12. Alia hujus contractus vestigia in ipsis π. deprehendit Galvan. de usuf. qui & observat, Veteres illos qui species contractuum nominatorum recensentes literarum obligationem omiserunt, eamdem sub verborum obligationibus comprehendisse. Et sane multo verosimilior est hæc Galvani quam Vinni nostri sententia, quia & in hac olim verba solemnia intercessisse ex Theophilo ad tit. Inst. de lit. obl. patet. HEIN.

TITULUS XV.

QUIBUS MODIS RE CONTRAHITUR OBLIGATIO.

Dig. lib. 12. tit. 1. lib. 13. tit. 6. & 7. lib. 16. tit. 3. Cod. lib. 4. tit. 1. 23. 24. & 34.
Et tit. 1. 2. & 3. Part. 5. Recop. lib. 5. tit. 18.

Continuatio. Quando obligatio dicatur re contrahi, & quæ obligationes huc pertineant.

Hoc titulo exponitur prima species obligationum quæ non ex solo consensu nascuntur, sed demum cum aliquid ad conventionem accessit, illæ nimis quæ nascuntur ex contractibus qui præter consensum rei interventum ad perfectionem sui requirunt: quæ obligationes ob id re contrahi dicuntur. Quid sit re obligationem contrahi nulla certa definitione sed exemplis ostenditur. Rectius facientes Compositores si primum commoda aliqua definitione rem declarassent, ac tum singulas enumerassent species; nam utrumque ad genus aliquod & species ejus generis cognoscendas est necessarium. Nunc & insufficiens videtur enumeratio specierum & difficilis est omissarum investigatione. Potest autem hæc obligatio sic describi:

Obligatio re contrahitur, cum datum aliquid aut factum ad consensum accedens obligationem inducit. Rem enim hic generaliter accipimus ut & facta comprehendat. Neque vero obligationes illæ solle huc pertinent quæ ex contractibus nominatis qui hic memorantur, mutuo, commodato, deposito, pignore nascuntur; sed etiam quæ ex contractibus innominatis, ex quibus omnibus obligationem non nasci constat, nisi datum aliquid aut factum ad conventionem accesserit, l. 1. §. 2. ff. de rer. perm. l. 3. C. eod. l. 7. §. 2. de paſt. l. 5. & passim de præscr. verb. diserteque Paulus in d. l. 1. §. 2. de rer. perm. hac notâ permutationem distinguit ab iis contractibus qui nudo consensu perficiuntur, quod in permutatione res tra-

dita demum initium obligationi præbet. Videri tamen possunt Veteres proprie & in specie tunc obligationem re contrahi dixisse cum res tradita vel in genere vel in specie reddenda est; ideoque solummodo quatuor illos hujus generis contractus nominatos quorum id proprium est: mutuum, quod id agitur ut res ejusdem generis: commodatum, depositum, pinus, quibus agitur ut eadem species restituatur, huc retulisse, l. 1. §. 2. cum 4. seqq. de obl. & att. quod & Justinianus secutus sit. Conventio restituendi, titulo & nomine contractus inclusa est.

TEXTUS.

De mutuo.

Re contrahitur obligatio, veluti mutui datione. Mutui autem datio in iis rebus consistit quæ pondere, numero, mensurave constat: veluti vino, oleo, frumento, pecunia numerata, aro, argento, auro, quas res aut numerando aut metiendo aut appendendo in hoc damus ut accipientium fiant. Et quoniam nobis non eadem res sed aliae ejusdem naturæ & qualitatibus redduntur: inde etiam mutuum appellatum est, quia ita à me tibi datur ut ex me mutum fiat; & ex eo contractu nascitur actio que vocatur certi conditio.

L. 2. tit. 1. Part. 5. & vid. integr. tit.

COMMENTARIUS.

- 1 Definitio mutui ejusque definitionis per partes explicatio.
- 2 Materia mutui; & an panes ad numerum mutuo recte dentur.
- 3 Cur mutui datio dumtaxat consistat in rebus consumtibilibus.
- 4 Emendationem D. Salmasii in l. 2. §. 2. de reb. cred. non videri necessariam.
- 5 Forma busus contractus propria.
- 6 Singularia que hic recepta.
- 7 Finis & effectus, tum consequentia.
- 8 Debitorem non probiberi eamdem rem quam accepit in specie reddere.
- 9 Commodum estimationis auctæ & incommodum diminutæ ad creditorem pertinere.
- 10 In estimatione inuncta, si debitor in eam condemnatus, cuius temporis aut loci ratio habeatur.
- 11 Speciale esse quod minui mutuo accepti etiam in alia forma & materia reddi possunt.

- 12 Autem aut diminuto numerorum valore eos reddi oppertere ea estimatione quæ est cum solvuntur, secundum comm.
- 13 Esse quidem de natura mutui ut eadem honestate res reddantur; de substantia non esse.
- 14 Etymon mutui.
- 15 Duplexne sit an una generalis certi conditio.

1. **M**utuum est, contractus quo res quæ pondere numero mensurâ constant alicui ita dantur ut ejus fiant, ea lege ut is quandoque reposcenti creditorî tantumdem ex eodem genere reddat. Constituitur mutuum non solo ac nudo consensu, sed rem intervenire ac tradi oportet, puta pecuniam numerari &c. quod Paulus sic expressit, *mutuum non potest esse nisi pecunia proficiatur;* l. 2. §. 3. de reb. cred. Atque in tantum hoc obtinet, ut nec ultra quam datum est obligatio contrahi possit: veluti si tibi dederim decem ut undecim reddas, non amplius quam decem condici poterunt, l. 11. §. 1. eod. l. 17. de paff. Quod si simpliciter convenerit ut tibi certam pecuniam summam mutuo dare: hæc conventio mutuum non est, sed nuda patio, nec nomen nec συμμαχία (contractum) habens, ac proinde nec eum qui se daturum promisit extra stipulationem jure civili obligat, per vulgat. Plane si pecunia apud aliquem jam sit, verbi gratia ex causa depositi, potest ea nuda voluntate transferri & converti in causam mutui fictione brevis manus, l. 9. §. ult. de reb. cred. In hoc igitur causam efficientem & simul rei gerendæ formam communem cernere licet. Illud notandum, mutuum non semper accipi pro ipso contractu, sed saepè etiam pro re mutuo data: quod etiam accedit deposito, commodato, pignorari.

1. *Quæ pondere, numero, mensura]* Materia mutui sunt res quæ pondere, numero, mensurâ constant, id est quæ ex certo pondere, numero, mensura ascinantur, & hoc modo sunt in commercio: ut visum, oleum, frumentum, pecunia numerata. Non autem res omnes quæ appendi, numerari &c. possunt; aliqui nihil fere esset in quo mutuum non consideret. Aliud scilicet est pondus, numerum, mensuram habere; aliud ex pondere &c. constare. Glossa in l. 2. §. 1. de reb. cred. negat panes ad numerum mutuo dari posse: quod alii contra simpliciter affirmant; sed recte Bart. in d. l. 2. §. 1. sic distinguendum censem, ut si panes limitata in ci-

civitate quantitatem habeant, id est definitum pondus, possit in his mutuum consistere ad numerum; sin minus, non nisi ad pondus.

3. Ideo autem in his rebus dumtaxat mutui datio consistit, quoniam earum dacione possumus in creditum ire, eo quod functionem eandem in genere recipiunt per solutionem quam in specie: id est quoniam haec res natura ita comparatae sunt ut aliae aliarum vice fungantur; ita ut re ejusdem generis soluta non aliud sed idem quod creditum est videatur redditum: quod secus est in ceteris rebus. Nullae enim aliae res tam sunt aequalis estimationis ut in suo genere solutae aliae aliarum vice fungantur, & mutuo tantumdem praestent; ideoque si non eadem res quae accepta est sed alia ejusdem generis reddetur, aliud pro alio solveretur, quod non licet invito creditore. Ad hunc modum disputat Paul. in d. l. 2. §. 1. de reb. cred.

4. Doctissimus Salmasius lib. de usur. cap. 1. textum emendat, & pro functionem recipiunt reponit suffectionem recipient; ne bis idem dici videatur, cum idem sit, ut ait, solutione quod functio. In quo viro clarissimo assentiri non possum. Primum quia functionis verbum latius patet quam solutionis, & ad omnia referunt quae vice mutua tantumdem praestant, aut quorum alterum alterius vicem explet, l. 6. de reb. cred. etiam ubi nulla intervenit solutio: veluti cum pignoribus fungi dicimur in vicem satisfactionis, l. 7. de præt. stip. vel noxae ditione fungi, l. 37. §. 1. ad leg. Aquil. §. 2. Inst. de nox. art. Deinde quia Jurisconsultus ita ut ibi loquitur loqui non potuit, nisi & quod acceptum in specie redditur recte dicatur suffici. Sed in his non sunt positae opes Graeciae.

5. Forma hujus contractus propria consistit in ipsa mutui datione, sive dominii rerum in accipientem translatione. Idque adeo mutui proprium esse creditum est ut etiam nomen ab eo acceperit: quod de meo tuum fiat, d. l. 2. §. 2. de reb. cred. Ex hoc autem intelligimus, & eum qui credit dominum esse oportere, & eo animo rem tradidi accipique ut is qui accipit dominus fiat, d. l. 2. §. pen. l. 55. de obl. & art. junct. l. 18. §. 3. de reb. cred.

6. Enimvero si debitorem meum jussero tibi dare pecuniam, aut si inter nos convenierit ut pecuniam ex mandati causa debitam crediti nomine retineas: obligaberis mihi quamvis meos nummos non acceperis. Item

si lancem tibi vendendam dederim ut nummis uteris, perinde mihi obligaberis ac si vendisset ipse pretiumque tibi tradidisset. Admissa enim est in his omnibus fictio brevis manus, auctore Ulpiano in l. 1. §. 15. de reb. cred. Quamquam difficilior videtur Africanus in l. 34. mand. vid. Cujac. tratt. 8. ad Africanum Illud quoque utilitatis causa receptum, ut si ex. gr. nummi alieni crediti fuerint, iis bona fide consumptis mutuum confirmetur & condicione nascatur; & generaliter, ut quod numeranti præstat pecunia translatio, hoc ea ab initio non translata præstat consumptio, l. 11. in fin. & 2. seqq. l. 19. §. 1. de reb. cred. l. 17. de solut.

7. Finis est, ut is qui rem mutuo acceptit pro commido suo ea uti camque consumere possit, atque ut aliquanto post rem ex eodem genere & tantumdem (quo aequo bonam quoque intelligimus) creditori reddat, d. l. 2. in pr. de reb. cred. l. 1. §. 2. de obl. & art. quod ipsum naturam obligationis mutui continetur licet de eo nihil nominatum convenerit, l. 3. de reb. cred. Ad effectum quod attinet, transit rei mutuo data dominium in debitorem cum obligatione restituendi rem ejusdem generis. Unde est, quod rei quam mutuo acceptit interitu non liberatur, §. 2. hoc tit. l. 1. §. 4. de obl. & art. nimirum duplice de causa; tum quia regulare est ut res pereat suo domino, l. 9. C. de pign. art. tum quia mutui debitor generis debitor est, genus autem numquam perit, l. 11. C. si cert. pet. Creditori hoc nomine adquiritur actio quae vocatur certi condicione, hoc text. in fin.

Numerando metiendo &c.] Quod si ex. gr. obsignatae dentur custodienda naturam cujusque corporis imitantur; & tum depositum est.

Ut accipientium fiant] Quae res mutuo dantur in hoc dantur ut accipientis fiant, l. 1. §. 2. de obl. & art. l. 2. de reb. cred. Cujus rei ratio est, quia nisi ea lege darentur, ne uti quidem illis liceret, quoniam usus earum sine consumptione plane nullus est.

8. Non eadem res] In mutuo non hoc agitur ut res eadem numero quae data est redatur, sicuti in commodato deposito pignore, sed alia ejusdem generis; seu, ut Veteres loquuntur, mutuum damus non recepturi eamdem speciem sed idem genus, d. l. 2. de reb. cred. alioqui ex causa mutui nulla fieret alienatio. Secundum quod Ulpianus respondet, non alienari nummos qui sic dantur

tur ut restituantur, *l. 55. de solut.* Quod tamen non eo pertinet ut non liceat debitori eamdem speciem quæ accepta est, si forte ea usus non sit, creditori restituere atque eo modo se liberare, quasi hoc sit contra conventionem, ut putabat Azo; nam totum hoc solius debitoris gratia cautum intelligitur, ut scilicet ille re mutua utatur si velit; sin autem usus non sit nihil prohibet quominus eamdem reddat, dum reddat non deteriorem; sic enim vel maxime res ejusdem generis ejusdemque bonitatis redditur, quod solum hujus contractus obligatio exigit, Joann. Bart. in *d. l. 2. n. 3.* Zas. *n. 9.* Don. *n. 5.*

9. Porro dum res reddatur ejusdem generis, eademque bonitate, idque suo loco ac tempore, aut alias ante item contestatam: quantacumque sit præsens æstimatio debitor liberatur, ita ut æstimatio præcedentis temporis in quæstionem non veniat; sed & auctæ commodum & incommodum deminutæ pertineat ad creditorem, per *l. 22. de reb. cred.* quippe æstimatio extra rem est, magisque proficiscitur ex rerum copia aut inopia quam bonitate. Don. ad *d. l. 3. n. 5.* & seqq. At enim æstimatio quia credita non est, pro re credita invito creditori obtrudi non potest, arg. *d. l. 2. S. 1. l. 1. de rer. perm.* DD. comm. in *d. l. 22.* Wesemb. par. de *reb. cred. n. 12.* quamvis contrarium usus servet Merul, lib. 4. dist. 4. sect. 3. tit. 1. cap. 2. n. 22. VINN. Lege 8. tit. 1. Part. 5. tunc æstimationem solvi posse statutum est, quum mutuarius speciem quam mutuo accepit solvere non potest. ADDIT.

10. Quod si tamen necesse sit condemnationem fieri in rei petitæ æstimationem, quia forte res præstari non possit, aut commutata præcedentis temporis æstimatio, quam æquum sit actorem consequi: in ea ineunda tempus litis contestatæ spectandum erit; & si mora facta sit quantum æstimatio postea crevit præstandum, *d. l. 22. l. ult. de cond. tritic. l. 59. de verb. obl. l. 37. mandat.*

11. Specialem rationem in nummis mutuo acceptis habet quod eos necesse non sit reddi in eadem forma aut materia, nisi creditor ex ea re damnum aliquod passurus sit, *l. 99. de solut.* arg. *l. 65. S. 1. de verb. oblig.* Quippe etiam tunc intelligitur idem genus nummorum redditum, cum ex. gr. pro aureis creditis tot argentei redditi sunt qui eamdem quantitatem efficiunt: puta pro uno auro qui valeat decem argenteos totidem argentei

probi & locabiles. Nam nummus non tam ex materia æstimatur quam ex hominum instituto seu valore imposititio. Id est in nummis non tam inspicitur corpus materia numerus qualitas, quam potestas valor seu æstimatio, *l. 1. de contr. emt.* ut proinde qui aureum debet non præcise corpus hujusmodi debere intelligatur, sed potius ipsius valorem seu potestatem publica lege ei impositam. Sic accipendum illud Senec. *6. de benef. cap. 5.* Pecuniam dicimus reddidisse, quamvis numeravimus pro argenteis aureos &c. Ceterum ita demum nummos mutuo acceptos solvere in alia forma aut materia licet, si id fiat sine injuria creditoris; si damnum ex ea re passurus sit creditor non licet, juxta responsum Pauli *d. l. 99. de solut.*

12. Atque hinc pendet decisio nobilissimæ quæstionis si post contractum æstimatio nummorum creverit aut decreverit, utrum in solutione facienda spectare oporteat valorem quem habebant tempore contractus, an qui nunc est tempore solutionis: intellige si nihil de ea re expresse dictum sit neque mora invenerit. Car. Molinæus *tratt. de usur. n. 693.* & seqq. Hotom. *illustr. quæst. 15.* Don. ad *d. l. 3. de reb. cred. n. 10.* & 11. contendunt tempus contractus inspicendum esse, id est ea æstimatione nummos reddendos, non quæ nunc est, sed quæ initio fuit cum dabantur. Nimirum nihil illi in pecunia numerata præter æstimationem considerandum putant, totamque nummi bonitatem in hac ipsa æstimatione consistere; ac proinde creditori non facere injuriam qui eamdem æstimationem quam accepit reddit; tantum enim reddere eum quantum accepit, quod ad solutionem mutui sit satis. Itaque secundum horum sententiam, si 100. aurei mutuo dati sint cum aureus valebat asses 50. reddantur autem cum singuli valent asses 55.: debitor reddens creditori aureos 90. aut in singulos aureos 50. asses, reddit quantum accepit, & liberatur & vicissim si imminuta sit ad eamdem modum aureorum æstimatio, non liberatur, nisi reddat aureos 110. aut in singulos aureos asses 55. Bartolus vero in *l. 101. de solut.* Bald. in *l. 24. de jur. dot.* Castr. in lib. 3. de *reb. cred.* & DD. comm. ut videtur est apud Boër. *dec. 327.* contrâ censem, spectandum esse in proposito tempus solutionis: id est aucto vel deminuto nummorum valore, ea æstimatione redi eos oportere, non quæ tunc fuit cum dabantur, sed quæ nunc est cum solvuntur; neque aliud statui pos-

posse sine creditoris aut debitoris injuria. Quæ sententia, ut mihi videtur, & verior & æquior est. Nam quod contrariæ sententiae Autœtores unicum urgent, in nummis non materia sed solius æstimationis imposititiae atque externæ, quam ob id vulgo extrinsecam nummi bonitatem vocant, rationem duci; nummumque nihil aliud esse quam quod publice vallet: vereor ut simpliciter verum sit. Utique enim materia numismatis fundamentum est & causa valoris; quippe qui variatur pro diversitate materiæ, oportetque valorem hunc iusta aliqua proportione materiæ respondere; neque in bene constituta Rep. nummo ea æstimatio imponi debet, quæ pretium materiæ ex qua cuditur supereret, aut supereret ultra modum expensarum quæ in signanda pecunia fiunt: quod ad singularum specierum valorem parum addere potest. Vid. Covarr. *de vet. coll. numism. cap. 7. n. 7.* Sed hoc ad actus & præstationes privatorum non pertinet. Illud pertinet, quod si dicimus creditis nummis nihil præter æstimationem eorum creditum intelligi, necessario sequitur creditorem teneri in alia forma aut materia nummos accipere, contra definitionem Pauli in *d. l. 99. de solut.* etiamsi dampnum ex eo passurus sit; nam qui recipit quod creditit nihil habet quod conqueratur. Sequitur & hoc, si contingat mutari nummorum bonitatem intrinsecam, id est, si valore veteri retento percutiantur novi nummi ex deteriore materia quam ex qua cusi qui dati sunt, puta, si qui dati sunt cusi fuerint ex puro auro postea alii feriantur ex auro minus puro & mixto ex ære: debitorem restituendo tot mixtos & contamnatos quot ille puros accepit liberari, cum insigni injuria creditoris & contra Interpp. penè omnium doctrinam, qui hoc casu solutionem faciendam esse statuunt ad valorem intrinsecum monetae qui currebat tempore contractus, testibus Gail. 2. obs. 73. n. 6. & 7. Borcholt. *de feud. ad cap. un. quæ sunt regal. n. 62.* Illud enim maxime in hac disputacione considerandum est, quoniam hic finis nummi principalis est ut serviat rebus necessariis comparandis, auctore Aristotele 1. *Polit. 6.* quod mutata monetæ bonitate sive extrinseca sive intrinseca pretia rerum omnium mutantur, & præmodo auctæ aut immunitæ bonitatis nummorum crescant aut decrescent: quod ipsa docet experientia; eoque facit 1. 2. C. *de vet. num. pot.* Crescunt rerum pretia si deterior materia electa, aut manente eadem materia valor auctus sit; decrescunt electu ma-

teriæ melioris, aut si eâdem bonitate materia manente valor immunitus fuerit. Fallitur enim imperitum vulgus dum sibi persuadet ex augmento valoris aurei aliquid sibi lucri accedere. Hoc autem fundamento posito, si quidem neutri contrahentium injuriam fieri volumus, ita definiendum videtur, ut si bonitas monetæ intrinseca mutata sit tempus contractus; si extrinseca, id est valor imposititus, tempus solutionis in solutione facienda spectari debeat. Atque ita sæpissime judicatum est. Boër. *decis. 327.* Ann. Robert. lib. 1. *rer. jud. cap. ult.* Myns. 4. *obs. 1.* Gail. d. *obs. 73. n. 6. & seqq.* Borcholt. *ad d. cap. un. quæ sunt regal. n. 58. & seqq.* Christin. vol. 3. *decis. I. n. 2.* D. Jac. Coren. *decis. Cur. sup. Holl. 23.*

13. *Ejusdem naturæ & qualitatæ]* Id est, ejusdem generis & eâdem bonitate, Luca. *cap. 6. v. 34. δανεῖσθαι ἡτα ἀπολάβεσθαι τὰ ἵστα* (*fænerantur ut recipient æqualia*). Atque horum alterum, ut res ejusdem generis reddantur, mutuo essentialis est, 1. 2. *de reb. cred.* alterum, ut eâdem bonitate, naturâ quidem mutui continetur, sed de substantia sive essentia mutui non est, 1. 3. *ead.* Itaque prius pacto mutari non potest quin in alium contractum res abeat. Nam si hoc actum, ex gr. ut pro oleo vinum, aut frumentum pro vino redderetur: non mutuum sed permutatio est, 1. *pen.* C. *de rer. perm. sive contractus do ut des, 1. 9. §. 1. de præscr. verb.* Posterior potest salvo manente mutuo, ad cuius substantiam hoc solum requiritur ut debeatur idem genus, *d. l. 2. arg. d. l. 3. junct. d. l. 5. §. 4.* Quæ in contractibus sint substantialia, quæ naturalia, quæ accidentalia ex communi sententia tradit Gab. Mudæus *tract. de contr. emt. part. 5. n. 13. & seq.* Phil. Matth. *ad l. 17. de reg. jur. Bellon. 1. supp. cap. 5.*

14. *Ut ex meo tuum fiat]* Bella hæc Juriſconsulti in *d. l. 2. §. 2. de reb. cred.* allusio est, non vera hujus verbi originatio, quod Varro *lib. 4. de Ling. Lat.* à voce Sicula *μοῖτοι* deducit: *Si datur, inquit, quod reddatur, mutuum est, quod Siculi μοῖτοι.* Sed & hoc ipsum videtur esse ex *μοῖ & τοῖ pro τοῖ*. Grot. *Flor. spars.* De quo plura D. Salmasius *lib. de usur. cap. 1.* Caye autem credas quod idem ibidem asserit, in mutuo de meo tuum non fieri; immo nisi de meo tuum fiat non est mutuum, *d. l. 2. & passim de reb. cred.* sed vide notata sub §. *ult. Inst. sup. quib. alien. lic. D. Cujac. 11. obs. 37.* à mutatione potius dictum exi-

stimat, quod mutetur hoc genere pecunia cum pecunia, dum par quantitas accipitur & redditur: quo etiam alludere videtur Cic. in epist. quadam ad Q. Metellum his verbis: *Quod autem scribis pro mutuo inter nos animo; quid tu existimes esse in amicitia mutuum nescio. Evidem hoc arbitror, cum par voluntas accipitur & redditur. Sed & verbum mutare à Siculo mutar suum fecisse videntur Latini. D. Salmasius d. loc.*

15. *Quæ vocatur certi conditio*] Mutuum contractus est μονηλεγες, ex uno tantum latere obligationem pariens, non ultra citroque; nam is solus ex hoc contra-etu obligatur qui mutuum accepit, & aduersus hunc mutuanti datur illa actio quam Justinianus ait vocari certi conditionem. De hac conditione magna est, licet non adeo magni momenti, quæstio, utrum scilicet specialis ea sit an generalis: id est, utrum conditione certi ex mutuo propriam & distinctam naturam ab aliis certis conditionibus habeat: an sit ejusdem nature in genere cum ceteris, & cum his, ex quacumque causa competant, sub communi genere conditionis certi continetur. Prius placet Interpretibus Citramontanis duplē certi conditionem statuentibus, unam specialem quæ competit ex causa mutui, (addunt aliqui & eam quæ competit ex causa stipulationis, inf. tit. Inst. de verb. obl. in pr.) alteram generalē quæ competit ex causis & obligationibus ceteris ex quibus certum debetur: quam superiori ut speciem diversæ naturæ opponunt Accurs. Bart. Castr. Jas. in l. 9. de reb. cred. Cyn. Salic. ad rubr. C. si cert. pet. Posterior vero Ultramontanus visum est, qui unum dumtaxat commune genus certi conditionis agnoscat, sub quo tam ea quæ ex mutuo aut stipulatione quam quæ ex aliis causis competit continetur, & ejusdem naturæ: quæ sententia verior est, per l. 24. de reb. cred. l. 5. §. 4. de obl. & att. & d. l. 9. de reb. cred. qui locus aperte ostendit in genere unam esse certi conditionem, in quo quacumque sit causa petendi petitio omnis certi conveniat, sive petatur ex mutuo sive ex stipulatione sive ex causa legati sive ex causa furtiva &c. Quod si pro diversitate cause agendi, quod medium concludendi Bartolus vocat, conditionem certi distingue-re velimus, quod per me licet: tot erunt ejus species statuenda quot sunt cause agendi propriae. Putavit Bartolus conditionis certi ex mutuo hoc proprium esse, quod in ea instituenda speciali medio concludendi uten-

dum sit, videlicet, quia mutuavi; in ceteris vero speciebus, & conditione certi generali sufficere si dicam me certum petere. Quod falsum est. Utique enim cum, ex gr. centum peto ex causa legati utorque in eo conditione certi, concludere debo, quia mibi legata, ut actio speciem futuræ litis demonstret, arg. l. 3. C. de edend. Zas. ad d. l. 9. de reb. cred. n. 9. & seqq. Don. ibid. n. 4. & seqq. Goedd. de contr. stipulat. cap. 11. conclusion. 2. VENN. Recte quidem dicitur conditionem certi esse actionem generalem quæ ex omnibus causis unde certum debetur competit. Sed tamen eum mutuum sit contractus nominatus, cujus natura est ut actionem producat cognominem: genuinum actionis ex hoc contractu nascentis nomen est *actio mutui*, l. 5. C. quib. non objic. long. temp. præscr. quemadmodum ex stipulatione *actio ex stipulatu*, quamvis illa ab obligationis qualitate conditione certi, hæc modo certi modo incerti cognominetur. HEIN.

TEXTUS.

De indebito soluto.

1. *Is quoque qui non debitum accepit ab eo qui per errorem solvit re obligatur, daturque agenti contra eum propter repetitionem conditionis actio. Nam perinde ei condici potest, si appetet eum dare oportere, ac si mutuum accepisset. Unde pupillus si ei sine tutoris auctoritate indebitum per errorem datum est, non tenebitur indebiti conditione, non magis quam mutui datione. Sed hæc species obligationis non videtur ex contractu consistere; cum is qui solvendi animo dat magis voluerit negotium distrabere quam contrabere.*

L. 28. tit. 14. Part. 5.

COMMENTARIUS.

P Er occasionem disputationis de mutuo sub-jicitur hic aliquid de indebito per errorem soluto ut ex textu appareret. Habet enim solutio indebiti multa cum mutui datione communia, quæ congressit Cujacius 8. observ. 34. Duo hic referuntur ut statim videbimus. Ceteroquin non est hujus loci proprium tractare de obligatione ejus qui indebitam pecuniam quasi à debitore accepit; quippe quæ obligatio non est ex vero contractu, sed quasi ex contractu oritur, ut demonstrabitur suo.

suo loco. Plane si quis dubitans nominatum hac lege solverit ut si postea appareret esse indebitum redderetur, hoc casu magis est ut ex vero contractu accipiens obligetur.

Re obligatur] Requiritur enim ad hanc obligationem producendam ut quid solutum sit, sive naturaliter datum & præstitum solutionis causa, tamquam debitum.

Condictitia actio] Id est condicō indebiti. Actio enim condicō idem valet quod condicō, l. 24. de reb. cred. l. 7. de cond. ca. dat. §. 24. & seq. Inst. inf. de actione.

Perinde ac si mutuum] Prima convenientia indebiti soluti cum mutuo ex duabus quarum hic fit mentio. Sic Gajus in l. 5. §. 3. de obl. & aff. scribit, eum qui non debitum accepit eādem actione teneri qua debitores creditoribus: ubi debitorum & creditorum nomen stricte ad mutui dumtaxat causam refertur. Enim vero & qui indebitum accepit & qui mutuum tenentur quidem eādem actione, quod attinet ad idem actionis genus; uterque enim tenetur conditione certi; ceterum pro causa petendi diversitate sunt etiam hæc diversæ species conditionis certi, condicō ex mutuo, & condicō indebiti; differunt enim mutuum & solutio indebiti ratione objecti; siquidem mutuum earum tantum rerum est quæ pondere, numero, mensura constant; solvi autem per errorem quasi debita etiam quævis alia possunt, & soluta condici, quibus in creditum non itur. Quamobrem non satis causæ video cur solutionem indebiti promutuum Cujacius vocet.

Unde pupillus &c.] Altera indebiti soluti cum mutuo similitudo. Ut pupillus mutuam pecuniam sine tutoris auctoritate accipiendo non obligatur, l. 59. de obl. & aff. ita nec accipiendo pecuniam indebitam; nisi solutio factus sit locupletior, l. 13. §. 1. de cond. ind. quod generale est, l. 5. de aff. tut. l. 4. §. 4. de dol. exc.

Non videtur ex contractu] Ideoque melius à Gajo collocatur in earum classe quæ quasi ex contractu nascentur, l. 5. §. 3. de obl. & aff. Sed & à Justiniano ob hanc causam infrà in eodem ordine repetita est, tit. 28. bjuris lib. §. 6. & seq. ubi nos etiam accuratius de ea disputamus.

TEXTUS.

De commodato.

2. Item is cui res aliqua utenda datur, id est commodatur, re obligatur & tenetur commodi actione. Sed is ab eo qui mutuum accepit

longe distat; namque non ita res datur ut ejus sit, & ob id de ea re ipsa restituenda tenetur. Et is quidem qui mutuum accepit, si quotlibet fortuito casu amiserit quod acepit, veluti incendio, ruina, naufragio, aut latronum hostiumve incursu, nihilominus obligatus manet. At is qui utendum accepit sane quidem exactam diligentiam custodiendæ rei præstare tenetur, nec sufficit ei tantam diligentiam adhibuisse quantum suis rebus adbibere solitus est, si modo aliis diligenter poterat eam rem custodire; sed propter majorem vim maioresve casus non teneatur, si modo non ipsius culpa is casus intervenierit; alioqui si id quod tibi commodatum est domini peregre tecum ferre malueris, & vel incursu hostium prædonumve vel naufragio amiseris: dubium non est quin de restituenda ea re tenearis. Commodata autem res tunc proprie intelligitur si nulla mercede accepta vel constituta res tibi utenda data est; alioqui mercede interveniente locatus tibi usus rei videtur; gratuitum enim debet esse commodatum.

L. 1. tit. 2. Part. 5. & vid. integr. tit.

COMMENTARIUS.

- 1 Quid sit commodare, & quid commodatum differat à precario.
- 2 Contractuum quosdam esse ποντηίπες (unilaterales), quosdam διπλαίγες (bilaterales), alias medii generis.
- 3 Notatur duplex differentia inter commodatum & mutuum.
- 4 Dolum in omnibus contractibus præstari, casum fortuitum in nullo, & quid utrumque: tum an periculi nomine semper casus veniat.
- 5 Inter casus fortuitos non numerari qui cum culpa conjuncti esse solent, & qui isti casus.
- 6 Quibus ex causis cesseret regula de casibus fortuitis non præstandis.
- 7 Culpa quid & quotplex. Plenius quam vulgo.
- 8 Quid culpa lata, quæ & dolo proxima.
- 9 Quid culpa levis.
- 10 Quid levissima, ubi & alia minus trita.
- 11 Latam culpatum non minus quam dolum in omnibus contractibus præstari, rejecta Zasii distinctione.
- 12 Qui contractus dolum dumtaxat recipiantur qui vero & culpatum: tum in quibus negotiis etiam officii debitor culpatum præstes & diligentiam.
- 13 Positivos, exactus, diligens saepè pro superlativis, exactissimus, diligentissimus, in hac disputatione ponì & contra.

- 14 *Consecaria ex textu deducta.*
 15 *Quando culpa à commodatario abesse intelligatur.*
 16 *Commodatum proprium nullum nisi gratuitum.*

1. **S**ecunda species obligationis quæ re contrahitur ex quatuor quæ hoc tit. recensentur est obligatio commodati. Commodare est, rem alicui gratis certo modo utendum dare. Est rem utendam dare; proinde non tantum res mobilis sed etiam soli commodari potest, veluti fundus, ædes; nam & habitationem commodari posse placuit, l. i. §. 1. *commod. l. 17. in pr. de præscr. verb.* Quod autem utendum datur, ejus rei non dominium transfertur sed usus tantum accipienti ad tempus conceditur salva rei substantia; & non tantum proprietatem rei commodatae sed etiam possessionem retinemus, l. 8. ff. *boc tit.* Ex quo intelligimus, id quod usu consumitur commodari non posse, nisi forte dicis causa ad pompam vel ostentationem, l. 3. §. ult. l. 4. *commod.* Quamquam auctores aliquando etiam in istiusmodi rebus hoc verbum usurpant, pro mutuo dare scilicet. Cicero *Verrin. 5. commodasti tritici modios sexaginta;* ut & mutuari pro commodato accipere. D. Salmas. *cap. 7. de usur.* Deinde etiam hoc, commodatarium eam ipsam rem quam accepit finito usu restituere debere. Adjecimus, *gratis;* quia nisi gratuito res utenda concedatur commodatum non est sed aliud genus contractus, *boc text. in fin.* Denique consulto addimus, *certo modo,* ut hac nota commodatum (quod quidam etiam sic dictum putant quasi cum modo datum) discerneremus à preario, quo quidem & ipso res utenda datur & gratis, sed simpliciter & ad certum usum: cuius rei hic effectus est, ut precarium statim cum vindetur revocare liceat, etiam tunc cum ad certum tempus datum est; commodatum non liceat nisi finito tempore utendi *præscripto,* l. 1. 2. *C. 12. de precar. junct. l. 17. §. 3. commod.* Et quia precarium numquam transit in necessitatem obligationis, inde est quod nec ulla jure civili eo nomine *actio* est, sed interdictum de preario introductum, l. 14. *de precar. l. 14. §. 11. de furt.* quod tamen cessat cum quis de re sibi restituenda cautum habet, l. 15. §. 3. *de precar.* & tunc ager preario dans vel ex stipulatu, si stipulazione sibi caverit; vel *præscriptis verbis,* si patto, l. 2. §. 2. l. 19. §. ult. eod. ubi vocatur *condicō incerti*, quia condicitor possessio rei preario rogatae. vid. l. 15. §. 1. l. 40. §. 1.

de condicō indeb. Plane ipse commodatarius quovis tempore rem reddere potest; quippe cui licet non uti, & beneficio renuntiare.

Re obligatur] Commodare non est convenire de re utenda danda, quod nudum pactum est, sed utendum dare & tradere; unde satis intelligitur si qua hic contrahitur obligatio eam non solo consensu contrahi sed re, l. 1. §. 3. *de obl. C. att.*

Commodati actione] Directa scilicet. Potest enim ex hoc contractu etiam commodatario actio queri adversus commodantem, quæ contraaria dicitur: sicut in deposito quoque & pignore usu venit, item in mandato, negotiis gestis, tutela, de quibus inf. suis locis.

2. **N**imirum, quod hic notandum est, contractuum quidam sunt *μονοπλευροι*, qui ex uno tantum latere obligant; quidam διπλευροι qui ultro citroque: quidam media inter hæc genera naturæ, ex quibus nec semper unus nec semper uterque obligatur; quamvis & hi inter διπλευροι numerentur, *sup. tit. Inst. de aut. tut. in princ.* Primi generis sunt mutuum & stipulatio, quorum ea natura est ut & ab initio ex uno tantum latere obligent, eum scilicet qui accepit aut promisit, nec ex postfacto conditionem mutant. Secundi generis sunt emtio, locatio, societas, ex quibus statim mutua nascitur obligatio. Estque in his par utriusque contrahentis in obligatione constituenda ratio. Intermedii generis sunt commodatum, depositum, pignus: qui contractus natura comparati sunt ad unum dumtaxat obligandum, eum qui accepit videlicet; ut liquet ex fine principali contrahentium; neque ab initio dantem itidem obligant; sed fit tamen in his sæpe ex postfacto & accidenti ut contrâ ille quoque qui dedit accipiente obligetur: veluti si accipiens in rem acceptam necessarias impensas fecerit, aut per causam rei damnum passus sit, quas impensas refundi damnumque ei sarciri æquum est, l. 17. §. 3. l. 18. §. 2. l. pen. *comm. l. 31. de pign. att. l. 5. depos.* Atque hinc actiones quibus commodatarius, depositarius, creditor pigneratius tenentur, ut scilicet rem quam acceperunt restituant, nomen *directarum* acceperunt; quæ vero ex contrario ipsis accommodantur, de indemnitate eorum adversus commodantem, deponentem, debitorem, contrarie dictæ sunt. Unde *tit. ff. commodari vel contra, depositi vel contra &c.* Idem quoque usuvenit in mandato & quasi contractibus mandato similibus, negotiorum voluntaria administratione, & tutela,

l. 5. pr. & §. 1. de obl. & aff. Contrariæ actiones præter pecuniariam condemnationem ejus quod agenti abest nihil habent ; quoniam in his de perfidia non agitur , sed tantum de indemnitate actoris ; unde nec in item in his juratur , nec damnatus ex ulla causa fit infamis , *l. 5. depos. l. 6. in fin. de bis qui notant. infam.* *§. pena. Inst. infr. de pœn. temere litigant.* **VINN.** Singulare quid observatur in actione mandati contraria , ex qua damnatus mandans fit infamis eo casu , si quis mandante illo fidejussit , & ille tamen indemnitate prestatore renuit , *l. 6. §. 5. ff. de bis qui not. infamia.* **HEIN.**

3. *Ab eo qui mutuum accepit] Notantur ex Gajo l. 1. §. 4. de obl. & aff. duæ differentiæ inter mutuum & commodatum. Quærum prima est quod is qui mutuum dat rem facit accipientis ; is vero qui dat commoda to proprietatem rei retineat , l. 8. & seq. commod. cui proinde eadem res in specie seu eadem eodem numero finito usu restituenda sit. Altera , quod is qui mutuum accepit fortuita amissione ejus quod accepit non libetur , cujus rei ratio sub princ. hujus tit. indicata est ; commodatarius vero liberetur si res sine facto ejus perierit , exemplo ceterorum debitorum qui speciem aliquam debent , l. 5. de reb. cred. l. 23. de verb. obl.*

4. *Sane quidem exactam diligentiam] Si res alienæ vel aliis debitæ peremptæ perderitæ aut deteriores apud nos factæ fuerint. Quaritur , non incommodato tantum sed in omnibus ferre contractibus & negotiis , ad cujus id damnum pertineat. Quæstio diffusa & perquam difficilis , cujus sedes in π. est l. 23. de reg. jur. l. 5. §. 2. commod. In Instit. hoc potissimum loco tractatur. De eo inter omnes convenit , aliud in proposito statuendum esse si dolo malo , aliud si culpâ debitoris , aliud si casu fortuito quid eorum quæ diximus contingit. De dolo & casu facilis præceptio est ; culpæ difficilior explicatio. Dolus est , occulta machinatio consultò ad nocendum alteri adhibita , l. 1. §. 1. de dol. mal. Eum omnes contractus recipiunt , sive , quod idem valet , in omni contractu dolus prestat , d. l. 5. §. commod. d. l. 23. de reg. jur. Cujus definitionis hæc sententia est : quidquid quo vis in contractu dolo malo factum est à debitore quo res periret , deterior fieret , aut perderetur : detrimentum esse debitoris , perindeque eum teneri ac si nihil eorum accidisset. Adeo autem in omni judicio dolus prestat , ut nec conventione contrarium*

effici possit , videlicet ne dolus prestat ; cum talis conventio sit contra bonos mores invitetque ad delinquendum , d. l. 23. de reg. jur. l. 1. §. 7. depos. l. 23. §. 3. & 4. de pat. Plane de præterito dolo pacisci licet & actionem quæsitatam remittere , l. 7. §. 14. d. l. 27. §. 4. de pat. Casus fortuiti contraria definitio est ; nam ut dolus ab omnibus & in omnibus judiciis prestat , ita contrà casus fortuiti nullo judicio & à nemine prestat dicuntur , d. l. 23. de reg. jur. in fin. l. 6. C. de pign. aff. ubi verba illa , *in nulo bona fidei judicio* , adjecta non sunt ad excludenda judicia stricti juris , per l. 23. de verb. obl. l. 5. de reb. cred. sed addita propter eos contractus bonæ fidei in quibus solius debitoris utilitas versatur , cujus generis est commodatum. Nam si hic non prestat casus , multo minus illic prestat debet ubi solius creditoris commodum vertitur , quantumvis contractus sit stricti juris , ut bene Don. ad d. l. 6. n. 21. Casum fortuitum definimus omne quod humano captu previderi non potest aut cui præviso non potest resisti , l. 18. commod. l. 15. §. 2. ff. locat. d. l. 6. C. de pign. aff. Alio generali nomine casus & vis major dicitur , l. 13. in fin. de pign. aff. l. 25. §. 6. locat. l. 1. §. 4. de obl. & aff. item fatuus & damnum fatale , l. 16. de rei vind. l. 5. §. 4. commod. l. 3. §. 1. naut. caup. stab. l. 2. in fin. de peric. & commod. rei vend. cum similib. Qui vero periculum dicit is quidem plerumque etiam casum fortuitum intelligit , l. 4. l. 11. de reb. cred. l. 17. §. 1. 2. & pen. de præscr. verb. l. 12. & 2. seqq. ff. de peric. & comm. l. 1. C. commod. l. 9. C. de pign. aff. sed non semper. Nam interdum etiam periculo nostro res esse dicitur in qua culpam prestat & maxime levissimam nos oportet , non etiam casum improvisum , l. 13. §. 1. de lib. ca. l. 40. locat. l. 25. pro soc. l. 14. §. 16. de furt. l. 1. §. 35. depos. l. 3. pr. naut. caup. stab. & passim hæc phrases occurunt , periculum custodiæ subire , periculo culpe vel negligentiae subjici , adstringi , illigari , l. un. §. 4. furt. adv. naut. l. 39. §. 12. & l. 40. de adm. tut. d. l. 1. §. 35. depos. Sed & appellatione casus interdum negligentia significatur. Gajus scribens ad legem XII. tabb. Casu , inquit , id est negligentia , l. 9. de incend. ruin. nauf. quæ interpretatio confirmatur , lege 28. §. 12. vers. nam fortuita de pœn. & ita cape legem s. §. 2. l. 12. §. 2. eod. Casus fortuiti variis sunt , veluti à vi ventorum , turbinum , pluviarum , grandinum , fulminum , æstus , fri-

frigoris, & similium calamitatum quæ coelitus immittuntur. Nostri vim divinam dixerunt, Græci δεις θιαρ l. 25. §. 6. locat. item naufragia, aquarum inundationes, incendia, mortes animalium, ruinæ ædium, fundorum chasmata, incursus hostium, prædonum impetus &c. fugæ servorum qui custodiri non solent: quæ species passim occurruunt, d. l. 23. de reg. jur. d. l. 5. §. 4. l. 18. commod. l. 15. §. 2. locat. d. l. 3. §. 1. naut. caup. stab. His adde damna omnia à privatis illata quæ quominus inferrentur nulla curâ caveri potuit, l. 19. commod. l. 31. de act. emis. l. 4t. locat.

5. Ad casus autem fortuitos non sunt referendi illi casus qui cum culpa conjuncti esse solent: cujusmodi sunt furta, l. 52. §. 3. pro soc. l. 14. §. 1. de peric. & comm. item incendia intrinsecus orta, l. 3. §. 1. de off. præf. vig. l. 11. de peric. & comm. rei vend. Quamobrem qui rem furto amissam, vel incendio verbi causa servorum negligentia orto, consumtam dicit: is diligentiam suam probare debet. Quod vero incendium in alienis ædibus obortum occupat ædes vicinas, aut quod fulmine excitatum, aut à græsatoribus vel incendiariis immittitur: id inter casus fortuitos numerari debet. Vid. Gail. 2. obs. 21. Sande lib. 3. tit. 6. n. 9. Fachin. 1. contr. 87. Don. ad l. 6. C. de pign. act. n. 6. & 3. seqq. Sichard. ibid. n. 4. Moller. 4. semestr. 31. D. Tuld. in comm. ad tit. de leg. Aquil. cap. 8.

6. Porro regula de casibus fortuitis non præstandis proposita certa & perpetua est, ubi nihil amplius debitori objicitur quam casus fortuitus; cessat autem si aut mora casum præcesserit, aut debitor rei periculum in se ultro suscepere. Etenim moræ intervenientis hic effectus est, ut obligatio perpetuetur; quod hanc habet sententiam: si res debita post moram à debitore factam periret ipsius id detrimentum esse, perindeque eum perpetuo teneri ac si res adhuc extaret, l. 23. de verb. oblig. l. 82. §. 1. l. 91. §. 3. eod. add. Christin. vol. 2. decis. 117. Conventio quoque in negotio gerendo interposita de casu præstando, facit ut debitorem damna fatalia sequantur, l. 1. §. 35. depos. l. 23. de reg. jur. l. 1. C. depos. Medium inter duo illa extrema, dolum & casum fortuitum, culpa est. Hæc neque unius est generis neque quævis à quovis debitore præstatur. Proinde quæstio de præstatione culpæ huc reddit, primum ut nòrimus quid sit cul-

pa & quotuplex; tum quæ culpæ species quibus in contractibus præstentur.

7. Culpam definio omne factum inconsultum quo nocetur alteri injuriæ. Facti nomine etiam quod omissum neglectumve est intelligimus; nam & non facere quod facere oportet culpa est, l. 91. pr. de verb. obl. sicut è contrario & negligentia adscribitur quod temere & inconsulte quis agit. Dicimus factum inconsultum, ut culpam secernamus tum à dolo tum à casu fortuito. A dolo, quia dolus non est sine consilio & proposito nocendi, culpa est ἀποαιperos. (*involuntaria*) A casu fortuito, quia quod inconsidere & per negligentiam fit humanitus vitari & prudenti ac diligentem consilio caveri potest; unde culpa alio nomine negligentia dicitur, §. seq. hoc tit. l. 1. §. 5. de obl. & act. l. 72. pro soc. l. 213. §. ult. de verb. sign. Græcis ἀμέλεια (*incuria*). Damna autem fatalia nec consilio se regi patiuntur nec humana prudenter averti possunt. Addimus *injuriæ*; nam quod jure permittente fit non magis delictum est quam id factum quod alii non nocet, l. 4 C. ad leg. ful. de adult. Species culpæ quo sint, & quid singulæ: in libris juris quos habemus ex professo traditum aut explicatum non est; meminerunt tamen Prudentes culpæ late, item levis & levissimæ. Quamobrem tres hasce culpæ species, aut si mavis gradus, faciemus iisdem appellationibus inter se distinctas, latam, levem, levissimam, nam & ex adverso tot sunt species seu gradus diligentia. Est enim diligentia quædam minima seu infima: est media, μέση ἐπιμέλεια: est & maxima, quam Græci μεγάλη (*magnam*), item ἀρχαὶ (*summam*), & ἀρχιθέτην (*exquisitissimam*) appellant. Vid. Scholiast. Harmenop. lib. 6. tit. 2.

8. Latam culpam è regione opponimus infimo gradui diligentia, ut sit omission ejus diligentia quam omnes homines suis rebus adhibere solent; aut id factum in re aliena quod nemo admitteret in re propria. Itaque in lata culpa est qui non prospicit, curat, cavit quod omnes qui modo sensu communis prædicti sunt provident & intelligunt se caverre aut curare debere, d. l. 213. §. ult. l. 223. de verb. sign. l. 32. depos. l. pen. §. 2. de jur. & fact. ign. veluti si quis noctu ædium ostia aut fenestras per quas de pleno intrari potest apertas reliquerit; aut si quis rem fidei suæ commissam in loco publico aut eo quo quis accedere potest incustoditam jactare patiatur, credens neminem venturum qui auferat. Hac eadem culpæ peccat si quis

rem quam vendere debebat corrumphi passus sit, l. 22. §. 3. ad sen. Trebell. item putator arboris qui non proclamans ramum in viam publicam dejectit eoque ictu prætereuntem interficit, l. 7. ad leg. Corn. de sicar. Alia exempla hujus culpæ habes in lege 8. §. ult. & l. 29. §. 3. mand. In summa, quicumque non facit in re aliena quod vel minimum diligens homo in sua faceret hujus culpæ reus est. Dicitur & culpa latior, d. l. 32. depos. gravior, l. 54. §. 2. de adq. rer. dom. Item lata, magna, crassa, supina, dissoluta negligentia, l. 226. de verbor. sign. l. 7. §. 2. de adm. tut. l. 7. §. 1. de susp. tut. l. 29. pr. mand. l. 55. de ædil. edit. l. 6. de jur. & fast. ignor. & passim per periphrasin culpa dolo proxima, l. 4. de mag. conv. l. 47. §. pen. de legat. i. l. 8. §. 3. de precar. l. 22. §. 3. ad senat. Trebell. cum similibus.

9. Leuem culpam opponimus diligentiae mediae, ut intelligatur esse omissione ejus diligentiae quam hominum natura desiderat, id est mediocris, & quam vulgo homines frugi suis rebus adhibere soliti sunt, arg. d. l. 32. depos. aut id admissum in re aliena quod diligens paterfam. non committeret in re sua. Et ideo in jure nostro non exigitur ad consuetudinem hominis diligentissimi, sed ad eum modum quo quis curat res proprias, hoc text. l. 1. §. 4. de oblig. & aſt. l. 25. §. 16. famil. ercisc. l. 1. de tut. & rat. distr. l. 17. de jur. dot. l. 72. pro soc. l. 22. §. 3. ad Treb. modo ne nimium negligenter in suis quoque rebus versetur; nam in abstracto hoc magis consideratur quam in concreto, relatione habita ad diligentiam talem quallem communiter bonus & diligens paterfam. suis rebus præstare consuevit, non quallem unus è multis, sed quallem magna pars patrum fam. l. 35. §. 4. de contr. emt. l. 14. de pign. aſt. l. 11. de peric. & comm. rei vend. Itaque levi culpa peccat si quis verbi gratia non clauerit fenestras altiores quam ut de plano intrari possint, & fures admotis scalis ingressi fuerint; aut si incendium domesticorum negligentia exortum sit quod adhibita consueta boni patrisfamilias diligentia præcaveri potuisse, l. 11. de peric. & commod. Levi culpæ & imperitia fere annumeratur, l. 131. de reg. jur. l. 8. §. 1. ad leg. Aquil. l. 9. §. pen. locat. Puto autem imperitiam in artifice seu qui peritiam alicujus rei profitetur pro levi culpa habendam, l. 9. §. 5. l. 13. §. 5. locat. l. 12. de furt. in aliis pro levissima. Denique huic culpæ obnoxius est quicumque non pro-

videt quocumque à diligente provideri potuit, l. 31. ad leg. Aquil. Hæc species fere in usu juris sola significatur quoties verbum culpæ absolute ponitur, aut dolo opponitur, ut innumeris locis videre est, l. 5. §. 2. commod. l. 23. de reg. jur. l. 11. de neg. gest. l. 25. §. 16. fam. erc. l. 5. §. 3. de in lit. jur. l. 1. §. 35. depos. l. 72. pro soc. l. 17. ff. de jur. dot. l. 5. l. 8. C. de pign. aſt. cum similibus.

10. Levissimam culpam oponimus diligentiae summa, ut sit omissio ejus diligentiae quam vigilantissimus quisque atque attentissimus paterfam. suis rebus adhibet, l. 18. commod. l. 1. §. 4. de obl. & aſt. l. 3. de peric. & comm. rei vend. §. 1. Inst. inf. de obl. quæ quasi ex contr. aut id commissum in re aliena quod diligentissimus paterfam. omittet. Quare hanc culpam qui præstat non excusabitur si eam rebus alienis diligentiam præstiterit quam aut ipse aut plerique suis rebus adhibere solent, modo quis alius diligentior majori cura adhibita damnum quod illatum est vitare potuerit; nam ad exactissimam diligentiam hæc culpa dirigitur, hoc text. d. §. 1. in fin. inf. de obl. quæ ex contr. d. l. 1. §. 4. de obl. & aſt. d. l. 18. commod. d. l. 72. pro soc. §. ult. Inst. infr. de societ. Exempli gratia, non carebit culpæ levissima si quis fenestras versus publicum remotiores à locis in quibus dormit familia non muniuit clathris aut ferreis perticis. Levissimæ culpæ mentio fit in lege 44. ad leg. Aquil. passim per oppositum indicatur verbo diligentiae aut custodiæ, quo summa & exactissima significatur, d. l. 5. §. 2. commod. l. 23. de reg. jur. l. 47. §. pen. de legat. 1. Ersi vero non omnis culpa ejusdem gradus secundum hanc distinctionem æqualis est (nam qualitas facti & circumstantia semper augent aut minuant culpam, ita ut in hominum actibus certis terminis circumscribi nequeat): tamen ad cognitionem hujus materiae poterit nobis sufficere trium graduum distinctio, ut bene ostendit Decian. lib. 1. trah. crim. cap. 6. & Pet. Fab. ad l. 23. dereg. jur. prudenterque notat D. Tuldenus, comment. ad hunc tit. cap. 8. cum varia hæc sint atque incerta, nimisque vaga, quam ut singula scientia & perpetui regulis subjici possint, magisque ad prudentiam referantur & arbitrium judicis: tamen generalibus his præceptis & definitionibus religionem judicis sufficienter instrui posse, iisdemque arbitrium illius dirigendum. Restat nunc ut videamus qui contractus quam culpam recipient.

11. Lata culpa dolo comparatur, perin-

deque ut dolum in omni contractu hanc cul-
pam præstari placet: non quod revera & fa-
cti genere dolus est (contrarium enim os-
tendit ejus definitio & loci in quibus à
dolo aperte distinguitur , l. 22. §. 3. ad Tre-
bell. l. 7. ad leg. ff. Corn. de sic. l. 20. C. de neg-
gest. l. 7. C. arb. tut.) sed quia prope fraudem
ac dolum accedit , l. 29. mand. l. 7. §. 1. de
sup. tut. & doli ac malitia quasi consanguine-
a est; unde etiam passim culpa dolo pro-
xima vocatur. Nam quod legimus latam seu
magnam culpam dolum esse , l. 32. depos. l.
226. de verb. sign. dolum accipi debere etiam
latam culpam , l. 5. §. 15. ut in poss. leg. ma-
gnam negligentiam etiam in doli crimen ca-
dere , l. 1. §. 5. de obl. Et ait. id ad com-
munem juris effectum referendum est; quo-
niam lata culpa interpretatione juris dolum
repræsentat, jure effectum doli patitur. Et
quod Celsus scribit, eum qui lata culpâ pec-
cat fraude non carere, in eo respicit ad vio-
lentam præsumptionem quæ jure pro re explo-
rata habetur. Explodenda enim est distincio
Zasii inter latam culpam ignaviæ & versu-
tiæ, quamvis eam probet Myns. in §. 6. Inst. sup.
de susp. tut. nam versutiæ culpa quid aliud
est revera quam dolus, quam malitia? Quid
latinis versutus aliud quam homo callidus qui
sese alterius decipiendi gratia in omnes spe-
cies vertit? Ex hac porro interpretatione est,
quod quotiescumque contractus dolum recipere
dicitur, verbo doli etiam lata culpa in-
telligatur, etiamsi in lege lata culpæ mentio
non fiat, adeoque etsi dolus notetur particu-
lis taxativis, solum, dumtaxat &c. l. 3. §. 1.
naut. caup. stab. l. 5. §. 2. commod. l. 23. de
reg. jur. l. 1. §. ult. depos. l. 1. §. 1. si mens.
fals. mod. l. 8. §. 3. de prec. l. 180. §. 12.
de legat. l. §. seq. hoc tit. cum similibus. At-
que hoc etiam procedit in causis famosis, &
nonnumquam etiam cum ex causa delicti civi-
liter agitur ad pœnam, l. 11. §. ult. de bis
qui netantur infam. l. 7. §. 1. de sup. tut. l.
1. §. 2. siis qui test. lib. l. pen. de incend. ruin.
naufr. quibus locis refutantur qui simpliciter
negant in causis famosis & delictis latam cul-
pam dolo comparari, per ll. 3. 4. Et §. de
serv. corrupt. l. 50. §. ult. de furt. add. quæ
nos sub §. 6. Inst. de sup. tut. Plane in cau-
sis criminalibus & præsertim capitalibus hæc
comparatio sive doli & culpæ exæquatio lo-
cum non habet; sed in his placet dolum so-
lum pro facto accipi, latam culpam pro do-
lo non haberi; ac proinde nec eodem modo
coërceri, l. 7. ad leg. Corn. de sicar. nisi forte

res sit mali exempli: quo casu punitur & qui
nocendi animum non habuit, l. 3. §. 2. d.
tit. l. 35. §. 2. de pœn. Dolus, ut hoc obiter
hic moneam; in criminibus significat malum
propositum, quo proposito deficiente plerum-
que nec delictum est; veraque malitia in
his requiritur: ut verba quoque proprie æ
naturaliter accipienda sint, non ficte aut ci-
viliter. Levis & levissimæ culpæ alia ratio
est. Harum neutra in omnibus contractibus
præstatur, sed in quibusdam dumtaxat aut
utraque aut altera tantum.

12. Sunt enim quidam contractus qui do-
lum, quo nomine nunc porro etiam latam cul-
pam intelligi volumus, tantum recipiunt:
sunt qui præter dolum etiam culpam levem,
quam deinceps usum juris sequentes culpam
simpliciter appellabimus: sunt denique in qui-
bus præter dolum & levem culpam præstatur
etiam culpa levissima, quod more Veteribus
usitato contrariæ rei præstatione, nimirum
diligentia, indicabimus. In hac autem varie-
tate hæc regula & distincio jure communi
comprobata est: ut siquidem tale sit nego-
tium in quo ejus qui quid suscepit nulla ver-
satur utilitas, aut in quo debitor officii est
debitor, quale est depositum: tum dolus so-
lus præstetur; ubi vero utriusque contrahen-
tium utilitas vertitur, ut in emto, locato,
dote, pignore, societate, rerum communio-
ne: ibi præter dolum præstetur & culpa;
quod vero utilitatem ejus dumtaxat qui ac-
cipit, non etiam ejus dedit continet, qua-
le plerumque est commodatum: in eo & cul-
pa præstetur & diligentia, l. 5. §. 2. l. 10.
l. 18. commed l. 31. circa fin. locat. Quæ re-
gula servatâ eadem distinctione accommodan-
da quoque est contractibus innominatis, d.
l. 10. §. 1. commod. l. 17. §. 1. Et 2. de prescr.
verb. item legatis ac fideicommissis, quate-
nus natura eorum id patitur, d. l. 108. §. 12.
de legat. l. junct. l. 47. §. pen. eod. l. 22.
§. 3. ad Trebell. Quod vero ejus qui precario
rogavit, item agrimensoris dolus tantum coër-
cetur, id speciale rationem habet, l. 8. §. 3.
de precar. l. 1. §. 1. si mens. fals. mod. ut &
illud quod placet nautas, caupones, stabula-
rios in eo quod receperunt plusquam culpam
præstare, l. 3. §. 1. naut. caup. stab. Ceterum
prædicta distincio ita obtinet, si nihil aliud
nominatim convenerit; alioqui lex contractus
servanda est, excepto si placuerit ne dolus
præstetur, l. 13. de reg. jur. Finge enim con-
venisse ut in deposito culpa quoque præsta-
retur, aut incommodato dolus tantum: nec

minus nec plus quam quod placitum est præstabitur, l. 1. §. 6. ff. depos. l. 1. C. eod. l. 5. §. 10. commod. Possunt vero & sine conventione justæ cause intervenire ob quas placeat etiam officii debitorem culpam præstare: veluti si officium sit publici muneris, ut tutela & cura, l. 1. ff. de tut. & rat. distr. l. 7. C. arb. tut. aut si quis se negotio obtulit: veluti si depositarius, cum dominus rem secum ferre aut apud alium relinquere constitueret, cum ultiro hortatus sit ut apud se potius deponeret: quo casu non solum culpa sed etiam custodia & diligentia in deposito præstanda, l. 1. §. 35. depos. Eodem numero & negotiorum gestor voluntarius & mandatarius quoque haberi potest, l. 11. de neg. gest. §. 1. in fin. Inst. inf. de obl. que quasi ex contr. l. 23. de reg. jur. l. 13. l. 21. C. mand. Hac suis locis in progressu singulis in contractibus diligentius confirmabimus. Illud hic obiter notandum, non eodem sensu dici præstare diligentiam & præstare dolum, culpani, casum fortuitum. Cum enim diligentiam præstandam esse dicimus, eo significamus diligentiam esse adhibendam; cum dolum, culpani, casum fortuitum, non adhibenda haec sed removenda esse, & debitorem propter haec teneri. Figurate enim haec locutiones sunt, præstare dolum, præstare culpani, præstare casum aut fatum, pro præstare damnum, quod dolo, culpa, fato contingit.

13. *Exactam diligentiam*] Quoniam commodatum solam utilitatem continet ejus qui commodato accepit, consequens est distinctioni d. l. 5. §. 2. commod. quod & eodem loco expressum est, à commodatario & culpani prestari & diligentiam, id est, in commodato venire culpani non modo levem sed etiam levissimam: siquidem, ut supra demonstravimus, diligentia verbo culpa opposito in usu juris plerumque exactissima significatur. Gajus l. 18. eod. In rebus commodatis, inquit, talis diligentia præstanda est quallem diligentissimus quisque paterfamil. rebus suis adbibet. Idem alibi ait, *eum qui utendum accepit exactissimam diligentiam custodienda rei præstare compelli*, l. 1. §. 4. de obl. & att. Justinianus exactam diligentiam dixit, sed eodem plane sensu, ut appareat ex eo quod mox subjicit, non sufficere tantum diligentiam adhibere commodatarium rebus commodatis, quantam suis rebus adhibet, modo res ab alio diligentius custodiri potuerit. Sic Constantinus in l. 21. C. mand. exactum officium dixit pro exactissimo: Ulpianus diligentem custodiam

pro diligentissima, d. l. 5. §. 5. commod. Paulus diligentem patrem fam. pro diligentissimo, l. 25. §. 16. fam. erc. quemadmodum vice versa superlativus nonnumquam pro positivo ponitur: quod estimandum ex natura contratu: Jurisconsulti enim non semper eodem modo loquuntur. Quod si proponas aliquem sua dumtaxat gratia, quod interdum fit, commodasse sponsæ forte vel uxori, quo honestius culta ad se deduceretur: dolus solus præstabitur, ut in deposito, d. l. 5. §. 10. commod. Quod si sua & commodatarii gratia, quod item fieri potest: culpa estimatur, ut in pignore, dote &c. d. l. 18. in fin. pr. commod.

14. *Si modo aliis diligentior*] Hinc tria elicimus: (1) etsi commodatarius ad communem modum diligens in rebus suis eadem diligentia tractaverit res alienas; tamen hoc non sufficere ad eum excusandum, cum aliis diligentior rem custodire potuisse: (2) si commodatarius ipse sit summe diligens, nihil amplius ab eo exigi quam ut eamdem diligentiam quam suis rebus præstat etiam adhibeat commodatis, quippe cum major ab alio expectari non possit: (3) si commodatarius ad communem modum diligens non sit sed natura in suis rebus ignavior, licet aliquanto diligentius versetur in rebus commodatis quam in suis, non eo tamen minus teneri eum actione commodari, si aliis diligentius curando rem servare potuit.

Majoresve casus non tenetur] Casus fortuiti nullo in contractu præstantur, l. 23. de reg. jur. l. 23. de verb. obl. nec si solius debitoris utilitatem contineat, quale est commodatua, l. 5. §. 4. l. 18. commod. l. 1. §. 4. de obl. & att. De commodato tamen ob prædictam causam dubitari potuit; & videtur ad removendam istam dubitationem pertinere quod prescriptum est lege 6. C. de pign. & att. casus fortuitos nullo bonæ fidei judicio præstari: nimur ut intelligamus nec commodatua hic excipi.

15. *Si non ipsius culpa*] Culpa abesse intelligitur, si re commodata usus sit juxta prescriptum in utendo modum. Itaque si aliqui in hoc res commodata sit, ut eam peregre secum ferret, isque incursu hostium aut latronum vel naufragio rem amiserit, non tenetur. At si cui, exempli gratia, quasi amicos ad coenam invitatuero argentum commodavero, is si id peregre secum portaverit, casum naufragii, impetum hostium, latronum, piratarum præstare debebit, d. l. 18. commod. l. 1. §. 4. de obl. & att. Si res

commodata usu deterior facta sit, ita commodatarius non tenetur si eâ usus sit in eam rem in qua utendam accepit, nec ulla culpa intervenerit: veluti si equus usque ad certum locum utendus datus in ipso itinere déterior factus sit sine culpa commodatarii, l. 10. l. ult. commod.

16. *Si nulla mercede*] Commodatum nisi gratuito non contrahitur. Commodare enim officii est & libertatis, l. 17. §. 3. d. tit. ubi Paulus *beneficium* illud appellat. Mercede interveniente tollitur beneficium, tollitur gratia, quæ sunt vincula amicitiae, l. 1. §. ult. mand. Cum igitur merces pro usus rei datur aut constituitur, non commodatum sed locatio est; aut si non statim merces constituatur, nec tamen gratis res utenda detur, sed eo animo ut tantum mercedis nomine præstetur quantum postea definiti placuerit: contractus inno nominati genus est, §. 2. Inst. inf. locat. l. 22. de præscr. verb.

TEXTUS.

De deposito.

3. *Præterea* & is apud quem res aliqua deponitur re obligatur, teneturque actione depositi; quia & ipse de ea quam accepit restituenda tenetur. Sed is ex eo solo tenetur si quid dolosom misserit; culpæ autem nomine, id est desidiae ac negligentiae, non tenetur. Itaque securus est qui parum diligenter custoditam rem furta amiserit; quia qui negligenti amico rem custodiendam tradit, non ei sed suæ facilitati id imputare debet.

L. 1. & seqq. tit. 3. Part. 5.

COMMENTARIUS.

1. Quid sit depositum, & an etiam consistat in re immobili.
2. An quemadmodum deponens quovis tempore rem repeteret, ita & depositarius eam pro arbitrio restituere possit.
3. Ad quid depositarius teneatur.

1. **T**ertia species obligationis quæ re contrahitur est ex deposito. Deponere est, rem alicui qui gratis hanc operam suscipiat custodiendam dare, l. 1. depos. In eodem significatu utimur & verbo commendare, l. 24. eod. l. 186. de verb. sign. Rem hic intelligimus, sive ea certa species sit, si-

ve quantitas, puta pecunia numerata, d. l. 24. & seq. §. 1. depos. In quo depositum differt à commodato, l. 3. §. ult. commod. An vero quemadmodum commodatum etiam rerum immobilium est, d. l. 3. §. ult. ita & depositum in his consistere possit, queritur. Doctores comm. id negant, arguento sumto ab etymologia nominis, quod à ponendo dictum, d. l. 1. depos. tum quod nullum depositi rei immobilis exemplum in jure nostro extet; postremo quod cura rei immobilis in speciem mandati transeat, arg. l. 5. §. 4 de præscr. verb. Intelligent autem depositum non in genere, sed in specie dictum; nam in sequestrationem, quæ depositi quoque in genere sumti species est, l. 5. & seq. l. 17. depos. quin etiam res immobiles veniant, nemo dubitat, l. 7. §. ult. ff. qui satisd. cog. arg. l. un. C. de prob. seq. pec. cap. 1. de sequestr. Clement. un. eod. quod ipsum tamen superiora argumenta elevare videtur. Nam si res immobilis, de qua controversia est, recte deponi dicitur cum ea à litigatoribus aut judice sequestro collocatur, atque ex ea depositione ei qui vicerit actio depositi sequestraria competit: cur non similiter res immobilis non litigiosa deponi dicatur, cum ea à domino alii cui custodienda traditur, ut hic quoque in eum qui id recepit actio depositi detur, ut fortassis ea res depositi communis modum excedit, legemque mandati annexam habeat? arg. d. l. 5. §. 4. de præscr. verb. l. 24. depos. Addidi, qui gratis banc operam suscipiat; nam ut commodatum, ita quoque & depositum gratuitum esse debet: illic dans officium præstat, hic accipiens. Si merces promissa sit, depositum esse desinit, & aut locatio est, aut incerti contractus genus, l. 1. §. 8. & seq. depos. VINN. Immo videtur rei immobilis commendatio modo mandatum, modo depositum esse, aliquando utrumque simul. Præcipua hic inspectio est, utrum mandato commendatio custodiæ, an custodiæ commendationi mandatum de suscipienda administracione accesserit. Hujusmodi enim contractus qui mixtam causam habent, ex principali à quo incipiunt judicantur, l. 1. §. 13. ff. depos. Conf. vir cl. A. A. Pagenstech. Sicilim. part. 11. S. 92. pag. 182. HEIN.

Re obligatur] Leg. 1. §. 5. de obl. & act. Sola quippe conventione depositum non facit, sed rem ponit apud alium oportet, eaque tradita initium obligationi præbet.

2. *Teneturque actione depositi*] Actione nimium depositi directa. Nam contrarium iudi-

dicum depositario datur ad consequendum quod sibi per causam & occasionem rei acceptæ abest, l. 5. depos. Potest vero his qui depositum quovis tempore rem depositam repetere, & repetenti etiam ante tempus constitutum reddenda est, l. 1. §. 45. & 46 eod. At ex contrario depositarius ante tempus statutum rem restituere volens officio suo non liberatur, nisi justissima causa interveniat. l. 5. §. 2. eod. ut bene Castr. in d. l. 1. §. 45. & 46. depos. & Costal. ibid. Vitiosa enim est quorundam in hac re deponentis & depositarii comparatio. Etenim cum totum hoc negotium ex utilitate deponentis aestimetur, etiam ad voluntatem ejus dirigendum est, quam sine incommodo depositarii mutat si rem ante tempus finitum reperat. At non sine incommodo deponentis futurum est si depositario permittamus officium quod semel suscepit contra legem contractus deponere. Ita ex adverso commodatum pro libitu quidem accipientis reddi, sed pro arbitrio dantis repeti non potest, l. 17. §. 3. commod.

De ea restituenda] In specie. Qui enim rem custodiendam dat nihil in aliud transfert, sed aperte hoc agit ut res sibi custodiatur, restituaturque reposcenti. Quare etiam si nummi deponantur, eadem corpora restitui oportet; nisi forte nominatim convenerit ut depositarius, si opus haberet, pecunia uteretur & redderet tantumdem: quæ res notos depositi terminos egreditur, l. 24. cum ll. seqq. l. 29. §. 1. depos.

Si quid dolo] In deposito nullum commodum est depositarii, quin onus potius est rem alienam gratis custodire; ac proinde secundum regulam de eo solo tenetur si quid dolo ejus perierit, l. 5. §. 2. commod. l. 1. §. ult. l. 20. depos. l. 1. §. 5. de obl. & att. l. 23. de reg. jur. Qui autem dolum dicit latam culpam non excludit, quia ea pro dolo habetur, ut superius denoustravi. Itaque et si doli hic tantum mentio fit, sciendum tamen est etiam latam culpam in depositi judicium venire, l. 32. depos. l. 1. §. 5. ff. de obl. & att. l. 1. C. depos.

Culpæ nomine, id est desidiæ ac negligentiae] Quoties culpæ aut negligentiae simpliciter mentio fit, levem culpam sive negligentiam his nominibus significari §. præced. probatum est: quod hic locus confirmat, & , unde desumptus est, lex l. §. 5. de obl. & att. item l. 72. pro soc. & §. ult. Inst. inf. de societ. Igitur depositarius culpam aut negligentiam leviorem non præstat, extrâ quam si in deposito convenerit

ut ea quoque præstetur l. 1. §. 6. depos. aut si ultro se deposito obtulerit, d. l. 1. §. 35. eod.

Furto amiserit] Furtum plerumque cum culpa patris fam. rem suam non bene custodientis conjunctum est; ideoque socius & vendor & creditor periculum furti præstant, l. 52. §. 3. pro soc. l. 14. §. 1. de per. & com. rei vend. nisi doceant culpam omnem abesse, quod aliquando fieri potest l. 14. §. 6. defurt.

Suae facilitati id imputare] Hæc quoque ratio est cur depositarius negligentiae nomine non teneatur; quia qui negligenter amico rem custodiendam committit, de se queri deberet, d. l. 1. §. 5. de obl. & att. & se ipsum accusare qui homini adeo dissoluto & supino, ut ne mediocri quidem diligentia in curandis rebus propriis utatur, rem suam commisit. Scholiastes ad Harmenop. lib. 6. tit. 2. Utique ut ad suum saltem modum depositarius rem depositam curet merito exigitur, l. 23. depos. Adde omnino quæ nos ad §. ult. Inst. inf. de societ.

TEXTUS.

De pignore.

4. *Creditor quoque qui pignus accepit re obligatur; quia & ipse de ea re quam accepit restituenda tenetur actione pigneratitia. Sed quia pignus utriusque gratia datur, & debitoris quo magis pecunia ei credatur, & creditoris quo magis ei in tuto sit creditum: placuit sufficere si ad eam rem custodiendam exactam diligentiam adhibeat; quam si præstiterit, & aliquo fortuito casu rem amiserit securum esse, nec impeditri creditum petere.*

LL. 20. & 21. tit. 13. Part. 5.
& vid. integr. tit.

COMMENTARIUS.

1 *Pignoris varia significatio.*

2 *Etiam sola conventione pignus contrabi, sed ut nascatur obligatio pigneratitia traditionem intervenire oportere.*

3 *Quando actio pigneratitia nascatur; & quid ea differat ab hypothecaria.*

4 *Ad quid creditor pigneratius teneatur.*

5 *In actione pigneratitia levem dumtaxat culpam non etiam levissimam venire, cum accurata remissione contrariorum.*

1. **Q** Uarta & postrema species obligationum quæ re contrahuntur ex pi-

pignore est. Pignus in jure nostro triplicem fere significationem habet; nam & rem significat pro debito creditor i obligatam, §. 7. Inst. inf. de act. titi. π̄. & C. de dist. pign. & jus creditor i in ea re constitutum, titi. π̄. qui pot. in pign. & quib. mod. pign. vel hyp. solv. & denique contractum quo jus illud constitutur, l. 1. §. ult. de pact. l. 5. §. 2. commod.

2. Contrahit autem pignus non sola traditione sed etiam nuda conventione, quamvis traditum non sit, l. 1. de pign. act. hoc est, jus in rem creditor i queritur simul ac placuit eam pignori obligatam esse, licet possessionem non acceperit; ejusque juris persequendi causa actionem in rem jure praetorio constitutam habet Servianam aut quasi Servianam, quae etiam hypothecaria dicitur, l. 17. de pign. §. 7. Inst. inf. de act. Ceterum ut obligatio pigneratitia constituatur, unde debitori actio sit adversus creditorem ad pignus soluto debito repetendum, rem prius tradi necesse est; atque hac consideratione pignus est contractus realis. Hinc intelligere licet, non agi hic de pignore legali, nec de pignore praetorio aut judiciali, nec de eo quod testamento constitutur; sed de conventionali dumtaxat; adeoque de pignore proprio dicto non de hypotheca: nam pignus & hypotheca sic fere distinguuntur, ut pignus dicatur cum possessione transit in creditorem, hypotheca cum res apud debitorem manet, l. 9. §. 2. de pign. act.

Re obligatur] Obligationi pigneratitiae non constitutio pignoris sed acceptio causam praebet. Necesse quidem non est ut res pignori obligetur eam pignoris causa tradere creditori; potest enim pignus vel nudo consensu constitui, l. 1. de pign. act. At vero ut ex pignore obligetur creditor, id non efficit nisi re tradita acceptaque, l. 1. §. 6. de obl. & act. Cum enim haec obligatio eo pertineat ut res eadem quae pignori obligata est restituatur, traditam esse prius oportet creditori quam restituere possit.

Actione pigneratitia] Directa scilicet, quae datur debitori adversus creditorem ut rem pigneratam, cuius possessio apud eum fuit, unum cum fructibus restituat, l. 40. §. ult. ff. de pign. act. l. 1. cum 2. seqq. C. eod. & demum debito omni exoluto intentari potest, d. l. 9. §. 3. ff. eod.

3. Creditori vero & hic contraria competit adversus debitorem, si forte is pignus recuperavit, ut in conventione creditorem

decepit, l. 3. d. 1. 9. pr. de pignorat. act. aut si creditor in rem pigneratam necessarias impensas fecit, l. 8. eod. Ab actione igitur haec pigneratitia toto genere differt actio quae hypothecaria dicitur; quippe hypothecaria in rem est, daturque creditor i ad pignus persequendum contra quemcumque possessorem, d. §. 7. Inst. inf. de act. l. 17. de pign. at pigneratitia est in personam, competitque debitori adversus creditorem, & adversus hunc solum. Hypothecaria jure pignoris soluto expirat; pigneratitia tunc demum efficax est. Illa occasione juris creditor i in re constituti a praetore datur; haec ex contractu nascitur re pignoris causa tradita acceptaque. Veteres tamen abusive hypothecariam quoque pigneratitiam interdum appellant, l. 3. §. 3. ad exhib. l. 13. de cond. ind. l. 41. de pign. act. &c. alii locis.

4. Sufficere si exactam diligentiam] Supra §. 2. hujus tit. hanc regulam ex Ulpiano lege §. §. 2. commod. tradidimus: in contractibus qui utriusque contrahentis gratia fiunt, & dolum prestari & culpam. Culparam ex usu auctorum juris interpretati sumus levem dumtaxat, non etiam levissimam. Et vero nec ratio juris patitur ut in negotiis quae ex utilitate utriusque contrahuntur eamdem a debitore diligentiam requiramus quam præstaret si ejus solius commodum ageretur; sed quemadmodum plus præstat quam ille cujus nulla versatur utilitas: ita minus ab eo exigendum quam, verbi causa, a commodatario qui beneficium accipit. Quamobrem etiam Ulpianus haec tam diligenter distinguit; eosque contractus qui utriusque utilitatem continent medios facit inter depositum, quod tantum dolum, & commodatum, quod etiam culparam levissimam recipit. Ex quo vel uno intelligimus, ubi vertitur utriusque utilitas esse quidem quod præter dolum, cuius appellazione etiam lata culpa venit, præstetur, quod tamen non sit culpa levissima; levis igitur tantum sit necesse est. Hoc idem plane confirmat Gajus l. 18. in fin. pr. commod. ubi diserte scribit, culparam in contractibus qui utriusque gratia fiunt non estimari, sicut regula iter estimatur in commodato. Ex numero contractuum qui utriusque commodum spectant & pignus est; eoque expresse referunt & ab Ulpiano d. l. 5. §. 2. comm. & a Justiniano hoc ipso in loco, addito insuper qua in re utriusque utilitas versetur: nimis creditoris in eo quod pecunia ei cautor est; debitoris, quod ei creditur; cum abs-

absque eo fore ut non crederetur. Itaque scianus prædictam regulam ad contractum pignoris quoque pertinere, & secundum eam definiendum quid in actione pigneratitia veniat: venire nimurum & dolum & culpam, d. l. §. 2. commod. l. 9. §. 5. de reb. aut. jud. poss. Hoc autem modo cum nostri simpliciter loquuntur sub dolo latam culpam comprehendunt, culpæ nomine levem dumtaxat intelligunt, ut superius abunde probatum est.

5. Culpæ igitur in pignore estimatio facienda non est ut in commodato, ut etiam culpam levissimam, quæ summæ diligentia opponitur, creditor pigneratitus præstare compellatur, sed ut in emto, locato, dote ceterisque ejusdem naturæ contractibus, ut levem tantum, d. l. §. 2. d. l. 18. in fin. pr. commod. Quod etiam non obscure hic indicat Justinianus, cum ex eo quod pignus utriusque gratia contrahitur, infert sufficere si creditor exactam rei custodiendæ diligentiam adhibeat. Hæc enim illatio arguit, Justinianum pignus considerare ut contractum medium inter commodatum quod solius commodatarii, & depositum quod solius depositoris utilitatem continet; ac proinde velle ut etiam in præstantibus medium teneatur, & à creditore exigatur plus quidem quam à depositario, minus autem quam ab eo qui utendum accepit, juxta receptam distinctio nem d. legis 5. §. 2. l. 18. circa fin. pr. commod. Negotium tamen facessit quod hic scriptum est de exacta diligentia, tum quod tantum excluditur casus fortuitus, ut etiam in l. 13. §. ult. ff. de pign. act. l. 19. C. de pign. Quid quod iisdem locis traditum est, creditorem pignoris prætor culpam & custodiam debere; atque adeo quod exprimitur in d. l. 13. §. ult. in actione pigneratitia culpam venire, ut in commodato? Respondeo, ex his quæ relata sunt satis patet plus præstandum esse in commodato quam in pignore; & ideo hoc loco exactam diligentiam contra mentem Imperatoris non esse accipendam pro exactissima, qualis à commodatario exigitur, quæ pene modum excedit, & qualem diligenterissimus aliquis & unus forte è multis

suis rebus adhibet; sed secundum hujus contractus naturam pro diligentia stata, id est ea quam suis rebus plerumque præstare solent diligentes & frugi patresfamilias; nihil enim amplius à creditore Paulus exigit, l. 14. de pign. act. Quamquam fatendum est, incommodè hanc speciem diligentiae exactam à Justiniano appellari, quod vim superlativi habet; consistit enim in medietate, non excessus modum quem hominum natura, quæ mediocribus contenta est, desiderat. Quod autem tantum casus fortuiti excluduntur, ex eo non continuo sequitur summam atque exactissimam diligentiam à creditore præstandam esse, seu eum etiam levissimæ culpæ nomine teneri. Nam levissima culpa, quoniam (quod verbum ipsum indicat) vix culpa est, saepè non consideratur; & cum casibus fortuitis, ad quos proxime accedit: & ipsa excludi intelligitur, ut in lege 5. C. de pign. act. l. 28. C. de locat. l. 4. C. de peric. tut. Unde etiam est, quod aliquando duo contractus, quorum in altero dolus & culpa levis in altero etiam culpa levissima præstatur, sic conjungantur, quasi utriusque eadem essent præstationes, ut in d. l. 13. §. ult. de pign. act. l. 23. de reg. jur. Sed neque diligentia aut custodia culpæ opposita semper significat diligentiam summam aut custodiam plenam, qualem præstat commodatarius; sed interdum medium, ut culpæ levi in non faciendo ex adverso respondeat, l. 35. §. 4. de cont. emt. l. 10. §. 1. ff. commod. d. l. 38. C. de locat. eo demque modo custodia accipienda in d. l. 13. §. ult. de pign. act. & d. l. 19. C. de pign. Vinn. Immo omnes legis 13. §. ult. ff. de pign. act. tenebras discusisse videtur vir cl. Ger. Noodt. probab. lib. 1. cap. 4. ubi una literula & interpunctionibus leviter immutatis legit: Venit autem in hac actione & dolus & culpas; at in commodato venit & custodia, vis major non venit. HEIN.

Aliquo fortuito casu] Nam casus fortuiti à nemine præstantur, d. l. 23. de reg. jur. l. 6. C. de pign. act. nisi culpa aut mora causam præcesserit, aut nominatim placuerit casum quoque præstari: de quo jam explicatum est sup. §. 2. buj. tit.

TITULUS XVI.

DE VERBORUM OBLIGATIONIBUS.

Dig. lib. 45. tit. 1. Cod. lib. 8. tit. 38. Et Part. 5. tit. 11.

- 1 Continuatio.
- 2 An verborum obligationis plures causæ quam stipulatio.
- 3 Pomponiana stipulationis definitio explicata: ubi & alia.
- 4 Usus stipulationum quam varius jure civili.
- 5 Stipulationem non habere certam & determinatam naturam; & quid inde.

1. **E**xposita est prima species obligationum quæ cum ex contractu sint solo tamen consensu non consistunt, illæ nimirum ad quas constitutas præter conventionem rem intervenire oportet. Reliquæ sunt ejusdem generis adhuc duæ, quarum altera certis verbis, altera literis ad consensum accendentibus constituitur; unde illa verborum, hæc literarum dicta. De verborum obligatione prius agitur, atque in ea explicanda & hic & proxime sequentes quinque tituli consumuntur. Literarum obligatio brevius perstringitur tit. 22.

2. Verborum obligatio, si Gajo lib. 2. tit. 9. credimus, duobus olim modis contrahebatur: aut interrogacione præcedente eamque subsequente responsione; aut interrogacione non præcedente, unoque tantum loquente aut promittente: cujusmodi duo profert exempla, dictiōnē dōtis, & jusjurandum liberti ad operas & alia patrono præstanta. Verum in corpore juris nostri uno tantum modo contrahi verborum obligatiōnē legimus, cum præcedit interrogatio & sequitur congruens responsio, hoc tit. in pr. l. 1. §. 7. de obl. & add. l. 52. §. 2. eod. tit. Neque alia causa hujus obligationis in toto hoc tractatu assignatur quam stipulatio, quo nomine appellatur integra illa verborum conceptio quæ interrogatione & responsione constat. Igitur verborum obligatio est ea quæ nascitur ex stipulatione. Stipulatio est, contractus constans interrogatione & responsione certis verbis conceptis. Stipulationem contractum esse abunde probavimus in explicatione §. ult. sup. de oblig. Vinn. Verum quidem in jure nostro unum occurreret contra-

ctuum verbalium genus, puta stipulationem; sed ideo negandum non erat fuisse plura, in primis dotis dictiōnē & jusjurandum liberti. Hi contractus olim & causam habuisse videntur, verba puta solemnia; & cognomines produxisse actiones, ex. gr. condicōnē certi vel incerti ex dōtis dictiōne, ex jure jurando &c. Sed quia omnia pacta dotalia valida habebantur tempore Justiniani: hinc de dōtis dictiōne nihil in Pandectis extare passus est Tribonianus. Immo ubi quid existit, ibi leges mutavit, veluti l. 25. l. 44. §. 1. l. 46. §. 1. l. 75. & 59. ff. de jur. dot. Jurisjurandi à libertis præstati passim in Pandectis fit mentio: sed nec illud tamen tunc forte admodum frequens fuit, quia & stipulatio sufficiebat jam multo ante Justinianum l. 3. pr. l. 5. ff. de op. libert. l. 44. pr. ff. de liber. caus. HEIN.

3. Est autem ποιητεύεσθαι tantummodo obligans respondentem. A Pomponio definitur verborum conceptio quibus is qui interrogatur daturum facturumve se quod interrogatus est respondet, l. 5. §. 1. hoc tit. Verum Jurisconsultus eo loco genus non expressit quod nec semper necessarium, formam tantum seu differentiam posuit; perinde enim hoc accipiendum est quasi dixisset, stipulatio est contractus constans conceptione verborum &c. Verbis utimur in omnibus fere contractibus, sed excepta stipulatione ad substantiam contractus verba non pertinent. Deinde in ceteris contractibus sufficiunt quævis verba nuda etiam & vulgaria; stipulatio solemnia & certo modo concepta desiderat. Ex quo recte plerique colligunt stipulationem esse contractum juris civilis. Nam etsi verborum usus omnium gentium communis est, & cum ratione juris gentium optime convenit, ut quis ex consensu verbis declarato obligetur: tamen à simplicitate illius juris alienus est ad substantiam alicuius actus exigere certam conceptam verborum linguâ nuncupandorum formulam, quod etiam Paulus non obscure innuit lege 1. locat. Facit item l. 126. §. 2. vers. superest de verb. obl. Add. Joan. Goedd. de contr.

contr. 5^{ta} committ. stip. cap. 2. concl. 1.

4. Stipulationum usus jure civili maximus est ; ne quis putet hanc speciem conventionis frustra inductam esse. Quotiescumque enim , quod in multis causis est opus, sine re ac litteris obligationem consti- tui volumus , necesse est ad obligandum promissorem stipulationem adhibere. Nimirum leges Romanæ ex nuda conventione neminem obligari voluerunt, ne qualecumque promissum , & sermo sæpe inconsultus magis quam ex voluntate proficisciens necessitate juris promittentem illigaret ; & litium quoque , ut opinor , præcidendarum causa ; sed excogitata est conventio certo modo & forma concipienda celebrandaque , quam delibera- terti animi certum signum esse voluerunt, & ex qua certo jure actio competenteret : quam conventionem stipulationem dixerunt. Itaque stipulationum usus non tantum utilis est , verum etiam necessarius in fidejussionibus constituendis, *inf. tir. Inst. de fidejuss. obligationibus novandis*, *ll. 1. & 2. de novat. interdum & in usuris* quas nobis præstari volumus , ut in strictis judiciis , *l. 3. C. de usur.* Sed & stipulationis vinculo ceteræ quoque conventiones & obligations firmantur. Quod videre est tum in pactionibus nudis, quæ cum per se jure civili infirmæ sint ad producendam actionem, stipulatione muniendæ sunt , *l. 45. ff. de pac*t.* l. 27. C. eod. ll. 3. & 4. C. de rer. perm.* Paulus 2. sent. 22. *Omnibus pactis, inquit, stipulatio subjici debet ut ex stipulata actio nasci possit;* tum etiam in contractibus juris gentium , ex quibus licet actio jure civili competit, tamen his etiam stipulatio utiliter accedit, ut & firmior sit obligatio , & certior ratione præstationum , *l. 3. §. 1. de act. emt. l. 4. §. ult. de usur. l. 99. de verb. obl.* Denique omnium fere negotiorum novissima parte subjici etiam stipulatio solet , *l. 134. §. 1. de verb. obl. l. 7. §. 12. de pac*t.** Hinc fit , ut quæ omnium obligationum sunt communia , ea sub *tit. de verb. obl.* tanquam in Pandecte tractentur , & stipulationi attribuantur.

5. Quod nonnulli tradiderunt, stipulacionem non esse contractum qui per se consistat, sed alterius obligationis sive civilis sive naturalis accessionem & fulcimentum , per *l. 5. in pr. vers. conventionales hoc tir. id DD.* communiter sic exprimunt , ut dicant stipulacionem non subsistere quæ causam nullam præcedentem habet propter quam adhibita sit. Et r. d. Nam cum stipulatio non habeat

Tom. II.

certam & determinatam naturam ut contra-ctus ceteri, sed ex variis causis, sæpe etiam ex injustis interponatur , merito requiritur ut si eam valere volumus , de causa propter quam interposita sit constet : quod ex eo solo intelligi non potest , quod quis simpliciter dicatur stipulanti promisso. Enimvero in causa donationis ut subsistat promissio non est necesse antecedere aliquid actum donationis ; sed satis est stipulatione ipsa hoc agi , & promittentem votum liberalitatis habere, *l. 19. de donat.* Illud tamen addendum, summo adhuc jure ex stipulatione sine causa nasci actionem , sed inefficacem eam reddi opposita doli mali exceptione , *l. 2. §. 3. de dol. mal. exc. l. 36. hoc tit. Gloss. & Bart. in d. l. 2. §. 3. Gomez 2. var. resol. 11. n. 3.* quem perperam reprehendit Suarez in annot.

TEXTUS.

Summa.

Verbis obligatio contrabitur ex interrogacione & responsione , cum quid dari fieri nobis stipulamur : ex qua due proficiscuntur actiones , tam condicō certi si certa sit stipulatio , quam ex stipulatu , si incerta sit : quæ nomine inde utitur , quod stipulum apud Veteres firmum appellabatur , forte à stipite descendens.

L. I. tit. II. Part. 5.

COMMENTARIUS.

- 1 *Verbo stipulationis non interrogationem tantum sed etiam responsem , & ita totum contractum significari.*
- 2 *Etiam cum ex stipulatu agere dici quicetur ex stipulatione petit ; & quando incertudo stipulationem viciet.*
- 3 *Stipulationis vera originatio.*

1. *EX interrogacione & responsione] Verborum obligatio nascitur ex interrogacione & responsione , l. 1. §. 7. l. 52. §. 2. de obl. & act. Nam duabus hisce partibus constat illa verborum conceptio quæ uno nomine stipulatio à Veteribus dicta est , l. 5. §. 1. hoc tit. non proprietate verbi (nam stipulari is dicitur qui interrogat ; alter promittere , spondere ; interrogatio autem sine responsione inutilis est) sed propter partium necessariam consequentiam , quia posita una , altera quoque intelligitur : quod etiam in plenis-*

risque aliis appellationibus usu venit , ut in emtione , locatione , mandato , donatione &c. Græci interpres *περιποτησις* (*interrogationem*) reddiderunt. Harum autem partium quædam sunt communia : veluti ut & qui roget & qui responderet verbis id faciat , ut uterque alterum exaudiat & intelligat ; quædam reponsionis propria , veluti ut qui responderet illico id faciat , ut respondeat convenienter interrogationi. Sed de his postea explicatus.

Dari fierive] His verbis indicatur stipulationum materia , nimurum non solum res in stipulationem deduci , sed etiam facta ; unde stipulationum quædam in dando , quædam in faciendo consistere dicuntur , l. 2. pr. hoc tit. §. ult. inf. eod.

Duae proficiscuntur actiones] Justinianus hoc passim & recte observat , ut ad notitiam cujusque contractus & obligationis etiam actiones adjungat , quibus id quod ex obligatio- ne debetur , si sponte debitor non solvat , ab invito obtinere liceat. Præter duas illas actiones quas hic Justinianus commemorat , quasque ait proficisci ex stipulatione , datur & conditio triticiaria ; quippe quæ , si causam excipias pecuniae numeratae , generalis est , l. 1. de cond. tritic.

Conditio certi] Hæc communem naturam habet cum ea quæ competit ex mutuo , certeisque obligationibus ex quibus certum peditur , l. 9. l. 24. de reb. cred. dixi plura sub pr. tit. præced.

Si certa sit stipulatio] Certa stipulatio hic non intelligitur ea quam certo interpositam esse constat , incerta de qua ambigitur ; sed certa & incerta dicitur ratione rei in stipulationem deductæ , quæ res si certa sit , id est si appareat ex pronuntiatione quid quale quantumque sit in stipulatione , stipulatio dicitur certa ; ubi autem hoc non appetet , incerta , ll. 74. & 75. hoc tit.

2. *Ex stipulatu*] Hoc verbum non significat causam generantem ; nam & conditio certi ex stipulatione nascitur , quod hic expressum est & res ipsa loquitur. Atque in genere etiam qui rem certam ex stipulatu debitam petit , recte & naturaliter dicitur ex stipulatu agere , l. 83. §. 6. hoc tit. l. 42. ff. pro soc. l. 14. C. de pati. l. 28. ff. de act. emt. sed denotat materiam & est nomen actionis specialis. Unde explicandum est quod tradit Ulp. d. l. 24. de reb. cred. eum qui certum stipulatus est ex stipulatu actionem non habere , sed conditione certi id persequi debere : nimurum non habere eum actionem quæ in

specie & *τεχνικᾶς* (*ex arte juris*) ex stipulatu dicitur , & est actio ex stipulatu incerti , l. 4. pr. de usur. VENN. Ita quidem usu invaluerat , ut si certum peteretur actio vocaretur conditio certi ; sin incertum conditio ex stipulatu ; sed quia contractus nominatus produce-re solet cognominem actionem , satis appa-ret actionem hanc dictam fuisse ex stipulatu , non modo si incertum , verum etiam si certum petatur. Exemplum est in lege 83. §. 6. ff. de verb. oblig. l. 42. ff. pro soc. & alibi passim. Ni-hil novi est nomen generis uni speciei hærente. Non tam *τεχνικότης* (*artificiosum quid* , i. e. artem aliquam) hic deprehendo , quam usum vulgi , quem penes arbitrium est & vis & norma loquendi. Quia priorem actionem *conditionem certi* vocabant Pragmatici , hinc commune nomen alteri actioni relinquebant , eamque vocabant *ex stipulatu*. HEIN.

Si incerta sit] Sed inquis , an non incerti-tudo stipulationem vitiat ? Sane aliquando. Interest enim an res quæ in obligationem deducitur nullos certos fines habeat , ut si quis fundum stipuletur non adjecto nomine , vinum aut triticum sine designatione mensu-ræ , insulam ædificari non demonstrato loco ; an ea certis finibus naturâ circumscripta sit , ut homo , equus , bos : illic stipulatio non consistit , l. 94. cum seq. l. 115. in pr. hoc tit. hic contrâ , vid. sup. §. 22. Inst. de legat.

3. *Quod stipulum apud Veteres firmum*] Eamdem hujus nominis rationem reddit & Paulus 5. sent. 7. quam & D. Hotomannus probat , & verissimam censem D. Salmasius lib. de usur. cap. 6. Varro autem lib. 4. de lingua cui fere & Festus consentit , à stipe deducit. Stipem autem à stipando dictam scribit , eo quod Veteres cùm ære gravi ute-nerunt , acceptum majorem assuum numerum non in arca ponebant , sed in aliqua cella stipabant. Aliam hujus verbi etymologiam apud Isidorum lib. 3. cap. 24. reperio , ubi scribit stipulationem nomen invenisse à stipula. Ve-teres enim , inquit , quando sibi promittebant aliquid , stipulam tenentes frangebant : quam iterum jungentes agnoscabant sponsiones suas quod unde sumserit nescio.

Forte à stipe] Stipes est fustis validus terræ defixus , teste Festo. Durior autem vi-detur hæc notatio , & falsam esse arguit syllabæ quantitas in uno brevis in altero longæ. D. Hotomannus legendum putat à στίπτω , id est denso & spiso. Sed nihil muto , cum & Theophilus legat ἀπὸ τῆς τεχνῆς , à sti-pite. Probabilius est , stipulum dictum ex Græ-

eo τυφελός & τυφλός, quod Grammatici exponunt τερπός, sive τερπός, firmum, solidum.
D. Salmas. d. loc.

TEXTUS.

De verbis stipulationum.

1. In hac olim talia verba tradita fuerunt: Spondes? Spondeo. Promittis? Promitto. Fidepromittis? Fidepromitto. Fidejubes? Fidejubeo. Dabis? Dabo. Facies? Faciam. Utrum autem Latina an Graeca, vel qualibet alia lingua stipulatio concipiatur nihil interest: scilicet si uterque stipulantum intellectum ejus lingua habeat; nec necesse est eadem lingua utrumque uti, sed sufficit congruenter ad interrogata respondere. Quin etiam duo Graeci Latina lingua contrabere obligationem possunt. Sed hac solemnia verba olim quidem in usu fuerunt; postea autem Leonina constitutio lata est, quæ solemnitate verborum sublata sensum & consonantem intellectum ab utraque parte solum desiderat, quibuscumque tandem verbis expressum est.

L. I. tit. II. Part. 5.

COMMENTARIUS.

- 1 Ad substantiam stipulationis quanam adhuc requirantur.
- 2 Consuetaria aliquot inde deducta.
- 3 Ut alia lingua quam Latina stipulatio fieri possit à Sabino inductum videri.
- 4 Moribus bodiernis stipulationum & pectorum jura fere confundi.

2. **O**lim non quævis verba vim adstringenda obligationis habuere, sed ea deinceps quæ solemnia erant & directa, atque à Jurisconsultis in hanc rem concepta parataque: quod vel ex sola definitione stipulationis intelligere licet, quæ est apud Pomponium l. 5. §. 1. hoc tit. Etsi autem scrupulosa hæc verborum observatio à Leone postea sublata est, l. 10. C. eod. illud tamen ad vim atque substantiam stipulationis adhuc requiritur ut fiat utroque loquente, ac proinde verba ex utraque parte interveniant, ut promittens respondeat congruenter interrogationi, idque sine notabili intervallo, & animo ac proposito contrahenda verborum obligationis, l. 1. pr. §. 1. & 2. l. 83. §. 1. l. 137. hoc tit. l. 7. §. 12. de pæt.

2. Itaque mutus ad verborum obligatio-

nem non pertinet; sed neque surdus, qui quamvis ipse loqui potest alium tamen loquentem audire non potest, l. 1. §. pen. & ult. de obl. & act. §. 7. Inst. inf. de inut. stip. Præterea & illud hinc sequitur, stipulationem inter absentes contrahi non posse; sed nec posse in scriptis, licet partes præsentes sint: quamvis secus sentiat Wesembecius. Utitur ille argumento legis §4. C. hoc tit. & l. 38. de obl. & action. Verum neutra id quod vult probat sed illa hoc tantum, præsumptionem esse pro instrumento in quo scriptum est omnia solemniter esse acta, stipulationemque rite factam, l. 30. hoc tit. §. 16. Inst. inf. de inut. stip. §. ultim. Inst. inf. de fideicommiss. hæc, non minus valere quod literis exprimitur, quam quod verbis nuncupatur. Sed sciendum est, hoc toties verum esse quoties verba ad constitutionem actus necessaria non sunt: quemadmodum è converso cum scriptura ad essentiam rei requiritur verba intervenisse non sufficit, l. 17. C. de fid. instrum. Porro etiam hinc efficitur, nec eum obligari qui sine verbis adnuit, l. 1. §. 2. hoc tit. ubi hoc quoque adjicitur, adnuentem tantum nec naturaliter obligari; sed hoc referendum est ad rationem juris civilis, quo iure propter defectum substantiae obligationis ne quidem pro naturaliter obligato habeatur qui adnuit tantum. Nam dubitandum non est, quin si quis interroganti serio adnuat aut per literas respondeat, is iure naturæ obligetur. De congruentia interrogationis & responsionis dicemus sub §. 5. Inst. de inut. stip. Postremo actus stipulantis & promittentis etiamnum continuus esse debet, l. 137. pr. hoc tit. Ceterum non omne intervallum excluditur, sed longiusculum, ut verisimile sit ad alia negotia discussum esse, animumque contrahendi depositum, d. l. 137. hoc tit. l. 12. pr. de duob. reis: quo loco pro verbo *prolatus*, ut hoc obiter moneam, nihil dubium non est quin legendum sit *Proculus*. His ita concurrentibus stipulationem contractam esse intelligimus, nisi ex circumstantiis aut iis quæ acta sunt probetur non stipulandi sed pacisciendi animum partes habuisse, l. 7. §. 12. de pæt. Vinn. Atqui si in lege 12. pr. ff. de duob. reis, pro *prolatus* legas *Proculus*, tunc verbum deerit, ex gr. *putat*, *scribit*, vel simile; quod, si additur, emendatio erit paulo audacior. Immo vix tanti momenti tantæque obscuritatis erat quæstio, ut JCros ea in re dissensisse putemus. Hinc Haloandri lectio magis probanda, qui pro *prolatus*, quod manifesto mendosum, legit probatur. Hein.

Talia verba tradita] Neque aliis verbis stipulatio contrahi poterat. Itaque si quis, verbi causa, ita interrogasset, centum dare polliceris? Curabis hoc fieri? respondente altero, Polliceor, aut Curabo, non contrahebatur verborum obligatio. Quin tanta erat olim in verbis stipulationum scrupulositas, ut etiam dubitatum sit an valeret hæc conceptio, Dabis? Quidni? l. 1. §. 2. hoc tit.

3. *Latina an Græca lingua?* Certum est Romanos in omnibus actibus civilibus, qualis etiam est stipulatio, solemnibus formulis ac verbis, ut tum dicebantur legitimis, usos fuisse, ac proinde non nisi Latinis. Sed cum stipulationis magnus esset usus, & plerumque aliis conventionibus quæ quacumque lingua fieri solitæ erant hæc annexeretur, propter utilitatem receptum fuit ut & ipsa quoque quacumque lingua fieri posset; videturque primus Sabinus hoc induxisse, ut Græca lingua posset stipulatio concipi; postea vero sensim ad aliam quamvis linguam idem jus productum l. 1. §. ult. hoc tit. Sic stipulatio usu facta est juris gentium: quod & de acceptilione traditur, l. 8. §. ult. de acceptil.

Solemnitate verborum sublata] Leo verborum solemnes formulas in stipulationibus sustulit, & quorumvis verborum opportunitatem admisit, l. 10. C. hoc tit. Illa tamen quæ paulo ante memoravimus post hanc constitutionem adhuc manserunt, & in vi obligandi notissima pacti & stipulationis differentia.

4. Mores vero hodierni pactorum & stipulationum jura fere confundunt; tam enim ex nudo pacto, modo serio & deliberate intum sit, obligatio & actio nunc nascitur quam ex stipulatione, sive hoc ex jure Pontificio ejusve juris interpretatione invaluit, sive ex eo quod posterioribus sæculis grave visum fuit etiam in nudis pactis fidem fallere. Itaque cum hodie stipulationis non major vis sit quam cuiuslibet pacti, nulla amplius est stipulationis necessitas; nec minus pacto quam stipulatione & fidejussores constitui & novatio fieri & usuræ promitti poterunt. Verbo tamen stipulandi plerumque adhuc utimur. Vid. Gomez 2. res. 9. n. 3. & 11. n. 3. Gudelin. lib. 3. de jur. nov. cap. 5. Christin. vol. 2. dec. 91. Grot. 3. manuduct. 1. D. Tuld. comm. hic cap. 2. Vinn. Quæ auctor de moribus totius Europæ disserit, ea nedum nostris mire sunt conscientanea, sed etiam lege Regia expresse decisa, l. 2. tit. 16. lib. 5. Reg. cop. Hujus juvat referre summam; permulta

enim juris nostri capita ex ea vim lucemque accipiunt. Dum constat, inquit lex, quemquam serio se obligasse, quibusve verbis vel quoquo modo promisserit, ad implenda promissa teneatur; neque se excusare poterit ex eo quod stipulatio non intervenerit, aut quia pactum inter absentes fuit celebratum, aut tabellio non interfuit. Immo etiam si alteri absentia per alterum quis se obligaverit, sive alterum daturum facturumve promisserit, modo constet de voluntate pronittentis, obstrictus maneat; cum jure civili neque alteri per alterum stipulari quis posset, neque alienum factum aut præstationem promittere. Qua sane insigni decisione, resecatis veteris juris ambagibus, promissionum materia ad juris naturæ simplicitatem redacta est. ADDIT.

TEXTUS.

Quibus modis stipulatio fit. De stipulatione pura vel in diem.

2. *Omnis stipulatio aut pure, aut in diem, aut sub conditione fit. Pure, veluti, quinque aureos dare spondes?* idque confessim peti potest. In diem, cum adjecto die quo pecunia solvatur stipulatio fit: veluti, decem aureos primis Calendis Martiis dare spondes? Id autem quod in diem stipulamur statim quidem debetur, sed peti prius quam dies venerit non potest; ac ne eo quidem ipso die in quem stipulatio facta est peti potest, quia totus is dies arbitrio solventis tribui debet; neque enim certum est eo die in quem promissum est darum non esse priusquam is dies præterierit.

L. 12. cum seqq. tit. 11. Part. 5.

COMMENTARIUS.

1 *Ex pura stipulatione quod statim agi posse dicatur quomodo accipendum;* & expositus §. ult. Inst. inf. de inutil. stip.

2 *Dies incertus quando conditionem facit;* & quid hic inter legata & stipulationem.

3 *Quid si apponatur dies finienda obligationis causa.*

4 *Effectus obligationis in diem,* & num quod in diem debetur ante diem recte efferatur creditori, licet accipere recusanti.

5 *Utrum ante diem prorsus nulla sit actio, an statim unâ cum obligatione ipso jure actio nascatur, sed que intentata exceptione temporali removenda sit.*

- 6 Explicatio legis 73. de verb. obl.
 7 Formula quædam ejusdem efficacie, & alia
 notata digna.

Divisio stipulationis à diverso contrahendendo modo: quæ tamen non magis ad stipulationem pertinet quam ad conventiones ceteras; nullus enim contractus, nullaque conventione quæ non fiat vel pure, vel in diem, vel sub conditione. Quamquam in deposito dies aut conditio adjecta nihil operetur, l. 1. §. 45. & §. seq. depos.

1. *Idque confessim peti potest*] Puræ stipulationis dies, ita Nostræ loquuntur, statim & cedit & venit, l. 213. de verb. sign. hoc est, id quod pure promissum est confessim & deberet & peti potest, l. 41. §. 1. l. 56. §. 4. l. 118. §. 1. hoc tit. l. 14. de reg. jur. Idque efficit certa juris ratio; quippe posita pura nec impedita obligatione, actionem ponî necesse est, fatendumque jus exigendi compete-re, d. l. 213. d. l. 118. §. 1. Puram autem stipulationem ex re accipimus, non ex solis verbis; eamque intelligimus cui nec conditio nec dies vel tacite insit, alioqui pura stipula-tio interdum & ea dicitur, quæ verbis pura est, cùm tamen re dilationem habeat, & tem-pus tacite complectatur, quæ huc non per-tinet, l. 73. hoc tit. Non obstat definitioni propositæ quod scriptum est in §. ult. Inst. inf. de inut. stip. Eum qui fundum aut hominem stipula-tus est, non posse continuo agere, nisi tantum spa-tium præterierit quo traditio fieri possit. Hoc enim non ad jus petendi, sed ad ejus quod petitur solutionem & executionem obligationis referendum est: ut non continuo urgeatur & compellatur debitor ad traditionem aut solutionem faciendam, sed dilatio ei aliqua indulgeatur ex humanitate, & tantum tempori-s spatium intra quod traditio commode fieri, pecunia confici & solutio expediri queat. Licet enim difficultas præstandi non moretur actionem, l. 137. §. 4. hoc tit. atque adeo qui decem hodie dari stipulatus est ex ratione juris non præmature agat, ac proinde nec in poenam plus petitionis incidat, etiamsi nondum finito stipulationis die petat, d. l. 118. §. 1. eod. quia tamen spatium aliquod inter contractam obligationem & solutionis exactio-nem intercedere æquum est, arque incivile statim cum sacco venire creditorem, arg. l. 105. de solut. placet, debitori confitenti debitu & parato solvere modicum tempus ad solvendam pecuniam dari, nimirum id quod reis post condemnationem indultum est,

ne deteriore conditione sit qui ultro debi-tum agnoscit, quam qui negat & convictus condemnatur, l. 16. jud. solv. junct. l. 21. de judic. Don. ad l. 41. §. 1. hoc tit. n. 34. & seqq. Ceterum DD. vulgo id judicem pro-re nata, proque personarum & causæ qualitate definire & moderari oportere statuunt, arg. l. 45. §. 10. de jur. fisc. & sane nec præcise tempus judicati servare magistratus co-gitur, l. 2. de re judic. sed ex causa id vel arctare vel prorogare potest. Vid. Menoch. de arbitr. 2. cent. 1. cas. 27. Dura autem ni-mis est Cujacii in d. l. 41. & Timxi Fabri disp. annio. 23. sententia, qui nullum laxa-mentum concedunt.

2. *Cum adjecto die*] Stipulatio in diem est quæ fit adjecto die quo pecunia solvatur. Diem hic certum accipere debemus, quoniam incertus conditionem facit, utique quoties incertum est an exiturus sit: veluti in hac conceptione, *Dabis cum Titius uxorem duxerit?* aut, *cum Titius pubes factus erit?* l. 21. & l. seq. quand. dies leg. Nam si illud dum-taxat incertum quando sit exiturus, certum autem exiturum esse: veluti si quis ita stipulatus fuerit, *dabis cum moriar*, aut *cum morieris*: hujusmodi diem pro conditione non haberi argumento est, quod soluta ante diem mortis pecunia repeti non potest, l. 16. cum 2. seqq. de cond. ind. Equidem scio in legatis hanc distinctionem observari, ut si ita legetur, *heres meus cum morietur deem datu*: id legatum quasi incerto die adscripto pro conditionali habeatur, ac proinde ad here-dem legatarii vivo herede defuncti non trans-eat. Sin vero ita, *cum ipse legatarius morietur*: hoc quasi post certum diem relictum transmittatur, l. 1. §. 2. l. 79. de cond. & dem. l. 4. quand. dies leg. Sed non est talis legati *heres meus cum morietur Titio decem dato*, & stipulationis hujusmodi *cum morie-ris decem dare spondes?* eadem ratio. In le-gato adjectio illa, *cum heres morietur*, condi-tionem ideo facit, quia per eam vis legati in incertum eventum suspenditur; quippe quod præmoriente legatario effectum sortiri non pot-est. In stipulatione vero hæc adjectio, *cum morieris*, nullam incertitudinem parit; nam etsi ante promissorem stipulator decesserit heredi tamen ejus debetur, §. 4. inf. hoc tit. Unum etiam genus diei plane incerti contra-ctum conditionalem non facit, nempe in hac oratione, *cum periero dare spondes?* quod ex proposito contrahentium intellectum est, quo-rum procul dubio in hujusmodi adjectione hæc

hæc cogitatio est , ut statim & sine mora ubi petum erit solvatur , non ut obligatio differatur in casum ; ideoque si decessero prius quam petiero , non videtur defecisse conditio , l. 48. hoc tit. Sed nec dies certus adjectus simpliciter conventionem in diem facit ; verum ita demum si adjectus sit solutionis & actionis differenda causa , atque ut terminus à quo.

3. Quod si apponatur dies ut terminus ad quem , id est finienda obligationis causa : puta hoc modo , usque ad Calendas dare spondes ? aut , quoad vivam dare spondes ? pure contracta obligatio intelligitur ; ceterum petenti post Calendas , aut heredi petenti obstat exceptio paeti aut doli mali , l. 44. §. 1. de obl. & act. l. 56. §. 4. hoc tit. vide quæ sub §. seq. Porro dies vel aperte adjicitur , ut in formulis usitatis , Calendis Martiis , proximis nundinis , post biennium ; vel tacite stipulationi , verbis alioqui puræ , inest propter vel loci adjectiōnem , vel qualitatem rei promissæ ; ut in stipulatione operis faciendi , fructuum nascitorum , l. 14. l. 137. §. 2. & 3. hoc tit. §. 5. inf. eod.

4. Statim quidem debetur] L. 38. §. 16. l. 46. hoc tit. l. 213. de verb. sign. Atque hujus præsentis obligationis intuitu hujusmodi stipulatio pura interdum dicitur , ut & ejusdem generis legatum , oppositive nimirum ad stipulations & legata conditionalia , l. 9. §. 1. de novat. l. 79. de cond. & demonstr. Quid ergo est quod Ulpianus in l. 41. §. 1. hoc tit. ait , diem adjectum efficere ne præsenti die pecunia debeatur ? Nimirum verbum debendi cum effectu eo loco Jurisconsultus accepit : ut sit sensus , diem adjectum efficere ut ante diem non debeatur plene & efficaciter , non ita ut & peti possit : quod locus ipse satis evincit. Non negat igitur Jurisconsultus diem stipulationis cessisse , quod pugnaret cum manifesta ratione juris ; sed venisse negat. Etsi autem diei adjecti hæc vis est , ut ante diem agi non possit ; alia tamen præsentis obligationis effecta sunt. Stipulatori hæc commoda afferit , ut id debitum solutum ante diem , quamvis per errorem , repeti non possit , l. 10. de cond. ind. ut possit novari & constitui ; atque ita possit , ut etiam ante diem obligationis principalis peti possit , l. 1. & l. 5. de novat. l. 3. §. ult. & l. seq. de pec. const. In debitore hoc efficit , ut & ante diem vel in vitro creditore recte solvat , l. 50. de obl. & act. l. 70. de solut. l. 38. §. 16. l. 137. §. 2. hoc tit. quod interpretandum ex lege 9. C. de so-

lut. Nam cum diei adjectio pro reo sit , non pro stipulatore , d. l. 41. §. 1. eod. medium tempus reo liberum esse debet ad solutionem : quæ etiam ratio redditur in d. l. 38. & d. l. 70. Et vero quidni mihi licet dilationi pro me introductæ renuntiare ? per vulg. Et miror adeo Cujacium in re tam aperta dissensisse , atque eo magis quod sententia sua firmamentum petit ex lege 18. de pec. const. qui locus , etsi solus esset , illum jugularet. Nihil sententiam Cujacii juvat l. 39. de solut. numquam enim obtinebitur importunum tempus esse id quod diem adjectum antecedit. Postea comperi & Guillel. Masium dissentire , l. 1. sing. opin. cap. 4. cuius argumentis vel una hac responsione occurri potest , nempe quod cuique jure facere licet , id ei licere etiam altero invito. Plane si appareat , diem adjectum esse etiam creditoris gratiâ , aliud dicendum est : veluti si quid certo loco dari promissum fuerit , l. 2. quod cert. loc. l. 122. pr. hoc tit. facit l. 15. de ann. legat. l. 17. de reg. jur. Don. in d. l. 41. §. 1. n. 47. & seq. D. Tulden. comm. bicc cap. 12.

Petri prius quam dies venerit] Quod in diem debetur , sive ex stipulatione sive ex alia causa , id ante diem peti , eo nomine agi , debitoremve conveniri antequam dies venerit non posse innumeris locis proditum est , l. 9. in fin. pr. de reb. cred. l. 24. de oper. libert. l. 7. l. 14. quib. ex ca. in poss. l. 213. de verb. sign. l. 43. §. 1. de obl. & act. II. l. 14. 42. 73. 98. §. 1. hoc tit. cum simil. Atque haec tenus quidem Interpp. omnes converniunt , quod etsi dies adjectus non impedit quominus obligatio statim oriatur , tamen efficiat quominus statim agi possit.

5. Ceterum non levis quæstio est agita- ta Citramontanos inter & Ultramontanos , ut appareat ex Cyno & Saliceto in l. un. C. ut act. ab hered. circa explicationem horum verborum , agi , peti non posse : utrum scilicet ea sic accipienda sint ut nulla prorsus ante diem actio esse intelligatur ; an vero sic , ut ipso quidem jure una cum obligatione protinus nascatur actio , sed quæ ante diem cum effectu intentari nequeat , atque intentata exceptione temporis & plus petitionis submo- veatur. Ego in hac quæstione posteriorem sententiam , quæ Citramontanorum fuit , probandum censeo cum Salic. in d. l. un. & Gomez 2. res. 11. n. 21. Etenim posita causâ obligationis proxima , præsenti videlicet obli- gatione , non potest non ponи actio. Sed sunt alia hujus rei argumenta. Agenti ante diem di-

dicitur obstarre exceptio, §. 10. Inst. inf. de except. At exceptio necessario præsupponit actionem. Qui ante diem agit, *premature*, *male*, & *perperam* agere dicitur, l. un. in fin. quand. dies us. leg. ced. l. 118. §. 1. hoc tit. l. 2. §. 6. de eo quod cert. loc. & tempore plus petere, §. 33. Inst. inf. de act. Qui autem nullam omnino actionem habet, si quid moverit, is non male agere, sed *inutiliter*, l. 43. §. pen. de adit. edit. nec plus petere, sed *nihil facere* dicitur, d. l. un. in fin. Adhac effectu nihil interesse utrum stipulationi pure factæ dies postea adjiciatur, an ab initio adjecto die stipulatio fiat, clare arguit d. §. 10. Inst. inf. de except. & frigide contraria disputat Donell. ad l. 41. §. 1. n. 41. &c. 2. seqq. Denique si dies finienda obligationis causa, atque, ut loquuntur, adjectus per modum termini ad quem, adveniens obligationem & actionem ipso jure non tollit; sed hoc tantum efficit, ut per exceptionem actio elidatur: etiam adjectus differenda obligationis & actionis causa, atque ut terminus a quo, efficere non poterit ne statim obligatio & actio nascatur; sed hoc tantum, ut mota ante diem actio exceptione temporali excludatur. Non obstat quod ajunt, contractus & obligationes pendere à voluntate contrahentium, l. 5. C. de obl. & act. actus agentium non operari ultra eorum intentionem, l. 19. de reb. cred. ut proinde cum debitoris intentio non sit ut ante diem obligetur, nec creditoris ut obliget, dicendum videatur, nec ante diem adjectum obligationem & actionem nasci. Nam voluntate contrahentium ratio juris publici mutari non potest, quo placuit certis modis obligationem constitui & finiri, inter quos non est tempus, l. 44. §. 1. de obl. & act. Deinde non hoc in proposito agunt contrahentes ne statim nascatur obligatio, sed ut differatur obligationis executio. D. Bachov. hic.

6. Magis obstat lex 73. hoc tit. ubi Jurisconsultus, propositis aliquot speciebus stipulationum quæ ex re ipsa dilationem capiunt, subjicit, tunc actionem incipere &c. & mox, non antecedere diem &c. An dicimus aliud juris esse cum dies tacite inest, aliud cum aperte adjicitur? An potius exemplorum omnium quæ in d. l. 73. confusim proponuntur non unam eamdemque esse rationem? Sane enim etsi stipulationes illic propositæ in eo omnes convenient quod dilationem habeant, non eamdem tamen habent omnes; sed alia ex tacita conditione, ut stipulatio operarum: alia ex conditione & die

simul, ut stipulatio fructuum futurorum: alia ex die dumtaxat, ut quod certo loco dari promissum est; secundum quæ nisi prædicta illa, actionem incipere, diem cedere, commode explicitur: in certissima juris principia impingatur necesse est. Sic ergo sentio, ex stipulatione in diem concepta statim & obligationem nasci & simul actionem quoad habitum & actum primum; sed diem adjectum impedire seu suspendere actum secundum, id est exercitium actionis & operationem: breviter, ipso jure etiam actionem competere, sed quæ intentata ante diem stipulatione comprehensum exceptione repellere possit. Quid intersit actio ipso jure non competit, an quæ competit per exceptionem removeatur, dicemus inf. sub tit. Inst. de except. Vinn. Non solum in l. 75. ff. de verb. obl. sed & in l. 72. §. ult. ff. eod. difficultas emergit eadem: Plane, inquit Ulpianus, si in insula fulciri quis stipulatus sit, non est expetendum ut insula ruat, sic deinde agi possit, nec insulam fieri, ut tantum tempus prætereat quanto insula fabricari possit. Sed ubi jam capit mora facienda insula fieri, tunc agetur, diesque obligationis cedit. Quæ sane repugnare videntur legibus 14. & 84. ff. eod. ubi post aliquod temporis intervallum, intra quod insula confici & absoluvi potuerit, actio nasci dicitur. Sed non repugnant. Verè enim agi potest, ubi mora sit facienda insula, quod promissor insulam justo tempore non inchoaverit, ad id quod interest moram factam non fuisse. Elapsò autem tanto temporis spatia intra quod probabiliter insula fieri potuissest, agitur ad id quod interest insulam perfectam fuisse. Eodem modo explicanda videtur l. 137. §. 3. ff. eod. uti recte observavit Harprecht. ad Inst. hoc tit. §. hoc n. 5. Hein.

Ne eo quidem ipso die] Apparet igitur in hoc genere dici debere diem venisse, non cum dies stipulatione comprehensus venit, sed cum is dies venit qui illum sequitur. Est enim is quo primum pecunia peti potest; non is in quem stipulatio collata, l. 213. de verb. sign.

Totus arbitrio solventis] Tempus adjectum pro reo non pro stipulatore est, l. 41. §. 1. hoc tit. l. 17. de reg. jur. ideoque nisi partes adjecti temporis omnes præterierint, stipulator non recte agit: ut puta, qui hoc anno aut hoc mense dari stipulatus est, is non recte petit nisi omnibus partibus anni vel mensis præteritis, l. 42. hoc tit. §. ult. Inst. infr. de mut.

inut. stip. Plane si quis ita stipuletur, *Hodie dare spondes?* puram esse hanc stipulationem Papinianus respondit; neque enim in proposito diem differendæ actioni insertum vide ri, sed quo præsens ostendatur esse responsum, l. 118. §. 1. eod.

7. Sive autem hac formulâ concepta sit stipulatio: *Proximis Calendis Martiis, hoc biennio, proximis nundinis, dare spondes?* sive ita: *Ante Calendas, ante biennium, ante nundinas?* sive denique hoc modo: *Post Calendas, post biennium, post nundinas?* non prius recte peti potest quam *Calenda*, biennium, nundinae præterierint: ut promissio semper in tempus finitum non coepit referatur, l. 13. l. 41. cum seq. l. 56. §. 5. l. 138. eod. In diversis temporibus longissimum sequemur, sicut in summis sequimur minimam, l. 12. eod. Quod si simpliciter hoc modo: *Calendis Januariis dabis?* Nisi primas accipimus, inutilis futura est stipulatio, d. l. 41. in pr. Qui certam suam in tribus terminis se soluturum promisit, in ea causa à DD. habetur, ac si annua bima trima die promisisset: id est ut universa summa in tres pensiones annuas dividatur. Sed recte prudentissimus D. Tuldenus hoc ita demum probandum ait, si per relationem aut saltem ex consuetudine hoc actum appareat; alioqui judicem tempus arbitraturum habita ratione summæ & personæ promissoris.

TEXTUS.

De die adjecto perimendæ obligationis causa.

3. *At si ita stipuleris, Decem aureos annuos quoad vivam dare spondes? Et pure facta obligatio intelligitur et perpetuatur, quia ad tempus non potest deberi; sed heres petendo pacti exceptione submovebitur.*

COMMENTARIUS.

1. *Quid juris si quis stipuletur decem quoad vivet, non addito annua.*
2. *Quid si decem in singulos annos, omissis quoad vivet.*
3. *Quid cum obligatio unius summae in plures pensiones dividitur.*
4. *Quibus rebus differat stipulatio in singulos annos à simili legato; et qui istius differentiae effectus.*

5. *Quid juris in casu hic proposito.*

A Gitur hic de efficientia diei stipulationi adjecti in modum termini ad quem, id est perimendæ obligationis causa; doceturque ea conventione non fieri ut aut ab initio suspendatur obligatio, aut postea tempore ipso jure finiatur; ceterum stipulatorem post tempus petentem pacti conventi exceptione summoveri. Affertur pro exemplo casus quo quis annum quid stipulatur quoad vivet. Nos vero, ut res planior fiat, tres casus distinguemus.

1. Primus hic sit, si quis stipuletur decem quoad vivet, nona addito annua aut in singulos annos. In hac specie responsum est decem confessim recte peti: quemadmodum si quis usque in Calendas dari stipulatus fuerit, etiam ante Calendas petere potest. Sed & obligationem perpetuari; ideoque & heredem illius & hunc post Calendas petere posse; ceterum petentes exceptione pacti conventi aut doli mali submoveveri, l. 56. §. 4. hoc tit. l. 44. §. 1. de obl. &c. Utrum autem qui decem quoad stipulator vivet dare spondit, intelligatur decem semel, quod Duarenio in d. l. 56. placet; an decem annua promisso, quod Donello ibid. & D. Tuldeno in comm. hic cap. 11. & ego quoque verius puto (certe usui loquendi hodierno magis convenit): ad id de quo nunc queritur, id est an statim ex ea stipulacione agi possit, & semel constituta perpetuetur, nihil interest.

2. Alter casus hic esto, si ita stipulatio concepta sit, *Decem singulos in annos dabis?* omissis his verbis *quoad vivam*. Hic illud primum tenendum est, effectu nihil interesse utrum quis decem in singulos annos, an decem annua, an decem quotannis, aut singulis annis stipuletur, uti nec in legato annuo refert quibus ex his verbis utare, l. 8. §. 23. de transact. l. 12. §. 6. quand. dies leg. Deinde in hac stipulacione adjectionem annorum non efficere quominus statim nascatur obligatio & actio, arg. huj. l. 6. legis 12. fac. l. 20. quand. dies leg. l. 56. §. 4. hoc tit. ac proinde initio cujusque anni decem tamquam pure promissa recte peti. Ratio est, quia annorum adjectio non differendi sed multiplicandi causa facta intelligitur; idque ex eo appetit, quod nisi anni adjecti essent, intelligeremus summam semel tantum deberi, non saepius. Non idem juris est cum quid promittitur hoc anno, hoc biennio, & semel;

quo-

quoniam in re quæ etiam anno non adjecto deberetur, non potest intelligi annus adjectus nisi obligationis differendæ causa. l. 42. hoc tit.

3. Aliud quoque est cum aperte obligatio unius summæ in plures pensiones dividitur: veluti si centum à te stipulatus sim, & convenerit inter nos ut eam divisis trium annorum pensionibus præstares; hic primi anni pensio non nisi finito primo anno peti potest; eademque ratio est sequentium, l. 40. de reb. cred. l. 3. de ann. legat. l. 49. de legar. 1. Postremo annuam stipulationem unam esse & perpetuam, ita ut ad heredes quoque obligatio transmittatur, l. 16. §. 1. hoc tit. arg. l. 13. C. eod. Moller. 5. semest. 48. quamvis id negat Bart. arg. l. 34. §. ult. vers. sin autem C. de donat. Nam, ut bene observaverunt Contius & Cujacius, in eo versiculo corrupte legitur, *vel adjiciatur tempus vitæ*; eo enim modo si legas, pugnabit ex diametro dict. versiculus cum principio §. Itaque omnino legendum *vel non adjicitur*, ut Græci lib. 47. *βασιλικῶν*.

4. Multum ergo differt stipulatio in singulos annos à simili legato. Legatum annum multiplex est, l. 10. quand. dies leg. l. 11. de ann. legat. neque infinitum tempus habet, sed morte legatarii finitur, l. 4. d. tit. l. 16. §. 1. hoc tit. Sic enim jus est cum annum aut in annos si singulos legatur, ut primi quidem anni j. m. coepit legatum purum habeatur, & defuncto post mortem testatoris legatario ad heredem ejus legatum illius anni transeat; sequentium vero annorum legata conditionalia existimentur iisque inesse videatur hæc conditio, si legatarius vivet; ejusque tantum anni legatum transmittatur quo legatarius vixit, l. 4. l. 8. de ann. legat. Unde etiam illud est, quod per singula legata excutitur persona legatarii, an jus capiendi habeat, l. 1. d. tit. Diversa omnia in stipulatione annua. Hæc una est, d. l. 16. §. 1. hoc tit. ut tamen sit plurimum pensionum diversis temporibus exigendarum & præstandarum, l. 58. de fidejuss. Hinc fit ut conditio stipulatoris semel tantum & initio contractus inspiciatur, l. 35. §. ult. de mort. ca. don. l. 78. hoc tit. Cujus differentiae hic effectus, ut si verbi causa servus cum annum legatum est primo aut altero anno post mortem testatoris consequatur libertatem, sequentium annorum legata sibi adquirat, l. 12. §. 1. quand. dies leg. quod secus esse dicemus in annua stipulatione, d. l. 78. hoc tit. Et d. l. 35. §. ult. de mort. ca. don. Postremo, ut jam diximus, stipulatio in annos singulos perpetua est, nec

morte stipulatoris finitur, d. l. 16. §. 1. hoc tit. Cur tam varie? Nimirum quia testator in legato annuo etsi non adjecterit *quoad vivet legatarii*, soli tamen legatario consulere voluisse creditur, non heredi ejus. Præsumto ex eo, quoniam legata vel ob meritum personæ legatarii, vel ob testatoris erga eum benevolentiam relinqu solent, l. 9. cum seq. pro soc. quorum neutrum in heredem legatarii utpote quem testator non novit, cadere potest. At in conventionibus pro communi hominum affectu ea mens & cogitatio contrahentium esse putatur, ut qui sibi cavet etiam heredibus cautum velle intelligatur, nisi contrarium probetur, l. 9. de probat. Plane si causa obligationis cohæreat personæ stipulatoris, veluti, si quid anni in alimenta alicui promissum fuerit, aut si medicus certam summam annuam stipuletur, l. 10. §. 1. de ann. legat. dicendum est tali stipulatione personam heredis non contineri; ideoque si petat doli mali exceptione posse submoveri.

5. Tertius & postremus casus sit qui hic proponitur, si quis stipuletur decem annua *quoad vivet* sibi dari. Justinianus expresse ait hoc casu obligationem pure factam intelligi, atque etiam perpetuari, quoniam ad diem obligatio constitui non potest. Quamobrem quod proprium est puræ obligationis, ex hac stipulatione similiter ut ex superiori, confessim seu initio cujusque anni recte agetur, nec morte stipulatoris finietur obligatio. Ceterum hoc inter hunc & præcedentem casum interest, quod hæc heredes stipulatoris petentes pauci conventi exceptione repellantur, propter verba illa *quoad vivam*, quæ finiendæ obligationis causa adjecta esse constat, l. 56. §. 4. hoc tit. l. 44. §. 1. de obl. Et act. illic obligationis effectus etiam post mortem duret, l. 16. §. 1. hoc tit.

TEXTUS.

De conditione.

4. *Sub conditione stipulatio fit, cum in aliquem casum differtur obligatio ut si aliquid factum fuerit vel non fuerit, committatur stipulatio: veluti, Si Titius consul fuerit factus quinque aureos dare spondes? Si quis ita stipuletur, Si in Capitolium non ascendero dare spondes? perinde erit ac si stipulatus esset cum moreretur sibi dari. Ex conditionali stipulatione tantum spes est debitum iri; eamque ipsam spem in heredem transmit-*

ti.

timus si prius quam conditio extet mors nobis contigerit.

L. 14. tit. 11. Part. 5.

COMMENTARIUS.

- 1 Quid sit conditio & quotuplex; tum quæ conditiones inutilem stipulationem ab initio faciant.
- 2 Etiam promissiones quibus tacite conditio inest pro conditionalibus esse.
- 3 In conditionibus arbitrariis quid juris.
- 4 De cautione Muciana, & an ea quoque locum habeat in contractibus.
- 5 Pendente conditione nibildum deberi; & quæ inde consequentia.
- 6 Insigne discrimen circa stipulationes & legata conditionalia.
- 7 An id discrimen quoque pertineat ad conditiones arbitrarias.

1. **H**actenus dictum de stipulatione pura & ea quæ fit in diem: sequitur ea quæ fit sub conditione. Conditio, ut alibi quoque definivimus, est adjectio quæ id quod dari aut fieri volumus conferatur in aliquem casum: ad quem modum etiam hic definitur. Itaque duo hæc conditionem faciunt, dilatio & casus sive incertus eventus; ac proinde quæ adjectio obligationem non differunt, quales sunt quæ ad præsens aut præteritum tempus referuntur, §. pen. inf. hoc tit. & quas certum est omnimodo extituras esse, veluti si stipuler mihi dari si morieris, si Calendis sol orietur, l. 18. de cond. ind. l. 79. de cond. & dem. l. 9. §. 1. de novat. pro conditionibus non sunt habenda. Enimvero quidquid adjectum rem in incertum eventum differt, id sive arbitriatum est sive fortuitum sive mixtum ex utroque, stipulationem facit conditionalem, l. 46. §. 2. l. 99. §. 1. l. 108. l. 115. §. 1. & 2. hoc tit. l. 2. l. 7. de cond. & dem. Atque hinc nata distinctio vulgo recepta, quod conditiones quædam sint casuales, quæ scilicet à solo casu dependent, veluti si Titius consul factus fuerit, vel non fuerit: quædam potestativa, quarum impletio in potestate reorum est, ut si Capitolium ascenderis, vel non ascenderis: quædam mixtae, partim fortuitæ, partim arbitrariæ, ut si Mæviam uxorem duxeris. Due omnino conditiones sunt quæ inutilem conventionem ab initio efficiunt: conditio impossibilis in faciendum

concepta, l. 7. hoc tit. §. 11. Inst. inf. de inut. stip. & ea quæ in arbitrium rei promittendi aperte collata est, l. 17. d. l. 46. §. ult. d. l. 108. §. ult. hoc tit. l. 8. ff. de obl. & aff. l. 13. C. de cont. emt.

2. *Cum in casum differtur obligatio*] Atque ideo existente demum casu in quem dilata est dies hujus obligationis cedit, neque antea quidquam deberi intelligitur, l. 213. de verb. signif. Differtur autem obligatio in casum non tantum conditione conventionis expressa ut in exemplis hic propositis, sed etiam intellectâ seu tacite comprehensâ: quod ex rebus ipsis intelligitur, puta vel ex incerto tempore, veluti si dies incertus stipulationi adjectus fuerit qui an extiturus sit ignoretur, de quo dictum §. 2. vel ex demonstratione rei promissæ in futurum collata: ut in hac conceptione Stichum qui hoc anno tuus erit dare spondes? l. 6. de legat. l. 1. 85. de legat. 3. item in hac quod patrem meum debere constiterit dare spondes? l. 122. §. 4. hoc tit. vel ex rei promissæ natura, veluti cum promittitur res quæ nondum est in rerum natura, utrum autem futura sit pendet ex incerto naturæ aut juris eventu: cuius generis est promissio fructuum qui in fundo nascentur, l. 37. hoc tit. item promissio dotis, cui inest hæc conditio si nuptiæ sequantur, l. 21. de jur. dot. Itaque has etiam conventiones, & si quæ sunt similes, sciamus conditionales esse.

Committatur stipulatio] Committi stipulatio dicitur existente conditione sub qua stipulatio facta est, ut jam ex ea agi possit, l. 115. §. 1. & 2. l. 122. §. 4. hoc tit.

Si in Capitolium non ascendero] Jurisconsulti cum de conditionibus tractant creberime his exemplis utuntur *Si in Capitolium ascenderis*, aut *Si in Capitolium non ascenderis*: quod ex consuetudine Romanorum fluit, qui precatur aut sacra facturi unâ cum Pontifice in sacram arcem scandebant. Horat. 3. carm. ad Melpomenen Od 30. v. 6.

*Non omnis moriar, multaque pars mei
Vitabit Libitinam. Usque ego postera
Crescam laude recens, dum Capitolium
Scandet cum tacita virgine Pontifex.*

Tacit. lib. 14. cap. 61. Exin Capitolium scandunt, Deosque tandem venerantur. Plin. in paneg. cap. 5. Tibi ascendentis de more Capitolium civium clamor, ut jam Principi, occurrit. Plura hujusmodi in Veterum scriptis observavit D. Duar. 1. disput. 15.

3. *Ac si stipulatus cum moreretur*] In condi-

ditionibus arbitrariis, quæ in non faciendo sunt conceptæ, expectatur donec certum atque exploratum sit fieri amplius non posse: ut ecce, si hoc modo stipulatus fuerit, *Si intra biennium Capitolium non ascenderis dari spondes?* non nisi præterito biennio recte petam, l. 99. §. 1. hoc tit. Idem est si conditio in dando posita sit, dummodo stipulatio à conditione incipiat: veluti si sit ita cautum: *Si Pamphilum non dederis tantum dari spondes?* nam & hic responsum est, non antè committi stipulationem quam si Pamphilus desisset posse dari, l. 115. §. 2. eod. Dixi, si stipulatio dandi à conditione coepit; nam si non à conditione sed ab alia pactio- ne coeperit, veluti si ita fuerit concepta *Pamphilum dari spondes?* *si Pamphilum non dederis tantum dari spondes?* committitur stipulatio simul ac debitor interpellatus facere potuit neque fecit, d. l. 115. §. 2. His con sequens est, si simpliciter sic fuerit concepta stipulatio *Dabis si in Capitolium non ascenderis?* post mortem demum rei promittendi stipulationem committi; quandoquidem tum demum certum esse coepit in Capitolium eum ascendere non posse, d. l. 115. §. 1. Quod si conditio non faciendi in personam rei stipulandi collata fuerit, ut in exemplo hic proposito: illius mors spectanda erit. Et itaque illo casu heres promissoris demum conveniri poterit, hoc demum agere heres stipulatoris.

4. In legatis sub conditione non faciendo collata in potestatem legatarii aliud servatur, placetque desiderante legatario statim repræsentari legatum, dum is caveat nihil se ejus facturum quod testator fieri noluit; si contra fecerit, rem unā cum fructibus restituturum, quæ cautio, quod à Q. Mucio inventa & composita est, Muciana dicta l. 7. 18. & 79. §. 2. de cond. & dem. Quæ vero ratio est quod hæc cautio in legatis & hereditatibus admissa, in contractibus non item? Nimirum quia voluntati testatoris satisfieri intelligitur, modo ne peccetur contra conditionem, quod solum testator creditur spectasse. In stipulationibus autem sine injuria promissoris admitti non potuit. Nam qui promittit sub hujusmodi conditione *si in Capitolium non ascendero*, satis aperte hoc agit ut ne ipse unquam conveniatur, sed demum ipsius heres; & eadē conditione in personam stipulatoris collata, ne stipulator unquam petere possit sed illo mortuo heres ejus, & alias quoque in ambiguo secundum

promissorem interpretatio fit, & stipulatori imputatur quod non apertius stipulationem conceperit, l. 99. hoc tit. Aliam rationem reddit Ant. Fab. 2. conj. 16. quod nisi hæc cautio inventa esset, legata sub conditione non faciendi intercederent: quam & olim Porcius attulit, & solidiorem esse nonnulli existimant. Sed hæc ratio in hereditatibus valere potest; in legatis falsa est; quippe cum ut ad heredem legatum transferatur sufficiat moriente legatario diem legati cedere, l. ult. de cond. inst. Gomez 2. res. 11. n. 37. Cujac. 14. obs. 22.

Ac si cum moreretur] Hoc magna indiget cautione. Nam similitudo harum cautionum *Si Capitolium non ascendero dare spondes?* & *Dabis cum moriar?* in eo dumtaxat consistit, quod ex neutra cum promissore agi potest ante mortem stipulatoris; cetera sunt dissimiles. Quippe prior illa conditione alis est non actionem tantum sed etiam obligationem differens; altera in diem, ex qua licet ante diem non recte agatur præsens tamen obligatio est, ll. 17. & 18. de cond. ind.

5. *Tantum spes est debitum iri]* Vis conditionis omnis hæc est, ut pendente ea nihil dum debeatur, eā impleta perinde habetur ac si ab initio pure debitum fuisset, deficiente quasi nulla unquam fuisset obligatio, l. 16. de cond. ind. l. 26. de cond. inst. l. 5. §. 2. quand. dies leg. ced. l. 213. de verb. sign. l. 8. de per. & com. rei vend. l. 11. §. 1. qui pot. in pign. Cum itaque pendente conditione necdum ulla obligatio nata sit, con sequens est id quod sub conditione debetur ante eventum conditionis non recte solvi, ac proinde si pendente conditione 'solutum' sit repeti posse, dd. ll. 16. & 18. l. 43. de cond. ind. l. 38. §. 16. hoc tit. eademque ratione nec novari poterit aut constitui, nisi hac legi ut eadem conditione spectetur, l. 14. §. 1. de novat. l. 19. de pec. const. Hinc intelligitur quantum intersit inter stipulationem in diem & conditionalem.

6. *Eamque spem in heredem transmittimus]* Si pendente conditione aut stipulatori aut promissori quid humanitus contingat, nihilominus in suspenso manet obligatio, atque existente postea conditione stipulatio committitur, ut aut heres stipulatoris agere, aut heres promissoris conveniri possit, §. pen. Inst. inf. de inut. stip. l. 57. hoc tit. l. 73. §. 1. ad leg. Falc. fac. l. 8. de per. & commod. Non obstat regula juris veteris, quæ vetabat obligationem ab herede aut contra heredem inci-

pere. Nam conditio existens retrotrahitur ad tempus contractus: hoc est, ubi semel extitit conditio perinde habetur ac si ab initio sine conditione obligatio contracta fuisset, *l. 11. §. 1. qui pot. in pign. d. l. 8. de peric. & comm.* Cur ergo diversum jus s: quimur in conditionalibus legatis, placetque mortuo ante eventum conditionis legatario ad heredem ejus nec spem ullam transmitti? *l. 4. l. 5. §. 2. ff. quand. dies leg. l. un. §. 7. C. de cond. toll.* Cur, inquam, cum tam ex causa legati conditionalis quam ex simili stipulatione spes sit debitum iri, non et que spes illa transmittitur in heredem legatarii atque in heredem stipulatoris? Nimirum ideo, quia cum beneficia suprema voluntate ob merita plerumque dari aliamve ob causam solent propter quam ad complectendum aliquem afficimur, *l. 9. pro soc.* existimandum est testatorem in legando personam tantum legatarii cogitasse, eique soli non etiam heredi ejus, qui incertus est, beneficium conferri voluisse. At in pactis & contractibus non tam ad personas pacientium quam ad rem familiarem respicitur, crediturque quisque eo animo esse ut non tantum sibi verum etiam heredibus suis prospectum velit, *l. 9. de probat. add. Gomez 2. res. 11. n. 12. D. Tuld. comm. hic cap. 7.* Adhac contractus etsi conditionalis est, tamen ex praesenti vires accipit, *l. 26. de stip. serv. argumento* est, quod jam ab initio haec tenus personas contrahentium adstringit ut alteri invito altero non liceat ab eo recedere, *l. 5. C. de obl. & act.* Unde quoque est, quod eum qui sub conditione stipulatus est etiam pendente ea placet creditorum numero in quibusdam causis haberis, *l. 10. l. 54. de verb. sign. l. 4. de reb. aut. jud. poss. l. 9. §. 1. l. 11. §. 1. qui pot. in pign. l. 78. hoc tit. l. 16. de solut.* in quo item dissimilis causa est ejus cui sub conditione legatum est, *l. 42. de obl. & act. Cujac. in d. l. 10. de verb. signific. Vinn.* Et hanc posteriorem rationem breviter inculcat Paulus *l. ult. ff. comm. præd.* Nec enim, sicut viventium, ita & defunctorum exitus suspendi receptum est. Quæ verba eleganter interpretatur D. Huber. *Prælett. ad Inst. hoc tit. §. 3. Hein.* Enimvero quod hic simpliciter traditum est, ex conditionali stipulatione quæ spes est debitum iri eam ad heredem stipulatoris transmitti, id plerique opinantur ad eas dunitaxat conditions pertinere quæ à casu pendunt; arbitrarias autem morte ejus deficere in cujus potestatem collatae sunt, arg. *ll. 44. 69. & 109. de cond. &*

dem. l. 65. §. 1. de legat. 1. Gail. 2. obs. 2.
 7. Verum ego putarem, in contractibus distinguendum esse inter ipsas conditiones arbitrarias, ut siquidem factum contineant cohærens personæ, aut alias in apponendo persona solummodo spectata sit, earum impletardarum jus ad heredem non transeat. At si talis sit conditio quæ eodem modo ab herede impleri possit, pura si in dando consistat: hic quia non videtur persona operare persona spectata, dicam jus impletæ conditionis, licet arbitrariæ, ad heredem stipulatoris transmitti. Nam cum hujuscemodi conditio per quemvis alium nostro nomine impleri possit, cur non & per heredem possit, qui eadem persona cum defuncto habetur? *l. ult. de cond. inst. fac. l. 27. §. 1. de recept. arb. l. 15. de in diem addit. l. 8. ff. de per. & comm. rei vend. l. 2. C. de pact. int. emt. Vid. Duar. in Scævol. n. 14. & seqq. Cujac. in l. 57. hoc tit. D. Tuld. comm. hic cap. 9.*

TEXTUS.

De loco.

5. *Loca etiam inseri stipulationi solent, veluti Carthagini dare spondes? Que stipulatio licet pure fieri videatur, tamen re ipsa habet tempus adjectum quo promissor utatur ad pecuniam Carthagini dandam. Et ideo si quis Romæ ita stipuletur, Hodie Carthagini dare spondes? inutilis erit stipulatio, cum impossibilis sit repromissio.*

L. 13. tit. 11. Part. 15.

COMMENTARIUS.

Hujus tiuli §. 2. cum de stipulatione in diem ageremus, diximus esse quasdam stipulations quæ licet verborum figurâ puræ sint, tamen ad stipulations in diem factas referri debeant, propterea quod tacite tempus complectantur atque ex re ipsa dilationem habeant: cujus generis etiam ea est de qua hic agitur, cum locus stipulationi insertus est.

Re ipsa dilationem habet] Cum stipulamur quid dari certo loco, pura Carthagini aut Ephesi, stipulatio verbis pura ex re ipsa dilationem capit; inest enim tacite tempus quo Carthaginem aut Ephesum perveniri possit, nam alioqui præstatio fit impossibilis, *l. 41. §. 1. l. 73. l. 137. §. 2. hoc tit. l. 2. §. 6. quod cert. loc.* Quodnam vero tempus hic accipi oportet?

oporteat eleganter nos docet Venulejus d. l. 137. §. 2. nimis totam eam rem ad judicem, id est virum bonum, remittendam esse, qui aestimet, habita ratione temporis, *περὶ τὸ τοῦ ἔτους διάστημα (pro locorum intervallo)*, etatis, sexus, valetudinis, quanto tempore diligens paterfam. confidere possit quod facturum se promissit.

*Si quis Romæ stipuletur, Hodie Cartbagini dari, inutilem esse stipulationem placet, d. l. 2. §. 6. quod cert. loc. optima ratione, quia tali stipulatione causa impossibilis continetur. Neque enim qui Romæ est intra unum diem potest Carthaginem pervenire; nisi vero eo pervenerit Carthaginii dare non potest. Igitur impossibilitas præstationis inutilem in casu proposito stipulationem facit, perinde quasi impossibilis conditio adjecta sit, cuius adjectione stipulationem ceterosque contractus vitiari constat, l. 13. de obl. & act. l. 7. hoc tit. §. 11. Inst. inf. de inut. stip. Diverso jure utimur in ultimis voluntatibus, in quibus placet conditionem impossibilem aut spatiū temporis ad dandum impossibile pro non adjecta haberi, l. 1. l. 6. de cond. inst. l. 3. de cond. & dem. l. 12. §. 1. de legat. 1. Diversitatis ratio alibi à nobis indicabitur, d. §. 11. Inst. Gajus l. ult. §. 4. hoc tit. casum proponit quo etiam stipulatio hæc Roma facta, *Hodie Cartbagini dare spondes?* valere potest: nempe si tam stipulator quam promissor ante aliquod tempus suo quisque dispensatori notum fecerit in eum diem futuram stipulationem, addito mandato ut alter daret, alter acciperet.*

TEXTUS.

De conditione ad tempus præsens vel præteritum relata.

6. *Conditiones quæ ad præsens vel præteritum tempus referuntur, aut statim infirmant obligationem, aut omnino non differunt: veluti Si Titius consul fuit, vel Si Mævius vivit dare spondes? Nam si ea ita non sunt, nihil valet stipulatio; sin autem ita se habent, statim valet. Quæ enim per rerum naturam sunt certa non morantur obligationem, licet apud nos incerta sint.*

L. 12. in fin. tit. 11. Part. 5.

COMMENTARIUS.

In futuris incipientiam nostram inspici, non rerum

naturam; in præsentibus & præteritis contrà.

Conditionis proprium est rem in aliquem casum, id est in incertum eventum differre, §. 4. sup. Id autem fit, cum oratio in futurum confertur, non cum in tempus præsens aut præteritum, nam futura tantum incerta sunt, præsentia & præterita certa, etsi contrahentes veritatem ignorant. Et ideo placuit, sermonem ad præsens vel præteritum tempus relatum vim conditionis non habere: veluti si quis dixerit, *Si Rex Parthorum vivit, si Cæsar victoriā potitus est*; sed in proposito aut statim obligationem perimi, aut omnino non differri: perimi si ita non sit, si Rex Parthorum non vivit, Cæsar non vicit; non differri, si ita sit, ll. 100. & 120. hoc tit. l. 37. cum 2. seqq. de reb. cred.

Conditiones quæ ad præsens] Hæ orationes; *Si Titius consul factus est, Si Mævius vivit,* & similes quæ ad præteritum aut præsens tempus referuntur, vi & potestate conditiones non sunt; quoniam obligationem non differunt, sed efficiunt ut statim aut nihil debeatur aut pure debeatur: nihil, si falsæ; pure, si veræ. Pugnant autem pure deberi & sub conditione. Apellantur tamen & ipsæ conditiones quia figuræ & conceptione verborum tales sunt, ut significatur in l. 69. de her. inst. l. 39. de reb. cred. Licebit itaque hic uti eadem distinctione qua Logici utuntur in relatis: ut dicamus esse quasdam conditiones *secundum esse*, quæ scilicet vere tales sunt & obligationem suspendunt, cujusmodi sunt quæ in futurum conferuntur, quasdam *secundum dici*, quæ figuram dumtaxat conditionis habent, vim & potestatem non obtinent, quales sunt quæ ad præsens aut præteritum tempus referuntur; eodemque numero illæ quoque habendæ quas certum est extiritas esse, veluti si quis stipuletur sibi dari *Si Titius morietur*, l. 9. §. 1. de novat. l. 17. cum seq. de cond. ind. VNN. Non magis proprie conditionis nomen meretur conditionis impossibilis, partim quod ea obligationem non suspendit sed perimit, partim quia eventus jam antea certus est, nempe quod conditionis numquam sit exstirita. Ergo & hæc improprie dicitur conditionis HEIN.

Aut statim infirmant obligationem] Modestin. l. 100. hoc tit. perimunt: quod abusive dici constat. Nam si rem spectamus, falsum id est, cum obligatio perimi non possit quæ nulla est. Sed cum ignorantiam nostram spectamus videtur obligatio suspendi, quia apud nos

nos in suspenso est utrum conditio extiterit necne ; cuius ipsius ignorantiae ratione dicitur obligatio perimi aut infirmari , cum apud nos certum esse incipit conditionem esse falsam.

Nihil valet stipulatio] Quod modo dixit, statim infirmari obligationem , id quomodo accipiendo sit ex his verbis intelligitur : nimirum si hæc conditio *Si Mævius vivit falsa sit*, statim nihil valere stipulationem, seu obligationem non tenere , l. 37. de reb. cred.

Quæ per rerum naturam certa sunt] Dummodo jam sint aut præterierint, ut etiam ab hominibus , licet non omnibus, sciantur , l. 38. de reb. cred. Unde apparet , non recte cum casu hic proposito comparari casum legis 28. §. ult. de judic. & l. 3. si pars ber. pet. Nam quod in utero est adhuc futurum est , ac nemo hominum scire potest unusne an plures, & quot in utero sint, & an nascituri sint ; ut merito in eo inscientiam nostram intueri debeamus , non rerum naturam , cui aliqui etiam certa quæ futura sint , d. l. 28. §. ult. de judic. quamquam in specie illic proposita variasse Jurisconsultos constat ex lege 30. §. 6. de adq. ber. Et distingui etiam potest inter obligationem seu jus peritoris, quod ex even- tu ejus rei quæ in conditione est solum pen- det , de quo hic quæritur ; & petitionem quæ in judicio instituitur , & probationem etiam ejus quod accidisse dicimus desiderat , de qua agitur in d. l. 28. §. ult. de judic. Nam &c in terminis hujus §. si ad judicem itum fuerit, quamdiu is ignorat vivatne verbi gratia Mævius necne , sententiam secundum petitorem aut promissorem ferre non poterit ; licet per se verum sit & certum valere aut non valere stipulationem. Nec tamen ideo Hottomanno assentior , qui putat hujuscemodi stipulationem *Si mævius vivit dare spondes?* quamvis id per se verum sit , non pro pura habendam esse , sed pro concepta in diem. Puram enim eam esse ostendit hic locus & lex. 100. hoc tit. siquidem pura dicenda est quæ obligationem omnino non differt , id est cuius dies & cessit & venit , l. 213. de verb. sign. ac proinde si stipulator statim ex tali stipulatione agat , non repelletur exceptione, nec causâ cadet aut tempus ei duplicabitur quasi perperam agat & plus tempore petat; sed petendi terminus ad probandum à judice dabatur , ut recte Joann. Fab. hic,

TEXTUS.

Quæ in stipulatum deducuntur.

7. Non solum res in stipulatum deduci pos- sunt , sed etiam facta : ut si stipulemur ali- quid fieri vel non fieri. Et in bujusmodi stipu- lationibus optimum erit pœnam subjecere , ne quantitas stipulationis in incerto sit. Itaque si quis ut fiat aliquid stipuletur , ita adjici pœna debet : Si ita factum non erit pœna no- mine decem aureos dare spondes ? Sed si quæ- dam fieri , quedam non fieri , una eademque conceptione stipuletur quis , clausula bujusmodi erit adjicienda : Si adversus ea factum erit, sive quid ita factum non fuerit , tunc pœna nomine decem aureos dare spondes ?

L. 35. tit. II. Part. 5.

COMMENTARIUS.

- 1 Cum quid fieri stipulamur cur incertum sti- pulari videamur.
- 2 In facti obligatione numquam factum ita ver- sari ut peti possit , sed id quod interest dumtaxat.
- 3 Facta hic intelligenda nuda & simplicia , non quæ in rei alicujus præstatione consistunt: tum quid hic juris bodie.
- 4 Id quod interest , incertum esse; & qua ra- tione.
- 5 Pœna stipulatione incertitudini obligationis occurri.
- 6 An per subjectam pœnalem stipulationem pre- cedens novetur obligatio.

1. **I**n signis hic locus est propter sti- pulationes & obligations facien- di. Non res tantum sed etiam facta in sti- pulationem deduci posse constat : unde quædam stipulations in dando quedam in fa- ciendo consistere dicuntur , l. 2. hoc tit. Cum quid fieri stipulamur incertum stipulari vide- mur , l. 77. §. 7. eod. non utique ob id tan- tum quod priusquam quid fiat incertum est an fiat , aut si sit incertum quale sit ; sed mul- to magis , quia si promissor non faciat per moram tacita quedam potestate juris induci- tur novatio & obligatio in id quod interest , cuius quantitas est incerta , l. 68. eod. & ideo utile est stipulationi faciendi pœnam sub- jecere : quod hic monet Justinianus , & Ve- nulejus leg. ult. de præt. stip. Sed quoniam in hunc

hunc locum incidimus, age paulo plenius eum explicemus.

2. In obligationibus faciendi ita jus est, ut licet ab initio & quamdiu fieri potest quod promissum est factum in obligatione versetur, unde etiam obligatio faciendi dicitur; tamen numquam ita ut id peti possit; quippe ex stipulatione faciendi placet non ante agi posse quam tempus illud præterierit intra quod fieri debuit & potuit quod promissum est; sed eatenus tantum, ut promissor præstando quod promisit liberetur. Postquam autem transit tempus intra quod fieri poterat quod promissum est, exinde contineri incipit, solumque deberi id quod interest, *l. 14. 72. 84. & 112. §. ult. hoc tit. l. 13. in fin. de re jud.* ut tamen quandiu lis nondum contestata est, placeat promissorem paratum præstare quod promisit adhuc audiendum esse, & faciendo liberari, *d. l. 84.* nam hic etiam locum habet quod de emendatione moræ à Celso adolescentem scriptum memorat Ulpianus *l. 91. §. 3. hoc tit.* facultatem offerendi morā amissam summo jure, ex bono & aequo recipi moræ purgatione.

3. Ceterum ex factis ea tantum hoc pertinere arbitror quæ nuda sunt & simplicia, seu quæ in meritis faciendi finibus consistunt, operamque hominis & membrorum corporis desiderant: qualia sunt, *Roman ire, tabulam pingere, insulam edificare, fossam fodere,* cuiusmodi in hac disputatione exemplis etiam Veteres utuntur. Hæc facta, inquam, hæc tenus tantum in obligatione esse intelliguntur, ut faciendo debitor liberetur; peti numquam possunt, sed id solum quod interest; neque id statim, sed tum demum cum transierit tempus quo potuit fieri quod promissum est. At si factum quod in conventionem deductum est in re alicuius præstatione consistat, sive ad dationem dominii-ve aut juris alicuius translationem ordinetur: id magis pro datione quam pro facto habendum puto, arg. *l. 52. §. 1. hoc tit.* & rem ipsam ad quam principaliter respicitur peti posse. Neque enim dubitandum, quin si ex causa venditionis stipulatus sim rem mihi tradi eam ipsam rem petere possim, *l. 11. §. 2. de aff. emt.* Utrum autem ut hoc casus peti potest, ita & præcisely præstanda sit; an solutione ejus quod petitoris interest liecat defungi, alibi fortassis tractabitur. In præsentia satis est nos scire, de quo genere factorum hic agatur: nimurum de nudis & pu-

ris, quæ extorquere ab invitis species quædam servitutis videatur. Duar. in *d. l. 72. hoc tit.* Atque hæc communis quoque DD. sententia est. Vid. Christin. *vol. 1. decis. 323. Vinn.* Ita quidem vulgo; sed nulla ex adductis legibus hoc probat. Non enim queritur, an qui factum promissum non præstitit debat id quod interest? Id leges affirmant, & nemo negat. Sed quæstio est, si qui factum stipulatus est urgeat ut promissa existant, an non remediis prætoris compelli possit promissor ut faciat quod se factum promisit? Et id numquam negant leges; adeoque falsa sunt illa quæ vulgo audiuntur: *ad factum nemmo potest cogi;* item: *qui factum promisit liberatur præstando quod interest.* Vid. Cujac. *ad l. 72. ff. de verb. oblig.* Coras. *Miscell. lib. 2. cap. 3.* Perez Erotem. *ad §. ult. Inst. hoc tit.* D. Huber. *prælett. ad Inst. hoc tit. §. 5. HEIN.* Hanc Heinecii sententiam, quam etiam sequitur Pichardus ad *hunc text.* hodiernus usus comprobavit. Itaque qui factum promisit, ad illud precise tenetur; & multæ dictione vel detrusione in carcerem cogitur. Falsa igitur illa DD. axiomata: ad factum neminem teneri: facti promissorem solvendo quod interest etiam invito creditore liberari. Plane si facti promissorem poenam coercitus invictam gerat contumaciam, factum in stimationem ejus quod interest erit commutandum. Vide *Grenew. de leg. abrog. ad leg. 13. de re judic.*

ADDITIONES

Vel non fieri] Stipulatio in facto esse etiam illa dicitur quæ continent quod est in non faciendo: veluti, *Per te non fieri quominus mihi ire agere licet* &c. *l. 2. §. pen. hoc tit.* quamquam hæc alibi ut opposita distinguuntur, *l. 75. §. 7. eod.* Hujusmodi vero stipulations numquam aliter committuntur quam si quid factum sit contraria quam cautum est *d. l. 2. §. pen. l. 4. §. 1. eod.* & ideo necesse est committi in id quod interest; siquidem ejus quod jam factum est nomine nihil peti potest, nisi id quod ob id factum habet stipulatoris; id autem est id quod ejus interest est contraria factum non fuisse.

Optimum erit poenam subjecere] Stipulatio faciendi incerta est: quæ incertitudo cum non levia habeat incommoda, quo pacto ea incommoda vitari possint utile visum est Imperatori hic monere. Incerta est hæc stipulatio, quia id in stipulationem venit quod stipulatoris interest. Ratio redditæ à Paulo in *l. 68. hoc tit.* Venire id quod interest & stipulatione faciendi contineri satis antea proba-

batum est ; quare hoc pro confesso nunc sumimus. At quomodo hac ratione efficitur ut stipulatio sit incerta ? Nimur quia id ipsum quod interest est incertum, *l. ult. de in jus voc.* quod etiam Paulus *d. l. 68.* vult intellegi.

4. Est vero id quod interest incertum dupli ratione, ab eventu ipsius rei, & à probatione. Prior incertitudo indicatur definitio ejus quod interest. Sic enim definitur, ut sit quod nobis abest quodque lucrari potuimus, *l. 12. rat. rem. hab.* Ut ergo quid nostra intersit hinc pendet, si quid amisimus ob id quod factum non est quod fieri debuit; aut si quid lucrari potuimus si factum esset quod promissum est, quod quia factum non est lucratii non sumus s' totum vero hoc incertum est ; quid hic amittamus aut lucremur; fierique potest ut si non fiat quod promissum est alias plus alias minus amittamus, interdum etiam ut nihil : secundum quæ eadem quoque ejus quod interest aestimatio facienda, *l. 13. in pr. de re jud. l. 112. §. 1. hoc tit.* Inde dictum, quatenus cujusque intersit in facto non in jure consistere, *l. 24. de reg. jur.* Ratione quoque probationis incertum est id quod interest ; neque enim facile probatu est habuisse nos aliquid, & propter cessationem aut factum promissoris amisisse; item nos aliquid lucri facere potuisse si factum esset quod debuit, & quia factum non sit ideo eo lucro nos excidisse.

5. Cum autem id quod in vero est probari non potest, illud incommodum sequitur, quod id quod interest ad minimam summam ducatur, *l. ult. de præst. stipul.* Huic ergo incertitudini atque incommodis si occurri potest poenam stipulationi subjiciendo, nemo non fatebitur optimum esse si quis ut fiat aliquid stipuletur poenam subjicere, ut si ita factum non erit certa pecunia poenæ nomine præstetur. Nam poenæ stipulatio certa est & à re ipsa & à probatione. A re, quia certa quantitas verbis stipulationis comprehensa est ; à probatione, quia non alia hic probatione opus quam ut de stipulatione doceatur, quæ ipsa se ostendit quid complectatur. Neque vero hic poenam promissor effugiet paratus præstare quod interest ; nam ex conventione poenæ modis statuitur, non ex taxatione ejus quod interest ; nec amplius queritur an & quanti interest, sed an tantum poenæ nomine promissum sit, *l. 38. §. 17. hoc tit. §. 18. Inst. insr. de inut. stip.* Verissimum igitur est quod mox sequitur apud

Justinianum, stipulationem poenæ subjectam stipulationibus faciendi efficere ne quantitas stipulationis in incerto sit, & ne sit necesse actori probare quod sua intersit.

6. Illud non ineleganter queritur, an per subjectam stipulationem poenalem præcedens novetur obligatio : quod negamus, per *l. 10. §. 1. de pat. l. 115. in fin. pr. l. 122. §. 2. hoc tit. l. 41. cum seq. l. 71 pro soc. l. 28. de act. emt.* Idque etiam certa ratione juris efficitur, quoniam poenæ adjectione hoc agitur ut magis incitet debitor ad præstandum quod promisit ; creditor vero liberetur difficultate probandi ejus quod sua interest factum suo tempore quod promissum est, non ut agendi, si velit, ex priore obligatione facultas ei adimatur. Atque ut maxime jure veteri interdum novatio contigerit, puta ut vult *D. Donell. ad d. l. 115. n. 31. in casu hujus §. cum stipulationi faciendi subjicitur poenalis*, per *l. 44. in fin. de obl. & act. effetum tamen ex constitutione Justiniani ut non aliter nunc novatio fiat quam si id non nominatim convenerit, l. ult. C. de novat.* Quamobrem utrumque in proposito debetur, & res aut id quod interest, & poena ; quamquam alterum dumtaxat peti potest, *l. 4. §. 7. de dol. mal. exc. l. 10. §. 1 de pat. d. l. 115. ff. hoc tit. l. 33. C. de transat.* Hoc amplius, qui poenam consecutus est, recte adhuc petet quod pluris sua interest, *d. l. 28. de act. emt. l. ult. §. ult. de eo per quem fuit. erit &c.* Quod si coercendo contentui poena adiecta sit, vel conventioni inserta clausula, rato manente pacto : & res ipsa peti poterit & præterea poena, *l. 30. de recept. l. 16. ff. de transat. l. 17. C. eod. D. Tulden. hic cap. 4.* Monendi obiter sumus, stipulationem poenalem adiectam obligationi quantitatis præsumi in fraudem usurarum factam, atque improbari quatenus poena legitimum usurarum modum excedit, *l. 44. ff. de usur. l. 15. C. eod. l. 13. §. 26. ff. de act. emt. add. Papalib. 12. tit 9. Charond. lib. 6. resp. 59. Imbert. enchirid. verb. poena conventionalis.* VENN. Curiarum stilo condemnationem poenæ conventionalis non fieri nisi quatenus interest, docet Avendan. in dictionar. ver. Pena conventional. ADDIT.

Clausula hujusmodi] Qua formulâ concipienda sit poenalis stipulatio, sive qui fieri stipulemur, sive quid non fieri, sive simul quædam fieri quædam non fieri, ex hoc loco satis perspicuum est : adde tamem leges 71. & 137. §. pen. hoc tit.

TITULUS XVII.

DE DUOBUS REIS STIPULANDI ET PROMITTENDI.

Dig. lib. 45. tit. 2. Cod. lib. 8. tit. 40. Nov. 99. Et L. 1. tit. 16. lib. 5. Recop.

Continuatio. Reos olim appellatos omnes quorum de re disceptabatur.

IN duobus reis, quos Ulpianus l. 3. §. 3. de lib. legat. conreos appellat, si sequentur regulas juris de iis qui stipulati sunt aut promisserunt, non erat cur de his ageretur separatim. Nunc autem quia in his aliquid singulare est, quod à jure reliquorum stipulatorum & promisorum longe dissidet, ideo quidnam id esset proprio titulo exquiritur; quod & factum est in π. & Cod. Reus à re, id est lite dictus est; eoque nomine Veteres utrumque litigatorem denotabant. Cicer. lib. 2. de orat. cap. 3. Reos appello, inquit, non modo eos qui arguntur, sed omnes quorum de re disceptatur. Gallus Ælius apud Festum: Reus est, qui cum altero litem contestata habet, sive egit sive cum eo actum est. Pomponius l. 5. de verb. oblig. Conventionales (stipulations) sunt; que ex conventione reorum fiunt. Et quamquam usu nunc obtinuit ut is solus cum quo agitur sive unde petitur reus dicatur, propter excellentiā scilicet, quia de re ejus præcipue iudicio agitur, utpote cui soli immineat periculum condemnationis: tamen verbi proprietatem in quibusdam adhuc retinemus; nec solum reum promittendi, debendi, satismandi; verum etiam stipulandi, credendi, satis accipiendi dicimus, ut passim in tit. hujus argumenti.

TEXTUS.

Quibus modis duo rei fieri possunt.

Et stipulandi & promittendi duo plures rei fieri possunt. Stipulandi ita, si post omnium interrogationem promissor respondeat, Spondeo: ut puta cum duobus separatim stipulantibus ita promissor respondeat, Utique vestrum dare spondeo. Nam si prius Titio sponderit, deinde alio interrogante respondeat: alia atque alia erit obligatio, nec creduntur duo rei stipulandi esse. Duo plures rei promittendi ita fiunt: Mævi, decem aureos dare spondes? & Sei,

Tom. II.

eosdem decem aureos dare spondes? si respondeant singuli separatim, Spondeo.

COMMENTARIUS.

- 1 *Duorum reorum stipulandi definitio, ejusque definitionis explicatio.*
- 2 *Duo rei promittendi qui, & in quo discrepant à fidejussoribus.*
- 3 *Orationis distributiva & alternative hanc vim esse ut cuiilibet attribuatur in solidum; copulativa non item.*
- 4 *Jure novissimo non aliter duos reos debendi fieri quam si id specialiter actum.*

ET stipulandi & promittendi] Qui stipulatur reus stipulandi dicitur; qui promittit reus promittendi, l. 1. hoc tit. Itaque reus stipulandi idem est qui stipulator; reus promittendi qui suo nomine alteri quid promisit. Ceterum ut duo rei fiant conjunctas eodem tempore aut modico intervallo stipulations esse oportet, l. 6. §. ult. l. 12. pr. hoc tit.

1. Stipulandi ita] Duos reos stipulandi hoc modo recte definieimus, quia eamdem rem ab eodem in solidum stipulati sunt ea mente, ut quamvis solida singulis, una tamen omnibus debeatur. Etenim ut duo rei stipulandi fiant hæc omnia concurrere oportet: ut uterque rem unam atque eamdem stipuletur, ut ab eodem, ut in solidum, ut ea mente ut una utrique debeatur. Et igitur sive res diversæ à duobus in stipulationem deductæ fuerint, sive unam quidem rem singuli stipulentur, sed alter verbi causa à Sejo alter à Sempronio; vel uterque ab eodem, sed ejus rei partes non solidum, vel solidum, sed non ea mente ut una res singulis debeatur, sed alteri puta res ipsa, alteri rei estimatio: duo rei stipulandi non erunt, hoc text. & §. seq. ll. 2. & 9. §. 1. & 2. l. 15. ff. hoc tit. l. 3. C. eod.

R

Nam

Nam si prius Titio] Hoc tamen non ita præcise accipiendum est, quasi duo rei stipulandi ita numquam constitui intelligantur cum singulis separatim interrogantibus promissor etiam separatim respondet. Nam utique si hoc actum appareat, ut duo rei stipulandi fiant, quominus fiant non putarem obstare hanc respondendi formam: sicut ex converso non obstat quominus duo rei promittendi fiant, si hoc actum sit, quod singuli separatim rogati sunt & spoponderunt, l. 3. in fin. hoc tit.

2. Duo rei promittendi] Vel ex definitio ne duorum reorum stipulandi intelligi potest quinam sint & dicantur duo rei promittendi: nimirum quorum singuli eamdem rem eidem stipulanti in solidum promiserunt, ea mente ut quamvis solidum singuli, unum tamen omnes debeant, ll. 2. & 3. §. 1. hoc tit. §. 1. in fin. eod. Unum amplius hic exigimus, ut qui ita promittunt promittant principaliter, quo correus distinguatur à fidejusore. Illud tenendum est, ad constitutionem duorum reorum non esse necesse nominatum adjici ut correi sint, aut ut solidum singulis debeatur, singulive solidum debeant; sed id ex forma etiam ipsius stipulationis aestimari. Argumento est cùm hic textus & ll. 3. & 4. eod. tum quod aliqui frusta queretur quod non semel queritur, an & quando duo rei constituti videantur. Finge, duos hoc modo stipulatos esse, Cuilibet vel utriusque nostrum dare respondes? aut, Quilibet vel uterque vestrum dabit? Dicam, duorum reorum contractam obligationem.

3. Hac enim vis est distributivæ, ut cui libet attribuat actum in solidam, eadem nimirum quæ & alternativæ, l. 8. §. 1. de legat. 1. Copulativa vero per se eam vim non habet. Unde si duo conjunctim decem stipulati sint aut promiserint, singulis partes viriles debebuntur aut singuli debebunt, nisi repetitum sit eadem decem, hoc text. & l. 2. eod. aut nominatum cautum ut duo rei sint, seu ut singulis solidum debeatur aut singuli solidum debeant, l. 13. §. 1. & 2. eod.

4. Plane post constitutionem Justiniani Nov. 99. cap. 1. unde auth. hoc ita C. hoc tit. non aliter duo rei debendi (de correis credendi nihil novi constitutum) facti intelliguntur, quam si id specialiter actum sit ut uterque in solidum tenereatur: quod ideo fortassis Imperator constituit, quoniam ex sola verborum figura hanc rem discerni periculoso existimavit. Gudelin. 3. de jur. nov.

cap. 11. & lib. 4. cap. 7. Christin. volum. 5. dec. 213. Gail. obs. 28. n. 6. Vinn. Clarius hac regia sunt lege definita. Cum duo eamdem rem promittunt pro parte dimidia obligantur, nisi expresse convenerit in solidum sese obligari, vel inter pacientes convenerit ut obligatio inter reos debendi in æqualibus portionibus dividatur, l. 1. tit. lib. 5. Recop. ADDIT.

TEXTUS.

De effectu hujuscemodi stipulationum

1. Ex hujusmodi obligationibus & stipulationibus solidum singulis debetur, & promittentes singuli in solidum tenentur. In utraque tamen obligatione una res veritutur; & vel alter debitum accipiendo, vel alter solvendo omnium perimit obligationem, & omnes liberat.

L. 8. tit. 12. Part. 5.

COMMENTARIUS.

- 1 *Jure novissimo correis debendi competere beneficium divisionis. In foro tamen mercatorum hoc non observari.*
- 2 *Non solum solutione uni ex duobus reis credendi facta, sed etiam quovis alio modo qui vice solutionis sit, promissore ab uno liberato totam tolli obligationem.*
- 3 *Uno ex duobus reis promittendi solvendo, acceptum ferendo &c. omnes liberari; tum alia non protrita.*
- 4 *An correus qui totum solvit eo nomine adversus ceteros actionem habeat.*

IN causa plurium reorum etsi respectu per sonarum, quæ plures sunt, plures quoque stipulationes & obligations videri possunt, hoc text. l. 13. eod. tamen quoad rem in stipulatum deductam ac promissam, vique ipsa ac potestate una est eademque & simplex obligatio, quæ in singulis in solidum active & passive consistit. Unde existunt duo obligationis duorum reorum propria, quæ hoc §. commemorantur.

Solidum singulis debetur, & singuli in solidum] Hoc primum est hujus obligationis proprium, quod & singulis reorum stipulandi solidum debetur, & singuli reorum promittendi solidum debent; ac proinde illi singuli solidum exigere, & hi singuli in solidum conveniri possunt, ll. 2. & 3. §. 1. hoc tit. l. 31. §. 1. de novat.

1. Ceterum circa reos promittendi Novella Justiniani constitutione *de reis promitt.* 99. vetus jus haecenus mutatum videtur, ut jam unus è duobus debendi reis in solidum à creditore conventus petere possit uti divisa actione pro parte tantum conveniatur, neque aliter cum effectu cum eo agi possit quam si correus ejus vel absens sit, vel non solvendo, aut ille beneficio divisionis renunciaverit. Sententia communis ususque forensi recepta. Myns, Schneid. bīc. Gomez var. res. 2. cap. 12. n. 1. Gail. 2. observ. 14. n. 5. Sichard. in l. 2. C. hoc tit. n. 5. Gudelin. & Christin. ubi supr. Grot 3. introduct. 3. Moller. 5. semestr. 62. ubi post Jason. & Joann. Ronchegall. excipit correos debendi testamento constitutos. Sunt tamen nonnulli ex recentioribus qui putant, d. Nov. perperam intellectam, atque ab Irnerio authenticam *hoc ita C. hoc tit.* possum esse alieno loco; non enim de correis debendi in d. Nov. agi, sed de mutuis fidejussoribus, quibus jure veteri beneficium divisionis, quod ceteri fidejussores habent non competit, l. 11. pr. eod. Argumento utuntur inscriptione Græca; περὶ ἀλληλεγγίας, qua voce non duo iei sed mutui fidejussores significantur. Ego vero cum Cujacio existimo, eodem nomine à Græcis appellatos esse & correos simplices, eo quod & ipsi conditione obligationis quidam quasi fidejussores esse videantur, l. 17. §. ult. ad sen. Vell. quod & Constantinus observavit in Lexico, & sententia ipsius Novellæ non obscure confirmat. VINN. Sed posterior Novella interpretatio, quamvis à Vinnio rejecta, omnino verior est, non solum ob inscriptionem græcam & verba ἀλληλεγγίας ὄντεσσι, (mutua fidejussione obligati) quæ in ista Novella 99. cap. 1. occurunt, sed cum maxime ob l. 1. ff. de duobus reis, cui derogatum voluisse videtur Justinianus, dum ibi negatur beneficium hujusmodi competere correis promittendi, vice mutua fidejussoribus. HEIN. Quan Authenticæ sententiam lex. 10. tit. 12. Part. 5. comprobavit. ADDIT.

Vel alter debitum accipiendo, vel alter solvendo.] Alter reorum stipulandi accipiendo, alter reorum promittendi solvendo: quibus verbis breviter indicatur jus singulorum in obligatione tollenda, quod est alterum in hac obligatione singulare. Sed opera pretium est paulo latius hanc rem proponi, & in utroque eorum genere quale id jus sit separatum exquiri. Duobus reis stipulandi hoc in summa hic tributum est, ut singulis eorum jus sit

promissorem liberare; & liberare quibuscumque modis creditor cui aliqui debetur debitem suum potest.

2. Et igitur si uni pecunia soluta sit, ex hac causa promissor ab altero quoque hac obligatione liberabitur, *hoc text.* Sed & citra solutionem quicunque modi sunt quibus actio aut ipso jure tollitur aut per exceptionem submovetur, modo vim solutionis habeat, si quo ex his unus promissorem liberaverit, non à se tantum eum liberabit sed à ceteris quoque, totamque tollet obligationem: veluti si promissori acceptum tulerit, l. 2. *hoc tit.* si novandi animo alium reum ab eo acceperit, l. 31. §. 1. *de novat.* idemque est si jusjurandum detulerit, l. 28. *pr. de jure jurand.* nam & jusjurandum loco solutionis cedit, l. 27. *ead.* item si unus pecuniam sibi à promissore oblatam sine justa causa accipere recusarit, eaque postea sine culpa promissoris desperita sit, per l. 72. *pr. de solution.* Paciscendo vere ne à promissore petat correio non nocet; quoniam pactum non operatur ultra personas inter quas interpositum est, nec remissio quicquam commune habet cum exceptione, l. 27. *in fin. pr. junct.* §. 4. *versic. ante omnia de paſt.* His porro consequens est quod traditur *lege hoc tit.* etiam unius ex reis stipulandi petitione totam tolli obligationem: quod sic explicatur in d. l. 31. §. 1. *de novat.* unum judicio petentem totam rem in litem deducere; & apertius in l. 11. §. 21. *de legat.* 3. unum ex pluribus reis credendi agendo occupare & totum consequi; ut proinde necesse sit jus alterius consumi. Hinc responsum est, si unus ex duobus reis stipulandi seim egerit, alteri promissorem offerendo pecuniam nihil agere, l. 16. *hoc tit.*

3. Ex contrario quoque sic jus est in duobus reis promittendi, ut unus solvendo alteri prosit, *hoc text.* & l. 3. *in fin. eod.* Proinde & acceptum rogando, l. 2. *ead l. 16. de accept.* item novando seu alium debitorem dando, per l. 20. *ad sen.* Vell. ubi Cujac. 8. *ad African.* & jurando, l. 28. *de jure jurand.* Non autem paciscendo, nisi forte paciscentis intersit, puta propter communionem quia socii sunt, aut si nominatim quoque correio suo paciscatur, l. 21. §. ult. *cum 4. ll. seqq. de paſt.* Sed nec adversus unum ex correis debendi instituta petitione alter liberatur, utique post constitutionem Justiniani, l. pen. C. *de filijus.* nam inter Veteres de hac re non convenisse in eadem constitutione cùm Justinianus indicat, tum arguunt hi loci, *lex 1.*

§. 43. depos. l. 8. §. 1. de legat. 1. l. 52. §. ult. ff. de fidejuss. l. 23. C. eod. collati cum l. 116. illic, non enim sunt duo rei, de verb. oblig. l. 51. §. ult. de evit. Illud semper constituit, unum ex reis promittendi non posse ex alterius persona compensationem objicere, l. 10. hoc tit. neque moram unius alteri nocere, l. 32. §. pen. de usur. id est non efficere quominus re postea perempta, & teneatur qui moram fecit & liberetur qui non fecit, quæ fusi s explicantur à D. Donello ad tit. C. de duabus reis cap. 7. & 2. seqq.

4. Quid si unus ex pluribus debendi reis conventus integrum debitum creditori exsolvat, habebitne eo nomine adversus ceteros actionem? Si meram strictamque juris rationem sequimur non habebit, etiamsi ad solos cor eos totum creditum pervenerit; nisi creditor, quod facere cogitur, offerenti solutionem actiones suas cesserit: de quo consule Sichard. in l. 13. C. locat. Ceterum æquius & benignius est, ei qui ita solvit; etiam citra cessionem in correos actionem (subsidiariam negotiorum gestorum) accommodari: vel in solidum, si nihil ad eum pervenit; vel pro ea parte quæ ad alios pervenit, l. 2. C. hoc tit. Ita visum Interpretibus communiter, & saepè judicatum est, testibus Ant. Fab. C. suo hoc tit. defns. 1. Christin. vol. 3. decis. 114. & vol. 4. decis. 178. contra quam tamen sententiam disputat idem Anton. Faber. 11. conff. 6. & seqq. Sane d. lex 2. commode accipi potest de correis sociis, eo quod pecunia dicitur communiter mutuo accepta. Ex converso, an unus ex reis stipulandi qui totum exigit partem cum altero communicare cogatur, tractat Bart. in l. 11. hoc tit. n. 9. Wensembe. parat. eod. n. 7. Concludunt autem non cogi, nisi vel socii sint, vel ita convernerit, vel natura obligationis & rei id ferat, arg. d. l. 11. hoc tit. l. 62. ad leg. Falcid. l. 34. §. 1. de solut.

TEXTUS.

De stipulatione pura, & de die & conditione.

2. Ex duabus reis promittendi, alias pure, alias in diem vel sub conditione obligari potest; nec impedimento erit dies aut conditio quominus ab eo qui pure obligatus est petatur.

COMMENTARIUS.

1. Imparis causæ suspicionem impediens duorum

reorum obligationem; at que in modo, tempore, loco imparitas est non impediri.

2. Duos reos credendi aut debendi etiam citra stipulationem constitui posse.

1. **D**uo rei debendi ita constitui non possunt ut res diversæ in eorum obligatione versentur, l. 25. hoc tit. nec ita ut imparem unius ejusdemque rei obligationem suscipiant, aut potius imparem causam, puta ut alter culpam præstet, alter non præstet, l. 9. §. 1. eod. At vero ut eodem modo uterque obligetur necesse non est; sed potest aliis pure, aliis in diem vel sub conditione obligari, ut ex Florent. lege 7. eod. hic refert Justinianus. Nimis ubi impar causa suscipitur, imparitas obligationis perpetuo datur; quæ vero à modo & tempore est imparitas, ea veniente die aut existente conditione tollitur, atque ita obligatio reduci potest ad paritatem. Ita Joann. Fab. & Cantinc. hic. Sed nec loci solutionis diversitas impedi quominus duorum reorum contracta obligatio & par ab utroque causa suscepta intelligatur, d. l. 9. §. ult.

2. Obiter monendi sumus, duos reos credendi aut debendi non tantum verbis stipulationis constitui, quamquam id usitatis est, sed aliis quoque contractibus, & denique etiam testamento. Credendi, veluti si duo eamdem rem deponant aut commoden, aut decem dent mutuo hac lege ut is qui accipit eorum singulis in solidum obligetur: quod in deposito indicat Ulp. l. 1. §. 44. depos. Testamento, si testator eamdem rem eamdenive summam duobus leget disjunctim, hoc modo, Titio vel Mævio decem dato, arg. l. 8. §. 1. de legat. 1. Debendi, veluti si quis eamdem rem apud duos deposituerit utriusque fidem in solidum securus, vel eamdem rem duobus similiter commodaverit, d. l. 9. in pr. hoc tit. d. l. 1. §. 43. depos. Sic etiam ejusdem pecunia mutuo data plures rei debendi fiunt, si omnes se constituent ejus pecunia debitores, l. 5. C. si cert. pet. & testamento, si ita scriptum sit, L. Titius heres meus, aut Mævius heres meus, decem Sejo dato, d. l. 8. §. 1. de legat. 1. nam exemplum quo Papinius uritur d. l. 9. in fin. pr. hoc tit. huc non pertinet, nisi eo casu quo aperte testator voluit ut singuli heredes solidam debeant, quod ex initio ejus loci intelligitur. Add. Don. ad hunc tit. cap. 12.

TITULUS XVIII.

DE STIPULATIONE SERVORUM.

Dig. lib. 45. tit. 3.

TEXTUS.

An servus stipulari possit.

Servus ex persona domini jus stipulandi habet. Sed & hereditas in plerisque personae defuncti vicem sustinet; ideoque quod servus hereditarius ante aditam hereditatem stipulatur adquirit hereditati, ac per hoc etiam heredi postea factio adquiritur.

L. 7. tit. 11. Part. 5.

COMMENTARIUS.

Quod à servo aut cum servo gestum est id ex persona servi valere jus civile non patitur; quippe quo jure servi pro nullius habentur, *l. 32. de reg. jur.* Sed tamen ex persona dominorum estimantur; quod eleganter Theophilus his verbis Græce expressit, *Oι σκέται ἀπέσταυ οἵτε εἰ τῶν περούνων τῶν σκέτων δεσπότων χαραχτηγορεῖς (servi cum personam non habent, ex dominorum personis estimantur).* Ex quo est quod etiam cum servis testamenti factio sit, ut & heredes institui & legatum iis relinqu possit: de quo non uno loco *lib. 2. Inst. item* quod jus stipulandi habent, ut ex eorum stipulatione obligatio & actio domino adquiratur, perinde ac si ipse sibi stipulatus esset, & vox servi vox domini sit, sicut vox filii vox patris, *§. 4. & §. 12. Inst. inf. de inut. stip.* Quæ tamen res non impedit quominus inter servum & qui cum eo contrahit nascatur obligatio naturalis, *l. 14. de obl. & act. Vinn.* Fundamentum enim hujus juris est, quod servus ex principiis juris Romani est *res mancipi* non persona, adeoque sibi non magis actione uila quidquam adquirere potest quam jumentum. Atqui hoc principium jus naturæ prorsus ignorat, adeoque consequens est ut naturaliter servus obligetur tamquam homo intellectu voluntateque prædictus. HEIN.

Hereditas in plerisque personæ defuncti vicem]
Quoniam dixit, servum ex persona domini jus

stipulandi habere, videri poterat servum hereditarium inutiliter stipulari, utpote qui dominum non habet. Hic igitur objectioni occurrentis ait hereditatem jacentem personæ vicem sustinere, & interim pro domino esse: quod etiam identidem à Veteribus traditum est, *l. 13. §. 1. ad leg. Aquil. l. 15. de interr. in jure fac. l. 22. de fidejuss. l. 34. l. 61. de adq. rer. dom.* Ait, personæ defuncti vicem sustinet, uti etiam supra *§. 2. Inst. de ber. instr.* & diserte Jurisconsulti in *l. 31. §. 1. de hered. inst. l. 33. in fin. & l. 34. de adq. rer. dom.* Pomponius tamen contraria scripsit hereditatem personam sustinere heredis, *l. 24. de novat.* Sed hanc pugnam alibi tollimus sub *d. §. 2. Inst. de her. inst.* Ait, in plerisque: nimiram quia quædam sunt in quibus hereditas vice personæ fungi non potest, quæ proinde nec hereditati per servum hereditarium adquiriqueunt: qualia sunt quæ factum operamque persona desiderant; hæc enim constat in rem inanimem, qualis est hereditas, non cadere. Hujus generis res est hereditas; etsi enim servus hereditarius recte heres instituitur, tamen quia sine jussu domini hereditatem addeundo nihil agit, heres expectandus est, *l. 10. §. 1. d. l. 61. de adq. rer. dom.* Ejusdem generis est ususfructus: ususfructus consistere non potest nisi sit persona quæ fruatur, *d. l. 61. l. 1. §. 2. quand. dies ususfr. leg.* & ideo servus hereditarius inutiliter usumfructum stipulatur, *l. 26. hoc tit.*

TEXTUS.

Cui adquirat. De persona cui stipulatur. De stipulatione impersonali.

1. Sive autem domino, sive sibi, sive conservo suo, sive impersonaliter servus stipulatur domino adquirit. Idem juris est & in liberis qui in potestate patris sunt, ex quibus causis adquirere possunt.

L. 7. tit. 11. Part. 5.

COMMENTARIUS.

Servus stipulando domino adquirit, non tantum si ipsi domino dari stipuletur, verum etiam si sibi aut conservo suo, quin immo etsi impersonaliter seu indefinite non comprehensa personâ, puta hoc modo, *Centum dare spondes?* ll. 1. & 15. hoc tit.

In liberis qui in potestate] Filiifam. ex iis causis ex quibus patri adquiritur, id est ex causa profectitii peculii item adventitii quoad usumfructum stipulantis, eadem ratio est quæ servi, ut patri ex his causis adquirat, propter jus scilicet potestatis, quod hactenus simile herili, l. 38. §. 6. & 17. l. 45. pr. & fin. de verb. obl. inf. tit. *Inst. quod cum eo qui in al. pot.* Repetenda hic est distinctio peculii filiifam. tradita & explicata §. 1. *Inst. sup. per quas pers. cuiq. adq.* Plene si filius nominatim patri stipuletur, hoc casu etiam ex causa adventitii peculii patri in solidum adquireret; quippe quacumque ex causa ita stipulatur patri adquirit, non sibi; perse enim sibi adquirere non vult, per patrem non potest. *Don. ad d. l. 38. §. 17. n. 25.*

TEXTUS.

De stipulatione facti.

2. *Sed cum factum in stipulatione continetur, omnimodo persona stipulantis continetur; veluti si servus stipuletur ut sibi ire agere liceat; ipse enim tantum probiberi non debet, non et iam dominus ejus.*

COMMENTARIUS.

Proponitur hic per modum exceptionis regula initio posita, quod cum servus factum in stipulationem deducit, idque (quod subaudiendum esse exemplum subjectum ostendit) in suam personam confert, in hac stipulatione persona servi non domini consideretur. Ceterum revera nihilominus valet & subsistit hæc stipulatio ex persona dominij; quippe cui obligatio & facti illius emolumenatum queritur; jusque servum jubendi facere, puta ire agere pro commode suo, & cui commissa stipulatione actio in id quod sua interest competit. Itaque dicendum est, hactenus tantum in hujusmodi stipulatione personam servi spectari, ut ipse solus non etiam dominus ejus ex mente promissoris facti illius exercitium

TIT. XVIII.

habere debeat, d. l. 38. §. 6. & seq. de verb. obl. Atque hoc sensu alibi dictum est, ea quæ facti sunt non transire ad dominum, l. 44. pr. de cond. & dem.

[*Ire agere liceat*] In hac stipulatione non jus sed factum versatur; ideoque persona servitatum comprehensa intelligitur, ut is solus ire agere prohiberi non debeat, non etiam dominus ejus, d. l. 38. §. 6. vers. cum vero, quamquam servus non ibit ager pro arbitrio suo, sed pro domini, cui illa stipulatione jus queritur servum transmittendi. Quod si servus viam vel iter vel actum ad fundum domini stipuletur, etiamsi servi non domini persona comprehensa sit, domino jus eundi agendi adquiret; quoniam ea stipulatione non simplex factum sed jus servitutis continetur, per l. 17. hoc tit.

TEXTUS.

De servo communi.

3. *Servus communis stipulando unicuique dominorum pro portione dominii adquirit, nisi jussu unius eorum aut nominatim alicui eorum stipulatus est; tunc enim soli ei adquiritur. Quod servus communis stipulatur, si alteri ex dominis adquiri non potest, solidum alteri adquiritur: veluti si res quam dari stipulatus est unius domini sit.*

COMMENTARIUS.

Servus communis sic omnium est, non quasi singulorum totus, sed pro partibus, utique indivisis, ut intellectu magis quam corpore partes habeant. Et ideo siquid stipulatur vel quaqua alia ratione adquirit, omnibus adquirit pro ea parte qua domini sunt: verbi causa, si unus duas partes alter tertiam dumtaxat habeat, illi commodum stipulationis pro duabus partibus adquiretur, huic pro una, ll. 5. & 7. hoc tit. Sed tamen non est hoc perpetuum. Nam primum interest, utrum hoc modo servus communis stipuletur, *Dominis meis dare spondes?* an expressis propriis dominorum nominibus ita, L. Tito & C. Sejo dare spondes? nam priore quidem stipulatione partes dominice debentur, ex posteriore vero viriles; quoniam dominorum vocabula pro demonstratione habentur, l. 37. hoc tit. Sed & tres hi casus hic excipiuntur: si jussu unius ex dominis stipuletur, si unitantum, si res in stipulationem deducta ad unum

unum tantum pertinere potest; placetque his casibus uni illi adquiri in solidum, d. 1. s. cum aliquot seqq. hoc tit. l. 17. & 28. §. 3. eod. Est & quartus casus ejusdem naturæ, si stipuletur ex re unius, l. 19. junct. d. 1. 28. §. 1. eod. Extra has causas, sive quid dari stipuletur sive impersonaliter, pro partibus dominicis adquirit. Atque hæc etiam ἀναλογίας (proportionaliter) ad eum servum transference sunt in quo plures usumfructum habent; item ad hominem liberum & servum alienum qui à pluribus bona fide possidentur: quatenus scilicet hi ex causa operarum suarum aut re fructuariorum bonæve fidei possessorum stipulantur l. 19. 20. 24. 32. & 33.

§. 1. eod. Vid. sup. §. 4. Inst. per quas pers. cuiq. adq. Jussu unius] Ac proinde hoc casu etiam si non nominatim ei qui jussit stipulatus fuerit, nihilominus tamen huic soli adquirit. Sunt enim hæc duo distincta membra, ejusdemque potestatis est stipulatio jussu unius facta, cuius facta uni nominatim citra jussum. Sed quid si jussu contemto stipuletur alteri nominatim? Apud Veteres utri adquireret dubium fuit; sed Justinianus inf. §. ult. Inst. per quas pers. obl. adq. ait se hanc controversiam decidisse pro eo qui jussit. Extat constitutio ejus in l. ult. C. per quas pers. nob. adq. Vinn. Hic titulus hodie nullius fere usus. Groenewegen de leg. abrog. ad hunc tit. ADDIT.

TITULUS XIX.

DE DIVISIONE STIPULATIONUM.

Ratio ordinis. Unde sumta divisio huc proposita; eaque ad bimembrem revocata.

Präcessere duæ stipulationum divisiones, quarum prima ducta est à diverso contrahendi modo; unde alia puræ, alia in diem, alia conditionales, §. 2. Inst. sup. de verb. obl. altera à diversitate materiæ, rebus scilicet & factis quæ in stipulationem deducuntur; unde alia dandi, alia faciendi, §. ult. d. tit. Profertur hic & tertia ex l. 5. eod. quod alia sint judiciales, alia prætoriae, alia communes tam judiciales quam prætoriae, alia conventionales: quæ tamen species non ideo sic distinguntur quod postrema à ceteris differt conventione, sed quod origine & conventionis causâ: ut appareat distinctionem hanc sumtam esse à causis efficientibus. Nam etsi nulla est stipulatio quæ non habeat conventionem; non omnes tamen ita habent ut inde primum nascantur, sed solæ conventionales; unde etiam hoc nomen acceperunt. Potest hæc divisio commode revocari ad bimembrem, ut dicamus stipulationum quasdam esse necessarias, quasdam voluntarias. Necessarias, quæ invitit pro auctoritate prætoris aut judicis injunguntur; voluntarias, quæ concipiuntur ex voluntate atque arbitrio contrahentium, quæ Veteribus dictæ sunt conventionales eo quod ex sola conventione partium fiunt, d. 1. s. pr. vers. conventionales.

TEXTUS.

Divisio.

Stipulationum alia sunt judiciales, alia prætoriae, alia conventionales, alia communes tam prætoriae quam judiciales.

1. Judiciales sunt dumtaxat quæ à mero judicis officio profiscuntur: veluti de dolo cau-
tio, vel de perseguendo servo qui in fuga est,
restituendove pretio.

COMMENTARIUS.

1 Usus stipulationum judicialium, & in his officiis judicis.

2 Exempla barum stipulationum, & quedam non allegata in textu,

1. **Q**Uæ à more judicis officio] Mero, id est solo: quod additum in defini-
tione ut removeantur communi-
nes, nam prætoriae etiam eo omisso satis ex-
cluduntur. Igitur judiciales stipulationes sunt
quæ à judicis officio profiscuntur, seu quas
judex pro officio suo interponi jubet; ac proin-
de his locus non est nisi posse litem contesta-
tam, nam tum demum judex qui esse incipi-
t, l. un. C. de lit. cont. l. 1. C. de judic. Of-
ficium judicis scimus positum esse tum in eo
ut de re in judicium deducta cognoscat, tum
ut

ut de ea re sententiam ferat, aut convictum condemnando aut non convictum absolvendo, l. 74. ff. de judic. l. 9. C. eod. l. 1. de re jud. Ergo si quis judex lite contestata jubeat aliquid pro officio caveri, & parere recusantem condemnet in id quod adversarii interest, aut reum absolvat: sciamus hoc proficiisci ab officio judicis, stipulationesque jussu ejus interpositas *judiciales* nominari, etiamsi prætor sit aut alius magistratus qui de causa cognoscit; quippe cum in eo non magistratus sed judicis pedanei partibus fungatur. Alio sensu, atque hoc loco, *judiciales* dicuntur in l. 1. de *præt. stip.* nimirum, quæ propter judicium interponuntur, ut id ratum sit; seu judicij futuri stabiliendi causa, ut *judicatum solvi*, & ex operis novi nuntiatione: quæ species sunt *prætoriarum*.

2. Stipulationum judicialium duas species hinc afferuntur, de dolo cautio in actione in rem, vel quod metus causâ; nam judex in restituenda re de qua agitur caveri jubet dolum malum abesse, l. 20. l. 45. de *rei vind.* l. 9. §. 5. & §. 7. *quod met. ca.* item de seruo perseundo & reddendo qui in fuga est, l. 69. §. ult. de *legat.* l. 1. l. 14. §. 11. *quod met. ca.* Sunt & multæ alia, veluti quæ interponuntur officio judicis familiae ercundæ, ll. 16. & 25. §. o. *famil. ercisc.* itemque officio judicis addicti vindicationibus servitum, ll. 7. & 12. *si serv. vind.* & aliis actionibus.

TEXTUS.

De prætoriis.

2. *Prætoriæ sunt, quæ à more prætoris officio proficiuntur: veluti damni infecti, vel legatorum. Prætorias autem stipulationes sic audiuntur oportet, ut in illis etiam contineantur ædilitiæ; nam & bæ à jurisdictione prætoris veniunt.*

COMMENTARIUS.

1. Unde cognoscantur stipulationes prætoriæ: earum usus & varia exempla.

2. Quibus in causis locus ædilitiæ; & mendum è textu sublatum.

3. Distinctio judicialium & prætoriarum; quæ alias nunc minus conspicua, ad usum fori bodiernum accommodata.

1. *A Mero prætoris officio] A mero: hoc ad judiciales excludendas super-*

vacuum, sed additum hic etiam ut excludantur communes. Ab officio prætoris proficiuntur quæ à jurisdictione veniunt. Hoc ex eo cognoscemus, si extra judicium cautio injungatur, & adversus recusantem procedatur remediis magistratus propriis, puta missione in possessionem bonorum ejus, aut denegatione jurisdictionis. Igitur quod hoc loco scriptum est & l. 1. §. 3. de *stip. præt.* cautiones quæ præstantur ex causa damni infecti & legatorum servandorum stipulationes esse prætorias: id hinc intelligamus recte dici quoniam extra judicium injunguntur, & nisi caveatur mittitur adversarius in possessionem bonorum ejus qui non cavit, l. 7. de *damn. inf. tit. ff. ut leg. nom. cav. & tit. ut in posses. leg.* Similiter cautiones judicatum solvi & ratam rem haberi hinc cognoscimus esse prætorias: ut scriptum est in *lege* l. §. 1. & 2. de *præt. stip.* quia & ipsæ lite nondum contestata exiguntur, §. 5. *Inst. inf. de satisd.* l. 40. §. *pen. de procur.* & qui illam præstare recusat eum prætor non admittit ad alienam defensionem, §. 4. & §. 5. *Inst. inf. de satisd.* qui hanc, ei denegatur alieno nomine agere volenti actio, §. 3. eod. tit. l. 43. §. 4. de *procur.* Ejusdem generis est & cautio fructuaria; nam si ususfructus nomine non caveatur denegatur petatio aut retentio ususfructus, l. 7. *usufr. quemadm. cav.* Plures recent D. Cujac. in l. 5. de *verb. obl.*

2. *Contineantur etiam ædilitiæ] Ædilitiæ sunt quibus venditor caverit de moribus & vitiis rerum venalium, puta rem morbosam non esse, servum fugitivum non esse, erronem non esse, & de ceteris quæ edicto Ædilium curulum promittuntur, l. 1. & passim de *edil. edict.* ll. 31. & 32. de *evict.* Hæ stipulationes omnes proficiuntur à mero ædilis officio; quia jubet ædilis eas interponi sine ullo judicio; ac nisi interponantur venditorem non condemnat, sed actionem adversus eum dat ad redhibendum intra duos menses, vel quanti emtoris intersit, intra sex menses, l. 28. de *edil. edict.* in quo licet agnoscere ædilis, quatenus ædilis est, id est magistratus & jus dicentis auctoritatem, l. 1. de *jurisd.* VNN. Prætoris ergo vocabulum hinc in sensu latissimo accipi videtur pro quovis magistratu cui est jurisdictione. Unde & proconsul in provinciis si stipulationem interponi jubebat, prætoria hæc dici poterat stipulatio. Quo observato nec admodum necessaria videtur emendatio de qua paulo post auctor noster. Jus enim ædilitium fere sub prætorio com-*

comprehendebatur §. 7. *Inst. de jur. nat. gent. & conf.* Rittershus. *boc tit. p. 438.* HEIN.

A jurisdictione prætoris] Vox prætoris abest à lege s. de verb. obl. unde totus hic locus ad verbum descriptus est, & expungendam censeo cum Russard. Baron. Donell. Cujac. Hotom. Etenim ædilitæ stipulationes non possunt dici venire à jurisdictione prætoris, cum veniant à jurisdictione ædilium: quod expressit Theophilus; sed quod de prætoriis tamquam principali specie stipulationum honorariarum dicitur, id etiam ad ædilitias recte refertur, quoniam & hæ ab officio jus dicentis veniunt, communemque cum prætoriis originem & causam habent, videlicet jurisdictionem magistratus; neque aliud Justinianus hic, aut Pomponius in d. l. 5. sentiunt.

3. Hodie hæc prætoriarum & judicialium stipulationum distinctio minus conspicua est, postquam judices à magistratu dari desierunt, idemque nunc judex qui prætor seu magistratus. Distinguunt vero nunc Interpp. inter officium judicis nobile, quod est judicis qua magistratus est, & quod vi jurisdictionis atque imperii sui exercet; & mercenarium, quod est ejusdem qua judex, & nudæ notio[n]is, subserviens actioni institutæ. Itaque prætoriæ stipulationes etiamnum sunt & dici possunt, quæ extra judicium aut ante item contestatam interponi jubentur propter cogendi remedia, l. 4. de jurisd. judiciales, quæ post item contestatam instituti judicii promovendi causa.

TEXTUS.

De conventionalibus.

3. *Conventionales sunt quæ ex conventione utriusque partis concipiuntur, hoc est, neque jussu judicis neque jussu prætoris, sed ex conventione contrabentium: quarum totidem sunt genera, quot (pene dixerim) rerum contrabendrum.*

COMMENTARIUS.

Ex conventione utriusque partis] Pomponius, ex conventione reorum, l. 5. hoc tit. Ex conventione autem sic accipe, ex conventione sola; nam & ceteræ stipulationes ex conventione partium constant, at non inde solum proficiscuntur, sed prima eorum causa est auctoritas jubentis. Unde existit & hæc differentia, quod prætoriæ stipulationes ex mente ipsius prætoris, conventionales ex

Tom. II.

mente contrahentium interpretationem accipiunt, l. 9. de præt. stip. & quod in prætoriis si quid addi vel detrahi vel mutari oporteat id jurisdictionis prætoriae sit; in ceteris contra, l. 52. de verb. obl. l. 1. §. ult. de stip. præt.

Quot rerum contrabendarum] Id est obligationum seu negotiorum quæ contrahi possunt. Et ideo necesse non fuit ullam conventionalium stipulationum exempli causa proferre, ut factum in superioribus quæ non æque notæ & usitatæ. Illud (pene dixerim) tantum modestiæ causa additum videtur; nullum enim omnino negotium inter homines contrahitur super quo stipulatio non recte interponatur.

TEXTUS.

De communibus.

4. *Communes sunt, veluti rem salvam fore pupillo (nam & prætor jubet rem salvam fore pupillo caveri, & interdum judex, si aliter hæc res expediri non potest), vel de rato stipulatio.*

COMMENTARIUS.

1. *Cur duas stipulationes hic propositas Ulpianus prætorias, & quo sensu quasdam communes appellat.*
2. *Rem pupilli salvam fore quando prætor caveri jubet, quando judex; & Theophilus notatus.*
3. *Idem queritur de stipulatione rem ratam haberi.*
4. *An stipulatio dupla, & quando communis.*

1. **S**tipulationes communes sunt, quæ rebus ita exigentibus interdum auctoritate prætoris aut ædilis interponuntur, interdum jubente judge, d. l. 5. in pr. hoc tit. vers. communes. Hujus generis duæ hic commemorantur, cautio rem pupilli salvam fore, & rem ratam dominum habiturum. Ulpianus l. 1. §. 2. de stip. præt. utramque hanc inter prætorias numerat, nimirum ex potiori & eo quod regulare est rem æstimans: quod & nos consideravimus sup. §. 2. Apud Pomponium d. l. 5. refertur & tertia ejusdem generis, stipulatio dupla; neque plures, quod sciām, quæ quidem communes eo quo diximus sensu appellantur occurunt. Longe enim aliter atque hoc loco communes accipiuntur ab Ulpiano l. 1. de stip. præt. nimirum ex præ-

toris illæ quæ & judicij constituendi firmandique causa interponuntur, & simul cautionales sunt, ut instar actionis habeant: quales sunt quæ sunt judicio sistendi causa, d. l. i. §. 3.

2. *Rem salvam fore pupillo*] Hæc stipulatio regulariter jussu prætoris interponitur nullo interveniente judicio aut causæ cognitione; & nî caveat tutor pignoribus captis aut mulctâ indicta coercetur, sup. pr. tit. Inst. de satisd. tut. junct. §. pen. legis 1. de adm. tut. quorum nihil est judicis; qui nudam duntaxat notionem habet, l. 5. de rejud. junct. l. 4. de jurisd. Sed finge, debitorem pupilli convenutum à tutore post item contestatam demum inter moras judicij cognovisse non satisdissimile tutorem, atque ad hanc exceptionem confugere: utique audiendus erit, arg. l. 3. C. de tut. qui sat. non ded. & officio judicis injungetur stipulatio. Quippe quæ propria magistratus sunt & jurisdictionis, si de his principaliter agatur, ea si in judicium per consequentiam inciderint, ad judicis cognitionem & officium pertinere incipiunt, l. 1. C. de ord. jud. Aperte autem hic lapsus est Theophilus, bonus alioqui & non contemnendus interpres: qui dum probare cupit stipulationem rem pupilli salvam fore aliquando judiciale esse, pro judiciali attulit exemplum prætoriæ, ejus nimirum quæ ante item contestatam interponi jubetur ab eo qui de ea re in jus aditus est: quo casu non potest non esse præatoria, cum eo tempore nullum adhuc judicium, nullus judex sit; eumdemque errorem mox iterum errat in explicacione cautionis de rato. Quod ideo monendum putavi, quia plerique decepti auctoritate viri satis habent lectorum tamquam in re explorata ad eum remittere.

Si aliter hæc res expediri non potest] His verbis, hæc res, perspicuum est non intelligi cautionem, sed judicium seu rem de qua judicio contenditur. Cautio enim semper per prætorem expediri potest, si ab eo postuletur; judicium vero non semper, nisi jussu judicis cautio interponatur.

3. *Vel de rato stipulatio*] Stipulatio de rato seu ratam rem haberi, ea est quæ exigitur a procuratore alieno nomine actionem postulante. Hæc itidem regulariter jussu prætoris

atque ante item contestatam interponitur. Ceterum si in lite contestanda omissa sit, & postea certum esse cœperit eum qui tamquam procurator expertus est falsum procuratorem esse, recte postulante adversario hanc judex satisdationem ab eo exigit. Nam quod dicitur in *lege pen.* §. pen. de *procur.* lito seniel contestata procuratorem ad cautionem ratihabitionis non compelli, id in re incerta, ubi de mandato non plene constat, & aliqua pro procuratore præsumptio est locum habet, quo scilicet casu ante item contestatam etiam reo invito cum cautione admittetur, l. 1. C. de *procur.* Neque obstat regula de exceptionibus dilatoriis, quales sunt procuratoriae, post item contestatam non opponendis, l. 4. C. de *jurisd.* l. 13. C. de *procur.* quippe quæ fallit quando dilatoria eam vim habet ut nullos reddat omnes actus judicij: cujusmodi inter alias est exceptio falsi procuratoris, d. l. 24. C. de *procur.* ubi Sichard. n. 2. §. 3. Gail. 1. obs. 47. n. 2.

4. Pomponius d. l. 5. de *verb. obl.* communium stipulationum numero adscribit & stipulationem duplæ, eamque ait vel à judece venire vel ab ædilis edicto, id est interdum judicis jussu interponi, interdum imperio ædilis. Nam ut edictum ædilium publicum hic interpretetur neque verba Pomponii patiuntur, quia illud non est unius ædilis sed plurimi, l. 1. & passim de *ædil. edit.* neque sententia: quod manifeste arguit præcedens definitio prætoriarum. Quando igitur hæc stipulatio communis. An cum ob evictionem interponitur? Minime; hæc enim petitur actione ordinaria, semperque judicialis est, numquam ædilitia, tot. tit. ff. de *evict.* Sed est præter vulgarem illam ob evictionem & alia, quæ ob eas causas petitur de quibus edicto ædilium cavetur, puta rem vitiosam non esse, morbosam non esse &c. l. 32. de *evict.* stipulatio assidua ab Ulpiano appellatur, l. 31. §. 20. de *ædil. edit.* De his rebus qui sibi duplam promitti postulat, is adversario recusante aut agit ex emto præcise ad duplam, qua parte judicialis est; aut redhibitoria; & hic est ædilitia, quia post item contestatam numquam interponitur. Don. in d. l. 5. pr. n. 27. §. 28.

TITULUS XX.

DE INUTILIBUS STIPULATIONIBUS.

Cod. lib. 8. tit. 39. Et Part. 5. tit. 11.

Continuatio. Quot modis accidat ut inutilis sit stipulatio.

HAec tenus visum quomodo verborum obligatio recte contrahatur, stipulationesque utiliter concipientur. Sequentur contraria, ea videlicet quæ stipulationem vitiant eamque inanem atque inutilem reddunt. Quarum quidem rerum tractatio et si ad ceteras quoque conventiones & obligationes pertinet: non male tamen hoc loco instituitur, ut in argumento communi; quippe cum, ut initio tit. Inst. de verb. obl. dictum est, stipulationes inventæ sint ceterarum conventionum & obligationum firmandarum gratia; & ideo fere novissima parte cujusvis negotii subjici soleant. Ut vitiosa sit atque inutilis stipulatio multis modis accidit. Quædam enim inutiles sunt propter materiam seu rem in obligationem deductam, quædam propter defectum causæ efficientis aut qualitatem personæ stipulantis promittentisve, aliæ propter vitium formæ & adjectiōnū. Quæ fere summa est eorum quæ hoc tit. explicitantur. Ex his autem causis fit ut stipulatio ipso jure sit inutilis, ita ut nec actionem producat. Quibusdam etiam modis fit ut inutilis sit non ipso jure, sed ut ex ea agens exceptione submoveatur, inf. tit. Inst. de except.

TEXTUS.

De his quæ sunt in commercio.

Omnis res quæ dominio nostro subjicitur in stipulationem deduci potest, sive ea mobilis sit sive soli.

L. 20. tit. 11. Part. 5.

COMMENTARIUS.

Dominio nostro subjicitur] Id est subjici potest. Nam & ea quæ nondum in dominium nostrum pervenerunt, atque adeo quæ nondum sunt in stipulationem deduci possunt: veluti frumenta quæ in herbis sunt,

fructus fundi, partus ancillæ, II. 73. & 75. §. 4. de verb. obl. §. 7. Inst. sup. de legat.

Sive mobilis sit sive soli] Potuit adjungi, sive ea corporalis sit sive incorporalis, nam & jura in stipulationem recte deducuntur, veluti ususfructus & servitutes prædiorum, §. 1. Inst. sup. de usufr. §. ult. sup. de serv. præd. Quin etiam non modo res in stipulationem utiliter deducuntur verum etiam facta, ut superiorius docuimus sub §. ult. Inst. de verb. obl.

TEXTUS.

De his quæ non sunt.

1. *At si quis rem quæ in rerum natura non est aut esse non potest dari stipulatus fuerit: veluti Stibium qui mortuus sit, quem vivere credebat, aut Hippocentaurum qui esse non possit, inutilis erit stipulatio.*

L. 21. tit. 11. Part. 5.

COMMENTARIUS.

2 *Canones qui observandi circa materiam stipulationum: tum consecaria inde deducta.*

2 *Quid si in stipulatum deducta res, quæ esse desiit.*

3 *Quid si quæ nec est nec umquam fuit: ubi de Hippocentauris.*

1. **H**oc §. & seq. docetur quibus modis fiat ut inutilis sit stipulatio propter id quod in eam deductum est. Quæ res ut perfectius intelligatur, duo hi canones prius nobis observandi sunt: (1) ut valeat stipulatio necesse esse ut id quod in eam deductum est dari aut fieri per rerum naturam aut leges possit: (2) ut intelligatur quid illud sit, & quam utilitatem afferat stipulatori. Hinc jam appareat, duobus modis in universum fieri ut ratione materiae

inutilis sit stipulatio, si dari fierive natura aut jure non potest quod promissum est, *I. 35. de verb. obl.* eoque pertinet regula juris legis *185. de reg. jur.* si propter incertitudinem non potest intelligi quid sit, & quam habeat utilitatem, *I. 94. I. 115. de ver. obl.* Quando in stipulatione faciendi hoc accidat videbimus *inf. sub §. 23.* hoc tit. Rerum quæ dari non possunt tria fere sunt genera: quæ non sunt in rerum natura nec esse possunt: quæ commercio sunt exemptæ: quæ stipulatoris sunt propriæ, *I. I. §. 9. & seq. de obl. & aff. De primo genere agitur hoc §. de reliquis §. seq. Incertitudinis quæ stipulationem vitiat exempla habemus in d. I. 24. & d. I. 115, pr. de verb. obl.*

2. *Quod in rerum natura non est*] Primum genus rerum quæ dari non possunt ac proinde inutiliter in stipulationem deducuntur earum rerum est quæ non sunt nec esse possunt in rerum natura. Id iterum in duas abit species. Nam harum rerum aliæ fuerunt, sed desierunt esse; aliæ ne fuerunt quidem umquam. Illarum numero sunt homo mortuus, ades deusta &c. *I. I. §. 9. de obl. & aff. I. 69. de verb. obl.* Quod autem harum rerum stipulationem inutilem esse dicimus, hoc eo maxime spectat ut intelligamus nec estimationem earum deberi, *I. 103. de verb. obl. §. 4. Inst. sup. de legat.* nec peccatum eo nomine promissam committi, *d. I. 69. de verb. obl.* Plane si res quæ dari poterat ab initio in obligationem deducta culpa debitoris dari posse desierit, aut si is in re praestanda moram fecerit: placet creditorem eas res, quamvis extinctas, utiliter adhuc stipulari, *I. 83. §. pen. eod.* quoniam culpa & mora debitoris obligationem perpetuant, *I. 23. I. 91. §. 3. eod.*

3. *Hippocentaurum qui esse non possit*] Exemplum rerum quæ ita non sunt ut nec uxquam fuerint. *Cic. 2. de nat. Deor. cap. 2. Quis, inquit, Hippocentaurum aut Chimeram fuisse putat?* *Lucr. lib. 5. v. 878.*

Sed neque Centauri fuerint, neque tempore inullo Esse queat duplice natura & corpore bino

Ex alienigenis membris compaſſa potestat. Stoici apud Senecam epist. 58. In rerum, inquiunt, natura quædam non sunt. Et hæc autem quæ non sunt rerum natura compleſſitur, quæ animo succurrunt, tamquam Centauri, Gigantes & quidquid aliud falsa cogitatione formatum habere aliquam imaginem cœpit, quamvis non habet substantiam. Plinius tamen lib. 7. c. 30. testatur, Claudiuſ Cæſarem scri-

bere, Hippocentaurum in Thessalia natum eodem die interiisse: *Et nos, inquit, principatu ejus allatum illi ex Aegypto in melle vivimus.* Ceterum ut hoc verum sit, tamen quia portenta & monstra hæc sunt etiam naturæ quodam peccato genita, eorum ratio nulla dicitur. Centauri, qui iidem & Hippocentauri dicti, populi fuere Thessalæ juxta Pelion montem, anteriore corporis parte (ut Poëtæ fabulantur) hominum, posteriore equorum effigiem referentes. Fabula occasionem præbuit quod Centauri primi equitarunt, non sine horrendo vicinorum populorum spectaculo, à quibus primum conspecti equis insidentes crediti sunt habere membra partim humana, partim equina. Idem Indis occidentalibus patrum nostrorum memoria evenit.

TEXTUS.

De his quæ non sunt in commercio.

2. *Idem juris est si rem sacram aut reliquiam quam humani juris esse credebat, vel publicam quæ usibus populi perpetuo exposita sit, ut forum vel thearium; vel liberum hominem quem servum esse credebat, vel cuius commercium non babuerit, vel rem suam dari quis stipuletur.* Nec in pendentí erit stipulatio ob id quod publica in privatam deduci, & ex libero servus fieri potest, & commercium adipisci stipulator potest; sed protinus inutilis est. Item contra, licet initio utiliter res in stipulatum deducta sit, si tamen postea in aliquam eorum causam de quibus supra dictum est sine facto promissoris devenire, extinguitur stipulatio. At nec statim ab initio talis stipulatio valebit: *Lucium Titum, cum servus erit, dare spondes? & similia;* quæ enim natura sui dominio nostro exempta sunt, in obligationem deduci nullo modo possunt.

L. 22. tit. 11. Part. 5.

COMMENTARIUS.

- 1 Genera rerum quæ non sunt in commercio.
- 2 Etiam earum rerum quarum nullum omnino commercium est stipulationem prorsus inutilem esse.
- 3 Quid si stipulator sciat rem non esse in commercio.
- 4 Quid si ille ignoret, promissor sciat.
- 5 Quando earum rerum quæ secundum quid

extra commercium stipulatio utilis aut inutilis.

- 6 *De stipulatione rei nostrae.*
- 7 *Ampliatio regule initio positæ.*
- 8 *Ampliatio secunda.*
- 9 *Quid, si columnæ promissa factæ alieno adibus juncta.*
- 10 *Dissensio Veterum circa casum quo res initio recte promissa, deinde commercio exempta, postea rursus dari posse cœpit.*
- 11 *Restrictio ampliationis secundæ.*
- 12 *Ampliatio tertia ejusque restrictio.*

1. **S**ecundum genus rerum quæ dari non possunt est earum quæ sunt quidem in rerum natura sed non sunt in commercio hominum. Hujus autem generis quæ sunt, earum quædam conditione sua & absolute commercio exemptæ, ut res divini juris, publica, homo liber; quædam certo respectu, qui vel est in rebus ipsis, cum alioqui natura sua sint in commercio, quales sunt verbi causa columnæ, marmora adificiis juncta; vel in personis contrahentium, puta si vel stipulator vel promissor commercium non habeat, cum alii habeant. Sunt enim quædam quorumdam hominum commerciis exemptæ, ut prædia Ecclesiæ habentia hereticis, mancipia Christiana iisdem & Judais, l. 10. C. de hæret. tit. C. ne Christ. manc. hæret. Enimvero non omnia hæc stipulationem vitiant eodem modo, quædam nec vitiant; estque in singulis quod seorsim considerandum.

2. *Si rem sacram, &c.]* Quarum rerum nullum omnino commercium est, ex stipulationem deductæ perinde eam vitiant ut illæ quæ non sunt nec esse possunt in rerum natura, l. 1. §. 9. de obl. & adl. l. 35. l. 83. §. 5. l. 103. de verb. obl. Quamobrem neque hoc casu magis quam superiore aut æstimatio debebitur, aut poena promissa peti poterit, d. l. 103. l. 69. eod. l. 39. §. ult. de legat. l. §. 4. Inst. sup. de legat. quod etiam hoc ipso satis significatur, quod ejusmodi stipulatio dicitur esse inutilis, idemque juris hic esse quod foret si res promissa nec esse posset in rerum natura. Neque enim inutilis stipulatio dici potest ex qua aliquid debetur, & maxime si pro re debeatur æstimatio. Diversum omnino est si quis ædem sacram aut locum religiosum adificari stipulatus fuerit; hic enim in stipulationem deducitur quod & natura fieri potest & jure facere licet, l. 38. §. ult. de verb. obl. VNN. Sed cur liber homo, res sacra, religiosa,

publica in stipulationem deduci nequit; cum tamen constare soleat earum rerum liberique hominis emtio venditio bona fide facta? ll. 4. 5. & 6. ff. de contrah. emt. Cur, inquam, tam varie? Immo non varie. Vere enim hujusmodi emtio non valet nisi eatenus ut deceptus possit agere ad id quod interest, §. ult. Inst. de emt. & vend. ad traditionem enim agi non potest, d. §. ult. leg. 103. ff. de verb. oblig. adeo ut tametsi in eum casum venditus fuerit liber homo, si servus factus fuerit, non valeat ea venditio, quia nefas est tales casus expectare, l. 34. §. 2. ff. de contr. emt. Ergo in legibus 4. & seqq. supra adductis tantum eatenus emtio intelligenda dicitur, quia emtor ignorans rei qualitatem agere potest ad id quod interest, vel re jam tradita & bona fide possessa ad præstandam evictiōnem. HEIN.

3. *Quam humani juris esse credebat]* Eodem modo mox, quem servum esse credebat; uti & §. præced. quem vivere credebat; & similiter Gajus l. 1. §. 9. de obl. & adl. An ergo si sciebat stipulator rem esse divini juris, hominem liberum esse &c. valebit stipulatio? Quidam putaverunt valere saltem ad hoc ut stipulator consequatur quod sua interest, ne frustra ea verba hic & apud Gajuni expressa videantur. Sed recte Wesembecius respondet verba ista addita esse, propterea quod in ignorantia major est causa dubitandi an non saltem æstimatio aut id quod interest peti possit; in scientie enim vix esse potest; quoniam tum non modo ratione materiæ, verum etiam causæ efficientis, seu propter defectum consensu, harum rerum stipulatio nullius momenti est, arg. l. 31. de obl. & adl. & maxime si etiam promissor sciavit, l. 57. §. ult. de conto. emt.

4. Sed quid si solus stipulator conditio nem rei ignoret, promissor sciatur: an non saltem propter dolum promissoris dabitur stipulatori actio in id quod sua interest deceptum non esse? Adhuc dicendum videtur non dari; siquidem in locis omnibus ubi de stipulatione rerum quæ in commercio non sunt agitur simpliciter pronuntiatur inutilem eam esse & nullius momenti. Emtionis alia causa est; nam etsi nec emtio hominis liberi, loci sacri aut religiosi hactenus teneat ut res ipsæ debeantur aut peti possint; tamen si hæc pro privatis aut profanis veneant, & inter ignorantes id fiat, aut dumtaxat vendor sciat emtor ignoret: placet emtionem eatenus saltem consistere ut emtor actione ex emto vel

pretium recipiat, vel consequatur quod interfuit ejus ne deciperetur, l. 4. §. 1. l. 62. l. 70. de contr. emt. §. ult. Inst. inf. de emt. & vend. Plane si ex causa onerosa stipulatio interposita sit, putarem cum Jo. Fab. in casu proposito nomine doli adversus promissorem agi posse.

Quæ usibus populi] Quæ in usu publico habentur. Additum ad differentiam eorum quæ sunt in pecunia seu patrimonio populi aut Principis, l. 6. l. 72. §. ult. de contr. emt. quæ quidem & ipsa publica dicuntur, l. 14. de adq. rer. dom. l. 15. cum 2. seqq. de verb. sign. nimirum propter personam possidentis; ceterum usu & jure quo habentur privata sunt atque in commercio, l. 2. §. 4. ne quid in loc. public.

5. *Cujus commercium non habuerit*] Etiam earum rerum quæ secundum quid extra commercium sunt stipulatio inutilis; sed non semper. Inutilis, si vel propter rem impedimentum obiciatur, veluti si quis ea stipuletur quæ ædibus juncta sunt; quoniam ea eximi & præstari Senatus vetuit, l. 41. de legat. 1. Et igitur cum etiam hoc casu res ipsa non debeatur, nec debebitur rei æstimatio quæ promissa non est; quod tamen non puto esse perpetuum, sed exemplo legati harum rerum aliquando etiam ex stipulatione æstimationem peti posse, d. l. 41. §. 4. vel propter personam stipulatoris, quod ille rei commercium non habet, veluti si Judæus mancipium Christianum dari stipuletur; hoc enim casu non magis utilis stipulatio quam si res simpliciter atque in totum commercio exempta sit, *boc text.* l. 34. de verb. obl. Quod si stipulator commercium habeat, licet promissor non habeat placet stipulationem valere, d. l. 34. quippe posteriore hoc casu præstatio rei non est promissori impossibilis. Nam etsi ipse rem quam promisit habere possidere non potest; nihil tamen prohibet quominus eam sic comparet ut non sibi habeat, sed statim ei præstet cui jus est eam habere, arg. l. 71. de verb. sign. atque èdem hac ratione defenditur legatum rei cuius heres commercium non habet modo legatarius habeat, l. 49. §. 3. de legat. 2. de quo plura scripsimus ad §. 4. Inst. supr. de legat.

6. *Vel rem suam*] Tertium genus rerum quæ dari nobis non possunt, sunt res nostræ; quod enim nostrum est id nobis dari aut amplius nostrum fieri non potest, §. 4. Inst. inf. de att. Nemo igitur rem suam sibi dari utiliter stipulatur, l. 82. de verb.

obl. l. 1. §. 10. de obl. & att. Cui item consequens est, nec pretium rei ex ea stipulazione deberi. Sane rem nostram nobis restitui, tum etiam pretium rei nostræ nobis dari utiliter stipulamus, d. l. 82. Sed & rem furtivam dominum à fure recte stipulari placet, modo tamquam furtivam stipuletur, l. 29. §. ult. de verb. obl. cuius rei ratio petenda ex d. §. 14. Inst. inf. de att.

7. *Nec in pendentī &c.*] Sequuntur aliquid ampliationes quæ tamen non pariter ad omnes superiores species pertinent. Prima significatur hoc vers. & apud Paulum l. 83. §. 5. vers. quamvis sacra profana fieri &c. de verb. obl. estque hæc, quod etsi res sacra postea profana, publica privata, homo liber servus factus sit, nihilo magis stipulatio vires habeat aut sumat, vetante nimirum regula Catoniana quod initio vitiosum est tractu temporis convalescere. Quæ regula ad stipulationes quoque translata est, arg. l. 41. §. 2. de legat. 1. l. 29. de reg. jur. Ergo nec si stipulator postea rei commercium nactus fuerit stipulatio convalescat, nec si sua res stipulatoris esse desierit, *boc text.* nec si juncta ædibus postea fuerint separata, d. l. 41. §. 1.

8. *Licet initio utiliter &c.*] Ampliatio secunda. Non solum inutilis est stipulatio in quam ab initio res quæ commercio exemptæ sunt aut alias dari non possunt deducuntur; sed etiam si quid recte atque utiliter promissum postea in talem causam sine facto promissoris devenerit, placet stipulationem extingui & dissolvi obligationem, licet ab initio recte contracta sit: ut puta, stipulatus sum rem profanam aut Stichum mihi dari: ea res postea sacra, aut Stichus liber esse coepit sine facto promissoris: placet eum liberari, & satis esse quod eventu præstatio facta sit impossibilis, d. l. 83. §. 5. vers. nam & cum l. 51. de verb. obl. Suntque hæc exempla regulæ quæ definit, etiam ea quæ recte gesta sunt resolvi si in eum casum incidunt à quo non poterant incipere, l. 11. de servit. l. pen. §. ult. de verb. obl. Vid. notata sub §. 14. Inst. supr. de legat. Èdem ratione & stipulatio rei alienæ perimitur, si res antequam traderetur ex alia causa jam facta sit stipulatoris; sed hoc ita si utraque causa fuerit lucrativa, non si altera onerosa, d. l. 83. §. 6. l. 17. de obl. & att. rationem diversi juris reddidi sub §. 6. Inst. supr. de leg.

9. Quid si columna promissa facto alieno juncta sit ædibus? Non putarem hoc casu stipulationem evanescere, l. 41. §. 4. de leg. 1. De

10. De illo inter Veteres non convenit, si res initio recte promissa, deinde commerciis hominum exenta, rursus mutata conditione coepit dari posse, veluti si servus liber factus in servitatem reciderit, an obligatio quæ semel sublata fuit restituatur. Celsus censuit restitui, magisque esse ut propter impedimentum interveniens cessasse videri debat obligatio quam penitus extincta fuisse. Sed hæc Celsi sententia admissa non est, crebriusque placuit obligationem non restitui, ut pote semel penitus sublatam: quemadmodum enim homo mortuus vitæ restitui non potest, ita nec in perpetuum extinctam obligationem posse resuscitari, d. l. 83. §. 5. vers. nec revocamus, l. 98. §. 8. de solut. quibus locis etiam Celsi argumentis occurritur. Eadem dissensio & circa servum legatum interim manumissum & postea servum iterum factum inter Celsum & alios fuisse videtur, l. 79. §. ult. de legat. 3. junct. l. 27. §. 1. de adm. legat. quos tamen locos distinctione conciliare nititur Don. in d. l. 83. §. 5. n. 8.

11. *Sine facto promissorij*] D. l. 83. §. 5. Additum ideo, quoniam si per promissorem factum sit ut res dari posse desierit, veluti si servum promissum manumiserit, locum promissum religiosum aut publicum fieri passus sit, non extinguitur stipulatio; nec magis debitor liberatur quam si servum promissum occidisset. Itaque ne dolus aut culpa ejus adversario noceat, cum res ipsa præstari non possit præstabitur æstimatio. Ideoque est si postquam debitor in re præstanta moram fecit ea perenta aut commercio exenta sit; quoties enim aut culpa aut mora debitoris intervenit placet obligationem continuari, id est, ex eo tempore perinde perpetuo eum teneri ac si res adhuc extaret, l. 23. §. 4. pr. & §. 3. de verb. obl.

12. *Lucium Titium cum servus erit*] Ampliatio tertia. Rem commercio exenta non tantum pure inutiliter stipulamur sed etiam sub conditione, licet nominatim in eum casum nobis caveamus, si dari posse coepit. Itaque improbata est etiam hujusmodi stipulatio, *Illum cum servus erit dare spondes?* item, *Eum locum cum ex sacro profanus esse coeperit dare spondes?* Nimirum quia nec præsentis temporis obligationem recipit, & ea dumtaxat quæ natura sui possibilia sunt in obligationem deduci possunt. Sed & mali hominis causâ istiusmodi stipulationem detestamur; quoniam non solet ea mutatio contingere sine interitu civitatis: quod Paulus,

d. l. 83. §. 5. & Pomponius l. 34. §. 2. de contr. emt. declarant sub persona liberi hominis sub conditione promissi. Enimvero hæc ampliatio pertinet dumtaxat ad stipulationes earum rerum quæ absolute & natura sua commercio exenta sunt; ad eas res non pertinet quæ cum per se sint in commercio, nunc tamen non sunt propter impedimentum aliquod extrinsecus accedens & temporarium. Etenim ea quæ ædibus juncta sunt sub conditione stipulari non prohibemur, cum & sub conditione legari possint, d. l. 41. §. 1. de legat. 1. Sed nec pertinet ad stipulationem rei nostræ; quippe & hanc sub conditione recte stipulamur, ut stipulatio teneat si tempore existentis conditionis nostra non sit, l. 31. l. 98. de verb. obl. d. l. 41. §. 1. de legat. 1. l. 161. de contr. emt. Neque enim quominus hoc fiat aut regula Catoniana impedit, quæ ad conditionalia non pertinet, d. l. 41. §. 1. aut vitium rei, quod nullum est; potestque ea mutato interim domino nobis præstari, nec incivile est hanc mutationem expectare. Non caruit tamen hæc sententia dubitatione, ut appareret ex d. l. 98. de verb. obl. Illud ei adversari videtur, quod etiam conditionales stipulationes ex praesenti vires accipere traditur lege 26. de stip. serv. & generaliter in omni stipulatione id tempus spectari quo contrahimus, l. 78. de verb. obl. Sed hoc recte dicitur cum de persona stipulantis agitur, aut ejus cui inde adquiritur; ad res quæ in stipulationem deducuntur non pertinet. Ut enim statum capiat stipulatio necesse est eum qui stipulatur sive pure stipuletur sive sub conditione, stipulandi capacem esse; eademque ratio ejus cui ex stipulatione adquiri volumus. At rei quæ usibus hominum non exenta in stipulationem deducitur præstatio & obligatio in eventum differri potest, ut ante illum eventum neque peti possit neque quidquam debeatur, l. 213. de verb. sign. sed tantum spes sit debitum iri, quam in heredem transmittamus, §. 4. Inst. sup. de verb. obl.

TEXTUS.

De facto vel donatione alterius.

3. *Si quis alium daturum facturumve quid promiserit non obligabitur; veluti si spondeat Titium quinque aureos daturum. Quod si effleurum se ut Titius daret sponderit, obligatur.*

COMMENTARIUS.

- 1 Cur qui alium daturum &c. promittit, neque ipse se neque alium obliget.
- 2 De eo qui se curaturum promittit ut alius det.
- 3 Interdum qui factum alienum promittit etiam sine expressione istorum verborum obligari.

1. **Q**ui alium daturum aut facturum promittit neque ipse obligatur neque alium obligat. Cur alium non obliget ratio manifesta est, quia nemo ex contractu alterius obligari potest, *l. 3. C. ne ux. pro mar.* Cur ipse non obligetur dux causae sunt: una, quia non consentit ut det aut faciat: altera, quia etsi proponamus eum dare aut facere velle, tamen verbis id non promittit, quorum alterum per se solum ex regulis communibus stipulatum satis est ad impediendam verborum obligationem. De se igitur quemque promittere oportet si eum obligari volumus, *d. l. 83. in pr. de verb. obl.* Sed an non saltem haec tenus eum qui alium daturum aut facturum promisit obligari dicimus ut curare debat ut ille alius det aut faciat? Dicendum est ne haec tenus quidem eum obligari; alioqui stipulatio haec non esset inutilis, sed factum alienum utiliter promitteretur, contraria quam in universum definit Hermogen. *l. 65. de fidejuss.* & Ulpian. *l. 38. in pr. de verb. obl.*

2. **Q**ui effecturum se] Aut se curaturum ut alius det, *d. l. 83. pr. eod.* Quippe hac stipulatione non tam factum alienum quam proprium promissoris continetur, qui ob id in tantum tenebitur quantum ut alter daret curaturum se promisit, per *l. 73. de legat. 1.* aut si promiserit curaturum se ut alius aliquid faciat, tenebitur in id quod stipulatoris intererit. Communiter receptum tradit Wesembecius, promissorem liberari si omnem diligentiam adhibuerit ad rem conficiendam, nec profecerit, quasi hoc solum promissose intelligatur; ut proinde non aliter conveniri possit quam si negligentia aut culpa ejus arguatur, allegans Bart. *cons. 236. Boër. decis. n. 16. Schurff. cons. 15. cent. 1. textus tamen omnes indistincte loquuntur.* Vid. D. Bronch. *4. assert. 40. Ant. Fab. Cod. for. de contr. stipul. defin. 10.*

3. Interdum sane qui factum alienum promittit obligatur, quamvis verbis non ex-

TIT. XX.

primat se effecturum aut curaturum &c, quasi tacite id actum videatur considerata qualitate negotii: veluti si quis promittat certam personam pro se fidejussuram esse, *l. 14. §. 2. de pec. const.* item si procurator de cuius mandato dubitatur promiserit rem ratam dominum habiturum, *tot. tit. ff. rat. rem hab.* Estque posterior haec stipulatio praetoria; ac proinde ut reliqua ejusdem generis legem & interpretationem recipit de mente praetoris, *l. 52. de verb. obl. l. 9. de stipul. præt.* Similia exempla occurruunt in *l. 38. in pr. II. 81. & 83. pr. de verb. obl.* in quibus omnibus promissor sub alieni facti promissione etiam de suo promittere intelligitur. Qui promisit se facturum ut decem dentur ipse dare cogitur, nec liberatur dando expromissorem, *l. 73. de legat. 1.* At qui curaturum se ut decem dentur promisit, placet eum liberari aliam reum locupletem dando, *l. ult. §. 1. de reb. cred. l. 67. §. 1. de verb. obl.* Curare enim non tantum numerare est, sed etiam delegare alium qui adnumeret. *Facere, dandi* significationem in proposito habet, Cujac. ad *d. l. 67.* VINN. Hujc textui & *d. legi 1. tit. 11. Part. 5.* derogatum est per *leg. 2. tit. 16. lib. 5. Recop.* ubi expresse cavitur, quod cum quis alterum daturum facturumve promisit obstrictus ipse maneat. Convenienter aquitati juris Canonici. Vid. Covarr. in cap. *Quamvis de pact. in 6. & Aceved. ad d. leg. n. 41.*

ADDIT.

TEXTUS.

De eo in quem confertur obligatio vel solutio.

4. **S**i quis alii quam ei cuius juri subjectus est stipuletur nihil agit. Plane solutio etiam in extraneam personam conferri potest: veluti si quis ita stipuletur, Mihi aut Sejo dare spondes? ut obligatio quidem stipulatori adquiratur, solvi tamen Sejo etiam invito eo recte possit, ut liberatio ipso iure contingat; sed ille adversus Sejum habeat mandati actionem. Quod si quis sibi & alii cuius juri subjectus non sit dari decem aureos stipulatus est, valet quidem stipulatio. Sed utrum totum debatur stipulatori quod in stipulationem deducatur est a vero pars dimidia, dubitatum est. Sed placuisse non plus quam dimidiad partem ei adquiri. Et vero qui juri tuo subjectus est si stipulatus sis tibi adquiris; quia vox tua tamquam

quam filii intelligitur in his rebus quæ tibi adquiri possunt.

L. 7. tit. II. Part. 5.

COMMENTARIUS.

- 1 Qui alteri stipulatur, emit, conductit &c. nec sibi nec alteri obligationem adquirere.
- 2 Quæ cautiones sic adhibendæ.
- 3 An tabularii stipulando alteri adquirant; & quid juris bodie.
- 4 Quibus in causis admissum ut alteri ex conventione alterius utilis actio detur, præter casus n. 2.
- 5 Quid stipulatio solutione in alium collata tribuat stipulatori.
- 6 Quid adjectio solutionis causa.
- 7 Quid permitrat promissori & quem liberationis modum faciat.
- 8 Quid si adjectus statum mutaverit.
- 9 Quid juris si quis conjunctim sibi & alteri stipuletur, tum ratione reorum tum adjecti.
- 10 An in contractibus locus sit juri accrescendi.
- 11 De patre stipulante filio sive quem in potestate habet, sive emancipato.

1. **Q**uemadmodum nemo alium datum facturumve promittens aut ipse obligatur aut alium obligat: ita nec alteri stipulando aut sibi aut alteri obligationem adquirit, l. 38. §. 17. ff. de verb. obl. l. 3. C. de contr. stip. §. 18. hoc tit. Non sibi, quia hoc actum non est, nec persona ejus stipulatione comprehensa; non alteri, quia repugnat fini stipulationum & obligationum: utpote quæ ad hoc omnes comparatæ sunt ut unusquisque adquirat sibi quod sua interest; ut vero alteri detur nihil interest nostra, d. l. 38. §. 17. Neque hoc ad stipulations tantum pertinet, sed ad ceteras quoque conventiones, §. pen. Inst. sup. per quas person. l. 126. §. 2. vers. respondit de verb. obl. l. 11. §. pen. de pign. act. l. 73. in fin. de reg. jur. In summa, ut Paulus scribit, quæcumque gerimus, cum ex nostro contractu originem trahunt, nisi ex nostra persona initium sumant (id est, ut nunc vulgo loquuntur, nisi in persona nostra radicentur) inanem actum nostrum efficiunt; & ideo, inquit, neque stipulari, neque emere vendere contrahere, ut alter suo nomine recte agat possumus, l. 21. de obl. & act.

2. Verum hic cautiones quædam adhuc Tom. II.

benda sunt. Primum enim quod dicitur, neminem stipulando alteri obligationem aut actionem adquirere posse, de persona extraea intelligendum est, & sic temperandum, nisi ille alter in quem stipulatio confertur fictione juris eadem persona cum stipulatore habeatur; quo in numero sunt tum ii quorum in potestate sumus, tum heredes nostri. Plane enim quod servus domino, filius fam, patri stipulatur, ejus obligatio & actio omnis domino aut patri adquiritur, hoc text. in pr. d. l. 38. §. 17. l. 45. de verb. obl. sup. tit. Inst. de stip. serv. & infr. tit. Inst. per quas pers. nob. obl. Sed & heredibus nostris paciscendo & stipulando quidvis adquirimus, d. l. 38. §§. 12. & 14. de verb. obl. l. 33. de part. nec tantum cum nobis simul & heredibus nostris stipulamur, sed etiam cum heredibus solis: utique jure novo ut actio ab heredibus incipiat, l. unic. ut act. ab hered. Deinde etsi ex aliena stipulatione non adquiritur alteri actio directa; sunt tamen quædam personæ per quas ratione officii adquiritur alteri actio utilis. In hoc genere sunt tutor, curator, actor civitatis. Nam si tutor pupillo, curator adolescenti, actor civitati quid dari aut fieri stipulentur, placet pupillo adolescenti civitati utilem actionem dari, l. 5. §. pen. de pec. constit. In eadem causa est & procurator militis, l. 26. de reb. cred. item magistratus in cautione pro pupillo à tutoribus aut adrogatore exigenda. Et non solum magistratus ipse ex his causis pupillo recte stipulatur, sed etiam alium adhiberi potest, pura servum publicum, aut si videtur quemvis liberum hominem qui idem pupillo stipuletur, l. 1. §§. 11. & 15. de magistrat. conv. l. 18. de adopt. II. 2. & 3. rem pup. salv. fer. Adhuc ex stipulatione procuratoris tribus ex causis domino utilis actio datur: (1) si ex re domini stipuletur, l. 68. de procur. (2) si domino praesente, l. 79. de verb. obl. (3) si utilitas id exigat nec aliter domino res salva esse possit. Receptum id primum in contractu institutis, l. 1. in fin. l. 2. de instit. act. inde eadem conditione translatum ad contractus procuratoris, l. 15. §. 28. de act. emt. l. 5. de pret. stip. l. 18. §. ult. de damn. infel.

3. Quæsumus de tabulariis, seu, ut nunc vulgo appellantur, notariis publicis, an etiam hi civibus absentibus recte stipulentur iisque obligationem adquirant. Quod omnino negandum est, si quidem de jure civili Romanorum queratur; quippe quo jure nec ser-

vus publicus id potuit, nisi in duabus illis quas dixi causis, ac magistratu jubente stipulationem interponi. Si vero de jure hodierno, ubique fere locorum invaluit error veterum Interpretum, receptumque ut notarii aliis recte stipulentur & stipulando actionem adquirant. De eo tamen nondum satis convenit, an ex hujusmodi stipulatione aliave conventione notarii alteri absenti jus aliquod adquiratur ante ratificationem. Vid. Thesaur. *decis.* 7. *Fachin.* 8. *contr.* 91. *Christin. vol.* 3. *decis.* 34. & *vol.* 4. *decis.* 177. & 209. ubi etiam querit, an persona quoque non publica alteri stipulari possit secundum dispositionem juris Canonici, *cap. quoties cordis* 9. *quest.* 70. Sane non obstat jus naturae aut genitium, quominus alteri etiam extraneo recte quilibet stipuletur, ut ei volenti & promissum acceptanti obligatio & actio adquiratur. Immo id juri naturae bene congruit, neque nihil mea interest per me alterum beneficio affici. *Grot.* 2. *de jur. bell.* & *pac.* *cap.* 11. n. 18. & ideo moribus horum temporum id passim obtinet. *Groenew.* *de legib. abr.* *ad §.* 18. *inf. hoc. tit.*

4. Postremo etiam illud in quibusdam causis admissum est, ut alteri ex pactione & stipulatione alterius actio utilis queratur, si pactio adjecta sit actui naturali: ut puta rem alienam quam apud se quis habebat alteri commodavit, aut apud eum depositum ea legge, ut is eam domino restitueret; aut alienos nummos alicui dedit ut domino solverentur: ex his causis placet domino utilem actionem commodati, depositi, conditionem dari, *l. penult. C. ad exhib.* *l. 116. §. 2. de verb. obl.* Item si quis suos nummos alieno nomine mutuos dederit velut alienos, ei cuius nomine dati sunt conditione adquiritur, *l. 9. §. pen. de reb. cred.* *l. 126. §. 2. de verb. oblig.* Similia exempla sunt in *l. 6. C. de cond. ind.* *l. 13. de pign. act.* Postremo etiam affectioni personarum conjunctae cum favore causae hic aliquid tributum, *l. 45. ff. solut. matrim.* *l. 7. C. de pact. conv.* rigorque juris posteriorum Imp. constitutionibus non nihil mitigatus est, *l. 3. C. de donat. que sub mod.* *VINN.* Nostris vero legibus in totum sublatus, *l. 2. tit.* 16. *lib. 5. Recop.* Vide quæ dicemus *infra. §. 18. hoc tit.* ADDIT.

Solutio etiam in extraneam personam] Quod vetat regula juris alteri stipulari, in hanc sententiam vetat, ne stipulando alteri adquiratur. Ceterum si eo spectet stipulatio ut obligatio soli adquiratur stipulatori, jus au-

tem sit promissori etiam alteri solvere: quod minus ad hunc effectum utiliter persona extranea inseratur regula non prohibet. Atque hoc est quod hic dicitur, solutionem etiam in extraneam personam conferri posse.

Mibi aut Sejo dare spondes?] Conferri in alium solutionem, seu potestas alteri solvendi fieri promissori intelligitur si quis disjunctim ita stipuletur, *Mibi aut Sejo decem dare spondes?* ac proinde utilis haec stipulatio in utriusque persona censetur: in persona stipulantis ad acquisitionem obligationis, in persona adjecti ad solutionem, *l. 56. §. 2. l. ult. §. 3. de verb. obl.* *l. 23. de fidejuss.* *l. 9. & 10. de solut.* Sed age consideremus separatim quid haec stipulatio tribuat stipulatori, quid Sejo adjecto, quid denique promissori; tot enim sunt ad quos ea pertinere potest.

5. De stipulatore hoc loco & *d. l. ult.* *§. 3. de verb. obl.* traditum est, ei soli ex hujusmodi stipulatione obligationem adquirit; & adquiritur citra dubitationem totius summae in stipulationem deducta, ut solida decem ei debeantur non pars dumtaxat. Neque enim quia decem duobus stipulatus est ideo summa inter eos dividitur. Divideatur si conjunctim stipulatus esset sibi & Sejo, de quo mox plura. Qui vero disjunctim decena sibi aut alii dati stipulatur aperte stipulatur decem solida utriusque; nec persona adjecta impediens potest quominus in id totum quod sibi quoque stipulatus est obligationem & actionem adquirat.

6. At ex contrario, Sejo adjecto ex stipulatione proposita nihil debetur; quippe cui nihil ex conventione aliena adquiri potuit. Itaque Sejus neque petere potest id quod in stipulatum deductum est, neque promissorem ullo suo facto liberare, *l. 7. §. 1. de constit. pec.* *l. 10. de solut.* non fidejussores aut pignora accipere, *l. 23. de fidejuss.* *l. 33. de pign.* denique nec pecunia ei suo nomine constitui potest, *d. l. 7. §. 1. de pec. const.* Solummodo ad hoc utilis haec stipulatio in persona Seji adiecti, ut solutam ex causa stipulationis pecuniam accipere possit, eoque facto promissor liberetur. Cum vero omnis adjecto solvendi facultas promissoris causa constituta sit, videndum etiam quid hic promissori tribuatur ad liberationem.

7. Promissori in summa hoc tribuitur, ut etiam adjecto solvere possit, eaque solutione ipso iure liberetur, ut hic expressum est. Et quamvis partem solverit stipulatori, nihilominus tamen reliquum recte dabit adjecto,

Qd. l. 7. pr. de solut. Hoc amplius, etiam invito & prohibente stipulatore solvendo adjecto liberatur; nimis quia certam conditionem habet stipulatio, quam immutare stipulatori non licet, *l. 12. §. pen. de solut. l. 16. de fidejuss.* Sed neque promissori ad solutionem obstat adjecti conditio. Stipulatus quis est sibi aut Sticho Sempronii servo dari: soli servo sine voluntate domini recte solvitur, *l. 9. de solut.* Stipulatus quis est sibi aut pupillo: placet promissorem etiam sine tutoris auctoritate pupillo solvendo liberari, *l. 11. d. tit.* Hoc ideo, quia dum adjecto solvitur ipsi creditori solvi videtur; cum nihil intersit jubeam te alicui solvere, an ab initio stipulatio ita concepta sit, *l. 59. eod.* Ceterum & solutionis verbum & certae personæ adjectio aperte liberationi modum facit, quem excedere non licet, ut in mandatis accidit, *l. 6. mand.* ut proinde facultas hæc duabus rebus contineatur: certo facto promissoris, ut solvat videlicet; & certa personâ, in qua hæc veluti conditio impleri debeat. Si quid horum servatum non fuerit, placet factum promissori ad liberationem non prodesse. Et primum igitur nihil agit promissor cum Sejo adjecto paciscendo, sive paciscatur Sejus se non petiturum, sive obligationem novare instituat, sive pecuniam promissori acceptam ferat, *l. 10. de solut.* Habet quidem acceptatio vim solutionis, habet & novatio, omnisque conventionis liberandi debitoris causâ interposita; sed tum solummodo cum à creditore profiscuntur, cuius solius est debitorem liberare. Adjectus vero creditor non est. Deinde nihil agit promissor si alii solvat quam adjecto; nam neque personam adjecti, quæ à stipulatore electa & probata est, egredi potest: in tantum, ut etsi persona servi adjecta sit nec domino recte solvatur nisi ex voluntate servi *l. 9. & 95. §. 7. de solut.* Ad rem nihil pertinet quod quæcumque per servum adquiruntur ea adquirantur domino; nam persona aliena hic non adjicitur ut vel ipse quidquam vel alius per eum adquirat. Eadem ratione si p-pilli vel furiosi persona adjecta sit, nec tutori vel curatori dando liberatur, nisi pecuniam in rem eorum versa sit, *d. l. 95. §. 7.* & quia adjectus procuratori similis est, nec heredi ejus recte solvitur: quippe cum mandatum morte finiatur, *l. 55. de verb. obl.* Ceterum omnis adjecto solvendi potestas lite cum stipulatore contestata intercidit, *l. 16. de fidej. l. 57. §. 1. de solut.* Hoc ideo, quia judicio nova con-

trahitur obligatio & prioris novatio fieri intelligitur, prout actori commodum fuerit *l. 3. §. 44. de pecul. l. 29. de novat.*

8. Illud ex sententia contrahentium placuit, ut ita demum adjecto recte solvatur si in eodem statu maneat quo erat cum stipulatio interponeretur, quasi hæc conventio tacite stipulationi insit, *si in eadem causa maneat.* Itaque si vel in adoptionem se derit, vel deportatus sit aut servus factus, non recte ei solvitur, *l. 38. pr. de solut.* Plane si ad meliorem causam pervenerit, putas ex servo liber, ex filio fam. sui juris factus fuerit: dicendum est adhuc ei solvi posse, arg. *l. 56. §. 2. de verb. obl. add. Donell. l. 55. d. tit.* ubi refellit Cujacium contraria sententem atque alias vellicantem, ostenditque esse aliiquid proprium ususfructus in specie quæ proponitur à Papiniano in *l. 95. §. 6. de solut.*

Adversus Sejum habeat mandati actionem, Hoc idem traditur à Scævola in *l. 13. §. 1. de verb. obl.* & ideo receptum est, quia alia actio deficit, & adjectus instar procuratoris est. Enim procuratorem verum non esse, immo ne procuratorem quidem esse satis constat, *l. 12. §. 1. & 2. seqq. de solut.* Ceterum stipulator ut plurimum adjecto mandare solet ut solutionem accipiat.

9. *Si quis sibi & alii*] Hac stipulatione recepta, *Mibi aut Titio dare spondes?* qua placet solutionem saltem utiliter in Titum conferri, quæsum est propter similitudinem conceptionis, num idem efficiatur conjunctum stipulando, *Mibi & Titio decem dari.* Sed diversa hic omnia constituta sunt, tum in persona stipulatoris, tum in persona adjecti. Ad stipulatorem quod attinet, hoc inter est inter priorem stipulationem & hanc posteriorem, quod ex illa tantum quantum promissum est stipulatori debetur, ex hac dimidium dumtaxat, *l. 110. de verb. obl. & hoc text.* Cur vero tam varie? Nimirum propter diversam vim orationis disjunctivæ & conjunctivæ; quippe hujus vis est, ut pro numero personarum summa stipulatione comprehensa dividatur, illius non item. Cum enim disjunctum quis stipulatur sibi aut Titio decem dari, non attribuit hanc summam pluribus, sed uni tantum, si alteri non detur. Quæ autem summa uni attributa est, ea non potest dici enumeratione personarum divisa. At cum stipulator conjunctum mihi & Titio decem dari, eodem tempore & simul stipulor eamdem summam mihi & Titio; ut perinde sit ac si

dixisse, *Mibi & Titio simul decem dabis?* id est, mihi quinque & Titio quinque. Atque hoc est quod Julianus ait una decem communiter in hac stipulatione comprehendendi, l. 56. pr. de verb. obl. fac. l. 56. de cond. & dem. l. 11. §. 1. de duob. reis. Hinc etiam efficitur, ut etiamsi non pecunia sed certum corpus stipulatione comprehensum sit, non amplius tamen quam pars debeatur, ut recte censem Bachovius contra Hotomannum, fac. d. l. 110. de verb. obl. Plane si res in stipulatum deducta divisionem non recipiat, aut ejus sit conditionis ut adjecto adquiri non possit: magis est ut persona ejus pro supervacuo adjecta habeatur, arg. l. 5. comm. præd. §. ult. Inst. sup. de stip. serv. Quod etiam in emtione & venditione receptum est, sed alia ratione, nempe quia unum pretium pro re tota constitutus & injuria efficeretur vendor si res pro parte tantum vendita intelligeretur, l. 64. de contr. emt. De Titio adjecto nihil nominatim à Veteribus definitum legimus. Ceterum hoc posito in hac specie, *Mibi & Titio decem dabis?* stipulatorem videri tantum quinque sibi stipulari, reliquum Titio: satis intelligitur Titio nec ullam obligationem, utpote extraneo, adquiri; nec ei quidquam à promissore recte solvi; cum non solutioni sed obligationi persona illius applicata sit.

10. *Non plus quam dimidiampartem*] Uti ex stipulatione proposita obligatio in solidum stipulatori non adquiritur, ne quod extraneo inutiliter stipulatus est partem ejus augeat, l. 210. de verb. obl. ita nec in totum inutilis est, sed pro parte tantum; ne quod sibi utiliter stipulatus est inutili adjectione vitietur, l. 1. §. pen. eod. cap. 37. n. de reg. jur. in 6. Hinc vulgo colligunt; jus accrescendi inter conjunctos non habere locum in contractibus, nisi aut causa onerosa aut res individua sit, Gomez 1. resolut. cap. 10. & ibi citati n. 1. & seqq. Quod tamen insubtiliter dicitur. Nam de jure accrescendi non recte disputatur, nisi actus in utriusque persona ab initio consistat, ut concurrentes singuli partem petere possint, uno autem deficiente totum ad alterum pertineat, ut sit cum duo ad eamdem hereditatem vocantur, aut cum duobus eadem res conjunctim legatur, §. 8. Inst. sup. de legat. At in contractibus persona conjuncti facit ut actus aut pro parte nullus sit, aut ut perinde sit habendum ac si omnino adjectus non esset, totumque negotium ad alterum solum pertineret, add. Duar. lib. 1. de jur. accresc. cap. 5. Bronchorst. 2. assert. 60. D. Swa-

nemb. de jur. accresc. cap. 8. Vinn. Quoties itaque copulative concipitur stipulatio, *Mibi & Titio decem dare spondes?* stipulatio tantum ratione mei utilis habetur, mihiq; debentur quinque. Enimvero an non turbat lex 38. §. 19. de verb. oblig. Ulpianus respondet, *Eum qui dicat mibi decem & Titio decem, eadem decem non alia decem dicere credendum est?* Turbarer sane si Ulpianus diceret, Titio eadem decem deberi; sed id non dicit. Potius sensus est, eum qui sibi decem & Titio decem stipuletur, non stipulari vi-ginti sed decem tantum; adeoque non decem sed quinque tantum accipere. Aliud tamen in ultimis obtinet voluntatibus. Nam si quis testamento suo Titio & Sejo decem dari jussserit, nullam hæc verba recipiunt ambiguatatem, ut dena dixisse videatur qui decem dixit. Ita Julianus l. 79. ff. de legat. 1. In ultimis enim voluntatibus quin & alii absenti ab alio legari possit nemo dubitat. H. IN. Sententiam hujus textus jure Regio derogatam esse non est quod dubitemus. Itaque si mihi & Titio decem stipulatus sim, quinque mihi cetera Titio debentur, ex l. 2. tit. 16. lib. 5. Recop. Sed an idem dicendum sit cum Titius non obligationi sed solutioni adjectus est? veluti si quis dixerit, *decem mibi promittis, que mibi vel Titio solves*, disputat Villalobos in *Antinom. jur. civil. & Reg. lit. A.n. 20.*

ADDIT.

11. *Qui tuo juri subjectus est*] Interdum qui verbis stipulatur alteri, vi ipsa sibi stipulari intelligitur, sibique actionem adquirit; sique toties accidit quoties stipulantis peculiariter interest alteri dari: de quo dicemus *infr. sub. §. 19.* Pertinent huc dominus & pater qui servum & filium in potestate habent, quos placet servo & filio recte stipulari, hoc text. II. 39. & 56. §. 3. l. 130. ff. de verb. obl. l. 2. C. de contr. stip. nempe quia servo aut filio dari domini aut patris interest; quoniam quod servo aut filio ex illa stipulatione datum erit, id statim domino aut patri adquiritur. Ait, *tuo juri subjectus*. Ergo si filio emancipato pater stipuletur non idem probandum est, l. 26. C. de jur. dot. Sed nec ipsi filio emancipato ex stipulatione patris obligatio ulla aut actio adquiritur, d. l. 26. C. de jur. dot. Nec obstat lex 45. §. 2. de verb. obl. nam illud dumtaxat ex eo loco recte colligitur, quibus in causis pater filiæ emancipatæ stipulari potest, in his etiam huic filiæ recte stipulari post mortem suam, ut utilis actio filiæ detur. At hoc tantum receptum in causa dotis, cum pater dotem & qui-

quidem à se profectam stipulatur reddi filiæ cuius nomine data est, l. 45. ff. solut. matr. l. 7. §. 3. de pact. conv. Neque vero uteretur Jurisconsultus exemplo filiæ, si pariter filio quoque emancipato, & quidvis liberis omnibus pater recte stipularetur. Donell. ad l. 38. §. 17. n. 60. de verb. obl.

Vox tua tamquam filii] Patris & filii quem in potestate habet eadem persona, eadem vox esse dicitur, §. 12. inf. Sed observetur hoc dici cum hac adjectione, cum per filium patri adquiritur, hoc text. Quod si pater filio stipuletur quod consistat in persona filii nec ad patrem redire possit, hic non eadem vox patris & filii habetur; nec magis utilis est stipulatio quam si cuivis extraneo stipulatus esset. Hinc improbata primum hæc stipulatio, si pater stipuletur factum quod in personam filii conferatur, puta ut ei ire agere liceat, l. 130. de verb. obl. Deinde & illa, si stipuletur quidem filio id quod juris sit, sed quod leges ei adquiri non permittunt, l. 19. eod. & hoc text. veluti si quid stipuletur filio ex causa castrensis peculii aut adventiti, quod patri nullo modo adquiratur. Nam ubi ususfructus patri quæritur, saltem usque ad quantitatatem ususfructus eum actionem habiturum existimo; quia hactenus ejus interest.

TEXTUS.

De interrogatione & responsione.

5. *Præterea inutilis est stipulatio si quis ad ea quæ interrogatus fuerit non respondeat: veluti si quis decem aureos à te dari sibi stipuletur, tu quinque promittas, vel contraria; aut si ille pure stipuletur tu sub conditione promittas, vel contraria: si modo scilicet id exprimas, id est, si cui sub conditione vel in diem stipulantis tu respondeas, præsenti die spoudeo. Nam si hoc solum respondeas, promitto: breviter videris in eandem diem vel conditionem spoondisse. Neque enim necesse est in respondendo eadem omnia repeti quæ stipulator expresserit.*

L. 26. tit. 11. Part. 5.

COMMENTARIUS.

1. *Interrogationis & responsionis congruentia unde astimanda.*

2. *Quid juris si diversitas responsionis versetur circa rem aut quantitatem. Et n. 4. §. 7.*

- 3. *Quid si circa qualitatem seu formam stipulationis. Et n. 6.*
- 4. *Ad quam speciem pertineat definitio legis 1. §. 3. in fin. de verb. obl.*
- 5. *Quid si impersonaliter respondeatur.*

1. **A**D conficiendam stipulationem constituantem obligationem verborum non satis est respondentem illico respondere, sed etiam necesse est ut respondeat congruerter ad interrogationem; alioqui inutilis est stipulatio, auctore Justiniano in *pr. bujus* §. Interrogationis & responsionis congruentia non tam ex verbis quam ex re & sententia verborum astimanda est. Nam qui idem respondet de quo interrogatus est, & responderet eodem modo seu servata eadem qualitate interrogationis congruerter respondere intelligitur, etsi non eadem lingua respondeat: veluti si Latine interrogatus respondeat *Grace*, §. 1. *Inst. sup. de verb. obl.* l. 1. §. ult. eod. Similiter qui stipulanti denarios ejusdem quantitatis aureos spondet, obligatur, ut qui apte ad interrogatum responderet, l. 65. §. 1. eod. Sed & qui ita interrogatus, Dabis? respondeat, Quidni? recte respondisse intelligitur & obligatio constituta, d. 1. l. §. 2. de verb. obl. Denique non est necesse verba stipulatoris omnia in respondendo repetere, *hoc text. in fin.* Qui vero aut non idem respondet, aut respondeat alio modo seu mutata forma aut qualitate stipulationis: is non intelligitur respondisse convenienter interrogationi, atque in ea causa est ut non obligetur. Ceterum ad vim obligationis multum interest utrum quis non idem respondeat, an alio modo: id est, utrum diversitas responsionis versetur circa rem aut quantitatem in stipulationem deductam, an circa stipulationis qualitatem.

2. Cum in re ipsa dissentit responsio, non quidem quando respondeatur plane aliud, veluti pro Sticho Pamphilus (nam isto modo nullam omnino contrahi obligationem convenit), sed cum respondeatur plus aut minus: placet non in totum stipulationem esse inutilem, sed tantum quatenus plus aut minus est in responsione aut interrogatione; idque sive certa summa sive certa corpora in stipulatum deducta sint. Itaque si stipulanti mihi decem tu viginti respondeas; aut ex contrario, si viginti stipulanti respondeas decem: non in totum inutilis est stipulatio, sed pro ea summa dumtaxat quæ alterius vel interrogationem vel responsionem excurrat; nam in

in decem utique & utroque casu obligacionem contractam diserte scribit Ulp. d. l. 1. §. 4. de verb. obl. Similiter si quis de re una interrogatus promittat & eam & plures conjunctim , veluti si de Sticho interrogatus Scichum & Pamphilum spondat ; aut ex converso de pluribus rebus conjunctim interrogatus , puta de Sticho & Pamphilo , unum ex his promiserit : non in totum viciatur obligatio , sed placet promissorem saltem obligari in eam rem de qua interrogatus est & respondit , d. l. 1. §. 5. neque nova stipulatoris approbatio efficit ut in totum haec stipulationes valeant ; & quatenus consistunt etiam sine ea consistunt , l. 83. §. 4. eod. §. 17. inf. hoc sit. VENN. Ita quidem Ulpianus d. l. 1. §. 4. de verb. obl. Sed nescio an omnes Veteres idem senserint. Saltim Gajus lib. 2. Instit. tit. 9. §. 10. Si creditor , inquit , decem solidos debitorem interrogat , & debitor quinque promittat : hoc ordine totum debitum vacillare cognoscitur. Idem sensus videtur §. nostri. Utrum ergo hanc contrarietatem nullo pacto conciliari posse dicemus cum Hotomanno ? An cum Accursio dicemus quoad minorem summam valere promissionem , si alter statim in eam consenserit & de novo stipulatus sit ? Posteriori sane magis placet , quam ut sine ea limitatione §. nostrum ex Ulpiani lege 1. ff. de verb. oblig. interpretemur. HEIN.

3. At cum quis mutata stipulationis qualitate aliter responderet quam interrogatus est , quod fit cum vel simpliciter interrogatus responderet se daturum sub conditione vel in diem ; vel sub conditione aut in diem interrogatus responderet pure , id est sic ut expresse dicat se statim daturum : hic evenit ut in totum nulla contrahatur obligatio ; qua tamen specie haec exceptio probata est , nisi diversitas responsionis illico placuerit stipulatori. Videamus autem quam recte haec omnia dicantur. Illud extra controversiam est , si de decem interrogatus respondeas viginti non esse contractam obligationem in viginti , quia de viginti interrogatus non es : quod significat Ulpian. d. l. 1. §. 4. cum ait , oportere congruere summam.

4. At quid si mihi illico placeat responsio tua ? Ajo , nihil magis te in viginti obligari. Etenim natura stipulationis , quæ interrogationem præcedentem desiderat , non patitur ut in id de quo interrogatus non es obligatio contrahatur , quantumvis promissio tua mihi placeat. De eo quæritur , an ex hujusmodi stipulatione saltem tenearis in de-

cem ? Et ait Ulpianus d. legis obligationem saltem in decem esse contractam ; idemque esse & si ne viginti interrogante tu deceas respondeas. Sed utrum hoc ita demum si responsio tua mihi confestim placeat , ut quidam existimaverunt , an etsi non placeat ? Ajo etsi non placeat ; hoc enim evidenter demonstrat ratio Ulpiani : *Licet enim , inquit , oportet congruere summam ; attamen manifestum est viginti , & decem inesse : quasi dicat , diversitas responsionis in decem hic nulla est , sed summa interrogationis & responsionis saltem in decem optime convenit ; quod si verum est frustra desideramus aliam stipulatoris approbationem , fac. l. 83. §. 3. de verb. obl.*

5. Idem multo magis dicendum est , si plures res conjunctim aut in interrogationem aut in responsionem deducantur ; nam tunc plures sunt stipulations inveniuntur distinctæ , tot videlicet quæ sunt res expressæ : quarum stipulationum cum illæ utilies sint in quibus ad interrogatum responsum est , per alias inutiles viciari non debent , d. l. 1. §. 1. 29. d. l. 83. §. 4. l. 86. eod. At enim Jurisconsultus d. l. 1. §. 3. in fin. sic generaliter definit : *Cum adjicitur aliquid aut detrabitur obligationi , semper probandum est viciatam esse obligationem , nisi stipulatori diversitas responsionis illico placuerit.* Nego hanc definitionem ad eam speciem pertinere , cum stipulanti res plures aut pauciores spondemus quam stipulatus est. Nam ubi plures sunt stipulations separatae , ibi una neque adjici alteri recte dicitur , quia numquam coherent ; neque detrahi , quia prius in altera non fuit. Sed neque pertinet ad eam speciem cum major aut minor summa promittitur quam stipulatione comprehensa est ; satis enim est ad stipulationem idem respondere de quo interrogatus est , etiamsi in partem (dummodo certam & divisam) non autem ad omnia respondeas , l. 1. §. 4. de verb. obl. Quo igitur pertinet ? Ad speciem illam alteram cui & subjicitur , cum scilicet responderet mutata interrogationis forma , conditione aut die obligationis adjecta vel detracta : quo casu alias in totum viciaretur stipulatio , sive plus sive minus promittatur ; quoniam neutiquam congrua illa responsio quæ aliam formam & qualitatem obligationis facit. VENN. Immo lex 1. §. 3. de verb. obl. omnino videtur ad eum casum pertinere , si stipulanti res plures vel pauciores spondemus quam rogavit. Exemplum est apud Plaut. in Trinum , Att. 5. scen. 2. v. 33. ubi cum

cum Charmidas interroganti Lysiteli : *Sponden' erga tuam gnatam uxorem mibi? respondebit: Spondeo, & mille auri Philippum dotis: Lysiteles stipulationem repetit, quia stipulatori diversitas responsionis illico non placebat. Et tamen plus promiserat Charmidas quam fuerat interrogatus. HEIN.*

6. Ceterum quia hic circa rem ipsam nulla est in interrogatione & responsione diversitas, placet approbationem stipulatoris de qualitate responsionis efficere ut post eam perinde habeatur ac si ad interrogatum congruenter responsum esset; atque ut Jurisconsultus d. loc. ait, quasi alia contracta esset stipulatio. Ex quo recte etiam hoc colligitur, hanc approbationem efficere ut id quoque quod plus hic promissum est habeatur. D. Tuld. *comm. hoc tit. cap. 2.* Conditio etiam tunc obligationi adjici aut detrahi intelligitur, cum quis de una re interrogatus disjunctim plures promittit, aut de pluribus disjunctim interrogatus unam ex his. Ut ecce, si quis de Pamphilo interrogatur Pamphilum aut Stichum respondeat: hic qui pure interrogatus est obligationi adjicit conditionem, Pamphilum sub conditione spondes, si Stichum non dederit. Et ex converso, si stipulante me Pamphilum aut Stichum tu unum daturum te sponderis: hic obligationi conditionem detrahis, pure promittens quod ego sub conditione stipulatus sum; ac proinde utroque casu fit ut stipulatio in totum sit inutilis, quam neutro respondetur servata stipulationis forma, d. l. 83. §. 2. d. l. 1. §. 3. In summis vero etiam hic quod minus recte spondi intelligitur, d. l. 83. §. 2. d. l. 1. §. 3. Fuse

Don. ad d. l. 1. §. 3. 4. 5. Sed melius ad l. 29. eod. sub fin. Gomez 2. res. 10. n. 4. VENN. Hodie postquam ex d. leg. 2. tit. 16. lib. 5. Recop. vis pacti & stipulationis exæquatæ sunt, non usque adeo hujus subtilitatis ratio habetur; sed modo constet promittente se obligare seriò voluisse, tenetur obstrictus. ADDIT.

7. *Tu quinque promittas vel contrâ?* Ostendimus ex Ulpiano, l. 1. §. 4. de verb. oblig. cum quis majorem aut minorem summam spondet quam de qua interrogatus est non in totum vitiari obligationem, sed valere saltem in sumam minorem; quoniam haec tenus apte atque ad interrogatum responsum est. Non est existimandum id negare Imperatorem, cum hic ita proponit, *inutilem esse stipulationem si quis ad ea que interrogatus fuerit non respondeat;* & ad hoc declarandum tali exemplo uitetur, *Si quis decem à te sibi dari stipu-*

letur tu quinque promittas vel contrâ? sufficit enim ad probandum quod proposuit, esse in hoc exemplo stipulationem, in qua ad interrogatum responsum non est, & hanc stipulationem haec tenus esse inutilem: quod & verum est. At ex eo non sequitur inutilem esse totam istam conceptionem, *Decem aureos mibi dare spondes?* *Quinque dare spondeo;* nam cum in quinque, quæ manifestum est decem inesse, responsio cum interrogatione conveniat: utique saltem in quinque etiam valere debet proposita stipulatio, juxta sententiam Ulpiani, & vel secundum hanc ipsam Justiniani propositionem. Autorem Institutionum quæ Gaji nomine scribuntur, lib. 2. tit. de obl. §. 10. sive is Anianus fuit sive quis alius, nihil moror. Plane alia ratio est contractuum onerosorum, in quibus quid vicissim præstandum est, veluti in emtione & locatione, ubi qui decem pro pretio aut mercede requirit si quinque ei promittantur pro dissentiente in totum habetur, ne præjudicium ei fiat, l. 52. de locat. Gomez 2. resol. cap. 10. n. 4. D. Bronch. 4. assert. 37.

Ille pure stipuletur, tu sub conditione promittas vel contrâ? Exemplum stipulationis quæ ideo inutilis quia respondet ut mutata obligationis formâ, adjecta scilicet aut detracta conditione: cuiusmodi stipulationem prorsus inutilem esse paulo ante probavimus, nisi diversitas responsionis illico placeat, ex lege 1. §. 3. de verb. obl. quamquam hoc omissum hic à Compositoribus, ut & alia in quibus hoc genus discrepat à superiori. Sciamus igitur, alterum cum altero secundum quid tantum comparari.

Neque enim necesse est &c.] Non est necesse ut respondens verba stipulationis omnia repeatat; sed simpliciter respondendo, *spondeo aut promitto*, responsio ad universam conceptionem atque ad omnia interrogata referatur, §. 13. inf. hoc tit. nam ut stipulator verba concepit & quasi præivit, ita respondisse intelligitur.

8. *Quid si interrogatus Dabis?* respondeat impersonaliter, *Dabitur?* Puto recte atque ad interrogatum responsum videri debere, arg. d. l. 1. §. 2. de verb. obl. Neque obstat auth. si quando C. de const. pecun. ubi Justinianus cavit, ne obligetur de pecunia constituta qui ita dicit, *Satisfiet tibi.* Nam in constituto nulla præcedit interrogatio ad quam verba ista referantur. Alciat. 2. parerg. 18. Don. in l. 5. §. 1. n. 4. & seq. de verb. obl.

TEXTUS.

De his qui sunt vel habent
in potestate.

6. Item inutilis est stipulatio si vel ab eo stipuleris qui tuo juri subjectus est, vel si is à te stipuletur. Sed servus quidem non solum domino suo obligari non potest, sed ne quidem ulli alii; filii vero familiarum alii obligari possunt.

L. 6. tit. 11. Part. 5.

COMMENTARIUS.

Qui stipulatur ab eo quem in potestate habet cuiusve ipse est in potestate nihil agit; cuius rei ratio petenda ex eo quod superius diximus sub §. 4. hoc tit. quod dominus & servus, pater & filius in iis quæ juris sunt & domino ac patri adquiri possunt eadem persona censemur. Nemo enim sibi ipsi obligari potest, l. 11. de legat. 1. l. 21. §. 3. de fidejuss. Et quidem ad producendam obligationem civilem, de qua hic agitur, sive dominus à servo sive pater a filio stipuletur, obligationem naturalem nasci, argumento est quod fidejussor acceptus tenetur, §. 1. tit. seq. l. 56. §. 1. de fidejuss. Sed si servus à domino filius à patre stipuletur, placet nec fidejussorem acceptum teneri, d. l. 56. §. ult. Et an igitur hoc posteriore casu ne naturalis quidem obligatio nascitur? Omnino, l. 64. de cond. ind. sed hic fidejussor acceptus ideo non tenetur, quia si qua hic esset fidejussoris obligatio, ea adquiriretur domino aut patri.

Tuo juri subjectus) Igitur à sensu contrario, pater à filio emancipato, aut filius emancipatus à patre si stipuletur, utilis est stipulatio. Idemque probandum est si stipulatio ad bona filii castrensis pertineat; quippe cum in his filius fam. vice patris fam. fungatur, l. 2. de sen. Msc. l. 4. de jud. Et quidni idem quoque dicamus de bonis adventitiis quorum plenam filius proprietatem habet? arg. Nov. 117. cap. 1. & hodie simpliciter, quoniam *entus (unitas)* illa una cum veteris patræ potestatis effectu exolevit.

Filiī vero familiarū alii obligari possunt] Inter servum & filium fam. hoc interest, quod servus non tantum domino sed nec ulli alii ex contractu civiliter obligari potest, l. 14.

de obl. & att. filius autem familias extra patrem & causam mutui tamquam paterfam. omnibus aliis obligatur, l. 39. eod. Vid. inf. sit. Inst. quod cum eo qui in alien. posset. Vinn. Hic textus & d. & lex Part. ab usu recessere. Antiquitus inter patrem & filium in sacris paternis constitutum stipulatio conventa nullius momenti erat, quia ratione patriæ potestatis pater & filius eadem persona habebantur, l. ult. in fin. C. de impub. & aliis substit. Sed cum moribus nostris singularis illa Romanorum in filios potestas exolvetur: quominus inter patrem & filium hodie stipulatio contrahi possit nihil vetat, arg. l. 1. tit. c. lib. 5. Recop. Nec dubito quin dominus servo suo promittens jure nostro obligetur; cum hujusmodi obligatio jure naturæ valeat, & obligationes ad juris naturæ simplicitatem, l. 2. tit. 16. lib. 5. Recop. redactas esse supra monuerimus. ADDIT.

TEXTUS.

De muto & surdo.

7. Mutum neque stipulari neque promittere posse palam est: quod & in surdo receptum est, quia & is qui stipulatur verba promittentis, & is qui promittit verba stipulantis audire debet. Unde apparet non de eo nos loqui qui tardius exaudit, sed de eo qui omnino non audit.

L. 2. tit. 11. Part. 5.

COMMENTARIUS.

Cum stipulatio confici non possit nisi utroquo loquente, & altero interrogante altero ad interrogatum respondentे, palam est neque mutum neque surdum ad verborum obligationem pertinere: non mutum, quia loqui non potest: non surdum quia verba stipulantis audire & proinde ad interrogata respondere nequit. Non enim sufficit ad hanc obligationem constituendam per literas aut interrogari aut respondere, sed verba utriusque intervenire & linguâ nuncupari necesse est, l. 1. pr. de verb. obl. l. 1. §. pen. & ult. de obl. & att. Enimvero quod mutus & surdus per se facere non possunt, ut aut stipulando sibi adquirant aut promittendo obligentur: id efficere possunt per servum, si quid eorum illum facere jubeant, d. l. 1. in pr. de verb. obl. Etenim quod servus stipulatur, id domino volenti recte adquirit, cui etiam nul-

lo ejus jussu præcedente adquireret, atque adeo invito, §. 3. *Inst. sup. per quas pers.* Si quid jussu domini promittat, placet dominum obligari quod jussu, d. l. 1. in fin. pr. de verb. obl. l. 1. quod juss. §. 1. *Inst. inf. quod cum eo qui in al. potest.* At quomodo jubeunt? Nutu, per nuntium, per epistolam. Qui surdus tantum est etiam verbis jubere potest.

Qui omnino non audit.] Sribit tamen alibi Justinianus, neminem tam surdum esse quin audiat si quis supra cerebrum ejus loquatur, l. 10. C. qui testam. fac. Ego autem puto commentum hoc esse, ut & alterum illud quod idem eodem loco affirmat fieri posse, ut is qui surdus natus est articulatam vocem edat. Vid. Plin. lib. 10. nat. hist. cap. 69. VINN. Prius non Justinianus sed Celsus dixit, forte ex philosophi alicujus traditione, quales traditiones de rebus naturalibus saepe falluntur. Experimento quodam rem firmare voluit Casp. Schott. *Schol. Steganogr. class. 8. cap. 17. annotat. 2. p. 339.* sed fides sit penes auctorem. Magis certum est surdum à nativitate articulatam vocem edere posse. Artem hic superare naturæ vitium exemplis pluribus & maxagitis Sam. Strykii de jur. sens. diss. 4. 4. cap. 1. §. 21. p. 225. HEIN. Hic textus hodie omnino sublatus est d. l. 2. tit. 16. lib. 5. *Recop. ADDIT.*

TEXTUS.

De furioso.

8. *Furiosus nullum negotium gerere potest, quia non intelligit quod agit.*

L. 4. tit. 11. Part. 5.

COMMENTARIUS.

Verbis fieri stipulatio dicitur, non quod sine consensu solis verbis fiat, sed quod sine verbis non fiat solo consensu. Semper enim illud manere debet, nullam obligacionem quæ quidem ex contractu sit sine consensu constitui, l. 1. §. 6. de pat. Proinde quicumque animum habent voluntatis & iudicij expertem, hi non magis ex stipulatu, quam ex quovis alio contractu obligari possunt. In hoc genere sunt furiosi, mente capti, prodigi, infantes. Furiosum nullum negotium contrahere aut gerere posse naturâ manifestum est, l. 1. §. 12. de obl. & aet. l. 20. §. 4. de fidejuss. l. 5. de reg. jur. Ea res

Tom. II.

facit ut nec accedente curatoris auctoritate obligetur, d. l. 5. de reg. jur. Prius enim est ut quid agi aut geri intelligatur quam ut curator dici possit quod agitur aut geritur probare. De furioso quod dicitur, id intelligendum est etiam ad mente captum pertinere qui furore non corripitur; quoniam non alia ratione in furioso locum habet quam quia mente caret, sive ut hic scriptum est, quia non intelligit quod agit. In eadem causa cum furioso est & prodigus, seu is cui bonis interdictum est, verum cum de eo obligando agitur dumtaxat; in acquirendo enim dissimilitudo est. Quippe furiosus nullum negotium recte gerit, neque quo obligetur neque quo obligationem sibi adquirat, d. l. 1. §. 12. de obl. & aet. At prodigus stipulando aut aliter contrahendo sibi adquirere potest, licet promittendo non obligetur, non magis quam furiosus, l. 6. de verb. obl. neque alio pertinet comparatio furiosi aut prodigi in lege 40. de reg. jur. Obiter hic illud admonerdi sumus, quod furiosus gessit in intermissione furoris ratum haberi, neque ullum negotium antea recte gestum furore postea interveniente permisi, §. 1. *Inst. sup. quib non est perm. fac. test. l. 9. C. qui test. fac. & ibi Doctores.*

TEXTUS.

De impubere.

9. *Pupillus omne negotium recte gerit, ita tamen ut ubi tutoris auctoritas necessaria sit adhibeatur tutor: veluti si ipse obligetur; nam alium sibi obligare etiam sine tutoris auctoritate potest. Sed quod diximus de pupillis utique de iis verum est qui jam habent aliquem intellectum; nam infans & qui infantiae proximus est non multum à furioso distant; quia hujusmodi ætatis pupilli nullum habent intellectum. Sed in proximis infantiae propter utilitatem eorum benignior juris interpretatio facta est, ut idem juris habeant quod pubertati proximi. Sed qui in potestate parentis est impubes ne auctore quidem patre obligatur.*

L. 4. tit. 11. Part. 5.

COMMENTARIUS.

- 1 *Gradus ætatis pupillaris & quandiu quis infans habeatur.*
- 2 *Proximus infantiae qui dicatur, & quando ita appellari desinat vocarique incipiat pubertati proximus.*

- 3 Iterum de infante & infantie proximo.
- 4 De proximis pubertati; & an non saltem naturaliter sine tutoris auctoritate obligentur.
- 5 De obligatione puberum minorum 25. annis.
- 6 Cur placeat impuberem ne patre quidem auctore obligari.

PUpillus omnia auctore recte agit, quadam etiam sine eo. Auctore auctore tam se aliis quam alios sibi obligare potest; sine tutoris auctoritate se quidem aliis non obligat, sed alios sibi, & in universum conditionem suam meliorem facere potest etiam sine tutoris auctoritate, l. 9. de auct. tut. qua de re dictum lib. 1. Inst. tit. de auct. tut. Ceterum quod ita generaliter alibi definitur, in hoc loco docemur non pertinere ad pupillos omnes seu cuiuslibet aetatis; verum ad eos tantum qui jam habent aliquem intellectum. Quinam illi ex pupillis sint postea intelligetur.

1. Aetatis pupillaris tres sunt partes sive gradus. Est infans: est infantiae proximus: est proximus pubertati. Infans dicitur quasi fandi impos; atque haec duo idem valent, infans, & qui fari non potest: sicut ex converso per eum qui fari potest significatur infante major, l. 1. §. 2. de adm. tut. l. 65. §. pen. ad senat. Trebel. l. 1. §. 13. de obl. & aet. l. 70. de verb. obl. l. 6. rem pup. salv. for. l. 5. de reg. jur. At enimvero sciendum est, jure nostro infantiam non usu & naturali facultate loquendi, sed aetate aestimari. Is enim jure habetur & definitur infans qui minor est septem annis, l. 18. C. de jur. delib. d. l. 1. §. 2. de adm. tut. l. 14. de sponsal. Etsi enim qui septem annos nondum natus est natura fari potest, tamen jure id facere non posse existimatur; quoniam quid loquatur non intelligit.

2. Proximus infantiae dicitur qui septen-nium nuper superavit, i.e. aetates, septuennis. Macrobius 2. in somn. Scip. cap. 6. Anno septimo plene absolvitur integritas loquendi. Quando autem hoc nomine pupillus appellari desinat & vocari incipiat pubertati proximus, non est satis exploratum; tum quia id jure expresse definitum non reperitur; tum quia in eo definiendo mire variant Interpretes. Alii enim terminum proximitatis infantiae faciunt annum duodecimum completum, Pet. Fab. ad d. l. 5. de reg. jur. Rævard. ad l. 111. eod. Alii annum decimum tertium, Hotom. hic. Robert. 2. recept. lett. 17. Quibus pubertati proximus dici incipit qui vel decimum

tertium vel decimum quartum annum attigit: Cujacio, cui ad pubertatem semestre deest, 17. obs. 4. Accursius ad hunc locum & in l. 1. de novat. censem, totum reliquum tempus quod infantiam sequitur usque ad pubertatem dividendum esse in duas partes æquales, ut qui consistat intra priorem hic sit infantiae proximus; qui hanc egressus consistat intra posteriorem, is dicatur proximus pubertati; quia revera huic sit proximior quam infantiae. Itaque pupillum proximum infantiae eum haberi qui septem annis major consistat adhuc intra annum decimum & dimidium; qui excessit esse proximum pubertati. Pupillam autem infantiae proximam eam esse quæ infantiam egressa consistat intra annum nonum & dimidium; quæ eam aetatem excessit, esse pubertati proximam. Idem censem Bart. & Castr. in d. l. 1. de novat. communemque hanc esse sententiam testantur Decius ad d. l. 111. de reg. jur. Vigl. in §. 6. Inst. de test. ord. Gomez 3. resol. 1. n. 57. Schneid. ad pr. tit. Inst. de auct. tut. n. 12. & seqq. Sunt denique qui judicis potestati & arbitrio hoc committendum existimant, ut is non tam ex aetate quam captu & astutia impuberis aestimet qua aetate vel infantiae vel pubertati proximus sit habendus; ut & alias fieri consuevit in iis quæ certo jure definita non sunt, l. 1. §. ult. de jur. delib. in qua sententia jam olim fuit Joann. Fab. hic, & Salic. ad l. 7. C. de poen. eamque probant Dec. Vigl. ciratis locis, Coras. 6. misc. 23. Covar. de matr. part. 2. cap. 5. n. 7. Menoch. 2. arbitr. cap. 57. n. 20. & seqq. Goedd. de contr. stip. cap. 7. n. 185. & seqq. Philipp. Matth. ad l. 108. de reg. jur. n. 39. & seqq. In hac autem varietate proprius a vero abesse videatur opinio communis, quam etiam Gomez ubi supr. in judicando & consulendo sequendam censem. Et vero cum tempus quod infantiam sequitur usque ad pubertatem in duas aetas divisum sit, in eam quæ proxima est infantiae & quæ proxima pubertati, quarum in computanda altera retro, in altera porro eatur: hoc ipso & in illa terminus ad quem, & in hac terminus a quo satis jure definitur, nimirum justa temporis illius medietas.

3. Infans & infantiae proximus non multum à furioso] Infans in his quæ animo & affectu geruntur non multum à furioso distat, ut qui non magis intelligat quod agitur, aut affectu adquirendi ducatur quam furiosus. Proinde nec cum tutoris auctoritate quidquam gerere potest, nec contrahendo obligari, aut obli-

obligationem sibi adquirere. Illud tantum utilitatis causa receptum est, ut infans tutore auctore possit incipere possidere, judiciumque infantis in re quæ facti magis quam juris est suppleatur autoritate tutoris, l. 1. S. 3. l. 32. §. ult. ff. de adq. poss. l. 3. C. eod. Don. 5. comm. 11. Quod de infante, idem etiam de infantia proximo hic dicitur, nullum eum habere intellectum: in lege 9. de adq. ber. dicitur nihil scire aut discernere: alibi non intelligere quod agitur, l. 1. S. 13. de obl. & att. l. 6. rem pup. salv. actum rei non intelligere, l. 5. de reg. jur. Ceterum cum & hic & iisdem illis locis proditum sit eum qui infantia proximus est & stipulari & promittere & hereditatem adire omniaque tutore auctore non minus recte agere posse, quam qui proximus sit pubertati, quantumvis id benigne receptum sit: comparatio hæc infantia & infantia proximi cum mica salis accipienda est, quod ille scilicet nullum omnino intellectum habeat, hic nullum perfecatum; ille omnino non intelligat quod agitur, hic non omnino. Nam si nec proximus infantia ullum intellectum haberet, ne tutore quidem auctore quidquam agere posset, neque illa interpretationis benignitas magis in hoc admittenda esset quam in infante. Deinde non alia ratione receptum est ut septen-nio major idemque infantia proximus sponsalia contrahere, item sine auctoritate tutoris incipere possidere queat, quam quod ea ætas jam aliquem intellectum habere eranda-tur, ut diserte testantur Jurisconsulti, l. 14. de sponsal. l. 1. S. 3. de adq. poss. l. 32. §. ult. eod.

4. *Idem juris quod pubertati proximi*] Ut scilicet stipulando aut aliter contrahendo sibi obligationem adquirere & cum tutoris auctoritate omnia recte gerere possint, l. 5. de reg. jur. Quod cum illis benigniter præstatum dicatur, l. 1. S. 13. de obl. & att. l. 9. de adq. ber. & hoc text. sciamus, in aliis adhuc differentiam manere: veluti quod qui tam impubes est ut adhuc infantia sit proximus expers doli & injuria habeatur, quorum & poenæ capax est pubertati proximus, l. 11. de reg. jur. l. 5. §. pen. ad leg. Aquil. l. 3. S. 1. de sepulchr. viol. l. 23. de furt. l. 13. S. 1. de dol. mal. Gomez 3. resol. l. n. 57. Et cum infantia proximus, cùm remoto tutore de eo obligando agitur, in eâdem plane causa cum infante & furioso tamquam nullum intellectum habens ponatur: de pupillo pubertati proximo queri intelligitur, cum quæritur an

non saltem pupillus ex contractu sine tuto-ris auctoritate initio naturaliter obligetur. De quæstione quid habendum sit videamus. Et posito eo quod pupillus qui pubertati proximus est jam intelligere quod agitur, velle & consentire natura potest: neminem dubitare oportet quin ex conventione sua naturaliter obligetur. At pupillum qui ejus ætatis sit a-ctum rei intelligere ac proinde consentire posse, satis probant hic textus & supra citati loci, in quibus hoc solo intuitu infantia proximus separatur à proximo pubertati, quod ille non intelligat quod agitur, hic intelligat; ille doli expers sit, hic capax. Nam quod generaliter de impuberibus omnibus Justinianus pronuntiat, nullum esse eorum animi judicium, §. 1. Inst. sup. quib. non est perm. fac-tes. id quidem recte etiam dicitur de pu-berati proximis, sed in re de qua ibi agitur, dispositione testamentaria, in qua merito ma-jus & solidius judicium requiritur, quam in ullam partem pupillaris ætatis cadere posse creditur. Sed & nonnullis locis expresse tra-ditum est, pupillum (intell ge semper adulto proximum) sine tutoris auctoritate contrahen-tem naturaliter obligari, ut in l. 25. §. 1. quan. dies leg. l. 21. ad leg. Falc. l. 95. §. 2. de solut. idemque & effecta huic obligationi jure civili tributa arguant: veluti quod fi-dejussor acceptus pro eo quod pupillus pro-misit teneatur, l. 127. de verb. oblig. quod præcedens obligatio pupillo eam circa tutorem in se suscipiente novetur, l. 1. in fin. de no-var. Ex quo corruit distinctio eorum qui eo demum casu pupillum sine tutore naturaliter ex contractu obligari statuunt, cum locupletior factus est. Nemo enim ex promissione sua aut susceptione aliena obligationis um-quam fit locupletior. Deinde si ex gestu aut contractu sine tutoris auctoritate locupletior factus sit pupillus, non naturaliter tantum sed etiam civiliter obligatur ex constitutio-ne D. Pii, ut actio in eum in quantum locupletior factus est detur, l. 3. S. 4. de neg. gest. l. 5. pr. & §. 1. de aust. tut. de quo ca-su non potest intelligi d. lex 127. de verb. obl. ubi vid. Don. n. 11. Quod vero id quod pu-pillus ita debet compensari aut solutum re-tineri non potest, non eam rationem habet quod nulla vere hic subsit obligatio; sed quod personæ pupilli hoc tributum est ne obli-gatio ei noceat. Plane quoniam effectus na-turalis obligationis quæ ex conventione na-scitur potissimum cenitur in jure compensandi & soluti retinendi, l. 6. de compens. l. 10.

de obl. & aet. in persona autem pupilli obligatio eumdem effectum non habet: inde fit, ut pupillo sine tutoris auctoritate contrahente, sic aliquando loquantur Jurisconsulti, tamquam ne naturā quidem isto modo obligaretur, l. 41. de cond. ind. l. 59. de obl. & aet. habita, inquam, ratione personæ pupilli, in cuius gratiam & favorem propter debilitatem consensus obligationi vis omnis detracta est, quatenus ipsi nocere possit; non autem considerata conditione obligationis, quasi nulla omnino subesset; alioqui ne accessiones quidem admitteret; aliisve prodesse aut noce-re posset. Si quis adhuc scrupulus hæret, eum eximere poterunt quæ de naturali obliga-tione disputamus sup. ad rubr. tit. In st. de obl. & tract. de pact. cap. 14.

5. Multo magis promittendo jure natu-rali obligantur puberes minores 25. annis; quippe qui si curatorem non habent etiam jure civili ex conventione sua obligantur, ita ut captis necessaria sit in integrum restitutio. Enimvero si curatorem acceperint, con-sensum ejus adhibere debent; alioqui nulla jure civili ex eorum contractu obligatio nascitur, l. 3. C. de in int. rest. min. cui è diametro obstarre videtur lex 101. de verb. obl. nisi dicamus, verbum suis in d. leg. generalem tan-tum respectum curatorum & adulorum tam-quam correlatorum exprimere. Modestinus haud dubie Græce sic scripsit, ἔφεν οὐ ἀρε-χε γατέως &c. (puberes sine curatoribus) Quod autem quidam eum locum restringunt ad spon-salia aut nuptias, oppido quam ineptum est. Doctores in d. l. 3. & in d. l. 101. mire va-riant in horum locorum conciliazione. Vid. d. cap. 14. de pact. ubi n. 16. probo senten-tiam Tim. Fab. annivers. disp. 9. verba d. leg. 101. puberes sine curatoribus suis &c. sic in-terpretantis, absentibus curatoribus suis: pu-beres alibi versantes sine curatoribus quos ha-bent &c. non utique sine eorum consensu, sed præsentia: ut intelligamus hoc inter impuber-es puberesque interesse, quod tutor in ipso negotio præsens esse & statim auëtor fieri debeat, l. 9. §. pen. de aet. tut. curatoris au-tem consensus etiam postea accedens, atque ejus etiam qui præsens non fuit, sufficiat. VInN. Acuta hæc, sed parum solida. Modestinum hæc Græce scripsisse æque incertum est, ac quod scripserit οὐ ἀρεχε πατέρως. Nec prin-cipiis juris satis convenit commentum Timæ i Fabri, quia sic minor facile posset curatori suo illudere, & quascumque contrahere obli-gationes, modo eo absente promitteret. Ve-

rissimum itaque est pupillum sine tutori natu-raliter quidem, sed non civiliter obligari: minorem sine curatore & naturaliter & civi-liter, ejusque rei consultissimam hanc esse rationem, quod tutor personæ curator rebus datur. Unde & minor non restituitur nisi in rebus ruis detrimenti quidquam passus sit. Lu-culenter hanc minorem obligationem præter legem 101. ff. de verb. oblig. probat lex 43. ff. de oblig. & aet. Adde quod & jusjurandum deferre potest, l. 9. §. 4. ff. de jurejur. & ex confessione sua tenetur, l. 6. §. pen. de confess. Eleganter & solide hæc demonstravit vir ampliss. Zachar. Hub. diss. de obligatione pu-berum, ubi & legem 3. C. de in integr. rest. his principiis non adversari docet cap. 7. HEIN.

6. *Ne auctore quidem patre obligatur*] Ab-surdum videri potest quod hic Justinianus & Jurisconsultus in l. ult. §. 2. de verb. oblig. tradunt, impuberem filium fam. quamvis in-fante majorem ne auctore quidem patre obli-gari, cum pupillus ex quo fari posse cœperit obligetur auctore tuore. Sed sciendum, tu-toris & patris, pupilli & impuberis qui in potestate est dissimilem esse rationem. Pu-pillus non tutori sed sibi adquirit, placetque eum etiam sine tutoris auctoritate contra-hendo alios sibi obligare: quo fit ut ad utili-tatem pupilli pertineat ut & ipse invicem saltem tutori auctore obligari possit; cum alioqui nemo facile cum eo contracturus sit. At qui in potestate patris est non sibi sed ad patris utilitatem contrahit; ut proinde numquam è re impuberis in potestate constitu-ti esse possit vicissim obligari. Ideoque cum pater auctor esse non possit ut filius sibi ad-quirat, placet nec auctorem esse posse ut filius obligetur. Quod si patri videbitur è re sua esse obligari, ipse promittat. Plane cum pater non ut pater sed ut legitimus admini-strator bonorum filii adventitiorum con-side-ratur, auctoritatem filio impuberi accommo-dare potest, l. 18. in fin. C. de jur. delib. l. ult. §. 4. in fin. C. de bon. que lib. &c. VInN. Et ita utimur. ADDIT.

TEXTUS:

De conditione impossibili.

10. *Si impossibilis conditio stipulationibus adjiciatur, nihil valet stipulatio. Impossibilis au-tem conditio habetur cui natura impedimento est quominus existat: veluti si quis ita dixerit, Si digito cælum attingero dare spōndes? At*

Si ita stipuletur, Si digito cælum non attigerō dare spondes? pure facta obligatio intelligitur; ideoque statim peti potest.

L. 6. tit. 11. lib. 1. for. legg. & l. 17.
tit. 11. Part. 5.

COMMENTARIUS.

1 Cujus affirmatio impossibilis, ejus negatio necessaria.

EX defectu causæ efficientis seu consensu contrahentium est, quod hic docemur, stipulationem nullius momenti esse quæ concepta est sub conditione impossibili; nam qui sub conditione quid promittit, is se obligari non vult prius quam conditio extiterit; unde fit, ut si defecerit conditio constetque jam amplius eam existere non posse, nihil actum aut promissum videatur. Idem ergo & maxime evenire necesse est cum stipulatio facta est sub conditione impossibili; quippe quam jam nunc statim certum est defecisse, cum naturâ existere non possit. Neque hoc solum in stipulationibus, l. 1. §. 11. de obl. & act. l. 7. l. 35. de verb. obl. sed in ceteris quoque conventionibus locum habet; siquidem in omni contractu & pactione voluntas contrahentium aut pacientium spectanda, qui proculdubio nihil agi existimant cum conventioni apponitur ea conditio quam sciant esse impossibilem, l. 21. de obl. & att. Aliud iuris est in ultimis voluntatibus, quarum favore impossibilis conditio sub colore mendi detrahitur & pro non scripta habetur, l. 1. de cond. inst. Vide sup. §. 10. Inst. de ber. inst.

Cui natura impedimento est?] Impossibilis conditio proprie est quæ in eum casum confertur cuius eventus naturâ prohibetur. Ceterum & eam non inepte impossibilem dixeris quæ turpis est & legibus ac bonis moribus contraria; quoniam nec illud fieri posse credendum est quod leges & boni mores fieri prohibent, l. 15. de cond. inst. & sub tali quoque conditione facta stipulatio æque nullius momenti est, l. 25. cum seq. l. 35. §. 1. l. 61. l. 137. §. 6. de verb. obl. De turpi stipulatione separatim agitur inferius §. 26. hoc sit.

1. Si digito cælum non attigerō] Impossibilitas conditionis non ex re quæ in ea est, sed ex eo quod de ea re fieri debet estimanda est. Nam quod fieri debet, si per rerum naturam fieri non potest, conditionem habet

impossibilem; sin potest, possibilem; quod si etiam fieri non potest quin eveniat, necessariam. Itaque hæc stipulatio, *Si digito cælum non attigerō dare spondes?* non continet conditionem impossibilem ut prior illa in faciendum concepta, *Si digito cælum tetigero,* sed necessariam, & quam certum est exituram esse. D. Thom. in 4. distinc. 29. art. 3. quest. 3. Nam cujus affirmatio est impossibilis, ejus negatio est necessaria, ex regula Dialecticorum. Arist. de interp. cap. pen. Ex quo porro intelligitur sola verborum figurâ hujusmodi stipulations conditionales esse, recta non esse sed puras, l. 9. §. 1. de novat. ubi Jurisconsultus scribit, eum qui sub conditione stipulatur quæ omnino exitura est pure stipulari videri. Et vero absurdum esset aut suspendi obligationem aut petitionem differri ea conditione quæ hoc ipso revera jam extitit, quod non potest non existere. Recte igitur hic ait Justinianus, si talis conditio inseratur stipulacioni, *Si digito cælum non attigerō, pure contractam obligationem intelligi & protinus ex ea agi posse.* Consentunt Jurisconsulti in ll. 7. & 8. de verb. obl.

TEXTUS.

De absentia.

11. Item verborum obligatio inter absentes concepta inutilis est. Sed cum hoc materiam litium contentiosis hominibus præstabat, forte post tempus tales allegationes opponentibus, & non præsentes fuisse vel se vel adversarios suos contendentibus: ideo nostra constitutio propter celeritatem dirimendarum litium introducta est, quam ad Cæsarienses advocates scripsimus, per quam disposuimus tales scripturas quæ præsto esse partes indicant omnino esse credendas, nisi is qui talibus utitur improbis allegationibus manifestissimis probationibus, vel per scripturam, vel per testes idoneos approbaverit toto eo die quo conficiebatur instrumentum sese vel adversarium suum in aliis locis fuisse.

L. 32. tit. 11. Part. 5.

COMMENTARIUS.

- 1 Explicatur lex 57. de don. int. vir. & ux.
- 2 Summa consistit, in lege 14. C. de contr. stip.
- 3 Probatio negativa artutæ loco & tempore.

Inter absentes concepta inutilis est] Si stipulatio confici non potest, ut aliquoties dictum

Cum est , nisi utroque loquente & altero alterum audiente , perspicuum est absentem non magis quam mutum aut surdum stipulationem contrahere posse , l. 1. pr. ff. de verb. obl. l. 3. C. hoc tit.

1. Non adversatur Paulus in *lege* 57. *de don. int. vir. & ux.* ubi profert epistolam qua continetur sponsio absenti viro ab uxore absente missa ; intelligi enim debet stipulationem antea inter praesentes conjuges interpositam fuisse , ut est lex & conditio stipulationis , cuius inter praesentes interpositae cautio literis illis uxoris contineatur. Absentes varie pro loco dicuntur , d. l. 1. de verb. obl. hic sunt qui invicem audire non possunt.

2. *Propter celeritatem dirimendarum litium*] Cum ex eo quod non nisi inter praesentes stipulatio fieri potest occasionem litis caperent homines contentiosi , objiciendo se vel adversarium suum quo die stipulatio celebrata dicitur absentes fuisse ; nec satis expeditum esset auctore stipulationem factam esse affirmans partium presentiam , an reus factam negans suam vel adversarii absentiam probare deberet : Justinianus hujusmodi litium materiam constitutione sua amputavit , quae extat in l. 14. C. de contr. stip. Voluit fidem haberi scripturæ , idonea nempe ad probandum , qua continetur partes praesentes fuisse ; nisi qui contradicit manifesto ostendat per scripturam vel testes omni exceptione maiores se vel adversarium toto eo die alibi fuisse ; vel , quod eodem recidit , aliqua ejus diei parte tam procul egisse ut illo tempore in loco quo instrumentum confectum dicitur esse non potuerit. Itaque in hoc quidem utile est locum & diem instrumento inseri. Debet vero illa probatio , sive per instrumentum sive per testes fiat , aliquanto potentior esse scripturam ex adverso prolatam , ut judici fidem faciat , per l. 18. C. de probat. Doctores ad l. 14. C. de contr. stip.

Scripturas tales esse credendas] Id est , veras esse presumendum. Quæ tamen presumtio non est juris & de jure , ut loquantur , cum adversus eam admittatur contraria probatio ; sed juris tantum. Atque hanc pro instrumento presumptionem Interpretes appellant presumptionem veritatis , eo quod verum esse presumitur & creditur quod in instrumento scriptum est , donec contrarium probetur. Est enim pro instrumento & alia presumptione , quæ dicitur solemitatis. De qua *infra* §. 16. hoc tit.

3. *Toto eo die quo conficiebatur instrumentum*] Facti quod tempore & loco circum-

scribitur negotio probari potest : veluti si quod me Lugduni promisso , aut mihi numeratum fuisse dicitur Calendis Januariis , id me promisso aut mihi numeratum esse negem , quia eo die Romæ fuerim. Nam quod dicitur , factum negantis naturali ratione probationem nullam esse , l. 23. C. de probat. l. 10. C. de non num. pec. id verum est quatenus solum negat , nec quidquam affirmat præterea. Quod si quis prius aliquid affirmet & probet , unde id quod negat per necessariam consequentiam colligatur : hac ratione etiam id quod negat probari videtur ; quamquam ne sic quidem revera quidquam probat quatenus negat , sed quatenus affirmat tantum. Doctores in d. l. 23. C. de prob. Duar. cap. 4. de probat. in post. comment. Donell. cap. 4. de probat. Quintil. lib. 5. cap. 6. & 7. Vinn. Jure nostro obligatio inter absentes rite contrahitur , d. l. 2. tit. 16. lib. 5. Recop. Vid. Azev. ad d. leg. n. 20. ADDIT.

TEXTUS.

De stipulatione post mortem vel pridie quam alter contrahentium moriatur.

12. Post mortem suam dare sibi nemo stipulari poterat , non magis quam post mortem ejus à quo stipulabatur. Ac nec is qui in alienus potestate est post mortem ejus stipulari poterat : quia patris vel domini voce loqui videtur. Sed & si quis ita stipuletur , Pridie quia moriar , vel , Pridie quam morieris dare spondes & inutilis erat stipulatio. Sed cum , ut jam dictum est , ex consensu contrahentium stipulations valeant , placuit nobis etiam in bunc juris articulum necessariam inducere emendationem , ut sive post mortem sive pridie quam moriatur stipulator sive promissor stipulatio accepta sit , stipulatio valeat.

L. 12. tit. 11. Part. 5.

COMMENTARIUS.

1 Cur stipulations hic propositæ olim pro inutilibus habita.

2 Qua ratione motus Justinianus jus vetus mutarit.

1. *O*lim nem o stipulari poterat post mortem vel suam vel promissoris sibi dari : cujus re i hæc una & vera ratio est,

est, quod ita jus erat ut obligationes & actiones quæ non cœperant à d. functo vel contra defunctum, à persona heredis vel contra eum non inciperent: quasi in his nec defunctum repræsentaret; eamdemque ob causam etiam post mortem heredis aut legatarii inutiliter legabatur. §. 35. Inst. sup. de legat. Exceptio hujus regulæ videtur in mandato post mortem, l. 12. in fin. & l. 13. mand.

Pridie quam moriar] Putaverunt Veteres hanc stipulationem, Pridie quam moriar, aut Pridie quam morieris dabis? incidere in speciem præcedentem cum quis post mortem aut suam aut promissoris stipulatur, propterea quod illud pridie certo sciri ac definiri non potest nisi post reorum mortem: qua de causa hujusmodi quoque legatum, Pridie quam beres aut legatarius morietur, inutile esse censabant, d. §. 35. sup. de legat.

2. Placuit nobis in bunc juris articulum] Justinianus scrupulosam hanc juris veteris subtilitatem suscilit constitutione sua quæ extat in l. 11. C. de contr. stip. ut jam & stipulatio in tempus, post mortem, aut in aut ante diem moris tam stipulatoris quam promissoris concepta valeat: & post mortem heredis vel legatarii, aut pridie quam morientur liceat legare. Idem alia constitutione in universum abrogavit regulam juris antiqui, voluitque obligationes & actiones etiam ab heredibus & contra heredes incipere posse, l. unic. C. ut att. ab ber. In hujus juris mutatione ait, se respexisse non ad conceptionem verborum sed ad sententiam & mentem contrahentium: quasi qui stipulatur post mortem suam sibi dari non debeat existimari tam stultus ut sibi ipsi in id tempus stipuletur: sed hoc perinde sic accipendum ac si post mortem suam stipulatus esset heredi suo, in cuius persona quodammodo adhuc vivere videatur. Unde quidam putaverunt, stipulationem factam in tempus post mortem stipulatoris aut promissoris Veteribus ipso genere habitam fuisse pro impossibili, eo quod nec dare mortuus nec accipere possit. Sed hac ratione efficitur ut & hæc quoque stipulatio, cum moriar, vel cum morieris dabis? apud Veteres inutilis fuerit, contra §. 14. inf. hoc tit. & tale legatum, Heres meus post mortem suam Tilio centum dato, utile: arg. eorum quæ notavimus ad §. 5. Inst. sup. de verb. obl. & ad §. 10. sup. de hered. instit.

T E X T U S .

De stipulatione præpostera.

12. Item si quis ita stipulatus erat, Si navis cras ex Asia venerit hodie dare spondes? inutilis erat stipulatio, quia præpostere concepta est. Sed cum Leo inclytæ recordationis in dotibus eamdem stipulationem quæ præpostera nuncupatur non esse rejiciendam existimaverit, nobis placuit & huic perfectum robur accommodare, ut non solum in dotibus sed etiam in omnibus valeat hujusmodi conceptio stipulationis.

C O M M E N T A R I U S .

STipulationes hoc modo aut simili concepsæ, Si navis cras venerit hodie dare spondes? præpostera dictæ sunt, quoniam qui ita stipulatur filiam vult nasci ante matrem, id est, obligationem constitui ante eventum conditionis; quod est ἐπειρ περὶ τὸν καὶ in omni stipulatione conditionali obligatio ex eventu conditionis pendeat, §. 4. Inst. sup. de verb. obl. Itaque hujusmodi conceptiones ut futile & manifestam contradictionem implicantes Veteribus improbatæ sunt. Unde dubitatum est de stipulatione concepta hoc modo: Si Titius consul factus fuerit, tum ex bac die in annos singulos dena dari spondes? num & ipsa præpostera concepta videri debeat? Sed præpostera non esse indicat particula tum, quæ refertur ad tempus existentis conditionis, ut tota obligatio & datio: à conditione pendeat; licet retro habita ratione præteriti temporis, tunc cum conditio extiterit dari oporteat, l. 64. de verb. obl.

Si navis cras ex Asia &c.] Ita & Theoph. εἰς ἡράν απορ ἔλθη ἀπὸ Αἰγαίας (si navis cras ex Asia venerit). Et quamvis quidam codices non habeant verbum cras, eo tamen addito clamor fit præpostero. Pac.

Sed cum Leo inclytæ recordationis] Cum præpostera stipulationes in dotibus a Leone admissæ essent, Justinianus exemplo Leonis provocatus omnes hujus generis stipulationes valere statuit. Cumque ut valeant necesse sit aut detrahere conditionem diem, ut tota pura sit obligatio; aut præsentis temporis mentionem ut tota sit conditionalis in die: posterius Justiniano placuit, ut scilicet perinde valeant quasi vel in diem vel sub conditione tantum conceptæ essent, ac proinde exactio usque ad diei aut conditionis eventum differretur, l. 25. C. de testam.

TEXTUS.

De stipulatione collata in tempus mortis.

14. *Ita autem stipulatio concepta, veluti si Titius dicat, Cum moriar dare spondes? vel Cum morieris, & apud Veteres utilis erat & nunc valeret.*

15. *Item post mortem alterius recte stipulamus.*

L. 12. tit. 11. Part. 5.

COMMENTARIUS.

Auctores nostri ex sententia quorundam Philosophorum (vid. Gell. lib. 6. cap. 13.) momentum moriendi vitæ potius quam morti dandum censuerunt; cui consequens est, ut etsi quæ in tempus post mortem non recte conferuntur; recte tamen conferantur in tempus moriendi. Unde hæ formulæ, *Cum moriar, vel, Cum morieris dare spondes?* semper probatæ fuerunt, l. 45. §. 1. & pen. de verb. obl. uti & legatum hujusmodi, *cum heres morietur*, l. 79. §. 1. de cond. & dem. Ulp. in fragm. tit. de legat. §. 15. Neque obstat hic regula juris veteris quæ vetat actiones ab heredibus & contra eos incipere; nam cum momentum moriendi non morti sed vitæ attribuatur, obligatio & actio in casu proposito à defuncto aut contra eum incipere intelligitur, indeque ad heredeni trasunitti: quemadmodum & conditiones quædam sunt quæ extremo vita momento implentur, l. ult. de cond. inst. Add. quæ scripsimus ad §. 35. Inst. sup. de legat. Hoc autem jure posito, posse quemque sibi stipulari cum morietur: admittendum fuit, ut etiam qui in aliena potestate sunt eodem modo sibi stipulari possint, ut obligatio adquiratur domino vel patri in quorum erunt potestate cum morientur, l. 45. §. 1. de verb. obl.

Post mortem alterius] Stipulatio quoque hoc modo concepta, *Post mortem Titii dare spondes?* numquam improbata fuit; nimil quia & hic cessat ratio ob quam placebat stipulationes in tempus post mortem contrahentium conceptas non valere. Quæritur autem quid hic futurum sit si stipulator ante Titium moriatur? Respondet D. Bachovius spem debitum iri in heredem stipulatoris transmitti, ut juris est in stipulatione conditionali, §. 4. Inst. sup. de verb. obl. Ego vero didici diem

adjectum quem certum est extitum esse, etsi ignoretur quando, in contractibus conditionem non facere; neque hujusmodi stipulations, *cum moriar, cum morieris, cum Titius morietur* jure conditionalium censerit, ut obligationem differant; sed eundem effectum habere quem habent conceptæ in diem certum, ut statim etiam in his dies obligationis cedat & pecunia debeatur, sed peti tantum antequam dies veniat non possit, §. 2. sup. dit. l. 79. de cond. & dem. Itaque in proposito dicendum est, non nudam spem debitum iri ad heredem stipulatoris transmitti, sed transmitti debitum ipsum atque obligationem quæ stipulatori statim quæsita fuit.

TEXTUS.

De promissione scripta in instrumento.

16. *Si scriptum in instrumento fuerit promisso aliquem, perinde habetur atque si interrogatione præcedente responsum sit.*

COMMENTARIUS.

Pro instrumento duplex præsumtio est, una quæ dicitur *veritatis*, propterea quod verum esse creditur quod scriptum est nisi contrarium manifeste doceatur, §. 11. sup. hoc sit. altera quam appellant præsumptionem *solemnitatis*; quoniam si de re aliqua quæ certas solemnitates jure desiderat scriptum sit in instrumento eam intervenisse, etsi expressum non sit gestam eam esse adhibitis iis solemnitatibus quæ jure requiruntur: tamen hoc ipsum intelligitur, omniaque creduntur solemniter acta, l. 30. de verb. obl. veluti si scriptum sit in instrumento promisso aliquam, perinde hoc haberi placet ac si scriptum esset interrogatione præcedente responsum esse, l. 134. §. 2. ff. de verb. obl. l. 1. C. de contr. stip. Paul. 5. sent. 7. unde hic locus descripitus videtur. Item, si scriptum sit fidejusisse aliquem, præsumitur id factum rite atque utiliter, interposita scilicet stipulatione, §. ult. it. seq. Ceterum adversus hoc quoque genus præsumptionis contrariam admitti probationem verius est, l. 7. §. 12. de past. Donell. ad d. l. 30. de verb. obl.

TEXTUS.
De pluribus rebus.

17. *Quoties plures res una stipulatione com-
pre-*

prebenduntur, si quidem promissor simpliciter respondeat. Dare spondeo, propter omnes tenetur. si vero unam ex his vel quasdam daturum se spoponderit obligatio in his pro quibus spoponderit contrahitur. Ex pluribus enim stipulationibus una vel quedam videntur esse perfectæ; singulas enim res stipulari & ad singulas respondere debemus.

L. 24. tit. 11. Part. 5.

COMMENTARIUS.

1. Cur cum plures res nominatim in stipulatum deducuntur, dubitatum an promissor simpliciter respondendo in omnes teneatur.
2. Interesse utrum plures res conjunctim an disjunctim in stipulationem deducantur.
3. Hotomanni emendatio improbata.

Res plures duobus modis una conceptione in stipulatum deducuntur: vel nominatim, ut verbis stipulationis singulae exprimantur, veluti, *Stichum & Pamphilum dare spondes?* decem & quindecim dabis? *Servum fugitivum non esse, erronem non esse, furem non esse spondes?* vel collectim, ut verbo uno generali sive communi res plures significentur, ut, *Summam illam aut acervum illum pecuniae dabis?* *Quadrigam, aut Familiam, aut Lepticarios dabis?* Illic plures intelliguntur esse stipulations, tot videlicet quot sunt summæ aut res in stipulatum deductæ, hic ut una conceptio, ita quoque stipulatio una, l. 29. l. 86. de verb. obl. l. 32. de evicto. Excipe speciem legis 134. §. ult. de verb. obl. De posteriori specie nullum dubium est quin promissore simpliciter respondentem *Dabo*, obligatio recte constituta sit.

1. De priore autem dubitari poterat, an una simplex & infinita responsio promissorem in res omnes quæ expressæ sunt obligaret; quoniā cum, ut dictum est, plures hic intelliguntur esse interrogations, plures quoque responsiones ad perficiendam stipulationem requiri videntur. Sed placet unam & hic responsionem sufficere; quippe simpliciter respondendo, *Dabo*, ita promissorem respondere videri, ut stipulator verba concepit & quasi prævixit, §. 5. sup. boc. tit. Itaque intelligendum est etiam in una illa responsione plures esse responsiones. Extat apud Livium lib. 1. cap. 38. ditionis Collatinorum hæc formula: *Deditisne vos populum Collatinum, urbem, agros, aquam, terminos, delubra, utensilia, di-*

vina bunanaque omnia in meam populique Romani ditionem? Deditus.

2. In his pro quibus responderit] Nam ubi plures sunt stipulations, illæ censentur perfectæ ad quas responsum est, verbi causa, si ego stipuler Stichum & Pamphilum, tu unum ex his spoponderis, teneris in hunc unum; quia ad unam ex duabus stipulationibus videbis respondisse, l. 83. §. 4. de verb. obl. Di-versa causa est rerum plurium disjunctim in stipulationem deductarum: veluti si stipulante me Stichum aut Pamphilum, tu unum te daturum spoponderis, hic enim, quia mutata qualitate stipulationis respondes, pure promittens quod sub conditione stipulatus sum vi-tiatur tota obligatio, d. l. 83. §. 2. junct. l. 1. §. 3. eod. In pluribus tamen summis hic quod minus est sponderi intelligitur, d. l. 83. §. 3. Dixi sup. §. 5. hoc tit.

3. Et ad singulas respondere debemus] Si quidem in res omnes de quibus interrogati sumus obligari volumus, alioqui si ad quasdam dumtaxat respondeatur, obligatio in his tantum contrahitur ad quas responsum est; in ceteris manet stipulatio imperfecta atque in-utilis: quæ hujus loci sententia est, non usque adeo obscura ut probare possim emen-dationem Hotomanni, qui sic legendum exi-stimat, non ad singulas respondere debemus.

TEXTUS.

De poena adjecta stipulationi, aliudari.

18. Alteri stipulari (ut supra dictum est) nemo potest. Inventæ enim sunt bujusmodi stipulations vel obligations ad hoc ut unusquisque adquirat sibi quod sua interest; ceterum si alii derur nihil interest stipulatoris. Plane si quis velit hoc facere, pœnam stipulari con-veniet, ut nisi ita factum sit ut est compre-bensum, committatur pœna stipulatio etiam ei cuius nihil interest. Pœnam enim cum stipula-tur quis, non illud inspicitur quod interierit ejus, sed quæ sit quantitas in conditione stipulatio-nis. Ergo si quis ita stipuletur: Titio dari? ni-bil agit. Sed si adjicerit pœnam, Nisi dederis tot aureos dare spondes? tunc committitur stipulatio.

L. 7. tit. 11. Part. 5.

COMMENTARIUS.

1. Etiam inutili stipulationi pœnalem subjectam valere.

- 2 Pœnam committi etiam ei cuius nihil interest.
- 3 Quantacunque pœna promissa sit tantam deberi.
- 4 Citramontanorum circa hunc articulum restrictio.

Qui alteri dari aut fieri stipulatur, neque sibi obligationem aut actionem adquirit, quia sibi stipulatus non est; neque alteri, quia hoc pugnat cum fine stipulationum omniumque obligationum; quippe quæ ad hoc jure civili constituta sunt ut unusquisque adquirat sibi quod sua interest; ut vero alii detur nihil interest nostra, *hoc tex. &c. l. 38. §. 17. de verb. obl.* In summa qui alii dari stipulatur nihil agit: qua de redictum copiose, adjectis aliquot cautionibus & praxi horum temporum, sub §. 4. sup. hoc sit. Ceterum quia sæpe ad affectionem & voluntum nostrum pertinet alteri cui cautum volumus dari, ostenditur hoc loco & apud Jurisconsultum ratio qua quod alteri stipulando recta consequi non possumus, id obliqua via consequamur, aut certe non minus nobis consulatur. Ea est, ut si quis alteri dari aut fieri stipulatus velit hoc fieri, pœnam stipuletur si ita factum non erit uti cautum est; sic enim futurum est ut metu pœnae promissor faciat quod promisit, cum si id ita factum non sit committatur pœnae stipulatio etiam ei cuius nihil interest.

1. *Pœnam stipulari conveniet*] Tria hoc loco & d. l. 38. §. 17. de verb. obl. de pœnali stipulatione statui animadvertere possumus. Primum, pœnam utiliter non posse stipulari etiam tunc cum stipulatio cui pœna subjicitur jure non valet. Deinde, pœnam existente conditione deberi & peti posse, etsi stipulantis non intersit id fieri de quo cautum erat, & cuius non facti nomine subjœcta erat pœnalis stipulatio. Postremo quantacunque pecunia pœnae nomine promissa erit tantam deberi. Quæ an vere omnia dicantur videndum est. Adversus primum objici potest, quod pœnae stipulatio videtur pendere ex priore cui subjicitur, ejusque esse accessio quædam & sequela; ideoque priore non consistente & ipsam consistere non posse, cum sine re principali accessioni locus esse nequeat. Argumento esse, quod stipulatio pœnae non committitur quæ subjœcta est stipulationi impossibili, aut rei turpis, ll. 61. & 69. de verb. obl. Respondeo, verum non est quod hic assumitur, pœnalem stipulationem esse accessionem prioris; sed æque atque illa principalis est, ut

nihil prohibeat quominus subjœcta pœnalis stipulatio utilis sit; l'cet prior cui subjicitur sit inutilis; cum numquam una stipulatio quæ per se utilis esse potest per aliam inutilem vitetur, l. 1. §. pen. eod. Quod vero impossibili aut turpi stipulationi subjœcta pœnae stipulatio & ipsa inutilis est, non ex eo fit quod pœnalis stipulatio est accessio ejus cui subjicitur; sed quia hac eodem vitio quo prior laborat. Quippe subjecto impossibili & ipsa impossibilis habetur, turpi subjœcta & ipsa turpis, utpote delicti invitandi causa subjœcta. Neque vero pecunia dari potest ut pœna, ubi non præstat promissor quod natura aut jure præstare non potest, arg. l. 131. de verb. sign. Donell. ad d. l. 69. de verb. obl.

2. Alterum quod hic discimus est, quod pœna committatur etiam ei cuius nihil interest, intellige, cuius nihil interest alteri dari aut fieri: utique enim pœnam consequi interest stipulatoris, quam sibi non alteri stipulatus est. At, inquis, etiam ut alteri detur potest nostra interesse, utique ex affectione; sic enim scribit Jurisconsultus in l. 7. de serv. export. *Beneficio affici hominem hominis interest.* Respondeo, proprie id quod interest significat quod nostra interest pecuniariter; sic enim definitur, *quantum nobis abest, quantumque lucrari potuimus*, l. 13. ratam rem hab. Non lucratur, non consequimur nisi quod pecuniam nostram & patrimonium augeat. Unde intelligimus abusive dici interesse nostra, cum ex sola affectione interest: cui affectioni tantum jure tributum non est, ut propter eam extraneo obligationem adquiramus.

3. Postremum est, quod quantacunque pœna fuerit tanta debeatur & peti possit. Hoc ex eo intelligimus, quod dicitur in pœnali stipulatione non aspici quod interest, sed quæ sit quantitas & conditio stipulationis: hoc est, id solum, quanta pecunia in stipulatum deducta sit, & utrum conditio pœnae extiterit necne: quo sum nisi ut si extiterit conditio ea pecunia quantacunque sit præstetur? Igitur etsi duplo triplo aut etiam quadruplo plus comprehensum sit stipulatione pœnali quam efficit id quod alteri dari aut fieri debuit, valebit nihilominus stipulatio. Non enim uti pœnis legitimis certus modus constitutus est, ut ne excedant quadruplum, §. 21. *Inst. inf. de action.* ita & conventionalibus; sed has unusquisque voluntate sua sibi imponit, dum pro commodo stipulantis quid, futurum esse paciscitur, fac.

§. ult. Inst. sup. de verb. obl. l. ult. de stip. præt. Non obstat quod constitutum est, ne promissor ultra duplum periculum subeat, l. unic. C. de sentent. quæ pro eo quod int. prof. Quantumcumque enim est quod in stipulatione pœnali promittitur, simplum tantum est, non duplum triplum &c. alterius rei, cum ad id quod interest aut alterum simplum non referatur. Donell. lib. de eo quod int. circa fin. & in d. l. 38. §. 17. n. uit.

4. Ceterum hanc sententiam Citramontani existimant tunc solum procedere, cum pœnali stipulatione certa quantitas expressa est; secus autem si, ut loquuntur, poena fuerit promissa per nomina multiplicativa, veluti: *Tabulam mibi pingere spondes? Si non pingueris, triplum aut quintuplum dare spondes?* Hic volunt pœnam reduci ad id quod interest; quia manifeste ad priorem stipulationem fit relatio, neque aliud triplum aut quadruplum &c. considerari potest quam simpli ejus quod in priorem stipulationem deductum fuit: itaque non posse ultra duplum exigi, per d. l. un. C. de sent. quæ pro eo quod int. aut certe non posse ultra quadruplum pœnam extendi, per l. 56. de evit. VENN. Duo ē jure nostro animadvertisenda duximus. Primum: alteri per alterum obligationem recte adquiri per text. express. in l. 2. tit. 16. lib. 5. Recop. qua lege & jus civile, & Partit. correlative manet. Summa autem ratione id statutum esse videtur; frigidæ enim sunt rationes quibus jus antiquum contendebat alteri per alterum obligationes frustra adquiri, ut notat Groeneweg. de legg. abrog. bīc. Alterum est, poenas conventionales solum in duplum quantitatis seu rei conventæ sta tui posse, numquam vero aut omnia bona debitoris, aut quod gravius est, personam simul cum bonis comprehendere posse, per text. in legg. 8. tit. 5. lib. 2. for. Jud. & l. 5. tit. 18. lib. 1. for. legg. Ex usu vero Curiarum solum in estimationem rei in conventionem deductæ fieri nunc condemnationem supra notavimus ex Avendaño.

ADDIT.

Tunc committitur stipulatio) Id est, tunc committi potest, videlicet si non dederis. Nam committi tum demum stipulatio conditionalis dicitur, cum conditio extiterit & pecunia deberi coepit est, §. 4. Inst. sup. de verb. obl.

TEXTUS.

Si intersit ejus qui alii stipulatur.

19. Sed & si quis stipuletur alii, cum ejus

interesseret, placuit stipulationem valere. Nam si is qui pupilli tutelam administrare cœperit cesserit administrationem contutori suo & stipuletur rem pupilli salvam fore, quoniam interest stipulatoris fieri quod stipulatus est, cum obligatus futurus sit pupillo si male res gesserit, tenet obligatio. Ergo & si quis procuratori suo dari stipulatus sit habebit vires stipulatio. Et si creditori suo quis stipulatus sit quod sua interest, ne forte vel pœna committatur vel prædia distrahabantur quæ pignori data erant, valet stipulatio.

LL. 8. 9. & 10. tit. 11. Part. 5.

N O T A.

Si male res gesserit] Ulpianus in l. 38. §. 20. de verb. oblig. unde hic textus transcriptus est, habet, si aliter res cesserit.

C O M M E N T A R I U S.

Cum ejus interesseret] Cum dicimus eum qui alii dari stipulatur nihil agere, duo dicimus; nimirum ex hujusmodi stipulatione neque ei in quem collata est obligationem ullam adquiri, neque adquiri stipulanti. In explicatione §. 4. buj. tit. prioris partis exceptiones nonnullas protulimus, & casus quosdam quibus ex stipulatione aliena actio adquiritur ei in cujus personam stipulatio collata est. Hic posterioris partis exceptio propontitur, & tres casus sive exempla proferuntur quibus is qui alteri dari stipulatus est sibi actionem adquirit. Exceptio hic una & generalis est, nisi stipulantis intersit alteri dari, l. 38. §. 20. de verb. obl. cuius exceptionis ratio perspicua & facilis est: quoniam cum nostra pecuniariter interest alteri dari, tum non tam alteri quam nobismetipsis stipulari videatur, l. 118. §. ult. eod.

Qui pupilli tutelam administrare] Exemplum primum. Qui tutelæ administrationem contutori cessit recte ab eo stipulatur rem pupilli salvam fore, d. l. 38. §. 20. de verb. obl. ubi Marcellus ait valere hanc stipulationem obligationemque parere stipulatori, quia stipulatoris interest fieri quod stipulatus est; quippe qui periculum & exitum illius administrationis præstet. Etenim qui tutelle administrationem contutori cedit non liberatur periculo tutelæ, sed pupillo, si male res geratur, obligatus manet, l. 3. §. 2. de adm. tut.

Si quis procuratori suo] Exemplum secundum.

dum. Si quis procuratori suo dari stipulatus est valet stipulatio: ob eamdem scilicet causam, quia procuratori dari potest interesse stipulantis, puta quod procurator pecuniam pro eo exposuerat, quam actione mandati restituere tenebatur.

Si creditori suo] Exemplum tertium. Si quis creditori suo dari stipuletur recte stipulatur; cum ejus intersit, puta ne vel poena sub qua pecuniam certa die debebat committatur, vel bona distrahanter quæ pignori dederat & propter moram distrahi poterant, d. l. 38. §. 23. d. l. 118. §. ult. eod. Sunt & alia personæ per quas ratione officii placet etiam alteri actionem utilem adquiri, vid. sup. §. 4. hoc tit. n. 2. VENN. Alia hujus rei exempla hanc doctrinam egregie illustrantia extant in d. l. 38. §. 20. & seq. ff. de verb. obl. HEIN.

TEXTUS.

De poena adjecta promissioni facti alieni.

20. *Vice versa qui alium facturum promisit, videtur in ea esse causa ut non teneatur nisi poenam ipse promisserit.*

L. II. tit. II. Part. 15.

COMMENTARIUS.

Facti alieni stipulationem inutilem esse, & cur inutile sit audivimus sup. §. 3. hoc tit. Ceterum etiam hic remedium stipulant in poena paratum est, qua adiecta, si alius non dederit fecerit committitur stipulatio, ex qua promissor suo nomine recte convenitur. Licet etiam hic quanti ea res est stipulari, l. 38. §. 1. & 2. de verb. obl. Sunt qui promissorem factum alienum sub poena promittentem excusandum à poena censem, si omnia humana expertus ut is de quo promisit facaret nihil promoveat. Sed assentior iis qui contraria sentiunt, arg. l. 26. C. defidejuss. d. l. 38. §. 2. & bhus text. Quin ob hoc ipsum auxilio poenæ uti leges suadent, quod alieni facti obligationem inanem reddit præstundi difficultas, ut adeo nec omnino culpâ careat qui promittit quod prævidere potuit, forte præstitum non iri. arg. l. 7. §. 1. satisd. cog. atque ob hanc ipsam difficultatem promissoe videtur id quod in potestate sua habet, hoc est, poenam. Vid. Fach. 3. contr. 20. Diod. Tuld. in comm. bic cap. 5. VENN. Apud nos facti alieni pro-

TIT. XX.

missorem teneri, etiamsi poena pacta non fuerit, supra diximus. ADDIT.

TEXTUS.

De re stipulantis futura.

21. *Item nemo rem suam futuram in eum casum quo sua sit utiliter stipulatur.*

COMMENTARIUS.

Quemadmodum stipulatio ab initio non consistit si quis rem suam sibi dari stipuletur, & stipulatio rei alienæ evanescit si ea res antequam traderetur ex alia causa jam facta sit stipulatoris, §. 1. sup. hoc tit. ita quoque & eadem ratione inutilis est stipulatio rei alienæ concepta in eum casum quo nostra futura est; quia eo tempore agere ut nobis detur non possumus, §. 14. Inst. inf. de aet. & tralatitium est actum in id tempus inutiliter conferri quo pure inutiliter fieret, l. 4. C. de don. ant. nupt. VENN. Et hic §. ab usu recessit ex dict. l. 2. tit. 16. lib. 5. Recop. ADD.T.

TEXTUS.

De dissensu.

22. *Si de alia re stipulator senserit de alia promissor, perinde nulla contrahitur obligatio ac si ad interrogatum responsum non esset: veluti si hominem Stichum à te quis stipulatus fuerit, tu de Pampbilo senseris quem Stichum vocari credideris.*

L. 27. tit. II. Part. 5.

COMMENTARIUS.

1. *Quando error consensui obstet aut non obstet.*

2. *Quid si non in ipso corpore sed in materia rei erratum.*

1. **S**æpe jam dictum est sine consensu utriusque contrahentium nullam obligationem ex contractu consti-tui, l. 1. §. 3. de paet. l. 55. de obl. & aet. Consensum non esse etiam error arguit. Quid enim consensui tam contrarium est quam error qui imperitiam detegit? l. 15. de jurisd. l. 2. de judic. At enim non omnis error consensum non habet. Error aut est in nomine proprio personæ reive de qua agitur, aut in

per-

persona ipsa, ut in re promissa, aut denique in causa promittendi. Primi generis, dum de persona & re ipsa constet, de consensu nihil mutat, l. 32. de verb. obl. §. 29. Inst. sup. delegat. l. 4. C. de testam. In persona autem qui errat, puta Titio stipulanti promittit quem putet esse Sempronium, omnino non obligatur, per d. l. 15 de jurisd. & d. l. 2. de judic. fac. l. 9. pr. de bered. inst. Non enim simplex hic in nomine error est, sed etiam in re, quia nec de corpore constat. Tantumdem est si erratum sit in re promissa, cum de alia stipulator de alia promissor senserit, perindeque hic nulla contrahitur obligatio ac si ad interrogatum responsum non sit, hoc text. l. 83. §. 1. l. 137. §. 1. de verb. obl.

2. Quid tamen si non in ipso corpore error sit, sed in substantia rei aut materia, verbi causa, si quod aurum putabatur sit æs, aut quod vinum ab initio acetum fuerit? Placet hic valere stipulationem, l. 22. eod. quamvis emtio non valeat, l. 9. in fin. cum l. seq. l. 14. in fin. de contr. emt. Nimirum stipulatoris qui nihil vicissim præstat consensum in corpore error in materia nou impedit; emtor autem non potest videri consensisse in pretio; cum utique longe minoris æs quam aurum, acetum quam vinum emturus fuisset. Plare si non in totum in materia erratum sit, etiam emtione valere placet, ut in specie d. legis 14. de contr. emt. Quod si quis in causa promittendi erraverit, cum suo ipsius errore inductus putat se debere quod non debet & stipulanti promittit, hic summo quidem jure obligatus erit; sed si conveniatur exceptione doli mali se defendere potest, l. 36. de verb. obl.

TEXTUS.

De turpi causa.

23. Quod turpi ex causa promissum est, veluti si quis homicidium vel sacrilegium se facturum promittat, non valet.

L. 28. tit. II. Part. 5.

COMMENTARIUS.

Stipulations ex turpi causa interpositæ nullius momenti sunt: veluti si quid homicidii vel sacrilegii faciendi aut facti causa promittatur, l. 26. & l. seq. l. 123. de verb. obl. Nec ea tantum quæ aperte flagitiosa sunt in stipulationem deduci non possunt; verum

etiam quæ bonis moribus adversantur, veluti si de futura successione contrahitur, l. 61. ff. eod. l. ult. C. de pat. l. 4. C. de inut. stip. Quisimo & si quis pecuniam promiserit ne furtum aut cædem faceret, aut sub conditio-ne, si non fecerit: adhuc dicendum stipulationem nullius esse momenti; cum hoc ipsum flagitosum sit pecuniam pacisci quæ flagitio abstineas, l. 7. §. 3. de pat. VINN. Nec magis valent quæ legibus civilibus dumtaxat prohibentur, veluti stipulatio poenæ si quis uxorem hanc non duxerit, l. 134. pr. ff. de verb. obl. l. 2. C. de inut. stip. stipulatio quota litis, l. 7. ff. mand. l. 54. ff. de pat. Non autem valere dicuntur quia ipso jure inutiles sunt, quod copiose contra Cujacium probavit Donellus. HEIN.

TEXTUS.

De morte contrahentium.

24. Cum quis sub aliqua conditione stipulatus fuerit, licet ante conditionem decesserit, postea existente conditione heres ejus agere potest. Idem est & ex promissoris parte.

L. 14. tit. II. Part. 5.

COMMENTARIUS.

Hic locus à me expositus est ad §. 4. Inst. sup. de verb. obl.

TEXTUS.

Quando agi potest ex stipulatione.

25. Qui hoc anno aut hoc mense dari stipulatus est, nisi omnibus partibus anni vel mensis præteritis non recte petet. Si fundum dari stipuleris vel hominem, non poteris continuo agere, nisi tantum spatium præterierit quo traditio fieri possit.

L. 15. tit. II. Part. 5.

COMMENTARIUS.

Duo hic docemur. Primum est, quod obligatione in diem constituta antè agi non possit quam totus ille dies præterierit. Alterum, quod etiam ei qui pure quid stipulanti promisit dandum sit aliquod spatium intra quod rem tradere & solutionem expedire possit, l. 42. de verb. obl. De utroque dixi ad §. 3. Inst. sup. eod.

T I T U L U S X X I .

D E F I D E J U S S O R I B U S .

Dig. lib. 46. tit. 1. Cod. lib. 8. tit. 41. Nov. 4. Et Part. 5. tit. 12.

Continuatio & argumentum tituli.

Obligatur quisque aut proprio nomine sive principaliter, aut nomine alieno sive accessorie, dum scilicet pro alieno debito se ita obstringit, ut ei accedat manente principali obligato. Eorum qui sic obligantur tres sunt species, mandatores, pecuniae constitutæ rei, fidejussores. Mandator est, cuius mandatu quis pecuniam credit certæ personæ, §. 6. *Inst. infr. de mand.* Pecuniae constitutæ reus, qui pecuniam debitam se solutum constituit nudo pacto, §. 9. *Inst. inf. de action.* Fidejussor, qui quod alius debet fide sua esse jubet interpositâ stipulatione. Conjunguntur hi tres in *lege ult.* C. de const. pecun. & Nov. 43. atque in plerisque eodem iure habentur. Hoc loco agitur de fidejussoribus: qui titulus tractationi de verborum obligationibus ideo subjicitur, quia fidejussores citra verba & stipulationem non constituantur, l. 1. §. 2. ff. de verb. obl. l. 12. C. hoc tit. Indicatur hic primum obligationis fidejussoriæ finis, deinde objectum; doceturque quibus obligationibus fidejussor adhiberi possit, & porro permiste quatenus obligetur quale formâ constituatur.

T E X T U S .
Cur accipiuntur.

Pro eo qui promittit solent alii obligari, qui fidejussores appellantur: quos homines accipere solent dum curant ut diligentius sibi cautum sit,

L. 1. tit. 12. Part. 5.

C O M M E N T A R I U S .

- 1 *Fidejussoris obligationem esse accessionem principalis.*
- 2 *Fidejussor idem qui & adpromissor; expromissor alius.*
- 3 *Sponsores, prædes, vades.*

I. *P*ro eo qui promittit solent alii obligari] Intellige, eo qui promittit

eodemque reo principali manente obligato alioqui & expromissor pro alio obligari recte dicitur, qui novandi animo alienam obligationem in se transfert; qui tamen fidejussor non est, ut mox probabitur. Et igitur cum fidejussor ita pro alio obligetur ut nihilominus ille alius obligatus maneat: ex eo intelligimus, obligationem fidejussoris esse accessionem quamdam alterius obligationis. Unde est quod nostri sic passim loquuntur ut dicant, fidejussorem accedere. Quod autem Justinianus ait, *pro eo qui promittit*, exempli causa dictum est; nam constat fidejussores omni obligationi accedere posse.

2. *Qui fidejussores appellantur*) A ius- sione & fide, ut appareat ex formulis quas passim legimus. Dicuntur & adpromissores, l. 1. §. 2. de verb. obl. l. 43. de solut. l. 64. §. 4. solut. matr. quia scilicet ad id quod alius debet accedentes idem promittunt. Expro missores autem qui dicuntur fidejussores non sunt, quia idem cum alio non promittunt, nec obligationi alienæ accedunt, sed expromissione fit novatio. Nam expromittere & expromissor in usu juris is dicitur qui alienam obligationem in se suscipit, liberato reo aut eo nomine non obligato, cum tamen obligari deberet, l. 7. §. 8. de dol. mal. l. 37. in fin. de oper. libert. l. 4. de cond. ca. dat. l. 8. §. 8. ad sen. Vell. l. ult. de senat. Maced. unde & à fidejussore passim distinguitur, l. 53. de contr. emt. d. l. 37. in fin. de oper. lib. & interdum simpliciter reus nominatur, quia solus obligatur quasi reus principalis, d. l. 7. §. 8. de dol. mal. l. 64. §. 4. solut. matr.

3. Veteres, quos nostri fidejussores postea dixerunt appellant sponsores. Cicero ad Attic. lib. 1. ep. 8. Tulliola, nostræ deliciole, suum munus flagitat & me sponsorum appellat. Et alibi, famil. lib. 6. ep. 18. De negotio tuo, quod sponso res pro Pompejo, si Galba con sponsor tuus redierit &c. Species sponsorum sunt qui dicebantur prædes, & item qui vades. prædes dicti, teste Ascon. Pædiano Verr. 3. sa.

satisfatores locupletes pro re de qua apud jūdīcēm̄ lis est. Et Festus: Pr̄es, inquit, est is qui populo se obligat, interrogatusque à magistratu an pr̄es sit, ille respondet, Pr̄es. In quem locum Josephus Scaliger sic scribit: Festus ait, pr̄udem dictum esse quod interrogatus à populo si pr̄es esset, respondebat, Pr̄es: supple, sum. Pr̄e sess̄ antiquitus significat pr̄esentem esse, παρέειναι, unde superest partici-
pium pr̄esens. Quam notationem confirmat Ausonius, qui in ludicro dramate septem Sapientum de Thalete loquens, sic ait, spondere qui nos, noxa quia pr̄esest, vetat. Idem Scaliger apud Varronem §. de ling. sic legendum existimat: Itaque pr̄es qui à magistratu interrogatus in publicum an pr̄esest; à quo ὁ cum respondet dicitur pr̄es. Vades autem dicti sunt, auctore Varrone d. loc. qui pro alio vadimonium promittunt, id est sponsores judicio aliquem sistendi. Et, si fides Ausonio, vades appellati qui dabantur in rebus criminalibus, pr̄edes qui in causis civilibus. Sic enim ille in monosyllab. Idyll. 12.

Quis subit in pœnam capitali judicio? Vas.

Quid si lis fuerit nummaria, quis dabitur? Pr̄es.
Sed tamen quicunque pro altero vadimonium promittebat etiam in re pecuniaria vadem appellatum constat. Vid. Hering. de fidejus. cap. 3. n. 43. & rai rai (carte omnino) clariss. Salmas. lib. de mod. usur. cap. 16.

Ut diligentius sibi cautum sit? Fidejussores & pignora sponsonum fideique sunt vincula & firmamenta, l. 9. in fin. de sup. leg. Senec. de benef. 7. cap. 24.

TEXTUS.

In quibus obligationibus.

1. In omnibus autem obligationibus assumi possunt, id est, sive re, sive verbis, sive literis, sive consensu contracta fuerint. Ac nec illud quidem interest, utrum civilis an naturalis sit obligatio cui adjicitur fidejussor: adeo quidem, ut pro servo quoque obligetur, sive extraneus sit qui fidejussorem à servo accipiat, sive ipse dominus in id quod sibi naturaliter debetur.

L. 5. tit. 12. Part. 5.

COMMENTARIUS.

1 Fidejussorem pro omni obligatione ex contra-
ru recte intervenire, excepta causa dotis.

- 2 Item pro obligatione ex delicto quando civi-
liter agitur.
- 3 Quatenus in criminalibus recipiatur fidejussor.
- 4 Pro qua obligatione naturali interveniens
obligetur.
- 5 Quid si obligatio sit mere civilis.

Obiectum fidejussionis seu materia circa quam. Cum fidejussoris obligatio sit accessio alterius obligationis, necesse est statui aliquam obligationem cui fidjussoria accedat; alioqui & hæc non tenebit, l. 6. in fin. l. 16. & 29. l. 37. & passim hoc tit. l. 6. de obl. Unde quoque est, quod is qui solutionis gratia adjectus est fidejussorem accipere non potest, scilicet quia reum principalem obligatum non habet, l. 23. eod. Ceterum dum aliqua sit obligatio non in totum improbata jure civili aut prætorio, cujuscumque ea generis sit, tenet fidejussio, ll. 1. 2. & 6. §.
ult. ll. 7. & 8. §. 1. & seqq. l. 16. §. 3. eod. Clarius hoc apparebit ex enumeratione singu-
larum.

1. Primum, earum obligationum quæ ex contractu aut quasi ex contractu nascentur fidejussorem recte accipi nemini dubium esse posset; quippe cum ex his pecunia debeatur aut res pecunia æstimabilis. Una tantum species hic excipitur, obligatio qua tenetur maritus ad dotem soluto matrimonio uxori restituendam: pro qua obligatione fidejussorem exigi aut accipi constitutiones verant, ne causa perfidia in conjugio generetur, ll. 1. & 2. C. ne fidej. dot. dent. l. 1. C. Theod. de fidej. dot. quamvis recentiorum nonnulli fidejussorem à marito eo nomine ultro datum obligari contendant. Vid. Fachin. 8. contr. 76. Gail. 2. obs. 84. Ant. Fab. Cod. suo d. tit. defini. 1. Ant. Merend. 6. contr. 13. Christin. vol. 3. decis. 141. VINN. Nolim tamen ego his auctoribus assentiri, cum non modo rubrica tituli Cod. ne fidejuss. dot. dent. prohibitionem involvat, verum etiam lex un. C. Theod. de fidej. dot. ex qua lex 1. C. Justin. eod. desumpta est, diserte omnium sponsorum vel fidejussorum in cavenda dotis sponstone promissiones deinceps absolvet. Accedit quod ratio hanc fidejussionem prohibendi æque in maritum ultro fidejussores dantem cadat, ac in eos qui inviti dederint. Eadem enim absurditas, ea-
dem turpitudine, idem fidei ac amoris conjuga-
lis contemtus hic versatur ut recte monuit Harprecht. ad bunc §. n. 1. Potest tamen pi-
gnus à marito pro dote dari, l. 7. §. 6. de don. int. vir. & ux. quia hic alienam fidem
uxor

uxor non sequitur, sed mariti. Potest & fidejussor accipi pro dote ab uxore promissa, ab alio expromissa, l. 55. ff. de jur. dot. Potest denique satisatio exigere de solutione dotois post certum tempus, l. 24. §. 2. ff. solut. matr. Quemadmodum enim illo casu matritus non uxoris sed tertii fidem in dubium vocat: ita hoc non de constante, sed soluto matrimonio agitur. HEIN.

2. Sed etsi ex delicto oriatur actio, nihilominus fidejussor interveniens obligatur, l. 8. §. 5. l. 56. §. ult. l. 70. §. ult. hoc tit. utique si ex hoc civiliter agatur & ad poenam pecuniariam: nam si agatur criminaliter & ad coercionem corporalem inutilis est fidejussio: quoniam ejus poena nemo succedaneus est, cuius nulla potest fieri reparatio, & ubi quod quis solvit aut sustinuit nulla actione repeti aut in priorem statum reponi potest. Nimurum æquum omnino est fidejussori ejus quod pro reo solvit recuperandi causa actionem mandati dari, ne cui officium suum sit damnosum; at poena corporalis nulla est restitutio; & quid proderit fidejussori reum eamdem poenam postea subire? Postremo nemo contrahendo se ad poenam corporalem obligare potest, quoniam membrorum suorum nemo dominus videtur, l. 13. ad leg. Aquil. neque justitiae ratio patitur eum qui non deliquerit poenam hujusmodi sustinere, l. 21. C. de pœn.

3. Alia vero quæstio est, utrum reus criminis non usque adeo atrocis, qui nondum convictus est neque satis evidenter in dictis urgetur, persona alias honesta, in carcerem protinus conjiciendus sit ut ex vinculis causam dicat, an fidejussores hic recipi possint, non qui poenam delicti suscipiant, sed qui caveant de reo sistendo, ut is molestiam carceris interim effugiat? Placet autem hoc casu rem fidejussoribus committi posse, qui si reum non steterint certa pecunia multetur, quanta scilicet vel cautione vel decreto magistratus comprehensa est, aut ex consuetudine inferri solet; alioqui magistratus arbitrabitur. Quod si dolo fidejussorum fiat ne reus exhibetur, graviori animadversione extra ordinem coerceri possunt. In quam sententiam sunt textus in ll. 1. 2. 3. & 4. ff. de custod. & exhib. reor. l. 6. §. 3. l. 12. C. de appell.

4. Porro non tantum obligationi civili, sed etiam naturali fidejussor adhiberi potest, hoc taxt. l. 6. in fin. ll. 7. & 16. §. 3. hoc tit. licet hoc casu arctius & fortius adsringatur

fidejussor quam reus principalis. Ceterum hoc ita, si natu alis obligatio etiani vim aliquam jure civili habet; nam si ex earum genere sit quæ juris civilis auxilio penitus destituantur, nec fidejussor in eam accipi potest: veluti si pro eo quod prodigus promisit fidejussor intervenerit, l. 6. de verb. obl. Neque obstat quod Marcellus scribit, eum qui pro prodigo fidejussit obligari, l. 15. hoc tit. Obligatur enim suo nomine dumtaxat non alieno: non ut fidejussor qui accedit obligationi principali, quæ hic nulla est; sed ut principalis reus & ratione suæ solius promissionis; quippe qui idem promittens quod furiosus aut prodigus, in quorum persona sciebat obligationem non consistere, donare voluisse videatur. Itaque Marcellus verbo fidejubendi in proposito utens respexit tantum ad nudum fidejubendi actum & promissionem quæ de facto processit licet citra ullum juris effectum, d. l. 6. de verb. obl. Ita ferme & Accurs. Bart. & DD. vulgo, quamquam alii aliter Don. ad d. l. 6. in fin. Rævard. 2. var. 9. Robert. 2. recept. lett. ult. Cont. 2. lett. 3. Lyclam. 6. memb. 8.

5. Quid si obligatio sit mere civilis? Existimo hoc genus obligationis ut improbatum jure prætorio & sine re atque effectu inutile, l. 112. de reg. jur. huc non pertinere. Etsi enim summo jure ex nuda civili obligatione agi potest: tamen cum & actio instituta opposita perpetua exceptione elidatur, & tale debitum neque solutum per errorem retineri, neque constitui, neque compensari possit, l. 40. de cond. & ind. l. 3. §. 1. de pecun. const. l. 14. de compens. frustra pro eo fidejussor intervenire videtur. Fac. l. 37. hoc tit. aut certe si fidejussio summo jure teneatur, is qui fidem suam interposuit conventus eadem exceptione quæ reo principali competit creditorem repellere poterit, per l. 7. §. 1. de except. Bart. in l. 1. n. 3. hoc tit. post Gloss. hic.

Sive literis] Non adversatur quod modo diximus, pro obligatione mere civili fidejussorem inutiliter intervenire. Etenim literarum obligatio pro mere civili habenda non est, sed pro mixta seu civili & naturali simul. Quippe mixta obligatio duorum generum est: una vere talis, altera præsumtive, qualis est obligatio judicati, item jurisjuriandi ab auctore judice deferente præstiti; atque hujus generis etiam ea est quæ literarum dicitur. Nam si quis chirographo suo confessus est se pecuniam mutuam accepisse, ea confessio-

fessio post silentium biennii auctoritate juris pro veritate habetur, perindeque is qui confessus est ex eo tempore tenetur ac si re vera ei pecunia numerata sit: de quo uberiorius tit. seq.

Utrum civilis? Non civilis nuda, sed mixta quæ actionem efficacem producit, quæ in usu juris civilis & absolute quoque obligatio vocatur. Idem autem hoc traditur apud Julianum l. 16. §. 3. hoc tit.

Pro servo quoque obligatur? Servi ex contractibus naturaliter tantum obligantur, l. 14. de obl. & att. At ita obligantur non modo extraneis sed etiam domino, ut hoc loco docet Justinianus; potestque dominus in id quod sibi naturaliter debetur fidejussorem a servo accipere, l. 70. §. 4. eod. quamvis ex contrario pro eo quod dominus servo naturaliter debet fidejussor acceptus non teneatur, l. 56. §. 1. eod. speciali scilicet ratione quam indicavit tit. præced. §. 6.

TEXTUS.

De herede.

2. Fidejussor non tantum ipse obligatur, sed etiam heredem relinquit obligatum.

L. 16. tit. 12. Part. 5.

COMMENTARIUS.

Satis notum est obligationes & actiones quæ ex contractibus veniunt in heredes quoque dari, §. 1. Inst. inf. de perp. & temp. att. ll. 12. & 49. de obl. & att. idque etiamsi nulla in contrahendo heredum facta sit mentio, l. 13. C. de contr. stip. Talis autem est obligatio qua tenetur fidejussor; ac proinde non ipse tantum obligatur sed etiam heredem obligatum relinquit, l. 4. §. 1. ff. hoc tit. l. 24. C. eod. Quod si principalis obligatio ex delicto descendat, tenebitur quidem hic etiam heres fidejussoris, sed tam diu quam vivit & tenetur is qui deliquit; eo vero mortuo, ut fidejussor ipse, ita etiam heres ejus liberatur, nisi forte ante rei mortem lis contestata fuerit, d. §. 1. Inst. inf. de perp. & temp. att. ll. 26. & 58. de obl. & att. l. 164. de reg. jur. l. 20. §. 2. & ibi Costal. si quis caut. jud. sist. Nam quoties principalis obligatio in heredes debitoris transit, toties etiam fidejussoria transit in heredes fidejussoris; at principali sublata evanescit & fidejussoria. VENN. Ali-

quando fidejussio in herede fit obligatio principalis quæ in defuncto accessoria tantum fuerat, si nimurum fidejussor minori pro quo fidejusserat heres fiat. De quo casu intelligenda videtur lex 95. §. 3. de solut. ut non opus sit ibi emendatione Cujacii pro principalis legentis, personalis. Conf. viri amplissimi Zach. Hub. diss. de cbirogr. Pauli cap. 1. §. 6. p. 67. HEIN.

TEXTUS.

Si fidejussor præcedat vel sequatur obligationem.

3. Fidejussor & præcedere obligationem & sequi potest.

L. 6. tit. 12. Part. 5.

COMMENTARIUS.

*E*t præcedere] Etiam futuræ obligationis fidejussor accipi potest, l. 6. §. ult. hoc tit. ita tamen ut præcedens fidejussoris obligatio tum demum vires capiat cum & principalis obligatio cujus illa accessio est constituta est. Interim vero in pendentí esse obligationem fidejussoris sciendum est, l. 35. de judic. neque fidejussorem ante conveniri posse quam reus debeat, l. 57. hoc tit.

Et sequi potest? In quo differt fidejussor à mandatore. Nam qui post creditam pecuniam mandat eam credendam non obligatur, nisi simul suo periculo debitori inducias petat solutionis, l. 12. §. 14. mand. Item à pecunia constitutæ reo, qui non sequitur, l. 1. §. 1. de pec. constit.

TEXTUS.

De pluribus fidejussoribus.

4. Si plures sint fidejussores, quotquoterunt numero singuli in solidum tenentur. Itaque liberum est creditori à quo velit solidum petere. Sed ex epistola divi Hadriani competitur creditor à singulis qui modo solvendo sunt litis contestatae tempore partes petere. Ideoque si quis ex fidejussoribus eo tempore solvendo non sit hoc ceteros onerat. Sed si ab uno fidejussore creditor totum consequutus fuerit, hujus solius detrimentum erit si is pro quo fidejussit solvendo non sit; & sibi imputare debet, eum potuerit juvari ex epistola divi Hadriani, & deside-

COMMENTARIUS.

- 1 Carea obligationem plurium fidejussorum nihil mutatum Nov. 99.
- 2 Beneficium divisionis quale sit, & quibus competit. Et n. 6.
- 3 Beneficium ordinis quale, & quid quibus tribuat. Et alia remissive.
- 4 Beneficium ordinis non pertinere ad fidejussores judiciales &c.
- 5 Obligationem plurium fidejussorum non dividii ipso jure, sed ope exceptionis; & quid inter haec intersit.
- 7 Conditiones sub quibus beneficium divisionis conceditur.
- 8 Quando opponi debeat exceptio divisionis, quando or dinis.
- 9 Quando locus exceptioni cedendarum actionum.
- 10 Renuntiatione superiora beneficia admitti.

1. **P**lures fidejussores ejusdem rei aut pecuniae quae debetur, singuli in solidum tenentur, sive id nominatim convenierit sive non convenerit, l. 3. C. hoc tit. Neque hoc jus mutatum est Nov. 99. unde auth. hoc ita C. de duob. reis. Rechte enim vulgo recepta hæc sententia est, eam constitutionem quæ de duobus reis est ad fidejussores non pertinere. Nam cum plures rei promittendi ejusdem pecunia accipiuntur, dubitari potest qua mente id fiat, utrum sicut solidum verbis ita re quoque promisso vi deantur, an obligationem pro numero personarum dividi existimaverint: cuius dubitationis causam substulit Justinianus cavens ne plures rei promittendi ejusdem pecunia aliter in solidum singuli obligentur, quam si nominatim id actum sit. At plurium fidejussorum obligatio nullam talem dubitationem habet; quippe cum horum singuli promittant id quod reus debet & quantum debet. Debet autem solidum. Tenentur ergo plures fidejussores singuli in solidum & in solidum singuli conveniri possunt.

2. Ceterum hoc beneficium epistolâ Hadriani Imperatoris illis tributum est, ut si quo tempore lis cum aliquo eorum contestatur omnes solvendo sint, actio inter eos proportionibus virilibus dividatur, l. 26 ff. hoc tit. l. 3. C. eod. Estque hoc beneficium quod vul-

go divisionis appellatur; competitque non fidejussoribus tantum, sed ceteris quoque accessionibus: puta pluribus quorum aut mandatu eadem pecunia credita est, aut qui pro alio idem se soluturos constituerunt, l. ult. C. de pec. const. Vim beneficii mox latius explicabimus.

3. Novissime & aliud beneficium fidejussoribus tributum constitutione Justiniani Nov. 4. cap. 1. unde auth. præsente C. hoc tit. quod tale est, ut sive unus sive plures sint fidejussores, reus principalis prius conveniri atque excuti debeat quam ad fidejussores per veniatur; nec ante cum his efficaciter agi possit quam si suum creditor à debitore consequi nequeat. Id autem accedit duobus casibus, si vel absit reus, vel non sit solvendo. Ceterum placet nihilominus priore casu fidejussori postulanti spatium temporis à judice dari, intra quod reum absentem evocet; eo vero spatio elapsò si non venerit reus lis contra fidejussorem peragitur. Posteriore casu si reus præsens sit aut evocatus venerit, tum si is solvendo non erit, quatenus solvendo non est fidejussor recte convenitur. Verum cum de eo prius constare debeat, reus ipse primum conveniendus & condemnandus ese deinde facultates ejus excutienda, bonaqua; quæ extant vendenda sunt. Hæc Justinian. d. Nov. 4. cap. 1. Quod si debitor notorie non sit solvendo, excussio non est necessaria, secundum Myns. cent. 2. obs. 15. Gail. 2. obs. 27. n. 14. Menoch. consil. 662. n. 20. Vasq. illust. quest. p. 1. lib. 1. cap. 40. n. 2. ubi communem dicit. Beneficium autem hoc humanitatis causa, ut & superius, fidejussoribus, item reliquis accessionibus datum contra conditionem obligationis jurisque veteris constitutionem, quo jure liberum fuisse creditor i constat omissio principali reo fidejussorem convenire, l. 3. & 5. C. hoc tit. Appellatur hoc beneficium alias ordinis, alias excussionis: ordinis, propter ordinem conveniendi: excussionis, quia bona rei excutiuntur ut sciatur an solvendo sit necne. An huic beneficio locus sit in foro mercatorio vid. Fachin. 8. contr. 53. Ant. Fab. C. suo hoc tit. defin. 3. An ei competit qui fidejubendo simul se debitorem principalem constituit, Gail. d. lib. 2. obs. 28. Schneid. ad bunc §. n. 11. Christin. vol. 5. decis. 214. n. 46.

4. Illud constat, fidejussores judicio sisti & judicatum solvi, exceptionem ordinis non habere; quippe hujusmodi stipulationes ex auctoritate prætoris interponuntur ut judicium

cuius ratum sit, l. 1. de stip. præt. contra cuius mentem foret differri executionem judicati, arg. l. 52. de verb. obl. Ant. Fab. Cod. suo defia. §. hoc tit. Christin. vol. 2. decis. 145. n. 7. & vol. 4. decis. 179. n. 25. Sed nec ille qui pro naturaliter tantum obligato intervenit hoc beneficio uti poterit. Gail. d. obs. 27. n. 20. Consule porro de beneficio ordinis DD. in autb. presente C. hoc tit. Gomez 2. resol. 13. n. 14. Gail. 2. obs. 27. & seq. Hering. de fidejuss. cap. 27. part. 2. Christin. vol. 3. decis. 2. n. 14.

5. *Compellitur creditor à singulis*] Etiamsi in fidejussoribus accipiendis convenerit ut singuli in solidum tenerentur; quippe hac conventio conditionem juris & constitutio nem non mutat, postquam jure hoc fiat ut inter fidejussores actio dividatur, l. 3. infin. C. hoc tit. secundum quod Parisiis judicatum refert Papon. lib. 10. tit. 4. arrest. 23. Ceterum in hac divisione hoc primum notandum est, dividi obligationem inter plures fidejussores non ipso jure sed per exceptionem dumtaxat, l. 26. eod. Inter que multum interest. Nam si ipso jure obligatio divisa esset, id est si singuli partes tantum viriles ipso jure deberent, in solidum nemo eorum conveniri posset quantumvis forte aliqui non essent idonei. Quin etsi quis solidum solvisset, partem condicere tamquam plus debito solutum non prohiberetur: quod utrumque secus se habere ostendit hic locus & dd. II. 26. & 49. §. 1. in fin. de fidejuss.

6. Deinde, non aliter pluribus fidejussoribus auxilium divisionis indulgeri quam si confidejussores sint, id est si ut ejusdem summæ, ita ejusdem quoque debitoris sint fidejussores; inter plures diversorum debitorum licet ejusdem summæ fidejussores actionem non dividi, l. 27. §. ult. l. 43. eod. Postremo hoc beneficium pluribus fidejussoribus eorum creditorum tantum dari, qui ipsi conventione sua plures fidejussores acceperunt; pluribus fidejussoribus tutorum aut curatorum non compete, l. ult. rem pup. salvo. for. ubi & ratio additur.

7. *Solvendo sunt litis contestatae tempore*] Due sunt conditiones sub quibus beneficium divisionis fidejussoribus datur. Una est, si fidejussores non negent se fidejussores esse. Inficiantibus auxilium divisionis dari non placuit, l. 10. §. 1. hoc tit. Altera, cuius hic fit mentio, est, si omnes fidejussores idonei, hoc est solvendo sint quo tempore lis contestatur, hoc text. l. 51. §. 1. eod. Quod placet

in hac re spectari tempus litis contestatae, id eo pertinet, primum ut sciamus si quis è fidejussoribus eo tempore solvendo non sit, licet antea solvendo fuerit, id ceteris qui solvendo sunt non prodesse, sed, ut in textu dicitur, ceteros onerare. Deinde si omnes proponantur tempore litis contestatae solvendo fuisse, & postea aliqui minus idonei esse coeperint, quamvis ante sententiam, eam rem ad onus ejus qui solvendo est non pertinere, d. l. 15. §. pen.

8. Illud hic quæsitum est, quando exceptio divisionis opponenda sit, postulandumque ut actio dividatur. Sed expresse scriptum ab Alexandro est, id postulari solere ante condemnationem, l. 10. §. 1. C. hoc tit. Quo loco manifeste & illi referuntur qui negant hanc exceptionem posse objici post litem contestatam, & qui ajunt opponi posse etiam post sententiam. Vid. Salic. in d. l. 10. §. 1. n. 5. Sichard. n. 10. & seqq. Don. n. 2. & seqq. Ordinis vero & excussionis exceptio cum sit dilatoria ante litem contestatam opponenda est. Vid. Ant. Fabr. Cod. suo hoc tit. defin. 38. Fachin. 8. contr. 52. Christin. vol. 5. decis. 214. & ibi citatos. Dissentit tamen Gail. 2. obs. 27. n. 3. contendens opponi eam posse usque ad conclusionem in causa; quamquam fateatur omissam ex officio à judice suppleri non posse, add. D. Joann. à Sante lib. 1. rer. jud. tit. 7. defin. 2.

Si ab uno fidejussore creditor totum &c.] Si unus ex pluribus fidejussoribus omissa exceptione beneficii divisionis solidum solverit, is quidem à debitore quod solvit actionem mandati repetere potest, §. 6. inf. hoc tit. Ceterum si debitor solvendo non sit, sibi imputet quod beneficio usus non sit; neque enim vel à creditore partem repetere potest, quia solidum ipso jure debuit, & humanitatem beneficii contempsit; neque ullam actionem habet adversus confidejussores; denique nec pignora persequi potest quæ creditori obligata erant, l. 39. ff. hoc tit. l. 11. C. eod.

9. Plane potest fidejussor conventus desiderare ut à creditore sibi cedantur actiones adversus confidejussores & possessores pignorum; sed tunc cum solvit, aut si ea lege solverit ut sibi postea cedantur. Semel autem pecuniâ soluta, si in solvendo de cedendis actionibus nihil cautum sit, agere ut cedantur non potest, ll. 17. 36. & 39. ff. hoc tit. ll. 2. 11. & 14. C. eod. l. 76. ff. de solut. Quamquam sunt qui & post solutionem cessionem recte fieri volunt; & ita fere

nunc obtinere. Sande de act. cess. cap. 7. n. 11. & seqq. Groenew. de leg. abrog. ad d. l. 11. hoc tit. Dissimilis est causa mandatoris, quem etiam postquam solvit placet agere posse aduersus creditorem ut sibi actiones suas cedat aduersus debitorem & ceteros ejusdem obligationis reos, l. 28. mand. quippe mandator mandati actionem habet aduersus creditorem, fidejussor non habet. Quod autem tutori qui solvit aduersus contutores pro eorum parte utilis actio datur, id singulariter in tutoribus constitutum est favore pupillorum, l. 1. §. 13. de tut. & rat. distr. ac proinde non est producendum ad consequentiam. Enimvero exceptio cedendarum actionum postquam unus ex fidejussionibus in solidum condemnatus est ab eo opponi potest, l. 4. I. §. 1. hoc tit. quod ideo receptum, quia haec exceptio non oppugnat sententiam neque minuit jus victoris. Sichard. ad l. 10. C. hoc tit. n. ult. De exceptione hujus beneficii vide citatos apud Christin. vol. 4. decis. 179. n. 10. & seqq. & vol. 5. decis. 244. n. 51. & seqq.

10. Illud postremo sciendum est, haec fidejussionum beneficia ut alia omnia jure ita tributa esse, nisi his fidejussiones expresse renuntiaverint; renuntiando, ut fere hodie fit, amitti. Licet enim unicuique juri pro se introducto renuntiare, l. pen. C. de part. Hinc cautio consultorum creditorum usitata notariis in instrumentis fidejussionis, ut quis fidejussiones accipiuntur renuntiant beneficiis ordinis excursionis & divisionis, quo liberum sit creditori quem velit & quatenus velit convenire. Vinn. Vide quae de duobus reis promittendi supra notavimus ex leg. 1. tit. 16. lib. 5. Recop. & adesis Azeved. ad d. leg. & Greg. Lopez ad leg. 8. tit. 12. Part. 5. ADDIT.

TEXTUS.

In quam summam obligatur fidejussor.

3. *Fidejussiones ita obligari non possunt ut plus debeant quam debet is pro quo obligantur. Nam eorum obligatio accessio est principalis obligationis, nec plus in accessione potest esse quam in principali re. At ex diverso, ut minus debeant obligari possunt. Itaque si reus decem aureos promiserit, fidejussor in quinque recte obligatur; contra vero obligari non potest. Item si ille pure promiserit, fidejussor sub conditione prouidere potest; contra vero non potest. Non solum autem in quantitate, sed etiam in tem-*

pore minus aut plus intelligitur. Plus enim est statim aliquid dare; minus est post tempus dare.

L. 7. tit. 12. Part. 5.

COMMENTARIUS.

- 1 Fidejussiones arduius quam reum principalem obligari posse, durius non posse.
- 2 Acceptum in maiorem quantitatem quam quæ debetur ne in debitam quidem obligari.
- 3 Transpositione Halloandri in l. 8. §. 7. hoc tit. everi sententiam Ulpiani, falsamque effici ejus definitionem.
- 4 Explicatur lex 33. mandati.
- 5 Constituti & fidejussionis quam dissimilis sit ratio.
- 6 Removetur obstaculum ex lege 1. §. 4. de verb. obl.
- 7 Media Bachovii sententia non improbabili; & quid bodie ad questionem propositam respondendum.

1. **C**um fidejussiones accipientur firmæ principialis obligationis causa, nihil prohibet quomodo efficacius obligentur fortiorique vinculo constringantur quam reus principalis, veluti per instrumentum garantiatum seu paratae executionis, per hypothecam, per jusjurandum, per pœnae adjectionem, cum reus obligatus est simpliciter, Joann. Fab. hic, Gomez 2. resol. 13. n. 2. adeoque pro eo qui naturaliter tantum obligatus est fidejussionem recte intervenire placet, quamvis hoc casu cum solo fidejussore judicio agi possit, cum reo non possit, §. 1. sup. hoc tit. In causam vero diuiriorem accipi non potest, id est ita accipi ut fidejussor vel re vel tempore aut causa plus debeat quam reus principalis, hoc text. l. 8. §. 7. de fidejuss. quod DD. non ineleganter sic breviter exprimunt: *Fidejussor intensive obligari potest, extensive non potest.* Ceterum de illo non satis inter Interpretes convenit, utrum fidejussor in maiorem sumam acceptus quam debet reus principalis prorsus non obligetur, an saltem obligetur in summam concurrentem. Gloss. & Bart. in d. l. 8. §. 7. omnesque fere Interpretes veteres sentiunt fidejussionem ita acceptum plane non obligari; quorum sententiam sequuntur & defendant Connan. 6. comm. 6. Hotom. Bachov. in hunc §. Fachio. 8. contr. 51. Goedd. cap. 4. de contr. stip. concl. 4. n. 65. & seqq. Tim. Fab. disp. 23. At major pars

pars neotericorum & ex Veteribus Petrus & Cynus contra disserunt, atque in proposito fidejussorem obligari volunt saltem usque ad debitam quantitatem. Cantiunc. Baro, Mysn. Wesemb. Gifan. hic Gomez 2. resol. 13. n. 2. Duar. ad tit. de fidejuss. cap. 3. Vasq. 1. illust. quest. 40. Bronch. 4. cent. 53. Hering. de fidejuss. cap. 24. n. 52. & seqq. quibus etiam accedit Diod. Tuldent. comm. hic cap. 2.

2. Prior sententia de jure mihi verior videtur. Sic enim in universum de his qui pro aliis fidejubendo interveniunt definit Ulpianus d. l. 8. §. 7. hoc tit. eos si in duriorem causam adhibiti fuerint *omnino non obligari*, ut habent codices vulgati omnes & ipsum exemplar Florentinum. Latinis autem *omnino non idem* valeret quod *neutiquam, plane, prorsus, penitus non*; nisi cavillamur. Neque alio sensu à nostris usurpatur ipsove Ulpiano, l. 26. §. 3. de cond. ind. l. 3. §. 2. in fin. de adm. tut. l. 4. §. 3. rem pup. salv. for.

3. Quod si cum Haloandro pro *omnino non restituas non omnino*; aut *omnino non dicatum* putes pro *non omnino*, quasi dixisset Jurisconsultus fidejussorem in duriorem causam acceptum teneri in eo tantum & quatenus reus ipse obligatus est: evertitur sententia illius loci, quæ generalis est; falsaque efficitur Jurisconsulti definitio in fidejussoribus omnibus in duriorem causam acceptis extra casum propositum. Nam certum utique est, fidejussores plane non obligari qui in duriorem causam accipiuntur, extra quam si in majorem summam accepti fuerint, puta si pure spoponderint quod reus sub conditione aut in diem debebat, vel si pure reus interrogatus fidejussor cum adjectione loci acceptus sit, sive quid aliud adiectum quo conditio fidejussoris deterior fiat. Neque enim alia ratio est cur Jurisconsulti passim tam sollicite querant an & quando fidejussor in duriorem causam adhibitus videatur, quam quod eo casu quo ita acceptus est prorsus non obligetur: uti & simpliciter ubique respondent eum non obligari, d. l. 8. §. 7. cum seqq. l. 16. §. 1. ll. 34. & 49. §. 2. l. 70. §. 1. & 2. hoc tit. Accedit, quod Justinianus hoc loco omnes istas species cum ea de qua queritur comparat, & eodem jure censere videtur; maxime vero quod responsum est, fidejussorem in duriorem causam acceptum contra juris formam acceptum intelligi, d. l. 49. in fin. ut proinde nulla in parte fidejussio, quacunque ratione deterior illa sit obligatio ne principali, valere possit.

4. Nihil admodum pro contraria sententia facit lex 33. mand. Nam ut recte Gloss. & Bart. in d. l. 8. §. 7. respondent, non queritur illo loco an & quatenus creditor obligetur fidejussor acceptus in majorem summam quam reus principalis debebat; sed an & quatenus actionem mandati habeat qui in majorem summam quam rogatus erat fidejussit, propterea quod videri potest fines mandati excessisse, de quo in §. 8. Inst. inf. de mandat. Neque ullum in d. l. 33. verbum proponitur ex quo colligere possis in ampliorem summam quam quæ debebatur mandatarium intervenisse. Sed & responderi potest, dissimilem esse causam fidejussoris qui præcedit obligationem de quo in d. l. 33. agitur, & ejus qui post constitutam obligationem intervenit. Nam antecedens fidejussio in suspenso est, eamque interpretatur & pro arbitrio limitat subsequens obligatio, sic ut ad illam quidem nihil possit addere, detrahere autem de ea aliquid aut diminuere valeat. Est enim præcedens fidejussio mandato non assimilis, in quo hoc evenit, ut si, verbi causa, mandaverim tibi ut ducenta crederes Titio & tu centum tantum credideris, saltem in id quod numeratum est actionem mandati adversus te habeas; eo quod nihil à te factum est contra legem mandati, cum feceris conditionem meam meliorem, l. 22. C. mand. & ibi Salic. de fidejuss.

5. Non obstat lex 1. §. 1. de pec. const. Nam in constituto nuda tantum æquitas spectatur, multaque in eo admissa sunt quæ fidejussoris obligatio respuit: veluti quod necesse non est eum cui constitutur creditorem esse, l. 5. §. 2. d. tit. quod aliud quam quod debetur constitui potest, & quod debetur constitui in citeriorem diem, l. 1. §. 5. l. 4. eod. quorum nihil admittit fidejussio, d. l. 8. §. 6. & seq. l. 16. pr. l. 42. hoc tit. Unde apparet, à constituto ad fidejussionem firmum argumentum duci non posse.

6. Illud majoris momenti est, quod in majori summa vi ipsa & potestate inesse & minor intelligitur, l. 1. §. 4. l. 83. §. 3. de verb. obl. & quod ob hanc causam placet si quis de decem interrogatus viginti respondeat, obligationem saltem in decem contrahētam esse, quia scilicet haec tenus congruerter interrogationi responsum sit, d. l. 1. §. 4. Jam vero si majore summa promissa pro ea quantitate quæ in interrogationem deducta est, utilis est stipulatio principalis, quasi haec tenus apte responsum sit: nulla ratio dari pos-

posse videtur, cur ob eamdem causam in totum vitiari debeat accessoria fidejussoris. Resp. Non ideo dicimus in totum vitiari obligationem fidejussoris majorem summam stipulanti creditoris promittentis quam reus debet, quia in totum ad interrogationem creditoris non apte respondet; sed quia durius eum creditor obligari voluit contra naturam obligationis fidejussoriae, quae pro forma quodammodo requirit ut ne durius obligetur fidejussor quam principalis reus, l. 49. *in fin. hoc tit.* VINN. Hactenus Vinnius probasse sibi visus est, fidejussorem in duriorem causam obligatum omnino nihil debere. Quæ etiam sententia fuit Joannis Bossiani ex primis Glossographis, & postea ipsius Cujacii in *recit. ad lib. 11. resp. Papinian. in l. 9. ff. de usur.* Sed is ipse hanc sententiam deseruit in *notis secundis ad Inst. hoc §. & in recit. ad lib. 4. Jul. & Minic. in l. 33. ff. mand.* ubi fidejussorem in duriorem causam datum saltem in minorem obligari docet. Id quod sane principiis juris magis consentaneum videtur, partim ob l. 33. ff. mand. & l. 11. §. 1. ff. *de pec. const.* quibus non usquequa sati factum videtur à Vinnio, partim quia fidejussio est stipulatio, cuius ea natura est, ut qui stipulanti decem viginti promiserit, decem debeat, l. 1. §. 4. ff. *de verb. obl.* Accedit axioma illud generale, quod utile non debeat per id quod inutile est vitiari, l. 9. ff. *de usur.* l. 1. §. 4. ff. *de verb. obl.* l. 35. §. *uit.* C. *de donat.* Nec aliter Græci videntur docuisse. In Basiliceis enim in l. 8. §. 7. *de fidejuss.* & *mand.* pro *omnino non*, legimus εἰς θλως, non omnino, id est non in totam summam majorem in quam datus est. Conf. Edm. Merill. *variant.* ex Cujac. lib. 1. cap. I. 199. HEIN.

7. D. Bachov. existimat interesse utrum creditor majorem summam à fidejussore stipulatus sit quam reus debebat, an eamdem & fidejussor majorem promiserit: veluti si cum deceat reus revera deberet, creditor quoque non amplius quam decem stipulatus sit à fidejussore, & is viginti fide sua esse jusserit: illo casu in totum vitiari fidejussionem, quoniam aliter & durius fidejussorem adstringere creditor voluit; hoc casu consistere pro quantitate debita. Quæ sententia rationem habet; quoniam cum creditor nihil amplius à fidejussore stipulatur quam quantum reus debet, non potest proprie dici fidejussorem adhibitum esse in duriorem causam. Plane nunc in consulendo & judicando

sequerer sententiam posteriorem, non ob id solum quod eam æquitas commendat; sed quia pactorum & stipulationum jura confusa sunt; hodieque tam nudo pacto quam stipulatione fidejussor constitui potest, ut nulla plane nunc sit stipulationis & constituti differentia. Gomez 2. var. resol. cap. 13. n. 2. Autumn. confer. du droit. b.c.

Accessio est principalis obligationis] Hinc fit ut &c ab initio nulla sit fidejussio, si nulla subsit obligatio principalis; & ut sublatâ obligatione principali tollatur & accessoria fidejussoris, ex communi scilicet natura omnium accessionum, l. 43. *de solut.* l. 18. *de novat.* l. 178. *de reg. jur.* Deinde etiam hoc, quod hic docemur, ut etiam si subsit aliqua obligatio principalis, fidejussor tamen accipi non possit in plus quam principali obligatione continetur; siquidem quod amplius foret in obligatione fidejussoris, id esset accessio sine principali.

Nec plus in accessione] Si hoc axioma restringamus ad subjectam materiam, id est ad obligationem accessoriam, verum est in universum in iis qui pro aliis obligantur. At extra hanc causam nihil impedit quominus plus pretii in accessione quam in principali re, §. 26. *Inst. sup. de rer. div.* l. 19. §. 13. & seqq. *de aur. arg. leg.* l. 34. *de contr. ent.*

Ut minus debeant obligari possunt] Fidejussor in leviorem causam obligari potest, veluti in minorem summam quam ea sit quæ debetur; aut pro reo pure accepto, ex die vel sub conditione, d. l. 8. §. 7. *boc tit.* aut si qua alia ratione levior fiat conditio fidejussoris. Exempla in d. l. 8. §. 10. & l. 34. evd.

Non solum in quantitate] Plus non modo ex quantitate æstimatur, sed etiam ex tempore; item ex loco adjecto & causa: quod pluribus atque ex professo explicatur, §. 33. *Inst. inf. de actionibus.*

TEXTUS.

De actione fidejussoris adversus reum.

6. *Si quid autem fidejussor pro reo solverit, ejus recuperandi causa habet cum eo mandati judicium.*

L. 12. tit. 12. Part. 5.

COMMENTARIUS.

Fidejussor ejus nomine quod pro reo solvit mandati actionem cum eo habet, *l. 10. §. 11. mandat.* Sed enim hoc ita, si præcesserit mandatum, id est si rogatus à reo sit ut fidejuberet, *l. 20. §. 1. d. tit.* aut cum reus præsens esset passus sit pro se fidejuberi, vel mandari ab alio ut sibi creditur; nam & is qui præsens hoc fieri patitur manda-re intelligitur, *l. 6. §. 2. l. 18. ff. mandat. l. 6. C. eod.* Quod si vero pro reo absente quis fidejusserit, ei non potest competere actio mandati; sed si ut negotium gerens intercesserit, negotiorum gestorum dabitur, *d. l. 6. §. 2. d. l. 20. §. 1. eod.* Itaque fidejussor nunc mandati, nunc negotiorum gestorum actionem habet, *l. 4. hoc tit.* Quid si pro in-vito aut vertante donandive animo intervernerit? Placet, hoc casu ne utilē quidem actionem ei dari, *d. l. 6. §. 2. l. 40. mand.*

NOTA.

Si fidejussor Græce accipiatur.

7. Græce etiam fidejussor ita accipitur, τῇ ἐμῇ πίτει κελένῳ ἔγω. Sed οὐ si dixerit, Θέλω, sive βολουμαι, sed οὐ φύμι, pro eo erit ac si dixerit, λέγω.

COMMENTARIUS.

ETIAM Græce fidejussor accipi potest, postquam placuit non minus Græca aliave qualibet lingua quam Latina stipulationem recte fieri, *§. 1. Inst. sup. de verb. obl. l. 1. §. ult. eod.* Descriptus hic §. est ex *l. 8. proboc tit.* ubi concinnius sic legitur: *Græce fidejussor ita accipitur, τῇ ἐμῇ πίτει κελένῳ, λέ-*

γω, Θέλω, sive, βολουμαι (meæ fidei mando di-co volo). Sed οὐ si φύμι dixerit, pro eo erit, ac si dixerit λέγω. Atque ita etiam hic locus restituendus videtur. Sane τὸ λέγω præcessisse, arguit subsequens interpretatio τὸ φύμι, per idem verbum λέγω.

TEXTUS.

Si scriptum sit aliquem fidejussisse.

8. Si stipulationibus fidejussorum sciendum est hoc generaliter accipi, ut quodcumque scri-putum sit quasi actum, videatur etiam actum. Ideoque constat, si quis scriperit se fidejussisse, videri omnia solemniter acta.

COMMENTARIUS.

CUM fidejussisse aliquem scriptum est, omnia rite acta creduntur, *l. 30. de verb. obl.* Nimur ut pro instrumento præsumtio est verum esse quod in eo scriptum est, *§. 11. sup. tit. præced.* ita etiam si de re aliqua ad cuius substantiam certæ solemnitates jure requiruntur scriptum sit eam intervenisse, etsi expressum non sit solemnitates istas esse adhibitas, tamen omnia solemniter acta esse intelliguntur: veluti si scriptum sit promisisse aliquem, creditor is ad interrogationem præcedentem respondisse, *§. 16. tit. præced.* Eademque ratione si scriptum fuerit fidejussisse aliquem, præsumtur id factum adhibita à creditore præsente stipulatione; quoniam de essentia fidejussionis hoc est ut stipula-tio interveniat, *l. 5. §. 3. ff. de verb. obl. l. 12. C. hoc tit.* VINN. Hodie fidejussor citra stipulationem quibusvis verbis obligatur, *l. 2. tit. 16. lib. 5. Recop.* &c notat Gregorius Lopez gloss, *l. ad leg. 6. tit. 12. Part. 5. ADDIT.*

TITULUS XXII.

DE LITERARUM OBLIGATIONIBUS.

Cod. lib. 4. tit. 30.

TEXTUS.

Olim scripturā fiebat obligatio, quæ nominibus fieri dicebatur: quæ nomina hodie non sunt in usu. Plane si quis debere se scriperit quod si-

bi numeratum non est, de pecunia minime numerata post multum temporis exceptionem op-ponere non potest. Hoc enim sæpissime constitu-tum est. Sic fit ut οἱ hodie dum queri non potest scripturā obligetur, οὐ ex ea nascatur con-di-

dicitio, cessante scilicet verborum obligatione. Multum autem tempus in hac exceptione antea quidem ex Principalibus constitutionibus usque ad quinquennium procedebat; sed ne creditoris diutius possint suis pecuniis forsitan defraudari, per constitutionem nostram tempus coarctatum est, ut ultra biennii metas bujusmodi exceptio minime extendatur.

L. 9. tit. 1. Part. 5.

C O M M E N T A R I U S.

- 1 Cautiones & confessiones debiti inutiles.
- 2 Que cautions ad probationem tantum valent.
- 3 Cautionem pecuniae creditae post biennium valere ad obligationem, ante ne ad probacionem quidem.
- 4 Remedia ad cautionem intra biennium retractanda; & cur excipiens de pecunia non numerata levetur probatione.
- 5 Reddene obligatio hic proposita dicatur literarum, cum Veteres eam numeraverint inter eas que re contrabuntur; & alia quedam.
- 6 Obligationem que nominibus fieri dicebatur obsolevisse: qualis illa; & alia quedam.
- 7 Confessum post biennium ita scriptura obligari, ut etiamsi postea probare velit pecuniam sibi numeratam non esse non audiatur.
- 8 Quibus argumentis Bartolus & Doctores vulgo adducti dissentiant.
- 9 Confirmatio prioris oponit.
- 10 Confutantur argumenta in contrarium protulata.
- 11 A quo tempore biennium currere incipiat; & alia notabilia.

Interdum literæ ad conventionem accedentes obligationem pariunt, quæ species obligationis tertio loco posita est in divisione earum quæ nascuntur ex contractu, §. ult. Inst. sup. de obl. Literarum obligatio est, cum quis scripto alteri mutuo consensu tradito confessus est se ab eo certam summam mutuam accepisse quam non accepit, nec intra biennium confessionem retractavit.

1. Ut res hæc perfectius intelligatur partes definitionis evolvamus. Exigimus ut quis scripto confessus sit: remotis literis huic obligationi non est locus; quippe quæ aliqui non recte diceretur literarum. Ceterum nihil refert utrum quis chirographo confessus sit, an alio instrumento professionem debiti continentem, etiamsi id à tabulario confectum sit.

Gloss. in l. 3. C. de non num. pecun. Sichard. ibid. n. 8. Don. n. 12. cautio passim à nostris & prasertim in hoc arguento dicitur, l. 1. & 3. seqq. l. 8. C. d. tit. l. 47. §. ult. de part. Exigimus ut scriptum mutuo consensu traditum sit creditori; nam sine conventione nulla est ex contractu obligatio, l. 1. §. 1. de part. Exigimus professionem debiti non cuiusvis sed mutui accepti: quod ut facilius intelligi possit, sciendum est non cuiuslibet chirographi aut cautionis hanc vim esse ut contentem obliget; suat enim quedam cautions & confessiones debiti plane inutiles, quales sunt quæ causam debendi non continent, quas indiscretas vocant, cum scilicet quis confessus est se debere nulla nominatim expressa causâ propter quam debeatur, l. 25. infin. ff. de prob. l. 15. C. de non num. pec. Cap. si cautionem de fid. instr. vid. D. Andr. Gail. 2. obs. 13. Damhoud. prax. civil. cap. 175. n. 14. ubi notat in emporiis inter mercatores ex consuetudine etiam ex obligatione non causata jus reddi solere, add. Groenew. de legg. abrog. ad l. 25. §. ult. de probat. Ceteræ quæ etiam debendi causam continent utiles quidem sunt, sed non omnium una est vis idemque efficiens. Etenim harum quedam ad probacionem tantum & fidem rei gestæ valent, ad obligationem numquam; quedam vim habent obligationis, numquam probationis solius.

2. Ad solam probationem valent confessiones debiti omnes quæ non sunt de pecunia mutua. Placet hasce scripturas valere ad probationem; & merito placet, cum nihil æquius sit quam unumquemque proprio testimonio acquiescere, confessumque stare suæ confessioni, d. l. 25. infin. ff. de probat. d. l. 13. C. de non num. pec. l. 11. §. 1. de interrogat. injur. fac. Sed enim probationem tantum habent, obligationem numquam inducent. Argumento est, quod confessus ex chirographo suo conventus contra confessionem suam venire potest; placetque audierum esse, si (quæ facultas nullis terminis definitur) paratus sit ostendere se falso confessum, inique eam rem proferat idonea instrumenta; nam testes in hac probationis specie visum est admitti non debere propter metum falsi, d. l. 25. ff. & d. l. 13. C.

3. Sola cautio & confessio pecuniae creditæ & numeratae obligationem inducit; contra vero ad probationem solam numquam valet, ut ex iis quæ sequuntur perspicuum fiet. Pecuniae autem appellatione etiam ceteras res intelligimus in quibus mutuum consistit, l. 14. pr.

princ. C. de non num. pec. Postremo exigimus ut cautio emissa silentio biennii confirmata sit; non enim continuò ut quis scripto confessus est se pecuniam mutuam accepisse aut sibi numeratain esse literis obligatur; sed cautio intra biennium ex quo emissa est ne ad probationem quidem, nedum ad obligationem valet, II. 3. & 10. C. d. tit. At si intra id tempus confessionem non retractaverit, jam in eam summam quam confessus est plane obligatur, hoc text. & passim d. tit. C. de non num. pec.

4. Remedia ad retractandam intra biennium confessionem tria confitenti sunt prodita: (1) condicō sine causa, aut ob causam dati causā non secuta ad repetitionem chirographi, I. 7. C. d. tit. I. ult. C. de cond. ex leg. (2) querela seu denuntiatio & protestatio de numeratione non facta; quā denuntiatio scripto facienda ut exinde exceptionem perpetuam debitor consequatur, I. 8. & seq. I. 14. §. ult. & auth. seq. C. de non num. pec. (3) exceptio non numeratæ pecuniæ adversus creditorem intra biennium agentem, II. 3. 5. & I. 8. C. eod. quā exceptio præter naturam aliarum omnium onus probandi transfert in creditorem, d. I. 3. Ratio differentiæ significatur in lege 10. C. eod. quod facultate negandi reo concessa non debuerit ab eo exigi probatio, propterea quod negotio facti per rerum naturam directo probari non potest, I. 23. C. de probat. Ad quam rationem accedit præsumtio pro confitente ducta ex eo quod frequenter accidit, scilicet cautionem expositam fuisse ante numerationem: cuiusmodi præsumtio in ceteris causis cessat; quippe cautions pecuniæ numeratæ & chirographa plerumque traduntur ante factam numerationem & spe numerationis futuræ, qua ne frustrenetur qui pecuniā indigent nihil non facere solent ad nutum creditoris. Rebuff. ad constit. reg. de chirogr. & cedul. art. 2. n. 18. Christin. vol. 3. decis. 37. n. 1. Adjuncta est exceptioni non numeratæ pecuniæ generalis exceptio doli mali, I. 3. C. de non num. pec. vel in factum detractā doli mentione, I. 9. eod. atque his remedii confessum uti posse etiam adversus instrumentum garentiatum censet Gomez 2. resol. 6. n. 3. quamvis in contrarium proclivior sit Christin. d. decis. n. 13. Exacto vero biennio convertitur vis cautionis in contrarium, omninoque confessus qui beneficio juris usus non est necessitate solvendi adstringitur, hoc text. II. 8. & 14. C. d. tit.

Tom. II.

5. Hæc ergo obligatio recte dicitur literarum, seu ex literis nasci, siquidem post biennium non amplius quæritur an pecunia confessa numerata sit necne; sed scriptura auctoritate juris pro veritate habetur, sicut res judicata & jusjurandum, ut non tantum probet sed etiam obliget confitente. Pline Veteres nullam literarum seu scripturæ, ut causæ alicujus obligationis, mentionem faciunt; ac ne iis quidem locis ubi ex professo causas & genera obligationis recenserent, I. 1. S. 3. de pact. I. 1. §. 1. I. 52. de oblig. & att. I. 8. §. 1. de fidejuss. I. 1. de novat. sed opinor eos hanc obligationem retulisse inter eas quæ ex re nascuntur, propterea quod qui ex ea agit pecuniam quasi creditam petit & condicō tamquam ex mutuo, I. 5. de non num. pecun. & hoc text. Rectius autem ex literis hæc obligatio esse dicitur; nam etsi in cautione adjicitur causa, nempe mutui accepti, & pecunia quasi credita petitur; tamen re nequit dici quis obligatus nisi quatenus ei numeratum est, I. 2. §. 3. I. 11. §. 1. de reb. cred. ut proinde, & quoniam nulla alia subest causa obligationis præter literas seu scripturam emissam, recte dicatur literis obligatus; neque enim si sine scriptura confessus esset similiter obligaretur. Donell. ad d. I. 8. n. 34. C. de non num. pec. Gudelin. lib. 2. de jure noviss. cap. 6. Caveat autem quisque ne temere inficeretur chirographum suum aut numerationem confessam; nam mendacii convicto poenam dupli & amissionis ceterarum defensionum novissima Justiniani constitutio imponit, auth. contra qui C. d. tit. Nititur hæc obligatio civili quadam æquitate, quæ boni publici finem ac judiciorum expediendorum facilitatem maxime spectat; eademque fere ratione defenditur qua usu capio & præscriptions temporales, I. 1. de usuc. I. ult. pro suo, II. 1. & 3. C. de annal. except.

6. Quæ nominibus fieri dicebatur] Romæ olim moris fuit ut unusquisque paterfam. tabulas domi haberet, in quibus quidquid per singulos dies vel acciperet vel expenderet prescriberbat, ut Cicero in ea pro Cluent. cap. 14. demonstrat. De harum tabularum fide censores quinto quoque anno cives ad jusjurandum adigebant, teste Dionys. Halicarn. lib. 4. Atque hinc fidem in judiciis facere solebant, ut ex oratione pro Q. Roscio ostendit Hotomannus. Asconius autem Pædianus in Verrin. 3. scribit, nomina in tabulis dici consuēsse titulos seu articulos debitorum. Ita-

que nominibus obligatio contrahebatur cum in tabulis prescribatur aliquem alicui certam pecuniam debere ; neque aliud erat nomina facere quam in tabulas referre aliquid alicui deberi : quod tunc siebat cum pecunia praesens non numerabatur. Atque hinc est quod obligationes seu debita appellantur nomina. Referri autem solebat non tantum in tabulas creditoris, verum etiam in aliorum quorundam : quæ tabulæ idcirco in judicium interdum afferebantur. Latus hæc explicat & Veterum testimonii, præsertim Ciceronis, confirmat Hotomannus. Ego vero non puto hujusmodi scripturam valuisse absolute ab obligationem, sed vim dumtaxat habuisse probationis. Illud ex iis qua diximus intelligitur, non tantum hoc pertinuisse scripturam mensæ argentariae, verum etiam privatorum codicim accepti & expensi. Majorem lucem expectamus à D. Salmasio in libro quem præmanibus habet de usur s. Justinianeis. VNN. Ita quidem vulgo literarum obligationem Veteres explicant. Sed ita non quadrat descrip^{tio} Gaji lib. 2. Inst. tit. 9. §. 12. ubi literis obligatio fieri dicitur aut à re in personam, aut à persona in personam. Inde enim appetet hanc obligationem novationis speciem fuisse, & recte eam definiri à Theophilo hoc tit. τὸ παλαιὸν χειρόν οὐ καὶ δέοντος μεταχωριζόμενον πάντας καὶ γράμματα τυπίσαις. Veteris nominis in novum creditum per solemnia verba & solemnes literas transformatio. Nimur si quis mihi ex locatione vel alia causa deberet centum, egoque mallem eum ex literis obligatum habere, verba proferebat Centum aureos quos mihi ex causa locationis debes, expensos tibi tuli? simulque eadem inscribebat tabulis. Respondebat alter Expensos mibi tulisti, eademque referebat in tabulas, addito procul dubio nomine. Eo facto prior obligatio extinguebatur & nova nascebatur, quæ ex literis solis substantiam capiebat. Ita siebat literarum obligatio à re in personam. Unde facile intelligitur quo pacto à persona in personam facta sit. Plura vir cl. Ant. Schulting. jurispr. ante Just. p. 163. & nos in Antiq. Rom. hoc tit. §. 3. & 4. HEIN.

Hodie non sunt in usu] Ætate Justiniani nomina in usu non erant ; quippe translato Constantinopolim imperio consuetudo Græcorum recepta est, qui syngraphis utebantur, hoc est cautionibus utriusque contrahentis manu subscriptis atque obsignatis. Posterior tamen ætas non συγγραφας sed συμβιλα αpellavit ; Latini instrumenta & cautions, vo-

ce generali ad chirographa quoque producta: qua de re consule doctiss. Salmas. lib. de mod. usur. cap. 10.

7. *Dum queri non potest scripturâ obligetur*] Si confessus post biennium scripturâ obligatur, consequens omnino est eum necessitate rei solvenda jam adstringi, ut solutionem nullo modo evitare possit. Est enim hic certissimus obligationis effectus ut qui secundum formam juris obligatus est non aliter liberetur facto suo quam si solvat aut satisfaciat creditori, *infr. tit. Inst. quib. mod. toll. obl. l. 9. §. 3. de pign. adz.* Atque hoc etiam expresse rescriptum est in specie debiti proposita lege 8. C. de non num. pec. Quid ergo si debitör post biennium paratus sit probare pecuniam sibi numeratam non esse, an ne sic quidem audiendus erit? Accursius de quorundam Veterum sententia putat audiendum esse ; quod & Bartolo & comm. Doctoribus visum in legg. 3. & 14. C. d. tit. Gomez 2. res. 6. n. 7. Moz. de contr. tit. de mutuo n. 9. Baroni, Schneid. Bachov. Corvino in encir. hic. D. Bronchorstio 2. assert. 22. Ant. Perez in d. tit. Cod. n. 14.

8. *Moventur, quod exceptiones natura sua perpetuae sunt*, l. 5. §. ult. de dol. mal. except. & quod cum exceptione pecuniae non numeratae concurrat exceptio doli mali, l. 3. C. d. tit. quæ cum sine dubio perpetua sit, d. l. 5. §. ult. utique etiam post biennium competere beat, etiamsi cessare dicamus exceptionem non numeratae pecuniae. Adhuc non sunt admittendæ, ajunt, illicitæ exactiones, l. 6. de off. pref. Illicita vero & iniqua exactio est si reus probare volens pecuniam sibi numeratam non esse non audiatur. Postremo non potest biennii lapsus debitori adimere nisi quod prius ex biennio habuit ; at biennium solummodo tribuit debitori immunitatem probationis, l. 10. C. eod. ergo nec lapsus biennii ei amplius adimere potest.

9. *Sed procul dubio verius est debitorem nec probationem ultro offerentem post biennium audiri*. Etenim posita obligatione, id est necessitate solvendi, quæ ex literis non ex re aut numeratione nascitur : omnino consequens est eum debitorem audiendum non esse qui chirographum quidem suum seu causam obligationis agnoscit, ceterum numerationem, quæ jam huc non pertinet, intervenisse negat ; quantumvis ejus rei offerat probationem. Quod si probatio contra cautionem post biennium admitteretur, jam nec scriptura ad obligationem valeret sed tantum ad pro-
ba-

bationem; nec novum hoc esset obligationis genus quod ex literis nasceretur, sed ex re. Denique nihil haberet cautio pecuniae mutua quod non est in ceteris quæ non sunt de pecunia mutua præter immunitatem probandæ exceptionis intra biennium oppositæ: qua parte etiam major vis est ceterarum cautionum quam pecuniae creditæ, ex quibus tamen obligationem literarum non nasci inter omnes convenit. In summa, nulla esset revera literarum obligatio, nullus effectus scripturæ nisi in probatione & fide facienda, ut uni ante biennium incumberet probatio, post illud tempus alteri, & consequenter expungenda esset hæc obligatio è catalogo verarum obligationum; cum vere debitor appellari non possit qui exceptionem perpetuam habeat, *ll. 66. & 112. de reg. jur.* Loc. iuris in eamdem sententiam manifesti sunt. In *lege 10. C. de non num. pec.* traditur, querelam seu exceptionem non numeratae pecuniae definito legibus tempore non propositam evanescere: quod ad immunitatem probationis minime restringi potest. In *lege 8. C. eod. scriptum est*, eum qui cautionem exposuit, si intra biennium questus non est, omnimodo debitum solvere compelli. Idem expressum est in *lege 14. pr. C. eod.* ubi verbis disertissimis cavetur, ut post biennium nulla ullo modo querela de pecunia non numerata introducatur: ergo ne tunc quidem cum reus probationem pecuniae non numeratae in se suscipit; quomodo & Græci hoc acceperunt. Harmenop. *lib. 2. tit. repl. ἀπαργεῖς. n. 4.* ὁ λέγων ὅτι ἡ γένοντος ἀπόθυνσις, οὐ μὴ ἐτίς διετίς ἡ ἐρχόμη, ἡ διαπαγρίγνται πε-γί τετε, θεοπιανή ἔχει διαπολογίας (*Qui dicit enumerationem factam non esse, nisi intra biennium contradixerit aut id protestatus fuerit, nullo juris remedio gaudet.*) Hoc amplius in *d. l. 14. §. 3.* illud nominatim observari jubetur, ut ne liceat debitori qui questus non est post biennium creditori agenti offerre jurandum; cum tamen alias recusatio jurisjurandi judicialis adversus recusantem qui justam recusandi causam non habet pro manifesta confessione & probitione habeatur, *l. 18. de jurejur.* adeoque facilius admittenda sit jurisjurandi delatio qua auctor testis & judex in sua causa constituantur ut rem uno verbo transigere possit, quam prolixæ & adversus invitum susceptæ probationes, arg. *ll. 1. & 2. d. tit.* His accedit & textus in *lege ult. C. de cond. ex leg.* ubi nominatim caveatur, ne cautio post statutum tempus condicatur. Jam vero si cautio oblata probatione

pecuniae numerata post statutum tempus condici non potest, nulla ratio est cur exceptio pecuniae non numeratae oblata probatione admitti debeat. Postremo uno tantum modo legitimus exceptionem pecuniae non numeratae perpetuam fieri, mota scilicet intra biennium querelæ, seu facta protestatione, *d. l. 14. §. ult.*

10. Argumenta quæ in contrarium afferruntur infirmiora sunt quam ut hanc sententiam convellere possint. Nam quod exceptiones dicuntur esse perpetuae, id ad eas non pertinet quæ etiam ultro à debitore per modum actionis proponi possunt. Exceptio vero doli quæ cum illa pecuniae non numeratae concurrit non est exceptio doli specialis, quæ adversus eum à quo dolo decepti sumus ut promitteremus perpetua est; sed generalis, quæ cum aliis exceptionibus concuriens illarum naturam & conditionem semper sequitur, *l. 2. §. 5. de dol. mal. exc.* Plane si debitor dolo se inductum dicat aut vi coactum ut confiteretur, aut dicis tantum causa numerationem intervenisse, cum aliud ageretur, aliud simularetur: etiam post biennium ex his causis exceptionem eum habere, nemo est qui ambigat. *Don. ad l. 8. C. de non num. pec. Ant. Fab. Cod. suo eod. tit. defin. 2.* Porro non est iniqua exactio ubi debitum petitur; nec iniquum, si rationem civilis experitamus, eum qui proprio chirographo se debere confessus est post silentium totius bennii hanc quasi contemti beneficij juris poenam luere, ut confessioni sue literis testata omnimodo stare & confessam pecuniam solvere cogatur. Quod ad tertium contrariae opinionis argumentum responsum esto. Postremum in eos ipsos qui illud afferunt retor quebimus hoc modo. Quod biennium debitori tribuit id lapsus biennii totum adimit; at biennium debitori non solum immunitatem tribuit probationis sed maxime exceptionem non numeratae pecuniae, *l. 3. C. d. tit.* ergo lapsus biennii utrumque adimit; quod & expressum est in *ll. 8. 9. & 14. C. eod.* Hanc nostram sententiam jam olim amplexus est Joann. Fab. *bic.* aliquæ nonnulli citati à Fachin. *2. contr. 81.* eaque nunc Neotericis ferre probatur. *Duar. ad d. tit. Cod. cap. 4. Don. ad d. l. 8. n. 21. & seqq. Fachin. d. loc. Wesemb. bic. Gudelin. *lib. 2. de jur. noviss. cap. 6. Tulden. in comment. hic cap. 3.**

Cessante verborum obligatione.] Si cautio interveniret & simul interposita sit stipulatio non nasceretur quidem obligatio ex literis, sed ex stipulatu; ceterum eamdem vim & pro

reō & contra eum habebit quæ futura esset sine stipulatione, l. 9. C. de non num. pecun. §. 2. Inst. inf. de except.

11. *Ne ultra biennii metas*] Tempus intra quod exceptio pecuniæ non numeratæ opponenda antea quinquenodium fuit: pro quo Justinianus substituit biennium continuum, quod currere incipiat à tempore emissæ cautionis; ita tamen ut hæc præscriptio non currat minoribus 25. annis; & maiores qui per justam absentiam querelam movere non potuerunt adversus exceptionem amissam in integrum possint restituī, d. l. 14. C. de non num. pec. junct. l. 2. C. in quib. ca. in int. rest. nec. non est, l. 1. in fin. ex quib. ca. maj. In tempore propriañda querela seu exceptionis dotis non numeratæ, quæ species exceptionis non numeratæ pecuniæ, diversum nonnihil statutum, l. ult. & auth. seq. C. de dot. caut. non num. Datur querela & exceptio, seu replicatio potius, non numeratæ pecuniæ etiam creditori apochâ confessò pecuniā sibi solutam esse, quibuscumque ex causis soluta dicatur, sed tantum intra triginta dies, d. l. 14. §. 2. Exactoribus autem tributorum vestigalium, aliarumque publicarum functionum contra apochas factæ à collatoribus solutionis prorsus

non datur, d. l. 14. §. 1. C. de non num. pec. VINN.

Moribus nunc receptum est ut exceptio non numeratæ pecuniæ intra biennium tueatur debitorem sine probatione, & creditor qui contendit numeratam esse pecuniā actionem suam probare cogatur; post biennium vero audiatur adhuc debitor eadē exceptione utens, ceterum hac conditione ut ipse exceptionem probet secundum sententiam Accursii & aliorum quos supra allegavit auctor. Vid. Pichard. bīc. Eadē conditione auditur & creditor post triginta dies adversus apocham seu professionem pecuniæ solutæ. Ant. Fab. in suo Cod. tit. de non num. pec. defin. ult. Beneficio autem & exceptioni non numeratæ pecuniæ potest debitor renuntiare, & plerumque ita moris est in instrumentis & cautionibus: quo pacto debitor hujus exceptionis beneficio non amplius uti potest per text. exp̄. in leg. 9. tit. 1. Part. 5. ibi: *Ca entonce no se podria amparar por esta razon, si este renunciamiento atal fuese escrito en la carta.* Debitorem tamen etiamsi renuntiaverit intra biennium audiendum esse, dummodo onus probandi in se suscipiat, tradit Pichard. in summ. ad bunc tit. ADDIT.

TITULUS XXIII.

DE OBLIGATIONIBUS EX CONSENSU.

Continuatio.

Sequitur postrema obligationum ex contractu species, obligatio ex consensu; quippe quæ ex quatuor propositis adhuc superest. Habent quidem etiam ceteræ obligations quæ aut re aut verbis aut literis contrahuntur in se consensum, utpote qui communis est omnium contractuum spiritus, l. 1. §. 3. de part. sed hoc amplius requirunt ad perfectionem contractus & obligationis substantiam, ut res aut verba aut literæ cum consensu concurrant; obligationes autem de quibus deinceps dicturi sumus ex consensu esse ideo dicuntur, quia consensu solo perficiuntur & constant, nihilque desiderant præter mutuam contrahentium voluntatem. Solo consensu obligationem pariunt conventiones & contractus juris gentium quatuor, emtio-venditio, locatio-conductio, societas, mandatum: quæ singula suis titulis expli-

cabuntur. VINN. Quibus quatuor speciebus hodie quinta accedit, emphyteuticus contractus; qui cum olin inter emtionem-venditionem & locationem-conductionem fluctuaret, singularis contractus naturam sortitus est à Zenone Imp. l. 1. C. de jur. emph. HEIN.

TEXTUS.

Consensu sunt obligationes in emtionibus-venditionibus, locationibus-conductionibus, societibus, mandatis. Ideo autem istis modis obligatio dicitur consensu contrabi quia neque scripturā neque præsentia omnimodo opus est; ac nea dari quidquam necesse est ut substantiam capiat obligatio, sed sufficit eos qui negotia gerunt consentire; unde inter absentes quoque talia negotia contrahuntur, veluti per epistolam vel per nuntium. Item in his contractibus alter al-

alteri obligatur in id quod alterum alteri ex bono & aequo præstare oportet; cum alioqui in verborum obligationibus aliis stipuletur, aliis promittat.

COMMENTARIUS.

- 1 Quibus modis consensus declaretur.
- 2 Obligationum ex consensu pinguiorem esse naturam quam obligationis verborum.

Neque scripturâ] Hoc dicit ad differentiam obligationis literarum ad quam constituendam scriptura requiritur. Ceterum nec obligationes quæ re aut verbis contrahuntur magis scripturam desiderant quam ex quo consensu. Quod vero in his etiam scriptura sâpe adhibetur, id eo fit ut facilius probari possit quod actum est; non quod ad substantiam contractus obligationisve constitutionem scriptura pertineat, l. 4. de fid. instr. l. 4. de pign. Totus hic locus ad verbum descriptus est ex Gajo l. 2. de obl. & act.

Neque præsentia] Ut in conficienda stipulatione; nam quæ obligationes re aut literis contrahuntur similiter partium præsentiam non desiderant.

Ac ne dari quidquam nesse est] Ut in mutuo commodato ceterisque contractibus in quibus res tradita demum initium obligationis præbet.

1. *Sed sufficit &c. consentire]* Declaratur consensus aut certis indiciis, aut ex re factove aliquo colligitur. Indicia sunt, veluti verba, literæ, l. 2. de patt. l. 4. pro soc. item nutus; nam & nutu conveniri posse argumento est quod fideicomissa nutu relinqui possunt, quamvis non relinquuntur nisi ex voluntate, l. 21. de legat. 3. Facta intelligimus ea omnia quibus intervenientibus præcedens conventione non potest videri non placere. Exemplum hoc esto: vendidit aliquis præmium meum me præsente, nec tamen aperte consentiente; si pretium ex ea causa ac-

cepero, videbor ipse vendidisse, l. 12. de evig. Similia exempla habemus in l. 6. §. 2. l. 18. mandat.

Unde inter absentes quoque] Quoniam ad constituendam obligationem ex consensu præter conventionem & nudum contrahentium consensum nihil requiritur: ex eo colligit Justinianus cum Gajo d. l. 2. de obl. & act. hujusmodi negotia & obligationes etiam inter absentes contrahi posse, puta per epistolam aut nuntium. Est vero hoc intelligendum de nuda & simplici epistola nuntioque solo; alioqui & re contrahi obligatio per nuntium potest, veluti mutui, commodati, missa per eum pecunia aut re. Similis collectio est in l. 1. pr. mandat. l. 1. §. ult. de contr. emt.

2. *Alter alteri obligatur in id quod ex bono & aequo]* His verbis indicatur alia proprietas contractuum qui solo consensu perficiuntur, quod obligationem producant pleniorum & pinguiorem quam ea est quæ nascitur ex stipulatu: nimis quod in istis contractibus alter alteri obligetur non in id modo de quo convenit aut dictum est, sed etiam in id opne quod ex fide bona seu bono & aequo alterum alteri præstare oportet, quamvis de eo nihil cautum sit; cum ex stipulatione obligatio eatenus tantum nascatur quatenus lingua nuncupatum est, l. 99. de verb. obl. Non est vero hoc contractuum qui consensu fiunt proprium quarto modo, sed ad cetera quoque judicia bonæ fidei pertinet; nam in omnibus his placet tantum valere officium judicis ex bono & aequo quantum in stipulatione nominatim facta rei interrogatio, l. 7. de neg. gest. l. 24. depos. §. 30. Inst. infr. de action. Quamquam hoc loco & apud Gajum d. l. 2. de obl. & act. videri potest per excellentiam quamdam hæc qualitas solis tribui contractibus qui consensu perficiuntur, eademque ratione his opponi stipulatio. De natura & differentiis judiciorum bonæ fidei & stricti juris dicemus ex professo infra sub §. 28. Inst. de action.

TITULUS XXIV.

DE EMTIONE ET VENDITIONE.

Dig. lib. 18. & 19. tit. 1. Cod. lib. 4. tit. 38. & 40. Et lib. 3. for. legg. tit. 10.
Part. 5. tit. 5. Recop. lib. 5. tit. 11.

1 *Ratio ordinis. Emtionis origo & utilitas.*

2 *Emtionis definitio, cum explicatione singularium partium.*

3 *Summa hujus tituli.*

1. **E**xplicaturus ordine contractus qui solo consensu perficiuntur, ordinatur

tur ab emtione & venditione, specie hujus generis contractuum nobilissima & ad vitæ communis usum maxime necessaria, teste Paulo l. 1. hoc tit. ubi scribit, originem emendi vendendique à permutationibus cœpisse: significans, ut ipse se declarat, difficultatem permutationis & indigentiam humanaam, cui permutatione rerum ægre succurruntur, causam esse quod nummus inventus & emtio introducta sit: quod etiam docet Aristot. 5. Ethic. 5. ubi nummum ait hominum instituto factum esse ὑπάλληλα τὸ ζεῖσα succedaneum & οἷον ἐγγυεῖν, quasi sponorem futuræ indigentiae.

2. Emtio-venditio est contractus quo id agitur ut pro certa pecunia uni danda alter rem accipiat. Appellatur hic contractus emtio & venditio, quia duobus hisce factis seu partibus constat, emtione & venditione, quæ juncta unum contractum constituunt. Factum ejus à quo pecunia est emtio dicitur, ille emtor; ejus à quo res proficiuntur, venditio, ille venditor. Notandum autem est, sic has partes esse unius contractus ut tamen partes sint inter se distinctæ ac separatae, ut una non possit esse altera, aliudque semper sit emere aliud vendere, aliud emtor aliud venditor, l. 1. in fin. hoc tit. l. 1. pr. de rer. perm. Nam quod dicitur in lege 19. & seq. de act. emt. Veteres in emtione & venditione, sicut in locatione & conductione, his appellationibus promiscue usos esse: id non hoc significat, usos esse unâ pro altera, ut male meo iudicio D. Vultejus; sed usos unâ, puta vel sola appellatione emtione, vel sola venditionis ad utrumque intelligendum, indicandumque totum contractum, ut passim in hoc arguento fieri videmus: scilicet quia unum sine altero nec esse nec intelligi potest, ut est natura relatorum. Connan. 7. comm. 6. Donell. ad rubr. C. hoc tit. n. 4. Non expressi in definitione, quod plerique faciunt, emtionein esse contractum mutuæ præstationis, juris gentium, bona fidei, nominatum, consensu constantem; quoniam ex verbis definitionis satis intelligitur præter consensum ad perficiendam emtionein nihil desiderari; cetera vero insunt generi; nullus enim contractus est ex iis qui consensu fiunt, qui non sit διπλαύπος (bilateralis) bona fidei, juris gentium, nominatus; nam conventione de pignore, pactum donationis, constitutum, hac non pertinent, quia non sunt contractus. De ceteris hujus generis contractibus idem judicium esto. Res quæ traditur

in hoc contractu dicitur merx; pecunia quæ pro re datur pretium, d. l. 1. §. 1. sub fin. hoc tit. Igitur circa hæc duo consensus in emtione versatur, circa pretium & mercem: illud ut venditori detur, hæc ut tradatur emtori: ex quibus substantia emtioneis estimanda & definienda fuit.

3. Justinianus hoc titulo explicat quomodo contractus emtioneis & venditionis perficiatur, tum sine scriptura, tum etiam cum convenit ut per scripturam fieret; inde de materia, forma, fine & effectu disputat, quamquam nonnihil confuse. Postremo de rebus quarum venditio non consistit.

TEXTUS.

De emtione pura. De pretii conventione, arrhis, & scriptura.

Emtio-venditio contrabitur simul atque de pretio convenerit, quamvis nondum pretium numeratum sit, ac ne arrba quidem data fuerit; nam quod arrba nomine datur, argumentum est emtioneis-venditionis contractæ. Sed hoc quidem de emtioneis-venditionibus quæ sine scriptura consistunt obtinere oportet; nam nihil à nobis in bujusmodi emtioneis-venditionibus innovatum est. In iis autem quæ scripturæ conficiuntur, non aliter perfectam esse venditionem-emtionei constituimus, nisi & instrumenta emtioneis fuerint conscripta, vel manu propria contractabili, vel ab alio quidem scripta à contractabilibus autem subscripta; & si per tabellionem fiunt, nisi & completiones accepient & fuerint partibus absoluta. Donec enim aliquid deest ex his, & pœnitentia locus est, & potest emtor vel venditor sine pœna recedere ab emtione-venditione. Ita tamen impune recedere concedimus, nisi jam arrbarum nomine aliquid fuerit datum; hoc enim subsecuto, sive in scriptis sive sine scriptis venditio celebrata est, is qui recusat adimplere contractum, si quidem est emtor perdit quod dedit; si vero venditor duplum restituere compellitur, licet super arrbis nihil expressum sit.

LL. 6. & 7. tit. 5. Part. 5.

COMMENTARIUS.

1 Quando emtio contracta intelligatur, & quid intersit inter perfectionem contractus & summationem.

2 Re certa vendita diversam esse emtoris & venditoris præstationem, genere vendito non item.

- 3 Esse qui negent venditorem licet facultatem tradendi habeat præcise teneri rem tradere , sed præstanto id quod interest defungi.
- 4 Præcipua hujus sententia firmamenta.
- 5 Verius esse venditorem prædicto casu præcise teneri tradere.
- 6 Hujus sententie potissima fundamenta.
- 7 Respondeatur ad argumenta pro contraria opinione adducta.
- 8 Arrham dari vel ut symbolum , vel ut cedat in partem pretii ; & effecta utriusque.
- 9 Quando res in hoc contractu desinat esse integrum ; & duplex DD. error notatus.
- 10 Quando inter contrabentes actum intelligatur ut contractus in scriptis fiat.
- 11 Quando negotium quod scripturâ fieri placuit pro perfecto habeatur.
- 12 A contractu perfecto sine communi consensu recedi non posse , licet arrhae intervenerint.
- 13 Accurata contrariae opinionis confutatio.

1. UT primum de re & pretio convenit emtio perfecta intelligitur, quamvis nec res tradita , nec pretium numeratum , nec arrha data sit , l. 2. §. 1. hoc tit. l. 1. §. 2. de rer. perm. l. 8. de peric. & comm. rei vend. &c hoc text. Itaque in contractibus qui consensu perficiuntur distinguenda perfectio contractus à consummatione sive implemendo. Emtionem-venditionem perficit solus consensus de re & pretio ; consumat rei traditio & pretii numeratio , qui extremus est contrahentium finis.

2. Simil atque autem emtio perfecta est nascitur utrumque obligatio , teneturque emtor actione ex vendito ut nummos quos pretii nomine pro re vendita promisit solvat ; vendorior actione ex emto ut rem venditam tradat emtoi , tit. n. & C. de act. emt. Est vero præstatio hæc emtoris & vendororis non-nihil diversa. Emtor enim nummos quos pretii nomine præstat vendororis facere cogitur ; vendorior vero tantum vacuam rei possessionem tradere : quæ res , si vendorior dominus fuit , facit & emtorem dominum ; si non fuit, evictionis tantum nomine venditorem obligat ; neque enim cogitur vendorior dominium rei in emtorem transferre , sed satisfacit obligationi si præstet habere licere , l. 11. §. 2. l. 30. de act. emt. l. 25. §. 1. hoc tit. l. 1. de rer. perm. Hoc ideo tam varie , ut credibile est , ne usus hujus contractus impediatur. Nam etsi vendorior non præcise obligatur ad dominium rei venditæ in emtorem

transfrendum , tantumdem tamen consequitur emtor tradita rei vacuæ possessione , & evictione re evicta præstata. At vero pretii, quod in pecunia numerata constitut , nullus est usus nisi accipientis fiat. Adde quod premium non in specie sed in genere constitutur ; generis autem debitores constat non liberari nisi rem ex eo genere perfecte faciant accipientis , l. 45. §. 1. de leg. 1. l. 29. §. pen. de legat. 3. l. 58. de evict. Quam ob causam & in venditore generis idem probandum crediderim , puta si quis in genere vendidit bovem aut equum , cum Bartolo in l. 2. si cert. pet. n. 7.

3. Illud non satis expeditum est , utrum venditor si potestatem tradendi habeat rem præcise tradere teneatur , an offerendo solutionem ejus quod emtoris interest defungi possit. Joannes Bulgarus , Azo , Hugolinus (teste Saliceto in l. 4. C. de act. emt.) , censuerunt venditorem etiam tum cum facultatem tradendi habet non posse præcise compelli ut tradat , sed solvendo interesse liberari. Consentient Alciat. ad l. un. C. de sent. que pro eo quod inter. Duar. de in lit. jur. n. 22. Don. ad d. l. 4. C. de act. emt. Fachin. 2. contr. 30. Gœdd. de contr. stip. cap. 9. n. 65. & seqq. Atque eo quoque inclinant Covar. 2. var. resol. cap. 19. n. 1. Bachov. in Treutl. vol. 1. disp. 28. thes. 2. Gudelin. 3. de jur. nov. cap. 7. Christin. vol. 3. decis. 54. n. 6. & decis. 61. n. 2. item decis. 75. n. 5. ubi refert, etiam magnum senatum Mechlinensem secundum hanc sententiam sæpe pronuntiasse.

4. Firmamenta hujus sententia præcipua hæc sunt. (1) In obligationibus faciendi ita in universum jus est ut debitor liberetur solvendo id quod interest , l. 13. §. ult. de re jud. l. 72. pr. ver. Celsus de verb. obl. at talis est obligatio qua tenetur venditor , arg. l. 28. d. l. 72. eod. tit. (2) Non uno in loco traditum legimus , si res vendita non tradatur in id quod interest agi , venditorem non tradendum quanti intersit condemnari , ll. 1. & 11. §. 9. l. 12. de act. emt. l. 10. quib. mod. pign. solv. (3) Hoc amplius diserte scriptum est in lege 4. C. de act. emt. etianum venditorem quanti emtoris interest condemnandum , cum procaciâ ejus fit quominus res tradatur. Atqui nulla procaciâ nulla contumacia in eo est qui facultatem tradendi non habet. (4) Non obscure electio vendoriori tribuitur utrum contractum perficere , hoc est venditionem implere & rem tradere velit , an emtori quod interest persolvere , l. 17. C. defid. instr. Ce-

terum contraria opinio tantum non ubique in praxi recepta est, pluresque habet autores, quibus & meum calculum addo: nimurum, venditorem cui potestas tradendi sit teneri actione ex emto ut rem ipsam tradat, nec solvendo emtori id quod ejus interest oblationi satisfacere. Cyn. & Bart. in d. l. 72. de verb. obl. item Bart. & Castr. ad d. l. 1. de act. emt. Bald. in d. l. 17. C. de fid. instr. n. 14. Salic. in d. l. 4. C. de act. emt. Alex. Dec. Jas. ad l. 9. si cert. pet. ex modernis Gomez 2. resol. 10. n. 22. Oildend. class. 4. act. 1. Moz. col. 4. de natur. emt. n. 26. & seqq. Ant. Fab. 6. conject. 17. qui tamen, ut est inconstans, in alteram partem transit decis. 85. error 4. sed in Cod. suo tit. de pat. defin. 11. refert, senatum Sabaudiae secundum hanc posteriorem sententiam judicasse. Ita quoque decidunt Rot. Genuens. decid. 214. Soar. in thesib. recept. sent. lit. V. Venditor si facultatem. Pinell. in l. 1. C. de bon. matern. part. 3. n. 25.

6. Fundamenta hujus sententiæ potissima sunt: (1) Rei æquitas, cui minime convenire videtur ut emtor præcise teneatur pretium solvere vendor autem contra non teneatur rem tradere: ut emtor rei periculum sustineat, rem tamen consequi non possit; denique ut propter fraudem vendoris fidem conventionis adimplere, cum potest, recusantis, emtor probationi difficultatem ejus quod interest, quod & ad exiguum summam plerunque deducitur, l. ult. de stip. præt. adstringatur. (2) Quod responsum est, tum non posse agi ut vendor rem tradat, cum (quod multis modis accidere potest) tradendi facultatem non habet, l. 68. §. 1. hoc tit. Hinc enim à contrario recte colligitur, cum eam facultatem habet agi posse ut tradat. (3) Rescriptum Imp. in l. 6. C. de resc. vend. Unde sic recte infertur: Si emtor duplo pretii sibi oblato ab emtione recedere non cogitur; igitur nec oblata præstatione ejus quod interest, ut pote cuius estimatio in venditionibus duolum excedere non potest, l. un. C. de sent. que pro eo quod int. pref. (4) Probatur hæc sententia omnibus iis juris locis in quibus traditur venditorem oportere in primis ipsam rem præstare: obligatum esse ut præster rem habere licere: quod absque traditione possessionis fieri non potest, ll. 2. 3. & 11. §. 2. & 30. in fin. de act. emt. l. 45. in fin. hoc tit. l. 8. de evict. (5) Adhuc apertius legibus 46. & 50. de act. emt. quarum in altera scriptum est venditorem compelli rem tradere; in altera

cogi venditionem implere. Aliud autem est implere contractum, aliud id quod interest præstare, l. 17. C. de fid. instr. (6) Apertissime loco Pauli 1. sent. 13. ubi sic scribit: Si id quod emtum est neque tradatur neque mancipetur: vendor cogi potest ut tradat aut mancipet. (7) Idem confirmat texus in §. 1. hoc tit. ubi Justinianus expresse ait, emtione perfecta & premium omnimodo solvendum & rem tradendam esse; item alter in §. 2. Inst. sup. de donat. ubi eamdem traditionis necessitatem quæ incumbit venditori, ad hujus exemplum donatori quoque imponit: ut fatendum sit, aut ei qui donavit necessitatem traditionis non incumbere; aut si fatemur incumbere, fateamur & incumbere ei qui vendidit. (8) Postremo non posset vendor (si jure publico ei concessum esset rem venditam quam tradere potest non tradere, modo pati velit se condemnari in id quod emtoris interest) non tradens aut facultatem tradendi sibi adimens dici frangere, rumpere contractus fidem, ut in l. 6. C. de heredit. vend. l. 10. C. de act. emt.

7. Ad argumenta dissentientium non quæram operosas responsiones. Fefellit eos primum, quod putaverunt omnes obligationes faciendi esse ejusdem naturæ, factaque nuda & simplicia seu quæ in meritis faciendi finibus consistunt, qualia sunt, exempli gratia, Romam ire tabulam pingere insulam fieri fossam fodere, similia esse iis quæ in rei alicujus præstatione & juris possessionis translatione consistunt, quale est ejus qui tenetur ex causa venditionis rem tradere: inter quæ multum interesse alii recte docent, arg. l. 52. §. 1. de verb. obl. l. 98. §. 6. de solut. Nam prioris generis facta sunt ejusmodi quæ ut quis faciat cogi non possit sine vi & impressione; & ideo ut homini libero vis fiat, placet iā his debitorem non præcise ad faciendum quod promisit obligari, immo factum haec tenus tantum esse in obligatione, ut faciendo debitor liberetur, peti numquam possit, sed id solum quod interest; neque id statim, sed tum demum cum transierit tempus intra quod fieri potuit quod promissum est; ut hic post moram, quasi per speciem quamdam novationis, in locum prioris obligationis succedat obligatio in id quod interest, cuius jam præstandi necessitatem debitor evitare & faciendo se liberare non potest, nisi ante item contestatam, ll. 14. 72. 84. & 91. §. 3. de verb. obl. At cum res aliqua tradenda est, non tam illud agitur ut tradentis factum aliquid interveniat, quam ut in eum cui res tradi de-

debet possessio transferatur; quod si factio ejus ipsius qui ad tradendum obligatus est non fiat, judicis auctoritate poterit possessio avocari atque in eum cui res tradi debuerat transferri, per. l. 6. de rei vind. Dissimilitudo clarissimus apparebit ex paucis quæ subjiciamus. Obligationes in quibus nudi facti præstatio versatur incerta sunt, l. 75. §. 7. de verb. obl. utpote in quibus id dumtaxat quod in terest (quod vel ex ipsa prouinciatione apparet incertum esse) ita venit ut cum effetu peti possit, ut paulo ante demonstratum. Obligatio autem venditoris certa est, quia non continet nudum factum sed causam bonorum, l. 52. §. 1. d. tit. id est, certa rei præstationem cum translatione dominii aut juris usucapiendi, l. 80. §. 3. hoc tit. l. 3. 11. §. 2. & 30. §. 1. de aet. emt. Ponamus ergo rem aliquam mihi pure venditam esse: hic dubium non est quin eam ipsam rem quam emi petere à venditore possim, & vel confessim vel etiamnum post moram: ex quo porro efficitur, etiam judicem in eamdem rem venditorem victum condemnare debere, non in estimationem, ut sententia sit conformis libello, juxta l. ult. C. de fideic. libert. At ex mera faciendi obligatione nec statim agi potest, neque ad facti præstationem, licet post moram; sed in id solum quod interest, quamvis promissor faciendo ante item contestatam liberetur, l. 84. de verb. obl. Quamobrem non minus vere quam eleganter mihi scribere videtur Fayius in *suppl. ad Comann. lib. 7. cap. ult.* si factum quod in conventionem deductum est in rei alij cuius præstatione consistat, sive ad dationem dominiive aut juris alicuius translationem ordinetur: id magis pro datione quam facto habendum esse, arg. l. 52. §. 1. junct. l. 75. §. ult. de verb. obl. uti ex contrario datio ad factum ordinata pro facto magis habenda, veluti si ancilla procuratori in rem suam constituto manumittenda detur. Non obstant textus in l. 72. pr. l. 75. §. 7. de verb. obl. ubi fundum tradere cum aliis iisque puris factis conjungitur. Nam ex eo quod facta omnia in eo convenient, quod per se divisionem non recipiant, aut quod perse nude considerata incerta sint, non recte intuleris absolutam convenientiam. Deinde & causa consideranda; potest enim & qui commodato aut precastio rogat, rem sibi tradi stipulari, & à quovis possessore. Denique, & restituere factum est, & tradere ex causa donationis, dotis, permutationis &c. Secundo in eo dece-

pti sunt contrariae sententiae auctores quod existimaverunt obligationem qua tenetur vendor esse alternativam, in qua constat electionem esse debitoris, arg. l. 17. C. de fid. instr. Nam obligatio venditoris non est alternativa à principio sed successivè, ut scilicet teneatur in id quod emtoris interest si contractum implere id est rem tradere nequeat. Nam perfecto si alternativa esset, & consequenter venditoris in ea electio: non peccaret, non frangeret fidem vendor facultatem tradendi sibi adimens eamdem rem alteri vendendo. Cur igitur qui hoc facit crimen falsi committere dicitur? l. 21. ad leg. Corn. de fals. aut certe stellionatus, si non dixerit mercem liberam esse, l. 3. §. 1. stellionat. Plane si dolo aut frustratione venditoris fiat quominus res tradatur, potest emtor ultrò omissa petitione rei agere ut consequatur quod sua interest, taxandum non jurejuringando actoris in item sed arbitratu judicis: quo pertinet species legis 4. C. de aet. emt. & in hanc quoque sententiam tamdem concessit Bachov. not. in paratis. Wesemb. tit. de aet. emt. VINN. Quæ hic prolixæ admodum disputat Vinnius maximam partem vera, sed supervacua sunt. Contraria enim sententia nititur præjudicata opinione, eum qui factum nudum promittit liberari præstando id quod interest; cum tamen leges 72. de verb. obl. 13. §. ult. de re jud. 71. §. 2. ff. de cond. & dem. & 2. ff. de lib. hom. exhib. non dicant promittentis in arbitrio esse factumne an id quod interest præstare malit, sed stipulantem optionem habere factum exigere an id quod interest petere malit. Vid. Cujac. ad l. 72. ff. de verb. obl. Coras. miscell. lib. 11. cap. 3. Huber. prælect. ad Inst. hoc tit. §. 5. & quem honoris causâ nomino celeberrimus Thomasius diss. sing. an qui factum promisit libetur præstando id quod interest. H.FIN.

8. Argumentum est emtionis contractæ] Sæpe arrha nomine aliquid dari ab emtore solet; sed quod ita datur datur firmandi contractus gratia, & quo facilius probari possit convenisse de pretio, non quod sine arthrum interventu emtio non perficiatur, l. 35. pr. hoc tit. Datur autem arrha vel simpliciter ut sit argumentum dumtaxat & probatio emtionis contractæ, veluti si annullus detur; vel ut simul postea cedat in partem pretii data certa pecunia, l. 11. §. 6. de aet. emt. l. ult. de leg. commiss. Cum arrha tantum ut symbolum data est, impleta emtione, id est re tradita & pretio numerato, restituenda est

emtori ; utilisque in eam rem est actio ex emto , aut condicō sine causa , d. l. 11. §. 6. de act. emt. cum in certa pecunia, cedit in defalcationem pretii nihilque repetitur , sed reliqua pecunia re tradita exsolvenda est , d. l. ult. de leg. commiss. Utroque autem hoc casu evenit , ut si postea placuerit emtionem esse irritam , id quod arrharum nomine datum est emtor repetere possit , vel actione ex emto , vel etiam conditione sine causa , d. l. 11. §. 6. de act. emt. junct. l. 2. C. quand. lic. ab emt. disc. Et cum ergo utroque casu etiam arrhis intervenientibus solo communi consensu ab emtione recedi possit , appetet donatione arrharum neutrubi rem desinere esse integrum; constanter enim traditum est solo consensu licet mutuo ab emtione & similibus contractibus recedi non posse nisi adhuc res sit integra , l. 58. ff. de paſt. ll. 1. & 2. C. quand. lic. ab emt. disc. §. ult. Inst. inf. quib. mod. toll. obl.

9. Quando igitur res integra esse desinit ut solo consensu ab emtione recedi nequeat? Niimirum cum aliquid praestitum est eorum quæ ex natura contractus præstari debent , ut expressum est in d. l. 58 de paſt. puta si vel venditor rem aut partem rei tradiderit , vel emtorem premium aut partem pretii , dd. ll. 1. & 2. C. quand. lic. ab emt. disc. & d. §. ult. inf. quib. mob. toll. obl. Ex quibus appetet DD. vulgo duplici in errore versari : primum quod existimant , quando arrhæ dantur in nummis qui postea in premium imputentur , rem non amplius estimari integrum ; deinde , quod arrhæ data in argumentum contractus res sic integra maneat ut vel uni liceat in-vito altero ab emtione discedere , emtori cum amissione arrharum , venditori cum duplicatarum restitutione. Quod perquam absurdum est , atque in certissima juris principia impingit. Sed de eo paulo post diligentius. VENN. Duplicem hunc Doctorum errorem , si error dicendus est , confirmavit lex 7. tit. 5. Part. 5. ADDIT.

In his autem quæ scripturæ perficiuntur] Potest contractus emtionis ex voluntate & conventione partium aliam naturam adsciscere quam est ea quam ex jure communi & gentium habet , ut scilicet ad vim & constitutionem obligationis scripturam intervenire necesse sit ; cum absque tali conventione foret ut nudo & simplici consensu aut alias sine scriptura perficeretur , nam non in emtione solum sed etiam in aliis causis id usu venit , ut in permutatione , transactione , donatione

quæ non excedit 500. solidos &c. l. 17. C. de fid. instr.

10. Quando autem id inter contrahentes actum intelligatur diligenter observandum est. Etenim in scriptis contractum dicitur non quoties de negotio in conventionem deducto scriptura confecta est (quippe solent plerumque scripturæ confici non ut robur & substantiam ex iis contractibus accipiat , sed facilioris probationis gratia & ad futuram rei memoriam) , verum tunc demum cum id actum est ut non aliter contractus valeat quam si in scripturam redigatur. Id vero actum intelligitur , ut recte Placentinus & Azo , non tantum cum nominatim & expresse convenit ut non valeret contractus nisi in scripturam redactus esset ; verum etiam si simpliciter convenerit ut in scriptis contraheretur , vel , quod idem valet , si ab initio placuerit contractum in scriptis fieri ; nam & hic non obscure id agitur ut contractus non nisi scriptus valeat , neque ad hoc expressiorem conventionem requirit Justinianus in d. l. 17. C. de fid. instr. Consentit Gloss. hic Castr. in d. l. 17. Sichard. ibid. n. 3. Qua etiam ratione si partes aut in ipso actu contrahendi aut paulo ante contractum petierint ut calamus afferretur , ut accercentur notarius contrahendi & conficiendi instrumenti gratia : rem in scriptis gerri & sine scriptura nihil actum voluisse censi debent : quæ sententia etiam rebus judicatis confirmata est teste Ant. Fab. Cod. suo de testib. defin. 23. & de fid. instr. defin. 14. quamquam dissentit Salic. in d. l. 17. & non nulli alii quos allegat ; & ut causæ serviat probare videtur D. Dekher. lib. 2. dissert. 13. n. 3. At vero si , quod sepe fit , post contractum initum & conclusionem negotii instrumentum de eo conjectum fuerit , scriptus potius quam in scriptis initus contractus dicitur. Sicut nec recte quis dixerit testamenta nuncupativa quæ hodie frequentantur per scripturam fieri , licet plerumque scribantur ; quoniam ut scribantur ad substantiam eorum non pertinet , vid. sup. §. ult. Inst. de test. ord. Sed etsi in contractu ineundo convenerit ut de eo instrumentum conficeretur , ne sic quidem id actum intelligi debet ut contractus in scriptis fieret , sed potius ut sine scriptura initus perfectusque ad futuram dumtaxat rei memoriam describeretur. Quippe in dubio , si non appareat quid actum sit , credendum est ad probationem potius quam ad validitatem actus scripturam intervenisse , cum actus talis est qui sine scriptura potest subsistere , l. 4. de

de pign. l. 4. ff. de fid. instr. l. 12. C. eod. & ibi Baldus; ut jure communī magis quam speciali contrahentes usi videantur, *l. 30. de reb. auditor. jud. poss. alias l. 15. de priv. cred.* Aut. Fab. *dd. loc. DD. comm. in. d. l. 17. C. de fid. instr.* Christin. vol. 3. decis 29. n. 15. & seq. Andr. Fachin. 2. contr. 97.

11. *Nisi & instrumenta emtionis]* Quoties placet negotium scripturā confici, non antē id pro perfectō habetur, quam in scripturam redactum est instrumentumque ejus negotii rite confessū. Si privata sit scriptura, sufficit ad completionem instrumenti propria contrahentium manu id perscriptum esse; modo ne quod scriptum est pro prima scheda & deletitia in qua partes aliquid addi aut detrahi & deleri voluerint habitum sit, tum enim ad perfectionem contractus requiritur ut scheda illa in mundum redigatur. Quod si instrumentum non ab ipsis contrahentibus sed ab alia persona privata scriptum sit, id pro completo habetur cum utriusque contrahentis subscriptione confirmatum est. Si vero instrumentum sit publicum, puta conficiendum per tabellionem sive notarium, id non aliter completum intelligitur neque vires ulla habet, quam si à notario exceptum perfectumque & partibus p̄electum fuerit, atque ab ipsis approbatum, *hoc text. & d. l. 17. C. de fid. instr.* De requisitis instrumenti publici, & quæ de more inseri soleant vid. Covarr. *pratt. quest. 20. Wesemb. parat. de fid. instr.* Althus. *lib. 3. cap. 24. n. 13. seqq.* cum ibi citatis.

Donec aliquid deest p̄enitentia locus est] Cum contractum in scriptis fieri placuit, scriptura ad substantiam contractus pertinere incipit; & ideo quamdiu instrumentum perfectum non est obligatio non nascitur & nihil dum actum intelligitur; qua de causa interim etiam p̄enitentia locus est, licetque alterutri à negotio quod institutum est sine poena discedere. Ceterum hoc ita, nisi quid arrharum nomine datum sit. Quod cum factum est, placet quidem adhuc sine mutuo consensu recedi posse; sed emtorem consilium mutantem quod dedit amittere, venditorem ejus quod accepit duplum restituere, *d. l. 17. C. de fid. instr. & hoc text.*

12. *Sive in scriptis sive sine scriptis venditio celebrata sit]* Id est, celebrari cœpta sit: quam esse mentem Justiniani ex eo intelligitur, quod ante dixit p̄enitentia locum esse quamdiu aliquid deest ad perfectionem contractus. Hoc enim ipso aperte significat, cum

contractus est perfectus & nihil amplius ad constitutionem obligationis desideratur, p̄enitentia locum non esse, nec posse ullo modo unum invito altero ab eo recedere. Ex ipsa constitutione Justiniani *d. l. 17. C. de fid. instr.* id elucet clariss., verb. super facienda emtione: item, *non præcedente contractu*, item, *qui vendere pollicitus est, qui emere p̄altus est*: quæ omnia manifeste ostendunt, nec arrhis datis p̄enitentia locum esse, nisi contractu adhuc imperfecto. Putaverit autem forte aliquis hoc non convenire cum eo quod arrha dicuntur esse argumentum emtionis contracta; ex eo enim sequitur arrhas non dari nisi contractu jam perfecto. Respons. Verum est arrhas plerumque quidem contractu demum perfecto dari solere; ceterum nihil prohibet quominus & ante contractum dentur super facienda emtione ei qui vendere pollicitus est, quæ sunt verba *d. l. 17.* & in ipso actu contrahendi, quamdiu adhuc contractui aliquid deest, ut est in hoc text. neque id tantum cum in scriptis res geritur: verum etiam cum sine scriptis: neque enim statim inter partes de pretio convenit: accessionum quoque & finium definitio s̄apē tractum temporis habet, & interim aliquid arrha nomine dari potest ab eo qui de re emenda tractare cœpit, ne quis alius facile prævertat, nec venditori liceat impune recedere.

13. Concedunt omnes, si sine arrhis emtio celebrata sit, recedi à negotio sine communi consensu non posse; ceterum si arrha intervenerint, putant plerique etiam tunc locum p̄enitentia dari cum contractus jam perfectus est, & posse; adhuc ab eo discedi hac conditione; si emtor discedere volens arrhas relinquat, venditor recedens reddat duplicatas. Quod minime ferendum est. Quid enim certius hac juris sententiâ, obligationi semel constitutæ renuntiare invito adversario non licere? *l. 5. C. de obl. & att.* Atque hoc vel maxime valet in contractu emtionis venditionis, *l. 58. ff. de palt. l. 1. & 2. C. quand. lic. ab emt. disc.* usque adeo ut constitutum sit nec ex rescripto Principis ab emtione jure perfecta recedi posse, *l. 3. C. de resc. vend.* Non mutat hanc sententiam arrharum post contractum perfectum intervenitus, sed magis firmat; quoniam arrha non dantur firmandæ emtionis causa, sed confirmanda; dantur enim tunc in hoc ut sint argumentum emtionis jam contracta, *hoc text.* & *l. 35. de contr. emt.* Jam vero absurdissimum est id quod ad confirmationem contra-

Etus datur ad eversionem ejus flecti; & omnino falsum est quod pro defensione contrariæ sententia assertur, datione arrharum hoc tate agi intelligi, ut liceat alteruti ab emtione contracta recedere cum jactura arrharum aut duplicatarum restitutione. Neque Interpretis est hujusmodi tacita pacta sine auctoritate legum & contra mentem atque intentionem contrahentium introducere. Non obstat, quod is qui nominatim in rem aliquam sibi cavet aliis beneficiis & remedii renuntiare videtur, per leg. 15. §. 3. ff. de precar. l. ult. C. de pæct. conv. tam sup. dot. Id enim tunc obtinet quando quis sua cautione sibi prospexit de re aliqua in qua illi prospicit jure sine cautione privata, ut ostendunt exempla prædd. legum; locum autem non habet in pluribus cautionibus quibus quis sibi privatim prospicit; hoc enim cum sit, posterior cautio præcedentem obligationem magis confirmat, l. 4. §. 5. de re jud. l. 28. de aet. emt. Et sic etiam sit in proposito; nam qui emit, privata cautione sibi parat actionem ex emto; ac proinde nova cautione arrharum non debet videri à priore obligatione recessisse, sed eam magis voluisse confirmare. Hanc sententiam non obscure probant Joann. Fab. hic. Cyn. & Bart. in d. l. 17. C. de fid. instr. certius confirmant Oldendorp. class. 4. aet. 2. Wesemb. parat. n. 9. Don. ad d. l. 17. n. 12. & seqq. Diód. Tulden. ad tit. Cod. quand. lic. ab emt. disc. n. 2. Christin. vol. 3. decis. 70. n. 2. & consuetudine receptam testatur Busius ad l. 35. in fin. de contr. emt. Vinn. Contrariam tamen sententiam apud nos obtinere dicimus ex l. 7. tit. 5. Part. 5. & aperi- tius ex l. 2. tit. 10. lib. 5. for. legg. Adesis Gregor. Lop. ad d. l. 70. gloss. 1. ADDIT.

Qui recusat adimplere contractum] Id est, qui recusat institutam emtionem perficere, aut stare placito emtioni & venditionis futuræ: quod ex iis quæ præcedunt perspicuum est. *Adimplere* igitur hic positum pro perficere: ut contra, perficere contractum dixit pro implere; d. l. 17. circa med. Ceterum cum proprie & distincte loqui volumus, emtionem perfici dicimus solo consensu in mercem & pretium, impleri harum rerum præstatione. Illud simplicem perfectionem & constitutionem obligationis significat; hoc finem ultimum contrahentium, numerationem pretii & rei venditæ traditionem.

TEXTUS.

De pretio certo vel incerto vel in arbitrium alienum collato.

1. *Premium autem constitui oportet; nam nulla emtio sine pretio esse potest. Sed & certum esse premium debet; alioquin si inter aliquos ita convenerit ut quanti Titius rem estimaverit tanti sit emta, inter Veteres satis abundeque hoc dubitabatur, constaretne venditio an non. Sed nostra decisio ita hoc constituit, ut quoties sic composita sit venditio, Quantus ille estimaverit: sub hac conditione staret contractus, ut si quidem ille qui nominatus est premium definierit, tunc omnimodo secundum ejus estimationem & premium persolvatur, & res tradatur, & venditio ad effatum perducatur: emtore quidem ex emto actione, venditore ex vendito agente. Si autem ille qui nominatus est vel noluerit vel non potuerit premium definire, tunc pro nibilo esse venditionem, quasi nullo pretio statuto. Quod jus cum in venditionibus nobis placuerit, non est absurdum & in locationibus & in conductiionibus tradere.*

LL. I. & 9. tit. 5. Part. 5.

COMMENTARIUS.

- 1 *Emtionis substantiam ex pretio consistere; & quid inde.*
- 2 *Premium certum constitui oportere, & quando id constitutum intelligatur.*
- 3 *Emtionem non contrabi cum definitio pretii generaliter alieno arbitrio permissa est, securus si arbitrio certæ personæ.*
- 4 *Quid si res vendita sit in pretio quod duo periti à partibus eligendi constituent.*
- 5 *Arbitratoris manifestam iniuriam corrigi posse officio judicis.*
- 6 *Explicatur lex 24. in pr. locat. & alia quedam observatu digna notantur.*

1. *Q*uemadmodum sine re quæ veneat nulla emtio intelligitur, l. 8. de contr. emt. ita nec sine pretio quod vicissim præstetur emtio esse potest, l. 2. §. 1. eod. l. 1. de rer. perm. l. 72. de contr. emt. ubi Papinius ait, emtionis substantiam consistere ex pretio. Itaque non valet emtio quæ donationis causa contrahitur, ll. 36. & 38. eod. aut cum dicas causa prætextu pretii quæsito res venditur uno numero, l. 46. locat. quæ

quæ non vera sed imaginaria venditio est, l. 55. d. l. 38. de contr. emt. l. 16. de reg. jur. Plane si non id actum sit ut totum pretium condonetur, sed res viliore pretio, licet donationis causa, vendita fuerit, placet valere venditionem, extrâ quam si hujusmodi venditio facta sit inter virum & uxorem, d. l. 38. In pretio duo desiderantur: unum, ut id certum sit; alterum, ut consistuatur in pecunia numerata. De priore tractatur hoc §. de posteriore §. seq.

2. *Certum esse pretium debet*] Quamdiu pretium incertum atque indefinitum est emtio imperfecta censetur, nec ulla nascitur obligatio. Itaque si emere volenti vendor sic dicat: *Habebis rem emtam quanti postea estimabitur*, nihil adhuc actum intelligitur. Enimvero si traditio secuta sit, volunt Doctores comm. inde resultare contractum innominatum: quam sententiam probat Fachin. 2. contr. 1. Busius in l. 1. de rer. perm. contra Pinell. par. 2. rubr. de resc. vend. Gomez 2. res. 2. n. 9. Quod ego in medio relinquo. Certum duobus modis dicitur: vel simpliciter, cum ab initio certa quantitas exprimitur, vel de quo constat per relationem ad rem certam, veluti si ita dicat vendor: *quantitu emisti, quantum pretii in arca habeo*. Nam licet hic pretium in praesentia occultum sit & apud contrahentes incertum, re tamen ipsa & in veritate certum definitumque est, l. 7. §. ult. de contr. emt. Bene Justinianus, *Quæ per rerum naturam certa sunt, non morantur obligationem licet apud nos incerta sint*, §. pen. Inst. sup. de verb. obl. Quid ergo si vendor sic dixerit: *Res tibi erit emta justo pretio*, aut *eo pretio quod justum declarabitur*? Adhuc imperfectum negotium videtur: quoniam & iusti pretii modus incertus est; quippe quod constitui non potest nisi ex arbitrio boni viri, quod in mercibus una & æquabili formâ non continetur. Ita post DD. comm. Pinell. d. part. 2. n. 19. & seq. Gomez d. loc. n. 9. Surd. decis. Mant. 82. n. 14. Fach. 2. contr. 1. Assentior autem Surdo d. decis. in fin. & D. Tuldeno comm. bīc cap. 5. qui venditionem justo pretio factam valere existimant in iis mercibus quibus publice pretium constitutum est, ut sæpe panis, vini, frumenti, carnium aliarumque rerum ad victimum quotidianum pertinentium pretium magistratus definit. Hoc enim casu partes per justum pretium, non aliud quam illud ipsum quod publice determinatum est intellexisse videri possunt. Constat autem etiam illud pro cer-

to haberi quod certum evadit ex relatione ad id quod certum est. Et hinc infert Gomez d. loc. valere venditionem vini, olei, tritici & similium rerum factam eo pretio quo communiter talis res vendatur in foro publico tali die vel tempore.

3. *Inter Veteres dubitabatur*] Dubitatum olim fuit an valeret emtio definitione pretii collata in arbitrium alterius. Quidam id affirmabant, quasi res omnis in arbitrium boni viri rejecta censeri deberet; nec incertum videri cuius definitio pendeat à tali arbitrio quod uno & perpetuo tenore constat. Alii id negavere, hoc forte arguento nixi, quod pretia rerum estimatione communi non ex affectu singulorum funguntur, l. 63. ad leg. Faic. Fuere denique qui distinguendum existimabant, utrum electum esset arbitrium boni viri simpliciter, an vero nominatum arbitrium certæ personæ. Hanc questionem Justinianus hoc §. & l. ult. C. de contr. emt. ita decidit, ut si definitio pretii collata sit in arbitrium certæ personæ, puta hoc modo, *Fundus ille tibi emtus est quanti Titius estimaverit*: hac conditione staret emtio, si persona nominata pretium definiret. Quod si ille qui nominatus est vel noluerit pretium definite vel non potuerit, forte jam mortuus: tum emtio nulla sit, quasi nullo pretio constituto. Illud autem semper constituit, in arbitrium unius ex contrahentibus definitionem pretii frustra conferri, l. 35. §. 1. de contr. emt. ne scilicet in potestate ementis aut vendentis sit utrum debeant an non debeant, l. 7. in pr. ff. eod. l. 13. C. eod. l. 2 §. 3. quod cert. loc. Pinell. d. part. 2. cap. 1. n. 6. Gomez d. resol. 2. n. 16.

Quanti ille estimaverit] Arbitrator scilicet nominatum electus; nam si pretium alieno arbitrio generaliter permisum sit, placet emtione non contrahi, uti nec locationem mercede in alienum arbitrium indefinite collata, l. 25. pr. locat. veluti, *fundus tibi emtus est quanti alii estimabunt*, aut *quanti vir bonus æquum putaverit*, non facta relatione ad judicem vel certam personam, arg. d. l. ult. C. hoc tit. Pinell. d. loc. tit. n. 5.

4. Quid vero si emtio facta proponatur eo pretio quantum constituent duo peiti eligendi alter ab emtore alter à venditore? Consequens est superioribus ut dicamus emtione non valere; quoniam ne hic quidem certa persona designatur, adeoque eadem hic incertitudo est quam habet designatio justi pretii, vel pretii in arbitrium boni viri colatio; nam & hæc sic interpretaremur, ut eli-

eligeretur aliquis qui neutri improbaretur, aut ut quisque eligeret unum qui pretium statueret aut justi pretii modum. Quin fieri etiam potest ut ipsi contrahentes circa electionem peritorum dissentiant; neque enim haec peritia certum usque habet tenorem. Non obstat *lex 16. §. ult. de pign.* nam ibi negotium subsistit ex pacto pignoris. Ita pro Pinello *d. loc. n. 6.* contra Fachin. *z. controv. 1.* & sententiam communem disputat D. Tuldenus *comm. hic cap. 5.* communis tamen sententia in foro obtinet, ac consuetudine hujus saeculi potissimum inter mercatores viget. Paul. Bus. in *lege 1. n. 8. de rer. perm.*

5. Omnimodo secundum ejus estimationem. Hoc idem expressum est in ipsa constitutione Justiniani, *l. ult. C. de contr. ent.* Ergo etiamsi Titius arbitrator multo pluris aut minoris rem estimaverit quam valet, dicendum est valere contractum. Sane si arbitrium Titii tam pravum est ut manifesta ejus iniquitas appareat, consentiens ferre omnium opinio est arbitrio boni viri iniquitatem corrigi posse. Quod sic accipendum est, corrigi posse non remedio aliquo restitutorio, sed officio judicis, quod actioni bona fidei subservit, exemplo societatis. Ut enim si partibus societatis definiendis arbiter electus partes manifeste iniquas constituerit, iniquitas arbitri per judicem corrigitur, instituta actione pro socio, *l. 78. & seq. pro soc.* ita quoque si pretio declarando sumtus in contraetu emtionis aperte iniquum & nimis magnum definierit, & vendor illud petat: poterit judex ostensa iniquitate ex officio id moderari, propter clausulam, *ex bona fide.* Ita DD. comm. *bis & d. l. ult. C. de contr. ent.* Quae sententia cum sit aequitati plane consistanea, utique civiliter accipi oportet quod hic ait Justinianus, omnimodo secundum estimationem arbitratoris pretium solvendum esse, ut scilicet his verbis non excludatur officium judicis in corrigenda manifesta iniquitate, etiamsi ea dimidium justi pretii non excedat; nam ad eam quae excedit rescindendum speciale remedium competit, *l. 2. C. de resc. vend.* Inter quae hoc interest, quod officium judicis locum non habet nisi cum re adhuc integrum agitur ex emto aut vendito ad implendum contractum; nam si juxta factam estimationem res tradita sit & pretium solutum, officio judicis corrigi iniquitas non potest. Quod si ultra dimidium justi pretii alteruter latus sit, hic locus est remedio re scissoris, *d. l. 2. C. de resc. vend.* add. Ba-

chov. *comm. hic, & D. Tulden. cap. 9.*

Pro nibilo esse venditionem. Igitur in proposito non recurritur ad arbitrium alterius, tamquam electum sit arbitrium boni viri; idque etiam ante Justinianum in partibus societatis definiendis obtinuisse constat, *l. 75. pro soc.* Quin etiam Ulpianus generaliter respondet non esse recedendum a persona ejus cuius arbitrium insertum est, *l. 43. de verb. obl.*

6. Neque hic obstat, quod scriptum est in lege 24. pr. locat. si in lege locationis comprehensum sit ut alterius arbitri opus approbetur, boni viri arbitrium comprehensum videri; nam istuc non contractus aut substantialis aliqua pars contractus in arbitrium alterius confertur, sed constituta mercede pro opera, & sic contractu jam perfecto accidentale aliquid, nimurum qualitas seu approbatio operis, quod redemptor faciendum conduxit. In hujusmodi specie id actum merito intelligitur, ut arbitrium tale praestetur quale viro bono convenit, ne alteri injuria fiat; & hoc bona fides exigit. Pari de causa si quid accidentale (nam essentialia non possunt) arbitrio alterutrius est contrahentibus permisum sit, placet in viri boni arbitrium id collatum videri, ut actus sustineatur: qui frustaneus foret si persona contrahentis tantum comprehensa intelligeretur; quippe in cuius potestate sit non arbitrari, *l. 7. pr. de contr. ent. d. l. 24. locat.* In testamentis, in quibus voluntates plenius interpretamur, *l. 12. de reg. jur.* hoc perpetuum est, ut legatum in alterius arbitrium collatum in boni viri arbitrium collatum intelligatur; & sive is in cuius arbitrium collatum est arbitretur sive non arbitretur, semper utile sit, *l. 1. ff. de leg. 2. l. 3. §. r. C. comm. de legat.*

Et in locationibus. *Dicit. l. ult. C. hoc tit.* Verba pene integra constitutionis Justiniani; que & hoc §. repetuntur, ad Gajum in *l. 25. pr. locat.* appinxit Tribonianus.

TEXTUS.

In quibus pretium consistat. Differencia emtionis & permutationis.

2. Item pretium in numerata pecunia consistere debet. Nam in ceteris rebus an pretium esse posset valde quereretur: velut an homo, aut fundus, aut res, alterius rei pretium esse possit? Et Sabinus & Cassius etiam in alia reputabant pretium posse consistere: unde illud quod

quod vulgo dicebatur, permutatione rerum emtionem - venditionem contrabi; eamque speciem emtionis - venditionis vetustissimam esse; argumentoque utebantur Græco Poëta Homero, qui aliquam partem exercitus Achavorum vinum sibi comparasse ait permutatis quibusdam rebus, his verbis:

Νῆες δὲ Ἀλιμοῖο παρέσταται σῖτος ἄγκυσται:::
Εὐθείας δὲ δινέοντο καρηκούστας Αχαιοί,
Αλλοι μέν χλωφοί, ἄλλοι δὲ κύδονοι σιδήροι,
Αλλοι δὲ φύοις, ἄλλοι δὲ αὐτοῖσι βίσσοις,
Αλλοι δὲ αἰδηραπόδεσσοι.

Hoc est

*Adiecta è Lemno tunc vina fuere carinis ::::
Inde capillati sibi vina parare Pelasgi,
Ære micante alii, nitido pars altera ferro,
Pars bubulis tergis, ipsis plerique juvencis,
Pars quoque mancipiis.*

Diversæ scholæ auctores contrà sentiebant, aliudque esse existimabant permutationem rerum, aliud emtionem-venditionem; alioqui non posse rem expediri permutatis rebus, quæ videatur res venisse, & que pretii nomine data esse; nam utramque videri, & venisse & pretii nomine datam esse, rationem non pati. Sed Proculi sententia dicentis, permutationem propriam esse speciem contractus à venditione separatam merito prævaluit: cum & aliis Homericis versibus adjuvabatur & validioribus rationibus argumentabatur. Quod & anteriores Divi Principes admirerunt, & in nostris Digestis latius significatur.

COMMENTARIUS.

- 1. Summa disputationis Pauli in l. 1. hoc tit.
- 2. Pretium in alia re quam pecunia numerata constitui non posse ex sententia Proculi.
- 3. Excusantur argumenta quibus Sabinus probare conatus est permutatione rerum emtionem contrabi.
- 4. Usus pecuniae signatae perantiquum esse.
- 5. Quibus & quam validis rationibus Proculus demonstravit emtionem & permutationem plane diversa esse.
- 6. Defenditur Sabini & Cassii sententia.

1. **A**ntiquissima ratio commutandi in-
di res necessarias permutatione fuit: quæ cum
duo hæc incommoda haberet, unum quod
non semper concurrebat ut quod alter ha-

beret alter desideraret; alterum, quod est concurreret, inæqualis tamen rerum esset æstimatio: invento tandem nummo, quo res ceteræ æstimarentur & qui mensura esset omnium, his difficultatibus occursum est; cœperuntque homines res sibi necessarias comparare, pretio earum in nummis seu pecunia numerata viscissim dato: quod genus commercii emtio - venditio appellatur; & secundum Nervæ ac Proculi sententiam à permutatione multum distat. Hæc summa est disputationis Pauli in l. 1. de contr. emt. & hujus loci.

2. *In numerata pecunia*] Alterum quod in pretio desideratur est, ut illud consistat in nummis seu numerata & signata pecunia. In aliis rebus pretium non posse consistere, nec rebus utrimque intervenientibus emtionem fieri ex sententia Nervæ & Proculi pridem placuit, *boc text. l. 1. §. 1. de contr. emt. l. 1. ff. de rer. perm. l. 9. C. hoc tit. l. pen. C. de rer. perm.* Enimvero si pretium ab initio in pecunia numerata constitutum fuerit, consentienti postea venditori etiam alia res in solutum dari potest, contractu non mutato, *l. 9. C. de resc. vend.* quippe circa formam & distinctionem contractuum initium non exitum spectamus, *l. 1. §. 13. depos.*

3. *Sabinus & Cassius etiam in alia re*] Sabinus & Cassius putabant, non tantum in pecunia numerata verum etiam in quavis alia re pretium consistere posse, rerumque permutatione quoque emtionem-venditionem contrahi. Utebantur ad confirmationem sententiæ suæ hoc argumento: Si emtio - venditio jam tam in usu erat cum nondum esset nummus, nihil obstat quominus & post repertos nummos sine iis consistat &c. Assumptionem probabant auctoritate Homeri, qui lib. 7. Iliad. v. 467. 472. refert Græcos vinum ex Lemno adiectum sibi comparasse ære, ferro, tergoribus, hobus, mancipiis, utens verbo ἀντίζεσθαι, quod est τίνεις ἀντίζεσθαι vinum emere, mercari. Alium locum ejusdem Poëta, & qui magis pro hac sententia facit Paulus *lege l. §. 1. hoc tit. subministrat ex libro 1. Odyss. circa fin. v. 430.*

Τίνεις Λαίρης πρίατο κτεάτεσσι εῖσται.
id est, quam (Euricleam ancillam) olim Laïrētes emerat possessionibus suis. Nerva vero & Proculis contra disputabant, pretium non nisi in nummis posse consistere, contractumque emtionis - venditionis à permutatione multum differre, quibus etiam ceteri fere assenserunt: argumenta eorum mox videbimus. Illud Sabini & Cassii ex Homero non putabant

bant esse magni ponderis. Nam verbum *εἰρῆναι* esse ambiguum, quod pro subjecta materia & ad permutationem accommodari possit, & ideo apud Poëtam d. loc. ad permutationem potius quam ad emtionem referendum: quod etiam Paulus notat d. l. i §. 1, de contr. emt. Illa quidem,

πιστὸς κτείνεσσος εἴσοι,
Sabini opinionem magis juvant; nam verbum *πιστός* proprietate & vi sua non potest ad alium contractum quam ad emtionem referri; & tamen emtio ista sine nummis facta est, si-
ve verba Homeri sic interpretare, emit possessionibus aut facultatibus suis, id est, de suo;
sive, ut alii, emit & emtam præfecit facultati-
bus suis, ut subaudiatur prepositio *ἐπι*: quo-
niam mox subjicit Poëta, pretium datum es-
se viginti boum. Sed tamen ne hoc quidem
satis esse videtur ad probandum emtionem ibi
revera contractam fuisse; quippe cum Poëta
dum metro serviantur verborum proprietatem
sæpe negligere cogantur. Insienda semper
est rei veritas, quam si sequimur, statuen-
dum omnino videtur emtionem - venditionem
non esse nisi nummi intervenerint, etiam-
si dictum sit me fundo meo emisse fundum
tuum; & ideo Plinius lib. 33. cap. 1. ex Ho-
mero eamdem rerum permutationem referens
quæ hic memoratur improprie loqui creden-
dus est cum dicit, *Græcos vinum emitasse*
coriis boum &c.

4. Illud ex antiquis historiis adeoque ex ipsa Historia Mosis Genes. cap. 23. & 24.
cum aliquot seqq. constat, usum nummi &
signatae pecuniae antiquissimum esse, & Tro-
janis temporibus multo antiquorem. Plinius
lib. 7. cap. 26. scribit, Liberum Patrem pri-
mum instituisse emere & vendere. Qui Liber
Pater temporibus Mosis fuisse dicitur multo
ante bellum Trojanum, quamquam primus
nummorum auctor per Græciam celebratur
Phædon Eleus, qui Homero longe recentior
fuisse fertur. Strabo lib. 8.

5. Diversæ scholæ autores contrâ] Videli-
cet Nerva & Proculus. Hi negabunt pretium
rei venditæ in alia re consistere posse quam
in pecunia numerata, dicebantque emtionem-
venditionem diversam esse speciem contra-
ctus à permutatione. Sic vero illi argumen-
tabantur. In contractu emtionis - venditionis
huc perpetuo distincta esse oportet, pretium
& mercem; sicut enim aliud est emere aliud
vendere alias emtor alias venditor: ita &
aliud pretium aliud mercem esse. At in per-
mutatione uti discerni non potest uter emtor,

uter venditor sit: ita nec utra res videatur
venisse, utra pretii nomine data. Rationem
autem non pati ut dicamus, utramque & ve-
niisse & pretii nomine datam, l. i. §. 1. in
fin. de contr. emt. l. i. de rer. perm. Atque
hæc Proculi & Nervæ sententia tandem ob-
tinuit & constitutionibus Principum compro-
bata est, l. pen. C. de rer. perm. Paulus in
d. l. i. ff. de rer. perm. duas alias inter emtio-
nem & permutationem differentias notat: (1)
quod vedor non cogitur rem emtoris fa-
cere, sed sufficit ei ad evictionem se obli-
gare, possessionem tradere, & purgari de
dolo malo: itaque si evicta res non sit ni-
hil venditorem debere. At in permutatione
utrumque rem accipientis fieri debere; ideo-
que rem alienam dantem nullam contrahere
permutationem, d. l. i. pr. junct. §. 3. de rer.
perm. (2) quod in emtione ex nuda conser-
tientium voluntate obligatio nascitur; in per-
mutatione res demum tradita initium obliga-
tioni præbet, §. 2. ejusdem legis congruit lex
3. C. eod. Sed utrumque hoc est à civili jure
Romanorum.

Aliis Homericis versibus] Puto eos versus
significari quos Paul. l. i. §. 1. de contr. emt. citat
ex lib. 6. Iliad. 3. v. 25. ubi Poëta refert, Glau-
cum centum boum arma aurea permutassem
cum æreis Diomedis arma novem boum. Quo
loco utitur verbo *ἀμείβω*, quod est proprium
permutationis; eosdemque versus in hanc sen-
tentiam etiam Theophilus citat. Sed profecto
parum in utramque partem valere debet au-
ctoritas Poëtæ, quem dici potest dum metro
servire cogitur verborum proprietatem insu-
per habuisse.

6. *Validioribus rationibus]* Validissimum
illud argumentum est, quod in contractu em-
tionis res & pretium distincta esse debent:
quod nec Sabini negabat; & tamen neces-
sario inde sequi videtur pro re non posse
aliam rem ut pretium dari, sed opus esse pe-
cuniæ signata; alioqui emtionem non esse sed
alium contractum. Atque hæc quidem ita
pro Paulo, Proculique & Nervæ sententia
speciose disputantur. Ceterum, si quod res
est fateri & libere philosophari volumus,
verior est illa Sabini & Casii, qui rebus etiam
invicem permutatis rite venditionem perfici-
dixerunt, eamque esse antiquissimam emtio-
nis-venditionis speciem, quæ permutatione
rerum contrahetur. Nam & in antiquis
permutationibus, quantumvis citra nummum
fierent, utique venditor ab emtore; pretium
à merce distinguebatur; atque hoc tum ex re-
bus

bus ipsis quæ dabantur, tum ex animo & proposito contrahentium intelligi poterat. Qui animo rei sua distrahendæ permutabat erat venditor; qui alienæ habenda emtor. *Æs*, ferrum, aurum, argentum rude pro pretio erant; sed & per boves quoque rerum æstimatione fiebat. Ita apud Homerum vinum quod e Lemno in castra Achæorum advehebatur merx erat; qui advehabant venditores, Achæi autem emtores: pretium quo vinum sibi comparabant, *æs*, ferrum, bubulae pelles, boves &c. Dydimus in Homer. *οινος οινος, οινος* (*vinum comparabant, emebant*). Laertes emtor Euricleæ, pretium viginti boves. Idem Poëta arma Glauci & Diomedis pretio estimans dicit, illum *εκτιμουσα* id est: *illum centum, hunc novem bubus æstimabilia arma, hunc εκτιμουσα* habuisse. Quod si negamus permutationem Veteribus usitatam venditionis & emtionis nomine appellandam, cur hæc omnia in suis permutationibus distincta nominibus agnoscant, emtorem, venditorem, mercem, pretium, *πρᾶσιν, πρᾶσιν, φόρον*? An nulla tunc temporis mercatura, nullæ res veniales, nulli emtores aut venditores fuerunt & cur non loco pecunia signata res alia, puta æris, argenti aut ferri rudis massa, aut quid aliud quod in *αποδοται* (*in compensatione*) detur pretio fungi queat, licet ex nummi usu certius hæc distincta? Est tamen species aliqua permutationis Veteribus etiam nota, ab emtione & venditione plane diversa, & in qua nullo modo discerni potest uter emtor uter venditor sit, utrum pretium utrum merx: nimirum ubi quis non animo vendendi rem suam cum altero permutat, qui nec ipse rem alienam emtam velet, sed cum ita inciderit ut huic res alterius illius alteri placeat, si de commutando invicem convenerint: veluti si arma cum armis, chlamys cum chlamyde, fundus cum fundo forte commutentur: quod genus permutationis Græcis proprie *ἀποβολη*, Gallistroy, Batavis *rupling*, appellatur: quibus verbis emtionis & venditionis nomina minime convenient. Fusius in hanc sententiam disserit D. Salmasius lib. de usur. cap. 13, & tanto judice in hac quæstione vincit Schola Cassii & Sabini. VNN. Speciosa hæc magis quam solida. In permutatione affectio magis regnabat; in emtione ad justam æstimationem respicitur. Nimirum antequam nummus inventus esset, nullius rei certa erat æstimatio, deficiente quippe mensura communis qua omnium rerum quantitas moralis æstimaretur. Permu-

tabant itaque homines res necessarias, non quasi ejusdem pretii essent, sed quod par in utrasque caderet affectio. Et hujusmodi permutationem vel *ἀποβολη* recte Proculus emtionem-venditionem dici posse negabat, cum hic nullum esset verum pretium nulla rei æstimatio. Ast semel constituto pretio eminentia, id est nummo, etiam permutatione ira fieri potest, ut res permutandæ prius certo pretio æstimantur, & tunc res pro pretio veluti in solutum dentur: ex. gr. si mercator unus piper suum æstimet mille aureis, & alter in hoc pretium consentiat: hic porro vini quantitatem eodem pretio æstimet, & alter in illud consentiat: facta sane permutatione harum mercium dici potest emtionem-venditionem mutuam factam, & utrumque merces pro pecunia in solutum dedisse. Sed de hujusmodi permutatione non disputarunt Proculus & Sabinus. HEIN.

T E X T U S .

De periculo & commodo rei venditæ.

3. Cum autem emtio-venditio contracta sit (quod effici diximus simul atque de pretio convenerit, cum sine scriptura res agitur), periculum rei venditæ statim ad emtorem pertinet, tametsi adhuc ea res emtori tradita non sit. Itaque si homo mortuus sit vel aliqua parte corporis lœsus fuerit; aut ædes totæ vel aliqua ex parte incendio consumpta fuerint, aut fundus vi fluminis totus vel aliqua ex parte ablatus sit, sive etiam inundatione aquæ aut arboribus turbine deflectis longe minor aut posterior esse cœperit: emtoris damnum est, cui necesse est, licet rem non fuerit natus, pretium solvere. Quidquid enim sine dolo & culpa vendoris accidit, in eo vendor securus est. Sed & si post emtionem fundo aliquid per alluvionem accederit, ad emtoris commodum pertinet. Nam & commodum ejus esse debet cuius periculum est. Quod si fugerit homo qui veniit aut surreptus fuerit, ita ut neque dolor neque culpa vendoris intervenerit: animaldvertendum erit an custodiā ejus usque ad traditionem vendor suscepere. Sane enim si suscepere, ad ipsius periculumis casus pertinet; si non suscepere, securus est. Idem & in ceteris animalibus ceterisque rebus intellegimus. Utique tamen vindicationem rei & conditionem exhibere debet emtor; quia sane qui nondum rem emtori tradidit adhuc ipse dominus est. Idem etiam est de furti & de damni injuriæ actione.

L. ult. tit. 10. lib. 3. for. legg. & ll.
23. & 24. tit. 5. Part. 5.

COMMENTARIUS.

- 1 Summa juris constituti de periculo & commode rei venditæ.
- 2 Quando emtio perfecta intelligatur, ex quo de periculo & commode statuendum.
- 3 Periculi nomine plerunque quidem etiam casum fortuitum intelligi, sed non semper.
- 4 Quid si res vendita quæ pondere, numero, mensurâ constet.
- 5 Quid si vinum quod veniit degustatum sit, nondum admensum.
- 6 Conventione naturam contractus immutari posse; & quid si culpa aut mora vendoris intervenerit.
- 7 Autoritates & rationes quibus evincitur rei venditæ periculum statim ad emtorem pertinere.
- 8 Occurrit argumentis auctorum contraria sententia, & explicatur lex 33. locat.
- 9 Venditorem levis dumtaxat culpæ non etiam levissimæ nomine teneri, nisi custodiā rei in se suscepit.
- 10 Cur vindicatio rei & ceteræ actiones bīc memoratæ ante traditionem emtori non competant, sed à venditore ei præstandæ.

1. Introducitur hoc loco quæstio de periculo & commode rei venditæ & nondum traditæ, ad utrum interim utrumque pertineat, ad venditoremne an ad emtorem. Quæstio insignis & quæ separatim propriis tit. π. & C. explicari meruit. Summa juris de hac specie constituti hæc est: placet simul atque emtio perfecta est licet res nondum tradita sit, omne commodum & vicissim omne periculum atque incommodum rei quod sine facto vendoris contingit emtorem sequi. Sententia innumeris locis tradita, ll. 7. & 8. de per. & comm. rei vend. ll. 1. 4. pen. & ult. C. eod. l. 35. §. 4. de contr. emt. l. 5. §. ult. de resc. vend. cum similibus & hoc text.

2. Quamobrem necessario sciendum est, quando emtio perfecta censeatur; tunc enim sciemos cuius periculum aut commodum sit. Et quidem si pura est emtio & sine scriptura negotium geritur, statim ea perfecta intelligitur ut de pretio convenit, si in scriptis rem geri placuit, instrumento contractus rite confecto; tunc enim obligatio constituta est, à qua sine communi consensu recedere

non licet; sed hoc solum restat, ut partes fidem contractus impleant, emtor pretium persolvat vendor rem tradat, ad quod ille actione ex vendito, hic actione ex emto compelli potest, de quo uberior expicatum est in princ. hujus tit. Quod si sub conditione emtio contracta sit, tunc ea perficitur cum impleta fuerit conditio, ll. 7. & 37. de contr. emt. d. l. 8. de peric. & commod. Itaque ubi pure res venit statim periculum & commodum ad emtorem respicit; ubi sub conditione cum conditio extiterit; nam si defecerit conditio nulla est emtio; pendente autem conditione quod damnum aut commodum contingit ad venditorem pertinet, ut tamen si res adhuc extet, licet casu aliquo deterior facta, placeat hoc damnum emtoris esse. Distinctio tradita in d. l. 8. ff. de peric. & commod. rei vend. facit l. 10. eod. l. 5. C. eod.

3. Qui vero periculum dicit, is quidem plerumque etiam casum fortuitum intelligit, ll. 4. & 11. de reb. cred. l. 17. §. 1. 2. & pen. de præscr. verb. l. 12. cum 2. seqq. ff. de peric. & commod. l. 1. C. de commod. l. 9. C. de pign. att. sed non semper. Nam interdum etiam periculo nostro res esse dicitur in qua culpam præstamus, & maxime levissimam, non etiam casum improvismus, l. 13. §. 1. de lib. caus. l. 30. locat. l. 25. pro soc. l. 14. §. 16. de furt. l. 1. §. 35. depos. l. 3. pr. naut. caup. stab. & passim hæc phrases occurunt, periculum custodie subire, periculo culpæ, negligentie subjici, adstringi, illigari, l. un. §. 4. furt. adv. naut. caup. l. 39. §. 12. & l. 40. de adm. tut. d. l. 1. §. 35. depos.

4. In quæstione proposita prior significatio obtinet. In rebus quæ pondere numero mensurâ constant, veluti frumento vino oleo argento, modo ea servantur quæ in ceteris, ita ut simul atque de pretio convenerit videatur perfecta venditio; modo ut etiamsi de pretio convenerit, non tamen aliter videatur perfecta venditio (utique ratione periculi) quam si admensæ appensæ adnumeratae sint. Est vero in his rebus probata hæc distinctio, ut si omne vinum vel oleum vel frumentum vel argentum uno pretio seu aversione venierit idem juris sit quod in ceteris rebus, perfectaque emtio intelligatur statim ut de pretio convenit. Quod si hæc non uno pretio, sed ita venierint ut in singulas amphoras vini, in singulas metretas olci, in singulos medios frumenti, in singulas libras argenti certum pretium diceretur, non prius, quan-

quantum ad periculum, perfecta videatur venditio, quam res hujusmodi adnumeratae ad mensæ appensæ sint, quasi venditio sub hac conditione contracta sit: textus elegans in l. 35. §. 5. ff. de contr. emt. l. 2. C. de per. & commod. rei vend. Ergo si quod damnum rei venditæ interea contigerit, ad venditorem non ad emtorem id pertinebit, quasi imperfecta adhuc emtione, l. 1. ff. de peric. & commod. d. l. 2. C. eod.

5. Quid autem dicimus si vinum degustatum sit sed nondum admensum? Non poterit verum esse quod dici solet, plenissime videri venisse vinum cum fuerit degustatum, atque ex eo tempore periculum ad emtorem spectare, d. l. 1. de peric. & commod. Id enim tunc recte dicitur, cum singulatim emtæ sunt certæ vini amphoræ, perfectaque venditio est. Cui convenit quod Paulus ait, aliam causam esse degustandi vini, aliam metiendi; gustum enim ad id tantum proficere ut improbare liceat; mensuram vero non ut plus vel minus veneat, sed ut appareat quantum ematur, l. 34. §. 5. de contr. emt. Proinde facta etiam degustatione, cum nondum perfecta emtio est, periculum qualitatis, puta acoris aut mucoris non minus quam substantiæ spectabit ad venditorem; quippe ad quem omne damnum pertinet quod ante perfectam venditionem contingit. Plane si emtor vina degustaverit & male probaverit, jam tum forte accida aut mucida: de se queri debebit, nec eo solo praetextu quod nondum perfecta sit emtio ea improbare postea poterit quæ semel probavit, l. 15. de peric. & commod. vid. Gloss. & DD. in d. l. 35. §. 4. & 5. de contr. emt. & ad l. 1. ff. l. 2. C. de peric. & commod. rei vend. Gomez 2. variar. resol. cap. 2. n. 32. Afflct. deciss. 280. n. 4. & deciss. 399. Ant. Capuc. deciss. Neap. 14. eleganter Ant. Fab. Cod. suo de per. & commod. rei vend. defin. 1. Christin. vol. 3. deciss. 74. Atque ita quidem, ut diximus, res se habet ex natura contractus.

6. Ceterum sciendum est, naturam contractus posse immutari conventione contractum, atque effici ut & damnum quod post perfectam emtione contingit non ad emtorem sed ad venditorem pertineat; & quod ante perfectam emtione contingit, pertineat ad emtorem, ll. 1. & 10. de peric. & commod. rei vend. quippe contractus ex conventione legem accipiunt, l. 23. de reg. jur. Præterea regulam secundum quam periculum post perfectam venditionem ad emtorem respicit non

sequimur si res perierit aut deterior facta sit culpâ venditoris; sed aliam communem omnium contractuum in quibus utriusque utilitas versatur, ut dolum & culpam venditor præstet, l. 5. §. 2. commod. d. l. 23. de reg. jur. Pertinet huc species legis 12. junct. lege 14. in pr. de peric. & commod. Postremo & mora venditoris regulam mutat, facitque ut periculo rei venditæ etiam post perfectum contractum venditor subjiciatur, ll. 4. & ult. C. eod. Sed hic vires recipit regula, si postea iterum offerente venditore emtor moram fecerit in accipiendo, l. 17. d. tit. estque hoc jus commune omnium debitorum, l. 5. de reb. cred. ll. 13. & 91. §. 3. de verb. obl.

7. *Periculum rei venditæ ad emtorem statim pertinet*] Hoc constanter à Veteribus traditum est, cùm omnibus illis locis quos superius in hanc sententiam allegavimus, tum etiam pluribus aliis, ut l. 10. §. 1. l. 11. de peric. & commod. l. 2. §. 1. l. 4. §. 4. de in diem addict. l. 31. de aft. emt. l. ult. de cond. ca. dat. l. 15. de jur. dot. l. 11. §. 9. & seq. quod vi aut clam. l. 39. de solut. efficiturque etiam his rationibus: (1) quoniam casus fortuiti nullo bonæ fidei judicio præstantur, l. 6. C. de pign. aft. immo in universum nullo judicio, l. 23. de reg. jur. (2) quia ex natura contractum qui utriusque gratiâ fiunt venditor non nisi dolum & culpam in re vendita præstat, l. 5. §. 2. commod. (3) quia omnes debitores certæ rei liberantur si ea res sine culpa eorum perierit, l. 23. de verb. obl. l. 5. de reb. cred. 4) quia ad quem pertinet commodum, is secundum naturæ regulam & incommodum ferre debet. Atqui illud pertinet ad emtorem &c.

8. Objicitur tamen huic sententiæ lex 9. C. de pign. aft. ubi Impp. consulti, si res pignori data casu perierit utrius id detrimentum sit, debitoris an creditoris? Respondent pignus perire debitori, addita hac ratione, quia pignus in bonis debitoris maneat: quæ ratio hanc includit sententiam, ut necesse sit rem perire ei qui rei dominus est. Hoc autem si verum esse fatemur, cùdem ratione dicendum videtur rem venditam & nondum traditam periculo venditoris interim esse, eamque non emtori perire sed venditori, ut ipote qui rei dominus maneat usque dum tradita sit, hoc §. in fin. Respondeo, male ex d. lege 9. generaliter colligitur rem semper perire suo domino; sed hoc recte, perire suo domino si idem dominus sit & creditor in ea re; id est cui res ex obligatione restituï debet:

uti accidit in re deposita, commodata, locata, item in re pignori data. Nam qui pignus dedit is quidem habita ratione sortis debitor dicitur, sed in repetenda re pignorata creditor est. In his, inquam, omnibus recte dicuntur si res debita casu pereat, eam perire dominum: nimis quia idem est creditor qui dominus; est autem regula certi & perpetui juris, si res debita sine culpa debitoris perierit debitorem eo interitu liberari, l. 5. de reb. cred. l. 23. de verb. oblig. At ex diverso, si idem qui dominus rei est sit & debitor ejusdem rei, puta ex causa legati stipulationis aut venditionis, semper adversario res perit, domino numquam: quod efficitur ex eadem regula secundum quam creditori res perit etiamsi dominus non sit, debitori non perit quamvis idem sit dominus, dd. loc. Unus locus Africani in lege 33. locat. turbavit summos viros Cujac. tract. 8. de African. Borcholt. Vultejum hic, ut contra tot expressos textus & manifestam rationem juris patet & docuerint periculum rei venditae usque dum tradita sit ad venditorem pertinere. Ego vero nihil video apud Africanum quod hanc sententiam juvet. Ait Africanus, Si fundus venditus, prius quam vacuus traderetur publicatus fuerit, tenetur venditor ex emto ut pretium restituat. Igitur in specie illic proposita res proprie non periiit, sed venditori ablata adhuc extat. Hoc autem cum evenit tenetur venditor actiones suas emtori præstare, l. 14. pr. de furt. & in calce hujus §. Quod si nullas actiones venditor habeat, aut, ut in casu d. legis 33. culpæ sua inanes: ob hoc ipsum damnandus est, l. 35. §. 4. de contr. emt. utique ut pretium restituat, d. l. 33. Recte autem Doctores statuunt in specie Africani fundum publicatum debere intelligi ob culpam & delictum venditoris; nam ut forte injuriâ judicis id factum sit: tamen contraria præsumtio est; debetque hoc factum potius venditori novere, adversus quem sententia lata est, quam emtori, l. 51. de evict. Ceterum quoniam culpa hac non tendit directo ad impedientiam traditionem, placet haec tenet venditorem ut pretium restituat, non etiam ut id præstet si quid pluris emtoris intersit, ut fit cum res iudicio evicta est, ll. 60. & 70. de evict. Sed & si fundus usus publici gratia in specie Africani publicatus dicatur, nihilominus tamen æquum est ut venditor pretium reddat, cum eo casu à fisco iterum tantumdem accipiat. Vinn. Sed nihil horum in textu legis 33. ff. locat. exprimit Africanus. Nec

enim culpâ venditoris fundum publicatum ait, nec usus publici causâ. Rectius credideris fundum nullo venditoris merito, sola belli injuriâ publicatum, qualia exempla sunt apud Virgil. Eclog. 1. necnon in l. 11. ff. de evict. & l. 15. de rei vind. Hoc casu enim nulla nec naturalis nec civilis ratio est cur injuria venditori facta ejus personam egredi & emtori nocere debeat. Rem expedivit vir cl. Ger. Noodt. comm. ad Pand. lib. 18. tit. 6. p. 416. seq. tom. 11. op. HEIN.

Commodum ejus esse debet cuius periculum est] Secundum naturam est commoda cuiusque rei eum sequi quem sequuntur incommoda, l. 10. de reg. jur. Proinde cum omne incommodum rei venditæ quod post perfectam venditionem contingit ad emtorem pertineat, justum & æquum est ut vicius ex eo tempore commoda quoque rei omnia emtorem sequantur, l. 7. ff. de per. & commod. rei vend. l. 1. C. eod. veluti si quid postea fundo vendito accesserit per alluvionem, hoc text. & d. l. 7. item foetus pecudum, partus ancillarum, l. pen. C. de act. emt. l. 8. ff. de evict. fructus etiam jam mutari, l. 13. §. 10. l. 25. ff. de act. emt. l. 13. C. eod. mercedes ex operis aut veteris, pensiones ex locatione, d. l. 13. §. 13. de act. emt. add. Don. ad l. 1. C. de per. & comm. rei vend. Gomez 2. res. 2. n. 11. Covarr. 1. resol. 15. & Christin. vol. 3. deciss. 74.

Quod si fugerit homo &c.] Non tantum si res vendita perierit aut deterior facta sit damnum emtoris est; verum etiam si ex potestate venditoris exierit ut tradere eam non possit: veluti si fugerit homo aut aliud animal quod venit, aut res quælibet surrepta amissive fuerit. Est vero eadem hic probata distinctio quæ in casu rei corrupte aut peremptæ, videlicet ut si culpâ venditoris tale quid evenerit venditoris detrimentum sit; si culpâ venditor careat emtoris, l. 35. §. 4. de contr. emt. l. 31. de act. emt. & hoc text.

9. An custodiā ejus usque ad traditionem] In contractibus in quibus utriusque versatur utilitas, cuius generis est emtio venditio, præstatur dolus & culpa, l. 2. §. 2. comm. ac proinde etiam custodia & diligentia à venditore exigitur, non utique summa & exactissima, sed media, id est, talis qualem vulgo bonus & frugi paterfam. rebus suis adhibet: quam si præstiterit securus esse debet, d. l. 35. §. 4. hoc tit. Non obstat lex 2. in fin. aut lex 4. de peric. & commod. quia ibi tractatur de rebus quæ pondere numero mensurâ constant venditis, in quibus non semper

nudus consensus venditionem perficit, l. 1. §. 1. de contr. emt. d. 1. 35. §. 5. eod. Fusius hoc jam ante explicui. At enimvero speciali conventione arctius vendor obligari potest, puta ut praestet etiam summam diligentiam ac custodiam maiorem quam natura contractus desiderat, l. 23. de reg. jur. quod tunc etiam agi intelligitur, cum vendor custodiam rei in se suscipit, id est, cum convenit ut vendor custodiam præstet; alioquin nihil operaretur illa conventione, cum, ut jam dictum est, mediocris custodia ex natura contractus etiam citram conventionem præstetur. Itaque custodiam in proposito accipere debemus φυλακή ἀρχιθεσίαν (exactissimam) custodiam maiorem quam natura contractus desiderat: fac. l. 40. loc.

10. *Si non suscepereit securus est*] Suscepere rei venditæ custodiæ nihil vendorum excusat præter casum & vim maiorem; non suscepta excusat si sine dolo aut culpa ejus servus fugerit, res surrepta aut amissa sit, l. 35. §. 4. de contr. emt. l. 31. de aet. emt. Intellige, hactenus ut cum eo agi ex emto non possit ut rem tradat, aut solvat interesse; nam ad alia adhuc tenetur, quæ sine incommmodo suo præstare potest, ut mox audiemus.

Uique tamen vindicationem &c.] Quamvis vendor, cuius dolo aut culpæ, aut in casu custodiæ suscepta levissima negligentia nihil factum est, re amissa aut surrepta hactenus securus sit ut conveniri actione emto non possit, ut rem tradat, aut præstet interesse: nihilominus tamen tenetur ut actiones quas habet emtori cedat, atque in eum transferat, d. l. 35. §. 4. de contr. emt. l. 31. de aet. emt. l. 14. pr. l. 80. de furt. & hoc text. ubi quatuor hujus generis actiones referuntur, vindicatio rei, condicione, actio furti, & damni injuriæ dati.

Vindicationem & conditionem] Condicione intellige furtivam, quæ venditori datur cum res furto ablata est. Neutra harum actionum alii competit quam domino, ut videbimus inf. §. 1. Inst. de aet. & §. ult. de obl. quæ ex del. & hæc causa est quod emtori in proposito competere non possunt; quippe qui dominus non est, ut mox sequitur.

Aduic ipse dominus est] Vendor rei venditæ dominium retinet usque ad traditionem, d. l. 14. pr. de furt. l. 50. de rei vind. adeoque in universum ita jus est ut non nudis pactis aut contraibüs sed traditionibus dominia rerum transferantur, l. 20. C. de past. Quinimmo etsi res emtori tradita sit, dominium tamen à venditore non recedit ante-

quam ei satisfactum sit, l. 19. de contr. emt. §. 41. Inst. sup. de rer. div. ubi hoc à nobis explicatum est.

Idem est de furti & damni injuriæ aetione] Non solum condicione re vendita ante traditionem furto ablata venditori competit, sed etiam poenalis actio furti; non quod hæc actio soli domino detur, sed quia rem non emtori sed venditori surreptam proponimus; alioquin omnibus ea actio datur quorum interest rem salvam esse, si videlicet his ipsis surrepta sit. Et igitur cum hic solus vendor actionem furti habeat, eam quoque mandare emtori debet, d. l. 14. pr. l. 80. de furt. Damni injuriæ actio lege Aquilia constituta est, qua omne damnum per injuriam datum vindicatur. Hæc actio soli domino regulariter datur, & ideo venditori quoque in proposito competit & emtori cedenda est. De damno injuriæ dato agitur inf. lib. 4. Inst. tit. 3.

TEXTUS.

De emtione conditionali.

4. *Emitio tam sub conditione quam pure contrabi potest. Sub conditione, veluti, Si Stichus intra certum diem tibi placuerit erit tibi emitus aureis tot.*

L. 70. & seqq. Tauri.

COMMENTARIUS.

1 *Emissionem contractam sub hac conditione, si res emtori intra certum tempus placuerit, valere; non valere indefinite ita contractam, si emtori placebit; & cur tam varie.*

2 *De retractu conventionali & legitimo. Remissive.*

3 *In diem additio & lex commissoria quomodo transigantur.*

1. *C*ontractuum omnium hoc communitate est, ut non pure tantum sed etiam sub conditione iniri possint. At enimvero hujusmodi condicione, *Si res intra certum diem placuerit*, non temere in ullo contractu, si venditionem exceperis, occurrit in venditione autem frequens est; nemo enim facile aliquam rem emit, puta servum equum vinum sine probatione & exploratione qualitatis rei. Igitur cum res ita venit ut esset emitta tot aureis, si intra decem dies emtori placuerit, in mercem quidem & pretium consenserit.

sum est; sed obligatio conditione suspenditur: quæ conditio in arbitrium emtoris pro certo tempore confertur, ut si intra tempus definitum res ei placuerit, emtio perfecta & obligatio constituta sit; sin minus, nulla videatur obligatio fuisse. Itaque non est contrarium, quod placeat hujusmodi emtionem non valere, *Quanti voles*; vel, *Si placebit* habebis emtum, l. 35. de *contr. emt.* l. 13. C. eod. ita enim totus contractus confertur in meram & liberam nulloque tempore circumscriptram voluntatem emtoris: quod fieri non potest, ne semper in potestate sit emtoris utrum obligetur necne, l. 7. de *contr. emt.* At in casu nostro arbitrium emtoris non est perpetuum, sed conclusum intra certum tempus. Adde, quod his formulis, *Quanti voles*, *Si placebit*, in arbitrio & voluntate emtoris ponitur ipsa substantia contractus, vel quod de substantia est, quod inutiliter fieri constat, d. l. 35. §. 1. & d. l. 13. In casu autem hic proposito ubi de re & pretio jam convenit, non de substantia negotii aut parte aliqua substantiali arbitrium emtori datur, sed de rei in conventionem deducta qualitate dumtaxat, puta bonitate, colore, sapore aut similibus accidentibus, quæ cum rei probatione improbationemve arbitrio contrahentium permitti possunt, Gomez 2. var. *resol.* 2. n. 19. Porro ut sub conditione emtio potest contrahi, ita & pure sic contrahi potest ut sub conditione resolvatur: cuiusmodi conventionum exempla occurruunt sub tit. C. de *pact. int. emt.* & *vend.* Hujus generis conventio est, cum ea legre res emitur ut si intra certum tempus displicerit licet reddere, l. 3. de *contr. emt.* l. 6. C. de *resc. vend.* l. 4. C. de *adil edit.* adeoque valet etiam conventio ut in perpetuum redditio fiat; quippe qua conventione non perfectio contractus à voluntate suspenditur emtoris, sed resolutio, l. 31. §. 22. de *adil. edit.* Gomez d. loc. & n. in fin.

2. Eiusdem generis est & pactum de retrivendendo, ut venditori hereditate ejus quæcumque vel intra certum tempus premium referenti res vendita restituatur, l. 2. C. de *pact. int. emt.* & *vend.* & ibi DD. Estque hoc pactum, seu potius jus eo pacto quasi-tum, quod nunc vulgo retractus conventionalis dicitur: nimur ad differentiam retractus gentilitii seu legitimi, cuius olim vix usus nunc frequens. De utroque retractu ex professo scripsit vir *Jurisconsultissimus D. Andr. Tiraquellus. VNN.* De legitimo retractu, quibus apud nos personis competat,

in quas res, & quibus in locis, disserit Gomez ad leg. 70. & seqq Tauri, & passim scribentes ad dict. leges Tauri & ad tit. 11. lib. 5. Recop. ADDIT.

3. Duæ conventiones ex hoc genere præcipue celebrantur, propriisque explicantur tit. in π. additio in diem, & lex commissoria. Additio in diem his verbis transiguntur: *Ille fundus centum esto tibi emtus, nisi quis intra Calendas Januarias proximas meliorem conditionem fecerit quo res à domino abeat*, l. 1. & passim de *in diem add.* Lex commissoria est, cum quid ita venditur ut si ad diem premium solutum non fuerit res sit in emta, l. 2. & pass. de *leg. comm.* Utroque isto modo pure contrahitur emtio, & resolvitur sub conditione, nisi aliud diserte placuerit: veluti si in addictione id factum est ut perficeretur emtio nisi melior conditio offeratur; tunc enim emtio conditionalis est, l. 2. de *in diem add.* ll. 1. & 2. de *leg. comm.* Sed de his opulentius, favente Numine, tractatu proprio.

TEXTUS.

De emtione rei quæ non est in commercio.

5. *Loca sacra vel religiosa, item publica (veluti forum, basilicam), frustra quis sciens emit; que tamen si pro profanis vel privatis deceptus à venditore quis emerit, habebit actionem ex emto, quod non habere ei liceat, ut consequatur quod sua interest eum deceptum non esse. Idem juris est si hominem liberum pro servo emerit.*

L. 15. tit. 5. Part. 5.

COMMENTARIUS.

1. *Quarum rerum venditio recte fiat, aut secus.*

2. *Quid juris si uterque aut alteruter qualitatem rei ignoraverit.*

SINE RE QUÆ VENEAT EMTIO INTELLIGI NON POTEST, l. 8. de *contr. emt.* RES HÆC UT PLURIMUM CERTA EST; NONNUMQUAM TAMEN & INCERTA, UT CUM FRUCTUS FUTURI AUT FRUMENTA IN HERBIS EMUNTUR, d. l. 8. l. 78. §. ult. eod. CUI NON ABSIMILIS EST QUASI ALEX EMTIO, VELUTI CUM CAPTUS PISCUM, VEL AVIUM, VEL FERARUM IN VENATIONE EMITUR: IN QUO GENERE QUOD CAPITUR EMTORIS COMMODUM EST, ETIAMSI DECUPLU-

pluris sit quam pretium constitutum; si nihil indicerit, emtor pretium constitutum nihilo minus præstare cogitur, quia spei emtio est, d.l. 8. §. 1. de contr. emt. l. 12. de act. emt.

1. Omnim autem rerum quas quis habere vel possidere vel persequi potest venditio recte fit, quas vero natura vel gentium jus vel mores civitatis commercio exemerunt, earum rerum nulla venditio est, l. 34. §. 1. de contr. emt. Ratio perspicua est, quoniam in venditione hoc agitur ut dominium transferatur, l. 80. §. ult. eod. & utique saltem ad hoc obligatur vendor ut præstet rem habere licere, atque ut usucapiendi conditionem in emtorem transferat, quorum nihil in res commercio exemptas cadit. Est autem hic quoque locus omnium contractuum communis; nam quæ commercio exempta sunt, in obligationem non magis recte deducuntur, quam quæ non sunt in rerum natura nec esse possunt, §. 2. Inst. sup. de inut. stip.

2. *Frustra quis sciens emit*] Si uterque contrahentium qualitatem rei non ignoret, aut si solus emtor sciat rem quæ venit non esse in commercio, emtio plane nulla est, ll. 6. 34. §. 2. & 70. de contr. emt. Sed & talis emtio liberi hominis improbata est, cum servus erit, quamvis enim res futura emi possunt, tamen fas non est hujusmodi casus spectari, d.l. 34. §. 2. vid. sup. d. §. 2. de inut. stip. Illud queritur, an si emtor sciverit qualitatem rei, vendori ignoraverit, pretium solutum condi ci possit? Bartolus in lege 46. de fidejuss. putat condici posse, arg. l. 11. §. ult. de act. emt.

quod etiam placet Gomez 2. resol. n. 50. contra Angel. & Fabian. de Monte. Quid juris sit si res vendita aut pars ejus sit consumta, puta domus vel tota vel ex parte combusta, docet Jurisconsultus in lege 57. per tot. de contr. emt.

Deceptor à venditore &c.] Si locus sacer, religiosus, publicus, aliave res cujus commercium non est, pro profana aut privata ignorantie vendatur, placet emtionem contrahi, l. 4. eod. sive vendor quoque conditionem rei ignoret, sive ille sciat, emtor ignoret solus, l. 70. eod. Ceterum explicandum hoc est ex Modestino in lege 62. §. 1. eod. & hoc text. nimur in proposito non ita tenere emtionem ut res ipsa debeatur, aut emtor possit agere ex emto ut eam habere tene re licet, cum res quæ extra commercium est haberri possideri nequeat; sed haec tenus tantum ut si vendor sciverit qualitatem rei, emtor ignorans possit adversus venditorem ex emto experiri, ut consequatur quod sua interest deceptum non esse; ut perinde hic ex dolo suo vendor obligetur ac si rem quæ in commercio sit vendidisset, doloque fecisset quominus eam tradere possit; neque enim actio de dolo hic desideratur, cum sufficiat ex emto; quippe qua cum res ipsa præstari nequit, emtor in id quod sua interest experiri potest, ll. 1. & 11. §. 9. de act. emt. Quod si nec vendor qualitatem rei sciverit, æcum est haec tenus saltem eum teneri ut pretium quod accipit restituat, arg. d.l. 11. §. ult. de act. emt. l. 33. locat.

TITULUS XXV.

DE LOCATIONE ET CONDUCTIO NE.

Dig. lib. 19. tit. 2. Cod. lib. 4. tit. 65. & lib. 11. tit. 70. Et Part. 5. tit. 8.

Continuatio. Quid sit locatio in quibus differat ab emtione. Quotuplex sit; tum quæ res aut facta locationem recipient.

Secunda species contractum qui solo consensu perficiuntur est locatio-conductio. Habet hic contractus magnam affinitatem cum emtione venditione; ac penne totus hic titulus consumitur in explicandis utriusque contractus similitudinibus & differentiis. Locatio-conductio est contractus quod id agitur ut pro usu alicujus rei aut ope-

ra personæ certa merces præstetur. Itaque inter emtionem & locationem hæc differentia est & quidem principalis, quod in emtione id agitur ut dominium transferatur, id est ut res tota cum omni jure ad emtorem transeat; in locatione ut dumtaxat usus rei concedatur conductori. Ex quo porro & altera nascitur, quod emtio titulus perpetuus esse

esse solet, locatio temporalis. Quinimum non dominium modo apud locatorem remanet, l. 39. hoc tit. verum etiam possessio; & conductor tantum in possessione esse & rem detinere dicitur, §. 5. Inst. infr. de interd. l. 9. de rei vind. l. 3. §. 12. l. 9. de adq. poss. passim & alibi. Unde constitutum est ut si conductor finito tempore conditionis pertinaciter recusat rem conductam restituere, moras usque ad definitivam sententiam necens, tamquam invasor rei alienæ condemnetur & ad rem ipsam restituendam, & insuper ad præstandom rei estimationem, l. pen. C. hoc tit. quod an praxis horum temporum observet postea videbimus. Ostendit definitio duo esse genera locationis, rerum unam, alteram operarum seu factorum. Locari possunt res omnes quæ in commercio sunt, tam mobiles quam soli, etiam incorporeas, ut ususfructus & habitatione, §. 1. C. 5. Inst. sup. de usu & habit. servitutis tamen prædii nulla locatio est, l. 44. hoc tit. Alienæ quoque rei locationem valere placet, sed haec tenus ut conductori ignorantia locator obligetur in id quod interest si dominus conductorum frui non patiatur, l. 7. C. 15. §. pen. eod. Facta non omnia locationem recipiunt, sed ea solum quæ mercede estimari possunt & solent: qualia sunt, exempli causa, tabulam pingere, insulam ædificare, aliquem aliquo vehere, l. 5. §. 2. de prescr. verb. At, verbi causa, servum manumittere tale factum non est quod mercede estimetur; & ideo si tibi decem deni ut servum manumittas non est locatio; d. l. 5. §. 2. cui accedit quod, contra finem hujus contractus, nulla ex hoc tuo facto utilitas ad merredit; ac proinde aliud est si rem tuam pignori pro me obligaveris certa mercede accepta aut promissa, l. 19. §. 1. de prescr. verb. Operæ agrimensoris beneficium reputatur, & quod rependitur non merces sed remuneratio & honorarium: & ideo Veteres crediderunt cum tali persona locationem-conductiōnem non esse, l. 1. si mens. fals. mod. dix. De opera advocati, medici, ceterisque qui ingenio, eloquio, fide, gratiâ operam nobis navant, idem statuendum.

TEXTUS.

Collatio emtionis & locationis.
De mercedis conventione.

Locatio-conductio proxima est emtione-venditioni, iisque juris regulis consistit. Nam ut em-

tio-venditio ita contrahitur si de pretio conveniret; sic & locatio-conductio ita contrahi intelligitur si merces constituta sit. Et competit locatori quidem locati actio, conductori vero conducti.

L. I. tit. 8. Part. 5.

COMMENTARIUS.

1 *Communia emtionis & locationis.*

2 *In locatione operarum diverso respectu eundem & locatorem dici & conductorum.*

1. **L**ocatione-conductio finita est emtioni-venditioni, iisdemque fere juris regulis continetur, l. 2. hoc tit. Nam ut sine re quæ veneat nulla est emtio, ita sine re aut opera quæ locatur nulla intelligitur locatio: ut emtio solo communis consensu de re & pretio interveniente perficitur, ita locatio perfecta habetur si de usu rei & mercede convenerit (merces respondet pretio, facultas utendi rei dominio): quemadmodum pretium rei venditæ certum esse debet saltem per relationem, ita & merces locationis: sicut pretium emtionis in pecunia numerata consistit, ita & merces rei aut opera conductæ: ut nulla venditio est quæ donationis causâ fit, aut cum dicis gratiâ res venditur uno nummo, ita nec ulla conductio est quæ donationis instar inducit, l. 45. hoc tit. Ut illic ita etiam hic ex bona fide omnia exquiruntur; nec dubitandum est quin beneficio legis 2. C. deresc. vend. etiam locus sit in locatione-conductiōne. DD. comm. in d. lege 2. Denique interdum propter similitudinem vix emtio & locatio internosci possunt. Quæ omnia certius postea intelligentur.

Si merces constituta sit] Duplex hic indicatur convenientia locationis-conductiōnis cum emtione-venditione. Prima est, quod convenientia causa efficiente, id est quod nulla consentientium voluntate contrahuntur, nec aut literæ aut rei alicujus præstatio ad constitutandam obligationem desideratur, l. 1. hoc tit. Altera, quod ex parte convenientia in materia; nam ut in emtione pretium constitui oportet, ita in locatione mercedem: inter quæ non alia differentia est, quam quod estimatio totius rei quæ fit in emtione pretium dicitur; estimatio usus rei quæ in locatione fit merces: quæ tamen quoniam nihil aliud est quam pretium usus, & ipsa sape pretium appellatur, l. 28. §. 2. l. 51. §. 1. l. 58. pr. hoc

hoc tit. l. ult. §. ult. de leg. Rhod. l. 10. in fin. de adq. poss. In locatione rerum immobilium etiam speciale nomen habet, & pensio diciatur, l. 15. §. 4. l. 19. §. 1. & 6. l. 54. hoc tit. Utrum autem ut pretium rei venditæ ita & merces locationis in pecunia numerata consistere debeat, an in aliis quoque rebus consistere possit dicam inferius sub §. 2. hoc tit.

Locatori locati actio, conductori conducti] Uti in emtione simul atque de pretio convenit emtori actio ex emto, venditori ex vendito competit, directa utrinque: ita in locatione simul atque de mercede pro usu & opera convenit, competit locatori actio locati, conductori conducti, ambæ directæ. In contractu emtionis facile discerni potest uter emtor, uter vendor sit. In contractu autem locationis interdum dubites, uter locator, uter conductor dicendus. In locatione rerum res certa est; nam is semper hic locator est & dicitur qui rem utendam dat; conductor qui utendam accipit & mercedem præstat.

2. At in locatione operarum non tam facile id dignosci potest. Interdum enim qui operas præstat & mercedem accipit locator dicitur; is cui præstantur opera & qui mercedem dat conductor, l. 19. §. pen. l. 22. §. 2. l. 38. hoc tit. l. 1. de æstim. att. Interdum contrà locator is dicitur cui mercedem danti opera præstantur, conductor qui accepta mercede operam præstat, l. 11. §. pen. l. 13. §. 1. 2. & 3. d. l. 19. §. 7. d. l. 22. §. 2. l. 25. §. pen. & passim hoc tit. Sed dicendum est in hac specie locationis diverso respectu eundem & locatorem & conductorum videri. Nam qui operam locare dicitur, ille idem dicitur conducere opus faciendum; & ex contrario, qui operam dicitur conducere, idem dicitur locare aliquid faciendum; ut conductor operis idem sit opera locator; & locator operis idem conductor: quam distinctionem subministrat d. lex 22. §. 2. hoc tit. & d. lex 1. de æstim. att. Per opus autem intelligo quemvis fructum opera, ex. gr. si quis se erudiendum locet magistro aut artifici, vel vehendum aurigæ. Edium conductor specialiter inquilinus, agri colonus, operis redemptor, vestigialis publicanus vel manceps Veteribus dicitur. VENN. Szpe quis locator quisve conductor sit ex eo judicandum à quo contractus incipiat; quippe qui locare dicitur, vid. l. 19. §. 9. junct. l. 22. ff. hoc tit. Cujac. observ. lib. 2. cap. 28. Si ne sic quidem res ad liquidum perduci potest, action-

ne præscriptis verbis experiendum, l. 1. §. 1. ff. de præscr. verb. HEIN.

TEXTUS.

De mercede collata in arbitrium alienum.

1. *Et quæ supra diximus, si alieno arbitrio pretium permisum fuerit, eadem & de locatione-conductione dicta esse intelligimus, si alieno arbitrio merces permisa fuerit. Quia de causa si fulloni polienda curandave, aut sarcinatori sarcinda vestimenta quis dederit, nulla statim mercede constituta, sed postea tantum daturus quantum inter eos convenerit: non proprie locatio conductio contrabi intelligitur, sed eo nomine actio præscriptis verbis datur.*

L. I. tit. 8. Part. 5.

NOTÆ.

1. *Fulloni polienda]* Gloss. vet. λελύμενα, καντρία. Officium fullonis est polire, curare, lavare, l. 31. hoc tit. l. 48. §. 4. l. 82. de furt. l. 2. de cond. sin.ca. Plin. lib. 37. cap. 17.

Non proprie locatio] Sed novum negotium à locatione separatum proprium nomen non habens; & ideo hic recurrentum ad actionem præscriptis verbis, ll. 1. 2. & 3. junct. l. 22. de præscr. verb.

COMMENTARIUS.

1 *Actio præscriptis verbis unde dicta.*

*S*I alieno arbitrio pretium] Ematio & locatio in hoc quoque convenient, quod uti in illa pretium, ita in hac merces in arbitrium certa personæ, puta L. Titii, conferri potest: hoc scilicet effectu, ut si quidem Titius mercedem definiverit contractus ratus habeatur; sin minus nullius momenti sit, l. 25. pr. ff. hoc tit. l. ult. C. de contr. emt. Huc accommodanda sunt quæ notavimus sub §. 1. præc. tit.

Nulla statim mercede constituta] Quemadmodum ad contrahendam emtionem opus est ut pretium statim seu initio contractus constituantur, & quidem certum saltem per relationem: ita quoque ad contrahendam locationem necesse est ut protinus constituantur certa merces; mercede initio non constituta quasi deficiente parte hujus contractus essentiali in aliud negotium res incidit. Et si

quidem gratis usus rei concedatur, commodatum est; si gratis suscipiatur opera, mandati obligatio; si neutrum gratis fiat sed ex mercere quæ postea constituerit, contractus innominatus, *Facio ut des.* Et ideo præscriptis verbis agendum est, l. 22. de præscr. verb. §. 2. in fin. *Instr. sup. quib. mod. re contr. obl. §. ult. infr. de mand.*

1. *Actio præscriptis verbis]* Ad quam confugere necesse est quoties deficiunt vulgaria atque usitata actionum nomina, aut contractus existunt quorum nulla certa appellatio jure civili prodata, ll. 1. & 3. seqq. de præscr. verb. Dicta est actio præscriptis verbis, ut multis doctis viris placere video, ex eo quod præscriptis verbis rem gestam demonstraret, & eadem demonstratione vice nominis, quo caret, utatur. Quod & verissimum esse intelligi potest ex rescripto Alexandri, quod est in lege 6. C. de transact. ubi Jurisconsultissimus Imperator hac ipsa circumlocutione actionem hanc describit: *Aut enim, inquit, stipulatio conventioni subjecta est, & ex stipulatu actio competit; aut si omissa verborum obligatio est, utilis actio quæ præscriptis verbis rem gestam demonstrat danda est.* Ob eamdem quoque causam hac actio dicitur *in factum*, l. 1. & passim de præscr. verb. Et interdum plena oratione actio præscriptis verbis *in factum*, l. 24. d. tit. Alia Francisci Hotomanni conjectura est. VNN. Contractus nominati habebant certum nomen certaque causam. Unde non opus erat ex iis acturis factum quod inter contrahentes intercesserat prolixe narrare; sed sufficiebat modo genus contractus nominaretur: ex. gr. *Ajo te mibi ex mutuo dare centum oportere.* Prætori enim jam notum erat quale illud factum sit quod inter creditorem & debitorem intercadere soleat. Ast in contractibus innominatis factum erat enarrandum, ex. gr. *Ajo te mibi mercedem, de qua inter nos convenit, ob polita vestimenta tua dare oportere.* Hinc dicitur actio incerta, l. 6. C. de rer. permut. incerti, l. 7. §. 2. ff. de pact. in factum, l. 13. §. 1. l. 22. in fin. ff. de præscr. verb. & quia formulæ hujusmodi actionum à JCTis prescribi solebant, præscriptis verbis. Vid. Val. Max. lib. 7. cap. 2. & Antiq. nostr. Rom. lib. 4. tit. 6. §. 32. HEIN.

TEXTUS.

In quibus rebus merces consistat.

2. *Præterea sicut vulgo quærebatur an per-*

mutatis rebus emtio-venditio contraheretur, ita quæri solebat de locatione-conductione, si forte rem aliquam utendam sive fruendam tibi aliquis dederit & invicem à te utendam sive fruendam aliam rem acceperit. Et placuit non esse locationem-conductionem, sed proprium genus contractus. Veluti si cum unum bovem quis haberet, & vicinus ejus item unum, placuerit inter eos ut per denos dies invicem boves commodarent ut opus facerent, & apud alterum alterius bos perierit: neque locati neque conducti neque commodati competit actio; quia non fuit commodatum gratuitum, verum præscriptis verbis agendum est.

L. I. tit. 8. Part. 5.

COMMENTARIUS.

1. *Non magis pretium seu mercedem locationis quam pretium emtionis in alia re consistere quam in pecunia numerata.*

2. *Ad legem 21. C. hoc tit.*

1. **E**Tiam hic locus pertinet ad ostendendam affinitatem quæ locationi cum emtione intercedit. Quærebatur olim an rerum permutatione emtio-venditio contraheretur; & pari de causa an mutuo rerum usu ad tempus concessa contraheretur location-conductio. Placuit autem nec illic emtionem esse, quia pretium non intervenit; nec hic esse conductionem, quia non intercedit merces, l. 23. comm. divid. l. 17. §. 3. de præscr. verb. Atque omnimodo credibile est ob eamdem rationem ob quam illic negatur intervenire pretium, negari hic intercedere mercedem: nimur quia nec pretium emtionis nec merces locationis in alia re consistere potest quam in pecunia numerata. Id quod efficere mihi videtur pretii & mercedis similitudo, atque eadem plane utriusque ratio. Utrumque enim æstimatio est, alterum rei totius, alterum temporanei usus: quæ tamen æstimatio & ipsa revera nihil aliud est quam pretium, eoque nomine etiam frequenter à nostris appellatur, ut superius demonstravimus. Jam vero constat res omnes æstimari pecuniâ: extra pecuniam rem unam æstimationem aut pretium alterius non esse, ac ne fungibilem quidem; ac proinde cum in utroque contractu aliquid æstimandum veniat, in emtione res ipsa, in locatione usus rei; ratio exigere videtur ut non minus in hac quam in illa pretium nummarium in-

tervenire oporteat: quod etiam multis aucto-
ritatibus confirmari potest. Ulpianus in *lege*
23. comm. div. scribit, si inter socios conve-
nerit ut alternis annis fructum perciperent,
locationem non esse, propterea quod nulla
merces intercesserit. Idem in *lege* *1. §. 9. de-*
pos. negat locationem esse ubi pecunia non
datur. In *lege* *5. §. 2. de præscr. verb.* emtio
& locatio in eo convenire dicuntur quod in
utroque contractu pecunia intervenit. Facit
hunc *lex* *25. §. 6. hoc tit. junct. lege* *26. §. 1. de furt.* Quibus locis colonus partarius op-
ponitur colono vero qui ad pecuniam nume-
ratam conduxit. Postremo huc faciunt loci
in quibus simpliciter pecuniae, nummorum, pre-
tii mentio fit: ut in *lege* *28. §. 2. II. 46. §. 2.*
52. & passim hoc tit. l. 1. in fin. mand. Neque hic excipere quis potest, omnibus istis
locis appellatione pecuniae res quasvis, aut
certe fungibles, etiam significari; nam pecu-
nia verbum in dubio numerata & signata
pecuniam designat, *l. 7. §. 3. de senat. Ma-*
ced. Et cum rebus aliis opponitur, semper pro
nummis accipitur; apparentque ex universa
disputatione Jurisconsultorum, ideo eos mer-
cedem pecuniariam in locatione exigere, ut
habeat hic contractus propriam & distinctam
a contractibus innominatis naturam.

2. Unus maxime locus est qui Corasium
lib. 2. misc. 11. Pinell. ad l. 2. C. de rescind.
vend. part. 2. rubr. cap. 3. n. 29. aliosque re-
centiores movit, ut putarent, mercedem loca-
tionis in quavis re consumabili consistere
posse, videlicet *lege* *21. C. hoc tit.* Sed du-
pliciter responderi potest: primum cum Sa-
liceto proponi in *d. lege* *21.* casum quo fun-
dus locatus est certa quantitate fructuum in
eo fundo nascentium, olivetum scilicet certa
ponderatione olei. Etsi autem tale negotium
a natura locationis, quæ pecuniam numera-
tam desiderat, nonnihil recedit; tamen ex
zequitate & communi contrahentium usu re-
ceptum videri, ut si res fructuum ferens pro
certa quantitate fructuum quos ea res produ-
cit, tamquam mercede, utenda data sit, hu-
jusmodi contractus pro locatione-conductio-
ne habeatur, & sunt hoc genus coloni non
absimiles colonis partariis, excepto eo quod
coloni partarii incertam quantitatem, puta
tertam aut quartam partem fructuum solvunt,
& quasi societatis jus cum domino fundi ha-
bent, *l. 25. §. 6. hoc tit.* Deinde responde-
ri potest, vice pecuniae seu mercedis aut pre-
tii in pecunia constituti fructus vel aliam
quantitatem ex pacto praestari posse salvo con-

tractu, *l. 9. C. de resc. vend. l. 19. §. 3. l.*
35. in fin. hoc tit. Atque ad ejusmodi casum
d. leg. 21. pertinere. Etsi enim fundus ibi pro-
ponitur locatus certa ponderatione olei: ex
eo tamen non efficitur necessariò mercedem
initio non fuisse constitutam in pecunia nu-
merata; quippe non est novum ut quod pot-
stremum placuit solum exprimatur, quasi quod
maxime spectatum fuit. Idem responsum este
ad *leges* *8. & 18. C. eod.* Ita sentiunt Gloss. Bart.
& comm. Doctores in *d. l. 5. §. 2. de præscr.*
verb. & d. l. 21. C. hoc tit. Gomez *z. resol.*
3. n. 3. Fachin. 1. contr. 82. Christin. vol. 3.
decis. 109. n. 12. ubi etiam arresto supreme
Curia Mechlin. hanc sententiam confirmatam
refert. D. Tuldenus *comm. hic cap. 4.* cum
D. Busio ad *d. l. 2. hoc tit.* distinguit inter
locationem operarum & rerum, quasi illic
merces in pecunia tantum, hic etiam in alia re
constitui possit: quod etiam ante eos tenta-
vit Greg. Lopez, *z. animadvers.* *15.* distin-
guens inter locationem fruendi & faciendi.
Sed hæc distinctio duplice vitio laborat, (1)
quod juxta eam etiam pro mercede domus
locata res fungibilis solvi possit, (2) quod
pro mercede fundi locati etiam alterius ge-
neris fructus. Et cur igitur non item pro lo-
caris operis aliud quam pecunia?

Sed proprium genus contractus] Si conve-
nerit tantum ut res ultro citroque utendæ
darentur, nudum hoc pactum est, simile pla-
cito permutationis: ex cuiusmodi pactis ne-
mini jure civili actio datur. Sed ubi causa
subesse coepit, id est, ubi unus à sua parte
conventionem implevit, οὐδὲλλαγμα esse in-
cipit seu contractus, & alter efficaciter obli-
gatur, *l. 7. §. 2. & 4. ff. de pat. l. 3. C. de*
rer. perm. quemadmodum in proposito si
unus bovem suum per denos dies secundum
conventionem ad opus faciendum concesse-
rit: accedit hic contractus prope ad loca-
tionem & commodatum propter usum rei,
qui in his omnibus conceditur; sed tamen
neque locatio est, quia merces non interve-
nit; neque commodatum, quia placuit mu-
tuum usum præstari; commodatum autem debet
esse gratuitum, *§. 2. in fin. Inst. sup. quib. mod.*
re contr. oblig. verum est species contractus in-
nominati, ex quo civilis incerti actio, id est
præscriptis verbis competit, *l. 17. §. 3. de*
præscr. verb. Ex quatuor autem generibus con-
tractuum innominatorum quæ recenset Pau-
lus *l. 5. d. tit.* *Do ut des;* *Do, ut facias,* *Fa-*
cio ut des, *Facio ut facias,* ad postremum
videtur species proposita pertinere.

TEXTUS.

De Emphyteusi.

3. Adeo autem aliquam familiaritatem inter se videntur habere emtio venditio, item locatio-conductio, ut in quibusdam causis queri soleat utrum emtio-venditio contrabatur, an locatio-conductio: ut ecce de prædiis quæ perpetuo quibusdam fruenda traduntur, id est, ut quamdiu pensio sive redditus pro his domino præstetur, neque ipsi conductori neque heredi ejus, cuius conductor heresve ejus id prædium vendiderit aut donaverit aut de tis nomine dederit aliove quocumque modo alienaverit, auferre liceat. Sed talis contractus quia inter Veteres dubitabatur, & à quibusdam locatio à quibusdam venditio existimabatur: lex Zenoniana lata est quæ emphyteuseos contractus propriam statuit naturam, neque ad locationem neque ad venditionem inclinantem, sed suis passionibus fulciendam; & si quidem aliquid pactum fuerit, hoc ita obtinere ac si naturalis esset contractus; sin autem nihil de periculo rei fuerit pactum: tunc si quidem totius rei interitus accesserit, ad dominum super hoc redundare periculum; sin autem particularis, ad emphyteutiarum bujusmodi damnum venire: quo jure uitimur.

L. 28. tit. 8. Part. 5. & vid. tit. 15.
lib. 5. Recop.

COMMENTARIUS.

1. Contractus emphyteuticus quid; & cur dubitatum olim pro emtione-venditione, an pro locatione-conductione habenda esset.
2. Origo bujus contractus & progressus, unde nomen emphyteuseos, & utrum etiam in eadibus consistat.
3. Jus emphyteuticum non ex tempore assimilari, sed ex eo quod actum est.
4. Falli qui in contractu emphyteutico solo consensu jus prædii transferri putant.
5. Præstationem canonis partem esse bujus contractus essentialiem; & quanto tempore emphyteuta non soluto canone jure suo cadat; aliaque in foro agitata.
6. Qua conditione emphyteuta jus suum vendere aut aliter alienare possit.
7. Contractum emphyteuticum esse vetustissimum; & quid à Zenone accepit.
8. An ad substantiam bujus contractus scriptura necessaria.

9. Contractus censusialis & emphyteuticus quomodo differant.
10. An emphyteuta similiter remissio canonis, ut conductori mercedis, in casu insolite sterilitatis præstanda.

1. **S**unt quædam negotia de quibus dubitatum fuit, utrum pro emtione-venditione, an pro locatione-conductione habenda sint. Cujus generis duo Justinianus profert: unum hoc §. alterum §. seq. Quod hoc §. proponitur est contractus emphyteuticus, & tale: Dominus prædium suum alicui habendum & fruendum in perpetuum tradidit certa pensione in singulos annos constituta, ea lege ut quamdiu pensio domino solvetur, tamdiu neque ipsi colono neque iis qui in locum ejus successerunt prædium auferri possit. Dixeris hic esse venditionem, si species id quod agitur de re transferenda; hoc enim agitur ut plenissimum jus utendi, & veluti dominium quoddam in perpetuum transeat, quod & in heredem & in alium quemvis liceat transferre; unde etiam ei cui hoc jus constitutum est utilis in rem actio contra quemcumque possessorem competit, l. 1. §. 1. si ager vett. Rursum dixeris esse locationem, quia verum & directum dominium penes concedentem manet; item si species pensionem annuam; talis enim constituitur pro usu rei in locatione, cum in venditione unum pretium statuat semel solvendum. Sed Zeno hanc disputationem sustulit, voluitque hujusmodi conventionem propriam esse speciem contractus ab emtione & locatione distinctam.

2. *De prædiis quæ traduntur perperuo fruenda]* Contractus emphyteuticus originem traxisse videtur ab incultis & sterilibus agris, qui quod colonum non repertent propter sumtus quos in illorum cultura atque insitioне, seu, ut nunc loquuntur, melioratione, fieri necesse erat, in perpetuum aut certe ad longissimum tempus locari cœperunt, ut agri illi colerentur, & consererentur; idque modica pensione, quæ veri domini memoriam conservaret; quamquam postea etiam agri cultissimi & fertilissimi eadem conditione locari cœperint. Hi agri emphyteutici appellati sunt, & jus quod coloni habent, jus emphyteuticum, atque uno nomine emphyteusis, à verbo Græco ἐμφύτευσις, quod Latinis est, insero, implanto. Dicuntur & agri vettigales à vettigali, id est pensione seu canone qui à possessoribus solvit. Nam

vestigal quemlibet redditum significat. Cicero in paradox. 6. Ex tenui meo vestigali aliquid etiam redundat. Ceterum usu Veterum fere soli agri publici ista conditione locati vestigales appellantur, l. i. si ager vestig. Quæsum est an in ædibus quoque emphyteusis consistere possit. Nonnulli negant, quoniam lex insitionis quæ est de originaria essentia hujus contractus in ædibus locum non habet. Sed verius est etiam in ædibus tale jus constitui posse, auth. si quas ruinas C. de sacros. Eccles. l. 15. §. 26. de damn. infel. Ait, perpetuò fruenda. Hinc jus emphyteuticum jus perpetuarium appellatur, l. i. C. de offic. com. Sac. Palat. & emphyteutæ perpetuarii conductores, ll. i. & 3. C. de locat. præd. civil. quamquam hoc jus etiam ad tempus constitui potest, dum ne id modicū sit, l. ult. si ag. vestig. l. i. §. 3. de superfic. Vinn. In jure nostro promiscue accipiuntur agri vestigales & emphyteutici, rub. tit. si ag. vest. id est emphyt. per. Alias tamen illi his patent latius. Vestigales erant Romanis omnes, etiam culti, publici qui hostibus erepti vel inopi plebi militibus ex legibus agrariis dividebantur, vel aliis in perpetuum locabantur constituto anno vestigali. Eiusdem generis agros habebant municipia, ex quorum redditibus ædes sartæ teatæ servabantur, aliaque onera municipiorum ferebantur. Et hi quoque alias in perpetuum locati vestigales dicebantur, de quibus proprio titulo Digestorum paulo ante laudato agitur. Vig. l. i. ff. si ag. vest. id est emphyt. per. Cum vero & agri inculti & novales hac lege locari solerent, hi speciatim dicti sunt emphyteutici; qui & in eo differebant à vestigalibus, quod cum his vestigal quod in frumento consistebat imponi soleret: hic pensio annua & quidem satis tenuis exigeretur. Ast postea & agri culti, immo & ædes & prædia sub lege emphyteutica dari cœperant. Multa quæ ad agrorum vestigalium atque emphyteuticorum originem pertinent eruditæ ex Romanis Antiquitatibus explicavit vir cl. Petrus Burmann. de vestigal. Pop. Rom. cap. 1. 2. & 3. Hein.

3. Ceterum ut emphyteusis constituta censeatur, id non æstimandum est ex tempore, sed ex ipsa conventione & ex eo quod actum est. Wesemb. par. bīc n. 8. D. Bronch. 2. assert. 67. Nam locatio quantivis temporis non est modus transferendi dominii, l. 39. hoc tit. D. Joann. à Sande lib. 3. tit. 6. defin. 10. circa fin. Sane non est assentiendum Cujacio, qui putat locationes o-

mnes quæ lustrum egrediuntur constituere jus emphyteuticarium. Absurdum enim est ei qui ad sex aut septem annos conduxit tribuere jus agendi in rem, & interdicto uti posseditis, jus alienandi, servitutem imponendi, novum opus nuntiandi: quæ omnia emphyteusis concessa esse constat.

4. Ait, que traduntur. Recte Interpretes statuunt, ante traditionem prædii jus reale seu utile dominium in emphyteutam non transire, proinde nec actionem in rem ei antea competere, sed in personam tantum. Etenim conventionum & contractuum non hæc natura & vis est ut rem aliquam aut jus aliquod immediate nostrum faciant, sed ut alium nobis ad aliquid dandum aut præstandum obstringant dumtaxat, l. 3. ff. de obl. & att. junct. l. 20. C. de patt. adeoque perspicue falluntur qui existimant peculiare esse in hoc contractu ut solo consensu jus prædii transferatur, & in rem actionem colonus acquirat. Zeno quidem contractum emphyteuticum separavit ab emtione & locatione, & per se firmum esse voluit; sed non constituit ut contra communem contractum & obligationum naturam ex eo dominium citra traditionem transiret.

5. Quamdiu pensio præstetur] Præstatio pensionis seu canonis pars est essentialis contractus emphyteutici & argumentum reservati dominii, in cuius rei fidem etiam solvitur. Quamdiu autem canon suo tempore solvit, non licet domino, expulso emphyteuta, agrum auferre. Quod si emphyteuta per triennium canonem solvere cessaverit, tum is jure suo volente domino cadit, nisi quid secus privata pactio suadeat, l. 2. C. de jur. emphyt. In emphyteusi Ecclesiastica cessatione biennii jus amittitur, auth. qui rem C. de sacros. Eccles. Enimvero si dominus post cessationem tanti temporis canonem elapsum sine protestatione receperit, renuntiasse caducitati videtur, per legem pen. de leg. commiss. Guid. Pap. quæst. 171. Clar. §. emphyteusis quæst. 10. Anton. Fab. Cod. suo hoc tit. defin. 16. Perez in Cod. hoc tit. in fin. D. Grot. 2. introduct. 40. Quinetiam etsi cum protestatione acceperit canonem futuri temporis, aut elapsum post tempus quo res in commissum cecidit, nihil tamen hoc dominum juvat. Clar. d. quæst. 10. Fachin. 1. contr. 99. Christi. vol. 3. decis. 122. n. 9. Sed & celeri satisfactione ex æquitate juris Canonici etiam in emphyteusi civili moram purgari posse, arg. cap. ult. x. de locat. censem idem Clar. d. §.

Vinn,

VINN. Celeri hac solutione purgari moram ex nostris tenet Pichard. *bis n. 54.* & in *disp. de moræ emendatione n. 100.* ADDIT. Quamvis communis sententia sit, emphyteutam privati moram purgare non posse. Clar. *d. loc.* Sichard. *ad l. 2. n. 20.* C. *hoc tit.* Fachin. *1. contr.* 98. secundum quam judicatum refert Afflct. *decis. 174.* ad Christin. *vol. 1. decis. 157.* Quæritur autem, an dominus emphyteutam propter canonem triennio non solutum propria auctoritate expellere possit. Quod omnino negandum est, per *legem 176. de reg. jur. l. 7. C. unde vi.* Vid. Clar. *d. §. quest. 11.* Sichar. *d. loc. n. 16.* Fachin. *d. lib. 1. contr. 95.* Loci qui de expulsione loquuntur, intelligendi de expulsione legitima, quæ fit auctoritate judicis. Grot. *lib. 2. intr. 40.* Corren. *obs. 5.* Mornac. *ad leg. 2. C. de jur. emphyteut.*

6. *Vendiderit aut donaverit*] Emphyteuta non solum possidendi & fruendi jus habet, sed etiam alienandi potestatem; & vendendi quidem etiam cui velit, ceterum oblata prius domino emendi prærogativâ; alioqui jure suo cadit. Placet autem dominum extraneo emtori præferri, dum intra duos menses à facta denuntiatione tantumdem offerat, *l. 3. vers. sed ne hac C. de jur. emphyt.* Donandi vero vel cum alio permutandi etiam domino irrequisito. Utique tamen tenetur domino significare donare se aut permutare velle, quo dominus novum emphyteutam accepto laudimio, quæ pars est quinquagesima pretii fundi, in possessionem admittat *juxta d.l. 3. infin.* & ibi Jas. *col. 14.* & seq. Sichard. *d. n. 19.* & seq. Prolixius hæc excutio *lib. 2. se-lett. quest. cap. 2.* VINN. Vere ergo domino tantum competit jus προτιμήσεως; adeoque errant qui hic longum tractatum instituunt de feudo sine consensu domini non alienando. Feudi enim dominus alienationem potest prohibere, quod non potest dominus emphyteuseos; quamvis ei futura alienatio denuntianda sit, ut possit secum statuere, ipse ne jure προτιμήσεως uti, an extraneo emtori fundum concedere malit. HEIN. Apud nos autem hæc obtinere docet Avendannius *resp. 13. n. 4.* ductus auctoritate *legis fin. tit. 8. Part. 5.* ADDIT.

7. *Lex Zenoniana lata est*] Zeno *lege 1. C. hoc tit.* constituit, ut jus emphyteutacium neque conductionis neque alienationis titulis adjiceretur, sed tertium hoc jus esset ab utriusque memoratorum contractuum societate separatum; utque conceptionem ac

definitionem haberet propriam, justusque eset ac validus contractus, ex quo in posterum actione propria emphyteuticaria, non ex emulo aut conducto amplius ageretur. Unde Interpretes nostri inferunt contractum emphyteuticum esse creaturam Zenonis; ac proinde non juri gentium sed civili Romanorum attribuendum esse. Quod probare non possum. Etenim non ordine temporum sed ratione hæc distingui oportet. Quidquid enim ejusmodi est ut ab aliquo excoxitatum & institutum moveat omnium opinionem de se, quasi ad usum vitæ communis conducens, id juri gentium adscribi debet; vid. *sup. tit. Inst. de jur. nat. gent.* ubi demonstramus, non omnia eodem modo & gradu ad jus gentium referri. In hoc autem genere sunt etiam locationes perpetuæ; quippe quas non minus quam temporales omnes gentes sibi communes fecerunt. Emphyteusis vero nihil aliud est quam in perpetuum vel bene longum tempus facta locatio. Sed nec illud verum est, contractum emphyteuticum esse creaturam Zenonis, ac ne illud quidem omnino à Romanis originem habere. Sibylla Cumana antiquior est per ea quæ legimus apud Mosen *Genes. cap. 47. vers. 24.* & seqq. Joseph. *2. Ant. Judaic. 4.* Arist. *2. Oeconom.* Zenonis autem lege nihil aliud effectum est, quam ut hic contractus, cum antea dubitaretur emtioni an locationi aggregandus esset, separatam ab utraque illa conventione haberet naturam. Itaque non novam contractus speciem Zeno fecit; sed eam quæ sub emtione & locatione continebatur, quasi grana ex spicis excutiens, detexit, ut disputat Coras. *1. misc. 21. n. 4.*

8. Plane si vera est communis Doctorum opinio, ex lege Zenonis ad constitutionem & substantiam contractus emphyteutici necessariam esse scripturam (que opinio probari videtur verbis legis, *scriptura interveniente*), juri civili hic contractus adscribi potest; non utique mero sed mixto: arg. *legis 6. de just. & jur.* Sed multi tamen censem cum Gloss. non prohiberi fieri sine scriptis, licet dicatur fieri in scriptis. Et nimis, Zenonem non ideo scripturæ mentionem facere eamve requirere, quod sine ea nolit contractum subsistere; sed quia ad probacionem rei gestæ in hoc contractu necessaria est; cujus alioqui fides decursu temporis ad quod extenditur vacillare potest, mortuis iis qui testes adfuerant. Connan *7. comm. 12.* Perez *Cod. hoc tit. n. 2.* Addant alii, perpetuum non esse quod duo ablative absolute positi

conditionem contineant, seu, ut vulgo loquuntur, causam importent finalem, §. 1. *Inst. sup. de testam. mil.* l. 24. eod. Denique esse hunc contractum bonæ fidei ad cuiusmodi contractum substantiam scripturam desiderari non sit credibile. VENN. Quidquid de jure civili sit, illud certum est communem opinionem approbari in d. lego 28. tit. 8. Part. 5. ibi: *E por escrito, cā de otra guisa non valdria.* GREGOR. Lopez in gloss. ad dict. verba. ADDIT.

9. *Neque ad locationem neque ad venditionem inclinantem*] Horum verborum non hic sensus est, post constitutionem Zenonis contractum emphyteuticum cum emtione & locatione nihil commune habere coepisse; sed coepisse esse specialem contractum, peculiarem & distinctam habentem naturam ab emtione & locatione, cum quibus antea confusus erat; atque ex hoc contractu nunc propriam competere actionem, non ut antea ex emto aut locato. Neque enim efficere Zenonem voluisse credendum est quod efficere non potuit, ne scilicet contractus hic similitudinem quamdam cum illis duobus retineret, & hactenus ad utrumque inclinaret. Simillimus, ut obiter hoc dicam, contractui emphyteutico est contractus census. Sed hoc interest, quod etiam verum & directum dominium in censuarium transfertur, cum illud in constitutione emphyteuseos apud constituentem maneat. Itaque censem solvimus non ut emphyteuta in recognitionem dominii de re aliena, sed de re nostra; & ideo qui censem recipit, jus caducitatis ob cessationem non habet. JOANN. FAB. ad hunc §. circa fin. JAS. in l. 1. C. de jur. emphyt. n. 39. D. PRÆS. in loc. ab emphyteusi ad cens. CLAR. §. emphyteusis quest. 1. n. 2. GROT. 2. introduct. 46. BARO comm. bīc part. ult.

Ac si naturalis esset contractus] Id est, haud secus ac quilibet alias contractus propriam ac distinctam naturam habens; ut enim certi contractus ex conventione legem accipiunt, l. 23. de reg. jur. ita & contractus emphyteuticus suis pactionibus fulciri potest, ut hic loquitur Justinianus, non tantum circa præstationem periculi, sed etiam circa durationem & caducitatem, id est, intra quod tempus emphyteuta canonem non solvens jus suum amittere debeat, l. 2. C. de jur. emphyt. CUCJAC. Ferret. & Hotom. legunt, ac si natura talis esset contractus: quomodo & Theophilum legisse ex paraphrasi appetat, & recte sane; τὰ γὰρ ἐπάρχῃ συμφανέμενα φύσιν διδίαιτο τοῖς εὐαλλάγμασι (quae enim initio convertata sunt

naturam constituunt contractum) Theod. Her. mops. in l. 23. de reg. jur.

10. *Si quidem totius rei interitus*] Nisi quid aliud nominatum cautum sit rei totius interitus ad dominium pertinet, partis vero rei ad emphyteutam, qui hoc casu nihilominus integrum pensionem præstare tenetur, l. 1. C. eod. Quapropter nec ob sterilitatem remissionem pensionis petere poterit. Neque est contrarium quod eo casu in locatione pensio remittenda est, l. 15. §. 2. & seq. locat. Nam in locatione merces pro modo & quantitate fructuum qui ex fundo percipi solent constituitur; in emphyteusi autem canon non pro fructibus sed in recognitionem dominii præstatur. Plane si etiam pensio emphyteuta imposita tanta sit ut proportione fructibus respondeat, puto ei succurrendum esse, & tam ob sterilitatem pensionem remittendam, quam ob interitum partis rei minuendam arbitrio boni viri: quasi quædam potius locatio justa mercede facta sit, quam initus contractus emphyteuticus. Nec movere nos debet quod verba contractus non sonent locationem. Semper enim in omnibus contractibus sequimur id quod actum est; nec tam nomen conventionis inspiciendum, quam natura & conditio negotii quod geritur. CLAR. §. emphyteusis quest. 8. n. 7. & seq. GAIL. 2. obs. 23. ANT. FAB. COD. suo de jur. emphyt. defin. 36. Dissentient Fachin. 4. confr. 89. D. TULDEN. in COD. de jur. emphyt. n. 4.

TEXTUS.

De forma alicui facienda ab artifice.

4. *Item queritur, si cum aurifice Titius convenierit ut is ex auro suo certi ponderis certaque formæ annulos ei faceret, & acciperet, verbi gratia, decem aureos, utrum emtio-venditio an locatio-conductio contrabi videatur.* Cassius ait, materie quidem emtionem-venditionem contrabi, opere autem locationem-conductiōnem. Sed placuit tantum emtionem-venditionem contrabi. *Quod si suum aurum Titius dederit, mercede pro opera constituta, dubium non est quin locatio-conductio sit.*

COMMENTARIUS.

1. *Cur dubitatum in hypothesi proposita, utrum emtio contraberetur, an locatio.*

² Regula generalis, unde in hujusmodi casibus
emtio & locatio dignoscantur.

1. **A**ffert hic Justinianus aliud exemplum negotii quo dubitatum, emtio-venditio contraheretur, an locatio conductio: nimurum, si mihi cum artifice convenierit ut certo pretio rem aliquam mihi efficeret ex sua materia, puta ut aurifex certi ponderis certaque formae annulos facheret ex suo auro. Dixeris enim hic emtionem contrahi, quia materia in perpetuum alienatur. Rursus dixeris esse locationem, propter operam artificis, quæ & ipsa estimatur; opera autem emtio esse non potest. Qua ratione Cassius non simplicem hunc contractum esse dicebat sed duplicem, venditionemque & locationem in hoc negotio concurrere; & scilicet materia atque in hypothesi proposita auri infecti venditionem contrahi, opera & artificii locationem. Sed concinnius visum est, simplex hoc & unum negotium censeri, tantumque emtionem-venditionem, l. 2. locat.

2. *Placuit tantum emtionem-venditionem*] d. l. 2. Si cum aurifex jam haberet annulos ex suo auro factos mihi cum eo convenisset ut eos certo pretio mihi daret, nemo dubitaret emtionem-venditionem tantum contrahi. Quid autem in proposito refert res jam facta sit ab artifice an adhuc facienda, cum utroque in pretio constituendo non materia solum sed etiam artificii ratio habeatur? Sic vero in universum habendum est: Si quam rem nobis fieri velimus, veluti statuam vel vas aliquod, aut annulos, vestem, regulas, &c. ut nihil aliud quam pecuniam demus, emtionem esse, atque emtionem solum; quoniam nulla potest esse locatio ubi corpus ipsum non datur ab eo cui id fit, quemadmodum Sabinum respondisse Pomponius refert *lege* 20. de *contr. emt.* Cui sententiae convenit quod Javolenus scribit *leg. 61. d. tit.* toties emtionem contractam intellegi, quoties materia in qua aliquid fit immutatur & alienatur. Id autem in casu proposito contingit auro. Non adversatur huic sententiae Paulus in *lege* 22. §. 1. locat. ubi ait, cum insulam edificandam loco, ut sua impensa conductor omnia faciat, proprietatem quidem eorum ad me transferri, & tamen locationem esse, locare enim artificem operam suam, id est, faciendi necessitatem; quoniam cum aream meam do ut in ea insula fiat, substantia & materia in quam agit ar-

tifex à me proficiscitur, d. l. 20. in fin. neque materiam, tigna, camenta hic emo, sed conduce operas artificis ad insulæ constructionem, ut eam mihi omni re atque opere perfectam in meo reddat.

Quod si suum aurum dederit] *Dicit. l. 2. l. 31. locat.* facit l. 34. in pr. vers. in artifice de aur. argent. mund. leg. Nam toties conductio aliquujus rei intelligitur, quoties materia in qua aliquid præstatur in eodem statu ejusdem manet, d. l. 65. de *contr. emt.*

TEXTUS.

Quid præstare debet conductor.

5. *Conductor omnia secundum legem conductionis facere debet, & si quid in lege prætermisum fuerit id ex bono & aequo præstare. Qui pro usu aut vestimentorum aut argenti aut jumenti mercedem aut dedit aut promisit, ab eo custodia talis desideratur qualem diligenterissimus paterfamilias suis rebus adbibet; quam si præsisterit & aliquo casu fortuito eam rem amiserit, de restituenda ea non tenebitur.*

COMMENTARIUS.

- 1 *Quæ à conductorre ex natura hujus contractus præstanta.*
- 2 *Conductorem regulariter levem dumtaxat culpam non etiam levissimam præstare.*
- 3 *Accurata ad ea quæ in contrarium disputatione responsio.*
- 4 *Exclusione casus fortuiti non protinus induci præstationem culpæ levissimæ.*

1. **A**gitur hoc §. de præstationibus quæ conductori incumbunt, doceturque in hac re primum inspici debere id quod ut præstaret conductor nominatim convenit: veluti si convenerit ut etiam si quid vi maijore accidisset præstaretur; hic enim pacto standum esse Julianus respondit, l. 9. §. 2. locat. Similia exempla occurrent in l. 11. §. 1. & ult. eod. estque commune hoc omnium judiciorum bonæ fidei, l. 11. de *act. emt.* l. 23. de *reg. jur.* Quod si nihil convenit tunc ea præstanda esse quæ naturaliter insunt hujus judicij potestate, in quod, cum sit bonæ fidei, id omne venit quod ex aequo & bono præstari oportet, etiamsi de eo nihil dictum aut forte nihil cogitatum sit, II. 24. & 25. §. 3. locat. §. 30. *Iust. insr. de aff.* unde post moram etiam usuræ tardius illatarum pen-

pensionum à conductore præstandæ , l. 54.
ff. hoc tit. l. 17. C. eod.

Secundum legem conductionis] Id est, secundum paœta conventiona conductioni adjecta, quæ legem & formam contractui dant , l. 7. §. 5. de pacç. d. l. 23. de reg. jur. Nihil est apud juris auctores frequentius, quam ut legem contractus appellent formam, quam ex pactione adjecta contractus accipit, ipsamve pactionem , l. 40. 60. & 68. de contr. emt. l. 24. locat. l. 13. comm. præd. cum similiibus.

Ex bono & aequo præstare] Ante omnia autem colonus curare debet ut opera rustica suo quæque tempore fiant, ne intempestiva cultura fundum faciat deterioriem. Præterea villarum curam agere debet ut eas incorruptas habeat , d. l. 25. §. 3. locat. Inquilinus ut in domo locata recte versetur, ex honesta non faciat caponam, l. 3. C. eod. Ut ergo ut pensiones suo quasque tempore solvat, d. l. 54. §. 1. locat. Ni ita se gerat conductor & pensionem præstet impune expelli potest, d. l. 54. §. 1. ff. locat. l. 3. C. eod. Plures alias causas ob quas conductorem expellere jus est refert Christin. vol. 3. decis. 115. quamquam non omnes hodie obtinent, ut idem ibidem annotat. Illud hic tenendum est, quibus casibus conductorem expelli posse dicitur, non nisi ex auctoritate magistratus cum expelli debere. Ant. Fab. Cod. suo hoc tit. defin. 11.

Qualem diligentissimus paterfamilias] Simile est quod traditur in lege 25. §. pen. locat. At enim locatio conductio est contractus ex eorum numero qui utriusque contrahentis utilitatem continent: in cuiusmodi contractibus dolus dumtaxat & culpa præstatur, juxta regulam traditam in lege 5. §. 2. commod. ubi nominatim etiam locationis fit mentio. Cum autem culpa præstari dicitur, eo verbo in usus juris non alia quam levis culpa designatur, id est ea quæ media diligentia opponitur: quod multis auctoritatibus probavimus sub §. 2. Inst. sup. quib. mod. re contr. oblig. & de hac tantum culpa dictam regulam intelligi debere ex eo patet, quod in contractibus in quibus solius accipientis utilitas versatur: quale plerumque est commodatum, Jurisconsultus dicto loco scribit, plus ab accipiente exigi quam cum utriusque commodum vertitur: nimirum in hujusmodi contractibus præter culpam præstari & diligentiam: quo significat, in eo contractus qui utriusque gratia fuit & commodatum discrepare, quod

Tom. II.

in illis dumtaxat levis culpa præstetur, in hoc etiam levissima, quam more Veteribus usitato contrarie rei præstatione indicat, diligentia scilicet, intelligens eo verbo diligentiam specialem seu exactissimam. Ipsa quoque ratio hoc suggerit, levius agendum esse cum eo qui mercedem pro rei usu præstat, quam qui gratuitum ejus usum habet. Quin ipsum etiam commodatarium placet culpam levem tantum præstare, secundum superiorem regulam, si quando commodantis quoque contemplatione res commodata sit, l. 18. in fin. pr. commod.

2. Ex quibus perspicue evincitur, conductorem regulariter levissima culpæ nomine non teneri, neque ab eo exigi extra specialem conventionem, ut in lege 40. locat. ut in re conducta sumمام & exactissimam diligentiam præstet; sed securum eum esse oportere si adhibuerint medium, id est eam quam communiter frugi patres fam. suis rebus adhibere solent. Idem ex eo quoque confirmatur, quod passim nihil amplius quam culpam à conductore præstari legimus, l. 9. §. 3. l. 11. §. 3. l. 31. in fin. locat. quo postremo loco Alfenus etiam pro ratione asserta regulam probatam in contractibus qui utriusque causa ineuntur: ut culpæ nomine absolute posito in usu juris culpa levis perpetuo significatur. Denique ut nullus dubitationi locus relinquatur, evidentissime hoc ipsum ostendit, lex 3. §. 1. naut. caup. stab. quo loco Jurisconsultus conferens actiones locati & depositi cum honoraria quæ ex edicto isto competit, utilitatem ejus quæ ex edicto est hoc nomine maxime commendat, quod in locato-conducto culpa, in deposito dolus dumtaxat præstetur: edicto vero omnimodo qui recepit teneatur, etiamsi sine culpa ejus res perii aut damnum datum est, ita tamen ut nec ille præstet casus fortuitos, seu quod damno fatali aut vi majore contigit. Igitur ex sententia Jurisconsulti is qui recepit præstat medium aliquid inter culpam & casum fortuitum, quod non præstat conductor; atqui hoc medium nihil aliud esse fateri omnes debent quam culpam levissimam.

3. Quid ergo respondemus ad hunc tex- tum? Nimirum idem quod Interpretes vulgo, superlativum hoc loco positum esse propositivo, verbum *diligentissimus* pro *diligens*; ut hoc verbum secundum subjectam materiam & naturam contractus explicandum sit, eoque hic significari intelligatur non summa illa & pene modum excedens, sed media diligentia,

Dd

quam

quam communiter homines diligentibus suis rebus adhibere consueverunt. Sic ex contrario positivus pro superlativo ponitur in *legibus* 5. §. 5. *commod.* 25. §. 16. *fam. ercisc.* §. 2. *Inst. sup. quib. mod. re contr. &c.* quod apparet ex collatione *legum* 8. *commod.* l. 1. §. 4. *de obl. & act.* §. 1. *Inst. inf. de obl. que quasi ex contr.* Idem responderi potest ad *legem* 25. §. *pen. locat. arg. d. l. 3. §. 1. naut. cap. stab.* Nam quod alii respondent, casus esse speciales qui hic & in d. l. 25. §. *pen.* proponuntur, atque utroque loco agi de rebus quæ naturâ sua quasi damno maxime obnoxia accuratissimam custodiad desiderant, altero etiam de conductoribus qui operam quasi ultro offerunt, & ideo quoque levissimam culpam præstare tenentur, *arg. l. 1. §. 5. depos.* admitti non potest. Nam jumenta, columnæ, dolia, tigna, scrupulosa præ ceteris rebus curam aut curiosam custodiad minime requirunt; nec quilibet qui quodammodo operam suam offerre videtur, ad majorem diligentiam quam natura contractus desiderat obligatur, *d. l. 3. §. 1. naut. caup. stab.* sed locum hoc habet in artificibus seu iis qui alicujus rei peritiam profertur: quorum idcirco imperitia culpæ levi annumeratur, cum in aliis sit levissima, *l. 9. §. pen. l. 13. §. 5. l. 12. de furt. l. 8. §. 1. ad leg. Aquil.* nisi putamus etiam eos qui columnas aut tigna deportanda conducere solent eodem numero haberi, quasi industria certæ rei profiterentur, ut D. Wesemb.

Et aliquo casu fortuito] *L. 28. C. eod.* Neque hoc proprium hujus judicii est sed commune omnium contractuum, *l. 23. de reg. fur. l. 6. C. de pign. act.* Non obstat, quod alibi dicitur rem locatam esse periculo conductoris, *l. 13. §. 1. de lib. caus. l. 14. §. 16. de furt.* Nam illud intelligendum est de periculo & damno cui culpa causam præbet, neque novum est ut ille etiam res periculo nostro esse dicantur in quibus culpam præstamus, de quo uberiori disserui sub §. 3. tit. *præc.*

4. Quod autem hic excluditur casus fortuitus, id non satis argumenti est culpam levissimam a conductorе præstari; nihil enim frequentius est in jure nostro, quam ut posita præstatione dolii & culpæ, quo verbo levius intelligitur, removeatur casus fortuitus, insuper habito utrum eo amplius etiam levissima culpa præstetur necne: utpote quæ & raro præstetur, & vix culpa sit. Hinc jam judicari potest, an incendium & quando a conductorе præstandum sit; in quo tamen misericordie variant & Interpretes & judicum sen-

tentia. Vid. Gail. 2. obs. 21. Menoch. *de arb. jud. quæst. 2. cas. 390.* Mascal. *lib. 2. de prob. in verb. incendium.* Fach. 1. *contr. 87.* Moller. 4. *semestr. 31. D. Tulden. comm. in tit. de leg. Aquil. inf. cap. 8.* Christin. *vol. 3. decis. 112. n. 5.* ubi plures citat, Assentior autem iis qui statunt inquinatum de incendio locatori teneri, nisi doceat de diligentia sua in muniendo & custodiendo igne exhibita. Fach. & Moller. *ad d. loc. l. 3. §. 1. de off. præf. vig. l. 11. de per. & comm. rei vend. de quo nos opulentius lib. 1. sel. quæst. cap. 33.*

TEXTUS.

De morte conductoris.

6. *Mortuo conductore intra tempora conductionis, heres ejus eodem jure in conductione succedit.*

L. 2. tit. 8. Part. 5.

COMMENTARIUS.

1. *Emtor non tenetur stare lecationi facta a venditore.*

Morte conductoris conductionem non expirare, sed heredi quoque ejus intra tempora conductionis onus contractus incumbere certi juris est, *l. 10. C. locat.* & contraria, nec morte locatoris expirat; quippe heres universi juris & onerum defunctorum successor est, *l. 37. de adq. hered.* Ait autem Justinianus, heredem eodem jure in conductione succedere; & Gordianus in *d. l. 10. C. locat.* heredi quoque onus contractus incumbere: quibus verbis non hoc significant, heredes pro eo tempore quo contractus inter defunctum & superstitem sterit actione locati aut conducti teneri, quamquam etiam ita tenentur, *l. 19. §. 8. ff. locat. l. 29. C. eod.* quippe omnes actiones ex contractibus venientes, etiam mandati & pro socio, *l. 26. pr. mand. l. 35. & seq. pro soc. in heredes transeunt;* sed heredem succedere in ipsum jus conductionis, quæ mortuo conductori aut locatori non finiatur: quod quidem regulariter etiam in aliis contractibus obtinet; sed secus est in iis negotiis in quibus industria certæ personæ eligitur, ut in societate & mandato, quæ morte contrahentium finiuntur ut docetur duobus tit. proxime sequentibus.

*. Particularis autem successor, emtor factæ ab auctore suo, l. 25. §. 1. l. 32. ff.
aut legatarius, non tenetur stare locationi locat. l. 9. C. eod. l. 120. §. ult. ff. de legat. 1.

TITULUS XXVI.

DE SOCIETATE.

Dig. lib. 17. tit. 2. Cod. lib. 4. tit. 37. Et Part. 5. tit. 10.

Continuatio. Quid sit societas, & quare rerum, quando & quomodo contrahatur.

Tertia species contractuum qui sola contrahentium voluntate obligationem introducunt est societas. Societas est, contractus quo inter aliquos res aut operæ communicantur lucri in commune faciendi gratiâ. Primum, ut sit societas necesse est aliquid mutuo conferri & communicari: nisi quid utrimque in commune conferatur societas non intelligitur. Inde dictum, donationis causâ societatem non contrahi, veluti si alicui placuerit lucrum ex re sua factum alteri commune esse qui de suo nihil conferat, l. 5. §. 2. pro soc. Enimvero quæ res invicem conferantur, corporalesne utrimque, an illinc res hinc opera, an etiam opera utrimque ad societatem communicatione rerum contrahendam nihil interest; nam & inter duos artifices societas coiri potest, ut quod ex suo artificio quæstus fecerint inter eos commune sit, ll. 59. & 71. eod. Illud quoque nihil refert ad societatem ineundam, quantarum rerum societas instituatur; nam & universorum bonorum societas contrahi potest, & partis bonorum; potest & negotiationis alicujus quæ multas res partesque contineat; potest denique & unius rei, veluti si prædium communi consensu conducatur ut fructus inde quæsiti sint communes, §. pr. hoc tit. ll. 5. & 63. pro soc. Porro, quod ex definitione satis intelligitur, societas & consorium voluntarium, ut à Papiniano vocatur, l. 52. §. 8. eod. nisi enim consensu & tractatu de ea re habito communio suscepta sit non est societas. Itaque socii non sunt si qui aut casu in communionem inciderint, puta si legatum donatio aut hereditas duobus communiter obvenerit; aut si res à duobus simul simpliciter emta sit, l. 31. cum 3. seqq. eod. Ex quibus locis cum Glossa & citatis in add. ad Bart. temperandum est, quod in lege 2. comm. div. Jurisconsultus ait, rem quæ à

duobus pariter emta est cum societate communem esse: nempe si emta sit cum affectio- & animo societatis; idemque presupponendum in specie legis 2. C. pro soc. quamquam Bart. ad dd. II. quem sequitur Salicetus d. l. 2. contrarium axioma proponit, videlicet eo ipso quod res à duobus pariter emitur societatem contrahi. Denique, quod postrema verba definitionis indicant, non est satis ad contrahendam societatem communionem consensu iniri inter aliquos, nisi in hunc quem communio instituatur ut lucrum inde in commune fiat. Quæ communio hunc finem non habet societas dici non potest, ut maxime voluntate suscepta sit. Ut ecce, materia duorum voluntate dominorum confusa sunt: massa quidem hæc communis est, §. 27. Inst. supr. de rer. divis. at non jure societatis. Res eadem simul à duobus simpliciter emta est: fit illa quidem amborum voluntate communis. sed ut modo dixi citra societatem, d. l. 31. pro soc. Convenit inter aliquos ut lucrum non sit commune sed unius tantum socii: placet ita societatem contrahi non posse, quasi quæ contra finem societatis constituantur, d. l. 29. §. 2. eod. De damno nihil adjeci, quia lucrum tantum sperant spectantque socii, damnum præter votum eorum accidit. Sed nec damni communio ad substantiam societatis pertinet; quippe quæ etiam ita constitui potest, ut unus è sociis damni sit expers, ut postea intelligitur. Cum autem de communione eo quo dixi animo inter aliquos convenit, tum societas consensu contrafacta intelligitur; etsi nullius rei aut operæ collatio in præsentia fiat, l. 2. de obl. & act. Nec adversatur quod scribit Modestinus lege 4. pro soc. posse societatem coiri re & verbis &c. Significat enim societatem ita contrahi consensu, ut nihil intersit verbis seu aperta conventione an tacite re seu facto aliquo consensus de-

declaretur. Adde quæ ex Cujacio notat D. Gotofr. ad d. legem. Species societatis sumuntur à diversitate materiæ; ac de eo hic primum agitur, deinde disputatur de pactiōnibus circa partes lucri & damni; postremo de vi & obligatione hujus contractus, deque modis quibus dissociamur.

TEXTUS.

Divisio á materia.

Societatem coire solemus aut totorum bonorum, quam Græci specialiter κοινωνία appellant; aut unius alicujus negotiationis, veluti mancipiorum vendendorum emendorumque, aut olei aut vini aut frumenti emendi vendendique.

L. 3. tit. 10. Part. 5.

COMMENTARIUS.

- 1 *Species societatis subjectis distinctæ.*
- 2 *Quando universorum bonorum societas contracta intelligatur, ejusque effecta.*
- 3 *Quæ bona communicentur si societas simpliciter coita sit.*
- 4 *Peculiaria quedam in societate omnium bonorum.*

1. Societatis diversæ sunt species & effectibus & subjectis distinctæ, ut l. 1. §. 1. l. 3. §. 1. l. 5. l. 7. cum aliquot seqq. l. 29. & passim locat. Imperator autem hoc loco id tantum videtur ostendere voluisse, aliam esse societatem universalem, aliam particularem; ut vulgo distingui solet, quamquam minus accurata ea oppositio est. Pinguis à diversitate subjecti societas ita distribui potest, ut dicamus aliam esse rerum & bonorum omnium, aliam universorum quæ ex quæstu veniunt, aliam partis bonorum tantum, aliam denique unius rei, puta certæ alicujus negotiationis vel artificii, aut fundi in commune emti. In bonorum omnium societate bona omnia præsentia, id est, quæ coëntium sunt tempore contractæ societatis continuo communicantur l. 1. §. 1. l. 2. pro soc. actiones invicem sunt cedende, l. 3. eod. quæ postea obveniunt judicio societatis communicanda, l. 73. & 74. eod. & quidem etiam omnia, id est, tam ea quæ beneficio alieno & dono fortunæ obveniunt, quam quæ ex opera sociorum quæruntur, d. l. 3. §. 1. d. l. 73. eod.

2. Hujusmodi autem societas tunc tantum contracta intelligitur, cum nominatim & specialiter omnium bonorum coita est, ad. ll. Interdum tamen evenit ut tacite quoque id actum videatur: veluti si fratres consortes post mortem patris, bonis indivisis, non paternis tantum sed etiam ceteris in quorum communionem inciderunt, lucris omnibus communicatis vixerint, nec à se invicem rationes umquam exegerint. Hæc autem omnia conjunctim requiruntur; nam si tantum paternæ hereditatis fructus communicaverint, aut unus proprio nomine quid gesserit sibive habuerit: universalis societas minime contracta videbitur, nec quod aliunde quæstuum est veniet in communionem l. 52. §. 6. ff. pro soc. l. 4. C. comm. utriusq. jud. Ant. Fab. Cod. suo hoc tit. defin. 3. D. Tulden. comm. hic cap. 1. Vinn. Moribus nostris bonorum omnium communio & universalis societas inter conjuges inducitur; quapropter lucra & damna constante matrimonio emergentia inter eos communicantur, l. 1. tit. 3. lib. 3. for. leg. & l. 2. cum seq. tit. 9. lib. 5. Recop. Quæ autem lucra communicanda inter conjuges sint, & ad quæ bona hæc communio non pertineat, docent Expositores ad dd. legg. hujus autem loci non est investigare. ADDIT. Socii, quamvis universorum bonorum, quæ post contractam societatem adquirunt, sibi adquirant; tamen judicio societatis ea coguntur communicare, & quæsita in communione redigere, l. 73. & 74. pro soc. Unde Paulus in lege l. §. 1. eod. non ait, simpliciter inter socios omnium bonorum continuo communicari res omnes, sed res omnes que coëntium sunt, id est quæ tunc sunt cum societatem coënt.

3. In societate universorum quæ ex quæstu veniunt res coëntium seu bona præsentia non communicantur, sed futura tantum, seu lucra postea obvenientia; neque tamen hæc omnia, sed ea solummodo quæ ex quæstu quotidiano, id est, ex opera & negotiatione cuiusque socii adquiruntur, puta lucrum quod ex emtione-venditione, locatione-conductione & similibus commerciis, aut ex causa artificii descendit. Quæ vero alieno beneficio obveniunt, qualia sunt hereditas legatum donationes, ea extra hanc causam habentur, l. 7. & aliquot seqq. locat. Talis societas contrahi intelligitur cum aliqui simpliciter societatem coënt, hoc est saltem dicunt sibi placere ut inter ipsos societas sit sine designatione rerum quarum societas tem

tem contrahi velint, d. l. 7. pro soc. Fallitur autem D. Bachovius duni putat etiam in societate simpliciter hoc modo contracta bona ipsa coēuntum statim communicari; hoc enim non obscure pugnat cum d. lege 7. pro soc. Et lex l. §. 1. eod. diserte loquitur de societate omnium bonorum. Veteres autem non aliam bonorum aut fortunarum omnium societatem agnoscent quam quæ nominatim ita contracta est, ut bene Baro hic.

4. In societate omnium bonorum etiam illud peculiare est, ut si quid socius necesse habuit præstare ex obligatione honesta, atque adeo etiam aliena injuriâ coactus, id omne in societatis rationem veniat, tametsi extra causam societatis id præstetur, l. 52. §. ult. pro soc. l. 39. §. 3. fam. ercisc. Nec mirum, cum rursus omnia etiam quæ ex lucrativa causa obveniunt in communem sint redigenda. Quapropter si unus è sociis universorum bonorum quid erogaverit in honorem liberorum, honeste tamen & decenter, non profuse, inve fraudem sociorum, id in societatem imputabitur: veluti si pater filium in studiis aluit, atque eo nomine quid honeste & bona fide erogabit: fac. l. 50. fam. erc. Quid si filiam elocavit & pro ea dotem dedit? Adhuc dixerim societatis id commune onus esse, non solius patris, arg. l. 19. de rit. nupt. Roland. à Vall. cons. 91. Menoch. 2. de arb. jud. cap. 127. Fach. 8. contr. 4. Christin. vol. 3. decis. 51. n. 9. Gothofr. ad l. 81. pro soc. Bachov. ad Treutl. vol. 1. disp. 27. tb. 8. Prius illud etiam admittit D. Tuldene. comm. hic cap. 4. sed de dote dissentit; propterea quod dos imputatur legitimæ & conferenda est; ea autem quæ studiorum causa filio subministrantur non item, d. l. 50. fam. erc. Sed quid hoc ad rem? Immo cum filiam dotare pater teneatur, vel magis in dote id obtinere deberet. Sic ea quæ pater liberis emancipatis concedit ut se exhibeant, familiam quam instituant sustentent, conferuntur, l. 17. in fin. C. de collat. quæ tamen imputabit societati; & potest pater impendiis studiorum causa factis hanc legem dicere, ut post mortem conferantur. Hoc autem nihil ad socios. Plane feuda in hanc societatem non veniunt. Bald. & Præpos. in cap. Imperiale de prob. feud. al. per Fred. & in cap. 1. de invest. de re al. fact. Præs. Everch. cons. 53. In reliquis societatibus id solum quod ex quæstu negotiationis venit, aut rei cuius societas contracta est lucrum commune est, ex alia causa quæsumum ad communionem

non pertinet, l. 52. §. 5. pro soc.

TEXTUS.

De partibus lucri & damni.

1. Et quidem si nihil de partibus lucri & damni nominatim convenerit, æquales scilicet partes & in lucro & in damno spectantur. Quod si expressæ fuerint partes bæ servari debent. Nec enim umquam dubium fuit quin valeat conventionis si duo inter se parti sint, ut ad unum quidem due partes & lucri & damni pertineant, ad alterum tertia.

LL. 3. & 4. tit. 10. Part. 5.

COMMENTARIUS.

- 1 Summa disputationis hic propositæ.
- 2 Impari rerum collatione, si de partibus nihil dictum sit, impares quoque constitutas intelligi & reprehensi qui secus sentiunt.
- 3 Ubi partes expressæ, qualiscumque collatio sit, conventionem servandam.

OMnis societas lucri in commune faciendi gratia coitur. Sed non semper lucrum fit, & sape etiam damnum. Hinc de partibus lucri & damni querendum est, ut sciatur quantum quisque & in lucro & in damno ferat.

1. Summa hujus disputationis tribus hisce propositionibus continetur. (1) Si nihil nominatim convenerit, partes & in lucro & in damno æquales sunt; (2) si partes expressæ fuerint has servari oportet; (3) si una tantum in causa pars expressa sit, in altera quæ omissa est eadem pars servari debet.

2. **Æquales scilicet partes**] Si partes expressæ non sint, id tacite actum intelligitur ut æquales sint, l. 29. pr. pro soc. quod sic vulgo & recte acceptum est, ut pro vero habendum sit, cum ea quoque quæ conferuntur sunt æqualia; ceterum si inæqualis sit collatio, pro rata ejus quod quisque contulit partes fieri: æqualitatem enim hic intelligi debere non arithmeticam, sed geometricam, id est analogam rebus collatis. Non placet hoc D. Connano, lib. 7. comm. 13. neque D. Tuldeno comm. hic cap. 5. qui ita disputant, ut existiment etiam in impari rerum collatione, si de partibus societatis nihil dictum sit, æquales partes pro numero sociorum tacite factas intelligi, non considerato

eo quod quisque contulit: quasi ubi nihil speciatim dictum est, communem dumtaxat negotiationis fortunam spectasse, atque in eo acquevisse videantur ut quisque damni & lucri tantumdem haberet; scilicet jubente id etiam leges societatis atque amicitiae, quæ ab æqualitate primum nata sit & pares faciat etiam quos impares suscepit. Sed ut concedamus, hoc tacite actum videri in societate omnium fortunarum, aut simpliciter & sine designatione rerum contracta; tamen in societate unius alicujus negotiationis idem probandum non est. Nam cum nihil æquius sit quam ut quisque pro ratione sortis quam in eam negotiationem contulit lucrum sentiat, *ll. 6. & 80. pro soc.* hoc ipsum tacite quoque actum intelligi convenit, si nihil aliud dictum est. Bene Aristot. 8. *Etib. ad Nicomach. in fin.* & 3. *Polit. 6.* E^rχρημάτων κοινωνία πλείστη λαμβάνεται ου μεταλλόμενη πλείστη (in communione honorum plus accipiunt qui plus contulerunt). VINN. Plura ad legem 29. ff. *pro soc.* in hanc sententiam commentatus est vir clar. Ger. Noodt. *comment. in Pandect. p. 380. seq. tom. 2. op.* quem eximum Jureconsultum, dum hæc scribo, ad superos excessisse non sine dolore audio. Mortuum saltim nemo dixerit qui tot egregiis operibus immortalē sibi gloriā peperit, & jam vivus quodammodo interfuit posteritati. HEIN.

3. *Si expressæ fuerint partes hæc servari debent*] Ac proinde etiam si inæquaes servari placuerit in collatione æquali, pactio servanda erit; & contra si æquaes servari placuerit in locatione inæquali. Itaque cum sæpe non constet an æqualis utriusque aut rerum aut operæ collatio facta sit, ut omnis de hac re controversia inter socios tollatur, recte fecerint si ipsi expresse partes societatis constituant. Videtur tamen quod hic simpliciter dicitur aliqua indigere cautione, de qua sub §. seqq. Quod si societas ea conditione contracta sit ut partes postea constuerentur, ad boni viri arbitrium res redigenda est, *l. 6. pro soc.* Sed & si arbitrio tertii alicujus partium definitio permissa sit, arbitrium boni viri electum videtur; poteritque in manifesta iniquitate arbitrium personæ electæ per judicium bonæ fidei corrigi, *l. 76. cum 4. ll. seqq.*

Ut ad unum due partes &c.] Hæc conventione ut ad unum due partes tam damni quam lucri pertineant ad alterum tertia, propter analogiam inæqualitatis partium in damno & lucro facile recepta est. Immo vix inæqua-

litatem habere videtur; quoniam incertum est lucrum an damnum ex communi negotiatione proventurum sit; neque enim semper favente Mercurio negotia procedunt.

TEXTUS.

De partibus inæqualibus.

2. *De illa sane conventione quæsitum est, si Titius & Sejus inter se pacti sint ut ad Titium lucri due partes pertineant, damni tertia; ad Sejum duas partes damni, lucri tertia: an rata debeat haberet conventio. Quintus Mucius contra naturam societatis salem passionem esse existimavit, & ob id non esse ratam habendam. Servius Sulpitius (cujus sententia prævaluit) contra sensit: quia sæpe quorumdam ita pretiosa est opera in societate, ut eos justum sit conditione meliore in societatem admittis. Nam & ita posse coiri societatem non dubitatur, ut alter pecuniam conferat, alter non conferat; & tamen lucrum inter eos commune sit; quia sæpe opera alicujus pro pecunia valeat. Et adeo contra Quinti Mucii sententiam obtinuit, ut illud quoque constituerit posse convenire, ut quis lucri partem ferat, de damno non teneatur, quod & ipsum Servius convenienter sibi fieri existimat. Quod tamen ita intelligi oportet, ut si in alia re lucrum in alia damnum illatum sit, compensatione facta solum quod superest intellegatur lucro esse.*

L. 4. tit. 10. Part. 5.

COMMENTARIUS.

- 1 *Sulpitium in casu bic proposito non tam improbase videri sententiam Mucii quam temperasse.*
- 2 *Improbatur eadem Mucii sententia simpliciter.*
- 3 *Notabilia quedam circa casum quo ab uno pecunia, ab altero opera confertur.*
- 4 *Si convenerit ut unus lucri sit particeps, damni immunis; & de leonina societate.*

5. *L*ucrū due partes, damni tertia] Difficulter in societate coēunda admissum est ut partes lucri & damni disformiter constituerentur. veluti si convenerit ut unus lucri parte duas damni unam tantum, alter duas damni tertiam lucri ferat. Nam Q. Mucio hæc conventio displicuit ut naturæ societatis, quæ æqualitatem desiderat, contraria; sed à Sulpitio admissa est, *l. 30. in*

in fin. pro soc. Cujus sententiam prævaluuisse testatur Justinianus.

Quia s̄pē quorundam ita pretiosa est opera]
 Hæc ratio arguere videtur Sulpitium non tam improbasse sententiam Mucii, quam temperrasse: nimur quod Mucius simpliciter dixit, iniquam esse hanc pactionem naturæque societatis contrariam, ut alter plus lucri alter plus damni sentiat, id Servium existimasse verum non esse in omni societate: iniquam quidem eam conventionem videri in simplici & æquali collatione rerum seu pecuniarum, quod etiam forte solum Mucius consideravit; at iniquam non esse ubi unus pecuniam tantum, alter opera simul cum pecunia confert; immo justum esse, hunc meliore conditione in societatem admetti. Igitur ne quidem ex sententia Servii pactum de inæqualibus lucri partibus valebit, ubi æqualis est operarum & sortis collatio; sed tunc demum ratum est, cum inæqualis est collatio; & is quem plus lucri ferre placet, etiam plus societati confert, sive pecuniarum sive operarum aut industriae: quod etiam evidenter probare videtur responsum Ulpiani in *lege 29. pr. pro soc.* Atque ita olim Azo contra Joannem disputavit, ejusque sententiam Interpret. comm. ad *bunc §. & in d. l. 29.* sequuntur. Gomez 2. var. resol. 5. n. 5. Wesemb. parat. hic n. 7. Christin. vol. 3. decis. 51.

2. Sed ut verum fatear, non possum huic sententiæ acquiescere. Nam primum rationis esse videatur ut expressa conventione operetur ultra naturam ordinariam contractus, arg. *legis 23. de reg. jur.* modo ne nimia inducatur inæqualitas, & quæ sapient communione leoninam. Deinde quia aperte huic sententiæ refragatur, quod simpliciter scriptum est *§. preced.* si partes expressæ fuerint has servari debere; quod & de partibus inæqualibus in collatione inæquali; & de partibus inæqualibus etiam ubi æqualis est collatio omnino accipendum est; quoniam in collatione inæquali, etiamsi de partibus nihil conveniret, partes inæquales juxta ea quæ dicta sunt constitutæ intelliguntur. Atque hoc etiam probat textus *§. seq. & lex 30. in fin. pro soc.* Etsi vero hac ratione inducitur aliqua inæqualitas: non video tamen cur non possit expressa conventione id effici; cum non plane tollatur lucri communio in qua consistit societatis substantia. Nec dubium est quin societas æque ex parte donationis causa recte contrahatur atque emtio-venditio, *l. 38. de contr. emt.* Quare existimandum potius est, Servium in

reddenda ratione suæ sententiæ respexisse ad id quod plerumque evenit, ut scilicet unius opera sit pretiosior & plus societati proposita quam alterius, de quo tamen in singulis personis inquirendum non sit; cum ad æquitatem pacti, quod contra Mucium probat, defendendam sufficiat id evenire posse, & frequenter etiam evenire; neque aliud sensisse Ulpianum, aut nimiam solum improbasse inæqualitatem, *d. l. 29. pro soc.* Ut vero sit usus hujusmodi conventiones sustinet, ut post Angel. Porc. & alios testatur Wesemb. hic, & in par. d. loc. Add. Menoch. 2. de arb. jud. cas. 125.

3. *Ut alter pecuniam*] Etiam uno pecuniam altero operam conferente societatem contrahi posse obtinuit, *l. 1. C. pro soc.* & quidem ita, ut hic dicitur, ut lucrum inter eos commune sit. Quippe cum s̄pē opera aliquæjus tanti sit, quanti pecunia est. Tritum est illud Plauti, *Asin. act. 1. scen. 3.*

Par pari datum bostimentum est, opera pro pecunia.

cui simile illud in *lege 52. §. 2. eod. premium opera & artis est levamentum*, id est, στοιχεῖα (æquipondium) Varro apud Non. amissis est, æquamen, levamentum. In codice Hetrusco præpostero litterarum ordine scriptum est *velamentum*. Nimurum qui artem operam præstat, non minus præstare creditur quam is qui pecuniam confert. Quod de opera dicitur idem & de labore ac periculo navigationis & similibus intelligi debet, *d. l. 29. §. 1. pro soc.* Possunt igitur duo societatem sic coire, ut unus pecuniam conferat unde merces emantur & negotiatio exerceatur; alter operam dumtaxat, qui proficiscatur ad merces emendas, emat & vendat, ut sic deinde lucrum commune sit. Ceterum hæc collatio non uno modo fit; nam aut opera confertur cum solo pecuniarum usu, quo casu sors domino perit, & si salva est domino salva est; aut opera confertur cum ipso dominio pecuniarum, quo casu qui operam impedit participes fit sortis. In prima specie comparatur cum opera non sors, sed periculum amittenda sortis, & lucrum quod ex ea probabili sperari poterat. In altera opera premium habetur quasi sorti adjectum, & pro eo quod valet in ipsa sorte partem habet qui operam præstat, ut eleganter Grot. 2. de jur. bell. ac pac. 12. n. 24. Covarr. 3. var. resol. 2. Atque hinc sumenda decisio quæstionis agitata apud Interpretes in *lege 1. C. pro soc.* utrum in hoc genere societatis pecunia collata communiceatur,

tur, necne; & consequenter utrum finita societate ea etiam inter socios dividenda sit, an is qui contulit eam præcipere debeat. Cui similis est altera, utrum in hujusmodi specie damnum pecuniae amissæ commune sit, ad eum solum hoc damnum pertineat qui contulit pecuniam. De quo laborant Gail.^{2.} obs. 24. n. 6. Fachin. 2. controv. 94. & 95. Christin. vol. 3. decis. 51. n. 4. & vol. 1. decis. 207. n. 8. & seqq.

4. *Lucri partem ferat, de damno non tenetur*] Ut sociorum aliquis lucri sit particeps, immunis damni, præter naturam est societatis. Potest tamen ita conveniri sine injuria; nam secundum Cassium & Sabinum talis conventio iniqua non est, si tanti sit opera quanti damnum est: id est, si tanti est illud quod impenditur & perditur operæ quanti est damnum acceptum, d. l. 29. §. 1. pro soc. D. Grotius loco præcitatō scribit, mixtum esse hujuscemodi contractū ex societate & contractū avertendi periculi, quem assecuratiōnem vocant; atque in eo ita servari aequalitatem, si tanto plus lucri ferat quam alioqui latus fuerat qui in se damnum recepit. Ait Justinianus *lucri partem*, diserte *partem*. Nam talis societas coīrī non potest, ut unus lucrum tantum, alter damnum aut damni partem sine lucro sentiat d. l. 29. §. 2. quippe ita naturalis societati est lucri communio, ut sine ea nequeat societas consistere. Veteribus talis societas, ex qua quis damnum tantum non etiam lucrum expectat, leonina dicitur, d. l. 29. §. 2. appellatione proverbiali ducta ex Apologo AE op̄i de leone, asino, & vulpe. Vid. Desiderium nostrum in Chiliad.

In alia re lucrum, in alia damnum.] Lucrum non particulatim aestimatur, sed in summa summarum: hoc est, id demum pro lucro reputatur quod deducto omni damno atque impensis superest. Quemadmodum ex contrario damnum non intelligitur nisi deducto omni lucro, l. 30. pro soc. Itaque si inter duos inita sit negotiatio mancipiorum & boum, atque in illa damnum acceptum 100. aureorum, in hac lucrum factum 300. facta lucri & damni compensatione reperietur superesse lucrum ducentorum, qui secundum legem societatis dividi debent.

TEXTUS.

De partibus expressis in una causa.

3. *Illud expeditum est, si in una causa pars*

fuerit expressa (veluti in solo lucro, vel in solo damno) in altera vero omissa: in eo quoque quod prætermisum est eamdem partem servari.

L. 3. tit. 10. Part. 5.

COMMENTARIUS.

Quæ partes in causa lucri aut damni in tantum definitæ sunt, eadem etiam in causa omissa tacite definitæ intelliguntur: verbi causa, si ea lege societas coīta sit ut aī unum duæ partes lucri ad alterum una pertineret: tacite actum intelligitur, ut easdem partes & in damno agnoscant; & si convenerit, ut partes lucri æquales sint, tacite conventum intelligitur ut damnum quoque pro æquis partibus commune sit. Vinn. Idque etiam obtinet in societate conjugali, ubi sicut lucra ex quæstu provenientia communicantur, ita & damna. Quod si conjux lucris renuntiare voluerit, à damnis sive ab ære alieno à marito contracto erit immunis, l. 9. tit. 9. lib. 5. Recop. ADDIT. Ratio hujus juris afferri hæc solet, quod id quod generaliter dispositum est in uno correlativorum etiam dispositum censeatur in altero; sed parum, ut mihi videtur, subtiliter. Neque enim à natura relatorum, sed à paritate rationis totum hoc pendet: quod etiam agnoscere videntur illi qui non simpliciter quod in uno correlatorum dispositum est in altero quoque dispositum censeri tradunt, sed addito hoc temperamento, quando utriusque par ratio est. Bald. l. fin. C. de ind. viduū. toll. Jas. in l. 1. C. de injus. voc. Christin. d. loc.

TEXTUS.

Quibus modis societas solvitur.
De renuntiatione.

4. *Manet autem societas eosque donec in eodem consensu perseveraverint. At cum aliquis renuntiaverit societati solvitur societas. Sed plane si quis callide in hoc renuntiaverit societati ut obveniens aliquod lucrum solus habeat: veluti si totorum bonorum socius, cum ab aliquo heres esset relictus in hoc renuntiaverit societati ut hereditatem solus lucrifacceret: cogitur hoc lucrum communicare. Si quid vero aliud lucrifaciat, quod non captaverit, ad ipsum solum pertinet. Ei vero cui renuntiatum est, quidquid omnino post renuntiatam so-*

cietatem adquiritur, solum conceditur.

L. 12. tit. 10. Part. 5.

COMMENTARIUS.

- 1 Quam rationem habeat, quod placet vel unius è sociis renuntiatione societatem solvi, adeoque tunc etiam cum in perpetuum coita est.
- 2 Quibus ex factis renuntiatione tacite facta intelligatur.
- 3 Malitiosa renuntiatione quatenus cui noceat.

Societas & mandatum in eo convenient, quod proprio quadam jure & suis quibusdam modis solvantur: quos Justinianus, quoniam ab iis modis quibus jure communi obligatio tollitur remoti sunt, explicare voluit. In societate id facit hoc loco, in mandato tit. seq. Societas proprio jure solvitur quatuor fere modis; renuntiatione, morte, capitis minutione, egestate unius, l. 4. §. 1. l. 63. §. ult. pro soc. quæ singula ordine latius declarabuntur.

Donec in eodem consenuit] Tamdiu societas durat quamdiu consensus partium perseverat, l. 5. C. eod. Et si quidem rebus adhuc integris voluntate omnium ab instituta coniunctione discedatur, secundum communem legem de tollendis obligationibus quæ consensu contrahuntur, invicem liberantur, §. ult. Inst. inf. quib. mod. toll. obl. Sed illud proprium hujus contractus est, quod etiam postquam res integra esse desiit, id est, postquam jam collatio & communicatio facta est, ab eo recedi & vel unius voluntate potest: quomodo in specie dicitur societas dissolvi renuntiatione.

1. Cum aliquis renuntiaverit societati] Hoc in contractu societatis jure singulari receptum est contra regulas communes de dissolvendis obligationibus, l. 5. C. de obl. & aff. l. 3. C. de resc. vend. Idque duplice de causa: primum quia socii officium invicem præstant & accipiunt; deinde quia non bene convenit cum natura & conditione societatis, quæ rationem quamdam & jus fraternitatis habere creditur, l. 63. pr. pro soc. aliquem invitum retinere in communione; quippe cujus materia discordias inter non conscientes excitare solet, l. 77. §. 20. de legat. 2. Adeo autem visum est ex natura esse societatis, unius dissensu totam dissolvi, ut quamvis ab initio convenerit ut societas perpetuo dura-

ret, aut ne liceret ab ea resilire invitatis ceteris tamen tale pactum tamquam factum contra naturam societatis, cuius in æternum nulla coitio est, l. 70. pro soc. contemnere licet, l. 14. eod. Nam quod Paulus scribit *lege* 1. eod. societatem etiam in perpetuum coiri posse, nihil aliud significat quam sine ulla temporis præfinitione aut donec socii vivant: quæ conventio non hoc operatur ut non licet abire, sed ut solo lapsu temporis non finiatur societas. Porro autem renuntiatione dissociamur aut voluntate aperta, aut tacita. Aperta, cum ceteris nuntiatur ut res suas sibi habeant atque agant d. l. 63. in fin. eod.

2. Tacita voluntas renuntiandi tribus his factis evidenter arguitur: (1) novatione actionis pro socio ab uno ex sociis facta, l. 65. pr. eod. quod etiam significat Ulpianus cum dicit, societatem etiam ab actione seu ab intentu actionis distrahi, d. l. 63. §. ult. (2) actione pro socio ab uno adversus alios instituta distrahenda societatis causâ, d. l. 65. in pr. junct. §. pen. add. rai rai (iterum atque iterum) Salic. in l. 5. C. eod. (3) cum separatim agere coeperint & sibi quisque negotiari, l. 46. eod. veluti si Typographi aliquot qui antea communibus sumtibus libros imprimendos curabant, postea singuli domi sua sibi imprimere coeperint & commune impendium facere desierint, tacite renuntiassent societati intelleguntur.

3. *Si quis callide renuntiaverit]* Quævis renuntiatione, quantumvis insidiosa, haec tenus valet ut renuntianti noccat, & liberet ab eo socios; at ex contrario non quilibet renuntiantem liberat à sociis, sed ea solum quæ injuriâ caret. Injuriam autem renuntiatione habet non tantum si callide & malitiosa facta sit, cujus exemplum hic profertur; verum etiam quæ facta sit absenti quoad is scierit, l. 17. §. 1. eod. item si facta intempestive, id est, ante tempus conventionis (nisi ex nova causa, l. 14. & 2. seqq. eod.) aut eo tempore quo res in communem negotiationem coemtas vendi non expedit, ita ut non privatim unius è sociis, sed societatis intersit eam non dirimi. Qui sic renuntiat damni particeps, lucri expers manet, d. l. 7. §. 1. l. 63. §. 3. 5. & 6. eod.

Veluti si totorum bonorum socius] Expresse mentionem tantum facit socii omnium bonorum, qui propter hereditatem obvenientem renuntiat, ut & Jurisconsultus in d. l. 65. §. 3. quoniam ut con modum hereditatis uni

adquisitæ communicetur, extra causam societatis omnium bonorum aut specialem conventionem locum non habet, *l. 3. §. 1. l. 7. eod.*

Quod non captaverit] Si renuntianti lucrum aliquod post renunciationem obvenerit, quod in renunciatione non spectavit captavitque, id communicare non cogitur; quia nec dolum in eo admisit, *d. l. 65. §. 3. pro soc.*

Cui renuntiatum est] Cui dolose renuntiatum est, is nihil ejus lucri quod post renunciationem aliunde quæsivit, renuntianti communicare tenetur; quoniam avara & fraudulenta renuntiatio renuntiantem quidem à sociis non liberat, socios tamen liberat à renuntiante, *d. l. 65. §. 3. pro soc.*

TEXTUS.

De morte.

1. Solvitur adhuc societas etiam morte socii, quia qui societatem contrahit certam personam sibi eligit. Sed & si consensu plurium societas contracta sit, morte unius socii solvitur, etsi plures supersint; nisi in coeunda societate alter convenerit.

L. 10. tit. 10. Part. 5.

COMMENTARIUS.

1. Cur virum ut morte, & vel unius & pluribus, tota solvatur societas; & quod id pertineat. Et n. 3.

2. Ratam esse conventionem, ut mortuo uno inter superstites societas persevereret.

*1. ETiam morte unius socii societas solvitur, *l. 4. §. 1. ll. 35. & 52. §. 9. ll. 59. & 63. §. ult. l. 65. §. 9. pro soc.* Et hoc genus distrahendæ obligationis societatis proprium est, recedens ab illo communis, quo placet heredem in eamdem obligationem & idem jus quod defuncti fuit succedere, *§. ult. præc. tit. l. 37. de adq. ber. l. 62. de reg. jur.* sed admissum in societate ex natura hujus contractus; atque eadem ratione qua in mandato quoque placet morte mandatarii solvi mandatum; nimurum quia in societate non tantum rei familiaris, ut fere in aliis contractibus, verum insuper etiam fidei & industriæ quæ ad heredes non transeunt contemplatio versatur. Nam, ut in textu dicitur, *qui societatem contrahit certam perso-**

*nam sibi eligit, cuius scilicet fidem, industriam, res & facultates sequatur. Usque adeo autem morte socii dirimi societatem placet, ut nec ab initio pacisci possimus ut heres in societatem succedat, *d. l. 35. d. l. 59. pro soc.* quasi & tale pactum naturæ societatis repugnet, ut quis invitus socius efficiatur cum non vult, *d. l. 65. §. 11. eod.* Exceptæ tamen sunt societates vecigalium, in quibus hujusmodi conventiones ob publicam utilitatem admissæ; manetque hoc casu societas etiam post mortem, nisi forte is mortuus sit, cuius contemplatione potissimum societas coita, aut sine quo ea administrari non possit, *d. l. 59. l. 63. §. 8. eod.**

Sed & si consensu plurium] Etsi plures quam duo societatem coierint & unus tantum ex his mortuus sit, totam tamen societatem dissolvi placet, id est, non tantum dissolvi quoad personam heredis defuncti, sed ita ut nec qui supersunt societati obligentur, *d. l. 65. §. 9. pro soc.* Ratio est, quoniam cum plures societatem coëunt, alii aliorum contemplatione ad eam accedunt; ut prouinde vel uno sublato, amplius in societate manere nolle videantur.

2. Nisi in coeunda societate aliter convenierit] Si in contrahenda societate inter plures nominatim convenerit ut uno mortuo nihilominus inter eos qui superstites futuri sint societas maneat, rata est inter vivos & consentientes conventionem, *d. l. 65. §. 9.* Neque, quod putat D. Hotomannus, hanc conventionem Ulpianus improbat, *ll. 35. & 52. §. 9. l. 59. eod.* Confundit Hotomannus duo dissimilia pacta: pactum quo placet heredem in societatem succedere, quod ab Ulpiano improbatur; & pactum quo inter plures societatem contrahentes cavetur ut uno mortuo inter superstites societas continuetur: quod valere, post Paulum in *d. l. 65. §. 9. pro soc.* tradit Justinianus hic.

*3. Illud obiter monendi sumus, cum morte socii solvi dicitur societas, id non eo pertinere ut heres socii non teneatur actione pro socio ex ea obligatione quæ stante societate nata est, aut ut non proponatur in eum actio ut bonam fidem præstet, & acti etiam culpam in eo quod ex antegesto pendet, *d. l. 35. & seq. d. l. 63. §. 8. d. l. 65. §. 9. pro soc.* sed ut intelligamus heredem neque socium esse, neque in ullam partem commodi aut incommodi quod ex ea societate esse possit in reliquum tempus vocari.*

TEXTUS.

De fine negotii.

6. Item si alicujus rei contracta societas sit & finis negotio impositus est, finitur societas.

L. 10. tit. 10. Part. 5.

COMMENTARIUS.

Si societas certæ alicujus negotiationis causa inita sit, puta vini aut frumenti ad certam quantitatem emendi vendendique, fine negotio imposito, id est, emto distraughto que vino aut frumento, societas extinguitur, d. l. 65. §. 10. d. l. 63. §. ult. eod. Sed in eo nihil proprium videtur societatis, utpote cui ea lex ab inicio dicta sit. Idem est, si ad certum tempus contracta sit societas; nam exacto tempore ea exspirat. Facit d.l.65. §. 6.

TEXTUS.

De publicatione.

7. Publicatione quoque distrabi societatem manifestum est, scilicet si universa bona socii publicentur; nam cum in ejus locum alius succedat, pro mortuo habetur.

L. 10. tit. 10. Part. 5.

COMMENTARIUS.

Quod Paulus d. lege 65. §. 12. pro soc. unde hic locus desumus est, dicit, publicatione bonorum socii distrahi societatem, hoc Modestinus & Ulpianus dixerunt, societatem solvi capitis deminutione, l. 4. §. 1. d. l. 63. §. ult. eod. Intelligunt enim capit's deminutionem maximam & medium, cum socius severitate sententiæ aut in servitutem redigitur aut in insulam deportatur, quo casu bona damni publicari solent, l. 1. de bon. damn. l. 8. §. 1. & 2. qui testam. fac. Poterat hæc species dissociationis etiam ad præcedens genus referri, ad eam videlicet quæ morte socii contingit. Quibus enim libertas aut civitas ademta est, hi jure civili pro mortuis habentur; eoque pertinet quod dicitur in d. lege 63. §. ult. homines interire aut morte aut maxima & media capitis deminutione; sed & alia ratione ad sequens genus

referri potest. Vinn. Atqui si obæratus bonis cedit, bona non publicantur sed venduntur; nec is pro mortuo habetur cujus substantia venit, sed cujus bona ob delictum consecrata publicatae sunt. Vid. l. 63. §. 10. ll. 58. & 65. §. 1. & 2. ff. pro soc. Hein.

Alius succedat] Intellige fiscum qui bona damnatis ablata occupat & sibi vindicat, l. ult. de bon. eor. qui ante sent. vel mort. sibi conscio. &c.

TEXTUS.

De cessione bonorum.

8. Item si quis ex sociis mole debiti prægravatus bonis suis cesserit, & ideo propter publica & privata debita substantia ejus veneat, solvitur societas. Sed hoc casu si adhuc consentiant in societatem nova videtur incipere societas.

L. 10. tit. 10. Part. 5.

COMMENTARIUS.

Postremo etiam egestate unius socii societas solvitur, l. 4. §. 1. pro soc. egestate scilicet extrema, id est, bonorum omnium, aut tantum non omnium amissionem. Nam cum societas contrahatur bonorum in commune quærendorum causâ, non magis bonis sublati societati locus esse potest, quam sublata personâ socii. Amittuntur bona aut civitate salva, veluti cessione, id est, si socius ære alieno oppressus bonis suis creditoribus cesserit, eaque à creditoribus distracta fuerint, l. 3. de cess. honor. ac tum etiam societatem dirimi placet, hoc text. & d. l. 65. §. 1. pro soc. aut civitate unâ cum bonis amissa, ut in specie præcedente; nam publicatione bona amitti ipsum verbum publicationis satis indicat; eaque consideratione illa quoque ad hanc rationem dissolvendæ societatis referri potest. Sed & decoctione bona amittuntur & pereunt. Ceterum decoctione sola societatem solvi negat Stracha de decoctor. part. 2. n. 47. nisi ea ad manifestam egestatem socium redegerit, arg. d. l. 4. §. 1. Quod & D. Tuld. probat comm. hic cap. 8. Non puto autem quod hic traditur de dissolutione societatis ob amissionem bonorum locum habere eo casu quo nihil pecunia in societatem collatum est, aut quo ille qui operam tantum contulit bona salva civitate amisit, nisi forte ob bona amissa speratam operam præstare nequeat.

Si adhuc consentiant] Nihil prohibet cum

socio qui bonis cessit novare societatem; quippe qui cum civis maneat alia bona adquirere potest vel operis suis vel alieno beneficio, *i.e. de cest. bon.*

TEXTUS.

De dolo & culpa à socio præstandis.

9. *Socius socio utrum eo nomine tantum tenetur pro socio actione, si quid dolo commiserit, sicut is qui deponi apud se passus est; an etiam culpæ, id est, desidiae atque negligentie nomine queritum est. Prævaluuit tamen etiam culpæ nomine teneri eum. Culpa autem non ad exactissimam diligentiam dirigenda est. Sufficit enim talēm diligentiam communibus rebus adhibere socium, qualem suis rebus adhibere solent. Nam qui parum diligentem socium sibi assunt de se queri, sibique hoc imputare debet.*

L. 7. tit. 10. Part. 5.

COMMENTARIUS.

- 1** Nullam videri probabilem rationem dubitandi, utrum socius socio doli dumtaxat, an etiam culpæ seu negligentie nomine obligetur.
- 2** Ad quem diligentiae gradum culpa in judicio societatis exigenda.
- 3** Nodus Gordius quem necit lex 32. depositus.
- 4** Fortior ratio, ob quam socius media præmitione diligentiae obstringitur, quam quæ hic in calce affertur.

Hec etiam sunt apud Gajum *lege 72. pro soc.* cujus verba hic transtulerunt Compositores. Habet autem hic locus majorem difficultatem quam vulgo Interpretes opinantur. Illud constat, societatem esse ex numero eorum contractuum qui utriusque contractoris gratia fiunt, in quibus juxta regulam traditam in *l. 5. §. 2. commod.* (ubi nominatim quoque societatis mentio fit) & dolus & culpa præstatur. Sed & illud certum est, appellatione culpæ, quoties ea absolute ponitur aut dolo opponitur, levem perpetuo significari; latam culpam comprehendendi nomine doli. *Vid. sup. §. 2. Inst. quib. mod. re contr. oblig.*

1. Quapropter nulla videtur esse probabilis dubitandi causa, utrum socius doli nomine dumtaxat sicut depositarius, an vero etiam ob culpam seu desidiam ac negligen-

tiam teneatur; quod tamen quæsumit esse ait hic Justinianus, & ex Veteribus Ulpianus in *l. 52. §. 2. eod.* Illa sane dubitandi ratio satius justa non est, quod socius propter suam partem causam habet gerendi; si quidem hoc à culpa neminem excusare potest, sed tantum facit, ut culpa non astimetur oppositum diligentiam summi gradus: id est, ne præstetur culpa levissima, *l. 25. §. 16. fam. ercise.* Fortassis ideo de eo dubitatum putaveris, quia ut in calce hujus §. & d. *lege 72.* dicitur, is qui parum diligentem socium sibi adscivit, de se queri suæque id facilitati atque incuria imputare debet. Et sane hanc rationem Justinianus & Gajus alibi afferunt, tamquam ob quam placeat depositarium dolum tantum non etiam culpam aut negligentiam præstare, *§. pen. Inst. sup. quib. mod. re contr. obl. l. 1. §. 5. de obl. & act.* Verum iudicium hoc loco, & d. l. 72. eo argumento utuntur non ut probent socium de dolo tantum teneri, sed ut probent eum compellendum non esse ad præstandam exactissimam diligentiam; sive, quod idem valet, sufficere si medianam diligentiam adhibuerit, & culpæ, exigenda ad communem hominum modum, carreat. Sed non est quod in eo nos torqueamus, cum alia & certa ratio sit quæ manifeste efficiat ut in societate non modo dolus sed etiam culpa præstetur; nimis quia, ut jam diximus, commodum societatis ad omnes socios pertinet: quæ res etiam aperte socios separat à depositario, qui onus tantum sustinet commodi nihil expectat. Ceterum in hoc posita non est tota hujus loci difficultas. **VINN.** Immo justissima videtur fuisse dubitandi ratio. Quod levem culpam præstare debeat socius suadere videbatur natura contractus ad utriusque emolumenti comparati. Ast cum id contractus id singulare habeat, ut & socium sibi quisque assumat, & si eum parum diligentem esse vidat illum suas res habere jubere possit: nulla videbatur ratio cur socius eam à socio diligentiam exigeret quam diligentes patresfam. in rebus suis adhibere solent, cùm ordinaria ejus diligentia contentus, eum & elegit & socium sibi retinuerit. Quare demum placuit media sententia, ut levem quidem culpam præstet socius; sed non in abstracto, uti vocant, verum in concreto: id est, non talem præstet diligentiam qualem frugi patresfamilias adhibere solent, sed qua ipse socius in rebus suis utitur. Atqui latæ culpæ reus est qui minus diligens est in rebus alienis quam

in suis, l. 32. ff. depos. Id quidem verum in iis contractibus in quibus culpa levis in abstracto præstanda. Sic enim verum est culpam levem esse, si quis non eam diligentiam sdhibet quam adhibet paterfamilias diligens: latae profecto culpæ reus erit qui in alienis rebus ne ea quidem diligentia utitur qua utitur in suis. Plura eam in rem alibi diximus ad tit. 2. lib. 17. ff. præcipue §. 247. Vid. Huber. in prælett. ad Inst. hoc tit. §. 7. HEIN.

2. *Qualem suis rebus adhibere solet*] Dicimus socium socio non modo eo nomine teneri si quid dolo commiserit, verum etiam nomine culpæ ac desidiae; atque in hoc distare socium ab eo cui res custodienda data est seu depositario, qui dolum præstet dumtaxat. Porro nunc docemur, ad quem gradum diligentiae culpa in judicio societatis examinanda sit: quod & ipsum dubio carere videtur, si in societate quoque regulam de contractibus quæ utriusque utilitatem tangunt servari placet, & culpæ nomine ex usu juris auctorum levem tantum accipimus, non etiam levissimam. Ait Justinianus, culpam in societate non ad exactissimam diligentiam dirigendam esse, sed sufficere talem diligentiam communibus rebus socium adhibere quallem suis rebus adhibere solet. Quæ sunt ipsissima verba Gaji in d. l. 72. pro soc.

3. Hic vero nobis pene indissolubilem nodum necit responsum Celsi in l. 32. depos. ubi Jurisconsultus refert & probat quod Nerva dixit, latiorem culpam dolum esse, scilicet vi & effectu, ut non minus quam dolus in deposito præstetur. Hujus autem culpæ reum esse ait, qui minus diligens est in rebus alienis quam in suis, sive, ut loquitur Jurisconsultus, qui non ad suum modum curam in deposito præstat. At nihil amplius Justinianus à socio exigere videtur; inter quem tamen & depositarium hanc ipse differentiam antea constituit, quod socius præter dolum etiam culpam & diligentiam præstet, depositarius non item. Et cuius igitur rei præstatio socium à depositario segregat? Non aliter videtur hic modus expediti posse, quam

si dicamus, Jurisconsultos aliquando eum qui rem alienam aut communem negligentius habet quam suam, ponere in lata culpa & proxima dolo, quam etiam præstet depositarius: aliquando vero id factum adscribere culpæ levi & negligentiae, quam præstet socius, depositarius non præstet. Illud Celsus facit in d. l. 32. depos. hoc alii passim, ut Justinianus hic, Gajus in d. l. 72. item Paulus l. 25. §. 16. famil. ercisc. l. 17. de jur. dot. & Ulpianus l. 1. de tutel. & ration. distr. Sed animadvertisendum est, Celsum expresse proponere ignavum aliquem & dissolute negligentem, id est, tales, qui nec, ut ait ipse, ad eum modum diligens sit quem hominum natura desiderat: hunc ait, si ne ad suum quidem modum curam rei alienæ præstet, reum esse culpæ laetioris doloque proximum; & merito, quoniam nullum hic aliud extremum dari potest. At extra hunc casum, in homine videlicet diligenti ad communem modum, seu bono aliqui & frugi patrem. si quando is consuetam in suis rebus diligentiam in re aliena aut communi omiserrit, levem culpam id reputabimus; atque omnino existimandum est, curam diligentis hominis considerari, quoties simpliciter ea diligentia in re aliena ab aliquo exigitur quam præstare solet in rebus propriis, arg. d. l. 32. depos.

4. *De se queri sibique hoc imputare*] Haec ratio efficere videtur, ut ne media quidem diligentia à socio exigenda sit, per l. 1. §. 5. de obl. & att. & §. pen. Inst. sup. qib. mod. re contr. obligat. Sed in societate ea ratio ideo id non evincit, quia ex adverso alia est & fortior, ob quam justum sit socium præstatione mediæ diligentiae adstringi: nimirum quia in hoc contractu omnium versatur utilitas: tantum hoc efficit ut à socio non sit exigenda diligentia summa atque exactissima, quam forte aliquis putet à socio præstandam esse, propterea quod ea societatis natura est ut diligentiam quamdam atque industriam sociorum desideret, quam ipsam etiam singuli in se suscipere & tacite promittere videantur.

T I T U L U S X X V I I .
D E M A N D A T O .

Dig. lib. 17. tit. 1. Cod. lib. 4. tit. 35. Et l. 20. & seqq. tit. 12. Part. 5.

Continuatio. Definitio mandati ejusque per partes explicatio, & alia scitu in primis necessaria.

Superest contractuum qui consensu obligationem pariunt species quarta & postrema, mandatum videlicet. Mandatum (quod à manu, quæ fidei symbolum est, dictum putatur) est contractus quo aliquid gratuito gerendum committitur & suscipitur. Ajo gerendum, quoniam mandare non est quovis modo committere, sed committere aliquid gerendum: quo admonemur, commendare aliquem non esse mandare; eumque qui simpliciter amicum commendat non obligari, etiamsi quid in eum propter commendationem istam collatum fuerit: fac. l. 12. §. 12. hoc tit. unde vulgo dicitur, verba aut scripta commendatitia non inducere obligationem mandati, l. 11. §. 2. de legat. 3. An & quatenus quis obligetur ex literis credentiae vel commendatitiis in favorem alterius scriptis, si earum contemplatione quid creditum sit, vid. Gomez 2. var. resol. 13. n. 5. Christin. vol. 3. decis. 34. n. 6. Gloss. & DD. in lege 7. C. hoc tit. l. 24. ff. defidejus. l. 12. §. 12. hoc tit. Ajo committitur & suscipitur. Nam mandatum uno rogante, altero recipiente perficitur. Etsi enim mandatum verbi proprietate tantum designet factum mandantis; tamen pro toto contractu passim accipitur & facto utriusque: veluti cum dicimus mandatum contrahiri, mandatum gratuitum esse oportere, obligationes, actiones mandati &c. quod & in aliis appellationibus observatur, ut in stipulatione, acceptilatione, fidejussione. Cur dixerim gratuito exponam inf. sub §. ult. Suscepto mandato statim ex consensu nascitur obligatio; & qui suscepit susceptum consummare, & vicissim qui mandavit eum indemne præstare debet; eoque nomine mandanti competit actio mandati directi, mandatario contraria: pessim π. & C. hoc tit. Cum autem mandati obligatio consensu consistat, consequens est posse & per nuntium & per epistolam mandatum contrahiri; nec referre quibus verbis interponatur, rogo,

an volo, an mando, an quo alio ex quo mandatum intelligatur, l. 1. pr. §. 1. & 2. eod. Quin interdum etiam tacite mandatum contrahi intelligitur, veluti si patiar aliquem pro me fidejubere, aut ab alio mandari ut mihi credatur, l. 6. §. 2. l. 18. eod. Præmittuntur hoc titulo varii fines & formæ mandandi: materia, effectus, contraria accidentia, & affinia dein sequuntur.

T E X T U S .

Divisio à fine.

Mandatum contrahitur quinque modis, sive sua tantum gratiâ aliquis tibi mandet, sive sua & tua, sive aliena tantum, sive sua & aliena, sive tua & aliena. At si tua tantum gratiâ tibi mandatum sit, supervacuum est mandatum, & ob id nulla ex eo obligatio, nec mandati inter vos aetio nascitur.

L. 20. tit. 12. Part. 5.

C O M M E N T A R I U S .

Mandatum varias recipit divisiones. Nam aliud est expressum aliud tacitum, l. 6. §. 2. l. 18. hoc tit. Ab objecto dividitur in generale quod universa alicuius negotia continet, & speciale quod quedam aut unum tantum. Illud vulgo subdividi solet in generale, simplex, & cum libera. De quo nonnihil diximus sub §. 42. *Inst. sup. de rer. divis.* Hoc etiam pro conditione negotiorum, prout illa aut judicialia aut extrajudicialia sunt distinguui potest. Hic alia proponitur divisio sumpta à fine, eaque quinquepartita, quod scilicet mandatum contrahatur vel mandantis tantum gratiâ, vel mandantis & mandatarii, vel aliena tantum, vel mandantis & aliena, vel mandatarii & aliena: quæ eadem extat apud Gajum l. 2. hoc tit. unde etiam sequentes

tes §§. descripti sunt, in quibus singulæ istæ formæ exemplis illustrantur. Poterat hic addi & sexta species, quando trium personarum gratiâ mandatum intervenit, mandantis, mandatarii, & aliena, cujus exempla in *lege* 8. §. 3. & 4. eod.

At si tua tantum gratiâ] Quod mandatum solius mandatarii gratiâ interponitur formâ tantum externa mandatum est, revera consilium potius quam mandatum; & ideo vim obligandi non habet. Vid. *inf.* §. 6. *buj. tit.*

TEXTUS.

Si mandantis gratiâ mandetur.

1. *Mandantis tantum gratiâ intervenit mandatum, veluti si quis tibi mandet ut negotia ejus gereres, vel ut fundum ei emeres, vel ut pro eo sponderes.*

L. 20. tit. 10. Part. 5.

COMMENTARIUS.

1. *An & quando valeat mandatum incertæ rei.*

Exempla primæ speciei, seu ejus mandati quod solius mandantis gratiâ intervenit, ex Gajo l. 2. §. 1. *boc tit.* Apud Gajum pro eo quod hic legitur *sponderes*, est *fidejuberes*: quod à Triboniano depositum existimat Hotomannus, cum Veteres *spondere* dixerint pro *fidejubere*: quasi apud Gajum & alios ejusdem ætatis, ut Javolenum, Julianum, non sàpius *fidejubere* quam *spondere* invenias. *Locus* hic aliqui planus est.

1. Enimvero occasione exempli mandati de fundo emendo queritur, an mandatum rei incertæ valeat, puta si quis generaliter mandaverit sibi emi servum aut equum; vel si quis mandaverit sibi emi fundum aut domum sine demonstratione possessoris, loci, modi, aut magnitudinis. Et probandum, in prioris generis mandato non esse eam incertitudinem quæ mandatum vitiet; in posteriore esse infinitam, quæ non patitur mandatum valere, arg. l. 69. §. 4. *de jur. dot.* l. 115. *pr. de verb. obl.* l. 71. *pr. de legat.* 1. Add. quæ disputamus sub §. 22. *Inst. sup. de legat.* Plane si per relationem aut analogiam de modo prædii constare potest, puto mandatum consistere: veluti si mandavi domum endam habitationi meæ, vel agrum unde frumentum annum victui meo supetar. Illud constat, non

obesse mandato quod pretium rei emenda statutum non est; intelligitur enim iudicio mandatarii id relatum esse secundum aestimationem communem, l. 3. §. 1. *boc tit.* D. Tuld. *comm. bic cap. 2.*

TEXTUS.

Si mandantis & mandatarii.

2. *Tua gratiâ & mandantis, veluti si mandet tibi ut pecuniam sub usuris crederes ei qui in rem ipsius mutuaretur; aut si volente te agere cum eo ex fidejussoria causa, mandet tibi ut cum reo agas periculo mandantis; vel ut ipsius periculo stipuleris ab eo quem tibi deleget in id quod tibi debuerat.*

L. 22. tit. 12. Part. 5.

COMMENTARIUS.

Secundæ speciei, seu mandati quod in rem mandantis fit & simul mandatarii tria exempla hic proferuntur. Primum est, si mandem alicui ut sub usuris pecuniam credat ei qui eam in rem & utilitatem meam mutuantur sit. Hic manifestum est versari mandantis commodum, & propter lucrum usurorum etiam mandatarii. Habet hoc exemplum & Gajus in *lege* 2. §. 4. *boc tit.* Alterum exemplum est, si fidejussor metuens ne ex causa fidejussoria conveniat, mandet creditori ut cum reo potius agat suo mandantis periculo. Commodum hic fidejussoris mandantis in eo quod iudicio liberatur, cum alioqui agi cum eo ex causa fidejussionis potuisset, reo principali neglecto: siquidem jure veteri fidejussor ante reum principalem conveniri potuit, ll. 3. & 5. *C. de fidejuss.* quod mutatum Nov. 4. cap. 1. de quo alio loco dictum est §. 4. *Inst. sup. de fidejuss.* n. 3. Commodum creditoris mandatarii, in hoc quod iudicium instituitur periculo mandantis; cum quo postea mandati agi potest in id quod à reo servatum non erit; cum absque mandato foret ut electione rei fidejussor liberetur secundum tenorem juris antiqui, l. 28. penult. *C. de fidejuss.* ubi demum id jus ab Imperatore abrogatur: quod vix unus & alter animadvertisit. Tertium exemplum est, si is qui centum debebat, cupiens ea obligatione liberari, togavit creditorem ut ea centum suo mandantis periculo stipularetur à Titio, quem in hoc creditori deleget. Hoc etiam mandatum in rem

atrius-

utriusque interponi intelligitur: in rem debitoris mandantis, quia ea delegatione fit novatio, atque ex priore causa debitor liberatur; in rem creditoris mandatarii, quoniam novus debitor ita substituitur, ut nihilominus ex sequenti mandato cum priore agi possit in id quod minus ab illo servari potuit. Duo posteriora exempla sunt etiam apud Paulum legibus 22. §. 2. & 45. §. pen. & ult. hoc tit.

TEXTUS.

Si alienâ.

3³ *Aliena tantum causâ intervenit mandatum, veluti si tibi aliquis mandet ut Titii negotia gereres, vel ut Titio fundum emeres, vel ut pro Titio sponderes.*

L. 21. tit. 12. Part. 5.

COMMENTARIUS.

- 1 *Adversus speciem hic propositam qua difficultates moveantur.*
- 2 *Earum difficultatum remotio.*

1. **A**fferuntur hic ex Gajo *lege* 2. §. 2. hoc tit. exempla tertiae speciei, seu mandati aliena tantum gratiâ interpositi, quæ species difficultate non caret. Etenim explorati juris est, nemini actionem competere nisi ei cuius intersit, l. 32. *locat.* §. 18. *Inst. sup. de inut. stip.* quod & nominativum in causa mandati cautum, l. 8. §. 6. hoc tit. ubi Ulpian. sic scribit: *Mandati actio tunc competit, cum cœpit interesse ejus qui mandavit; ceterum si nihil interest cessat mandati actio, & eatenus competit quatenus interest.* Atqui ut Titii negotia gerantur, ut Titio fundus ematur, ut quis pro Titio fidejubeat, quæ sunt exempla hujus §. nihil interest mandantis: utique si Titius qua Titius, & negotium qua alienum dumtaxat consideretur: quo sensu alibi dicitur nihil interesse mea Titio dari, d. §. 18. l. 38. §. 17. *de verb. obl.* Et omnino fatendum est, eum qui mandavit actionem mandati non habere nisi ipsius intersit.

2. Sed respondemus, illud mandatum dici aliena tantum gratiâ intervenire, quod ut fiat statim & ab initio nihil interest mandatoris; neque enim ut mandati actio aliquando competit exigitur ut mandatoris intersit quo tempore mandatum interponitur, sed sufficit quandocumque ex postfacto incipere in-

teresse. Ut ecce, possum tibi mandare, quod fieri mea initio nihil interest, ut Titii negotia geras; & competet mihi tecum actio mandati ubi mea interesse cooperit, id est, cum ex gestu tuo Titio obligari coopero nomine negotiorum gestorum, l. 28. *de neg. gest.* Mandavi tibi ut Titio pecuniam crederes, cum mea pecuniariter non interesset Titio credi; si non credideris, concedo nullam mihi tecum esse actionem mandati. At si tu mandatum meum secutus (neque enim necesse est te explorare utrum mea intersit necne) pecuniam credideris, quoniam jam ego tibi teneri incipio actione mandati contraria, tu quoque vicissim mihi teneberis directa, si non ex bona fide omnia gessisti, l. 6. §. 4. hoc tit. Quod vero apud Ulpian. *d. lege* 6. §. 5. traditur, etsi mea non interfuit quod tibi mandavi, tua tantum interfuit, mandati tamen actionem esse, si non es facturus nisi ego mandassem: de contraria mandati actione intelligendum est, quæ quibusdam casibus competit etiam ubi nulla directa est, ut in specie *legi* 32. *in pr. eod.* Hæc mihi expeditiora videtur quam illa aliorum, quod ab initio etiam huic formæ mandati implicatum est commodum & interesse mandantis; dici autem aliena tantum gratiâ id interponi, non quia in proposito non simul interveniat causa mandantis, sed quia causa aliena hic principalis; vel ut alii, quia persona aliena dumtaxat mandato comprehensa est: quam interpretationem vix admittit *d. lex* 6. §. 4. & respuere videtur particula taxativa tantum, quæ bis etiam apud Gajum expressa est, d. l. 2. *pr.* & §. 7. *hoc tit.* ut mirer Hotomannum & Pacium censuisse delendam, vel ideo quod eam Gajus non habet. VENN. Recte nodum hunc solvit Vinnius, quod & alii, in primis Marcilius ad hunc §. faciunt. Omnino enim interest mandatoris etiamsi aliena tantum gratiâ mandarit. Quanvis enim alter inde utilitatem capiat, penes mandantem tamen est periculum; quippe qui actione mandati contraria tenetur, si mandatarius mandatum fuerit executus. Vid. *legem* 48. §. 1. ff. *mand. HEIN.*

TEXTUS.

Si mandantis & aliena.

5. *Sua & aliena, veluti si de communibus suis & Titii negotiis gerendis tibi mandet, vel ut sibi & Titio fundum emeres, vel ut pro eo & Titio sponderes.*

L. 22. tit. 12. Part. 5.

Com.

COMMENTARIUS.

Exempla speciei quartæ item ex Gajo d. l. 2. §. 3. hoc tit. Locus hic interpretatione non eget.

TEXTUS.

Si mandatarii & alienâ.

5. *Tua & aliena, veluti si tibi mandet ut Titio sub usuris crederes; quia si sine usuris pecuniam crederes, aliena tantum gratia intercedit mandatum.*

L. 22. tit. 12. Part. 5.

COMMENTARIUS.

Exemplum speciei quintæ sive mandati interpositi in rem mandatarii & alienam, quod ipsum apud Gajum est d. l. 2. §. 5. hoc tit. Mandatarii hic interest propter quantum usurarum; alieni propter usum pecunia. Incidit autem hæc species in eamdem dubitationem quam habet tercia superius proposita §. 3. n. 2. ubi dubitationem sustuli; & illinc igitur petere licebit quod etiam hic responderetur.

TEXTUS.

Si mandatarii.

6. *Tua tantum gratia intervenit mandatum, veluti si tibi mandet ut pecunias tuas in emione potius prædiorum colloces quam fæneres; vel ex diverso, ut pecunias tuas fæneres potius quam in emiones prædiorum colloces. Cujus generis mandatum magis consilium quam mandatum est, & ob id non est obligatorium; quia nemo ex consilio mandati obligatur, etiam si non expedit ei cui mandabatur; cum liberum cuique sit apud se explorare an sibi expedit consilium. Itaque si otiosam pecuniam domi te bâbentem bertatus fuerit aliquis ut rem aliquam emeres, vel eam crederes, quamvis non expedit eam tibi emisse vel credidisse, non tamen tibi mandati tenetur. Et adeo bæc ita sunt, ut quæsum sit, an mandati teneatur qui mandavit tibi ut pecuniam Titio fænerares. Sed obtinuit Sabini sententia obligatorium esse in hoc casu mandatum; quia non aliter Titio credidisses, quam tibi mandatum esset.*

L. 23. tit. 12. Part. 5.
Tom. II.

COMMENTARIUS.

1. *Mandatum quid differat à consilio.*
2. *Interdum mandatum solius mandatarii gratia interpositum consilii fines excedere.*
3. *Neminem ex consilio, si fraus absit, teneri.*
4. *Applicatio legis 6. §. 5. hoc tit.*
5. *Si quis alicui suaserit ut pecuniam certæ personæ credat, tale consilium instar mandati baberi.*
6. *Tollitur difficultas quæ ex verbis Justiniani oritur.*

1. **Q**uod mandatum solius mandatarii gratia fit, magis consilium quam mandatum est. Differt enim mandatum à consilio. Mandatum pars quædam voluntatis est ut quid fiat; consilium non est. Qui mandat vult & urget ut fiat quod mandatum est. Qui dat consilium consultoris arbitrio rem permittit, neque utrum fiat necne laborat. Chrysostom. de virgin. § μερούσιαν ἀφίσαι τὸ ἀκίνωτα κόπεα εὐρατὸν τὸν πραγμάτων αἰρέσθαι, ὑπὲρ τῶν ποιεῖται τὴν συμβουλήν. (Qui enim consilium dat permittit audientis judicio deliberationem super his de quibus consilium initum est). Proinde cum in specie proposita mandatoris nihil intersit aut interesse possit utrum alter mandatum ejus sequatur necne, consili potius quam mandari videtur negotium quod eum tantum cui mandatur tangit. Et licet hoc quoque nomen mandati habeat; vim tamen & effectum non habet, & revera species mandati non est sed consilii, cuius nulla est obligatio, hoc text. l. 2. pr. §. ult. hoc tit. l. 6. §. 5. l. 48. §. ult. eod.

2. Plane potest mandatum solius mandatarii causâ interpositum tale esse ut excedat terminos simplicis consilii, & tunc etiam obligatorium est. Exemplum habemus apud Julianum l. 32. pr. hoc tit. Mandavit mihi aliquis ut hereditatem adirem, cavigue insuper damnum præstari, cum aliter aditurus non essem: si adierim & damnum sensero, erit eo nomine mihi cum eo actio mandati. Plura ejusdem generis exempla fingi possunt.

3. *Quia nemo ex consilio mandati obligatur]* Ex consilio dato neminem obligari placet; etiamsi id consilium non expedit ei cui datum est; cum liberum sit unicuique apud se explorare an expedit necne sibi consilium sequi, d. l. 2. §. ult. Ceterum hoc ita si à consilio absit dolus; nam si dolus & callidi-

tas intervenerit, utique de dolo actio in eum competit qui consilium fraudulentum, quo alteri nocitum est, dedit, l. 47. de reg. jur. fac. II. 8. 23. & 31. de dol. l. 2. de proxenet. Licet enim ex consilio nemo obligetur ad hoc ut præstet eventum, fidem tamen præstare debet; & si fraudem adhibuerit minime excusandus est. Bene Cicero lib. 16. ad Atticum epist. 8. Qui consilium dat, inquit, fidem præstare tenetur; sed fidem tantum. Nam ut idem alibi, si *fraus absit ex consilio nemo tenetur*, & qui *consulit præter fidem nihil præstat*. Cui simile est illud Ulpiani; *Consilii non fraudulentis nulla est obligatio*, l. 47. de reg. jur. Itaque summa ratione apud Dienem lib. 52. Agrippa monet Augustum, ne iis à quibus consilium petiisset criminis duceret, si fortiores secius quam illi existimassent caderet, his fere verbis: *Tous δ' ἀμαρτίας μὴ ἀτιμάσης κοτὲ, μήτ' αἰτιασθεντος διαρρέει τὸν δῆμον, ἀλλ' οὐκ ἐπιτυχίας μέμφεσθαι.* (*In consiliis deerrantibus numquam in honoraveris, neque id eorum culpas adscribas; mentem enim eorum oportet inspicere, neque fortunam criminari*).

Otiosam pecuniam] Otiosa pecunia à prudentibus dicitur pecunia sterilis, II. 7. & 13. §. 1. de usur. quæ in arca jacet, nullumque domino suo fructum affert: cui opponitur occupata, id est, pecunia foenebris quæ usuras parit, ἔργα χρήματα (pecunia fructifera). Demosth. advers. Aphob.

4. *Hortatus fuerit ut rem aliquam emeres* &c.] Quid ergo si emturus aut pecuniam foeneratur non fuisses nisi ego mandarem? Ne sic quidem puto esse tibi necum in proposito actionem mandati; quamvis refragari videatur quod Ulpian. l. 6. §. 5. hoc tit. scribit, mandati actionem esse si quid feceris mandatu meo quod alias facturus non eras, etsi mea non interfuit. Nam si istud tam late interpretamur quam verba patiuntur, nemo ferre erit qui non obligetur ex consilio; cum semper is cui consilium datum est dicturus sit se quod fecit facturum alias non fuisse. Itaque Ulpiani responso accommodanda sunt exempla non simplicis consilii, sed mandati, quale est in l. 32. hoc tit. & similibus. VINN. At manifestum est Ulpian. in l. 6. §. 5. ff. hoc tit. Iloqui de mandato quod nec mandantis nec mandatarii, sed aliena gratiâ interponitur. Si enim nunc res male cedit, mandati actio contraria datur, quia mandantis fidem secutus est mandatarius, non facturus nisi ille mandasset. Quare non quadrat huic legi exemplum in lega 32. hoc tit. ubi de manda-

to mea & tua gratiâ interposito agitur; id que etiam agnoscit vir cl. Ger. Noodt probabil. lib. 4. cap. 12. §. 6. p. 86. seqq. tom. 1. op. HEIN.

Ut pecuniam Titio foenerares] Aliud est verbis generalibus quid consulere aut suadere alicui, puta verbi causa, ut pecuniam foeneret simpliciter; aliud cum designatione certæ personæ, veluti ut pecuniam credat aut foeneret Titio. Prius meri consilii est, quoniam hic res tota arbitrio consultoris relinquitur, id est, illud etiam cui pecuniam credat; & ob id si minus idoneo crediderit de se querri sibique hoc imputare debet, consiliarius autem, si *fraus non intercessit*, excusandus. Posteriori vim habere mandati placet, eo quod hinc auctor tuus fidem suam pro persona designata interponere videtur, tu qui credis fidem illius sequi alter non crediturus. Itaque si cum Titius, verbi gratia, pecuniam mutuam à me peteret, aut pro alio petentem fidem suam offerret, nolle autem aut debitorem eum habere aut fidejussorem, quod suspectæ mihi essent facultates ejus, tu consulisti & oratus est ut facerem, idoneum eum esse affirmans: hoc consilium tuum instar mandati est; atque ex eo si quid secus mihi evenerit teneri te est æquissimum, propter quod tuam hortantis & suadentis fidem secutus sum omnino, teque suasore & impulsore feci quod alias numquam fecissem, quamvis ut facerem tua non interfuit.

5. Ait Justinianus quæsitum esse, *an mandati teneatur qui mandavit tibi ut pecuniam Titio foenerares?* At hoc veri mandati exemplum est, ejus scilicet quod mandatarii & simul aliena gratiâ interponitur; idem enim valet sive mandem tibi ut pecuniam sub usuris Titio credas, sive ut foeneres: quod mandatum certo jure obligatorium est; neque de eo umquam dubitatum videtur, non magis quam de eo quod aliena tantum causâ intercedit, veluti si tibi mandem ut pecuniam Titio credas sine usuris, §. preced. junct. §. 3. sup. eod. l. 2. §. 2. & pen. hoc tit.

6. Quamobrem suspicor Justinianum abusum verbo *mandati* pro *consulendi* aut *hortandi*, quo Paulo ante usus est; dubitatumque an mandati teneatur non qui ultro & sponte sua alteri forte nihil tale cogitanti mandat ut pecuniam certæ personæ credat, sed qui aditus & rogatus tale consilium dedit, hortatusque consultorem est ut faceret circa animum se obligandi; ut ratio juris videatur denegare actionem, quam tam ex bo-

bono & æquo dandam secundum Sabini sententiam placuerit. Plane qui simpliciter affirmavit idoneum esse eum cui pecunia mutuadabatur, non interveniente mandato aut consilio de credendo, mandati non tenetur, *l. 2. de proxenet. l. 7. §. uit. de dol.* & ibi Costal. Gomez *2. resol. 13. n. 5.*

TEXTUS.

De mandato contra bonos mores.

7. Illud quoque mandatum non est obligatorium quod contra bonos mores est: veluti si Titius de furto aut de damno faciendo aut de injuria facienda mandet tibi; licet enim poenam istius facti nomine præstiteris, non tamen ullam habes adversus Titium actionem.

L. 25. tit. 12. Part. 5.

COMMENTARIUS.

- 1 *Mandati rei in honestæ nullam esse actionem, quamvis nihil flagitosi habeat.*
- 2 *Ex delicto tam mandantem, immo & consilium dantem, obligari quam mandatarium.*
- 3 *An qui mandavit hominem vulnerari si occisus sit teneatur poenâ homicidii. Remissive.*

Materia seu objectum mandati sunt res licite & honeste; turpium rerum & illicitarum nullum mandatum, nul-laque in universum ex ullo contractu obligatio est, *l. 6. §. 3. hoc tit. l. 57. pro soc. l. 26. cum seq. l. 123. de verb. obl.* Itaque si quis adem sacram spoliandam, hominem vulnerandum, occidendum, furtum faciendum &c. suscepit, neque poenam in quam propter flagitium, neque impensas in quas propter vulnus condemnatus est, in summa nihil mandati iudicio consequi potest propter turpitudinem mandati, & quia proprii delicti poenam præstat, *l. 22. §. 6. hoc tit.* Sed et si nihil flagitosi mandetur, si tamen alias quod mandatur in honestum sit, nulla ex eo mandati actio est: veluti si adolescens luxuriosus mandet tibi ut pro meretrice fidejubeas & tu sciens mandatum susceperis, non habebis mandati actionem. Idemque obtinet si mandaverit tibi ut meretrici pecuniam credas; quia simile est ac si perdituro crederis, & adversus bonam fidem, *l. 12. §. 11. hoc tit. l. 8. pro ent.*

2. Plane si Titius tuo mandatu aliquem

occidit aut vulneravit aut contumeliâ affectit, etsi hic nulla ex contractu inter vos obligatio oritur, uterque tamen obligamini ex delicto; neque te qui mandasti excusat quod Titius facinus perpetravit; neque Titium quod tu mandaveris. Quin nec ipsis servis qui mandatu dominorum deliquerunt in atrocioribus ignoscitur, *l. 11. §. 7. quod vi aut clam. l. 20. de obl. & att. l. 157. de reg. jur.* atque hoc in tantum procedit, ut tu partem cum Titio poenam sustineas, arg. leg. 15. §. 1. ad leg. Corn. de sicar. *l. 11. §. 3. ff. de injur. l. 5. C. de accus. l. pen. C. si reus vel accus. mort. Add. Clar. lib. 5. §. fin. quest. 89.* & ibi citatos cum citatis apud Baptist. Bajard. in annot. Sed & consilium quoque in delictis eadem poenâ puniri qua mandatum communis sententia est: utique si datum sit ei qui alioqui nihil commisisset. Clar. d. §. fin. quest. 89. Covarr. in Clem. si furiosus part. 2. §. 2. de homicid. Menoch. arb. jud. cas. 351.

3. Quæritur, an is qui mandavit hominem vulnerari tantum, si mandatarius eum occiderit poenâ homicidii teneatur? Vid. Clar. d. quest. 89. n. 4. Menoch. arb. jud. cas. 352. n. 2. Covarr. in d. Clement. part. 2. §. 1. n. 3. Fachin. 1. cont. 36. Christin. vol. 3. decis. 49. ubi refert, negantium sententiam in iudicio contradictorio probatam Senatui Mechliniensium, qui mandatum tale poenâ extraordinaria puniverit. Illud convenit, in atrocioribus delictis etiam solum & simplex mandatum, hoc est, etsi non sequatur effectus aut ad aliquem actum deuentum sit, poenâ arbitria coercendum esse. Covarr. d. Clement. princ. part. 2. n. 9. vers. 6. Menoch. arb. jud. cas. 352. n. 6. Hæc obiter indicavi; neque enim hujus loci est ea tractare latius.

TEXTUS.

De executione mandati.

8. *Is qui exequitur mandatum non debet exceedere fines mandati: ut ecce, si quis usque ad centum aureos mandaverit tibi ut fundum emeres, vel ut pro Titio sponderes; neque pluris emere debes, neque in ampliorem pecuniam si-dejubere, alioqui non habebis cum eo mandati actionem; adeo quidem ut Sabino & Cassio plauuerit etiamsi usque ad centum aureos cum eo agere volueris inutiliter te actuorum. Sed diversæ Scholæ autores recte usque ad centum aureos te actuorum existimant: quæ sententia sane benignior est. Quod si minoris emeris, habebis*

scilicet cum eo mandati actionem; quoniam qui mandat ut sibi centum aureorum fundus emeretur is utique mandasse intelligitur ut minoris, si possit, emeretur.

COMMENTARIUS.

- 1 *Fines mandati qui excessit actionem mandati non habere: quod exemplis illustratur.*
- 2 *An Legati alive qui mandatum à populo &c. acceperunt, præcise quod mandatum est semper sequi teneantur.*
- 3 *Qui color Sabini & Cassi sententia hic relate prætexatur.*
- 4 *Contrarium Nerve & Proculi merito prælatam, cum confutatione argumentorum Sabini.*
- 5 *Licet res tanti valeat quanti emta est, tamen mandatarium quod ultra mandatum impedit contrario judicio consequi non posse.*
- 6 *Occurrit argumentis auctorum contrarie sententiae.*

1. **L**ocus insignis de executione mandati. Mandatarius ad præscriptum agere atque in exequendo mandato cavere debet ne fines mandati egrediatur, aliudve faciat quam quod ei mandatum est; alioqui tanquam non impleto mandato repetitionem impensarum contrario judicio non habebit, quamvis ipse directo teneatur, l. 14. hoc tit. Ut ecce, mandavit tibi ut domum Sejanam centum aurei emeres: si tu Titianam emeris, quamvis forte majoris pretii, & tamen centum, vel etiam minoris, non videris implisse mandatum, l. 5. §. 2. hoc tit. Item si mandavero tibi ut fundum meum centum venderes, tuque eum nonaginta vendideris, egressus es mandatum; & ideo si fundum petam, non obstabit mihi exceptio, nisi & reliquum mihi quod deest mandatu meo præstes & indemnam me per omnia conserves, d. l. 5. §. 9. Similiter si tibi mandavero ut pro me in diem fidejuberes, tuque pure fidejusseris & solveris, interim non erit tibi mecum actio mandati, quia mandatum excessisti, l. 22. hoc tit. Idque est quod generaliter Paulus definit, diligenter fines mandati custodiendos esse; eum enim qui excessit aliud quid fecisse videri, d. l. 5. in pr. Plane in finibus mandati constituisse videtur qui fecit æquipollens, τὸ εὐδίαιον, veluti si rogatus fidejubere pro Titio apud Mævium, mandavit creditori Mævio ut Titio crederet, l. ult. §. ult. hoc tit.

2. Hic introduci potest quæstio agitata in Philosophia, an legatus aliusve qui mandatum à populo Principe aut duce exercitus accepit, præcise id omne & solum quod mandarum est facere teneatur; an nonnumquam quædam etiam præter & contra mandatum, si videlicet ea aut videat aut speret ei qui mandavit utiliora fore? quam quæstionem problematice tractat Agellius 1. noſt. Attic. 12. Nobis in ista excurrere non licet. Evidem arbitror, regulam Pauli de custodiendis mandati finibus, vel maxime locum habere in negotiis publicis & bello, corrumptive atque dissolvi officium imperantis si quis ad id quod facere jussus est non obsequio debito, sed consilio non desiderato respondeat, ut ait Agell. d. loc. Ceterum æquum nihilominus videtur ut ratio aliqua habeatur circumstantiarum: puta vel temporis, ne dum nova & longinqua mandata expectantur occasio rei ex utilitate mandantis gerendæ elaboratur, vel certitudinis successus: quo utroque nomine excusari potest factum Phœbidæ Lacedæmonii, qui missus in Olynthios injussu Reipub. arcem Cadmeam occupavit consilio & ope Leontiadis Thebani: quod factum Agesilaum defensorem habuit, Xenoph. lib. 5. hist. Greec. Forte & ingenium ejus qui imperavit considerandum, facilisne sit & placidus an Manlius aliquis aut Posthumius; nam si tali præceptori ratio reddenda sit nihil faciendum monerem aliter quam præceptum est. Illud Cæsar is est: *Aliæ sunt Legati partes, aliæ Imperatoris.* Alter agere ad præscriptum, alter libere ad summam rerum consulere debet. Ces. comment. lib. 3. cap. 51. Sed de hoc fusius scriptores politici. Vid. Besold. de Legat. cap. ult. & ibi citat. & rai, rai (late) Giphian. in prefat. comm. de Imp. Just.

3. **A**deo quidem ut Sabino & Cassio &c.] Posito & generaliter recepto hoc jure, eum qui aliud facit quam quod mandatum est non videri implere mandatum: queri coepit, quando idem aut aliud factum esse videtur, ut hinc judicari possit de actione mandati. Constitutus autem dubitatio fere in hac specie, si quis cum ei mandatum esset ut ad certum usque pretium fundum emeret, vel ad certam summam pro Titio fidejuberet, fundum quidem emerit, ceterum pluris; vel pro Titio sponderit, sed in majorem summam. Et Sabino & Cassio placebat nullam hoc casu mandatario actionem mandati esse, etiamsi ad summam mandato comprehensam tantum agere velit paratus id quod excedit

remittere; nec dubium quin ideo quod hic aliud factum putaverint quam quod mandatum erat; quamquam & alio argumento utebantur, quod iniquum esse dicebant unidari actionem, alteri denegari: id autem in casu proposito contingere si mandatum egresso actionem damus adversus mandantem; mandanti enim cum illo actionem non esse, *l. 3. in fin. hoc tit.* VINN. Recte Sabini & Casii rationes pervidit Vinnius. Nimurum ex iuris principiis negotia & actus sunt individua, quantitates dividuae, *l. 1. §. 2. ff. de verb. obl.* Itaque qui fines mandati excessit, non pro parte executus est mandatum, sed plane aliud quid egit, *l. 5. pr. & l. 33. ff. hoc tit.* Itaque nec actionem mandati pro parte habere poterit. *HEIN.*

4. Sed Nervae & Proculo contraria visum est, in hujusmodi specie saltem ad summam mandato expressam mandatarium recte agere, quasi haec tenus non aliud, sed quod rogatus est, fecerit mandatumque impleverit. Ut ecce, rogatus fundum emere centum aureis eum emit centum & viginti; qui autem centum & viginti emit, eum verum quoque est centum emisse; cum utique majori summae semper insit & minor; *l. 1. §. 4. de verb. obl.* Itaque censuerunt in hypothesi proposita centum juxta mandatum impensa, atque haec tenus actionem mandatorio recte dari: quod amplius est, quia est extra mandatum, pro inutiliter adjecto habendum: qua sententia merito recepta est, *d. l. 3. §. ult. junct. l. 4. l. 33. hoc tit.* Nec video quid in contrarium valeat alterum Sabini & Casii argumentum, obscuriuscule à Paulo propositum *d. l. 33. in fin.* Nam si haec eorum mens fuit, non esse mandati actionem cum eo qui mandatum excessit, & ideo nec esse debere cum illo: aperte falsum assument. Nam pro certo jure traditum est, ei qui mandavit competere judicium mandati adversus eum qui mandatum egressus est, licet huic non competit adversus illum, *l. 4. l. eod.* Sed opinor hoc eos sensisse, cum tu pluris fundum emisti quam ego mandaveram, puta centum & viginti aureis cum de centum tantum mandasse, si ego in hujusmodi specie non recte mandati tecum ago ut mihi fundum tradas, quantumvis parato mihi refundere pretium mandato comprehensum, id est centum aureos: vicissim etiam non esse ut tibi contrario iudicio mecum experiri licet ut fundum statuto pretio recipiam, quantumvis tu paratus sis reliquum remittere. Ceterum in hac argumentatione manifeste vitiosa est il-

latio. Etenim nihil iniqui habet ut ego tener fundum recipere eo pretio quo emitum eum mihi volui, licet procurator meus eum pluris emerit; qui etiam reliquo remisso mihi gratificatur. At iniquum est teneri procuratorem fundum quem emit centum & viginti, mihi tradere centum dumtaxat restituendo, ad quam usque summam ut emeret tantum mandaveram.

5. In hac eadem specie de mandatario quasitum est, non ab auctoribus juris sed ab Interpretibus, an si fundus tanti valeat quanti emitus est, non possit mandatarius etiam id quod amplius impedit, & nimurum etiam viginti illa, contrario iudicio repetere, non quidem mandati sed negotiorum gestorum, tamquam extra mandatum utiliter impensa in rem & contemplatione mandantis. Visum id olim Martino fuit & Joann. Fabr. ex recentioribus Baroni, Myns. & Bronch. *l. miscell. 66. arg. legum 2. & 45. de neg. gest.* Sed rectius id mihi negare videtur Joann. Bulg. & Accursius; quoniam actio negotiorum gestorum competere non potest ei qui gessit in vita domino, *l. ult. C. de neg. gest.* Id autem fit in specie proposita; nam qui fines mandati excedit, is quatenus excedit facit contra id quod praescriptum est, & tantum non contra expressam prohibitionem mandantis; quippe eo ipso quod quis mandata rem sibi emi centum, prohibere intelligitur pluris sibi emi: quæ etiam voluntas modum & finem erogationi imponit, *l. 31. §. 4. de neg. gest.* Et vero si mandatorem ultra id quod impendi voluit obligari dicimus, manifesta ei fieri injuria, aperieturque fenestra improbis hominibus calide excedendi fines mandati. Utique mea nihil referri utrum quis actionem mandati, an negotiorum gestorum experiri queat. An ergo credimus Jurisconsultum in *d. l. 4.* aut Justinianum hoc loco actionem mandati usque ad statutum pretium dumtaxat, idque ex humanitate secundum Proculi sententiam concedentes in verbis ludere, atque in reliquum adhuc concedi voluisse actionem negotiorum gestorum? Aut Sabinum & Cassium in totum denegantes actionem mandati, admisisse tamen actionem negotiorum gestorum?

6. Argumentis auctorum contraria sententiae facile occurri potest. Prætextitur aequitas, sed nullo colore. Nam mandatarius aut suo nomine pluris emit, & certum est eum quatenus definitum pretium excessit nullam omnino actionem habere; aut nomine mandatoris, & hic non potest quidem mandator ultro

ultra conveniri ut restituat totum quod impensum est; ceterum si ipsum cum mandatario agat ut res tradatur, defendetur mandatarius exceptione, nisi totum quod erogavit restituatur. Quid si facta sit traditio? Et siquidem mandatarius rem tradens pretium pro ea datum indicavit, mandator hoc ipso quod rem recipit ratam habere emtionem videtur; quod perinde est ac si ut tanti emetur ab initio mandasset, per l. 12. in fin. de solut. l. 60. in fin. de reg. jur. cap. ratihabitio nem xii. eod. in 6. Si vero pretium non indicavit, tenetur mandator ubi resciverit emtione probare aut improbare: ea probata totum pretium restituere, improbata rem ipsam. Ita ferme Angel. & Sylvestr. hic citato Saliceto ad eundem modum distinguente in l. 3. hoc tit.

Quod si minoris emeris &c.] Qui rem aliquam minoris emit quam ex mandato pluris emere poterat, non aliud facit, sed illud ipsum quod ei mandatum est; nec ideo mandati fines excessisse videri potest, *etiam clavis et veritas* (quod parabilior ei merx obtigerit). Nam qui certa summâ rem sibi emi mandat, etiam minoris, si possit, eam sibi emi mandasse intelligitur. Iaque dubium numquam fuit quin hic ad eam summam quae impensa est mandatarius actionem habeat, l. 5. §. ult. hoc tit. Non idem intelligi debet, si quis mandaverit certo pretio rem suam vendi eaque minoris vendita sit, d. l. 5. §. 3. ff. hoc tit. l. 12. C. eod. Idem dicendum esset si pluris vendidisset; quippe multum refert, causa mandantis melior fiat an deterior, l. 3. pr. d. l. 5. §. ult. hoc tit.

TEXTUS. De revocatione mandati.

9. *Recte quoque mandatum contractum, si dum adhuc integra res sit revocatum fuerit, evanescit.*

*Vid. leg. 23. tit. 5. Part. 3.
vers. Otrosi.*

COMMENTARIUS.

1. *Quod mandatum revocatione mandatis solvatur contra communes regulas receptum esse; & quare.*

MAndatum itidem ut societas non tantum solvitur communibus illis & ad omnem

obligationem pertinentibus modis, de quibus tit. ult. hujus lib. sed etiam propriis quibusdam & remotis à communi lege dissolventarum obligationum: quos modos ideo Justinianus etiam hic tradere voluit, sicut tit. prec. perstrinxit modos finienda societatis proprios. Recensentur autem hic modi quatuor quibus proprio jure mandatum solvit: duo quibus ex persona mandantis, revocatio & mors mandatoris: totidemque quibus ex persona mandatarii, mors hujus ipsius & renuntiatio.

1. *Si, dum adhuc res integra, revocatum]* Si re adhuc integra consensu mutuo à mandato recedatur, solvitur mandatum jure communi, §. ult. Inst. inf. quib. mod. toll. obl. at ut sola voluntate & revocatione mandantis finiatur mandatum, l. 12. §. pen. l. 15. hoc tit. videtur esse præter regulam traditam in l. 5. C. de obl. & act. neminem ab obligatione semel constituta adversario non consentiente recedere posse. Cur igitur placet mandatum hoc modo solvi? Nimirum quia is qui mandavit non obligatur ad hoc ut quod semel mandavit perfici patiatur. Cur enim quod sua causâ susceptum est prohibeatur repudiare? aut opera atque officio oblato non uti? Nec habet quod queratur mandatarius, cuius nihil interest si re adhuc integra revocatio facta sit. Quid ergo si facta sit postquam res integra esse desiit, id est, postquam jam mandatario per causam mandati quid abesse coepit? Solvitur quidem nihilominus adhuc mandatum, ut quod post à mandatario fit, intelligatur non fieri ex mandato; ceterum hic ex antegesto aut gesto antequam sciret mandatorem revocasse, actionem mandati habet ut consequatur quod ei propter mandatum abest, ne damno afficiatur, per ll. 15. & 26. pr. hoc tit. Illud etiam notandum est, revocationem mandati non tantum expresse fieri, sed interdum etiam tacite factam intelligi, ut in specie legis pen. de reb. cred. & §. seq. in fin.

TEXTUS.

De morte.

10. *Item si adhuc integro mandato mors alterius interveniat, id est, vel ejus qui mandaverit vel illius qui mandatum suscepit, solvitur mandatum. Sed utilitatis causâ receptum est, si eo mortuo qui tibi mandaverat, tu ignorans eum decessisse executus fueris mandatum, posse te agere mandati actione; alioquin justa*

justa & probabilis ignorantia tibi damnum afferet. Et huic simile est: quod placuit, si debitores manumisso dispensatore Titii per ignorantiam liberato solverint, liberari eos; cum alio qui stricta juris ratione non possent liberari, quia alii solvissent quam cui solvere debuerint.

Vid. leg. 23. tit. 5. Part. 3.

COMMENTARIUS.

- 1 *Proprium quoque mandati esse quod mortem mandantis quam mandatarii extinguitur, & cur id visum.*
- 2 *An eo etiam casu mandatum finiatur morte mandatoris, cum mandavit quid fieri post mortem suam.*
- 3 *Quid sibi velit quod additur, si integro adhuc mandato.*
- 4 *Interdum mandatario post mortem mandantis implenti mandatum ex bono & aequo actionem dari; & quibus casibus.*
- 5 *Casus alias & exemplum superioribus simile.*

1. **E**tiam morte, & tam mandantis quam mandatarii mandatum extinguitur, *l. 26. & l. seq. §. 3. l. 57. & 58. ff. hoc tit. l. 15. C. eod. l. ult. de solut.* Et hoc quoque utrumque contra communem regulam juris, qua placet heredum in universum jus defuncti succedere. Sed nimur naturā mandati tacite continentur, ut ne mandatum personam egrediatur aut mandantis aut mandatarii: non mandantis; quippe quem sibi soli officiosam hanc operam ab amico præstari, & cui soli, ut amico, in eo gratificari mandatarium voluisse putandum est: non mandatariis; quia industria & fidei certa personae in hoc electæ res commissa fuit; quæ ratio expressa est in cap. ult. x de off. deleg. significatur in d. l. 57. hoc tit. explicatur in lege 9. de curat. fur. Cic. pro Rosc. Comæd. cap. 39. *Nemo enim mandat nisi amico & fidi.* Itaque cum præstatio officii in mandato & ratione ejus cui præstatur & ejus qui præstat tota personalis sit, mirum videri non debet mandati obligationem cum persona eorum expirare, *l. 8. §. 3. delib. legat.* Videamus prius de mandatore. Igitur si mandator integro adhuc mandato decesserit, dicimus mandatum solvi, ut jam nec is qui mandatum suscepit id mortuo mandatore implere teneatur, nec heredes mandatoris obligentur ut patiantur eum mandatum exequi, *d. l. 26. & arg. l. 27. §. 3. hoc tit.* Ex quo intelligimus, neque illum, si

mortuo mandatore mandatum executus fuerit, ullam adversus heredes mandatoris actionem habere; neque ex diverso, si executus non sit, heredes mandatoris agere posse ut exequatur, aut id quod eorum interest præstet.

2. De illo quæritur, an mandatum morte mandatoris usque adeo solvatur ut idem probandum sit etiamsi nominatum mandaverit quid fieri post mortem suam? Et in eo hæc distinctio communiter probata est, ut hujuscemodi mandatum post mortem mandatoris non finiatur, sed omnino implendum sit; si tale sit quod non nisi post mortem ejus impleri queat: veluti si cui funeris sui curam mandaverit, aut ut post mortem suam sibi monumentum fieret, aut heredibus suis fundus emeretur, *l. 14. §. 2. de relig. l. 12. §. ult. & l. 13. hoc tit.* Sin autem quod mandavit eo vivo impleri potuit, mortuo eo mandatum extingui: veluti si jusserrit debitorem suum post mortem suam solvere Titio, *l. ult. de solut.* cuiusmodi etiam causa heredibus, ad quos tum res pertinet, non obstante mandato integra servata intelligitur. Similiter ex converso mandatum solvi placet si mandatarius re adhuc integra decesserit; & ob id heredes ejus non tenentur quod ille suscepit exequi; & licet sponte executi fuerint, actionem tamen mandati non habent, *l. 27. §. 3. l. 57. hoc tit. Vinn.* Atqui in lege 14. §. 2. ff. *derelegios.* non datur actio mandati, quod factum oporteret si mandatum morte non extinctum fuisset; sed actio de dolo. Doli enim reus erat, qui pecuniâ accepta funus non duxerat, obligatus non ex contractu mandati, sed in nomine do ut facias. *Hein.*

3. Cur vero in utraque specie additur, si re adhuc integra mors intervenerit? Non sane quod postquam res integra esse desit seu interesse coepit morte alterutrius interveniente mandatum non solvatur, & adhuc libere perfici possit quod coepit est; sed quia obligatio mandati & actio ante mortem nata post mortem perseverat, *l. 26. fac. d. l. 57. & 58. hoc tit.* Ut ecce, actio mandati statim competit cum coepit interesse, *l. 8. §. 6. hoc tit.* Et igitur sive mandatarius decesserit quo tempore jam interesse cooperat mandatoris, puta cum jam ille eamdem rem per alium explicare non poterat; sive decesserit mandator cum res non amplius integra esset mandatario, quod forte jam sumtus ad negotium exequendum necessarios fecisset: actio mandati senel alterutri quæsita neutrius morte intercidit, *dd. legibus.*

4. *Tu ignorans eum decessisse executus fueris*] Etsi mandatum morte mandatoris extinguitur, & ideo secundum stricti juris rationem quamvis mandatarius ignorans mandatorem decessisse mandatum impleverit agere mandati non potest: tamen utilitatis causa seu ex bono & aequo placet, impleto per ignorantiam mandato actionem ei dari, *ll. 26. & 38. hoc tit.* Quippe in hoc judicio de bona fide agitur, cui non congruit de apicibus juris disputare, ut eleganter ait Ulpianus *l. 29. §. 4. hoc tit.* Atque hoc ipsum etiam admittendum videtur in ignorantia juris, puta si mandatarius, quamvis non ignorans mortis mandatoris, errore juris persuasus id sibi incumbere mandatum impleverit: arg. ejus quod de heredibus mandatarii simili errore mandatum exequentibus Papinianus respondit *lege 57. hoc tit.* nam & alias cum de damno vitando agitur, error juris nocere non solet, *ll. 7. & 8. de jur. & fact. ign.* Illud hic queri potest, an si forte ad consummationem mandati adhuc aliquid desit id recte absolvatur vel à mandatario post mortem mandatoris ei cognitam, vel ab heredibus mandatarii post mortem illius. In quo hæc distinctio probanda videtur, ut si quidem ea quæ agenda supersunt cum prioribus connexa non sint, tum non licet mandatario aut heredibus ejus reliqua implere; sin vero connexam cum negotio coepito rationem habeant, tum illis licet; immo incumbat, arg. *l. 5. §. 5. l. 37. §. 1. de adm. tut. l. 13. de tut. & rat. distr. l. 3. §. pen. ff. de contr. act. tut. l. 11. C. arb. tut.*

Alicui justa & probabilis ignorantia] Justa & probabilis ignorantia nemini fraudi esse debet; atque in proposito ne juris quidem, per *l. 57. hoc tit.* ubi ignoscitur heredibus mandatarii, iisque actio conceditur qui errore lapsi, non animo furandi sed exequendi quod defunctus suæ curæ fecerat, mandatum impleverunt.

5. *Huic simile est*] Quod dixit de mandato consummato post mortem mandatoris per ignorantiam mandatarii, illud illustrat exemplo simili, nempe debitorum per ignorantiam solventium manumisso dispensatori creditoris mandantis: quos ex aequo & bono liberari placet; quamvis stricta ratione juris non liberentur, cum alii solventur quam cui oportebat, *l. 11. in fin. depos. l. pen. de reb. cred. ll. 18. & 51. de solut.* Quod ut intelligamus tria hæc scire oportet, (1) dispensatorem dici servum pecuniis domini exigendis & administrandis præpositum, *d. l. pen. de*

reb. cred. d. l. 18. de solut. (2) qui servum dispensatorem facit, eum intelligi suis debitoribus mandare ut ei solvant, *fac. l. 34. §. 3. de solut.* (3) qui servum dispensatorem manumittit, tacite mandatum revocare. Est vero liberatio hæc communis omnium debitorum qui ignorantes mandatum revocatum esse procuratori quondam creditoris solvèrentur, *l. 12. §. 2. d. l. 34. §. 3. de sol.*

TEXTUS.

De renuntiatione.

11. *Mandatum non suscipere cuilibet librum est; susceptum autem consummandum est, aut quam primum renuntiandum, ut per semetipsum aut per alium eamdem rem mandator exequatur. Nam nisi ita renuntietur ut integræ causa mandatori reservetur eamdem rem explicandi, nibilominus mandati actio locum habet; nisi justa causa intercesserit aut non renuntiandi aut intempestive renuntiandi.*

L. 24. in fin. tit. 5. Part. 3.

COMMENTARIUS.

1 *Cur mandatum solvi placeat tempestiva renuntiatione; & quid si interpositive renuntiatio facta.*

2 *Mandatarium præter dolum etiam culpam præstare, & qualiter.*

3 *Justa causa interveniente excusari mandatarium, licet non renuntiaverit, aut non tempestive.*

1. *P*roponitur hæc & explicatur secundus modus quo ex persona mandatarii mandatum finitur, nempe renuntiatione. Ut ergo revocatione mandantis, ita ex contrario & renuntiatione mandatarii mandatum solvi placet. Quippe quod officii causam habet non magis reluctanti extorqueri, quam invito obtrudi convenit; nec oportet quemquam difficultem esse in eo in quo dispendium ejus nullum veritatur, *l. 38. de evit.* Quamobrem nec ab initio mandatarius aliter obligari intelligitur, quam sub hac disjunctione, ut aut impletat mandatum aut in tempore renuntiet, *l. 22. §. ult. l. 27. §. 2. hoc tit. & pr. hujus text.* ut frustra objiciatur *lex 5. C. de obl. & act.*

Susceptum consummandum, aut quam primum renuntiandum] *D. l. 22. §. ult. d. l. 27. §. 2.*

Quo

Quo probatur quod modo diximus, mandatarium sub disjunctione obligari, ut aut officium susceptum exequatur, aut cum primum poterit renuntiet. Renuntiatio aut tempestive fit, id est, ita ut integra facultas mandatori conservetur eamdem rem & que commode explicandi, aut intempestive, id est, eo tempore quo jam mandator neque per se neque per alium idem negotium expedire potest. Renuntiatione tempestiva mandatum omnimodo solvitur, ut tamen actio competit ex ante gesto. Intempestiva vero mandatarium non liberat, sed nisi justa causa intercesserit tenetur nihilominus actione mandati; non quidem ut mandatum præcise impleat, sed ut præstet quod mandatoris interest impletum esse *ad l. &c. hoc texr.* sicut in ceteris quoque obligationibus faciendi evenit, *l. 13. §. 1. de re judic. §. ult. Iust. sup. de verb. obl.*

2. Circa obligationem mandatarii incidente solet quæstio de dolo, culpa & diligentia, quid horum in mandato exequendo & rerum recipientiarum administratione mandatarius præstare debeat. Dixeris, præter præstationem dolli & culpe latæ nihil à mandatario exigendum, secundum definitionem *legis 5. §. 2. commod.* esse enim similem depositario seu ei qui rem custodiendam accepit: utrumque beneficii debitorem esse, & contemplatione alterius rem suscipere. Ceterum hanc definitionem in mandato sequi non licet, propter eos textus quibus expresse traditum est, mandatarium non tantum de dolo, sed etiam ob culpam teneri, *l. 8. §. ult. ff. hoc tit. l. 11. C. eod. l. 23. de reg. jur. Modestin. in collat. leg. Mosaic. & Rom. tit. de depos.* Certum autem est, verbo culpe absolute posito significari culpam levem. Plus dicimus, etiam culpam levissimam in judicio mandati venire. Sic enim diserte scriptum est in *lege 13. hoc tit. procuratorem dolum & omnem culpam præstare*, solum casum improvismus non præstare. Ac ne quis putet hoc pertinere dumtaxat ad procuratores forenses, non ad omnem mandatarium: utique ad quemvis mandatarium & procuratorem pertinet, quod traditur in *lege 21. C. hoc tit.* aliena negotia exacto officio geri, nec quidquam in eorum administratione neglectum ac declinatum culpâ vacuum esse. Cui similis est locus apud Ciceronem in *orat pro Rosc. Amerino cap. 38.* ubi de judicio mandati disserens ait in minimis rebus teneri mandatarium si quid non modo malitiosus verum etiam negligentius fecerit. Cur ergo in mandato recedimus a regula quam

Tom. II.

in deposito servari placet? Nimirum ideo, quoniam cum in negotio gerendo opus sit diligentia atque industriæ: & is qui mandat diligentiam rei gerendæ convenientem exigere, & qui suscipit mandatum hoc ipso industriam & diligentiam ad rem exequendam necessariam in se futuram recipere videtur. Quod deposito non convenit; nam ad aliquid custodiendum non diligentia aut industriæ, sed fide opus est dumtaxat. Ex quo intelligimus mandatarium comparandum esse non cum quovis depositario, sed cum eo qui se deposito obtulit, quem omnem culpam præstare placet, non alia de causa quam quod offerendo se de diligentia sua promittere videatur, *l. 1. §. 35. depos.* Sunt qui de his præstationibus statuendum arbitrantur pro varia conditione mandati, quæ modo mandantis, modo mandatarii, modo utriusque utilitatem spectat; quoniam vident eam distincti onem in commodato probatam esse, *l. 5. §. 2. in fin. junct. §. 10. & l. 18. in fin. pr. commod.* Nempe ergo, si his credimus, ubi mandatum solius mandantis gratiâ intervenit, dolus dumtaxat & culpa lata præstabatur; ubi utriusque gratiâ, etiam culpa levis; ubi solius mandatarii, etiam levissima. Sed profecto talis distinctione in mandatum non cadit, neque quidquam mandato cum commodato hic communne est. Etenim mandatum solius mandatarii contemplatione interpositum, etsi mandantem obligat, si dolus ius intervenerit, *§. 6. hoc tit.* mandatarium tamen non obligat ullo modo; quippe cujus nulla obligatio esse potest, nisi quatenus negotium quod gerendum suscepit ad alium pertinet, *d. l. 21. C. hoc tit.* ut proinde cum de obligatione mandatarii circa prædictas præstationes queritur, mandatarius tantum considerari debet ut rem alienam gerens: quomodo etiam consideratur in *d. l. 21. & passim* in hoc argumento. Plane in iis quæ actum commissum coi sequuntur, interdum culpâ aut fraude carere sufficit, *l. 8. §. ult. l. 10. & 29. §. 4. hoc tit.*

3. *Justa causa intercesserit &c.]* Hoc admisso renuntiatione tempestiva mandatum solvi, consequens fuit ut etiam propter interventionem justam causam aut non renuntiandi aut intempestive renuntiandi, excusationes mandatarius allegans audiri debuerit. Justa non renuntiandi aut omittendi mandati causa est, veluti si actiones mandatario competituræ manes illi futuræ sint, eo quod mandator solvendo esse desierit, ne forte mandatario pereat quod impedit. Itē inimicit & capitales, quibus intervenientibus

Gg

nec

nec mandatorem credibile est amplius operā mandatarii uti velle, nec ab hoc exigi debet ut eandem illi operam porro præstet. Non tempestive renuntiandi, adversa valetudo, aut similes casus quibus impeditus tempestive renuntiare non potuerit, ll. 23. 24. & 25. eod.

TEXTUS.

De die & conditione.

12. Mandatum & in diem differri & sub conditione fieri potest.

COMMENTARIUS.

Mandatum & in diem differri & sub conditione contrahi potest, ut hic, & l. i. §. pen. hoc tit. & cum mandati obligatio mere à consensu pendeat, potest per nuntium quoque vel per epistolam mandatum fieri ac suscipi, d. l. i. pr. & §. 1. Sed hæc & alia id genus, sub rubr. buj. tit.

TEXTUS.

De mercede.

13. In summa sciendum est, mandatum nisi gratuum sit in aliam formam negotii cadere. Nam mercede constituta incipit locatio & conductio esse. Et, ut generaliter dicamus, quibus casibus sine mercede suscepto officio mandati sive depositi contrahitur negotium: iis casibus interveniente mercede locatio & conductio intelligitur contrabi. Et ideo si fulloni polienda curvandave quis dederit vestimenta, aut sarcinatori sarcienda, nulla mercede constituta neque promissa, mandati competit actio.

COMMENTARIUS.

* Honorarii sive salarii constitutione mandatum non vitiar; nec tamen de ipso salario actionem mandati esse.

2. Pactum de quota litis jure improbatum esse.

3. Operas liberales pretio numerario non estimari.

4. In dubio præsumendum non esse fullonem &c., operam gratis suspere.

Mandatum originem ex officio atque amicitia trahit, ac proinde nisi gratuum sit nullum est. Quippe officio atque amicitia contraria est merces, l. i. §. ult. 1. 36. §. 1. hoc tit. alioqui videretur man-

datarius καπηλεύς τὸ φιλαργοπίας, beneficium cauponari. Enimvero gratiam refeire amicitia bene convenit, gratuitaque operam remunerare. Qua de causa mandatum esse non desinit si remunerandi causâ honor intervenerit, l. 6. pr. eod. ubi Jurisconsultus figurate honorem appellat pecuniam remunerandi sive honorandi causâ datam promissamve. Passim honorarium & salarium nominatur, l. i. in fin. pr. si mens. fals. mod. l. i. §. 10. de extraord. cogn. ll. 7. & 56. §. pen. ff. hoc tit. ll. 7. & 17. C. eod. & à mercede hoc differt, quod merces fere analoga sit operæ, seu ita constituatur, ut estimationi operæ proportione respondeat; honorarium autem est, voluntaria operæ gratis præstata remuneratio.

1. Etsi vero honorarii sive salarii constitutio mandatum non vitiat, nec impedit quominus mandati actio sit de iis omnibus quæ mandati judicio peti potuissent si salario non intervenisset, d. l. 6. in pr. de ipso tamen salario mandati actio non est, sed extra ordinem peti solet, ll. 7. & 56. §. pen. ff. hoc tit. l. i. C. eod. Utique autem ut peti possit salario, promissum & commissum esse oportet, saltem nudo pacto; si nullum constitutum sit, nulla quoque eo nomine persecutio est: in tantum, ut nec si promisum sit sed incertæ quantitatis, nulla adhuc sit aut extraordinaria salarii pretio aut actio mandati ut certum constituantur, d. l. 56. §. pen. hoc tit. l. 17. C. eod. sed hoc forte ad eos solos pertinet qui familiaritatis causâ operam præstant, non ad Advocatos &c. per l. i. §. 10. & l. 4. de extr. cogn. Add. Guid. Pap. quest. 67. Papon. lib. 6. tit. 12. arrest. 12. Garz. de expens. & melior. cap. 20. n. 15. VENN. Jure nostro Advocati & procuratores forenses honoraria petere non prohibentur; verumtamen etiamsi per plures annos aliena gesserint negotia, solum postremorum trium salario petere possunt, l. 32. tit. 16. lib. 2. Recop. Vigessima litis Advocatis jure honorarii cedebat ex lege l. tit. 9. for. legg. Recopilationis jure honoraria arbitrio judicis ut plurimum permissa sunt, tot. tit. 16. lib. 2. Recop. ubi de Advocatorum honorariis & officiis præclare multa caventur, quæ hujus temporis humanitate & modestia in melius sunt immutata. ADDIT.

2. Illud obiter notandum, pactum de quota litis, ut vulgo loqui anant, id est cum Advocatus aut procurator ex eventu litis certam quantitatem salarii nomine paciscitur, puta

ta dimidiam aut tertiam partem victoriæ, improbatum esse tamquam quod turpe atque adversus bonos mores sit, l. 7. ff. hoc tit. l. 20. C. eod. l. 53. de pæt. l. 1. §. 12. de extr. cogn. Don. post alios in d. l. 20. C. hoc tit.

3. *Mercede constituta incipit locatio esse.* Modo tale factum sit quod locari soleat: qualia fere sunt quæ mercede eaque proportionata facto estimantur, ut opera mechanicae. Nam operas liberales pretio nummario estimari indignum est; ideoque nec cum iis qui ingenio, patrocinio, fide, consilio operam impendunt, crediderunt Veteres locationem conductionem esse; & quidquid hic vel datum vel constitutum est, non merces sed honorarium dicitur: de quo extra ordinem cognoscit prætor. Sed neque talis facti locatio est unde nihil commodi pecuniarii ad alterum redit: veluti si pecuniam tibi dem ut servum manumittas, non locatio conductio est, sed contractus innominatus, l. 5. §. 2. de

præscr. verb.

4. *Fulloni aut sarcinatori nulla mercede constituta.* Id est, cum fullo aut sarcinator eam operam gratis & amicitiae causâ expresse suscepérunt; alioqui non mandati actio sed præscriptis verbis competit, l. 22. de pæsc. verb. ubi Gajus scribit, cum gratis ejusmodi operam fullo aut sarcinatore suscipit, mandati obligationem esse; cum mercede data aut constituta, locationis conductionisque negotium geri; si neque gratis neque protinus data aut constituta mercede sed eo animo ut merces postea constiueretur & daretur, esse contractum innominatum, ex quo in factum actio, id est præscriptis verbis detur. Talis autem animus utrumque præsumendum est, cum fulloni, sarcinatori, & similibus qui manuum opera victimum queritant & spe lucri eam suscipiunt, aliquid faciendum datur, nisi nominatim convenierit ut gratis præstaretur. Fac. §. 1. sup. de locat.

TITULUS XXVIII.

DE OBLIGATIONIBUS QUÆ QUASI EX CONTRACTU NASCUNTUR.

TEXTUS.

Continuatio.

Post genera contractuum enumerata dispiciamus etiam de iis obligationibus quæ quidem non proprie nasci ex contractu intelliguntur; sed tamen quia non ex maleficio substantiam capiunt, quasi ex contractu nasci videntur.

COMMENTARIUS.

1. *Ratio ordinis.*
2. *Particulam quasi notam esse similitudinis & simul improprietatis.*
3. *Falso esse qui purant obligationem hic nasci ex tacita conventione.*
4. *Non esse confundendum tacitum cum facto, expressum cum vero.*
5. *Factum unde hic obligatio nascitur non male vulgo quasi contractum appellari; & quid sit.*

1. **E**xpositis obligationibus quæ ex contractu nascuntur progrediuntur ordine Imperator ad eas quæ nascuntur quasi ex contractu; quippe

quibus in quadripartita illa distributione proposita §. ult. Inst. sup. de obligat. secundum locum tribuit.

2. Ait, quasi ex contractu. Particula quasi & similitudinis nota est & improprietatis; quamobrem recte dicemus quasi ex contractu obligationem nasci, cum citra conventionem nascitur ex facto non turpi. Improprietatem noto, cum dico citra conventionem; nam ex contractu nulla est obligatio sine conventione, l. 1. §. 3. de pæt. Si militidinem, cum dico ex facto non turpi, id est quod non cadit in speciem maleficii. Neque aliam rationem aut Gajus lege 5. de obl. & aff. aut Justinianus hoc tit. reddunt, cur quasi ex contractu obligatio nasci dicatur.

3. Sunt qui etiam ex conventione hic obligationem nasci tradant, non quidem expressa sed tacita: quod non probbo. Nam quid refert tacite seu re & facto aliquo consensus declaretur, an verbis & conventione expressa? Utique enim tacita conventione non minus vera conventione est, l. 2. l. 4. §. ult. de pæt. atque ad actionem ex contractu producendam non minus efficax, quam verbis nuncupata. Quippe in omnibus contractibus quod

tacite inter contrahentes agitur, pro expresso habetur, l. 3. de reb. cred. l. 34. de reg. jur. Ita societas tacite contrahi potest, l. 4. pro soc. item mandatum, l. 6. §. 2. l. 18. mand. locatio conductio, l. 13. §. ult. locat. Denique conventio saepe titulo contractus inclusa est, ut conventio restituendi in mutuo, commodato, deposito, pignore. Sed nec posse hic vel tacitam conventionem intervenire intelligi, ex eo patet quod omnis conventio plurium est, l. 1. §. 1. de pass. hic autem ex facto unius fere obligatio oritur. Adde, quod quasi ex contractu inviti quoque & ignorantes obligamur, §. 1. inf. hoc tit. l. 2. de neg. gest. adeo ut ea obligatione etiam turiosi & pupilli teneantur, l. 3. §. 5. d. tit. l. 46. de ob. & act. Postremo nusquam proditum est ullum consensum hic vel tacite intervenire, sed obligationem ex re nasci, d. l. 46. in eam nos incidere, l. 25. §. 16. fam. erc. utilitatis causâ introduciam esse, l. 5. de ob. & act. §. 1. hoc tit.

4. Plane si quis tacitum appelleat, non quod simpliciter expressum non est, sed quod nec verum est sed fictum & contra naturam. gesti auctoritate juris presumptum, l. 3. in fin. cum l. 4. quib. ex cau. in poss. l. 13. in fin. commod. hoc sensu per me licet, obligatio quasi ex contractu veniens dicatur nasci ex tacita conventione. Sed cavendum omnino est ab iis qui nullum verum contractum agnoscunt sine expressa conventione, nullam veram conventionem quæ non eadem & expressa sit: confundentes expressum cum vero, tacitum cum falso & ficto. VENN. Rem acutetigit Vinnius, dum consensum tacitum negat esse fundamentum obligationum quæ quasi ex contractu nascuntur. Bene quoque facit, quod concedit quasi contractum ex consensu ficto vel presumto nasci. Hinc commodissime definitur quasi contractus, quod sit factum honestum quo & ignorantes obligamur ex consensu ob æquitatem vel utilitatem presumto. Si definitionem Justiniani quam in pr. hoc tit. tradidit sequimur, etiam pactum legitimum vel adjectum cum D. Pagenstechero pro quasi contractu venditare cogemur. Sin Vinnii descriptionem adoptamus, & generatio erit quasi contractus. Est enim factum non turpe, quo alter alteri (pater liberis ad alimenta præstanda) sine conventione obligatur. Et quot non tunc erunt quasi contractus? HEIN.

5. Factum unde hic obligatio nascitur cum Interpretibus, contemta quorundam superstitione, quasi contractum appellamus.

Nam etsi Veteres non ita hic loquuntur ut dicant obligationem nasci ex quasi contractu, sed quasi ex contractu nasci: alia tamen multa quæ ad alarum rerum similitudinem inducta sunt, ea notâ sic distinguunt; ex quibus hac, quasi possessio, quasi maritus, l. 32. §. pen. de don. int. vir. & ux. quasi Serviana actio, peculium quasi castrense. Non nunquam appellatione contractus etiam quasi contractus comprehenditur, §. 1. Inst. inf. de att. l. 49. de ob. & act. l. 23. de reg. jur. & interdum absolute contractus vocatur, l. 16. de neg. gest. l. ult. in quib. ca. pign. largo scilicet modo & per abusionem, l. 3. in fin. cum l. 4. quib. ca. in poss. Sic autem non male quasi contractum definiemus, factum omne non turpe quo aut is qui fecit alteri, aut alter ei, aut uterque alteri sine conventione obligatur. Hujus generis facta quinque hic recensentur, negotiorum gestio, administratio tutelæ, communio- nis rerum circa societatem susceptio, aditio hereditatis, indebiti solutio.

TEXTUS.

De negotiorum gestione.

1. Igitur cum quis negotia absentis gesserit, ultra citroque inter eos nascuntur actiones, quæ appellantur negotiorum gestorum. Sed dominio quidem rei gestæ adversus eum qui gessit directa competit actio, negotiorum autem gestori contraria: quas ex nullo contractu propriæ nasci manifestum est; quippe ita nascuntur istæ actiones si sine mandato quisque alienis negotiis gerendis se obtulerit, ex qua causa ii quorum negotia gesta fuerint etiam ignorantes obligantur. Idque utilitatis causâ receptionem est, ne absentium, qui subita festinatione coacti nulli demandata negotiorum suorum administratione peregre profecti essent, desererentur negotia, quæ sane nemo curaturus esset si de eo quod quis impendisset nullam habiturus esset actionem. Sicut autem is qui utiliter gessit negotia dominum habet obligatum negotiorum gestorum, ita & contraria iste quoque tenetur ut administrationis reddat rationem. Quo casu ad exactissimam quisque diligentiam compellitur reddere rationem; nec sufficit talem diligentiam adhiberi qualem suis rebus adhibere solet, si modo alius diligentior eo commodius administraturus esset negotia.

L. 26. cum seqq. tit. 12. Part. 5.

COMMENTARIUS.

1. Negotiorum gessionem esse factum naturæ media

- dia inter negotia que utrimque & que ab uno tantum latere sunt obligatoria.*
- 2** *Actio ex gesto directa cui datur, item cui contraria, & quid utraque contineat.*
- 3** *Doline tantum, an etiam culpa, & cujus nomine gestor teneatur. Accuratius quam vulgo.*

Prima species quasi contractus negotiorum gestio, ex Gajo l. 5. de obl. & act. Ait, *cum quis negotia absentis gesserit: videlicet si ne mandato aut ignoranti: nam si ex mandato gesserit palam est ex contractu nasci inter eos obligationem mandati. Si vero sine mandato gesserit, nascitur quidem & hic ultro citroque obligatio. Ceterum haec actiones non nascuntur ex contractu, qui nullus interpositus est, quia non geritur negotium invicem; sed quia nec maleficium est alia negotia sine mandato administrare, nec dominus negotiorum quidquam delinquisse intelligi potest: quasi ex contractu hic obligatio oriri videtur, d. l. 5. de obl. & act. l. 2. de neg. gest.*

1. *Domino directa competit actio.] Monuimus in explicatione §. 2. Inst. sup. quib. mod. re contr. obl. esse quosdam contractus qui ex uno tantum latere obligant, quosdam qui ex utroque, nonnullos etiam esse natura intermedia, ex quibus nec semper unus tantum, nec semper uterque obligetur. Hujus generis, praeter contractus reales quos illic enumeramus, commodatum, depositum, pignus, etiam mandatum est, & quasi contractus mandato similes, negotiorum voluntaria administratio, & tutela. Nam ut hi contractus & quasi contractus principaliter comparati non sunt ad obligandum eum cuius res aut negotium est: ita nec ab initio ex his causis obligatur; sed ut obligetur sit ex accidenti & per consequentiam, si quid alter de suo necessario aut utiliter impedit; alter autem statim tenetur & directo, ex ipso contractu aut negotio.*

2. *Hinc est quod actio quæ ex his causis domino proposita est directa dicitur, & interdum principalis, l. 17. §. 1. commod. quæ adversus dominum, contraria; quoniam contrarie parti per consequentiam accommodatur ad minuendam ejus condemnationem. Et in proposito igitur actio qua negotiorum gestor tenetur domino, est & dicitur actio negotiorum gestorum directa; qua dominus per consequentiam tenetur gestori cui per causam gesti quid abest, contraria.*

Adversus cum qui gessit] Ut gesti rationem reddat, & interdum non gesti: videlicet ejus quod gerendum suscepit; nam novum inchoa-

re non habet necesse, l. 21. §. 1. de neg. gest. Gestio obligatio duo continet: restitutionem ejus quod per occasionem negotii ad gerentem pevenit, l. 2. eod. exempla sume ex iure 8. §. 1. l. 23. eod. & damni ejus quod perperam gessit præstationem; ceterum hic lucrum cum damno casu dato pensatur, l. 11. eod. In non gesto non tantum damni culpa aut negligentiæ dati ratio habetur, sed etiam lucri omisi: ad quod declarandum accomodata simum exemplum est, quo & Veteres uuntur, in debitore qui creditoris sui negotia gessit, l. 6. §. ult. l. 7. & 35. eod.

Negotiorum gestori contraria] Si modo utiliter negotium gessit; nam qui gessit inutiliter actionem non habet, l. 2. eod. Competit autem hæc actio, ut & ceteræ ejusdem naturæ, de indemnitate, l. 5. depos. l. 6. in fin. de his qui not. infam. & in proposito duarum rerum nomine comparata est: nempe ut præstetur & quod abest ei qui utiliter gessit, puta si de suo quid erogaverit, aut quid consecutus non sit quod alias consequi potuisset, & quod ei abs futurum est, veluti si se in rem absens alicui obligavit, d. l. 2. l. 28. ff. de neg. gest. l. 18. C. eod.

Subita festinatione cœatti] Sed & saepè homines eo animo peregrine profiscuntur, quasi statim reddituri, nec ob id ulli curam negotiorum suorum mandant, deinde novis causis intervenientibus diutius abesse coguntur, l. 5. in pr. vers. ideo de obl. & act.

*Dominum habet obligatum negotiorum gestorum] Cujacius, Hoton annus, Wesenb. legunt, *habet obligatum dominum negotiorum. Et ita quoque Theophilus legisse videatur.**

3. *Ad exactissimam diligentiam] Secundum regulam traditam iure §. §. 2. commod. non plus à negotiorum gestore exigendum videtur quam à depositario: nimur ut dolum præstet dumtaxat, non etiam culpam nisi do lo proximam; quoniam non magis gerentis in causa negotiorum gestorum quam depositarii in deposito commodum agitur; & tamen certi atque explorati juris est, non doli tantum nomine sed etiam culpæ gestorem obstringi, l. 11. ff. de neg. gest. l. 20. C. eod. l. 23. de reg. jur. Sed nimur (ut superius quoque sub §. 2. Inst. sup. quib. mod. re contr. obl. & §. 1. præced. tit. monui) regula de dolo dumtaxat præstando in negotio in quo suscipiens nulla versatur utilitas vim suam perdit cum quis se negotio & officio offert; quod qui facit, de diligentia sua quodammodo polliceri & recipere videtur. At hoc facit qui ad aliena*

na negotia sua voluntate gerenda accedit. Qua eadem ratione hoc amplius placuit, negotiorum gestorem non tantum eo nomine teneri si quid consulto lata aut levi culpâ peccavit, sed etiam si quid vel culpâ levissima. Exigitur enim ab eo diligentia, eaque summa & exactissima, ut non excusat talis diligentiam alienis negotiis adhibens qualiter suis rebus adhibere solet, si modo alius diligentior utilius negotia administraturus es- set. Quibus verbis palam est significari, etiam culpam levissimam à gestore præstandam esse; cum eadem plane præstatio & iisdem verbis imponatur commodatario, quem sane etiam ob levissimam culpam teneri constat, d. §. 2. *Inst. sup. quib. mod. re contr. obl. l. 1. §. 4. de obl. & act.* Hoc idem non obscure indicat *lex 25. §. 16. fam. erc.* ubi Jurisconsultus scribit, coheredem & collegatarium in re communi dolum quidem & culpam præstare, diligentiam autem non majorem quam rebus suis; neque enim hos esse similes negotiorum gestori, ut summa ab iis diligentia exigi debeat; quoniam negotiorum gestor causam gerendi non habet, illi habent propter partem suam. Sed & quod scriptum est in *lege 21. C. mand.* aliena negotia exacto officio geri, nec quidquam in eorum administratione negligunt ac declinatum culpâ vacuum esse: tam ad negotiorum gestorem quam mandatarium pertinet; & vel magis ad illum qui se ingerit, quam ad hunc qui rogatus gerit. Postremo nulla causa est cur levius obligetur qui se miscet rebus ignorantis, quam depositarius offerens se deposito. At hunc officii oblatio periculo depositi sic illigat ut omnia præstet præter improviso casus, sicut diserte scriptum est in *l. 1. §. 35. depos.* Dices, ita fore ut nemo facile ad absentium negotia gerenda accedit, quod tamen ut fiat ipsorum absentium interesse; nam si nemo sit qui ea capessat futurum esse ut pereant. Resp. etiam interesse absentium ne quis temere se negotiis eorum immisceat, & diligenter forte antevertat. Neque enim semper negotia aliena urgente necessitate suscipiuntur; cumque id sit, dolis tantum nomine gestorem teneri placet, *l. 3. §. 9. de neg. gest.* sed saepe homines præpropere se alienis ingerunt, non affectione ducti ad negotia alioqui peritura accedentes, sed acti aut spe emolumenti aut præpostera curiositate. Quò pertinet *lex 36. de reg. jur.* ut vel maxime absentium utilitas in eo vertatur, ut quicunque se negotiis alienis nulla urgente necessitate immi-

scent intelligent nihil in eorum administratione omissum negleguntur impune fore. Interpretes communiter post *Gloss.* hic statuunt, eo demum casu negotiorum gestorem propter culpam levissimam teneri, cum alius diligenter ad gerendum se obtulit: nimur verba illa hujus textus, *si modo alius diligenter &c.* pro limitatione accipientes: quod non convenient sententia hujus loci, qui descriptionem quamdam continet exactissimam diligentia, cui culpa levissima opponitur, arg. §. 2. *Inst. sup. quib. mod. re contr. obl. l. 1. §. 4. de obl. & act. add. Paul. 1. sent. 4. l. 24. C. de usur.* VENN. Verumtamen opinionem *Glossæ* probat *lex 30. tit. 12. Part. 5.* ADUIT. Aliquando & casum præstat negotiorum gestor, si vel tale negotium suscepit quod gerere non solebat dominus, *l. 11. ff. de neg. gest.* vel causi causam & occasionem dederit, §. 2. *Inst. quib. mod. re obl. contr.* Aliquando ne levem quidem culpam, sed dolum & culpam latam dumtaxat præstat: puta si quis affectione ductus, ne bona absentis distrahanter, se negotiis ejus obtulerit, *l. 3. §. 9. ff. de neg. gest.* HEIN.

TEXTUS.

De tutela.

2. Tutores quoque qui tutelæ judicio tenentur non proprie ex contractu obligati esse intelliguntur; nullum enim negotium inter tutorem & pupillum contrahitur. Sed quia sane non ex maleficio tenentur, quasi ex contractu teneri videntur. Hoc autem causa mutuae sunt actiones. Non tantum enim pupillus cum tutor habet tutelæ actionem; sed & contraria tutor cum pupillo habet contrariam tutelæ, si vel impenderit aliiquid in rem pupilli, vel pro eo fuerit obligatus, aut rem suam creditoribus ejus obligaverit.

Vid. l. 21. in fin. tit. 16. Part. 6.

COMMENTARIUS.

- 1 *Tutorem in rebus pupilli non tantum dolum sed etiam culpam præstare.*
- 2 *Cur levem dumtaxat culpam non etiam levissimam tutor præstet.*

Secunda species quasi contractus, administratione tutelæ. Necessarii quoque rerum alienarum administratores, veluti tutores, quasi ex contractu obligari videntur; neque enim hi aut tutelam suscipientes, aut susceptam ad-

administrantes cum pupillis ullum negotium contrahunt; multoque minus ea res speciem maleficii aut quasi maleficii habet, l. 5. §. 1. de obl. & att.

1. *Actiones mutuae*] Pupillo prodita est actio tutela directa, qua, finita tutela, l. 4. de tut. & rat. distr. tutorem convenire potest ut rationem reddat administrationis suæ, & tam non gesti quam gesti, atque ut reliqua inferat, l. 1. d. tit. ll. 7. & 9. C. arbit. tut. l. 2. C. si tut. vel cur. non gess. Et quamvis in administratione tutelæ nulla versetur utilitas tutoris, placet tamen tutorem in rebus pupilli non tantum dolum & culpam latam, sed etiam levem prastare, l. 23. de reg. jur. d. l. 7. C. arb. tut. quod ratio muneris publici ad defensionem miseræ ætatis constitui suasit. Quidquid ergo vel dolo tutoris aut lata ejus culpâ, vel etiam levi amissum vel non adquisitum erit, cum conservari aut adquiri potuisset, hoc in tutela judicium veniet, d. l. 1. l. 18. de tut. & rat. distr. d. ll. 4. & 7. C. arb. tut. l. 23. C. de adm. tut. l. 3. C. de peric. tut.

2. Enimvero quoniam necessitas gerendi excusatione digna est, si tutor pro captu suo bona fide facit quod potest, non majorem diligentiam ab eo requiremus quam quantum suis rebus adhibere solet, hoc est, ut levem culpam præstet dumtaxat, non etiam levissimam, d. l. 1. de tut. & rat. distr. l. 7. C. arb. tut. l. 33. pr. de adm. tut. Frustra vero ex lege 4. C. de peric. tut. qua ait, à tute fortuitos casus non præstari, quidam eliciunt tutorem teneri in ceteris causis omnibus, atque adeo ex culpa quoque levissima. Add. Petr. Fab. ad l. 23. de reg. jur. Vice mutua tutor cum pupillo cuius tutelam gessit habet contrariam tutelæ actionem, qua, sive impendebit quid in rem pupilli, sive aut se aut res suas pro pupillo obligaverit, & impensas recipiat, & ab obligationibus liberetur, l. 1. in pr. l. ult. ff. de contr. tut. att. l. ult. C. eod. Hæc eadem mutatis personis ad curatores quoque & adultos transferenda sunt, l. 8. §. 1. de reb. eor. qui sub tut. ll. 3. 4. & 7. arbitr. tut. cum similibus.

TEXTUS.

De rei communione.

3. *Item si inter aliquos communis res sit sine societate: veluti quod pariter eis legata donatave esset, & alter eorum alteri ideo teneatur communis dividendo judicio, quod solus fructus*

ex ea re percepérit, aut quod socius ejus solus in eam rem necessarias impensas fecerit: non intelligitur ex contractu proprie obligatus esse; quippe nihil inter se contraxerunt; sed quia ex maleficio non tenetur, quasi ex contractu tene ri videtur.

Vid. leg. ult. tit. 36. Part. 3.

De hereditatis communione.

4. *Idem juris est de eo qui coheredi familiæ encircundæ judicio ex his causis obligatus est.*

Vid. leg. ult. tit. 36. Part. 3.

COMMENTARIUS.

1 *Communio inter aliquos constituta quarum rerum obligationem pariat.*

2 *Culpa in judicio communi dividendo ad quam diligentiam dirigatur.*

1. Tertia species quæ quasi ex contractu obligationem producit, & communio rerum inter alios circa societatem suscepta. Rerum communio sic inter aliquos constituta, sive hereditatis inter coheredes, sive rerum singularium inter eos quibus eadem res legata aut donata est, quive simul eamdem rem emerunt sine affectione societas duarum rerum obligationem parit; nam & consortem ad rerum divisionem obligat, & in communione manenti præstationibus quibusdam ad eam communionem pertinentibus implicat, l. 22. §. 4. fam. erc. l. 4. §. 3. comm. divid. Prima & præcipua hic obligatio est, quod consors si sponte communionem admittere nolit, compellatur ad divisionem judicio divisorio; in quo hoc maxime agi constat ut sua cuique parte adjudicata à communione, quam nec suspicere nec retinere quisquam cogitur, l. 26. §. 4. ff. de cond. ind. l. ult. C. comm. div. discedatur l. 1. fam. erc. l. 1. comm. div. §. 20. Inst. inf. de att. Divisio rerum qualis sit, quæ in ea adjudicatio, quæve mutua condemnatio explicatur §. 4. & seqq. Inst. inf. de offic. jud. Præstationes personales inducuntur vel lucri, vel danni, vel impensarum nomine, l. 3. com. div. Lucri, ut si quid ad unum è consortibus ex re communis pervenit id ceteris communicet, l. 3. C. eod. d. §. 4. inf. de offic. jud. & hoc text. Dannii, ut si quid danni in re communis datum aut factum est culpâ aut negligentia unius,

nus, id ceteris proportione cujusque sarciat, l. 16. §. pen. l. 25. §. 16. & 18. l. 44. §. 5. fam. erc.

2. Culpa autem non ad exactissimam diligentiam dirigitur; quoniam qui rem cum alio communem habet, propter suam partem causam habet gerendi; & ideo non major diligentia ab eo exigitur, quam qualem suis rebus adhibere consuevit, d. l. 25. §. 16. Impensarum, ut si quæ ab uno in res communes factæ sint, quas propter partem suam necesse habuit facere, ei à ceteris pro rata refundantur, hoc text. l. 18. §. 3. d. l. 25. §. 13. & seqq. fam. erc. l. 4. §. 3. comm. div. Quorum omnium consequendorum causâ comparatae sunt actiones inter heredes familiarè erescundæ, inter eos quibus res una vel plures communes sunt, extra causam hereditatis communi dividendo, tit. n. & C. fam. erc. & comm. div. Sive autem propter præstations illas sive propter divisionem rerum hæc iudicia reddantur, semper quasi ex contractu proficiscuntur.

TEXTUS.

De aditione hereditatis.

5. Heres quoque legatorum nomine non proprie ex contractu obligatus intelligitur (neque enim cum herede neque cum defuncto ullum negotium legatarius gessisse proprie dici potest), & tamen quia ex maleficio non est obligatus, quasi ex contractu debere intelligitur.

COMMENTARIUS.

1 Heredem proprie quasi ex contractu obligari legatariis & fideicommissariis, non item creditoribus hereditariis.

Quartæ species contractus, aditio hereditatis. Certum est heredem adeuntem hereditatem nullum cum legatariis, quos fortassis ne novit quidem, negotium contrahere; sed & plus quam manifestum est nullum in ea re maleficium esse. Restat ergo ut ex hac causa quasi ex contractu obligetur. Minimorum cum quis hereditatem sibi delatum amplectitur, simul judicium defuncti agnosceret, sequi oneribus quæ ex voluntate defuncti subeunda sunt subjicere creditur; atque ita quodammodo cum legatariis contrahere taciteque iis sese obligare v. detur, l. 5. §. 2. de obl. & att. l. 3. §. ult. & l. 4. quib. ex ca. in poss.

1. Legatorum nomine] Heres tunc proprie quasi ex contractu obligatur, cum non alia obligationis causa est quam agnitus voluntatis defuncti. Itaque ex hac causa tantum tenetur creditoribus testamentariis, seu legatariis & fideicommissariis, d. l. 5. §. 2. de obl. & att. & hoc text. Atque his solis actio personalis, quæ in usu juris actio ex testamento dicitur & quasi ex contractu nascitur, competit, vid. sup. §. 2. Inst. de legat. & ibi notata. Creditoribus autem hereditariis, id est creditoribus defuncti, non tenetur quasi ex contractu & facto suo, sed ex ipso contractu & facto defuncti, qui obligationem & actionem qua illis teneri coeparat in heredem suum transmittit. Hæ sunt obligationes & actiones hereditariae, eadem nimis illæ quæ competebant adversus defunctum & ex eadem causa. Inauditum enim est, creditores hereditarios actione ex testamento experiri. Ex legatis vero non est obligatio hereditaria, sed obligatio heredis; quamvis hereditariae loco esse dicatur, l. 40. de obl. & att. Eadem obligationis ratio est & in legatariis & fideicommissariis à quibus quid relatum est; eademque adversus eos actiones ejus rei obtinendæ causa constitutæ, l. un. §. 4. G. de cad. toll. l. 1. C. comm. de legat.

TEXTUS.

De solutione indebiti.

6. Item si cui quis per errorem non debitum solvit, quasi ex contractu debere videtur. Adeo enim non intelligitur proprie ex contractu obligatus esse, ut, si certiorum rationem sequatur, magis (ut supra diximus) ex distractu quam ex contractu possit dici obligatus esse. Nam qui solvendi animo pecuniam dat, in hoc dare videtur ut distractabat potius negotium quam contrahabat. Sed tamen perinde is qui accepit obligatur ac si mutuum ei daretur, & ideo conditione tenetur.

L. 28. cum seqq. tit. 14. Part. 5.

COMMENTARIUS.

- 1 Quando qui sciens indebitum recipit furti obstringatur.
- 2 Quæ requirantur ut indebitum solventi competat.
- 3 An ejus quod errore juris solutum est aliquando repetitio sit.

¶ Sitne hæc obligatio ex vero contractu, an quasi.

Quinta & postrema species unde obligatio quasi ex contractu proficiscitur est indebiti per errorem solutio. Habet hæc species magnam cum mutuo affinitatem: quæ causa est quod *sup. §. 1. Inst. quib. mod. re contr. obl.* statim post contractum mutui etiam indebiti soluti mentionem fecit; sed cum illic dicat, obligationem qua tenetur is qui indebitum accepit ex contractu non consistere; tacite significat quasi ex contractu eum obligari: quod hoc loco apertius ostendit *ex Gajo lege §. §. 3. de obl. C. art.* Res ita habet. Qui indebitum solvit aut sciens ac prudens hoc facit, quod casu accipiens non obligatur, cessatque adeo repetitio etiamsi ea mente dicit ut postea repeteret, *l. 1. l. 26. §. 2. C. 3. ff. de cond. ind. l. 9. C. eod. l. 53. de reg. jur. junct. l. 50. de cond. ind.* aut dubitans, qui si nominatim solutioni hanc legem dieat ut reddatur si postea apparuerit esse indebitum, ex vero contractu accipientem obligat ad restitutionem, *l. 2. eod.* si vero simpliciter solvat, quasi ex contractu; si quidem dubitant æque ut erranti repetitio datur, *l. ult. C. eod.* aut denique, quod plerumque fit, per errorem seu ignorans se non debere: de qua specie passim agitur in *π. C. de cond. ind.* estque eadem illa in qua accipientem quasi ex contractu obligari hoc loco & d. *l. 5. §. 3. de obl. C. art.* traditum est. Quam recte videbimus postea. In accipiente nulla erroris aut scientia distinctio est.

1. Denique qui sciens indebitum recipit etiam furti obstringitur, *l. 18. de cond. furt. l. 43. in pr. de furt.* quod ita verum est, si creditorem se simulans alterum ad solvendum induxit; nam si pecuniam ultro sibi oblatam à debitore accepit furtum non committit, *arg. d. l. 43. Costal. post Bart. ad d. l. 18. de cond. furt.*

2. *Cui quis per errorem indebitum solvit?* Ut in specie proposita solventi queratur obligatio & soluti conditio duo requiruntur: ut indebitum sit quod solvit, ut solvatur per errorem. Primum exigimus ut sit indebitum; nam debiti soluti nulla repetitio est. Et quidem nemo dubitat quin cesseret repetitio si id quod solutum est & civili & naturali jure debitum fu. Sed quid si alterutro tantum? Si tantum jure civili, id est ex obligatione cui deest vinculum æquitatis, ut summo quidem adhuc jure eo nomine actio competat sed quæ per exceptionem perpetuam excludatur: placet

locum esse repetitioni, *l. 26. §. 3. l. 40. l. 54. de cond. ind.* Nimisrum tale debitum tantum vero ita dicitur, re autem debitum non est; quoniam jure naturali non debetur, adeoque nec jure civili vere deberi intelligitur, *l. 3. §. 1. de const. pec. l. 112. de reg. fur.* Naturale autem debitum in hac causa pro vero debito habetur, eoque etsi exigi non potest, solutum tamen, quamvis ab eo qui etiam civiliter se obligatum putabat, non repetitur. Sententia innumeris locis tradita, *l. 10. de obl. C. art. l. 16. §. 4. de fidejuss. l. 3. §. ult. quod quisque jur. l. 13. l. 19. de cond. ind.* Et vero cum etiam id quod natura debetur in compensationem veniat, *l. 6. de compens.* summa ratione denegatur quoque ejus soluti repetitio. Sed & si debitori detur exceptio perpetua, ceterum ex causa non tollente naturalem obligationem, adhuc dicimus solutum per errorem non repeti. Hujus generis est exceptio re i judicata; siquidem sententia judicis obligationem consensu constitutam perire non potest; & ideo quod verus debitor absolutus solvit repetere eum non posse Julianus & Paulus responderunt, *l. 60. de cond. indeb.* Huc item plerique referunt exceptionem senatus, Macedoniani; nam & filius fami si mutuam pecuniæ Senatus accepit, & pater fami factus perperam solverit non repetit; quoniam naturalis obligatio manet, *l. 10. de sen. Maced.* Afferunt & alia ratio denegandæ in hac causa conditionis, *l. 40. de cond. ind. l. 9. in fin. de senat. Maced.* sed ea non est generalis, ut appareat ex d. *l. 60.* Atque ego in hac specie omnino distinguendum puto inter errorem juris & facti, juxta notata infra n. 3. in fin. Enim vero naturale debitum more Veterum hic accipimus quod ex ea obligatione naturali debetur quæ civilis & efficacis obligationis effectus omnes habet, demta una actione. Quod si naturalis obligatio jure civili improbata sit, aut destituta juris civilis auxilio, qualis est mulieris intercedentis, *l. 16. §. 1. ad senat. Vell. prodigi promittentis, l. 6. de verb. oblig. pupilli sine tutoris auctoritate contracta,* licet hæc admittat accessiones: ea non attenditur, & perinde repetitio datur ac si quod ex ea causa solutum est nullo jure debitum esset, *l. 6. C. de senat. Vell. l. 41. de cond. ind. l. 6. de verb. oblig.* Eodem jure civili insuper habetur obligatio naturalis quam induci voluntas testatoris vel minus solemnis, vel legantis supra dodrantem bonorum. Ceterum hæc in errore juris effectum naturalis obligationis habet, *l. 9. C. ad leg. Faicid.*

l. 7. C. de cond. ind. Error duplex est: facti unus, scilicet cum factum ignoratur ex quo jus oritur; alter juris, cum factum scitur, sed quid jus hic tribuat ignoratur, *l. 1. de jur. & fact. ign.*

3. Unde quæsumus est, quomodo accipiendo quod passim simpliciter & generaliter definitur, indebitum per errorem solutum repeti posse: de errore facti tantum, an etiam de errore juris? Veterum interpretum sententia est, si nulla subest naturalis obligatio, etiam ejus quod per errorem juris solutum est repetitionem esse: in quam sententiam & ipse concedo cum D. Zas. ad rubr. *sit. de cond. ind. n. 5. Sichard. ad rub. & l. 1. C. eod. Wesemb. par. eod. n. 1. Christin. vol. 3. decis. 8. n. 3. Bachov. de act. disp. 4. thes. 17. Joh. Arn. Corvin. in Enchiridio tit. quibus mod. re contr. obl.* Movet me primum hæc ratio, quod conditione indebiti ex bono & æquo datur, *l. 66. de cond. ind.* cui omnino consequens est, eam non nisi exceptione æquitatis ex adverso excludi posse. At quam æquitatem prætendere poterit, quove colore de iniquitate conditionis excipere cui quid solutum est, quantumvis per ignorantiam juris, quod naturâ non deberur, sive quod causâ debendi jure non valeat, ut omnino non debeat, sive quod effectum non habet, ut accidit in mere civili debito? Nam cum tale debitum nullos veri debiti effectus habeat: non compensetur, *l. 14. de compens.* accessiones non admittat, *l. 3. §. 1. de pec. const. l. 7. de fidejuss.* cum prætor eo nomine in re aperta deneget actionem, in dubio non det nisi cum exceptione, quo ipso ostendit se id pro debito non habere, per *l. 9. de jurejur.* quis credit si id vel per errorem juris solutum sit retineri posse? Ut ecce, si quis dolo malo aliquem induxit aut metu illato coegerit ut promitteret, non possum adduci ut credam solutum ex his causis retineri posse, atque improbitatem suam cuiquam prodesse, hoc solo prætextu quod solvens in jure erravit, ignorans se adjuvari potuisse exceptione dolimали aut quod metus causâ. Et, ne videamus sine auctoritate loqui, textus in eam rem evidens est in *lege 7. de cond. caus. dat.* ubi disertè Julianus post Nervam & Attilicinum respondet pecuniam solutam ab eo qui se debere putabat, cum exceptione dolimали se tueri potuisset, repeti posse, ac proinde solutam errore juris. Similes loci sunt in *l. 32. §. 1. l. 57. ff. de cond. ind. l. 5. C. eod. l. 79. de legat. 2. & apertissimus in l. 1. ut in poss.*

leg. in pr. fac. item l. 57. mandat. Porro etiam me movet, quod in toto tit. *π̄. de cond. ind.* quamvis prolixo, nusquam aut tantum errori facti repetitio tribuitur aut errori juris denegatur; sed perpetuò tribuitur errori simpli- citer, sive quod solutum est omnino non debeat, sive propter exceptionem perpetuam exigi non potest, *l. 26. §. 3. ll. 40. & 54. de cond. ind.* ut vel hinc intelligere licet, errorem quidem qualiscumque sit repetitioni non obstat; sed obstat solventis scientiam, & quidem solam: quod luculenter probat tum *d. lex 26. §. 3. & l. 24. eod.* tum ratio ob quam placet, eum qui sciens indebitum solvit non repete; nimis quia donasse intelligitur, *l. 53. de reg. jur. l. 7. C. de cond. ob caus. dat.* quod de eo qui se obligatum & necessitate solventi adstrictum putat dici non potest. Postremo illud me movet, & vel maximè, quod traditur in *l. 8. de jur. & fact. ign.* nemini in damnis amittenda rei sua ignorantiam juris nocere; ex eo enim perspicue evincere mihi video etiam id quod per errorem juris indebitum solutum est condici posse; nam si hoc negamus illud fateamur necesse est, errorem juris etiam in amittendo re sua cuique nocere, contra sententiam Papiniani in *d. l. 8. de jur. & fact. ign.* N. que video quid ad hoc responderi sine cavillatione possit. Nam certe illa Neotericorum dissentientium responsio captiosa est, quod condicens non laboret de re amittenda sed de amissa; si enim per errorem juris solvens ita rem suam amittat ut nullam habeat repetitionem, utique juris error in damno amittenda rei sua ei nocet. Neque vero de tempore conditionis instituenda queritur, sed factæ solutionis; negatque Papinianus etiam in jure rem suam amittere, videlicet sic ut eam nunquam possit repeteret: & quod idem Papinianus in *l. 7. eod.* definit, ignorantiam juris suum potentibus non nocere, id ad omnes pertinet qui de damno vitando laborant. Neque huic obstat *lex 29. §. 1. mand.* nam illic proponitur species ubi duo de damno vitando laborant: debitor qui exceptione perpetua se tueri poterat, & fidejussor qui cum id non ignoraret nihilominus tamen solvit; ne- gaturque hoc casu fidejussori competere actionem mandati; de conditione autem nullum ibi verbum. Quod vero dicitur juris ignorantiam nocere, *l. 9. de jur. & fact. ign.* sic accipiendum est, non prodesse, lucro non afficere; ceterum nec damno. Ceterum meminiisse oportet ejus quod initio diximus, ita errorem juris non impedire quominius solutum

condici possit, si nulla subsit naturalis obligatio. Quod si is qui solvit naturam qualisquam debitor est, quæ res simul justam retentionis causam accipienti tribuat: hoc sane causa juris inter & facti errorem distinguendum erit, ut alteri denegetur repetitio, alteri concedatur. Ut ecce, cum essem filius fam. mutuam pecuniam contra Senatusconsultum accepti, & pater fam. factus solvi: si per ignorantiam juris, non repeatam; si per errorem facti contra arg. l. 40. de cond. ind. l. 9. inf. cum l. 10. junct. l. ult. de senat. Mace. Solvi legatum vel fideicommissum secundum voluntatem testatoris, sed minus solemnum: solvi integra legata non retenta quartâ ex lege Falcidia: si errore facti repetitionem habeo; si errore juris non item, l. 2. C. si adv. sol. l. 7. C. de cond. ind. l. 9. C. ad leg. Falc. Non equidem ideo quod hic solus error juris mihi noceat, sed quod simul intercedens naturalis obligatio quam inducit voluntas testatoris, per l. 2. C. de fideicom. l. 38. de fideicom. lib. l. 5. §. 15. de don. int. vir. & ux. justam facit retentionem. Atque ad hujusmodi aut similes casus accommodandi sunt alii loci Codicis, in quibus forte aut errori juris denegatur repetitio, aut errori facti tantum tribuitur: ut in l. 10. C. de jur. & fact. ign. l. 6. C. de cond. ind. Nam profecto ob hoc solum quod ego in jure erravi, tu justam retinendi ejus quod tibi nullo jure debetur causam habere non potes; & hic melius est favore repetitioni quam adventitio lucro, per l. 41. §. 1. de reg. jur. Vinn. Speciosa hec nec tamen solida regula juris est, juris ignorantiam cuique nocere, facti ignorantiam non nocere, l. 9. ff. de jur. & fact. ign. secundum hanc regulam, jus ignorantem indebitum si solverit repetitionem non habere, eamque repetitionem tantum per ignorantiam facti competere, diserte dicitur in l. 10. C. de jur. & fact. ign. l. 9. C. ad leg. Aquil. Cum vero minoribus & foeminis jus ignorare licet, l. 9. ff. de jur. & fact. ign. hinc ea exceptio & in solutione indebiti obtinet, l. 9. C. de senat. Vellej. Jus quoque singulare est in lege l. ff. ut in possess. leg. idque ad exemplum non trahendum. Observavit hoc recte vir cl. Ger. Nocht. comm. ad Pand. lib. 12. tit. 6. p. 298. ubi & ad l. 7. & 8. ff. de jur. & fact. ign. respondit. NEIN.

4. Magis ex distractu quam ex contractu] Obligatio indebiti per errorem soluti non est ex contractu; nam omnis ex contractu obligatio est ex mutuo consensu & conventione.

At neque qui in solutum dat eo animo est ut accipientem sibi obliget, neque qui accipit ut alteri obligetur; sed datur & accipitur obligationis quæ subesse putatur tollendæ causâ. Verum extra id quod agitur tacite hec obligatio nascitur, l. 13. infin. comod. nimurum ex consensu factio & præsumpto, & ideo quasi ex contractu; nam & qui solvit interpretatione juris existimat eo animo esse, ut si indebit sit accipientem ad restituendum obliget; & qui accipit ea conditione accipere ut nihil alienum injuriâ retineat: quæ res speciem quandam contractus & negotii invicem gesti habet, l. 33. de cond. ind. verum autem contractum non efficit, l. 19. de reb. cred. quod etiam ex eo intelligere licet, quod condicilio indebiti non datur ultra quam locupletior factus est qui accepit, l. 26. §. 12. de cond. ind. si vero ex contractu & conventione descenderet daretur in solidum. Illud paulo pinguis dicitur, accipientem obligari ex distractu; nam si esset ex distractu obligatus, ex quasi contractu non esset; quippe distractus & contractus nulla similitudo est; neque ex eo quod vere & expresse agitur hic nascitur obligatio, sed extra id tacite indicitur, ut jam ostensum est. Ac ne illud quidem verum est, nullum hic intervenire distractum, cum nulla præcedat obligatio quæ distrahat; neque purandum hoc Imperatorem sensisse, cuius mens sat's plana est, hec scilicet: eum cui indebitum per errorem solutum est non obligari ex contractu, quoniam qui solvendi animo pecuniam dat non hoc agit ut accipientem sibi obliget sed ut obligationem qua se teneri falso putat distrahat & dissolvat; & qui accipit non ea inente esse ut se obliget alteri, sed ut alterum quem sibi obligarum existimat ea obligatione liberet: quamquam neutrum revera fiat.

TEXTUS.

Quibus ex causis debitum solutum non repetitur.

7. Ex quibusdam tamen causis repeti non potest quod per errorem non debitum solutum sit; sic namque definierunt Veteres: ex quibus causis insciando lis crescit, ex iis causis non debitum solutum repeti non posse: veluti ex lege Aquilia, item ex legato. Quod Veteres quidem in iis legis locum habere voluerunt, quæ certa constituta, per damnationem cuique legata fuerant; nostra autem constitutio cum unam

naturam omnibus legatis & fideicommissis indulxit, hujusmodi augmentum in omnibus legatis & fideicommissis extendi voluit; sed non omnibus legatariis hoc præbuit, sed tantummodo in iis legatis & fideicommissis quæ sacrosanctis Ecclesiis & ceteris venerabilibus locis quæ vel religionis vel pietatis intuitu honorantur reliqua sunt: quæ si indebita solvantur non repetuntur.

L. 35. tit. 12. Part. 5. & vid. leg. 16.
tit. 15. Part. 7. & l. 8. tit. 7. Part. 3.

COMMENTARIUS.

1. *Cause ex quibus lis per inficiationem crescit.*
2. *Cur ex iis causis Veteribus placuerit indebitum per errorem solutum repeti non posse.*
3. *Nonnullæ alia cause ex quibus indebitum errore solutum non repetitur.*

1. **S**unt quædam cause ex quibus indebitum per errorem solutum repeti non potest: cujusmodi sunt illæ in quibus lis seu actio per inficiationem crescit, hoc est ex quibus actio adversus confidentem in simplum datur, adversus negantem in duplum, l. 23. §. pen. ad leg. Aquil. §. 26. Inst. inf. de aet. Paul. 1. sent. 19. Crescit hoc modo lis per inficiationem tribus in causis uno loco comprehensis à Justiniano d. §. 26. Primo in actione legis Aquiliæ de damno dato, d. l. 24. §. pen. ad leg. Aquil. l. 20. §. 4. de hereditate. l. 5. §. 2. de serv. corr. Paul. d. loc. Deinde in actione depositi miserabilis, id est quod tumultus, incendii, ruinæ, naufragii causâ factum est, l. 1. §. 1. cum seqq. depos. Postremo in actione legatorum religionis aut pietatis intuitu relictorum, d. §. 26. Inst. de aet.

2. Ex his causis si quis per errorem solvit quod non debebat, ejus secundum definitionem Veterum nullam repetitionem habet, l. 4. C. de cond. ind. & hoc text. Cujus rei ratio perobscura est; nam manifesta æquitas reclamare videtur. Non habeo quod respondeam, nisi quod verisimile est certis in causis receptum fuisse ut interrogati in jure, si negarent & mendacii convincerentur, in duplum irent; unde postea inductum, ut qui ex his causis conventus solvisset, quantumvis indebitum, non repeteret: quasi simplum ideo solverit, ne inficiando periculum dupli subinet; & ita quasi transigendo hoc periculum a se amovere voluerit. Oportet vero causam

aliquam subesse, verbi gratia: damnum esse datum, licet forte non ab eo qui convenit, sed ab alio: legatum aliquod in piis usus relictum esset, licet forte minus solemniter. Nam si nullum damnum datum sit, aut nihil relictum, puto locum esse repetitioni: quod etiam Interpretes notant.

3. Excipiuntur & aliae cause ex quibus indebitum per errorem solutum non repetitur, ut causa dotis, & transactionis. Quod deo nomine solutum est, puta à matre aut soriore, licet falsa opinione debiti, tamen pietatis ratio efficit ut non repetur, uti traditum est in l. 32. §. 2. de cond. ind. Similiter quod transactionis causa datur, licet res nulla media fuerit, non repetur, ne lites resuscitentur, l. 65. §. 1. ff. eod. l. 2. C. de transact. Excipiunt & causam judicati, sed male; quoniam regula est de indebito soluto: at quod ex causâ judicati solvit, id vel maxime debitum est; quippe quod etiam ab invito exigit potest: ut mirum non sit pecunia ex ea causa soluta repetitionem non esse. Vid Cujac. par. C. de cond. ind. Vinn. Magis expeditum est cessare conditionem indebiti in poenis, l. 32. ff. de cond. ind. nec non iis causis ex quibus retentionem quidem habemus, petitionem autem non habemus, l. 51. ff. eod. cuius rei exemplum est in l. 33. eod. Hein.

Per damnationem] In legatis per damnationem relictis olim lis inficiatione crescebat. Paul. 1. sent. 19. quod in his legatis receptum fuisse videtur propter severitatem judicii testatoris heredem suum dare damnantis, haud secus ac judex reum convictum condemnat: quasi majori odio dignus sit qui inficiatur quod testator tam enixe voluit & severe imperavit, quam qui legatum simpli citer datum negat.

Nostra autem constitutio] Constitutione Justiniani quæ extat in l. 2. comm. de legat. legatis omnibus & fideicommissis eadem natura attributa est. Illa autem constitutio, qua jus de quo-hic agitur, ad legata & fideicomissa religionis aut pietatis causâ relicta coactavit, non extat; & credibile est Graece scriptam intercidisse.

Religionis vel pietatis] Religionis intuitu quid relinquitur Ecclesiis, cœnobii; pietatis intuitu xenodochiis, nosocomiis, orphanotrophis &c. Vinn. Motibus hodiernis convenientis non est lites inficiando crescere. Graecæ neweg. de legg. abrog. hic. ADDIT.

T I T U L U S X X I X .

PER QUAS PERSONAS OBLIGATIO ADQUIRITUR.

*Cod. lib. 4. tit. 27.**Ratio ordinis.*

Hucusque expositæ sunt duæ illæ obligationum causæ, contractus & quasi contractus. Quoniam autem ex his causis non tantum per nosmetipos & facto nostro obligationem adquirere possumus, sed etiam per eos qui in potestate nostra sunt, vel revera vel justa opinione nostra: de eo nunc conclusionis loco aliquid subjicitur ad eumdem modum quo *sup. lib. 2. Inst.* disputacione de adq. rer. dominio concludit titulus *per quas pers. cuiq. adquir.* unde etiam pleaque quæ ad explicationem hujus loci pertinent petere licebit. Nam quod ad personas per quas adquiritur, causam adquirendi, & rerum qualitatem pertinet, dominii & obligationis eadem ratio est.

T E X T U S .

De his qui sunt in potestate.

Expositis generibus obligationum quæ ex contractu vel quasi ex contractu nascuntur, admonendi sumus adquiri nobis non solum per nosmetipos, sed per eas quoque personas quæ in nostra potestate sunt, veluti per servos & filios nostros; ut tamen quod per servos nostros nobis adquiritur totum nostrum fiat, quod autem per liberos quoi in potestate habemus ex obligatione fuerit adquisitum, hoc dividatur secundum imaginem rerum proprietatis. & ususfructus, quam nostra decrevit constitutio: ut quod ab actione commodum perveniat bujus ususfructum quidem habeat pater, proprietas autem filio servetur, scilicet patre actionem movente secundum novellæ nostra constitutio- nis divisionem.

C O M M E N T A R I U S .

Veluti per servos] Quemadmodum res certæ per servos nostros nobis adquirantur, sic etiam obligationes earumque jus integrum ac solidum ad dominum pertinet, *l. i.* & passim de *stip. serv.* & *sup. eod. sit. Inst.* ubi de hoc explicatum est.

Quam nostra decrevit constitutio] Theophilus dixit, discrevit. Intelligit autem legem 6. C. de bon. qua lib. ubi ea omnia que peculii adventitii nomine continentur, ita partitur, ut eorum usumfructum assignet patri, filio proprietatem. Peculii profectitii, castrensis & quasi castrensis quæ ratio sit docetur §. 2. Inst. sup. per quas pers. cuiq. adq. Unde summatis illud intelligitur, ex castrensi & quasi castrensi peculio filium sibi pleno jure actiones adquirere, ex profectitio pleno jure patri, ex adventitio sibi proprietatem patri usumfructum.

*Secundum novellæ nostræ] Licet ex causa peculii adventitii filiosam, proprietas quæatur patri tantum ususfructus, quod minus est: placet tamen solum patrem actiones exercere & excipere, utpote qui non nudus sit fructarius sed simul etiam legitimus bonorum administrator. Adhibendus tamen est filii quoque consensus, nisi is in prima adhuc ætate sit constitutus, vel longe absit, *l. ult.* §. 2. C. de bon. qua lib. quæ est illa novella constitutio cuius hic meminit Justinianus. Novellam vocat eo quod lata est priore Codice jam edito, qui solus tunc cum Institutiones scriberentur pro codice erat. Nam constitutiones emissæ post priorem Codicem novellæ vocitatæ sunt usque ad posterioris Codicis cui insertæ sunt editionem: quemadmodum nunc constitutiones promulgatae post secundum Codicem, Novellarum titulo circumferuntur.*

T E X T U S .

De bona fide possessis.

1. Item per liberos homines & alienos servos quos bona fide possidemus adquiritur nobis, sed tantum ex duabus causis, id est, si quid ex operis suis vel ex re nostra adquirant.

De servo fructuario vel usurario.

2. Per eum quoque servum in quo usumfru-

fructum vel usum habemus similiter ex duabus istis causis nobis adquiritur.

cisionem res expedita est, ut illi tantum adquirat qui hoc ei facere jussit, ut supra dictum est.

COMMENTARIUS.

ETiam per eos qui à nobis bona fide possidentur, sive liberi sint sive servi alieni; item per servos in quibus usumfructum habemus obligatio nobis adquiritur; ceterum duabus dumtaxat ex causis, ex operis eorum, & ex re nostra. Sed & hoc pluribus explicavimus sub §. 4. Inst. sup. per quas pers. cuiq. adq.

Vel usum] Has voces à vetustis quibusdam codicibus abesse notat Accurs. & probabiliter delebuntur. Nam sane usuarius non idem jus habet quod fructarius, ut ex utraque prædicta causa adquirat. Constat enim ex operis servi in quo nudum usum habemus nobis non aliter adquiri quam si operis ejus utamur in re nostra, *ll. 14. & 16. §. 2. l. 20. de usu & habit.* Vid. sup. §. 3. Inst. eod. tit.

TEXTUS.

De servo communi.

3. *Communem servum pro dominica parte dominis adquirere certum est, excepto eo quod nominatin uni stipulando aut per traditionem accipiendo illi soli adquirit: veluti cum ita stipularit, Toto domino meo dare spondes? Sed si domini unius jussu servus fuerit stipulatus, licet antea dubitabatur, tamen post nostram de-*

COMMENTARIUS.

SI servus communis sit plurium dominorum, quibus & quatenus adquirat disces ex §. ult. Inst. sup. de stip. serv. & ibi notatis.

Post nostram decisionem] Est lex ult. C. per quas pers. nob. adq. ubi Veterum super re proposita controversiam decidens sic in summa cavit: Cum unus ex dominis servum stipulari jubet, & is nominatim alteri domino stipulatur; si quidem is qui justi servum stipulari, jussit specialiter ut stipularetur sibi, seu suo jubentis nomine: statuit Justinianus ut stipulatio adquiratur jubenti, ita ut hoc casu plus valeat jussio quam nominatio; sin autem is qui jussit servum stipulari simpliciter jussit, hoc casu vult obligationem adquiri nominato; ut hic nominatio plus valeat quam generalis jussio: cujus distinctionis meminisse debuerat Tribonianus. Quod si simpliciter ab uno stipulari jussus, simpliciter quoque, id est nullo dominorum nominato, stipulatus fuerit, hunc casum apud Veteres jus certum habuisse indicat, ut tunc ei soli adquiratur qui jussit. VENN. Etiam per eas personas quæ nostro iuri subjectæ non sunt obligationem nos adquirere posse constat ex lege 2. tit. 16. lib. 5. Recop. & diximus supra §. 18. Inst. de inut stip. De acquisitione patris per filium recole quæ notavimus lib. 2. Inst. tit. per quas pers. cuiq. adq. §. 2. ADDIT.

TITULUS XXX.

QUIBUS MODIS TOLLITUR OBLIGATIO.

Dig. lib. 4. tit. 2. 3. 4. Cod. lib. 8. tit. 42. 43. 44. Et Part. 5. tit. 14.

Continuatio. Quibus modis aut ipso jure aut per exceptionem tollatur obligatio.

EXPLICATUM haec tenus quibus modis obligatio contrahatur: commodum nunc subjungitur quomodo recte ab initio constituta distrahitur, ejusque nexu debitor liberetur, quamquam & differri hæc tractatio potuit, donec de obligationibus quoque quæ ex delicto vel quasi ex delicto nascuntur præceptum esset. Modi distrahendarum obligationum multi sunt, quorum alii ipso jure liberant, alii per exceptionem seu tui-

tione prætoris. Ipso jure liberant solutio, acceptatio, novatio, dissensus utriusque partis, interdum obligationis confusio, *ll. 75. & pen. ff. de solut. l. 7. C. de pacif. debiti oblatione & consignatio, l. 9. C. de solut. compensatio, §. 30. Inst. inf. de aff. duarum causarum lucrativarum in eamdem rem & personam concursus, l. 17. de obl. & act. rei debitæ ante moram à debitore factam contingens interitus, l. 23. de verb. obl. & si quæ sunt ge-*

generis ejusdem. Per exceptionem liberamur testamento, pacto, sententiā, jurejurando, tempore &c. De liberatione per exceptionem dicetur *inf. lib. 4. Inst. tit. de except.* Hic tantum traduntur modi quibus obligatio perimitur ipso jure, atque ex his dumtaxat hi quatuor maxime celebres, solutio, acceptatio, novatio, mutuus consensus. Plerosque alios data occasione alibi interpretati sumus.

TEXTUS.

De solutione.

Tollitur autem omnis obligatio solutione ejus quod debetur; vel si quis consentiente creditore aliud pro alio solverit. Nec interest quis solvatur, utrum ipse qui debet, an aliis pro eo; liberatur enim & alio solvente, sive sciente sive ignorantiae debitore vel invito eo solutio fiat. Item si reus solverit etiam ii qui pro eo intervenierunt liberantur. Idem ex contrario contingit si fidejussor solverit, non enim ipse solus liberatur sed etiam reus.

LL. I. 2. & 3. tit. 14. Part. 5.

COMMENTARIUS.

- 1 Solutionis verbum quam late pateat, & quid in specie denotet.
- 2 Aliud pro alio invito creditore solvi non posse; consentiente autem posse. Et n. 8.
- 3 Quibus casibus aestimatio aut aliud pro re debita recte praestetur.
- 4 Ad justam solutionem requiri ut solvatur simul & semel totum quod debetur.
- 5 Confirmatur hæc sententia adversus opinionem Alciati, etiam partis solutionem invito creditore admittentis.
- 6 Respondetur ad argumenta quibus movetur Alciatus.
- 7 Interdum nec parte à volente creditore accepta pro ea parte liberationem contingere, & quando.
- 8 Licere unicuique pro debitore solvere, etiam ignorante & invito, ut ipso jure liberetur; cum remotione contrariorum.
- 9 Quid si creditor solutionem ab alio oblatam recuset accipere; & quid si alius pro emphyreuta velit canonem solvere quo is pœnam comissi evitet.
- 10 Fidejussore simpliciter solvente utrum reus ipso jure liberetur, an per exceptionem.

I. Tollitur omnis obligatio solutione] Primus modus quo ipso jure obliga-

tio tollitur ex quatuor hic propositis est solutionis verbum & generale est & speciale. Generaliter acceperum ad omnem liberationem quocumque modo factam pertinet, referturque tunc non tam ad rei quæ in obligationem deducta est præstationem, quam ad ipsius obligationis quæ quavis liberatione tollitur substantiam, l. 54. de solut. junct. II. 47. & 176. de verb. sign. Specialiter autem accepta vox solutionis unum tantum tollendæ obligationis modum denotat, naturalem scilicet sive realē, ut nunc loquuntur, præstationem ejus quod debetur. Itaque contraria in hac significatiōne solutio ad rem debitam refertur, quæ cum præstetur, solvit: id est, liberatur eo nexus quo cum ipso debitore quodammodo tenebatur. Atque hoc modo accepta se jungitur solutio à satisfactione & omnibus iis modis quibus citra numerationem aliamve naturalem rei debitæ præstationem liberatio contingit, II. 49. 52. & 80. de solut. l. 9. §. 3. de pign. att. l. 4. §. 3. de re judic. & in hac speciali significatiōne etiam accipitur hoc loco. Ait, *omnis obligatio*, id est, cujuscumque ea sit generis, aut quomodo cumque contrafacta: quod non item in alias omnes species liberationis cadit.

2. *Ejus quod debetur*] Recte, ejus quod debetur; nam aliud pro eo quod debetur invito creditore solvi non potest ut sequatur liberatio, l. 2. §. 1. ff. de reb. cred. l. 16. C. de solut. veluti si pro pecunia debita certa species obtrudatur creditori, vel pro specie debita offeratur alia species, aut speciei debitæ aestimatio; vel si factum pro facto solvatur, l. 98. §. 6. de solut. Nummi quidem in alia forma reddi possunt, nisi hoc damnum sit creditor, l. 99. eod. sed hoc casu non intelligitur aliud pro alio solvi. Vid. supra notata ad pr. tit. *Inst. quib. mod. re contr. obl.*

3. Sunt sane nonnulli casus quibus placet debitorem posse estimationem pro re debita præstare; sed hi singulares sunt; quippe in quibus necessitas hoc exprimit: veluti si res debita post moram periit, l. 8. de cond. furt. aut extat quidem, sed aliena est & eam dominus non vendat, l. 71. §. 3. de legat. 1. similemque rationem habet species legis 26. §. 2. eod. Idem aliquando suadet & favor, ut in casu d. l. 71. §. 3. in fin. At vero extra hujusmodi casus & causas aliud pro re debita dissentiente creditore non recte solvitur, nisi forte debitor eam facultatem aliunde accepit: veluti in causa noxali, ex qua cum so- lam

Iam damni estimationem dominus debeat, per legem tamen noxae deditio liberatur, l. 6. §. 1. de judic. item in obligationibus faciendo, ubi si factum non est quod fieri debuit pecunia deberi incipit, sed tamen debitor ante litem contestatam faciendo liberatur; quoniam hanc potestatem ab initio ex conventione accepit, l. 72. junct. l. 84. de verb. oblig.

4. Adhac sciendum est, ad justam solutionem requiri ut solvatur simul & semel totum quod debetur, utique si creditor desideret; natura enim obligationis postulat ut eodem modo quo quæque contracta est dissolvatur, l. 80. de solut. l. 35. de reg. jur. ac proinde non dissolvitur nisi res inde debita ita præstetur ut ab initio deberi cœpit; cœpit autem semel deberi tota, quæ obligationis conditio invito creditore mutari non potest. Sed quonia n hanc sententiam in dubium vocat & impugnat vir summi judicii & auctoritatis Andr. Alciatus in l. 21. de reb. cred. contendens, creditorem etiam partem debiti quæ offeratur cogendum accipere, alioqui morrem eum facere & periculo rei oblatæ illigari: age paulo diligentius eam & explice mus & adstruamus.

5. Ajo igitur, contrà quam existimat Alciatus, debitorem non posse partem rei debita solvere invito creditore. Quod hanc habet sententiam, debitorem non posse partem debiti ita offerre ut creditore recusante accipere possit eam partem offerre & obsignare hoc effectu, ut vel oblatione mora ejus, si qua intercessit, purgetur, vel obsignatione pro parte quam obtulit libereatur; &, quod idem fere valet, ajo, si debtor ejus quod totum ex aliqua causa debet partem creditori offerat, licere creditori eam partem non accipere impune, nullumque esse hujus oblationis effectum. Confirmat hanc sententiam, præter id quod modo attuli de natura obligationis & jure creditori inde quæsito, quod respondet legi 3. fam. erc. & quotidiana experientia docet, partium solutionem multa incommoda habere, & ideo damnosam esse creditori. Jam vero constat, non posse cogere creditorem accipere quod aliter offertur quam obligatio contracta est, si ex ea re damnum aliquod metuat, l. 99. de solut. Consentit auctoritas Modestini legi 41. §. 1. de usur. ubi diserte Jurisconsultus responderet, debitore solam partem debiti obsignante non retardari totius debiti usurarum præstationem, nisi expresse cautum sit ut liceret & partem ejus quod acceptum est solvere, ut in specie legi

40. de reb. cred. Consentit & illud quod Imperatores rescrubunt l. 9. C. de solut. obsignatione totius debiti solemniter facta liberacionem contingere. Postremo, ita jus esse commune vel ex eo intelligitur, quod jure singulari favore libertatis receptum est ut heres cogatur per partes accipere pecuniam quam servus pro libertate dare jussus est, l. 4. §. 6. de statulib. & quod in causis publicarum pensionum quæ pro fundis patrimonialibus præstantur, propria quoque consideratione particularis solutio admissa, dum tribus quotannis vicibus totæ exsolvantur, l. pen. C. de collat. fund. patrim.

6. Non adversatur huic sententiæ, quod ratio compensationis pro parte obligationem tollit, l. 5. C. de compens. l. 7. C. de solut. Nam compensatio auctoritate legum vim justæ solutionis habet, id est ejus quæ facta est volente creditore, atque ipso jure pro soluto est quoad concurrentes quantitates, ex eo tempore ex quo utrimque pecunia deberi cœpit, l. 4. C. de compens. ll. 4. 11. & seqq. ff. eod. Neque textus in l. ult. quib. mod. pign. vel hyp. solv. ibi enim agitur de debitore ex diversis causis obligato, atque ex una earum solidum quod debet offerente; nos vero querimus de uno debito & ex una causa. In contrarium quoque movit Alciatum, quod scriptum est in fine §. . buj. tit. id quod debetur pro parte recte solvi; sed bene vulgo hoc sic accipitur, si creditor partis solutionem admittat: ut & illud quod traditur l. 2. §. 1. de verb. obl. quasdam obligations partium præstationem recipere, nimur natura sua, ut pars rei in obligationem deducere præstari & à creditore accipi possit; ad differentiam earum quæ natura divisionem nos admittunt, ad quas haec disputatio pertinere non potest. Non omnia argumenta Alciati indigent refutatione. Ipse textus in l. 21. de reb. cred. quo præcipue movet nostram potius sententiam juvat; nam cum Jurisconsultus certum tantum casum ponat quo creditor partem ejus quod petit accipere cogitur, nempe cum debitor de reliquo quod an debeatur non appareat paratus sit iudicio contendere, hoc ipso satis significat regulam esse in contrarium. Eademque sententia est legis 8. si pars ber. per.

7. Illud in confessu: nec parte à voleante creditore accepta semper pro ea parte debitorum liberari, sed conditionem obligationis hic inspicendam esse. Si obligatio non solum natura rei dividua est, sed etiam con-

ditione sua , veluti si res una aut conjunctim plures quæ divisionem admittunt promissæ sunt , liberatio pro parte contingit ; sin minus , non nisi toto soluto , l. 9. §. 1. l. 94. pr. de solut. l. 2. §. 1. de verb. obl. Conditione sua divisionem non recipiant , quamvis aliquo res naturâ sua dividua contineant , hæ tres obligatio generis , alternativa , penalisa : in quibus omnibus placet debitorem partem rei solvendo pro ea parte non liberari , obstante nimisura conditione obligationis. In stipulatione poenæ hoc aperte efficit ipsa conditio ; neque aliud sine manifesta injuria stipulatoris constitui potest , l. 5. §. ult. de verb. obl. add. l. 85. eod. Ex duabus autem prioribus liberum quidem est d. bitori unam aliquam rem ex promissis solvere , non autem duarum rerum partes , quod alias evenire posset , d. l. 2. §. 1. d. tit. d. l. 9. §. 1. de solut. In acceptilatione hoc non metuitur ; & ideo etiam in hoc genere pro parte accepto lata liberatio contingit , l. 17. de acceptil. d. l. 2. §. 3. de verb. obl. An quod in diem debetur etiam ante diem recte solvatur , dixi sub §. 2.

Inst. sup. de verb. obl.

8. *Consentiente creditore*] Creditore consentiente etiam res alia pro alia recte solvitur , proficisque reo ad liberationem non minus quam si eadem res soluta esset , l. 17. C. de solut. nempe creditori contento rem aliam pro debita accepisse satisfactum est. Satisfactio autem certo jure pro solutione cedit , l. 52. de solut. Enimvero ita demum hic nascitur liberatio , si res soluta in solidum accipientis fiat ut avocari non possit ; aliqui & manet pristina obligatio , & manet pro solidio , etiamsi pars tantum evicta fuerit , l. 46. eod. tit. quod idem juris est in solutione ipsius rei debitæ quæ propria fuit debitoris , l. 20. l. 38. §. 3. l. 72. §. pen. eod.

9. *Nec interest quis solvat &c.*] Non tam debitor ipse recte solvit , sed etiam alius pro eo , ut ista solutione non minus libetur quam si ipse solvisset , l. 17. C. de solut. Quinimmo placet licere cuique pro debitore solvere etiam ignorantे eo & invito , l. 23. 40. & 53. ff. eod. idque naturalis simul & civilis ratio susasit , per quam licet conditionem alterius quamvis invitū aut ignorantis facere meliorem , l. 39. de neg. gest. d. l. 53. de solut. Neque obstat , quod traditur in l. 62. de reg. jur. invito beneficium non dari. Nam hoc vel ad beneficia quæ à legibus conceduntur referendum est , quibus uti nemo cogitur , l.

Tom. II.

pen. C. de pac. vel eo sensu hoc dictum accipiemus , quo illud Lesbonici apud Plautum in Trinum. att. 3. scen. 2.

Nullum beneficium

Esse duco , quod quoi facias non placeat. Item illud Senecæ 2. de benef. 19. Non est beneficium accipere cogi : Non est beneficium debere cui nolis ; & Theodorici Regis apud Cassiod. lib. 5. epist. 39. Non est defensio que præstatur invitī : Suspectum est quod patiuntur nolentes &c. & alibi : Non est beneficium quod præstatur invitī ; nec cuiquam videtur uile quod aduersa voluntate conceditur. Similiter nec pro beneficio reputandum erit invitum & repugnantem liberari. Plane , si consideremus animum benefacere volentis & commodum quod revera ad alium inde pervenit , non male beneficium etiam illud appellabimus quod præstatur nolenti & invito. Sic Seneca 5. de benef. 20. Non est , inquit , dubium quin beneficium sit etiam invito prodesse. Idem lib. 6. cap. 23. & 24. docet , beneficiorum maxima esse quæ à parentibus accipimus , dum aut nescimus aut nolumus.

Liberatur enim & alio solvente] Et liberatur non ope exceptionis sed ipso jure , perinde ac si ipse solvisset , ut ex hoc loco & præcitatiss legg. intelligitur ; efficitque hoc ipsum etiam manifesta ratio iuris ; nam cum creditor accipit quod est in obligatione , necesse est eam extingui ipsoque jure liberari debitorem. Nec adversatur lex 6. infia. de dol. mal. exc. alius enim casus ibi proponitur , atque ab eo de quo hic queritur longe diversus , s illicet cum quis alii solvit quam cui debebat. Igitur ad effectum liberationis quæ debitori contingit à veteri obligatione , nihil interest ipse solvat an alius pro eo ; nihil item , utrum alius solvat pro debitore sciente & volente , an pro ignorantē , adeoque pro invito & ventante. Ad jus vero repetendi quod attinet hoc interest , quod ejus quod pro invito solvi recuperandi causā nullam actionem habeam ; quod solvi pro volente repetere possim actione mandati : quod pro ignorantē , actione negotiorum gestorum , l. 6. §. 2. l. 20. §. 1. l. 40. ff. mand. l. ult. C. de neg. gest.

10. *Ignorante debitore vel invito*] Sed quid si creditor hoc casu solutionem ab extraneo oblata recuset accipere , nonne audiendus erit ? Minime , quia nihil ejus interest quis solvat ; & quod jure cuique facere licet , id etiam licet creditore invito. Non cogitur quidem præcise creditor accipere , nam nec ipso quidem debitore offerente cogeretur ; sed quod

li

de-

debitor hic facere potest, idem potest & extraneus, pecuniam scilicet oblatam obsignare & deponere, quæ obsignatio pro solutione cedit, l. 9. C. de solut. Plane si creditoris intersit solutionem ab alio oblatam non recipere, puto recusantem audiendum esse; & ideo, quod quidam existimaverunt, etiam emphyteutæ ad evitandam pœnam commissi prodesse solutionem ab alio etiam proprio nomine, quamvis nullo jure obstricto, factam, si forte solvens jus pignoris in re emphyteutica sibi constitutum conservare velit (quippe quod resoluto jure emphyteutæ & ipsum evanesceret, l. 31. de pign.) arg. l. 12. §. 2. vers. non solum de usuf. & d. l. 31. de pignor. simpliciter probandum non est; sed tunc demum, ubi dominus ultro eam solutionem admisit; nam si recuset accipere, non dubito quin id jure faciat; quoniam per solutionem non ex voluntate emphyteutæ factam non recognoscitur dominus, ut oportet, ab ipso emphyteuta, neque potest quisquam conditio nem alterius deteriori facere, l. 39. de neg. gest. Ita sentio cum D. Tuld. comm. hic cap. 1. Plane, si res emphyteutica ad tertium pervernerit qui canonem solvit tamquam emphyteuta, magis est ut solutio vero emphyteutæ proposit. Adi Jas. in l. 2. C. de jur. empb. col. 20. quest. 25. Tiraq. de retract. gentil. §. 36. gloss. 2. n. 19. add. D. Bachov. lib. 5. de pign. cap. 13. n. 3. & in Treutl. vol. 2. disp. 29. thes. 3.

Qui pro eo intervinerunt? Ut puta fidejussores & mandatores. Sed & reliqua accessiones liberantur, ut pignora & hypothecæ, l. 43. de solut. Ratio perspicua est, quia sublata re principali etiam ea quæ accessionis locum obtinent intercidere necesse est.

31. *Sed etiam reus?* Et igitur eodem quoque modo reus liberatur solvente fidejussore, quo fidejussor solvente reo, hoc est, ipso itidem jure: de quo genere liberationis hic agitur. Interpretes vulgo id quidem admittunt, cum fidejussor expresse se solvere dicit nomine rei; ceterum si solvat simpliciter, quasi suo tum nomine solvere intelligatur: contendunt reum ipso jure obligatum manere, & defendi dumtaxat per exceptionem doli mali, ne bis idem creditor consequatur, arg. l. 38. mandat. Ego vero cum Giphanio & Bachovio fidejussoris & mandatoris diversam in proposito causam arbitror. Nempe fidejussor ipsam obligationem rei principalis in se suscipit, dum quod alias debet fide sua esse jubet; ac proinde si solvat fidejussor, ea solutio-

non potest non intelligi facta ejusdem obligationis nomine, quam idcirco tolli necesse est & reum quaque principalem ipso jure liberari, secundum hunc textum. Ant. Fab. Cod. suo defin. 17. de fidejuss. Mandati vero alia ratio est; hoc enim nihil commune habet cum contractu creditoris qui, verbi causa, meo mandatu pecuniam creditit Titio. Itaque nisi ego expresse nomine Titii solvero, ratio suadet ut Titius non liberetur ipso jure, quoniam meo nomine ex causa mandati solvisse intelligor; & ideo creditor adhuc actiones suas adversus debitorem mihi praestare & potest & debet, d. l. 38. mandat. l. 95. §. 10. de solut. quod secus est si solutio facta sit à fidejussore, & in solvendo de cedendis actionibus nihil cautum, ll. 17. 36. & 39. de fidejuss. l. 76. de solut. cum simili bus. Vid. sup. §. 4. Inst. de fidejuss.

TEXTUS.

De acceptilatione.

1. Item per acceptilationem tollitur obligatio. Est autem acceptilatio imaginaria solutio. Quod enim ex verborum obligatione Titio debetur, id si velit Titius remittere, poteris sic fieri, ut patiar hæc verba debitorem dicere: Quod ego tibi promisi habessem acceptum? & Titius respondeat, Habeo. Sed & Graece potest acceptilatio fieri: dummodo sic fiat ut Latinis verbis solet: Εἴχεις λαβὼν δηλώγα τόσα; Εἴχω λαβὼν. Quo genere (ut diximus) tantum et solvuntur obligationes que ex verbis consistunt, non etiam ceteræ. Consentaneum enim visum est verbis factam obligationem aliis posse verbis dissolvi. Sed & id quod alia ex causa debetur potest in stipulationem deduci, & per acceptilationem dissolvi. Sicut etiam quod debetur pro parte recte solvitur: ita in parte debiti acceptilatio fieri potest.

COMMENTARIUS.

- 1 Explicatur Modestiniana acceptilationis definitio.
 - 2 Traditur alia plenior & planior.
 - 3 Acceptilationem non videri recte dici speciem stipulationis.
 - 4 Solutionis & acceptilationis communia & propria. Et n. 7.
 - 5 In forma acceptilationis quæ consideranda.
 - 6 Materia seu objectum.
1. ETiam acceptilatione ipso jure tollitur obligatio. Acceptilatio defini-

nitore Modestino est liberatio per mutuam interrogationem, qua utriusque contingit ab eodem nexus absolutio, *l. 1. de accept.* Sed haec Jurisconsulti definitio dura plerisque & absurdum videtur; neque sane immerito. Nam primum in acceptilatione uterque alterum mutuo non interrogat, sed debitor dumtaxat interrogat creditorem; deinde nec uterque per acceptilationem liberatur, sed solus debitor, qui & solus obligatus est. Sunt qui hanc definitionem Modestini propter illa verba *per mutuam interrogationem*, accipiendo existimant non de quavis acceptilatione, sed de ea tantum quam praecedit novatio & stipulatio Aquiliana; quoniam haec species sola mutua interrogatione constet, in stipulatione Aquiliana debitor interrogetur, in subsequente acceptilatione vices commutentur & interrogetur creditor; nec obstare quod distincte sunt species, stipulatio Aquiliana, & acceptilatio quae illam perimit; ut enim verbo stipulationis Aquilianæ & acceptilatio quae eam sequitur significatur, *ll. 5. & 15. ff. de transact. l. 3. C. eod.* ita acceptilationis verbo plerunque & eam quae præcessit stipulationem significari. Cujac. *5. obs. 36. Hoc. tom. 3. observ. 18.* Ceterum probabilius meo quidem judicio dicemus, Jurisconsultum abusive mutuam interrogationem appellasse quæ in se quidem una est, sed mutuam habet & subsequenter responsionem, tamquam partem præcedentis interrogationis: ut definitio generaliter concepta & in exorsu tractationis de acceptilatione proposita, ad utramque speciem referatur, & tam simplicem, quam eam quæ fit præposita stipulatione Aquiliana complectatur. Quod autem Modestinus ait, per acceptilationem contingere utriusque ab eodem nexus solutionem, id non passive in persona utriusque accipi debet; sed passive in persona debitoris, active in persona creditoris: ut haec sit sententia, acceptilatio est liberatio qua debitor absolvitur & creditor absolvit ab eodem nexus quo debitor necritur & creditor necrit.

2. Plena & magis perspicua definitio haec est: Acceptilatio est, verborum concepcionis quibus creditor cui verbis quid promissum est, rogatus à debitore an id quod ita debetur acceptum ferat, respondet, se se acceptum ferre liberandi ejus causā. Est verborum conceptio, quoniam verbis transigitur, id est interrogatione & responsione certis verbis conceptis quæ liberationi convenient, *l. 1. C. de acceptil.* qualia Veteribus

promiscue usurpata sunt haec, *acceptum ferre, acceptum facere, acceptum habere, ll. 6. 7. & 13. §. 1. & deinceps §§. & ll. seqq. eod.* Hinc autem intelligimus acceptilationem non fieri nudo consensu; fieri autem ac liberare sine solutione; in quo differt ab apacha quæ debitorem non liberat nisi pecunia vere soluta sit, *l. 19. §. 1. eod.* Reliqua definitionis materiam & finem indicant, removentque hinc stipulationem, quæ quidem & ipsa verborum conceptio est sed ad obligandum non ad liberandum comparata.

3. Scio nonnullos acceptilationem speciem facere stipulationis, quibus stipulatio duplex est una obligatoria altera liberatoria (*D. Tuld. dissolutoriam vocat*) *arg. l. 27. §. 2. de pass.* Sed neque Veterum usui, neque fini stipulationis, neque notationi verbi convenit distractum nomine stipulationis appellare; & verba haec Jurisconsulti in *d. l. 27. §. 2. Sicut tollitur stipulatio per stipulationem*, non sunt accipienda de acceptilatione, sed de stipulatione novandi causâ interposita; addit enim, *Si hoc actum est: quæ verba auctores nostri usurpare solent cum de novatione, non cum de acceptilatione tractant, ll. 2. & 6. & passim de novat.* ita & *D. Cujac. in d. l. 27. §. 2. de pass.* *VINN.* Sed ego nihil causæ video cur acceptilatio stipulatio dici nequeat. Sive finem sive originem sive formam spectes, recte hoc nomen feret. Finis est, ut caveamus nobis, vel ut securiores simus de promissione alterius, *l. 1. §. 4. ff. de stip. præt.* Hic vero alter nobis promittit liberationem, & ut de ea securiores simus solemini interrogatione utimur. Origo vocis stipulatio à *stipulo*, id est firmo, non abludit à fine acceptilationis; nec forma hic alia quam in stipulatione, nempe interrogatio, quæ ita essentiam stipulationis absolvit, ut Veteribus stipulatio interrogationis nomine veniat. Sane in Glossariis vetustis ideo vocatur *ἐπερώτησις* vel *διολογία ἡ ἀπὸ ἐρωτήσεως* (*interrogatio, vel sponsio ex interrogatione descendens*) Adde *Sene. de benef. lib. 3. cap. 15.* Admodum dilatum est, quod stipulatio ad obligandum non ad liberandum sic comparata: quasi enim qui liberationem promittit, non sese obliget ad non petendum. Et quomodo dici potest per acceptilationem eodem modo obligationem dissolvi quo contrahebatur, si stipulatione non dissolvitur? *HEIN.*

4. *Imaginaria solutio*] Solutio naturaliter obligationem resolvit, acceptilatio civiliter, *l. pen. de solut.* nam in solutione debitor ali-

quid reipsa & actu præstat, in acceptilatione nihil; sed tamen quasi præsterit liberatur, & acceptilatio solutioni comparatur, l. 7. §. 1. de lib. leg. adeoque imaginem solutionis gerit nam qui accepto fert, ita debitorem liberat, quasi sibi solutum esset; unde acceptilatio exemplo solutionis liberare dicitur, l. 5. de acceptil. & veluti solvisse videri cui accepto latum est, l. 16. eod. Pertinet autem hæc comparatio ad effectum liberationis, non ad potestatem liberandi. Etenim in solutum accipiendo tam extraneus quivis qui modo potestate creditoris in eo utatur, quam ipse creditor debitorem liberat, l. 12. l. 14. §. 1. de solut. & contra debitor liberatur, non modo si ipse solvat, sed etiam si quivis alias pro eo, quamvis ignorantē & invito, ut dictum pr. bujus tit. At vero acceptilatione nemo debitorem liberare potest, præterquam ipse creditor; nemo liberari nisi ipse debitor per se: adeo ut nec pupillus per tutorem, nec dominus per procuratorem, licet interposito speciali mandato liberentur aut liberent, l. 13. §. 10. l. pen. de accept. quoniam scilicet actus legitimī solemnitas per alium peragi non potest, l. 12. junct. l. 77. de reg. jur. Atenim quo recta nequit, eo obliqua viā pervenitur adhibito remedio novationis: videlicet ut tutor pupilli, aut procurator speciale mandatum habens domini obligationem novatione in se rransferant, translatamque deinde suo nomine acceptam ferant aut rogent, d. l. 13. §. 10. & cave aliud colligas ex lege 13. §. 10. eod. Cujac. 15. obs. 16.

5. *Grace potest fieri*) Forma acceptilationis est illa, quam supra exposui, verborum conceptio ad liberandum comparata. Itaque & verba intervenire necesse est, & talia quæ liberationi convenient. Et olim quidem hic actus, utpote civilis & legitimus, cibibus dumtaxat & legitimis verbis, ac proinde non nisi Latinis explicari potuit; sed postquam utilitatis causā receptum fuit ut acceptilatio etiam cum peregrinis & juris civilis incapibus recte interponeretur: illud quoque admittendum fuit ut interponi posset etiam peregrina lingua. Quod significat Ulpianus l. 8. §. ult. de acceptil. ubi ait, *hoc jure nos uti, ut juris gentium sit acceptilatio*, id est, ut etiam ii qui cives non sunt accepto rogent & ferant. Unde mox, & ideo puto, inquit, & Grace posse acceptum fieri, dicens hoc consequens ab illo antecedente. Atque hoc in acceptilatione haud dubie exemplo stipulationis inductum, quæ & ipsa ante Latinis tan-

tum verbis concipiebatur; sed usu ejus peregrinis communicato, obtinuit ut etiam lingua peregrina, id est quavis alia quam Latinā fieri posset; dummodo sensus congrueret, & uterque vel per se vel per verum interpretem linguam intelligeret, l. 1. §. uit. de verb. obl. §. 1. sup. hoc tit. In forma acceptilationis illud observandum, ne concipiatur in diem aut sub conditione, alioqui nullius momenti erit; quippe quæ exemplo solutionis liberare solet, l. 4. §. 1. de accept. & actus est legitimus, cujus genitī actus per temporis vel conditionis adjectiōnē vitiantur, l. 77. de reg. jur. Plane, quod in diem aut sub conditione debetur pure acceptum ferri potest, quamvis eadem illa huic acceptilationi tacite insint, ac proinde non prius valeat quam si conditio exiterit aut dies venerit. Sed novum non est ut ea non expressa non neceant quæ aperte comprehensa vitium afferrunt, l. 12. de acceptil. d. l. 77. de reg. jur. l. 195. eod. Eleganter hæc explicat D. Bissonius lib. 2. de solut. tit. de acceptil.

6. *Quæ verbis consistunt, non etiam certae*] Materia sive res quæ in acceptilationem deduci potest est debitum verbis antea contractum. Primo ut valeat acceptilatio debitum esse oportet quod acceptum rogatur & fertur; si aliquid quam quod debetur & revera est in obligatione acceptum rogatum aut latum fuerit, acceptilatio inutilis est; nec inde liberatio nascitur, l. 6. in fin. l. 13. §. 2. §. 5. de accept. & hoc est quod definitur in l. 14. eod. nisi consentiat acceptilatio cum obligatiōne, & nisi verum sit quod in acceptilatione demonstratur, imperfectam esse liberationem: videlicet propter defectum materiæ cui acceptilatio seu liberatio applicetur: de quo vid. Joann. Wames. cent. 1. cons. 73. n. 13. Præter debitum autem si quid amplius adjiciatur non vitiaur quidem acceptilatio, sed adjectum nullius est momenti, l. 15. eod. Secundo id debitum solum acceptilatione perimi potest quod verbis contractum est, non alia obligatio; siquidem natura convenit eodem genere unumquodque dissolvī quo colligatum est; & ideo cum acceptilatio verbis conficiatur, consentaneum solas verborum obligationes acceptilatione posse tolli, l. 8. §. 3. eod. l. 35. de reg. jur. l. 80. de solut. Plane, si quod ex alia obligatione debetur accepto latum fuerit, etsi hoc debitori ipso jure ad liberationem non proficit, pacti tamen conventi vel doli mali exceptione se tueri poterit, l. 19. de acceptil. nam inutilem accep-

tilationem saltem vim pacti habere placuit,
nisi quid aliud impedit, l. 8. pr. eod.

Quod ex alia causa debetur potest in stipulationem deduci] Etsi debita quæ non ex verborum obligatione veniunt acceptilatione directo tolli nequeunt: oblique tamen possunt remedio novationis & stipulationis Aquiliana, per quam in verborum obligationem prius convertantur, ut obligatio jam verbis constans mox verbis itidem dissolvatur: de quo mox plura.

Pro parte recte solvitur] Intellige, consentiente creditore: qua de re abunde dictum in exegesi pr. hujus tit.

7. *Pro parte debiti acceptilatio fieri]* Dum debitum sit, totum an pars accepto feratur ad acceptilationem nihil interest, ll. 9. 10. & 13. §. 2. de acceptil. & pro parte accepto lata contingit liberatio, quamvis alias obligatio conditione sua divisionem non admittat, l. 17. eod. quod in solutione contra est, l. 2. §. 1. de verb. obl. l. 9. §. 1. de solut. Discriminis rationem superius indicavi. Illud monere plane supervacuum est, si res in stipulationem deducta naturâ sua divisionem non recipiat, veluti servitus prædii: acceptilationem in partem nullius esse momenti, d. l. 13. §. 1. de acceptil.

TEXTUS.

De Aquiliana stipulatione & acceptilatione.

2. *Est autem prodita stipulatio quæ vulgo Aquiliana appellatur, per quam contingit ut omnium rerum obligatio in stipulatum deducatur, & ea per acceptilationem tollatur.* Stipulatio enim Aquiliana renovat omnes obligationes, & à Gallo Aquilio ita composita est: Quidquid te mihi ex quacumque causa dare facere oportet oportebitve, præsens, in diemve, aut sub conditione: quaruncumque rerum mihi tecum actio est, quæ aduersus te petitio vel aduersus te persecutio est erit; quodve tu meum habes, tenes, possides, do-love malo fecisti quominus possideas: quanti quaque earum rerum res erit, tantam pecuniam dari stipularus est Aulus Agerius, spopondit Numerius Nigidius. Quod Numerius Nigidius Aulo Agerio spopondit, id haberetne à se acceptum, Numerius Nigidius Aulum Agerium rogavit. Aulus Agerius Numerio Nigdio acceptum fecit.

COMMENTARIUS.

C. Aquilius Gallus homo Jurisconsultissimus, cujus in formulis concipiendis singularis quedam prudentia extitit, ut constat ex ea de dolo malo, quam Cicero lib. 3. de nat. Deor. cap. 30. everriculum omnium militiarum appellat, & ea de postumo nepote vivo adhuc filio herede instituendo, l. 29. de lib. & post. stipulationis formulam prodidit, in quam quæ non verbis contractæ essent obligations translatæ acceptilatione deinde perimerentur: qua stipulatio ab auctore suo Aquiliana dicta est.

Renovat omnes obligationes] Et sic via est ac ratio per quam usus acceptilationis, per se aliqui angustus & intra verborum obligationes consistens, dilatetur. Stipulationis Aquiliana frequens olim usus fuit in transactionibus, ll. 2. 4. 5. & 15. ff. de transact. ll. 3. 4. C. eod. V.I.N.N. Apud nos nec acceptilationis neque Aquiliana acceptilationis ullus usus est; nudo enim pacto obligations omnes ipso jure tolluntur, l. 2. tit. 16. lib. 5. Recop. ut notat Pallad. lib. 2. rer. quæ. 3. n. 21. ADDIT.

Ita composita est] Exhibitum hic ex Florentino l. 18. §. 1. de acceptil. formula stipulationis novantis uti ea ab Aquilio concepta est; sic autem est concepta, ut nobis præbeat certissimum anxiæ Veterum in cautionibus componendis diligentie argumentum, in qua ne quid omissum videbetur, multa ex abundantia adjecta. Verba obiter excutiemus.

Quidquid te mihi ex quacumque causa] Causa negotium significat & obligationem, latius que patet contractu; nam & ad eas obligationum species pertinet quæ ex maleficio vel quasi ex maleficio proficiscuntur, l. 9. de reb. cred.

Dare facere) Sine coniunctione hæc profetti solent, ut pleraque alia, veluti uti frui, ire agere, dare legare &c. innuant autem omnem obligationem vel in dando vel in faciendo consistere.

Oportet, oportebitve, præsens, in diemve, aut sub conditione) Verbo oportet præsens tantum debitum demonstratur, l. 76. §. 1. de verb. obl. verbo oportebit etiam quod in diem aut sub conditione debetur; utrumque enim comprehendit, l. 8. de verb. sign. Hoc autem verbum oportet non ad facultatem judicis, qui potest vel pluris vel minoris condonare, sed ad veritatem referuntur, l. 37. de verb. sign.

Tecum actio, petitio, persecutio) Actio in per-

personam est , petitio in rem , persecutio ad extraordinarias magistratum cognitiones pertinet , l. 178. §. 2. de verb. sign. Sensus ergo est , quidquid actione in personam consequi , vel vindicare , vel magistratu cognoscente extra ordinem consequi potes.

Quodve tu meum babes] Hęc abundant ; ex superioribus enim satis intelligi poterant , cum suum cujusque sit cuius vindicandi jus habet , l. 27. §. 2. de aer. arg. leg.

Habes , tenes , possides] Tenere ad factum refertur , possidere etiam ad jus. Habere dicimus & jure dominii , & jure possessionis , & mera detentio , l. 188. de verb. sign. l. 38. §. 7. & 2. seqq. de verb. obl. quamquam hęc distinctio non est perpetua.

Dolore malo fecisti &c.] Dolus enim pro possessione est , semperque possidere intelligitur qui dolo fecit quominus possideat , l. 150. l. 157. §. 1. de reg. jur. Cetera per se sati plena sunt. Vinn. Adjiciemus tamen & de verbis sequentibus nonnulla. Verba , quanti quæque earum rerum res erit , ad reales actiones spectant , in quas non minus quam in personales hanc stipulationem conceptam fuisse jam Vinnius observavit. Cum itaque quod nostrum est amplius nostrum fieri nequeat , adeoque rem nostram stipulari nobis non possumus , §. 2. Inst. de inut. stipul. l. 82. ff. de verb. oblig. callide Aquilius estimationem pro re stipulari nos jussit. Vocabula denique Aulus Agerius & Numerius , vel (ut apud Parriat. legg. Mos. & Rom. tit. 2. §. 6. legitur) Numidius Nigidius in formulis usitatissima fuisse , illoque actorem hoc reum significari consuevisse , jam ad locum illum Pariatoris notavit vir eximius Petr. Pithœus. HEIN.

TEXTUS.

De novatione.

3. *Præterea novatione tollitur obligatio : veluti si id quod tibi Sejus debebat à Titio stipulatus sis. Nam interventu nove persona nova nascitur obligatio & prima tollitur translata in posteriorem : adeo ut interdum licet posterior stipulatio inutilis sit , tamen prima novationis jure tollatur : veluti si id quod tu Titio debes à pupillo sine tutoris auctoritate stipulatus fuerit : quo casu res amittitur. Nam & prior debitor liberatur , & posterior obligatio nulla est. Non idem juris est si à servo quis fuerit stipulatus ; nam tunc prior perinde obligatus manet ac si postea nullus stipulatus fuisset. Sed si*

eadem persona sit à qua postea stipuleris , ita demum novatio fit , si quid in posteriore stipulatione novi sit , forte si conditio aut dies aut fidejussor adjiciatur aut derribatur. Quod autem diximus , si conditio adjiciatur novationem fieri , sic intelligi oportet , ut ita dicamus factam novationem si conditio extiterit ; alioqui si defecerit durat prior obligatio. Sed cum hoc quidem inter Veteres constabat , tunc fieri novationem cum novandi animo in secundam obligationem itum fuerat ; per hoc autem dubium erat quando novandi animo videbatur hoc fieri , & quasdam de hoc presumptiones alii in aliis casibus introducebant : ideo nostra processus constitutio , quæ apertissime definit tunc solum novationem prioris obligationis fieri quoties hoc ipsum inter contrabentes expressum fuerit quod propter novationem prioris obligationis convenerunt ; alioqui & manere pristinam obligationem , & secundam ei accedere , ut maneat ex utraque causa obligatio secundum nostræ constitutionis definitionem , quam licet ex ipsius lectione apertius cognoscere.

L. 15. cum 4. seqq. tit. 14. Part. 5.

COMMENTARIUS.

- 1 In novatione quæ necessaria ; & an aliter quam per stipulationem præcedens obligatio novetur.
- 2 Veræ novationis effectus.
- 3 Quot modis novatio fiat ; ubi & de delegatione.
- 4 De novatione quæ fit per litis contestationem ; & quantum bac differat à vera & voluntaria.
- 5 Quis effectus si quis quod alius debet à pupillo stipuletur sine tutoris auctoritate ; & cur diversum si à servo.
- 6 Si ab eodem debitore quis stipuletur , quando novatio fieri intelligatur.
- 7 Quid novi juris à Justiniano constitutum circa novationem : ubi multa notabilia.

1. *N*Ovatione quoque ipso jure obligatio tollitur ; sed ita ut in locum sublatæ alia nova substituatur ; est enim novatio prioris debiti in aliam obligationem conversio , l. 1. de novat. Fit hęc conversio verbis seu stipulatione , d. l. 1. §. 1. ll. 2. 5. 6. 7. 11. & passim ff. eod. ll. 1. 3. 7. & ult. C. eod. l. 6. C. siccert. pet. Ac proinde in novatione hęc sunt necessaria : obligatio vetus , obligatio nova , & stipulatio per quam illa

in hanc transferatur. Vetus obligatio qualiscumque est, aut quomodocumque contracta verbis novari potest, *l. 1. & 2. de novat.* nec metuendum hic est ne obstet regula juris de dissolvendis obligationibus, *l. 35. de reg. jur.* Nam in novatione solutio quædam est, & quasi naturalis præstatio, *l. 8. §. 3. ff. ad senat.* *Vell.* qualis est cum pro eo quod debetur præstatur aliud volenti creditori, *l. 17. C. de solut.* Nova quæ constituitur obligatio utrum civiliter teneat an naturaliter ad novationem nihil interest, *d. l. 1. in fin. de novat.* de quo pluscula in explicatione textus. Stipulationem cum exigimus hoc significamus, sola stipulatione præcedentes obligationes novari, non etiam nudis pactis, ac ne contractu quidem alio, veluti mandato, ut ex memoratis textibus apparet, & bene post alios defendit Goedd. *de contr. stip. cap. 5. concl. 8. n. 90. & seqq.* aduersus Bartolum in *d. l. 1. in contrarium adducentem legem 45. §. ult. mand.* Tantum in contractibus quæ solo consensu perficiuntur hoc accedit, ut & nudus consensus contractum dissolvat & alium ejusdem generis constituat, *l. 7. §. 6. de part. l. 72. de contr. emt.* Hodie sane etiam simplicibus pactis novationes fieri solent, adeoque frequentius quam per stipulationem, utpote cuius solemnitas penne exolevit, ut post DD. in *l. 15. de reb. cred.* tradunt Wesemb. hic Gudelin. *lib. 3. de jur. noviss. cap. 12.* Præter hæc & animus novandi exigitur; nec enim aliter fit novatio quam si hoc agatur ut prior obligatio novetur, *l. 2. in fin. l. 6. l. 8. §. 2. & ult. l. 28. ff. de novat. l. 3. C. eod.* de quo item fusius postea.

2. Effectus novationis est, ut nova obligatione constituta prior perimatur, *d. l. 1. eod.* quæ res facit ut etiam incommoda omnia quæ prioris obligationis fuerunt simul evanescant, qualia sunt hæc: mora facta, periculum interitus rei debitæ, poena veteri obligatione promissa, usuræ ex eadem causa debitæ, privilegium quo prioris actionis fuit, pignora denique & fidejussores, *l. 8. 15. 18. 27. & 29. de novat. l. 43. de solut.* Plane si pignora prioris obligationis in novatione repetita fuerint, placet creditori manere ordinem & prærogativam temporis, ut in his præferatur posteriori creditori, id est cui eadem pignora postea, licet ante novationem, obligata sunt, *l. 3. qui pot. in pign. & ibi Bart. Myns. 1. obs. 59. Gail. 2. obs. 30. n. 10.*

3. Potest autem novatio dupliciter fieri, vel manente eodem debitore, vel personâ debitoris mutata; priore casu novi aliquid ad-

jici debet ut novatio facta intelligatur, *boc ext. vers. sed si eadem persona;* posteriore novatio fit, quoties liberato priore debitore alius, qui expromissor appellari solet ut notatum sub tit. *de fidejuss.* locum ejus subit: veluti si Titius novationis causâ promittat Sempronio quod ei Sejus debet; sive id sua sponte Titius faciat, & vel ignorantे vel nolente debitore, *l. 8. in fin. de novat.* sive debitoris mandatu, quæ species novationis delegatio dicitur per metonymiam causæ, si quidem delegare hic est vice sua alium reum dare creditori, *l. 11. eod.* quæ delegatio inter delegantem quidem & delegatum nudo consensu fit, *l. 17. eod.* sed non perficitur: id est, novatio debiti non fit nisi stipulanti creditori is qui delegatus est promiserit, *l. 1. C. eod. Gail. 2. obs. 30. n. 8. Christin. vol. 4. decis. 180. n. 4. & 5. D. Tulden. comm. hic, cap. 8.* Porro sciendum est, agi hoc loco de novatione, cui hoc nomen per excellentiam & absolute tribuitur.

4. Est vero præter hanc quæ stipulatione fit & alia quam inducit litis contestatio, *d. l. 11. §. 1. l. 29. ff. eod. l. 3. C. de usur. rei jud. nam & judicio contrahitur & velut nova inducit obligatio judicati, l. 3. §. 11. de pecul. Atque hæc quoque fit vel manente eodem reo, puta si ille ipse litem contestetur & suo nomine suscipiat; vel personâ rei mutata, si alius pro reo judicium accipiat, sive mandatu illius, quæ species est delegationis, *d. l. 11. §. 1. de novat.* sive reo ignorante aut etiam nolente, *l. 23. de solut.* Ceterum hæc species novationis superiori longe dissimilis est, & secundum quid tantum dicitur novatio fieri per litis contestationem: quatenus scilicet actio in judicium deducenda novas quasdam assumit qualitates, veluti quod quæ tempore aut morte peritura fuisset judicio inclusa salva manet & ad heredes transmittitur, *l. 26. de obl. & aff. §. 1. Inst. inf. de perp. & temp. aff.* & quia reo condemnato nova accedit actio judicati priore multo utilior, *l. 56. ff. de re jud. l. 3. C. de usur. rei jud.* At enimvero per litis contestationem vel sententiam vetus actio non consumitur, per text. in *l. 41. §. 1. de fidjuss. l. 20. ff. de interr. in jur. l. 2. C. de judic. arg. l. 26. §. ult. l. 27. l. 28. §. 1. de jurijur. junct. l. 30. in pr. eod. junct. l. 2. ff. eod. l. 8. C. de reb. cred. & d. l. 56. de re jud.* Et hinc est quod commoda quoque prioris actionis creditori salva manent, *l. 8. §. 3. de fidejuss. l. 13. §. 4. de pign. l. 29. de novat. fac. l. 86. & seq. de reg. jur.* Christin. vol. 4.*

decis. 180. n. 2. Interpretes vulgo has novationis species sic distinguunt ut eam quæ per stipulationem fit voluntariam appellant, quæ judicio accepto, necessariam: cuius distinctionis fundamentum est in *d. l. 29. de novat.*

Interventu novæ personæ] Non quæ alienæ obligationi accedat ad promittendo, sed quæ alienam obligationem in se transferat expromittendo. Per adstipulationem & ad promissionem fidejussor intervenit; novatio per ex-stipulationem & expromissionem; unde per hanc prior obligatio extinguitur.

Licet posterior stipulatio inutilis] Non ratione formæ sed effectus, ut exemplum subiectum declarat. Similiter, etsi expromissor non sit solvendo, præcedens tamen obligatio tollitur etiam in casu delegationis; quoniam, ut ait Paulus, bonum nomen promissoris fecisse videtur creditor qui admissit debitorem delegatum, *l. 26. §. 2. mand.*

5. A pupillo sine tutoris auctoritate] Pupillum sine tutoris auctoritate contrahentem non obligari jure civili, nisi in quantum factus est locupletior, constat *ll. 5. & 9. de aut. tut.* Attamen si ejus ætatis sit ut intelligat quod agitur naturaliter obligatur, ut demonstravimus *sup. ad §. 9. Inst. de inut. stip.* & ideo, quod huic consequens est, si pupillus sine tutoris auctoritate quod alius debet stipulanti creditori novandi animo promiserit, prior obligatio jure novationis tollitur translatâ in posteriorem naturalem; quippe sufficit ad novationem quod posterior obligatio vel naturaliter teneat, *l. 1. in pr. & §. 1. de novat.* Neque est contrarium quod Paulus scribit in *lege 20. §. 1. eod.* pupillum sine tutoris auctoritate non posse novare; neque enim hoc nos dicimus, posse pupillum quod sibi ex aliqua causa debetur in aliam obligationem absque tutoris auctoritate transferre, atque ita forte conditionem suam facere deteriorem, quod negat Paul. *d. loc.* sed hoc, pupillo sine tutoris auctoritate expromitten te novari obligationem alienam, eo effectu ut prior debitor liberetur; quamvis sequens pupilli obligatio creditori inutilis sit, quia ad agendum inefficax. Nimirum sibi imputare creditor debet quod alienam obligationem in pupillum transulerit, quem sciebat aut scire debebat non aliter ex contractu civiliter obligari quam interposita tutoris auctoritate, per *l. 19. de reg. jur.*

Et posterior obligatio nulla est] Non simpliciter nulla; nam utique naturaliter tenet, *l. 1. in fin. de novat.* sed nulla dicitur, tum

quia ad agendum inutilis, tum quia ne naturalis quidem obligationis effecta habet quæ quidem pupillo nocere possint, qualia sunt jus compensandi, soluti retinendi: quo etiam intuitu quod pupillus sine auctoritate tutois promisit ne naturâ quidem deberi interdum dicitur, *l. 41. de cond. ind.* quamvis revera naturaliter debeatur, & incommoda ejus obligationis ad alios pertineant: qua de re uberiori sub *§. 9. Inst. de inut. stip.* Quod si nulla hic succederet obligatio, nulla etiam intelligeretur novatio fieri, sed prior obligatio maneret in suo statu, *d. l. 1. per tot.*

Non idem juris est si à servo] Non quia servus ex contractu suo, si consensum spectemus, non obligetur naturaliter, *l. 13. de cond. ind. l. 14. de obl. & aut.* sed quia jure civili non est idoneus expromissor, & omnino novationis extra causam peculiarem incapax, *l. 30. §. 1. de past. l. ult. de novat.* Sunt enim quædam causæ quas jus civile ita in servo improbat, ut si cum eo intervenerint, ne intervenisse quidem videantur; ac proinde nec dominum obligent de peculio, & de pecunia ex his causis soluta repeti possit: cujusmodi sunt, si servus pro libero se gerens judicio conventus & condemnatus sit: si in arbitrum compromiserit, *l. 3. §. 8. de pecul.* si cum conveniretur jusjurandum adversario detulerit, *l. 5. §. 2. d. tit.* si pro alio fidejussit rem peculiarem non gerens, *l. 3. §. 5. eod. tit. l. 19. & seq. de fidejuss.* & denique si expromiserit aut alias obligationem non peculiarem novaverit, *l. 30. §. 1. de past. l. ult. de novat.* Quin etiam quibusdam visum est, nec peculiarem obligationem servum novare posse, extra quam si liberam habeat peculii administrationem; ac ne tunc quidem expromisorem accipiendo debitorem peculiarem liberrare: quæ sententia probari videtur *lege ult. de novat. junct. l. 16. eod. l. 19. de solut. & facit lex 20. cum l. seq. de jurejur.*

6. Si eadem persona sit à quo postea stipularis &c.] Sententia hujus loci haec esse videtur, si idem debitor sit à quo postea stipularis, & præcedens obligatio verbis quoque contracta, nou aliter novationem fieri quam si posteriore stipulatione aliquid novi comprehensum fuerit, conditio, aut dies, aut fidejussor adjectus detractusve. Nam neque si alia persona intervenerit hoc desideratur, neque si debitum prius ex alia causa descendat; quantumvis cum eodem debitore stipulatio postea fiat, modo animus novandi adsit. Neque enim dubito quin si decem à te

te stipulatus sim, quæ mihi verbi gratia ex causa mutui debebas, & tu promiseris, obligatio ex numeratione nata novetur & transferatur in obligationem verborum: utique si de jure veteri queratur, arg. II. 6. & 7. de novat.

Si conditio aut dies] Stipulatio etiam novationis causâ non tantum pure, verum etiam sub conditione aut in diem concipi potest. Potest & quod sub conditione aut in diem debetur pure novandi causâ promitti: quo effectu docebuntur textus in II. 5. & 8. §. I. l. 14. per tot. II. 24. & 31. de novat. l. 60. §. 1. de cond. ind. Late & eleganter D. Brissonius lib. 2. de solut. tit. de novat.

7. *Dubium erat quando novandi animo*] In omni quidem novatione etiam jure veteri animus novandi requirebatur, id est nulla intelligatur novatio fieri, nisi id actum esset ut præcedens obligatio novaretur, l. 2. in fin. l. 8. pr. §. 2. & ult. l. 28. ff. de novat. l. 3. C. eod. Ceterum dubium erat quando id actum videretur, & novandi animo in secundam obligationem itum: quo in dubio Veteres decurrebant ad conjecturas & presumptiones, si nihil erat ex quo animus novandi colligi posset, expressam requirebant conventionem, l. 58. de verb. oblig. vid. Ant. Fab. 3. *conject. 3.* Justinianus vero, ut materiam Itium præcideret, in universum definitivit non aliter novationem prioris obligationis fieri quam si hoc ipsum inter contrahentes expresum fuerit, se novandi animo & prioris obligationis tollendæ causâ posteriorem interponere, alioqui & manere pristinam obligationem, & secundam ei accedere, l. ult. C. de novat. quæ est illa constitutio cuius hic meminit. Nilominus tamen plerique adhuc admittendum censem, ut ex conjecturis urgentibus & manifestis novatio inducatur, utique si non ipso jure salem per exceptionem; eaque sententia, licet verba constitutionis refragari videantur, multis in locis recepta est ut rationi consentanea. Quid enim si posterior obligatio quadam repugnantiâ elidat priorem? & potius est ut dicamus Justinianum eas dumtaxat conjecturas tollere voluisse, quas in universum Veteres constituerant: quod genus sæpe fallit. Vid. Gail. 2. obs. 30. n. 1. & seqq. Christin. vol. 4. decis. 180. n. 9. & seqq. Tulden. comm. hic cap. 7. Bartolus quoque l. 11. de novat. existimat, eam legem non pertinere ad delegationem, quem sequuntur Zas. in l. 15. n. 11. de reb. cred. Gail. d. loc. n. 9. Wesemb. parat. de novat.

Tom. II.

n. 8. Et sane illa legis verba, *vel aliam personam adhibuerit vel mataverit*, commode de persona fidejussoris explicari possunt, add. Bachov. ad Treut. vol. 2. disp. 29. thes. 6. Vinn. Lex 15. tit. 14. Part. 5. contrariam sententiam probare videtur, ibi: *diciendo abieratamente el debitor que lo facia con voluntad que el primero fuese desatado: quam tenet Greg. Lopez ad hac verb. Communem tamen sententiam tuerit Pichard. hic. ADDIT.*

Ut maneat & utraque causa obligatio] Sicut jure veteri ubi novandi animus non interveniat duæ obligationes censebantur, l. 2. in fin. de novat. Cujus rei hic effectus est, quod creditor ex utraque obligatione agere possit, & quod in una deest per aliam suppleatur; item quod etsi posteriori obligationi adjecti sint novi fidejussores, non ob id tamen liberentur qui pro priore intervenerant. Gail. d. loc. n. 5. & 6. Plane, si ex una obligatione solutum erit altera quoque continuo tolletur, quia sunt obligationes unius rei, l. 8. §. ult. de novat.

T E X T U S . De contrario consensu.

4. *Hoc amplius ex obligationes quæ consensu contrabuntur contraria voluntate dissolvuntur.* Nam si Titius & Sehus inter se consenserint ut fundum Tuiculanum emtum Sehus haberet centum aureis; deinde re nondum secuta (id est, neque pretio soluto neque fundo tradito) placuerit inter eos ut discederetur ab ea emtione & venditione, invicem liberantur. Idem est in conditione & locatione, & in omnibus contractibus qui ex consensu descendunt, sicut iam dictum est.

L. 2. in fin. tit. 10. lib. 3. for. legg.

C O M M E N T A R I U S .

- 1 *Omnem naturalem obligationem ipso jure tolli nudo consensu.*
- 2 *Eodem modo re integra tolli & civiles nudi consensus & honorarium pignoris.*

1. *Q* uædam obligationes ipso jure dissolvuntur solo & nudo partium consensu. Quo in genere est omnis obligatio naturalis, tum civiles ex quæ solo consensu constant. De naturali obligatione traditum est, eam justo pacto ipso jure tolli, l. 95. §. 4. de solut. quod nihil aliud est

Kk

est

est quam tolli nudo consensu. Justum enim pactum, sicuti justam conventionem, dicimus quod æquum est atque honestum nec improbatum legibus, nudum tamen, l. 40. §. 1. l. 52. §. 2. de pæt. Et hoc consentaneum est regulæ juris traditæ *lex 35. de reg. jur.* Quamvis enim naturalis obligatio etiam ex aliis causis quam consensu nascatur, solo tamen æquitatis vinculo sustinetur, quod contrariæ conventionis æquitate dissolvitur, d. l. 95. §. 4. de solut. Non adversatur *lex 27. §. 2. de pæt.* quoniam ibi non queritur de nuda naturali obligatione per pactum tollenda, sed de pacto priore, quo exceptio quæsita erat, per posteriori elidendo: quò redeat prima conditio & status obligationis, actionique vis pristina restituantur: vid. *inf. sub tit. Inst. de replicat. in pr. VINN.* Atqui &c fidejussoris obligatio mutuo principalium contrahentium consensu solvit, cum tamen fidejussor non consensu sed verbis obligetur, l. 3. ff. de resc. vend. l. 95. §. ult. ff. de solut. Sed in promtu est responsio. Fidejussoris obligatio non tollitur mutuo consensu, sed obligatio principalis cui fidejussor accessit. Sublata autem obligatione principali accessoria ipso jure exspirat, l. 129. §. 1. l. 178. ff. de reg. jur. HEIN.

2. De civilibus nudi consensus obligationibus constans definitio est, eas omnes ut nudo consensu contrahuntur ita & contrario eoque nudo consensu dissolvi, ll. 3. & 5. §. 1. de resc. vend. dummodo rebus integris à contractu habeatur, l. 7. §. 6. l. 58. ff. de pæt. ll. 1. & 2. C. quand. lic. ab emt. disc. in quo & in ipso regulam naturæ de tollendis obligationibus Veteres securi sunt, l. 80. de solut. d. l. 35. de reg. jur. Nam etsi hujus etiam generis contractus obligationem civilem, id est efficacem ad agendum producunt, quæ videatur pacto ipso jure tolli non posse: tamen quia obligatio ista nudo & mero consensu constat, totaque est ex jure gentium, (utpote à jure civili præter approbationem nihil habens quod extrinsecum quid est & accidentarium): ideo sublato hoc consensu per pactum sive voluntatem contrariam tota obligationis substantia evanescit, ut nihil amplius

supersit in quo actio fundetur: eadem vide-
licet ratione qua nulla subesse obligatio in-
telligitur si res tradita in contractu reali ani-
mo recedendi redditæ fuerit. Et secundum
hæc recte defenditur etiam obligationem pi-
gnoris quæ jure prætorio constituitur nuda
conventione, l. 1. de pign. aſt. contraria ea-
que nuda conventione ipso jure dissolvi, li-
cer obstare videatur *lex 17. §. 2. de pæt.* sed
ea loquitur de pacto quo remittitur debitum
principale, non de eo quod directo tendit
ad dissolutionem pignoris. Vid. Neguz. tra-
t. de pign. part. 6. memb. 3. n. 3. Bachov.
lib. 3. de pign. cap. 6. & in commn. ad tit. de
pæt. cap. de pæt. resolut. De furto & injuriis
lex XII. tabb. pacisci permisit: quæ causa est
quod actiones quoque furti & injuriarum per
pactum ipso jure tolluntur, d. l. 17. §. 1. de
pæt. junct. ll. 6. & 7. §. 14. in fin. eod.

Contraria voluntate] Id est contraria con-
ventione seu usriusque partis consensu, l. 1.
C. quand. lic. ab emt. disc. unius enim volun-
tas ad dissolvendam obligationem non valet,
l. 6. C. de oblig. & aſt. l. 3. C. de resc. vend.
utique jure communi; nam quod mandatum
& societas etiam unius voluntate dissolvantur,
id proprio quodam jure in his contractibus
receptum est, ut suis locis demonstravi-
mus.

Re nondum secura] Leg. 7. §. 6. de pæt. ll.
3. & 5. §. 1. de resc. vend. quod alibi dici-
tur, re adhuc integra, l. 58 ff. de pæt. ll. 1.
& 2. C. quand. lic. ab emt. disc. id est, si ni-
hildum præstum sit eorum quæ ex contra-
etu præstari debent: veluti in exemplo pro-
posito, si neque res à venditore tradita ne-
que pretium ab emtore solutum sit. Nam si
quid horum intervenierit consensu amplius
negotium resolvi nequit, nisi simul restituan-
tur qua prius tradita erant; neque enim ut
retro tradantur nudo pacto obligatio consti-
tui potest, d. l. 58. in fin. de pæt. Arrha-
rum vero aut fidejussorum interventus non
efficit quominus res integra maneat nudo-
que adhuc consensu possit ab obligatione re-
cedi, l. 3. de resc. vend. l. 11. §. 6. ff. de aſt.
emt. l. 2. C. quand. lic. ab emt. disc.

Finis Libri Tertii.

ARNOLDI VINNI I J.C.
 IN LIBRUM QUARTUM
 INSTITUTIONUM IMPERIALIUM
 COMMENTARIUS
 ACADEMICUS ET FORENSIS.

TITULUS I.

DE OBLIGATIONIBUS QUÆ EX DELICTO NASCUNTUR.

Dig. lib. 47. tit. 2. Cod. lib. 6. tit. 2. Et Part. 7. tit. 14. Recop. lib. 8. tit. 11.

Continuatio. Delictum quid & quotuplex.

EX quatuor causis obligationum propositis §. ult. Inst. sup. de oblig. duæ superiore libro tertio expositæ sunt, contractus, & quasi contractus ; duæ reliquæ, maleficium videlicet & quasi maleficium, partem quarti & ultimi occupaverunt. Maleficium species est delicti. Delictum est omne factum illicitum quod lege humana poenam meretur. Estque vel *publicum*, quod ad lensionem Reipub. directo tendit & publice in exemplum vindicatur, de quo genere est tit. ultimus hujus lib. vel *privatum*, quo offenduntur singuli, quibus inde obligatio & actio pecunaria. Publica delicta proprie crima ; privata, maleficia appellantur ; quamquam verbum *crimen* ad delicta privata quoque pertinet, quatenus scilicet & illa considerantur ut societatem civilem & statum publicum turbantia : quod contingit sane per consequentiam ; & ideo extra ordinem etiam criminaliter de his agi potest, l. ult. de *priv. delict.* l. ult. defurt. l. ult. de *injur.* Sed judicia cri-

minalia hoc non pertinent ; quippe in quibus non persequimur forensi aut civili actiones quod nobis quibus nocutum est ex ea causa debetur, sed extra ordinem ad vindictam agimus, poenamque pro modo admissi arbitrio cognoscentis statuendam ; sive corporalem si- ve pecuniariam, quæ fisco applicetur.

TEXTUS.

Continuatio & divisio obligationum ex delicto.

Cum sit expositum superiore libro de obligationibus ex contractu & quasi ex contractu, sequitur ut de obligationibus ex maleficio & quasi ex maleficio dispiciamus. Sed illæ quidem, ut suo loco tradidimus, in quatuor genera divi- duntur ; hæ vero unius generis sunt ; nam omnes ex re nascuntur, id est ex ipso maleficio, veluti ex furto, rapina, damno, injuria.

COMMENTARIUS.

I Quo sensu maleficia omnia dicantur ex re nasci.

Kk 2

z Sum-

1. **H**æc unius generis sunt, nam omnes *ex re nascentur*] Ita quoque Gaius l. 4. de obl. & adt. Obligationum quæ ex contractu descendunt quatuor sunt species causis efficientibus distinctæ; nam aut re contrahuntur, aut verbis, aut literis, aut solo consensu, §. ult. Inst. sup. de oblig. Quæ vero ex maleficio oriuntur, si causam efficientem spectamus, omnes unius generis sunt; nam haec omnes re tantum consistunt, id est ipso maleficio, d. l. 4. Ut ecce, qui verbis aut scripturâ professus est se furtum fecisse, aut in furtum nuda voluntate consensit, non tenetur furti; sed ut teneatur necesse est contrectatio interveniat, l. 52. §. 19. de furt. Similiter, si quis verbis aut literis confessus est se injuriam alicui fecisse non tenetur injuriarum, sed ut teneatur oportet intervenisse contumeliam, l. 27. §. 2. de past. ubi Jurisconsultus ait, actionem injuriarum non ex pacto nasci sed ex contumelia. Utut ergo injuria etiam verbis & scripturâ fieri dicatur, l. 1. §. 1. l. 5. §. 9. & seq. ff. de injur. l. un. C. de famos. libell. tamen illa hic non attenduntur ut causæ obligationis, sed ipsum maleficium dumtaxat & contumelia quæ iis inhæret: unde actio omnis quæ ex maleficio descendit ex facto esse dicitur, l. 25. §. 1. de obl. & adt. Illud quoque dissimile est, quod ad constituantem ex contractu obligationem requiritur mutuus consensus; ex delicto autem obligamus nolentes & inviti.

2. **Furto, rapia, damno, injuria**] Eadem genera maleficiorum; nec plura enumerat Gaius d. l. 4. nimirum reliqua de quibus lib. 47. ff. ad hæc quatuor referri possunt. Porro horum singula singulatim & suis quaque titulis explicantur. De furto ex professo hoc titulo, quamvis generaliter conceptus sit, agitur, docetur quid illud sit & quotuplex: quæ ejus poena, quæ causa efficiens, materia & forma: quando, quibus in rebus & à quibus committatur: quis sit effectus: quæ inde actiones: quibus, contra quos, & cujus rei gratia dentur.

TEXTUS.

Definitio furti.

1. *Furtum est, contrectatio fraudulosa lucri faciendi gratia, vel ipsius rei vel etiam usus ejus possessionis: quod lege naturali prohibitum est admittere.*

L. I. tit. 14. Part. 7.

COMMENTARIUS.

1. *Furtum non fieri sine contrectatione; & quid inde, tum quis contrectare dicatur.*
2. *Furem non esse nisi qui fraudulenter rem alienam contrectet.*
3. *Non item qui non lucrandi animo:*
4. *Quid si urgente fame esculenta ablata est.*
5. *Furtum fieri non intelligi nisi sit qui possideat.*
6. *Furta per se & natura turpia esse.*

Auctor hujus definitionis est Paulus *lege A* l. §. ult. de furt. Idem lib. 2. sent. tit. 31. furem sic definivit: *Fur est, inquit, qui dolo malo rem alienam contrectat.*

1. **C**ontrectatio] Furtum sine contrectatione fieri non potest. Contrectare, est rem manu tractare loco & movere, l. 3. §. 18. de adq. poss. l. 15. ad exhib. Ex quo primum intelligimus, furtum non nisi in rebus corporalibus iisque mobilibus admitti, §. 2. Inst. sup. de usuc. in fin. Deinde furtum non fieri verbis aut scripturâ, solove consilio aut cogitatione furti faciendo, l. 1. §. 1. l. 52. §. 19. de furt. & consequenter furem nondum esse qui tantum conclave intravit furandi causâ, l. 21. §. 7. eod. nec illum statim esse qui inficiatur depositum, sed ita si intervertendi causâ amoverit, occultaverit, d. l. 1. §. 2. l. 67. eod. d. l. 3. §. 18. de adq. poss. Plane etiam sine ablatione, sola contrectatio furtum committi potest, d. l. 21. §. 8. de furt. Neque in solum furtum facere & rem contrectare intelligitur qui eam surripit & domino aufert, sed & qui rem aut pecuniam quam à domino accipit alteri dandam solvendam, vel partem ejus rei pecuniæ in suos usus convertit, l. 52. §. 16. ff. eod. l. 7. C. eod. aut qui re prius ex voluntate domini accepta utitur cum usum nullum habeat, aut aliter utitur quam ex lege contractus debuit: de quo plenius *inf. sub. §. 6. buj. tit.* Per interpretationem etiam ille contrectare intelligitur, quo præsente indebitum ei quem d'ele-gavit solvitur, l. 43. §. 2. de furt.

2. **F**raudulosa] Fraudulosa contrectatio est, cum quis rem alienam contrectat sciens dolo malo. Suam rem quatenus sua est nemo fraudulenter contrectare potest: vid. *infr. §. 10.* Sed & si cum esset aliena suam quis esse existimat fur non est, licet in jure non

non in facto erret, l. 25. §. 6. de her. pet. §. 2. Inst. sup. de usuc. ex voluntate enim & proposito maleficia estimantur, l. 53. de furt. Denique furtum sine animo & affectu furandi, id est rem intervertendi domino non committitur, §. 7. inf. hoc tit. cui non est contrarium quod Pomponius scribit, eum qui saccum cum pecunia surripuit furti etiam sacci nomine teneri, quamvis sacci surripiendi animum non habeat, l. 77. eod. Nam etsi in hujusmodi specie principale propositum non est saccum furari, tamen per consequentiam quo scilicet commodius pecunia auferri queat, etiam saccus animo surripiendi ablatus intelligi debet. Illud quoque hic tenendum est fraudis mentionem etiam ideo fieri ut discernatur furtum à rapina, actus clandestinus à violento, πλοντάρης εἰς ἀσθέατον & ἀλλοτρία μετάλληψις (furtum enim est clandestina alienæ rei translatio) Proc. in Parmen Plat. Nam etsi generali significatu & vis fraudem & dolum habet, l. 2. §. 8. vi bon. rapt. specialiter tamen fraudis appellatione ea injuria significatur quæ occulte fit & clanculum, cum vis sit aperta: quo pertinet illud Ciceronis, fraudem vulpeculae vim leonis esse.

3. *Lucri faciendi gratiâ*] Hæc verba causam finalem continent, & præcipue furtum à ceteris maleficiis separant, l. 8. §. 2. arbor. furt. cas. Etenim in distinctione delictorum non tam factum consideratur quam faciendi causa, id est propositum & intentio delinquentis. Itaque si quis rem alienam contrectet non hoc animo ut lucrum inde faciat, quamvis sciens dolo malo, id factum in aliud genus delicti cadit; si contumeliaz causâ, injuria est; si nocendi tantum gratiâ, damnum, quod vindicatur lege Aquilia, l. 39. l. 53. de furt. l. 5. §. ult. l. 41. ad leg. Aquil.

4. A lucri studio ac proinde etiam à criminis furti & ille alienus esse videtur qui urgente fame esculenta aufert ut inedia succurrat, cap. 3. x. de furt. cap. 26. de consecr. dist. 5, quemadmodum nec illud pro furto habetur, si viator equum quo vehitur reficiat & pascat in gramine aut viridi sylva secundum viam, dummodo id faciat sine aliqua vastatione, lib. 2. feud. tit. de pac. ten. & ejus viol. §. ult. cui simile est, quod viatori permittit Moses Deuter. cap. 23. vers. pen. & ult. & Plato 8. de legib. Add. Covar. in cap. 4. de reg. jur. in 6. part. 2. §. 1. n. 3. & Grot. 2. de jur. bell. & pac. cap. 2. n. 6.

5. Illud sciendum est, ut maxime res contrectetur fraudulenter & lucri faciendi

causâ, furtum tamen subili ratione juris non aliter fieri intelligi quam si sit qui possideat. Hinc enim est, quod negatur furtum fieri rei hereditaria ante aditam hereditatem, vel post aditam antequam heres possideat; nisi res pignori data aut commodata aut ususfructus alienus, l. 1. §. 15, si is qui test. lib. l. 14. §. 14. l. 68. cum 2. ll. seqq. de furt. l. 2. & l. ult. expil. her. Efficit hoc inquam subtilis juris ratio, quasi non sit cui fiat. Neque tamen impune fert qui rem hujusmodi surripuit; nam praterquam quod ad exhibendum cum eo agi potest & heres rem vindicare, tenetur criminis expilata hereditatis, d. l. 2. de crim. expil. hered. Illud ad minuendum furtum non facit, quod quis forte aliquid in via jacens lucrandi animo sustulit ignorans cujus sit, l. 43. §. 4. de furt. D. Tulden. comm. hic cap. §.

Vel ipsius rei vel usus possessionis] Hoc est, ea gratiâ ut quis lucrum faciat, vel totius rei quam contrectat, vel usus ejus aut possessionis duimtaxat; nam ipsa contrectatio tantum corporis est: exempla furti usus rei sunt in §. 6. inf. hoc tit. possessionis, §. 10. & l. 74. de furt.

6. *Lege naturali prohibitu*] Furtum non ut nuptiæ cum filia aut sorore adoptiva more aut instituto civitatis, sed per se & naturâ turpe ac flagitosum est, sicut homicidium, adulterium, aliaque id genus foeda, l. 42. de verb. sign. ad quod demonstrandum nihil opus est vel auctoritate vel ratiocinatione. Natura ipsa hoc omnium mentibus ingeneravit, nefas esse alteri detrahere sui commodi causâ. Cicero lib. 3. offic. cap. 5. Illud natura non patitur, ut aliorum spoliis nostras facultates, copias, opes, augeamus. Quod vero apud quadam gentes furtâ licta atque impunita fuere, veluti apud Ægyptios & Lacedæmonios, de quibus testatur Gell. lib. 11. cap. 18. id rationem communem non mutat; neque ex unius aut alterius populi institutis de jure naturæ sive gentium judicandum est: de quo latius disserui sup. tit. 2. lib. 1. Inst. Sed nec illi ipsi quos diximus Ægyptii aut Lacedæmonii furtâ simpliciter pernisserunt aut probarunt, tamquam rem omnibus & per se licitam. Verum Ægyptiorum legislator, cum existimaret fieri non posse ut omnes à furto abstinerent, viam quæsivit qua domini res sublatas statim & sine magno damno recuperarent. Nam qui furtis operam dare vellent, jussit nomen suum profiteri apud furum principem, atque ad eum res surreptas è vestigio referre, quæ deinde dominis ita restituerentur

tur ut prius taxatione facta quartam partem pretii eorum pro redemtione persolverent, quasi poenam negligentiae. Diod. Sicul. lib. 1. Biblioth. cap. 18. Lycurgus autem qui Lacedæmoniis leges tulit non promiscue omnium rerum furtam permisit, sed tantum edulium; neque omnibus furari, sed junioribus dumtaxat: quos furtim sibi alimenta comparare voluit, ut acuerent industriam, discerentque à pueris noctu vigilare, interdù fallere, insidias struere, exploratores habere: quoniam deprehensos verberibus cædi jubebat: ita adulteros bello utiliores fore existimans, teste Xenophonte lib. de Repub. Lacedæmon. Vinn. Ex alio fundamento furtum lege naturali prohibitum esse negat ἡγάρι Salmas. de usur. cap. 9. putat quod ipsum dominium non natura sed hominum voluntas introduxit, sine dominio autem furtum non intelligatur. Enimvero cum jus naturæ vel absolutum sit vel hypotheticum, facile patet, posito dominio, furtum ipsi recte rationi non absolute sed hypothetice adversari. Vid. Puffendorff. de jur. nat. Ο gent. lib. 3. cap. 3. §. 24. HEIN.

TEXTUS.

Etymologia.

2. *Furtum* autem vel à furvo, id est nigro dictum est, quod clam Ο obscure fiat, Ο plerumque nocte; vel à fraude, vel à ferendo, id est auferendo; vel à Græco sermone, qui φόρος appellant fures. Immo Ο Græci ἄντε τῷ φίγαρῳ φόρος (à ferendo fures) dixerint.

COMMENTARIUS.

Traditur hic quadruplex furti etymologia ex l. 1. pr. de furt. nimirum quod furtum dictum sit vel à furvo, vel à fraude, vel à ferendo, vel ab antiquo Græco verbo φόρος (fur). Prima notatio Labeonem quoque auctorem habet, qui ut Paulus refert in d. l. 1. furtum à furvo, id est nigro ideo dictum ait, quod clam & obscure fiat & plerumque nocte: quod etiam Nonius lib. 1. confirmat auctoritate Varonis, quem scribit furrem ex eo dictum tradidisse lib. 14. rer. divin. quod furvum atrum appellaverint, & fures per obscuras noctes atque atras facilius furentur. Servius quoque in lib. 9. Aeneid. ad illud Virgilii, v. 350. *Hic furto fervidus instat,* notat, fures ideo dictos, quod furvo, id est nigro tempore furtta committunt. Secundæ auc-

tor est Sabinus d. l. 1. quæ mihi videtur minus concinna. Tertia, quod à ferendo, id est auferendo fures dicantur, cum re optime convenit. Postrema, quod fur à verbo Græco φόρος per affinitatem literarum dictus sit, placet Gellio lib. 1. cap. 18. ubi tantum non carpit Varronem quasi memoriâ lapsum, quod furem dictum scripsit à furvo. Vinn. Vere fures à ferendo vocati. Hinc ipsos servos olim ita dictos nemo ignorat. Simile quid contigit Germanico vocabulo, *Scak*, quod cum olim servum, famulum, ministrum notarit, eaque significatio etiam in supersit nominibus, *Mareschallus*, *Seneschallus*, *Gottschallus* &c. hodie non nisi in sensu deteriore pro homine nequam & callido nebulone accipitur. HEIN.

TEXTUS.

Divisio.

3. *Furtorum autem duo sunt genera, manifestum Ο nec manifestum. Nam conceptum Ο oblatum species potius actionis sunt furto coherentes quam genera furtorum, sicut inferius apparebit. Manifestus fur est quem Græci ἄντε φόρος (in ipso furandi actu deprehensus) appellant; nec solum is qui in ipso furto deprehenditur, sed etiam is qui eo loco deprehenditur quo furtum fit, veluti qui in domo furtum fecit Ο nondum egressus Januam deprehensus fuerit; Ο qui in oliveto olivarum, aut in vineo uavarum furtum fecit, quandiu in eo oliveto aut vineo deprehensus fuerit. Immo ulterior furtum manifestum est extendendum, quandiu eam rem fur tenens visus vel deprehensus fuerit, sive in publico sive in privato, vel à domino vel ab alio, antequam eō pvernerit quo deferre vel deponere destinasset. Sed si pertulit quō destinavit, tametsi deprehendatur cum re furtiva non est manifestus fur. Nec manifestum furtum quid sit, ex iis que diximus intelligitur; nam quod manifestum non est, id scilicet nec manifestum est.*

L. 2. tit. 14. Part. 7.

NOTA.

3. *Quam genera furtorum] Paulus inter genera furtorum refert conceptum & oblatum, lib. 2. sent. 1. adde Gajum 2. Inst. II.*

COMMENTARIUS.

1 Genera furtorum.

2. *Furis manifesti descriptio.*
3. *Quid furtum nec manifestum.*

1. **F**urtorum tantum duo sunt genera, manifestum & nec manifestum, l. 2. de furt. nam ut hic indicatur & latius explicatur §. seq. conceptum & oblatum non sunt genera furti, sed species actionis furto cohærentes; neque inter duo illa genera reperitur medium, quamvis fieri possit ut ejusdem rei utrumque furtum committatur, diverso scilicet tempore & actione, l. 21. pr. vers. nam etsi de furt. Plane furtum varie subdividi potest, veluti quod aliud sit diurnum aliud nocturnum, aliud domesticum, aliud non domesticum. Discernuntur & à ceteris furibus abigei, balnearii, saccularii, distractarii; atque atrocis extra ordinem puniuntur, sitt. ff. de abig. & de furt. baln. l. 7. de extraord. crim. Peculatoris, sacrilegi, plagiarii puniuntur legibus publicorum judiciorum, §. 9. & 10. Inst. i. fr. de publ. jud. VENN. Ex praxi Hispaniae furtum dividitur in simplex & qualificatum, l. 7. tit. 11. lib. 8. Recop. Simplex est, cui nullum aliud crimen aut circumstantia aggravans adhæret; qualificatum contraria, quod aciores circumstantiae committantur; quæ autem hujusmodi sint docetur lege 18. tit. 14. Part. 7. ubi Gregor. LOP. cui addit. Ant. Gom. lib. 3. var. cap. 5. ADDIT.

2. *Manifestus fur est*] Descriptio furis & furti manifesti, ex qua discimus furem manifestum censeri primum eum qui in ipso facto seu actu furandi deprehenditur, tum eum etiam qui deprehenditur in loco ubi sit furtum, postremo & eum qui quantumvis locum egressus deprehenditur cum re furtiva, antequam eam pertulit quod perferre destinaverat. Desumta hæc descriptio est ex legibus 3. 4. & 5. de furt.

E'π' ἀντιφέρων appellant] Hoc est, ἀντιφέρη, in ipso furto, ε'π' ἀντῆ τῇ φαρῇ, scilicet ἀλόγτα, deprehensem in admisso Papinianus appellat l. 8. de prescr. verb. Paulus de eo qui eum furto deprehenditur hoc explicat, d. l. 3. in pr. sed plenius Hesychius, ε'π' ἀντιφέρων, inquit, ὁ φαερῶς καταλύφθεις, ή ε'π' ἀντῷ τῷ χλεύματι ἐνρίθεις ἔτι κατέχων ἀντέ. (In ipso furandi actu manifestè comprehensus, aut cum ipso furto seu re ablata repertus adhuc eam detinens, aut secum ferens) Usurpatur & de deprehensionis in alio quolibet facto aut criminis, ut Novell. Leonis περὶ τῷ ε'π' ἀντιφέρων ἀλόγτος μοίχῳ (De adultero in ipso scelere deprehenso).

Visus vel deprehensus] Non solum prehen-

sio sed etiam visio furem manifestum facit: utique cum ad eum comprehendendum accusum est, isque abjecto furto effugit, l. 7. §. 1. & 2. de furt. Servius in illud Virgilii Eclog. 3. *Non ego te vidi?* manifesti, inquit, eum furti arguit, dicendo, *vidi*.

Vel à domino vel ab alio] Nihil refert à quo fur deprehendatur, utrum ab eo cuius res est, an à vicino aliove quolibet transeunte, l. 3. §. 1. l. 7. §. ult. de furt. Itaque quod de procuratore furtum mihi facientem deprehendente proponitur l. 24. §. 2. de usur. id exempli tantum causâ prolatum intelligendum est. Neque hac ratione fit ut alteri per alterum obligatio adquiratur contra regulam juris, §. 4. & 18. Inst. sup. de inut. stip. nam deprehensio cujuscumque ea sit delictum tantum qualificat.

3. *Nec manifestum furtum quid sit* &c.] Nec manifestum furtum quid sit, ex manifesti tamquam contrarium ex contrarii sui definitione intelligitur, l. 8. de furt. Sed & aperite illud definitur vers. proxime preced. ubi Justinianus ait, eum qui rem pertulit quo destinavit, tametsi cum re furtiva deprehendatur, non esse furem manifestum: quomodo & Jurisconsultus l. 5. §. 2. eod. idque sic à Paulo explicatur l. 4. eod. si eò pertulit quo destinavit eo die manere cum eo furto. Quare etsi postero die iterum rem auferat & dum aliò perfert deprehendatur, non erit fur manifestus. Belle in hanc sententiam Massurius apud Gellium lib. 11. cap. 18. Manifestum, inquit, furtum est quod deprehenditur dum fit. Faciendi finis est cum perlatum est quod ferri coepera.

TEXTUS.

De furto concepto, oblatu, prohibito, non exhibito.

4. *Conceptum furtum dicitur*, cum apud aliquem testibus presentibus furtiva res quæsita & inventa sit; nam in eum propria actio constituta est quamvis fur non sit; quæ appellatur concepti. *Oblatum furtum dicitur*, cum res furtiva ab aliquo tibi oblatâ sit eaque apud te concepta sit: utique si ea mente tibi data fuerit ut apud te potius quam apud eum qui dedit conciperetur. Nam tibi apud quem concepta sit, propria adversus eum qui oblitus, quamvis fur non sit, constituta est actio quæ appellatur oblati. Est etiam prohibiti furti actio adversus eum qui furtum querere testibus presentibus volentem prohibuerit. Præterea pena

constituitur editio praetoris per actionem furti non exhibiti adversus eum qui furtivam rem apud se quæsitam & inventam non exhibuit. Sed haec actiones, scilicet concepti & oblati & furti prohibiti, necnon furti non exhibiti in desuetudinem abierunt. Cum enim requisitio rei furtivæ bodie secundum veterem observationem non fiat, merito ex consequentia etiam prefatae actiones ab usu communi recesserunt; cum manifestum sit, quod omnes qui scientes rem furtivam suscepint & celaverint furti nec manifesti obnoxii sunt.

COMMENTARIUS.

I. Vetus inquirendi furti ratio cum lance & licio.

Conceptum furtum, item oblatum, non tam esse genera furti quam species actionum furto coharentes dicimus §. prec. quamvis Paulus 2. sent. 31. & Gajus 2. Inst. 11. etiam hæc inter genera furtorum numerent. Idemque habendum de duobus reliquis quorum hic fit mentio, prohibito scilicet, & non exhibito.

Furtiva res quæsita & inventa] Is apud quem testibus adhibitis res quæsita & inventa erat, quamvis fur non esset, tenebatur actione furti concepti. Paulus d. loc. Concepti, inquit, *actionis tenetur apud quem furtum quæsitus & inventum est*. Item, *Concepti is agere potest qui rem concepit & inventit*.

Propria actio constituta] In triplum, ut testatur G. Ilius ib. 11. cap. 18. ubi scribit, ea furtæ quæ per lancem & licium concepta essent, perinde ac si manifesta forent XII. tabulis vindicata; post vero tripli poenam ordinario jure constitutam.

Oblatum furtum] Oblati furti is tenebatur sive fur sive alius quis qui rem furtivam alii obtulerat ne apud se deprehenderetur, atque ita poenæ turpitudinem effugeret. Hic ei apud quem res concepta erat propria adversus eum qui obtulerat actio dabatur, quæ dicebatur oblati, cujus vis in triplum item erat, ut testantur Gellius & Paulus iisdem locis.

Prohibiti furti actio] Prohibiti furti actiones tenebatur qui furtum apud se testibus presentibus investigari prohibebat. Furti non exhibiti, qui rem furtivam apud se quæsitam & inventam non exhibebat. Utraque igitur hæc actio pendebat ex furto conceptio. V. N. Furti non exhibiti actionem in duplum datam fuisse docuimus alibi ex Plaut. Pœnul.

AET. 3. sen. 1. v. 54. seq. AET. 1. sc. 1. v. 55. AET. 3. sc. 4. v. 27. sc. 5. v. 39. sc. 6. v. 14. in quibus, locis alii actionem servi corrupti, tamquam caput secundum legis Aquilæ sibi invenisse videntur. Vid. Taubm. ad not. ad hunc loc. & adde Elementa nostra Juris lib. 4. §. 1058. HEIN.

In desuetudinem abierunt.] Quatuor superiores actionum species tempore Justiniani dudum obsoleverant, & ideo nullam earum mentionem in Pandectis fieri voluit.

I. *Requisitio rei furtivæ secundum veterem observationem*] Ratio inquirendi furti cum lance & licio vetustissima est, utpote ex lege XII. tabb. teste Gellio d. loc. & lib. 16. cap. 10. Ex Festo autem dicimus, lance & licio apud antiquos dici, quod qui furtum ibat querere in domo aliena licio cinctus intrabat, lancemque ante oculos tenebat propter matrum famil. aut virginum præstantiam. Quod sumtum videtur ab institutis Atheniensium. Nam & Plato l. 12. de legib. sic scribit: Φαρὰ οὐδὲ θελη τις παρ' ἄτοι, γνωστὸν χειρίσκοι ἔχω, δέξοτος, &c. οὐτα δογάρι. Id est si quis furtum apud quemplam velut querere, is id faciat nudus, aut licium habens & discinctus. Nudi ædes suspectas ingrediebantur, amicti tantum simplici cincticulo, quod hic Veteres licium vocant, ne quid forte vestibus conditum inferrent, dominoque ædium falsum crimen objectare possent. Hanc autem furti investigandi rationem jam suo tempore sublatam fuisse refert Gellius d. cap. 10. ut verisimile sit, in locum ejus successisse, quod hic scribit Justinianus, ut testibus adhibitis furtum in domo aliena quereretur; quod tamen & ipsum ut durum atque inhumanum, quoniam hoc modo secreta cujusque hominum nimis curiositati panduntur, postea exoleverit. V. N. Plura de ritu furtum per lancem & licium inquirendi nos diximus in Antiq. Roman. lib. 4. hoc tit. Ingeniosa quoque & erudita sunt quæ ex instituto de illo disseruit vir cl. Abr. Willingius in libro singulari de furtu per lancem & licium concepto. Non una utriusque hypothesis. Sed quis prohibeat in re tam vetusta hariolari? HEIN.

Furti nec manifesti obnoxii sunt] Quid si rei criminis plane convinci non possint, adsint autem non levia susceptæ & celatae rei furtivæ indicia? Admittetur hodieque ejus rei inquisitio in ædibus alienis, sed auctoritate publica, missis executoribus justitiæ, non eo cui furtum factum dicitur. D. Tuld. commun. lib. cap. 13, post DD. communiter.

TEXTUS.

Poena.

5. Poena manifesti furti quadrupli est, tam ex servi quam ex liberi persona, nec manifesti, dupli.

L. 18. tit. 14. Part. 7.

COMMENTARIUS.

1. *Furta varie multata etiam apud Romanos, à decemviris, à prætoribus. Et n. 5.*
2. *Procedente tempore etiam criminaliter furti agi cœptum; & tandem civiliter agi desitum.*
3. *Quæ furti pena ex constitutionibus Frederici & Caroli Imp. & quomodo nunc fere fures pleuantur.*
4. *Ostenditur non pugnare cum iustitia attributrice quod fures interdum etiam morte afficiantur.*

1. **P**oena furti nec una apud omnes nec eadem semper apud Romanos fuit. Nam alii poenâ pecuniaria tantum, alii flagellatione, alii fustigatione, alii effosione oculorum aut alicujus membra amputatione, alii gravius etiam adeoque morte furta multarunt. Vide Alex. ab Alex. 6. genial. dier. 10. Bodin. 6. de Repub. 6. Decemviri fures manifestos verberibus affectos in servitutem tradi jusserunt ei cui furtum factum esset: servos furti manifesti prensos cœdi & è saxo præcipitari; furtis autem non manifestis tantum pecuniariam poenam dupli imposuerunt: quorum in altero severitatem Draconis qui furta omnia capite plecebat, in altero Solonis lenitatem qui ea dupli tantum poenâ vindicabat secuti videntur. Gell. lib. 11. cap. 18. Ceterum prætoribus poena illa furti manifesti adhuc nimis acerba visa fuit. Itaque eam in pecuniariam quadrupli mutaverunt: dupli in fures non manifestos intactam reliquerunt.

2. Procedente vero tempore etiam criminaliter furti agi cœptum est, & vindictæ publicæ causâ extraordinaria animadversione fures coerceri, poenam statuente judice pro qualitate circumstantiarum; eaque persecutio criminis jam tempore mediae jurisprudentia frequentiore in usu erat quam actio furti civilis, l. ult. de furt. Moderamen autem attulit Justinianus novissima sanctione qua cavit ne pro furto vel mors vel ullius membra abscessio infligatur; sed ut aliter fures castigentur, puta poenâ pecuniaria vel exilio,

vel simili, quam constitutione sua non exceptit, Nov. 134. cap. ult. auth. sed novo C. de serv. fugit. Posterioribus vero sæculis civilis furti actio poenæque pecuniaria, quæ ei cui res ablata erat applicabantur, in totum abolitæ sunt. Ceterum severius furta vindicari placuit propter crescentem hominum audaciam furtorumque frequentiam, ad quæ coerenda poenæ antiquæ jam non amplius sufficer videbantur.

3. Extat Frederici Imperatoris constitutio lib. 2. Feud. tit. de pac. ten. & ejus viol. qua jubet, eum qui quinque solidos aut rem ejusdem valoris furatus fuerit laqueo suspendi; eum vero qui minus furtum commiserit scopis, & forcipe excoriari & tundi sive, ut Hotomannus legit, tonderi, §. ult. d. tit. eamque poenam idem Imperator confirmare videtur eod. lib. Feud. tit. de pac. ten. inter subdit. §. 1. Quod autem plerique Fredericum loqui putant non de simplici furto, sed seditione, id est eo cum quo concurrit & crimen violatæ pacis, arg. rubrice (vid. Lud. Gomez ad §. 18. n. 3. 4. & 5. Inst. inf. de a. 7. Clar. §. furtum n. 7. Schneid. in §. ult. hoc tit. n. 6.) id vix confutatione dignum videotur. Quid enim commune habet furtum cum violatione pacis? Sed & violatio pacis publicæ per se crimen capitale est, neque in eo locum habet distinctio quam Fredericus facit. Recentior est constitutio Caroli V. qua cavetur ut fures, præsertim non manfesti neque magnæ rei & semel dumtaxat furti convicti, lenius; iterum & tertio convicti gravius, & capite puniantur; habita tamen ratione sexus, &tatis &c. art. 157. & seqq. const. Imp. caus. crim. Atque hanc Caroli Imperatoris constitutionem mores hodierni fere sequuntur. Prima enim vice nunc virgis fures cœdi solent: iterum patrato facinore acrius castigantur, atque insuper tergis eorum stigma inuritur, ut hoc sit eis cauterium emendatoris vice: denique tertio convicti in patibulum atolluntur, ut vitam quæ flagris aut alia etiam graviore coercitione emendari non potuit, reste finiant; qui tamen ordo animadversionis nonnunquam mutatur, circumstantiis judicem aliter moventibus. Gomez ad d. §. 18. n. 4. Chassan. ad consuet. Burg. rub. 1. §. 5. vers. simplex n. 2. Clar. d. §. furtum n. 12. Covarr. 2. resol. 9. n. 7. & 10. n. 2. Damhoud. prax. crim. cap. 1 o. n. 28. & seq. Guadelin. 5. de jur. nov. 19. Privatis tantum relicta est ejus quod surreptum est judicio civili consequendi facultas.

4. Sunt qui hasce poenas, præsentim capitalem illam laquei, ut duras nimis & proportionem poenæ ad delictum longe excedentes in totum damnant, negantque justitiae attributricis rationem pati ut puniatur morte qui in rebus dumtaxat externis alteri nocuit; maxime cum etiam lex Divina Hebraicæ per Mosen data non majore poena quam pecuniaria fures plecti jubeat, *Exod. cap. 22*. Verum respondent alii, nos legibus poenalibus Mosaicis, utpote politicis, non teneri; utique quoad gradus poenarum observandos quibus delicta coercentur: satis esse si leges nostræ congruant ad hanc regulam ut maleficia puniantur: gradus poenarum permittendos esse legum Conditoribus, quibus proinde fas sit severius delicta punire, atque ea quoque per quæ fortunæ tantum bonis nocetur capite plerere, si viderint publice id expedire, neque miore ratione cives à flagitio deterri possent. Illam vero proportionem quæ debeat esse culpam inter & poenam non spectare absolute & nude materiam delicti, sed habere respectum ad hunc finem ut in quieto sit vita communis & imperturbata maneat ci-vium inter se societas. Quare si talis sit poena cuius metu cives à delinquendo non videantur revocari posse, eam proportionatam non esse; quamvis alias per se & ratione damni quod illatum est satis sit gravis. Neque enim proportionem hanc exigere ut materia poenæ examissim respondeat materia culpæ, hoc est ut bonum quo poena privat neutram excedat bonum illud quo delinquens privavit proximum suum; sed æstimandum esse ex fine, publico scilicet bono, & transgressione legis atque inobedientia. Idque etiam Aristotelem docere *2. polit. cap. ult.* ubi ait, legislatores in puniendis delictis sæpe respicere πρὸς τὸ συμφέρον, id est ad id quod publice expedit: & intellexisse Claudio Saturninum in *1. 16. infin. de pœn.* ubi scribit, supplicia exacerbari oportere quoties nimium multis grassantibus exemplo opus est; in quam sententiam etiam disserit Cæcilius apud Gell. *lib. 20. cap. 1.* ubi ait acerbitudinem ulciscendi maleficiti plerumque bene atque caute vivendi esse disciplinam. Postremo neque furtæ quælibet hodie morte puniri, sed ea dumtaxat quæ vel enormia sunt aut conjuncta cum vi publica, vel quæ sæpius perpetrata leviori animadversione corrigi non potuere. Covarr. *2. resol. 9. n. 7.* Dan. Moll. *1. semestr. 37. n. 5.* & seq. Wesemb. *par. de fur. in fin.* late Lud. Molin. *de just. & jur. tom. 3. trad. 2. disp.*

695. Perez in Cod. de furt. n. 15. & seqq. Vinn. Frustra ad leges Mosaicas forenses provocatur, ubi alia Reipublicæ conditio alios mores postulat. Apud Hebreos rariores erant fures, quia rariores egeni & malefici. Palestina æqualiter fuerat inter omnes distributa: cuique familia agri pars sorte obtigerat, neque ea facile excidere poterant posteri ob iura anni Jubilæi. Accedebat, quod totus populus esset à luxuria alienus, adeoque tenue rerum omnium pretium. In tanta vitæ simplicitate paucos esse oportebat pauperes, adeoque & paucos fures. Unde non mirum, leviores poenam sufficere visam supremo Legislatori ad Israëlitas in officio retinendos. Quam diversa Rerumpublicarum nostrarum conditio, in quibus nec furæ nec patibula coercendæ furum audaciæ sufficiunt! Hein. Quæ de moribus hodiernis Vinnius noster tradit, ea apud Hispanos observari ex ipsis DD. quorum auctoritate noster utitur manifestum est; quare tum hic, tum in seqq. §§. ea consulto retinuimus, ne actum agere videremur. *Addit. leg. 18. tit. 14. Part. 7. & legg. 7. & 9. tit. II. lib. 8. Recop. ADDIT.*

5. *Tam ex servi quam ex liberi persona]* Respicere videtur ad poenam furti manifesti ex lege *xii. tabb.* Nam ea pro conditione personæ ejus qui furtum fecisset diversa erat: servi è saxo præcipitabantur, liberi verberibus cæsi addicebantur ei cui furtum factum esset, ut ex Gellio supra retulimus. At prætores mutata legis poenâ, & pecuniariâ quadrupli furto manifesto imposita, id furtum quadruplo lui voluerunt, nulla facta distinctione inter liberos & servos; ut scilicet nomine servi furis manifesti dominum poenali in quadruplum actione convenire liceret, non quidem pure & directe (ut homo liber convenitur ex maleficio proprio) sed judicio noxali, *inf. tit. Inst. de nox. act.* Quod si quis furtæ à servo commissi criminaliter agere velit, ipse servus convenientius est.

TEXTUS.

Quomodo furtum fit. De contrebatione.

6. *Furtum autem fit non solum cum quis intercipiendi causâ rem alienam amovet, sed generaliter cum quis alienam rem invito domino contreditat.* Itaque sive creditor pignore, sive is apud quem res deposita est ea re utatur, sive is qui rem utendam accepit in alium usum eam trans-

transferat quam cuius gratia ei data est, furtum committit: veluti si quis argentum utendum acceperit quasi amicos ad cœnam invitatur, & id peregre secum tulerit; aut si quis equum gestandi causâ commodatum sibi longius aliquò duxerit: quod Veteres scripserunt de eo qui in aciem equum perduxisset.

LL. I. & 3. tit. 14. Part. 7.

N O T A.

6. Qui in aciem] Cujacjo legendum videatur: Qui in Ariciam acceptum equum longius perduxisset, ex Valerio & Symmacho; quamquam constans est haec lectio, in aciem. Theophil. iis παρατάξις (in aciem instructam)

C O M M E N T A R I U S.

I Quid moribus horum temporum circa hunc §. observetur.

Furtum fieri intelligitur, non tantum si quis rem alienam clam domino amoveat ipsius rei intervertenda causâ, verum etiam si quis id faciat solius usus rei in lucrum suum transferendi gratia; adeoque non amovendo tantum sed etiam aliter contrectando furtum commititur, nempe si quis ea re quam voluntate domini apud se habet non ex voluntate domini utatur. In summa, ut Sabinus ait apud Gellium lib. II. cap. 8. Qui alienam rem attrectavit, cum id se invito domino facere judicare deberet, furti tenerur.

Si creditor pignore &c.) Pignus non ad utilitatem sed ad securitatem datur, §. ult. Inst. sup. quib. mod. re contr. obl. depositum custodiæ causâ, non usûs, tot. tit. ff. depos. Itaque si creditor pignore, is apud quem res deposita est ea re utatur, furtum committi intelligitur. Idem est si commodatarius in aliud usum quam in quem accepit rem commodatam transferat; & magis idem si quis pecuniam quam ad aliud preferendam accepit convertit in usus suos, ll. 40. 54. & 76. ff. de furt. l. 7. C. eod. Sed & eum qui quid utendum accepit, si id alii commodaverit, furti obligari traditum est; nec quem mouere debere, quasi hic nihil lucri sui causâ faciat; speciem enim lucri esse ex alieno largiri & beneficii sui debitorem adquirere. Unde eum quoque furti teneri qui ideo rem amovet ut alii dovet, d. l. 54. §. 1. de furt.

Veluti si quis argentum &c. aut equum gestandi causâ) L. 5. §. 8. commod. d. l. 40. de furt. Gell. lib. 7. cap. 15. Memorabile est quod re-

ferunt Val. Max. lib. 8. cap. 2. & Symmach. 7. epist. 69. furti quedam damnatum esse quod equo cuius usus illi usque Ariciam commodatus fuerat, ultero ejus municipi clivo vectus esset. Quod tamen mihi perquam durum videtur; neque puto criminaliter ex hujusmodi causis agi potuisse. Sane poena corporalis qua nunc fures afficiuntur tantum locum habet in amotione rei è loco in quo dominus eam posuerat, non etiam cum alias ignorante domino contrectata est: puta à creditore aut depositario pignore aut re deposita utentibus, aut à commodatario excedente præscriptum utendi modum. Excipit D. Taldenus comm. hic cap. 2. fraudem publici tabularii; & merito.

1. Moribus horum temporum creditor aut depositarius re pignorata aut deposita utentes, aut commodatarius re commodata aliter quam utendam accepit furti actione, quæ soli fisco nunc competit, non tenentur, sed tantummodo actione civili in id quod ejus qui pignori dedit, deposit aut commodavit interest id factum non esse. Ziph. not. jur. Belg. de furt. vers. pen. Autumn. confer. du droit. in l. 40. de furt. Groenew. de legg. abrog. hic.

T E X T U S.

De affectu furandi.

7. Placuit tamen eos qui rebus commodatis aliter uterentur quam utendas accepint ita furtum committere, si se intelligent id invito domino facere, eumque si intellexisset non permisurum; at si permissurum credant extra crimem videri: optima sane distinctione, quia furtum sine affectu furandi non committitur.

L. 3. tit. 14. Part. 7.

C O M M E N T A R I U S.

I Species quedam notabilis.

Cum furtum sine animo & affectu furandi χαρακτήρας προσόντος (sine pravo propenso) non committatur, l. 37. de usuc. neque tam factum queratur quam faciendi causa; l. 39. de furt. recte dictum est, eum qui putavit se voluntate domini rem attingere non esse furem. Quid enim dolo facit qui putat dominum consensurum fuisse, sive falso id sive vere putet? Is ergo solus fur est qui attrectavit quod invito domino se facere scivit, l. 46. §. 7. de furt.

Rebus commodatis aliter uterentur.] Idem est si quis utatur re quæ utenda quidem data non est sed custodię aut pignoris causā tradita, existimans se id facere domino non iuvito, 1. 76. de furt.

1. Sed quid dicendum, si quis rem aliquam usus sui causa ex ædibus alienis amoverit, hoc obtentu quod dicat se putasse dominum id permissurum fuisse? Evidem si vir sit integræ famæ, & justam causam hujus opinionis habeat, puta que mutua amicitia necessitudine familiaritate nitatur: dixerim nec hunc furem habendum esse, cum Joann. Fab. & Ang. hic, per textum generalem in d. l. 46. §. 7. de furt. alia suspicio ne furti & gravi præsumptione onerabitur, arg. l. 48. §. 3. de furt. Nam, ut recte ait Bald. in l. 6. C. de dol. in his qua sunt de genere prohibitorum semper dolus præsumitur. Quæ sententia etiam communī calculo comprobata est in l. 5. C. de injur. Et ideo ne domini quidem attestatio profitentis consensu suo rem amotam esse furem liberabit, ut pote quæ pretio aut precibus emendicata creditur; nisi accedant idoneæ in contrarium conjecturæ. Ceterum hoc tunc locum habet cum furti criminaliter agitur: nam privatam sui juris persecutionem unusquisque remittere potest. Ita post Bart. in d. l. 46. §. 7. ff. de furt. & DD. in l. 18. C. de transact. concludit Gomez 3. resol. 5. n. 2.

TEXTUS.

De voluntate domini.

8. Sed & si credat aliquis invito domino se rem commodatam sibi contrectare, domino autem volente id fiat, dicitur furtum non fieri. Unde illud quæsitus est, cum Titius servum Mevii sollicitaverit ut quasdam res domino surriperet & ad eum perferret, & servus id ad dominum pertulerit; Mevius autem, dum vult Titium in ipso delicto deprebendere, permisit servo quasdam res ad eum perferre: utrum furti, an servi corrupti judicio teneatur Titius, an neutro? Et cum nbris super bac dubitatione suggestum est, & antiquorum prudentium super hoc altercationes perspeximus, quibusdam neque furti neque servi corrupti actio nem præstantibus, quibusdam furti tantummodo: nos hujusmodi calliditati obviā euntes per nostram constitutionem sancimus non solum furti actionem, sed & servi corrupti contra eundari. Licet enim is servus deterior à sollicitata-

re minime factus est, & ideo non concurrant regulæ quæ servi corrupti actionem introducunt: tamen consilium corruptoris ad perniciem prebitatis servi introductum est, ut sit ei pœnalis actio imposita, tamquam si re ipsa fuisse servus corruptus; ne ex hujusmodi impunitate & in aliud servum qui facile posset corrumpi tale facinus à quibusdam perpetretur.

LL. 3. & 8. tit. 14. Part. 7.

COMMENTARIUS.

1. *Eum qui rem alienam, licet insuper habente domino, fraudulenter contrectat, revera furtum facere; furti ratione non obligari.*
2. *Cur dubitatum, utrum sollicitat servi in hypothesi proposita actione furti aut servi corrupti teneretur, necne.*

1. **Q**uod hic ait Justinianus, furtum non fieri etiamsi quis credit se rem invito domino contrectare, cum id faciat dominus volente: id non de facto ipso sed de poena facti accipendum est, videlicet in proposito non eo effectu furtum committi ut is qui contrectavit poenali actione furti teneatur. Neque enim negari potest quin revera furtum faciat & peccato conscientiam obstringat qui rem alienam lucri sui causâ fraudulenter contrectat, etiamsi illo ignorante dominus id insuper habeat, quod & Pomponius fatetur l. 46. §. pen. de furt. Ceterum negat eum hoc casu furti obligari, id est furti cum eo agi in foro civili posse; quoniam dominus qui eum uti voluerit, etiamsi id fur ignoret, re ipsa fraudatus non sit, arg. l. 145. de reg. jur. Sunt vero & alii casus quibus licet furtum committatur, actio tamen furti certis de causis à magistratu denegatur. Vid. l. 1. in fin. rer. amot. II. 17. & 89. de furt. §. 12. inf. hoc tit.

2. *Unde illud quæsitus &c.]* Quoniam placet, furti non obligari eum qui rem alienam contrectat, si id faciat dominus volente, licet hoc ipse ignoret, quæsitus inde est, an furti teneatur qui servum alienum sollicitavit ut res aliquas domino surriperet & ad se perferret, si dominus per servum ejus rei certior factus permisit servo res quasdam ad sollicitatorem perferre, quo cum in delicto deprehendat. Quibusdam visum est furti actionem non magis hoc casu competere, quam superiori; quia cui volenti furtum factum est furti agere non potest. Aliis vero con-

contrà; quoniam voluntas ista non seria fuit sed simulata ut fur deprehenderetur. Si-
mul illud quoque quæsumit, an suasor iste seu sollicitator in proposita hypothesi tene-
atur actione servi corrupti, quæ in duplum
quanti ea res est à prætore proponitur adver-
sus eum cujus persuasione servus corruptus
aut deterior factus est, l. 1. de serv. corrupt.
Veteribus placuit non teneri, quia prætor de
eo tantum loquitur à quo servus persuasus &
corruptus est; in proposito autem suasisse
quidem sollicitatorem pravumque consilium
servo dedisse, at non persuasisse & fecisse
deteriorem; proinde nec esse quod hic aesti-
mari & duplari possit. Ceterum Justinianus,
l. 20. C. de furt. non attenta disputatione Ve-
terum censuit vel conatum tam improbum
sollicitatoris puniendum esse, proque furto
& corruptione habendum; nam etsi is cona-
tus revera effectum non habuit, habuisse ta-
men opinione perniciosi suasoris, atque esse
rem pessimi exempli, ut hic C. d. l. 20. latius
dissertet. Quantum igitur hoc casu judicio ser-
vi corrupti postulabitur? Quantum scilicet de-
beretur si revera servus corruptus fuisset.

T E X T U S .

Quarum rerum furtum fit. De liberis
hominibus.

9. Interdum etiam liberorum hominum fur-
tum fit: veluti si quis liberorum nostrorum qui
in potestate nostra sunt subreptus fuerit.

L. 22. tit. 14. Part. 7.

C O M M E N T A R I U S .

SI filiusfam. subreptus sit, palam est pa-
trem habere furti actionem, inquit Ulp.
l. 14. §. 13. de furt. Cujus rei ratio ex jure an-
tiquo Quiritium sumenda est, quo filius
instar servi in patris manu potestate ac di-
tione erat; unde etiam liberi qui in potestate
sunt vindicari potuerunt, hac adjecta clau-
sula, Ex lege Quiritium, l. 1. §. 2. de rei
vind. Ob furtum igitur filiusfam. tripl. citer agi
poterit: judicio criminali extra ordinem, l.
ult. de furt. judicio publico legis Fabie de
plagiariis, l. ult. C. ad leg. Fab. de plag. & ci-
vilitate in duplum aut quadruplum. Quoniam
autem in libero homine nulla astimatio cor-
poris fieri potest, l. 1. §. 5. de bis qui effud.
multiplicabitur hic secundum Interpp. id quod

patris intererit. Mater filii surrepti actionem
non habet, quia nec in potestate eum habet,
l. 38. defurt. Sed nec patri datur conditio, ut
utpote quæ non nisi vero domino competit,
l. 38. §. 1. eod. Vinn. At quis negaverit pa-
trem jure Rom. fuisse verum liberorum domi-
num, cum & vindicare eos, dominium Quiri-
tiarium mancipiatione in alios transferre potue-
rit? Et cedo, quæ minus pater erat filiifam.
dominus quam tutor rei pupillaris, vel bonæ
fidei possessor? quibus tamen conditionem da-
ri patet ex lege 56. §. pen. ff. de furt. l. 146.
ff. de reg. jur. Ratio itaque est, quia promi-
tius patri erat remedium ex interdicto, de li-
beris exhibendis & ducendis. Aut enim in fu-
ris manu erat filius surreptus, aut non erat. Si
erat, cur maluisset pater condicere, quam
vel ducere vel ad exhibendum agere? Si non
erat, frustra egisset ad præstandam aestima-
tionem, quam liber homo non recipit. HEIN.

T E X T U S .
De re propria.

10. Aliquando etiam sue rei furtum quis
committit: veluti si debitor rem quam credito-
ri pignoris causâ dedit substraxerit.

L. 9. tit. 14. Part. 7.

C O M M E N T A R I U S .

Qui rem pignori dat eamque surripit furti
actione creditori tenetur, l. 12. §. 2.
l. 19. §. pen. l. 79. l. 87. defurt. Fur-
tum autem rei pigneratæ dominus non tan-
tum tunc facere videtur cum possidenti sive
tenenti creditori aufert; verum & si eo tem-
pore abstulerit quo non possidebat, ut puta
si rem pignoratam vendidit; nam & hic fur-
tum eum facere sæpissime responsum est, d.
l. 19. §. ult. l. 66. in pr. ff. eod. l. 6. C. pro-
met. Ceterum minus proprie hic dicitur debi-
tor rei sue furtum facere; cum eatenus tan-
tum faciat quatenus id quod in ea re credi-
toris est intervertere conatur. Rei enim nos-
træ furtum facere non possumus, Paul. 2. sent.
21. Arist. 5. Eth. ult. Neque hac species ad
rigorem nostri temporis pertinet.

T E X T U S .

Qui tenentur furti. De eo cuius ope,
consilio furtum factum est.

11. Interdum quoque furti tenetur qui ipse
fur-

furtum non fecit: qualis est is cuius ope & consilio furtum factum est. In quo numero est qui tibi nummos excusit ut alius eos raperet; aut tibi obstiterit ut alius rem tuam exciperet; aut oves tuas vel boves fugaverit ut alius eas acciperet. Et hoc Veteres scriperunt de eo qui panno rubro fugavit armentum. Sed si quid eorum per lasciviam & non data operâ ut furtum admitteretur factum est, in factum actio dari debet. At ubi ope Mavii Titius furtum fecerit, ambo furti tenentur. Ope & consilio ejus quoque furtum admitti videtur qui scalas forte fenestrarum supponit, aut ipsas fenestras vel ostium effringit ut alius furtum faceret; quive ferramenta ad effringendum, aut scalas ut fenestrarum supponerentur commodaverit, sciens cuius rei gratiâ commodaverit. Certe qui nullam opem ad furtum faciendum adhibuit, sed tantum consilium dedit atque hortatus est ad furtum faciendum, non tenetur furti.

L. 4. tit. 14. Part. 7.

COMMENTARIUS.

- 1 Verba, ope & consilio, separatim accipienda an conjunctim.
- 2 Explicatur homonymia verbi consilium, & effectus secundum singula significata indicantur. Et n. 3.

Nonnumquam & ille furti tenetur qui ipse furtum non fecit, id est rem ipse non contrectavit: veluti is cuius ope, consilio furtum factum est; in quem prodita est hæc formula, ope, consilio tuo furtum factum esse ajo, l. 27. §. 21. ad leg. Aquil.

1. Illud satis expeditum non est, verba hæc ope consilio separatim accipienda sint, an conjunctim. Nam Paulus respondet separatim accipienda, idque convenienter sententiae Labeonis, quod aliud sit factum ejus qui ope, aliud ejus qui consilio furtum facit, l. 53. §. ult. de verb. sign. Idem quoque Ulpianus non obscure indicat lege 52. in pr. & §. 19. ibi, opem ferre, vel consilium dare; & clarius in l. 6. de condit. furr. qui etiam alibi hæc sic distinguit: Consilium, inquit, dare videtur qui persuadet & impellit arque instruit consilio ad furtum faciendum. Opem ferre qui ministerium atque adjutorium ad surripendas res præbet, l. 50. §. pen. de furt. Secundum quæ actione furti tenebitur non solum cuius ope & consilio simul furtum factum est; sed etiam is qui vel consilium tantum dedit,

vel tantum opem tulit, d. l. 6. de cond. furt. Verum ex adverso conjunctim potius utrumque factum accipendum esse, neque akerum absque altero furti quempiam obstringere multis locis significari videtur, ut in l. 36. in fin. pr. l. 50. §. 1. de furt. l. 27. §. 21. ad leg. Aquil. atque ab ipso adeo Paulo in d. l. 51. §. ult. de verb. sign. cum ait, post Veterum auctoritatem eo per ventum esse, ut nemo ope videatur fecisse, nisi & consilium malignum habuerit; nec consilium habuisse noceat, nisi & factum secutum fuerit. Denique hoc ipso loco in calce §. nostri, ait Imperator, furti non teneri eum qui tantum consilium dedit atque hortatus est ad furtum faciendum. Sic sentio: utrumque factum seorsum ad obligationem furti sufficere, vel inquam consilium dare, vel opem ferre; neque enim ex eo quod hæc verba ope consilio sèpè conjunctim proponuntur, aut in hypothesi utrumque factum concurrit, protinus sequitur furti non aliter agi posse quam si utrumque concurrat; neque ea aut Pauli in d. l. 53. aut Justiniani hoc §. sententia est, ut planum fiet explicata homonymia quæ est in verbo consilium.

2. Triplex vero hujus verbi in re proposita usuratio est. Nam aliquando generaliter verbo consilii significatur malitiosum propositum seu animus dolosus: quo sensu nemo dici potest ope furtum facere sine consilio, l. 50. §. 2. l. 54. §. pen. de furt. ex. gratia qui furi scalas commodavit ignorans cuius rei gratiâ commodato peterentur, furti non tenetur; atque hoc est quod sibi vult Jurisconsultus d. l. 53. in fin. de verb. sign. Nonnumquam consilium usurpatum pro simplici suassione seu monitione, veluti si quis de paupertate conquerentem horretur ut furto sibi pecuniam querat: cuiusmodi simplex consilium furti neminem obligat, quantumvis furtum secutum sit: quod significat Justinianus in fine hujus textus. Tertio consilium strictius accipitur, ut sit idem quod persuasio, impulsio, simulque instructio ad furtum faciendum: quale est, exempli causa, si quis furi rationem penetrandi in ædes, locumve ubi pecunia reposita est commonstret: in quo significatu consilium opponitur opere, qua actum proxime ad furtum directum, auxiliisque quod in ipso furto præstatur designat, d. l. 50. §. pen. de furt. Hæc consilii species, etsi nullum porro ministerium seu opera accedat, consulentem obligat: utique si alter consilium datum secutus furtum com-

miserit; nam si ille relicto consilio à furtu abstinerit, verius est nec eum qui tale consilium dedit furti obstringi, arg. l. 36. pr. l. 52. §. 19. de furt. d. l. 53. §. 1. in fin. de de verb. sign. quo loco, quod notandum est, Jurisconsultus primùm voce consilii intelligit malignum propositum & scientiam opem fermentis, mox persuasionem atque instructionem ad furtum faciendum; uti &c in pr. ejusd. §. 1.

Qui tibi nummos excussit &c.] L. 52. §. 13. de furt. Sabinus hoc casu etiam in factum dari posse actionem ait, l. 27. §. 21. ad leg. Aquil. Idem Sabinus apud Gellium lib. 11. cap. 18. refert, furem esse hominis judicatum qui cum fugitivus præter oculos domini forte iret, obtenu togæ tamquam se amiciens ne videretur à domino obstitisse.

Qui panno rubro] L. 50. §. ult. de furt. Tauros & boves rubicundi coloris aspectu excitari & furorem eis acui scribit Seneca lib. 3. de ira cap. 30. Ovid. 12. Metam. eoque alludit Cicero lib. 2. de divin. cap. 16. cum querit, an taurus is cuius cor in sacrificio non erat inventum, conspecta Cæsaris purpurâ sic expaverit & terrore examinatus sit ut repente cor amiserit.

Per lasciviam) Si quis non furti faciendi causâ sed per petulantiam quid eorum quæ dicta sunt fecerit, non actione furti sed in factum tenetur, d. l. 50. §. ult. Quod si res ita perierit ne ad aliquem perveniret, utilis actio damni injuriæ quasi ex lege Aquilia datur; neque hic distinguitur, furti faciendi animo an per lasciviam quid factum fuerit, l. 27. §. 21. ad leg. Aquil. l. 51. de furt.

Qui scalas fenestræ supposuit] Qui vel ostium effregerit vel ferramenta sciens commoda verit ad effringendum ostium vel armarium, vel scalam supposuerit, vel sciens commoda verit ad adscendendum, licet nullum ejus consilium principaliter ad furtum faciendum intervenerit, tamen furti actione tenetur, l. 54. §. pen. de furt. Vinn. Si ergo furti tenetur, licet nullum ejus consilium principaliter ad furtum faciendum intervenerit: manifestum sane est non conjunctim opem & consilium in jure nostro requiri, sed alterutrum sufficere ad instituendam actionem furti. Vid. Edm. Merill. obs. 11. 39. Bachov. ad Treutlein. vol. 2. disp. 30. p. 315. seqq. Concidunt itaque quæ in contrarium adferunt Jul. Pac. in art. IV. 25. Donell. comm. 15. 29. Hein.

Tantum consilium dedit atque hortatus est] Quod ante diximus, ob simplex consilium aut hortationem ad furtum faciendum furti

actionem non dari, etiamsi furtum secutum fuerit: id verum esse perspicue ostendit hic noster textus, quem proinde male nonnulli sic limitant, nisi furtum fuerit secutum; nam si furtum secutum non sit, nec is qui furem consilio instruxit aut instrumenta ad furtum faciendum sciens commodavit furti tenetur; quippe ubi nulla contrectatio intervenit furtum intelligi non potest. Hodie in universum mitius quam fures puniuntur quorum ope consilio furtum factum est. Neque enim in caput aut corpus eorum saceritur, nisi in ipso actu furandi auxilium furibus præstiterint, ut hic docent Interpretes.

TEXTUS.

De his qui sunt in potestate; & de ope ac consilio extranei.

12. *Hi qui in parentum vel dominorum potestate sunt si rem eis surripiunt furtum quidem faciunt & res in furtivam causam cadit, nec ob id ab ullo usucapi potest antequam in domini potestatem revertatur; sed furti actio non nascitur, quia nec ex alia ulla causa potest inter eos actio nasci. Si vero ope & consilio alterius furtum factum fuerit, quia utique furtum committitur, convenienter ille furti tenetur; quia verum est ope & consilio ejus furtum factum esse.*

L. 4. tit. 14. Part. 7.

COMMENTARIUS.

- 1 Cur servi & filii furtum nobis facientes furti non teneantur.
- 2 Quid si filius castrense peculium babens patri furtum fecerit aut pater illi.
- 3 Furtorum domesticorum coercitio vetus & bodierna.

1. *S*ervi & filii nostri furtum quidem nobis faciunt, ipsi autem furti non tenentur. Cujus rei duplex assertur ratio: tum quod dominus & pater in servum & filium privatæ animadversionis jus habent, l. 17. de furt. quæ eadem ratione placet, nec libertum patrono nec mercenarium patrifici furtum facientes actione furti conveniri posse, l. 89. eod. tum quod non magis cum his quos in potestate habemus quam nobiscum ipsi agere possumus, l. 16. eod. Et domino quidem nulla umquam cum servo actio esse potest;

Quibus datur actio furti.

est; at potest aliquando patri lis esse cum filio quem in potestate habet, nempe si filius castrense habeat peculium atque ex ea causa conveniatur, *l. 4. de judic.*

2. Quid ergo si filius castrense peculium habens furtum patri fecerit? Defendi potest utili actione eum teneri, cui habeat unde satisfaciatur, *l. 52. §. 5. de furt.* Ex converso quoque si pater rem castrensis peculii filio substraxerit, furti patrem teneri responsum est *d. l. 52. §. 6.* quod tamen, ut recte plerique monent, accipiendum erit de utili in factum actione; neque enim ulla actio famosa, qualis est furti, filio adversus patrem datur, *l. 5. de obseq. par. præst.* VINN. Sed quæ ratio adversus libertos, clientes, mercenarios furti agere vetuit? Non satisfacit sane quod adfert Vinnius, patronum habuisse jus coercendi. Nam nec id expeditum est, & saltim quod ad clientes & mercenarios falsissimum. Ratio itaque unice in eo querenda videtur, quod hujusmodi furtum esset domesticum, adeoque mitius videretur puniendum, *l. 11. §. 1. ff. de pæn.* Quamvis vero ea lex de criminali persecutione loquatur, eadem tamen ratio etiam vetare potuit quominus famosa actio pulsari potuerint. Sufficit ergo & hic actio in factum. HEIN.

Nec ab uilo usucapi potest) Etsi ex causa furti à servo aut filio facti domino aut patri actio non conceditur; tamen quia furtum re vera factum est, res vitio furti afficitur, ac proinde usucapi non potest antequam vitium purgetur: quod fit cum in potestatem domini reversa est, *§. 2. & seq. Inst. sup. de usuc.*

Si vero ope & consilio) *L. 36. §. 1. de furt.* Et hoc quoque consequens est ei quod dixit, vere in proposito furtum fieri. Pari ratione, si quis uxori res mariti subtrahenti opem consilivante accommodaverit, furti tenetur; etsi illa non tenetur, sed rerum amotarum, *d. l. 52. pr. junct. II. 1. & 2. de act. rer. amot.*

3. Furta domestica, puta famulorum aut mercenariorum qui apud nos degunt, licet graviorem poenam quam alia mereri videantur propter perfidiam & difficultatem ab iis cavendi; tamen leges, praesertim si viliora sunt, publice ea vindicari vetant, *l. 11. §. 1. de pæn.* nimur quoniam antiquitus coercitio eorum permissa erat ipsi patrifam. Sed quoniam privata illa emendatio hodie ab usu recessit, non minus severe haec quam cetera furta publice nunc vindicanda censeo, cum D. Tulden. comm. hic cap. 3. in fin. add. Groenew. de II. abrog. bīc.

13. *Furti autem actio ei competit cuius interest rem salvam esse, licet dominus non sit.* Itaque nec domino aliter competit quam si ejus intersit rem non perire.

Vid. l. 9. tit. 14. Part. 7.

COMENTARIUS.

1 *Temperatio regulæ à Justiniano bīc tradita.*

2 *Remotio eorum quæ huic loco obstare videntur.*

1. **D**ocet hic Justinianus cui competit actio furti; & primum generaliter definit, actionem hanc competere omnibus quorum interest furtum factum non esse; mox quasi hoc amplians subjicit idem etiam obtainere quamvis dominus non sit cui res surrepta est; denique nec ipsi domino aliter furti actionem competere quam si ejus intersit rem salvam esse: quæ omnia indigent explicatione. Ad definitionem quod attinet, illa sic temperanda est, si intersit ex honesta causa, *l. 10. cum seq. de furt.* Neque enim furi aut malæ fidei possessori, quamvis eorum intersit rem non surripi, actio furti datur; cum nemo ex improbitate sua actionem consequi debeat, *l. 12. §. 1. l. 14. §. 3. & 4. l. 76. §. 1. de furt.* Ab Ulpiano tamen unus casus profertur quo fur furti agere potest, *l. 48. §. 4. de furt.* Illud in universum hic tenendum, sufficere ad actionem furti quod tunc interfuit cum furtum fieret, licet eo tempore quo agitur non amplius intersit, ut docet Jurisconsultus *l. 46. in pr. de furt.*

2. Quod vero addit Justinianus, *licet dominus non sit*, ei multa obstare videntur. Primum, quod emtori, cui res nondum tradita est, actio furti denegatur solum ob hoc quod dominus non est, *§. 3. Inst. sup. de emt. d. l. 14. in pr. junct. l. 80. de furt.* cum tamen constet emtoris etiam hic interesse; quippe ad quem perfecta emtione, licet res nondum tradita sit, omne damnum pertineat, *d. §. 3. de emt.* Deinde etsi creditoris interest habere idoneum debitorem: scribit tamen Gajus, creditorem ob rem debitoris surreptam furti agere non posse, quamvis aliunde creditum servare nequeat, *l. 46. de furt.* Denique traditum est, nec eum cui ex stipulatu vel testamento res aliqua debetur, è surrepta actionem furti ha-

habere, quamvis ejus intersit, l. 85. *in fin. de furt.* Ceterum ad hęc respondemus, quod dicitur actionem furti dari iis quorum interest etsi domini non sunt, id non pertinere ad omnes quorum quolibet modo interest rem salvam esse aut non surripi; sed ad eos dum taxat quorum culpā res surrepta est, cum eam ex voluntate domini suo periculo tenerent, veluti ex causa commodati, locati, pignoris ve accepti, d. l. 14. §. 10. & *multis seqq. de furt.* atque hoc perspicue etiam docet Paulus d. l. 85. *in pr. de furt.* Postremo, quod Justinianus ait nec domino actionem furti competere nisi intersit rem non perire, in eo respicit ad casus jam dictos & qui tractantur §§. proxime seqq. quibus scilicet dominus actionem ex contractu ad rem ejusve estimationem consequendam adversus alios habet. Nam extra hujusmodi casus solum dominium vicem obtinet ejus quod interest, ut ostendit l. 80. *pr. de furt.* ubi venditori, re ante traditionem urepta actionem furti competere Papinius scribit, quoniam ejus interit duplici de causa: vel ideo quod adhuc dominus est, vel quia ad præstandas actiones tenetur. VENN. Regula hanc paulo accurate dari videtur in l. 71. *in fin. ff. de furt.* Interesse ejus videtur qui damnum passurus, non ejus qui lucrum fatturus est. Casus à Vinnio allati hoc non pertinent, quia emtor, creditor, legatarius rem furto ablatam nec naturaliter quidem posse derunt. HEIN.

TEXTUS.

De pignore surrepto creditoris.

14. Unde constat creditorem de pignore surrepto furti actione agere posse, etiamsi idoneum debitorem habeat; quia expedit ei pignori potius incumbere, quam in personam agere, adeo quidem ut quamvis ipse debitor eam rem surripuerit, nibilominus creditori competit actione furti.

L. 9. tit. 14. Part. 7.

COMMENTARIUS.

* Quibus de causis creditoris in proposito actione furti detur; & quid intersit adversus dominum an extraneum experiatur.

IN numero eorum quorum interest rem non surripi, & qui ex ea causa furti actionem habent quamvis non sint domini, in primis creditor est; non quidem si surrepta sit res

Tom. II.

quamvis debitoris, sed si ea quae pignori data erat; nec refert debitor ipse eam surripuerit, an extraneus, l. 12. §. ult. l. 14. §§. 5. 6. & 16. l. 19. §. pen. & ult. l. 49. de furt.

1. Duplici vero respectu ac ratione hic interest creditoris, actioque furti ei datur: tum quia ad rem, si culpā ejus surrepta est, restituendam tenetur actione pigneratitia, d. l. 14. §. 6. de furt. tum quia etiamsi culpa ejus non intervenerit, tamen alia de causa adhuc ejus interest; quoniam expedit ei pignori potius incumbere quam in personam agere, juxta l. 25. de reg. jur. Itaque creditori omnimodo furti actio competit, nimirum etsi culpa ejus absit, aut debitor solvendo sit, d. l. 12. §. ult. coque amplius licet ipse debitor rem surripuerit: de quo dictum sup. §. 10. buj. tit. Quamvis autem in proposito creditori que adversus dominum atque extraneum actione furti detur: tamen hoc interest, quod creditori contra extraneum agenti duplatur estimationatio ipsius pignoris; agenti vero contra dominum summa pecuniae debitrix cum usuris, l. 87. defurt. Item quod priore casu quidquid percepit creditor debito imputare, & quod excedit restituere teneatur; posteriore, quod ipse debitor furti actione præstitus creditoris lucro cedat, l. 22. de pign. aet. l. 12. §. 1. de distr. pignor. l. 15. pr. de furt.

TEXTUS.

De re fulloni vel sarcinatori vel bonæ fidei emtori surrepta.

15. Item si fullo polienda curandave aut sarcinator sarcinanda vestimenta mercede certa constituta accepérit eaque furto amiserit, ipse furti habet actionem, non dominus; quia domini nihil interest eam rem non perire, cum judicis locati à fullone aut sarcinatore rem suam persequi possit. Sed & bonæ fidei emtori surrepta re quam emerit, quamvis dominus non sit, omnino competit furti actione, quemadmodum & creditori. Fulloni verò & sarcinatori non aliter furti actionem competere placuit, quam si solvendo fuerint, hoc est si domino rei estimationem solvere possint. Nam si solvendo non sint, tunc quia ab eis suum consequi non possit; ipsi domino furti competit actione, quia hoc casu ipsius interest rem salvam esse. Idem est & si in parte solvendo fuerit fullo aut sarcinator.

L. 10. tit. 14. Part. 7.

COMMENTARIUS.

1. *Discrimen circa actionem furti inter fullonem & ceteros conductores, item creditorem.*

2. *Cur bona fidei emtoris dumtaxat hic fiat mentio*

1. **E**tiam is qui conduxit furti actiones surrepta sit, l. 14. §. 12. de furt. nam tunc etiam conductoris interest rem non surripi, propterea quod iudicio locati tenetur in rei aestimationem; neque ut creditor restituere cogitur quod actione furti consecutus est, l. 6. locat. At si sine culpa conductoris res surripiatur, solus dominus actionem furti habet, ut pote cuius tunc solus interest, actione locati eo casu deficiente, d. l. 14. §. 6. de furt. Fullo autem semper agit, quoniam custodiam praestare debet, §. seq. l. 12. pr. de furt. id est, fullo furti actionem habet etiamsi sine culpa ejus res furto amissa sit, modo ne causa quem praecavere non poterat: uniuersum fullo, non ut regulariter alii conductores, levem tantum culpam praestat, sed ut illi qui operam offerunt etiam levissimam, seu ut nostri loquuntur, & culpam & diligentiam. De sartore idem habendum. Repete quæ notavimus sup. ad §. pen. Inst. de locat.

2. *Bona fidei emtori surrepta, quam emerit]*
Atque emtum ab eo quem dominum esse putabat acceperit; nam antequam res tradita est furti actio emtori non competit, d. l. 14. pr. de furt. Consulto autem bona fidei emtoris tantum hic fit mentio; quoniam ei qui titulo lucrative possidet placet furti actionem non dari; cum non ejus qui lucrum facetus, sed qui damnum passurus est interesse videatur, l. 71. §. 1. de furt. Hinc igitur temperanda d. lex 12. §. 1. eod.

Omnino competit] In aliis est omnimodo, nempe sive solvendo sit bona fidei emtor, sive non sit; nam emtoris semper interest, propter premium quod ei abest; in fullone autem & sartore id securus esse mox docetur. Quanta igitur hic aestimatio facienda? Responsum est, si dominus cum bona fidei emtor concurrat emtori duplo quanti ejus interest estimari, domino autem duplo quanti res est, l. 74. de furt. Putarem autem non concurrente domino emtore ipsius premium rei duplari.

Non aliter quam si solvendo] Fulloni & sarcinatori ceterisque conductoribus actio furti non aliter competit, quam si solvendo sint.

Nam, ut Ulpianus ait, qui non habet quod perdat ejus periculo nihil est, d. l. 12. de furt. Solvendo autem esse nemo intelligitur nisi qui solidum solvere potest, l. 114. de verb. sign.

TEXTUS.

De re commodata.

16. *Quæ de fullone & sarcinat ore diximas eadem & ad eum cui commodata res est transferenda Veteres existimabant. Nam ut ille fullo mercedem accipiendo custodiam praestat, ita is quoque qui commodatum utendi causâ accepit similiter necesse habet custodiam prestare. Sed nostra providentia etiam hoc in nostris decisionibus emendavit, ut in domini voluntate sit sive commodati actionem adversus eum qui rem commodatam accepit movere desiderat, sive furti adversus eum qui rem surripuit; & alterutram earum electa dominum non posse ex pœnitentia ad alteram venire actionem; sed si quidem furem elegerit, illud qui rem utendam accepit penitus liberari; sin autem commodator veniat adversus eum qui rem utendam accepit, ipso quidem nullo modo competere posse adversus furem furti actionem; eum autem qui pro re commodata convenitur posse adversus furem furti habere actionem. Ita tamen, si dominus sciens rem esse surreptam adversus eum cui res commodata fuerit pervenit. Sin autem nescius & dubitans rem esse surreptam apud eum commodati actionem instituerit, postea autem re comperta voluerit remittere quidem commodati actionem ad furti autem actionem per venire: tunc licentia ei concedatur & adversus furem venire, obstaculo nullo ei opponendo; quoniam incertus constitutus movet adversus eum qui rem utendam accepit commodati actionem; nisi domino ab eo satisfactum fuerit; tunc enim omnino furem à domino quidem furti actione liberari; suppositum autem esse ei qui pro re sibi commodata domino satisfecit; cum manifestissimum sit, etiamsi ab initio dominus actionem commodati instituerit ignarus rem esse surreptam postea autem eos ei cognito adversus furem transierit, omnino liberari eum qui rem commodatam accepit, quemcumque cause exitum dominus adversus furem habuerit: eadem definitione obtinente, sive in parte sive in solidum solvendo sit is qui rem commodatam accepit.*

L. XI. tit. 14. Part. 7.

NOTÆ.

16. *Rem esse surreptam* [C.] Cujac. *rem non esse surreptam*, apud eum commodati actionem &c. & ita legitur in d. l. ult. §. 2. C. defurt.

Quemcumque exitum dominus babuerit] Id est, sive contra furem agens vicerit, sive victimus sit, aut fur non fuerit solvendo. Theoph. hic.

COMMENTARIUS.

Hoc admissò, furti actionem competere omnibus quorum periculo res alienæ sunt, etiam commodatario surrepta re commoda eadem actio danda fuit; quippe ad quem periculum illud vel magis pertinet quam ad creditorem pigneratium aut simplicem conductorem, cum hi culpam dumtaxat levem ille etiam levissimam præstet, l. 5. §. 3. *commod.* §. 2. *Inst. sup.* quib. mod. *re contr. obligat.* unde commodatarius in eadem causa cum fullone hic ponitur. Atque hoc etiam constanter à Veteribus traditum est, d. l. 5. *inf.* §. 2. *seqq. commod.* l. 14. §. 14. cum §§. *seqq. de furt.* l. 28. *rer. amot.* quod tamen ab iis sic acceptum fuit, si commodatarius solvendo esset, arg. l. 12. *pr. de furt.* Justiniano autem visum est, non debere commodatario, qui gratuitum usum habet, idem jus hic concedi quod illis tribuitur qui pro usu rei mercedem præstant, aut pro mercede operam. Cumque inter Veteres non satis conveniret, an si furti tempore commodatarius solvendo esset postea vero fortunis exueretur, actio furti ad dominum migraret necne; tum etiam utri danda foret actio, dominone an commodatario, si hic ex parte tantum solvendo esse comperiretur: hanc simul contentionem sustulit. Itaque optionem actionis dedit domino, ut is pro libitu suo vel judicio commodatarii commodatarii convenire, vel contra furem furti agere posset. Ceterum electione semel facta non licet variare nisi ex causa ignorantiae, idque ante factam solutionem: electo fure, ut commodatarius liberaretur; commodatario electo, huic ut fur obnoxius fieret, l. ult. C. *de furt.*

Nostris decisionibus] Scriptæ sunt à Justiniano post priorem editionem Codicis quinquaginta leges quas decisiones nominavit, properea quod maximas quasque Veterum controversias dirimunt. Harum una est d. lex ult. C. *de furt.* cuius modo summam comprehensus sum: ipsa nimis verbosa est, ut & hic locus.

TEXTUS.

De re deposita.

17. *Sed is apud quem res deposita est custodiam non præstat, sed tantum in eo obnoxius est si quid ipse dolo malo fecerit; quia de causa si res ei surrepta fuerit, quia restituendæ ejus rei nomine depositi non tenetur, nec ob id ejus interest rem salvam esse furti agere non potest, sed furti actio domino competit.*

L. 12. tit. 14. Part. 7.

COMMENTARIUS.

1 *Probatur D. Cujacii interpunctio legis 2. §. 28.*
C 24. vi bon. rapt.

2. **R**E deposita surrepta placet domino non depositario actionem furti dari, l. 14. §. 3. *de furt.* Et merito placet; neque enim interest depositarii rem non surripi, qui præter fidem nihil præstat, §. pen. *Inst. sup.* quib. mod. *re contr. oblig.* Quod si dolo ejus furtum factum sit jam quidem ejus interest, quia tenetur actione depositi; sed nihilo magis actionem furti habet, quoniam nemo ex dolo & improbitate sua actionem consequitur l. 12. §. 1. d. l. 14. §. 3. *de furt.* Quid vero si convenerit ut culpam quoque præstet, aut quid si deposito se obstulit, premium depositionis quasi honorarium accepit? Ratio juris postulare videtur ut hic ipsi depositario actionem furti demus, eo quod his casibus rem suo periculo tenet, d. l. 14. §. 16. *eod.* §. 13. *sup. hoc tit.* cumque id etiam satis manifeste evincat §. pen. tit. seq. omnino verum esse existimo quod Cujac. ibi notat, locum Ulp. in d. l. 2. §. 23. C 24. vi bon. rapt. mendosum esse: nimirum perperam principium §. 24. separari à fine §. præcedentis, cum quo jungendum erat & sic legendum: *Nam & furti actionem habeo, si in re deposita culpam quoque reprobasti, vel premium depositionis non quasi mercedem acceperis;* hinc demum novum §. inchoandum: *Utilis dicendum est &c.*

TEXTUS.

An impubes furti teneatur.

18. *In summa sciendum est, quæsitum esse an impubes rem alienam amovendo furtum faciat.*
Mm 2

etiat. Et placuit, quia furtum ex affectu furtandi consistit, ita demum obligari eo crimen impuberem si proximus pubertati sit, & id intelligat se delinquare.

L. 17. tit. 14. Part. 7.

COMMENTARIUS.

- 1 *Ex impueribus solos pubertati proximos delicti & poenae capaces esse.*
- 2 *Quæ concurrere debeant ut impuberes poenam ex delicto sustineant.*
- 3 *Capite plectendos non esse; nec legibus de adulteriis teneri.*

1. **Q**uod hic traditur, quæsitum esse an impubes rem alienam amo- vendo furti obligetur, id de aliis quoque delictis & criminibus omnibus quæsitum est. Et quoniam maleficia ex voluntate & proposito delinquendi presumantur, l. 53. de furt. cap. illud relatum xv. quer. 1. non possunt videri delinquere, ac proinde nec poenam legum delicta vindicantium obnoxii esse debent infantes, l. 23. de furt. l. 5. §. pen. ad leg. Aquil. l. 12. ad leg. Corn. de sicar. Clem. un. de homicid. Sed nec infantiae proximi; quippe quos non minus quam infantes innocentia consilii tueri debet, arg. §. 9. Inst. sup. de inut. stip. Gomez 3. resol. 1. n. 57. quod certius apparebit ex sequentibus. Sed in ætatem pubertati proximam ut dolus & culpa cadere potest, ita & impuberes qui hujus ætatis sunt & doli capaces delinquere possunt, & ad poenam ex delictis obligantur, hoc text. l. 111. de reg. jur. l. 23. de furt. l. 2. §. 19. vi bon. rapt. l. 5. §. pen. ad leg. Aquil. l. 14. de sen. Silan. l. 13. §. 1. de sepulcr. viol. cap. 1. x. de delicto puer.

2. Duo vero hæc concurrere debent ut impuberes infantiam egressi ex delicto poenam sustineant, ut non procul absint à pubertate, ut doli sint capaces; nam hoc ex illo non præsumitur ut recte docet Boër. in add. ad Decium in l. 108. de reg. jur. Atque hoc accommodari potest locus Apuleji apol. 2. ubi in hujusmodi pueros his verbis declamat: *Sed enim malitia præcoei puerum quis non aversetur atque oderit? cum videat velut monstrum quoddam prius robustum scelere quam tempore ante nocentem quam potentem, viridi pueritiae cana malitia? vel potius hoc magis noxiun, quod cum venia pernitosus est; & nondum poena, jam injuria sufficit. Sed & delictum ta-*

le esse debet quod in facto non in omissione aut nuda negligentia consistat, l. 2. C. si adv. del. Gomez d. resol. n. 59. item quod jus commune seu naturale violet non merum civile aut positivum, cap. 2. x. de del. puer.

3. Postremo ut hæc concurrant, tamen puerum poena capitali, quamvis grave crimen admiserit, plectendum non esse, sed mitiore, quæ intra supplicium mortis consistat censem Interpretes: Gomez d. loc. n. 63. quippe mobilem adhuc & incerti tenoris animum non nisi in emendationem puniri deberre, ac proinde etiam sine amputatione membra. Clar. §. ult. quæst. 60. quamquam alii judicis arbitrio hoc committunt: quod in adulteriis minoribus 25. annis facilius admiserim, per l. 37. §. 1. de minor. Gomez d. loc. n. 26. & seqq. Illud generaliter tenendum, impuberem quantumvis pubertati proximum non teneri legibus quæ adulteria aut supra aliave carnis delicta puniunt, l. 36. ad leg. Jul. de adulst. Gomez d. resol. n. 59. ubi refellit eos qui excipiunt impuberem præcoei in Venerem vigore. Quod enim Canones circa matrimonium favorabiliter constituerunt cap. fin. de spons. impuber. id transferendum non esse ad exacerbandas poenas juris civilis. Add. D. Tuldens in tit. Cod. si adv. del. & comm. bœc cap. 6.

TEXTUS.

Quid veniat in hanc actionem; & de affinibus actionibus.

19. *Furti actio, sive dupli sive quadruplici, tantum ad poenam persecutionem pertinet. Nam ipius rei persecutionem habet dominus, quam aut vindicando aut condicendo potest auferre. Sed rei vindicatio quidem adversus possessorem est, sive fur ipse possidet sive alius quilibet. Conditio autem adversus furem ipsum bero- denue ejus, licet non possideat, competit.*

L. 20. tit. 14. Part. 7.

NOTA.

19. *Tantum ad poenam persecutionem*] Potest & criminaliter tantum furti agi ad poenam corporalem furi infligendam, l. ult. defurt.

COMMENTARIUS.

- 1 *An furti actio civilis concurrat cum criminali.*
- 2 *Vindicatio & conditio reifurtiva cur soli domino competant.*

DE OBLIGATIONIBUS QUÆ

- 3 Adversus quos haec actiones dentur.
- 4 Cur condicō in heredem datur, cum actio furti non datur.
- 5 An heres condicō furtiva teneatur in solidum.

Actio furti sive manifesti sive nec manifesti m̄ore penalē est, id est solius poenā persecutionem continent, ita ut extra duplum aut quadruplū adhuc res ipsa restituenda sit, §. 8. *Inst. inf. de action.* Estque ad eam rem recuperandam duplex actio domino prodita, vindicatio & condicō, quarum altera quidem alterius electione consumitur, sed neutra earum consumitur per actionem furti, receptaque re nihilominus salva est furti actio, l. 54. §. 2. de furt. l. 7. §. 1. de condicō furt.

1. Illud queritur, an is qui furti civili ter egit & poenam consecutus est possit adhuc extra ordinem criminaliter agere ad poenam corporalem furi infligendam? Et verius est non posse, sed altero judicio alterum consumi, l. 56. §. 1. de furt. Neque obstar *lex unic.* C. quand. civil. action. crim. præjud. Nam regula d. legis unic. pertinet ad actiones civiles rei persecutorias cum quibus ex eodem facto criminales concurrunt; item ad publica judicia, quæ omnibus patent, & concurrunt cum ex eodem facto poenalibus civilibus. Vid. Cujac. 20. observ. 26. Besold. ad tit. de furt. quest. 7. Diss. Gomez 3. resol. 3. n. 4. add. Christin vol. 4. decis. 201. Illud certum est, poenam corporalem non impedit quominus fur heresve ejus ad rem restituendam efficaciter conveniri possint. Besold. quest. 7.

2. *Habet dominus?* Furti actio datur omnibus quorum interest furtum factum non esse, §. 13. de furt. At rei furtivæ persecutio soli domino competit, sive de vindicatione queratur, sive de condicō furtiva; nam & hæc ut illa jure dominii dumtaxat datur, d. §. 18. *Inst. inf. de action.* ll. 1. & 10. §. ult. de condicō furt. Quod solus dominus rem surreptam vindicare potest mirum non est, cum nemo actionem in rem habeat nisi qui dominus sit, l. 23. de rei vind. l. 25. de obl. & act. §. 1. *Inst. infr. de act.* Quod autem domino adversus furem datur etiam condicō rei, id contra rationem juris receptum est odio furum. Nam regulariter suam rem nemo condicere potest, l. ult. in fin. ususfr. quemadm. cav. §. 14. *Inst. infr. de action.* Sed cur non datur ei cuius interest, etsi dominus non sit? Quo-

EX DELICTO NASCUNT.

277

niam ejus solius est rem repetere cujus ea prius fuit. Non fuit autem nisi domini. Vinn. Datur tamen condicō furtiva etiam bonæ fiduci possessori, l. 136. ff. de reg. jur. tuto i si pupillo quid surreptum, l. 56. §. pen. ff. de furt. & denique fructuario perceptis jam fructibus, l. 2. §. 5. ff. de usufr. Hein.

Rei vindicatio adversus possessorē] Quemcumque, sive fur sit qui possideat sive alius; nam in rem actio semper adversus eum est qui rem possidet, l. 25. de obligat. & action. §. 1. *Inst. inf. de action.*

3. *Adversus furem*] Condicō furtiva numquam alius tenetur quam fur ipse heresve ejus, hoc text. l. 5. de condicō furt. Furem autem verum accipimus, id est eum qui ipse furtum fecit & rem contrectavit, d. l. 5. nam is cuius ope consiliove furtum factum est tenetur quidem etiam furti, sed quia rem non contrectavit non tenetur condicō, l. 6. de condicō furt. Plane si res aliter adversus furem salva esse non potest, placet etiam eum qui opem tulit condicō teneri, nimurum in subsidium, l. 53. §. ult. de verb. sign. & ibi Alciatus.

Heredemve ejus, licet non possideat] Rei vindicatio adversus omnes competit qui rem possident, sed adversus eos solos. Itaque nec adversus furem heredemve ejus aliter competit quam si possideant. Condicō autem furtiva etiam in eum datur qui non possidet, sed adversus furem tantum heredemve ejus, hoc text. l. 1. de condicō furt. l. 1. de priv. delict.

4. Quod condicō etiam in heredem furtis datur, in eo quoque differt ab actione furti, quam constat in heredem non transire nisi lis cum defuncto contestata sit, §. 1. *Inst. inf. de perp.* & tempor. action. Cur vero tam varie? neque enim minus condicō rei furtivæ ex causa maleficīi descendit quam actio furti, ll. 2. 3. 5. & 9. de condicō furt. l. 10. §. 2. de compens. l. 3. §. pen. de pecul. l. 21. §. pen. de act. rer. am. l. 36. de oblig. & action. Nimirum quia una rei persecutoria est, altera poenalis: id est, quia condicō furtiva tantum comparata est ad persequendum id quod ex patrimonio nobis abest; furti actio ad puniendum ipsum maleficium, l. 7. §. 2. de condicō furt. junct. d. §. 1. *Inst. inf. de perp.* & temp. action. Sic enim legis Aquilæ actio negatur in heredem transire; non quia ex delicto est, sed quia poenalis, transitura utique si ultra damnum datum lis numquam aestimaretur, §. 9. *Inst. inf. de leg.* Aquil. Estque hujus rei etiam evidens hoc argumentum, quod regu-

la de actionibus quæ in heredem non dantur
concepta est de iis quæ poenales sunt ex ma-
leficio, d. l. 1. Inst. inf. de perp. & temp.
act. l. 13. de serv. corr. l. 1. de priv. del.
ll. 38. 164. & 111. §. 1. de reg. jur. & si-
milibus.

5. An igitur condicione ex causa furtiva
tenebitur heres furis in solidum? Sic sentio.
Nam præterquam quod hoc diserte responsum
est in *lege 9. de cond. furt. moveor* eò, quod
numquam actio in heredem absolute dari di-
citur cum non datur in solidum; cum autem
catenus tantum dari quatenus ad eum per-
venit, aut hoc adjicitur, aut dari simpliciter
negatur, d. §. 1. Inst. inf. de perp. & temp. act.
d. §. 9. inf. de leg. Aquil. l. 5. de calumn. l. 1.
in fin. l. 3. de vi. l. 26. de del. l. 1. de priv.
del. l. 2. §. ult. vi bon. rapt. l. 16. de judic. l. 13.

de serv. corr. l. 9. §. 1. quod fals. tut. l. 23.
§. 8. ad leg. Aquil. l. 3. §. pen. si mens. fals.
mod. l. 35. de oblig. & act. l. 38. l. 111. §. 1.
de reg. jur. & sexcentis aliis locis. Dicitur sa-
ne aliquando actiones ex delicto venientes
in heredes non dari nisi quatenus ad eos
peruenit, nec adjicitur, poenales, ut in l. un.
C. ex del. defunct. Sed istæ definitiones, ut-
pote ex eo quod plurimum & fere semper fit
conceptæ, sic accipiendæ sunt, si agatur de
eo quod defunctus deliquit, sive ad poe-
nam; atque hæc communis est DD. sententia.
Dissentit Cujac. 7. observ. 37. & 13. obs. 39.
Vultejus. b.c. Lyclam. 1. memb. 18. & lib. be-
nedit. passim. Quorum argumentis occurri-
mus sub §. 1. Inst. inf. de perpet. & temp.
action. Adde Ant. Fabr. 4. conject. 1. Donell.
ad d. l. un. C. ex del. defunct.

TITULUS II.

DE VI BONORUM RAPTORUM.

Dig. lib. 47. tit. 8. Cod. lib. 9. tit. 33. Et Part. 7. tit. 13. Recop. lib. 8. tit. 12.

Continuatio. Violentiæ varia genera; & qua de hic agitur.

Secunda species delicti privati rapina di-
citur, inter quam & furtum hoc inte-
rest quod furtum est clandestina rei
alienæ ablatio, rapina violenta. Est vero
hoc crimen tanto gravius furto, quanto vis
magis est adversus bonos mores magisque
turbat quietem publicam quam clandestina re-
rum amotio. Qua de causa etiam legibus publi-
corum judiciorum rapina vindicatur, videlicet
lege Julia de vi publica & lege Julia de vi pri-
vata, l. 2. §. 1. hoc tit. Inscriptur hic titu-
lus, *De vibonorum raptorum*, subaudi actio-
ne: quod in quibusdam libris etiam exprimitur.
Sciendum autem est neque vim omnem
unius esse generis, neque uno coerceri modo.
Interpretes vulgo quintuplicem eam faciunt,
*turbativam, inquietativam, compulsivam, ex-
pulsivam, & ablativam*. Nos inquietativam
quam vocant sub turbativa comprehendimus.
Turbativa est, cum possessor in possessione
manens impeditur re sua libere uti, sive id
fiat manu & corpore sive opere facto: illic
adversus turbantem comparata sunt interdicta
duo, *uti possideris in rebus soli, utrubi in
rebus mobilibus*: hic interdictum quod vi aut
clam. Compulsiva vis est, cum qui minis

justoque metu illato alium compellit ad ali-
quid gerendum tradendum aut alienandum:
quæ vis edicto *quod metus causâ coercetur*.
Expulsiva est, cum quis de possessione alicuius
rei dejicitur: adversus quam comparatum
est interdictum *unde vi*; & præterea vindici-
atur hæc vis etiam sacris constitutionibus,
item legibus Julii de vi publica & privata,
§. 6. Inst. inf. de interd. Ablativa vis (de qua
hic agitur) est quando per vim alicui res eri-
pit: quæ & ipsa iisdem legibus quibus ex-
pulsiva coercetur, d. l. 2. §. 1. hoc tit. &
præterea ei cui res erecta est, privata actio
proposita vi bonorum raptorum: quæ sola
hujus est loci. Justinianus primùm originem
hujus actionis commemorat; deinde quid in
eam veniat, adversus quos, & quibus detur
ostendit.

TEXTUS.

Origo hujus actionis, & quid in
eam veniat.

*Qui vi res alienas rapit tenetur quidem
etiam furti (quis enim magis alienam rem in-
vito domino contredit quam qui vi rapit? ideo-
que*

que recte dictum est eum improbum furem esse) sed tamen propriam actionem ejus delicti nomine prætor introduxit, quæ appellatur vi bonorum raptorum; & est intra annum quadrupli, post annum simpli. Quæ actio utilis est etiamsi quis unam rem licet minimam rapuerit. Quadrupli autem non totum pœna est, sicut in actione furti manifesti diximus, sed in quadruplo inest & rei persecutio; ut pœna tripli sit, sive comprehendatur raptor in ipso delicto sive non. Ridiculum enim esset levioris conditionis esse eum qui vi rapit quam qui clam amovet.

**L. 3. tit. 13. Part. 7. LL. 1. & 2.
tit. 12. lib. 8. Recop.**

COMMENTARIUS.

- 1 An furti actione electa servetur eadem distinctio in rapina & pœna rapinæ, quæ in furto.
- 2 Quando levius ducitur quod palam, quam quod clam committitur.

Qui vi res aliena rapit] Fur sine vi subtrahit & clam auseit, raptor vi & palam deripit, l. 3. §. 5. de inc. ruin. naufr. Plaut. Epid. act. 1. scen. 1. Th. Minus jam furtificus sum quam antebac. Epid. Quid ita? Th. Rapiō propalam.

1. Tenetur etiam furti] An igitur furti actione electa eadem distinctio & in rapina & in pœna rapinæ servabitur, quæ in furto in specie sic dicto: ut scilicet raptor manifestus seu in ipso delicto deprehensus quadrupli; nec manifestus dupli pœnam sustineat? Id quidem & ratio suadet, & satis perspicue significari mihi videtur in l. 52. §. ult. l. 80. §. 3. de furt. & denique ex eo evincitur quod hoc loco & l. 2. §. 10. & penult. hoc tit. simpliciter traditum est, eum qui vi rem alienam rapuit etiam furti teneri. Quod autem in l. 1. hoc tit. l. 88. de furt. tantum mentio fit actionis furti nec manifesti, ex eo non protinus concludendum est furti manifesti cum raptore nuanquam agi posse. Nam vel ideo id factum dici potest, quoniam furti nec manifesti actio semper competit etiam adversus raptorem manifestarium (nemo enim prohibetur experiri actione mitiore) vel quia in sola furti nec manifesti actione locum habet quod illic docent Jurisconsulti, si quis in duplum egerit ei adhuc superesse actionem vi bonorum raptorum in id quod in hac amplius est. Sunt qui putant cum raptore, ut cum fure mani-

festo, semper in quadruplum agi posse: quasi raptor non possit non esse manifestarius. Quod refellit lex 52. §. ult. de furt. ubi Jurisconsultus & exemplum proponit raptoris non deprehensi, videlicet si quis rapuerit ex ædibus in quibus nemo erat; & eum de bonis quidem raptis in quadruplum posse conveniri scribit; sed furti non, nisi nec manifesti. Sed nec conspectio furem aut raptorem manifestum facit, verum apprehensio, aut ad apprehendendum concursio & acclamatio, l. 3. §. 7. & 2. de furt.

Improbum furem esse] Id est, ἀραιδὴν ἀστερικτον, impudentem, audacem, atrociem Christostomus, in Matth. hom. 53. τὸ δὲ κλέπτοντος ἐ ἀρπάζων χείρων (fure raptor pejor) Et sane is qui rapit fur est improbior atque impudentior quam qui clam amovet; cum hic celet suum delictum, ille publicet & crimen etiam publicum admittat, l. 2. §. 10. & 24. hoc tit. quamquam aliud judicium Aristotelis in Rhetor. ad Alex. cap. 12. ubi hæc legimus: διεντερέα μοι δοκεῖσθαι κλέπτοντας τὰς ζημίας ποιεῖν, διὰ μὲν γὰρ λαθεγός, διὰ δὲ φαρεφός τὰ κληματα τελειώσας εἰς τολεραβολίαν μηδενὶ εἴδεται φασκεῖν τοὺς λαθεγόντας. VENN. Et vere prætori ea mens fuit, dum quadruplo in quod raptor condemnatur & rem raptam comprehendendi voluit. Et nescio an jecus Plauti Epid. act. 1. scen. 1. ubi propalam rapiens minus furtificus dicitur, hanc sententiam exagit. Ratio autem Veterum fuit, quod raptori vis vi facile propulsari possit à viro constante & forti; furto autem & viro prudentissimo fortissimique dapanum inferri queat. HEIN.

Propriam actionem] Etiamsi speciali editio contra ea quæ vi committuntur prætor consuluit, d. l. 2. §. 1. scilicet ut innotesceret prætorem quoque curam agere reprimendæ improbitatis hoc genus hominum, tum ut raptori pluribus actionibus conveniri possint, arg. l. 3. §. 1. naut. caup. stab. junct. §. 14. Inst. inf. de action.

Intra annum quadrupli] D. l. 2. §. 13. Nimirum actio hæc honoraria est, & ideo ut ceteræ ejusdem generis pœnales anno finitur, l. 34. de obl. & act. speciale enim est quod actio furti manifesti, quæ & ipsa ex prætoris jurisdictione proficiuntur, perpetuo competit. Vid. inf. tit. Inst. de perp. & temp. att.

Unam rem licet minimam] D. l. 2. §. 11. Quippe non rei aut estimationis pecuniarie, sed atrocitatis facti ratio dicitur. Cur ergo ob

ob rem modicam non placet dari actionem de dolo , l. 9. §. ult. cum 2. ll. seqq. de dolo Quoniam actio de dolo extraordinarium remedium est , comparatum ad rescindendum quod jure civili ratum est : non putabit praetor ob rem minimam contractum jure validum rescindi debere.

In quadruplo inest & rei persecutio] Actio vi bonorum raptorum in quadruplum à piztore proposita non est mere poenalis , sed mixta ; quippe in quadruplo etiam ipsius rei persecutio continetur , ut poena tantum sit tripli , §. 19. *Inst. inf. de actione.* In quo distat hæc actio ab actione furti , quæ tantum poena persequendæ causâ comparata est : sive manifesti agatur in quadruplum , sive nec manifesti in duplum , §. 18. *Inst. inf. de actione.* §. ult. tit. præc.

Sive comprehendatur raptor &c.] His verbis Imp. perspicue duo genera raptorum facit , ut alii sint manifesti alii non manifesti : ut & Ulpian. in l. 52. §. ult. de furt. Ceterum in hac actione poena pro qualitate rapinæ non variatur , sicut in actione furti alia poena est manifesti ; alia nec manifesti ; sed in omnes raptore poena est eadem.

Ridiculum est] Atqui raptor tantum triplo mulctatur , fur manifestus quadruplo. Præterea actio de bonis raptis annua est , furti perpetua. Resp. Sufficit ad defensionem hujus loci quod raptiores in delicto comprehensi eadem etiam actione teneantur qua fures manifestarii ; ex causa autem delicti non manifesti gravius semper puniantur raptiores quam fures.

Qui vi rapit quam qui clam amovet] Eadem ratione Jurisconsultus in l. 2. §. 24. hoc tit. furem cum raptore conferens factum furis extenuat raptoris exagerat ; quoniam scilicet fur celat suum delictum raptor publicat , quæ impudentia crimen auget.

2. Quod autem aliquando levius ducitur quod palam committitur quam quod clam , id tunc locum habet cum factum clandestinum vel plus flagitiæ vel plus periculi habet , vel conscientia dolii magis arguit , ut in specie l. ult. de rit. nupt. & l. 54. de adm. tut. quod hic dici nequit.

TEXTUS.

Adversus quos datur.

1. *Ita tameu competit hoc actio si dolo ma-*
lo quis rapuerit. Nam qui aliquo errore ductus
rem suam esse existimans & imprudens juris
eo animo rapuerit quasi domino liceat etiam per
vim rem suam auferre à possessoribus , absoluvi-

debet. Cui scilicet conveniens est , nec furie neri eum qui eodem hoc animo rapuit. Sed ne dum talia excogitantur inveniatur via per quam raptiores impune suam exerceant avaritiam , melius Divalibus constitutionibus pro hac parte prospectum est , ut nemini liceat vi rapere vel rem mobilem vel rem se moventem , licet suam eamdem rem existimet. Sed si quis contra statuta Principum fecerit , rei quidem sua dominio cadere ; si autem aliena res sit , post restitutio nem ejus , etiam estimationem ejusdem rei præstare. Quod nos solum in mobilibus rebus quæ rapi possunt constitutiones obtinere censurunt , sed etiam invasionibus que circa res soli sunt , ut ex hac causa ab omni rapina homines abstineant.

L. 1. tit. 13. lib. 4. Recop.

COMMENTARIUS.

- 1 *Qua poenæ afficiantur qui sine dolo malo rem rapiunt aut invadunt.*
- 2 *Pœnam rapinæ quæ privatis applicatur exolevise ; & an non etiam alia de quibus hic agitur.*

Quemadmodum furti nemo tenetur nisi qui quid amovit dolo malo & lucri faciendi causâ : ita nemo tenetur vi bonorum raptorum nisi qui dolo malo rapuit. Proinde si quis cum crederet se rei dominum esse eam per vim possessori eripuerit , existimans licere domino quovis modo rem suam à possessoribus auferre , hoc judicio de vi bonis raptis non tenetur , l. 2. §. 18. hoc tit. sed nec furti tenetur , hoc text. Ceterum alii poenis obnoxios est , ut statim audiemus.

Imprudentia juris] Secundum hoc explicandum est quod Jurisconsultus in d. l. 2. §. 18. hoc tit. simpliciter scribit , si quis suam rem rapuit vi bonorum raptorum non teneri : nempe si id sibi licere crediderit errans in iure ; nam à dolo quævis vel fatua causa excusat. Gloss. Bart. Jas. & DD. in l. unic. si quis jus dic. non obtemp.

1. *Sed ne dum talia excogitantur]* Bene ac prudenter constitutum est , ut sine vi & tumultu cives cum civibus contendant , nihil manu nihil proprio agant impulsu ; sed si quis putet se habere alias petitiones , ut actionibus non vi experiatur , & per judicem quod suum esse dicit reposcat. Nam si cuivis privato permittatur id quod suum esse aut sibi deberi putat vi & auctoritate propria occupare , in coque sibi jus dicere : vincula quie-

quietis publicæ disrupti necesse est, civesque ad rixam & arma quotidie procedere, l. 176. de reg. jur. Itaque etsi is qui sine dolo rem rapuit suam esse putans, non tenetur in quadruplum actione vi bonorum raptorum, aliter tamen eum multari placuit, & si quidem dominus fuit dominio rei sue cadere, si non fuit dominus post restitutionem rei etiam estimationem ejus vim passo præstare, hoc text. Creditor qui rem debitoris neglecto juris ordine temere occupat jus crediti amittit, l. 13. quod met. caus. l. pen. ad leg. Jul. de vi privat. atque hic insuper etiam vi bonorum raptorum, l. 3. C. hoc tit. & publico judicio legisJuliae de vi privata tenetur, l. ult. ad leg. Jul. de vi priv.

In invasionibus] L. 7. C. unde vi. Solæ res mobiles amoveri subtrahi rapi possunt; qui autem rem immobilem seu prædium vi occupat invasor & invadere dicitur.

2. Poena rapinæ legitima quæ privatis adscribitur exolevit, sicut & furti cuius qualificati rapina est species. Nunc enim tantum criminaliter rapinæ agitur ad vindictam publicam, & enormior violentia etiam morte punitur. De poena l. 7. C. unde vi & similiūm rescriptorum inter Interpretes non convenit: nam eam communi totius Christiani orbis usu antiquatam esse testatur Covarr. 3. resol. 16. n. 7. post Specul. tit. de restit. spol. §. 1. & Guilielm. Benedict. in cap. Raynustius 16. x. de testam. Gutier. præf. quest. lib. 1. quest. 77. Sarmientus quoque 2. select. interpr. 13. n. 7. refert se numquam vidisse poenam illius legis practicari, aut remedium illud intendi. Contrarium tradit Menoch. recip. poss. remed. 9. n. 8. qui censet, in praxi eam dispositionem omnino servandam esse; neque enim solo non usu leges abrogari. VNN. Præclare observat Groenewegen de leeg. abrog. hic non solum prædictam constitutionem ho- dienis moribus non convenire, verum etiam ceteras leges poenales privantes aliquem jure suo in desuetudinem abiisse. ADDIT,

TEXTUS.

Quibus datur.

2. Sane in hac actione non utique expectatur rem in bonis auctoris esse. Num sive in bonis sit sive non, si tamen ex bonis sit, locum hac actio habebit. Quare sive locata sive com- modata sive etiam pignorata sive deposita sit res apud Tritum, sic ut intersit ejus eam rem T. m. II.

per vim non auferri (veluti si in deposita re culpam quoque promisit) sive bona fide possideat, sive usumfructum quis habeat in ea vel quid aliud juris ut intersit ejus non rapi, dicendum est ei competere hanc actionem, non ut dominium accipiat, sed illud solum quod ex bonis ejus qui rapinam passus est, id est quod ex substantia ejus ablatum esse proponatur. Et generaliter dicendum est, ex quibus causis furti actio competit in re clam facta, ex iisdem causis omnes habere hanc actionem.

L. 2. tit. 13. Part. 7.

COMMENTARIUS.

1 Ex bonis esse quæ hic dicantur.

2 Explicatur locus obscurus Ulpiani in l. 2. §. 22. hoc tit.

VII bonorum raptorum is agit qui in eum qui clam amovit furti agere potest, id est, is cuius interest. Neque solum dominus rei qui eam in bonis habuit, sed etiam bona fidei possessor, fructuarius, commodatarius, creditor, conductor, & interdum depositarius, si videlicet culpam quoque in re deposita repromisit. Horum omnium interest rem quam tenent aut possident non rapi; quoniam vel commodum ex re capiunt, vel eam salvam & incolumem præstare debent, l. 2. §. 22. hoc tit. junct. §. 13. & 20. seqq. tit. præc.

1. Sive ex bonis] Ex bonis esse hic ea dicuntur, quorum cum aliena sint, vel emolumentum vel usus vel periculum ad nos pertinet, ut ex hoc text. & l. 2. §. 22. In bonis ea quæ jure civili aut gentium ita nobis adquisita sunt ut ea alienare possimus. Alibi hec verba in bonis latius accipiuntur, l. 49. de verb. sign. l. 52. de adq. rer. dom. Nonnumquam promiscue utrumque dicitur & idem valet, in bonis & ex bonis, l. 1. de usufr. legat.

2. Non ut dominium accipiat &c.] Obscura est hujus loci sententia. Apud Ulp. l. 2. §. 22. hoc tit. unde totus hic §. d scriptus est, sic legitur: dicendum est, mihi competere hanc actionem, non ut dominium accipiamus, sed illud solum ex bonis meis, hoc est, ex substantia mea res ablata esse proponatur. Quorum verborum hic sensus esse videtur, competere mihi cujus ex bonis res est actionem vi bonorum raptorum, non utique ut jure domini agere possim, sed tantum ut proponam

ex substantia mea rem ablatam esse , verbo
substantie largius accepto , quasi ex bonis meis etiam illud ablatum videatur cujus aesti-
mationem domino præstare debo.

TITULUS III.

DE LEGE AQUILIA.

Dig. lib. 9. tit. 2. Cod. lib. 3. tit. 35. Et Part. 7. tit. 15.

Continuatio & summa tituli.

Tertia species delicti ex quo civilis actio oritur est damnum injuriæ datum. Damnum generaliter significat omnem detractionem & diminutionem rei alienæ, sive illa lucri causâ fiat sive nullius lucri gratiâ, & sive salvis rebus sive peremptis aut corruptis. Nam damnum ab ademptione & quasi diminutione patrimonii dictum est, l. 3. de dam. inf. Hoc autem loco damnum in specie accipitur pro eo quod contingit cum interitu aut corruptione rei, & proinde sine lucro damnum dantis: puta si quis servum alienum aut pecudem aliudve animal occidet aut vulneraveret, aut quid alienum usserit, ruperit, fregerit injuriâ seu non jure, aut, quod idem valet, culpâ, l. 2. & 3. inf. hoc tit. Atque hoc damnum est quod vindicatur lege Aquilia: cujus legis tria capita fuerunt, quorum primum & postremum hoc titulo expllicantur, secundum in desuetudinem abiit.

TEXTUS.

Summa. Caput primum.

Damni injuriæ actio constituitur per legem Aquiliam. Cujus primo capite cautum est, ut si quis alienum hominem alienamve quadrupedem quæ pecudum numero sit injuriæ occiderit, quanti ea res in eo anno plurimi fuerit tantum domino dare dannetur.

L. 18. tit. 15. Part. 7.

NOTA.

Tantum domino dare] L. 2. in pr. vibon, rapt. In lege Aquilia videtur scriptum fuisse, tantum æs dare ero dannas esto, arg. l. 11. §. 6. eod. Ero tenuiter, (absque aspiratione) id est, domino, ut in Florent. & Gloss. Græc. Lat. in deuteris. Cujac. 27. obseru. 11.

COMMENTARIUS:

I Si liber homo occisus sit & de damno sarcendo agatur quid juris?

Damni injuriæ] Legendum videtur, damni injuriæ, l. 23. de furt. l. 27. §. 10. & seq. l. 29. §. 3. hoc tit. Cic. pro Q. Rosc. cap. 11. Lite contestata, judicio damni injuriæ constituto: præcise videlicet, pro damni injuriæ dati. Haud scio tamen, an posteriores Jurisconsulti, Graci homines, damni injuriæ dixerint in genitivo, pro ex injuria, ut cum dicimus damnum incendii vel naufragii, pro ex incendio vel naufragio. Vinn. Immo opus non videtur emendatione. Nam & apud Veteres leges *damnum injuriæ*: veluti apud Macianum *lege 30. pr. ff. ad leg. Falcid.* & ut mihi videtur etiam in l. 9. §. ult. ff. de tutel. & rat. distr. Hein.

Alienum hominem alienamve quadrupedem quæ pecudum numero] Primum legis caput animalia pretiosiora, hoc est ad rationem rei familiaris magis utilia ac fructuosa complectitur, servi exæquans quadrupedes quæ pecudum numero sunt; & tantum ad damnum gravius, id est ex cæde datum pertinet, l. 2. hoc tit. Occiso homine libero non agitur ex lege Aquilia, quia liberi corporis nulla est æstimatio; sed legi Cornelij locus est si dolo occisus; si culpâ, poena lenitur, l. 1. §. 3. ad leg. Corn. de sicar. Ceterum si de damno sarcendo civiliter disceptetur, tenetur is qui injuste occidit solvere impensas funeris, & si quæ factæ sunt in medicos, iisque quos occisus alere ex officio solebat, puta liberis, uxori, parentibus dare tantum quantum illa spes alimentorum, ratione habita ætatis occisi, valebat. Grot. lib. 3. introd. cap. 33. Sic Hercules legitur Iphiti à se occisi liberis multam pendisse quo facilius expiaretur. Atque ita censuit Senatus Dolanus apud Joann. Grevell. de-

decis. 25. & Card. Puteus lib. 3. decis. 280.
Sed & Cujac. 14. obs. 4. exemplo Hadriani
& Constantini Porphyrogenetæ probat, no-
vum non esse ut pars bonorum addicatur oc-
cisi liberis, vel patri, vel uxori, maxime si
paupertate premantur, quamvis cades citra do-
lum facta, injuste tamen. Michaël Ephesius
ad 5. Nicom. Arist. scribit, eum ipsum qui
cessus est quodammodo capere quæ uxor aut
liberi aut cognati ex bonis homicidæ ferunt.
VINN. Idque apud Hispanos obtinet usque ad
modum lucri amissi, docente Gomez lib. 3.
var. cap. 3. n. 37. ADDIT. Libero homine
vulnerato aut mutilato quid juris sit videbi-
mus inf. §. 3. buj. tit.

Quæ pecudum numero sit) Ita quoque Gau-
 jus in d. l. 2. §. 2. hoc tit. quamobrem recte
 mihi admonere videtur Hotomannus in prin-
 cipio d. l. 2. mendose legi, *quadrupedem vel*
pecudem; legendum enim esse, quadrupedem-
ve pecudem.

In eo anno plurimi] Primo legis capite qui
 hominem aut pecudem injuriâ occidit, quanti
 ea res eo anno plurimi fuit damnatur, d.
 l. 2. in pr. de quo plura inf. §. 9. hoc tit.

TEXTUS.

De quadrupede quæ pecudum
numero est.

I. *Quod autem non præcise de quadrupede,*
sed de ea tantum quæ pecudum numero est ca-
vetur, eo pertinet ut neque de feris bestiis ne-
que de canibus cautum esse intelligamus; sed
de iis tantum quæ gregatim proprie pasci di-
cuntur, quales sunt equi, muli, asini, oves, bo-
ves, capræ. De suis quaque idem placuit. Nam
¶ sues quoque pecudum appellatione continen-
tur, quia ¶ bi gregatim pascuntur. Sic denique
¶ Homerius in Odyssæ ait (sicut Elius Mar-
tianus in suis institutionibus refert)

Δέσις τὸ γένος πάγκυμενος, οἱ δὲ νέφοται
 Πάρης Κόπανος κέτη, ἐπὶ τῷ κέρη Λέγθην.

Hoc est:

Assidet is suis, quorum grex magnus in agris
Pascitur, ad Coracis saxum, fontemque Are-
thusam.

Vid. leg. I. tit. 4. lib. 4. for. legg.

COMMENTARIUS.

I Cur dubitatum de suis an pecudum nu-
 mero sint.

Pecudum numero esse ea animalia proprie
 intelliguntur quæ gregatim pascuntur, id
 est in grege pastoris imperio subiecto, ut
 equi asini muli boves oves capræ. Itaque
 canes in pecudum numero non sunt, multo
 que minus feræ bestie, veluti ursi leoni-
 nes pantheræ. Enimvero cameli & elephanti,
 licet feræ naturæ sint, ad primum tamen ea-
 put pertinent, propterea quod jumentorum
 operam præstant, l. 2. §. 2. hoc tit. Vinn.
 Jcti ubi ex arte loquebantur, distinguebant
 quadrupedes quæ dorso & collo domantur, id
 est quæ sarcinas vehunt & trahunt; pecudes
 quæ gregatim pascuntur; & bestias, quales
 erant reliqua animalia omnia. Ampl. Bynkersh.
 de reb. mancip. ¶ nec mancip. cap. 6. pag. 119.
 seq. HEIN.

I. *De suis idem placuit*) An sues pecu-
 dum appellatione contineantur dubitatum fuit,
 Dubitandi quæ causa fuerit haud facile di-
 xerim. Hotomannus hanc assert, quod sues non
 ut reliquæ bestiæ gramine & viridibus pabu-
 lis commode alantur, sed (ut Varro & Colu-
 mella tradunt) maxime fabâ, hordeo, glan-
 de & cetero frumento indigent; & si rure
 sint, tamen caducis arborum baccis & effossis
 lunibrasic & radiculis potius quam gramine
 vescuntur. Aliis probabilius videtur ideo de
 suis dubitatum, quoniam sues neque ope-
 ram hominibus præstant, pura gestando,
 arando, ut equi, muli, asini, boves; neque
 lacte aut lauâ prosunt, ut vaccæ, oves, ca-
 præ. Ut ut sit, placuit etiam sues pecudum
 numero haberi, quia & ipsi gregatim sub im-
 perio pastoris pascuntur, d. l. 2. §. 2. hoc tit.
 l. 65. §. 4. de leg. 3. Ubi Martianus Juriscon-
 sultus auctoritate Homeri hanc sententiam
 confirmat. Locus est apud Poëtam Odyss. 13.
 ubi Minerva Ulysem in patriam ex longo er-
 rore redactum monet ut non rectâ domum
 ad uxorem & procos introeas; sed prius ad
 Eumæum subulcum adeat, à quo de rebus
 omnibus interea edoceatur, dum ipsa Tele-
 machum filium reducat. Quo eodem loco le-
 guntur versus quos post Martianum hic ci-
 tat Justinianus. Vinn. Sed quamvis sues greg-
 atim pascuntur, dubitari tamen non absurde
 potuit an sint quadrupedes pecudes. Vid. Antiq.
 nostr. Rom. lib. 4. tit. 3. §. 7. HEIN.

TEXTUS.

De injuria.

2. *Injuria autem occidere intelligitur qui nullo jure occidit. Itaque qui latronem insidiatorum occidit non tenetur: utique si aliter periculum effugere non potest.*

L. 3. tit. 8. Part. 7.

COMMENTARIUS.

2. *Qui bac actione non teneantur.*

Qui nullo jure occidit) Injuriam hic accipere nos oportet non, quemadmodum circa injuriarum actionem, contumeliam quamdam, sed quod non jure factum est, seu damnum culpâ facientis datum, l. 5. §. 1. hoc tit. & nimis quodcumque prævideri potuit nec provisum est, l. 3. 1. & 44. eod. Ex quo intelligimus, eum qui occidit aut alias damnum dedit hac lege teneri, etiamsi animum nocendi non habuit, d. l. 5. §. 1. Deinde teneri hac lege omnes quorum culpâ vel levissima damnum datum esse arguatur, d. l. 4. eod. Postremo non teneri eos qui vel culpæ capaces non sunt, qualis est furiosus, infans, & impubes infantia proximus, d. l. 5. §. 2. vel quorum factum à culpa abest: veluti si non fuit in potestate ejus qui damnum dedit non facere, puta si ab alio impulsus damnum dederit, l. 7. §. 3. l. 5. 2. §. 2. eod. vel si jure suo id fecit, puta furem nocturnum aut diurnum telo se defendantem, vel aggressorem, aut taurum irruentem occiderit, hoc text. d. l. 4. l. 5. eod. aut si quis casu alium læsit quem divinare non potuit; aut si in eo qui læsus est culpa sit cur sit læsus. Vid. infra §. 4. & 5. hvj. tit. Plerique putant, nec culparum quæ in omittingo seu negligendo consistit ad legem Aquiliani pertinere, quoniam lex factum exigit. Covar. de spons. part. 2. cap. 6. §. 3. n. 13. Donell. 16. comm. cap. 7. Alii putant, hoc nomine utili saltem actionem competere, l. 8. l. 27. §. 9. & ibi Bus. hoc tit. quod verum est, si negligentia circa factum aliquod antecedens causam damni præbuit. Ita opiniones conciliat D. Tuldenus hic cap. 7.

Qui latronem insidiantem) Adversus periculum naturalis ratio permitit se defendere, d. l. 4. hoc tit. l. 5. l. 45. §. 4. eod. & quod

quis ob tutelam corporis sui fecit jure fecisse existimatur, l. 3. d. just. & jur. Quamobrem si servum aggressorem aut latronem insidiantem mihi occidero securus ero; sed & si alium quemcumque ferro se petentem quis occiderit non videtur injuriâ occidisse, d. l. 4. & l. 5. eod.

Si aliter periculum effugere) Vim nobis illatam vi repellere licet; ceterum ita si aliter periculum vitari non potest, l. 45. §. pen. eod. Itaque si quis, cum posset intentantem periculum apprehendere, occidere noluit, injuriâ fecisse videtur, d. l. 5. Nec ultio permissa, sed defensio: quæ ita excusa est si in defendendo servata sit moderatio inculpatæ tutelæ, l. 1. C. unde vi. Cuncta ex qui ad materiam defensionis pertinent non est hujus loci.

TEXTUS.

De casu, dolo, & culpa.

3. *Ac ne is quidem bac lege tenetur qui casu occidit, si modo culpa ejus nulla inveniatur. Nam altoqui non minus ex dolo quam ex culpa quisque bac lege tenetur.*

L. 4. tit. 8. Part. 7.

COMMENTARIUS.

Non minus ex dolo quam ex culpa) Inversio est: dicere voluit, non minus ex culpa quam ex dolo occidentem teneri; nam de dolo minor est dubitatio. Similis verborum trajectio occurrit in pr. tit. Inst. supr. de ber. instir. apud Ulpianum lege 7. §. 8. de part. l. 3. §. 2. de incend. ruin. naufr. apud Callistratum lege 85. de solut.

TEXTUS.

De jaculatione.

4. *Itaque si quis dum jaculit ludit vel exercitatur transeuntem servum tuum traherit, distinguitur; nam si id à milite in eo campo ubi solitus est exercitari admissum est nulla culpa ejus intelligitur; si alius tale quid adserit culpe reus est. Idem juris est de milite si in alio loco quam qui ad exercitandum militibus destinatus est id adseritur.*

De putatione.

5. Item si putator ex arbore ramo dejecto servum tuum transeuntum occiderit, si prope viam publicam aut vicinalem id factum est, neque proclamavit ut casus evitari posset, culpa reus est; sed si proclamavit nec ille curavit praecavere, extra culpam est putator. Aequa extra culpam esse intelligitur si seorsum à via forte vel in medio fundo cædebat, licet non proclamavit; quia in eo loco nulli extraneo jus fuerat versandi.

De curatione relicta.

6. Præterea si medicus qui servum tuum sequit dereliquit curationem ejus & ob id mortuus fuerit servus, culpa reus est.

De imperitia medici.

7. Imperitia quoque culpa adnumeratur, veluti si medicus ideo servum tuum occiderit quia male eum secuerit aut perperam ei medicamentum dederit.

De imperitia & infirmitate mulionis, aut equo veeti.

8. Impetu quoque mularum quas mulio propter imperitiam retinere non potuit si servus tuus oppressus fuerit, culpa reus est mulio. Sed & si propter infirmitatem eas retinere non potuerit, quem alius firmior eas retinere potuisse, aequa culpa tenetur. Eadem placuerunt de eo quoque qui cum equo veberetur impetum ejus aut propter infirmitatem aut propter imperitiam suam retinere non potuerit.

LL. 4. 5. & 6. tit. 8. Part. 7.

& l. 13. tit. 23. lib. 8. Recop.

COMMENTARIUS.

- 1 Quod de militibus in loco exercitii se exercitibus bīc dicitur, id etiam ad paganos certi loco se exercere solitos pertinere.
- 2 Medicorum culpam raro nunc in judicium vocari.

Afferuntur hīc varia exempla hominis occisi & damni dati citra dolum & animam nocendi, & fere culpa levissima. Nam,

ut antea dictum est, per legem Aquiliam non solum dolus sed etiam culpa vindicatur, ita ut ne levissima quidem hic excusationem habeat, l. 44. hoc tit. & recte; nam cum potior semper sit causa ejus qui damnum patitur quam qui dat, æquum est damnum quacumque culpâ datum sarciri ab eo qui dedit.

A milite in eo campo] Duæ circumstantiae in proposito efficiunt ut factum à culpa absit & Aquilia cesseret: locus exercitationi destinatus, & persona se in eo loco exercitantis. Altero autem horum deficiente Aquilia locus est. Qua de causa si vel paganus in loco exercitationi militum constituto jaculans servum transeuntem occiderit, sive miles extra campum jaculatorium, uterque Aquiliæ tenebitur, d.l. 9. §. ult. hoc tit.

1. Quid vero dicemus de conventiculis sagittariorum ex paganis qui certo loco collineando ad scopum certare solent? Et quamvis hi milites non sint, tamen si quis corundie & loco solito se exercens intempestive per eum locum transcurrentem transfixerit, extra culpam esse respondit Wames. cent. 2. cons. 51. fac. Grot. 3. jurisp. Bat. cap. 33. Plane si consulto iustum in transeuntem direxerit, aliud juris est, d.l. 9. §. ult. 8. ibi Gloss.

Si putator ex arbore dejecto ramo) Arboreum putare factum plane licitum est; ceterum in dejectione rami amputati culpa esse potest: quod ex loco in quo putatur arbor estimandum est. Nam si is locus sit prope viam publicam aut vicinalem, aliamve per quam vulgo iter fit aut unicuique transire jus est, & frondator seu is qui arbores amputat ramum in eum locum quantumvis privatum sine proclamatione dejiciens servum prætereuntem occiderit, culpa obnoxius est; si vero proclamavit nec alter curavit casum evitare, extra culpam est. Similiter extra culpam esse intelligitur si in eum locum dejecerit in quo nulli extraneo versandi jus erat, quamvis non proclamaverit; quoniam divinare non potuit an per eum locum aliquis transiturus esset, l. 31. hoc tit. Via publica est quæ Græcis βασιλεῖαι, Regia dicitur, Romanis prætoria & consularis, item militaris. Vicinalis, quæ in vicos dicit, quæ & ipsa fere publica est, l. 2. §. 22. ne quid in loc. publ. Sic Flacc. de cond. agr. Sueton. Aug. 49. Theoph. bīc.

Si medicus quis servum tuum secuit) Qui medicus servum alienum secuit, etsi bene secuit (vene sectionem seu incisionem intellige)

TEXTUS.

Quanti damnum aestimetur; & de heredibus.

ge), tamen si susceptam ejus curationem dereliquit & servus ob id mortuus sit, culpae reus intelligitur, l. 8. hoc tit. Nimis qui susceptam curationem deseruit causam mortis præbuisse videtur.

Imperitia quoque culpæ &c.) Imperitia alijus rei per se culpa non est, sed in eo qui peritiam aut artificium aliquod profitetur culpæ adscribitur, si quid circa ea quæ ad illud artificium pertinent per imperitiam commissum sit, l. 9. §. pen. l. 13. §. 6. locat. l. 27. §. 29. hoc tit. eoque pertinet lex 132. de reg. jur. Itaque si medicus servum tuum imperite, ἀκαδὸς ναὶ ἀτριχίστος (sine arte & inconsiderate) secuerit, vel medicamento perperam usus mortem attulerit hac lege tenebitur, l. 7. in fin. & l. 8. in pr. eod. Homicidii crimen est in hominis salute peccare, ait Cassiod. 6. v.v. 19. Diligenter autem considerandum est, ne quod vi morbi contigit id medici imperitiae aut culpæ designetur; nam eventus mortalitatis medico imputari non debet, sed tantum quod commisit per imperitiam, l. 6. §. 7. de off. praes. & extra culparum esse intelligitur ὅταν οὐ μεῖζον τὸ πάθος τῆς ἀτριχίστης βούδειας (cum moribus vincit mendendi artis auxilia) Alex. Aphrod. in 1. top. Aristot.

2. Culpæ medici raro in judicium vocatur; quoniam, ut ille dicebat, errata medicorum terra occultat, beneficia autem sol illustrat. Et Plinius alicubi scribit soli medico hominem occidere impune esse. Papon. 23. tit. 8. art. 1. refert, medicum qui fortiori solito potionem ægrotanti præbuerat, impune quidem pro ea vice arresto Parisiensi dimissum fuisse, sed cum interminatione severæ animadversionis nisi in posterum ab hujusmodi remediis temperaret. Add. Groenew. de legg. abrog. bic.

Impetu quoque mularum &c.) Mulio cuius ob imperitiam vel infirmitatem impetu mularum servus alienus obtritus est, hac actione tenetur. Idem juris est in persona ejus qui impetum equi quo vehebatur propter imperitiam vel infirmitatem retinere non potuit. Neque iniquum est infirmitatem culpa admunerari. Quippe cum nemo temere affectare debeat, in quo vel intelligit vel intelligere debet infirmitatem suam alii periculosam futuram, l. 8. §. 1. hoc tit.

9. *His autem verbis legis* Quanti id eo in anno plurimi fuerit, illa sententia exprimitur ut si quis hominem tuum qui hodie claudus aut mancus aut luscus erit occiderit qui in eo anno integer aut pretiosus fuerit, non tanti teneatur quanti hodie erit sed quanti in eo anno plurimi fuerit; qua ratione creditum est poenalem esse bujus legis actionem quia non solum tanti quisque obligatur quantum damni dederit, sed aliquando longe pluris. Ideoque constat, in heredem eam actionem non trahire, que transitura fuisset si ultra damnum numquam lis aestimaretur.

L. 18. tit. 15. Part. 7.

COMMENTARIUS.

Quanti id eo anno plurimi) Hac clausula estimationem habet damni quod per cædem datum est. Tenetur itaque qui servum occidit non quanti is erat cum occideretur, sed quanti eo anno plurimi fuit, l. 21. l. 23. §. 3. hoc tit. ubi Ulpianus scribit, hominis occisi estimationem ad id tempus referri quo eo anno plurimi fuerit, repetitis ex die vulneris trecentis sexaginta quinque diebus; quippe annum retrorsus numerari ex quo quis occisus est. Et ideo si pretioso pictori pollex fuerit præcisus, & intra annum quo præcideretur fuerit occisus, posse dominum Aquiliæ agere, prequoque eo aestimandum quanti fuit prius quam artem cum pollice amisisset. Si mortifere vulneratus sit servus, deinde post etiam longiori tempore interjecto mortuus sit, secundum Julianum inde annum numerari placet ex quo vulneratus est, licet Celsus contra senserit, d. l. 21. §. 1. hoc tit.

Poenalem esse bujus legis actionem) Actio legis Aquiliæ poenalis est. Nam etsi interdum lis ultra damnum datum non aestimetur, veluti si res intra annum depretiata non sit, tamen ad hoc ut poenalis habeatur sufficit posse præsentem estimationem exsuperari, & poenam generaliter in damnosos statutam esse.

In heredem non transire) Constat hanc actionem heredi dari, sed in heredem non datur cum sit poenalis; nisi forte ex domino lo-

cupletior heres factus sit, d. l. 23. §. 8. hoc sit. aut lis cum defuncto fuerit contestata, §. 1. Inst. infr. de perp. & temp. att.

Quæ transitura fuisset) Ait, actionem legis Aquiliæ in heredem non transire, non quia ex delicto est sed quia poenalis: transituram si poenalis non esset. Itaque hic locus aperte confirmat eorum sententiam qui existimant actiones non poenales, etiamsi ex delicto veniant, in heredem dari: de quo latius alibi §. ult. Inst. sup. de obl. que ex del. & infr. §. 1. de perp. & temp. att. VNN. Actionem legis Aquiliæ hodie poenalem non esse, sed tantum rei persecutoriam; ideoque qui culpâ damnum dedit ultra veram damni dati aestimationem non teneri tradit Groenew. de legg. abrog. bīc, & arg. leg. 4. §. 29. tit. 24. lib. 3. Recop. confirmari potest. ADDIT:

TEXTUS.

Quid aestimatur.

10. Illud non ex verbis legis sed ex interpretatione placuit, non solum perempti corporis aestimationem babendam esse secundum ea que diximus, sed eo amplius, quidquid praeterea perento eo corpore damni nobis illatum fuerit, veluti si servum tuum heredem ab aliquo institutum antè quis occiderit quam is jussu tuo hereditatem adierit; nam hereditatis quoque amissæ rationem esse babendam constat. Item si ex pari mularum unam, vel ex quadrigis equorum unum quis occiderit, vel ex comedisi unus servus occisus fuerit: non solum occisi fit aestimatio, sed eo amplius id quoque computatur quanti depretiati sunt qui supersunt.

L. 19. tit. 15. Part. 7.

COMMENTARIUS.

Non ex verbis legis sed ex interpretatione] Lex de aestimatione perempti corporis tantum locuta videtur; ceterum illud quoque damnum in aestimationem venire placet quod occasione perempti corporis in re alia patimur: quod variis exemplis illustratur, l. 21. §. ult. cum ll. ieqq. hoc tit. Ait autem Justinianus id per interpretationem placuisse, nimirum quia legislatorem id quoque voluisse Prudentes existimaverunt; non enim tam ex scripto & sententia hæc controversia nata videatur quam ex scripti ambiguitate, ut bene Hotoman. bīc. & ideo de hoc quoque damno directam

ex lege actionem competere verius est. Vid. §. ult. inf. hoc tit.

Quidquid praeterea damni] Quidquid praeterea extra rem principalem nostra interest, d. l. 21. §. ult. Nam omnia commoda quæ intra annum quo, verbi causa, servus interfecitus est pretiosiorem hunc servum facerent, ad aestimationem ejus accedunt, d. l. 23. §. 6. eod. Damnum autem intellige pecuniarium; nam affectionis ratio non habetur. Ut ecce, si filium tuum naturalem quis occiderit, quem tu magno emtum velles, non pluris aestimabitur quam quanti omnibus valet. Quippe pretia rerum non ex effectu nec utilitate singulorum, sed communiter finguntur, l. 33. hoc tit. l. 63. ad leg. Falcid.

Si servum tuum heredem) Si servus heres institutus antequam jussu domini hereditatem adiret occisus sit, etiam hereditatis amissæ damnum in aestimationem venit, d. l. 23. hoc tit.

Item si ex pari mularum] L. 22. §. 1. eod. ubi Paulus scribit etiam causas corpori cohaerentes aestimari. Itaque si quis ex comedisi aut symphoniacis, aut gemellis, aut quadriga, aut ex pari mularum unum vel unam occidet, non solum perempti corporis aestimationem faciendam esse, sed & ejus rationem haberi debere quo cetera corpora depretiata sunt. Tertull. ad Nation. 1. cap. 10. Gloss. Lat. Græc. ēxarrabētes (depretiati).

TEXTUS.

De concursu hujus actionis & capitalis.

11. Liberum autem est ei cuius servus occisus fuerit & ex judicio privato legis Aquiliæ damnum persecui & capitalis criminis eum regum facere.

COMMENTARIUS.

*S*i dolo servus occisus sit, non tantum privato judicio legis Aquiliæ dominus agere potest sed etiam publico legi Cornelii de sicariis, l. 23. §. 9. ff. hoc tit. l. 3. C. eod. nam lex Cornelii non distinguit cuius conditionis homo occisus sit, l. 1. §. 2. ad leg. Corn. de sicar. Addit Ulp. in d. l. 23. §. 9. si lege Aquilia dominus egerit, non ob id tamen præjudicium fieri legi Cornelii; scilicet quominus quod privato judicio judicatum erit publico retractetur, l. unic. quand. att.

act. civ. crim. Alio sensu Paulus in l. 4. de publ. jud. dicit, in actione legis Aquilie ceterisque privatis judiciis, in quibus de re familiariter agitur, evenire interdum ut præjudicium judicio publico fiat: nimis non sic ut agi amplius non possit, sed ad probacionem delicti quod attinet, ut judicium privatum ante finitum urgeat aut juvet reum in executione criminis.

Capitalis criminis reum facere) Modo, ut diximus, dolo malo homo occisus sit. Nam in lege Cornelia dolus tantum pro facto accipitur, nec in hac lege lata culpa pro dolo habetur, l. 7. ad leg. Corn. de siccari. add. Schneid. §. 2. n. 11. sup. ad hunc §. n. 1. De libero homine occiso si de damno sarciendo agatur dixi sub *pr. hujus tit.*

TEXTUS.

Caput secundum.

2. *Caput secundum legis Aquilie in usu non est.*

COMMENTARIUS.

Secundum hujus legis capitulum jam tempore mediae jurisprudentiae in desuetudinem abierat, ut testis est Ulpianus in l. 27. §. 4. *hoc tit.* Quid autem hoc capite cautum fuerit, cum id nusquam proditum sit, haud temere dixerim; neque de eo laborandum. Qui otio abundant talia sibi negotia sumant. Cujacior videtur pertinuisse ad interceptam nobis utilitatem quandam re nostra illæsa. VENN, Nos, ne otio abundare videamus, letorem renitimus ad *Antiquitates nostras Rom. hoc sit. §. 2. edit. sec.* HEIN.

TEXTUS.

Caput tertium, quod damnum vindicatur.

13. *Capite tertio de omni cetero damno caverterur.* Itaque si quis servum, vel eam quadrupedem que pecudem numero est vulneraverit, sive eam quadrupedem que pecudem numero non est, veluti canem aut feram bestiam vulneraverit aut occiderit, hoc capite actio constituitur. In ceteris quoque omnibus animalibus, item in omnibus rebus que anima carent damnum per injuriam datum hac parte vindicatur. Si quid enim ustum aut ruptum aut fractum fuerit, actio ex hoc capite constituitur; quamquam pot-

TIT. III.

erat sola rupti appellatio in omnes istas causas sufficere. Ruptum enim intelligitur quod quoquo modo corruptum est. Unde non solum fracta aut usta, sed etiam scissa & collisa & effusa, & quoquo modo perenta atque deteriora facta hoc verbo continentur. Denique responsum est, si quis in alienum vinum aut oleum id miscuerit quo naturalis bonitas vini aut olei corrumperetur, ex hac parte legis Aquilie eum teneri.

LL. 13. & 18. tit. 15. Part. 7.

COMMENTARIUS.

1 *Caput tertium legis Aquilie declaratur variis exemplis.*

2 *Quid juris si liber homo vulneratus.*

1. **T**ertio capite ait eadem lex Aquilia: *Ceterarum rerum, præter hominem & pecudem occisos, si quis alteri damnum faxit, quid usserit, fregerit, ruperit injuria, quanti ea res erit in diebus triginta proximis tantum æs domino dare dannas esto,* l. 27. §. 5. *boc tit.* Si quis igitur non occiderit hominem vel pecudem, sed usserit fregerit ruperit, sine dubio ex his verbis legis agendum erit. Proinde si facem servo meo objeceris, & eum adusseris, tenaberis mihi. Idem est si loris vel virgis vel pugnis vel telo cederis, ut corpus ei scinderes vel tumorem faceres, d. l. 27. §. 17. Item si quis mulum meum plus justo oneraverit & aliquid membra ruperit, d. l. 27. §. 23. Sed & si arbusatum meum vel villam meam incenderis Aquilia actionem habeo, d. l. 27. §. 7. Æque si quis vinum effuderit, spurcaverit, vitaverit, vestimentum sciderit, inquinaverit, milium aut frumentum meum in flumen effuderit, ex hoc capite tenetur, d. l. 27. §. 15. & §. 18. cum §. seq. eod. Hac quoque actione ex hoc capite de omnibus animalibus lassis agendum est quæ pecudes non sunt, puta de cane. Sed & de apro & leone ceterisque feris & avibus idem erit dicendum, l. 29. §. 6. eod. In summa hoc capite servorum & pecudum vulnera, reliquorum animalium vel vulnera vel cedes, omnium denique rerum inanimatarum corruptiones in judicium vocantur.

2. Liber homo vulneratus directam ex hoc capite actionem non habet, quoniam dominus membrorum suorum nemo videtur. Sed tamen utilem actionem ei dari placet, in qua non corporis (quod nullam estimationem recipit) sed operarum cessantium & impendio-

rum aestimatio fiet, l. 13. eod. quam aestimationem etiam pater utili legis actione persecuti potest ob vulnus inflictum filiosam. l. 7. eod. l. 52. §. 16. pro soc. Cujac. 21. obs. 20. add. Grot. 3. introd. cap. 34. VENN. Tacitus de mort. German. ait: *luitur homicidium certo armatorum numero, & recipit satisfactionem universa domus*. Hinc in Europe nationes derivatum fuit, fracturas, dolores, deformitates etiam corporis pecuniâ compensare. Leges Fori veteris Castellæ acuratissime cujusque vulneris aut injuriæ compensationem &, ut dicitur, compositionem statuunt, pro oculo effuso centum solidi, pro emputata auralia, pro evulso denti quinquaginta. Vide reliqua in lib. 2. tit. 1. n. 6. dict. for. Hac tamen pecuniâ sacri proprie non possunt, neque id juris Romano convenit l. ult. de bis qui deiec. l. 3. si quadr. paup. ADDIT.

Rupium intelligitur quod quoque modo corruptum] Verbum ruperit fere omnes Veteres sic intellexerunt, corruerit. Itaque rupti appellatione continentur & usta & fracta & scissa & collissa & effusa & quoquo modo viuenda, deteriora facta aut peremta. Neque obstat, quod lex distinctum hæc tria exprimit, usserit, fregerit, ruperit. Nam, ut Celsus dicebat, non est novum ut lex specialiter quibusdam enumeratis generale subjiciat verbum quo specialia complectatur, d. l. 27. §. 13. cum 2. §§. seqq.

TEXTUS.

De dolo & culpa.

14. Illud palam est, sicut ex primo capite demum quisque tenetur si dolo aut culpa ejus homo aut quadrupes occisus occisave fuerit, ita ex hoc capite de dolo aut culpa & de cetero damno quemque teneri; ex hoc tamen capite non quanti in eo anno, sed quanti in diebus triginta proximis res fuerit obligatur is qui damnum dederit.

L. 18. tit. 15. Part. 7.

COMMENTARIUS.

*S*i dolo aut culpa] In hac quoque actione quæ ex hoc capitulo oritur tam culpa quam dolus punitur. Ideoque si quis in stipulam suam vel spinam comburendæ ejus causâ ignem immiserit, & ulterius evagatus & progressus ignis alienam segetem vel vineam Tom. II.

læserit, requiremus num imperitia ejus aut negligentia id accidit. Nam si die ventoso id fecit, culpæ reus est, cum & qui occasionem præstat damnum fecisse videatur. In eodem criminis est & qui non observabit ne ignis longius procederet. At si omnia quæ oportet observavit, & subita vis venti ignem longius produxit, caret culpâ, l. 30. §. pen. hoc tit. VENN. Singulare id habet lex Aquilia, quod & dolum & culpm vindicat, cum aliis verum delictum non nisi ex dolo proficiatur, l. 53. ff. hoc tit. quasi delictum ex culpa. Unde non absurde celeb. Thomasius damnum injuriæ datum & veris & quasi delictis accenset; quamvis facta, à potiore denominatione potius verum delictum datur. Add. etern. nostra Jur. secund. ord. Inst. §. 1034. & 1081. HEIN.

Quanti in diebus triginta] Hoc capitulo quanti res fuerit triginta diebus proximis taliis aestimatur, d. l. 27. §. 5. eod. qui excessus praesentis aestimationis hic pro poena est: quæ levior in hoc capite quam in primo, tamquam in delicto leviore.

TEXTUS.

Quanti damnum aestimetur.

15. Ac nec plurimi quidem verbum adjicitur. Sed Sabino recte placuit, perinde habendam aestimationem ac si etiam bac parte plurimi verbum adjectum fuisset; nam plebem Romanam, que Aquilio tribuno rogante banc legem tulit, contentam fuisse, quod prima parte eo verbo usa esset.

L. 18. tit. 15. Part. 7.

COMMENTARIUS.

*H*æc verba, quanti in diebus triginta proximis fuit, etsi non habent plurimi, sic tamen accepta sunt, l. 29. §. ult. hoc tit. nimurum ut vox purimi in primo capite posita in tertio repetita intelligatur; & aliqui incerta esset damni ex hoc capite aestimatio.

Aquilio tribuno rogante banc legem tulit &c.] Rectius dixisset legem jussit; & mox, eo verbo usus esset, ut hic notat Hotomanus.

TEXTUS.
De actione directa, utili & in factum.

16. Ceterum placuit ita demum directam ex

ex hac lege actionem esse, si quis præcipue corpore suo damnum dederit. Ideoque in eum qui alio modo damnum dederit utiles actiones dari solent: veluti si quis boninem alienum aut pecus ita incluserit ut fame necaretur; aut jumentum ita vehementer egerit ut rumpetur; aut pecus in tantum exagitaverit ut precipitaretur; aut si quis alieno servo persuaserit ut in arborum ascenderet vel in puteum descenderet, & is ascendendo vel descendendo aut mortuus aut aliqua parte corporis laesus fuerit, utilis actio in eum datur. Sed si quis alienum servum aut de ponte aut de ripa in flumen dejecerit & is suffocatus fuerit, eo quod projicit, corpore suo damnum dedisse non difficulter intelligi potest; ideoque ipsa lege Aquilia tenetur. Sed si non corpore damnum fuerit datum neque corpus laesum fuerit sed alio modo alicui damnum contigerit, cum non sufficiat neque directa neque utilis legis Aquiliæ actio, placuit eum qui obnoxius fuerit in factum actione teneri: veluti si quis misericordia ductus alienum servum compeditum solverit ut fugeret.

LL. 20. & 21. tit. 15. Part. 7.

COMMENTARIUS.

1. *Directa actio quo modis dicatur.*
2. *Actio utilis quid; & quare ratione, quando, à quibus introducatur.*
3. *Directam actionem esse tam quæ ex sententia legis descendit, quam quæ ex verbis utili, quæ tamquam ex sententia per interpretationem extensivam; in factum, cui nec oratio nec sententia convenit.*
4. *Utili, quæ tamquam ex sententia legis, & ipsam interdum in factum appellari.*

1. **U**T hic locus plene intelligatur sciendum est non uno semper & ejusdem oppositionis intuitu nomen actionis aut directæ aut utilis à Veteribus usurpari. Nam primum directa actio dicitur principalis opposita vel præparatoriæ, puta actioni ad exhibendum, l. 3. §. 13. l. 17. ad exhibend. vel contraria, ut actio directa commodati, depositi, pignoratitia &c. vide nostra ad §. 2. Inst. sup. quibus mod. re contr. oblig. & §. 1. sup. de obligat. que quasi ex contr. Deinde actio ordinaria ex delicto opposita noxali directa quoque vocatur, §. 5. Inst. infr. de nox. att. Postremo directa actio dicitur ad differentiam actionis utilis: quæ consideratio hujus loci propria est.

2. Utilis actio sic in universum describi

potest, quod sit actio quæ deficiente stricta juris ratione ex æquitate introducitur. Id vero fit bifariam: vel interpretatione Jurisconsultorum, vel etiam jure expresso, tum prætorio, tum etiam civili æquitatem sectante. Actiones prætoriæ in relatione ad jus civile strictum omnes dicuntur utiles tametsi aperite verbis edicti proposita sint, §. 4. Inst. infr. de action. l. 16. §. ult. de pign. att. l. 26. §. 2. de nox. att. l. 1. ff. de superfic. l. ult. C. quib. ex ca. maj.

3. Quamquam si jus prætorium absolute spectamus, quædam actiones hoc jure proditæ directæ, quædam utiles appellari possunt: directæ, quæ ipsis edicti verbis proponuntur utiles, quas verbis cessantibus prudentum interpretatione induxit, l. pen. §. ult. de bis qui dej. vel eff. ut appareat ex l. 70. de rei vind. l. 1. & 22. de pignor. l. 19. in pr. de instit. att. l. 5. §. pen. ff. de pec. const. l. 1. C. de preclar. Sed & jus civile nonnumquam verbis expressis utiles tantum actiones tribuit, nimirum quoties ratio juris impedit quominus directe dentur, veluti si directa jam sint apud alium. Nam ratio juris non patitur ut aut apud duos simul directa sit actio, aut ab eo cui illa semel competere coepit avulsa in alium transferatur. Hinc est, quod ei cui nomen venditum, legatum, donatumve est non directa sed utilis actio rescriptis Impp. datur, quia scilicet ex ratione juris directa penes venditorem, heredem, donatorem manet, l. 16. ff. de part. l. 1. C. de obl. & att. l. 18. C. de legat. Pari de causa, quia ratio juris civilis non patitur ut nostra conventione alteri actionem queramus, quibusdam casibus hic utilis actio constitutionibus introducta est, l. 3. C. de don. quæ sub mod. His autem casibus, & si qui sunt similes, demis directa dicitur quæ ex verbis legis eoque quod scriptum est descendit. Scriptum autem etiam illud & verbis comprehensum intelligi oportet quod voluisse legislatorem constat, etiamsi id verbis expressum non sit. Ut ecce, lege Aquilia qui damnum dedit expresse jubetur ejus damni æstimationem præstare; illud non exprimitur damnum tanti æstimandum quanti intersit damnum datum non esse. Ceterum quia damnum sarciri lex voluit, ex voluntate legis hoc sic acceptum est, quasi scriptum esset ejus omnis quod interest æstimationem fieri debere; ac proinde etiam ejus nomine quod extrinsecus interest directa ex lege actio competit, ut notavimus ad §. 17. sup. hoc sit. At vero ubi longius proceditur, atque ex

ex scripto & sententia controversiâ orta actio inducitur per interpretationem & extensio- nem aliquam tamquam ex mente legislatoris, ea non directa sed utilis est; quamquam vi & effectu juris à directa non differt, l. 47. de neg. gest. Quod si & verba & sententia legis deficiunt, hic prætor defectum legis utilitate id exigente supplere solet reddendo actiones in factum, l. 11. de præscr. verb. Quæ omnia exemplis in textu illustrantur.

4. Illud etiam hic obiter notandum, appellatione actionis in factum nonnumquam significari actionem illam utilem quam ex sententia legis per interpretationem induci diximus, ut videre est in l. 7. §. 3. l. 9. in pr. l. 11. §. 8. l. 29. §. pen. hoc sit. Proprie autem eo nomine designare actionem ab illa utili distinetam: quæ scilicet id factum persequitur cui nec oratio nec sententia legis convenit, d. l. 11. de præscr. verb. l. 33. §. 1. hoc tit. l. 7. de dol. §. hoc text. in fin. Illa in factum civilis, hæc in factum præatoria dicitur, & tota subsidiaria est.

Si quis corpore suo] Add. l. 51. in pr. hoc tit.
Qui alio modo damnnum dederit utiles actio-

nes] Quæ cædem & in factum, ceterum civiles, l. 7. §. 3. §. 6. l. 9. fere per tot. eod. Sic patri nomine filii, bonæ fidei possessori, item libero homini suo nomine utilis Aquilia actio datur. Directam enim habere non possunt, quoniam in lege domini tantum mentio fit, d. l. 51. in pr. l. 11. §. 8. l. 13. pr. eod.

Alienum servum de ponte] Si quis de ponte aliquem præcipitaverit, Celsus ait, sive ipso istu perierit, aut continuo submersus est, aut lassatus, vi fluminis vietus perierit, eum qui dejecit ipsa lege Aquilia teneri quemadmodum si quis puerum saxo iulifisset, d. l. 7. §. pen. ad leg. Aquil.

Neque corpus læsum] Lex Aquilia de corpore perento aut corrupto loquitur. Itaque ubi corpus integrum manet, neque ex verbis legis directa, neque ex sententia utilis actio competere potest; & proinde subsidiaria in factum opus est, secundum ea quæ j̄im dicta sunt, l. 11. de præscr. verb. l. 33. in fin. hoc tit. l. 7. §. 7. de dolo.

Misericordiâ ductus] Intempestiva misericordia damnsa est. Similiter actione in factum tenetur qui fumo facto apes fugaverit, l. 49. hoc tit.

TITULUS IV.

DE INJURIIS.

Dig. lib. 47. tit. 10. Cod. lib. 9. tit. 35. & 36. Et Part. 7. tit. 9. Recop. lib. 8. tit. 10.
Continuatio & argumentum tituli.

Quartæ species delicti unde obligatio & actio inter privatos nascitur est injuria seu contumelia. Quæ quid sit, quomodo & quibus fiat, tum qua poenâ vindicetur, quæ circumstantiæ eam augeant aut minuant, & denique quomodo aboleatur hic docebitur.

TEXTUS.

Verbum injuria quot modis accipitur.

Generaliter injuria dicitur omne quod non jure fit; specialiter, alias contumelia, quæ à contemnendo dicta est, quam Græci ὑβριν appellant; alias culpa, quam Græci ἀδίκημα dicunt, sicut in lege Aquilia damnum injuriæ datum accipitur; alias iniquitas & iniustitia, quam Græci ἀσπειραι καὶ ἀδίκιαι vocant; cum enim prætor vel judex non jure contra quem pronuntiat, injuriæ accepisse dicitur.

Vid. leg. 1. tit. 9. Part. 7.

COMMENTARIUS.

*O*mne quod non jure fit] Quidquid non jure fit generali verbo injuria dicitur, l. 1. hoc tit. ubi Ulpianus ait injuriæ ex eodictam quod non jure fiat. Itaque omne factum quo nocetur detrahiturque quid alteri temere immerito, id in genere injuria dicitur; eaque vox tam late pater quam injustitia; est enim effectus injustitia, quæ in affectu & abitu animi consideratur. Cicero in Paradox. *Quocunque expexisti, ut furia, sic tue tibi occurrunt injuria, quæ te respirare non sinunt.* Injuria, id est actiones injustæ, flagitia, peccata. Injuria sic generaliter dicitur Justinianus tres species hic commemorat, uti & Jurisconsultus in d. l. 1. contumeliam, damnum culpæ datum, iniquitatem sententiæ; quibus tamen genus propositum non exhaustur. Sed de eo unusquisque pro arbitratu existimet. Adeundus omnino Aristot. lib. 5. Ethic.

Specialiter alias contumelia] Speciatim injuria primum pro contumelia accipitur, ut in hoc

hoc tit. l. 5. §. 1. ad leg. Aquil. l. 27. §. 2. de pax. ubi Paulus scribit, actionem injuriarum nasci ex contumelia. In hoc significatu injuria sic ab auctore librorum ad Herenium lib. 4. cap. 23. definitur: *Injuria est, quæ aut pulsatione corporis, aut convitio aures, aut turpitudine vitam alicuius violat.* Ego sic: injuria est oīne dictum factumve ad contemnum, infamiam, aut dolorem alterius directum.

A contemnendo] Contumelia à contemtu, Seneca quoque auctore, dicta est; quia nemo nisi quem contemnit tali injuria notat.

Alias culpa sit in lege Aquilia] Lex Aquilia injuria verbo vel maxime dolum malum intelligit; ceterum eodem verbo & culpam comprehendit, atque id quoque quod per imperitiam aut imprudentiam factum est injuria factum existimat. Quod Aristoteles non ἀδίκησις (*injustitiam*) sed ἀμάρτησις (*errorem*) appellaret; & ita foret legendum, quia id nomen locum habet etiam ubi dolus abest. Atque hæc est secunda injuria species.

Non jure contra quem pronuntiat] Tertio circa judicia injuriam pro iniuitate accipimus. Nam si judex inique sententiam dixerit, eum qui sententiâ lœsus injuriam passum esse dicimus. Quamquam autem litigatori injuria fieri dicitur non tantum cum judex dolo male aut largitione corruptus perperam pronuntiat sed etiam cum per errorem aut imprudentiam, l. 5. de evit. effectu tamen juris inter hæc facta multum interest; & alterum vere maleficium est, alterum propriè non est, sed quasi maleficium, ἀμάρτησις (*erratum lapsus*) utique: de quo vid. pr. tit. seq. Illud huic loco contrarium non est, quod apud Paulum in l. pen. de just. & jur. legimus, prætorem quoque jus reddere cum inique dicernit. Nam, ut ipse illud explicat, dicitur hoc relatione facta non ad id quod prætor fecit, sed ad illud quod prætorem facere convenit; sive nomine relato ad id quod videtur, non quod est: πρὸς τὸ φαντασμόν (*ad id quod apparet*) non πρὸς τὸ ὄντον (*ad id quod in re est*).

TEXTUS.

Quibus modis injuria fit.

1. *Injuria autem committitur non solum cum quis pugno pulsatus aut fustibus casus vel etiam verberatus erit, sed & si cui convitium factum fuerit, sive cujus bona, quasi debitoris, qui nihil deberet, possessa fuerint ab eo qui intelligebat nihil cum sibi debere; vel si quis ad*

infamiam alicuius libellum aut carmen (aut bistoriam) scripserit, composuerit, ediderit, dolere male fecerit quo quid eorum fieret; sive quis matrem familiæ aut prætextatum prætextatumve ad secessatus fuerit, sive cujus pudicitia attentata esse dicitur; & denique aliis plurimis modis admitti injuriam manifestum est.

LL. 1. 3. & 6. tit. 9. Part. 7.

COMMENTARIUS.

- 1 Re quot modis injuria fiat.
- 2 Convitum quid, & an citra id verbis injuria fieri queat.
- 3 An & quando veritas convitii excusat injuriantem.
- 4 An eum relevet præfatio honoris.
- 5 Injuriam verbis factam an verbis liceat repellere.
- 6 Famosi libelli quam varia pena.
- 7 Si inventor auctorem indicaverit.
- 8 Pena capitati l. un. C. de famos. libell. quando locus.
- 9 Ad secessari cur injuriosum.
- 10 Sermo prætextatus.
- 11 Cur injuriosa attentatio pudicitiae.

Interpretes vulgo injuriam in duo genera dividunt, in realem & verbalem: eam quæ scripto fit alii ad realem referunt alii & frequentius ad verbalem, quod & Labeo fecisse videtur, l. 1. §. 1. hoc tit. & nos sequemur. Itaque dicimus, omnem injuriam aut re fieri, aut verbis, vel lingua scilicet nuncupatis, vel scripto expressis. Vinn. At potest etiam per picturam fieri injuria, ejusque rei lepida prostant exempla. Enimvero & hanc ad injurias reales referri posse nemo dubitat. HEN.

1. *Cum quis pugno pulsatus*] Proprie injuria realis est quoties manus inferuntur, d. l. 1. §. 1. Sed & illa realis censetur quæ circa illationem manuum aut lœsionem corporis infertur re aut facto aliquo quod ad contumeliam alterius pertinet: veluti si quis vexandi causâ aliquem in jus vocari curaverit, l. 13. §. 3. eod. aut domum absensis debitoris signaverit sine auctoritate judicis, l. 20. eod. cui simile quod hic proponitur de bonis quasi debitoris possessis; item si quis ad invidiā nobis concitandam mœroris indicis publice utatur, puta lugubri aut squalida ueste, aut si demittat barbam, submittatve capillos, l. 15. §. 17. l. 39. eod. Cujac. 6. obs. 5. & alia

alia hujusmodi, quæ vel gestu ad infamiam aut contumeliam alicujus composito fiunt, *vñigis* γάγ ἐν μόνοις ή εἰ λέγει φάλλα και ή κατὰ πᾶσιν αἰσχεῖν (injuria enim non solum quæ verbis, sed etiam quæ omni turpi fatto inest, subaudiatur, aut irrogatur). Eustath. ad *Odyss.* a. Add. Damhoud. *prax. prim. cap. 140. Thes. dec. 22. 9.*

2. *Convitum factum*] L. 15. §. 2. *&c seqq.*
ff. hoc tit. l. 5. C. eod. Hec injuria verbalis est. Convitum auctore Ulpiano dicitur vel à concitatione, vel à conventu, hoc est à collatione vocum. Nam cum in unum complures voces conferuntur, id *convitum* appellari ait, quasi *convocium*; atque ex eo apparere non omne maledictum convitum esse, sed id solum quod cum vociferatione dictum est, siue unus sive plures in cœtu dixerint; quod autem non in cœtu nec vociferatione dicitur convitum non proprie dici sed infamandi causa dictum, d. l. 15. §. 4. *&c 9. cum seqq.* Verum hanc etymologiam & definitionem Jurisconsulti reprehendit Laur. Vall. 6. *eleg. 52.* negans, usquam apud probatos auctores reperiri hanc differentiam custoditam inter convitum & maledictum. Inter quæ (si qua est) hanc fore ait, quod convitum est maledictum contumeliosum; nec utique vociferatione semper convitum fieri. Idque probat primum auctoritate Quintiliani *Inst. lib. 7. cap. 3.* & Ciceronis cuius verba in oratione pro *Cælio cap. 3.* hæc sunt: *Maledictio nihil habet propositi preter contumeliam, quæ si petulantius fassatur, convitum; sin facetus, urbanitas nominatur.* Atque ita quoque vox convitii usurpatur in l. 5. C. *boc tit.* Quidquid sit, etiam verbis citra convitum injuriam fieri posse constat: veluti si quis non debitorem quasi debitorem appellaverit, d. l. 15. §. 33. *cod.* aut si quis puellam blandis verbis solliciter ad stuprum, d. l. 15. §. 20. VENN. Consulendus hic omnino vir cl. Car. And. Dukerus de *Latinit.* *Jct. vot. p. 191. seq. HEIN.*

3. Tria fere hæc queri solent. Primum est, an veritas convitii excusat injuriantem? Interpretes vulgo respondent excusare, si id quod objicitur tale est ut publice intersit illud sciri: veluti si quis latro, homicida, adulter, sacrilegus appelletur: eoque pertinere responsum Jurisconsulti in l. 18. *in pr. hoc tit.* ubi ait, eum qui nocentum infamavit non esse bonum & æquum condemnari; peccata enim nocentium nota esse oportere & expeditre. Hoc autem vel maxime procedet si infamaverit apud magistratum, quoniam tum

omnino presumitur fecisse ut super objecto crimine, quod tamen utriusque probare debet, inquisitio institueretur. Alias si ex circumstantiis animus injuriandi adfuisse arguatur, veluti si in rixa id fecerit odio impulsus, petulantiam istam impunitam relinqui non debere, l. 3. C. *de off. rect. prov.* Sin autem quod objicitur innotescere nihil interest, puta si alter poenam delicti sui sustinuerit, aut si viatum naturale objiciatur, claudus aliquis, luscus aut gibbosus vocetur, veritatem convitii non excusare quominus animo injuriandi id factum presumatur; contrarii tamen probationem hæc admittendam, arg. l. 5. C. *cod.* Ita ferme Gomez 3. *resol. 6. n. 2.* Myns. 4. *obs. 4.* Gail. 2. *obs. 99.* Covarr. 1. *resol. 11. n. 6. & 7.* Clar. *lib. 5. §. 13. n. 15.* Wesemb. *parat. n. 8.* Atque hanc distinctionem passim in judicando servari tradit Christian. vol. 4. *decis. 202. n. 32.* Add. D. à Sande *lib. 5. tit. 8. defin. 7.*

4. Alterum est, an injuriantem relevet præfatio honoris aut protestatio non animo injuriandi: veluti si quis dicat, tu es mendax, absit dicto contumelia, aut salvo honore tuo. Communis sententia est non relevare, quia protestatio contraria factio nihil operatur; atque ita etiam pronuntiari solet. Vid. Gail. 2. *obs. 101. n. 1.* Guid. Pap. *decis. 456. in fin.* Covarr. 1. *res. 11. n. 1.* Clar. *lib. 5. §. 13.* Ant. Fab. Cod. *suo hoc tit. decis. 1. n. 3.*

5. Tertium est, an verbis factam injuriam verbis retundere liceat. Vulgo placet licere; quippe ignoscendum ei qui se ulciscitur provocatus, arg. l. 14. §. 6. *de bon. libert.* Ceterum non quibuscumque verbis injuriam illatam repellere fas est, non iis quæ ad vindictam tendunt, sed tantum quæ pro defensione honoris proferuntur ad removendum crimen objectum: puta, qui vocavit aliquem latronem aut furem, ei non licet ea crimina retorquere ut dicat, tu ipse es latro aut fur, quoniam hoc tendit ad vindictam; ut impune dici poterit, tu mentiris, cum hoc tendat ad defensionem honoris & innocentiae. Vid. Myns. cent. 5. *obs. 17.* Gail. 2. *obs. 100.* Tulden. in *Cod. boc tit. n. 4.*

Sive cuius bona quasi debitoris] Quia cuius bona ex dicto possidentur, ejus fama & existimatio cum bonis simul possidetur, ut ait Cicero pro *Quint. cap. 15.* Est autem hæc injuria realis, cui similis species est quæ ponitur in l. 20. *boc tit.* Ait, ab eo qui intelligebatur, nam injuria, ut in hoc argumento

accipitur, non sit sine proposito & affectu facientis, l. 3. §. 1. hoc tit.

6. *Ad infamiam alicujus libellum aut carmen*] Ad injuriam verbalem cum plerisque retulimus etiam eam quæ scripturâ fit, cuius species atrocissima est famosus libelus, sive, ut Veteres locuti sunt, malum carmen. Nunc vulgo Pasquillus vocatur, ex eo quod Româ ad truncam Pasquinai cujusdam statuam hujusmodi scripta affingi soleant. Poena mali carminis ex lege XII. tabb. capitalis fuit, ut appareat ex loco Ciceronis 4. de Republ. quem citat Augustinus 2. de civ. Dei cap. 9. Nostræ, inquit XII. tabulae, cum perpaucas res capite sanxissent, in his banc quoque sanciendam putaverunt, si quis carmen condidisset quod infamiam faceret flagitiumve alteri. Praclare. Judiciis enim ac magistratum disceptationibus legitimis propositam vitam, non Poëtarum ingenii babere debemus; nec probrum audire nisi ea lege ut respondere licet & judicio defendere. Sed poena capitis postea sublata videtur; nam lege Cornelia auctor famosi carminis intestabilis esse jubetur, l. 5. §. 9. hoc tit. ubi Ulpianus scribit: *Si quis librum ad infamiam alicujus pertinentem scripsit, composuerit, ediderit, dolore malo fecerit quo quid eorum fieret, etiamsi alterius nomine ediderit, vel sine nomine, de eare injuriarum agere licere, & si condemnatus sit, qui id fecit intestabilem ex lege esse juberi.* Novissime id iterum capite sancitum posteriorum Principum constitutione, quæ extat in l. unic. C. de famos. libell. qua constitutione cùdem poenâ etiam is plecti jubetur qui libellum inventum quem abolere debebat in notitiam aliorum protulit.

7. Quid ergo si auctorem indicavit? Idem adhuc dicendum censem Salicetus in d. l. un. quem sequitur Schneid. hic n. 5. non quod auctorem edens puniatur quasi ipse auctor sit, sed ob delictum proprium; quippe utrumque flagitiosum esse, & componere famosum libellum & publicare. Verum hoc aliis displicet, & merito. Nam illum demum lex puniit, quem auctorem esse præsumit; indicanti vero auctorem etiam præmium alibi decernitur, l. 5. §. ult. hoc tit. ita ut hoc recte factum compenset invidiam non aboliti scripti; cum nec convinci auctor possit si scriptum aboleatur, ut disputat D. Tuld. hic cap. 3.

8. Ceterum tum demum poena capitum prædicta constitutione imponitur, si in libello capitale aliquod crimen objiciatur ad creandum alicui periculum. Tunc enim talioni lo-

cus est, ut eadem animadversione coërcatur auctor qua coërceri meretur crimen illud quod in libello abjicitur. Alias vero mitius & poenâ extraordinaria hoc genus pecculantæ vindicatur, secundum Gloss. Petr. Cyn. Salic. Angel. in d. l. un. Joann. de Plat. & Shneid. hic. Gomez 3. resol. 6. n. 1. Christin. vol. 4. decis. 202. n. 36. Quod autem D. Wesemb. in add. ad Schneid. notat, pro famoso libello eam solum scripturam haberi in qua objicitur speciale, certum, & capitale crimen, puta latrocini, cædis, adulterii; sin autem nullum tale crimen objicitur, sed aut contumelia aliqua qua existimatio lœdatur: ut si quis spurius in scripto nominetur, aut in genere criminis arguatur: veluti si appelletur flagitosus, scelestus, nebulos &c. libellum famosum non esse, sed simplicem scriptam injuriam: id, si quidem vim rerum nominumque spectes perperam dicitur; non male autem, si consideres, quod hodie auctor libelli non aliter capite punitur quam si certum & capitale crimen objiciat. Jus Canonum hanc poenam mutavit in flagitionem rei atque excommunicationem, cap. 1. & 3. caus. v. quest. 1. Atque hodie generali consuetudine poena famosi libelli capitalis esse desiit. Clari. §. fin. quest. 68. n. 25. & Bajard. in addit. ibid. n. 64. & seq. Zypx not. jur. Belg. Groenew. de legg. abrog. Cod. de fam. libell. Perez ibid. in fin.

9. *Qui matrem fam. aut prætextatum prætextarumve adsecatur*] Adsecatur, qui tacitus frequenter sequitur. Assidua enim frequentia quasi præbet nonnullam infamiam. Ulp. l. 15. §. 22. hoc tit. Quibus verbis meo iudicio Jurisconsultus significat, adsecutionem propterea turpem esse, quia videtur quis quasi scortum sectari. Nam & hodie quoque solent homines improbi, dum sugillare volunt matronæ aut pueræ opinionem, in publico eis adambulare, quasi scortum ad locum constitutum sectantes. Materfamilias dicitur quilibet mulier honesta, sive nupta sit, sive vidua, l. 46. §. 1. de verb. sign. Prætextati dicebantur, qui prætextâ adhuc & bullâ utebantur: quod fiebat usque ad annum decimum septimum, quo tempore togam virilem sumebant deposita prætexta puerili, ut meminit Cicero in procœnio Lælii.

10. Hinc etas prætextata à Gellio lib. 1. noft. cap. 23. mores prætextati Juvenali satyr. 2. vers. ult. sermo prætextatus, qui aliis est sermo aperte obscoenus, Sueton. in Vespas. cap. 22. Macrob. 2. Saturnal. 1. aliis, qui nihil

nihil obsecnitatis habet. Prætextatum enim sermonem quidam ab eo dictum putant, quod prætextatis nefas sit obscoeno verbo uti. Alii dici putant, quod nubentibus depositis prætextis a multitudine puerorum obscoena clamantur, auctore Festo. Vide Budæum ad l. ult. de senat. Joan. Britann. in d. sat. 2. vers. ult. Sic prætextatos referunt Artaxata mores. Prætextata etiam puellæ dicebantur ingenuæ & innuptæ, à prætextis quas nubentes deponebant. VNN. Injuriam quoque facere dicitur qui à prætextato vel prætextata comites abduxerit, l. 15. §. 17. hoc tit. de quo contumeliam genere adde Casaub. ad Pers. sat. 5. vers. 30. HEIN.

II. Pudicitia atentata] Attentari pudicitia alicujus dicitur, cum id agitur ut ex pudico impudicus fiat; & qui attentat injuriam facit atque hac actione tenetur, l. 9. §. ult. l. 10. hoc tit. Ut ecce, si quis puellam aut matronam sollicitet ad stuprum injuriam ei facit; hoc enim ipso significat se jam opinionem aliquam de inconstantia morum ejus concepisse. Prætor appellandi verbo usus est, ut appareat ex d. l. 15. §. 20. & §. 22. hoc tit. Appellare, ait ibi Jurisconsultus, est blanda oratione alterius pudicitiam attentare. Quod quidem non est convitium facere, sed alia verbalis injuria.

TEXTUS.

**Qui & per quos injuriam patiuntur.
De parente & liberis, viro & uxori,
socero & nuru.**

2. Patitur autem quis injuriam non solum per semetipsum, sed etiam per liberis suos quos in potestate habet: item per uxorem suam; id enim magis prævaluit. Itaque si filia alicujus quæ Titio nupta est injuriam feceris, non solum filiae nomine tecum injuriarum agi potest; sed etiam patris quoque & mariti nomine. Contra autem si viro injuria facta sit, uxor injuriarum agere non potest. Defendi enim uxores à viris, non viros ab uxoribus æquum est. Sed & socer nurus nomine, cuius vir in ejus potestate est, injuriarum agere potest.

L. 9. tit. 9. Part. 7.

COMMENTARIUS.

Patitur quis injuriam non solum directo perse, sed etiam oblique per alias personas. Per alios patiuntur, pater per liberos

quos in potestate habet, dominus per servos, maritus per uxorem, sacer per nurum cuius vir in potestate ejus est. Etenim ad nos quoque spectat injuria quæ iis fit qui vel potestati vel affectui nostro subjecti sunt, l. 1. §. 3. hoc tit. Injuria funeri testatoris vel cadaveris post aditam hereditatem facta heredi quodammodo facta censetur. Semper enim heredis interest defuncti existimationem purgare. Idemque est si fama ejus cui heredes exstitimus lacessatur. Si vero id ante aditam hereditatem fit, magis hereditati fieri videtur, & sic heredi per hereditatem adquiritur, d. 1. 5. §. 4. & §. 6. hoc tit.

Per liberos quos in potestate] Hic immediate ipsis liberis fit injuria, & mediate per liberos patri, qui & suo & liberorum nomine injuriarum agit. Nam & ipsi quoque filio i injuria fieri dicitur, persecutio tamen injuriæ patri tantum datur, non filio; nisi pater aut præsens non sit, aut sit vilis abjectaque conditionis persona, l. 17. §. 10. cum §§. seqq. l. 41. ff. hoc tit. l. 2. C. eod. addo tertium, nisi pater præmortuus sit. Itaque quod dicitur in l. 1. §. ult. eod. filiæfam. actionem competere, sic accipendum est, ut tamen solus pater eam suo jure exerceat. Quod ex eo etiam intelligitur, quod pater illatam filio injuriam remittere & condonare potest, d. l. 17. §. 12. Plane ex lege Cornelia pater injuriarum non agit, sed ipse filius; parri autem præatoria actio competit, l. 5. §. 6. & seq. eod. Usque adeo autem injuria quæ liberis nostris fit ad nos pertinere intelligitur, ut etiamsi illi ultra quid injuriosum patientur, adhuc tamen nostro nomine eam injuriam persecui nobis licet, d. l. 1. §. 5. l. 26. eod.

Per uxorem] Etiam per uxorem injuria intelligitur fieri marito. Et ideo non tantum uxor, si sui juris est, injuriam sibi factam exequi potest; sed etiam maritus suo nomine agere, tamquam per latus uxorii sibi quoque simul injuria illata sit, l. 1. §. ult. l. 11. §. 7. l. 18. §. 2. hoc tit. quod in sponso quoque & sponsa receptum est, l. 15. §. 24. eod.

Filiæ alicujus quæ Titio nupta] Hic igitur ex una injuria tribus personis actio nascitur, Titio marito, uxorii Titii, & patri uxorii, neque ullius actio per alium consumitur, d. l. 1. §. ult.

Uxor injuriarum agere non potest] Si viro facta sit injuria uxor non agit, l. 2. eod. Cujus rei causa hæc esse videtur, quia uxores virorum non contrà viri uxorum dignitatem participant, l. 6. de senat. Quare qui uxo.

uxoris dignitatem violat simul mariti dignitatem, quæ in ea inest, violare intelligitur; non contraria: ἐτι δὲ ἀνὴρ ἐπὶ κεφαλὴ τῆς γυναικὸς (quis vir est caput mulieris) Paul. ad Ephes. cap. 5. vers. 23. Plane si injuria marito facta directo quoque tendat ad contumeliam uxoris, veluti si quis maritum appellat lenonem uxoris suæ, hoc casu etiam uxori actionem competere statuunt Interpretes. VENN. Hæ rationes hodie non male sunt, originem tamen hujus juris non indicant. Videtur potius ex iisdem rationibus marito actio data ob injuriam uxori illatam, ob quas patri data propter injuriam filiofam factam. Uxores enim vetere jure fuisse loco filiarum famam jam alibi demonstravimus. Vid. Antiq. nostr. Rom. 1. 10. 6. p. 135. Sed postea, rejecto hoc principio, conclusio mansit, quemadmodum mansit prohibitio donationum inter virum & uxorem, ex eodem principio derivanda. HEIN.

Sed & sacer &c.] Itaque nomine injuria facta filiafam. quatuor personæ actionem habebunt, illa ipsa, pater ejus, maritus, & sacer, per hunc text. contra quem socero actionem denegat D. Tuldén. ubi supr. cap. 9.

TEXTUS.

De servo.

3. Servis autem ipsis quidam nulla injuria fieri intelligitur, sed domino per eos fieri videatur; non tamen iisdem modis quibus etiam per liberos & uxores, sed ita cum quid atrocius commissum fuerit, & quod aperte ad contumeliam domini respicit: veluti si quis alienum servum atrociter verberaverit; & in hunc casum actio proponitur. At si quis servo convitium fecerit vel pugno eum percusserit, nulla in eum actio domino competit.

L. 9. tit. 9. Part. 7.

COMMENTARIUS.

DUO hic docemur: (1) servis qua servis non intelligi injuriam fieri: adeo contemptos & pro nullis habitos apud Romanos fuisse. Proinde si servo convitium factum sit aut pugnus impactus, ne domino quidem actionem injuriarum competere convenit, l. 15. §. 44. hoc tit. (2) si quid atrocius in servum admissum fuerit & quod aperte ac contumeliam domini respiciat, dominum suo nomine injuriarum agere posse, quasi hic non

servo sed ipsi domino injuria illata sit, d. l. 15. §. 35. Ex quibus efficitur, leviorē injuriam servo factam, veluti si leviter percussus sit vel maledictum ei leviter, ad sugillationem domini factam non videri; aliqui utique domino actio daretur, d. l. 15. junct. §. 44. Deinde ne atrociorem quidem vindicari, nisi appareat eam servo factam in contumeliam domini. Et hoc quidem efficit summi juris ratio quo servi pro nullis habentur. Ceterum prætor, ut passim, ita hic quoque æquitatem secutus gravioem injuriam, licet servo factam & citra contemplationem domini, inultam non relinquit. Et esset sane perabsurdum inultum prorsus manere si quid atrocius privato odio & libidine in servum sit designatum. Igitur hoc casu dominus injuriam servo factam persecetur nomine servi, d. l. 15. §. 34. cum seq. & §. 43. cum seq.

TEXTUS.

De servo communi.

4. Si communi servo injuria facta sit, æquum est non pro ea parte qua dominus quisque esse estimationem injuria fieri; sed ex minorum persona, quia ipsis sit injuria.

Vid. leg. 9. tit. 9. Part. 7.

COMMENTARIUS.

OB injuriam servo communi factam singularis dominis pro ratione dignitatis ipsorum actio datur. Cujus rei summa æquitas est; nam quod in disjunctis valeret etiam in coniunctis valere par est. Denique si ubi major est dignitas ibi major & atrocior injuria infertur, §. 9. buj. tit. iniquum esset duobus impaii dignitate præditis parem injuriam interpretari. Quod si alterius injuria major est, (cum forte is senator sit, alter persona humili), majorem quoque poenam statui oportet. Neque obstat quod ex Pedio Paulus refert in l. 16. hoc tit. non esse æquum in casu proposito pro majori parte condemnationem fieri quam pro qua quisque dominus est; quoniam ibi non queritur utrum ex persona dominorum injuria æstimanda sit, an pro portione dominica; sed utrum id quod in fine legis præcedentis dictum erat, omnes dominos actionem habere, sic accipendum sit ut omnes habeant in solidum, an pro parte dominica dumtaxat; & responderetur, actionem

nem quidem omnes habere, sed non pro maiori parte quam pro qua domini sunt. Ex quo minime efficitur, in aestimanda ea pertione personam & qualitatem dominorum non simul spectari; immo verba Pauli contrarium arguunt, cum portiones officio judicis aestimari dicit.

TEXTUS.

De servo fructuario.

3. Quodsi ususfructus in servo Titii est proprietas Mævii, magis Mævio injuria fieri intelligitur.

Vid. l. 9. tit. 9. Part. 7.

COMMENTARIUS.

Si servo injuria facta sit in quo unus proprietatem alter usumfructum habet, magis est ut proprietario injuria facta intelligatur quam ei qui habet usumfructum, d.l. 15. §. 47. de injur. Quod enim ususfructus alienus est, id non efficit quo minus res tota adhuc nostra esse dicatur, l. 25. de verb. sign. sed hoc obtinet in re dubia servoque atroci injuria affecto. Nam si aperte in contumeliam usufructuarii verberatus sit, usufructuario injuriarum actio datur, d.l. 15. §. pen. de injur.

TEXTUS.

De eo qui bona fide servit.

6. Sed si libero homini qui tibi bona fide servit injuria facta sit, nulla tibi actio dabitur sed suo nomine is experiri poterit, nisi in contumeliam tuam pulsatus sit; tunc enim competit & tibi injuriarum actio. Idem ergo est & in servo alieno bona fide tibi serviente, ut toties admittatur injuriarum actio quoties in tuam contumeliam injuria ei facta est.

Vid. ll. 9. & 10. tit. 9. Part. 7.

COMMENTARIUS.

Siis qui nobis bona fide serviunt injuria facta sit, siquidem liberi sunt nulla nobis actio competit, sed ipsi suo nomine experiri possunt; sin servi alieni, dominus injuriarum agit. Sed & hic si in contumeliam nostram pulsati sunt, non domino sed nobis actio datur, d.l. 15. §. 47. & pen. de

Tom. II.

injur. His consequens est, ut si famulo, mercenario, procuratori vel subdito alicujus injuria facta sit, dominus ex hac injuria non aliter agere possit quam si in ejus contumeliam illata sit, verbi causa mandata ejus exponentibus vel exequentibus. Gomez 3. res. 6. n. 6. Schneid. hic n. 2. Tuld. cap. 9.

TEXTUS.

Poena injuriarum ex lege XII. tabb.
& ex jure prætorio.

7. Poena autem injuriarum ex lege XII. tabb. propter membrum quidem ruptum talio erat; propter os vero fractum nummariae poenæ erant constitutæ, quasi in magna Veterum paupertate. Sed postea prætores permittebant ipsis qui injuriam passi sunt eam aestimare, ut iudex vel tanti reum condemnaret quanti injuriam passus aestimaverit, vel minoris, prout ei visum fuerit. Sed poena quidem injuriæ quæ ex lege XII. tabb. introducta est in desuetudinem abiit; quam autem prætores introduxerunt (quæ etiam bonaria appellatur) in judiciis frequentatur. Nam secundum gradum dignitatis viæque honestatem crescit aut minuitur aestimatio injuriæ: qui gradus condemnationis & in servili persona non immerito servatur, ut aliud in servo actore, aliud in mediis actus homines, aliud in vilissimo vel compedito ejus aestimatio- nis constituantur.

L. 21. tit. 9. Part. 7.

COMMENTARIUS.

1. Que quarum injuriarum poena ex lege XII. tabb.

2. Instituto prætorum quomodo injuriæ vindicantur.

1. **I**njuriae & legibus coëcentur & edi-
cto prætoris. Lex antiqua XII. tabb. de omni injuria nominatim cavit: de carmine seu libello famoso, de membro rupto, de esse fracto, deque ceteris injuriis omnibus quæ vel verbis fiunt, vel manu extra membra ossisive ruptionem, ut constat ex Gellio lib. 20. no. 1. & Paulo lib. 5. sent. 4. De poena famosi libelli dictum superius §. 1. hoc tit. Ob membrum ruptum lex pecuniam talionis constituit: ob os fractum pecuniariam, ut & ob reliquas injuriias leviores, quas quinque & viginti assibus sanxit; nam atrociores, ut

Pp

ut de osse fracto, impensiore damno vindicasse, pecuniario tamen, idem eodem loco Gellius testatur; cui & Justinianus consentit, sed neuter suminam exprimit. Putat Hotomannus hujusmodi injuriam in homine libero trecentis assibus, in servo centum & quinqaginta vindicatam; alii tot sestertios poenæ fuisse autumant. Sed non est quod de eo solliciti simus; quoniam poenæ legis XII. tabb. diu exoleverunt, aliaque poena à prætoribus substituta est, de qua mox videbimus. Ceterum & lex Cornelia quæ manu sunt injurias coerget. Vid. §. seq.

Talio erat] Talio similem seu reciprocam perpessionem significat. Imperatores dixere reciprocam poenam, l. 3. *C. Theod. de exhib. reis.* Itaque per talionem parem vindictam lex permittit: quod etiam legi Mosaicæ consentaneum est, *Exod. 21. Levit. 22. Deut. 15. Joseph. antiq. 4. cap. 6.* Insectatur hanc poenam ut iniquam nimisque acerbam, & cujus executio ne procedere quidem possit, Phavorinus Philosophus apud Gell. lib. 20. cap. 1. Cui occurrens Sextus Cæcilius ait, necesse non fuisse ut reus talionem pateretur nisi eam ipse elegisset; quippe qui ex lege facultatem pacisendi habuerit. Sed & talionem ipsam, si reus depacisci nollet & acerbitatem talionis metueret, ad aestimationem pecuniariam arbitrio judicis redigi necessariò solitam. Nam si reus qui depacisci noluerat judici talionem imperanti non parebat, aestimata lite in pecuniam datum; atque ita si reo & pactio gravis & acerba talio visa fuerat, se veritatem legis ad pecuniae multam redisse. Verba legis hæc sunt: *Si membrum rupit, numerum eo pacis, talio esto, testibus Gellio, d. loc. & Festo in verbo Talio.*

Propter os fractum] Singula ossa membrum non constituunt. Nam, verbi gratia, caput quod unum membrum numeratur complura & varia ossa habet. Itaque os frangi etiam sine membris rupture potest.

Nummarie pena] Ut & ob ceteras injurias minus atroces; sed poena ossis fracti longe gravior erat quam reliquarum, quæ tantum viginti quinque æris fuit, ut supra demonstravimus.

In magna Veterum paupertate] His verbis Tribonianus innuere videtur poenas illas nummariae non fuisse valde graves; ceterum magnas satis Veteribus visas in magna rei nummariae penuria. Unde D. Tuldenus se aliquando respondisse refert, mulctas quæ antiquis uibium Belgicæ constitutionibus adversus

percutientes aut vulnerantes aliquem diriguntur, hodie non obtinere. Nam apud majores nostros ut aliarum rerum beatam & facilem copiam, ita nummorum longe quam hodie minorem fuisse. De maximo veterum Romanorum sub Servio Rege censu vid. Dion. Halicarn. lib. 1. Gell. lib. 11. cap. 1. Plin. lib. 18. cap. 3.

Sed postea prætores] Injuriarum poena institutio prætorum prius ei cui facta est, deinde arbitrio judicis aestimanda permittitur; ut scilicet is qui injuriæ est affectus, ita dicat *Injuriam mihi factam centum aureis estimo*, judex deinde moderetur & refuet taxationem actoris. Hac poena recepta legitima ab usu recessit. Q. Labeo apud Gellium d. lib. 20. cap. 1. refert, fuisse quemdam Lucium Veratum hominem insigniter improbum, qui pro delectamento habebat os hominis liberi manus suæ palma verberare: eum secutum servulum crumenam assium plenam portitantem, & quemcumque depalmaverat ei numerari statim secundum leg. XII. tabb. 25. asses jubebat. Propterea, inquit, prætores hanc poenam abolescere & relinquere censuerunt, injuriisque aestimandis recuperatores se daturos edixerunt.

Secundum gradum dignitatis vitæque honestatem] Aestimatio injuriæ pro ratione personæ cui facta est elationem submissionemve accipit; idque in persona servi quoque locum habere tradit hic Justinianus: nimirum injuriam etiam servo factam pro honestate aut vilitate muneric cui à domino præpositus est aut vitæ morumque pluris aut minoris aestimari; majorem enim domino injuriam fieri intelligi in servo bonæ frugi, in dispensatore, quam in male noto, in mediastino aut qualiali, l. 15. §. 44. hoc tit.

TEXTUS.

De lege Cornelia.

8. *Sed & lex Cornelia de injuriis loquitur & injuriarum actionem introduxit, quæ competit ob eam rem quod se pulsatum quis verberatumve vel dominum suam vi intristam esse dicat. Domum autem accipimus sive in propria domo quis habiter sive in conducta, sive gratis sive hospitio receptus sit.*

COMMENTARIUS.

Ex lege Cornelia criminale quidem injuria-
rum

rum judicium, sed non publicum constitutum fuisse.

TRes sunt causæ ex quibus etiam lex Cornelia actionem injuriarum dedit, quod quis pulsatus, verberatusve, domusve ejus vi introita sit, *i. s. hoc tit.* Nam etsi actio prætoria ad omnes injurias pertinebat, tam quæ manu, *i. 1. §. 1. & 2. eod.* quam quæ verbis fiunt, eam tamen non nisi civiliter instituere licebat.

I. Ex lege autem Cornelia criminale judicium constitutum est; quamquam postea receptum ut ex ea lege civiliter quoque agi possit, *i. 37. §. 1. eod.* Publicum fuisse judicium quidam putant, sed hoc refellit *lex 42. §. 1. de procur.* & quod generaliter traditum est in *i. 7. C. hoc tit.* causam injuriarum non publici judicii sed privati querelam continere; ideoque nec inter publica judicia vel in *i. 1. de publ. iust.* vel in *tit. ult.* bujus libri numeratur. Utique ex eo quod in *lege 12. in fin. de accus.* mentio fit legis Corneliae injuriarum, non continuo evincitur judicium illud publicum fuisse, executionemque injuriæ tamquam delicti publici patuisse omnibus, quod est proprium judiciorum publicorum. Legem hanc tulisse videtur. L. Cornelius Sylla, quo tempore Rempub. constituebat bello civili & cædum impunitate ac proscriptione jactatam.

Pulsatus vel verberatus] Oñilius scribit, *verberare esse cum dolore cædere, pulsare sine dolore, d. 1. s. §. 1. hoc tit.* Latinæ autem linguae consuetudinem qui spectat facile observavit differentiam illam non perpetuo servari. Vinn. Aliquando tamen & veteres auctores distinguunt *rō pulsare & rō verberare*, tamquam minus & majus. Vid. vir.cl. Car. Andr. Duker. *vet. fCt. p. 147.* HEIN.

Domum autem accipimus] In lege Cornelia domus nomine etiam conducta & precaria & hospitalis intelligitur, *d. 1. s. §. 2.* unde hæc descripta sunt. Denique ad domos omnes lex pertinet in quibus quis non momenti causa inhabitat, licet ibi domicilium non habeat; tantum enim ad meritoria vel stabula non pertinet, *d. 1. s. §. 5. eod.*

TEXTUS.

De æstimatione atrociis injuriæ.

2. *Atrox injuria æstimatur vel ex facto, veluti si quis ab alio vulneratus sit vel fustibus cæsus; vel ex loco, veluti si cui in theatro vel*

in foro, vel in conspectu prætoris injuria facta sit; vel ex persona, veluti si magistratus injuriam passus fuerit, vel si senatori ab humili persona injuria facta sit, aut parenti patronove fiat à liberis vel libertis. Aliter enim senatoris & parentis patronique, aliter extranei & humili personæ injuria æstimatur. Nonnumquam & locus vulneris atrocem injuriam facit, veluti si in oculo quis percussus fuerit. Parvi autem refert utrum patrifamilias an filiofamilias talis injuria facta sit; nam & hæc atrox injuria æstimabitur.

L. 20. tit. 9. Part. 7.

COMMENTARIUS.

t *Pœna injuriæ magistratui, officiali aut appratori factæ quatenus extendantur ex sententia Interpretum.*

INJURIA quædam levis est, quædam atrox. Quæ sit injuria levis ex descriptione atrocis simul intelligetur. Atroxem injuriam accipimus quasi contumeliosiorem & majorem, *i. 7. §. 7. hoc tit.* eaque vel specie talis est, reque ipsa & facto; vel ex circumstantiis, loco, tempore, persona tum facientis, tum patientis talis habetur, quamvis per se atrox non sit, *d. 1. 7. §. ult. cum legg. seqq.* Atque ex his causis injuriæ æstimatio augeri potest, & pœna judicis arbitrio exasperari. Exemplis res illustratur in textu.

Vel ex facto] In æstimanda atroci injuria primùm tactum perpenditur, veluti si vulnus illatum sit, si quis fustibus cæsus, aut cui os percussum, *d. 1. 7. in fin.* vel si vestimenta scissa, aut insigne alicui convitum factum &c. *i. 9. fere per tot. hoc tit.* Itaque pro atroce & illa habenda quæ fit malo carmine. *Liban. orat. 2. ad Theod.*

Vel ex loco] Secundo æstimatur atrocitas injuriæ ex loco in quo sit, veluti si in theatro alicui injuria fiat, quantumvis per se non atrox. Nam in tanta celebritate vel qualiquali contumelia aliquem afficere facinus est indignissimum. Idem ergo dicendum est de foro & similibus locis, *hoc text. & d. 1. 9. §. 1. hoc tit.* & denique si injuria facta sit ludis aut in conspectu magistratus: quæ ad circumstantiam temporis referuntur in *d. 1. 7. §. ult. eod.*

Vel ex persona] Postremo & personæ reverentia atrocem injuriam facit: veluti si ei inferatur qui est in sacerdotio & dignitatis habitum atque ornamenta præfert, *i. 4. C. hoc tit.*

tii, vel si liberi aut liberti parentem patro-
nunive injuriā afficiant, vel de plebe aliquis
senatorem virumve ob sapientiam & virtu-
tem venerabilem, aut si magistratui injuria
fiat, hoc text. & d. l. 7. §. ult. Tertullianus de
anima: Gravis injuria in presidem est cum of-
ficia pulsantur: plus cæditur qui jubet quando
nec qui obsequitur excusat.

1. Hanc autem injuriam etiam capitali poena posse conipisci censem D. cius in cap. 1. l. x. de constit. Menoch. de arbitr. cas. 263. quamquam alii interesse putant, utrum magistratui ut cuilibet, an qua magistratui, id est ad turbandum administrationem officii, aut in ultiōem condemnationis rite per eum irrogaret, aut ad seditionis initium incitamentumque quis injuriam inferat: id enim in seditionem cedere aut in legem Julianam de vi publica, cujus poena est deportatio, ll. 3. & 10. per tot. ad leg. Jul. de vi publ. quibus assentior. Vide Tuld. tit. C. de pœn. Offendens apparitorem siye principis sive senatus sive alterius domini aut judicis inferioris gravissime puniendus est; quod ea res ad publicam utilitatem tuendamque magistratum jurisdictionem pertineat. Sed tamen ex causa aliter atque aliter statui solet. Vid. Ant. Fab. Cod. suo hoc tit. defin. 6.

Locus vulneris] Interdum atrox injuria censetur ex loco iictus, veluti si quis in oculo percussus fuerit, l. 8. hoc tit. Nam oculi, ut Plin. lib. 11. cap. 37. ait, sunt pars corporis pretiosissima, qui lucis usu vitam distinguunt à morte, ὅφθαλμος τέρπον αἴσιος Βίος εγγάζεται (privatio oculorum vitam vitalem esse non sinit.) Basil. orat. 36. Sed hæc species ad primam referri potest, quæ scilicet ipso facto atrox est.

Utrum patrisam. an filiofam.] Utrum injuria patri an filiofam facta sit ad augendam aut minuendam injuriæ estimationem nihil interest, d. l. 9. §. 2. hoc tit. Cujus rei hac ratio esse videtur, quod patris aut filiofam, nomen non est nomen dignitatis.

TEXTUS.

De judicio civili & criminali.

10. In summa sciendum est, de omni injuria eum qui passus est posse vel criminaliter agere vel civiliter. Et si quidem civiliter agatur, estimatione facta secundum quod dictum est pœna reo imponitur. Sin autem criminaliter, officio judicis extraordinari a pœna reo irrogatur. Hoc videlicet observando, quod Zenonia-

na constitutio introduxit ut viri illustres quique super eos sunt & per procuratores possint actionem injuriarum criminaliter vel persequi vel suscipere secundum ejus tenorem, qui ex ipsa manifestius appetet.

COMMENTARIUS.

- 1 Actionem ad palinodiam, jure civili incognitam, civilem esse non criminalem.
- 2 In actione criminali pœnam extra ordinem constituit: civili electa banc consumi, & contra.
- 3 Civiliter conventus qua ratione infamiam effugiat: ubi quedam consuetudine recepta.

Quemadmodum de furto aliisque maleficis non tantum civiliter agi potest sed etiam criminaliter, l. ult. de furt. l. ult. de priv. delitt. ita etiam de quavis injuria, hoc text. & l. ult. de injur. In actione civili postulat actio ut reus in tantam summam condemnetur quantum ipse injuriam estimat. Ceterum judex eam estimationem moderari potest, si forte modum excedere actor videatur nec ex vero rem metiri, sed, ut plerunque fit, ex nimio amore & opinione sui, nebulam hic etiam objiciente iracundia, §. 7. sup. huj. tit. Hæc autem pœna uti pecuniaria est, ita ipsi applicatur atque adjudicatur auctori. Et ideo hæc actio opposita criminali civilis dicitur, quavis prætoria sit ratione causæ efficientis.

1. Porro quoniam opinione vulgi convitiis maledictis atque exprobationibus honor & fama alterius laidi creditur, & per revocationem opprobrii restitui: ex hoc errore nata videtur actio ad palinodiam seu recantationem, quæ cum actione injuriarum, qua multæ pecuniaria petitur, nunc ex more seu stylo conjungi & cumulati solet. Nam jure civili Romanorum ea actio incognita est, Vir cl. Ant. Matth. ff. ad hunc tit. cap. 3. n. 7. VENN. Lege 1. tit. 12. lib. 8. Recop. non omni convitio, sed solum illato verbis contumeliosis quæ d. lege 1. continentur pœna palinodie est imposita, & pecuniariæ superaddita. Excepuntur ab hac pœna Nobiles, qui ad revocationem seu recantationem non coguntur, licet acriori multæ coercantur. Instituti ratio nos vetat ire per omnia. Adeundus Petr. Avend, qui singulari tractatu d. legem 1. commentatus est. ADDIT.

2. Criminalē hanc esse actionem contendit Marant. part. 4. diss. 1. n. 10. Sed falso. Neque enim in hoc instituitur at vel corpori pœna infligatur, vel quidquam applicetur fisco; sed

sed tantum ut honori & existimationi ejus qui Iesus est consulatur, & alioqui cumulatio ista non admitteretur. Myns. 2. obs. 98. Gail. 1. obs. 65. Wurmser. 1. præf. tit. 47. obs. 8. Criminali actione possit vindicta in exemplum publicum, atque extra ordinem ex causa & persona arbitrio judicis poena constituitur, reusque coercetur vel in corpus vel interrogatione multæ, non parti, ut sit in judicio civili, sed fisco applicandæ, hoc text. d. l. ult. de injur. Utram autem ex his persecutionibus actor elegerit, una alteram consumit; quia utraque ad eundem finem, id est ad vindictam comparata est, II. 6. §. 1. ff. eod. l. unic. C. quand. civil. act. crim. & ibi Bart. n. 2. Gail. d. obs. n. 1. Marant. d. dist. n. 5. Matth. d. loc. n. 8.

3. Sed & utroque judicio condemnatum sequitur infamia, l. 7. in pr. hoc tit. II. 1. §. 4. ff. ult. de bis qui not. inf. l. 18. C. eod. quam tamen evitare reus civiliter conveniens poterit si curet ut per procuratorem defendatur, l. 6. §. 2. d. tit. facit ratio in l. 1. C. de sent. & interl. Addunt vulgo Interpretes, si ante sententiam definitivam aut utique ante item contestatam estimationem injuria solverit, aut auctore nolente recipere apud acta deposuerit, arg. l. 73. de procur. Gail. 2. obs. 102. n. 12. §. obs. seq. per tot. Wurmser. d. tit. 47. obs. 5. n. 7. Wesemb. parat. de bis qui not. infam. n. 9. Christin. vol. 4. decis. 202. n. 26. Quod nescio an juri nostro consestaneum sit. Nam textus in d. l. 73. de procur. commode accipi potest de iis qui tantum damnati infames sunt, non etiam qui & paci, ut in causa injuriarum; cum etiam plus sit solvere quam pacisci, arg. l. 4. §. ult. cum leg. seq. junct. l. 7. de bis qui not. inf. Illud quoque non ex ratione juris sed consuetudine receptum est, ut judex ex causa sententiâ sua honorem condemnato conservare possit. Gail. 1. obs. 65. n. 6. Wesemb. cons. 22. n. 26. Marq. Freher. de existim. lib. 3. cap. 8. & seq. Christin. vol. 4. n. 20. decis. 202. Evidem non ignoro juris esse ut gravior poena ultra legem imposita existimationem conservet, quasi sententiâ de existimatione transactum sit, l. 13. §. gen. ff. de bis qui not. infam. l. 4. C. eod. Ceterum si sententia poenam ordinariam non excedat valet legis auctoritas, l. 1. §. 4. ad senat. Turp. & regula tradita in lege 63. de furt. Zas. in l. 45. §. 1. de rejud. Donell. 18. comm. 8.

Kiri illustres & per procuratores] Ad action-

nem civilem quod attinet, agere quis injuriarum & per se & per procuratorem potest, l. 11. §. 2. hoc tit. criminaliter non potest nisi per se, propter inscriptionem in crimen. Ceterum Zeno constitutione sua illustribus veluti consulibus & patriciis & superillustribus personis specialiter permisit ut injuriarum judicium per procuratorem etiam criminaliter vel suscipere vel movere possint, l. uit. C. hoc tit.

TEXTUS.

Qui tenentur injuriarum.

II. Non solum autem is injuriarum tenetur qui fecit injuriam, id est qui percussit; verum ille quoque tenetur qui dolo fecit injuriam, vel qui procuravit ut cai mala pugno percussentur.

L. 10. in fin. tit. 9. Part. 7.

COMMENTARIUS.

Actio injuriarum non solum adversus eum datur qui re ipsa injuriam fecit, verum adversus eum quoque qui subornavit aliquem ut faceret, l. 11. pr. hoc tit. putat mandando, instigando, consilium dando, d. l. 11. §. 3. Adde quæ notamus ad §. 7. Inst. sup. de mand.

TEXTUS.

Quomodo tollitur hæc actio.

12. Hæc actio dissimulatione aboletur; & ideo si quis injuriam dereliquerit, hoc est statim passus ad animum statim non revocaverit, postea ex pœnitentia remissam injuriam non poterit recolare.

L. 22. tit. 9. Part. 7.

COMMENTARIUS.

- 1 Remissa injuria abduc peti posse impensos &c.
- 2 Cur dissimulatione injuria aboleatur.
- 3 An idem obtineat & in reali injuria.
- 4 Plures species tacite remissionis.
- 5 Annus in actione injuriarum utilissime intelligendus an continuus & ex quo tempore currit.

6 Actionem injuriarum ex lege Cornelii perpetuam esse.

Injuriarum actio tollitur remissione injuria; eaque vel expressa, puta si quis cum adversario paciscatur de lite aut transigat: quod in actionibus quae ex contractu proficuntur facere licet etiam absque infamie nota, l. 7. hoc tit. atque hoc modo ipso etiam jure haec actio tollitur, l. 17. §. 1. l. 27. §. 2. de paet. l. 17. §. 6. hoc tit. Quin & absente atque ignorantie adversario injuriam remitti posse censent juris nostri Interpretes.

1. Ceterum remissa injuria nihilominus peti possunt impensa curationis & pretium intermissarum operarum, si forte vulnus illatum, membrum aut os fractum; quippe quae ob damnum, non ob contumeliam debentur, l. 15. §. 46. eod. Clar. lib. 5. §. fin. quest. 58. n. 38. Covarr. 2. resol. 10. n. 7. Gomez 3. res. 3. n. 37.

2. Vel tacita, veluti si quis sine ullo offendit aut commoti alienative animi indicio injuriam exceptit, ut hic docet Justinianus ex Ulpiano in d. l. 11. §. 1. hoc tit. ubi Juriconsulus ait injuriarum actionem ex bono & aequo esse, & dissimulatione aboleri si quis injuriam illatam statim ad animum non revocaverit. Quibus verbis significat dissimulationem esse speciem quandam condonationis & remissionis injuria; iniquum autem esse repeti quod semel remissum est. Et profecto cum actio injuriarum non persecutatur damnum al quod pecuniarium sed tantum ad vindictam tendat: is qui dissimulat, nec ad animum injuriam revocat, eam insuper habere videtur & tacite condonare ac remittere; atque hinc est quod clausula haec libello inseri solet, quod actor injuriam sibi factam ad animum revocavit.

3. Hoc autem obtinere quidam volunt in injuria verbali dumtaxat. In reali vero, puta si vulnus inflictum, si quis fustibus cæsus, conjecturam illam non sufficere. Tuldén. bīc cap. ult.

4. Dissimulationis quoque & tacite remissionis species quedam videtur si quis cum eo a quo injuria affectus est familiariter postea fuerit conversatus. Clar. §. 13. n. 10. Damhoud. prax. crim. cap. 136. n. 10. Utique si sponte & motu proprio. Nam verbi

causa, si ad commune convivium vocatus cum adversario venerit, non ideo censetur remissa injuriarum actio. Item si injuriam passus lite non instituta decesserit; nam ideo herediti ejus non dari, cum cetera actiones poenales etiam heredibus competant, l. 13. in pr. hoc tit. §. 1. Inst. infr. de perp. & temp. act. Et denique si tempus instituendæ huic actioni praefinitum elabi passus sit, annum nimurum unum, l. 17. §. 6. in fin. ff. hoc tit. l. 5. C. eod.

4. Utrum autem hic annus continuus sit, an utilis, ambigitur. Continuum intelligi debere communis DD. schola existimat, Clar. d. §. 13. n. 9. Myns. 3. obs. 7. quæ sententia etsi usu forensi recepta est, de jure tamen virior videtur eorum qui utili accipiunt, per text. in l. 14. §. 2. quod met. caus. & facit quod in ceteris prætoriis annualibus annus utilis intelligitur, ut constat ex editis quibus proponuntur. Dicitur autem tempus utile, tum ratione decursus, ut in eo non computentur dies quibus experiundi aut judicis adeundi potestas non est, l. 1. in fin. de divers. & temp. præscr. l. 3. §. ult. de accus. tum ratione initii, quod non incipiat currere ignorantis aut experiri impedito, d. l. 1. de div. & temp. præscr. l. 2. quis ord. in bon. poss. atque hoc saltem respectu utilem hic annum accipendum, qui à die scientiæ demum currat, contra Oldend. class. 7. act. 10. Schneid. ad §. 8. hoc tit. & alios quosdam recte docent Gail. 2. obs. 105. Myns. 5. obs. 7. n. 7. Fachin. 9. contr. 8. Christin. vol. 4. decis. 202. n. 8. 9. & 10.

6. Plane quod dicimus actionem injuriarum anni spatio finiri, id tantum pertinet ad actionem prætoriam; nam eam quæ ex lege Cornelii injuriarum competit verius est perpetua esse, uti sunt & cetera quæ ex legibus & jure civili descendunt, inf. tit. Inst. de perp. & temp. act. in pr. Clar. d. §. 13. n. 9. Marant. par. 4. distind. 1. n. 59. Fachin. 9. contr. 7. Myns. 1. obs. 84. & 5. obs. 7. Gail. 2. obs. 105. Wurmser. tit. 47. de injur. obs. 1. dec. Cur. Holl. 13. D. Joann. à Sande lib. 5. tit. 8. defin. 3. Non obstat huic sententiae lex 5. C. hoc tit. nam illa non de omni injuria loquitur sed de verbali dumtaxat, quo nomine constat ex lege Cornelii injuriarum agi non posse.

TITULUS V.

DE OBLIGATIONIBUS QUÆ QUASI EX DELICTO NASCUNTUR.

*Dig. lib. 47. tit. 5. Cod. lib. 9. tit. 3.**Continuatio. Quid sit quasi maleficium & unde ita dictum.*

Quarta & ultima obligationis causa est quasi maleficium, de quo exponendi hic solus locus superest. Quasi maleficium est, omne factum quo quis proprie quidem dici non potest delinquisse, sed tamen quod maleficio est proximum. Etenim ut quedam sunt negotia quæ licet revera contractus non sint, tamen ad fines contractuum proxime accedunt, & ideo quasi contractus nominantur: ita quedam etiam sunt facta quæ quamvis proprie in speciem aliquam delicti non cadant, tamen similitudine quadam ad delicta proprius accedunt quam ad contractus: quæ ideo nostri quasi maleficia & quasi delicta appellaverunt: quorum quatuor species hoc fit, proponuntur & explicantur.

TEXTUS.

Si judex litem suam fecerit.

Si judex litem suam fecerit, non proprie ex maleficio obligatus videtur; sed quia neque ex maleficio neque ex contractu obligatus est, & utique peccarse aliquid intelligitur, licet per imprudentiam: ideo videtur quasi ex maleficio teneri, & in quantum de ea re æquum religioni judicantis videbitur pœnam sustinebit.

L. 24. tit. 22. Part. 3.

COMMENTARIUS.

- 1 *Cur judex per imperitiam male judicans non æque ex delicto obligetur ac medicus male curans? & circa hoc mores hodierni.*
- 2 *Cur, adversus quem, qua de re ex hac causa actio detur.*
- 3 *Dolus judicis quomodo puniatur.*

Species quasi maleficii, & prima ex iis quæ hoc titulo proponuntur, est si judex male per imprudentiam judicaverit, quo etiam hoc factum retinet Gajus *l. 5. §. 4. de obl. & act. l. ult. de extr. cogn.* unde ad

verbum hic locus descriptus est. Ajo, per imprudentiam; nam dolo malo interveniente verum id delictum est. Dices, & per imprudentiam sive imperitiam aliquem lèdere verum esse delictum, quippe cum sit culpa; ideo enim medicum male per imperitiam se cantem aut curantem ex vero delicto obligari & teneri lege Aquilia, *§. 7. Inst. sup. de leg. Aquilia.*

1. Cur igitur non item dicimus judicem perperam per imprudentiam judicantem ex vero delicto obstringi, sed tantum quasi ex delicto? Nimirum quia medici periculosam imperitiam delicto subjicit temeraria professio scientiæ; Judex autem non professione jurisprudentiæ censetur, sed publica auctoritate constituitur, etiam invitus. Etenim imperitia per se culpa non est; sed in eo qui peritiam alicujus rei profitetur in ea re culpe adscribitur, *l. 9. §. pen. l. 13. §. 5. locat.* Denique casus hic separatus est à lege Aquilia, qua damnum corpori datum dumtaxat coércentur, *§. ult. Inst. sup. de leg. Aquil.* Moribus hujus ævi neque errata medicorum in judicium vocari solent, ut alibi quoque notavimus; neque judex ex sententia sine dolo malo tantum per imperitiam prolata tenetur; sed iniqüitati sententiæ occurrentum est remedio appellationis: testis D. Tulden. *hic cap. 1. & Joseph. Ludovic. decis. l. n. 50. Baro comment. part. ult. Bugnon. lib. 1. de leg. abrog. satyr. 2. & 124. add. Papon. lib. 16. tit. 2. arrest. 12. 13. 14. VENN.* In Hispania hunc textum adhuc observandum vulgus Interpp. nostrorum tradit; excipiunt tamen Regios Conventus. Vid. Pichard, *hic n. 30. ADDIT.*

Litem suam fecerit] Litem suam facere judex male judicando ideo dicuntur, quia pericolo litis se obstringit causamque ejus secundum quem pronuntiatum est suscipere cogit, & quasi suam defendere. In summa, quia ex judice fit reus. Cicero *2. de orat. cap. 75. Quid si cum pro altero dicas litem tuam facias?* &c.

Licet per imprudentiam] Judex male judicando litem suam facit, non tantum cum dolo malo inique decernit, sed etiam cum imprudenter; sed illo casu ex vero, hoc ex quasi delicto obligatur, *d. l. 5. §. 4. de obl. & att. l. ult. de extr. cogn. l. 15. §. 1. de judic.*

Aequum religioni judicantis] Judex qui per imprudentiam male judicavit tenetur quasi ex maleficio actione in factum, & in id quod ob eam rem aequum judici videbitur condemnatur salva existimatione, *d. l. ult. de extr. cogn.*

2. Hæc actio iis constituta est qui ea sententiâ læsi sunt, proinde actori si reus inuste absolutus est, reo si injuriâ est condemnatus: quod ex fine hujus actionis intelligitur, quippe quæ comparata est damni sarcendi causâ; aliis autem sarciri non potest quam quibus datum est. Ei qui remedio appellationis utitur, quod hodie in casu proposito necessarium est, non est aequum adversus judicem à quo appellavit hanc actionem dari.

3. Dolus judicis ut verum & infame delictum severius vindicatur; nam qui *τίνεια μαίαντος δάγκως* (*donis manum conspurcans*) ligatione, odio, vel gratiâ depravatus inquam sententiam dixisse arguitur: & famæ dispendium patitur, & veram litis estimationem ei quem læsit præstare cogitur, *l. 15. §. 1. ff. de judic. l. ult. C. de pœn. jud. qui male jud. Acceptio pecunia etiam reum legisJuliaæ repetundarum facit, ll. 3. & 4. de leg. ful. rep.*

TEXTUS.

De dejectis vel effusis, & positis aut suspensis.

1. Item is cuius ex coenaculo vel proprio ipsius vel conducto, vel in quo gratis habitat dejectum effusumve aliquid est ita ut alicui noceret, quasi ex maleficio obligatus intelligitur. Ideo autem non proprio ex maleficio obligatus intelligitur, quia plerumque ob alterius culpam tenetur, aut servi aut liberi. Cui similis est is qui ea parte qua vulgo iter fieri solet id positum aut suspensum babet quod potest si ceciderit alicui nocere. Quo casu pœna decem aureorum constituta est. De eo vero quod dejectum effusumve est dupli quantum danni datum sit constituta est actio. Ob hominem vero liberum occisum quinquaginta aureorum pœna constituitur. Si vero vivat, nocitumque ei esse di-

catur, quantum ob eam rem aequum judici videtur actio datur. Judex enim computare debet mercedes medicis præstitas, ceteraque impendia que in curatione facta sunt; præterea operas quibus caruit aut cariturus est ob id quod inutilis est factus.

LL. 25. & 26. tit. 15. Part. 7.

COMMENTARIUS.

Secunda species quasi maleficii est, non præcavere ne quid à domesticis temere ex coenaculo aut ædibus dejiciatur aut effundatur quod transeuntibus nocere possit, *l. 5. §. pen. de obl. & adl.* Unde si quid dejectum effusumve alicui nocuit, constituta est à prætore actio adversus eum qui in eo coenaculo habitat unde is casus prodiit, *l. 1. & passim de bis qui dej. vel effud.*

Vel proprio ipsius vel conducto] Utrum coenaculum proprium aut conductum, aut gratuito concessum sit nihil interest. Nam hæc actio in eum datur qui inhabitat cum quid dejiceretur vel effunderetur, non in dominum ædium. Habitare autem dicimus vel in suo, vel in conducto, vel gratuito. Hospes plane non tenebitur, quia non ibi habitat sed tantisper hospitatur; sed is tenetur qui hospitium dederit. Multum autem interest inter habitantem & hospitem, inter domicilium habentem & peregrinantem. Si plures in eodem coenaculo habent unde dejectum est in quemvis hæc actio in solidum dabitur; sed si cum uno actum fuerit ceteri liberabuntur, *d. l. 1. §. pen. & ult. ll. 2. 3. & 4. de bis qui dej. vel effud.* Si de navi dejectum sit dabatur utilis actio in eum qui navi præpositus est, *l. pen. §. ult. eod.*

Dejectum effusumve] In eum scilicet locum quo vulgo iter fit vel in quo consistitur. Quod merito prætor edixit; quippe cum publice intersit sine metu & periculo per itineraria comeari. Ad secreta igitur loca hoc dictum non pertinet; ceterum nihil interest utrum publicus locus sit an privatus, dummodo per eum vulgo iter fiat, *d. l. 1. in pr. §. 1. & 2. de bis qui dej. vel effud.*

Ideo non proprio ex maleficio] Cujus ex ædibus quid dejectum est quod alicui nocuit, is proprio dici non potest ex maleficio obligatus, quia plerumque ob factum & culpam alterius tenetur. Sed tamen quoniam non creditur prospicere & cavisse quod prospicere & cavere debebat, ne quid à domesticis, quorum

tum etiam culpam præstare debet, l. pen. §. 2. de his qui dej. dejiceretur, peccasse aliquid intelligitur, & ideo quasi maleficio tenetur. VInN. De dejectis & effusis & ante prætores cassis legem Aquilium existimat vir ampl. CORN. van Bynkersh. obs. 1. 13. immo ipsum caput legis Aquilia secundum ea de re egisse censet. Quæ si vera sunt (sunt autem verissimillima) eo majus robur accedit sententia eorum qui legem Aquilium & vera & quasi delicta vindicasse existimant. HBIN.

Positum aut suspensum] Tertia species quasi maleficis est, eo loco per quem vulgo iter fit aliquid positum aut suspensum habere, cuius casus prætereuntibus aut in eo loco consistentibus nocere possit, l. 5. §. 5. de obl. & act. Et adversus eum qui posuit aut positum patitur, puta inquilinum vel dominum, actio in factum in decem aureos datur, l. 5. §. 6. cum seqq. de his qui dejec. vel effud. Quæ actio popularis est, id est cuivis è populo conceditur, d. l. 5. §. ult. nam privata esse non potest, quoniam competit cum nondum cuiquam nocitum est,

De eo quod dejectum dupli] De dejecto aut effuso ita ut alicui noceret constituta est ei cui nocitum est actio in duplum damni dati, l. 1. in pr. d. tit. Hec igitur actio gravior est quam civilis ex lege Aquilia, quæ non nisi adversus inficiantem in duplum datur, §. 26. inst. de act. nimirum prætor securitati viarum & locorum publicorum sic melius prospectum iri existimavit. Datur adversus habitantem, ut supra dictum est; cui rursus consultur actione in factum adversus dejctorem, l. 5. §. 4. de his qui dej.

Ob hominem liberum occisum 50. aureorum] Cujus ex coenaculo dejectum quid hominem liberum occidit in eum judicium 50. aureorum datur, l. 1. in pr. d. tit. Damni estimatione hic non fit in duplum; quia in homine libero nulla corporis estimatio fieri potest, d. l. 1. §. 5. cod. eaque de causa actio ex hac parte editi popularis quoque est, & pecunia item occupanti attribuitur, d. l. 5. §. 5. cod. junct. l. 12. de verb. signif.

Si vivat nocitumque ei esse dicatur] Hæc verba editi, si vivat nocitumque ei esse dicatur, non pertinent ad damna quæ in rem hominis liberi facta sunt, si forte vestimenta ejus vel quid aliud scissum ruptumve est; sed ad ea quæ in corpus ejus admittuntur, d. l. 1. §. 6. de his qui dej. puta si vulneratus sit aut membro aliquo mutilatus: quo casu quantum æquum judici videbitur actio datur, d. l. 1. in pr.

quæ lasso perpetua est, aliis experiri voluntibus annua, d. l. 5. §. 5. In litis estimatione computantur sumtus curationis & operarum amissio; nam cum hujus damni causam dejector attulerit, æquum est ut id quoque in rationem inducatur, l. ult. d. tit. Poena dupli & 50. aureorum ob hominem liberum occisum exolevit. Vid. Groënev. d. legg. abrog. bīc, & ibi citatos; & adde quæ notavimus sup. ad. pr. n. 2. & §. 6. item ad §. 13. n. 2. de leg. Aquil. VInN. Et quæ nos ibidem monuimus. ADDIT.

TEXTUS.

De filiofamilias seorsum habitante à patre.

2. Si filiusfamilias seorsum à patre habitaverit, & quid ex coenaculo ejus dejectum effusumve fuerit, sive quid positum suspensumve habuerit cuius casus periculosus est, Julianus placuit in parrem nullam esse actionem sed cum ipso filio agendum esse. Quod & in filiofamilias judice observandum est qui item suam fecerit.

COMMENTARIUS.

1. *Cur in proposito in patrem de peculio actio non detur. Etn. 2.*

SI ex filiifam. seorsum à patre habitantis coenaculo quid dejectum effusumve fuerit, sive is positum suspensumve quid habuerit cuius casus nocere possit, non in patrem sed in ipsum filium judicium datur, l. 5. §. pen. de obl. & act.

1. In patrem de peculio ideo non datur, quia in specie proposita non ex contractu aut quasi ex contractu sed quasi ex maleficio filius obligatur, l. 1. §. 7. de his qui dejec. neque enim vel ob maleficium vel ob quasi maleficium filiifam. ullo modo cum patre agi potest: non actione noxali, §. ult. Inst. inf. de noxal. act. non de peculio, l. 58. der. reg. jur. Quippe pater filio peculium concedens præsumit quidem velle ex facto filii pro modo peculi obligari, ceterum non ex delicto aliove facto quod paenam meretur. Plane si judicio cum filio actum sit isque in certam summam condemnatus, jam pater quoque actione judicati de peculio conveniri potest, etiam ejus actionis nomine ex qua ante condemnationem filii de peculio actionem pati non potuit, l. 3. §. 11. de pec.

2. Quod & in filio fam. judice] Filius fam. iudex si litem suam fecerit, non pater sed ipse actione in factum tenebitur. *l. 15. de judic.* Cujus rei eadem ratio quam superiorius dicebamus; quoniam actio de peculio tum demum in patrem datur, cum filius ex contractu obligatus est; hic autem quasi ex delicto tenetur, ubi scilicet temere & imprudenter pronuntiavit. Quod si dolo malo, multo minus tenebitur pater, quia verum hoc delictum est. Quod autem Ulpianus scribit, in *d. l. 15. de judic.* qui litem suam fecit in tantam quantitatem pecuniae teneri quae tunc in peculio fuit cum sententiam dicebat: id quam rationem habeat fateor me ignorare. Consuli tamen poterunt Accurs. ad *d. legem*, Cujac 13. obs. 18. Ant. Fab. in rationalibus.

TEXTUS.

De damno aut furto quod in navi aut capona aut stabulo factum est.

3. Item exercitor navis aut caponae aut stabuli de damno aut furto quod in navi aut capona aut stabulo factum erit quasi ex maleficio teneri videtur, si modo ipsius nullum est maleficium, sed alicuius eorum quorum operâ navem aut caponam aut stabulam exercet. Cum enim neque ex maleficio neque ex contractu sit adversus eum constituta hic actio, & aliquatenus culpe reus est, quod operâ malorum hominum uteretur, ideo quasi ex maleficio teneri videtur. In his autem casibus in factum actio competit, quae heredibus quidem datur adversus heredem autem non competit.

L. 7. tit. 14. Part. 7.

COMMENTARIUS.

DE damno & furto quod in navi, capona, stabulo factum est, duæ actiones editio prætoris constitutæ sunt adversus eos qui navem, caponam, stabulum exercent; quarum una est ex contractu, altera quasi ex maleficio. Prior est de iis quæ nautæ, capones, stabularii à vectoribus aut hospitibus investi aut illata salva fore receperunt. Constituta est in id quanti ea res est quæ salva non restituitur. *l. 1. naut. caup. stab.* Ex eadem causa est & actio civilis ex locato aut conducto aut depositi; nec tamen ideo otiosa

est actio honoraria; quippe quæ etiam tunc locum habet cum damnum datum est aut res perit sine culpa ejus qui recepit, modo ne faro aut vi majore. *l. 3. §. 1. d. tit.* quo loco & d. *l. 1. §. 1.* etiam ratio redditur cur hic actio gravior quam in ceteris constituta sit: nempe ut innotesceret prætorem curam agere reprimendæ hoc genus hominum improbitatis. Hæc actio cum ex contractu descendat huc non pertinet: ad eam referendæ sunt interpretationes Veterum sub *d. tit. ff. naut. caup. stab.* usque ad *l. pen. §. ult.* Altera actio est ex quasi maleficio, si damnum aut furtum factum sit ab iis quorum operâ nautæ, capones, stabularii utuntur, *l. 5. §. ult. de obl.* & *act. d. l. pen. §. ult. naut. caup. stab.* quæ huc pertinet. Constituta est adversus easdem personas & de iis similiter quæ in navem, caponam, stabulum illata sunt. Ex quasi maleficio ideo esse dicitur, quia species culpæ habetur malorum hominum uti ministerio, *d. l. 5. §. ult. de obl. & action. & hoc text.* Quare si quid eorum factum sit à vectoribus aut viatoribus, quorum operâ exercitor non utitur, hæc ex quasi delicto actio locum non habet, *d. l. ult. §. 2. naut. caup. stab.* sed prior illa ex contractu, *l. 1. §. ult. l. 2. l. 3. in pr. eod.* poenalis est in duplum, *d. l. ult. §. 1.* quia prætor utilitatem hic etiam publicam spectavit, dura prospicit securitati iter facientium. Ceterum poena hæc dupli exolevit, ut & ceteræ similes.

Capona aut stabulo] Stabulum pro diversorio seu capona aut παρδοχειω, (publico hospitio) vel καταλιματι (diversorio) sape accipi satis notum est. In hoc autem editio, ubi prætor stabularios à caponibus distinguit, significat locum ubi jumenta stabulantur, *l. 5 ff. d. tit. ταπεῖων οἰκηῶν, ἀποτάσσων διοργάνων, (pecudum, equorum, jumentorum stabulum)* cujusmodi stabula fere caponis adjuncta sunt, & utraque ab uno exercentur.

In his casibus in factum actio] Hoc etiam ad casus præcedentes pertinet; nam quasi maleficia omnia subsidiariis in factum actionibus vindicantur.

Heredi quidem datur] *D. l. ult. §. 1. & ult. naut. caup. stabul.* Commune autem hoc est omnium actionum poenali quod heredibus quidem dentur sed adversus heredem non competant; neque enim æquum esset heredem ex delicto defuncti poenam sustinere. Vid. *infr. §. 1. Ins. de perp. & temp. action.*

TITULUS VI.

DE ACTIONIBUS.

Dig. lib. 44. tit. 6. Cod. lib. 4. tit. 10.

Continuatio.

TEXTUS.

Superest ut de actionibus loquamur.

COMMENTARIUS.

- 1 Ratio ordinis & continuationis.
- 2 Error veterum Iterpp. notatus.
- 3 Actio ut consideranda quatenus tertium juris objectum constituit.
- 4 Ex quo jure actiones proficiscantur, accurata dissertatio.
- 5 Actionis nomen quam late pateat.
- 6 Quot modis usurpetur a nostris; & quæ significatio buc pertineat.

Superest] Transitiō hæc imperfecta est, carrens epilogi præcedentium membrorum. Unde natus error Interpretum qui crediderunt Imperatorem respicere ad tractationem proxime præcedentem de obligationibus. Quod non ita est. Potuisset sane Tribonianus perfecta transitione uti, ut fecit initio lib. secundi & hujus item quarti; atque hic locus id vel maxime desiderabat, propter longam quæ intercessit antecedentium partium explicacionem.

1. Sed tamen ratio ordinis & continuationis partis sequentis non usque adeo obscura est quin facile ab homine non nimis lusciosi pverideri queat. Et nimur respicere Imperator tum ad partitionem propositam in calce tit. Inst. de jur. nat. gent. & civ. qui secundus est libri primi hujus operis, quo loco totius juris nostri tractationem ad tria capita, quæ totidem sunt objecta hujus disciplinæ, revocavit, quorumque primum ad personas pertinere dicit alterum ad res tertium ad actiones; tum ad transitionem quam facit in ingressu libri secundi. Nempe quo ordine partes istas summas proposuit; eodem (quod ratio methodi exigit) deinceps singulis explicare instituit. Igitur cum primus locus in ista partitione, & merito quidem, tributus esset personis: etiam primo loco, hoc est reliqua parte libri pri-

mi de personis disputatum est hoc est, de ejus quo quisque in civitate pro statu ac conditione personæ suæ censemur. De rebus, hoc est quod cujusque in rebus externis proprium est aut ei debetur, sive de domino ceteraque jure in rem, & de obligationibus quas & ipsas ad eamdem illam partem pertinere probavimus in explicatione tit. Init. de oblig. tractatum libro secundo & tertio, itemque nonnulla parte libri quarti usque ad presentem locum: quibus locis simul nobis explicati sunt modi ac rationes rerum atque obligationum, tum adquirendarum, tum admittendarum. Expositis ergo ex tribus membris propositis prioribus duobus, superest adhuc tertium & postremum, actiones videlicet, cuius partis tractatio hic jam suscipitur.

2. Hinc vero perspicuum est errare, quod diximus, Interpretes veteres & cum iis Mynsing. qui initium doctrinæ de actionibus fieri existimant lib. præced. tit. de obligat. atque hoc loco eamdem continuari: quasi illic de causa actionum tractetur, quæ sit obligatio; hic de effectu obligationis, quæ sit actio: illic de matre, ut loquuntur, hic de filia. Nam nec obligatio causa est omnium actionum, sed earum dumtaxat quæ in personam sunt; & ut esset, tamen ratio obtinendi ejus quod nobis debetur a vinculo quo se debitor adstringit argumento & materia separata est.

3. Etenim, quod omnino notandum est, actio in proposita disputatione non tam consideratur quatenus cujusque est dependens ex jure quæsito (qua consideratione cum rerum nostrarum pars sit & in bonis nostris computetur, l. 49. de verb. sign. ad idem plane objectum referri debet quo referuntur dominum & obligatio); quam quatenus est via si- ve medium per quod ad id quod nostrum est aut nobis debitum si ultra non præstetur pervenitur & auferitur invitis: uno verbo, quatenus consideratur ut instituenda exercenda que in judicio, ut recte Timæus Fab. disp. de action. thes. 1.

4. Vix Interpretem inveneris quin hic investibulo quæsitus sit ex quo jure actiones profiscantur, ex jure gentium, an ex jure civili: id est utrum causa actionum remota jus gentium sit an jus civile. Quæstio minime obscura; sed nimurum nihil tam claram atque perspicuum est quod semper & ab omnibus videatur. Centum est, leges, magistratus eorumque imperia juris gentium esse; quippe sine quibus nulla unquam gens aut vix aut vivere potuit; adeoque ipsa naturalis ratio omnes docet sine publica auctoritate nullam hominum societatem consistere posse. Hujus autem publica auctoritatis bona pars est in persecutionibus judicialibus, qua civilibus, qua criminalibus. Adhac inter omnes constat dominia rerum atque obligationes, quæ causæ sunt actionum proximæ, originem ex jure gentium trahere: trahunt ergo & actiones sive judicia, id est ea remedia & rationes quibus quod vel dominii nostri sit si id sponte is qui possidet non restituat, vel quod in obligationem à nobis deductum si id debitor non præstet obtinere liceat. Nam certe frustra sis si id si voluntati permittatur & arbitrio possessoris aut debitoris aut, quod restat, rixis tumultibus cædibus porta patet, civis in civem armabitur cum interne- cione civitatis si domino aut creditori lice- re velimus rem suam aut sibi debitam per vim occupare propriaque auferre auctoritate. Non puto autem quemquam esse qui juri gentium adscripturus sit ea quibus concessis necesse sit hominum societatem everti. Praclare Theodoricus Rex apud Cassiodorum lib. 4. var. epist. 10. Fœcum est, inquit, *jura publica privatis odiis licentiam dare*; nec ad arbitrium proprium judicandus inconsultus fervor animorum; & statim: *hinc est quod legum repertæ est sacra reverentia*, ut nibil manu, nibil proprio ageretur impulsu. Quid enim à bellica confusione pax tranquilla distabat si per vim litigia terminentur? fac. l. 176. de reg. jur. l. 13. quod met. ca. Hæc etsi verissima sunt & clarissima, non paucis tamen, iisque etiam quorum multis aliis in rebus perspicientia ac solertia commendatur, hæc cæcutire contingit, ut tenere atque inconsiderate contendant actiones omnes & formæ & origine esse juris civilis. Quid ergo est quod eos transversos agit? Primum quod apud Pomponium in l. 2. §. 6. de orig. jur. scriptum est, ex legibus XII. tabb. compositas esse actiones quibus inter se homines disceptarent. An igitur totis trecentis annis antea nemo cum alio agere in urbe

potuit? aut quia manu Regia pleraque terminabantur nulla petitio, nulla imploratio fuit necessaria? Sed quis non videt Jurisconsultum loqui de forma actionum accidentalis & juris Rom. propria? quam scilicet à prudentibus accepunt, compositis certis ac solemnibus formulis. Secundo, quod actiones passim civiles dicantur. Quid tum? Et obligationes ita passim appellantur quas utique juris gentium esse nemō ibit inficias: quin & condici jure gentium res dicitur in l. 15. de action. rer. admot. Tertio, quod naturalis obligatio tantæ efficacia non est ut actionem producat; quasi vero quod non producat non sit à jure civili. Et tamen non una hic exceptio est. Postremo, quoniam deportati agele non possunt qui tamen ea quæ sunt juris gentium retinent. Inepte. Nam id tantum obtinet in imperio ejus civitatis in qua damnati sunt. Sed nec patriam potestatem retinent, nec tutelam, nec jus testandi, nec jus succedendi ex testamento aut ab intestato; quæ tamen omnia ex jure gentium manare, & considerata generali atque essentiali formâ juris gentium manere suis locis ostendimus, quanvis propter adjectam à jure civili qualitatem & determinationem usus, recte dicantur esse juris civilis, ut & actiones, per leg. 6. de just. & jur.

5. De actionibus] Nomen actionis latissime patere vulgo notum est, ac comprehendere omnem omnino viventis operationem quæ passioni opponitur; denique & oratorum, & histrionum, & fabrorum actionem esse dicimus. Sed ne quis erret in varia hujus verbi significazione quam habet etiam tunc cum ad usum forensem restringitur: sciendum primum est, numquam verbo *agendi*, cum ad judicia refertur, ita usus esse Veteres ut eo verbo idem significant, quod *ducere*, *trahere*. Agere enim illi perpetuo dicunt cum aliquo, numquam agere aliquem: agere *judicio*, agere *interdicto*, quod non significat aliquem ducere aut trahere, sed idem est quod tractare cum aliquo *judicio*, *interdicto* cum aliquo contendere; nec reum dicunt qui agitur, sed cum quo agitur. Quapropter non est audiendus Theophilus qui actionem ab eo dictam scribit quod improbos & perfidos ad judicia agamus.

6. Quadruplex autem fere hujus vocis in jure usus est. Primum latissime accipitur, & nomen actionis prædicatur de lite omni & causa, sive ea civilis sit sive criminalis, in qua alias fere utinur verbo accusationis, l. gen. si ex non. caus. agas. l. ult. de privat. de-

*l. 1. r. de crimin. stell. l. 8. ff. de accus. l. 8 C. de edendo. rubr. C. quand. civ. aff. crim. Secundo minus quidem late quam in significatio præcedenti sed ratione sequentium adhuc latissime, ut appellatione actionis comprehendantur causæ omnes pecuniaræ, sive judicia omnia civilia, non ordinaria tantum verum etiam extraordinaria, interdicta, præjudicia, persecutio[n]es, stipulationes prætoriaæ quæ actionis instar obtinent, ut damni infecti & legatorum &c. in summa, imploratio etiam nobilis officii judicis, ut nunc loquuntur, l. 37. de oblig. & aff. l. 34. l. 178. §. 2. de verb. sign. Tertio pro genere communi actionum in rem & in personam, l. 25. ff. de obl. & act. §. 1. inf. hoc tit. strictius tamen quam ut interdicta, præjudicia, cognitiones & stipulationes prætorias contineat, l. 35. §. 2. l. 39. de procur. d. l. 178. §. 2. de verb. sign. Quarto & postremo strictissime atque angustissime, ut solam denotet actionem in personam, l. 28. hoc tit. d. l. 178. §. 2. de verb. sign. ac tum fere opponitur petitioni, qua actio in rem significatur, ut in formula stipulationis Aquilianæ, §. 2. *Inst. sup. quib. mod. obl. toll. l. 18. §. 1. de acceptil.* Ex his autem significacionibus eam quæ secundo loco posita est hoc pertinere ostendit supradicta divisio, in qua actio constituitur tertium totius juris privati objectum. Cognata vocabula sunt petitio, persecutio, formula, lis, causa, controversia, conventio, judicium; nam & vox judicij pro actione saxe sumitur, ut videre est in l. 1. & passim ff. & C. fam. erc. & prætor promiscue nunc actionem nunc judicium se daturum pollicetur.*

T E X T U S.

Definitio.

'Actio nihil aliud est quam jus persequendi in iudicio quod sibi debetur.'

C O M M E N T A R I U S.

- 1 *Jus in bac definitione quid significet.*
- 2 *Refutatur Hotom. qui formulam interpretatur.*
- 3 *Neminem posse quod sibi debetur propria occupare auctoritate.*
- 4 *In iure fieri quæ dicebantur quæ in iudicio.*
- 5 *Repetitur res ab origine.*
- 6 *De quibus causis magistratus ipsi ex officio cognoscere solui: in quo plerique ballificantur.*
- 7 *Ronam olim commune fuisse forum; nunc au-*

- tem metropoles idem jus non habere.
- 8 *Commune forum esse & locum domicilii: tum quod tempus sic inspicendum.*
- 9 *Proprium forum quæ tribuant.*
- 10 *Actionem in rem etiam in loco domicilii possessoris moveri posse, centra Donellum.*
- 11 *Eum qui per se competens non est posse ex accidenti competentem fieri, & quibus ex causis.*
- 12 *Definitionem banc etiam competere actioni in rem.*
- 13 *Item actionibus popularibus, quæ quid sine simul docetur.*
- 14 *Item actione injuriarum & petitione usurparum.*

1. *A*ctio nihil aliud est quam jus J. Autor hujus definitionis est Celsus in l. 51. ff. hoc tit. Generis loco jus ponitur: quod vocabulum cum verbis faciendi jungitur, in perpetuo usu juris adeoque apud omnes Latine loquentes, significat potestatem jure publico tributam: veluti cum dicimus, jus testandi, jus stipulandi, jus retinendi, jus eundi, agendi, utendi, fruendi &c. Neque alia loco querenda huic verbo significatio est.

2. Et male omnino Hotomannus formulam interpretatur. Etsi enim quandoque actiones cum dicunt Jurisconsulti formulas earum intelligunt; atque, ut hoc etiam largiar, cum prætor se actionem daturum pollicetur formulam eo nomine significat: nullo tamen modo dici potest aut jus agendi formulam esse, aut in hac definitione actionem ut formulam considerari. Formula à Prætore impetranda est actio; ut quisque contraxit, statim & competit; & dominus amissa possessione jus agendi habet statim, id est etiam antequam prætor audeatur; & quis non videt actionem in proposito considerari ut in persona creditoris radicata est, non ut actu in judicium deducta: atque ut maxime ut jam actu intentata consideres, formula tamen proprie dici non potest, non magis quam emancipatio, manumisso, adoptio, aditio hereditatis &c. quæ formulæ non erant, sed actus legitimi qui perceras formulas & verborum conceptiones expediebantur, l. 77. de reg. jur. Adhæc nihil eorum formulæ convenient quæ prædicantur de actione: ut cum actio nasci dicitur, adquiri, ipso jure competere, alienari, mandari, cediri &c. ad heredem transire, ab heredibus incipere, successione confundi, plures actions concurrere, una electa alteram consumi, di-

vidi inter fidejussores, & id genus sexcenta alia. Nec ut actionem, ita formulam in rem, in personam civilem, prætoriam, perpetuam, temporalem, famosam, hereditariam &c. recte dicimus. Quamobrem nec auctorem hujus definitionis Celsum arbitror de formula cogitasse; quamvis temporibus hujus Jurisconsulti, qui sub Trajano & Adriano floruit, formulæ adhuc in integro usu essent. Plane de sententia Justiniani, qui formulis jam dudum sublatis definitionem eamdem nihilominus retinuit, nulla potest esse dubitatio.

Persequendi injudicio] His & sequentibus verbis differentia continetur, & genus positum restringitur. Verbum *persequi* notissimæ significationis est, nec obscura quæ in eo translatio. Suntur autem hoc loco generius; cum olim in specie cognitiones extraordinariæ persecutiones dicerentur, l. 178. §. 2. *de verb. sign.*

5. *In judicio]* His verbis indicatur neminem sibi jus dicere posse aut privata quod sibi debetur occupare auctoritate; sed si quis putet se habere actionem, legitimo judicio eum cum adversario experiri debere, atque actionem suam proponere apud magistratum sive judicem qui cognoscendis & componentis civium controversiis publica auctoritate constitutus est, l. 13. *quod met. ca.* & simul docemur non quamvis interpellationem aut conventionem actionem dici, sed eam quæ fit apud competentem judicem ex ratione ac præcepto legum & justitiae. Ceterum quo res tota plenius intelligatur, duo adhuc nobis explicanda sunt (1) quid hæc verba; *injudicio* significant, (2) quis dicatur judex competens.

4. Primum quod attinet diversa Veteribus sunt, *in jure* & *in judicio*. In jure fieri dicebant ea quæ siebant apud magistratum antequam ad judicem iretur, vel quæ tota peragebantur apud prætorem, veluti ea quæ cognitionis erant extraordinariæ, & cautiones quæ à prætore postulabantur, puta damni infecti, vel legatorum; in judicio ea proprie quæ expediebantur post litem contestatam apud judices datos sive pedaneos. Actio in jure à prætore dabatur, apud judicem recuperatoresve in judicio exercebatur. Ceterum mutato veteri procedendi ritu, ex quo ipsi magistratus judicare jussi sunt, l. 2. C. de pedan. jud. peregrinus hujus differentiæ usus esse cœpit; nisi quis putet adhuc dici debere in jure fieri quæ fiunt ante litem contestatam & prætor ipse olim explicabat; in judicio quæ postea fiunt, licet apud eum-

dem magistratum omnia expediantur. VINN. Multo accuratius hæc omnia exponuntur à celeberr. Ger. Noodtio lib. 1. de jurisd. cap. 6. & 8. ubi docuit, prætorem de jure, judicem de facto cognovisse; & hoc institutum ipsi ubi fuisse coævum; siquidem Dionys. Halic. lib. 2. refert Romulum quædam perse cognovisse, quædam per judices. Unde cadit conjectura auctoris nostri, quam sequente n. 5. proponit. HEIN.

5. Operæ pretium est rem ab origine repetere. Initio quidem prætorem ipsum, utpote juri dicundo civiumque inter se controversiis disceptandis ac dijudicandis creatum ac constitutum, causas privatas omnes plene cognovisse & judicasse verisimile est. Verum postea & primo quidem propter graviores occupationes procedente vero tempore fortassis etiam ob dignitatem magistratus, obtinuit & paulatim in ordinariam jurisdictionem versum est, ut prætor aditus non ipse judicaret, sed præparatoriis quibusdam apud eum tractatis, quæ in jure fieri dicebantur, actionem & formulam daret, litigatoresque ad privatos remitteret, qui notionem & judicium susciperent. Horum judicium varia fuere nomina. Dicuntur judices dati delegati pedanei speciales addicti selecti disceptatores recuperatores, in judiciis bonæ fidei etiam arbitrii: de quorum nominum ratione consuluntur Scip. Gent. 2. de jurisd. 8. Coras 3. misc. 18. Duar. de jud. cap. de jud. dat. Sigon. 2. de Antiq. jur. civ. cap. 18. & seq. Nullam vero jurisdictionem hi judices habebant, sed nudam dumtaxat notionem, hoc est cognoscendi tantum & judicandi potestatem sine imperio aut jure sententiæ exequenda, & simul ac sententiam dixissent judices esse desinebant, ll. 5. 15. & 55. de re jud. Apud hos judicium exerceri proprio dicebatur, & ipsi specialiter judices appellari & à magistratibus separari solent, d. ll. 15. & 55. de re jud. l. 2. de reg. jur. ll. 1. & 3. de jurisd. Usque adeo vero hæc ratio dandorum judicium invulnerat ut vix ipse prætor judicium umquam susciperet, &, si fides Duarenno lib. 1. disp. 53. ne potuerit quidem prætor ipse de causis quibusvis cognoscere; in quam sententiam affert legem 4. de sut. dat. l. ult. de off. præt. ll. 8. & 9. ff. de off. præt. l. 2. C. de pedan. jud. Alii tamen id arbitrarium esse existimant, argumento legis, quam inter suas atque, ut credibile est, ad morem suorum temporum respiciens M. Tullius refert in hæc verba: *Juris disceptator qui privata judicet,*

et, judicarive jubeat, prætor esto. Quod in medio relinquimus.

6. Illud constat, exceptas fuisse nonnullas causas de quibus ipsi magistratus ex officio cognoscebant, non judicem dabant: quæ cognitiones prætoriæ & extraordinariæ dicebantur, propterea quod præter morem judiciorum ordinarium atque usitatum, sine solemnibus & strepitu judicii, sine formula hæ causæ expediebantur & disceptabantur à prætore ipso: cuiusmodi causæ sunt cognitione de honoratiis advocatorum medicorum professorum liberalium artium, l. 1. de extr. cogn. persecutio fideicommissi, l. 178. §. 2. de verb. sign. Ulp. in fragm. tit. 25. §. 10. petitio liberorum qui in potestate sunt, l. 1. §. 2. de rei vind. restitutio in integrum ex edicto de minoribus, l. 13. §. 1. l. 24. §. ult. de min. Cujacius par. C. ubi caus. stat. & Scip. Gent. d. loc. hoc item referunt causas status sive præjudicia; rectene an secus, ambigo. Nam præjudicia in d. l. 1. §. 2. de rei vind. aperte separantur à cognitione præatoria; & in his causis partes ad judices mitti dicuntur, l. 8. §. 1. & l. 9. de lib. ca. passimque judicis liberalis causæ, qui de libertate cognitus est, mentionem fieri videmus, ut in l. 7. §. 1. de lib. ca. l. 34. §. ult. vers. quid ergo de statu lib. l. 7. §. 1. in fin. de her. pet. Plautus recuperatorum semper meminit in Rud. & Bacch. & Sueton. in Vespas. cap. 3. refert, *Flaviam quandam Domitillam ingenuam & civem Romanam recuperatorio judicio pronuntiatam.* Nec multum movet quod traditum est in lege 32. §. 7. de recept. arbitr. causam liberalem majores judices poscere quam sint compromissarii: vel quia etiam judices à prætore delegati majores sunt arbitris, qui constituuntur mera conventione privata; vel quia jurisconsultus non simplicem cognitionem & decisionem causæ considerat, quæ sola pertinet ad officium judicis dati; sed totam causæ tractationem, & in hac etiam partes prætoris, qui lite primum apud se contestata formulam ipse concipit & judicium judicemque constituit. Atque his insuper argumentum præbet l. 1. C. de off. præt. ubi Constantinus causam liberalem propriam facit prætoris, quod frustra fecisset nisi ante causa fuisse judicij ordinarii, add. Rv. 3. var. 20. Hotoman. 6. obs. 6. Sed nec interdicta hoc pertinent, ut constat ex orat. pro Cæcin, item ex lege 1. §. 2. si ventr. nom. mul. in poss. l. 1. in pr. ne vis fiat ei qui in poss. l. 1. in pr. de vi & de vi arm. quibus locis manifeste refelluntur qui negant ex causa in-

terdicti formulam aut actionem datam fuisse. Postea ratio judiciorum mutata est, & iuncta causarum omnium cognitio ipsis magistratis, extrâ quam si vel occupationibus publicis vel multitudine causarum ipsi cognoscere impediantur, l. 2. C. de ped. jud. aut ea negotii sit vilitas ut non admodum notationem magistratus requirat, l. ult. C. d. tit. quo respiciens Justinianus ait judicia omnia suo tempore extraordinaria fuisse, §. ult. Inst. de interd. In judicio igitur sic nunc interpretabimur, apud prætorem sive magistratum, quidum jus dicit ac reddit recte judex appellatur, & cui soli nunc judicandi munus incumbit. Alterum quod hic explicandum erat, est quis sit judex competens; neque enim promiscue apud quemvis judicem quævis actio institui potest sed apud eum solum cujus de ea re qua de agitur notio est, qui uno verbo competens appellatur. Competentia hæc extimatur ex causis ex quibus forum sortiri dicimur. Forum duplex, commune unum alterum proprium seu speciale.

7. Commune forum olim fuit Roma quæ idcirco Veteribus dicta est communis patria l. 33. ad Munic. Nam omnes qui Romæ inventi essent ibi conveniri poterant, ibi se defendere debebant nisi jus haberent revocandi rem ad domicilium proprium, l. 2. §. 4. & seqq. l. 24. de jud. sed moribus hodiernis regiæ urbes seu metropoles jus istud communis fori non habent. Vinn. Qui mores lege Regia sunt confirmati, l. 9. tit. 5. lib. 2. Recop. ADDIT.

8. Commune forum item recte dixeris in quo quisque conveniri potest quacunque ex causa: quale forum tribuit locus domiciliis & est notandum, circa locum domicilii non tantum inspici locum in quo reus habitat tempore movenda actionis, sed etiam in quo habitabat tempore contractus, l. 2. C. de jurisdiç. quem locum male Cyn. Salic. & Sich. restringunt ad casum quo quis in loco domicilii contraxit; quia ita conveniretur ex capite contractus, non domicilii de quo ibi diserte agitur; & locus contractus forum tribuit etiamsi quis numquam ibi domicilium habuerit. Atque ratio hujus juris satis manifesta est, quia cum statim actio ex contractu nascatur, & jus conveniendi reum in loco domicilii creditor quæratur, cum quo forte alias non contraxisset: jus illud creditori factò debitoris adimi non debet. Vinn. Quod si debitor certum domicilium non habuerit quovis loco deprehensus judicio sisti potest, l. 32. tit. 2. Part. 3. ADDIL.

9. Proprium forum est quod præter commune tribuunt causæ singulae: veluti in actionibus in personam forum tribuit locus in quo contracta est obligatio, *l. 20. de judic.* quod tamen puto sic accipiendum, si reus ibi reperiatur, per *l. 2. §. 4. l. 19. in pr. & §. 1. l. 45. de judic.* textus est in *cap. 1. §. 3. x. de for. comp. in 6. Covarr. 1. quest. 10. n. 3. Sichard.* & Vultejus in *l. 2. C. de jurisdic.* Ant. Fab. *Cod. suo ubi conv. qui cert. loc. defin.* 4. & si quidem in contrahendo dictum non sit quo loco rem præstari oporteat, is locus contractus intelligitur in quo res gesta est, *d. l. 19. §. 1. d. l. 45.* Sin autem expresse cautum ut alio loco quam in quo negotium gestum est res præstetur, hic locus accipiens tamquam re ibi contracta, *l. 3. de reb. aff. jud. poss. l. 21. de oblig. & aff.*

10. In actionibus in rem speciale forum tribuit locus in quo res sitæ sunt. Est enim constans hæc fere omnium Interpretum sententia usque forensi non dubio recepta, posse pro arbitrio petitoris actionem in rem moveri vel in loco domicilii possessoris ut foro actionum omnium communis, vel in loco ubi res de quibus contenditur constitutæ sunt: per text. non obscurum in *l. 3. C. ubi in rem aff. fac. lex un. C. ubi de hered.* quamquam Gudelinus notat, praxim illud maxime observare ut ibi dumtaxat actio in rem intendatur ubi res sita est, *lib. 4. cap. 2. VINN.* Licit frequentius sit actionem in rem exercere in loco ubi res sita est; id tamen pendere ex arbitrio actoris, qui etiam in loco domicilii rei instituere eam potest, docet Carlev. *de judicis lib. 1. disp. 2. n. 152. ADDIT.*

Unus fere Donellus noster *lib. 17. comm. 17.* ab hac sententia recessit, contendens in actionibus in rem nullam domicilii rationem haberi, sed unum tantum esse forum rei, locum scilicet in quo sunt res constitutæ: ibi reum convenientium esse, ibi se defendere debere: conventum in loco domicilii non cogi judicium pati. Quo & ipse aliquando inclinavi propter legem *35. de judic.* Sed non dubito nunc quin quod Jurisconsultus ibi pronponit de re legata speciale sit, eo quod legatario sufficere beat si heres à quo legati præstanti necessitas non coepit eo in loco ubi res est offerat solutionem, de qua etiam & ipsa præstatione præcipue Jurisconsultus tractat. Quid Donellum præterea movere, facile eveniri posse, si possessor in loco domicilii conventus jubeatur rem restituere, ut

nova lite pro executione rei opus sit: non usque adeo magni momenti est. Nam præterquam quod magistratus omnes inferiores mutuam sibi operam præstare debent, considerare debuit Donellus non esse ex ratione juris Romani in judiciis realibus ordinariam hanc procedendi atque exequandi viam, ut possessor restituere jussu nec parenti res ipsa manu militari auferatur, sed ut damnetur quanti in item actor juraverit, *l. 46. cum seq. de rei vind. ll. 5. & 8. de in lit. jur.* Quæstiones criminum ibi exerceantur docent *ll. 1. & 2. cum auth. seq. C. ubi de crim.*

11. Illud obiter adjicio, posse eum qui per se competens non est ex accidenti competentem fieri, idque vel propter judicium jam coeptum, vel propter prorogationem jurisdictionis. Coepti judicij hæc vis est, tum ut actorem mutuae petitioni seu reconventioni, ut nunc in foro loquimur, obnoxium reddat, hoc est ut mutuas rei actiones ibi excipere cogatur ibi ipse item movit, tametsi prius ibi conveniri non potuisset, *l. 22. ff. de judic. l. 14. C. de sent. & interl.* tum ut litigatores retineat in judicio conjuncto. Conjuncta autem judicia hac in re habita sunt possessionis & proprietatis, ac de his ita cautum: quo in loco prius de possessione actum est etiam de proprietate agi debere, quamvis rebus integris ibi conventus judicium excipere non cogeretur, ne causæ continentia dividatur, *l. 10. C. de judic. VINN.* Quæcumque hic de foro competenti disputat auctor frequenti legum nostrarum calculo comprobata sunt, *l. 32. tit. 2. Part. 3. l. 20. tit. 21. lib. 4. Recop. Vid. Carlev. de judic. disp. 2. ubi totam hanc rem diligentissime est persecutus.* ADDIT. Prorogatur jurisdictione cum alias jadex quam cuius notio est ex conventione adiutor, *l. 18. de jurisd. l. 1. de judic.* de quo consule Doctores ad *d. l. 1. & cap. 12. x. de for. comp. Christin. vol. 2. decis. 160.*

12. *Quod sibi debetur* Hotom. *3. obs. 17.* addit, *vel quod suum est;* ne definitio angustior sit definitio; quippe quæ aliqui actioni in personam dumtaxat competere videatur, non etiam actioni in rem, per quam rem nostram petimus non nobis debitum. Et verum quidem est proprie ea quæ nostra sunt dici non posse nobis deberi, *l. 27. §. 2. l. 34. in pr. de aur. arg. leg.* Sed quid prohibet verbum debendi laxius accipere, ut debere quisque dicatur quod jure præstare tenetur, quamvis factio suo ad id non se obstrinxerit? Convenit certe hoc & partitioni juris initio pro-

positæ & præsenti instituto Justiniani, ut divisio in continentis subjecta clare ostendit. Nec deest Veterum auctoritas; nam & Ulpianus in *lege* 178. §. ult. scribit, hoc verbum debuit, omnem omnino actionem comprehendere. Plane persecutio criminalis huc non pertinet, qua quisque non quod sibi debetur persecutur, sed quod vigor publicæ disciplinæ postulat, vindictam criminis, l.9. §.5. de publican.

13. Quæsitum de actione populari & injuriarum. Sed puto verba definitionis etiam ad actiones has commode applicari posse. Populares actiones sunt, definitore Paulo l. 1. de popul. a.7. que jus suum populo tueruntur. Nimirum summus ac præcipius harum actionum finis est ut publicæ utilitati & securitati consulatur, l. 1. §. 1. de bis qui effud. vel dej. quam ob causam etiam omnibus pariter propositæ sunt, nisi quod in iis que simul continent interesse alicujus privati is cuius interest præferatur, l. 3. §. 1. de popul. a.7. l. 3. in pr. de sepul. viol. Poena quam persecutunt regulariter actoris lucro cedit, qui ob id etiam postquam item contestatus est inter creditores numeratur, l. 12. de verb. sign. fisco ut applicetur rarum & singulare; ac tum præmii loco pars aliqua datur actori, l. 25. §. 2. de senat. Syllan. l. ult. de term. mot. Ceterum quia hæ actiones ita propositæ sunt ut ejus demum qui eas occuparet item contestando propria fierent, eique soli poena præstaretur: inde est quod qui habet actionem populari non intelligitur esse locupletior, neque pro creditore habetur antequam item contestatus est, l. pen. §.1. de popul. a.7. junct. l. 12. de verb. sign. Sed enim cum hæ actiones privatam pecuniæ persecutionem habeant, utique consideratae quatenus jam occupatae vel etiam occupandæ per litis contestationem ad definitionem pertinent; idque menti Justiniani omnino conveniens est, qui & sup. tit. præced. §. 1. & infra hoc eod. tit. §. 12. populares aliquor actiones proponit.

14. Eadem fere ratio esse videtur & actionis injuriarum. Hæc ante item contestatam in boatis nostris non computatur, l. 28. ad injur. scilicet quia si quis de ea item non contestatus decesserit perinde est quasi nullam umquam actionem habuisset, utpote quæ nec illi profuit vivo nec heredibus ejus prodest, ad quos non transmittitur, §. 1. Inst. inf. de perp. & temp. a.7. l. 13. de injur. Usurarum petitio propriam rationem habet, nec tamen eam hinc excludimus: nam quod usuræ di-

cantur peti non posse jure obligationis aut actionis sed officio judicis in bona fidei iudiciis ob moram præstari, l. 49. §. 1. ff. de a.7. emt. l. 4. C. depos. id non significat usuræ non deberi aut nullam usurarum nomine actionem esse, sed non deberi principaliiter, nec esse propriam actionem qua principaliiter petantur, sed sortis dumtaxat, qua mota & ipsæ per consequentiam officio iudicis veniant.

TEXTUS.

Divisio prima.

1. *Omnium autem actionum quibus inter alios apud judices arbitrio de quacunque re queritur summa divisio in duo genera deducitur; aut enim in rem sunt aut in personam. Namque agit unusquisque aut cum eo qui ei obligatus est vel ex contractu vel ex maleficio: quo casu proditæ sunt actiones in personam per quas intendit adversarium ei dare aut facere oportere, & aliis quibusdam modis; aut cum eo agit qui nullo jure ei obligatus est, movere tamen alicui de aliqua re controversiam: quo casu proditæ actiones in rem sunt: veluti si rem corporalem possideat quis quam Titius suam esse affirmet possessorem autem dominum ejus se esse dicat; nam si Titius suam esse intendat in rem actio est.*

COMMENTARIUS.

- 1 Divisionem hic propositam non à materia sed à causa efficiente sumtam esse.
- 2 Indicatur causa efficiens seu jus unde actio & in rem & in personam manat.
- 3 Personæ ad constituendum judicium necessarie.
- 4 Quidam varie nomina hæc judex & arbiter accipiuntur, sive conjunctim sive per se posita.
- 5 Arbitratores quos vocant hic non pertinere, rejecta vulgaritate distinctione.
- 6 Disputatio accurata adversus eos qui mancam esse hanc divisionem contendunt unoque membro, mixtarum scilicet actionum, multilatam.
- 7 Nec actiones quæ dicuntur in rem scriptæ tertiam speciem constituere.
- 8 Actio in personam quid, cui, adversus quem detur.
- 9 Quo effectu creditor nomen alienet.
- 10 Actionem in rem cum domino ambulare, eamque teneri novissime possidentem.

- 11 *Actione in personam quid petatur; ubi & insigne discrimen inter hanc & illam quae est in rem circa causam libello complectendam.*
- 12 *Actiones in personam quae nec ex contractu nec ex maleficio originem trahere videntur.*
- 13 *Formulæ in actionibus in personam usitatæ; & quali locus cum agitur ex obligatione faciendi.*
- 14 *Formula qua adversarium dare aut facere oportere intendimus non convenire omnibus actionibus in personam.*
- 15 *Actione in rem quid sit, unde nascatur; & cui competat principalis illa de qua hic agitur.*
- 16 *Quæ petitori in hac actione prebanda ad fundandam intentionem; & primum de dominio.*
- 17 *Necesse esse ad fundandam actionem ut is cum quo in rem agatur possideat. Quam late verbum possessionis hic accipiatur, aliaque non passim obvia.*
- 18 *Possessorem non compelli ut contra vindicet.*
Dissertatio adversus D. Contium.
- 19 *Peritio hujus actionis propria; & qui exitus.*

Proponuntur hoc titulo quinque aut sex actionum divisiones quæ naturam, causas, vim & proprietatem singularum velut in tabella exhibent. Quæ hoc §. proponitur summa dicitur, eodem sensu quo sæpe alibi à nostris, ut in l. 3. de stat. hom. l. 1. de rer. div. §. 1. Inst. infr. de interd. quia inter multas prima & potissima est.

1. Ratio divisionis ab objecto sive materia petita prima fronte videtur; id enim verba hæc in rem & in personam præ se ferrunt; nos tamen à causa efficiente potius eam ductam arbitramur, hoc est à jure quod quis circa rem habet; idque confirmat tum hic ipse locus, tum lex 25. ff. eod. unde magnam partem qua hic traduntur hausta sunt; ac mox res tota clarius apparebit. Non igitur ideo, inquam, actio in rem dicitur quia in ea res petatur, actio in personam quia petatur persona; una enim actionum omnium materia est res quæ petitur, sive in personam agatur sive in rem. Et si quando contingat ut servus petatur, non petitur ut persona sed ut res ceteræ quæ nostræ sunt aut nobis debentur. Sed nec ideo actio in personam dicitur quia ea qui agit personam convenienter, actio in rem quia convenienter res ipsa quod naturâ fieri non potest. Nam quod Jurisconsulti ita aliquando loquantur ut dicant rem conveniri non personam, abu-

sivum est, & specialem præterea rationem in causis de quibus loquuntur habet, veluti in l. 7. ff. de publican. item l. 19. de jur. fisc. quarum in illa prædia conveniri dicuntur ex causa vestigialium non personæ, ut intelligamus onera ista prædiorum esse, non personarum, ac proinde quasi à prædiis exiguntque à possessoribus eo nomine conventis præstanda esse sine consideratione temporis quo possederunt; in altera Papinianus negat, pecunia publicæ quam quis à debitore suo in solidum accepit revocatae usuras præstari, eo quod res non persona convenit: quod sic explicatur in l. 5. C. de priv. fisc. quia fiscus jure extraordinario privilegii sui rem auferit, non cum obligato ex contractu aliquo foeneratio agit. At cum utraque actione & res petatur & persona conveniatur, qui fit quod una in rem nomen acceperit altera in personam? Dicam statim; prius enim causa efficiens utriusque indicanda est unde potissimum, ut ante dixi, sumta ratio divisionis.

2. Omnis actio procedit ex jure aliquo quod quis circa rem habet tamquam à causa efficiente proxima, & itidem variatur pro juris istius diversitate. Quemadmodum autem hoc jus in universum duplex est, unum in re, alterum ad rem: ita quoque duæ in universum diversæ actionum species inde manarunt, sive duo remedia ad jus illud judicio persequendum. Jus in re (quod obiter hic inculcandum) multiplex: dominium tum directum tum utile, ususfructus, servitudes, pignus, jus possessionis. Jus ad rem unum est, obligatio scilicet sive creditum. Ex jure quod quis in re habet proficisciatur actio in rem, pro diversa quidem qualitate istius juris diversi quoque generis, sed id ad rem propositam nunc nihil facit. Obligatio actionem in personam parit. Illa in rem dicitur, quia domino quod detur rem perpetuo sequitur, atque ut persona hic conveniatur, hoc est possessor, tamen non conveniatur propter se sed propter rem possessam. Hæc autem in personam dicta est, quia ut persona hic conveniatur, ita conveniatur propter se quia se obligavit, non propter rem petitan. Quod tamen non sic accipendum est, quasi qui ex obligatione agit non hoc agat ut rem quæ in obligationem deduxa est consequatur; sed sic, quod actione in personam quisque tenetur ob hoc solum, quia verbi causa promisit se daturum esse, & hoc sive rem habeat sive non habeat; cum actione in rem propria propter hoc solum teneatur quod rem possidet, nec com-

pellatur in rem actionem pati si rem defendere nolit aut sine dolo possidere desierit, l. 27. §. 1. l. ult. de rei vind.

3. *Quibus inter aliquos apud judices*] Tribus his verbis breviter comprehenduntur tres illæ personæ quæ ad constituendum judicium necessario requiruntur, actor, reus, judex. Actor & reus litigatores sunt inter quos res agitur, & quorum ille est qui item intendit hic qui excipit. Græci φίαγμα appellant, & more Græcorum nostri aliquando partem fugientem, l. 2. C. de jurejur. propter sal. l. 13. §. 2. de judic. Judex, apud quem res agitur, qui idem causam cognoscit & item auctoritate sua dirimit. Unde judicium non male definitur, legitima rei controversia inter actorem & reum apud judicem tractatio, in eum finem instituta ut lites publica auctoritate sopiantur.

4. *Judices arbitrorse*] Nomina hæc *judex* & *arbiter* non èodem semper modo accipiuntur, nec per se posita nec conjuncta, ut hoc loco. Utrumque autem vel proprie accipitur vel impropre. *Judex* proprie dicitur, qui ita judicat ut in eo munere publico fungatur. Etenim judicandi munus publicum est, l. 78. ff. de judic. l. ult. §. 14. de mun. & bon. Atque hinc judices omnes dicuntur habere notionem, id est potestatem cognoscendi jure publico constitutam, l. 5. de re judic. Impropre judices dicuntur arbitri qui ex consensu litigatorum & compromisso sumuntur; quippe consensus privatorum judicem facere non potest, l. 3. C. de jurisd. Appellantur autem judices propter affinitatem quam cum veris judicibus habent, eo quod partibus judicis fungantur, & arbitria ad similitudinem judiciorum redacta sint, ll. 1. & 13. §. 2. de rec. arbitr. l. pen. ff. de judic. l. 14. C. eod. ac tametsi sententiae eorum executioni mandari non soleant, effectum tamen aliquem habent iustificationis poenalis. Arbitri proprie & plerunque dicuntur iidem illi quos diximus judices voluntarii & compromissarii. Non est tamen infrequens ut veri quoque judices arbitri dicantur, ut plurimum autem illi qui ex bona fidei judicio cognoscunt, & maxime in judiciis divisorii familiae erescundæ & communis dividendo: unde & judicia ipsa arbitria, l. 24. depos. l. 34. l. ult. ff. fam. ercis. ll. 15. & 17. C. eod. l. 18. ff. comam. div. l. 3. C. eod. l. 38. ff. pro soc. Sic autem appellati sunt hujus generis judices, propterea quod libera iis potestas permittitur arbitrandi & estimandique quantum alterum alteri ex bona fide præstare

oporteat: de quo pluscula ad §. 28. & 30. inf. hoc tit. Præterea nomen judicis etiam tunc cum proprie usurpatur aliquando generaliter accipitur, ut eo contineantur omnes qui cognoscendi & judicandi potestatem habent, sive eam habeant jure magistratus, aut vi alicujus jurisdictionis, l. 1. de judic. tot. tit. C. de jurisd. omn. judic. tit. ff. & C. de reb. aut. jud. poss. sive jure nude notionis, ut judices pedanei; aliquando specialiter pro pedaneis judicibus dumtaxat, hoc est iis qui dati sunt à magistratibus aliisve qui jus dandi judicem habent: in qua significatione etiam passim hoc verbum sumitur, non tantum cum opponitur verbo *magistratus*, sed etiam cum per se & absolute ponitur, ll. 1. & 3. de jurisd. l. 12. §. 1. & 77. de judic. ll. 15. & 55. de reg. jur. Cujus tamen distinctionis non tantus est hodie usus quantus olim fuit; cum judicis passim dandi licentia nunc sublata sit, l. 2. C. de pedan. jud. Est & tercia hujus vocis significatio adhuc magis specialis, quæ ex adjuncto cognosci potest: veluti cum hæc duo conjunguntur, judices arbitrives; & maxime cum additur, à magistratu dati, ut in l. 15. de re jud. l. 7. de lege Jul. rep. Quod cum fit judicis nomen in specie accipitur, restringiturque ad certos tantum judices, datos quidem à magistratu, sed in judiciis stricti juris potestate judicandi certa formulæ quam excedere non licet circumscripta. Sicut per nonen oppositum *arbitri judices* item veros tunc intelligimus, sed qui addicti sunt bonæ fidei judiciis, aut etiam arbitrariis, l. 14. §. 4. quod met. caus. minime autem tales ad quos ex compromisso itur. Hoc vero vel ex uno loco Seneca intelligere licet, qui lib. 3. de benef. cap. 3. sic scribit; *Melior videtur conditio cause bone si ad judicem quam si ad arbitrum mittatur*, quia illum formula includit & certos quos non excedat terminos ponit, bujus libera & nullis constricta vinculis religio est. Plane cum simpliciter hæc voces *judex* & *arbiter* junguntur, nec aliud exprimitur unde diversum colligi possit: utramque vocem proprie posse accipi constat, ut cum Jurisconsultus in lege 9. ff. de re jud. scribit, furioso sententiam à judice vel arbitro dici non posse; unde & de hoc ipso loco judicandum. Atque ut forte Justinianus de arbitris ex compromisso sumtis non cogitaverit, non eo tamen minus huc pertinent ubi de actione instituenda queritur. Nam & apud eos eadem omnia hic servantur quæ apud veros judices, nec aliter arbitria

eorum rata sunt quam si ordine judiciario, id est causâ more judiciorum agitata & cognita ad sententiam ferendam processerint, *l. 1. de rec. arb. VNN.* Quam diversa fuerit judicum arbitrorumque potestas ex ipsis formulis quibus dari solebant patet. Judex in stricti juris judicii ita dabatur: *C. Aquili, Jus. es. si paret Catulum Servilio debere centum tu illum in centum condemnna.* Nihil itaque hic poterat judex præter formulam, sed ex formula condemnabat tamquam ad libellam, ut ait Cic, *pro & Rost. cap. 4.* Contra arbitribus in judiciis bonæ fidei ita dabatur: *Si paret Catulum Servilio domum vendidisse, tum quantum Catulo Servilium ob eam rem dare ex fide bona oporteat tanti damnetur.* In arbitriis denique: *Arbitr esto; & si paret Mevium vessem Servili babere, neque is arbitrio tuo exhibuerit, tum quantum in litem Servilius juraverit tanti damnato.* Hic ergo aliquid arbitrio arbitri vel judicis erat relictum, ut posset & usurarum habere rationem & exceptionem, quanvis formulâ non comprehendenderentur. Add. *Sigon. de judic. 1. 24. HEIN.*

5. Enimvero nihil huc pertinent arbitatores quos vocant; quippe qui non ut judices adhibentur ad controversiam sententiâ sua decidendam, sed ut nudi mediatores interveniunt in actibus extrajudicialibus & contractibus, cum de re aliqua inter ipsos contrahentes non convenit: veluti si in contractu societatis partes sociorum, in emtione pretium, in locatione merces in arbitrium certæ personæ conferatur, *l. 75. cum seqq. ff. pro soc. l. ult. C. de contr. emt.* nullus autem locus dari potest quo lis aliqua decisa arbitratoris interventu dicatur; & commentitia est prorsusque aliena à ratione juris civilis Interpp. distinctio, qui duo arbitrorum genera faciunt, arbitros & arbitratores, quorum illi tamquam judices servato ordine judiciorum procedant, hi sine solemnibus item amicè ex æquo & bono componant, ut post Coras. 4. misc. 4. 18. bene ostendit Bachov. *ad tit. ff. de rec. arbitr. cap. 1. n. 2.* usu tamen Interpp. distinctio invaluit. Gail *l. obs. 150.* Merul. *lib. 1. tit. 7. VNN.* Et *lex 23. tit. 4. Part. 3.* comprobavit, ubi arbitri & arbitratoris officia accurate describuntur. ADDIT.

In duo genera] Ita & Ulpian, in *lege 25. ff. hoc tit.* Addendum plerique putant & tertium genus, ex §. 20. inf. *hoc tit.* actiones scilicet mixtas, cuiusmodi sint actio familiæ erciscundæ, communi dividendo, & finium regundrum

dorum, quas expresse dicto loco Justinianus ait mixtam causam obtinere tam in rem quam in personam; item petitio hereditatis, quæ & ipsa mixta dicitur in *lege 7. C. de her. pet.* juncta que tribus præcedentibus quadrigam illam mixtarum tam in rem quam in personam actionum efficit, de qua Cujac. *par. C. fin. reg.*

6. At enimvero, si hoc ita est, dignus sane reprehensione fuerit Tribonianus qui summam omnium actionum divisionem se ponere professus eam uno membro mutilatam proponit, hoc est pro trimembri bimembrem facit, uno membro omissio quod ad perfectionem totius non minus quam duo illa quæ posita sunt pertineat. Nec accipio responsionem quorundam, qui fatentur quidem rectius Tribonianum facturum fuisse si vel una divisione species omnes complexus esset, vel statim tertiam subjecisset; sed cum de re ipsa constet, & tertia illa species proposita sit in *d. §. 20.* leges divisionis & methodi insuper habendas. Hæc enim responsio, ut aliquid pro Triboniano facere possit si quid ab eo minus recte factum, tamen nihil adfert pro defensione Ulpiani, qui itidem duo dumtaxat actionum genera in *d. l. 25.* ponit & explicat: in rem quæ, inquit, dicitur vindicatio, & in personam, quæ condictio appellatur; transitque deinde ad alia, miscelli generis nulla facta mentione: vitiōse omnino si præter duo ista genera quæ proponit adhuc tertium genus actionis supersit ab utroque distinctum. Ego sic sentio, Veteres plura actionum genera quam duo illa quæ hic proposita sunt non agnovisse, easque quæ mixtæ aut mixtam causam obtinere certo respectu dicuntur comprehendisse sub simplicibus, atque annumerasse ei speciei ad quam principaliter & ratione originis pertinent. Proinde quia tria ista judicia, familiæ erciscundæ, communi dividendo, & finium regundorum origine sua & essentiâ sunt actiones in personam, fine solum & effectu quædam ex natura actionum in rem participant, inter actiones in personam numeraverunt, *l. 1. fin. reg.* ut & ipse Justinianus in *l. 1. §. 1. C. de ann. except.* Petitionem autem hereditatis inter actiones in rem *l. 25. §. antepen. de her. pet. l. 1. l. 27. §. 3. de rei wind.* ob causam nimurum contrarium. Id vero ita esse non aliunde certius constare potest quam ex conjunctione *d. legis l. fin. reg.* cum *d. lege 25. §. antepen.* Nam in *d. l. 1.* Paulus sic diserte scribit, *actio finium regundorum in personam est, licet pro rei vindicatione sit:* quod

quod nihil aliud est quam si diceret, non eo minus actionem finium regundorum personalem cōseri debere quod comparata sit quasi loco vindicationis, quodque proprietatis controversia cohereat, ut loquitur Constantinus in *lege 3. C. cod.* & quod per eam rem nostram quæ intra fines nostros sit consequatur, qui effectus est rei vindicationis; quia nibilominus verum sit eam ex obligatione descendere, darique adversus eum solum qui nobis sit obligatus. Quod quidem manifestum est, si quis de vicini maleficio queratur, veluti quod arbores terminales extirpavit, vel alias sciens fines suos protulit. Sed & si forte antiqui limites inveniri non possunt, vel non satis evidenter cujusque agrum distinguant, ita ut novi sint constitundi pro mensura cujusque agri, aut adjudicatio & condemnatione controversia dirimenda, *ll. 2. &c. 3. fin. reg. §. pen. Inst. inf. de off. judic.* ex obligatione tanen adhuc agitur quam finium confusio & perturbatio parit. Idemque judicandum de actionibus familiae eriscundæ & communi dividendo, in quibus etiam res est certior. Nam in his de dominio aut proprietate nulla est questio, nec quid restitu postulatur, sed ut res dividatur & recedatur à communione; quin etiam possidenti ultro dantur, *l. 1. §. 1. fam. ercis.* Ex contrario in *d.l.25. §. antepen.* sic Ulpianus: *Petitio hereditatis etsi in rem actio sit, habet tamen præstationes quasdam personales:* quasi dicere: petitio hereditatis in rem actio est, quia non ex obligatione aliqua nascitur, sed per eam rem nostram petimus quæ ab alio possidentur; ita tamen in rem; ut exitu quædam communia habeat cum actionibus in personam, nempe præstationes istas quarum meminit, pretiorum & pecuniarum à debitoribus hereditariis exactæ: hæc enim non efficere quominus in rem sit & dici debeat, quia talis est principaliter per se & origine sua. Quamobrem ferre non possum quod Bachovius contendit actiones hisce etiam ratione essentialiæ suæ & originis mixtas esse, quia nascuntur ex duplice eoque diverso principio, dominio scilicet & obligatione. Nam præterquam quod hoc à mente Veterum longe alienum est (cur enim illi petitionem hereditatis actionem in rem esse dicerent actionem autem finium regundorum in personam, si illa æque in personam hæc æque in rem esset, atque utramque essentiali origine tam in rem quam in personam?) non caret etiam implicatione contradictionis. Et fatetur quidem hoc ipse Bacho-

vius; ceterum se inde expediri conatur positio pro diversitate objecti diverso quoque principio & causa agendi. Cum itaque duplex sic objectum petitionis hereditatis, hereditas ipsa, & præstationes quas diximus personales: quatenus illa petitur actionem istam ait in rem esse, utpote quæ nascatur ex jure dominii, eique soli competat qui se heredem, id est hereditatem suam esse intendit; quatenus vero eadē actione heres petit sibi præstari pretia rerum venditarum eave quæ à debitoribus hereditariis exacta sunt, esse eam in personam, atque ex contrario principio, jure scilicet obligationis, oriri. Simili modo cum *actio, verbi causa, communi dividendo duplex quoque objectum habeat, divisionem rei communis, & mutuas quasdam item præstationes, fructuum, impensarum, damni dati, l. 3. §. 3. comm. divid.* ait, quatenus propter divisionem rerum agitur actionem hanc in rem esse, quatenus propter alias causas in personam: unam autem actionem mixtam, in qua producenda duæ diverse causæ distinctim & æqualiter concurrant, dominium & obligatio. Ego vero non dubito quin totum hoc falsum sit; quia sic non una actio, sed duæ omnino diversæ & distinctæ pro diversis rebus obtinendis constituuntur, quod Veterum nemini in mentem venit. Sed, quod ante dixi, petitio hereditatis naturæ & essentiæ sua actio in rem est, quod & nomen ipsum satis arguit, *l. 28. ff. hoc sit.* Præter naturam autem actionum in rem accidit in hac actione, quæ de universitate est, ut in eam quoque veniant quædam præstationes personales, non proprie ex præcedente aliqua obligatione qua facto suo se obstrinxerit possessor hereditatis (quem constat quasi rem suam gerentem nemini se obligare voluisse, *l. 14. §. 1. comm. divid.*) sed quarum nomine is qui petitione hereditatis convenitur perinde ac quisque qui se obligavit tenetur, hoc est etiamsi, ex gr. pecuniam exactam non possideat, nec dolo possidere desierit, *l. 20. §. ult. de her. pet.* & omnino ut debitor generis non speciei; atque hoc demum respectu mixta personalis hæc actio dicitur in *lege 7. C. de her. pet.* Contrà, actiones familiae eriscundæ & communi dividendo in personam sunt, non descendentes ex dominio simul & obligatione, sed ex obligatione dunitaxat quam una parit rerum suscepta communio, quæque non minus socium obligat ad patientiam rerum divisionem adjudicationesque & condemnationes, quam ad præstationes lucri, damni, impensarum, man-

nentem in communione. Tantum quia consortes de re sua agunt, hoc est parte sua, in star eorum qui rem vindicant, illo dicuntur haec actiones mixtam causam obtinere videri, tam in rem quam in personam, d. §. 20. inf. hoc tit. De actione finium regundorum expresse testatur Paulus in *lege* 1. *fin. reg.* in personam eam esse, licet & ipsa certo respectu pro actione in rem sit, ut initio diximus.

7. Minus autem ferendi sunt qui actiones quae in rem scriptae dicuntur, qualis verbi causa est actio quod metus causâ, l. 9. §. ult. quod met. caus. aut personales non esse contendunt, aut esse mixtas non dissimili sensu quam quo superiores. Nam actionem quod metus causâ in personam esse expresse traditur in §. 31. *inf. eod.* & palam est, eam esse ex obligatione, obligationem ex maleficio, quod facinus appellatur in l. 14. §. 11. quod met. caus. Quod autem scripta in rem dicitur, non hanc habet significationem, eam in rem esse, nascive ex aliquo jure quod quis in rem habet, ut proinde rem & propter rem possessorem sequatur; sed indefinite de eo quod metu gestum est conceptam esse sine designatione personæ ad quam verba actionis dirigantur, ut hoc explicat Ulp. in d. l. 9. §. 1. & ult. atque ex usu Veterum in hujusmodi orationibus observarunt viri eruditii Duar. ad l. 7. §. 8. de *paff.* & ad *tit.* quod met. caus. cap. 3. Donell. *boc loco*, & 15. *comm.* 38. VENN. Quae de divisione actionis in personalem & realem disputat Auctor ea plus subtilitatis habent quam utilitatis. Apud nos vulgaris illa divisio actionum in personales reales & mixtas jam dudum obtinuit & legum fulcitur auctoritate, l. 6. tit. 15. lib. 4. *Recop.* ADDIT. Quamvis quæstio illa, denturne actiones mixtae non adeo magni momenti sit, & ipsi alio loco ostenderimus posse doctrinam de actionibus & sine hac distinctione explicari: non tamen existimo absurdam esse eorum sententiam, qui mixtas actiones reperi contendunt. Nam (1) quamvis & Ulp. l. 25. ff. de *obl.* & *aff.* & Triibonianus hoc §. actiones in duo summa genera partiantur: nihil tamen in jure nostro frequentius est quam ob species quae mixtam causam habent, modo bipartitam modo tripartitam dari divisionem. Vid. Noodt *prob.* 1. 12. (2) Quamvis petitio hereditatis nascatur ex jure hereditario, simul tamen etiam pro fundamento habet quasi contractum, puta administrationem rei alienæ, arg. *legum* 1. 3. & 10. §. 1. l. 25. §. 11. 50. §. 1. ff. *boc tit.* (3) Ita & judicia

divisoria manifesto & jus in re ponunt & obligationem ex quasi contractu. Unde non nude in personam esse dicuntur haec actiones, sed pro rei vindicatione, l. 1. ff. *fin. reg.* & speciatim judicium communi dividendo magis ex re quam ex persona socii nasci dicitur, l. 29. pr. ff. *comm. div.* (4) Non absurdum est veteres JCtos hereditatis petitionem realem, judicia divisoria personalia dixisse, quamvis mixtae sint naturæ. Denominationem enim sæpe in mixtis ab eo sumimus quod prævalens; & sufficit mixtas has actiones diserte appellari in §. 10. *boc tit.* & l. 7. C. de ber. petit. Non enim sane ob finem ita dicuntur; sed quia duplex hic est causa petendi, jus in re & obligatio. HE n.

8. *Cum eo qui obligatus*] Descriptio actionis in personam exprimens definitionem quae traditur in l. 25. ff. *boc tit.* ut sit actio qua cum eo agimus qui obligatus est nobis ad faciendum aliquid vel dandum. Quæ definitio clare ostendit cui & adversus quem haec actio competit, & quid per eam petamus. Nemirum cum causa hujus actionis sit obligatio; obligatio autem inter duos intercedat, inter eum qui obligatum habet & qui obligatus est, quorum ille creditor hic debitor dicitur: sponte hinc satis intelligimus dari hanc actionem ei qui alium obligatum habet in eum qui obligatus est. Et notandum, quod haec actio & eidem semper & adversus eundem detur. Quod adversus eundem semper locum habeat, ut scribit Jurisc. in d. l. 25. mirum non est; neque enim obligatio à persona debitoris separari, aliasve debitor invito creditori substitui potest; verum obligatio debitorem sequitur ut lepra leprosum, Interpp. b. c. Sed & quod eidem semper detur, nec alii quam primo creditori, ex eadem ratione itidem est; nam nec obligatio ab eo cui primo acquisita est avelli potest, sed in persona ejus perpetuo heret; ac proinde & actio quae ex ea obligatione nascitur. In summa, obligaciones atque actiones personales ita comparatae sunt, ut in persona utriusque contrahentium eas radicari oporteat; adeo ut nec ab initio expressa conventione fieri possit ut vel alius obligetur, vel alteri obligatio aut actio adquiratur, §. 3. 4. & 18. *Inst. sup. de inut. stip.* l. 38. §. 17. *de verb. obl.* l. 11. *de obl.* & *aff.* licet posterius hoc suas habeat exceptiones, de quibus dictum §. 9. *sup. d. tit. Inst.*

9. At enimvero etsi ex ratione juris creditor nomen alienare non potest hoc effectu ut actio vel obligatio ad eum modum transfe-

feratur, quo res corporales & quæ dominii nostri sunt à nobis transferuntur: receptum tamen est ut possit nomen & actionem vendere aliove modo transferre hoc effectu ut verbi causa ex vendito conveniri possit ut actiones suas cedat: quo factō emtor procurator in rem suam constituitur, manentibus directis actionibus apud venditorem, cuius nomine eas in rem suam exerceat. Sed & non cessis actionibus placuit emtorem suo nomine utilibus experiri posse. Quod benigne constitutum est quo plenius emtori ceterisque consuleretur, l. 16. ff. de paci. ll. 5. & 8. C. de her. vel act. vend. l. 18. C. de legat. de quo fuse & subtiliter disserit Bachov. de action. disp. 4. thes. 2. & 3.

10. In actione in rem utrumque contrario modo se habet; nam cum ea non ex alia causa nascatur quam ex dominio aut simili in rem jure; hoc autem jus à domino una cum re ipsa totum ac directum in alium transferri queat: inde necessario evenit ut non semper eidem, sed ei semper qui novissime rei de qua queritur dominium naētus est in rem actio & quidem directa detur. Similique modo cum res quam hac actione persequimur ad alium atque alium possessorem transire, atque, ut Jason hic loquitur, per mille manus ambulare possit: accidit quoque ut actio in rem non semper adversus eundem locum habeat, sed adversus quemcumque qui quo tempore agitur rem possidet, d. l. 25. atque hinc etiam oritur formulaarum & intentionum diversitas; nam formula actionum in rem absolute concipitur sine designatione certæ personæ: ajo, banc rem ex jure Quiritium meam esse; in personalibus autem relata est & directa in personam rei: ajo te mibi centum dare oportere.

11. Petimus autem hac actione quod nobis ex obligatione dandum vel faciendum est: quod & ipsum quoque definitione superiore continetur. In obligationibus faciendi petitur id quod interest; in actionibus generalibus, pro socio, negotiorum gestorum, tutelæ, ratio administrationis & reliqua. Non sufficit vero ut actor generalem proximam causam actionis intentione sua complectatur, puta, quod reus ei obligatus sit decem dare, aut obligatus sit ex contractu aut quasi; sed addenda causa propria: ajo te mibi dare oportere que tibi dedi mutua. In actionibus in rem sufficit causam communem dicere, hoc est se dominum esse, etsi non adjiciat ex donato, legato aut simili causa. Ratio varietatis

hæc est, quod qui se dominum dicit satis dicit de jure suo, unde scire possit adversarius utrum sibi expedit contendere necne. At in actione in personam, nisi causa obligationis propria exprimatur nihil de eo reus statuere potest. VINN. Plane nihil nunc est necesse nomen actionis libello complecti; sed satis est factum ex quo ias nascitur convenienter & apposite enarrare, ut intelligi possit quam agendi causam actor habeat. Paz prax. tom. 3. in summa. Lege 10. tit. 17. lib. 4. Recop. injunctum est judicibus formulas litium & juris solemnitates (etiam quæ substantiali, appellantur) non curare, sed sola rei veritate inspecta judicia ferre; qua lege omnes litium formulæ & captioæ juris subtilitates evanescere. Quæ tamen adhuc servari oporteat, quia ea naturalis exigiratio docet Azeved. in comm. ad d. leg. Merito Pichardus in summ. ad hunc tit. stomachatur in eos qui d. lege 10. actiones omnes sublatas apud Hispanos esse contendunt; non enim, ut perspecte notat, actiones, id est jura persquendi sublata sunt, sed actionum nomina & diversæ formæ; adeo ut satis nunc sit ad sententiam ferendam factum in libello enarratum fuisse ex quo actio seu jus persequendi nascitur, licet actor qua velet actione uti non exposuerit, aut errore lapsus non convenienter exposuerit. Vide Paz loco sup. laudato. ADDIT.

Vel ex contractu vel ex maleficio) Subaudi, vel quasi ex contractu, vel quasi ex maleficio. Nihil enim frequentius est, quam ut appellatione contractus etiam quasi contractus, appellatione maleficii etiam quasi maleficium comprehendatur, §§. 10. 18. & seq. inf. hoc tit. §. 1. Inst. infr. de perp. & temp. att. l. 16. de neg. gest. l. 49. de obl. & att. Atque haec quidem sunt causæ principales ex quibus obligatione atque actio in personam oritur; sed tamen non sunt solæ.

12. Occurrunt enim quædam actiones quæ etsi in personam sunt, tamen nec ex contractu nec ex maleficio originem trahunt, sed ex sola æquitate dantur, quales sunt in factum subsidiarie, §. ult. Inst. sup. de leg. Aquil. l. 23. §. 5. l. 52. de rei vind. Hujus generis item est actio de tigno juncto in duplum aduersus eum qui bona fide junxit, d. l. 23. §. pen. l. 7. §. 10. de adq. rer. dom. Item quæ datur in specie legis 32. de reb. credit. & conditio sine causa aut ex injusta causa, qua tenetur possessor malæ fidei nomine consumtorum fructuum, l. 3. C. de cond. ex leg. Sed neque actio de peculio proprio dici potest de-

descendere ex contractu, quia dominus aut pater revera nihil contraxerunt. Ad exhibendum quoque actio personalis esse dicitur, l. 3. §. 3. ad exhibend. quam tamen nec ex contractu, nec ex maleficio, nec ex simili aliquo facto obligatorio nasci constat, sed dari tantum ob summam æquitatem conjunctam cum utilitate publica & civili; quia scilicet quis que teneatur præstare quod illi nullo modo noceat, alteri etiam prosit ad obtinendum quod sibi debetur, l. 2. §. 5. inf. de aq. pluv. arc. Pulchrie Oldend. class. 3. att. 1. quest. 2. Postremo nec omnis obligatio aut actio quæ ex conventione est ex contractu descendit: veluti quæ nascuntur ex pactis legitimis; atque hæc fortassis causa est cur Gajus in leg. 1. pr. hoc tit. fontes obligationum indicans, eum contractus & maleficii mentionem fecisset, reliquas dicat nasci proprio quodam jure ex variis causarum figuris. Revise quæ notamus sup. ad §. ult. Inst. de obl.

13. *Dare aut facere oportere*] Verba sunt vulgaris & usitata in actionibus in personam formulæ: in qua verbum dare dominii translationem significat, §. 14. inf. hoc tit. l. 75. §. ult. de verb. obl. l. 25. §. 1. de contr. ent. verbum facere nudum factum, ut insulam ædificari, rem tradi, ll. 28. & 72. in pr. d. l. 75. §. 7. de verb. obl. uti & in divisione stipulationum, l. 3. pr. d. tit. §. ult. Inst. eod. Ait dare aut facere disjunctum, sicut etiam in §. 15. inf. hoc tit. quo tamen non hoc significat, intentionem formulæ actionum in personam duplarem esse oportere, quasi necesse sit utrumque semper oppositum uno axiomatice disjunctum disponi, formulamque hoc modo concipi: *ajo te mibi dare aut facere oportere*; sed duas esse diversas harum actionum formulas, quarum unâ intendamus adversarium dare, altera facere oportere, prout vel ad dandum vel ad faciendum obligatus est. Putaverit fortasse quispiam, cum ex faciendi obligationibus numquam agi possit ad factum ipsum, sed ad id tantum quod interest in actionem deduci, l. 13. §. 1. de re judic. d. l. 72. in fin. pr. de verb. obl. §. ult. Inst. sup. eod. fieri non posse ut umquam tali formulæ locus sit qua facere oportere intendatur; nam præstare id quod interest non esse facere sed dare, ut quidem hoc loci verba ista accipienda sunt. Sed recte dicemus hac formula, *ajo te facere oportere*, nudam contineri intentionem actoris, quæ item contestatam præcesserit. Utique enim quod promissum erat significandum fuit, atque apud prætorem

proponendum; & quia fieri poterat ut reus promissum negaret, haud dubie à prætore quoque insertum fuit formulæ, hoc forte modo, Si paret Maxium facere debuisse nec fecisse, quanti interest condemnetur: prætore ex hypothesi facti promissi & probati dirigen te jussionem de condemnando non in ipsum factum sed in id quod interest. Potest & mixta hic admitti formula, dare facere, ut dare accipiamus tamquam subrogatum r̄o facere, & ad id quod interest referatur.

14. *Aliis quibusdam modis*] Id est, aliis agendi formulæ. Nam illæ quibus intendimus adversarium dare aut facere oportere non convenient omnibus actionibus in personam, sed plerisque & maxime quibus dare, iis quæ in specie dicuntur conditiones; sunt vero & aliæ aliis in personam actionibus accommodataæ, quibus nec ut quid nobis detur proprie, nec ut fiat petimus; sed quibus, verbi causa, intendimus adversarium tradere aut restituere oportere, ut in actione commodati, depositi, pigneratitia. Neque enim arbitror verbum faciendi in hac formula, ajo te facere oportere, tam late accipi posse ut eo contineatur etiam rei traditio aut restitutio; alioqui hujus formulæ usus quoque esset in rei vindicatione. Sed, ut ante dixi, nudum factum significat: quod commemoratur quidem ab eo qui agit ex obligatione faciendi, tamquam quod præstari oportuit; sed intentio tantum dirigitur in id quod interest, quod secus est in actionibus modo commemorationis. Et ex diverso, cum is qui rem commodat deponit oppignerat dominus maneat, certum est nec contraria formulæ locum esse, neminemque posse per actionem commodati depositi, pigneratitiam intendere dari sibi oportere. Sed & in actionibus divisoriis, quas personalibus Veteres annumerant, alia formula principialis intentionis fuit, §. 20. inf. hoc tit. Quamobrem recte opinor Theophilum verba Justiniani & alii quibusdam modis reddidisse καὶ ἐτέρους δὲ τρίτου δοκιμῶν τηνάγοντα. Sed & alii modis talis actio intendari potest. Durum certe est verba ista referre ad illa remota ex contractu vel ex maleficio, quasi ceteras obligationum causas indicent prætractus & maleficia. Add. Bachov. bīc & disp. 4. de att. thes. 1.

15. *Qui nullo jure ei obligatus*] Sequitur descriptio actionis in rem, exprimens adjuncto exemplo rursus definitionem ejusdem actionis traditam in leg. 25. ff. hoc tit. ut sit actio per quam rem nostram quæ ab alio possideatur

tur petimus, & semper adversus eum est qui possidet; unde nullo iterum negotio intelligi potest & adversus quem hæc actio detur & quid petat. Ait *nullo jure*, id est neque ex contractu, neque ex maleficio, aliove facto aut jure cuius vi persona ejus qui in rem actione convenitur afficiatur: ut intelligamus, non esse inter personam ejus qui in rem agit ejusque cum quo agitur affectionis relationis, qualis est inter creditorem & debitorem propriæ dictum; sed actioni in rem locum facere solam rem possessam, non vinculum aliquod personale.

Quo casu proditæ sunt actiones in rem? Cum non ex obligatione sed alia ex causa, jure scilicet in re, judicio experimur, non in personam sed in rem actio est, cujuscumque generis jus illud sit, sive dominium directum aut utile, sive servitus, sive possessio, sive pignus. Etsi enim dominium ut principale jus in re præcipua est actionis in rem causa, & ideo quæ inde nascitur actio per antonomasiam actio in rem & rei vindicatio absolute dicitur, ut in dubio quoque ubi actionis in rem mentio fit hæc ipsa intelligatur, *titt. ff. & C. de rei vind.* non est tamen causa actionum in rem sola, ut appareat ex §§. qui proxime sequuntur, nisi forte appellatione dominii, latius sumto vocabulo, cetera quoque jura in rem comprehendendas. Hoc §. una tantum in rem actio proponitur, eaque civilis ac directa, & scilicet principalis illa quæ non alii competit quam vero rei dominio, *l. 23. ff. de rei vind.* Igitur emphyteutæ & superficiario, qui veri domini non sunt, non datur; at his datur in rem utilis, *l. 1. §. 1. si ag. v. & t. l. 74. de rei vind.* Nimirum properter aliud jus quod in re habent: quod sive dominium utile, sive jus dominio proximum appelleatur parum refert. In hac autem utili actione mutato nomine petitoris & rei petitæ eadem omnia obtinet quæ in directa.

16. *Rem corporalem possidat quam Titius suam esse &c.*] Ad fundandam actionem in rem duo extrema ponenda & probanda sunt: à parte actoris dominium, à parte rei conventi possessio: id quod ostendit tum hic locus, tum *lex 25. in pr. ff. eod. l. 23. in pr. junct. l. 36. & ult. ff. de rei vind.* Primum quod hic intendit actor & probare debet est se dominum esse; etiam causa petendi in actione in rem tota fundata est in jure dominii, ex quo ex formula in hunc modum concipiebatur, *Si paret rem petitoris esse.* Atque hoc quidem dubio omni caret. Illud du-

bitationem habet, an ad hoc ut in judicio in rem actor obtineat necesse sit ut tempore litis contestata dominus sit, an vero sufficiat ante sententiam dominum ei supervenisse. Jure Canonum res definita est, nimirum possessorem nihilominus condemnandum esse, *cap. 3. x. de rej. in 6.* At queritur de jure civili. Ego cum Joanne Fabro existimo, ex ratione juris civilis nova hic opus esse interpellatione, per expressum text. in *l. 23. ff. de judic.* qui locus non patitur ut dicamus tempus quo dominium supervenit fictione juris retrotrahi ad tempus impletaræ actionis aut suscepti judicij; & bene idem Faber judicat non procedere argumentum à reo qui post item contestata possidere coepit, ad actorem qui post id tempus dominus factus sit; nam ex parte actoris potissimum judicium fundatur & res in judicium deducitur; non potest autem dici in judicium deductum esse id quod demum post acceptum judicium actor adquisivit; ac proinde nec potest judex datum in hac specie procedere ad condemnationem, sed nova formula à prætore impetranda, novumque constituendum judicium est, *d. l. 23. de judic. junct. l. 18. ff. commod. div.* Plane ubi apud ipsos magistratus judicium instituitur, quod post *legem 2. C. de ped. jud.* fere necessarium fuit, nihil verat quominus sine ambigibus recta & eodem judicio lis decidatur & possessio in hujusmodi casu condemnetur. Et cur vero absolveretur mox alio judicio ab eodem condemnatus? Continuatio cerre dominii in persona actoris precise requiritur; nam si is post item contestatam dominus esse desierit & in eadem causa manserit usque ad tempus ferendæ sententiæ, reus omnino absolvendus est, utpote cessante causa agendi, cuius non minus tempore sententiæ quam quolis contestatur ratio habetur, per *l. 7. §. ult. ff. ad exhib.* Ita & Jas. *bis n. 69. ex comuni DD. sententia.*

17. Alterum quod ad instituendam & fundandam actionem in rem necessarium esse diximus est ut is cum quo agitur posideat. Nam cum hac actione agens rem sibi ut domino restituiri postulet, & secundum naturam hujus actionis, que arbitraria est, officio quoque judicis contineatur ut is prius quam sententiam ferat jubeat rem restitui, *§. 3. infra hoc tit.* non potest aut debet hoc ab eo peti, aut is juberi restituere qui restituendi potestatem non habet; nemo autem habet nisi is qui rem petitam possidet. Sufficit vero ad reum condemnandum possidere eum quo

tempore res judicanda est, et si non possidebat cum lis contestaretur, l. 27. §. 1. de rei vind. Possessionem autem hic latius accipimus, ut eo verbo etiam continentur nudi detentores; id est qui corpore tantum rem tenentes ejus restituendæ facultatem habent: quales sunt apud quos res deposita, aut quibus commodata est, aut qui corduxerunt &c. l. 9. ff. de rei vind. Sed nominato auctore non coguntur qui alieno nomine in possessione sunt actionem excipere, l. 2. C. ubi in rem act. Interpretatione juris pro possessore quoque habetur qui se liti obtulit judiciumque accepit decepto petitore, ll. 7. 25. & 26. ff. de rei vindic. item si qui dolo fecit quominus possideat, l. 22. l. 27. §. 3. l. 36. eod. l. 25. §. 8. de hered. pet. De quo res postulat ut plura dicamus, & simul quid juris si dolus non intervenierit. Si reus cum jam lis contestata esset possessionem amiserit, si quidem sine dolo malo aut culpa, absolvendus est, eoque pertinet d. lex 27. §. 1. si culpâ sua, pati debet estimationem; ita tamen ut audiendus sit si desideret ut adversarius actiones suas cedat, d. l. 36. §. 1. junct. l. 63. de rei vind. si dolo vel fraude, damnandus est quantum adversarius in item juraverit, nec auditur desiderans actiones sibi præstari, ll. 68. & 69. eod. Non est autem dubitandum quin judex perinde hic procedat ac si is unde peritur adhuc vere possideret, scilicet ut, quæ natura est hujus judicij, primum jubeat rem restitui, & si non restituatur tum sequatur ea quam dixi & eodem judicio codemnatio; postquam placuit dolum pro possessione esse, & pari in omnibus jure utrumque censeiri, eum qui quid habet vel possidet & cuius dolo factum sit quominus possideat, ll. 131. 150. & 157. §. 1. de reg. jur. facit l. 20. §. ult. de hered. pet. Proinde tantum non nugas agunt qui nova hic instantia & judicio opus esse contendunt, hoc solo argumento quod adversus eum qui dolo possidere desiit non directa sed utilis actio detur, l. 3. §. ult. de alien. jud. mut. caus. Evidem fateor id ita esse cum ante item contestatam dolo possessio amissa est; ubi vero semel judicio inclusa est actio, ut cœpta est ita eam peragi oportet, nec petitori nocere debet dolosi factum possessoris. Porro cum superiores regulæ & si quæ sunt generis ejusdem simpliciter & indistincte definiant dolum pro possessione esse, eumque qui dolo possidere desiit condemnandum perinde quasi adhuc possideret: ex eo recte colligitur, non

tantum eum qui post item contestatam dolo possidere desiit pro possessore haberi, sed eum etiam qui ante item contestatam similiiter per fraudem possessionem transtulit; ac proinde hunc quoque judicio in rem conveniri posse: quæ collectio firmatur ex lege 23. §. pen. de rei vind. l. 1. §. ult. de tign. junct. l. 9. pr. ad exhib. item ex eo quod Gajus in lege 36. derei vind. scribit, eum qui in rem acturus est dispicere debere an is cum quo experiri vult possideat vel dolo possidere desierit. Atque ut nullus dubitationi locus relinquatur, textus in hanc rem expressus est in lege 27. §. 1. ff. de rei vind. Quia vero revera is cum quo hic actio instituitur non possidet sed juris tantum interpretatione pro possessore habetur, hac consideratione utilis hæc actio dicitur, l. 3. §. ult. de alien. jud. mut. caus. Unicum est quod hic objici possit, & quo moti Jason & Zasius in contrarium abierunt, nimirum si cum eo qui ante item contestatam dolo desiit possidere actio in rem institui posset, frustra videri introductam à præ ore actionem in factum edicto de alien. jud. mut. caus. fact. Verum hæc objectio levior est quam ut tantos viros turbare debuerit. Nam editum illud non tantum pertinet ad translationem possessionis eludendæ actionis in rem causa factam, sed generaliter ad omnem alienationem quæ data operâ fit in fraudem nostram, ut elusoria efficiatur actio qualiscumque ea sit qua metus erat nos experturos esse, l. 4. §. 2. ll. 8. 9. & 10. de alien. jud. mut. caus. Nihil vero absurdum est si dicamus, utile judicium rei vindicationis cum actione ex edicto concurrere, ut in arbitrio actoris sit utra actione experiri velit. Quinimo hoc diserte satis traditum est in lege 3. §. ult. d. tit. Tantum Jurisconsultus electionem actoris ita moderatur, ut si is cum quo ex edicto agi potest paratus sit utile judicium pati, deneganda sit in eum actio ex edicto: scilicet quia ea oblatione fiat ut actoris nihil intereat. Ex contrario vero concedendum non est ut utile judicium in rem defugere possit qui paratus sit suscipere actionem ex edicto.

18. *Possessor autem dominum ejus se esse dicat*] Priscis temporibus ita moris fuit, ut cum a clor vindicasset rem suam esse, tum possessor contra vindicaret, ut constat ex antiquis formulis, qualis est illa quam profert Cicero pro muræna cap. 12. Fundus Sabinus meus est. Imo meus; cui similis illa apud Plaut. in Rudent. Hunc meum esse dico. Et ego item ajo

ajo esse meum. Vid. Boët. in *Top. Cicer.* Gell. 20. Noct. act. 10. Brisson. lib. 5. de form. Sive autem contraria illa possessoris vindicatio olim necessaria fuerit, sive ēπι τὸ πλεῖστον (ut plurimum) honestatis forte causa usurpara: certum est posterioribus temporibus ad defensionem rei nihil desideratum fuisse præter simplicem negationem & contradictionem qualemcumque. Ita enim jure quo nunc utimur cautum est, ut auctore non probante intentionem suam reus quamvis nihil ipse præstiterit absolvatur, inque suo loco possessio maneat. l. 4. C. de edend. l. ult. C. de rei vind. §. 3. Inst. inf. de interd. ac ne ad hoc quidem possessor compelli possit ut vel titulum possessionis sua edat, l. 11. C. de pet. ber. cum tamen qui titulum possessionis sua dicit non continuo dominum sibi asserat; consteret judicium rei vindicationis etiam consistere & peragi cum in confesso est reum non possidere affectione domini, sed alieno nomine in possessione esse, l. 9. ff. de rei vind. Absurdum autem est exigere à reo ut quid dicat quod aut aperte falsum sit, aut probare non cogatur, & quo non probato nihilominus obtineat si suam intentionem auctore non impleverit. Denique nihil interest auctoris reum contrà vindicare: minime igitur ex eo quod Imp. exemplum hoc loco forte profert mutua vindicationis inferenda est iuriis aliqua necessitas, quasi ad defensionem possessoris omnino necesse sit ut is contra vindicetur, & se dominum rei ejus quæ petitur esse contendat; & vulgatum est, verba narrative posita non censeri dispositiva quando in iis principaliter se legislator non fundat, ut notatum supr. §. 4. Inst. de milit. test. quod hic non sit. Hæc vera est hujus loci & genuina interpretatio, non spuria depravatio, ut eam appellat Anton. Contius l. disp. 12. stolidi alicujus ostentatoris. Deridet Contius ut ineptum atque ab ignaro artis dialecticæ profectum hoc enthymema: Si auctore non probante reus absolvitur, non cogitur reus contra vindicare; ipse vero sic ex contrario ratiocinatur: Si auctore probante reus condemnatur, debet reus contra vindicare. Atqui hoc enthymemate non tollitur necessitas consequiæ quæ est in superiore. Illud enim nihilominus manet, auctore non probante nihil nocere reo quod contra non vindicaverit; nec aliter falsitatis convicini connexio partium in præcedente illo axiome potest, quam si ostendatur rem qui contraria vindicatione usus non est protinus condemnantur.

dum esse, licet de intentione sua nihil probaverit petitor. At hoc nec Contius dicere ausus sit; quin ipse tacite contrarium fateatur, dum ideo reo necessitatem contra vindicandi imponit quia fieri possit ut auctor probet: ex quo quidem efficitur prodesse reo quod initio litis contra vindicetur, minime vero ad instituandam & fundandam actionem sufficere simplicem rei inficiationem & contradictionem. Et tamen etiam hoc ipsum quod contendit Contius falsum esse non dubito, & possessorem qui simpliciter negavit auctorem dominum esse non minus audiendum, si impleta intentione petitoris se dominum esse probare velit, quam si initio contra vindicasset, arg. l. 9. C. de except. Utique nihil hic fit contra regulas quæ sunt de exceptionibus in principio litis contestandis. Nam si possessor licet simplici inficiatione usus admittatur ad confutandas petitoris probationes, atque ut contrà se dominum esse ostendar, non admittitur ad allegandum aut probandum aliud quam quod in ingressu litis dixerat, auctorem dominum non esse; cum ejusdem rei duo in solidum domini esse non possit, l. 5. §. ult. commod. Cum autem auctoris probationibus per contrarias rei elisis perinde habeatur ac si nihil probatum esset, hoc unum relinquitur, ut reus absolvatur. Plane si possessor non tantum absolviri se sed dominum etiam declarari velit, recte facie: & mori judiciorum antiquo convenienter si initio in lite contestanda dominum se esse dicat & contra vindicetur, arg. l. 18. comm. div.

19. Quæ sit petitio hujus actionis propria ex his quæ dicta sunt sponte intelligitur; cum enim hæc actio sit per quam rem nostram petimus, l. 25. de obl. & auct. prius est ut auctor intendat rem suam esse quæ ab alio possidetur: sic deinde eam petat, id est restituiri sibi à possessore postulet; ac utrumque officio judicis probato dominio convenienter intentioni & petitioni sua consequitur; nam & dominum eum esse judex pronuntiat, remque ei restitui jubet cum fructibus & omni causa, ll. 20. & 35. §. 1. ff. de rei vind. Quod si possessor restituere jussus non pareat, sequitur illa sententia qua condemnatur quantia res est jurejurando auctoris estimata, quandoque etiam manu militari possessio ab eo transfertur ll. 46. & 68. eod. VENN. Quæcumque hic de lite instituenda tradit auctor, ea tit. 2. Part. 3. adamussim invenies expli- catæ. ADDIT.

TEXTUS.

De actione confessoria & negatoria.

2. *Aequo si agat quis jus sibi esse fundo for-*
tē vel adibus utendi fruendi, vel per fundum
vicini eundi agendi, vel ex fundo vicini aquam
ducendi, in rem actio est. Eiusdem generis est
actio de jure prædiorum urbanorum: veluti si
quis agat jus sibi esse altius ædes suas tollendi
prospiciendive, vel proficiendi aliquid vel im-
mittendi tignum in vicini ædes. Contra quo-
que de usufructu & de servitutibus prædiorum
rusticorum, item prædiorum urbanorum invi-
cem quoque proditæ sunt actiones: ut si quis
intendat jus non esse adversario utendi fruendi,
eundi, agendi, aquamve ducendi, item altius
tollendi, prospiciendive, vel proficiendi, immittendive: istæ quoque actiones in rem sunt, sed
negativæ. Quod genus actionis in controversiis
rerum corporalium proditum non est. Nam in his
agit quo non possidet; ei vero qui possidet non
est actio prodita per quam neget rem actoris es-
se. Sane uno casu qui possidet nibilominus is
actoris partes obtinet, sicut in latioribus Dige-
storum libris oportunius apparebit.

COMMENTARIUS.

- 1 Rerum corporalium nomine duplēcēm actionem comparatam esse, confessoriā & negatoriā, utramque in rem.
- 2 An hæ actiones etiam pro alio jure dentur quam pro servitutibus.
- 3 Actiones basce non ex figura verborum sed ex sententia & re peita estimandas.
- 4 Quæ pro Tribonianō & contra afferantur, ut ostendatur bene vel male eum inter formulas confessorias hanc ponere Ajo mihi jus esse ædes meas altius tollendi; & contraria inter negotorias.
- 5 Accurata demonstratio dari aliquod jus altius tollendi quod ei qui altius tollit jure servitutis constitutæ competat.
- 6 Actionem negatoriā de rebus corporalibus proditam non esse, & quare.
- 7 Cur eadem prodita in rebus corporalibus.
- 8 Cur in rebus corporalibus actio ulro possessori non detur. Hotomanni correctio & disputatio confutatur.
- 9 Frustra esse omnes qui unicum illum casum de quo in bujus §. calce querunt.

AQue si agat quis] Respicit ad id quod dixit §. præcedenti; veluti si rem cor-

poralem possideat quis &c. quasi dicat, etsi modo de actione in rem verba faciens rei corporalis mentionem habuit: sciendum tamen est etiam rerum incorporalium nomine quæ nostræ sunt, actionem in rem comparatam esse, nempe de usufructu & ceteris servitutibus.

1. Et observandum est, quod in hoc genere rerum non una tantum actio prodita sit, ut in controversiis rerum corporalium, sed duæ diversæ, una servitutem sibi competere asserenti, altera neganti servitutem ad alium pertinere; qua servitus asseritur, confessoria; qua ad alium pertinere negatur, passim negatoria à prudentibus vocatur, l. 2. ff. si serv. vind. interdum negativa, l. 5. si usufr. pet. & à Justiniano hoc textu. Ambæ in rem, ut pote quibus rem nostram petimus, aut servitutem vindicando, aut rei nostræ persequendo libertatem. Hinc & duplex horum tit. si usufr. pet. vel ad alium pert. negetur: si servitus vind. vel ad al. pert. neg. inscriptio, & concepta iis verbis quibus actio in rem significatur, scilicet petitionis & vindicationis, ll. 24. & 28. de obl. & act. Servitutum quædam sunt personarum ut usus & usufructus, quædam rerum sive prædiorum, l. 1. ff. de serv. & quæ prædiorum sunt, earum quædam prædiorum urbanorum, quædam prædiorum rusticorum. Sed de servitutibus ipsis tractare aut de earum constitutione non est hujus loci: pertinet ea tractatio ad secundum juris objectum, atcumque de iis sup. lib. 2. Inst. tit. 3. 4. & 5. Quod vero exempla singulorum generum hic proferuntur, ideo tantum sit ut intelligamus de omnibus actiones in rem quas diximus competere; nec est de eo ulla controversia.

2. Verum illud quæritur, an non præter servitutes quæ solæ hic commemorantur sint alia quædam jura quorum tenendorum causâ similiter ut pro servitutibus actio confessoria aut negatoria jure nostro comparata sit: veluti ut quis jurisdictionem sibi asserat, aut ad alium pertinere negat. Et bene Vaud. 1. var. quæst. 27. probat non esse. Nam si plura sunt harum actionum habilia objecta, cur solæ nominantur servitutes? aut cur confessoria & negatoria ut usufructus & servitutum actiones propriæ à Jurisconsultis proponuntur? l. 1. l. 4. fere per tot. si serv. vind. l. 5. si usufr. pet. quibus in locis observare licet hac, ut iudicari (æquipollentia) sæpe inter se permutari, actionem confessoriā aut negatoriā, & actionem de servitutibus. Infantiam suam prædunt

dunt in rebus ad formam ac constitutionem Re. p. Romanæ pertinentibus qui putant, potuisse etiam magistratus populi Romani hujusmodi actione aliqua, saltem utili, suam sibi defendere & vindicare iurisdictionem; nam ut actio nobis competat necesse est rem quam petimus in bonis nostris esse, arg. l. 52. de adq. rer. dom. id est, vel nostram esse, vel nobis debitam, l. 49. de verb. signif. quod & ostendit actionis definitio ut ea à nobis explicata est. Jurisdiction autem non erat res magistratum propria, aut pars eorum patrimonii; sed ex concessione tantum Principis aut populi magistratus omnes nec ultra annum eam exercebant, ut ridiculum sit existimare pro ea sibi tuenda actionibus experiri potuisse. Plane hodie postquam jurisdiction facta est patrimonialis, possunt actiones de servitutibus ad eam quoque vindicandam accommodari per extensionem, ut Principes, Comites sive alii qui cum territorio jurisdictionem perpetuam habent, pro ea sibi asserenda utili confessoria experiantur contra eos qui exercitionem ejus impediunt: quæ & communis est Interpp. sententia, teste Suarez recept. sent. n. 52. add. Gail. 2. obs. 66. Schneid. bīc n. 11. Vinn. Sententia hæc ut pro jurisdictione patrimoniali & ceteris juribus incorporalibus tuendis actiones confessoria & negatoria instituantur frequentiori apud nos recepta est calculo. Gom. 2. var. cap. 15. n. 12. Paz prax. rom. 1. cap. 1. §. 4. n. 22 licet oppositum tenuerit Cov. lib. 1. var. cap. 7. n. 10. ADDIT.

3. Illud monendi sumus, nomina harum actionum non tam ex conceptione verborum intentionis quam ex re per se & eo quod effectu intenditur nata esse. Nam ut ex definitione utriusque actionis constat tradita in lege 2. §. 1. si serv. vind. & exemplo proposito in lege 4. §. 7. eod. tit. quisquis intendit servitutem sibi competere confessoriæ utitur, & affirmativa ejus intentio habetur, etsi oratio verbis negativa est; & qui vi ipsa negat rem suam servire, agit negatoria, etiamsi verbis affirmantibus intentio concepta sit. Intendit ergo aliquis habere se jus altius tollendi invito vicino: negatoria utitur, etsi oratio affirmativa est; quia re ipsa negat servitutem se vicino debere, sive vicino jus esse prohibendi quominus ædes altius tollat: quo modo si concipiatur formula etiam verbis negativa erit. Ex contrario, agit aliquis jus vicino non esse ædes suas altius tollere: hic agit confessoriæ, ut maxime utatur verbis ne-

gantibus, quia servitutem sibi competere contendit, sive jus sibi esse prohibendi ne vicinus altius ædificet: quæ intentio etiam figuræ orationis affirmativa est, d. l. 5. §. 7. Atque hoc quidem est in dictis formulis perpetuum ubi nulla lege civitatis libertas ædificandi circumscripta est; quod si certa altitudo publice constituta sit supra quam ædificare invito vicino non liceat: eveniet nonnumquam ut & prior formula uti verbis affirmativa est, ita & re ipsa sit, & vindicandæ servituti per confessoriam accommodata; & contraria posterior ut verbis negat, ita & sententia verborum negatoria contineat, qua servitus negetur, asseratur libertas, ut mox clarius apparet.

4. *Jus sibi esse altius ædes suas tollendi]* Si verum est quod modo diximus, utrum actio pro confessoria aut negatoria habenda sit magis ex sententia verborum & re petita æstimandum esse quam ex orationis figura: videri potest Tribonianus, deceptus formularum conceptione, hic aliquid turbasse; ac per incuriam formulam hanc, Ajo mibi jus esse altius ædes meas tollendi cum aliis formulis confessoriarum conjunxisse, quibuscum nihil commune habet præter externam verborum formam. Et contraria paulo post actionem per quam intendo jus non esse vicino altius tollendi eodem errore, quia verbis negativa est, conjunxisse cum negatoriis. Nam secundum ea quæ diximus, ut prior illa vi ipsa negatoria est, quia qui eā uitur nullam servitutem sibi vindicat sed effectu negat se alteri servitutem altius non tollendi debere: ita contraria qua agens negat vicinum jus habere altius tollendi effectu est confessoria, quia servitutem istam suis ædibus à viciniis deberi contendit. Et quidem video Tribonianum hoc nomine à Glossa & Hotomanno reprehendi, necnon novissime à Bachovio, qui eo amplius æuipræua (peccatum) istud Tribonianum potius condonandum contendit, quam admittendas esse innanes quasdam conjecturas quæ pro defensione Triboniani afferuntur excogitantesque ad formandum jus aliquod altius tollenti, quod quis vi servitutis sibi constitutæ confessoriæ vindicare possit; aut contra, quo quis jure libertatis ædum suarum negatoriæ agat jus non esse vicino tollere ædificium suum. Et sane species quæ à Glossa proponitur exemplum manifestum est negatoria nempe si cum vicino, (cum esset in quasi possessione juris ne ego altius ædificatum habeam) again jus mihi esse altius ædificatum habere: quam

quam palam est non servitutis sed libertatis vindicationem esse, *l. 8. C. de servit. l. 9. ff. de serv. præd. urb. 1.4. §. 7. si serv. vind.* Fattendum quoque est non quadrare exemplum quod profert Dynus & post eum Jason *bic n. 43.* Si oneris ferendi causâ servitus imposita sit, & vicini ædibus qua serviunt collapsis alter agat ut denuo extruantur & in eam altitudinem paries erigatur, ut secundum legem impositæ servitutis recipiendo oneri nostrorum ædium sit idoneus. Hoc enim exemplum est vindicationis diversi generis servitutis, nempe oneris ferendi, quam vindicando simul consequimur ut vicinus ædes reficere cogatur. Simili quoque in errore versari fatemur eos qui exemplum confessoriæ de hac servitute peti posse putant ex *lege 17. §. 2. de serv. præd. urb.* & nimirum tale: si cum mea interesset vicini ædes altius tolli (forte ut per repercussionem lumen in meas ædes depressiores devolveretur) vicinus mihi cesserit servitutem altius tollendi; & postea cum eo experiar ut altius tollat; nam & hoc æque alienum est. Ut enim formulæ confessoriæ de qua agimus locus sit, quærenda specie servitutis non ab eo debita de cuius ædium sublatione agitur, & qui ob id ipse cogi potest suas ædes altius tollere ad commodum vicinorum, (quamquam dari talem servitutem posse non existimo, per *l. 15. §. 1. de serv.*) sed ei ipsi debita qui tollit; ac proinde qui ad suum commodum id facere possit invito vicino; eoque non paciente servitutem sibi competentem vindicare hac formula, *Ajo nibi jus esse ædes meas altius tollendi;* aut, *licere altius tollere,* *l. 2. de serv. præd. rust. l. 7. §. 1. comm. præd.* Denique fateor, si pactio aliqua libertatem ædificandi mihi ademero, ea que contrario pacto mihi rursus concessa sit, ne sic quidem jure servitutis mihi posteriori pacto constitutæ intendere me posse, licere mihi altius ædes meas tollere. Quippe cum posteriore pacto non nova mihi servitus à vicino constituatur, sed quæ illi à me constituta erat remittatur; ut jam res mea redeat in libertatem naturalem, de qua si experiar, agam quidem jus esse mihi altius ædificare, sed jure rei meæ quæ jam amplius non serviat, ac proinde actione negatoria, *d. l. 2. §. 1. & d. l. 4. §. 7. si serv. vind. junct. l. 8. C. de servit.* Idemque dicendum esse si vicinus quod juris contra me longa quasi possessione sive præscriptione quæserat postea remisserit. Et haec tenus quidem nihil recte pro Triboniano. Sed est aliud, cuius paulo ante mentionem fe-

ci, quod ad defensionem ejus adferri potest, non in vana aliqua conjectura positum, sed subnixum manifesta auctoritate conditorum juris, quam frustra conatur eludere Bachovius, ut fuse probavimus in exegesi *§. 1. Init. sup. de servit. præd.* quanobrem hic erimus breviores.

5. Quidquid ergo dicat Bachovius, dari aliquod jus altius tollendi quod ei qui altius tollit jure servitutis constitutæ competit, patet ex Gajo *lege 2. de servit. præd. jud.* qui eo loco diserte dicit, jus altius tollendi esse jus urbani prædii, atque hoc ipsum jus, ut servitutem diversi generis, segregat à jure non extollendi. Idem facit Paulus *lege 1. d. tit. & l. 7. §. 1. comm. præd.* Item Neratius *lege 2. de serv. præd. rust.* ubi apertissimis verbis rusticæ prædii servitutem esse pronuntiat, *licere altius tollere & officere prætorio vicini.* Loquitur Jurisconsultus suo arbitratu, ex loco prædium rusticum appellans ædificium quod ruri est, non considerato juris effectu, cujus alioqui consideratione etiam ædifica quæ in agris sunt pro urbanis prædiis haberi solent, *l. 1. comm. præd. l. 198. de verb. sign.* quod ad rem præstantem nihil pertinet, & alibi explicatum est. Accedit, quod in *lege 1. C. de servit.* scriptum ab Antonino est, servitutem altius sublatum habendi sive contra veterem formam ædificiorum ædificandi longa possessione adquiri posse. Quæ constitutio everit commentum Bachovii negantis jus altius tollendi servitutem dici posse, nisi quatenus relatio fit ad vicinum, qui altero altius ædificante ipse contra ædificare & luminibus ejus officere jure constituta servitute non potest, ut supradicto loco pluribus ostensum est. Hoc igitur posito, dari hujusmodi aliquam servitutem, restat ut exempla proferamus. Ea nobis suppeditant leges *11. ff. de serv. præd. urb. 1. & pen. §. 1. C. de ædif. priv. 1. C. de servit. 14. de servit. præd. urb. Tacit. lib. 15. annal. cap. 42. Strabo lib. 5. Aurel. Victor in epitom.* quibus omnino adde Pet. Fab. ad *l. 61. de reg. jur.* Hi loci atque autores nos docent ædificiorum altitudinem olim restrictam fuisse ad certum modum, & in plerisque civitatibus, & ipsis etiam urbibus Româ & Constantinopoli, quem modum excedere ædificando non liceret; deinde etiam non potuisse dominum in area sua ædificare nisi intermissio legitimò spatio à vicina insula, ut testatur Papinianus *d. l. 14. utrumque autem in vicinorum gratiam:* illud propter discrimen ac periculum ruinæ, quod non minus vici-

vicinum quam dominum ipsum tangit; hoc ut saltē tantum luminis quantum distanciā illa afferebat vicini aurire & cœlum videre possent; notum enim est quo magis distat à vicino paries eo minus in eo ædificantem lumenib[us] vicini officere; fortassis etiam propter metum incendi; quo in una domo orto contiguæ quoque facile conripiuntur. Cohibita igitur lege civitatis intra certum modum ædificandi licentiā: & ea qua dixi gratiā jus altius tollendi alias libertatis esse potuit, non raro item contrā, impositaque à vicino & alteri quæsitz servitutis: sicuti & nunc esse potest, sicubi locorum certa ædificiorum forma altitudoque publice constituta est supra quam ædes extollere invito vicino non liceat. Nam si forma præscripta non exceditur haec tenus libere & jure rei suæ quisque ædificat, potestque id facere etiam cum incommodo vicini eoque obtinente: uti jure gentium ædificare quisque potest in infinitum cum nulla ædificiorum forma definita est, *ll. 9. § 11. ff. de servit. præd. urb. l. 8. C. de servit.* nimis in suo facere quisque quod lubet potest, dum in alienum nihil immittat, *l. 8. §. 5. si serv. vind.* Proinde si quis hic prohibitus à vicino ad modum præfixum ædificare, intendat contra prohibentem jus sibi esse altius ædificandi, is ædes suas haec tenus liberas esse contendit, negans servitutem se debere, utiturque ex definitione *legis 2. §. 1. d. tit. actione negatoria*, non confessoria: ut fatendum sit erravisse Tribonianum si creditit pro vindicando jure altius tollendi confessoria agi si jus illud aut plane liberum sit, aut restrictum quidem ad certum modum sed intra quem agens consistere volet. Sed ponamus, ædificantem definitam lege municipalī formam sive altitudinem non custodiare: hic jam reperiimus exemplum & actionis confessoriae de servitute altius tollendi, & negotiorae de servitute contraria non extollendi. Nam si vicinus mihi concederit jus invito se supra eam altitudinem ædes meas tollendi & officiendi lumenib[us] suis, hoc jus servitutis erit qua pati debeat quod prius pati jure publico non cogebatur, altius me ædificare cum incommodo suo: quod pati utique servitutis est, *l. 15. §. 1. de serv.* & proinde si me impediat quominus altius ædificem, hic locus erit actioni confessoriae qua intendam jus mihi esse ædes meas altius tollere: quam servitutis vindicationem esse in specie proposita dico, cum ex jure impositio cum vicino agam, contendamque eum hanc mihi servitutem debere

ut cogatur altius ædificantem pati. Ex contrario si vicinus nullum mihi jus cesserit, atque ego nihilominus supra statutum modum ædificare incipiam, hic jam locus erit negotiorae, qua vicinus intendat jus mihi non esse invito se ædes meas extollere: quæ libertatis vindicatio non servitutis est; cum hac intentione servitus h[ic] mihi deberi negetur, vicini ædes haec tenus libere esse dicantur ut me altius ædificantem non cogatur pati. Simile exemplum fingi potest si certum aliquod spatium jure publico definitum sit quod in ædificando intermitatur à vicini insula *juxta l. 14. de serv. præd. urb.* Atque his casibus etiam servitutis quam querimus locum obtinet longi temporis consuetudo, ut scriptum est in *l. 1. C. de serv.* His autem quæ diximus non obstat quod prius confessi sumus, si libertas ademta sit pactio (*puta qui inter me & vicinum convenerat ut ad certam dumtaxat altitudinem ædificarem, & diem vicinus mihi postea concesserit ædificare altius*) non novam hic mihi servitutem constitui sed constitutam pacto posteriore remitti, remque meam sic redire in pristinam libertatem; Cum enim lege potestas naturalis libere ædificandi sublata est, licet unus è vicinis mihi cesserit jus altius ædificandi quam invito eo per legem liceat: manet tamen res mea affecta eadem conditione & qualitate respectu ceterorum vicinorum quorum interest ædes meas altius non tolli; nisi ponamus omnes simul cessisse, quo casu concedam liberas eas fieri. Ad hujusmodi igitur statuta facta in gratiam vicinorum, interpositaque contrarias factiones, aut ad longi temporis in contrarium usum, si Tribonianus respiciens formulam qua quis intendit jus sibi esse ædes suas vicino invito altius tollere confessoriis adscripsit, & contrariam negotioris: nullus error ei obici potest. Addimus semper *vicinorum gratiā*. Nam si quid precise constitutum sit non habita ratione vicinorum sed ornatus tantum publici causā: locum habet regula, pactis privatorum juri publico derogari non posse, *l. 38. de paſt. cum similibus.* Vedit hoc primo Joann. Faber; diligentius exposuere Zas. Bar. Don. &c novissime Christoph. Riccius in *præmiss. vind. jur. cap. 14.* Si cui tamen adhuc scrupulus hæret, eximent ea quæ scripsimus supra memorato loco, *§. 1. Inst. sup. de serv. præd.*

6. *Quod genus actionis in controversiis rerum corporalium proditum non est.]* Actiones in rem de rebus incorporalibus sunt duorum

generum, confessoriæ & negatoriæ; de rebus corporalibus generis unius, omnes scilicet confessoriæ; quamquam in harum rerum vindicatione verbo *confessoriæ* non utimur, quia nulla in iis est actio negatoria. Differentia manavit ex hoc principio, quod quicumque judicio cum aliquo experiri vult ad rem aliquam obtinendam, eum de suo jure non de alieno agere oporteat, *l. 5. si ususfr. pet.* id est ita agere ut dicat aliquid esse suum, non autem simpliciter neget esse alienum; nec refert de re corporali agere an de incorporali, servitute aut rei nostræ libertate. Estque in promptu hujus rei ratio; nam qui alienum esse negat, nihil hac intentione jus suum promovet; cum si res adversarii non sit non continuo sequatur eam esse agentis, & fieri possit ut sit neutrius. Rerum autem corporalium ea natura est ut qui rem quam petit adversarii esse negat non ideo affirmet hic quidquam suum esse; unde est quod inutilis hic sit agenti negatio, ut agenti non de jure suo sed alieno dumtaxat. In servitutibus vero contra est; nam qui servitutem se debere negat, hac inficiatione vi ipsa simul aliquid suum esse affirmat: id est rem suam liberam esse, *l. 4. §. 7. si serv. vind.* & proinde de suo jure non alieno agit, ut est in *d. l. 5. si ususfr. pet.* quæ res facit ut negatio in his rebus agenti inutilis non sit. Et negatoria igitur actio ipsa quoque in servitutibus admissa est: non ut negans, sed ut affirmans, & ut confessoriæ; idque exemplo quoque rerum corporalium.

7. Nam in his agit qui non possidet] Ratio declarans id quod proxime dixerat, actionem negatoria in controversiis rerum corporalium proditam non esse; quia scilicet sic comparatum est, ut in his solus agere possit is qui non possidet, cui actionem negatoria dari natura rerum non patitur: de quo plura paulo post. Indicatur autem hic alia controversiarum de rebus corporalibus & incorporalibus differentia: nimis quod in illis is solus agere possit qui non possidet; in his is etiam qui sit in possessione. Videamus quam recte. Si rem corporalem possidenti in rem actionem dari volumus, ea aut confessoria erit, aut negatoria. Ut confessoria possessori detur ne natura quidem hujus actionis admittit; quippe per quam petimus ut res quam nostram esse asserimus nobis restituatur. Hæc vero intentio nullo modo potest convenire possessori; ridiculum enim est petere quod habeas, aut quid restitui ab eo qui non ha-

beat ac proinde restituere non possit. Contradictionem quoque implicat si quis intendat se possessorem esse & nihilominus rem sibi restitui postulet ab adversario. Quod si contendat rem non esse penes adversarium & tamen ab eo sibi velit restitui, cum ipsa rerum pugnat natura, per quam fieri non potest ut quis restituit at quod non habet. Negatoria quoniam possessori detur natura impedimento non est; nihil enim prohibet actionem ultro possessori dari adversus turbatorum eumve quem sibi possessionis controversiam facturum metuit, ne inquietetur, exemplo negatoria de servitutibus, *l. 5. §. ult. si ususfr. pet.* sed tamen ne hæc quidem posse so ri rei corporali prodita est, quia visa est non necessaria, & sufficere possessori ad securitatem eo quod possideat, *l. 1. §. 6. uti possid.* Plane ad evincendum rem suam esse, quod quavis actione in rem agens effectu intendit, tam possidenti rem corporalem quam non possidenti inepta & inutilis est negatoria; quia nemo se dominum esse aut rem suam esse vincit propterea quod negat esse adversarii, ut dictum est supra. In rerum incorporalium sive servitutum & libertatis vindicatione omnia contrario modo se habent; nam nec minus is qui est in possessione servitutis de servitute confessoriæ agere potest, quam is qui non est in possessione; & contra is non minus qui est in possessione libertatis de jure suo experiri negatoriæ potest, quam si non sit. Et hoc est quod Ulpianus scribit, in servitutibus posse eundem & possessorem juris & petitorem esse, *l. 6. §. 1. si serv. vind.* quod & traditur in *l. 8. §. 3. d. tit. l. 5. §. ult. si ususfr. pet.* Nascitur hæc diversitas ex eo quod rerum corporalium possessio ita compara ta sit, ut nemo eam possessori dum rem suam tenet nisi per vim intervertere possit; ut adeo supervacuum sit actionem ei ultro dari, cum ad securitatem hoc ipsi sufficit quod possidet, *d. l. 1. §. 6. uti possid.* Rerum vero incorporalium sive servitutum possessio consistit in nudo nostro usu & alterius patientia; estque is usus non rei nostræ quam penes nos aut in potestate nostra habemus, sed alienæ & plerumque in alieno; ut facile sive scientibus sive ignorantibus nobis hic usus impediti possit. Aetius mihi constitutus est in prædio alieno: paciente domino fundi aliquamdius usus sum servitute, qui usus possessor me facit, *l. 5. de ususfr. l. ult. de serv.* potest tamen dominus fundum suum occlude re cum videtur & hunc mihi usum servitutis im-

impedire. Tignum immissum habeo in paritem vicini : ego sum possessor, l. 8. §. 3. si serv. vind. totum tamen hoc in potestate vicini est, qui quoties vult efficere potest ne tignum immissum habeam, vel sciente vel ignorantie me tignum præcidendo, vel diruendo parietem. Hæc autem res cum faciat ut effectu nec servitutem possidere videar, certe non ita possidere ut mihi sufficiat quod possideam, qui non eo magis sum securus: ideo merito hæc actio necessaria visa est qua consequar servitute utendi securitatem, l. 5. §. ult. si usufr. pet. Eadem libertatis, cuius nomine negotioria agitur, ratio est; nam & libertatis rei nostræ possessio nudi usus est, & in patientia alterius, sive vicini qui ea nos uti libere patitur: quam patientiam etsi aliquando præsticit, potest tamen cum vult non præstare, & nos vel scientes vel ignorantes in hac possessione turbare usurpando servitutem. Quia igitur nec hic possidenti ad securitatem sufficit quod possideat: prodita est ei actio negotoria qua ultro judicio experiatur, libertatemque rei suæ asserat, hoc effectu ne in posterum inquietetur, ut loquitur Ulp. in d. l. 5. §. ult. si usufr. pet. Notandum autem, etsi possessor juris ultro actionem moveat, lite tamen instituta eum qui non possidet petitoris partes & onera sustinere, commodo autem possessoris frui, qui est in possessione, ut maxime actionem ipse instituerit, l. 8. §. 3. si serv. vind. & ideo fœstra hic nobis objici quod à Veteribus constanter traditum est, non posse inter litigatores aliter item expediri quam si alter petitor alter possessor sit, l. 62. de jud. l. 1. §. 3. uti possid. §. 4. inf. Inst. de interd. Ut redeam ad proposita verba textus, ait Justinianus, in rebus corporalibus eum agere qui non possidet. Quid ergo hoc ad probationem ejus quod prius dixerat, actionem negotoriam in controversiis rerum corporalium proditam non esse? Hoc nimurum, ut si aliqua de his rebus actio negotoria alicui accommodari possit, non possit tamen non possidenti. Jam vero in ipsis rebus si quis agat, eum solum jure agere qui non possidet. Ex quo sponte vult intelligi, actionem negotoriam in rei corporalis vindicatione locum non habere, sed confessoriam dumtaxat. Et potest etiam revera quisque hoc per se intelligere, posito eo quod in rebus corporalibus is solum recte agat qui non possidet. Etenim si dari aliquam in proposito actionem non possidenti volumus, ea non alia esse potest quam per quam rem suam petat, ac proinde

quam & suam esse intendat; nam si neget suam esse in se telum torquet; si neget esse adversarii nihil hoc ad probationem ejus quo intendit, rem scilicet suam esse. Relinquitur ergo, ut non possidenti non alia actio in lite de re corporali accomodari naturâ possit quam confessoria.

Ei vero qui possidet non est actio prodita per quam neget rem actoris esse] Hæc pars aperiens per adversativam à præcedenti distinguitur tamquam diversum continens. Quid ergo illud est? Nempe hoc. In priore parte enuntiati dixit, in controversiis rerum corporalium eum agere qui non possidet: ex quo solo intelligi voluit actionem negotoriam huic accommodari non posse: ideo vero non posse, quia natura rerum non patitur talem actionem ad rem suam petendam non possidenti dari.

8. Nunc ei item qui possidet eandem actionem detrahit, sed ita loquitur ut non obscure indicet esse id ex alia causa quam ea ob quam qui non possidet hac actione agere nequit; non enim naturam obstat quo minus possidenti detur actio adversus turbatorem, qua neget rem ejus esse, & sic quiescere eum per judicem jubeat, quomodo agitur interdicto, l. 1. §. 4. & 6. uti possid. sed tamen possessorem rei non ita agere, quia talis actio jure ei non sit prodita. Cur autem prodita non sit jam ante explicatum est. An ergo dabitur confessoria? Minime. Neque hoc ex eo quod possidenti tantum detrahit negotoriam contra mentem Justiniani colligendum est, cui solum propositum probare negotoria actionis in controversiis de re corporali nullum esse usum. Ex his jam satis patere arbitror causam nullam esse cur quæ certo hic scripta sunt mutemus, aut vel latum unguem recedamus à constanti librorum omnium lectione. Theoph. in paraphrasi sic locum Græco reddidit, τῷ γὰρ νομίῳ ἡ διδότης (possessori autem non datur) in rem. An ideo quia paraphrastes verba illa per quam neget rem actoris esse non expressit, sed simpli citer & generaliter scripsit actionem in rem ei qui possidet proditam non esse, prorsus locus hic mutilandus & verba ista detrahenda sunt? Nam etsi non detrahias, recte tamen & vera est loci sententia; licet si demas, apertior. D. Hotomannus, cui tota periodus suspecta est, locum censem restituendum hoc modo: *Ei vero qui non possidet non est actio prodita per quam neget rem alterius esse*, aut forte *actoris*. Sed nulla, ut ego quidem existimo, necessitate; nam & particule ad-

versativæ vero sua vis constat retenta lectio-
ne communi ut paulo ante demonstravimus,
& verum est actionem negativam possidenti
non esse proditam, cum sit nulla, teste Ulp.
l. i. §. 6. *uti poss.* Ipse Hotomannus dum
colorem inserendæ negationi querit, impru-
dens quod dictum in Justiniano culpaverat
mox laudat ut præclare dictum ab Ulpiano.
Frustra autem pro voce *actoris* substituas *al-
terius* vel *auctoris*; cum ex verbis Justiniani
præcedentibus & antithesi qua actorem op-
ponit ei qui possidet, perspicuum sit *actoris*
verbo hic intelligi eum qui non possidet: non
qui nunc actor sit, sed qui si hoc casu age-
retur auctor esse deberet. Sic ergo adstruc-
ta hujus loci lectione & sententia, videamus
an recte & legibus argumentandi convenien-
ter hic disputet Justinianus; nam hoc quo-
que ab Hotomanno negari video. Sic con-
cl. dit: *Controversia omnis quæ de rebus cor-
poralibus actione in rem movetur, aut movetur
ab eo qui rem non possidet, aut ab eo qui pos-
sidet; neutrō autem in genere locum babet ne-
gatoria actio: ergo in totum in his controversiis
locum non babet.* Bene, si quid unquam. Pro-
batio enim est ab enumeratione partium, qua-
rum à singulis in assumptione removetur *actio*
negatoria. Quod ad efficiendum id quod pro-
posuerat firmum & satis est. Quamobrem mi-
rari satis non possum D. Hotomann. qui scri-
bit sæpe se tentasse aliosque etiam artifices
se peritiores adhibuisse quo hanc Justiniani
ratioicationem revocaret ad aliquam argumen-
tationis formam, ex qua vera sententia eliceretur; sed non profecisse hilum. Sic enim
ille omnino existimat, in priore parte as-
sumptionis Justinianæ quæ hæc est, *nam in
bis agit qui non possidet: subaudiendum, ne-
gatoria vero semper possessori datur;* ut sit hæc
collectio: *Negatoria semper datur possessori: in
controversiis rerum corporalium semper agit is
qui non possidet;* quare in istis controversiis non
est prodita *actio negatoria.* Fatemur hujus syl-
logismi propositionem falsam esse; sed nega-
mus Justinianum sic argumentari, aut in argumen-
tatione ejus subaudiendum quod Ho-
toannus existimat; rectam enim esse sine
illo abunde probabimus.

9. *Sane uno casu.]* Frustra sunt omnes qui
unum hunc casum aut adhuc querunt aut se
invenisse putant; neque existimo Justinianum
ad querendum unum casum quem tribus ver-
bis indicare poterat lectorem alegare voluisse
ad latissima volumina Pandectarum.
Quare cum Donell. & Wesemb. legendum

hoc loco arbitrarer, *Sane non uno casu &c.*
veluti in probandis exceptionibus, aut si pos-
sessor fiduciæ causæ suæ ultro onus probandi
in se suscepit, *ll. 14. & 19. de probat.* &
si qui sunt similes. Quod etiam verbis Justini-
nani convenientius est; quippe qui non ait
possessorem rei corporalis aliquo casu agere
aut actorem esse, sed partes actoris, id est,
onus probandi sustinere. Id vero non uno ca-
su sed pluribus accidit. Denique hoc eodem
modo locum hunc in quibusdam exemplari-
bus legi testis est Aemylius Ferretus. Alii,
Sane hoc uno casu, èr in dīs uīorē dīparati. Theo-
phil. VINN. Et hæc postrema lectio, si qua
ulla, vera mihi videtur. Quis enim credide-
rit Tribonianum tam inepte adfectare voluisse
brevitatem ut multis verbis lectorem ad
latiora Digestorum volumina remittere, quam
casum illum uno verbo indicare maluerit?
Scripsit itaque procul dubio unum esse hunc
casum quo is agat qui possidet; cum alioquin
ordinarie in judiciis petitoris possessor rei
vices sustineat. HEIN. Quam hic multis dispu-
tat auctor de rebus tamen nullius usus! uti-
liora concessit Paz in *sua prax. tom. 3.* quem
de hac re omnino consules. ADDIT.

T E X T U S .

De actionibus prætoriis realibus.

3. *Sed istæ quidem actiones quarum men-
tionem habuimus, & si que sunt similes, ex le-
gitimis & civilibus causis descendunt. Aliæ au-
tem sunt quas prætor ex sua jurisdictione com-
paratas babet tam in rem quam in personam:
quas & ipsas necessarium est exemplis ostende-
re. Ut ecce, plerunque ita permittit prætor in
rem agere, ut vel actor dicat se quasi usuce-
pisse quod non usuceperit; vel ex diverso posses-
sor dicat adversarium suum non usucepisse
quod usuceperit.*

C O M M E N T A R I U S .

- 1 *Divisionem hic propositam æque principalem
esse ac superiorem; & unde sumta.*
- 2 *Legitimum quid proprie, & quid latius in
usu juris.*
- 3 *Prudentum non fuisse actiones dare.*
- 4 *Non omnes actiones que edicto prætoris pro-
ponuntur esse prætorias.*

1. *I*n sinuatur hic alia actionum divisio
sumta à causis efficientibus ren-
tis,

tis, jure civili scilicet & jure prætorio: quæque principialis est atque superior illa à causis proximis; nam omnes omnino actiones siue in rem sint sive in personam aut civiles sunt aut prætoriae, quæ passim etiam honorariae appellantur, l. 25. §. ult. de obl. & c. Ad eundem modum atque ex iisdem causis dividuntur obligationes sup. §. 1. Inst. de obl. quæ divisio in illo tractatu non ut hic, secundo, sed primo loco proponitur; & demum post eam altera à causis efficientibus proximis. Quippe in hujusmodi partitionibus parum refert unde incipiatur.

Istæ actiones quarum mentionem habuimus] Palam est, Justinianum his verbis non intelligere genera ipsa actionum quæ ante nominavit, sed certas species horum generum ante expressas, videlicet vindicationem rei corporalis, & de servitutibus confessoriam & negatoriam. Actionum in personam speciem nullam expressit; itaque nec his verbis illarum aliqua significatur, sed contineri possunt iis quæ proxime sequuntur.

Et si quæ sunt similes] Similes sunt ex actionibus in rem petitio hereditatis, l. 1. 2. & 3. de ber. pet. confessoria & negatoria de servitutibus aliis quam quas supra commemoravit; ex actionibus in personam illæ quæ eamdem originem & causam remotam habent: nimirum quæ competunt ex obligationibus jure constitutis aut approbatis; que cum innumere sint, supervacuum putavit aliquas exempli causa proponere.

2. Ex legitimis & civilibus causis] Legitimum proprie dicitur quod est ex lege, id est ea parte juris quæ proprie lex appellatur in divisione juris civilis, §. 4. Inst. sup. de jur. nat. gent. Sed in usu juris latius accipi solet, ut eo nomine etiam id significetur quod est ex aliqua parte juris civilis quæ legis vim habet, puta plebiscitis, senatusconsultis, constitutionibus Principum, l. 6. de patt. l. 7. de cap. min. l. 3. §. pen. pro soc. l. 14. §. ult. de præscr. verb. l. 25. §. ult. l. 3. unde legit. Itaque actiones quæ ex ipsis causis descendunt omnes sunt civiles & legitimæ. Quod addit, & *civilibus*, eo comprehendere voluisse videtur etiam actiones quæ competunt ex obligationibus quæ à jure civili præter confirmationem nihil habent, & nimirum quarum causæ exdem quæ & obligationum, contractus scilicet juris gentium omnes, & quasi contractus, de quibus egit supra in argumento obligationum, arg. §. 1. Inst. de oblig. Consulto inter causas actionum civiles non

numeravi interpretationem prudentum; quippe ex qua parte juris nullæ umquam actiones datæ sunt aut dari potuerunt.

3. Neque enim prudentum fuit actionem constituere, sed an data esset lege interpretari, & eam quæ data erat ostendere, l. 2. §. 6. & 12. de orig. jur. A prudentibus quidem & tota ea pars juris profecta est quæ dicebatur legis actiones; ceterum ea non actionum constitutionem, sed ex actionibus constitutis agendi formulam continebat, ut aperte declarat Pompon. d. loc. Hoc obiter monere volui propter eorum errorem qui putant eam fuisse auctoritatem prudentum ut ipsi etiam ex causa aliqua actionem dare & constituere potuerint.

4. Ex sua jurisdictione] Id est, ex suo editio, ut passim alibi jurisdictione pro edicto, l. 1. §. pen. de postul. l. 7. de jurisd. & similibus. Nam editum pars erat jurisdictionis prætoriae, l. 2. §. 10. de orig. jur. Enimvero non est argumentum actionis prætoriae quod prætor dicat edito suo, *actionem dabo*. Solebant enim prætores etiam actiones civiles editis monitoriis proponere: exemplo sit actio commodati, l. 1. commod. sed ea dumtaxat prætoriae sunt quas ipsi prætores ex jurisdictione sua introduxerunt: quod ab iis æquitate postulante ut plurimum factum est cum actiones civiles deficerent.

Necessarium est exemplis ostendere] Necessarium non absolute, sed cum adjuncto, si velimus id quod dictum est recte intelligere. Quamquam autem longe plures sunt actionum prætoriarum species quam quæ à Justiniano postea proferuntur; tamen ad rem quam propositus declarandam omnes recensere non existimavit necessarium.

Ut ecce] Indicantur hic prætoriarum in rem actionem species duæ, *publicana & rescissoria*, quæ postea latius & separatim suis singulæ paragraphis explicantur, §. 4. & c. 5.

Actor dicat se quasi usucipisse] Hæc intentione est Publicianæ; illud quod sequitur, *vel dicat adversarium suum non usucipisse*, pertinet ad rescissoriæ. Illic fingitur dominium quæsumum, quod revera quæsumum non est; hæc contrâ fingitur retentum, quod revera juxta rationem juris civilis est amissum.

Ex diverso possessor dicat] Verbum possessor expungendum videtur; nam possessori numquam ultra actio datur; & constat de actori in utroque exemplo hic agi; nisi possessorem interpretetur, non qui nunc possidet, sed qui olim possessor fuerit. Utique id ma-

Iam, quam cum Russard. Cujac. Hotom. pro possessor dicat adversarium suum &c. legere possessorem dicat adversarium suum non usuccepisse, id est dicat possessorem eundemque adversarium suum non usuccepisse. Quis enim ferre posset in oratione prosa tam inepite affectata trajectio[n]em verborum tamque duram & inconcinnam constructionem? Vinn. Vocabulum possessor non plane expunxerit, quia id & Theophilus habet, sed eo sensu: vel è diverso cum aliquo qui rem meam usuccepit ac possidet agere possum, ac docere. Patet itaque eum non legisse possessor, sed fortassis hoc modo: *Vel ex diverso dicat possessorem adversarium suum non usuccepisse &c.* Hein. De divisione actionum in civiles & prætorias vide Paz in *prax.* tom. 3. cap. 2. Civitatum & Correctorum statuta actiones prætorias an civiles pariant disputat Pichard. hic: quæstionem sane non parvi momenti, cum actiones civiles perpetuæ sint, prætoriæ finiantur anno. ADDIT.

TEXTUS.

De Publiciana.

4. Namque si cui ex iusta causa res aliqua tradita fuerit (veluti ex causa emtionis, aut donationis, aut donis, aut legatorum) \mathfrak{T} necdum ejus rei dominus effectus est; si is ejus rei possessionem casu amiserit, nullam habet in rem directam actionem ad eam persequendam; quippe ita prodite sunt jure civili actiones ut quis dominium suum vindicet. Sed quia sane durum erat eo casu deficere actionem, inventa est à prætore actio, in qua dicit is qui possessionem amisiit eam rem se usuccepisse quam usu non cepit, \mathfrak{T} ita vindicat suam esse. Quæ actio Publiciana appellatur, quoniam primum à Publicio prætore in editio proposita est.

L. 13. tit. 11. Part. 3.

COMMENTARIUS.

1. *Justa causa* que hic accipienda.
2. *Cur ut Publiciana competit necesse sit rem traditam esse?* \mathfrak{T} num aliquando ei competit cui necdum tradita fuit.
3. *An \mathfrak{T} de rebus incorporalibus;* ubi \mathfrak{T} de bona fide \mathfrak{T} .
4. *An Publiciana etiam vero domino detur,* \mathfrak{T} an cum rei vindicatione cumulari possit.
5. *Cur requiratur ut amissa sit possessio,* \mathfrak{T} amissa causa.

6. *Causa* *bujus actionis introducenda.*

7. *Quæ sit \mathfrak{T} qualis in hac actione petitoris intentio.*

8. *Adversus quem detur, quid ei obstat;* \mathfrak{T} *quis ejus exitus.*

Proponitur hic actio in rem Publiciana, sic dicta à prætore Publicio qui primus eam introduxit, ut hic in extremo testatur Justinianus. Porro hæc distincte de hac actione complectitur: qua ex causa cui competit: quo jure introducta; & quæ causa ejus introducenda: quid in ea actor intendat. Adversus quem competit, quod præcipue notandum erat, hic pratermissum est: quod tamen nos etiam breviter, explicatis ceteris, attingamus.

Si res aliqua \mathfrak{T} Nempe aliena, ut est in editio, l. 1. de publ. in rem act. Hic autem illud addi necesse non fuit, quia postea satis indicatur illis verbis, \mathfrak{T} necdum ejus rei dominus effectus est: quod non aliter continet quam si is qui tradidit dominus non fuit; alioquin enim traditione statim dominus efficeretur qui accipit, §. 40. Inst. sup. de rer. divis.

1. *Ex iusta causa* \mathfrak{T} Justam causam accipimus eam ex qua re à vero domino tradita statim dominium in accipientem transiret, l. 1. 3. in pr. de publ. in rem act. Quod intellectum ex eo quod sequitur in editio, \mathfrak{T} nondum usucaptum petet, d. l. 1. eod. Hæc enim verba declarant Publicianam proponi de eo quod traditum in ea causa sit ut usucapi possit; non potest autem res usucapi, nisi tradita sit ex iis causis ex quibus dominium transfertur si dominus esset qui tradit, sup. tit. Inst. de usucap. in pr. Causæ pluribus indicantur, d. l. 1. §. ult. \mathfrak{T} aliquot ll. seqq. Hic tantum exempli loco quatuor profertuntur, emtio, donatio, dos, legatum. Igitur nulla ex his causis præcedente cessabit Publiciana. Sed quid si justo errore facti causa subesse putetur quæ non sit, veluti si quis emerit à furioso quem sanæ mentis putabat? Probarem distinctionem Accursii in l. 7. §. 2. de publ. in rem act. ut ex hujusmodi emtione contra furiosum quidem ipsum eundemque venditorem Publiciana non detur, per l. 2. §. 16. pro emt. detur tamen contra extraneum, d. l. 7. §. 2.

2. *Tradita fuerit* \mathfrak{T} Ut Publiciana competit exigitur ut res tradita sit, d. ll. 1. \mathfrak{T} 7. §. pen. \mathfrak{T} ult. eod. quod hanc rationem habet, quoniam antequam res tradita est nemo se dominum factum prætendere potest; cum non nudis conventionibus sed traditionibus do-

dominia rerum transferantur, *l. 20. C. de part.* Ceterum hoc ad eas tantum species pertinet in quibus ad dominium adquirendum traditione aut possessionis apprehensione opus est; nam quibus ex causis dominium adipiscimur etiam antequam possessionem nocti sumus, ex his etiam antea Publicianā experiri licet, ut diserte responsum est de eo cui ex Trebeliano restituta est hereditas, *l. 12. §. 1. hoc tit.* item de domino cuius servus cum in fuga esset rem à non domino emit, *l. 15. eod.* quibus casibus cum usucapio procedere non possit, *l. 25. de usucap.* appetat prætensionem dominii per usucaptionem quæsiti non esse hujus actionis requisitum esse; ac proinde non esse perpetuum quod quidam tradunt, Publicianā neminem agere posse nisi qui sit in conditione usucapiendi, licet secus existimet D. Bachov. *disput. 3. de act. ther.* *18.* Sed & hoc falsum esse existimo, quod umquam petitor hanc actionem instituens expresse intendat aut prætendat se usucipisse: de quo pluscula inferius.

3. Porro & de us. fructu & de servitutibus per traditionem constitutis Publiciana datur, *l. 11. §. 1. de publ.* In his autem pro traditione est usus ejus rei & servitutem constitutis patientia, *l. ult. de serv.* Plane si quæ res sit cuius alienatio aut usucapio jure est prohibita, de ea, nec si ex justa causa tradita sit, Publiciana competit, *l. 9. §. pen. d.l. 12. §. 4. de publ.* Etenim si tantum ideo res usucapi non potest quia non possidetur adversus dominum, ut accidit in prædiis vegetalibus & superficiariis, potest huic actioni esse locus, *d. l. 12. §. 2. Et 3.* Quid enim impedit quominus possessor rei emphytheutice aut superficie usucapiat adversus eum qui tale jus constitutum habet. Azo in summ. ad hunc tit. *n. 15.* illad etiam, quamquam hic omissum est, exigitur ut res accepta sit bona fide, id est, ut accipiens putaverit eum à quo accepit dominum esse, aut jus transferendi habere, *l. 109. de verb. sign.* In emitore hoc amplius requiritur, ut & bona fide rem emerit, sicut & in usucapione, *l. 7. §. pen. Et ult. de publ. l. 2. pr. int. de quo explicatum sup. de usuc. in pr. Mynsing. bic n. 25. Schneid. n. 41.*

4. Nec dum ejus rei dominus effectus] Propterea quod rem à non domino acceptam nondum usucipit, *l. 1. §. 1. de publ.* Ulp. ait, si res usucapta sit, actorem habere actionem civilem, nec desiderare honorariam. Quid ergo, si dominus, cum difficultis esset, ut fere solet

domini probatio hac actione uti mallet, quam rei vindicatione civili, licebitne id vero domino? Putarem licere, utique sub qualitate bona fidei possessoris, cum Myns. *n. 28.* Oldendorp. *class. 3. action. 3.* Sed & ex quo usus fori cumulationem actionum admisit, eodem libello Publicianam cum rei vindicatione disjunctim proponi, & rem peti jure dominii vel quasi dominii posse recte defenditur; cum hæc actiones affines magis sint aut diversæ quam contraria: nam is cui Publiciana competit, presumtive dominus est, & falsum esse quod remedia præatoria denegentur iis quibus jure civili consultum est ostendunt bonorum possessiones unde liberi, contra & secundum tabulas. Belle Bachov. *disp. 3. de act. thos. 17.* Gomez. Mynsig. & Schneid. *bic. Gail. obs. 62. n. 5.*

5. Possessionem casu amiserit] Et amissam possessionem esse oportet, quoniam in rem actionem numquam ultro possidenti datur, quippe cui sufficit quod possideat, *l. 1. §. pen. uti possid.* & amissam casu; nam qui facto & voluntate sua possessionem amisit, putarem vendendo, permutando, & dorando, ejus recuperanda actionem non habet. Ex his quæ hactenus dicta sunt intelligi potest quæ ex causa cui Publiciana competit: nimisnulli competere agenti de re quam ex justa causa sibi traditam bona fide accepit, & cuius nondum dominus effectus possessionem casu amisit.

Nullam in rem directam] Actionem directam hic vocat quæ jure civili prodita est, ut appetat ex ratione subjecta & oppositione Publicianæ, quæ inventa est à prætore. Quod non est novum; nam actiones honoraria omnes ad jus civile relatae utiles sunt, licet earum inter se oppositarum quadam directæ quædam utiles dicantur, prout aut verbis edicti propositæ, aut per interpretationem & extensionem edicti introductæ: de quo pluribus disserui sub *§. ult. Inst. de leg. Aquil.*

6. Durum erat eo casu deficere actionem] Introducenda hujus actionis causa fuit difficultas probandi dominii. Quippe quod non statim transit in eum qui rem, licet ex justa causa sibi traditam, accepit, nisi & is qui tradidit dominus fuit, quod per quam difficile probatu est; & tamen eo non probato necesse est petitorem civili in rem actione experientem succumbere. Cum itaque prætori niquum videretur quemvis vel injustum possessorem potiorem esse eo qui rem ex justa causa & bona fide nactus, ejus possessionem

casu aliquo amisisset: ipse ex humanitate actionem introduxit, qua in hoc casu sub colore quodam dominii vinceret is cui justa rei possessio semel quæsita esset, quamdiu in eo nulli alii fieret injuria. Hinc intelligimus & quo jure hæc actio introducta sit, & quæ ejus introducenda fuerit causa.

7. *Eam rem se usucipisse*] Hic indicatur quid petitor hac actione intendat, nimirum se rem quam petit usucipisse: quæ tamen intentio non ad verba exigenda est, sed ad effectum & sententiam verborum; quoniam sic agitur quasi actor usucipisset. Nimirum non dicet actor expresse se usucipisse, quod falsum est & constitutioni hujus actionis contrarium; sed (quod ad omnem actionem recte instituendam pertinet) causam actionis intentione sua complectetur. Dicit, se rem de qua agitur bona fide emisse à L. Titio, & ab eo traditam bona fide accepisse: petere se ut sibi restituatur. Hoc autem qui dicit, vi ipsa intendere videtur se usucipisse, quia idem petit & jure prætorio consequitur quod peteret & consequeretur jure civili si rem usucipisset. In causis ex quibus & qui possessionem nondum nactus est Publiciana agere potest, dicet actor rem sibi à L. Titio legatam, aut eam in hereditate L. Titii fuisse, quam aut ipse crevit, aut restitutam sibi ex Senatusconsulto obtinet, l. 12. §. 1. l. 15. de Publ. Quibus casibus cum Publicianæ locus sit usucapione non inchoata, dominium quasi usucapione quæsitum fingi aut prætendi non potest. VNN. Fictio illa est prætoris non actoris. Quia enim prætor direcere leges evitere non poterat, leges autem non nisi vero domino vindicationem concedunt: usus est arte sua solemnis, & fixit hunc usucipisse, quum non usuciperit. Vid. *Antiq. nostr. Rom. lib. 1. tit. 2. §. 24. edit. nov.* Neque iniqua erat hæc fictio, quia non fingebat prætor eum jus dominii veri usucapione exclusisse; sed tantum ratione tertii nullo vel infirmiore jure possidentis actorem in ea causa esse quasi usuciperit; quia si hic possessor obvertisset exceptionem non competentis dominii, ea fuisse exceptio de jure tertii. HEIN.

8. Restat ut videamus quod hic omissum est, adversus quem hæc actio detur. Datur Publiciana ut ceteræ in rem actiones adversus possessorem, sed ita nisi is possessor pari jure & æquitate nitatur. Itaque non datur Publiciana adversus eum qui possidet justo titulo. In quo tamen hæc distinctio placuit, ut si duo rem emerint, si quidem ab

eodem non domino potior habeatur cui priori res tradita est, utpote in quem prius translatum est jus omne quod in re qui tradidit habuit; sin à diversis non dominis, melior sit causa possidentis, & juncta titulo possessio fortior ducenda tit. lo nudo, l. 9. §. 4. de Publ. Quod si neuter possideat, & agatur contra tertium possessorem injustum, tuendus sit is cui primum res tradita, sive ab eodem non domino emerint, sive ab alio atque alio: quæ species est quam tractat Neratius *lege 31. §. ult. de aff. emt.* ut recte censem vulgo DD. Oldend. d. class. 3. action. 3. Schneider. ad S. præc. n. 28. & seq. late & subtiliter Bachov. disput. 3. de aff. thes. 21. & 22. De illo queritur; an Publiciana detur contra eum qui pro herede possidet. Decisio quæstionis pendet ex eo, an is qui pro herede possidet usucapere possit necne; qua de re disputavimus sub §. 7. *Inst. sup. de usuc.* In universum autem justi dominii exceptio merito Publicianæ obstat. Quoniam semper plus juris in re sua habet dominus, quam quilibet quantumvis jussissimus possessor qui dominus non sit, ll. pen. & ult. de Publ. Ceterum quæ vindicanti domino obsunt quominus possessor ei rem restituere debeat, eadem & possidenti ac Publiciana convento obstabunt quominus retineat, l. 72. de rei vind. l. 24. de exc. rei jud. add. D. Donell. hic n. 15. Exitus hujus actionis idem, idemque in ea officium judicis circa rei & fructuum præstationem, cuiusmodi hæc in rei vindicatione civili: de quo scripsimus ad §. 1. sup. hoc tit.

TEXTUS.

De rescissoria.

5. Rursus ex diverso, si quis cum Reipublicæ causa abesse, vel in hostium potestate esset, rem ejus qui in civitate esset usuciperit, permittitur donare, si possessor Reipublicæ causa abesse desierit, tunc intra annum rescissa usucapione eam rem petere, id est ita petere ut dicat, possessorem usu non cepisse, & ob id suam rem esse. Quod genus actionis quibusdam & aliis simili æquitate motus prætor accommodat, sicut ex latiore Digestorum seu Pandectarum volumine intelligere licet.

L.28. tit. 29. Part. 3.

COMMENTARIUS.

¶ Actionem quæ hic proponitur, & rescissoria in spe-

- specie dicitur, esse Publicianæ quodammodo contrariam.*
2. *Quibus ex causis hæc actio à prætore detur, ejusque introducendæ causa.*
 3. *Restitutio adversus eum qui absens usuccepit rem in civitate manentis; ubi ḡ. a. i.a.*
 4. *Quomodo accipiendo quod dicitur, contra non valentem agere præscriptione non currit.*
 5. *Commentum esse quod de duplice judicio re-scidente ḡ. rescissorio Interpp. tradunt; ut illud quod de duplice tempore.*
 6. *Actoris in actione rescissoria intentio.*
 7. *Restitutio adversus eum qui præsens rem absentis usuccepit.*
 8. *An ex sola causa ignorantiae restitutio danda adversus usucpcionem.*

1. **H**oc loco proponitur actio in rem prætoria quæ in usu juris nostri specialiter rescissoria appellatur, l. 28. §. ult. ex quib. caus. maj. l. 24. C. de rei vind. l. 18. C. de postlīm. rev. Nomen ex re indicatum, quia per eam rescinditur quod jure civili ratum est, l. 35. in fin. pr. de obl. ḡ. att. Hæc actio superiori quodammodo contraria est; nam actione Publiciana agitur de re non usucpta quam actor in effectu contendit usucaptam; hic è converso de re usucpta quam actor non usucaptam intendit. Illic loco domini habetur qui dominium nondum adquisivit; hic pro non domino qui revera dominus factus est jure civili. Pertinet huc edictum de restitutione majorum 25. annis, quod extat in l. 1. quib. ex caus. maj. qua parte scilicet præter eos quorum res usucpta est certis ex causis in integrum se restituturum pollicetur. VENN. Recte hæc notat Vinnius. Vere enim unus idemque utriusque actionis auctor est, puta Publicius. Unde non solum ejusdem naturæ sunt propter fictionem; sed & rescissoria diserte dicitur Publiciana, l. 35. ff. de obl. ḡ. att. ḡ. l. 57. ff. mandata Publicium Ciceroni fuisse ὀγκεῖον (coævum) plerique colligunt ex ejus orat. pro Client. cap. 45. ubi meminit Q. Publicii prætoris. Sed mihi actio rescissoria antiquior videtur ob locum insignem Terent. Phorm. att. 2. scen. 4. v. 9. ubi Cratinus advocatus: *Quod te absente hic filius egit restitui in integrum, æquum est ḡ bonum; ḡ id impetrabis. Dixi.* Vere enim loquitur de actione rescissoria, quamvis eam male tamquam rabula applicet. HEIN.

2. Causas duas edicto expressit, clausula edicti prima absentiam necessariam ejus cuius res usucpta est: secunda absentiam qualem-

cumque ejus qui usuccepit. Postremo adjecti clausula genere alieni, qua idem promittit quavis ex causa quæ ipsi justa videbitur. Itaque duobus potissimum casibus majoribus contra usucpcionem succurrit data actione rescissoria: si res absentis usucpta sit ab eo qui in civitate mansit: si res in civitate manentis usucpta sit ab eo qui absuit. Quod posterius hic tantum tangitur; prioris autem partis, cuius & frequentior usus & major utilitas, cognitio ex latiore Digestorum volume peti jubetur. Introducendæ hujus actionis hanc causam prætor habuit, quod iniquum ei visum fuit aut necessariam justamve absentiam nocere absenti, aut qualemcumque alterius absentiam nocere alteri, l. 21. d. rit. Quæ porro ad vim & naturam hujus actionis pertinent hic aut intacta aut minus perspicue in catæ, disces mox ex commentario.

3. *Cum Reipubl. causa abesser*] De eo qui absens usuccepit ita loquitur Justinianus, quasi eum oporteat necessaria aliqua aut probabili de causa absuisse; quod tamen secus esse discimus ex edicto, cuius in secunda clausula quæ huc casum continet prætor non distinguit qua ex causa quis absuevit, necessariæ aut probabili, an plane voluntaria: quod & diserte Ulpian notavit *lege 21. §. 1. ex quib. caus. maj.* Et vero si ne justissima quidem absentia prodest absenti ad usucpcionem retinendam: absurdum sit ei prodesse absentiam plane voluntariam, malitiosam puta aut animi causâ susceptam. Illud observandum est, tum demum ex hac parte edicti restitutionem dari, si defensor absentis non extitit; nam si procurator fuit aut amicus qui se ultro defensioni obtulit, non debet eum inquietari; & hoc amplius, ne aliter quidem edicto in casu proposito locum esse, quam si aut amici absentis de defendendo eo interrogati defensionem non suscipiant, aut nemo sit qui interrogari potest, d.l. 21. §. pen. ḡ l. seq. eod. Novissime autem à Justiniano cautum, ut licet defensor absentis nullus existat, tamen integrum sit præsenti usucpcionem interrumperre, adito judice & diligentia sua apud eum contestata, l. 2. C. de annal. exc. Itaque ex hac parte edicti restitutio dari desit.

In hostium potestate] Ut hic procedat usucapio ponendi termini habiles, nempe si servus aut filius ejus qui captus est rem ex causa peculiariter neant; hoc enim casu domini aut patris captivitas impedimento non est quominus ea res usu adquiratur, l. 23. §. 3. ex quib. caus. maj. l. 44. §. ult. de usuc. Ceterum extra

hanc

hanc causam captivus per servum aut filium possessionem adquirere non potest ac proinde nec usucapere, sed possessio atque usucapio inchoata captivitate interrupitur, in tantum ut nec postlimia restituatur, l. 19. ex quib. ca. maj. l. 15. in pr. de usucap.

4. Usuciperit] Potest igitur & absens usucapere rem praesentis, & ejus quidem qui contra absentem agere non potuit, l. 21. §. 1. & deinceps l. seq. ex quib. ca. maj. Atqui vulgo traditur, contra eum qui agere non potest præscriptionem non currere, l. 1. in fin. C. de annal. exc. l. 30. vers. omnis C. de jur. dot. l. 1. in fin. C. de bon. matern. Respondent Interpretes, distinguendum esse inter impedimentum juris & facti: juris quidem impedimentum efficere ne præscriptio currat aut impleatur: exempla in d. l. 1. C. de ann. exc. d. l. 30. C. de jur. dot. l. 7. §. 4. C. de præscr. 30. ann. facti vero, quale est quod hic objicitur, non item. Itaque opus esse restitutione; & recte. Quippe rationi consentaneum est ut ubi jus ipsum impedimentum agendi objicit, ibi quoque sistatur cursus usucaptionis ipso jure; at singulorum factorum que idem impedimentum afferunt rationem habere jus non potest.

Permittitur domino] Veteri scilicet cuius res jure civili usucapta est. Hunc dominum vocat vel respectu præteriti temporis, vel potius quia à prætore rescindente usucaptionem adhuc pro domino habetur.

Intra annum rescissa usucaptione] Actio hæc licet rei persecutoria sit, anno tamen eam finiri placuit, quia contra jus civile datur, l. 35. in fin. pr. de obl. & action. Annum intellige utilem, l. 1. §. 1. ex quib. ca. maj. l. 18. de postl. rev. pro quo tamen Justinianus substituit quadriennium continuum, l. ult. C. de temp. in int. restit.

5. Quod autem ait, permitti domino rescissa usucaptione rem petere, & Paulus, d. l. 53. hanc actionem dari rescissa usucaptione, id non sic intelligendum est quasi duplice judicio hæc res expediatur, decretumque aliquod antecedat quo prætor rescindat usucaptionem, ac tu n demum hanc actionem det quia petatur res restitui. Sed ideo hoc dicitur, quia prætor dum hanc actionem concedit simul vi ipsa usucaptionem rescindit; quoniam permittit veteri domino sic agere ut petat rem sibi à possessore restitui perinde ac si nulla usucapio intervenisset, l. 1. §. 1. l. 26. §. 7. l. 28. §. penult. hoc tit. l. ult. C. eod. l. 34. C. de rei vint. Quibus ex locis manifeste appetit rescissionem usucaptionis in ipsa datione

actionis consistere, prætoremque dici restituere cum actionem rescissoriam petenti concedit; ac proinde uno simplici judicio rem totam explicari: fac. l. 9. §. 3. & 4. quod met. caus. l. 1. §. 1. de dol. l. 2. §. 1. de cap. minut. l. 1. de alien. jud. mut. caus. l. ult. §. ult. ad senat. Vellej. Hoc & Gomez hic n. 8. & ult. odoratus est; sed explicare non potuit aut solide confutare communem DD. opinionem, secundum quam duplex judicium hic necessarium, unum res indens, alterum rescissorium; ac proinde & duplex libellus, duplex litis contestatio, & duplex pronuntiatio, decretum scilicet magistratus quo rescindatur usucapio, & sententia judicis qua res restitui jubeatur. Pet. de Bellapert. Jo. Fab. Jas. Zas. Myns. Schneid. hic. Odd. de restit. quest. 33. art. 1. Maurit. de restit. cap. 4. Quæ opinio erronea est & à ratione juris nostri valde aliena, ut ex iis quæ modo diximus perspicue patet. Vinn. Quare in nostro foro recepta non est, sed uno libello & usucaptionis rescissio & rei restitutio petitur, teste Paz tom. 3. cap. 2. §. 2. ADDIT.

Error hic natus videtur ex ignorantia ordinis judicarii qui apud Veteres fuit: ubi quidem in omnibus fere actionibus occurrebat species quedam duplicitis judicii, dum quedam apud prætorem seu magistratum tractabantur, quedam apud judices datos. Ceteroquin revera unum tantum erat judicium; ideoque unus tantum libellus, una litis contestatio, una sententia desiderabatur. Nempe apud prætorem non instituebatur judicium, sed à prætore constituebatur data actione & judice qui de re cognosceret; unde nec illa quæ apud prætorem siebant in judicio fieri dicebantur, sed in jure: de quo fusus ad pr. buj. tit. Precedens error secum traxit & alium de publici tempore: uno intra quod utendum sit remedio rescindenti: altero intra quod petenda & instituenda actio rescissoria. Illud volunt intentari posse intra quadriennium continuum; hanc finiri anno utili. Donellus vult perpetuam esse. Sed ut una & simplex hic est actio, ita & unum tempus intra quod ea peti & institui debet, annus olim utilis, nunc quadriennium continuum computandum à tempore quo absens reversus est. Illud singulare, quod hoc tempus etiam finienda actioni constitutum est, l. ult. C. ex quib. ca. maj. junct. l. ult. §. ult. C. de temp. in integr. restit.

6. Ut dicat possessorem usu non cepisse] His verbis significatur actoris in hac actione intent-

tentio. Ut autem actione præcedenti, ita hic quoque intentio non ad verba sed ad vim effectumque verborum exigenda est, quoniam sic agitur ut effectu res usucpta non videatur. Puta, non dicit petitor possessorem rem quæ petitur usu non cepisse, quod & aperte falsum est, & perinde quasi negaret adversarium dominum esse: cuiusmodi formulæ in rerum corporalium vindicatione proditæ non sunt, §. 2. sup. hoc tit. sed causam exprimit ex qua actio ei jure constituta sit: dicet, adversarium absentem rem usucpisse cum ipse interea ejus nomine agere vellet, & usucaptionem interrumpere non potuerit: itaque petere se ut sibi restituatur. Prætorem quoque verisimile est verba edicti securum hoc modo judicium concepisse: *Si paret eam sem qua de agitur à possessore abiente per statutum tempus possessam esse, cum interea petitor ejus nomine agere cum conaretur non potuerit: tum si ea res petitori non restituatur possessor damnetur.*

7. *Quibusdam & aliis*] Veluti absenti, cuius res usucpta sit ab eo qui in civitate manxit: quæ causa restitutionis prima parte edicti expressa est, & sola nunc etiam utilis; cum ex causa superiore jure novo restitutio non detur, l. 2. C. de annal. exc. Non omnibus vero absentibus hac parte succurritur, sed iis dumtaxat quorum absentia aut necessaria fuit, l. 1. §. 1. in pr. l. 3. cum seqq. l. 36. l. 42. de obl. & aff. aut voluntaria quidem, sed justa & probabilis qualis est studiorum causa & similes, Hoc ex generali & postrema edicti clausula, l. 26. §. pen. & ult. cum duabus ll. seqq. eod. Illud tamen inter haec interest, quod in necessaria & repentina absentia non nocet quod quis procuratorem domi non reliquerit; in voluntaria aut antè prævia absentia non succurritur nisi procuratorem reliquerit, isque procurator non egerit, aut interim defunctus sit, l. 26. §. ult. l. 28. in pr. eod. Quippe priore casu nihil est quod absentibus imputetur; posteriore objici eis potest quod de rebus suis componendis ante discessum potuerint & debuerint cogitare, d. l. 26. §. 2. Hoc eodem edicto succurritur & creditoribus qui actio nem ex his causis amiserunt, d. l. 1. §. 1. l. 17. §. 1. l. 41. eod. sed hoc casu actio restitutoria in personam est.

8. *Simili æquitate motus*] Quæsitum hic est, an sola ignorantia justa & sufficiens causa sit ob quam ex postrema edicti clausula danda sit restitutio adversus usucaptionem aut præscriptionem. Ego puto non esse, arg. l. ult.

Tom. II.

in fin. ibi: *nula ignorantia vel scientia expectanda.* C. de præscr. long. temp. l. 3. & 4. C. de præscr. 30. ann. l. unic. C. de usucap. transf. Nam cum sufficiens tempus præstitutum sit intra quod quisque in res suas inquirat easque sibi asserat, post illud tempus restitui postulans ex sola causa ignorantia, id est ea quæ conjuncta est cum desidia & negligentia audiri non debet. Denique si ex hoc solo capite restitutio admittatur, jus de usucaptionibus & præscriptionibus constitutum non asseretur finem suum, numquam finis erit litium, semper dominia in incerto, contra legem i. de usucap. Wesemb. parat. hoc tit. n. 10. Pinell. in auth. nisi triennal. C. de bon. mat. Diss. com. DD. Covarr. in cap. possessor de reg. jur. in 6. p. 3. §. 3. Gail. 2. observ. 19. De præscriptione tamen 40. annorum adhuc contendit. Videssis And. Fachin. 1. contr. 69. Ant. Fab. Cod. suo tit. si advers. usuc. & tit. de temp. in int. restit. Pinell. in d. auth. n. 58.

TEXTUS.

De Pauliana.

6. *Item si quis in fraudem creditorum rem suam alicui tradiderit, bonis ejus à creditoribus possessis ex sententia præsidis, permittitur ipsis creditoribus rescissa traditione eam petere, id est dicere eam rem traditam non esse, & ob id in bonis debitoris mansisse.*

L. 7. tit. 15. Part. 5.

COMMENTARIUS.

- 1 *Agit hic de actione quæ Pauliana dicitur, licet ea non in rem sed in personam sit.*
- 2 *In personam esse multis argumentis evincitur.*
- 3 *Dari banc actionem creditoribus si ve ante sive post missionem in bona res in fraudem eorum alienata sit; interdum & in rem competere, que tamen hoc non pertineat.*
- 4 *Quæ concurrere debeant ut Pauliana sit locutus.*
- 5 *Verborum edicti, Quod fraudationis &c. explicatio.*
- 6 *Edictum non pertinere ad eos qui id agunt ne adquirant; ubi quedam notabilia.*
- 7 *Quando primū creditores Pauliana experiri possint. D. Joan. Dekber. notatus.*
- 8 *Qualis hic sit rescissio & restitutio.*
- 9 *Intentio creditorum in actione Pauliana.*

Vv

10. Da-

10. Dari hanc actionem intra annum utilem quo primum experiundi potestas fuit.

1. **T**ertia species actionis prætoriæ hic proponitur, Pauliana dicta, quæ datur creditoribus ad revocanda ea quæ in fraudem eorum alienata sunt, l. 38. §. 4. de usur. atque huc pertinent, tit. n. quæ in fraud. cred. & c. de rev. bis quæ in fraud. cred. Hanc autem actionem Glossa & plerique Interpretes non in rem sed in personam esse opinantur; hic autem exponi inter prætorias in rem & subjici rescissoriæ tantum propter similitudinem quam cum illa habet: quod uti per illam usucatio ita per hanc traditio rescindatur, atque ita utraque contra jus civile detur. Quod ego verissimum puto, & Theophilum arbitror, qui Paulianam hic nominat sed eam in rem esse dicit, deceptum à Triboniano incosiderate, & tantum ob similitudinem quam dixi, hanc etiam explicante inter actiones in rem.

2. Etenim in rem eam non esse primum ex eo evincitur, quod creditores non vindicant aut intendunt rem suam esse, ut in actionibus superioribus; sed ajunt, rem in bonis debitoris mansisse quorum possessio eis data est. Deinde ex eo quoque, quoniam cum actionis in rem proprium sit ut sequatur ejus rei possessorem, quamvis cum auctore nihil contraxerit aut nihil in eum delinquerit; si quis autem non possidet non teneatur, l. 25. de oblig. Et act. utrumque contra est in actione Pauliana; nam & is qui possidet quod in fraudem creditorum alienatum est hac actione non tenetur, nisi & fraudis particeps fuerit aut rem ex lucrativa causa acceperit, l. 1. 9. Et 10. ff. quæ in fraud. cred. l. pen. C. eod. ut hic non sola possessio sed aliud factum possessoris spectetur. Et è converso, qui non possidet nec dolo malo desit possidere tenetur. Datur enim hæc actio non solum heredi sed etiam in heredem similesque personas, & qua tales, d. l. 10. §. ult. quod non minus quam prius illud à natura actionis in rem abhorret, quæ rem semper sequitur & propter rem ejus possessorem, l. 2. C. si un. ex plur. hered. Cum itaque in rem non sit, relinquitur ut sit in personam, §. 1. sup. hec tit. d. l. 25. de oblig. Et act. Et hoc verum esse vel ex hoc uno intelligamus, quod hæc eadem actio in factum passim appellatur, d. l. 10. l. 14. quæ in fraud. l. pen. C. eod. quo nomine quæ appellantur omnes in personam sunt. Vid Bachov. disp. 3. de action. ibes. ult. Accedit exemplum actionis Favianæ,

quam non in rem sed in personam esse diserte testatur Ulp. l. 1. §. 26. si quid in fraud. patron. Erit igitur & Pauliana in personam, cum utraque ex eadem causa detur: Faviana, si quis in fraudem patroni; Pauliana, si quid in fraudem creditorum alienatum. Sed quid verbis opus est? Jurisconsultus in l. 38. §. 4. de usur. palam inter actiones quæ in personam sunt etiam Paulianam numerat. Nam cum initio proposisset videndum quando in actionibus in personam etiam fructus veniant, mox variis ejus generis exemplis adductis inter ceteras in personam actiones Paulianam quoque per quam quæ in fraudem creditorum alienata sunt revocantur, d. §. 4. recenset, & quidem conjunctim cum Faviana, quam in personam esse constat. At inquires; si Pauliana in personam est, erit etiam ex obligatione, §. 1. sup. hoc tit. Unde ergo obligatione Ex maleficio, inquam, & ejus nimis cum quo agitur, sive is fraudis particeps fuit, sive non fuit. Nam & qui ab initio dolo caret improbe facit si postquam cognovit rem in fraudem creditorum alienatam esse eam tamquam & tantum lucri sui causâ retinere tentet, per l. 9. §. ult. l. 14. §. 3. quod met. caus. Frustra se fatigat Bachov. hic & disp. 3. de act. ibes. pen. dum probare conatur actionem Paulianam in rem actionem esse. Add. Don. bic n. 3. & seqq. Ant. Fab. 26. conj. 16. VINN. Certum quidem est Paulianam naturam potius personalium quam realium actionum servare; neque tamen ideo credibile fit Tribonianum & socios tam fuisse principiorum juris ignoratos ut solo vocabulo *rescissionis* decepti actionem personalem pro reali vendiderint, maxime cum verosimile sit eos in hoc titulo Gajum vel alium ex Vett. κατὰ πόδα (ad litteram) fere secutos. Existimo itaque actionem hanc ex mente prætoris & Veterum vere esse in rem, quia nascebatur ex jure in re, quod creditores in bonis debitoris per possessionem bonorum consequebantur. Unde patet cur hic diserte mentio fiat honorum ex sententia præsidis possessorum; simulque intelligimus ratiocinationem non procedere ab actione Faviana ad Paulianam. Hic enim creditores res vindicant, quia prætor eis jus in debitoris bonis dedit, finxitque res in fraudem alienatas non esse traditas; adeoque adhuc ad bona hæc quæ possident ex decreto suo pertinere. HEIN.

3. Illud hic notandum est, quod actio Pauliana competit sive quid alienatum sit in fraudem creditorum antequam creditores in bona mitterentur, sive alienatio facta sit post-

quam

quam jam in possessionem bonorum debitoris missi sunt: quorum quidem prius negat D. Joann. Deckher. 1. diss. 10. n. 27. Sed spicue refellitur per leges 15. & 17. §. 1. quæ in fraud. Postiore autem casu evenire potest ut etiam in rem actione creditoribus competat pignoris persecundi gratia. Nam si creditores in possessionem jussu magistratus missi etiam in possessionem venerint, constituitur creditoribus in bonis debitoris pignus quod in usu juris dicitur prætorium, 1. 26. §. 1. ff. de pign. act. l. ult. C. de pret. pign. cuius pignoris si creditor forte possessionem amiserit, persecundi causa actionem in rem & olim habuit & nunc habet: olim certo jure, si possessionem sine culpa sua casu aliquo amisisset; nunc etiam etsi culpâ sua possessione cecidit, d. l. ult. C. de pret. pign. Verum hæc actio hic non pertinet, ut putat D. Donellus; quippe qua agenti necesse non est dicere rem in bonis debitoris mansisse; nam alienatio non extinguit jus pignoris, l. 14. & l. seq. C. de pign. Sed neque species est Paulianæ, ut quidam putaverunt, quia datur adversus quenquamque possessorum; sed est species quasi Servianæ seu hypothecariæ, per d. l. ult. C. de pret. pign. & arg. l. 9. quæ in fraud. nam in casu illic proposito possessionem jure pignoris avocantem secundus emitor non excluderet, cum tamen excludat agentem Paulianam.

4. *In fraudem creditorum*] Ut hæc actio ex edicto competit requiritur ut quid alienatum sit in fraudem creditorum. Ita fraudem autem alienatum hic accipimus si & animum fraudandi debitor & eventum fraus habuerit; nam si alterutrum desit, & vel propositum fraudandi nullum fuerit quod putaverit debitor se solvendo esse, vel creditores re ipsa & eventu fraudati non sint, huic actioni non est locus, l. 10. §. 1. l. 15. quæ in fraud. Hoc amplius cessat hæc actio & revocatio, nisi & is qui accepit fraudis conscientia fuerit, l. 1. l. 6. §. 8. d. l. 10. §. 2. cod. Ceterum hoc sic acceptum est si quis rem accepit ex causa onerosa; nam in causis lucrativis placuit detrahi mentionem scientiæ, & haec tenus utique in eum qui fraudem ignorans accepit actionem dari quatenus locupletior factus est, l. 6. §. 11. ff. cod. l. pen. C. cod. Plane qui debitam pecuniam recepit antequam bona debitoris possiderentur, quantumvis non ignorans eum solvendo non esse, in hoc edictum non incidit; quia sibi vigilavit, d. l. 6. §. 6. & seqq. Porro quando &

quatenus solutum uni ex creditoribus ab aliis potiori vel æquali jure nitentibus revocari possit, & de sententia legis pen. quæ in fraud. l. 6. §. 2. de reb. auct. jud. poss. aliarumque eodem pertinentium vid. Bart. in d. l. pen. Pet. Fab. ad l. 78. de reg. jur. Ant. Fab. 2. conj. 14. Gail. t. obj. 25. n. 14. & seqq.

5. *Alicui tradiderit*] Edictum generalibus verbis conceptum est, Quæ fraudationis causa gesta erunt &c. quæ verba latissime patent, continentque quidquid quocumque modo fraudis causâ factum est. Itaque qualemcumque id fuerit ac in factum actione revocatur, si ve rem alienaverit debitor, puta vendiderit, donaverit, pro derelicto habuerit usucapi passus sit, usumfructum aut servitatem non utendo amiserit; sive acceptatione aut pacto debitorem liberaverit, aut data operâ ad iudicium non adseruerit, vel litem mori passus sit, vel à debitore non petiit ut tempore liberaretur. Sed & si pignora liberavit, vel quem alium in fraudem creditorum præposuit, vel ei exceptionem præbuit, aut se obligavit fraudandorum creditorum causâ, vel quocumque denique modo aliquid fecit ut desineret habere quod habebat: ad hoc edictum pertinet, l. 1. cum 4. seqq. l. 10. l. 12. & seqq. l. 14. & passim deinceps quæ in fraud. cred.

6. *Plane ille in ea causa non est ut editio locum facit qui id agit ne adquirat quod adquirere potest, puta qui legatum aut hereditatem sibi delatam repudiatur; nam editum ad eos pertinet qui quid de bonis suis deminunt, non qui id agunt ne locupletentur, l. 6. pr. §. 1. & aliquot seqq. cod. l. 134. de reg. jur. fac. l. 5. §. 13. & seq. de don. int. vir. & ux. D. Diod. Tuldens in C. tit. de reb. quæ in fraud. cred. n. 4. Late & eleganter D. Wesemb. cons. 17. n. 42. & seqq. Atque hinc est quod nec suus heres se abstiens editio locum facit, l. 3. C. cod. multoque minus prateritus aut ex-heredatus qui non queritur de inofficiose aut non agit ad supplementum legitimæ, per l. 1. §. 8. si quis in fraud. patr. An ad legitimam petendam filius cogi possit dubitatnr; sed verius est compelli non posse, arg. d. l. 6. §. 2. l. 19. quæ in fraud. d. l. 1. §. 8. si quid in fraud. patr. Jo Gutier. in reper. cap. quamvis 2. de patti. in 6. n. 24.*

7. *Bonis ejus possessis*] Id est, postquam creditores à magistratu in possessionem bonorum debitoris missi sunt. Nam hæc actio demum competit post possessionem excusacionem & distractionem bonorum; nec aliter quam si ex bonis distinctis creditoribus satis-

fieri nequeat *l. pen. C. de rev. que in fraud. de quo fuse Schneid. n. 59. & seqq.* Sententiam hujus loci corrumptit D. Joann. Dekherus *ubi sup.* Nam vitiōse plane & per fallaciam compositionis & divisionis hæc textus verba, *bonis ejus possessis*, ita accepit ac si significarent, pro iis demum bonis revocandis hanc actionem competere quæ debitor alienavit postquam jam bona possessa erant; & hinc probat Paulianam non competere de rebus ante missionem in bona alienatis. Perperam, inquam, quoniam verba ista non ad tempus factæ alienationis sed intentandæ hujus actionis referenda sunt, per *l. 1. §. l. 17. §. 1. ff. que in fraud. junct. l. pen. C. eod.*

Ipsius creditoribus] Plerumque curator bonorum hic constitui solet, *tir. de cur. bon. dand.* cui tum hæc actio exercenda datur, *l. 1. que in fraud.*

8. *Rescissa traditione*] Sic intelligo, ut §. præc. dictum est, vi ipsa restitutionis in integrum & judicij constituti. Rescinduntur autem hac in factum actione & sin pristinum statum restituunt omnia quæ in fraudem creditorum facta sunt, perinde ac si nihil eorum factum esset. Itaque non dominia solum revocantur & res ipsæ, verum etiam obligationes, actiones, fructus, accessiones ceteraque commoda restituuntur quæ creditores habuissent si nulla alienatio aut liberatio intervenisset, *l. 1. §. 1. l. 10. §. 19. & 3. seqq. ll. 14. & 17. l. ult. §. 4. que in fraud. l. 38. §. 4. de usur.*

9. *Dicere traditam non esse*] Non diserte ac nominatim, quasi his ipsis verbis formula intentionis concipienda; sed dicere & intendere effectu & rebus ipsis, ut in actionibus superioribus. Sic enim hic agunt creditores quasi revera res numquam tradita sit. Adversus quos hæc actio detur satis ex iis quæ superius dicta sunt intelligitur. Ex sententia Venuleji etiam adversus ipsum fraudatorem datur, *l. ult. §. ult. hoc tit. que in fraud. cred.*

10. *Datur intra annum, ll. 1. & 10. eod.* nimur quia velut superior illa contra jus civile introducta est, vel quia naturam actionis penalism habet. Post annum tamen de eo adhuc competit quod ad eum pervenit adversus quem actio movetur, *d. l. 10. §. pen.* Annum intelligimus utilem quo primum experiundi potestas fuit, *d. l. 10. in pr.* Itaque annus hujus actionis computabitur ex die venditionis bonorum, factæ scilicet à creditoribus decreto magistratus, *l. 6. §. ult. d. l. 10. §. 18. eod.* Ante enim agi non potest, & non

valenti agere præscriptio non currit, *l. 1. §. ult. C. de annal. exc. Joann. Fab. n. 17. Myns. n. 63. Schneid. n. 83.* Inconsiderate igitur nonnulli textus istos retulerunt ad diem alienationis factæ à debitore, inter quos & D. Wesemb. *par. hoc tit. n. 12.*

TEXTUS.

De Serviana & quasi Serviana seu hypothecaria.

7. Item Serviana & quasi Serviana (quæ etiam hypothecaria vocatur) ex ipsius prætoris jurisdictione substantiam capiunt. Serviana autem experitur quis de rebus coloni quæ pignoris jure pro mercedibus fundi ei tenetur. Quasi Serviana autem est qua creditores pignora hypothecarve persequuntur. Inter pignus autem & hypothecam (quantum ad actionem hypothecariam attinet) nihil interest; nam de qua re inter creditorem & debitorem convenerit ut sit pro debito obligata, utraque bac appellatione continetur. Sed in aliis differentia est. Nam pignoris appellatione eam proprie rem contineri dicimus quæ simul etiam traditur creditori, maxime si mobilis sit. At eam qua sine traditione nuda conventione tenetur proprie hypothecæ appellatione contineri dicimus.

L. 5. tit. 8. & L. 14. tit. 13. Part. 5.

COMMENTARIUS.

- 1 *Causa introducendæ actionis hypothecariæ.*
- 2 *Qualis sit hæc actio, quibus, adversus quos, quo exitu detur.*
- 3 *Quarum rerum probatio creditori pignus per sequenti incumbat.*
- 4 *Necesse non esse ut creditor probet rem in domino debitoris fuisse, dummodo probet fuisse in bonis ejus.*
- 5 *Differentia juris veteris & novi circa hanc actionem, quando alius quam debitor pignus possidet.*
- 6 *Nomina Serviana & quasi Serviana unde. Hypothecaria nomen commune. Differt à pignoratia.*
- 7 *Editum quibus verbis à Servio conceptum.*
- 8 *Quæ res coloni pro mercede pignoris jure tenentur.*
- 9 *Invecta & illata in prædium urbanum tacite pignori esse; in rusticum importata pignori non esse, nisi id expresse convenerit.*
- 10 *Actioni hypothecariæ locum esse in omni genere pignoris.*

- 11 *Inter pignus & hypothecam nihil interesse quantum ad actionem hypothecariam, nisi forte in eo quod cautum Nov. 4. cap. 2.*
 12 *Inter pignus & hypothecam quid proprie intersit secundum usum juris. Veteres pro hypotheca verbo Latino fiducia usus videri.*

1. **A**D extreum proponitur hic actio in rem de pignore, quæ item iure honorario utilitatis causâ comparata est, l. 17. §. 2. de patl. Nam iure civili nulla actione consulabatur iis quibus res debitorum obligatae erant, cum possessio earum apud alium esse coepisset. Hoc igitur cum prætori Servio durum videretur, ipse actionem de pignore seu hypotheca quibusdam in causis introduxit, quæ postinodum eadem æquitate suadente Prudentum interpretatione producta est etiam ad alias causas & species pignoris.

2. Actio hæc in rem est, l. 17. ff. de pign. l. 18. C. eod. constituta creditoribus pignoris persequendi causâ, ut hic declaratur. Unde intelligimus competere eam adversus omnes qui pignus possident, aut dolo malo possidente desierunt, l. 16. §. 3. de pign. Exitus actionis hic ut qui convenientur necesse habeat aut creditoribus agentibus solvere, aut rem de qua agitur restituere; alioqui quanti ea res est condemnatur, d. l. 16. §. 3.

3. Duo autem creditori pignus persequenti probanda sunt. (1) Se jus pignoris in re de qua agitur habere, (2) possessionem eius rei esse penes eum qui convenientur. Ad primum quod attinet, si creditor cum ipso debitore experiatur sufficit ei ad fundandum jus pignoris probare quod debitor possideat; quoniam inter contrahentes ipsos etiam alienæ rei pignus consistit, neque debitor questionem dominii referre potest, per l. 41. in fin. de pign. act. Si vero agatur contra tertium possessorem, probandum est rem in bonis debitoris fuisse; aut in casu generalis hypothecæ postea ad eum pervenisse, l. 15. §. 1. de pign. Nec interest possessor causam habeat an non habeat; & cum habet, utrum lucrativa sit an onerosa. Nam jus pignoris non fundatur nisi res fuerit in bonis debitoris, cumque hypotheca proprie titulum non præbeat, & creditor jure debitoris nitatur: oportet creditorem potentiori jure munitum esse quam possessorem.

4. Illud probare necesse non est debitorum rei dominum fuisse, sed, quemadmodum dixi, fuisse in ejus bonis, seu justo titulo & bona fide ab eo possessam; quoniam quo pro-

bato succumberet possessor debitore agente Publicianâ: eo probato etiam succumbere debet creditore agente hypothecariâ, arg. l. 18. de pign. Hæc fusius tractantur à Jo. Fab. Ang. Jas. Zas. Schneid. ad bunc §. Cyn. & Salic. ad l. 5. C. si res al. pign. Negus. de pign. 8. memb. 3. n. 6. & seqq. Secundum expeditum est; quippe hoc omnium actionum in rem est proprium ut eo tempore quo moventur ad item fundam rem possidere oporteat.

5. Olim si alius quam debitor pignus possidebat, non tenebatur creditor ipsum prius debitorem personali actione convenire, & sic deinde illo non solvente demum pignus à possesso persequi; sed in arbitrio creditoris erat adversus utrum prius experiretur, l. 14. l. 24. C. de pign. l. ult. C. de obl. & act. Tantum hoc requirebatur, ut si debitor præsens esset prius denuntiationibus convenienteretur, id est legitime interpellaretur ut solveret; ac tum illo non solvente ad possessorem pignoris veniretur, l. 10. C. d. tit. Justinianus autem à creditoribus plus exegit; constituit enim ut si debitores præsentes sint non tantum denuntiationibus convenientur sed etiam iudicio, nec prius ad pignorum possessores perveniatur quam excussis debitoris & fidejussionum, si qui sunt, facultatibus, Nov. 4. cap. 2. unde auth. sed bodie C. de obl. & act. & auth. hoc si debitor C. de pign. Id jam olim in fisco pignus legale vindicante humanitatis causâ placuerat, l. 47. de jur. fisc. ad cuius exemplum in conventionali pignore idem cassis videtur Justinianus. Quod si debitor aut heres ejus pignus possideat, tum adhuc nullus oido servatur, & liberum etiamnum creditori est omissa actione personali pignus persequi, d. Nov. 4. cap. 3. vers. contra principales, l. 24. junct. pr. auth. seq. hoc si debitor C. de pign. VENN. Idque statutum apud nos est l. 14. tit. 13. Part. 5. Duas tamen Interpp. nostri auth. addunt limitationes, quarum prima est cum oppositum fuerit pactum de hypotheca non alienanda, altera est in possessore prædii ex quo annus redditus debetur; nam his casibus etiam non excuso debitore rectâ in tertium possessorem patet actio. Paz in prax. tom. 3. cap. 2. §. 14. n. 35. & seqq. ADDIT.

6. *Serviana & quasi Serviana quæ etiam hypothecaria*] Duplex igitur de pignore in rem actio est. Serviana dicta ab auctore eadem analogia qua Publiciana; & quasi Serviana, sic dicta quia ad exemplum Servianæ introducta est; unde & utilis Servianæ dicitur, l. 1. in pr. & §. 2. ff. de pign. l. 1. C. de precar.

Hæc

Hæc eadem, ut hic traditur, etiam hypothecaria appellatur, à re scilicet & nomine communi: quod nomen etiam Serviana competit; sed cum hæc nomen proprium haberet, illa quod commune est sibi proprium fecit. Nonnumquam tamen appellatione Serviana & quasi Serviana seu hypothecaria omnis significatur, II. 3. & 18. de pign. l. 28. ff. de pign. act. ult. C. de obl. & act. Ab actione hypothecaria toto genere differt actio quæ pigneratitia proprie dicitur, utpote quæ non in rem sed in personam est, nec creditori competit sed debitori aduersus ipsum creditorem ex contractu obligatum ad pignus quod accepit soluto debito restituendum: de qua sit. & C. de pign. & act. §. ult. Inst. sup. quib. mod. re cont. obl. Abusive tamen Veteres quandoque hypothecariam quoque pigneratitiam vocant, ut observare licet lege 9. in fin. quib. mod. pign. solv. l. 41. de pign. act. l. 3. §. 3. ad exhib. l. 13. de cond. ind. l. 19. de exc. rei jud. & alii locis. Vid. nostra ad §. ult. Inst.

Et prætoris jurisdictione] Atqui quasi Serviana à prætore introducta non est, sed Jurisconsultorum ingenii excoxitata & instituta ad exemplum ejus quæ à prætore comparata & in edito proposita fuit. Respondemus, etiam eas actiones quæ ad imitationem editi à Prudentibus compositæ sunt prætorias censeri, propterea quod causam & initium jurisdictione prætoris acceperunt.

7. De rebus coloni] Dubium non est quin ea actio de pignore quæ verbis editi proposita fuit Serviana proprie vocetur. Unde existimare licet prætorem nominatim tantum de rebus colonorum pro mercede locationis obligatis locutum, edictumque ad hunc modum conceptum fuisse: *Quod à colonis oppignerarum mercedis causà ad alterum pervenerit, ejus rei creditoribus actionem dabo.* De rebus inquilini similiter obligatis actio verbis editi proposita non fuit. Itaque cum de his rebus agimus non proprie Servianâ experimur sed quasi Servianâ, quæ est ex editi productione.

8. Quæ pignoris jure pro mercedibus] Relativum quæ hic non demonstrat sed distinguit; quippe hac adjectione non illud significatur res omnes coloni pro mercede fundi locatori esse obligatas, sed de his quæ obligatae sunt Servianam competere. Jam autem constat non omnes res coloni pro mercede pignoris jure teneri, sed primum fructus in fundo ducto nascentes, qui quidem etiam tacite citra ullam conventionem pignori esse intelliguntur, l. 7. ff. in quib.

caus. pign. tac. l. 3. C. eod. Deinde ea & sola de quibus nominatim convenit ut pignori essent, §. 3. in fin. Inst. inf. de interdict. nam nec inventa inducta aut illata in predium rusticum aliter pignori sunt fundi domino quam si expressa conventio intercesserit, II. 4. & 7. d. tit. l. 5. C. eod. Quia in re dictat conductio prædii urbani à conductione rustici; nam in urbanum predium illata placet pignori esse locatori etiamsi nihil nominatim convenerit, l. 4. de pat. & d. l. 4. in quib. caus. pign. tac. Cujus differentia ratio si queratur, ea sumenda est ex moribus populi Romani.

9. Solebant in prædiis rusticis nata pro mercede obligari; in urbanis invecta, l. 61. §. 8. de furt. quod autem erat in more positum ut alias sèpè in jus paulatim transiit, & pro dicto habitum est sicubi dictum non esset. Scio veteres Interpretes aliter sentire, atque arbitrii etiam in inductis atque illatis in predium rusticum tacite, sive citra pacti omnem expressam, pignus pro mercede constitui, si modo voluntate seu scientiâ domini illata sint, quod nec ipsum in illatis in urbanum predium exigatur. Laudant in hanc sententiam constitutionem Alexandri quæ extat in l. 5. C. de locat. Sed merito hæc sententia à recentioribus rejecta est, nihilque eam juvat D. Alexandri constitutio, qua solâ nititur. Nam voluntatis nomine in ea constitutione ad significatur expressa conventio, quemadmodum etiam in l. 5. §. in quib. ca. pign. tac. Quorsum enim exigamus ut voluntate domini illata sint, nisi simul ut pignori essent pactio aliqua inter eum & colonum interposita fuerit? Sed & voluntate domini illata sic recte accipi possunt, si dominus locaverit fundum hac lege ut aliqua in eum fundum inferrentur. Qui autem hanc legem locationi dixit, vi ipsa & per consequentiam pactus esse intelligitur, ut quæ ex pactione importantur pignoris loco teneantur. Ita ferme Connan. 4. comm. 16. Fort. Garz. ad d. l. 5. Duar. Cujac. ad l. 4. de pat. Don. de pign. cap. 4. Bach. 1. de pign. cap. 11. D. Tuiden. in tit. C. in quib. ca. pign. tac. n. 5. Christin. vol. 3. decis. 110. & vol. 4. decis. 155. Vinn. Veterum tamen sententia quam hic reprehendit auctor, lego 5. tit. 8. Part. 3. confirmata est. ADDIT.

10. Qua creditores pignora persecuntur] Quasi Serviana seu hypothecaria datur de reliquis rebus pignori obligatis, & in quovis genere pignoris locum habet. Itaque competit

tit non tantum de pignore conventionali, sed etiam de legali ; quale verbi causa habent pupilli & adolescentes in bonis tutorum & curatorum, l. 20. C. de adm. tur. fiscus in bonis debitorum fisci, ll. 1. & 2. in quib. ca. pign. tac. uxor in rebus mariti in causa dotis, l. un. §. 1. C. de rei ux. att. legatarii in rebus hereditariis, l. 1. C. comm. de legat. item de pignore prætorio & judiciali, l. 2. C. de præt. pign. item de eo quod testamento constitutum est, l. 26. de pign. att. denique & de pignore tacito, ll. 4. & 7. in quib. ca. pign. tac. l. 4. de patr.

Inter pignus & hypothecam, quantum ad actionem hypothecariam] Inter pignus & hypothecam tantum nominis sonus differt, ait Marciān. l. 5. §. 1. de pign. id est, diverso & discrepante sono idem significant. Addit hīc Imp. quantum ad actionem hypothecariam attinget, quod etiam sensisse Marcianum arguit inscriptio d. legis & quæ est, Ad formulam hypothecariam. Quorsum hæc restrictio peccat inox indicatur.

Inter creditorem & debitorem convenit] Ad dictum hoc exempli causa, multa enim sunt genera pignorum quæ constituuntur sine conventione, ut jam intelleximus. Vinn. In conventionali pignore hoc jure utimur, ut prædiorum oppignorationes in acta publica referri debeant, ne fraudatoribus potestas sit idem prædium multis creditoribus oppignorandi. Quod si forte eveniat, ille creditor potior habebit cuius hypotheca apud acta fuerit insinuata. ADDIT.

11. Utraque bac appellatione continetur] Sensus est, quæcumque res sit sive mobilis sive immobilis, sive tradita sive non tradita, quæ pro debito obligata est, ea utroque hoc nomine, pignoris videlicet & hypothecæ promiscue in actione hypothecaria designari solet. Quippe quæ actio, & si quod commodum ei adhæret, creditori competit, tam pro pignore proprie dicto, cuius scilicet amissa sit possessio, quam pro hypotheca; ita ut effectu juris non differant. Ex hoc dictum est ab Ulpiano pignus contrahi non sola traditione sed etiam nuda conventione, ersi traditum non est l. 1. de pign. att. Sane quod novissimo jure constitutum est, ut debitor prius conveniatur & facultates ejus excutiantur, & sic demum si repertum sit debitorem non esse solvendo ad pignoris possessionem perveniatur, Nov. 4. cap. 2. id plerique plitant tantum locum habere in hypotheca, non in pignore proprie dicto, cuius scilicet possessio

ab initio ex conventione penes credito rem fuit & postea forte amissa ; sed hoc casu adhuc statim & rectâ possessionem pignoris avocari posse : qua sententia non caret ratione. Negus. de pign. part. 8. memb. 1. n. 18.

12. Pignoris appellatione tam proprie rem &c.] Si significationem & proprietatem verborum spectamus, aut potius usum juris, inter pignus & hypothecam hoc interest, quod pignus proprie dicitur cum simul res traditur creditori, Gracis ικέτης (securitatis arrababo) & præsentim si sit mobilis ; hypotheca autem cum res sine traditione nuda conventione obligationi subjicitur. In pignore id nostri sumserunt à notatione & origine verbi, utpote quod dictum sit à pugno, l. 238. §. 1. de verb. sign. Unde maxime id dicitur de re mobili, in quam solam cadit ut manu captiatur ; sed propter traditionem translatum ad res omnes etiam immobiles, quarum possessio itidem creditoris tradita sit. Hypotheca autem verbum Græcum est, quod posterior ætas usu Latinum fecit, πάγος τῷ ὑπόθεσθαι, quod est supponere, id est pignori opponere, fiduciare: ut appareat verbum generale esse, eoque significare utramque speciem rerum pignori oppositarum, tam quæ traditæ sunt quam quæ non sunt traditæ. Sed quod in aliis innumeris accidit ut modo generis modo speciei ei generi subj. &c. significationem habeant, id etiam fit in verbo hypothecæ, quod cum per se generale sit, tamen plerumque ad certam speciem contrahitur, ut ea appellatione intelligatur species pignori contraria, id est res quæ sine traditione nuda conventione teneuntur, & maxime immobilia; idque intelligi necesse est quoties hypotheca à pignore distinguatur. Hæc verborum differentia etiam traditur in l. 9. §. 2. de pign. att. Veteres consulti verbo hypothecæ usi non videntur, sed Latino fiducia. Cujus rei argumentum est, quod in iis quæ manum Tribonianii elapsa ad nos pervenerunt, ubi de materia pignoris agitur nusquam nomen hypothecæ occurrat, sed fiducia dumtaxat, ut videre est apud Paulum in libris recept. sentent. lib. 1. tit. 9. lib. 2. tit. 4. lib. 3. tit. 6. de legat. lib. 5. tit. 26. in fin. sicut nec actionis hypothecaria ullibi in his mention extat, sed fiduciaria, judicij & actionis fiducie tantum, ut apud eundem Paul. d. lib. 2. tit. 13. Modestinus apud Licinium Ruffinum in collat. leg. Mosaic. & Rom. tit. de poss. Sed & in ceteris quoque partibus juris ista regula (de culpa præstanda) custoditur ; sic enim & in fiduciae judicio, & in actione rei uxorio &

douis & culpa deducitur &c. Papinianus apud eundem tit. de atroc. injur. Per hominem liberum noxe deditum si tantum adquisitum sit quantum damnum dedit, manumittere cogendus est a praetore qui noxe deditum accepit, sed fiduciae judicio non tenetur. Fuit vero & hoc ipsum fiduciae verbum generale, eoque tam pignus, id est *ērēxpor* quam *īnōdān* significabatur. Cic. in Topic. cap. 10. Si tutor fidem præstare debet, si socius, si cui mandaris, si qui fiduciam accepit: debet & procurator. Paul. d. tit. Debitor distrahit fiduciis a creditore de superfluo adversus eum habet actionem. Sed usus item speciale fecerat, contraxeratque ad obligationem immobilium. Paul. d. lib. 2. tit. de modo, id est spatio: Hereditibus debitoris adversus creditorem qui pignora vel fiducias distraxit nulla actio datur &c. Idem alibi: Rem legatan testator si postea pignori vel fiduciae dederit &c. id est, pignori vel hypothecæ. Hæc nos claris. S. I. nas. l. lib. de mod. usur. cap. 14. Vinn. Cave existimes fiduciam fuisse hypothecam, quamvis in pignoribus & hypothecis constituendis usus ejus esset frequentior. Erat nimimum fiducia singulare genus contractus quo tunc utebantur quoties ea lege quid mancipabant alienabant ut quandocumque placeret alienanti res restitueretur. Id quod sibi cavebant hac formula; *Uti inter bonos bene agier oportet, ne propter te tuamque fidem frauder.* Cic. de offic. III. 17. & ad fam. epist. VII. 12. Hinc creditores non contenti pignus se habere illud sibi mancipari jubebant, addito tamen contractu fiduciae, ut redditia pecunia pignus restituatur. Isid. Hispal. orig. v. 25. Ger. Noodt. obs. II. 8. Inde fiducia aliquando pro pignore locis hic citatis & apud Cic. pro Fa'cc. cap. 8. fiduciatus servus pro oppignorato apud Paul. res. sent. II. 13. 2. fiduciare pignoribus alterum apud Tertull. de idololatri. Eodem fiduciae contractu aliquando usos esse in locatione-conductione ex Plauti Bach. act. 4. scen. 4. v. 109. colligunt. Nec minus idem factum videtur in contractu depositi: saltim fiduciam pro deposito dici a Cicerone pro A. Caecin. cap. 3. & pro Q. Rosc. comed. cap. 6. non abs re conjectit Taubman. ad Plaut. p. m. 489. Denique fiduciae usus in emancipatione liberorum satis notus est. Vid. Antiq. nostr. Rom. lib. I. tit. 12. §. 9. HEIN.

TEXTUS.

De actionibus prætoriis personalibus.

8. In personam quoque actiones ex sua juris-

ditione propositas habet prætor, veluti de pecunia constituta; cui similis videbatur receptitia. Sed ex nostra constitutione (cum & si quid plenius habebat hoc in actionem pecunie constituta transfusum est) & ea quasi supervacua jussa est cum sua auctoritate a nostris legibus recedere. Item prætor proposuit actionem de peculio servorum filiorumque familiarium: & eam per quam queritur an actor juraverit; & alias complures.

COMMENTARIUS.

1 Recipere quid: actio receptitia.

2 Actionis receptitia & constitutoria discrimina; & præcipua causa.

HAec tenus actiones prætoriæ in rem: subjiciuntur deinceps, ut erat propositum, ejusdem originis actiones in personam. Actionum prætoriarum in personam quædam velut ex contractu & uestigio gesto proficiscuntur, quædam ex maleficio aut quasi ex maleficio; ac utriusque generis multæ & variae sunt species causis efficientibus proximis distinctæ; neque enim hoc loco omnes, sed paucæ tantum proponuntur, exempli videlicet gratias; ac primum velut ex contractu hæc tres: de constituta pecunia, de peculio, ex jurejurando.

1. *Cui similis videbatur receptitia*] Actioni de pecunia constituta similis fuit vetus actio receptitia, sic dicta a verbo recipere, quod inter alia significat in se aliquid suscipere & polliceri; nam passim apud classicos auctores invenies, recipere in se, ad se, & simpliciter recipere dictum pro aliquid facturum promittere; & videtur maiorem etiam vim hoc verbum habuisse quam promittere. Cicero Licius Crasso, fam. lib. 5. epist. 8. *Velim existimes me ea quæ tibi promitto ac recipio sanctissime esse observaturum.* Hæc autem receptitia actio tantum ad trapezitas sive mensarios aut argentarios pertinebat, apud quos, ut tun moris erat, pecunia & res ciuium Romanorum deponebantur. Itaque si mensarius circa stipulationem receperisset se certo die solutum quod hic vel ille apud se deposisset, hoc conventionis genus receptione dicebatur; & actio quæ ex ea re competebat receptitia sive pecunia recepta.

2. *Nostra constitutione*] Extat in lege 2. C. de const. pec. Quantum autem ex hac constitutione Justiniani intelligere licet, hæc inter actionem receptitiam & constitutoriam discrimina fuerunt: illa civilis erat verbis solemissi.

nibus composita, hæc prætoria: illa tantum contra argentarios dabatur, hæc contra omnes qui constituissent: in illam etiam veniebat quod non erat debitum, in hanc non nisi debitum: illa in quibuscumque rebus, hæc in iis tantum quæ pondere numero & mensurâ constant locum habebat, in quibus & constiterat mutuum. Cujus differentia hanc fuisse causam putat eruditissimus Salmasius lib. de mod. usur. cap. 16. quod olim mensarii auctiōnibus præterant, pretia rerum venditarum colligebant ac redigebant: apud eos cujusque generis res deponebantur, quia publicæ fidei erant quasi sequestres: idcirco & promittebant se soluturos aut reddituros pro aliis res quascumque mobiles vel immobiles. Ceterum Justinianus sublata receptitiā unam esse voluit actionem adversus omnes constituentes & de omnibus rebus constitutis, eam quæ de pecunia constituta appellatur, quod & ad agendum esset commodior & verbum pecunia omnibus rebus conveniret, l. 178. de verb. sign.

Si quid plenius] Hoc tamen excepto quod non constituitur nisi debitum, etsi olim in receptitiam veniebat & quod non fuerat debitum, d. l. 2. C. de const. pecūn.

Et alias complures] Cujusmodi sunt quod jussu, exercitoria, institoria, tributoria, de in rem verso: quæ etiam explicantur tit. proximo.

TEXTUS.

De constituta pecunia.

9. *De constituta autem pecunia cum omnibus agitur quicumque vel pro se vel pro alio soluturos se constituerint; nulla scilicet stipulatione interposita. Nam alioqui si stipulanti promiserint jure civili tenentur.*

L. 3. tit. 11. Part. 5.

COMMENTARIUS.

- 1 *Actionis de pecunia constituta introductio causa.*
- 2 *Singulare in hac actione.*
- 3 *Quibus ex causis hac actione teneantur.*
- 4 *Constituti & fidejussionis convenientia & dissimilitudo.*

1. **A**ctio de pecunia constituta editio prætoris introducta est ex hac causa, si quis nudo pacto constituerit se solutum quod ante debitum fuit, l. 1. §. 1. ff. de const. pec. l. 2. C. eod. Ex hac causa jure Tom. II.

civili actio non competit; quippe quo jure ex nuda conventione, quantumvis geminata aut obligationis antecedentis confirmanda gratia interposita, actio non datur. Prætor autem constituta ex consensu facta custodienda putavit, motus naturali aequitate; quoniam ut Ulpianus ait d. l. 1. in pr. grave est fidem fallere. Grave scilicet in hac specie maxime, ubi quod jam ex aliqua præcedenti causa debetur nova conventione stabilitur ac confirmatur; nam nisi debitum sit quod constituitur prætor actionem non dat.

2. Illud in hac actione ut singulare observandum est, quod ea editio proponitur non statim, sed sub conditione si appareat eum qui constituit neque solvere, neque fecisse, neque per actorem stetisse quominus fieret quod constitutum est, l. 16. §. 1. & seq. l. 17. & l. seq. de pec. const. Ex quo simul intelligimus non amitti actionem actori si moram fecerit in accipiendo; quod ratio juris civilis non pacitur; sed ei ab initio nec datum videri si per eum steterit constituti die quominus oblatum acciperet. Nimium prætori novam actionem præter regulam juris inducenti visum est eam sic proponere ut quam mitissime cum reo ageretur, & quæcumque culpa posset actori in accipiendo objici ne actio daretur.

3. *Pro se vel pro alio]* Is solus actione constitutæ pecunia tenetur qui quod ante debitum fuit constitutus, l. 1. §. 1. & passim deinceps, l. 5. §. 2. l. 18. §. 1. de pec. const. A quo autem debitum sit, utrum ab eo qui constituit an ab alio nihil interest, d. l. 5. §. 2. l. 2. C. eod. Sed nec illud refert, qua ex causa quove jure debitum sit, dum aut utiliter peti possit aut naturaliter debeatur, l. 1. §. 6. & deinceps, l. 3. §. 1. eod. Hoc amplius, etsi quis constituit alii quam creditori, modo pecunia debita sit, valebit constitutus nihil enim prætor ad/ecit, d. l. 5. §. 2. Postremo & aliud quam quod debetur constitui potest, & quod debetur constitui citeriore die, aut alio loco quam quo dari oportet, d. l. 1. §. 5. l. 4. l. 5. in pr. eod. Id quod sub conditione debetur sive pure sive in diem constituantur eadem conditione suspenditur, ut existente conditione valeat, deficiente utrumque pereat. Sed is qui pure debet si sub conditione constitutus, in hunc esse utilem, id est efficacem actionem, Pomponius censuit l. 19. pr. & §. 1. eod.

4. *Nulla stipulatione interposta]* Actioni constitutoriae tunc locus est cum quis nudo

pacto se solutum constituit; nam si stipulatio intervenerit actio honoraria non desideratur, cum sit civilis ex stipulatu. Illud sciendum est, constitutum priorem obligationem non innovare sed ei accedere, eumque etiam pro quo alius constituit adhuc obligatum manere, l. 28. eod. Quæ species constituti multa habet cum fiducijsione communia: veluti quod liberato priore seu principali debitore liberetur & pecunia constituta reus, l. 43. de solut. quod ei beneficium ordinis & excussio- nis non minus quam fidejussori tributum est, Nov. 4. cap. 1. & si plures sint pecunia pro alio constituta rei quod his etiam competit beneficium divisionis, l. ult. C. de pec. const. Ceterum & in multis discrepant; nam constitutum nudo pacto perficitur, fidejussio stipulationem requirit: constitui potest etiam aliud quam quod debetur, & alii quam creditori, & quod ulteriore die debetur constitui citeriore; quorum nihil admittit fidejussio, ut docuimus sub §. 5. Inst. de fidej. Vinn. Ho- die sublata pacti & stipulationis differentia, l. 2. tit. 16. lib. 5. Recop. constitutum à fidejussione vix discerni potest. ADDIT. Olim quoque apud Græcos, qui stipulationum fir- mamenta pactionibus suis non adhibebant nullum hac in parte discrimen fuit inter ἀπόστολον (pecuniam constitutam) & ἵρων (fidejus- sionem) communem.

TEXTUS.

De peculio.

10. *Actiones autem de peculio ideo adversus patrem dominumne comparavit pretor, quia li- ses ex contractu filiorum servorumne ipso jure non teneantur, aquum tamen est peculio tenus (quod veluti patrimonium est filiorum filiarum- que item servorum) condemnari eos.*

L. 16. tit. 11. lib. 5. Recop.
& vid. l. 13. tit. 6. Part. 6.

COMMENTARIUS.

1. *Causa introducendæ actionis de peculio.*
2. *Hanc actionem non in rem sed in personam esse.*
3. *An actio de peculio quæ adversus patrem da- tur specie differat ab ea qua tenetur filius.*
4. *Cujus peculii nomine pater ex contractu filii recte conveniatur.*
5. *Actione de peculio non consumi obligationem quæ cum filio aut servo contracta.*

6. *Ex delictis actionem de peculio non dari.*

7. *Causæ ex quibus servus dominum filius pa- trem de peculio non obligant.*

1. **E**Tiam actiones quæ de peculio ex contractu filiis aut servi ad- versus patrem aut dominum dantur sunt actiones in personam pratorum. Nam jure civili nemo ex alterius contractu obligatur, l. 1. C. ne ux. pro marit. l. 1. C. ne fil. pro patr. l. pen. C. quod cum eo qui in al. pot. Sed prætori æ- quum visum est ex contractu servi aut filii patrem & dominum, ad quos emolumen- tum contractus pertinet, saltem haec tenus obligari quatenus causa contrahendi, id est peculium filio aut servo concessum pateretur; ne scilicet qui bona fide cum servis & filiis contra- herent, quos peculium habere scirent, circum- venirentur. Nam pater & dominus hoc ipso quod peculium filiis & servis concedunt de eo se tacite obligare videntur, & simul servo & filio etiam jus contrahendi pro modo & quantitate peculii concedere, arg. l. 1. § 5. de adq. poss. l. 1. si à par. quis man. ut proinde qui cum servo aut filio contrahit etiam domini & patris personam spectare & eorum quoque fidem quodammodo sequi videatur.

2. Porro, ut hic locus ostendit, actio de peculio non est actio in rem, sed in personam; quippe quæ non nascitur ex ullo jure quod quis in re habet, sed ex obligatione uti pas- sim legimus dominum & patrem de peculio obligari. Obligantur autem non ex sua per- sona sed ex persona servorum & filiorum, propter eam causam quam modo allegavimus. Plane in hoc actio de peculio naturam actionum in rem initatur, quod peculium ea se- quitur, veluti si servus cum peculio aliena- tus sit, l. 27. §. 2. de pecul. actionis enim in personam natura hæc est ut semper adversus eundem locum habeat, l. 25. de obl. & act. Ceterum hoc ideo placuit, quia prætor propter peculium dominum teneri voluit, & tan- tum peculio tenus.

3. *Actiones]* Utitur numero multitudinis, quia tot sunt actiones de peculio quot sunt ra- tiones contrahendi, ut actio ex emto de peculio, ex vendito de peculio, mandati, com- modati, depositi &c. de peculio. Quæsitum autem est an actio quæ de peculio adversus patrem datur sit diversa ab ea quæ contra fi- lium competit, ut quemadmodum duo hic sunt debitores, l. 44. de pecul. ita & duæ sint distinctæ actiones; an vero una sit eademque actio. Et certum est numero quidem hasce a- ctio-

ctiones differre; at non videntur differre specie, sed actio de peculio cum altera illa esse eadem specie actio, novam saltem qualitatem habens. Etenim actio de peculio non est propria aliqua actio, sed alterius actionis, puta mandati, depositi, ex emto adjectio; prouersus ut actio noxalis non est propria actio specie distincta ab ea quæ directo ex delicto competit, sed tantum actionis ex delicto adjectio, quamquam novam habet qualitatem. Vid. inf. tit. 8. buj. lib.

4. *De peculio*] Peculum servi simplex est & unius generis, totum in domini a quo profectum est potestate; unde & sine exceptione dominus de peculio tenetur. Peculum vero filialium multiplex & non unius naturæ. Genera ejus singula distincte exposita sunt sub tit. 9. lib. 2. Inst. ex ea autem distinctione intelligere licet patrem non de omni peculio recte conveniri, sed de profectio tantum, quod solum totum in potestate habet. Et quidem de castrensi aut quasi castrensi ideo pater non cogitur actionem de peculio pati, quia in hoc genere peculii pater jus nullum habet sed ipse filius locum ac jus patrifam. in eo obtinet, l. 18. in fin. ff. de castr. pecul. l. 3. C. eod. l. 2. de senat. Msc. De peculio adventitio olim quidem similiter ut de profectio in patrem actio competebat; sed postquam Justinianus adventitii peculii proprietatem filio concessit, & pater tantum usufructuarius hujus peculii & legitimus administrator factus est, desiit ex contractu filii de hoc peculio conveniri posse, ll. 6. & ult. C. de bon. quæ lib. multo minus igitur conveniri poterit eo casu quo filius plenam peculii adventitii proprietatem habet. Costalius post Bartol. in l. 1. de pecul. Christin. vol. 3. decis. 35. n. 2.

5. *Adversus patrem & dominum*] Ita ut nihilominus salva maneat obligatio quæ cum filio aut servo contracta est. Quæ res hanc vim habet, ut si cum patre actu sit adhuc civilis actio contra filium supersit, l. 44. de pecul. si cum domino, servus adhuc naturaliter obligatus maneat hoc effectu ut & fidejussor ejus obligationis accipi possit, & pecunia à manumisso soluta non repetatur, l. 50. §. 2. eod. l. 14. de obl. & att. Itaque quod dicitur in d. lege 44. eum qui cum filiofam. contrahit duos habere debitores, filium in solidum & patrem de peculio, idem de eo quoque qui cum servo contraxit dici potest, nimurum etiam hunc duos habere debitores, dominum de peculio, servum in solidum; sed

hoc interest, quod cum filio etiam agi potest, cum servo non potest; qua de causa Jurisconsultus in d. l. 44. filiifam. tantum minim. Illud per se planum est, pro eo quod actor à patre aut domino actione de peculio consecutus est minui filii & servi obligacionem; uti & illud, si filius conventus pecunia aliunde quæsita solverit etiam patrem liberari.

6. *Ex contractu*] Additum hoc consulto ad removenda maleficia & quasi maleficia; nam ex delictis causisque penalibus actio de peculio non datur, l. 1. §. 7. de bis qui del. l. 58. de reg. jur. Cui non obstat quod filio ex penali causa convento & in certam summam condemnato pater tenetur actione judicati de peculio; nam hic pater non convenitur ex delicto filii, sed velut ex contractu; quippe etiam judicio cum filio contrahitur, sicut stipulatione, l. 3. §. 11. de pecul. Sed nec ulla alia actione ex delicto filii pater conveniri potest; dominus autem ex delicto servi alii tenetur, nempe actione noxali, inf. tit. 8. buj. lib. Ceterum verbo contractus & quasi contractum hic intelligere debemus, puta tutelam, negotia à filiofam. aut servo gesta, quorum nomine etiam de peculio adversus patrem & dominum actio est, l. 52. de pecul. l. 14. de neg. gest. l. 49. ff. de obl. & att. l. 1. C. quod cum eo. Neque hoc novum est ut quasi contractus absolute contractus vocetur, l. 16. de neg. gest. l. ult. in quib. ca. pign. tac. de l. 49. de obl. & att.

7. Illud obiter notandum, esse quosdam contractus & causas ex quibus servus & filius. dominum aut patrem de peculio non obligant. Dominum placet non teneri ex his quatuor, si servus fidejusserit, si liberum se mentitus judicium suscepit, si compromisebit, si jusjurandum detulerit, l. 3. §. 5. & §. 8. cum seq. l. 5. §. 2. de pecul. Pater autem ex una tantum causa non tenetur, nempe si filius mutuam pecuniam acceperit; idque propter senatusconsultum Macedonianum quod venit ex hac causa actionem aut in filium aut in patrem dari: de quo pluscula suo loco in fin. tit. seq.

Ipsò jure] Ipsò jure idem hic valet quod jure civili, uti & in §. 1. Inst. inf. de perp. & temp. att. l. 9. §. 1. usufr. quemadm. cav. l. 1. §. ult. de superficie. Hec igitur hujus loci sententia est, ideo actionem de peculio ex contractu filiorum & servorum adversus patrem & dominum comparatam à prætore, quia hi non teneantur eo nomine jure civili, & tamen æquum sit teneri eos peculio tenuis.

Potest & locus sic explicari, ut ipso jure dictum intelligamus pro mera & stricta jurisdictione.

Quod veluti patrimonium] Hæc ratio non concludit, nisi factum patris & domini simul respicias, qui peculium ejusque, seu patrimonii cuiusdam administrationem, filiis & servis concesserunt.

Contemnari eos] Deducto tamen quod iis naturaliter debetur, l. pen. C. quod cum eo, l. 5. §. ult. l. 9. §. 2. & 3. de pecul. ubi Ulpianus ait, peculium deducto eo quod domino debetur computandum esse, quia prævenisse dominus & cum servo egisse videatur; item si quid his debetur qui sunt in ejus potestate. VENN. Actione de peculio etiam nunc utimur. Pax pax. tom. 3. cap. 2. §. 6. ADDIT.

T E X T U S .

De actione in factum ex jurejurando.

1. Item si quis postulante adversario juraverit deberi sibi pecuniam quam peteret, neque ei solvatur, justissime accommodat ei talam actionem, per quam non illud queritur an ei pecunia debeatur, sed an juraverit.

L. 2. tit. 11. Part. 3.

C O M M E N T A R I U S .

1. Qualis sit actio quæ ex jurejurando datur, novane aliqua, an vetus.
2. In personam eam esse quacumque ex causa juratum sit.
3. De quo genere jurisjurandi hic tractetur.
4. Quam ob causam hæc actio à prætore introducatur; cui, adversus quem, quo effectu detur.

Inter actiones quæ à prætore proditæ in personam sunt numeratur hoc loco & actio ex jurejurando. A prætore hanc actionem introductam esse, non constitutam jure civili, apparet ex eo quod jure civili nulli actio datur nisi ei cui quid debetur; nec satis est in judicio dicere sibi quid deberi, nisi & is qui dicit probet. Non probat autem qui jurat: utique non proprie & vere. Cur autem prætor hinc actionem constituerit paulo post audiens. In personam est, utpote proficiscens ex conventione, l. 26. §. ult. de jurejur. Proinde talis etiam tunc cum in actione in rem juratum est.

3. Sed quoniam in universum parum li-

quet qualis sit hæc actio (nam & veterem hinc actionem dari legimus, l. 13. §. 3. & seqq. eod. l. 7. §. 7. de Public. in rem att. & utilem interdum, l. 11. §. ult. l. 29. de jurejur. sapientiam & passim in factum): diligentius inquirendum est quid de ea re habendum sit. Ego sic sentio, verbis has actiones distingui, certum re ipsa unam tantum esse, eamque ex solo jurejurando nasci, certe una hac causâ & defensione niti, quia juratum est. Porro hanc eamdem modo in factum, modo utilem à consultis vocari, modo sub appellatione veteris actionis intelligi. Dicitur actio in factum qualis dari solet cum dedi aut feci quid ut vicissim dare aut faceres; juravi enim, te deferente, ea lege ut dare aut faceres quod peto, d. l. 11. §. 1. l. 8. C. eod. junct. II. 1. & 2. de præscr. verb. Dicitur utilis, propterea quod cum conventio hinc aperta non sit non potuit dari ex jurejurando actio præscriptis verbis seu in factum civilis; sed datur in factum præatoria, id est utilis. Dicitur denique & vetus actio juranti dari, sed verbo magis quam re: nimur ob veterem causam, quam initio obtendere ad existimationem actionis non nihil pertinet. Ceterum revera nova causa intentione ntitur, quæ non aliunde nascitur quam ex jurejurando; quapropter etiam in hoc solum consistit, cujus proprium est ut non aliud queratur quam an juratum sit, omissa quæstione an ex priore causa debeatur l. 5. §. 2. l. 9. §. 1. de jurejur. Et hoc est quod Paulus scribit in lege 30. eod. hoc judicio in quo de jurejurando agitur non principalem causam exerceri, sed jusjurandum actoris conservari. Plane juramentum præstitum non impedit quominus adhuc vetus actio intentari possit, d. l. 30. sed nemo qui sapit necessitate probandi ultro se subjiciet. Oldend. class. 1. act. in affin. rem. Don. cap. 8. ad tit. de jurejur.

2. Proficiscitur hæc actio ex conventione, l. 25. & seq. in fin. eod. cui consequens est in personam eam esse non in rem, etiam tunc cum quis in actione in rem juravit rem quam petebat suam esse. Nam cur hic quoque non sit actio in personam cum sit pariter ex jurejurando, id est ex conventione, cujus generis actiones omnes in personam sunt, nulla in rem? Neque obstat, quod petitor qui deferente possessore juravit rem suam esse, ex hac parte editi agens intendit rem suam esse ut juravit, quæ intentio est actionis in rem. Nilominus enim in personam agere intelligitur hoc ipso quod agit propter jusjurandum, id est

ideoque & hic actio in factum dari dicitur, quæ utique in personam, l. 11. §. 1. eod. Denique illud constat, non dari eam adversus quoscumque possessores, ut natura est actionum in rem, sed adversus eum dumtaxat qui jurandum detulit eosque qui in locum ejus successerunt, l. 9. §. ult. & l. seq. eod. & ideo quamvis alii hic utilem in rem dari censem, per d. l. 11. §. ult. effectu tamen juris nihil interesse fatentur in personam an in rem hic agi dicamus.

3. Donellus existimat tractari solum hoc loco de jurejurando quo res transigitur nulla interveniente sententiâ, & nimurum de jurejurando voluntario quod judicio nondum cœpto seu ante item contestatam ex conventione actori defertur. Nam ubi sententia intervenit actionem ex jurejurando non dari, sed locum esse actioni judicati dumtaxat: videlicet cum jurandum actori defertur post item contestatam, sive à reo approbante judice, quod proprie vocatur judiciale; sive à judice in causa dubia & laborante inopia probationum, etiam reo invito, secundum l. 3. ff. de jurejur. l. 3. C. eod. quod jurisjurandi genus dicitur *necessarium*. His enim casibus judicem præstito jurejurando, quasi re satis probata, secundum eum sententiam ferre quæ juravit, l. 34. §. ult. d. l. 31. de jurejur. De jurejurando necessario assentior; quippe quod in eum finem ut inde actio nascatur non defertur; ceterum judiciale etiam hoc pertinere arbitror, atque ex eo quoque actionem dari, licet sententia secuta sit: scilicet præter actionem judicati; nam non est novum ut ad idem obtainendum plures actiones dentur. Itaque non obstat l. 34. §. ult. de jurejur. & omnino ex judiciali etiam actionem dari evincitur ex lege 8. C. de reb. cred. l. 3. pr. & §. 1. l. 9. §. ult. l. 30. §. 3. de jurejur. Atque in d. l. 34. §. 7. eod. petitori, cui relatum est jurandum, si jurare recuset denegatur actio: ubi de jurejurando judiciali agi arguit relatio, cui in voluntario non est locus, l. 17. pr. eod. Oswald. Hillig. in Don. lib. 24. cap. 18. E. Mudæus ad hunc §. n. 3.

Postulante adversario] Id est, conditione jurandi ab adversario delata. Nam si quis juret nemine ei jurandum deferente, prætor id jurandum non tueretur quasi sibi juraverit, & alioqui facillimus quisque ad jurandum decurrens oneribus probationum se liberaret, l. 3. de jurejur.

Juraverit] Aut cum jurare paratus esset remissum ei fuerit jurandum. Nam remissi eadem vis quæ præstisti, l. 5. §. ult. l. 9. §. 1. de jurejur. ll. 1. & 8. C. eod. Resistit autem qui deferente se, cum paratus esset adversarius jurare, gratiam ei fecit, contentus voluntate suscepti jurisjurandi, l. 6. eod.

4. *Justissime accommodat ei talēm actionem*] Justissimum ideo, quia ad religionem jurisjurandi accedit deferentis conventio & consensus, qui dum jurandum actori defert hoc dicere videtur, si actor juraverit paratum stare jurejurando, id est præstare quod petitur. Hinc illa, jurandum servari propter religionem & conventionem, l. 25. & seq. §. ult. de jurejur. item speciem transactionis continere, l. 2. eod. id est, jurejurando negotium quasi transigendo inter litigatores decidi, l. 31. de jurejur. l. 21. de dol. Accedit ad conventionem & utilitas publica, quo scilicet major sit facultas litium expediendarum, l. 1. eod. Constituta est igitur actio ei qui juravit quid sibi deberi aut suum esse adversus eum qui jurandum detulit, & constituta optimo jure. Sicut autem actori jurianti actio ex jurejurando jure prætorio competit: ita ex contrario, si auctore deferente jurevit reus se nihil debere, datur reo jurisjurandi exceptio: de qua inf. sub §. 4. Inst. de except.

Sed an juraverit] Διὰ τὸ σέβας τὸν ἄγαν (propter religiam jurisjurandi). Dato igitur jurejurando vel remisso non aliud queritur: quam an juratum sit, aut parato jurare jurandum remissum, insuper habita questio ne an debeatur, quasi satis id probatum sit: jurejurando, d. l. 5. §. 2. l. 9. §. 1. eod. l. 56. ff. de re judic. l. 11. in fin. C. de jurejur. ubi ejus rei hæc ratio redditur, ne repetita liti finis negotii alterius causæ fiat exordium. Et omnino qui adversarium jurare patitur illis omnibus allegationibus renuntiasse intelligitur quæ ante jurandum præstitum objici jurisque jurandi præstationem impidere aut remorari potuissent. Utique tamen salvæ manent exceptions omnes quæ etiam in causa judicati objici potuissent, l. 30. §. ult. de jurejur. Ant. Fab. Cod. suo eod. tit. defn. 11. An jurandum prætextu aliquo sive inventionis novorum instrumentorum sive perjurii retractari queat; & num poena aliqua pejorative legibus civilibus constituta sit, disputare non est hujus loci. Consuluntur DD. in ll. 2. & 2. & ult. C. de reb. cred. & jurejur.

TEXTUS.

De actionibus poenalibus.

12. Poenales quoque actiones prætor pene multas ex sua jurisdictione introduxit: veluti adversus eum qui quid ex albo ejus corrupisset: & in eum qui patronum vel parentem in jus vocasset, cum id non impetrasset; item adversus eum qui vi exemerit eum qui in jus vocatur, cuiusve dolo alias exemerit; & alias innumerabiles.

LL. 4. & 5. tit. 7. Part. 3.

COMMENTARIUS.

- 1. Quale judicium edicto constitutum in eum qui album corrupit; & quid hoc loco sit album.
- 2. Quid edictum perpetuum, quid temporale; & cur illud corrumpens actione populari tenetur, non item qui hoc; & utrum pena fisco applicetur, an litem occupanti.
- 3. Qui in totum, & qui sine venia in jus vocari edicto prohibantur. Qui sine venia vocavit qua actione teneatur.
- 4. Que causa pretorem moverit ut patronum & parentem nisi veniam impetrata vocari noluerit. Problematic.
- 5. Quale judicium constitutum in eum qui in jus vocatum vi exemerit.
- 6. Recensentur plerique aliæ actiones prætoriae poenales.

Habuimus exempla quædam prætoriarum in personam actionum, quæ velut ex contractu ac negotio gesto proficiscuntur rei que persecutionem continent. Sequuntur nunc exempla aliquot earum quæ quidem & ipsæ prætoriae sunt & personales, sed ex delicto veniunt & poenæ persecutionem habent: ut actio de albo corrupto, de patrono aut parente sine venia in jus vocato, de in jus vocato vi exempta.

Pene multas] Pro pene videtur legendum bene, id est valde; nam bene particula Veteribus saepe est *augmentativa*, ut bene doctus, bene magnus, bene longus, Cicero lib. 2. de orat. cap. 88. Habetis sermonem bene longum. Idem in Rull. cap. 12. Adolescens non minus bene nummatus quam capillatus. Oppius de bell. Hisp. lib. 5. cap. 12. Cum bene magnam multitudinem telorum injecissent; & mox cap. 13. Cum bene magnam partem muri consumissent.

1. Qui quid ex albo] Exemplum primum actionum poenaliū ex jurisdictione prætoris

introductarum, actio albi corrupti. In eum qui album prætoris corrupit judicium popolare quinquaginta aureorum datur, l. 7. in pr. de jurisd. Codex Florentinus & nonnullæ antiquæ editiones habent quingentorum aureorum. Quod D. Cujacio lib. 10. obs. 10. & quibusdam aliis magis probatur propter gravitatem delicti; quamquam vix est ut tantæ pecuniae poena conveniat judiciis popularibus. Vinn. Hodie hanc actionem ad magistratum edicta pertinere tradit Paz in sua prax. tom. 3. cap. 2. §. 9. sed rectius observavit Pichardus hic n. 25. numquam apud nos executioni mandari; cum quotidie eveniat ut magistratum edicta data operâ corrumpantur. Profecto in eos qui dolo & in contemnū ea deleverint extraordinaria poena animadvertisse hodiernis moribus convenientius existimo. ADDIT. Album hoc loco significat tabulam gypsamat in qua edictum prescriptum proponebatur palam, ut unicuique legendi potestas esset.

2. Cum autem duplex edictum sit, unum perpetuum quod per universum prætoris imperium permanet, & in omnibus obtinet causis; alterum temporale & paucorum dierum, quod ad causas singulas & oborta negotia accommodatur, quale est citatorum & peremptorium, l. 68. cum seqq. de judic. sciendum est poenale hoc judicium constitutum adversus eos tantum qui quod jurisdictionis perpetuæ causa propositum est corruerunt, non in eos qui quid corrumpunt ex edicto temporali, quod prout res incidit proponitur, d. l. 7. de jurisd. Illud auctoritatem magistratus violant, & ideo ipsam quodammodo Rempub. civesque universos ledere videntur; unde quoque est quod hoc casu populare judicium prætor proposuit, id est unicuique ex populo eo nomine actionem concessit, d. l. 7. Hi tantum privatos offendere intelliguntur, nimirum eos solos quorum gratiâ edictum propositum erat; & proinde sufficit hos ipsos injariam sibi factam privata actione persequi posse. Dissent. Gomez hic n. 15. cuius sententia praxi horum temporum magis convenire videtur. Ait, corrupisset: scilicet dolo malo; nam quod quis per imperitiam, rusticitatem, aut casu fecit, ad hoc edictum non pertinet, d. l. 7. in pr. & §. 4. Tenetur vero hoc edicto non tantum qui corrupit sed etiam qui substulit aut corrumpi tollive mandavit, d. l. 7. §. ult. Quaritur autem, cum actio ex hoc edicto popularis sit, utrum poena fisco applicanda, an privato litem occupanti. Sed verius est litem occupantis lucro eam cedere, per l. 12. de

dé verb. sign. & ita post DD. comm. Gomez hic n. 29. Schneid. n. 28.

3. Qui patronum vel parentem in jus vocasset] Alterum exemplum actionis prætoriæ poenalis de patrono aut parente sine venia in jus vocato. Quædam personæ sunt quæ in totum in jus vocari prohibentur; quædam quæ vocari prohibentur sine venia prætoris. In totum vocari prohibentur magistratus qui imperium habent; item omnes qui necessaria aliqua occupatione sive privata sive publica aut religiosa distincentur, ll. 2. 3. & 4. de in jus voc. sed hæc prohibitio temporalis est, finitoque magistratu aut negotio expirat. Sine permisso suo prætor vocari prohibet parentem, patronum, patronam, liberos, parentes patroni, patronæ; atque in eum qui adversus hanc partem edicti fecerit poenale judicium quinquaginta aureorum parenti patrino &c. constituit, l. 4. cum aliquot seqq. ll. pen. & ult. d. tit. ll. 1. 2. & 3. eod.

4. Causam huic edito dedisse existimant veterem judiciorum Romanorum morem; sic enim jus fuisse olim ut qui in jus vocabantur inviti cogerentur ire, alioqui vi adhibita & injecta manu relucentes in jus trahere licere, quod filio in patrem, liberto in patronum sine venia petitione permittendum non fuerit. Ita fere Duar. 1. disput. 1. Rævard. cap. 5. ad l. XII. tabb. Cujac. 10. obs. 10. Hotom. Don. Vult. ad hunc §. qui omnes pro certo tradunt jure Romano veteri vocationem in jus fieri solitam fuisse non tantum sine ullo apparitore præceptore judicis, sed passim etiam licuisse adversario vocatum n̄ confessim iret vocantemque seque retur aut satis vel cautum daret se certo die affuturum, testibus adhibitis ducere, trahere, obtortoque, ut loquuntur, collo in jus rapere. Sunt tamen, quamvis pauci, qui adduci non possunt ut credant violentam illam ductionem simpliciter & in quosvis permis sam fuisse. Quid enim, ajunt, tam alienum à disceptionibus civilibus quam judiciorum omnium exordium fieri ab impressione & violentia? Nec vero illa quæ sunt apud Comicos, In jus ambula; item, In jus eamus; & apud Plinium in paneg. cap. 36. In jus veni: sequere ad tribunal, manus arguere injectionem. Illa quidem arguere quæ legimus in Eunuch. 4. 6. 31. In jus ducito. In Aulularia 4. 10. 30. Ad prætorem te rapiam. In Rudent. 3. 6. 15. Rapior obtorto collo. Item apud Horatium 1. satyr. 9. v. 77. Rapit in jus. Sed Horatium aperte loqui de vadimonii desertore; Comi-

cos autem fere agere de lenonibus, quod genus hominum contemtum & vilissimum habebatur. In hujus tantum generis homines aut ejusdem vilitatis, in desertores vadimonii aut latitantes, si in publico occurrissent, violentiam istam impune exerceri potuisse. Non obstat huic sententiæ editum: *Ne quis eum qui in jus vocabitur vi eximatur*; nam nec eum qui sequitur, aut sequi paratus est, vi eximi posse, ne eat. Nec verbum *ducere*, quo utitur Jurisconsultus in lege 5. §. 1. qui satisd. cog. hoc enim de volentibus proprie dici, ut in illo Senecæ: *Fata volentem ducunt, nolentem trahunt*. Quod autem parentes & patroni sine permissu prætoris à liberis & libertis in jus vocari vetantur, id non hanc habere rationem quod *vetus in jus vocatio vim adjunctam* habuit vocatusque si ire recusaret manu adjecta trahi potuit, quod filio & liberto sine venia permittendum non fuerit propter reverentiam parenti & patrono debitam; sed quia hoc ipso quod filius patri libertus patrono diem dicunt propriaque auctoritate eos in jus ire jubent, contra reverentiam & pietatem faciunt. Et quis denique, ajunt, non indignetur qui audiat facinus tam indignum à prætore permitti ut filius patrem libertus patrionum manu injecta in jus rapiat? aut quomodo filius aut libertus id citra impietatem petere possunt? His ergo rationibus moti existimant editum de in jus vocando pertinere non ad violentam aliquam raptionem, sed ad simplicem vocationem ac denuntiationem; raptionisque violentiam non in quosvis cives sed tantum in personas viles, & desertores vadimonii exercitam fuisse. Sententia est D. Joann. Vaudi lib. 2. quæst. 26. & Bachovii ad tit. de in jus voc. eamque juvare videntur textus in ll. 11. 16. 18. & seq. l. 21. d. tit. l. 2. §. 1. si quis in jus voc. non ierit, ubi Paulus scribit eum qui in jus vocatus non ierit à competente judice multari; & si acto is nihil interest adversarium suo tempore venisse, poenam à prætore remitti. VINN. In Hispania ea pars editi quæ est de magistris in jus non vocandis non observatur; sed possunt magistratus omnesque qui publico aliquo munere funguntur aque ac quilibet privatus in jus vocari. Ceterum in causis quæ pertinent ad eorum officium diversa ratio eos conveniendi nostris est statuta legibus, quam Residentiam appellamus. Vid. part. 4. Cur. Philip. de residentia seu syndicatu. Altera vero pars editi de parentibus sine venia non vocandis etiam hodie obtinet ex l. 4. tit.

tū. 7. Part. 3. quamvis non injecta manu & obtorto collo, sed per apparitores viatoresque jussu & auctoritate magistratus vocatio nunc peragatur. ADDIT.

5. Eminivero venia in prima instantia semel impetrata eam repetere in secunda non est necesse. Interpretes hanc edicti partem etiam ad alias personas extendunt: (1) ad parentes spirituales quos vocant, id est eos qui agere volentem de sacro fonte Baptismatis levaverunt. Alex. Castr. & alii in *l. 13. de in jus voc.* Schneid. post Angel. Jas. *bīc n. 42.* Christin. *vol. 2. decis. 90. n. 7.* (2) ad soecrum, socrum, vitricum, novercam, qui jure nostro parentum loco sunt genero, nurui, privigno, privignæ. DD. comm. in *d. l. 13.* Fulgosius tamen, & post eum Alex. *d. loc. de vitrico & noverca dissentienti*; & D. Merula *d. seqq. 1. tit. 4. cap. 12.* tradit, more nostri fori vitricum & novercam posse sine venia in jus vocari. Videndum an non probanda sit distinc*tiō Jasonis bīc n. 75.* inter affinitatem durantem & dissolutam, cum D. Diod. Tuldeno *comm. ad tit. de pēn. tem. litig. infra cap. 5.* (3) ad praeceptorem quia & hic discipulo suo parentis loco sit, Menoch. *2. arb. jud. quest. ult.* Alciat. in *l. 1. C. de in jus voc. n. 8.* Verum alii hoc improbant. Duar. *cap. 4. de in jus voc.* Jas. *bīc n. 78.* Alex. in *d. l. 13.* Plerique tamen horum distinguunt inter citationem verbalem & realēm, ut in illa veniæ impreatione non sit opus, in hac contra. Sed hoc admissio, praeceptorei verbaliter sine venia citari posse, fatendum est edictum, secundum verum ejus sensum, de quo supra, ad praeceptorem non pertinere. Quod si secundum mores hodier nos de reali citatione disputemus, quæ in causis civilibus rarissime locum habet, & non nisi ad commissionem judicis fieri potest: tanto minus hodie ista distinctione uteatur. Considerandum vero an inter ipsos praeceptores non sit admittenda distinctione, separandusque à qualibet praeceptore operam leviter locante is qui simul & educator vitæque & morum formator sit, qualem Veteres teste Juvenale *satyr. 7. sancti voluere parentis esse loco.* (4) ad universitatem & civitatem; nam ex communione non potest civis cuiusque universitatis aut civitatis sine venia in jus vocare universitatem aut civitatem suam; quoniam non minus patriæ suæ quisque quam parentibus debet. Grammat. *cons. civ. 40.* Viv. *opin. 119. lib. 2.* Schneid. *bīc post Ang. Jas. n. 44.* Contrarium tamen censuit aliquando

Curia Mechlin. teste Christin. *vol. 2. decis. 90. n. 7.* Postremo sunt qui nec dominum feudi à vassallo sine permisso judicis impune in jus vocari posse contendunt: inter quos & Merula noster *d. cap. 12.* Sed communis opinio contrarium tenet. Myns *4. obs. 92.* Gail. *de pignor. cap. 15. n. 6.* D. Præs. Everh. *in locis legal. à libert. ad vasall. in fin.* Schneid. *bīc n. 45.* Grot. *2. manud. cap. 41. in calce.* Plane si dominus feudi simul sit & dominus territorii, non poterit à vasallo sine venia vocari, non quia vasallus sed quia subditus, cui utique dominum eundemque Principem suum in jus vocare sine petitione venia licere non debet, Gail. *d. cap. 15.* Rol. à Vall. *cons. 18. lib. 2.* Alciat. *ad l. 2. C. de in jus voc.* Arnold. de Reyg. *in addit. add. observ.* Myns. *92.* VINN. Sic ex uno absurdo sequuntur plura, ex una quæstione supervacua sexcentæ aliæ. Edicti prætorii de parentibus & patronis sine venia non vocandis non alia fuit ratio quam quod in jus vocatio publice sub dio facta merito ignominiosa videretur. Sive enim rapi potuisse nolentes ire dicamus, sive existimemus vocare tantum licuisse: parum verecundum profecto erat filium patri libertum patrono in publico acclamare, *ambula in jus.* Noluit itaque prætor eam vocationem sine venia fieri. At quid hæc causa ad citationem hodie receptam? An & hæc patris vel patroni pudorem sugillat? Quidn̄ ergo cessante in universum hujus juris ratione ipsum jus cessat? Sed ita multa passim sine delectu in foro recepta videas, quæ ipsi forte Romani si ea apud nos fieri viderent riderent. HEIN. Praxis nostri temporis continetur in *Cur. Philip. part. 1. §. 10. n. 5.* ubi sequentes personæ enumerantur, quæ non nisi petita veniæ vocari in jus possunt: parentes, patroni, vitrici, domini à subditis seu vasallis, præceptores ab auditoribus suis, parochus, susceptor fontis baptismatis, noverca à privigno. Quibus adeo maritum, qui sine venia in jus vocari ab uxore nequit, etiam in his casibus quibus mulieri permisum est maritum judicio sistere, de quibus *lex 5. tit. 2. Part. 3. ADDIT.*

6. *Qui vi exemerit eum?* In eum qui vocatum in jus vi exemerit, cuiusve dolo alias exemerit, poenale judicium à prætore constitutum est, *l. 1. & passim ne quis eum &c.* Pœna autem longe alia est quam superiorum; nam neque definita est, & admodum magna esse potest; litis enim astimationem cogitur exētor solvere, *l. pen. eod. ubi Jurisconsultus ait, in eum qui vi exemit in factum*

judicium dari: quo non id continetur quod in veritate est, sed quantum ea res ab actore aestimata de qua controversia est. Quod ad dictum est ut appareat, etiamsi calumniator quis sit, tamen hanc poenam eum persecui. His autem verbis non significatur actorem in item juratum, sed eam rem aestimatum quam petebat; ut exemor etiamsi res non deberetur tamen ejus estimationem solvat.

7. *Et alias innumerabiles*] *Υπερβολικῶς* (*hyperbolice*), pro multis & variis: veluti contra eum per quem factum erit quominus quis in judicio sistat. De dejectis vel effusis: de suspensis vel positis: contra nautas, cauptones, stabularios, *sup. tit. præc.* contra calumniatores in quadruplum, §. 23. *inf. eod.* item contra mensorem, *tit. ff. si mens. fals. mod. &c.*

TEXTUS.

De præjudicialibus actionibus.

13. *Præjudiciales actiones in rem esse videntur*, quales sunt per quas queritur an aliquis liber an libertus sit vel servus, vel de partu agnoscendo. Ex quibus fere una illa legitimam causam habet per quam queritur an aliquis liber sit, ceteræ ex ipsis prætoris jurisdictio- ne substantiam capiunt.

COMMENTARIUS.

- 1 *Præjudicialium actionum definitio: earum genera*, unde sic appellantur.
- 2 *Cur actionibus in rem annumerentur.*
- 3 *De libertate inter quos agatur.*
- 4 *Inter quos vertatur questio de ingenuitate.*
- 5 *Action de partu agnoscendo cui, adversus quem, quo effectu detur.*
- 6 *Action de jure familia inter patrem & filium.*
- 7 *Quid haec differat ab illa de partu agnoscendo.*

DUOBUS generibus actionum constitutis uno in rem altero in personam, eorumque causis quantum instituto convenire visum est expositis, occurrit Imperator tacite objectioni qua effici videatur deesse aliquid superiori divisioni, ac proinde eam vitiosam esse. Objeti enim potest actiones præjudiciales utique etiam actiones esse uti nominantur; has autem actiones divisione ista non contineri, quippe quæ neque in personam neque in rem esse videantur. Non esse in personam ex eo apparere, quia non dantur adversus eum qui

Tom. II.

nobis obligatus est ad dandum aliquid vel faciendum, quod est proprium actionum in personam, l. 25. de obl. & act. Non in rem, ex eo quia actione in rem id agitur ut res nostra quæ ab alio possidetur nobis restituatur: nullam vero hujusmodi restitutionem petit aut fieri in actionibus præjudicialibus. Imperfectam igitur esse divisionem, quæ hoc genus actionum non complectatur. Hanc objectionem Justinianus tacite hic removet, docens etiam actiones præjudiciales ad superiore divisionem pertinere; & nimis eas videri esse actiones in rem. Quam recte, videbimus inferius.

1. *Præjudiciales actiones sunt, quibus inter aliquos agitur de alterutrius statu, dum aut unus alterius statum oppugnans in eo aliquid juris sibi vindicat; aut alter adversus alterius oppugnationem statum suum sibi defendit.* Omnis autem de statu controversia aut est de libertate, aut de ingenuitate, aut de jure familie, unde totidem quoque actionum præjudicialium genera, unum de libertate, in quo queritur utrum quis liber sit an servus: alterum de ingenuitate, in quo queritur utrum quis libertus sit an ingenuus: tertium de jure familie, in quo queritur utrum quis sit filius an non sit: quæ genera etiam hic proposita sunt. Dicuntur haec actiones præjudiciales, & uno verbo præjudicia, l. 18. de prob. l. ult. si ingen. ess. dic. l. 3. §. 2. de agn. lib. l. 1. §. 2. de rei vind. l. 37. de obl. & act. ducto nomine non ex eo quod aliis causis præjudicium quandoque adferant, aut quia harum judicium præcedere debet (hoc enim commune est cum aliis multis actionibus, quæ tamen non dicuntur præjudiciales, uti videre est in l. 8. §. pen. de inoff. test. l. 54. de judic. ll. 16. 18. & 21. de except. l. 5. in finff. de hered. pet. l. ult. C. eod.) sed ex fine harum actionum proprio, quia etiam præjudicij aliis rebus faciendi causâ ex professo instituuntur; atque ut instituuntur, ita & sine exceptione omnibus faciunt, etiam inter alias personas inter quas postea de eodem statu questio incidit, l. 25. de stat. hom. quamvis alias res inter alios judicata aliis non noceat. Exempla habemus in l. 1. §. ult. l. 2. & 3. pr. de agnosc. lib. In his actionibus uterque & actor & reus esse potest; ceterum is actoris partes sustinet, eique incumbit probatio qui ad judicium provocavit, l. 12. de except. l. 14. de probat.

2. *In rem esse videntur*] Actiones præjudiciales ex parte excellentiore non male in

Yy

rem

rem esse dicuntur, quoniam his omnibus qui agit aliquid suum vindicat & asserit: dominus servum suum in servitutem, servus libertatem, patronus jus patroni, libertus ingenuitatem, pater jus patris, filius jus filii. Sed non per omnia in rem sunt, ut illæ quæ proprie ita dicuntur; & ideo ait, *videntur*. Nam ex duobus finibus, ceteris propositis, priorem tantum præ se ferunt, nempe ut talis declaretur actor qualem se esse contendit. Nulla hic petitur restitutio cuius condemnatio sequatur, ut sit in actionibus in rem proprie sic dictis, *ll. 9. & 68. de rei vind.* quod etiam intellectus Theophilus cum præjudicium dicit esse formulam sola intentione constantem quæ condemnationem non habeat. Ceterum statu adversarii sententia judicis semel constituto, actor præjudicium paratum habet quo consequatur commoda quæ ex statu nascuntur, tribuunturque domino, patrono, patri, filio: quæ commoda qualia sint satis notum est. D. Herm. Vultejus *bis & discept. scholast.* 3. contendit præjudiciales actiones, contraria quam hic scriptum est, in personam esse non in rem, sed argumentis parum solidis, & quæ vel mediocriter in jure versati facile confutare poterant. Qui volet adeat D. Bachov. in *Treutl. vol. 1. disp. 26. thes.* 4. ubi ex professo Vultejum refellit. Vinn. Hodie etiam hoc judicio uiri possumus, ut docet Paz in *sua prax. tom. 3. cap. 2. n. 11.* quo loco formulam hujus actionis instituenda tradit. ADDIT.

3. *An aliquis liber*] Prima præjudicialis actio de libertate, quæ eadem & causa liberalis, & liberale judicium dicitur, *tit. π̄. & Cod. de lib. caus.* De libertate agitur inter duos, quorum unus eum cum quo agit servum suum esse dicit; alter contraria servum se esse negans liberum se esse contendit. In domino ultero agente actionem agnoscas confessoria similem in servo in libertatem proclaimante similem negotiorum *l. 7. §. ult. l. 10. de lib. caus.*

4. *An libertus sit*] Secunda actio præjudicialis in qua questio ingenuitatis vertitur. De ingenuitate agitur inter eos quorum unus alterum libertum suum esse dicit, seque ei patronum esse; alter se ejus libertum esse negat; seque autem ingenium plane esse, aut ab eo cum quo agitur ingenium esse contendit. Prior jus patronatus sibi vindicat actione velut confessoria; alter ingenuitatem negativam; atque alterutro agente præjudicium redditur, *ll. 14. & 18. de probat.* *l. ult. si ingen. esse dic.* Quæsitum est an contra vasallos nostri temporis qui nolunt dominum re-

cognoscere utile hoc præjudicium detur. Nellant Joann. Fab. Zas. Schneid. *bis n. 20. & DD. comm.* Alio autem pacto domino consuli ajunt; quippe qui fundum tamquam commissum auferre possit.

5. *De partu agnoscendo*] Tertia præjudicialis, in qua queritur de jure familie non utique quolibet, sed de jure filii. Hujus generis duæ sunt species: una, quæ hic propinatur de partu agnoscendo, quæ agitur inter uxorem & maritum de partu mulieris agnoscendo pro partu legitimo, & eo qui sit ex marito: quod cum queritur, vi ipsa hoc queritur, an partus sit filius & in potestate; altera, quæ agitur in patrem & filium; in qua & ipsa idem illud queritur & aperte, an quis sit filius & in potestate, necne. De partu agnoscendo datur mulieri soluto matrimonio contendenti partum legitimum esse, editumque ex eo qui maritus fuit, adversus maritum partus controversiam facientem, sive quod neget uxorem suam fuisse, sive quod ex se prægnantem, *l. 1. §. 11. de agn.* *& alend. lib.* Itaque in hac controversia intendit mulier se & uxorem, puta Lucii Titii, fuisse, & ex eo prægnantem: petit ut ita pronuntietur, quo & maritus partum pro suo agnoscat, & agnatum pro justo filio habere atque alere cogatur, *d. l. 1. §. pen. & ult.* Competit autem hac de partu actio sive post divortium partus edatur sive constante adhuc matrimonio editus sit, *l. 3. §. 1. d. tit.* Sed & si edatur post mortem mariti, de agnoscendo eo cum avo agi potest, *d. l. 3. §. 2.* Illud hic sciendum est, permitti mulieri intra triginta dies post divortium denuntiare marito se ex illo prægnantem esse, *d. l. 1. §. 1.* qui si nec ipse nec alius ejus nomine responderit non esse ex se prægnantem: etiam siue judicio partum agnoscere & pro suo alere cogitur; quamquam non ideo partus illi filius & suus heres efficitur, *d. l. 1. §. 4. & antepen.* Quæ res facit ut de eo judicio possit experiri, non quidem cum matre sed cum filio.

6. Altera ejusdem generis actio est qua agitur inter duos, quorum unus se patrem dicit alter negat; aut contra, unus se patrem negat alter eum esse contendit. Pater si filium suum esse dicit qui se filium ejus esse neget, agit præjudicium cum filio, ut si filius suus pronuntietur: quod præjudicium intelligit Ulpianus *l. 1. §. 2. de rei vind.* Vice versa, si quis pro filio non agnoscitur qui se filium dicit, huic præjudicialis actio est adversus patrem, qua

qua petat ut talis pronuntietur & pro tali agnoscatur ; quæ actio etiam matri pro filio datur , l. 3. §. 1. de agnosc. & alend. lib. Sed & neganti aliquem filium suum esse, aliquando actione opus est ut id ita esse declaretur: veluti cum partus ex uxore editus est , & cum illa denuntiasse se esse prægnantem maritum non negavit. Hic enim, etsi in re dubia partus pro filio habetur & alendus est , tam non ideo filius efficitur & suus heres: quod facit sententia pro partu lata , d. l. 1. §. ult. de agnosc. & alend. lib. sed veritati adhuc locus superest ; & postquam vere constiterit filium non esse cessat exinde alendi necessitas , d. l. 1. §. 12. & 14. Dubium vero non est quin hic neganti actio in eam rem decur ; & quæ datur ipsa itidem sit præjudicialis, utpote quæ omnia habeat quæ præjudicij propria esse diximus. Et ex diverso si quis pro filio habitus neget se filium esse, non est dubitandum quin similiter illi actio in eam rem danda sit , sicut ei datur qui se negat esse patrem , ne ea quæ sunt filii præstare cogatur.

7. Ex his intelligi potest longe diversam esse hanc actionem à priore illa de partu agnoscendo. Nam hic inter patrem & filium controversia est , illic inter uxorem & maritum. Illa de partu soli matri adversus maritum datur, non marito adversus matrem; hæc tam filio adversus patrem quam patri adversus filium. Illa datur matri solum affirmanti partum justum esse & matri filium , neganti non item ; hæc sic patri datur adversus filium , ut detur & affirmanti filium suum esse eum cum quo agitur , & contraria etiam negantibus atque ex contrario filio quoque in utramque partem datur. Denique in hanc non queritur an quis sit filius ex causa justi partus, sed ex quavis causa qua quis jure civili justus filius efficitur. Hoc præjudicium utiliter etiam fratribus aliquis cognatis dari, ut quis frater vel cognatus vel de nobili familia pronuntietur, & consequenter nomen arma & insignia familiae ferre , feudaque & alias successiones sperare possit, cum Bart. Spec. Jas. Zas. concludit Schneid. bīc n. 34. Duo priora nobis incognita sunt, quia servos aut libertos non habemus.

Una legitimam causam habet] Ex præjudicialibus actionibus una illa quæ liberalē causam continent civilis est & legitima; utpote quæ ex lege XII. tabb. haud dubie descendit , quamvis nonnulla etiam à prætore circa hoc judicium constituta sint, ut patet ex inscriptionibus responsorum sub tit. de lib. caus. reliquæ

ex jurisdictione prætoris veniunt; quædam tamen circa actionem de partu agnoscendo causa sunt senatusconsultis , II. 1. & 3. §. 1. de agnosc. lib. Vinn. Quæcumque hic auctor, cum hodierna praxi optime convenient. Paz prax. tom. 3. cap. 4. ADDIT.

T E X T U S.

An res sua condici possit.

14. Sic itaque discretis actionibus, certum est non posse actionem suam rem ita ab aliquo petere, Si patet eum dare oportere. Nec enim quod auctoris est id ei dari oportet : scilicet quia dari cuiquam id intelligitur quod ita datur ut ejus fiat ; nec res quæ jam auctoris est magis ejus fieri potest. Plane odio furum, quo magis pluribus actionibus teneantur , effectum est ut extra pœnam dupli aut quadrupli rei recipienda nomine fures etiam bac actione teneantur , Si apparat eos dare oportere ; quamvis sit adversus eos etiam bac in rem actio , per quam rem suam quis esse petit.

C O M M E N T A R I U S.

- 1 *Vix esse ut hodie perperam agere dicatur qui rem suam sibi dari petit.*
- 2 *Difficile expeditu esse quomodo furi res condici possit , seu cum eo sic agi ut intendamus eum rem nostram nobis dare debere.*
- 3 *Conditionem furtivam etiam in commodum domini introductam ; & in quo istud commodum consistat.*

C onfirmata divisione actionum in rem & in personam aliquid subjicit quod ad vim divisionis pertinet; certe olim pertinuit, cum adhuc formula in usu essent. Didicimus actione in rem sic quemque experiri , ut dicat rem quæ ab alio possidetur suam esse; actione in personam ita , ut dicat adversarium dare aut facere oportere, §. 1. sup. hoc tit. quamquam quædam actiones personales sunt quibus hæc formula proprie non conveniat, seu in quibus proprie nec dari nec fieri intendatur: Ex hac autem formulatum oppositione infert, non posse eum qui rem suam ab aliquo petit hac intentione uti, *Ajo te mibi dare oportere*; propterea quod verbum dare, cuius alias latior significatio est , in hac formula significet dominium transferre ; & dari demum id intelligatur , quod ita datur ut ejus cui datur fiat ; quod autem alicujus est id am-

plius fieri non posse, § 10. *Inst. sup. de legat.* quo etiam pertinet quod alibi traditur, licet ex pluribus causis idem nobis debere possit, tamen ex pluribus causis idem non posse nostrum esse, l. 14. §. 2. *de exc. rei jud.* l. 159. *de reg. jur.* Sic item in stipulationibus verbum dandi stricte accipitur, l. 75. §. ult. *de verb. oblig.* indeque est quod nemo rem suam sibi dari utiliter stipulatur, l. 82. d. tit. §. 2. *Inst. sup. de inut. stip.*

1. Ceterum hodie vix est ut perperam agere dici possit qui rem suam sibi dari petit, postquam formulis sublati visum est sufficere actionem, modo aptam rei & negotio congruentem, verbis quibusvis commodis & id quod intendit utcumque exprimantibus concipere, l. 1. §. 2. *C. de form.* §. imp. subl. maxime cum apud omnes autores Latinos dare etiam pro restituere & tradere usurpetur. Et bene observavit D. Hotom. id quod hic Justinianus tradit, ita in actione in rem formulam judicij concipi non posse, si paret *Lucium Titium dare oportere*, ad illorum temporum rationem referendum esse quo formulæ adhuc in usu fuerunt, utpote descriptum ex commentariis veteris alicujus Jurisconsulti. Add. Pæsid. Everhard. *cons. 47. n. 6.* Greg. Tholosan. 43. *synagm. cap. 2.* D. Tulden. *Ced. de form.* §. impetr. n. 2. Christin. *vol. 2. decis. 146.* Merul. *lib. 4. dist. 4. sect. 3. tit. 1. cap. 2.* ubi tradit, libellosive conclusiones nunc formari secundum morem & stylum cuiusque curiae aut fori ubi lis est; securus conceptas ab auditoribus explodi & a judice rejici solere. Vinn. Formulae libellorum apud nos usitate in manibus omnium versantur, atque earum bonam partem concessit Paz in *sua prax.* Sed cum Pazii formulae obsoletis vocabulis & antiquatis cautionibus referre sint, eas in concinniorum formam collegit D. Franc. Elzondo in *sua prax. univ. for.* Nobis de formulis laborandum admodum non est; cum ex l. 10. tit. 16. *lib. 4. Recip.* etiamsi libellus conclusione careat aut ineptus sit, si tamen rei veritas & petitio deduci potest, causa suam obtineat similitatem. ADDIT.

Plane odio furum] Exceptionis superioris regulæ. Una in causa recepti m est contra superiorem definitionem ut quis rem suam ab aliquo petens hac formulâ judicij experiri possit, si paret eum dare oportere: nempe in re furtiva adversus furem, l. 1. & passim *de cond. fur.* Ulp. *lege ult. in fin. ususfr. quemadmodum cav.* breviter regulam cum exceptione sic expressit: *Nemo rem suam nisi furi condicere posset.* Cur

hoc in causa furtiva contra regulam receputum sit docet hic Justinianus, nimirum propter odium furum ut pluribus actionibus tenerentur.

2. Illud autem vix est ut expediri queat, quomodo furi res condici potest, id est, sic cum fure agi ut intendamus eum quod nostrum esse dare nobis oportere? Utique eo sensu quo verbum dare in formula proposita accipitur, nempe pro dominium transferre; fieri enim non magis hic potest ut quod meum est mihi deetur & amplius meum fiat; aut ut dare vel dominium transferre possit qui dominium non habet, quam si res condicatur alii & ex alia causa. Quomodo igitur fur qui dominus non est domino, cui soli conditionem furtivam competere constat, l. 1. *de cond. fur.* rem dare poterit? Quod si hoc impossibile est, uti profecto est, absurdissimum videtur quod hic traditur, furem sic conveniri posse ut dare jubeatur, & dominium rei quod non habet transferre in actorem eumdemque rei petitæ dominum. Nodus hic indissolubilis est, nisi dicamus in ceteris conditionibus verbum dari proprie & stricte acceptum, eoque intellectam tantum dominii translationem; in conditione autem furtiva idem verbum laxius & improprie sumtum, ut eo vi ipsa significaretur rei restitutio: quod & Gloss. hic innuit, & facit lex 29. §. 1. *de verb. obl.* Ceteroquin non video quæ ratio dari possit cur ex causa furtiva placeat eum recte agere qui rem suam sibi dari intendit; ex ceteris autem causis ita perperam agi. Plane furi non tantum ex causa furtiva sed & ex aliis quoque causis res condici potest: quod Interpretes vulgo sic exprimunt ut dicant conditiones omnes contra furem degenerare. Facile ut. in fin. ususfr. qu. cav. l. 55. in fin. de cond. indeb. junct. l. 15. §. 1. eod. l. 14. in fin. de cond. caus. dat. l. 6. §. pen. l. 25. de act. rer. amot. Gomez tūc n. 28. Post Accurs. Jo. Fab. Angel. Jas. In eādem causa cum furibus sunt & raptore ceterique violenti possessores; nam & ei qui vi aliquem de fundo dejicit fundus condici à domino potest, l. 1. in fin. l. 2. de cond. trit. § ibi Donell.

3. *Quo magis pluribus actionibus]* In hoc cernitur odium furum. Non ut actori commodum est plures habere actiones, ita incommodum reo pluribus actionibus conveniri posse, maxime si quarundam vi & potestate fortius & efficacius teneatur. Itaque eius adversus furum præter actionem furti poenalem esset & in rem actio, per quam dominus rem sibi

sibi surreptam à possidente vindicare poterat intendendo rem suam esse : placuit tamen adhuc aliam eamque commodiorem ac plenioram adversus furem ejusque heredem domino dari , qua quidem & ipsa rem persequeretur, sed eam condicendo , id est intendendo eam sibi dari oportere : quæ actio Veteribus dicta est condicō furtiva , §. ult. Inst. sup. de obl. quæ ex del. l. 1. & tot. tit. ff. de cond. furt. Commodum conditionis duplex. Primum in eo quod etsi tam condicō hæc quam rei vindicatio soli domino datur , tamen hoc interest , quod in vindicatione is qui agit probare debet se dominum esse ; in condicione satiis est si se dominum esse dicat. Neque enim furi permittendum ut referat questionem dominii. Sed & absurdum esset ab eo qui intendit rem sibi dari oportere , quod facit qui condicione experitur , probationem dominii exigere. Quod autem soli domino condicō dari dicitur, id non alio pertinet quam ut excludantur ii quibus furti actio competit ob hoc solum quod eorum interest furtum factum non esse : in quo numero sunt commodatarius , conductor , creditor pignoratius. §. 13. cum seq. Inst. sup. de obl. quæ ex del. Alterum positum in eo quod rei vindicatio non nisi adversus possessorem eumve qui dolo malo possidere desit detur ; condicō autem furtiva adversus furem competat , etiamsi non possideat nec dolo desierit possidere , §. ult. sup. d. tit. quamvis enim furtum sine dolo non committitur , potest tamen possessio rei furtivæ sine dolo , immo & sine culpa furis amitti. Hinc porro est quod condicō etiam re perempta locum habeat , nec rei interitus fur liberetur , ll. 8. & ult. ff. de cond. furt. l. 2. C. eod. & ibi post Bart. Bildum, Salicetum, Don. n. 19. Tulden. ad d. tit. C. n. 4. Christin. vol. 3. decis. 12. n. 2. Nimirum, ut ajunt Jurisconsulti in d. l. 8. §. 1. & d. l. ult. de cond. furt. fur perpetuo moram facere intelligitur; moræ autem hæc vis est ut obligationem perpetuet, id est efficiat ut debitor perinde perpetuo tenetur atque si res adhuc extaret, l. 5. de reb. bret. l. 9. §. 3. de verb. oblig. Idem vero effectus moræ non est adversus possessorem, sed qui rem sine dolo possidere desit , ut maxime ei possit objici culpa quod moxius aliquando rem non restituerit, vindicatione non tenterit, l. 36. de rei vind. Plane mora judicialis etiam in vindicatione possessori nocet, puta si res possessa post item contestatam periret, sed ita si petitor rem acceptam distraeturus fuerit , l. 15. §. ult. d. tit. alioqui pla-

cet etiam eum qui post item contestatam possessionem sine dolo aut culpa amissit absolvendum esse , l. 27. §. 1. eod. Vide quæ nos sup. ad §. 2. hujus tit. Porro ex prædictis apparet conditionem furtivam non magis in odium furi quam in favorem domini introducetam esse.

TEXTUS.

De nominibus actionum.

15. Appellamus autem in rem quidem actiones vindicationes ; in personam vero actiones quibus dare aut facere oportere intendit conditiones ; condicere enim est denuntiare prisca lingua. Nunc vero abusive dicimus conditionem actionem in personam esse qua actor intendit dari sibi oportere. Nulla enim hoc in tempore eo nomine denuntiatio sit.

COMMENTARIUS.

- 1 Vindicare quidem vindicariam, vindicatio, & alia.
- 2 Quid Veteribus sit condicere ; & cur inde actio in personam dicta condicō.
- 3 Pro veteri condicione quid postea institutum.

Hæc tenus in superiore divisione actionum in rem & in personam de re ipsa dicitur quæ his generibus continetur. Nunc admetet de nominibus ipsorum generum, ut si quando nomina in libris juris occurrent, ut passim, sciamus quæ species ex superioribus significetur , ad quas deinde jus de singulari ante traditum accommodemus. Appellamus , inquit , in rem actiones vindicationes , in personam vero conditiones. Eadem sententia Ulpianus in lege 25. de obl. & act. Actionum, inquit , duo genera sunt, in rem quæ dicitur vindicatio & in personam quæ condicō appellatur. Pertinet vero hoc ex æquo ad omnes utriusque generis species. Neque enim solum actio qua rem dominii nostri perimus vindicatio dicitur, sed etiam illæ quibus cetera in rem jura , veluti usumfructum , servitutes, pignora persequimur, l. 1. & passim si ususfr. pet. tit. ff. si serv. vind. l. ult. de pign. act. l. 16. §. 3. de pign. Et contra omnis in personam actio condicō dicitur ; quamquam nonnullæ hujus generis hoc nomen sibi velut proprium fecerunt , l. 16. de obl. & act. ut condicō certi , indebiti , sine causa , ob causam dati , triticia , ex lege &c.

Vindicationes] De origine hujus nominis non

non constat. Probabile quidem multis videatur quod Hotoman. existimat, vindico verbum esse compositum à vim dico, quemadmodum judico, auctore Varrone lib. 4. de ling. Lat. concretum ex *jus* & *dico*: nam olim in vindicationibus manus conscribi & vim quamdam adhiberi solitam, quam Cicero in *orat. pro Cæcina*, quotidiam, à Gell. lib. 20. noſt. 10. festucariam appellat, quia festucā fieri solebat. Ceterum non sine causa de eo ambigitur propter vindictæ verbum quo etiam ultio significatur; & maxime quia non vim dicere sed vim facere dicimur. Sed non est quod de ratione nominis laboremus cum de significatione constet.

1. *Vindicare* enim rem aliquam nihil aliud est quam aliquid sibi asserere & suum esse dicere, sive id dominium sit aut aliud jus; sive possessio quam in re habemus & nobis defendimus. Et cum olim mutuae essent vindications (vid. *sup. §. 1. sub fin.*): necessario eveniebat ut in omni controversia proprietatis simul ipsa quoque possessio dubia & controversa efficetur; ac proinde priusquam judicium perageretur & principalis quæſtio de proprietate terminaretur sententia ferenda esset super possessione. Quæ controversia dicebatur *lis vindicarum*, & uno verbo *vindictæ* à vindicando, & numero quoque singulari *vindicia*, auctore Servio Sulpitio apud Fest. in voce *vindictæ*, ubi Festus ait, Servium dixisse, *vindiciam esse cum de aliquare controversia est*; ab eo quod *vindicatur*. Fiebant autem vindictæ correptione manus, & quidem ex XII. tabb. in re atque loco præsentis apud prætorem; postea autem in agrorum controversiis in gleba ex agro, de quo litigabatur, in *jus allata*: in qua Gellius 20. noſt. 10. scribit litigantes tamquam in toto agro vindicari solitos fuisse. Hinc vero apparet item vindicarum non pertinuisse tantummodo ad quæſtionem momentanea possessione, quam nunc vulgo recredentiam vocant, licet id pro certo tradunt Doctores Budæus & Hotomanus; sed eo verbo Veteres significasse controversiam de toto negotio seu de possessione simul & proprietate. Quod etiam evidenter ostendit locus Asconii in *orat. 3. Verrin. cap. 45.* quam ideo adscripsi: *Lis vindicarum est*, inquit ibi Asconius, *cum litigatur de ea re apud prætorem cuius incertum est quis debeat esse possessor*. Et ideo qui eam tenet satis dat pro prede *litis vindicarum* adversario suo, quo illi satisfaciat, nihil se deterrius in possessione facturum de qua jurgium

est. Rursus sponsione ipse provocatur ab adversario certæ pecuniae aut estimationis quam amittat nisi sua sit hereditas de qua contendit. Putaverunt verbo *vindictæ* significari ipsam possessionem. Quod ego, uti à verbi proprietate nimis alienum est, ita falsum esse arbitror. Neque illa quæ apud Livium & alios legimus, postulare *vindicias*, dare *vindictai*, hoc probant. Nam postulare *vindicias* ille dicitur qui petit ut secundum se *vindictæ* dicantur; dare, qui in lite *vindictarum* secundum aut contra aliquem pronuntiat: quemadmodum litem dare secundum aut contra aliquem dicimus, pro secundum aut contra aliquem judicare. Denique dicere possessionem non dicitur, sed bene dicere *vindicias*: locutione scilicet figurata, pro dicere sententiam in lite *vindictarum*. Sane Veteres etiam res ipsas de quibus controversia erat; & glebas quoque quæ ex agro sumtæ in *jus afferebantur*, nonnumquam *vindicias* appellant; sed per metonymiam subjecti. Nam in re controversa fiebant *vindictæ*, & in glebis tamquam in agro *vindicabantur*, ut ex Gellio jam audivimus, qui hoc ipso simul nos docet quid proprie sit *vindicare*, nimirum rem aliquam sibi asserere & suam esse dicere. Hodie constat vindications dici actiones in rem de proprietate omnię jure quod quis in re habet: de quibus jam antea explicatum est.

2. *Condicere* est denuntiare] Quod Justinianus hic ait, condicere prisca lingua esse denuntiare, id etiam Festus in ea voce notat. *Condicere*, inquit, est dicendo denuntiare, & *conditio* est ejus rei quæ agitur denuntiatio. Donat. in illud *Phorn. act. 1. scen. 2.* Et tibi scribam dicam: à denuntiacione, inquit, in personam; ne diceret, non mibi denuntiasti. Theophilus tradit priscis temporibus moris fuisse ut is qui cum aliquo item habebat adversario suo denuntiaret ut hoc vel illo die ad judicium accipiendo & item persquendam adasset. Sed ex his nondum intelligitur quid Veteribus sit condicere, multoque minus quam rationem habeat quod inde actio in personam dicta sit conditio. Itaque sciendum est verbo condicere non significare unius auctoris denuntiationem, sed denuntiationem mutuam & utriusque litigantium. Nam condicere valet simul dicere, & diem in commune dicere quo in judicium veniatur, ut Festus quoque hoc verbum interpretatur; & hunc idem verbum translatum etiam ad alia quæ communi & mutua denuntiatione certi temporis & loci inter aliquos dicuntur, statu-

tuunturque ut fiant, ut condicere cœnam, pro denuntiare alicui ut adsit; & vice versa denuntiare & promittere te adfuturum. Cic. *ad Lentul. fam. 1. epist. 9.* *Crassus cum mibi condixisset cœnam, cœnavit apud me in mei generi Crassipedis hortis.* Sueton. in *Tib. cap. 42.* *Sexto Claudio libidinoso ac prodigo seni cœnam ea lege condixit, ne quid ex consuetudine immutaret aut demeret.* Ita autem moris olim fuit ut qui litem vellet intendere is adversario suo denuntiaret ut in jus veniret, qui aut ire aut sponsorem dare compellebatur, fore ut constituto die se judicio sisteret: quæ res vadatio dicebatur, & ante litem contestatam fiebat. Constituto deinde à prætore judicio diem committendi judicii simul dicebant, id est communi consensu constituebant invicem denuntiando: actor denuntiando reo quo die vellet eum in judicium venire; reus denuntiando actori se eo die affuturum; idque uno verbo dicebant diem condicere, & hinc condic̄tio mutua illa denuntiatio. Quia vero ad hanc rem fere tertium sive perendinum diem sumere solebant, inde natum nomen comprehendinationis. Nemo hoc planius exponit Asconio, qui *Verrina 3. cap. 9.* sic scribit: *Comperendinatio est ab utrisque litigatoriis invicem sibi denuntiatio in perendinum diem. Nam cum in rem aliquam agerent litigatores, & pœna se sacramenti peterent, poscebant judicem, qui dabatur post tertium diem: quo dato, deinde inter se in perendinum diem ut ad judicium venierent renuntiabant.* At enim cum hæc sive condic̄tio sive denuntiatio sive comperendinatio omnibus in judiciis fieri soleret, sive in rem sive in personam ageretur, quæ causa est quod sola actio in personam nomine conditionis designata sit? Credibile omnino est cum ex duabus istis actionum speciebus una certum & proprium nomen invenisset, alteram quia proprio carebat nomine generis appellatam, more loquendi communī & juris auctoribus maxime usitatō. Itaque cum actio in rem speciale & proprium haberet nomen vindicariū sive vindicationis, actioni in personam nomen utriusque judicii commune relictum fuisse. Prolixius hæc exequitur D. Hotomannus. Vinn. Semper existimavi hanc rationem non sufficere. Ea potius repetenda videtur à vetere more litigandi. In judiciis realibus vis quedam imaginaria vel manus injectione observabatur: unde illa dicebantur vindicationes. Contra in personalibus nulla vis

imaginaria nulla manus consertio, sed tantum verbis inter se agebant & sponsorshipibus se provocabant litigantes. Unde actionibus hī conditionum non en datum, quia sibi invicem condicebant, id est promittebant per sponsiones; ex. gr. actor reum provocabat, *Spondeo centum si dare facere debebis?* Respondebat reus spondeo; simul actorem provocabat, *Tu vero sponden' centum ni dare facere debo?* Respondebat actor, *spondeo.* Hoc vero & proprie erat condicere, id est promittere. Observabantur quidem tales sponsiones etiam in judiciis in rem; sed cum ibi vis imaginaria actus esset notatu dignissimus, maluerunt ab illo nomen his imponere, conditionis vocabulo judiciis personalibus telicto. HEIN.

Nunc vero abusive dicimus conditionem] Reete, abusive; quia non est in re quod verbo significatur. Abusus autem hac ratione defen ditur, quod primo actio in personam ejusmodi conditionem habuit à qua proficisceretur. Re sublata mansit nomen quod initio actioni fuerat: quemadmodum & in aliis plenisque rebus priscis adhuc appellationibus uti mur, quantumvis usu rei exoleto.

3. *Nulla hoc tempore denuntiatio] Justiniani æate vetus illa condic̄tio & solemnis illa ad judicium denuntiatio obsoleverat. Sustulere eam Impp. Arcadius, Honorius & Theodosius; quorum constitutio extat in lege 6. C. Theod. de denunt. vel edit. rescript. Novella autem Justiniani lege certum tempus hanc in rem constitutum; oblato enim libello citatorio viginti dierum inducias reo indulgeri voluit, ut secum interim deliberet cedere an contendere malit, auth. efferatur C. de lit. contest. Vinn. Cum apud nos judicis arbitrio relictum sit an libellus in scriptis offerendus, an actio palam nuncupanda: judicis quoque arbitrio permititur an citatio in scriptis facienda sit, an per apparitorem. Reus vero citatus intra novem dies judicio se sistere, & aut contestari litem aut exceptionis dilatorias opponere debet, II. 1. tit. 4. & 1. tit. 5. lib. 4. Recop. ADDIT.*

TEXTUS.

Divisio secunda.

16. *Sequens illa divisio est, quod quedam actiones rei persequendæ gratiâ comparatae sunt, quedam pœna persequenda, quedam mixtae sunt.*

COM-

COMMENTARIUS.

1. Quid hic vocetur rei persecutio, quid poenæ; & usus hujus divisionis.

Proponitur hic alia actionum divisio sumpta ab objecto; quippe quæ docet quid quaque actione petatur. Divisio hæc est, quod quedam actiones rei persecutæ gratiâ comparatae sunt, quedam poenæ, quedam tam poenæ quam rei & ob id mixtae. Quæ horum alterutrum aut utrumque contineant sequentibus aliquot §§. exponit Justinianus.

1. Illud non exponit, quid hic vocetur rei persecutio, quid poenæ; cuius tamen explicatio ad illustrandam divisionem vel maxime facit. Sed quod hic omissum est docebit nos definitio rei persecutoriarum à Paulo tradita lege 35. de obl. & aff. Illic enim sic Jurisconsultus scribit: *Ille (actiones) rei persecutionem continent quibus persequimur quod ex patrimonio nobis abest.* Opponit Jurisconsultus persecutionem ejus quod ex patrimonio nobis abest persecutioni poenæ. Itaque ex contrario definiemus illas actiones poenæ persecutionem habere quibus persequimur quod ex patrimonio nobis non abest. Ex patrimonio nobis abesse dicuntur hæc quatuor: quod est in patrimonio nostro sed ab alio tenetur: quod esse desiit sed ex obligatione nobis restituendum est: quod nobis debetur ex contractu: quodcumque ejus quod nobis abest estimationem continet, qualis est estimatione quæ fit ex jure jurando in item, l. 1. & 8. de in lit. jur. item poena conventione promissa, quæ & ipsa caveri solet loco ejus quod interest, §. ult. Inst. de verb. obl. l. ult. de præt. stip. Quare quacumque sunt actiones quibus horum aliquid persequimur eas dicemus esse rei persecutorias, quod ipsum etiam species subjectæ declarant. Et rursus ex contrario, quæ alicius rei ex superioribus persecutio non habent eas dicemus esse poenales. In summa, rei nomine hoc loco continetur quidquid est extra poenam legitimam; poenæ nomine ea dumtaxat quæ jure certo constituta est. Hinc jam non difficile erit judicare quæ sint actiones alterutrius generis, aut mixtae. Usus divisionis propositæ præcipius & hujus loci proprius est, ut intelligamus quid quaque actione peti oporteat. Est vero & secundarius, ut dignoscatur quæ actiones sint perpetuae, quæ temporales: quæ in heredes dentur, quæ non dentur: de quo infra substit. Inst. de perp. & temp. aff.

De rei persecutoriis.

17. *Rei persecutæ causæ comparatae sunt omnes in rem actiones. Earum vero actionum quæ in personam sunt, eæ quidem quæ ex contractu nascuntur fere omnes rei persecutæ causæ comparatae videntur: veluti quibus mutuam pecuniam vel in stipulatum deductam petit auctor; item commodati, depositi, mandati, pro socio, ex emto-vendito, locato-conducto. Plane si depositi agatur eo nomine quod tumultus, incendi, ruina, naufragii causæ depositum sit, in duplum actionem prætor reddit si modo cum ipso apud quem depositum sit aut cum herede ejus de dolo ipius agitur: quo casu mixta est actio.*

COMMENTARIUS.

1. *Actiones in rem omnes rei persecutoriæ.*
2. *An personalium ex contractualiæ mixtae quam illa ex deposito miserabiliter.*
3. *Cur bæc excepta; & cur in heredem tantum ex proprio dolo detur.*

1. *Omnies in rem] Actiones in rem omnes comparatae sunt rei persecutæ gratiâ; quippe quibus omnibus sine exceptione persequimur quod ex patrimonio nobis abest, videlicet rem nostram aut ad ius nostrum pertinentem quæ ab alio tenetur. Non obstat, quod in his actionibus ob contumaciam non restituentis in item jurari solet, l. 68. de rei vind. l. 5. de in lit. jur. & quod hoc jurejurando contumacia punitur, cum actori permittratur rem estimare etiam ultra rei pretium, l. 1. & 8. d. tit. Nam hæc ipsa poena nihil aliud est quam estimatione ejus quod actori abest, non illa quidem qua res omnibus vulgo tanti sit, sed tamen quam actor dicit rei suæ, quem æquum non est cogi suo pretio rem suam estimare, d. l. 8. de in lit. jur. l. 9. de aff. rer. amot. Atque ut hæc estimatione reo poena sit, tamen ea non petitur actione, sed officio judicis quod actioni subservit ex accidenti imponitur; actor autem nihil amplius quam rem suam perit, & illa quoque ipsa estimatione actori est rei suæ persecutio, utpote qui ultra id quod ei abest nihil consequitur, si spectamus pretium quo rem suam estimat: quod sane æquissimum est arbitrio domini definiri, d. l. 8. de in lit. jur. Ita ferme & DD vulgo.*

2. *Quæ ex contractu fere omnes rei persecutæ sunt.*

quendam] Actiones quoque in personam quæ ex contractu nascuntur rei persecutoriæ sunt; quenam & his nihil aliud persequimur quam quod nobis abest. Particulam autem fere addidit propter actionem depositi miserabilis, quam & ipse mox excipit & mixtam esse dicit. Fortassis & propter actionem legati pīi, quæ etiam quandoque mixta est, licet ex quasi contractu veniat, §. 19. inf. hoc tit. Excipiunt nonnulli & actionem redhibitoriam, quæ dicitur interdum in duplum condemnationem habere, l. 45. de adil. edit. sed perperam meo judicio; nam duplum ea actione non tam ut poena petitur, quam quod in venditione mancipiorum & animalium duplum à venditore repromitti solet. Fac. l. 23. §. 4. d. tit. Sic actio qua dupla petitur nomine evictionis non poenæ sed rei persequendæ causâ instituitur, quia ex stipulatione dupla competit, l. 2. & passim de evit. l. 31. §. 20. de adil. edit.

3. *Tumultus, incendii &c.*) In eum qui tumultus, incendii, ruinæ, naufragii causâ depositum inficiatus erit ejusve heredem fraudulentum actio in duplum à prætore redditur, l. 1. §. 1. depos. Merito has causas deponendi à ceteris segregavit prætor: primum quoniam in aliis casibus spatium deliberandi datur cui res committenda sit, in his autem trepidatio nullum tempus ad deliberandum concedit; deinde quia aliis in casibus perfidia nihil eximium habet præter ceteras, hac vero singularis est & majore odio digna, quod ubi misericordia opus est crudelitas adhibetur & calamitas calamitati imponitur, d. l. 1. §. 2. & seqq. depos. l. 1. & passim de iuend. ruin. naufrag. Diximus autem in eum qui inficiatus erit; quoniam hæc in duplum actio non nisi adversus inficiantem & fallentem fidem datur, nam in confidentem tantum in simplum actio est, d. l. 1. §. 4. depos. §. 26. inf. hoc tit.

Aus cum berede ejus de dolo ipsius) De dolo ipsius, heredis scilicet. Hac enim adjectiōne Justinianus significare voluit actionem depositi miserabilis tum demum in heredem in duplum dari, cum ille ex dolo & inficiacione propria convenitur, non etiam si cum eo agatur ob dolum defuncti; nam tunc in heredem in simplum dumtaxat hoc judicium datur, d. l. 1. §. 1. l. 18. depos. Non obstat quod passim traditur, actiones ex contractibus venientes in heredes in solidum dari, licet ob dolum eorum quibus successerunt convenienter, ll. 12. & 49. de obl. & att. l. 157. §.

Tom. II.

ult. de reg. jur. cum similibus. Nam illa definitio ad actiones poenales non pertinet, sed ad eas tantum quæ sunt rei persecutoriæ; & aliud est dari in solidum, aliud dari in duplex.

TEXTUS.

De poenæ persecutoriis.

18. *Ex maleficiis vero prodite actiones, aliae tantum poenæ persequendæ causâ comparatae sunt; aliae tam poenæ quam rei persequenda, & id mixtae sunt. Poenam tantum persequitur quis actione furti; sive enim manifesti agatur quadrupli, sive non manifesti dupli: de sola poena agitur; nam ipsam rem propria actione persequitur quis, id est suam esse petens, sive fur ipse eam rem possideat sive alius quilibet. Eo amplius adversus furem etiam conditio est rei.*

De mixtis, hoc est rei & poenæ persecutoriis.

19. *Vi autem honorum raptorum actio mixta est, quia in quadruplo rei persequitio continetur; poena autem tripli est. Sed & legis Aquiliæ actio de damno injuria dato mixta est, non solum si adversus inficiantem in duplum agatur, sed interdum & si in simplum quisque agat: veluti si quis hominem claudum aut luscum occiderit qui in eo anno integer & magni pretii fuerit; tanti enim damnatur quanti is homo eo in anno pluri-mi fuerit, secundum jam traditam divisionem. Item mixta est actio contra eos qui reliqua sacrosantissimis Ecclesiis vel aliis venerabilibus locis legati vel fideicommissi nomine dare distulerint, usque adeo ut etiam in judicium vocarentur; tunc enim & ipsam rem vel pecuniam quæ reliqua est dare compelluntur & aliud tantum pro poena; & ideo in duplum ejus fit condemnatio.*

COMMENTARIUS.

- 1 *Pro mere poenalibus esse & certa quantitatibus poenæ persecutorias.*
- 2 *Quæ quibus exceptis mixtae.*
- 3 *Pro poenalibus quæ habeantur, cum à parte alteris poenales non sint.*

Ex maleficiis actiones quæ sunt omnes persecutionem poenæ habent; sed quædam ex his poenæ solius, pleraque autem poenæ simul & rei; quæ proinde mixtae sunt. Dux tantum excipiendæ, conditio furtiva & actio rerum amotarum, quæ solius rei persecutio-

Zz

nem

nem continent, l. 7. §. 1. & 2. de cond. furt. l. 21. §. pen. de att. rer. amot.

1. *Poenam tantum actione furti*] Actio furti sive manifesti sive nec manifesti solam poenam persequitur, §. ult. Inst. sup. de obl. quæ ex del. d. l. 7. §. 1. de cond. furt. Ejusdem generis est & actio injuriarum; quippe qua nihil quod nobis abest persequimur, sed tantum vindictam criminis, l. 7. §. 1. de injur. Pro pure penalibus habendæ etiam sunt actio de albo corrupto, l. 7. de jurisd. §. 12. sup. hoc tit. actio de parente aut patrono sine venia in jus vocato, d. §. 12. l. pena & ult. de in jus voc. item actio de suspenso & posito, §. 3. tit. præc. l. 5. §. 6. de bis qui dejec. denique omnes illæ quibus non persequimur duplum triplum aut quadruplum, sed certam poenæ summam delicto simpliciter impositam sine consideratione alterius rei, veluti 50. aureos.

Ipsam rem propria actione persequitur quis] Eam vel vindicando à quocumque possessore, vel condicendo furi ejusve heredi, §. ult. Inst. sup. de obl. quæ ex del. ubi hoc latius explicatum est.

Vi bonorum raptorum actio mixta) In actione vi bonorum raptorum quadruplum non est totum poena ut in actione furti manifesti; sed in quadruplo continetur & rei persecutio, ut poena tantum sit tripli, sup. tit. Inst. vi bon. rapt. in pr. ac proinde mixta est hac actio.

2. *Legis Aquilæ actio*) Actio quoque legis Aquilæ de damno injuria, dato mixtam causam obtinet, seu partim rem partim poenam persequitur; sive adversus confitentem agatur in simplum, quo casu res æstimatur quanti plurimi eo anno aut diebus 30. proximis fuerit, §. 9. & 14. Inst. sup. de lege Aquil. sive adversus inficiantem, quo casu lis crescit & in duplum actio redditur, l. 23. §. pen. ad leg. Aquil. §. ult. Inst. sup. de obl. quæ quas. ex contr. Sed & ceteræ quoque actiones ex maleficiis (præter furti & injuriarum certæque quantitatis poenæ persecutorias quæ mere poenales sunt, & conditionem furtivam rerumque amotarum actionem quæ sunt rei persecutoriæ) omnes sunt mixtae, id est rei simul & poenæ persequendæ causæ comparatae: veluti actio servi corrupti, l. 14. §. 5. de serv. corrupt. quod metus causæ, l. 14. §. 9. & 2. seqq quod met. caus. de calunnia, l. 5. §. 1. de calumn. tripli & quadrupli ob majores sportulas exactas, §. 24. & seq. inf. &c. denique & illæ que quasi ex maleficio nascuntur similiter mixtae fere sunt, ut intelligi potest ex his.

quæ de hoc genere tradita sunt sup. tit. Inst. de obl. quæ quas. ex del.

3. Illud sciendum est, quasdam esse actiones quæ pro penalibus habeantur & ideo in heredes non dentur, licet à parte actoris penales non sint. Nam quoties actio factum punit & in eolum tantum concepta est penalibus habetur; eoque nec adveisus heredes datur, quamvis proposita sit ei cui eo facto quid absit, atque ita rei persecutionem contineat, l. 9. §. 1. quod fals. tur. de quo diligentius disserimus inf. §. 1. Inst. de perp. & temp. action.

Relicta sacrosanctis Ecclesiis] Ex quasi contractu actiones omnes rei persecutionem habent, utpote quarum nulla ultra id quod abest persequimur, ut licet intelligere ex generalibus harum actionum quæ exponuntur sup. tit. Inst. de obl. quæ quas. ex contr. Una actio ex hoc genere hic excipitur, nempe actio ejus legati & fideicommissi nomine quod relictua est Ecclesiæ aut aliis venerabilibus locis, putatis nosocomiis, xenodochiis, orphanotrophiis &c. tit. C. de Episc. & Cler. Hac actio duobus casibus mixta est & constituta in duplum, si reus inficiatus erit, si tandem solvere distulerit dum in jus vocaretur, §. 26. inf. Scholiastes Theoph. & μόνον εἰς ἀγίασμα, ἀλλὰ καὶ εἰς ὑπερβόσσα, η δικαιοσις εἰσάγεται. Τέτοιος εὑρηται Bib. a. τε Καθ. τ. γ. δ. ατ. με. (non solum ob inficiationem, sed etiam ob moram duplum incurritur. Hoc dictum lib. 1. Codicis tit. 3. leg. 45.) de obl. & att. In editione Gothofredi & Pacii est l. 46. d. t. VENN. Paz in sua prax. tom. 3. cap. 4. §. 1. falso sibi persuasit has actiones rei simul & poenæ persecutorias etiam apud nos in usu esse; verumtamen cum poenas pecuniarias generali Europæ consuetudine sublatas esse superioribus titt. menuerimus, & actiones ad has persequendas sublatas esse oportet. Vid. Groeneweg. de legg. abrog. bic. ADDIT.

T E X T U S.

De mixtis, id est tam in rem quam in personam.

20. *Quedam actiones mixtam causam obtinere videntur tam in rem quam in personam: qualis est familie encircunde actio quæ competit cohereditibus de dividenda hereditate. Item communis dividendo, quæ inter eos redditur inter quos aliquid commune est, ut id dividatur. Item finium regundorum actio, quæ inter eos agitur qui confines agros habent. In quibus tribus ju-*

Judicis permittitur judici rem alicui ex litigatoibus ex bono & aequo adjudicare, & si unius pars prægravari videbitur, eum invicem certa pecunia alteri condemnare.

Vid. l. 10. tit. 15. Part. 6.

COMMENTARIUS.

- 1 Quo sensu & quam ob causam actiones hic propositæ dicantur mixtæ.
- 2 Judicium fam. ercisc. inter quos reddatur & quid continet.
- 3 Inter quos qua de re agatur communi dividendo.
- 4 Inter quos finium regundorum & cujus rei gratiæ.

1. Per occasionem quod proxime dixerat de actionibus mixtis subjicit tres alias actiones quas & ipsas mixtas videri ait, videlicet familiae erciscundæ, communi dividendo, finium regundorum; sed quæ longi diversi sunt generis, longeque aliam ob causam mixtæ dicuntur quam dicuntur illæ quæ tertium membrum superioris divisionis constituant; non enim ideo has actiones mixtam causam habere dici, quod ut superiores illæ conjunctim rei & poenæ persecutionem contineant, cum omnes rei tantum consequendæ gratiæ comparatae sint; sed quia partim in rem esse videntur, partim in personam. Ex quo simul illud intelligimus, hæc eadem judicia alio quoque sensu hic mixta vocari quam quo mixta appellantur in lege 37. §. 1. de obl. & aet. & alibi duplicita, l. 2. §. 1. comm. div. nimis quod in iis uterque ex litigatoribus duplē personam sustinet, actoris videlicet & rei, l. 13. de jud. l. 10. fin. reg. l. 44. §. 4. fam. erc.

Mixtam causam obtinere videntur tam in rem] In rem esse videntur, quia in his quisque de re sui agit ad instar ejus qui vindicat. In personam ideo, quia dantur adversus eum qui propter communionem aut terminorum confusionem nobis obligatus est. Notandum autem quod non simpliciter ait has actiones mixtam causam obtinere tam in rem quam in personam, sed obtinere videri; nimis quia id præ se ferunt. Reversa autem sunt actiones in personam omnino; quippe quæ tales origine & essentiæ sua, quamvis fine & effectu nonnihil cum actionibus in rem commune habeant, l. 1. ff. fin. reg. l. 1. §. 1. C. de ann. exc. quod fuisse à me expositum sup. §. 1. hoc tit. VENN. Sed

tu vide quoque sis quæ ibi adnotavimus. HEN.

2. Quæ competit coheredibus de dividenda hereditate] Judicium familiae erciscundæ est quod inter coheredes redditur de dividenda hereditate, hoc est quo heres agit adversus coheredes suos ut res hereditaria prius in divisæ dividantur & à communione discedatur, l. 1. fam. ercisc. Estque hæc princeps hujus judicii causa, sed non sola; nam & præstationes quasdam personales continet quibus heres heredi propter communionem rerum est obnoxius, l. 22. §. pen. d. tit. ubi Ulpianus ait, judicium familiae erciscundæ ex duobus constare, id est ex rebus atque præstationibus, quæ sunt actiones personales. Rerum divisio qualis sit, tum quæ in hac divisione adjudicatio, & quæ vice mutua condemnatio, quorum mentio fit in extremo hujus §. declaratur in §. 4. Inst. inf. de off. judic. Præstationes personales inducuntur aut lucri aut damni aut impensarum nomine, quæ quidem res in re communi inciderunt. Lucri, ut si quid ad unum ex heredibus pervenit ex re communi id ceteris heredibus communicet, l. 44. §. 2. & 3. ff. fam. ercisc. l. 3. C. eod. d. §. 4. inf. de off. jud. Damni, ut si quid damni in rebus hereditariis datum factumve est culpâ aut negligentiâ unius, id ceteris pro portione cuiusque sarciat, l. 25. §. 16. & 18. fam. ercisc. cuius exemplum in lege 16. §. pen. l. 44. §. 5. eod. Impensarum, ut si quæ ab uno herede in res hereditarias factæ sunt, quas propter partem suam necesse habuit facere, ei à ceteris pro rata refundantur, l. 18. §. 3. eod. Eodem referimus si unus pecuniam à defuncto super poena aut pignoribus debitam solverit, d. l. 25. §. 13. & seq. Indicantur hæc genera in commune, l. 34. pro soc. in judicio communi dividendo, l. 3. comm. div.

3. Communi dividendo, quæ inter eos redditur inter quos aliquid commune est ut id dividatur] Communi dividendo judicium est quod inter eos redditur inter quos res una aut plures extra causam hereditatis communes sunt; neque enim interest communes sint ex societate, an sine societate ll. 1. & 2. comm. div. Finis hujus judicii item duplex: unus ut recedatur ab harum rerum communione, alter ut utrumque præstetur quod alterum alteri præstari oportet lucri, damni, impensarum nomine. Nam & hoc judicium iisdem rebus constat quibus superioris, rerum communium divisione & præstationibus iisdem personalibus, l. 3. comm. div. In divisione rerum eadem quoque adjudicatio & condemnatio, §. 5. Inst. infr. de off. jud.

jud. quippe semota hereditatis divisione cetera sunt utriusque judicio cum altero communia, l. 6. §. 11. com. div.

4. *Finium regundorum inter eos agitur qui confines agros habent*] Finium regundorum iudicium est, quo inter eos agitur qui confines agros habent ut fines regantur, id est ad suam normam & certitudinem redigantur, & quod intra istos fines quisque habet id totum retineat; si quid amplius id confini restituatur, l. 4. pr. l. 8. in pr. §. 1. fin. reg. Sed & si fines commode dirigi non possunt, vel propter loci inaequitatem vel propter veterum limitum incertitudinem, permititur iudici aliis finibus evidenteribus agros distinguere, quo casu quia necesse est partem aliquam ex unius agro detrahi & alterius agri domino adjicisci: ideo res transigitur adjudicatione & condemnatione, l. 2. §. 1. ll. 3. & 4. eod. tit. §. pen. Inst. inf. de off. jud.

Ex bono & aequo adjudicare) Quid iudicem hic in unoquoque horum iudiciorum sequi oporteat explicatur plenius *inf. tit. Inst. de off. jud. §. 4. & 2. seqq.* VINN. De actionibus de quibus hic Imp. vid. Paz in *ma praxi tom. 3. cap. 1. §§. 5. 6. 7. & 8.* ubi nostrorum temporum exponitur usus. ADDIT.

TEXTUS.

Divisio tertia.

21. *Omnis autem actiones vel in simplum conceptae sunt, vel in duplum vel in triplum vel in quadruplum: ulterius autem nulla actio extenditur.*

COMMENTARIUS.

* *An ulla actio plus quam quadruplum persequatur.*

Tertia hæc actionum divisio est sumta & ipsa ab objecto, sed superiori dissimilis in eo quod illa explicat quid quaue actione petatur, resne sola, an poena tantum, an utrumque simul; hæc quantum peti oporteat, & quoque in poena supra id quod nobis abest petendo progredi liceat. Maxime autem actoris olim intererat scire quid & quantum petere deberet, propter periculum plus periclitis, §. 33. *inf. hoc tit.* Ait Justinianus actiones omnes vel in simplum conceptas esse vel in duplum vel in triplum vel in quadruplum: ultra quadruplum autem nullam actionem extendi.

1. Quid ergo, nullane actione plus quam quadruplum persequi possumus? Si quis sciens tignum vitiosum aut pecus morbosum vendiderit, responsum est omnia detimenta quæ ex ea emtione emtor traxerit venditorem pæstatum, l. 13. in pr. de att. om. Si quis clavum à navi abstulit ut naufragium fieret, cautum est Senatusconsulto ut is omnium rerum nomine teneatur, l. 3. §. ult. de inc. ruin. naufr. Si servus heres institutus ante aditam hereditatem occisus sit, etiam hereditatis estimationem fieri traditum est in lege 23. in pr. ad leg. Aquit. §. 10. sup. hoc tit. Atqui in his omnibus litis estimatione longe excedere potest quadruplum pretii ejus rei in qua aut per quam damnum datum est. Respondens, quod dicitur nullam actionem extendi ultra quadruplum, id intelligendum esse de quadruplo ejus quod culpâ adversarii actori abest; id vero quod abest, & rō interesse actoris, etsi interdum longe & vel decuplo pluris estimetur quam quanti valebat corpus in quo vel per quod damnum datum est, simpulum tamen semper est respectu universi damni quod actor sensit; & ideo quantacumque hæc sit estimatione, non in duplum, triplum &c. actio concipitur, sed tantum in simpulum: neque in id solum quod actori per culpm rei abest. An in poena conventionali quadruplum excedi possit tractavimus supra ad §. 13. *Inst. de inut. stip.* VINN. Cum poenæ pecuniarie quæ in favorem læsæ partis jure veteri irrogabantur in desuetudinem abierint, ut diximus supra: plane etiam actiones in duplum, triplum, quadruplum ad eas rependas exoleverunt. Vid. Groeneweg. bīc. De poena conventionali vide quæ supra scripsimus ad tit. de inut. stip. ADDIT.

TEXTUS.

De actionibus in simplum.

22. *In simplum agitur veluti ex stipulatione, ex mutui datione, ex emto-vendito, locato-conducto, mandato & denique ex aliis quamplurimis causis.*

Vid. l. 2. tit. 16. lib. 5. Recop.

COMMENTARIUS.

IN simplum sunt omnes actiones quæ rei persecutionem continent, utpote quibus unum & simplum quod nobis abest persequimur.

mur. Itaque & si quæ sit actio ex delicto quæ rei persecutionem habeat, ea quoque in simplum erit, ut condicatio furtiva & actio rerum amotarum. Sed & ex iis quæ poenæ persecutionem continent nonnullæ sunt in simplum, veluti actio ex lege Aquilia extra causam inficiationis aut moræ, §. 19. sup. hoc tit. item actio ex edicto, ne quis eum qui in jus vocaverit l. pen. §. 1. de obl. &c. act. & si quæ sunt aliæ in quibus aliquid ultra veram estimationem rei & quod actori revera abest præstandum. Denique & ex penalibus illæ in simplum sunt in quibus certæ pecuniae summa simpliciter lege comprehensa est sine mentione dupli tripli aut quadrupli, ut non ex comparatione alicujus simpli amplius quid poenæ nomine constituantur, ut cum poena constituitur in decem viagiis aut quinquaginta aureos, l. 7. de jurisd. l. pen. de in jus voc. l. 5. §. 6. ff. de bis qui defec. l. pen. C. de serv. fug.

Veluti ex stipulatione] Quid si duplum tripulum aut quadruplum in stipulationem deducatur sit? l. 56. de evitt. Dicendum videtur actorem id quod sua interest tanti estimationem adhuc in simplum agere, & rem solam non poenam persequi.

TEXTUS.

In duplum.

23. In duplum agimus veluti furti nec manifesti, damni injuria ex lege Aquilia, depositi ex quibusdam causis. Item servi corrupti, quæ competit in eum cuius hortatu consilio servus alienus fugerit, aut contumax adversus dominum factus est, aut luxuriose vivere cœperit, aut denique quolibet modo deterior factus sit. In qua actione earum etiam rerum quas fugiendo servus abstulit estimatione deductur; item ex legato quod venerabilibus locis relatum est, secundum ea quæ supra diximus.

COMMENTARIUS.

Quinque actiones recenset quibus in duplum agitur, furti nec manifesti, damni injuria ex lege Aquilia, depositi ex quibusdam causis, servi corrupti, ex legato quod venerabilibus locis relatum est. Non exponit an eodem omnes modo in duplum sint, necne. Quia hoc loco tantum ei propositum est ostendere omnes in duplum esse. Differentiae indicantur aliis locis, §. 18. & seqq. sup. §. 26. inf. eodis.

Depositii ex quibusdam causis] Quæ comprehensæ sunt edicto, nempe tumultus, incendi, ruine, naufragii, l. 1. depos. §. 17. in fin. sup. hoc tit.

Quæ competit in eum cuius hortatu] Actio servi corrupti in duplum constituta est in eum cuius hortatu consilio operâ servus quolibet modo deterior factus est, l. 1. cum seqq. de serv. corr. Justinianus hoc addit, ut etiam solus conatus & nuda voluntas corrumperi puniatur, l. 20. C. d. tit. §. 8. Inst. sup. de obl. quæ ex del. Venit in hoc iudicium etiam earum rerum estimatione quas secum servus abstulit, duplatur enim omne damnum, l. 10. eod. De filio filiave familias corruptis utilis actio competit officio judicis estimanda; quoniam interest nostra animus liberorum nostrorum non corrumpi l. 14. §. 1. eod. Vinn. Hodie hujus textus & 4. prox. seqq. nullius usus est per ea quæ monuimus §. 22. ADDIT.

TEXTUS.

In triplum.

24. Tripli vero agimus cum quidam majorem vera estimatione quantitatem in libello conventionis inserunt, ut ex hac causa viatores, id est executores litium ampliorem summam sportularum nomine exigerent. Tunc enim id quod propter eorum causam damnum passus fuerit reus in triplum ab auctore consequetur; ut in hoc triplo etiam simplum in quo damnum passus est connumeretur. Quod nostra constitutio introduxit quæ in nostro Codice fulget, quam procul dubio certum est ex lege condicitia emanare.

Vid. II. 7. 8. & 9. tit. 21. lib. 4. Rec.

COMMENTARIUS.

Una actio in triplum hic commemoratur lege Justiniani constituta adversus eos qui majorem summam vera estimatione in libello conventionis inserunt dolo malo, quo viatores, id est apparitores seu litium executores, §. seq. inf. l. 5. §. 13. de reb. cor. qui sub tut. maiores sportulas consequantur. Constitutio hac Justiniani temporum injuria intercidit.

Libello conventionis] Libellus conventionis dicebatur id scriptum quo actor petitionis suæ rationem & speciem futuræ litis in iudicio exprimebat, qui libellus postea ad absentem per oratorem mittebatur.

Amplioram summam sportularum] Sportulas appellat mercedes sive salario executorum, quæ Græcis εἰδίβατα, ut plane constat ex l. 33. §. 5. C. de Episcop. & Cler. l. 12. C. de prox. sacr. scrin. lib. 12. l. ult. C. de fruct. & lit. exp. Quanta portio pro sportulis constituta fuerit incertum est. Illud ex hoc loco intelligimus, pro modo quantitatis petitiæ ad certam summam & à reo exigi solitas: quod de consuetudine non amplius observari notum est. Gundelin, lib. 4. cap. 5. in fin. De sportulis earumque vario usu vid. Fr. Juret. in not. ad Symmach. lib. 4. epist. 55. & Bachov. ad hunc §.

In triplum ab auctore] Datur hæc actio reo in minorem summam quam quæ petita fuit condemnato adversus auctorem qui plus libello comprehendit quam ei debetur, ut viatores hac occasione plus etiam sportularum nomine exigerent. Triplatur autem quod supra constitutum modum sportularum per hanc occasionem exactum est, sed ita ut in triplo etiam illud ipsum continetur. Poenam hanc primus Justinianus in proposita specie introduxit; nam jure veteri qui plus quovis modo petiissent causâ cedebant, id est rem amittebant, §. 33. in pr. & fin. inf. hoc tit.

Quam procul dubio certura est ex lege condicitione emanare] Locus hic procul dubio mendosus est, & sic cum Russard. Cont. Cujac. qui etiam ad libros veteres provocant restituendas: *Ex qua procul dubio certum est ex lege condicitione emanare*: ut sit sensus, hanc in triplum actionem ex constitutione Justiniani esse condicitionem ex lege, sive ejusmodi actionem quæ condicitione ex lege dicitur. Nam quoties nova lege obligatio introducitur, nec caveretur quæ actione experiendum sit ex lege agitur, l. un. de cond. ex leg. Atque hoc modo Theophilum quoque apud Justinianum legisse ex paraphasi ejus appetet.

TEXTUS.

In quadruplum.

25. *Quadrupli autem agitur veluti furti manifesti; item de eo quod metus causâ factum sit, deque ea pecunia que in hoc data sit ut is cui datur calumniae causâ negotium alicui faceret vel non faceret. Item ex lege condicitione nostra constitutio oritur, in quadruplum condicitionem imponens iis executoribus litium qui contra nostra constitutionis normam à reis quidam exegerint.*

COMMENTARIUS.

Recensentur hic quatuor actiones quæ sunt in quadruplum, furti manifesti, quod metus causâ, de calunnia, adversus executores litium qui plus constituto sportularum nomine exegerint. Addamus & quintam, vi bonorum raptorum. Prima actio mere poenalis est: reliquæ mixta, ut in quadruplo comprehendatur etiam ejus quod abest aut interest persecutio.

De eo quod metus causâ] Quod metus causâ gestum est prætor ratum non habet, & hoc amplius, si quod ex ea causa aberit arbitrio judicis non restituatur, in quadruplum judicium pollicetur, l. 14. §. 1. quod met. caus. Quadruplatur id omne quod restitui oportet, sic tamen ut in hoc quadruplo & simpulum in sit. Quippe mixta est hæc actio, non solius poena persecutoria, l. 14. §. 9. cum §§. seq.

Ut calumniae causâ negotium alicui faceret] Negotium alicui facere calumniae causâ est judicio calumnioso aliquem vexare. In eum qui ut calumniae causa negotium faceret, vel etiam ut non faceret, pecuniam accepisse dicatur, actio in quadruplum ejus pecunia quam accepit competit, l. 1. 3. de calumnias. Et hæc item actio mixta est conjunctim poenam & rem persequens, l. 3. §. 1. d. tit.

Item ex lege condicitione nostra constitutio] Hujus etiam loci lectionem vitiosam esse certum est. Apud Justinianum hūd dubie ita scriptum fuit: *Item ex lege condicitione ex nostra constitutione oritur &c.* Ex lege condicitione, id est condicitionis actio ex lege quæ ex constitutione Justiniani oritur in facti specie hic proposita: quomodo hunc etiam locum Theophilus interpretatur.

In quadruplum imponens executoribus litium] Constitutio cujus meminit §. præcedenti auctori cujus fraude factum ut executor plus debito exigeret tripli poenam imponit; illa, cujus hic mentio, in executores directa est qui ipsi in exigendis sportulis summam definitam dolo malo excesserunt, data actione in quadruplum, quam & ipsam mixtam esse apparet ex Nov. 124. cap. 3. ubi Justinianus constituit ut simpulum reddatur ei qui damnum passus est, triplum autem feratur æratio.

TEXTUS.
Subdivisio actionum in duplum.

26. *Sed furti quidem nec manifesti actio & ser-*

servi corrupti à ceteris de quibus simul locuti sumus eo differunt, quod bæ actiones omnimodo dupli sunt; at istæ (id est damni injuria ex lege Aquilia, & interdum depositi) inficiacione duplicantur, in consitentem autem in simplum dantur. Sed illa quæ de iis competit quæ relata venerabilibus locis sunt, non solum inficiacione duplicatur, sed etiam si distulerit relati solutionem usquequo jussu magistratum conveniatur. In consitentem vero, antequam jussu magistratum conveniatur solventem, simpli reditum.

27. Item actio de eo quod metus causâ factum sit à ceteris de quibus simul locuti sumus eo differt, quod ejus natura tacite continetur ut qui judicis jussu ipsam rem actari restituat absolvatur: quod in ceteris casibus non est ita, sed omnimodo quisque in quadruplum condemnatur: quod est & in furti manifesti actione.

COMMENTARIUS.

I Actiones omnes apud nos videt rei persecutorias.

Notatur hic nonnulla differentia, quæ est inter actiones poenales, tum quæ sunt in duplum, tum quæ in quadruplum. Non omnes enim simpliciter & omnimodo in duplum aut quadruplum conceptæ sunt, sed quædam conditionaliter & ita ut reo poenam evitare liceat. Omnimodo in duplum sunt actiones furti manifesti, servi corrupti, & si quæ sunt aliae simpliciter in duplum constitutæ; quippe quæ omnes ita constituta intelliguntur ut semper & statim poena exigi possit nec dupli condemnatio evitari. Non statim & simpliciter in duplum sunt actiones legis Aquiliæ, depositi miserabilis, de legato venerabilibus locis relatio; namque has ab initio & in consitentem placet in simplum tantum dari, duplicari autem inficiacione, postremam etiam frustratione & dilatione solutionis usquedum reus judicio conveniatur, hoc text. §. 19. sup. eod. Omnimodo in quadruplum sunt actiones furti manifesti, vi bonorum raptorum, de calunnia, de sportulis adversus executores litium &c. Una tantum ex hoc genere excipitur, actiones quod metus causa, in qua reo convento poenam evitare conceditur rem de qua agitur arbitrio judicis ante sententiam restitudo. Quod si reus judicii jubenti rem restitui non pareat, hanc consumacæ suæ poenam patitur ut in quadruplum condemne-

tur, hoc text. §. 27. eod. l. 14. §. 1. & 4. quod metus causa. Est & alia & quidem inter poenales omnes differentia, quod scilicet quædam sint mere poenales quædam mixta, sed illa superius explicata est §. 18. & seq. hoc tit. VENN. Intererat hic monere cur Justinianus hic dicat in actionis quod metus causâ natura tacite hoc contineri, ut qui jussu judicis rem restituat absolvatur, si non pareat condemnetur in quadruplum. Ratio est, quod hæc actio est arbitraria; harum autem actionum ea est natura, ut judici ex æquo & bono estimare licet quantum reum dare facere oporteat; si vero arbitrio non pareat reus condemnatio in majus fieri possit. Quod id nō ē γνῶθι ταῦτα ἀγαγάς, in his actionibus proprium esse observat Theophil. ad §. 31. hoc tit. HEIN.

I Apud nos omnes actiones sunt rei persecutoriarum, & in simplum conceptæ; quia poenæ pecuniarum quæ privatis litigatoriis applicabantur exoleverunt, & solus fiscus poenas ob vindictam publicam persequitur judicio criminali. Privatis tantum potestas est ejus quod sibi abest persequendi judicio civili. Jo. Imbert. in *enclibid. jur. script.* Baro *ad tit. sup. de obl.* quæ ex del. comm. part. 2. Guadelin. *de jur. nov. 3. cap. 13.* Groenew. *de legg. abr. ad rubr. C. de pœn.* & ibi laudati. Excipienda tamen videtur actiones injuriarum, quæ ex more fori nunc duplex emenda petitur, honorabilis & profitabilis, ut loquuntur. Vid. *sup. ad §. 10. Inst. de injur.* VENN. Retinimus hæc quia nostris moribus convenientia reputamus per ea quæ sup. mouimus. ADDIT.

TEXTUS.

Divisio quarta de actionibus
bonæ fidei.

28. Actionum autem quædam bonæ fidei sunt, quædam stricti juris. Bonæ fidei sunt bæ: ex emto-vendito, locato-conducto, negotiorum gestorum, mandati, depositi, pro socio, tutela, commodati, pignoratitia, familiæ ericundæ, communii dividendo & prescriptis verbis, quæ de estimato proponitur, & ea quæ ex permutatione competit, & hereditatis petitio. Quamvis enim usque adhuc incertum erat inter bone fidei judicia connumeranda hereditatis petitio esset, an non: nostra tamen constitutio aperte eam esse bona fidei disposita.

COMMENTARIUS.

1. Removetur duplex contra propositam divisionem objectio.
2. Actiones bona fidei quae, & unde sic dicitur.
3. Quae actiones stricti juris, & unde sic appellatae.
4. Multe & insignes horum generum differentiae; & an que earum adhuc maneant.
5. Bonae fidei nullas esse praeter eas que hic recensentur.
6. Aetio finium regundorum cur hic omissa.
7. Cur due prescriptis verbis, estimatoria & que ex permutatione competit, bona fidei.
8. De petitione hereditatis cur dubitatum.

DUX præcedentes divisiones ostenderunt quid & quantum petere licet pro ea quantitate quæ aut conventione aut certo jure definita est. Proponitur hic alia quæ docet quid quantumcumque amplius petere licet pro potestate & officio judicis, nulla conventione aut certo jure definitum: quod potissimum in fructibus usuris & reliquis accessionibus rei petitæ cernitur.

1. *Quædam bona fidei quædam stricti juris*) Divisio hæc duplici vicio laborare videtur: primum, quod hic aliquæ actiones statuuntur quæ non sint bona fidei sed stricti juris; deinde quod in hac divisione omittuntur actiones arbitriæ, quæ tamen tertiam & distinctim à duabus quæ hic proponuntur speciem constituere videntur, §. 31. inf. hoc tit. Quod quædam actiones dicuntur esse stricti juris, id non videtur convenire constitutioni Constantini in lege 8. C. de judic. ubi Imp. ait, placere in omnibus rebus præcipuum esse justitiae æquitatisque quam stricti juris rationem. Si id placet in rebus omnibus, utique & in omnibus actionibus. Repugnare etiam videtur quod generaliter constitutum est in lege 4. C. de obl. & aff. bonam fidem in contractibus considerari æquum esse. Nam si in contractibus omnibus bona fides spectatur, etiam in actionibus omnibus, certe iis quæ ex contractu proficiuntur pariter bona fides spectanda. Ceterum neutrum propositæ divisioni obstat. Non primum, quia in d. l. 8. juris verbum jus constitutum significat, quomodo dicimus jus gentium, jus civile. Hoc jus si summum est, seu, ut in constitutione nominatur, strictum: id est, si verbis tantum nicitur contra sententiam & rationem legis numquam se-

quimur, sed æquitatem, id est mentem & sententiam legislatoris; atque hoc sensu concedimus nullas esse actiones stricti juris. At cum dicimus quasdam actiones esse stricti juris, verbo juris potestas significatur, ut & alibi sæpe; nec aliud est quasdam actiones esse stricti juris, quam quasdam esse strictæ seu adstrictæ potestatis judicis; sicut ex contrario, nihil aliud est actiones quasdam esse bonæ fidei, quam quasdam esse liberæ potestatis judicis, qui æstimare possit quidquid est ex bona fide, §. 30. inf. hoc tit. Erratque adeo Theophilus, & cum eo Pacius in *analysis sua*, dum putant quasdam actiones stricti juris ideo dici quod in his judex rō ἀρχιβολίαν, summum & strictum jus sequatur. Ad alterum quod ex lege 4. C. de obl. & aff. objicitur, respondeo in omnibus quidem contractibus spectari bonam fidem, sed non spectatur in omnibus eodem modo. In contractibus & actionibus stricti juris etiam bona fides spectatur, sed secundum communem quædam æquitatis regulam, haec tenus videlicet ne dolus approbetur, neve quid juris subtilitas adversus bonam fidem æquitatemque valeat, l. 5. C. de inutil. stipul. l. 36. de verb. obl. At bona fidei actiones non ex eo nomen acceperunt quod in his communi quodam respectu consideretur bona fides & æquitas, si ve quod in his non præstetur quod sit contra bonam fidem (quamvis id forte subtilitate juris præstandum videatur); sed quod in his summa desideretur æquitas, res tota æstimetur ex bona fide, & religioni judicantis permittatur per omnia. Planius & certius hæc intelligentur postea. Sed esto, inquis; illud tamen vitium divisio habet quod imperfecta & manca est, ut quæ ex tribus actionum generibus inter se distinctis duo tantum posuit, tertium actionum arbitrariarum omisit. Resp. Esset imperfecta hæc divisio si Imperator in duobus generibus quæ hic proponuntur constitisset, nec mox adjecisset tertium. Nunc autem cum statim & continenter unoque ductu divisionis tertiam illam speciem subjiciat, §. 31. inf. perinde id haberi debet ac si tres species eodem loco proposisset, & divisio tripartita censeret. An autem actiones arbitriæ revera constituant novam speciem & à duabus quæ hic ponuntur plane diversam videbimus sub d. §. 31. hoc tit.

2. Actiones bona fidei sunt, in quibus libera potestas judicii permittitur æstimandi inter litigatores quid alterum alteri ex bona fide præstare oporteat. Descriptio totidem pe-

ne verbis expressa *lege* 2. §. 3. l. 5. pr. de *obl.*
 & *adl.* §. 30. inf. *boc tit.* Duo itaque sunt
 quæ judicium bona fidei constituunt, libera
 potestas & estimandi arbitrandive judici tribu-
 ta, & hæc ipsa potestas intra modum & re-
 gulam bona fidei conclusa. Ex libera potes-
 tate est quod hæc eadem judicia passim ar-
 bitraria vocantur, & judex in his datus ar-
 biter. Ex bona fide, quod appellantur judicia
 bona fidei: nempe nomen ex re natum; quia
 in his judiciis omnis stimatio & condemna-
 tio judicis est ex bona fide, seu in id quod
 ex bono & æquo quemque præstare oportet.
 Putat D. Hotomannus causam & originem
 nominis esse ex ipsa formula, eo quod præ-
 tor in his judiciis ita jubebat judicari, ut ad-
 deret, *ex bona fide*, ut indicat Cic. in *Top.*
 & *lib. 3. de offic.* Sed ut hæc sit causa pro-
 xima, atque ut hinc etiam nomen translatum
 ad contractus, quippe qui & ipsi non minus
 quam actio ex his descendens bona fidei ap-
 pellantur, l. 11. §. ult. de *adl. emt. l. 32. §. 2.*
de usur. l. 22. ff. de donat. l. 13. C. de pætl. l.
3. C. de reb. cred. & aliis locis: oportet tam-
 men superiorum aliquam causam esse ob quam
 prætor in quibusdam judiciis liberam judicii
 potestatem faceret, clausulamque illam *ex bona fide* adjiceret, in aliis vero judicem ad-
 stringeret formulæ. Atque ego omnino existi-
 mo euan hanc accersendam à natura &
 conditione ipsorum contractuum; nimur quoniam quidam contractus ita comparati-
 sunt ut in his interpretandis æquum sit la-
 xiorem judici potestatem tribui; quidam ita
 ut certis terminis eorum interpretatio sit cir-
 cumscribenda. Prioris generis sunt contractus
 mutuæ præstationis, in quibus uterque & obli-
 gatur & obligat. Posterioris ubi unus tantum
 obligat & unus obligatur, arg. *tit. Inst. de obl. ex cons. in fin.* Etenim ubi uterque alteri obliga-
 tur, ibi ex re utriusque est & ex voto com-
 muni non tam quid lingua nuncupatum sit
 quam quid æqui bonique ratio utrimque postu-
 let spectari. Cum autem unus tantum obliga-
 tur non est admittenda tam laxa interpreta-
 tio, puta ut etiam quid præstetur de quo non
 expresse convenit, aut quod natura contra-
 ctus non continetur, ex definitione *legis* 99.
de verb. obl. l. 3. de reb. creditis. Ex hac, in-
 quam, diversitate contractuum procul dubio
 est, quod prætor quoque in actionibus ex con-
 tractu venientibus aliter atque aliter formu-
 lam judicij concipiebat, modo laxius adjecta
 clausula *ex bona fide*, ut in actionibus des-
 cendentibus ex contractu utrimque obligato-

Tom. II.

rio; modo angustius & strictè, ut in actioni-
 bus quæ proficiscuntur ex contrahibus
μονοτλίεροις (*unilateris*) veluti ex mutuo, pro-
 mutuo, stipulatione &c. Hoc idem & Thodo-
 dorum Hermopol. sensisse arguunt verba ejus
 quæ legimus *lib. 10. tit. 4. ἐπὶ τρικτῷ ἡτοι μονο-*
τλίεροι (*super strictis sive unilateris*); estque
 hujus rei etiam hoc argumentum; quod idem
 actionum discrimen & res ipsa etiam nunc
 manet quamvis formulæ & interpretationes
 actionum sublate sint; nimur quia formulæ
 sublati nihilominus prima causa discriminis,
 eadem conventionum diversitas, mansit. Por-
 ro bona fidei esse eas actiones omnes & solas
 quæ ex contractibus διπλέροις (*bilatetis*) ve-
 niunt ostendit cum actionum bona fidei defi-
 nitio, tum specierum hujus generis apud
 Justinianum collectio. Reliquæ si non sunt
 arbitraria sunt stricti juris, sive ex contractu
 sive ex delicto descendant.

3. Ex his simul intelligi potest quæ sint
 actiones stricti juris, nimur illæ in quibus
 potestas judicis formulæ adstringitur, seu iis
 rebus in quas prætor jubebat condemnationem
 fieri. Sic enim, verbi causa, in his actioni-
 bus formulam judicij concipiebat: *Si paret*
Mevium Sempronio centum ex stipulatu debere,
tum Mevius damnetur. Hæc, inquam, actiones
 dictæ sunt stricti juris, item stricti judi-
 cii, quia in his judex non plus poterat quam
 formula exprimebat; qua de causa nec judicij
 in his dato nomen arbitrii convenit nec judi-
 cij nomen arbitrii. Quod discriminæ respiciens
 Seneca *lib. 3. de benef. cap. 3. Melior*, inquit,
videtur conditio cause bone si ad judicem quam
si ad arbitrum mittatur; quia illum formula
includit, & certos quos non excedat terminos
 ponit; *bujus libera & nullis constricta vinculis*
religio est. Idem Seneca, *lib. 2. de Clement.*
cap. ult. ad hanc judiciorum differentiam al-
 ludens, *Clementia*, inquit, *liberum arbitrium*
babet, nec sub formula sed ex bono & æquo
judicat.

4. Ex hoc autem fonte quod judex in bo-
 nae fidei judiciis omnia libere ex aequo & bo-
 no aestimat, in strictis formulam præcise se-
 qui tenebatur, natae sunt multæ & insignes
 horum generum differentiae, quae certo jure
 nunc comprehensæ sunt & Jurisconsultorum
 disputationibus notatae. Bonæ fidei judiciorum
 propria sunt maxime haec: (1) quod in his judi-
 ciis etiam ea veniunt de quibus præstandis ni-
 hil convenit; si ut præstentur ratio bona fidei
 exigat: veluti ut vendor evictionis no-
 mine duplam promittat, ceteraque quæ sunt

A22

mo-

moris & consuetudinis, l. 31. §. 20. de adil. edit. item incommoda reticentia aut disimulatione unius alteri illata, verbi causa, si vendor celet emtorem vitium aliquod, aut quid aliud quod scire emtoris interest, aut si fallendi causâ obscure loquatur, aut malitiose disimulet non evitabit actionem ex emto quæ bona fidei est, sed in id omne quod emtoris interest condemnabitur, l. 1. §. 1. l. 13. pr. l. 21. §. 1. l. 41. de att. emt. l. 43. §. ult. de contr. emt. l. 1. §. 1. &c passim tot. tit. de adil. edit. nempe in judicio bona fidei semper dolus malus praestatur, etsi nominatum cautum non sit eum abesse absfuturumque esse, l. 6. in fin. de att. emt. d. l. 43. l. 68. §. 1. de contr. emt. tantumque valet officium judicis quantum in stipulatione nominatum facta ejus rei interrogatio, l. 7. de neg. gest. (2) Quoniam dolus malus naturæ contractuum bona fidei maxime contrarius est, l. 3. §. ult. ff. pro soc. l. 5. C. de resc. vend. ideo si quid in his contractibus gestum sit ab initio dolomalo, id ipso jure non valet: ut puta, nulla est venditio si quis in hoc circumscriptus sit ut venderet, l. 7. de dol. mal. Ipso jure nullius momenti est societas si dolo malo aut fraudandi causâ inita sit, l. 3. §. ult. pro soc. l. 16. §. 1. de minor. Et hoc est quod vulgo Interpretes tradunt, ubi dolus contractui bona fidei causam dat contractum ipso jure nullum esse nullamque ex eo actionem nasci. Seus autem est in dolo incidenti, qui purgatur actione ipsius contractus, aut exceptione si conveniatur qui dolum passus est, l. 13. §. 4. & seq. ff. de att. emt. l. 2. C. eod. d. l. 7. §. 3. ff. de dol. mal. qua de re consule Bachovium disp. 6. de adl. thes. 16. & seq. ubi tamen sententiam communem restringit ad contractus qui solo consensu constant, quasi in ceteris interventus rei impedit quominus actus sit ipso jure nullus. De metu non idem quod de dolo statuendum appetet ex verbis editi de eo quod met. causâ & textu expresso in l. 4. & 5. C. de bis quæ vimet. caus. de quo item adi Bachov. d. loc. & nostra lib. 1. sel. quest. 12. (3) Quod ex causa contractuum bona fidei non liberetur debitor rem reddens deteriorem, sed adhuc integra adversus eum vetus actio maneat, l. 3. §. 1. commod. l. 1. §. 16. depos. (4) Quod in bona fidei judiciis post moram etiam accessiones officio judicis praestentur, in pecunia usuræ, in ceteris rebus fructus. De usuris diserte hoc traditum est in lege 32. §. 2. de usur. Ergo de fructibus idem dicendum; quoniam si ideo usuræ in bona fidei contractibus

ex mora praestantur quia vicem fructuum obtinent, ut disputat Jurisconsultus in l. 34. de usur. fructuum quoque eamdem conditionem esse oportet. Fac. text. in l. 3. in pr. eod. nam actio ex testamento in his quæ ex mora praestantur imitatur: naturam actionum bona fidei, d. l. 34. ff. de usur. l. 3. C. in quib. caus. in int. rest. (5) Quod in judiciis bona fidei necesse non est exceptionem initio litis contestari, sed satis sit quandoque ante rem judicatam exceptionem objici, quâ deinde probata officio judicis convenit reum absolvere. Non est huic contrarium, quod dicitur, ultra id quod in judicium deductum est excedere potestatem judicis non posse, l. 18. comm. divid. Nam in bona fidei judiciis vi ipsa & potestate judicis exceptiones in judicium deduci intelliguntur, cum in his judex judicare beatur ex aequo & bono; idque Veteres significant cum ajunt exceptions inesse bona fidei judiciis, his contineri, &c., si non excipiatur, satis per officium judicis consuli, l. 3. de resc. vend. l. 21. in fin. sol. matr. l. 84. §. 5. de legat. 1. l. 38. l. ult. de hered. pet. In judiciis stricti juris omnia hæc contra se habent. In his enim ea demum praestantur de quibus nominatum convenit, nihil amplius, l. 99. de verb. obl. nisi sit quod naturâ negotii contineatur, l. 3. de reb. cred. l. 15. de cond. ind. Qua de causa in stricti judiciis non veniunt ea quæ sunt moris & consuetudinis, per d. l. 31. §. 20. de adil. edit. Ubi non expresse clausula de dolo stipulationi inserta est vel separatis de dolo cautum, deficit actio ex stipulatu & de dolo agendum est, l. 7. §. 3. in fin. de dol. mal. Subsistit ipso jure stipulatio & semper excipiendum est, sive dolus causam contractui dederit sive inciderit, l. 36. ff. de verb. obl. l. 5. C. de inut. stipul. In re deteriore facta quæ ex contractu stricti juris, veluti ex stipulatu, debita fuit, placet promissorem eam praestando vetere actione liberari, & si quid dolo in ea fecit teneri actione de dolo, d. l. 7. §. 3. de dol. De usuris jus certum est has in stricti juris contractibus ex mora non deberi, cum ut debeantur ex mora id bona fidei judiciis tantum tribuatur, l. 32. §. 2. ff. de usur. l. 5. C. de past. int. emt. & vendit. Sed & diserte traditum est, in stricti judiciis citra vinculum stipulationis usuras peti non posse, l. 24. ff. de prescr. verb. l. 3. C. de usur. Quare nec post item contestatam in his judiciis currere incipient, l. 1. C. de cond. ind. Nam quod dicitur in lege 35. de usur. lite contestata usuras currere, id non hanc habet sensu-

tentiam, usuras post item contestatam incipere currere seu incipere deberi, sed debitarum cursum lite contestata non retardari, deberi coepias post item contestatam perseverare, l. 1. C. de judic. de quo dubitari poterat, propterea quod novatione facta usura non currunt, seu cursus usurarum sistitur, l. 18. de novat. litis autem contestatio novationem quandam inducit, l. 11. §. 1. l. 29. d. tit. l. 3. §. 11. de pecul. Sed responsum est aliam esse causam novationis voluntariae aliam judicij accepti; quoniam nemo actionem exercens conditionem suam deteriorem facit, d. l. 29. add. Don. hic n. 31. Perez ad tit. Cod. de usur. n. 22. De fructibus in strictis actionibus hoc observatur, ut si quis actionem habeat ad consequendum quod ejus non fuit, veluti ex stipulatu, fructus non consequatur etiamsi mora facta sit; post acceptum autem judicium etiam fructuum ratio habeatur, quia omnis causa restituenda est, l. 38. §. 7. de usur. In iis autem actionibus quibus repetimus quod nostrum fuit, cuiusmodi sunt conditiones earum rerum quæ à nobis profectæ sunt, ut condicō ob causam datorum, condicō indebiti, sine causa &c. fructus ex quo prium tempore res accepta est unā cum re restituendi sunt ex ipsius negotii natura & quasi lege, l. 15. de cond. ind. d. l. 38. §. 1. & aliquot seqq. Don. de fructib. cap. 1. Plane in actione ex testamento quæ naturā sua stricti juris est, l. 5. in fin. cum l. seq. de in lit. jur. favore ultimæ voluntatis placuit usuras & fructus venire ex mora ad instar bonæ fidei judiciorum, ll. 3. & 34. ff. de usur. l. 3. C. in quib. ca. in int. rest. Denique in strictis judiciis necesse est exceptionem initio litis contestari, & vel à reo agnoscente intentionem actoris statim probari, vel à dubitante tantisper omissam, donec actor intentionem suam probavit antequam sententia feratur, l. 9. C. de præc. long. temp. ll. 8. & 9. C. de exe. Non contestatam postea objēcere non licet: de quo fusius alibi. Sunt & aliæ horum generum differentiæ, veluti quod in bonæ fidei judicis prætentur etiam fructus percepti eo tempore quod judicatis datur; in strictis autem hoc tempus à fructuum perceptione immune sit, l. 3. pr. & §. 1. de usur. Quod in illis in ienunda rei deperditæ estimatione tempus rei judicatae spectetur; in his tempus litis contestata, l. 3. §. 2. commod. Quod in illis juretur in item, in his non item, nisi in causa singulari, l. 5. pr. & §. ult. l. 6. de in lit. jur. Proferuntur præterea & aliæ quædam ab aliis

differentiæ, quas ideo prætermitto quia non usque adeo explorati juris sunt. VNN. Differentiam quam ICti fecere inter contractus bona fidei & stricti juris sunt qui jure Canonicō in totum sublatam esse putent; cum hodie contractus omnes bona fide peragi debeant: quod sane nimis ineptum est; neque enim contractus stricti juris dolum admittunt. Plane cum in contractibus bona fidei mutuæ sint præstationes, in stricti vero juris ab altera tantum parte præstatio sit: pleniorē illi præ istis exigunt interpretationem; in illis fas judici est omnia ad naturæ æquitatem seu æqualitatem revocare; in his strictius verbis promittentis inherere judex debet, ne cui sua liberalitas damno sit; ut acute disputat D. Franc. Sarmiento select. lib. 3. cap. 3. à n. 1. Quare puto cum Paz tom. 3. cap. 6. & Pichard. hic quest. 5. hanc inter bonæ fidei & stricti juris actiones differentiam etiam hodie manere; verumtamen cum genera & nomina actionum confusa sint: differentiæ inter judicia bonæ fidei & stricti juris minus sunt hodie conspicuæ; atque bonam earum partem quas hic retulit auctor exolevisse non est dubitandum. Illud discrimen hodie proculdubio manet, quod usuræ quas explicat Pichardus hic quest. 10. n. 25. debeantur ex mora in bonæ fidei contractibus; in stricti vero juris à tempore litis contestata. De fructibus obtinuit jam pridem sententia, deberi in utroque judicio à die litis contestata, ut diximus sup. ad §. 35. Inst. de rer. div. ADDIT.

5. Bonæ fidei sunt bæ ex emto vendito &c.] Observandum est, quod non ait, Bonæ fidei sunt, veluti ex emto-vendito & ut fit cum exempli gratia quædam proferuntur: sed ipsiæ (definitè) bone fidei sunt bæ ex emto-vendito, & quæ sequuntur: indicans se eas omnes quæ sunt hujus generis ex professo recensere. Ex eo enim intelligimus non tantum actiones omnes quæ hic enumerantur esse bonæ fidei, sed etiam præter has bonæ fidei nullas esse; ceterasque, si arbitriae non sint, de quibus §. 31. hoc tit. esse stricti juris. Et igitur in hoc numero sunt actio ex stipulatu, ex testamento, l. 5. §. ult. & l. 6. de in lit. jur. ex causa donationis, l. 22. de don. condicō indebiti, l. 1. C. de cond. ind. & conditionis reliqua. Item actiones poenales ex maleficiis, & generaliter omnes quæ hic non nominantur. Non obstat, quod nonnullæ actiones quarum hic mentio non fit dicantur oriri aut introductæ esse ex bono & æquo: ut condicō indebiti, l. pen. de cond. ind. actio funeralia, l. 14. §. 6. de relig. actio in

juriarum, l. 11. §. 1. de injur. item actio praescriptis verbis de precario, l. 2. §. 2. de precar. Nam actiones bona fidei non ideo ullae dicuntur, quia initium eas constituendi sit ex bono & aequo; sed quia, ut supra diximus, in his omnia ex bona fide dijudicantur, tam quae praestanda sunt quam non sunt praestanda: quod non fit in aliis quam quae hic commemorantur. Plane actio funeraria inter bona fidei judicia numerari videtur, d. l. 14. §. 13. de relig. ubi Ulpianus ait, judicem hic solius aequitatem sequi, cum hoc ei natura actionis indulget, nam in strictis judiciis iudex non solute judicat, sed adstringitur formulæ; ut proinde existimem actionem funerariam inter judicia bona fidei computandam; sed nego eam hic prætermissam esse; numeratur enim inter bona fidei judicia actio negotiorum gestorum, cuius actio funeraria species quædam est, aut adjectio, arg. l. 1. d. l. 14. §. 7. 9. 11. §. 13. de relig. Illud enim in universum tenendum est, actiones quæ hic enumerantur ita solas bona fidei censendas, ut illæ dumtaxat excludantur quæ plene sunt diversi generis, non etiam illæ quæ adjectitiis tantum qualitatibus ab aliis distinguuntur, aut sub enumeratis tamquam species sub genere comprehenduntur. Nullum certe dubium est quin nomen bona fidei tam conveniat actionibus contrariis negotiorum gestorum, mandati, depositi, commodati, tutelæ pignoratitiae, quam directis ex iisdem causis; & quin per enumeratas non solum directæ intelligantur, sed etiam quæ ex similibus causis sunt utiles, veluti negotiorum gestorum adversus curatorem, l. 3. C. de transact. Eademque ratione & actionem protutelæ & bonorum possessoriam hereditatis petitionem & petitionem hereditatis fideicommissariam recte dicimus esse actiones bona fidei, arg. l. 1. §. pen. de eo qui pro tut. l. 1. de bon. poss. her. pet. Eo amplius & actio exercitoria & institoria ex contractu bona fidei cum magistro navis aut institore inito, item de peculio ex eadem causa, bona fidei censendæ. Postremo eodem numero habenda & actio emphyteutica, quia olim ex vendito aut locato erat; nam Zeno contractum emphyteuticum à venditione & locatione separando vim ejus veterem non minuit sed auxit, l. 1. C. de jur. emphyt. fac. §. 3. Inst. sup. de locat.

Ex emto-vendito] Actiones omnes ex contractibus nudi consensus bona fidei sunt, ut ex emto-vendito, locato conducto, pto socio, mandati: quibus etiam hæc qualitas aliquan-

do per excellentiam tribuitur, sup. tit. Inst. de obl. ex cons. l. 2. de obl. §. 13.

6. *Familiae eriscundæ, communi dividundo]* Alibi passim tria hæc judicia propter similitudinem quam habent conjunctim proponuntur, familiae eriscundæ, communi dividundo, finium regundorum. Hic autem finium regundorum consulto prætermisso; quia hoc judicium à ceteris in eo discrepat, quod cūsam non continet bona fidei judicij. Nam illa familiæ eriscundæ & communi dividundo oriuntur ex negotio communi gesto & quasi ex contractu. In finium autem regundorum judicio solus sibi rem gerit qui convenitur, magisque ex delicto aut quasi ex delicto hæc actio esse videatur quam quasi ex contractu; qua de causa etiam obligatio unde hæc actio nascitur omissa est tit. Inst. de obl. que quas. ex contr. Est igitur aut stricti juris, aut quod magis probo cum Ant. Fab. dec. 49. err. 1. arbitria; quoniam pro vindicatione est, l. 1. fin. reg. Fac. l. 4. §. 3. eod. & quod nomen arbitrii in questione finium usurpatur.

7. *Quæ de aestimato proponitur & quæ ex permutatione]* Ex actionibus praescriptis verbis duæ tantum hic proponuntur quæ sint bona fidei, actio aestimatoria & quæ ex contractu permutationis competit. Unde recte vulgo Interpretes concludunt, ceteras praescriptis verbis esse stricti juris. Cur duas illas placeat esse bonae fidei, singularis ratio est quam suggestur leges l. de estim. aff. §. 1. de cour. emt. In illa refert Ulpianus dubitatum fuisse cum res aestimata vendenda datur utrum hæc conventione esset venditio an locatio an denique mandatum: qui contractus omnes cum sint bona fidei, merito quæ hic dubitationis tollendæ causâ introducia est actio praescriptis verbis bona fidei censeri debet. In hac ostendit Paulus tantam esse inter emtionem & permutationem affinitatem, ut Cassius & Sabinius existimaverint permutatione rerum etiam emtionem-venditionem contrahi, & rem unam pretii, alteram mercis loco fungi: quæ rationes in aliis articulis ex quibus nascitur actio praescriptis verbis locum non inveniunt. Vides Bachov. disp. 6. de aff. tbes. 8.

8. *Hereditatis petitio]* Petitioni hereditatis, cum ea sit actio in rem, l. 25. §. 18. de her. pet. l. 1. de rei vind. non videtur convenire haec qualitas ut reputetur actio bona fidei; si quidem qualitas illa propria est actionum in personam, & earum ferre quæ ex negotio mutuo gesto nascuntur, quale nullum geritur inter heredem & possessorem hereditatis. Atque

que haud dubie hac ratione moti nonnulli Veterum eam à classe judiciorum bonæ fidei removereunt. Sed alii nihilominus eam inter bonæ fidei judicia numerandam esse consue- runt, propterea quod in iudicio petitionis hereditatis res ad negotiorum gestorum naturam proxime accedit. Constat enim possessori hereditatis committi rerum hereditiarum ad ministracionem; unde fit, ut licet petitio hereditatis sit actio in rem, multas tamen habeat præstaciones personales, ut puta eorum quæ à debitoribus exacta sunt; item pretiorum rerum venditarum; item eorum quæ possessor creditoribus solvit vel in hereditatem impendit, d. l. 25. §. 18. II. 20. & 38. de hered. pet. qua omnia quadammodo actione in personam & veluti ex negotio gesto repeti videntur; unde etiam mixta personalis haec actio appellatur, l. 7. C. de pet. her. Posteriorem sententiam, quæ etiam plurimum fuisse videtur & jam ante recepta, arg. d. l. 38. de hered. pet. confirmavit Justinianus l. ult. in fin. C. eod.

TEXTUS.

De rei uxoriæ actione in ex stipulatu actionem transfusa.

29. Fuerat antea & rei uxoriæ actio una ex bonæ fidei judiciis; sed cum pleniorum esse ex stipulatu actionem invenientes, omne jus quod res uxoria anteabat cum multis divisionibus in actionem ex stipulatu quæ de dotibus exigendis proponitur transtulerimus: merito rei uxoriæ actione sublata ex stipulatu actio quæ pro ea introducta est naturam bonæ fidei judicii tantum in exactione dotis meruit, ut bona fidei sit; sed & tacitamente dedimus hypothecam. Praefetti autem aliis creditoribus in hypothecis tunc censuimus, cum ipsa mulier de dote sua experiatur, cuius solius providentia hoc induxit.

COMMENTARIUS.

- 1 Soluto matrimonio quis qua actione dotem olim repetebat; & quid hic novi à Justiniano.
- 2 Actio ex stipulatu quam ob causam plenior visa quam rei uxoriæ.
- 3 Singularia quæ circa actionem de dote ex stipulatu Justinianus constituit.
- 4 Iniquum plerisque visum mulierem præferri expressam anteriorem hypothecam babentibus.
- 5 A liberi idem privilegium babeant quod mater.

1. Soluto matrimonio dotis repetitio est, nisi convenerit ut mortua in ma-

trimonio muliere dos remaneat apud maritum, l. 12. de patr. dot. Si mulier suo nomine dotem dederit ipsi soli repetitio competit, l. un. §. 13. C. de rei ux. att. Idem est si extraneus nomine mulieris, nisi statim stipulatus aut pactus sit dotem sibi reddi, l. 9. in fin. C. de patr. tam sup. dot. Profectitiam pater adjuncta filia persona petit, l. 2. §. 1. solut. matr. ipsa sola si emancipata est, l. 44. eod. l. 71. de evitt. Mortua in matrimonio filia sive emancipata sive in potestate, solus pater jus petendi habet, l. 5. in pr. & S. 1. l. 6. de jur. dot. l. 21. ff. solut. matr. l. 4. C. eod. Pater mortuo dotis exactio filiae manet, eaque mortua ad heredes ejus transmittitur, d. l. un. §. 4. & 6. Dotem adventitiam filia emancipata petit sola, filia fam. cum patre: mortua filia apud maritum remanet, nisi ut reddetur convenerit, d. l. un. §. 13. Quod si pater dotem sibi reddi stipulatus sit patris solius actio propria est, d. l. un. §. 14. Pro repetenda autem dote duplex jure veteri actio mulieri competebat, actio rei uxoriæ, atque insuper actio ex stipulatu si quando dotem sibi reddi stipulata fuerat: illa erat bonæ fidei, & proinde laxior; haec stricti juris, sed firmior multisque in rebus plenior & utilior: quæ causa est quod Justinianus priorem sustulit, & quod in ea melius erat transtulit in actionem dotis ex stipulatu, d. l. un. C. de rei ux. att. ubi constituit, ut quamvis mulier dotem sibi reddi stipulata non fuerit aut stipulata sit inutiliter, nihilominus perinde habeatur atque si stipulatio revera & utiliter intervenisset, utque ex hac causa actio ex stipulatu quæ jure communi stricti judicium est bona fidei sit. Adjectis & de hypotheca, ne quid hic decesset mulieri ad omnem cautionem, d. l. un. in pr. S. 1. & 2. de rei ux. att.

Una ex bonæ fidei judiciis] Antiqua rei uxoriæ seu de dote actio naturam bonæ fidei obtinebat, l. 21. solut. matr. ubi Ulpianus ait, doli exceptionem inesse de dote actioni sic ut in ceteris bonæ fidei judiciis. Ex Cicerone quoque in Top. & lib. 3. de offic. cap. 17. discimus, in hujus actionis formula haec verba usurpata fuisse, Quantum equius melius. Cujus etiam vestigia extant in lege pen. §. ult. solut. matr. l. 82. de solut.

2. Pleniorum esse ex stipulatu] Actionem ex stipulatu ideo pleniorum fuisse dicit, quia nonnihil habebat præcipui, & quadam comoda quæ non erant in actione rei uxoriæ. Nam si mulier dotem sibi reddi stipulata erat non erat locus edicto De alterutro, doten- que

que simul & legatum sibi à marito relictum petere poterat, cum absque stipulatione alterutrum tantum ex editio consequeretur, præsumente actore editi legatum in compensationem dotis relictum, l. un. §. 3. C. de rei ux. aff. Sed & quæ actioni rei uxoriæ obstabant exceptiones & retentions, ob moras, ob res amotas, & donatas, & impensas, l. 15. §. 1. solut. matr. non obstabant muliere agente actione ex stipulatu, d. l. un. §. 5. Adhac, stipulatione non interposita dos adventitia mortua in matrimonio muliere apud maritum remanebat; actio autem ex stipulatu ad heredes mulieris transmettebatur, d. l. un. §. 4. & 6. Postremo rebus fungibilibus in dotem datis etiam hoc commodum erat actionis ex stipulatu, quod data quantitas hac actione statim exigi poterat & restituenda erat, cum in actione rei uxoriæ quantitatis repetitio dilationem haberet, ut demum annua bina triplex redderetur, d.l.un. §. 7. de rei ux. aff.

3. *Tacitam ei dedimus hypothecam*] Quo plenius & certius mulieribus de dote consultum esset hoc etiam Justinianus constituit, ut actio dotis ex stipulatu quam pro rei uxoriæ actione introduxit adjectam haberet hypothecam omnium bonorum mariti, d. l. un. §. 1. & tandem ut in omnem eventum securz essent etiam in hac ipsa hypotheca privilegium hoc dedit, ut in ea mulieres omnibus aliis creditoribus præferantur, quamvis tempore prioribus, sive hypothecam tempore antiquiorum habentibus, l. ult. C. qui pot. in pign. adeoque quod contextus legis & illa sexus muliebris miseratio evincit perspicueque apparet ex Nov. 97. cap. 3. & 4. ut præferantur creditoribus non tacitam tantum sed etiam expressam hypothecam anteriorem habentibus: quomodo & Doctores ultramontani constitutionem Justiniani interpretati sunt, & novissime Ant. Mer. 3. contr. 9.

4. Sed quoniam hoc privilegium aperte iniquum est, utpote auferens mihi jus quod mea mihi operæ & cautione quæsivi, ceteri omnes æquissima interpretatione maluerunt hoc sic temperare, ut iis tantum creditoribus noceat qui tacitam itidem ut mulier & lege constitutam hypothecam habent, non etiam iis qui habent antiquiore expressam, id est eam de qua sibi ipsi aperta conventione prospexerunt. Ita comm. Doctores in d. l. ult. C. qui pot. in pign. & ad hunc §. ut videre est apud Jas. Zas. Gomez sic Negus. de pign. part. 5. membr. 2. n. 23. Covarr. 1. res. 7. n. 1. Vinn. Hanc etiam sententiam probat Paz in sua

prax. tom. 3. cap. 6. §. 12. n. 10. atque in ejus confirmationem adducit legem 33. tit. 13. Part. 5. ADDIT.

5. *Cum ipsa mulier experiatur, cuius solius providentia*] His verbis non excludit liberos mulieris, sed alios qui dotem pro muliere dantes eam sibi reddi stipulati aut pacti sunt, itemque heredes mulieris extraneos, ad quos actionem dotis ex stipulatu mortua muliere transire voluit, d. l. un. §. 6. C. derei ux. aff. Liberis autem eamdem prærogativam quam matri dedit sevari jussit tamquam si mater adhuc viveret, d. l. ult. vers. exceptis C. qui pot. in pign. & Nov. 91. Itaque recte DD. comm. in d. l. ult. & cum iis Gomez in l. 50. Taur. Christin. vol. 4. decis. 160. n. 15. concludunt liberos eosdemque heredes mulieris idem privilegium prælationis habere quod haberet mater eorum si viveret, licet id alii heredibus non competat. Diss. Ant. Fab. 8. conj. 13. cui occurritur à Bachovio lib. 4. de pign. cap. 13. n. 2.

TEXTUS.

De potestate judicis in judicio bonæ fidei, & de compensationibus.

30. *In bonæ fidei Judiciis libera potestas permitti videtur judici ex bono & equo estimandum quantum auctori restituui debeat. In quo & illud continetur, ut si quid invicem præstare auctorem oporteat, eo compensato in reliquum is cum quo auctum est debeat condemnari. Sed & in stridi juris Judiciis ex rescripto divi Iuris opposita dolii mali exceptione compensatio inducatur. Sed nostra constitutio easdem compensationes quæ jure aperto nituntur latius introduxit, ut actiones ipso jure minuant, sive in rem sive in personam sive alias quascunque excepta sola depositi actione, cui aliquid compensationis nomine opponi sane iniquum esse credimus; ne sub prætextu compensationis depositarium rerum quisquis exactione defraudetur.*

L. 6. tit. 15. lib. 3. for. legg. & l. 21. cum aliquot seqq. tit. 14. Part. 5.

COMMENTARIUS.

1 *Causa liquida. Non liquidum ad liquidum cur non admissa compensatio.*

2 *Compensatione ipso jure actiones minui. Quid hoc, quæ inde utilitas; & quid si quis compensatione usus non fuerit.*

3 Rerum consumptibilium dumtaxat compensationem esse.

EX eo quod in bonæ fidei judiciis libera potestas judici est omnia æstimandi ex equo & bono, in strictis non item, natæ quotquot sunt inter hæc judicia differentiæ. Inter has & illa olim erat, quod in bonæ fidei judiciis admittebantur compensatio à judeice sola æquitate judicii, idque citra exceptionem proprie dictam, seu ipso jure. In judiciis autem stricti juris reus cui quid vicissim ab actore debebatur necesse habebat id propria actione petere, usque ad rescriptum D. Marci, ex quo & in strictis judiciis potestas compensandi admissa est opposita doli mali exceptione. Ceterum constitutione Justiniani jus compensandi latius introductum, atque ipso jure admissum, modo causa ex qua compensatio objicitur liquida sit, in actionibus omnibus, & tam in rem quam in personam; duabus tantum exceptis, quibus in totum noluit compensationem opponi, actione depositi, & omni actione qua possessio rei alienæ perperam occupatae repetitur, *l. ult. C. de compens.* *l. pen. C. depos.*

Eo compensato in reliquum] Hæc effectum compensationis indicant; nimirum compensatio cum sit debiti & crediti inter se contributio, *l. 1. C. de compens.* si compensato eo quod invicem debetur nihil supersit utrumque quod debeatur, absolvit reus debet; sin supersit quod reus debeat, in id solum quod reliquum est condemnari. Unde compensatio utrumque pro soluto haberi dicuntur usque ad concurrentes quantitates quæ invicem debentur, *l. 4. C. eod.*

Opposita dali mali exceptione] Itaque post rescriptum D. Marci manebat adhuc illa inter judicia bona fidei & stricti juris differentia quod in his compensatio inducebatur ope exceptionis, quæ proinde initio litis contestanda erat, non contestata frustra postea objiciebatur. In illis autem compensatio admittebatur ipso jure & citra ullam exceptionem proprie dictam: quod quale sit postea audierit.

1. Quæ aperto jure nituntur] Id est, quæ ex causa liquida objiciuntur. Causam liquidam interpretamur cum apertum est jus debitoris qui sibi vicissim quid debet intendit. Id ita sit si causa debendi & justa est & vera, & talem esse vel in praesentia constet confessione adversarii, vel celeriter & expedite probari possit. Cacheran. *decis. Pedemon.* 129.

n. 13. Menoch. 2. arb. cent. 1. eas. 14. ubi in hac re judicis arbitrio non nihil tribuendum existimat. Non liquidum cum liquido compensationem admitti Justinianus noluit, sed cum alii judicio rem reservari jussit, ne creditori fiat injuria, si debitori qui initio tacuit, postquam jam convictus aut pene convictus est, permittatur confugere ad defensionem compensationis ex causa de qua non liqueat, & quæ altiore indaginem requirat, *d. 1. ult.* Vide tamen Christin. *vol. 1. decis. 231.* & *vol. 3. decis. 38.* Sane etsi causa ex qua compensatio objicitur liquida non sit, si tamen reus initio litis compensationem per modum exceptionis opponat eamque contestetur, audiendus est; nam ad hunc casum constitutio non pertinet, ut bene Don. hic Zanger. *part. 3. de exc. cap. 8. n. 104.* quorum argumentis nihil solidi ab aliis reponitur. Adde quæ nos *lib. 1. selet. quest. cap. 50.*

2. Actiones ipso jure minuant] Hoc non ita accipendum est, quasi debitor liberetur compensatione sine facto suo, id est, non opposita defensione compensationis; nam cum iudex divinare non possit an actor vicissim quid debeat: à reo utique hoc allegandum est, petendumque ut compensatio admittatur; quæ tamen allegatio proprie exceptio non est, licet ita vulgo appelletur; nam allegandæ compensationi quævis tempora idonea sunt ante executionem judicati *l. 2. C. eod.* sed species defensionis qua actoris intentionem repellit negatione juris, qualis est allegatio solutionis, acceptilationis, novationis &c. Vid. *inf. tit. Inst. de except.* Sed ita opposita & admissa compensatione statim ipso jure actionem tolli aut minui, reumque retroversus ipso jure usque ad concurrentem quantitatem liberatum intelligi, ex quo utrumque deberi coepit, *l. 4. C. de compens.* Quod nosse, cum ad alias res apprime utile est, tum ad accessiones rerum debitatarum, quæ ex eo tempore sublatæ esse intelliguntur, puta fidejussiones, pignora usuræ, *l. 4. ff. de except.* *d. 1. 4. l. 12. C. de comp.* Itaque cum alter pecuniam gratuitam alter sub usuris debet, concurrentis utrumque quantitatibus usuræ non præstantur, *l. 11. eod.* Quæcumque autem vis est compensationis, ea constituta est debitori qui compensatione usus est, *ll. 2. 3. 5. eod.* sin minus salva ei manet vetus petitio, nec creditor qui totum petit male petuisse videtur. Unde judicatum est interim etiam actionem à creditore alii credi posse eo effectu ut quæ cedenti poterat objici compensatio ea objici non possit cessionario, uti-

utique causam onerosam habenti, & actione utili suo nomine experienti. Christin. vol. I. decis. 252. Ant. Fab. Cod. suo de compens. defin. 3. fac. l. 4. §§. 28. 29. &c. 31. l. 5. §. pen. de dol. mal except. add. eund. Ant. Fab. 12. conject. 9.

3. *Sive in rem sive in personam*] Ponendi tamen sunt termini habiles, nempe si res de quibus compensandis & inter se contribuendis agitur compensationem & mutuam contributionem admittant. Tales autem sunt illæ quæ pondere numero mensurâ constant: quod vel ipsum nomen compensationis indicat, quo nihil aliud significatur quam debitæ invicem pecuniaæ aut quantitatis contributio; & aper-te ostendit d. lex 4. C. de compens. fac. text. in l. 18. de pign. att. l. 22. de compens. & alias invitus (quo d iniquum est, & jus non patitur) aut rem alienam emere, aut meam vendere, aut cum aliena permutare cogar, contra l. 16. C. de jur. delib. l. 5. C. de obl. & act. Denique si in aliis rebus quam quæ functio-nem in genere recipiunt compensatio admit-tatur, aliud cum alio compensari poterit: quod non magis licet quam aliud pro alio invito creditore solvere; quippe cum compensatio non alia de causa debitorem liberet quam quia pro solutione est, d. l. 4. C. de compens. junct. l. 2. §. 1. de reb. cred. Cum itaque quantitatatis tantum cum quantitate seu pecu-niaæ cum pecunia compensatio sit, consequens omnino est neque speciem reo debitam cum pecunia ab eo petita, neque pecuniæ illi debitam cum specie ab eo petita compensari posse; multoque minus speciem cum specie. Et quod Justinianus generaliter hic constituit, compensationem in omnibus actionibus oppo-ni posse, sic perpetuo erit accipiendum, ut in actionibus tum in rem tum in personam qui-bus certa species petitur, ita denum compensationi locus sit, si pro re pecunia præstari debeat, ut accidit cùm re dolo aut culpâ de-bitoris amissa aut deteriore facta astimatio ejus deberi coepit; alias opus est mutua pe-titione seu reconventione, ut nunc loquun-tur, l. 14. cum auth. seq. C. de sent. & inter-loc. eoque pertinet lex ult. C. de commod. Quod & vulgo recte probatum est, ut alibi demon-strabimus; nam & huic argumento proprium destinavimus tractatum. Duo omnino sunt quibus agentibus compensatio objici non pot-est, fiscus & Res publica; sed certis dumtaxat in causis ad publicam utilitatem pertinenti-bus quæ comprehensæ sunt lege 3. C. de compen-s. l. 46. §. 5. de jur. fisc. l. 20. ff. de comp.

Excepta sola depositi actione] Quam ideo excepsisse videtur ne mora ulla interponeretur reddendi depositi, quod solius custodiæ cau-sâ datur, donec visum erit deponenti repe-re. In lege ult. C. de compens. excipit & actionem qua possessio rei alienæ perperam occu-patae repetitur: quæ sane species nullam aut retinendi aut compensandi probabilem causam habet. Cujacius excipit & actionem commo-dati, per l. ult. C. commod. ubi dicitur, præ-textu debiti restitutionem commodati, id est rei commodata, non probabiliter recusari; sed hoc non obstat quominus dicamus, iisdem con-ditionibus de quibus supra locum esse com-pensationi etiam in actione commodati. Don. bīc n. 10.

TEXTUS.

De actionibus arbitrariis.

31. *Præterea actiones quasdam arbitrarias, id est ex arbitrio judicis pendentes appella-mus: in quibus nisi arbitrio judicis in cùm quo agitur actori satisfaciat, veluti rem restituat, vel exhibeat, vel solvat, vel ex noxali causa servum dedat condemnari debeat. Sed istæ actio-nes tam in rem quam in personam inveniuntur. In rem, veluti Publiciana, Serviana de rebus coloni, quasi Serviana, quæ etiam hypothecaria vocatur. In personam, veluti quibus de eo agitur quod vi aut metus causâ aut dolo malo fa-ctum est. Item cum id quod certo loco promis-sum est petitur. Ad exhibendum quoque actio ex arbitrio judicis pendet. In his enim actioni-bus & ceteris similibus permittitur judici ex bono & æquo secundum cujusque rei de qua actum est naturam astimare quemadmodum ar-to satisfieri oporteat.*

COMMENTARIUS.

- 1 *Actiones arbitrarias constituere tertium genus plane diversum à superioribus.*
- 2 *Ex quo sit quod actio de eo quod certo loco arbitraria &c.*
- 3 *Ceterarum arbitrariarum natura; & ratio no-minis.*
- 4 *Hoc in genere duplē intervenire senten-tiam.*
- 5 *In ea quod certo loco una sententia rem transigi.*
- 6 *Rectene noxales inter arbitrarias numerentur, saltem interdum.*
- 7 *Inter arbitrarias esse & rei vindicationem & confessoriam &c.*

- 8 Actiones quædam arbitrariæ hic non nominantur.
9 Bonæ fidei & arbitrariarum discrimen.

Interpretes vulgo existimant non proponi hic novum & tertium actionum genus quod sit distinctum à superioribus, & earum quæ neque bonæ fidei sint neque stricti juris, sed actiones arbitrarias ad unum è duobus istis generibus referendas; esse enim ex eo genere quæ stricti juris appellantur, seu esse speciem actionum stricti juris; ac proinde bipartita illa divisione quæ proponitur §. 28. sup. hoc tit. contineri. Perez & Corvin. in *Erotematibus*.

i. Nos autem contra putamus, actiones arbitrarias tertium genus constituere plane sejunctum à superioribus, ut qua sunt hujus generis neque sint bonæ fidei neque stricti juris. Tale utique hoc genus aperte hic statuit Justinianus cum ait, *præterea esse quædam actiones quas arbitrarias appellamus*. Nam illud *præterea* non aliud valet quam, *præter* superiores; ut intelligamus *præter* modo memoratas actiones bona fidei & stricti juris esse & tertium genus earum quæ dicuntur arbitrariæ. Quod si Veterum auctoritas quæritur, non obscure Marcianus in *lege* 5. de in lit. jur. actiones arbitrarias ab utraque superiori specie sejungit. Nam cum initio dixisset in actionibus in rem & ad exhibendum & in bona fidei judiciis in item jurari, subjicit in calce per adversativam, *Plane interdum & in actione stricti judicii in item jurandum*: aperte declarans actiones in rem & ad exhibendum, quas à bona fidei judiciis antea distinxerat, nec stricti juris esse; sunt autem haec arbitrariæ, ut mox audiemus. Sed & Papinianus tria haec genera distincte posuit, & multo etiam apertius in *lege* 3. §. 1. de usur. ubi ita scribit, *In his quoque judicis quæ non sunt arbitraria nec bona fidei, post item contestatam actori causa prestanda est*. Et igitur ex sententia quoque Papiniani tria haec judicia plane diversa sunt, arbitraria, bona fidei, & quæ neutrū horum sunt, quæ dicuntur stricti juris. Quid quod arbitrariæ actiones proprius accedunt ad naturam bona fidei actionum quam ad actiones stricti juris? nam & in arbitrariis permittitur judici facultas estimandi ex aquo & bono quemadmodum actori satisfieri oporteat, in fin. bujus §. & in his similiter ut in bona fidei judiciis juriatur in item, l. 5. de in lit. jur. ut si alterutri speciei aggregandæ sint, potius referendæ videantur ad classem judiciorum bona fidei

Tom. II.

quam stricti juris: quod tamen & ipsum admittendum non est; & neutra harum qualitatum usquam actionibus in rem tribuitur, quæ tamen magnam partem arbitrariarum constituant, ut vel bona fidei dicantur vel stricti juris; quippe quæ qualitates non aliis actionibus quam quæ in personam sunt competunt, & maxime iis quæ ex conventionibus descendunt. Illud autem quod ajunt, actiones arbitrarias natura sua & origine esse stricti juris ex accidenti autem esse quod in his arbitrio judicis condemnatio fiat, falsum est; præterquam in actione de eo quod certo loco, quæ à ceteris toto genere distat, ut paulo post apparebit.

2. *Ex arbitrio Judicis pendentes*] Actiones arbitrariæ sunt quæ ex judicis arbitrio pendentes, unde & nomine acceperunt. Et pendent quidem omnes ex arbitrio judicis, sed non omnes eodem modo; longeque alia ratione actio de eo quod certo loco dari oportet arbitraria atque ex judicis arbitrio pendere dicuntur, quam reliquæ quæ idem nomen habent. Ninirum, ut duæ sunt causæ inter se diverse ob quas actio dicitur arbitraria: ita etiam duo sunt actionum arbitrariarum genera iisdem causis inter se distincta. Nam quædam ex eo arbitrariæ dicuntur quod in his tota condemnatio ex arbitrio judicis pendet. Quo in genere sunt actiones quæ sunt de eo quod certo loco dari oportet, sive ex causa stipulationis, sive quia ita cautum testamento, vel quia mutua pecunia sic data ut certo loco redderetur l. 1. §. & 6. de eo quod cert. loco. Ex his enim causis cum alio loco agitur, permititur arbitrio judicis estimandum quanti litigatorum intersit constituto potius loco solvi quam eo in quo agitur: ut si rei intersit minuatur, si actoris augeatur condemnatio, l. 2. pr. & §. ult. d. tit. l. un. C. ubi conv. qui cert. loc. Formula judicis haec fuit: *Si paret Titulum decem Capuae dare oportere, neque in eo loco pecuniam suo tempore solvisse, judex arbitratus tuo condemnata*. Hujus generis arbitrariæ natura sua & origine sunt stricti juris, sed ex accidenti, quod alio loco intentantur quam in quo dati debuit, novam qualitatem induunt, quæ ex strictis eas arbitrarias facit.

3. Ceteræ quæ arbitrariæ dicuntur diversam naturam & rationem nominis habent. Haec enim ideo sic appellantur, quia earum hoc proprium est, quod in iis antequam procedatur ad sententiam definitivam, ad condemnationem vel absolutionem, judex tanquam arbitrus honorarius interloquitur, jubens reum

Bbb

ali-

aliquid facere convenienter naturæ actionis institutæ; ex quo porro jussu seu arbitrio pendet actionis exitus, absolutio scilicet aut condemnatio. Nam si huic arbitrio reus paret absolvitur, si non paret condemnatur; & quidem gravius atque in aliud quam quod facere jussus erat in poenam contumaciae. Ut ecce in actione quod metus causâ probato metu jubetur reus rem quæ metu extorta dicitur restituere: si jussui judicis non paret condemnatur in quadruplum, l. 14. §. 1. & deinceps *quod met. causa*. In judicio rei vindicationis, probato dominio jubetur possessor rem item restituere: si per contumaciam non restituit, aut dolo fecit quominus restituere possit, condemnatur quanti adversarius in item juraverit, l. 46. cum l. seq. de rei vind. ll. 5. & 8. de in lit. jurand. Idem fit in actione ad exhibendum si jussus exhibere non exhibeat, l. 3. §. 2. ad exhibib. Formula judicij in rei vindicatione talis fuit, ut ex Cic. 4. in Verr. discimus, *Si paret rem qua de agitur Titii esse, & ea res arbitrio tuo non restituatur, judex condemnata*. Condemna scilicet in aliud, & tanti quanti res aestimata erit jurejurando actoris.

4. Itaque in posteriore hoc genere duplex sententia intervenit: una interlocutoria, jussus seu arbitrium de restituendo vel exhibendo; altera definitiva litem terminans absolute aut condemnatione, prout reus praecedenti arbitrio paruerit aut non paruerit, quæ Veteribus absolute sententia dicitur. Atque, ut ante diximus & probavimus, ubi reus est contumax in aliud & gravius quid condemnatio fit quam quod arbitrio continetur: puta vel in quadruplum, ut in actione quod metus causâ; vel in id quanti res aestimata fuerit jurejurando actoris, ut in ceteris hujus generis. Nam quod aliquando etiam in casu contumacia ultra non proceditur, sed arbitrium transit in sententiam definitivam & mandatur executioni, l. 68. de rei vind. extraordinarium est, arg. l. 15. §. 23. de dann. inf. l. 1. §. 2. si ventr. nom. mul. in posses. VINN. Quamvis motibus nostris id conveniat, quibus semper fit condemnatione in rem petitam, quæ manu militari à reo auferatur & actori traditur, si ille judicio parere noluerit. Quare non video qui locus arbitrarii actionibus apud nos esse possit. ADDIT.

5. In priore autem genere res una sententia transigitur, ut in aliis fere actionibus, id est nullo jussu judicis praecedente ex quo sententia pendeat. Arbitratur quidem judex & in actione de eo quod certo loco; sed

tunc cum profert sententiam, nec tam quid reus faciendum habeat, quam quid ipse pronuntiandum ac postea exequendum. Non obstat, quod ait Ulpian. l. 4. §. 1. de eo quod certa loc. interdum judicem qui ex hac actione cognoscit, cum sit arbitraria, absolvere reum debere cautione ab eo exacta de pecunia ibi solvenda ubi promissa est. Nam hoc singulare est & extra casus illuc propositos vix locum habet; neque jubetur ea cautio interpolari per modum arbitrii aut jussus cui si non pareatur reus gravius condemnatur, sed ad postulationem ipsius rei, mero judicis officio æquitatem ante oculos habentis; efficitque tantum ut actor remittatur ad locum constitutum. Ant. Fab. dec. 90. err. 2. Hæc notanda fuerunt propterea quod Justinianus species sive exempla utriusque generis confusim proposuit. *Nisi arbitrio judicis satisfaciat*] Ita hic loquitur quasi omnium actionum arbitrariarum hoc commune sit, quod in iis judex prius quam sententiam ferat arbitretur sive jubeat reum aliquid facere; quod tamen quarundam dunitaxat est proprium, & non pertinet ad actiones arbitrarias quæ sunt de eo quod certo loco, ut superius demonstratum est.

6. *Vel ex noxali causa*] Inter actiones arbitrarias numeratur hic & actio noxalis, id est ea quæ ex maleficio servi adversus dominum competit, ut is damnatus aut litis aestimationem sufferat aut servum noxae dedat, inf. tit. Inst. de noxal. att. In quo quidam putant iterum errare Tribonianum; nam actiones noxales inter arbitrarias referri non posse, quoniam in his neque condemnatione arbitrio judicis committitur, ut in actione de eo quod certo loco; neque arbitrium aliquod judicis interponitur unde pendeat sententia ut in ceteris, sed judici prescribitur jure quam sententiam ferat; nimis ut postquam probatum est servum noxiā commisso, dominum condemnet in decem aut servum noxae dedere. Quod cum statim & conjunctim facere jubeatur, judici hic adimi omnem arbitrii interponendi facultatem cui parendo licet condemnationem evitare. Nos tamen excusare Tribonianum malum, hoc scilicet colore quasi non ideo actiones noxales inter arbitrarias numeraverit, quod putauit eas semper esse arbitrarias, sed quia tales sunt interdum. Et sane ita res habet, (quidquid in contrarium disputet Ant. Fab. dec. 92. err. 5. & 7.) interdum noxalis actio non est arbitraria, interdum talis est: de quo sic habendum. Ex quibus causis directa, seu ea qua-

dominus ex suo maleficio convenitur arbitria non est, ex iisdem causis nec noxalis arbitria erit; & contrà, qua ex causa directa est arbitria, ex eadem causa noxalis quoque talis erit. Etenim actio noxalis non est propria species actionis, sed actionis ex delicto adjectio, cuius adjectio hic tantum effectus est, ut liceat domino deditio ne corporis quod deliquerit evitare litis aestimationem, *l. 1. de noxal. att.* Et cum igitur actiones haec, furti, vi bonorum raptorum, legis Aquilae, injuriarum, si ex maleficio domini adversus dominum agatur arbitriæ non sint, nec arbitriæ erunt si dominus his noxa iter conveniatur nomine servi. Ratio est, quia in noxali actione eadem domini condemnatio est quæ in directa, nisi quod in noxali haec disjunction est ut dominus solvat aut servum noxae dedat; at hoc fit simul & conjunctim nullo præcedente de noxae deditio arbitrio. Ex diverso, cum actio quod metus causâ & actio de dolo sint arbitriæ, cum adversus aliquem directo & nomine suo intenduntur, etiam arbitriæ erunt cum intentantur nomine servi noxaliter: quod fieri posse constat, *l. 16. quod met. ca. l. 9. §. pen. de dol.* Tantum arbitrium judicis quod in actione directa continet solummodo jussum de re restituenda, in noxali adjunctum habebit jussum de servo noxae dedendo, sub disjunctione ut dominus rem restituat vel servum noxa dedat, ut si neutrū horum fecerit sequatur condemnatio, qualis in actione directa: ita & D. Duar. *de in lit. jur. n. 47.* D. Donell. *bic n. 12.*

7. *Veluti Publiciana, Serviana*] Duas profert species actionum in rem, Publicianam & Servianam seu hypothecariam, quas arbitriæ esse declarat: de hypothecaria etiam est textus in lege 16. §. 3. de pignor. An igitur haec solæ in hoc genere sunt arbitriæ? Nequamquam. Nam vel maxime arbitria censenda est actio in rem civilis, sive rei vindicatio; quippe in qua præcipue arbitrium judicis de re restituenda locum habet, & re non restituta, ea quam supra diximus in juratam litis aestimationem condemnatio, *l. 46. cum l. seq. de rei vind. II. 5. & 8. de in lit. jur. l. ult. de fid. juss.* nisi quod interdum, & extra ordinem nimis, ipsum arbitrium executioni mandatur & res possessori aufertur, *juxta legem 68. de rei vindic.* Quod enim Ulpianus ibi ait de re aestimanda jurejurando in item eo casu quo reus dolo fecit quominus rem restituere possit: id non ita accipendum est quasi hoc solo casu locus esset jurejurando in item; sed

quod isto casu jusjurandum illud sit necessarium, cum in casu prius posito, ubi res penes contumacem est, possit etiam non jurari & desiderante actore res auferri manu militari. Sed & si quæ sunt aliae in rem actiones, sive civiles, ut confessoria & negotiatoria; sive prætoria, ut rescissoria: omnes arbitriæ habendæ, quoniam omnes eamdem æquitatem arbitrii & restitutionis admittunt eundemque exitum condemnationis habent, ut significatur regula generali tradita in extremo *d. legis 68.* Itaque male nonnulli hinc removent ipsam rei vindicationem eamque collocant inter actiones stricti juris, quod vel ex sola formula hujus judicij intelligi potest. In summa, omnes in rem arbitriæ, excepta petitione hereditatis, quam placuit esse bona fidei; & ideo licet & ipsa eadem recipiat quæ reliqua in rem; tamen non dicitur arbitriæ, quia bona fidei potestate hoc habet, non arbitrii conditione, à qua sola dicuntur actiones arbitriæ.

Quod metus causa aut dolo malo] Actionem quod metus causâ arbitriam esse etiam Ulp. scribit in *l. 14. §. 4. quod met. ca.* Idem de actione de dolo tradit Paul. in *l. 18. de dol.*

Quod certo loco] Hæc actio cur arbitriæ dicitur & quantum a ceteris distet superius expositum est.

Ad exhibendum] Actionem ad exhibendum esse ex numero arbitriarum palam est, quoniam in ea quoque fit idem quod in superioribus. Nam postquam actor docuit sua interesse rem exhiberi, jubetur reus exhibere: nisi exhibet condemnatur quanti actor in item juraverit, *l. 3. §. 2. ad exhib. l. 2. §. 1. l. 5. in pr. de in lit. jur.* Juratur autem hic non quanti aestimetur ex affectu res quæ exhiberi postulatur, sed quanti damnum quod negata exhibitione oritur.

8. *Et ceteris similibus*] His verbis significat non eas solas actiones quas nominavit arbitriæ esse, sed esse plures hujus generis quæ hic recensitæ non sunt. Ex actionibus in rem in numero arbitriarum tantum posuit duas prætorias, Publicianam & hypothecariam; sed addita particula *veluti*, ut intellegeremus præter eas quas memorat & alias ex eodem genere arbitriæ esse; nos autem tales esse ostendimus quotquot sunt in rem sive civiles sint sive prætoriae. Ex iis quæ sunt in personam præter eas quæ hic nominantur arbitria est actio rerum amotarum, *l. 8. §. 1. de act. rer. amot.* Ejusdem quoque generis est actio Faviana, *l. 5. si quid in fraud. parr.*

Pauliana , arg. II. 8. & 10. §. 20. quæ in fraudem cred. Ant. Fab. dec. 93. err. 5. & 6. Aetio ex edito de publicanis , l. 1. in pr. l. 5. de publican. Denique arbitrariæ habende quotquot sunt in personam ad restituendum , dum non sint bonæ fidei. Plane in actionibus quoque bonæ fidei quæ sunt ad restituendum , quales sunt commodati , depositi , locati , pignoratitia , eodem modo quo in arbitrariis res transigi solet , ut prius interponatur arbitrium de re restituenda , & nisi arbitrio paritum sit jurejurando actoris lis æstimetur , l. 3. §. 2. commod. l. 1. §. 26. depos. II. 5. & 8. de in lit. jur. Sed tamen non ideo dicenda sunt arbitrariæ ; quoniam id non sola conditione arbitrii , ut illæ quæ arbitrariæ appellantur , sed potestate bonæ fidei habent : quæ cum omnem speciem æquitatis complectatur , etiam hanc ipsam restitutionis & arbitrii continet. Arbitrariæ vero hanc unam fere speciem æquitatis habent , ut arbitretur primo judex fieri quod conveniat naturæ actionis institutæ ; post deinde condemnnet si arbitrio non pareatur.

9. Atque hinc explicandum quod est in extremo hujus §. permittitur judici ex bono & equo &c. Natura actionum bonæ fidei satis prolixa est. Costal. in l. 7. de ex quod certo. loco. Inter arbitrarias perperam Pacius in not. 88 D. Perez in eretemata. collocant actionem redhibitoriam ; magis enim est ut hac bonæ fidei sit , l. 11. §. 3. de auct. ent. ubi diserte Jurisconsultus ait redhibitionem judicio emti contineri.

TEXTUS.

Quinta divisio. De incertæ quantitatis petitione.

32. Curare autem debet judex ut omnino quantum possibile ei sit certæ pecunie vel rei sententiam ferat ; etiamsi de incerta quantitate apud eum actum est.

L. 2. tit. 13. lib. 2. for. legg. l. 16.

tit. 22. Part. 3.

COMMENTARIUS.

1. Cur placeat sententiam sine certa re aut quantitate prolatam non valere.
2. Certitudo sententiae unde metienda.
3. Quibus casibus fiat ut certa sententia ferri nequeat.

4. Etiam in petitione incerta certam debere ferri sententiam.

1. Praeceptum generale pertinens ad omnes actiones & judicia sive bonæ fidei aut arbitraria , sive stricti juris ; & siue certa quantitas petita est , sive incerta. Nam semper ita judex pronuntiare debet ut sententiæ sua finem liti imponat & controversiam dirimat , l. 1. de re jud. Etsi autem hoc semper fit cum reus absolvitur , non fit tamen semper cum condemnatur , nisi condemnetur in certam rem aut quantitatem , sive quod idem valet , nisi certa sententia feratur. Etenim cum ex conceptione sententiae non apparet quid quantumque præstandum sit , de quo quærebatur , tantum abest ut tollatur controversia ut ea etiam augeri possit. Et ideo merito placuit hujusmodi sententiam ipso jure nullam esse , nec rei judicatae auctoritate censeri , II. pen. & ult. C. de senten. quæ sin. cert. quant. Don. n. 2. & seq. Schneid. n. 22. Myns. n. 3. & comm. DD. bīc.

2. Enimvero certitudo sententiae non ex eo solo metienda quod judex certam rem aut quantitatem in condemnatione verbis expresserit , sed etiam ex eo quod se referat ad certum locum aut tempus , vel ad quantitatem antea determinatam , vel denique ad certum instrumentum : veluti si dicat , *Solve quod petitum est* referens se ad certam partem actorum , atque ex actis constet quid quantumve petitum ; aut *Solve quod illis codicilliis continetur* cum codicilli in judicio essent prolati , l. 5. §. 1. & ibi DD. in l. 59. §. 1. ff. de re jud. I. pen. C. de sent. quæ sin. cert. quant. Christin. vol. 4. decis. 94. n. 10. Si etsi dixerit , *Solve quod debes* , nec ad certam partem actorum se expresse reulerit : nihilominus tamen plerique existimant valere sententiam , & ex ea parte auctorum que probationes continent certitudinem recipere , quasi tacite ad eas se retulerit eas approbans pronuntiando ; atque ita restrinquent textum in l. 21. §. 3. de rec. arb. Sin vero id ex actis probatoris non appareat , tunc hujusmodi sententiam non valere , etiamsi certa quantitas libello comprehensa sit ; nam cum jus veter ex assertione paris sententiam ferri , credibile non esse judicem se eo referre voluisse. Vid. Zas. in l. 5. §. 1. de jud. Myns. bīc n. 12. Schneid. n. 24. Mathesilan. sing. 141. & qui omnium accuratissime distinguunt Pet. Barbos. ad tit. ff. solut. matr. p. 5. rubr. n. 47. Et ergo notandum , numquam sententiam à libello recipere interpretationem , ni-

misi ad eum expresse habita sit relatio.

3. *Quantum possibile est*] Hoc ideo addit, quia interdum rei petitæ natura non patitur ut certa sententia ferri possit; atque eo casu proculdubio incerta valere debet: veluti cum plures res disjunctim vel generaliter promisæ petuntur. Cum enim in his rei petitæ præstatio pendeat ex electione debitoris, §. seq. vers. *buic autem & seq.* non potest iudex hanc ei adimere in unam rem certam eum condemnando. Idem admittendum esse & sententiam incertam valere censem DD. in actione universalis, qualis est petitio hereditatis, & actio familiæ erciscundæ; item & maxime quando super accessionibus, puta fructibus & expensis petitis sententia fertur. VENN. De judicio ferendo super his accessionibus vide legem 20. tit. 9. lib. 3. Recop. & Aceved. in comm. ad d. legem. ADDIT. Non idem est in actionibus generalibus, puta tutelæ, pro socio, negotiorum gestorum; in quibus quidem incerta petitio admittitur, sed quia in his res ante sententiam declarandæ sunt, juxta legem 2. C. de judic. Christin. d. loc. n. 16. certa hic sententia ferri debet: quod quomodo procedat post Joann. Fab. & Plat. docet Schneid. bie n. 14. & n. 30. Excipit Accursius & judicia noxalia; sed eo nomine merito reprehenditur; quoniam facultas noxæ dedendi est à lege, l. 6. §. 1. de re jud. quod ipse alibi agnoscit, §. 1. Inst. inf. de off. jud.

4. *Eriamini de incerta quantitate*] Additum potissimum propter obligationes faciendi, in quibus si factum non sit quod fieri debuit obligatio & petitio est in id quod actoris interest, l. 13. §. 1. de re jud. ll. 68. & 72. de verb. obl. §. ult. Inst. sup. eod. tit. Hoc igitur vult Justinianus, etsi id quod interest petitatur, cuius quantitas incerta est, d.l. 68. de verb. obl. l. 24. de reg. jur. nihilominus tamen certam sententiam ferendam; ut iudex prius cognoscat quanti intersit actoris, & quantum id esse cognoverit tantum sententiæ sua complectatur, in eamque summam reuin condemnet: quod etiam fieri debere satis aperte præcipitur in lege un. C. de sent. que pro eo quod int. Nec metuendum ne hic iudex videatur reuin in aliam rem condemnare quam quæ petitæ est, contrà quam cautum lega ult. C. de fideic. lib. Nam quemadmodum scite à Veteribus dictum est, cum qui frumentum ex spicis excutit non novam speciem facere sed eam quæ est detegere, l. 7. §. 7. in fin. de adq. rer. dom. ita & iudex cum certam summam dicit ejus quod intertest, non aliam rem

dicit sed eam quæ petitæ est & quam actor intelligi voluit explicat. Ita Don. hic n. 5. Vulgo autem respondent, incertum & certum esse qualitates quæ non faciunt disformitatem inter libellum & sententiam, Myns. bie n. 4. Porro & aliæ quamvis incerta sit petitio certa tamen sententia, quoad fieri potest, ferenda est, ut in actionibus generalibus, veluti pro socio, tutelæ, negotiorum gestorum, uti jam ante dictum est. In actione quoque arbitraria de eo quod certo loco, & quodammodo etiam in actionibus bona fidei, atque adeo in ceteris quoque arbitrariis incertum in petitionem deduci videtur; propterea quod in his omnibus judicii permititur ex bono & æquo æstimare quemadmodum actori satisfieri oporteat: sententia tamen semper certa esse debet.

TEXTUS.

De pluris petitione.

33. Si quis agens intentione sua plus complexus fuerit quam ad eum pertineat, causa cedebat, id est rem amitterebat; nec facile integrum restituiebatur à prætore, nisi minor erat 25. annis. Huic enim sicut in aliis causis causa cognita succurrebatur, si lapsus juventute fuerat: ita & in hac causa succurri solitum erat. Sane si tam magna causa justi erroris interveniebat ut etiam constantissimus quisque labi posset, etiam majori 25. annis succurrebatur: veluti si quis totum legatum petierit, post deminde prolati fuerint codicilli quibus aut parlegati adentu sit, aut quibuidam aliis legata data sint: que efficiebant ut plus petuisse visideretur petitior quam dodrantem, arque ideo lege Falcidia legata minuebantur. Plus autem quatuor modis petitur, re, tempore, loco & causa. Re, veluti si quis pro decem aureis que ei debebantur viginti petierit; aut si is cuius ex parte res est totam eam vel majorem partem suam esse intenderit. Tempore, veluti si quis antedictum vel ante conditionem petierit. Quia enarratione qui tardius solvit quam solvere deberet minus solvi intelligitur, eadem ratione qui præmature petit plus petere videtur. Loco plus petitur, veluti cum quis id quod certo loco sibi dari stipulatus est alio loco petit sine commemoratione illius loci in quo sibi dari stipulatus est. Verbi gratia, si is qui ita stipulatus fuerit, Ephesi dari spondes? Reme pure intendat sibi dari oportere. Ideo autem plus petere intelligitur, quia utilitatem quam haberet promissor si Ephesi solveret, adimit ei pura intentione. Pro-

pter quam causam alio loco petenti arbitaria actio proponitur, in qua scilicet ratio habetur utilitatis que promissori competitura fuisse si illo loco solveret quo se soluturum spondit. Quae utilitas plerumque in mercibus maxima inventur, veluti vino, oleo, frumento, que per singulas regiones diversa habent pretia. Sed & pecuniae numeratae non in omnibus regionibus sub iisdem usuris fenerantur. Si quis tamen Ephesi petat, id est eo loco petat in quo ut sibi detur stipulatus est, pura actione recte agit; idque etiam prætor demonstrat, scilicet quia utilitas solvendi salva est promissori. Huic autem qui loco plus petere intelligitur proximus est qui causa plus petit: ut ecce, si quis ita à te stipuletur, Hominem Stichum aut decem aureos date spondes? Deinde alterum petat, veluti hominem tantum, aut decem aureos tantum. Ideo autem plus petere intelligitur, quia in eo generale stipulationis promissoris est electio, utrum pecuniam an hominem solvere malit. Qui igitur pecuniam tantum vel hominem tantum sibi dari oportere intendit, eripit electionem adversario, & eo modo suam quidem conditionem meliorem facit, adversarii vero sui deteriorem. Quia de causa talis in ea re prodita est actio, ut quis intendat hominem Stichum aut aureos decem sibi dari oportere, id est ut eodem modo peteret quo stipulatus est. Præterea si quis generaliter hominem stipulatus sit, & specialiter Stichum petat; aut generaliter vinum stipulatus sit, & specialiter Campanum petat; aut generaliter purpuram stipulatus sit, deinde specialiter Tyriam petat: plus petere intelligitur quia electionem adversario tollit, cui stipulationis jure liberum fuit aliud solvere quam quod peteretur. Quin etiam licet viliissimum sit quod quis petat, nibilominus plus petere intelligitur; quia sepe accidit ut promissori facilius sit illud solvere quod majoris pretii est. Sed hec quidem antea in usu fuerant, postea vero lex Zenoniana & nostra rem coarctavit. Et si quidem tempore plus fuerit petitum, quid statui oporteat Zenonis diu in memoria loquitur constitutio. Sin autem quantitate vel alio modo plus fuerit petitum, in omne, si quod forte damnum ex hac causa acciderit ei contra quem plus petiuntur fuerit, connissa tripli condemnatione, sicut supra diximus, puniatur.

L. 42. cum 3. seqq. tit. 2. Part. 3.

COMMENTARIUS.

¹ Qui ante conditionem petit eum nihil consumere.

- 2 Pœna à Zenone constituta in eos qui tempore plus petunt, à Justiniano in eos qui alio modo.
- 3 Quid nunc fere in praxi circa hæc observetur.

Superius admonuit judicem officii sui in ferenda sententia. Hic actorem instruit ad actionem recte instituendam formandumque libellum peritorium. Summa disputationis hoc credit ut petat actor quod sibi debetur, ut petat quantum sibi debetur, ut petat ex ea causa ex qua debetur. Si secus fecerit, placet interdum petitionem ei nocere, interdum non nocere. In quo tamen ab observatione juris veteris procul recessum, ut postea intelligemus.

Causa cedebat) Ut discerent omnes jus suum diligenter explorare nec temere alii creare molestiam, placebat olim eum qui plus quam sibi deberetur petierat graviter multati remque totam amittere, ut passim ex Cicerone intelligi potest, præseitum ex oratione pro Q. Roscio Comædo. Fac. l. 1. de int. in jur. l. 36. de solut. Hinc illud apud Plautum in Mostellaria act. 3. scen. 1. v. 123. Velix quidem bercole ut uno nummo plus petas. Id Veteres dicebant *causa cadere*, item *formulæ cadere* aut excidere, ut ex eodem Cicerone l. de orat. cap. 36. Sueton. in Claud. cap. 14. Senec. epist. 48. Quintil. lib. 7. Inst. orat. cap. 6. discimus.

Nec facile in integrum restituebatur) Adversus amissionem causæ ob pluris petitionem nemo à prætore restituebatur nisi ex iis causis quæ jure communi etiam in aliis rebus in integrum restitutionem præbebant: quarum duæ hic proferuntur, ætas personæ plus potentis, & justa errandi causa. Faciliores aliquando Principes fuerunt; nam de Claudio refert Suetonius d. loc. solitum eum fuisse restituere ex bono & æquo actiones iis qui apud privatos judices plus petendo formulæ excidissent. VINN. Immo & prætorem id aliquando fecisse discimus ex Senec. epist. 48. ubi eleganti allusione & philosophiam adversus captiones Sophistarum in integrum restituere ait. Locum ipsum habes paulo post ad verba, *Etiam majori*. HEIN.

Nisi minor erat viginti quinque annis) Minoris qui errore ætatis & juvenili temeritate plus petendo causa ceciderat prætor causâ cognita subveniebat per restitutionem in integrum ex dicto generali de minoribus, l. 1. & passim de minoribus.

Etiam majori) Ex illa parte edicti de maioribus restituendis: Item si quæ alia mihi cau-

causa justa esse videbitur, in integrum restitutum, l. i. in fin. ex quib. caus. maj. Justi erroris, & qui ob id merito etiam in majoribus excusetur, causa est in hac specie: Titio centum testamento legata sunt, deinde virginis codicillis ademta. Titius codicillorum ignorans tota centum ex testamento petit. Item in hac: Testator dodrantem bonorum in testamento Sempronio legavit; post deinde in codicillis nonnihil legavit Titio: Sempronius qui nihil de codicillis audiverat dodrancem integrum ex testamento petit. Justus in utraque specie error est, & cui ignosci oporteat; propterea quod ex alieni facti nascitur ignorantia, l. ult. pro suo. Alludit hoc Seneca epist. 48. Quid enim aliud agitis, inquit, cum eum quem interregatis, in fraudem inducitis, quam ut formula cecidisse videatur? Sed quemadmodum illum prætor, sic eos Philosophia in integrum restituit.

Atque ideo lege Falcidia legata minuebantur.] Rectior erit sententia si legamus, ideo quod lege Falcidia &c. quippe ratio cur in proposito petitor plus petuisse videatur quam dodrancem hæc est, quod lege Falcidia legata ipso jure minuantur, ut bene observavit D. Hotomannus.

Plus autem quatuor modis] Pœnæ plus petitionis non solum locus erat cum quis re aut quantitate plus petisset, sed etiam cum quævis alia ratione, puta tempore, loco aut causa seu modo. Paulus. 1. sent. 10. Causa cadimus, inquit, aut loco, aut summa, aut tempore, aut qualitate. Loco, si alibi; summa, si plus quam damus petimus; tempore, petendo antetempus; qualitate, ejusdem speciei rem meliorem postulantes. Hæc quatuor species plus petitionis plenius hoc loco explicantur à Justiniano.

Re, veluti si quis pro decem aureis &c.) Re plus petere dicitur qui majorem vel summam pecuniae vel partem rei quam quæ sibi debetur petit.

1. Tempore, veluti si quis ante diem vel conditionem) Plus quam debetur sine controversia petit qui ante diem petit. Nam quod in diem promissum est, etiam ante diem debetur; ut hic subsit debitum quod peti possit & præmature petendo amitti, §. 2. Inst. sup. de verb. obl. l. 213. de verb. sign. junct. §. 10. Inst. inf. de except. Sed quod additur, etiam eum plus petere quam debetur qui ante conditionem petit, incaute & perperam adjectum videtur. Etenim cum conditio suspendat obligationem ita ut pendente ea ni-

hildum debeatur, §. 4. Inst. sup. de verb. obl. d. l. 213. de verb. sign. l. 8. de per. & comm. rei vend. quomodo dici potest plus debito petere qui ante conditionem petit, hoc est eo tempore quo nondum ulla nata est obligatio? Quod si ante conditionem agendo nemo plus debito petere intelligitur, consequens est neque pœnam plus petitionis ad eos qui ante conditionem petunt pertinere. Et res ita habet. Qui ante tempus petebat ideo rem consumebat quia in judicium eam deduxisset, d. §. 10. inf. de except. At pendente conditione cum nihil sit quod debeatur, nihil quoque est quod in judicium deduci & deducendo consumi possit. Et ideo Veteres eum qui pendente conditione petit non male aut perperam agere dicunt, ut eum qui petit ante diem; sed nihil agere, l. un. in fin. quand. dies ususfr. leg. ced. & diserte nihil consumere, l. 6. de solut. An igitur putamus hæc latuisse Tribonianum? Potius est ut dicamus eum per conditionem intellexisse non eam quæ vere conditio est, scilicet quæ exitura sit incertum est, & qua proinde pendente nihil debetur; sed eam quam Veteres minus proprie conditionem vocant, nimurum quam certum est omnimodo exituram esse, veluti si quis si morietur vel cum morietur date promiserit, & stipulator vivo promissore agat. Nam tali sub conditione quod promissum est pendente quoque ea debetur, l. 17. & 18. de cond. ind. l. 9. §. 1. de novat. Et igitur, ante conditionem, intellige, quæ modo efficiat ut ante debeatur aliquid, quo dicti possit ante agendo plus peti quam debetur.

Qua enim ratione qui tardius) Si minus in tempus cadit, etiam plus cadere intelligitur; nam contrariorum sunt contraria consequentia. Constat autem eum qui tardius solvit minus solvere; quoniam emolumentum intermedii temporis adimit creditoris. Sequitur ergo ut qui solvit celerius plus solvat: quemadmodum veteri proverbio dicitur, Bis dat qui cito dat; & qui celerius petit plus petat; quoniam reliqui temporis commido quantum in se est debitorem privat.

Loco plus petitur) Plus etiam petere intelligitur qui quod certo loco sibi dari stipulatus erat alio loco pure petat. Quæ pluris petitio estimatur ex damno promissoris, cui pura intentione admittitur utilitas quam habiturus esset si eo loco solveret in quo solutum sponsit.

Rome pure intendat sibi dari) Pure intendere sibi dari oportere hic dicitur qui intendit sibi.

sibi dari oportere sine commemoratione loci in quo dari sibi stipulatus est, & omissa arbitrii formulâ qua judici permittatur facultas estimandi ex bono & aequo quantum promissor solvere debeat: nam pura intentio hic actioni arbitrariae è regione opponitur.

Alio loco petenti arbitraria actio] Alio loco quam in quem sibi dari quisque stipulatus es- set non videbatur agendi facultas compete- re. Sed quia iniquum erat, si promissor ad eum locum in quem se daturum promisisset numquam accederet (quod vel data operâ fa- ciceret vel quia aliis locis necessario distrin- geretur) non posse stipulatorem ad suum pervenire: ideo visum est in eam rem actionem utilem sive arbitrariam comparare, l. 1. de eo quod cert. loc. Hac ratione & actori consultur data alibi agendi facultate; nec reo fit injurya, cui alibi convento arbitrio ju- dicis salva præstatur utilitas loci constituti. Illud hic obiter monendi sumus, quod passim dicitur, eum qui certo loco dare promisit posse quolibet alio loco arbitraria actione conveniri, sic accipendum ut supponantur termini habiles, id est modo locus sit idoneus, qualis est locus domicilii & contractus, & qui forum tribuat, l. 19. §. 1. & deinceps de jud. l. 21. de obl. & ast. Costal. ad l. 1. de eo quod cert. loc. Perez in Cod. eod. n. 1.

Quæ utilitas plerunque in mercibus] Constat varia esse rerum pretia per singulas civitates regionesque; maxime vini, olei, frumenti. Pe- cuniarum quoque licet videatur una & eadem potestas ubique esse; tamen aliis locis facilius & levioribus usuris pecunia invenitur, aliis difficilius & usuris gravioribus, l. 3. de eo quod cert. loc.

Proximus est qui causa plus petit) Verbum *causa* variam admodum in jure civili signifi- cationem habet, & quæ facilius intelligitur quam exprimitur. Hic autem significat modum seu qualitatem obligationis, l. 44. in pr. & §. 3. de obl. & ast. Paul. 1. sent. 10. Qui autem causâ plus petit, idem fere peccat quod is qui plus petit loco. Nam quemadmo- dum qui alibi petit quam ubi debetur loci utilitatem admit debitori: ita qui causâ plus petit promissori admit utilitatem electionis.

Hominem Stichum aut decem aureos) Dux sunt species plus petitionis ratione cause: quarum altera hic proponitur, cum ex pluribus rebus disjunctim promissis una aliqua certa petitur; altera mox subjicitur, cum genere pro- missio petitur certa species. In utraque au- tem specie eadem ratione plus peti intelligi-

tur, nimis quia reo aufertur electio quæ in utroque genere obligationis ei competit.

Promissoris electio est) In disjunctivis obli- gationibus, id est cum illa aut illa res promis- titur, rei electio est, l. 10. in fin. de jur. dot. Et ideo qui electionem sibi non constituit incertum stipulari dicitur, l. 75. §. 8. de verb. obl.

Generaliter hominem stipulatus) Sicut in pro- missione alternativa electio reo tribuitur, ita & in promissione generis, l. 32. in fin. de cond. ind. l. 52. mand. l. 106. de verb. obl. ut proinde eadem ratione plus petere dicatur qui genere promisso certam ex eo genere spe- ciem petit, qua is plus petere dicitur qui pluribus rebus disjunctim promissis unam cap- rum petit simpliciter.

Et specialiter Campanum petat) Theophilus scribit vinum Campanum omnium aliorum esse pessimum, cum tamen Gajus & Ulpianus ejus exemplum pro eo quod optimum est ad- ducent, l. 74. & 75. §. 2. de verb. obl. ut hic etiam Justinianus: quod vel puer viderit. Scriptores quoque ceteri vina Campana inter generosissima numerant, qualia sunt illa car- minibus Horatii celebrata, Cœcum, Massi- cum, Falernum, Formianum, Calenum. De regione Campania Italica Florus lib. I. cap. 16. ita scribit, *Omnium non modo Italia*, sed *toto terrarum orbe pulcherrima Campania plaga est*. *Nil mollius cœlo: bis floribus vernal*. *Nil uberioris solo: ideo Liberi Cererisque certamen dicitur*. Et paulo post: *Hic amitti vitibus mon- tes, Gaurus, Falernus, Massicus, & pulcher- rimus omnium Vesuvius*. Eadem fere de ora Campanæ habet Plin. lib. 3. cap. 5. unde vi- detur Florus sua descriptisse.

Tyriam) Purpuram omnium pretiosissimam, teste Strabone lib. 16. Add. Plin. lib. 5. cap. 19. & lib. 21. cap. 28. Punicum purpuræ colorem procreat Africa, id est quasi violaceum; Tyros autem rubeum. Auctor Vitru- vius lib. 7. cap. 17.

Licet vilissimum sit) In pluris petitione ra- tione cause plus non tantum estimatur ex pre- tio & valore rei, sed etiam ex facultate sol- vendi, & quod addendum, ex affectione quo- que debitoris. Sæpe enim homines certis rebus aliter atque aliter afficiuntur.

2. *Sed hæc quidem antea*) Quibuscumque modis ex quatuor quos Justinianus exposuit plus petitum esset, ea olim erat poena plus petitionis ut actor causâ caderet. Sed postea ab hac poena recessum est, & in eos qui tem- pore plus peterent alia poena constituta à Ze-

Zenone; in eos qui alio modo à Justiniano. Quid à Zenone cautum fuerit exponitur *inf. tit. Inst. de excep.* §. 10. nimur ut aduersus eum qui ante tempus petiit duplicentur inducias temporis, & ut his finitis non ante reus actionem suspicere cogatur quam impensæ prioris litis ei fuerint refusæ. Constitutio ipsa desideratur. Epitomen ejus ex Basilicis eruit Cujac. lib. 12. obs. 21. Adversus ceteros Justinianus hanc poenam se statuere ait, ut si quid ex pluris petitione damni senserit aduersarius, id petitor triplo compenset. Justiniani quoque hæc constitutio intercidit, & ideo multa hic nobis incerta relinquuntur. Refert se hic ad §. 24. sup. hoc tit. ubi nominatim agit de eo qui majorem debitam quantitatem petit, idque dolo malo ut viatores majores exigenter sporulas; hic autem loquitur, ut videatur velle poenam tripli etiam extra causam dolii obtinere, eademque poenâ mulctari eos quoque qui loco & causâ plus petunt, ut hic tripletur omne damnum quod reo per causam injusta petitionis illatum est.

3. In toto Belgio, Gallia, aliisque regionibus eo nunc jure utuntur, ut si quantitate aut summâ plus petitum sit non dolo malo puta, pro quinquaginta, quæ liquido debentur, centum: reus si nihil obtulerit condemnetur in omnes litis expensas; idque propter moram, cum partem quam se debere non ignorabat offerre debuerit. Si vero reus partem debitam offerat, actor in lite perseverans reo in expensas condemnatur. Quod si certum corpus, quod nostri speciem Philosophi individuum appellant, petitum sit, veluti fundus, & pars injuste possessa non offeratur: impensæ, quasi in mutua victoria, compensantur. Idemque est si debitum non sit liquidum; nam tunc debitori imputari non potest quod certain quantitatem non offerat. Si loco plus petatur, ita absolvitur reus ut salvum ius actori maneat conveniendi reum in loco constituto, & in expensas illius instantiæ actor condemnatur, juxta l. 13. §. 6. C. *dejudic.* Idem est si ante tempus agatur, aut si quod sub disjunctione deberetur petatur simpliciter. Nam & hic solet judex reum ab observatione judicij absolvere cum expensis, salva facultate actori conveniendi reum cum dies venerit, vel petendi disjunctum quod simpliciter petitum fuerat. Rebuff. *ad constit. Reg. proœm. tom. 1. n. 53.* Imbert. lib. 2. *Inst. forens. cap. 151.* Papon. lib. 8. tit. 1. *arrest. 2.* C. 3. Ant. Fab. C. *sup. de plus pet. defin. unic.* Tuld. & Perez C. *eod. Christin. vol. 1. decis.*

Tom. II.

266. C. *vol. 2. decis. 157.* ubi plures alleg. add. Cov. lib. 1. *var. res. cap. 2. n. 5.* Menoch. *de arb. jud. lib. 2. cent. 2. cas. 177.* ubi late tractat quæ sit justa litigandi causa, ut in lite succumbens excusetur ab expensis. Vinn. In praxi neutra prædictarum constitutionum Zenonis, aut Justiniani observatur, quo tolerabilius earum jactura est. Et licet *lege 42. cum seq. tit. 2. Part. 3.* statutum sit plus repetentem non cadere causâ, sed in expensis plus petitionis condemnandum: plus loco aut causâ, ad interesse debitori obligari; aduersus vero plus tempore repetentem duplicari temporis inducias: quibus legg. congruere videntur *leges 8. & 9. tit. 21. lib. 4. Recop.* hodiernus tamen usus non nihil à prædictis legibus recedit. Aceved. *ad d. leg. 9.* Itaque eodem jure utimur quod de aliis Europæ regionibus tradit Vinnius, eamque ob causam integrum locum retinimus. ADDIT.

TEXTUS.

De minoris summæ petitione.

34. *Si minus intentione sua complexus fuerit affor quam ad eum pertineat, veluti si cum ei decem aurei deberentur quinque sibi dare oportere intenderit; aut si cum totus fundus ejus esset partem dimidiā suam esse petierit, sine periculo agit; in reliquum enim nibilominus judex aduersarium eodem judicio ei condemnat ex constitutione divæ memoria Zenonis.*

COMMENTARIUS.

Minus non quatuor modis, ut plus, sed uno tantum, nempe re, petitur, ut exempla hic proposita declarant. Ac de loco quidem & causa manifestum est; de tempore verò dubitari posset. Nam si tempore & plus peti & minus solvi potest, ut superius diximus: videtur etiam & minus peti & plus solvi eodem modo posse. Sane si plus petit qui ante tempus petit, plus etiam solvit qui ante tempus solvit. Quin etiam dialectica ratione disputari posset, si minus solvit qui post tempus solvit, minus etiam petere qui post tempus petit. Sed hæc locutio neque in communem sermonis consuetudinem, neque in usum fori & judiciorum cadit; quoniam neque quidquam nisi post tempus exactum debetur; & id ipsum nonnumquam longo post intervallo petitur.

Sine periculo agit.] Qui minus petit quam si bi debetur, etsi non tantum petit quantum

Ccc

de-

debetur, petit tamen quod sibi vere debetur; & quia minus petendo nulla sit reo injuria, ideo nulla quoque hujus petitionis poena est; licetque actori comperto errore suo actionem postea mutare & totum quod debetur petere. Nam & alias cuiilibet liberum est ab initio actionem dividere, partemque petere salvo jure reliquum postea petendi.

Eodem judicio] Quomodo hoc accipiendum sit videbimus §. seq.

Ex constitutione Zenonis] Epitome constitutionis Zenoniana qua Justinianus ait potestatem judicii permitti in casu proposito etiam in reliquum quod sibi apparebit deberi reum eodem judicio petenti condemnare, prodita est à Cujacio lib. 12. obs. 21. quæ novis in editionibus est, l. 1. C. de plus pet. Constitutionem ipsam non habemus.

TEXTUS.

Si aliud pro alio petatur.

35. *Si quis aliud pro alio intenderit, nibil eum periclitari placet, sed in eodem judicio cognita veritate errorem suum corrigere ei permittitur: veluti si is qui hominem Stichum petere deberet Erotem petierit; aut si quis ex testamento dari sibi oportere intenderit quod ex stipulatu debetur.*

COMMENTARIUS.

- 1. *Quid sit emendare actionem, quid mutare.*
- 2. *Quamdiu emendare vel mutare actionem liceat.*

S I quis aliud pro alio petat] Qui aliud pro alio petit, puta pro Sticho Erotem, constat eum non petere quod debetur, & tamen placet nec hanc petitionem ei nocere quominus cognita veritate errorem suum, & quidem eodem item judicio corrigere possit. Idemque placet si quis ex alia causa petat quam ex qua debetur, puta ex testamento cum debeatur ex stipulatu: quo casu cum idem petatur ex alia tantum causa, nequaquam dici potest quod Theophil. scribit, etiam hic aliud pro alio peti; & magis est ut dicamus Justinianum plus sensisse quam scripsisse. Illud semper tenendum est, sumtus litis quos ob vitium petitionis reus facere coactus fuit actorem ei reddere oportere.

I. Errorem suum corrigere] Potest igitur actionem semel edita postea corrigi aut mutari. Idque etiam jure veteri obtinuit. Extat de ea

re constitutio Severi & Antonini in hæc verba: *Edita actio speciem futuræ litis demonstrat, quam emendari aut mutari licet, prout edicti perpetui monet auctoritas, vel jus redditus decernit æquitas, l. 3. C. de edend.* Emendatur actionem cum mendum vel error tollitur, aut defectus suppletur, salva manente principali substantia conclusionis. Mutatur, cum repudiata vetere instituitur nova, veluti si actor aliud pro alio, aut idem ex alia causa petere instituat. Perez *Cod. de edend. n. 7.* Sed adjecta sunt rescripto duas conditiones, dum ita fiat ut edicti perpetui monet auctoritas, & ita ut jus dicentis decernit æquitas. Edicti perpetui monitio hæc, ut edatur actio quamcumque quis experiri velit; proinde si quis novâ experiatur etiam hanc edi oportet, novumque reo spatium ad deliberandum dari, cedere an contendere malit, l. 1. *de edend.* Jus dicentis æquitas hoc exigit, ut emendatio illa sive mutatio sine damno adversarii fiat; ideoque qui temere adversarium suum in jus vocavit, is ei viatica & sumtus prioris litis reddere tenetur, l. 79. *de judic.* Don. in d. l. 3. C. de edend. n. 3. & seqq. D. Perez d. loc.

2. Illud queritur, quamdiu actionem editam emendare vel mutare liceat: utrum ante litem contestatam tantum, an vero etiam postea. Ego puto jus actori & nunc esse & olim fuisse actionem emendandi vel mutandi non solum ante, de quo inter omnes convenit, sed etiam (quod plerique negant respectu mutationis) post litem contestatam, per l. 32. *de neg. gest.* l. 57. §. 1. *de cond. ind.* l. 4. §. ult. *de nox. aff.* l. 18. §. 1. *unde vi.* Eaque haud dubie est etiam sententia Imperatorum in d. l. 3. C. de edend. & Justiniani bīc. Ceterum jure veteri eo casu opus erat alio judicio novaque interpellatione, l. 23. *de judic.* l. 18. *comm. div.* Jure autem novo actori etiam post litem contestatam permittitur corrigere errorem suum & mutare libellum petitionis in eodem judicio, ut hic diserte cautum est. Don, ubi sup. n. 17. Perez d. loc. n. 7. quamquam existimo his verbis non tam judicii unitatem denotari, quam negotii apud eundem judicem sine nova in jus vocatione continuationem: ut in hoc saltē novum jus distet ab antiquo quo nova interpellatio desiderabatur, & prætor de integro adeundus erat ut aliud judicium daret. Sane non video quomodo aliqui recte defendi possit idem judicium ibi esse ubi nova litis exiguntur contestatio. Quod quidem negari non potest. Nam si

si reus post novam actionem editam & indicias ad liberandum denuo concessas ad contradicendum venerit, utique contradictione sua novam item facit: ut etiam disserit Bachovius sic. Interpretum in l. 3. C. de edend. & ad hunc §. communis sententia est libellum quidem emendari posse usque ad sententiam definitivam, mutari autem non posse nisi usque ad item contestatum; atque adeo ne partium quidem consensu; quoniam litis contestatio & alii actus substantiales judicij partium consensu tolli non possunt. VNN. Quæ sententia usu quoque forensi recepta est. Cur. Philip. part. I. §. 11. n. 19. ADDIT.

TEXTUS.

Divisio sexta. De peculio.

36. Sunt præterea quedam actiones quibus non semper solidum quod nobis debetur persequimur, sed modo solidum persequemur modo minus. Ut ecce, si in peculium filii servire agamus. Nam si non minus in peculio sit quam persequimur, in solidum dominus patrue condemnatur; si vero minus inveniatur, eatenus condemnat judex quatenus in peculio. Quemadmodum autem peculium intelligi debeat suo ardine proponemus.

COMMENTARIUS.

Redit hic Imperator ad institutum quod interruptus §. 32. hoc tit. proponitque ad extremum adhuc unam divisionem quæ ad effectum actionis pertinet; & declarat quantum ex unaquaque actione separare liceat. Divisio hæc est, quod quedam sunt actiones quibus solidum quod nobis debetur consequimur; quedam quibus modo solidum modo minus. Quomodo semper solidum consequamur aut peculium facit, cuius ad modum actio constituta est: quod explicatur hoc §. aut beneficium reo tributum ut in id tantum teneatur quod facere potest: cuius generis actiones quedam proferuntur §§. seqq. & ult. aut mutua creditoris obligatio: de quo §. seq. vers. propter retentionem, & §. pen. eod.

Si in peculium filii servire] De peculio actione proposita est ex contractu filiorum familiæ & servorum adversus patrem & dominum, §. 10. sup. hoc tit. Hac actione non semper solidum consequimur; quia adjectio illa de peculio significat constitutam illam esse quatenus est in peculio, ut siquidem non mi-

nus sit quam persequimur in solidum dominus & pater condemnatur; si vero minus inveniatur, quatenus in peculio sit, d. §. 10. & §. 4. tit. seq. Quid in peculio servi filii habendum, item de quo peculio actio adversus patrem constituta ex contractu filii alibi expositum est.

TEXTUS.

De repetitione dotis.

37. Item si de dote in judicio mulier agat, placet eatenus maritum condemnari debere quatenus facere possit, id est quatenus facultates ejus patiuntur. Itaque si dotis quantitatibus concurrent facultates ejus, in solidum damnatur; sin minus, in tantum quantum facere potest. Propter retentionem quoque dotis repetitis minuitur. Nam ob impensas in res dotales factas marito quasi retentio concessa est; quia ipso jure necessariis sumatibus dotis minuitur, sicut ex latioribus Digestorum libris cognoscere licet.

L. 32. in fin. tit. II. Part. 4.

COMMENTARIUS.

- 1 Beneficium competentiae quibus quas ob causas detur.
- 2 Quibus personis preter maritum in causa dotis idem beneficium tribuatur.
- 3 Rei dotalis retentio quibus ex causis marito olim concessa; & quid hic novi à Justiniano.
- 4 Ex quibus causis reo detur retentio extra causam dotis.

1. **S**unt quedam personæ quibus humanitatis causâ tributum est ut ne conveniantur in solidum, sed in id tantum quod facere possunt: quod beneficium vulgo vocant privilegium & exceptionem competentiae. Tribuitur hoc beneficium partim ob causam ex qua agitur, partim ob personam rei cum qua agitur. Ob causam, soli donatori ex causa donationis convento, §. seq. in fin. ob personam rei variè: ob necessitudinem & conjunctionem personarum, unde parenti, liberis, fratribus, marito, uxori, sociis &c. ob solam reverentiam reo debitam, unde patrono: ob meritum in Remp. unde militi qui sub armata militia stipendia meret, II. 6. & 18. de re jud. denique ob solam commiserationem, unde ei qui bonis suis cessit tribuitur, §. ult. inf. hoc tit. & interdum filio emancipato, l. 2. CCC 2 quod

quod cum eo qui in al. pot. l. 49. de re jud.

2. Si de dote mulier agat] Eleganter Theod. Hermop. ad l. 173. de reg. jur. Λιτόνεται ρήμα παρέποντας δένει τῇ χρήσει καὶ περιέχει εὐγένειαν τῷ τε θεῷ, πάτρος ἀπογονίας τοι τὸν αἰδηπά. Ruduit legistatem ei que beri nudiusve tertius consors omnis vita fuit facultatem dare spoliandi maritum rebus omnibus. Non autem marito tantum adversus uxorem sed etiam uxori adversus maritum hic honos habetur, ut non ultra facultates damnetur. Idem tribuitur & patri inariti seu uxoris socero de dote convento, ll. 17. 20. Θ 21. de re jud. l. 15. in fin. Θ l. seq. solut. matr. Et ex diverso idem quoque honos habetur patri uxoris si ex promissione dotis à genero conveniatur, l. 17. solut. matr. nisi jam dissolutum sit matrimonium, l. 21. cum l. seq. de re jud. Quod autem ait, si de dote mulier agat, exempli tantum causā dicitur. Nam non solum maritus cum ex causa dotis ab uxore convenitur hoc beneficium habet, sed etiam cum ex aliis contractibus, d. l. 20. de re jud. nisi soluto matrimonio contraxerit cum ea quæ olim uxor fuit, l. 35. de neg. gest. VENN. Atque hoc jure etiam nunc utimur. ADD. T.

Propter retentionem] Diximus mutuam creditoris ejusdemque actoris obligationem etiam nonnumquam efficere ne reus in solidum condemnetur. Id consequitur non tantum per compensationem proprie dictam, cum quantitates utrimque debita compensantur, de quo §. pen. inf. hoc tit. sed interdum etiam per retentionem, cum fundus aut alia species ab eo petitur, & vicissim actor ei pecuniam debet.

3. In causa dotis tribuebatur olim marito variis de causis rei dotalis retentio ob res uxori ab ipso daonatas, ob res ab uxore amotas, propter liberos, ob impensas in rem dotalem factas, non modo necessarias sed etiam miles. Justinianus autem sublata ex omni alia causa retentione solam reliquit eam cuius hic fit mentio, nempe quæ fit ob impensas necessarias, l. un. §. 5. C. de rei ux. atq. Qualis hæc fuerit retentio & quæ sint istæ impensæ cognosce ex lege §. de imp. in rem. dot. l. 56. §. ult. dejur. dot.

4. Extra causam dotis retentio reo tribuitur ex his &c. similibus causis; si rem quæ petitur alii pignori obligatam pecuniâ sua liberaverit, l. 1. quib. mod. pign. solv. si pignus in aliquam summam nominatim accepturn pro alia summa quam eidem postea sine pignore credidit retineat, l. un. C. etiam ob chir. pec. pign. ten. Item si in rem alienam quæ petitur

sumptus fecerit, secundum distinctionem alibi traditam, Vid. ll. 38. Θ 48. de rei vind. l. 33. de cond. ind. §. 30. cum aliquot seqq. Inst. sup. de rer. div. Materiam retentionis distincte tractat Joann. Fab. in d. l. un. C. etiam ob chir. pec. & Costal. in l. 18. §. 2. commod. Add. Papon. lib. 6. art. 4. ar. 21. Rebuff. ad legem 117. de verb. signa.

TEXTUS.

De actione adversus parentem, patrōnum, socium, & donatorem.

38. Sed Θ si quis cum parente suo patrono ve agat, item si socius cum socio iudicio societatis agat: non plus actione consequitur quam adversarius ejus facere potest. Idem est si quis ex donatione sua conveniatur.

L. 15. tit. 10. l. 4. tit. 4. Part. 5.

COMMENTARIUS.

Cum parente suo patrono) L. 16. Θ seq. de re jud. Parenti hoc tributum cum propter conjunctionem, tum propriæ reverentiam quam parenti liberi debent; ac proinde & matri itidem concedendum. Gutier. 2. pratt. quest. 28. n. 2. Patrono datur ob solam reverentiam quam ei debet libertus, l. 9. de obs. par. Θ patr. Addunt & hanc rationem DD. quod filius & libertus parentum & patronum inopem alere teneantur. Unde ex contrario quoque statuunt, nec liberos à parente ultra quam facere queunt conveniri posse. S. d & liberis & parentibus patroni idem beneficium datum est, l. 17. de re jud. VENN. Rationem cur patrono idem beneficium tributatur quod parenti jam supra vidimus, quia scilicet liberto loco parentis erat. Vid. supra tit. Inst. de succes. libert. & add. Laclant. Inst. div. IV. 3. HEIN.

Item si socius cum socio iudicio societatis] Igitur socio omnium bonorum semper & omnimodo hoc beneficium competit, ut parenti, patrono, conjugi, d. l. 16. Non omnium bonorum socio cum convenitur iudicio societatis, l. 63. in pr. pro soc. Quo loco etiam indicatur ratio ob quam placet socium hoc privilegio frui, nimis quia socii inter se quodammodo fratres sunt. Quod si sociis ob imaginem fraternitatis hoc privilegium indulsum, multo magis veris fratribus idem conceendum; cum etiam frater fratri inopi alimenta de-

debeat. Thesaur. *decit.* 119. Christin. *vol. 3.* *decis.* 143. *n. 2.* D. Tuld. *comm. hoc tit. cap. 29.* Plane non alias socius hoc beneficio juriatur, quam si confiteatur se socium esse; negantem se socium, placet in solidum condemnari, *l. 67. in fn. pro soc. l. 22. §. 1.* de re jud. Nostris & Gallorum moribus nulla fraternitas inter socios habetur ratio sed sola spectatur rerum communio, conventique in solidum condemnatur. Gothofsc. in *l. 18. de re jud.* Groenew. *de legg. abrog. bīc.*

Ex donatione] Is quoque qui ex liberalitate sua convenitur in id tantum quod facere potest condemnatur, *l. 28. dereg. jur.* & qui-
dem is solus deducto ære alieno, *l. 19. §. 1.* de re jud. Pinguis enim donatori succurrere debemus quam qui verum debitum solvere compellitur; ne liberalitate sua inops fieri periclitetur, *l. 49. cum seq. eod.*

TEXTUS.

De compensationibus.

39. Compensationes quoque oppositæ plerumque efficiunt ut minus quisque consequatur quam ei debeatur. Nam ex bono & aequo, habita ratione ejus quod invicem alterum ex eadem causa præstare oportet poterit judex in reliquum eum cum quo actum est condemnare, sicut jam dictum est.

L. 20. tit. 14. Part. 5.

COMMENTARIUS.

ETiam per compensationem reus consequitur ne in solidum damnetur. Compensatio tunc proprie est, cum res quæ pondere numero mensurâ constant utrinque debentur, ut ostendimus ad §. 30. sup. *hoc tit.*

Compensationes oppositæ] Etsi compensatio ipso jure actionem minuit, tamen in judicio opponenda & alleganda est, ut judex sciat esse quod vicissim debeatur, ejusque in condemnatione rationem habeat. Hæc vero allegatio proprie exceptio non est, sed nuda defensio, quam DD. vulgo exceptionem intentionis & facti nominant: qualis est, si quis se solvisse aut sibi accepto latum dicat: quod latius explicui ad d. §. 30.

Plerunque] Hæc particula forte adjecta est propter causam depositi, vestigium, tributorum &c. in quibus compensationi non est locus, *ll. 3, & ult. C. de compens.* Fortassis

etiam quia liquidi tantum cum liquido compensatio admissa; quod autem ex causa non liquida compensandi gratiâ objicitur alii judicio reservandum, nisi initio litis per modum exceptionis objiciatur, *d. §. 30. hoc tit. l. ult. C. de compens.*

Ex eadem causa] Hæc verba Theophilus non agnoscit. Et sane etiam quod ex diversa causa debetur compensari posse constat: *passim tit. ff. & C. de compens.* Paul. 2. sent. 5.

TEXTUS.

De eo qui bonis cessit.

40. Cum eo quoque qui creditoribus suis bonis cessit, si postea aliquid adquisierit quod idoneum emolumumentum habeat, ex integrō in id quod facere potest creditores experiuntur. Inbumanum enim erat spoliatum fortunis suis in solidum dannari.

L. 3. tit. 15. Part. 5.

COMMENTARIUS.

- 1 Quid sit facere posse; & quid hoc reo retribuat.
2 Quibus rebus deductis id aestimeretur.
3 Quale sit hoc beneficium; persona an rei cibarens.

HIC iterum proponitur species ubi beneficium reo datum facit ut actor solidum non semper consequatur. Omnis debitor qui non habet exceptionem competentiæ solidum quod debet solvere compellitur; si nequit, in carcere ire volente creditore cogitur, nisi bonis cedere malit, *l. 1. C. qui bon. ced.* nam bonorum cessione poenam carceris evitare potest: utique si sua non malo more amisit prodegit aut fraudulenter alienavit, *l. 51. de re jud. l. 63. §. 7. pro soc. add.* Gomez 2. resol. 11. n. 52. & ad leg. Taur. 79. 2. Ben. Stracch. de merc. tract. de decolorib. part. 3. n. 9. Ceterum non uti carcere ira & obligatione debitor bonis cedens liberatur; ac proinde si postea facultates aliquas quæ modo alicujus momenti sint iterum adquisierit, de novo efficaciter conveniri potest; sed jam ita ut non in solidum quod amplius deberet, sed solum in quantum facere potest damnetur, *ll. 4. 6. & 7. de cess. bon.* Beneficium ei tributum ex sola commiseratione, ut in extremo hujus §. indicat Justinianus. De materia cessionis late disputare non est hujus loci: vi-

dendi DD. ad titt. ff. & C. eò pertinentes, Schneid. hic Damhoud. prax. civ. cap. 70. Petr. Greg. 22. synt. 8. & aliquot seqq. Afflct. decis. 348. & seq. Thesaur. decis. 36. & 182. Christin. vol. 4. decis. 123. ubi plurimos citat qui ex professo hanc materiam tractant.

1. Ceterum antequam hic abeamus quærendum est, quale sit hoc beneficium quod competentia vocant & cujus toties jam facta mentio. Id autem planum fiet si cognoverimus quid sit facere posse, quibus rebus & unde deductis id æstimandum, sitne beneficium personæ an causæ. Facere posse civilis ratione hic dicitur qui de suo præstare potest honeste deducto videlicet prius eo quod illi satis sit ad victimum quotidianum & alimenta, l. 19. in fin. l. 30. de re jud. l. 6. de cess. bun. l. 173. de reg. jur. &c in eo tempus rei judicatae spectatur, l. 15. solut. matrim. Non modo igitur quibus hoc beneficium competit si solvendo non sunt in carcerem detrudi non possunt, aut cogi ut bonis cedant, sed ne totum quidem quod habent iis extorquendum, ne aut turpiter mendicare, aut malis artibus victimum querere cogantur. Sed & in definiendo victu & alimentis ratio dignitatis vel conditionis personarum habendas; cum lauatori cibo nobilem vesci quam rusticum oporteat, & aliis illi quam huic cultus corporis conveniat. De quo Tiraq. de nobilitate cap. 20. n. 143. & seq. Coler. de process. part. 2. cap. 3. n. 115. & seq. Utrumque contra est cum hoc beneficium cessat; quippe omnium actionum sine hoc beneficio hæc conditio est, ut quamvis reus solvendo non sit solidum tamen præstare compellatur; aut de suo, aut si id non potest, aliunde unde solvat sumere; aut postulante creditore in carcerem ire, nisi paratus sit bonis cedere, l. 1. C. qui bon. cred. Atque ut creditor parcat carceri, omne tamen quod habet condemnato auferre potest, ut nihil ei ne ad victimum quidem relinquatur: de quo vide Christin. vol. 4. decis. 123. n. 15. & ibi allegata.

2. Hoc quod ita quemque facere posse dicimus, aliter in donatore æstimatur, aliter in ceteris. In donatore deducto ære alieno, in ceteris etiam non deducto; pinguius enim

donatori succurri placuit quam veris debitoribus, l. 16. l. 19. in pr. & §. 1. l. 49. de re jud. l. 12. de donat. Inter eosquibus ex simili causa debetur occupantis conditio melior; nec deducitur quod ejusdem conditionis hominibus debetur, d.l. 19. ubi vide Don. Denique si actor eadem paupertate qua reus prematur, non juvabitur reus hoc privilegio; quoniam in pari momento miserationis præponderat rigor juris, magisque debitorem quam creditorem agere convenient. Zas. ad l. 12. & seqq. solut. matrim. n. 20. Coler. part. 2. cap. 3. n. 121. D. Tuld. comm. in bunc tit. cap. 19.

3. Beneficium hoc personale est, non causæ sed personæ cohærens; & ideo nec in heredem transit, præterquam quod in actione dotti datur filiis mulieris qui patri heredes extiterunt, l. 12. & seq. l. 18. solut. matrim. l. 24. & seq. de re jud. Add. Petr. Fabr. ad l. 28. de reg. jur. Gomez in leg. Tauri 50. & 30. seqq. n. 49. Neque fidejussori tribuitur, quamvis ita fiat ut nec debitori hoc beneficium prospicit; quippe cum fidejussor totum quod præstitit à reo principali repeteret possit, l. 24. de re judic. Neque hoc iniquum aut absurdum est; quoniam relatio quæ est inter creditorem & debitorem principalem & propter quam beneficium tribuitur, non est inter creditorem & fidejussorem, nec rursus inter hunc & debitorem principalem. Quid quod debitor dando fidejussorem tacite exceptioni competentia renuntiare videtur? utique enim hoc agimus fidejussorem accipientes ut in omnem eventum nobis caatum sit, §. ult. Inst. inf. de replicat. Licit autem jure novo reus principalis prius conveniri & excuti debeat quam ad fidejussores perveniatur; tamen quod creditor à reo consequi non potuit recte exiget à fidejussore; quoniam eodem jure non electione & litis contestatione, sed demum solutione obligatio perimitur, l. ult. C. de fidejussor. Don. ad d. l. 24. de re jud. Bachov. hic, fuse Hering. de fidejussor. cap. 27. part. 4. n. 80. & seqq. Alia causa est defensoris, cuius in omnibus rebus eadem causa esse debet quæ domini foret si cum ipso ageretur, l. 14. solut. matr. l. 63. §. 1. pro soc. l. 51. §. 1. de proc.

TITULUS VII.

QUOD CUM EO QUI IN ALIENA POTESTATE EST
NEGOTIUM GESTUM ESSE DICITUR.*Dig. lib. 14. tit. 5. Cod. lib. 4. tit. 16.**Continuatio & summa tituli.*

Jure civili nemo ex contractu alterius obligatur, ne is quidem qui contrahentem in potestate habet, §. 10. tit. præc. Nam etsi jus potestatis facit ut servus domino filius patri obligationem & actionem adquirant: non efficit tamen ex contrario ut pater & dominus ex contractu filii aut servi obligentur, atque alteri actio adversus eos adquiratur. Ceterum hunc juris rigorem quibusdam in casibus prætor ex æquitate relaxavit, introductis certis actionibus, vel potius actionum qualitatibus, quibus dominus & pater ex contractibus filii aut servi conveniri possunt. Hujus generis sex hoc tit. proponuntur: quod jussu, exercitoria, institoria, tributoria, de peculio, de in rem verso. Sub finem adjicitur casus quo ex contractu filii pater non obligatur, cum ex eadem causa ex contractu servi obligetur dominus.

TEXTUS.

Scopus & nexus.

Quia tamen superius mentionem habuimus de actione qua in peculium filiorum servorumque agitur, opus est ut de bac actione & de ceteris que corundem nomine in parentes dominosve dari solent diligenter admoneamus. Et quia sive cum servis negotium gestum sit sive cum iis qui in potestate parentum sunt eadem fere jura servantur: ne verbosa fiat disputatio, dirigamus sermonem in personam servi dominique, idem intellecturi de liberis quoque & parentibus quorum in potestate sunt. Nam si quid in his propriis servetur separatim ostendemus.

COMMENTARIUS.

Superius mentionem habuimus] §. 10. præc. tit. ubi obiter egit de actione de peculio, quam nunc plenius, ut & ceteras que ex con-

ventionibus filiorum & servorum adversus patrem & dominum dantur, hoc tit. explicat.

Fere eadem jura servantur) Merito adjicit particulam fere. Nam primum servi ipsi ex contractibus civiliter non obligantur, §. 6. Inst. sup. de inut. stip. l. 14. de obl. & aet. filii autem familias obligantur, & cum iis agi tamquam cum patribus fam. potest, l. 32. d. tit. Deinde servus mutuam pecuniam accipiens obligat dominum de peculio: filius ex ea causa patrem de peculio non obligat propter senatusconsultum Macedonianum, §. pen. inf. hoc tit. Præterea si servus fidejussicerit rem pecuniarem non agens, si liberum se mentitus judicium acceperit, compromiserit, jusjurandum detulerit: ex his causis actio de peculio in dominum non datur. Diversum est in filiofamilias, l. 3. §. 5. & seqq. l. 5. §. 2. de pecul. Postremo quia servi peculium simplex est & unius generis, totum in domini à quo profectum est potestate: dominus ex contractu servi sine distinctione tenetur; pater autem non de omni peculio tenetur, sed de eo tantum quod ipse totum in potestate habet, cuiusmodi hodie solum est prefectum: de quo plura scripsimus ad d. §. 10. supr. tit. In ceteris omnibus eadem omnino jura ex negotio gesto cum servis & filiis fam. servantur.

TEXTUS.

De servis, quod jussu.

1. Si igitur jussu domini cum servo negotium gestum erit, in solidum prætor adversus dominum actionem pollicetur; scilicet quia is qui ita contrahit fidem domini sequi videtur.

COMMENTARIUS.

Si jussu domini cum servo negotium gestum est, merito adversus dominum actio quod

quod jussu datur, atque adeo in solidum nam quodammodo cum eo ipso contrahitur qui jubet. Ulp. l. 1. in pr. quod juss. Ait Jurisconsultus quodammodo; vere enim non cum domino qui jussit, sed cum servo contrahit; & alioqui cessaret actio quod jussu, ut accidit cum dominus servi tantum ministerio utitur, ipse autem contrahit: veluti si mutuam pecuniam accepturus eam servo numerari jubeat, quo casu quod jussu non competere sed domino condici scriptum est in leg. ult. quod jussu: fac. l. 14. cum l. seq. de pec. consr. Sic ubi pater in contrahendo filii nudo ministerio utitur ipse solus non filius obligatur, l. 4. C. hoc tit. d. l. ult. quod juss. At si filius jussu patris contraxerit uterque tenetur, pater quod jussu, filius directo, l. pen. eod. l. 3. §. 4. de minorib. Jussum autem domini hic accipere debemus, sive jussurit sive mandaverit sive ratum habuerit aut servi chirographo subscripterit, l. 1. §. 1. 3. 4. T. 6. quod juss. VINN. Jussum autem proprie de patre & domino dicitur, ut mandatum de extra-neis. Nam quia hoc consensu duorum consistit, pater filio non mandat (utpote qui unam cum illo personam constituit) sed jubet: quemadmodum tutor auctoritatem curator consensum interponere dicitur. Accurate hæc distingue solebant Veteres. Quomodo *jussum* & *auctoritas* differant docet lex 25. §. 4. ff. de adquir. vel omitt. hered. in qua nihil esse mandandum, contra virium eximium Jac. Gothof. comm. ad l. 29. ff. de reg. jur. alibi ostendimus. Add. Elem. nostra jur. civ. secundum ord. Inst. §. 250. * p. 137. HEIN.

TEXTUS.

De exercitoria & institoria actione.

2. Eadem ratione prætor duas alias in solidum actiones pollicetur, quarum altera exercitoria, altera institoria appellatur. Exercitoria tunc habet locum cum quis servum suum magistrum navi præposuerit, & quid cum eo ejus rei gratiâ cui præpositus erit contractum fuerit. Ideo autem exercitoria vocatur, quia exercitor is appellatur ad quem quotidianus navis questus pertinet. Institoria tunc locum habet cum quis tabernæ forte aut cuilibet negotiacioni servum suum præposuerit, & quid cum eo ejus rei cau-sâ cui præpositus erit contractum fuerit. Ideo autem institoria appellatur, quia qui negotiacionibus præponuntur institores vocantur. Istan tamen duas actiones præter reddit; & si libe-

rum quis hominem aut alienum seruum navi aut taberne aut cuilibet negotiacioni præposuerit; scilicet quia eadem equitatis ratio etiam eo casu interveniat.

L. 7. tit. 21. Part. 4.

NOTA.

2. Cum quis taberna hic est *épyrastigios*, statio, officina, Gloss. iuris, taberna, *épyrastigios*. Hinc tabernarius, l. 5. §. 7. de inst. act. id est, *épyrastigios*. Gloss. Gr. Lat.

COMMENTARIUS.

1. Cum magistro & institore ipso etiam directe agi posse.
2. Si plures exerceant singulos in solidum teneri.
3. Exercitores non babere actionem adversus contrabentes cum magistro aut institore.
4. In contractibus cum præpositis ineundis diligenter observandam legem præpositionis: ubi multa notabilia.

SI quid cum servo quem dominus magistrum navi præposuit contractum sit ejus rei causâ cui præpositus est, ad eam rem aetio adversus dominum edicto prætoris constituta est, quæ exercitoria appellatur, titt. ff. & C. de exercit. aff. Similiter si quid cum servo quem dominus taberna aut cuilibet alii negotiacioni præfecit ejus rei gratiâ gestum sit, in dominum eo nomine actionem prætor pollicetur, quæ dicitur institoria, titt. ff. C. de inst. aff. Illa à præponente qui exercitor dicitur nominata est; hæc à præposito seu institore propter commoditatem sermonis. Utraque eamdem equitatis rationem habet quam superior illa quod jussu, nimis quia voluntate domini negotium gestum, ac proinde cum eo ipso quodammodo contractum intelligitur, §. ult. inf. hoc tit. l. 29. de reb. cred. unde merito etiam in solidum utraque proposita est.

Ad quem quotidianus navis questus] Exercitor dicitur ad quem omnes obventiones & redditus navis pertinent, sive is dominus navis sit, sive à domino navem per aversionem conduxit, l. 1. §. 15. de exerc. aff. Magistrum autem navis accipere debemus cui totius navis cura mandata est, maxime quidem cui ab exercitore, sed tamen etiam cui à magistro, d. l. 1. §. 1. junct. §. 5. ubi etiam ratio hujus rei redditur.

Institores vocantur] Institor auctore Ulpiano,

no ex eo appellatus est quod negotio gerendo iuster; nec multum refert, inquit, tabernæ sit præpositus an cuilibet alii negotiationi, *l. 3. de inst. att.* puta rebus emendis, locandis, permutandis, ut declarant exempla legis *s. eod.* Quamvis autem procurator qui mutuis accipiendis pecuniis præpositus est proprius institutor non sit, placet tamen adversum eum qui præposuit utilem ad exemplum institutoriæ actionem dari, *l. pen. ff. eod. l. 5. C. eod.*

Et si liberum quis bominem] L. 1. §. 4. de exerc. att. l. 7. §. 1. & 2. l. 8. de inst. att. quibus locis traditur nihil interesse cujus conditionis sit qui navi aut tabernæ præponitur, masculus an foemina, paterfam. an filiusfam. pupillus an adultus aut ætate major: homo liber an servus præponentis, an alienus. Ex converso quoque parvi referre traditum est quis præposuerit, *d. l. 1. §. 16. d. l. 7. §. 1. l. 2. & ult. C. eod.* Nam & si is qui in potestate aliena est ejus voluntate navem aut tabernam exerceat, & quid cum eo quem magisterio navis aut tabernæ præposuit gestum sit, in eum cujus in potestate est judicium datur, *d. l. 1. §. 16. de exerc. att.* & si mulier sit quæ navem aut tabernam exerceat, tenebitur & ipsa ex contractu eorum quos præposuit; nec juvabitur senatusconsulto, quoniam in obligationibus principalibus viro comparatur, *d. l. 1. §. 16. de exerc. d. l. 7. §. 1. ff. de inst. att. l. 4. C. eod.* nec sunt contractus hujusmodi alieni, sed ipsius mulieris. Græci in Basiliæ. *53. ὅτε γαγ ἀπορίᾳ εἰσὶ τὰυτα συναλλάγματα, ἀλλ᾽ ἀντὶ τῆς γυναικός (neque enim alieni sunt ii contractus sed ipsius mulieris.)* Enimvero pupillus ex præpositione ut obligetur necessaria est tutoris auctoritas, *d. l. 1. §. 16. l. 9. de inst. att.*

Eadem æquitatis ratio) Condicio personæ præpositi non debuit impedire humanitatem prætoris. Nam sive servus sive homo liber administrationi alicui præponatur, semper is qui eum præponit eo animo esse intelligitur ut velit in ea administratione factum præpositi præstare, ne courahentes qui præponentis magis quam præpositi fidem sequuntur decipiantur; estque hoc æquissimum ut quorum ex contractu commoda publice percipimus eorum quoque in eadem causa facta agnoscamus, *l. 1. in pr. § 2. & 4. de exerc. att. l. 1. de inst. att.* Quamquam summo jure hæ causæ ad actionem adversus alium quam cum quo revera contractum est adquirendam non sufficiunt.

x. Plane cum queritur adversus quem a-
Tom. II.

ctio detur, interest homo liber an servus sit cum quo ut magistro aut institore contractum est. Nam servus ex contractu civiliter non obligatur, neque judicio agi cum eo potest, *l. 6. C. dejud. l. 14 ff. de obl. & att. & ideo solus dominus hic convenientius est actione exercitoria. Si liber sit uterque tenetur, & qui præposuit & qui præpositus est; habetque creditor electionem utrum cum magistro aut institore directo agere, an cum iis qui eos præposuerunt exercitoria aut institoria experiri velit, l. 1. §. 17. & §. pen de exerc. att. l. 6. §. ult. naut. caup. stab. Nec obstat lex ult. de inst. att. ex qua quidam adstruxerunt institores ipsos ex negotio institorio nomine gesto non teneri nec conveniri posse; nam, ut recte plerique respondent, non proponitur in specie *d. l. ult.* institutor qui cum aliquo contraxit aut se institorio nomine obligavit, sed qui tantum professus est, esse penes mensam præponentis certam summam pecuniae: ex cuiusmodi nuda scriptione ad fidem mensæ protestandam, mirum non est, si post mortem præponentis conveniri non possit. Costal, *in d. l. ult. & ad l. 1. §. 17. de exerc. att.* ubi tamen refert aliud placuisse Curiæ Parisiensi, eamque censuisse institores non recte conveniri ex iis contractibus quos nomine institorio inierunt, sed in dominos actionem esse intendantam, nisi domini eos qui pro se gesserunt pro institoribus non haberent. Vinn. Quæ sententia probatur expresso textu legis *7. tit. 1. part. 5.* & praxi recepta est, teste Joann. Hevia Bolaños in *Cur. Philip. tom. 2. lib. 1. commerc. terrestr. cap. 4. n. 32. & seqq.* ADDIT. Unde Angelus in *lego 9. ait*, quod factores licet mille litteris se scribant debitores, non propterea possunt conveniri, quod videntur scribere factorio nomine. Similia & Decius *cons. 510.**

*2. Si plures navem aut tabernam exerceant, placet singulos in solidum conveniri posse, ne in plures adversarios distingatur qui cum uno contraxerit, *l. 1. §. ult. l. 2. 3. & 4. de exerc. att. l. 13. §. ult. & l. seq. de inst. att.* Vinn. Quod apud nos receptum est, si DD. credimus. Hevia Bolaños *loc. cit. n. 37.* D. Dominguez *ad illius illustr. Hermosilla ad l. 7. tit. 1. part. 5.* Consulendum tamen & ponderandum erit ubium factum evenierit; male enim, inquit Grotius *de jur. bell.* & pac. *lib. 2. cap. 1. n. 13.* Romanis legibus introducendum est ex facto magistri navis singulos exercitores in solidum teneri; nam hoc nec naturali æquitati convenit, quæ satis habet si pro suis*

suis singuli partibus convenientur; nec publice utile est; abserrentur enim homines ab exercendis navibus si metuant ne ex facto magistri quasi in infinitum teneantur. Atque a deo apud Hollandos, ubi mercatura jam pri dem & vel maxime viget, lex illa Romana nec nunc servatur nec olim servata est. Porro cum nulla lege patria lex Romana confirmata sit, Doctorum auctoritatem publicae cedere utilitati non alienum esse reputamus. Vid. Groeneweg. *de legg. abrog. bīc.* ADDIT.

3. An igitur & ex contrario navem aut tabernam exercenti actio constituta est adversus eos qui cum magistro aut institutore contrixerunt? Minime. Neque enim eodem auxilio indigent; cum actione ordinaria, puta mandati, locati, negotiorum gestorum cum magistro aut institutore agere possint, l. 1. §. 18. *de exerc. act. l. 1. de inst. act.* Plane si ab his rem suam servare nequeant, ex aquitate illis succuri solet etiam contra eos qui cum magistro aut institutore contrixerunt, d. l. 1. §. 18. *de exerc. act. l. 2. de inst. act.* Qui autem magistrum aut institutorem in potestate habet actiones ex contractibus eorum sibi quæsitas exercet. Illud porro animadversione dignum est, quod non ex omni causa ex contractu magistri aut institutoris obligetur qui eos præposuit, sed ex eo dumtaxat negotio quod gestum est ejus rei gratia ad quam præpositi sunt, ut in hoc text. dicitur & exemplis declaratur ab Ulpiano in d. l. 1. §. 7. & seqq. *de exerc. act. l. 5. §. 1. & seqq. de inst. act.*

4. Proinde in contractibus cum institutoribus aliisve officio alicui præpositis ineundis lex & forma præpositionis diligenter observanda est, d. l. 1. §. 12. *de exerc. act. l. 11. §. 5. de inst. act.* adeoque ipsum genus commissionis vel officii expendendum, & persona quoque ejus cum quo contrahitur examinanda, l. 19. *de reg. jur.* Costal. in l. 5. §. 11. *de inst. act.* Quid dicemus si præpositi mutuas pecunias sumserint? Si mandatum habeant de mutuis pecuniis accipiendo res expedita est. Si non habent caute creditoribus agendum. Utique præpositio ad ea quoque extenditur quæ sæpe incidenter & per consequentiam rei principaliter commissæ veniunt. Unde si verbi gratia navis reficienda aut instruenda sit, & magister in eam rem pecuniam mutuetur, actio in exercitorem dabitur; neque creditor adstringetur ad hoc ut ipse curam reficiendæ navis suscipiat probetve pecuniam in refectionem erogatam esse, l. 1. §. 8. l. ult. *de exerc. act.* Ceterum non alias utiliter aget, quam si

concurrent illa omnia quæ exigit Africanus in d. l. ult. & Gloss. & DD. ibid. Summa est, si cum crederetur pecunia navis in ea causa fuerit ut refici deberet: si ea lege credita ut in refectionem navis impenderetur: si creditor sciverit eum cui credit magistrum ei navi præpositum: si non majorem summam credererit quam ad eam rem esset necessaria; postrem si in eo loco credererit ubi id propter quod pecunia creditur comparari potest. Eademque fere dicenda si quis institutori pecuniam credererit & de actione institutoria adversus dominum danda queratur, d. l. ult. §. ult. *de exercit. act. V NN.* Eoque jure etiam hodie utimur. Cur. Philip. tom. 2. lib. 1. cap. 4. n. 31. ADDIT. Ele ganter & prætice Joann. Fab. bīc n. 8. & seq. Foller. ad Marant. part. 4. dist. 22. adde quæ nos ad Petri. Peck. in tit. rei naut. ad d. l. ult. *de exercit. act.*

TEXTUS.

De tributoria.

3. Introduxit & aliam actionem prætor quæ tributoria vocatur. Namque si servus in peculiari merce sciente domino negotietur & quid cum eo ejus rei causâ contractum erit: ita prætor jus dicit, ut quidquid in his mercitus erit, quodquod inde receptum erit, id inter dominum, si quid ei debebitur, & ceteros credidores pro rata portione distribuatur. Et ideo tributoria vocatur, quia ipsi domino distributionem prætor permittit. Nam si quis ex creditoribus queratur quasi minus ei tributum sit quam oportuerit, banc ei actionem accommodat, quæ tributoria appellatur.

COMMENTARIUS.

Proponitur hic quarta actio ex contractu servi in dominum à prætore comparata, quæ tributoria vocatur, id est distributoria sive contributoria. Nam si quid cum servo in peculiari merce sciente domino negotiente contractum sit, jubetur dominus quod ex ea merce & quod eo nomine receptum est aquabiliter inter credidores tribuere seu partiri; in quam partitionem & ipse quoque si quid ei debetur sive mercis nomine sive alia ex causa admittitur, l. 1. & 5. §. 5. & seqq. *de tribut. act.* Si autem dolo malo ejus factum sit quamminus ita tribueretur, tributoria in eum datur, ut quanto minus tributum sit quam debuerit præstet. Itaque hæc actio tantum dolum ma-

Ium domini coēcet, si videlicet malitiose in distribuendo versatus sit, merces penes se retinuerit, aut sciens prudens perire sit passus. Quod si tribuere nolit, potest evitare actionem mercibus cōdendo, l. 7. §. 1. & deinceps eod.

Scienti domino negotietur] Dominus peculium servo concedens hoc ipso etiam jus contrahendi servo concedere intelligitur, l. 1. §. 5. de adq. poss. Ceterum hæc voluntas paulo generalior & aliquanto remotior est à singulis contractibus; qua de causa in actione de peculio estimatio peculii fit deducto eo quod domino debetur, ut audiemus §. seq. At in casu proposito voluntas domini proprius ad negotium accedit; exigitur enim ut saltem non nolit, id est sciat & patiatur servum in mercede peculiari negotiari, l. 1. §. 1. & 2. de trib. act. Et ideo in actione tributoria placet dominum privilegium deductionis non habere, sed aequali jure cum ceteris creditoribus in tributum vocari, d. l. 1. in pr. add. l. 1. §. 20. l. 6. de exercit. act.

TEXTUS.

De peculio & de in rem verso.

4. *Præterea introducta est actio de peculio, deque eo quod in rem domini versum erit, ut quamvis sine voluntate domini negotium gestum erit, tamen sive quid in rem ejus versum fuerit, id totum præstare debeat; sive quid non sit in rem ejus versum, id eatenus præstare debeat quatenus peculium patitur. In rem autem domini versum intelligitur quidquid necessario in rem ejus impenderit servus: veluti si mutuatus pecuniam creditoribus ejus solverit, aut edificia ruentia fulserit, aut familiæ frumentum emerit, vel etiam fundum aut quamlibet aliam rem necessariam mercatus erit. Itaque si ex decem puta aureis quos servus tuus à Titio mutuo accepit creditori tuo quinque aureos solverit, reliquos vero quinque quolibet modo consumserit, pro quinque quidem in solidum damnari debes; pro ceteris vero quinque eatenus quatenus in peculio sit. Ex quo scilicet apparet si roti decem aurei in rem tuam versi fuerint, totos decem aureos Titum consequi posse. Licet enim una sit actio qua de peculio deque eo quod in rem domini versum sit agitur; tamen duas habet condemnationes. Itaque judex apud quem de ea actione agitur ante dispicere solet an in rem domini versum sit; nec aliter ad peculii estimacionem transit quam aut nihil in rem domini ver-*

sum intelligatur, aut non totum. Cum autem queritur quantum in peculio sit, ante deducatur quidquid servus domino erit qui in potestate ejus sit debet; & quod superest id solum peculium intelligitur. Aliando tamen id quod ei debet servus qui in potestate domini sit non deducitur ex peculio: veluti si is in ipsis peculio sit. Quod èò pertinet, at si quid vicario suo servus debeat id ex peculio ejus non deducatur.

COMMENTARIUS.

1 Notatur & refutatur error eorum qui putant actionem de peculio & eam de in rem verso non esse duas distinctas actiones.

PRÆTER superiores quatuor sunt adhuc actiones duæ edicto item prætoris ex contractibus servorum adversus dominum prodicæ, quæ explicantur hoc loco, actio de in rem verso, & actio de peculio: quarum illa ob commodum quod ex contractu servi ad dominum pervenit constituta est; hæc ob domini voluntatem, uti & præcedentes; quamquam non ubique idem genus voluntatis intervenit, & ideo nec quæ hujus generis sunt eundem effectum adversus dominum habent, l. 1. §. 20. in fin. l. 6. de exerc. act. l. 1. per tot. de tribut. act. junct. l. 1. §. 5. de adq. poss.

Et quamvis sine voluntate domini) Actio de peculio dicitur dari ex negotio sine voluntate domini gesto, non quod nulla omnino voluntas domini præcedat (nam, ut s̄p̄ alibi diximus, qui peculium servo concedit hoc ipso ei etiam jus contrahendi tacite permittere intelligitur, per d. l. 1. §. 5. de adq. poss.) sed respectu actionum præcedentium, quæ ut competant requiritur vel voluntas aperta, ut in actione quod jussu exercitoria & institutoria; vel præter generalem concessionem peculii saltem scientia domini & patientia, ut in tributoria; cum de peculio dominus obligetur etiamsi nesciat servum de rebus peculiaribus contrahere. Unde etiam est, quod licet illa quod jussu, item exercitoria & institutoria in solidum dominus teneatur, in tributoria quod sibi debetur non deducat: de peculio tamen non teneatur nisi pro modo peculii, & cum iure deducendi quod ipsi servus debet.

Sive quid in rem ejus versum) Dominus de eo quod servus sine voluntate ejus contraxit, quatenus in rem ejus versum est in solidum tenetur actione de in rem verso; idque sive habeat servus peculium, sive non habeat, aut

non tantum habeat quantum acceptum est.
Nam etiam ubi cessat actio de peculio de in-
rem verso locum habet, *i. e.* in pr. §. 1.
de in rem verso.

Quidquid necessario in rem ejus &c.] Ostendit exemplis quid quando in rem domini versum intelligatur. Et quidem quidquid servus necessario in rem domini impedit, id omne citra controversiam in rem ipsius versum intelligitur, l. 3. §. 1. ll. 5. & 6. eod. Sed tamen & quod utiliter gessit impeditive in eadem causa est, l. 5. §. 2. & passim tot. tit. eod. nisi quod in non necessariis non amplius in rem versum intelligatur quam est verum ipsius rei pretium, cum in necessariis spectetur pretium conventum, d. l. 5. in pr. eod. Ut ergo generaliter dicam, toties de in rem verso actio competit quoties procurator mandati, aut negotiorum gestor negotiorum gestorum actionem habet; quotiesque servus ita impedit ut dominus rem suam aut meliorem haberet aut non deteriorem, d. l. 3. §. 2. Quod vero in voluntariam causam impensum est non videtur versum; nam nec procurator hoc imputaret; & non debet dominus ex onerari quod ipse facturus non esset, d. l. 3. §. 4. Plane impensa honestæ & consuetæ dominum de in rem verso obligant, l. 7. §. 3. de in rem verso.

1. *Licet enim una sit actio*] Ita hoc loco disputat Justinianus, quasi actio de peculio & actio de in rem verso non sint duas distinctas actiones, sed una tantum quae habeat duo capita duasque condonationes. Unde quidam existimaverunt, actionem de in rem verso non esse propriam formulam & per se constantem, sed accessionem & appendicem dunt taxat actionis de peculio institutam & exemptitiam. Proinde creditores qui de in rem verso agere instituit de peculio actionem postulare oportere, ita ut simul illud emblemata de in rem verso adjici postuleat. Hotom. Tuning. hic. Quidam vero actioni de peculio etiam inesse adjectionem de in rem verso, nec actionem de in rem verso per se exerceri nisi cum deficit actio de peculio. D. Cujac. hic, Duar. in *sit. de in rem verso.* Neutri bene meo quidem judicio. Nam, ut ego existimo, actio de in rem verso tam propria & per se constans formula est quam ea de peculio; potestque non tantum cum actio de peculio deficit sola & per se institui, veluti cum peculium servos sine dolo malo ademptum est, aut morte servi peculium extinctum, annusque intra quem de peculio agi poterat finitus; quibus casibus haec

actio etiam necessaria est , l. i. §. i. ll. 14. &
19. in fin. de in rem verso. sed etiam tunc cum si-
mul de peculio competit , §. seq. in fin. & §. ult.
l. i. hoc tit. d.l. i. in pr. de in rem verso. Et cur
tamdem quæso non liceat mihi si velim de in
rem verso seorsum agere , quamvis & de pe-
culio experiri queam? Cum autem simpliciter
de peculio agitur , negatus clausulam il-
lam de in rem verso de peculio actioni in-
esse aut pro adjecta haberet. Aëstimatur qui-
dem tunc quoque quod in rem domini versum
est , sed tamquam servo debitum , ut tanto
plus in peculio esse censeatur : uti docet d.l.
i. §. ult. & d.l. 19. At in condemnatione
seorsum ejus quod versum est ratio non ha-
betur , sed universi peculii , sic ut de toto deducatur
quod servus domino debet : quod se-
cūs est si adjecta fuerit clausula de in rem
verso , ut docemur hoc textu. Et ex contra-
rio si simpliciter de in rem verso actum sit,
peculii nulla ratio habetur , sed ejus tantum
quod in rem versum est. Quid igitur est quod
Justinianus hic ait , unam esse actionem qua
de peculio deque eo quod in rem versum sit
agitur? Nimirum ostendere voluit , non tan-
tum singulis actionibus separatim aut de pe-
culio aut de in rem verso agi posse , sed et-
iam conjunctim unaque actione , ut caput si-
mul utrumque ita ut proponit in judicium
deducatur ; eamque agendi formam esse com-
modissimam , propterea quod tunc utriusque
rei ratio habeatur , & prius dominus damne-
tur in solidum ejus quod in rem ipsius versum
esse probatum fuerit , de quo non deducit
quod sibi debet ; & si illud non sufficiat , tum
porro damnetur quatenus est in peculio , salvo
beneficio deductionis. At seorsum alteram in-
tentata ad alteram ex eadem causa regressus
non datur. per l. 9. §. 1. distrib. & §. seq. hoc tit.

*Ante deducitur quidquid servus dominus &c.
debet] Quemadmodum quod dominus servo
debet peculium auget, l. 17. in fin. de pecul.
ita ex contrario quod servus domino debet
peculium minuit, atque extra peculium reputa
tur, quasi dominus prævenerit & cum servo
egerit. Idem que est si quid servus debeat iis
qui in potestate domini sunt, quoniam hoc
quoque domino debetur, l. 5. §. ult. l. 9. §. 2.
& 3. d. tit. Unum excipitur, si servus ordi
narius quid debeat vicario suo: quod ideo
placet de peculio ordinarii non deduci, quia
ut ipse vicarius ita & peculium ejus in pecu
lio ordinarii est, d.l. 17. Ordinarius vicarii
veluti dominus est, vicarius & & & & & & & &
(servi servus) Gloss. Græc. Lat.*

TEXTUS.

De concursu dictarum actionum.

s. Ceterum dubium non est quin is quoque qui ius domini contraxerit, cuique institoria vel exercitoria actio competit, de peculio deque eo quod in rem domini versum est agere possit. Sed erit stultissimus si omessa actione qua facillime solidum ex contractu consequi possit se ad difficultatem perducat probandi in rem domini versum esse, vel babere servum peculium, & tantum babere ut solidum sibi solvi possit. Is quoque cui tributoria actio competit, aequo de peculio & de in rem verso agere potest. Sed sane huius modo tributoria expedit agere, modo de peculio & de in rem verso. Tributoria ideo expedit agere, quia in ea domini conditio præcipua non est, id est quod domino debetur non deducitur, sed ejusdem juris est dominus cuius & ceteri creditores; at in actione de peculio ante deducitur quod domino debetur, & in id quod reliquum est creditori dominus condemnatur. Rursus de peculio ideo expedit agere quod in hac actione totius peculii ratio habetur; at in tributoria ejus tantum quo negotiatur. Et potest quisque tercia forte parte peculii aut quarta vel etiam minima negotiari, majorem autem partem in prædiis aut fœnib[us] pecunia babere. Prout ergo expedit, ita quisque vel banc actionem vel illam eligere debet. Certe qui potest probare in rem domini versum esse de in rem verso agere debet.

COMMENTARIUS.

Locus hic planus est. Docet ex uno eodemque negotio & contractu servi plures actiones concurrere & simul competere posse: ut ecce, si servus peculium habens negotiationi alicui præpositus sit, & quid in utilitatem domini venterit, locus est & actioni institoria & de peculio & de in rem verso. Cujus rei hac ratio est, quod haec actiones non sunt actiones propriæ & per se constantes, sed tantum actionis ex contractu adjectio[n]es. Exempli gratia, si quid institutor vendiderit pecuniamque in rem domini converterit, una tantum revera actione dominus tenetur, videlicet ex emto; sed trifaria ex ea causa conveniri potest, ex emto institoria, ex emto de peculio, ex emto de in rem verso. Concurrunt vero haec actiones non cumulative, ut loquuntur, ut pluribus vel simul

vel successive ut liceat sed elective, ut licet unam eligere experiundi gratiā; unā autem electa seu in judicium deducta aliæ consumuntur, quoniam omnes ex uno eodemque negotio descendunt, l. 9. §. 1. de trib. art. l. 4. §. ult. b.c tit. Plane de peculio deque eo quod in rem versus est simul agi potest, sed una judicii formulâ caput utrumque complectente, ut superius dictum est.

Sed erit stultissimus] Quoniam unius harum actionum electione ceteræ perimuntur, atque inter has aliæ aliis sunt ubiores aut commodiores: monet creditorem ut in eligendo cautionem adhibeat, simul eum docens quānam illæ sint quibus plenius aut facilis suum consequi possit: quod lectione non interpretatione indiget.

TEXTUS.

De filiisfamilias.

C. Quæ diximus de servo & de domino, eadem intelligimus & de filio & filia, & nepte & nepte, & patre avoce cuius in potestate sunt.

COMMENTARIUS.

Hoc idem in principio hujus tit. monuit, promittens si quid proprie in patre & filio observaretur, id separatim se indicatum: cuius rei unum exemplum mox §. seq. adducit; nos plura ejusmodi notavimus ad d. pr.

TEXTUS.

De Senatusc. Macedoniano.

7. Illud proprie seruat in eorum personæ, quod senatusconsultum Macedonianum prohibuit: mutuas pecunias dari eis qui in potestate parentis sunt; & ei qui crediderit denegatur actionem adversus ipsum filium filiamve, nepotem neptemve (sive adhuc in potestate sint, sive morte parentis vel emancipatione sua potestatis esse cœperint). quam adversus patrem avumve, sive eos habeat adhuc in potestate: sive emancipaverit. Quæ ideo Senatus prospexit, quia sepe onerati are alieno creditarum pecuniarum quas in luxuriam consumebant vita parentum insidiabantur.

L. 4. tit. 1. Part. 5. L. 22. tit. II. lib. 5. Recop.

COMMENTARIUS.

I Scopus senatusconsulti. An hodieque ei sua vis constet. An ei filius renuntiare possit. An in foro animae se ejus auxilio tueri.

Filiusfam. ex contractu suo & ipse obligatur, l. 39. de obl. & act. & patrem obligat de peculio, §. 10. Inst. sup. de action. l. 3. §. 5. & deinceps de pecul. Una tantum causa excipitur ex qua placet nec ipsum nec patrem ejus obligari, nempe si pecuniam mutuam accepit: quod effectum est senatusconsulto Macedoniano, cuius sententiam breviter hic complectitur Justinianus.

Senatusconsultum Macedonianum prohibuit] Hoc senatusconsultum auctoritate Vespasiani factum refert Suetonius in ejus vita cap. 11. *Auctor*, inquit, *Senatui fuit Vespasianus decernendi, ne filiorum fam. fœneratoribus exigendi crediti jus umquam esset, hoc est ne post patris quidem mortem.* Tacitus autem lib. 11. annal. cap. 13. id Claudio tribuere videtur, dum ait eum coercuisse sxtitiam creditorum ne in mortem parentum pecunias filiosfam. fœnori darent. VENN. Eleganter hos autores in concordiam reducit Pet. Fabr. semestr. lib. 25. p. 142. ubi observat, Vespasianum sub Claudio Cos. fuisse duobus novissimis anni mensibus. Suet. *Vesp. cap. 4.* Utrumque ergo verum esse potest, Claudio hoc senat. tribuendum esse & Vespasiano: illi tamquam Principi, huic tamquam consuli referenti ad Senatum. Jus enim referendi tum adhuc Coss. fuisse patet ex Gell. *Noct. Att. iv. 10.* Cui haec non satisficiunt, is per me credat Vespasianum de SCto. sub Claudio facto & postea desuetudine inumbrato iterum ad senatum retulisse. HEIN.

Mutuas pecunias dari] Duo hic notanda. Primum, eum solum contra Senatusconsultum facere qui mutuum filiosfam. dedit, non qui alias contraxit, puta vendidit, locavit; modo ne quid factum sit in fraudem Senatusconsulti, l. 3. §. 3. de senat. Mac. Deinde solam pecuniae numeratae dationem Senatusconsulto prohibitam; ceteras autem res omnes utiliter filiosfam. mutuo dari, nisi & in his fraudes Senatusconsulto quaeratur, l. 7. §. 3. d. tit. Ilud non refert, utrum pecunia sub usuris mutuo data sit an sine usuris, d. l. 7. §. 9. quamvis Senatus præcipue prohibeat filiosfam. fœnari, l. 1. d. tit. l. 3. C. eod. Plane ejus pecuniae repetitionem non impedit Senatuscon-

sulti auctoritas quae filiosfam. studiorum vel legationis causa alibi degenti ad necessarios sumtus suppeditatur, modo ne excedat eam quantitatē quam pietas paterna non denegaret, d. l. 7. §. 13. l. 5. C. eod. Et in universum cessat Senatusconsultum si pecunia in rem patris versa, d. l. 7. §. 12. aut voluntate patris credita sit, d. l. 7. §. 11. l. 12. ff. eod. ll. 2. & ult. C. eod.

Qui in potestate parentis] Sine discrimine sexus aut gradus, l. 9. §. 2. l. 14. eod. Nec refert, frugi sit filiosfam. an non, magistratus an privatus; nisi castrense aut quasi castrense peculum habeat, ad cujus quantitatē placet cessare Senatusconsultum, quia in eo vice patrisfam. fungitur, l. 1. §. ult. l. 2. eod. In filiosfam. sub armata militia militante in totum cessat, l. ult. §. ult. C. ad senat. Maced.

Denegatur actio] Nempe si contra senatusconsultum factum esse appareat. Quod si de eo ambigatur exceptio adversus actionem dabitur, l. 1. de senat. Mac. junct. l. 7. dejure. quae est illa à Jurisconsultis toties usurpata exceptio senatusconsulti Macedoniani.

Vel emancipatione sue potestatis esse cœperint] Cum scilicet pecunias mutuati essent quo tempore adhuc in potestate erant. Nam vetat Senatusconsultum pecuniam credi filiosfam. ceterisque liberis qui in potestate sunt, hoc text. d. l. 1. l. 14. eod. non vetat credi jam emancipatis aut aliter sui juris vivo adhuc patre effectis, l. 3. §. ult. eod.

I. *Quæ ideo senatus prospexit?* Non sine gravi causa senatus cavit ne cui qui filiosfam. mutuam pecuniam dedisset actio petitiove datur. Nam hoc modo dum creditores à datione pecuniarum deterrentur præcedit filiosfam. materia luxuriei & occasio contrahendi ales alienum, quo cum opprimi cœperunt verendum amplissimus Odo existimavit ne ad præmaturum atque improbum successionis & mortis paternae votum impellantur, d. l. 1. & hoc text. Simile est apud Ciceronem in defensione Sexti Rosci. VENN. Senat. Macedonianum lege 22. tit. 11. lib. 5. Recop. nedum confirmatum, sed etiam ampliatum est, ut non solum comprehendat contractus filiorumfam. sed etiam minorum, & eorum omnium qui in id tempus obligantur quo eis hereditas aut majoratus aliquis obtingat; præterea gravibus coercentur poenis tam contrahentes quam tabelliones qui ad firmanda hujusmodi pacta ea juramento vallaverint. ADDIT. Ilud etiam tractatum est, an filiosfam. se hujus senatusconsulti auxilio tueri possit in foro conscientia.

scientiae. Wamesius cent. civ. 2. cons. 99. Tulerimus ad tit. C. ad senat. Maced. n. 4. respondent, in judicio animæ filium fam. utentem exceptione senatus consulti tutum non esse, nisi creditor ipsi pecunias ad profusionem & luxum sciens subministraverit. Ad quem ferme modum & Covar. ad cap. quamvis de reg. jur. in 6. p. 2. §. 3. n. 5. qui illud quoque ibidem querit, an filius fam. exceptioni senatus consulti renuntiare valeat; & recte cum DD. comm. concludit non posse. Quid si renuntiatio juramento corroborata sit? Putat idem Covar. eod. loc. tunc validam esse renuntiationem. Sed hoc vix est ut ex ratione juris civilis defendi possit. Unus Zasius lib. 2. sing. resp. cap. 28. etiam injuratam renuntiacionem valere censuit; non utique ut filius renuntiacione sua patri præjudicet, sed sibi. Vinn. Apud nos renuntiari nequit; sed an renuntiatio juramento firmata valida sit quæstionis est multum inter Interpp. nostros agitata. Validam esse affirmant Covarr. loco ab auct. laud. & Matienz. ad d. l. 22. tit. 11. lib. 5. Recop. Oppositum tenuere Gom. 2. var. cap. 6. n. 2. & Azeved. ad d. legem: quorum sententia nisi obtineat ansa præbetur improbis hominibus ad illudendum legibus. ADDIT.

TEXTUS.

De actione directa in patrem vel dominum.

8. Illud in summa admonendi sumus, id quod jussu patris dominive contractum fuerit, quodque in rem ejus versus erit directo quoque posse à patre dominove condici, tamquam si principaliiter cum ipso negotium gestum esset. Ei quoque qui exercitoria vel institoria actione tenetur directo posse condici placet, quia bujus quoque jussu contractum intelligitur.

LL. 4. 5. & 6. tit. 11. Part. 5.

COMMENTARIUS.

Cui quod jussu vel de in rem verso, item cui exercitoria vel institoria competit, is etiam directo patri & domino condicere potest, l. 29. de reb. cred. l. 17. §. ult. de inst. aff. l. ult. pro soc. Quod ego prudentum auctoritate introductum arbitror, qui postquam à prætore obliqua agendi ratio constituta esset, etiam directam admiserint, hoc colore, quasi cum ipso patre aut domino res gesta sit, hoc text. & dd. loc.

TITULUS VIII.

DE NOXALIBUS ACTIONIBUS.

Dig. lib. 9. tit. 4. Cod. lib. 3. tit. 41.

Continuatio.

Superiore titulo actum de judiciis quæ in dominos dantur ex servorum contractibus; nunc agitur de iis quibus domini tenentur propter eorum delicta; nam servi non solum contrahendo dominos obligant, sed etiam delinquendo. Ex delictis privatis (publica enim huc non pertinent) duplex actio est; nam & extra ordinem criminaliter eo nomine agi potest, & civiliter, l. ult. de del. priv. l. ult. de furt. l. ult. de injur. Criminaliter ex delicto servi cum domino non agitur, sed in ipsum servum eumque solum accusatio & viudicta criminis dirigitur; nisi forte jubente domino deliquit, quo casu etiam dominus tenetur, sed ex delicto proprio ut quilibet alius cuius mandatu flagitium aliquod perpetratum est, uti notatum supr. ad

§. 7. Inst. de mand. Civiliter vero seu pecuniarie cum solo domino agi potest; & si quidem jussit dominus servum delinquere, aut cum prohibere posset non prohibuit, in solidum obligatur, perinde ac si ipse deliqueret; si vero ignoravit, aut cum sciret prohibuit sed frustra, noxalis actio in eum datur, cuius hæc vis est ut si damnatus fuerit liceat ei deditio corporis quod deliquit evitare litis aestimationem, l. 1. cum 3. seq. hoc tit. De peculio ex delictis prodita non est, sicut nec ex contractibus noxalis, d. l. 1. l. 58. de reg. jur.

TEXTUS.
De servis. Summa.

Ex maleficiis servorum, veluti si furtum fe-

cerint, aut bona rapuerint, aut damnum dede-
rint, aut injuriam comiserint, noxales actiones
prodite sunt, quibus domino damnato per-
mittitur aut litis estimationem sufferre aut
ipsum hominem noxae dedere.

L. 5. in fin. tit. 15. Part. 7.

COMMENTARIUS.

Ex maleficiis] Nomine maleficii & quasi maleficium hic accipiens, quemadmo-
duum supra contractus appellatione & quasi contractus continetur.

Veluti si furtum fecerint] Noxales actiones appellantur quæ non ex contractu sed ex noxa atque maleficio servorum adversus dominos instituuntur, l. 1. hoc tit. veluti si furtum fecerint, bona rapuerint, damnum dede-
rint, injuriam inculerint aut qua alia ratione deliquerint; nam exempli tantum causâ quatuor ista delictorum species nominantur. Pla-
ne delicta seu noxas accipere debemus priva-
tas; nam ad eas noxas quæ publicam exerci-
tionem habent hæc actio non pertinet, l. 17.
§. 18. de ædil. edit. l. 200. de verb. sign. Hinc autem appearat actiones noxales non esse pro-
prias & per se consistentes actiones, sed actionem ex delicto adjectio est actionis ex contractu.

Aut litis estimationem] Sola litis estimatione in obligatione est; nam noxae dedendi potestatem dominus à lege accipit, l. 6. §. 1. de re jud. unde intelligimus non esse neces-
sarium ut in judicio noxali aut actor disjun-
ctive petat aut judex disjunctive sententiam pronuntiet; quamvis ita & pronuntiare usita-
tum, §. 1. Inst. inf. de off. jud. & peti con-
sultum; ne dum simpliciter litis estimationem petimus videamur arguere scientiam domini & male agere.

TEXTUS.

Quid sit noxa & noxia.

1. *Noxa autem est ipsum corpus quod nocuit, id est servus; noxia ipsum maleficium, veluti furtum, rapina, damnum, injuria.*

COMMENTARIUS.

Non omnino abs re est, ut plerique clami-
tant, quod hic tradit Justinianus, vo-
cabulo noxae significari auctorem maleficii ser-

vum. Nam etsi passim non minus noxa quam noxia pro ipso maleficio usurpat, l. 1. §.
2. §. 1. l. 14. de nox. act. l. 17. §. 18. de ædil. edit. cum simil. negari tamen non potest quin aliquando Veteres noxae appellatione etiam ipsum servum qui deliquit intelligent: veluti cum dicunt dominum habere noxae de-
denda facultatem, l. 20. §. 5. de ber. per. l. 6.
§. 1. dere jud. item noxam dedere, l. 1. in fin.
pr. de his qui defec. §. 1. Inst. inf. de off. jud.
Neque enim aliud est noxam dedere, quam dedere servum noxiousum. Servius ad illud Virgilii 1. Æneid. vers. 45. *Unius ob noxam &c.* Quidam, noxae que nocuit; noxia, id quod nocuit accipiunt. Pline cū dicunt noxae dedere, noxa maleficium significat; est enim imperfecta illa locutio, & vetusta consuetu-
dine subaudiendum, nomine, ut noxae sit genitivi casus. Eādem forma dicimus, cavere damni infecti, satis legatorum desiderare, l. 3.
§. 2. ut in poss. leg. &c. nisi noxam pro poena accipimus, ut noxae dedere idem valeat quod dedere pro poena noxae; nam & in noxam & ad noxam dedere legimus, l. 1. §. 11. si quan-
dr. paup. fec. l. 19. §. ult. hoc tit. & veteres glossæ Philoxeni noxae deditum interpretantur *in dator eis noxiam*, teste Salmas. lib. 2. de mod. usur. p. 888.

TEXTUS.

Ratio harum actionum.

2. *Summa autem ratione permisum est noxae deditione fungi. Numquid erat iniquum ne-
quitiam eorum ultra ipsorum corpora dominis damnosam esse.*

COMMENTARIUS.

Sicut durum atque acerbum videtur ei qui damnum passus est nulla ex parte satis-
fieri: ita & iniquum visum dominum ex maleficio servi in plus teneri quam ut noxae cum dedat, l. 2. in pr. hoc tit.

TEXTUS.

Effectus noxae deditiois.

3. *Dominus noxali judicio servi sui nomine conventus servum actori noxae dedendo liberatur; nec minus in perpetuum ejus servi dominium à domino transferitur. Sin autem damnum ei cui de-
ditus est servus resarcierit quæsita pecunia, au-
xilio prætoris invito domino manumittetur.*

Com-

COMMENTARIUS.

Dominus servum noxæ dedendo liberatur ab estimatione litis, servique dediti dominium in perpetuum ab eo discedit, quamvis non statim pleno jure migret in eum cui deditus est; nam noxæ deditio Quiritarium dominium non transfert, sed bonitarium tantum, hoc est facit ut deditus in bonis esse incipiat ejus cui deditur, l. 26. §. ult. hoc it. l. 2. in fin. si ex nox. caus. ag. Sed hac distinctione non amplius utimur, l. un. C. de nud. jur. Quir. toll.

Sin autem damnum] Singularis modus adipiscendi libertatem invito domino. Servus invito domino libertatem consequi non potest quantamcumque pecuniam offerat: in proposito tamen placuit eum posse, servumque noxæ deditum si quæsita aliunde pecuniâ damnum sarcierit auxilio prætoris invito domino cui deditus est manumitti. Cujus ego rei hanc esse rationem puto, quod causa servitutis apud hunc dominum est damnum quod ei datum est: quæ causa cum cesseret oblatæ damni estimatione, cessare etiam debet effectus.

TEXTUS.

De origine harum actionum.

4. *Sunt autem constitutæ noxales actiones aut legibus aut editio prætoris. Legibus, veluti furti ex lege XII. tabb. damni injuria ex lege Aquilia. Editio prætoris, veluti injuriarum & vi bonorum raptorum.*

COMMENTARIUS.

Hic locus confirmat quod supra diximus actiones noxales ab actionibus ex delicto non diffirent specie, sed tantum qualitate adjectitia: cuius is effectus est ut servum noxæ dedere licet.

Veluti furti] Intellige nec manifesti in duplum. Nam furti manifesti actio non legitima sed honoraria est inf. tit. Inst. de perp. & temp. act. circa fin. pr. Accursius, Contius, Cujacius.

TEXTUS.

Qui conveniuntur noxali actione.

5. *Omnis autem noxalis actio caput sequitur. Nam si servus tuus noxiā commiserit, quantum in tua potestate sit tecum actio est. Si autem in alterius potestatem pervenerit, cum illo*

Tom. II.

incipit actio esse. At si manumissus fuerit, directo ipse tenetur, & extinguitur noxæ deditio. Ex diverso quoque directa actio noxalis esse incipit. Nam si liber homo noxiā commiserit, & is servus tuus esse cœperit) quod quibusdam casibus effici primo libro tradidimus), incipit tecum esse noxalis actio, quæ ante directa fuisset.

COMMENTARIUS.

2. *Cum servus ex contractu ne quidem post manumissionem conveniri queat, cur placeat eum manumissum ex delicto directa actione teneri.*

Noxalis actio caput sequitur] Iisdem verbis hæc regula effertur in lege 20. hoc tit. Plerumque autem dicitur, Noxa caput sequitur, l. ult. eod. l. 11. C. eod. l. 2. in fin. comod. l. 1. §. 18. depos. l. 2. in fin. de priv. del. l. 18. ff. defurt. l. 4. C. an serv. pro suo fact. Id est noxa aut potius noxalis obligatio & actio cum capite nocentis ambulat, comitaturque auctorem noxæ servum quocumque eat & ad quemcumque perveniat. Unde in venditionibus servorum hæc clausula adjici solita erat, eos noxis solutos esse; l. 1. §. 1. & passim de ædil edit. hoc est, non esse in ea causa ut dominus eorum nomine judicio noxali conveniri possit.

Si manumissus fuerit] Huic etiam casui accommodatur regula, Noxa caput sequitur, l. 1. §. 18. ff. depos. l. 4. C. an serv. pro suo fact. Ceterum quia manumissus ipse judicio conveniri potest, cessat actio noxalis, & cum eo directo agitur perinde ac si quo tempore deliquit liber fuisset, l. 15. de cond. furt. d. l. 4. C. an serv. pro suo fact.

1. At enim cum servus ex contractu servitus tempore inito ne quidem post manumissionem conveniri queat, ll. 1. 2. & 5. C. d. tit. excepto casu speciali legis 5. C. eod. cur placet ex delicto tempore servitutis commiso manumissum directe conveniri? Non sane quia obligatio ex delicto quæ ante naturalis erat post manumissionem incipit esse civilis, ut putant D. Hotomann. & Tuning. (nam & ex contractibus servi naturaliter obligantur, l. 14. de obl. & act.) sed quia delicta domino ignorante & nolente committuntur, atque in invitos & ignorantes; ut proinde hinc nata obligatio personæ ipsius servi plane inhæreat, servumque &que ac liberum poenæ subjiciat, quæ etiam ipsi servo irrogatur cum de coercitione corporali queratur. Tantum obstat

Eee

con-

conditio servi qaominus pecuniario & civili judicio cum eo agi possit, quod obstaculum manumissione removetur. Contractuum vero dissimilis ratio est. Nam servus peculium habens voluntate domini contrahere intelligitur: quippe cui dominus peculium concedendo etiam jus contrahendi tacite concedit, ut qui cum servo contrahit non tam servi, cum quo scit nullam sibi actionem esse posse, quam domini personam spectare videatur.

Si liber homo] Hoc exemplum superiori contrarium est; nam ut illic actio noxalis ex postfacto incipit esse directa: ita hic directa fit ex postfacto noxalis. Nimirum semper actiones ex delicto venientes cum capite ambulant, l. 7. §. 1. de cap. min. l. 2. in fin. de priv. del.

TEXTUS.

Si servus domino noxiā commiserit vel contra.

6. *Si servus domino noxiā commiserit actio nulla nascitur.* Namque inter dominum & eum qui in potestate ejus est nulla obligatio nasci potest. Ideoque si in alienam potestatem servus pervenerit aut manumissus fuerit, neque cum ipso neque cum eo cuius nunc in potestate sit agi potest. Unde si alienus servus tibi noxiā commiserit, & is postea in potestate tua esse cœperit, interdicitur actio; quia in eum carum deducta sit in quo consistere non potuit. Ideoque licet exierit de tua potestate agere non potest: quemadmodum si dominus in servum suum aliquid commiserit, nec si manumissus aut alienus fuerit servus ullam actionem contra dominum habere potest.

COMMENTARIUS.

Quod dictum est ex maleficiis servorum noxales actiones proditas esse, noxae que sequi caput nocentis, eumque manumissum quoque teneri, id ita se habet, si servus extraneo noxiā commiserit, secus autem si domino; nam hic jus potestatis facit ut nulla ab initio nascatur actio, l. i. C. hoc tit. l. ult. C. an serv. pro suo fact. ubi facete Diocletianus & Maximianus jubent dominum servum domi convenire, id est verberibus castigare.

Et ideo si in alienam potestatem] Consecrarium ex præcedenti. Nam ex eo quod obnoxiam à servo in dominum commissam nulla actio nascitur, hoc necessario sequitur. Neque

enim potest actio quæ nata non est servum auctorum noxae sequi, aut post ejus alienationem vel manumissionem denum nasci, d. l. ult. C. an serv. pro suo fact. d. l. i. C. hoc tit. l. 18. de furt.

Unde si alienus servus] L. 37. ff. hoc tit. d. l. ult. C. an serv. pro smo fact. Regula de extinctione obligationis postquam in eum casum recedit à quo incipere non potest à me exposta est ad §. 14. Inst. sup. de legat.

Interdicitur actio] Legendum haud dubie intercidit, cum Russardo, Cujacio & Hotomanno. Theophilus reddidit ἀποβίντα, id est extinguitur: quo verbo in eadem re utitur Tryphonin. d. l. 37. hoc tit.

Licet exierit de potestate] Quoniam actio semel extinta non restauratur, d. l. ult. ff. d. ll. 37. ff. 98. §. 8. de solut.

Si dominus in servum suum] Hoc eamdem rationem habet; quia scilicet nulla ex ipso facto nata fuit actio.

TEXTUS.

De filiisfamilias.

7. *Sed Veteres quidem hoc in filiisfamiliarum masculis & fœminis admisere;* nova autem hominum conversatio bujusmodi asperitatem recte respuendam esse existimat, & ab usu communni hoc penitus recessit. *Quis enim patiatur filium suum & maxime filiam in noxam alii dari,* ut pene per filii corpus pater magis quam filius periclitetur: cum in filiabus etiam pudicitiae favor hoc bene excludat. Et ideo placuit in servos tantummodo noxiales actiones esse propendas: cum apud veteres legum commentatores invenerimus sèpius dictum ipsos filiosfam. pro suis delictis posse conveniri.

L. 5. tit. 15. Part. 7.

NOTA.

7. *In noxam alii dare ut pene per filii corpus]* Cujac. ex lib. vet. *Dare, ut pene per corpus pater magis &c.* quomodo & Theoph. legisse videtur.

COMMENTARIUS.

Aud Veteres non minus filiorum familiarum que familie noxae deditio quam servorum permittebatur; nam patri non minor in liberos quam domino in servos potestas erat. Sed postea illud displicuit, diu tamen ante-

tempora Justiniani, ut alibi probavimus, l. 33. & seqq. hoc tit. l. 1. §. 7. de his qui effud. l. 5. §. pen. de obl. & act. Paul. 2. sent. 31. Papin. apud legg. Mos. & Rom. paristorem tir. 2. Rationes displicentia variae hic afferuntur. Prima sumitur à miseratione liberorum qui ita in servitutem alii tradebantur; cui adjungitur alia à favore pudicitiae, tangens præcipue sexum fœmineum. Tertia dicitur à miseratione patris: quo facit lex 8. in fin. quod met. caus.

Chrysost. homil. 29. in Genes. cap. 9. ἵππος πάντας κόνδυλος ἐν γάρ τοι πατέρες ὑπὲρ ταύτων τιμωρίας ἀποστολής &c. Scitis sene patres optare pœnam pro liberis sustinere. Postrema ex eo quod ipsi liberi ex delictis suis pecuniarie quoque conveniri possunt; qui si condemnati fuerint judicatum facere tenentur. Quin etiam in partem quoque post condemnationem actio iudicati de peculio datur, l. 3. §. 11. de pecud. l. 35. de nox. act.

TITULUS IX.

SI QUADRUPES PAUPERIEM FECISSE DICATUR.

Dig. lib. 9. tit. 1. Et l. 22. & seqq. tit. 15. Part. 7.

Nexus.

IN numero actionum noxium est & actio de pauperie; nam quemadmodum superiores ob noxiam servi, ita hæc ob noxiam animalis in dominum datur, ut aut damnum sarciat aut corpus quod nocuit noxae dedat.

TEXTUS.

De actione Si quadrupes: ex legg.
xii. tabb.

Animalium nomine que ratione carent si qua lascivia aut pavore aut feritate pauperiem fecerint, noxalis actio lege XII. tabb. prodita est: que animalia si noxae dedantur proficiunt reo ad liberationem; quia ita lex XII. tabb. scripta est: ut puta, si equus calcitrans calce percusserrit, aut bòs cornu petr. solitus cornu petierit. Hæc autem actio in iis que contra naturam moventur locum habet; ceterum si genitalis sit feritas cessat actio. Denique si ursus fugerit à domino & si nocuerit, non potest quoniam dominus conveniri, quia desit dominus esse ubi fera evalet. Pauperies autem est, damnum sine injuria facientis datum. Nec enim potest animal injuriam fecisse dici, quod sensu caret. Hæc quidem ad noxalem perinet actionem.

L. 22. tit. 15. Part. 7.

COMMENTARIUS.

Animalium nomine] In rubr. bic & in π. quadrupedum tantum mentio fit. Nimi-

rum lex XII. tabb. nominatim de quadrupediis scripta fuit, quæ fere solæ nocere solent. Placuit tamen utilem actionem dari etsi non quadrupes sed aliud animal pauperiem fecerit, l. 4. hoc tit. Porro quadrupedum quædam sunt pecudes, nimis quæ gregarium pascuntur, quædam non pecudes, §. 1. & 13. Inst. imp. de leg. Aquil. Rursus non pecudum quædam sunt cœcures mansuetæ domesticæ, ut canes feles, l. 2. §. 2. de leg. Aquil. quædam feræ bestiæ, in quibus genitalis est feritas, ut ursi apri leones, l. 1. §. 10. hoc tit. d. l. 2. §. 2. ad leg. Aquil. Ad solas autem pecudes aut utique ad quadrupedes mansuetas tantum hæc actio pertinet. De feris tamen bestiis utilis datur, §. 1. inf. hoc tit.

Aut pavore] Alias fervore. Theophil. κατὰ θερμότητα (estu).

Aut feritate] Non naturali, sed quæ contra naturam generis sui motu damnum dederunt; nam motus in animali non nisi qui contra naturam est huic actioni locum facit, ut mox sequitur.

Noxalis actio] Id est ita de pauperie, ut si quidem is cum quo agitur damni aestimationem præstare velit, animal retinere possit; si vero noxae dedere malit liberetur, l. 1. eod.

Qui ita lex XII. tabb. scripta] Et ideo ita scripta quoniam iniquum erat ferociam horum animalium ultra corpora ipsorum dominis damnosam esse, arg. §. 2. tit. præc. Sane ex causa etiam gravius coerceri dominus poterit, veluti si sciens vitium animalis id passus sit vagari sine custode.

Quae contra naturam moventur] Id est contra naturalem mansuetudinem omnium ejus generis animalium, & quasi ex contracto quodam vitio, ut exempla equi calcitrosi & bovis cornu petere soliti ostendunt; alioqui culpâ aut instigatu hominis damnum datum credendum est, & lege Aquila vel in factum agendum, l. 1. §. 4. cum 3. seqq. hoc tit.

Si genitalis sit feritas] Id est nativa. Gell. lib. 4. cap. 1. ajunt, Trebatium ex editio apposuisse, si ea mulier à principio genitali in sterilitate esset. Et igitur actio de pauperie obdamnum à feris bestiis illatum non conceditur, l. 1. §. 10. hoc tit.

Denique si ursus fugerit] Si fera nocuit postquam fugisset, ideo de pauperie non competit, quia nullius erat cum damnum daret. Idem est si fugerit postquam nocuisset; quia instar servi manumissi est, nec dedi quæ evasit fera potest. Sed & si adhuc in potestate sit, tamen de pauperie in dominum non datur; quia cessat hac actio ubi genitali feritate animal nocuit, l. 1. §. 10. hoc tit. Ceterum postremo hoc casu etsi non directa, utilis tamen de pauperie competit, §. 1. inf. hoc tit.

Quod sensu caret] Id est non sentit aut intelligit se delinquere, quod rationis usu caret. Nam sensum utique & animam sentientem etiam animalia bruta habent. Sed & injuriam facere dici possunt, eo scilicet sensu quo & jure uti dicuntur, sup. tit. Inst. de jur. nat. gent. & civ. Unde si arietes commiserunt & alter alterum occidit, inter provocantem ceu injuriam inferentem & provocatum ceu injuriam illatam repellentem distinguitur, l. 1. §. 11. hoc tit. Vid. Grot. 1. de jur. bell. cap. 2. n. 3.

TEXTUS.

De actione ædilitia concurrente cum actione de pauperie.

1. Ceterum sciendum est, ædilitio editio prohiberi nos canem verrem aprum ursum leonem ibi babere qua vulgo iter fit; & si adversus ea factum erit & necitum libero homini esse dicitur, quod bonum & equum judici videtur tantum dominus condennetur. Ceterarum vero rerum quanti damnum datum sit, dupli. Praeter has autem ædilitias actiones & de pauperie locum habebit. Numquam enim actiones, presentim pœnales, de eadem re concurrentes alia aliam consumerent.

L. 23. tit. 15. Part. 7.

COMMENTARIUS.

1. *An nomine damni à cane dati directa de pauperie competit.*

Edicto ædilitio vetitum est ibi canem verrem aprum lupum aliudve id genus animal quod nocere solet habere qua vulgo iter fit, l. 40. §. 1. cum 2. ll. seqq. de ædil. edit. ubi verba editi referuntur.

Nocitum libero homini] Ob vulnus ab animali nocere solito in via publica homini libero inflictum actio ex editio in bonum & æquum conceditur, l. 41. d. tit. scilicet ut non deformitatis ratio habeatur, cum liberum corpus estimationem non recipiat; sed impensarum in curacionem factarum & operarum amissarum, quasque amissurus quis esset inutilis factus, l. 3. hoc tit. Quod si liber homo ex ea re perit, ducentorum solidorum judicium datur, d. l. 41. de edil. edit.

Ceterum rerum quanti damnum datum, dupli] Ob damnum à fera bestia aut vitioso animali aliter quam homine libero vulnerando in via publica datum, in duplum actio datur, d. l. 41.

Et de pauperie competit] Utilis scilicet. Nam, ut ante dictum est, directa non competit de damno dato à fera bestia. Sed nec utilis tunc aliter locum habet quam si fera quæ nocuit adhuc in potestate sit.

1. *An nomine damni à cane dati directa de pauperie competit dubitatum est, propterea quod Solon in lege quam de animalium brutorum pauperie tulit nominativi canis mentionem facit, auctore Plutarcho; & similiter Plato lib. 11. de leg. Verisimile autem est decemviro à legibus Atheniensium suam summisse. Quod ego in medio relinquo; quoniam effectu juris nihil interest utilem an directam competere dicamus, ut in specie legis 2. §. 1. hoc tit. Si pecus secundum naturam suam a gendo damnum dederit, puta agrum alienum depastum sit, non agitur de pauperie, sed propria actione de pastu pecoris, quæ & ipsa noxalis est, & simul cum de pauperie profita lege XII. tabb. Paul. 1. sent. 15. l. 14. §. ult. de prescr. verb. VNN. Quum summa æquitate constitutum sit ut res nostræ non amplius nos onerent quam valent, l. 7. §. 1. de damn. infed. hanc noxæ dationem etiam hodie usu retinendam esse defendo cum Groeneweg. de legg. abrog. hic. Pecora autem in alieno agro deprehensa detinere aut includere usque quo pas-*

pascuorum domino de damno satisfiat leges nostræ vetant, nimirum l. 24. tit. 15. Part. 7. quod etiam alibi moris est. ADDIT.

Numquam actiones, praesertim pœnales] Hoc idem traditur in l. pen. de obl. & att. l. 130. de reg. jur. l. 2. de priv. delict. De concursu

plurium actionum longa & perplexa neque hujus loci disputatio est: adeantur Pet. Fab. ad l. 43. §. 1. & d. l. 130. de reg. jur. Don. lib. 21. comm.; Hotom. illustr. quest. 29. Tim. Fab. disp. anniv. 28. Bachov. hic, qui istam materiam ex professo & plene tractaverunt.

TITULUS X.

DE IIS PER QUOS AGERE POSSUMUS.

Dig. lib. 3. tit. 3. Cod. lib. 2. tit. 13. Et Part. 3. tit. 5. Recop. lib. 2. tit. 24.

Ratio ordinis.

Precedentes tituli nos docuerunt quibus actionibus quis alieno nomine conveniri possit. Non incommodè nunc subjicitur de personis per quas agere cuique licetque intendere aut excipere liceat.

TEXTUS.

Per quos agere liceat.

Nunc admonendi sumus agere posse quemlibet hominem aut suo nomine aut alieno. Alieno, veluti procuratorio tutori curatorio, cum olim in usu fuisset alterius nomine agi non posse, nisi pro populo, pro libertate, pro tutela. Præterea lege Hostilia permisum erat furti agere eorum nomine qui apud hostes essent aut Reipublicæ causâ abessent, quive in eorum cuiusvis tutela essent. Sed quia hoc non minimam incommoditatem habebat, quod alieno nomine neque agere neque exigere actionem licebat, cooperunt homines per procuratores litigare. Nam & morbus & etas & necessaria peregrinatio, itemque alia multæ causa saepe hominibus impedimento sunt quominus rem suam ipsi exequi possint.

Tot. tit. 5. Part. 3.

COMMENTARIUS.

Alterius nomine agere non posse] Antiquitus alieno nomine agere non licebat. Nam actiones omnes legitimæ erant, id est certis ac solemnibus formulis constabant, l. 2. §. 6. de orig. jur. quas proinde suo quemque nomine & præsentem proponere oportebat. Cujus rei argumentum est caput illud in XII. tabulis, cuius meminit Gell. lib. 20. cap. 1. Si

moribus & vitiose vitium escit, qui in jus vocavit jumentum dato, si volet, arcerarie sternito. Sed postquam actus contentiosæ jurisdictionis qualitatem illam ex qua olim legis actiones estimabantur aniserunt, cooperuntque per procuratores exerceri: soli actus jurisdictionis voluntaria, quales sunt adoptio emancipatio manumissio, nomen vetus legis actionum & naturam retinuerunt, ut alieno nomine expediri nequeant; eoque refero legem 123. de reg. jur. Add. quæ scripsimus ad §. 8. Inst. sup. quib. mod. jus patr. pot. solv.

Nisi pro populo pro libertate pro tutela) Haec cause necessario exceptæ; quoniam nec universi agere possunt, nec servo jus erat lege agendi; quam ob causam assertor constituebatur, tot. tit. C. de assert. toll. Pupillus autem propter etatem in judicio consistere non poterat.

Pro tutela) Id est pro pupillo nomine tutorio. Quod ideo moneo, ne quis hunc locum cum Theophilo interpretetur de duobus inter se de tutela contendentibus uter ipsorum tutor esse debeat. Quod est ineptissimum.

Lege Hostilia) Pacius in notis marginalibus ait hanc legem tulisse A. Hostilius consul cum A. Attilio, anno ab urbe condita 580. quo auctore nescio.

Non minimam incommoditatem) Usus procuratorum perquam necessarius est, ut qui rebus suis superesse vel nolunt vel non possunt, vel non satis commode possunt aut honeste, per alios possint vel agere vel actionem excipere, l. 1. §. 2. de procur.

Nan & morbus & etas &c.) Hujusmodi impedimenta usum procuratorum initio introduxerunt, l. 1. §. 2. de procur. quo tamen semel recepto, etiam extra causam necessitatis aut

aut impedimenti per procuratores lis inferri vel suscipi coepit. Vinn. Enimvero quia non ferebant leges ut actiones legis admittentur procuratorem, Jcti excogitarunt modum quo possent procuratores salvo illo veteri principio legis 123. de reg. jur. admitti. Fingebant enim procuratores quidem mandato constitui, sed litis contestatione fieri dominos litis, adeoque non pro aliis lege agere vel item excipere, sed pro se ipsis. Plura de hac fictione dimicimus in Elem. jur. civ. sec. ord. Inst. §. 1246. seqq. HEIN.

TEXTUS.

Quibus modis procurator constituantur.

1. Procurator neque certis verbis, neque presente semper adversario, immo & plerumque cognitorante constituitur. Cuicunque enim permiserris rem tuam agere aut defendere iis tuus procurator intelligitur.

L. 13. tit. 5. Part. 3.

COMMENTARIUS.

* Quale sit officium & quæ potestas procuratoris.

Procurator in usu juris dicitur qui aliena negotia mandatu domini administrat. Nec tantum qui administrat forensia & judicia, sed etiam qui alia quævis extra judicium, l. 1. in pr. & §. 1. de procur. Vid. sup. tit. Inst. de mandat. sed de hoc genere nunc non queritur. Soli illi ad propositam tractationem pertinent qui, quod alienam item procurant, procuratoris ad lites appellantur.

Neque verbis certis neque presente adversario] Dicq. l. 1. §. 1. Hic autem locus indicio est olim certam fuisse formulam verbis quibusdam solemnibus conceptam, qua procuratores presentibus adversariis constituerentur.

Rem tuam agere aut defendere] Specialiter tamen procurator à reo datus defensor dicitur; quem vero actor constituit procurator, nomine generis ad speciem oppositam contratio, rubr. de procur. & def. Specialissime autem defensor eum denotat qui sine mandato absentis defensionem suscipit, §. 5. tit. seq.

1. Jure Romano procuratoris officium privatum fuit, quod & nemo subibat invitus, l. 17. C. de proc. & quivis mandatu domini exercere poterat, l. 1. eod. utique si non ex-

presse procurator esse prohiberetur, §. ult. Inst. inf. de exc. Vinn. At hodie in Regiis Conventionibus procuratorum munus publicum est, quo nemo fungi potest nisi examinetur à Præside & Auditoribus & sit ex numero procuratorum illius Conventus, l. 1. tit. 24. lib. 2. Recop. quod etiam observatur in tribunalibus inferioribus, ubi certus procuratorum numerus definitus est. Cetera quæ apud nos procuratores tenet observare vid. in tit. 24. lib. 2. Recop. ADDIT. Quæ sit potestas cujusque procuratoris ex forma mandati simulque ex mente domini estimandum est. Aliquando enim plus videri potest mandatum quam expressum: ut ecce, ei cui mandatum est in rem agere, censetur quoque, si res mobilis est, mandatum cum agat ad exhibendum, l. 56. de procur. Nam in universum cui aliquod negotium mandatum est cuncta simul concessa videntur sine quibus illud negotium explicari non potest, l. 2. & ibi D.D. de jurid. Item procurator ad agendum datus poterit quoque dominum in mutua petitione, quæ forte à reo adversus eum fiet, defendere; quoniam quicunque nomine alieno agit hoc ipsum etiam cavere debet, l. 33. §. 3. de procur. Ludov. Rom. singul. 115. Ex contrario quamvis generali sit mandatum, tamen eo non intelliguntur contineri quæ verisimile est non facile quempian mandatarum fuisse: cujusmodi sunt causa famæ, transactio, delatio jusjurandi & similia, quæ idcirco dicuntur speciale exigere mandatum, l. 39. §. ult. l. 60. de procur. cap. qui ad agendum 4. n. eod. in 6. & ibi Gloss. Wesemb. par. de procur. n. 7. & 11. Merul. lib. 4. dist. 3. tit. 13. cap. 3. & 4. Gudelin. lib. 4. de jur. nov. cap. 4.

TEXTUS.

Quibus modis tutores vel curatores constituuntur.

2. Tutores & curatores quemadmodum constituantur primo libro expositum est.

COMMENTARIUS.

Tutores & curatores aliis modis quam procuratores constituuntur, nimur aut testamento à parentibus, aut lege, aut à magistratibus quibus id specialiter permisum est, ut suis locis expositum est, lib. 1. Inst. tit. 13. & seqq.

TITULUS XI.
DE SATISDATIONIBUS.

Dig. lib. 2. tit. 8. Cod. lib. 2. tit. 57.

Continuatio. Cautio quotuplex.

Quoniam alieno nomine sine satisdatione agi non potest, multo minus actio alieno nomine suscipi: non intempestive tractatio de satisdationibus superiori subjicitur. Videamus igitur quid sit satisdatio. Cautio alia dicitur nuda, quæ est promissio securitatis sine pignore aut fidejussore; cui si iurandum accedat dicitur juratoria, §. 2. inf. hoc tit. alia idonea, quæ satisdatio vocatur; & fit vel pignoribus datis vel fidejussoribus, l. 21. §. 2. de const. pec. frequentissime tamen ea quæ fit datis fidejussoribus in specie satisdatio appellatur, l. 1. ff. qui satisd. l. 3. C. de verb. sign. & quoties lex aut prætor satisdationem desiderant regulariter fidjussoribus datis cavendum est, l. 7. de stip. præt. quamquam nonnumquam & pignora admittuntur, l. 7. §. 9. de collat. l. 2. §. 3. quod legat. Finis satisdationum & cautionum de quibus hoc tit. agitur hic est, ut judicium eaque quæ in judicio usque ad sententiam aguntur tanto magis rata sint effectumque suum consequantur.

TEXTUS.

De judicio reali.

Satisdationum modus alius antiquitati placuit, aliud novitas per usum amplexa est. Oim enim si in rem agebatur satisdare possessor compellebatur, ut si victus esset nec rem ipsam restitueret nec litis estimationem, potestas esset petitori aut cum eo agendi aut cum fidejussoribus ejus. Quæ satisdatio appellatur judicatum solvi. Unde autem sic appelletur facile est intelligere. Namque stipulabatur quis ut solveretur sibi quod fuisset judicatum. Multo magis is qui in rem actione conveniebatur satisdare cogebatur, si alieno nomine judicium accipiebat. Ipse autem qui in rem agebat si suo nomine petebat satisdare non cogebatur. Procurator vero si in rem agebat satisdare jubebatur rem ratam dominum habiturum. Periculum enim erat ne iterum dominus de eadem re experiretur. Tutores vero &

curatores eodem modo quo procuratores satisdare debere verba edicti faciebant. Sed aliquando bis agentibus satisdatio remittebatur. Hec ita erant si in rem agebatur.

COMMENTARIUS.

1 *Procuratorem de cuius mandato constat non cavere de rato.*

2 *Sed neque tutorem quem talem esse constat.*

Antiquitati placuit] Antiqui hujus juris vestigia non paucæ nobis in π° . reliquerunt compositores, ut ex iis quæ sequuntur apparebit. Proponitur autem hoc jus sub triplici distinctione, actionis in rem & in personam, rei & actoris, personarum principaliū & pro his judicio intervenientium.

Satisdare possessor compellebatur] Olim in actione in rem possessor satisdare judicatum solvi cogebatur, l. 8. & alibi jud. solv. l. 33. de fidejuss. Patet etiam ex l. 1. C. uti poss. si possessor non cavisset possessionem in adversarium translatam fuisse: nimirum quia periculum erat ne rem faceret deteriorem; quæ de causa res mobilis nonnumquam sequestrari & apud officium deponi solebat, l. 7. in fin. qui satisdat. cog.

Nec rem ipsam nec litis estimationem] Hic locus confirmat quod sup. tit. Inst. de act. §. 31. asserimus, etiam civilem actionem in rem arbitriam fuisse, id est in ea quoque hoc observari solvit ut primo possessor jubetur rem restituere, post deinde si non restitueret condemnaretur in litis estimationem.

Cum eo aut cum fidejussoribus] Itaque, contra quam Hotomannus existimat, reo condemnato nec solvente non tantum in fidejussores sed etiam in ipsum reum agi ex hac stipulatione potuit; licet hic propria quoque actione, judicati videlicet, teneretur.

Judicatum solvi] Haec stipulatio, auctore Ulpiano, l. 6. jud. solv. tres clausulas in unum collatas habet, de re judicata, de re defen-

den-

denda de dolo malo. Atque ex omnibus his causis committitur, l. 3. §. 8. l. 5. §. 2. ll. 13. & 17. eod. Prima autem clausula omnium potissima est, & ideo inde nomen accepit.

Multo magis si alieno nomine] Olim qui in rem judicium alieno nomine suscipiebat multo magis quam reus satisdare cogebatur; quoniam nemo aliena litis defensor idoneus est sine satisdatione, l. 46. §. 2. l. 53. de procur. Sed & præter solitam satisdationem judicatum solvi etiam de rato cavere debebat, l. 40. §. 2. d. tit.

Ipse autem qui in rem] Olim qui in rem suo nomine agebat satisdare non cogebatur; quippe in cuius persona satisdatio judicatum solvi locum non habebat, cum actor non damnetur; neque verendum erat ne is qui ultiro item intendit moras necteret itemve non persequeretur.

1. Procurator vero si in rem] Ait, procuratorem actoris satisdare solitum fuisse rem ratam dominum habiturum. Falsa propositio, si de vero procuratore seu eo qui speciale mandatum domini profert accipiatur, l. 1. C. de procur. l. 3. §. 2. ut in poss. leg. fac. l. 65. ff. de procur. l. un. C. de satisd. Nam stultum esset cautionem de rato exigi ab eo qui mandatum domini ostendit; nec minus iniquum ubi nullum periculum est ne dominus iterum agat procuratorem superflua cautione onerari. At inquis, qui mandatum non habet ad agendum pro alio non admittitur, quamvis de rato cautionem offerat, nisi admodum raro, d. l. 40. §. ult. de procur. Quomodo igitur defendimus enuntiationem Justiniani? Nimis inter eos quos procuratores esse aut non esse constat, sunt intermedii qui se procuratores esse dicunt & de mandato domini aliquam saltem fidem faciunt, quamvis de eo satis liquide docere non possint; ac de his solis dicimus textum hunc intelligendum esse, arg. l. 3. §. 2. ff. ut in poss. leg. l. 1. C. de procur. quibus locis perspicue distinguitur inter eum cui mandatum esse constat, & de quo dubitatur; ut ille ad agendum alieno nomine admittatur etiam sine cautione, hic non aliter quam si de rato caveat. Eadem quoque conditione admittuntur & sine mandato personæ conjunctæ, d. l. 40. §. ult. de procur. item procurator universorum negotiorum, l. 5. §. 18. de nov. oper. nunc. VNN. Et hinc hodie de rato non cavent nisi qui vel mandatum non sufficiens exhibent, vel ex mandato præsumto agunt, tamquam personæ conjunctæ. HEIN.

2. Tutores & curatores eodem modo] Ait,

tutorum & curatorum eamdem in satisdando conditionem fuisse quæ procuratorem fuit; sed aliquando his agentibus satisdationem remissam. Hæc quoque sententia falsa est. Nam non magis tutores quos tales esse constat de rato cavent, quam procurator quem talen esse certum est, l. 23. de adm. tut. ejusque rei perspicua ratio est, quoniam etiam Jurisconsultus d. loc. affert, quia non minus tutor quam procurator rem in judicium deducit, ut metuendum non sit ne pupillus iterum experiatur. Tunc solum cautio præstanda cum dubitatur an quis tutor sit, vel an adhuc daret tutela, d. l. 23. quod & in procuratore, cum de mandato dubitatur, obtinere paulo ante diximus. Itaque convertamus potius propositionem cum Ulpiano in d. l. 23. dicamus que tutores & curatores de rato non cavere, adjecta hac declaratione ex eodem Ulpiano, ut si dubitetur an quis tutor aut curator sit, tum cautio jure exigatur.

Verba editi] Videtur intelligere caput editi, quod recitat Ulpian. lege 33. §. 3. de procur. ubi qui alieno nomine actionem postulat jubetur cavere se eum cuius nomine agere instituit defensurum, si quid vice mutua ab eo reus petat, & simul eum ad quem ea res pertinet ratam rem habiturum. Sed ut pars illa editi non pertinet ad procuratorem speciale mandatum habentem, quippe quem constat de rato non cavere: ita nec ad tutorem pertinet qui idem jus habet; ac tametsi altera illa cautio de defendendo eo cuius nomine agitur etiam à procuratore speciali mandatum habente præstanda sit: tamen tutores & curatores ne illa quidem satisdatione onerari placuit, l. ult. §. 3. de adm. tut. Sed de eo hic non queritur.

TEXTUS.

De judicio personali.

1. Si vero in personam, ab actoris quidem parte eadem obtinebant quæ diximus in actione qua in rem agitur; ab ejus vero parte cum quo agitur, si quidem alieno nomine aliquis interveniret, omnimodo satisdaret; quia nemo defensor in aliena re sine satisdatione idoneus esse creditur. Quod si proprio nomine aliquis judicium accipiebat in personam, judicatum solvi satisdare non cogebatur.

COMMENTARIUS.

A B actoris parte eadem obtinebant] Itaque qui in personam agebat, si quidem suo no-

COMMENTARIUS.

nomine, non satisdabat; sin alieno, satisdabat rem ratam haberri, l. 33. *in fin. de procur.* nisi de mandato constaret; nam ubi mandatum apparet non est necessaria satisdatio de rato, ut supra probavimus.

Ab ejus parte cum quo agitur] Jure antiquo qui in actione personali defensionem alterius suscipiebat satisdare cogebatur judicatum solvi, l. 5. §. ult. quib. *ex caus. in poss.* & uti est in *textu, omnino*, id est sive mandatum non haberet sive haberet: quod etiam expressum in l. 1. *in fin. C. de satisd. l. 21. ff. rat. rem bab.* & satis intelligitur ex generali regula passim tradita quod nemo alienæ rei defensor idoneus est sine satisdatione. Rationem hanc esse arbitror, quod susceptio judicij species quædam est delegationis, l. 11. §. 1. *de nov.* facitque ut subtilitate juris reus liberatus videatur; ut proinde merito qui in locum rei succedit & dominus litis efficitur hac cautione oneretur etiamsi mandatum habeat, ne in *vito* actori alius reus objiciatur. Et inde est quod stricta ratione juris in procuratorem sententia fertur & actio judicati datur; quamvis ex æquitate prætor actionem in eum denegat, & in reum cujus revera negotium gestum est concedit, l. 4. *de rejud.*

Quod si proprio nomine) Qui suo nomine actionem in personam suscipiebat judicatum solvi satisdare non tenebatur. In actione in rem contra erat. Differentia ratio hæc redditur, quod in actione in personam reus non que condemnationem evitare potest quam in actione in rem, quippe mora obligationem perpetuat; at eamdem vim adversus possessorem non habet, quem placet absolvi etiamsi post item contestatam possidere rem desierit, modo dolo & culpâ careat, l. 27. §. 1. *de rei vind.* de quo plura scripsi ad §. 14. *in fin. Inst. sup. de att.*

TEXTUS.

Jus novum. De reo.

2. *Sed bodie bæc aliter observantur.* Sive enim quis in rem actione convenitur sive personali suo nomine, nullam satisdationem pro litis estimatione dare compellitur, sed pro sua tantum persona, quod in judicio permaneat usque ad terminum litis; vel committitur sue promissione cum jurejurando, quam juratoriam cautionem vocant; vel nudam promissionem, vel satisdationem pro qualitate personæ sua dare compellitur.

Tom. II.

Hodie qui suo nomine quacumque actione convenitur satisdare de litis estimatione non cogitur. *De litis estimatione* dixit pro *judicatum solvi*, quæ olim ab eo qui in rem judicium accipiebat exigebatur.

Sed pro sua tantum persona) Cujusvis judicij reus principalis de exitu litis expectando vel satisdare vel jurare vel repromittere tenetur. Juratoria cautioni committuntur pauperiores, ut jurent scilicet se facturos quod alias fidejussoribus datis promittere debuissent, simul & hoc, se idoneos fidejussores reperire non posse, auth. generaliter *C. de Episc. & Cler.* Personæ quoque illustres non satisdant sed jurant, l. 17. *C. de dign.* A reliquis exigitur satisdatio, exceptis iis qui immobilia possident, l. 16. qui satisd. cog. quos nec jurare teneri arbitror; alioqui quis locus esset nudæ repromotioni, quæ hoc loco & in rubr. qui satisdare opponitur cautioni juratoria? Et igitur stabitur nudæ possessoris immobilium promissioni. Interpretes in l. 1. & d. l. 15. d. tit. fere censem possessorem teniri ea bona simul hypothecæ obligare: quod mihi à mente *Jurisconsulti* in d. l. 15. valde alienum esse videtur; quin cautio pignerationis non minus idonea, immo aliquando utilior est quam fidejussoria.

Usque ad terminum litis) Hæc igitur cautio plus continet quam vetus illa judicio sisti. Nam illi satisfit si reus judicio exhibea ur, neque necesse est litis exitum expectare; huic vero non satisfit nisi terminus litis expectetur. Alia cautio est quæ novissimo jure in executorem litis exponitur de contestanda liti intra duos menses, auth. libellum *C. de lit. cont.*

TEXTUS.

De procuratore actoris.

3. *Sin autem per procuratorem lis vel inferatur vel suscipitur: in actoris quidem persona,* si non mandatum actis insinuatum est, vel presens dominus litis in judicio procuratoris sui personam confirmaverit ratam rem dominum habiturum, satisdationem procurator dare compellitur; eodem observando & si tutor vel curator vel alii tales personæ quæ alienarum re-

rum gubernationem receperunt litem quibusdam ne continentur, nisi fuerit provocatum.
per alium inferunt.

Vid. l. 3. tit. 16. lib. 5. Recop.

Vid. l. 5. tit. 10. lib. 1. for. legg.

N O T A .

3. *Vel aliae tales personæ*] Intellige syndicos vel actores municipiorum aut corporum.

C O M M E N T A R I U S .

IN actoris persona) Qui ad agendum alieno nomine admitti postulat, si quidem mandatum probet vel præsentis domini habeat auctoritatem, satisdare non cogitur rem ratam dominum habiturum, l. 1. C. de satisl. l. 65. ff. de proc. l. 1. C. eod. l. 3. §. 2. ut in poss. leg. l. 21. rat. rem bab. sin minus, sine satisdatione non admittitur. Sed nec omnes qui mandatum ad agendum non habent oblata cautione de rato admittuntur, sed sola personæ conjunctæ, ll. 35. & 40. §. ult. de proc. item procurator omnium bonorum, l. 7. §. 18. de nov. op. nunt. eademque conditione admittitur cui an mandatum sit vel non sit dubitatur d. l. 3. §. 2. ff. ut in poss. legat. d. l. 1. C. de proc. & secundum hæc temperandi textus generales in l. 33. §. 3. l. 39. §. 1. de proc.

Eodem observando & si tutor vel curator &c. litem per alium inferunt] Puta vel per procuratorem à pupillo vel adulto constitutum tute vel curatore interveniente, l. 11. C. de proc. vel per actorem quem ipse tutor vel curator ex sua persona constituere possunt, l. un. C. de act. à tut. seu cur. dand. §. ult. Inst. sup. de curat.

T E X T U S .

De procuratore rei præsentis.

4. Si vero aliquis convenitur, si quidem præsens procuratorem dare paratus est, potest vel ipse in judicium venire, & sui procuratoris personam per judicatum solvi satisdationem solemní stipulatione firmare; vel extra judicium satisdationem exponere, per quam ipse sui procuratoris fidejussor existat pro omnibus judicatum solvi satisdationis clausulis: ubi & de hypotheca suarum rerum convenire compellitur, sive in judicio promiserit, sive extra judicium caverit, ut tam ipse quam heredes ejus obligentur. Alia insuper cautela vel satisdatione propter personam ipsius exponenda, quod tempore sententiæ recitandæ in judicium veniet, vel si non venierit, omnia dabit fidejussor que in condemnatio-

D E eo qui nomine rei judicio interv enit duplex tractatio est: prima de procuratore rei, id est eo qui mandatum defendendi habet: de quo agitur hoc §. altera de eo qui mandatum non habet, & in specie defensor dicitur: de quo §. seq.

Potest vel ipse in judicium venire &c.] Superioris dictum est eum qui alienæ litis defensionem suscipit teneri omnino satisdare judicatum solvi. Hic proponitur modus quo reus procuratorem suum ab hoc onere liberare valeat: nimirum si ipse pro procuratore suo vel in judicio vel extra judicium eam cautionem exponat, atque procuratoris sui existat fidejussor.

Pro omnibus judicatum solvi clausulis) Nempe tribus illis de re judicata, de re defendenda, de dolo malo, l. 6. jud. sol.

Ubi & de hypotheca suarum rerum convenire compellitur) Legendum omnino, ubi & hypotheca rerum suarum caveri compellitur. Nempe quoniam ipse reus principalis hic fidejussor est, qui etiam alias tenetur: præter satisdationem hoc amplius ab eo exigitur ut etiam bona sua hypothecæ obliget, quo certius actori cautum sit.

Alia insuper cautela &c.) Duplicem igitur cautionem in proposito reus præstat: unam pro persona procuratoris sui, alteram pro persona sua. In illa ipse fidejussor est; in hac, qua promittit se tempore recitandæ sententiæ in judicium venturum, fidejussor non est nec esse potest, sed alium fidejussorem dat qui idem adpromittat.

Propter personam ipsius exponenda) Non à procuratore, ut male nonnulli, scilicet Accurs. & Curt. Theoph. interpres; sed ab ipso reo, à quo manifeste tam hanc quam superiori cautionem exigit Justinianus. Fabrot. Nec minus aperte Theophilus paraphrases Græcus. Nam verba illa, à procuratore, non sunt Theophili, sed emblemata Curtii interpres Latini: quod mirum est in editione Theophili non animadvertisse D. Gothofredum.

Omnia dabit fidejussor) A reo in causam propositam datus. Theophilus, πάρτα παγίζει αὐτος, ἦτη ὁ τύπος εἴγεντος (omnia præstabis) vel ipse vel fidejussor: & ita Cujac. in poster.

TEXTUS.

De procuratore rei absentis.

5. Si vero reus præsto ex quacumque causa non fuerit & alius velit defensionem ejus subire, nulla differentia inter actiones in rem vel personales introducenda, potest hoc facere; ita tamen ut satisdationem judicatum solvi pro litis estimatione præstet. Nemo enim secundum veterem regulam (ut jam dictum est) alienæ rei sine satisdatione defensor idoneus intelligitur.

Vid. leg. 5. tit. 10. lib. 1. for. legg.

COMMENTARIUS.

AD agendum alieno nomine sine mandato nemo admittitur, præterquam paucis casibus, quos supra memoravimus. At defensionem alterius suscipere nemo vetatur, qui modo paratus sit satisdationem judicatum solvi pro litis estimatione præstare, l. un. C. de satisd. Cur tam varie? Nimirum humanum est atque adeo publice expedit absentes à quibuscumque posse defendi, l. 33. §. 2. de proc. nulla vero aut humanitatis aut ratio publicæ utilitatis suadet ut cuivis permittendum sit alieno nomine agere. Sed & multum interest rei ne conveniatur à falso procuratore, quoniam dominus iterum experiri potest; nihil autem interest actoris à quo reus defendantur, modo idonea satisdatio, ea quam diximus, præstetur. Ex quo porro etiam hoc est, quod defensor statim atque cavit dominus litis efficitur etiam ante litis contestationem, l. 76. de procur. & in ipsum actio judicati datur, l. 61. d. tit. l. 4. de re jud.

TEXTUS.

Unde hæc forma discenda.

6. Quæ omnia apertius & perfectius quotidiano judiciorum usu in ipsis rerum documentis apparent.

Ubi hæc forma observanda.

7. Quam formam non solum in bac regia

urbe, sed etiam omnibus nostris provinciis (etsi propter imperitiam forte aliter celebratur) obtinere censemus; cum necesse sit omnes provincias caput omnium nostrarum civitatum, id est hanc regiam urbem ejusque observantiam sequi.

NOTA.

7. Non solum in hac regia urbe] Constantiopolim intellige, quæ etiam nova Roma appellata est, quod in eam imperii sedes translata. Græci πόλις κατάπτωσι, πόλις βαυκέννωσις (urbem Regiam) appellant. Byzantium ante dicta fuit,

COMMENTARIUS.

* Hodiernus satisdationum modus & usus.

HÆc non indigent interpretatione. Cicero lib. 1. de offic. cap. 28. Nec medici nec imperatores nec oratores, quanvis artis precepta percepint, quidquam magna laude dignum sine usu & exercitatione consequi possunt.

1. Usus satisdationum hodie peregrinus præterquam adversus debitores extraneos, quos detinimus; qui alias etiam coguntur domicilium in territorio ubi agitur eligere. Actor non de alia re cavet quam de estimatione summum litis reo forte vincenti repensanda; adeoque ad nullam cautionem tenetur si domicilium sub jurisdictione judicis apud quem agitur habeat, vel etiam bona immobilia possideat. Procurator sine mandato ad litigandum non admittitur, nisi arcto sanguinis aut affinitatis vinculo ei pro quo intervenit conjunctus sit: quo casu admitti solet cum cautione de rato. Defensor idoneum mandatum exhibens judicatum solvi satisdare non tenetur: vid. Gloss. Jo. Fab. b. 1c. Tulden. cap. 2. & 3. Merul. lib. 4. distinct. 3. tit. 13. cap. 1. & deinceps, & sed. 3. tit. 5. cap. 1. Wesemb. qui satisd. cog. n. 6. Gudelin. lib. 4. defur. nov. cap. 4. & 5. Christin. vol. 2. decis. 145. & ibi citat. & (præ aliis) Groenew. de legg. abrog. hic per tot. Vinn. Hujus temporis praxim paucis & perspicue auctor complexus est; singula seqq. legibus Regiis inveniens constituta, l. 3. tit. 16. lib. 5. Recop. l. 3. tit. 2. lib. 4. Recop. l. 53. tit. 1. lib. 3. Recop. l. 50. tit. 10. lib. 1. for. legg. ADDIT.

TITULUS XII.

DE PERPETUIS ET TEMPORALIBUS ACTIONIBUS, ET QUÆ

AD HEREDES ET IN HEREDES TRANSEUNT.

*Cod. lib. 4. tit. II.**Continuatio.*

Quoniam actio alicui constituta non semper durat, sed actiones certo temporis spatio terminatae sunt; neque etiam omnes quæ in defunctum competebant æque in heredes dantur; & aliquando nec heredi datur quæ competebat defuncto: non abs re est quod hic titulus superioribus subjicitur ad tractationem de actionibus concludendam.

TEXTUS.

De perpetuis & temporalibus
actionibus.

Hoc loco admonendi sumus, eas quidem actiones quæ ex lege senatusve consulto sive ex sacris constitutionibus proficiscuntur perpetuò solere antiquitus competere, donec sacrae constitutiones tam in rem quam in personam actionibus certos fines dederunt; eas vero quæ ex propria prætoris jurisdictione pendent plerumque intra annum vivere; nam & ipsius prætoris intra annum erat imperium. Aliquando tamen & in perpetuum extenduntur, id est usque ad finem constitutionibus introductum: quales sunt eæ quas bonorum possessori ceterisque qui heredito loco sunt accommodat. Furti quoque manifesti actio, quamvis ex ipsius prætoris jurisdictione proficiscatur, tamen perpetuo datur. Absurdum enim esse existimavit anno eam terminari.

COMMENTARIUS.

3 Recens inter actiones prætorias numeretur fidicommisaria hereditatis petitio.

Ex lege &c.] Actiones quæ ex lege senatusve consulto aut ex Principum constitutionibus proficiscabantur olim perpetuò solebant competere: nimurum cum legis & similium juris constitutionum vis esset perpetua, consentaneum videbatur actiones ex his juris partibus profectas nullo tempore finiri.

Donec sacrae constitutiones actionibus certos fines dederunt] Quod publicæ utilitatis causâ constitutum est, ut litium aliquis esset finis, tandemque aliquando possessores & debitores securi forent, arg. l. 1. de usuc.

Certos fines dederunt] Ut scilicet actiones triginta & ad summum quadraginta annorum præscriptione excluderentur, ll. 3. & 4. C. de præscr. 30. ann. l. 1. §. 1. C. de ann. exc. quod tempus nunc abusive perpetuum dicitur. Paucæ sunt quæ demum 40. annorum spatio finiuntur. Tantum tempus durat actio hypothecaria, sed uno dumtaxat casu, videlicet cum ipse debitor heresve ejus obligatae possessioni incumbunt, l. 7. §. 1. C. de præscr. 30. ann. l. 1. §. 1. in fin. C. de ann. exc. Nam extranei possessores bona fide possidentes decem aut viginti annorum; mala fide tenentes 30. annorum præscriptionem opponere possunt, ll. 1. & 2. C. si adv. cred. præsc. d. l. 7. in pr. C. de præscr. 30. ann. Tuld. ad d. tit. Christin. vol. 4. decis. 81. n. 9. VENN. Quo tempore actiones personales reales & mixtae, tum etiam jus exequendi jure nostro finiantur diximus sup. tit. Inst. de usuc. Divisio actionis in prætoriam & civilem exolevit, Paz in sua prax. init. tom. 3. n. 15. Covar. in cap. possessor 3. part. n. 4. Itaque apud nos omnes actiones sunt perpetuae, nisi quæ actio ex speciali constitutione minori temporis spatio finiatur, ut actio adversus inciviliter venantes, quæ tribus mensibus finitur, l. 13. tit. 8. lib. 7. Recop.

ADDIT. Adhac actiones omnes judicio semel inclusæ non nisi 40. annorum præscriptione excluduntur, d. l. 1. §. 1. in fin. de ann. exc.

Tam in rem) Actiones in rem non minus quam actiones in personam olim perpetuae fuerunt, utræque autem nunc eodem temporis spatio, id est triginta annis terminantur. Neque enim illæ quæ in rem sunt simplici exceptione temporis decem annorum inter præsentes, viginti inter absentes excluduntur; sed propter possessionem alterius conjunctam cum

titulo & bona fide, & tanto tempore continua-
tam , prioris domini jus extinguitur , & alteri
dominium rei possesse jure civili adquiritur.

*Quæ ex prætoris jurisdictione pendent] Ait
actiones quæ ex jurisdictione prætoris veniunt
plerumque unum dumtaxat annum durare , &
subjicit pro ratione , quod prætoris edictum
unde proficiscuntur diuturniorem vim non ha-
bet. Quæ ratio si bona est , dicendum erat
actiones prætorias non plerumque sed semper
anni spatio finiri ; & credibile quoque est
initio nullas diuturniorem vim habuisse quam
habebat ipsum edictum ex quo descendebant ;
sed postea nonnullas coepisse perpetuo com-
petere , postquam nou tam prætorem quam
prætrum spectari placuit , atque ex edictis ,
maxime quæ evidens commendabat aquitas ,
perpetuo jus dici : de quo vid. Ascon. in orat.
Cic. pro Corn. Balbo & Augustin. de legib. pop.
Rom.*

*Aliquando in perpetuum extenduntur] Immo
sæpe. Nam honoraria actiones omnes quæ rei
persecutionem continent , veluti Publiciana ,
de constituta pecunia , ex jurejurando , exer-
citoria , institoria , de peculio &c. perpetuae
sunt , id est 30. annos durant , nisi sit quæ
rescidat quod jure civili ratum est , l. 35. de
obl. & act. Sed & ex poenibus quædam per-
petuo competunt , ut mox audiemus.*

*Bonorum possessori ceterisque qui hereditis lo-
eo] Significat duas basce in rem actiones de
universitate , possessoriam hereditatis peti-
tionem , & fideicommissariam hereditatis peti-
tionem. Has actiones ait esse perpetuas , licet
jure prætorio constitutæ sint. Perpetuas esse
constat , priorem quoque prætoriam , utpote
proditum bonorum possessoribus , quos prætor
velut heredes facit , l. 1. de poss. ber. pet.*

*1. Sed altera illa quæ proponitur iis qui-
bus ex fideicommisso restituta est hereditas
non videtur esse juris prætorii , sed actio ci-
viles , quippe iis competens qui pro hereditibus
sunt ex senatusconsulto. Nisi distinguendum
putamus inter petitionem hereditatis & actiones
hereditarias , arg. l. 2. defid. ber. pet. Sed
dixerim potius eo loco jus civile in specie
per excellentiam accipi pro jure antiquo legis
xii. tabb. & opponi petitionem hereditatis ci-
vilem petitioni fideicommissariæ , non ut a-
ctioni prætoriæ , sed ut novo jure civili intro-
ductæ , nimirum senatusconsulto Trebel-
liano. Nam minime novum est ut hoc sensu
jus civile opponatur iis juris partibus que
postea accesserunt , puta senatusconsultis aut
Principum constitutionibus §. 4. & 6. Inst. sup.*

*de fideic. ber. §. 3. Inst. de testam. ord. VNN.
Sed proculdubio ICtus , quem hic Tribonianus
exscripsit , non ignoravit fideicommissariam
hereditatis petitionem esse actionem præ-
toriam. Quamvis enim fideicommissa ex mo-
ribus sint , vel ex SCto. non tamen sequitur
ut vel mores vel SCtum. etiam actionem de-
derint fideicommissario ad petendam à tertio
hereditatem. Immo legibus consentaneum non
erat hereditatem ab eo peti qui stricto jure
non sit heres. Prætor itaque hic adjuvit jus
civile & dedit fideicommissariam hereditatis
petitionem. Quin non dubito prætores fidei-
commissariam hanc actionem in albo suo pro-
posuisse. Nec obscure hanc actionem præto-
riam esse docet ICtus. dum eam hereditatis
petitioni civili opponit in l. 2. ff. de fideic.
ber. pet. HBN.*

*Furti quoque manifesti actio] Actiones præ-
toria poenales regulariter tantum intra annum
dantur , l. 35. de obl. & act. Excipitur actio
furti manifesti , quæ quamvis & ipsa prætoria
sit & poenalis , perpetua tamen est. Quod hanc
forte rationem habet , quia non primus præ-
tor poenam furibus manifestis constituit , sed
eam quæ ex lege XII. tabb. constituta erat mi-
tigavit , atque ex corporali fecit pecuniariam.
Vid. sup. §. 5. Inst. de obt. quæ ex del. Actio
quoque de futo aut damno in ravi cauponâ
aut stabulo facto , item actio adversus publi-
canos , quamvis & ha prætoriæ sunt & poena-
les , perpetuo tamen competit , l. ult. §. ult.
naut. caup. stab. l. 13. §. ult. de publican. Ju-
dicia criminalia regulâiter viginti annis fi-
niuntur , l. 12. C. ad leg. Corn. de fals. Sed
ea huc non pertinent.*

TEXTUS.

**De actionibus quæ in heredes trans-
eunt vel non.**

*1. Non autem omnes actiones quæ in aliquem
aut ipso jure competit aut à prætore dantur ,
& in heredem àque competit aut dari soient.
Est enim certissima juris regula , ex maleficiis
poenales actiones in heredem rei non competere
veluti furti , vi bonorum raptorum , injuria-
rum , damni infiriae ; sed heredibus bujusmodi
actiones competit nec denegantur , excepta
injuriarum actione & si qua alia similis in-
veniatur. Aliquando tamen etiam ex contractis
actio contra heredem non competit : veluti cum
testator dolose versatus sit & ad heredem ejus
nil ex eo dolo pervenit. Poenales autem actiones*

*nes quas supra diximus, si ab ipsis principali-
bus personis fuerint contestatae, & heredibus
dantur & contra heredes transeunt.*

L. ult. tit. 9. & l. 20. tit. 14. Part. 7.

COMMENTARIUS.

- 1 *Actiones omnes que rei persecutionem conti-
nent & heredibus & in heredes dari, etiam
si que ex delicto.*
- 2 *Ostenditur perspicue conditionem furtivam
& actionem rerum amotarum contra heredes
etiam dari in solidum.*
- 3 *In heredem non dari ullam poenalem, licet
ex contractu.*
- 4 *Actiones que poenales habeantur, quamvis ni-
bil amplius persequantur quam quod abest.*
- 5 *Cur actiones poenales in heredes non dentur,
cum dentur heredibus.*
- 6 *Cur actio injuriarum ne heredibus quidem
detur.*
- 7 *Quibus casibus ex contractu actio non com-
petat in heredem ad quem ex dolo defuncti-
nibus pervenit.*
- 8 *Actiones omnes iudicio inclusas perpetuari; &
quid hic juris bodie.*

1. **A**ctionum quædam & heredibus & contra heredes dantur: quædam heredibus quidem sed non contra heredes: quædam denique neque heredibus neque contra heredes. Et heredibus & contra heredes dantur quæcumque rei tantum persequendæ causæ comparatæ sunt; nisi quod actio in rem tantummodo respectu possessionis in heredem datur; quippe quæ possessorem semper sequitur, l. 42. de rei vind. l. 25. de obl. & att. Dum autem actio præter rei persecutionem nihil contineat, non distinguimus in proposito utrum ea sit ex contractu, an ex maleficio, sed utroque casu non minus in heredes quam heredibus actionem dari contendimus; & quidem in heredes in solidum; hoc enim semper intelligendum est cum simpliciter dicitur actio in heredem dari. De actionibus quæ ex contractu descendunt res est expedita, l. 1. & tot. tit. C. de her. att. adeoque passim Veteres definiti, actiones ex contractibus venientes, licet delictum quoque versetur, in heredes in solidum dari, l. 7. S. 1. depos. ll. 12. & 49. de obl. & att. l. 157. S. ult. de reg. jur. 2. De iis vero quæ rei persecutoriæ sunt ex delicto, quales esse constat conditionem furtivam & actionem rerum amotarum, l. 7.

§. 2. de cond. furt. l. 21. S. pen. de att. rer. amot. ambigitur, non utique an heredibus aut contra heredes aliquatenus dentur, sed an dentur contra heredes in solidum. Nam hoc negat Cujac. 7. obs. 37. & 13. obs. 39. Lyclam. I. membr. 18. & lib. benedict. passim. Ego vero existimo etiam his actionibus heredem teneri in solidum. Moveor primum eo, quod haec duæ actiones absolute dicuntur dari in heredem, ll. 2. & 7. §. 2. de cond. furt. S. ult. Inst. sup. de obl. quæ ex del. l. 6. S. 4. de att. rer. amot. Ex eo enim colligo dari eas aduersus heredem furis aut mulieris in solidum. Nam quotiescumque actio simpliciter in heredem dari dicitur, toties intelligitur dari in solidum; cum vero in solidum non datur, sed quatenus ad heredem pervenit: aut hoc adjicetur aut dari simpliciter negatur: ut patet ex lege 16. de judic. l. 23. §. 8. ad leg. Aquil. l. 13. de serv. corr. l. 9. §. 1. quod falsi. tui. l. 3. S. pen. si mens. fals. mod. l. 1. de priv. del. l. 2. S. ult. vi bon. rapt. l. 35. de obl. & att. l. 111. S. 1. de reg. jur. §. 9. Inst. sup. de leg. Aquil. S. ult. de obl. quæ quasi ex del. item hoc text. & innumeris alios locis. Secundo, quia regulæ earum actionum quæ in heredes non dantur de poenalibus ex maleficio conceptæ sunt, l. 1. de privat. del. ll. 38. & 111. S. 1. de reg. jur. l. 23. §. 8. ad leg. Aquil. & hoc text. l. pen. de op. nov. nunt. Hinc enim evincitur, si quæ sunt ex maleficio non poenæ sed rei persecutoriæ, eas in heredem dari; quoniam contraria contraria sunt consequentia. At condicione furtiva & actio rerum amotarum non poenam sed rem persequuntur, ut jam probavimus. Et secundum hac Imperator in §. 9. Inst. sup. de leg. Aquil. negat actionem legis Aquiliæ in heredem transire, non quia ex delicto est sed quia poenalis: addens, transituram eam fuisse si ultra damnum datum numquam lis estimaretur. Dicitur sane non numquam actiones ex delicto venientes adversus heredes non dari, nisi quatenus ad eos pervenit, nec adjicetur poenales, ut in l. un. C. ex del. def. Sed quid prohibet hujusmodi definitiones ex eo quod plurimum & fere semper fit conceptas sic accipere, si agatur de eo quod defunctus deliquit, id est ad poenam? At in condicione furtiva & actione rerum amotarum de delicto aut poena delicti non agitur, sed tantum de eo quod ex patrimonio nobis abest, nec quidquam amplius persequuntur, l. 7. S. 2. de cond. furt. l. 21. S. pen. de att. rer. am. Jam vero ob hoc solum actio poenalis non habetur, quod consti-

tuta est adversus eum ad quem ex delicto defuncti nihil pervenit, nisi & factum puniat &c in dolum concepta sit, l. 9. §. 1. quod fals. tut. de quo amplius postea. Postremo movet me locus expressus in lege 9. de cond. furt. ubi diserte Jurisc. ait, in conditione ex causa furtiva heredem non pro parte quæ pervenit, sed in solidum teneri; si vero plures sint heredes, singulos pro partibus hereditariis. Quod si hoc obtinet in conditione furtiva, procul dubio etiam in actione rerum amotarum locum habet, cum aperte testetur Paulus in l. 6. §. 4. de act. rer. am. ex causa rerum amotarum teneri heredem mulieris perinde ac tenetur heres conditionis nomine ex causa furtiva; ac proinde quod rescribunt Imp. in lege ult. C. rer. amot. actionem rerum amotarum adversus heredes dari non in solidum sed in quantum ad eos pervenit: necessario sic accipendum est, in quantum ad eos pervenit de hereditate, non autem de rebus amotis; ut si plures sint heredes, non singuli in solidum tenentur, sed universi; singuli autem pro ea parte pro qua heredes extiterunt: secundum d. l. 9. de cond. furt. aut si cum Ant. Fabro 4. conj. 1. de rebus amotis rescriptum intelligi volumus, supponendum erit totum ad heredes pervenisse, non ad unum aliquem, sed ad singulos pro parte. Quæ actiones heredibus competant, in heredes autem non dentur; tum quæ neque heredibus neque adversus heredes competant docebit nos textus, ad cuius explicationem tempus est ut accedamus.

Aut ipso jure) Ipso jure aliquando idem vallet, quod jure solo, sine aliquo facto nostro, veluti cum sui heredes dicuntur ipso jure heredes existere; aliquando, idem quod jure civili, non jure pratorio, ut in §. 10. Inst. sup. de act. l. 9. §. 1. ususfr. quæ cav. & hoc loc. Itaque ipsum jus hic excellentiam notat.

3. *Ex maleficiis pœnales*) Actiones ex maleficiis pœnales heredibus dantur, at in heredes non competunt. Ait, *pœnales ex maleficiis*, ut & alibi regula concepta est, l. 1. de priv. del. l. 38. & 111. §. 1. de reg. jur. Quid ergo si qua sit pœnalis ex contractu? Et hic idem juris esse evincit actio depositi miserabilis, quæ in eum qui tumultus incendiis ruinæ naufragii causâ depositum inficiatur in duplum constituta est, in heredem vero ex dolo defuncti in simplum, l. 1. §. 1. l. 18. depos. Plane hoc non pertinet actio qua peccit pœna conventione promissa; nam pœnam stipulamur loco ejus quod interest, §. ult. Inst.

sup. de verb. ebl. vid. §. 16. sup. de act. Excludit autem regula eas quæ sunt ex maleficio rei persecutoriæ, quas etiam adversus heredes dari paulo ante probavimus.

4. Illud ignorandum non est esse quasdam actiones quæ pœnales habentur quamvis nihil amplius quam quod abest persecutantur, de quibus hæc notio tenenda. Quories actio factum punit & in dolum concepta est, constituiturque adversus eum ad quem ex dolo res non pervenit, quamvis proposita sit ei cui eo facto quid abest, atque ita à parte actoris rei persecutionem contineat; pœnalis tamen habetur ob vindictam delicti, quam eo amplius persecutur; ac proinde in heredem non datur, l. 9. §. 1. quod. fals. tut. Talis est actio de dolo, l. 26. de dol. mal. item ea quæ adversus falsum tutorem datur, d. l. 9. §. 1. quod. fals. tut. Talis quoque est adversus mensorem qui falsum modum dixit, l. 3. §. pen. si mens. fals. mod. item quæ proponuntur in lege 7. §. ult. de trib. att. l. 1. §. ult. ne vis fiat ei qui in poss. miss. l. 1. §. ult. de eo per quem fact. erit quominus quis in jud. l. pen. §. 1. ne quis eum qui in jus voc. l. 4. in fin. ll. 6. & 7. de alien. jud. mut. ca. ubi actio in factum ex illo edicto dicitur pertinere ad rei persecutionem; nimur quia actor per eam id tantum quod sibi abest persecutur; à parte autem rei revera pœnalis est, quia factum punit & in dolum concepta est.

5. At cum heres in universum jus defundi succedat, & regulariter tam in incommoda quam in commoda: quæ ratio est quod in proposito tantum cominodum actionum pœnaliū ad heredes transire placet, incommodum autem earum ad eos non pertinere? Nimur quia æquum visum est pœnam ex hac successione excipere, ne ibi pœna sit ubi noxia non est, l. pen. de op. nov. nunt. l. 38. de reg. jur. l. 22. C. de pœn. Illud æquissima ratione placuit, turpia lucra etiam heredibus esse extorquenda; ideoque actiones quamvis pœnales eatenus saltē in heredes dandas esse quatenus ad eos pervenit, ne ex delicto defuncti lucrum sentiant, l. 5. de calumn. l. 16. §. ult. & l. seq. quod met. cau. l. 26. de dol. l. un. C. ex del. def. cum similibus.

6. *Excepta injuriarum actione*] Actio injuriarum neque heredibus neque in heredes datur, l. 13. in pr. de injur. Quod non datur in heredes hoc commune habet cum ceteris pœnalibus: quod heredibus non datur ejus proprium est, & hanc rationem habet quod in ea non principaliter de damno sarcendo,

sed

sed de contumelia vindicanda agitur, l. 7. §. 1. eod. quam vindictam si injuriam passus lite non instituta decesserit, tacite remisise intelligitur: de quo dixi ad §. ult. Inst. sup. de injur. & hinc est quod actio injuriarum in bonis nostris non computatur antequam litem contestemur, l. 28. eod.

Si qua alia similis) Similes habes in leg. pen. de in jus voc. l. pen. §. ult. ne quis eum qui in jus voc. l. 4. ff. de column. l. 7. C. de rev. don. Huc etiam referri potest querela inofficiosi testamenti; nam & haec injuriam exhereditato aut præterito illatam quasi ulciscitur, Nov. 115. cap. 5. & non nisi preparata ad heredes transit, l. 6. §. ult. cum l. seq. de inoff. test.

7. Aliquando etiam ex contractu actio in heredem non competit) Puto intelligi actiones ex contractu quæ ob delictum concurrens ex parte rei poenales habentur, eo quod factum puniunt & in dolum conceptæ sunt: quales sunt actiones in factum adversus falsum tutorum, & adversus mensorem qui falsum modum dixit; item actio tributoria, quæ dolum malum domini coercte maleficione in distribuendo versati; nam haec actiones licet ex contractu sint, tamen in heredem rei (quia hac parte poenales) non dantur, nisi de eo quod ad eum pervenit, l. 9. §. 1. quod fals. tut. l. 3. §. pen. si mens. fals. mod. l. 7. §. ult. de trib. act. Alias ex contractibus successores ex dolo eorum quibus successerunt non tantum in id quod pervenit, sed in solidum tenentur, l. 12. l. 49. de obl. & act. l. 157. §. ult. de reg. jur. l. 7. §. 1. depos. ubi Jurisconsultus cum dixisset actionem depositi ex dolo defunctorum in solidum in heredem dari, hanc rationem subjecit: *Quoniam enim, inquit, alias ex dolo defuncti non solemus teneri, nisi pro ea parte que ad nos pervenit; tamen hic dolus ex contractu reique persecutione descendit; ideoque in solidum heres tenetur; plures vero, pro ea parte quæ quisque heres est: qui locus sententiam nostram mire confirmat.* Ex his autem apparet insinuiter errare Theophilum, qui pro exemplo adducit actionem depositi, quam ex dolo defunctorum negat in heredem dari si nihil ex eo dolo ad eum pervenit, contra tot expressos textus. Nec excusari potest hoc obtentu, quod intellexerit actionem depositi miserabilis. Nam & haec actio ex dolo defunctorum in heredem datur, etsi nihil ad eum pervenit; & quoniam non in duplum, in solidum tamen; quoniam ut que simplum solidum est, & poena alterum tantum, l. 1. §. 1. l. 18. depos.

Veluti) Hanc particulam Cajac. & Pac. au-

ctoritate quorundam codicum defendam censem: quod mihi non videtur necessarium, cum & retenta eā constet & recta sit loci sententia.

8. *Fuerint contestata*) Omnes actiones quæ morte aut tempore pereunt, si semel inclusæ judicio fuerunt, quod fit litis contestatione, salvæ permanent, l. 139. de reg. jur. Morte dicuntur perire poenales, proptereaque in heredes rei non dantur, licet active transeant; at lite contestata & active transeunt & passive, ll. 26. & 58. de obl. & act. l. 164. de reg. jur. l. un. C. ex del. def. quod ex eo est, quia judicio accipiendo nova contrahitur obligatio judicati, l. 3. §. 11. de pecul. Postea Constitutionibus placuit poenæ persecutionem transmitti si modo reus vivus conventus fuerit, quasi lite cum eo contestata, l. 33. de obl. & act. Apud nos poenales actiones nullæ sunt, si injuriarum actionem excipias; quoniam, ut sœpe alibi diximus, poenæ legitimæ quæ privatis litigatoribus applicabantur exoleverunt. Ceterum heres ex delicto defuncti, etiamsi lis à defuncto contestata non sit, tenetur non in id tantum quod ad eum ex delicto defuncti pervenit secundum scita juris civilis, sed damnum à defuncto datum sarcire cogitur quatenus facultates defunctorum patiuntur: quod cum jure Canonico primum cautum esset, cap. 5. de rapt. cap. ult. de secul. propter aequitatem etiam in foro civili receptum videtur. Jo. Fab. h.c. Covar. lib. 3. res. 3. n. 7. Imbert. in encycl. Papon. lib. 24. arrest. tit. 11. arrest. 3. & ult. De quo plura Christin. vol. 3. decis. 22. n. 2. & seqq. Add. Groenew. de legg. abrog. ad tit. C. ex delict. defunct. in quant. hered. Vinn. Haec etiam apud Hispanos obtinent per ea quæ diximus sup. tit. 1. buj. lib. Adeundus omnino Covar. loc. ab auct. laud. qui rem confecit omnem. ADDIT.

TEXTUS.

Si pendente judicio reus actori satisfecerit.

2. *Superest ut admoneamus quod si ante rem judicatam is cum quo actum est satisfaciat actori, officio judicis convenit eum absolvere; licet in ea causa fuisse judicii accipendi tempore ut damnari deberet; & hoc est quod antea vulgo dicebatur omnia judicia absolutoria esse.*

COMMENTARIUS.

Quemadmodum debitorem ante acceptum judicium bonam fidem agnoscentem &

paratum solvere dimitti placet, eique diem dari cum competenti cautione ad solvendam pecuniam, l. 21. de judic. l. 17. jud. solv. ita etiam æquum est audiri eum qui post acceptum judicium ante rem judicaram satisfactiōnem offert, modo id omne offerat quo jus actoris deterius factum est, & in quod alias fieret condemnatio: fac. l. 73. de proc. l. 5. de publ. & vef. l. ult. que in fraud. cred.

Eum absolvere] Hæc verba duplicem admit-

tunt interpretationem: vel ut simpliciter reus satisfaciens dimittendus sit ab instantia & liberandus molestiis judicialibus, quomodo Theoph. & Hotom. interpretantur; vel ut absolvendus sit etiam sententia judicis: quod posterius & rationi juris magis convenire videtur; cum judici incumbat aut damnare reum aut absolvere, l. 1. de re jud. & reo longe utilius est, quoniam alias non haberet exceptionem rei judicatae.

T I T U L U S XIII.

D E E X C E P T I O N I B U S.

Dig. lib. 44. tit. 1. Cod. lib. 8. tit. 36. Et Recop. lib. 4. tit. 5. lib. 2. tit. 10. for. legg.

Ratio dispositionis. Omnen reum ad defensionem suam vel inficiatione uti vel depulsione, & quid utraque. Quid sit exceptio: unde hoc nomen natum, & alia observatu digna.

Quidquid in judicium deducitur aut actio est aut exceptio: actio à parte auctoris, cuius in omni judicio sunt partes primæ; exceptio à parte rei, cuius sunt secundæ. De actionibus hæc tenus quis sit est; de exceptionibus adhuc cognoscendum, & quidem de his solis; nam præter has, si ab actione discesseris, nulla alia res in iudicium principaliter deducitur. Id quod ita liquere poterit. Omnis reus qui judicio contendere paratus sit ad defensionem suam aut in inficiatione utitur aut depulsione. Inficiatio est, cum negat ullam auctori esse actionem de eo quod petitur. Ea vero aut simplex est, aut cum novi facti affirmatione conjuncta. Simplex, cum reus simpliciter negat id factum quo nomine agitur, puta mutuam pecuniam quæ ab auctore petitur sibi datum esse. Cum affirmatione novi facti conjuncta, cum confitetur quidem actionem aliquando auctori competuisse, sed eam nunc ei competere negat, utpote novo aliquo facto postea amissam: ex. gr. si auctorem dicat ideo agere non posse quia actio ipso jure sublata sit, puta solutione, acceptance, rei interitu. Simplex inficiatio aperte nihil in judicium deducit, neque ulla hic neganti incumbit probatio: tantum queritur de actione & intentione auctoris, quæ in dubium vocatur: id est, solum tractatur in judicio an verum sit quod auctor in propriam intentionem deduxit, nec de alicujus exceptionis vi à reo oppositæ disputatur; ac pro-

Tom. II.

bante auctore reus condemnatur, non probante simpliciter absolvitur. Covar. in cap. posses. mal. fidei. 2. de reg. jur. in 6. p. 1. relit. init. n. 5. Wesemb. par. hoc tit. n. 2. In conjuncta autem, affirmatio illa novi facti had dubie in judicium deducitur, ac proinde à reo probanda est, l. 1. C. de probat. sed deducitur per consequentiam dumtaxat; principaliter enim eo spectat ut ostendatur vere negare reum actionem auctori competere. Depulsio est, cum reus de actione auctoris confitens tam in jure quam in facto ea defensione utitur quæ actionem removeat. Hæc defensio in usu juris exceptio appellatur. Si quis hic mihi Rhetorum libros adire velit, poterit fortassis nonnulli lucis etiam inde sibi ad hæc melius intelligenda sumere. Exceptio igitur est, defensio rei quæ actioni aliquo jure constitutæ opposita hanc ipsam æquitatis ratione excludit: sic in pr. l. 12. de dol. mal. exc. l. 2. hoc tit. Exceptio omnis recte defensio dicitur, utpote comparata defendantorum reorum causâ, pr. buj. tit. At non omnis defensio exceptio est, sed ea tantum quæ actionem jure constitutam repellit. Quæ vero allegationes ostendunt actionem ipso jure sublatam esse: veluti cum debitor solutionem allegat, defensiones dici possunt, exceptiones non possunt. Pugnantia sunt Jurisconsultis, liberari ipso jure, & liberari per exceptionem, l. 34. §. 1. de obl. & aet. quamquam usu Interpretum jam obtinuit ut omnis generis defensio quæ modo agentis

intentionem repellit sive juris sive facti negatione exceptio dicatur. Unde DD. exceptiones alias esse juris tradunt, alias facti & intentionis. Myns. ad rubr. bic n. 12. Gregor. Tholos. 21. synt. n. 5. vid. Covar. d. loc. n. 4. & 5. Sed quomodo reus exceptione uteatur ad excludendam actionem? Id indicant verba definitionis, si exceptio actioni opponatur; unde passim legimus exceptionem opponi objici obstare, exceptione occurrere &c. Etenim omnis defensio exceptionis in facto rei posita est, omissa ad liberationem reo non prodest. De tempore opponendæ exceptionis dicemus inferius. Nomen exceptionis natum ex formula judicii, quod sub exceptione dabatur; sic enim prætor subjiciebat, nisi, si non, extra quam si, illud aut illud factum erit; aut si quæ particulae eamdem vim habent. Atque hinc item factum ut exceptio omnis conditio appellaretur, l. 22. hoc tit. ubi quæ ex act definiitio exceptionis à conceptione sumta est, sicut Ulpiani in l. 2. eod. ab effectu & utendi modo. Vid. Duar. ad l. 7. §. 2. de paet. Cujac. 5. obs. 34. Petr. Fab. ad l. 154. de reg. jur. Sed & exceptio omnis præscriptio dicta; & inde Græcis παραγεγμένη l. pen. hoc tit. ll. 8. pen. & ult. & in rubr. C. eod. l. 29. de exc. rei jud. l. 91. de solut. cum similibus: de cuius verbi ratione consule Alciat. de quinq. ped. præscr. Don. in rubr. C. eod. tit. n. 15. Rxvard. 1. de præjud. 8. Petr. Fab. 1. semestr. 21.

TEXTUS.

Continuatio. Ratio exceptionum.

Sequitur ut de exceptionibus dispiciamus. Comparata autem sunt exceptiones defendendorum eorum gratiæ cum quibus agitur. Sæpe enim accidit ut licet ipsa persecutio qua exactior experitur justa sit, tamen iniqua sit adversus eum eam quo agitur.

L. 8. tit. 3. Part. 3.

COMMENTARIUS.

Defendendorum eorum gratiæ) Unde vulgo notant exceptiones esse juris naturalis & gentium, cuius scilicet juris defensio est, Wesemb. par. eod. tit. n. 8. Ob eamdem causam nonnulli censem verbum *excipere* translatum esse ab armis militariibus ad forensia, puta, clypeo aut scuto, quibus tela in nos directa excipimus & retundimus. Non male fortassis, sed non ex usu auctorum juris.

Ipsa persecutio justa sit) Non continuo si

actio justa sit, id est ipso jure comparata seu summo jure constituta, justa est in eum quo cum agitur: ex. gr. si quis dolo inductus stipulanti promisserit, is quidem subtilitate juris ex promissione sua obligatur; sed quoniam per machinationem adversarii obligatus est, iniquum est eum condemnari; ac proinde contra agentem exceptio doli ei proposita est, ne cui dolus suus per occasionem juris civilis contra naturalem æquitatem prosit, l. 1. §. 1. de dol. mal. exc. Quod si nulla subsit actio jure civili constituta, vel quia reus dicit nullam umquam actori competuisse, vel eam quæ fuit ipso jure sublatam: hæc allegatio exceptio proprie non est sed alia species defensionis, ut jam ante ostendimus.

TEXTUS.

Exempla. Quod metus causâ, de dolo, & in factum.

1. *Verbi gratia*, si metu coactus aut dolo inductus aut errore lapis stipulanti Titio promisi quod non dekueras promittere, palam est jure civili te obligatum esse, & actio qua intenditur dare te oportere efficax est; sed iniquum est te condemnari. Ideoque datur tibi exceptio quod metus causa, aut doli mali, aut in factum, composita ad impugnandam actionem.

COMMENTARIUS.

- 1 Cur qui metu coactus promisit ipso jure obligetur.
- 2 Quæritur idem de eo qui dolo inductus.
- 3 De quo genere erroris hic locus accipiendus.
- 4 Exceptio in factum qualis, & unde.

Illustrat exemplis quod dixit, sæpe accidere ut actio qua quis experitur summo jure teneat, sed iniqua sit adversus eum cum quo agitur. In universum aut id accidit dupliciter, vel quia jam à principio iniqua est, vel quia postea vinculum æquitatis tollitur, ita ut tantum superesis solius vinculum juris civilis: quod quidem ita nos astringit ut summo jure in nos sit actio, sed quæ propter defecitum æquitatis sit inefficax ad condemnationem si exceptio opponatur.

1. *Metu coactus*] Qui metu coactus aliquid promittit ipso jure obligatur propter consensum; quia voluntas licet coacta voluntas tamen est, l. 21. §. pen. quod met. caus. nimirum utrum quid voluntarium sit an involuntarium ex eo tempore estimatur quo geritur. Jam vero illud quod eligitur, quo tempore me-

metus infertur, respectu majoris mali quod vitatur boni rationem habet, & ea consideratione objectum est voluntatis: de quo consule Arist. 3. eth. 1. Ceterum naturaliter obligatus dici revera non potest ob defectum vinculi æquitatis; quoniam consensus & voluntas ista non fuit libera; neque promisisset aut voluisse extra metum majoris mali positus. Atque hinc explicandi loci in quibus traditur vim atque metum consensui esse contrarium, l. 116. de reg. jur. cum similibus. VENN. At non esse genuinam hanc rationem vel inde patet, quod promissa vi justa à magistratu ex gr. extorta obligant, l. 3. §. 1. & l. 21. ff. quod met. caus. l. 29. §. pen. ff. ad leg. Aquil. cum tamen & hic voluntas non sit libera. Potius itaque hujus juris ratio accessenda est ab eo quod omne promissum ex parte alterius requirat acceptationem. Atqui qui vi injusta extorquet promissum omni acceptandi jure destitutus. Non itaque valet quod ei promissum est. Ita recte Puffendorfius de jur. nat. gent. & civ. lib. 3. cap. 6. §. 10. & lib. 4. cap. 14. §. 8. cum contraria Grotius de jur. bell. & pac. lib. 2. cap. 11. §. 17. hujusmodi promissum validum existimet. HEIN.

2. *Dolo inducitus*] Etiam qui dolo inductus stipulanti promisit quod alias non promisisset subtilitate juris obligatur; quia utique verum est eum promisisse; sed & hæc obligatio naturalis æquitatis vinculo destitutus, propter dolum & machinationem stipulatoris aliud agentis aliud simulantis, l. 36. de verb. obl. l. 1. §. 1. de dol. mal. exc. Circa dolum qui causam contractui præberet, videlicet si quis in hoc circumscriptus sit ut contraheret cum alias contractus non fuisset; recepta fuit vulgaris distinctio inter contractus bona fidei & stricti juris, quod illi hoc casu ipso jure nullius momenti sint, arg. l. 7. in pr. de dol. l. 16. §. 1. de minor. hi ipso jure subsistant & actionem producant; ut proinde hic semper excipendum sit, sive dolus causam contractui dederit sive inciderit, d. l. 36. ff. de verb. obl. l. 5. C. de inut. stipul. de quo prolixie Bachov. disp. 6. de aff. thes. 17.

3. *Errore lapsus*] Quod hic dicitur, etiam eum qui errore inductus stipulanti promisit jure civili obligari, id non videtur convenire cum eo quod passim traditur, eos qui errant non consentire, consensui nihil magis esse contrarium errore, l. 15. de jurid. l. 2. de judic. Nam sine consensu nullus contractus ac ne stipulatio quidem consistit, l. 1. §. 3. de paſt. Resp. error non est unius generis. Si in per-

sonam aut re promissa erratum sit, cum de alia stipulator de alia promissor sentire: fateor nullam contrahi obligationem, quia talis error consensum non habet. At error in causa promittendi, de quo hic agitur, non omnino consensu destitutus; & ideo summo jure hic nascitur obligatio, d. l. 36. de verb. obl. l. 7. de dol. mal. exc. Vid notata ad §. 22. Inst. sup. de inut. stip.

Jure civili te obligatum esse] Id est subtilitate juris, ut ait Jurisconsultus in d. l. 36. de verb. obl. & dolum metumve non impedire quominus actio nascatur, rescriptum est in l. 5. C. de inut. stip. verum enim utique est alterum stipulatum esse te promisso, atque ita contractam verborum obligationem.

Efficax est] Per se scilicet ac vi sua, hoc est si pura esset neque exceptione corrigeretur. Jam autem exceptio efficit ut ad condemnationem sit inefficax, l. 112. de reg. jur.

Exceptio quod metus causâ] Exceptio quod metus causâ in rem scripta est, si in ea re nihil metus causâ factum est: ut non inspiciamus an is qui agit metus causâ fecerit, sed an omnino metus causâ factum sit in ea re à quocumque, non tantum ab eo qui agit, l. 4. §. pen. de dol. mal. exc.

Audoli mali] Exceptio dolii mali personam complectitur ejus qui dolo fecit. Itaque in hac exceptione specialiter exprimendum est de cuius dolo quis queratur, non in rem, si in ea re nihil dolio malo factum est; sed sic, si in ea re nihil dolio malo actoris factum est, l. 2. §. 1. d. l. 4. §. pen. de exc. dol. mal.

4. *In factum*] In factum hæc exceptio dicitur nomine generali, quia variis modis accidere potest ut error interveniat: quemadmodum & actiones quæ proprio nomine carrent in factum appellari solent, ut illæ quæ dantur ex contractibus innominatis; item utilles, & præcipue subsidiarie, de quibus expli- catum §. ult. Inst. sup. de leg. Aquil. Et sicut ob qualitatem personæ quæ convenit in factum agendum (quo casu adversus alios est actio de dolo, l. 11. §. 1. de dol.) ita agente hujusmodi persona (quo casu adversus alios exciperetur de dolo) in factum excipendum est, l. 4. §. 16. de dol. exc. Opponitur autem hoc loco exceptio in factum exceptioni dolii mali non generali sed speciali, quæ nascitur ex eadem causa ex qua actio de dolo, nempe ex dolo inter initia adhibito, l. 5. C. de inut. stip. sive, ut est in textu nostro, si quis dolo inductus stipulanti promiserit. Nam generalis

exceptio doli, sicut cum aliis exceptionibus omnibus, ita & cum hac in factum concurrit; quoniam datur ex omni causa ob quam id quod periculū exceptione elidi potest; quamvis inter initia nihil dolo factum sit. Ut in summa exceptio doli generalis toties competat, quoties auctor per occasionem juris civilis æquitatem naturalem infringere conatur, l. 1. §. 1. l. 2. §. 1. 4. §. pen. l. 7. l. 12. de dol. exc. l. 36. ff. de verb. obl. l. 5. C. de pacto cum similibus.

TEXTUS.

De non numerata pecunia.

2. *Idem juris est si quis quasi credendi causam pecuniam à te stipulatus fuerit, neque numeraverit. Nam eam pecuniam à te petere posse eum certum est; dare enim te oportet cum ex stipulatione tenearis. Sed quia iniquum est eo nomine te condemnari, placet exceptione pecuniae non numerata te defendi debere: cuius tempora nos (secundum quod jam superioribus libris scriptum est) constitutione nostra coarctavimus.*

NOTA.

2. *Cum ex stipulatione tenearis] Igitur quod Paulus respondet l. 30. de reb. cred. te nondum obligatum esse, de exitu intelligendum est, cum habeas exceptionem peremptoriam.*

COMMENTARIUS.

Qui quasi credituro stipulanti pecuniam spopondit, jure civili obligatus est; sed adjuvatur exceptione non numerata pecuniae, l. 2. §. 3. in fin. de dol. exc. ubi Ulp. ait, ei qui crediturus pecuniam stipulatus est, nec credidit, etsi certa fuit causa stipulationis, quæ tamen aut non est secuta, aut finita est, nocere pecuniae non numerata exceptionem unde patet hanc exceptionem non tantum actioni ex chirographo, sed etiam actioni ex stipulatu opponi. Solebant quippe creditores pecuniam sæpe stipulari prius, deinde stipulationis implenda causam adnumerare; qua ratione una ex stipulatu nascebatur obligatio, l. 6. §. 1. & l. 7. de nov.

Cujus tempora] Exceptio non numerata pecuniae cum antea quinquennis esset, à Justiniano biennis tantum facta est, sup. tit. Inst. de lit. obl. ubi fuse de hac exceptione disseverimus.

TEXTUS.

De pacto.

3. *Præterea debitor si pactus fuerit cum cre-*

TIT. XIII.

ditore ne à se pecunia peteretur, nihilominus obligatus manet, quia pacto convento obligationes non omnino dissolvuntur; qua de causa efficax est adversus eum actio, quam auctor intendit, si paret eum dare oportere; sed quia iniquum est contra passionem eum condemnari, defenditur per exceptionem pacti conveni.

L. 8. tit. 3. Part. 3.

COMMENTARIUS.

Species exceptionum quæ præcesserunt jam à principio nascuntur in re contrahenda: quæ sequuntur ex causa postea interveniente emergunt.

Nihilominus obligatus manet] Qui cum creditor pactus est ne à se pecunia peteretur, is nihilominus ipso jure obligatus manet; nam ut pacti nudi ea vis non est ut ullam civilem obligationem pariat, ita nec eam quæ constituta est sive re sive verbis ipso jure tollere potest, l. 7. §. 4. l. 27. §. 2. ff. de pacto. l. 5. 10. & 13. C. eod. Plane nudi consensus obligatio, ubi res adhuc integra est, pacto convento tollitur etiam ipso jure, §. ult. Inst. sup. quib. mod. toll. obl. ubi ejus rei ratio à me exposita est.

Sic quia iniquum est] Quamvis debitor qui pactus est ne à se pecunia peteretur non liberatur jure civili, liberatur tamen intervenitu prætoris, qui vel actionem denegat si de pacto constet; vel si non constet addit exceptionem, extra quam si pactum sit ne pecunia petatur: quo apud judicem datum probato debitor absolvitur, effectuque idem consequitur quod liberati ipso jure; eoque pertinet lex 112. de reg. jur.

TEXTUS.

De jurejurando.

4. *Æque si debitor creditore deferente jura- verit nihil se dare oportere, abduc obligatus per- manet; sed quia iniquum est de perjurio queri, defenditur per exceptionem jurisjurandi. In his quoque actionibus quibus in rem agitur æque ne- cessariae sunt exceptions: veluti si petitore de- ferente possessor juraverit eam rem suam esse, & nihilominus petitior eamdem rem vindicet. Li- ceter enim verum sit quod intendit, id est rem ejus esse, iniquum tamen est possessorem con- damnari.*

Vid. leg. 9. tit. 14. Part. 5.

COM.

COMMENTARIUS.

quod inter alios actum est, l. 9. in fin. ll. 10.
et xii. in pr. et §. 1. d. tit.

Exceptioni pacti conventi affinis est exceptio jurisjurandi; nam & jusjurandum de quo hic queritur in se conventionem habet propter quam non minus servatur quam propter religionem, ll. 25. et 26. in fin. de jurejur.

Creditore deferente juraverit] Verba edicti quo praetor jusjurandum rei tuerit haec sunt: *Si is cum quo agetur conditione delata juraverit, ejus rei de qua jusjurandum delatum fuerit neque in ipsum neque in eum ad quem ea res pertinet actionem dabo, l. 3. in pr. junct. l. 7. de jurejur.* Ait, *conditione delata;* unde intelligimus, si reus juravit nemine ei conditionem jurandi deferente, praetorem id jusjurandum non tueri, d. l. 3. Quod negat se in eum qui juraverit actionem daturum, id sic acceptum est, ut in re certa, si praetori constet reum prius conditione delata jurasse, actio simplificiter denegetur; sin autem de eo controversia sit, ambigaturque an reus juraverit, tum locus sit exceptioni jurisjurandi, l. 9. in pr. eod. Neque hoc proprium est jurisjurandi, ut nonnulli putant, sed locum habet etiam in causis aliis unde exceptions nascuntur. Pericula enim juberet praetor de eo apud judicem queri quod sibi exploratum & inter litigatores confitum est.

Adduc obligatus permanet] Nam jusjurandum non magis quam pactum modus est dissolvente obligationis jure civili constitutæ; sed tantum naturalem obligationem tollit, l. 95. §. 4. de sol.

Quia iniquum est de perjurio queri) Dicendum potius fuerat, meo judicio, quia jusjurandum ex conventione proficiscitur & speciem transactionis continet, ll. 2. 25. et 26. §. ult. de jurejur. Nam illa alia questio est, an exceptio jurisjurandi replicatione perjurii excludatur.

Si petitore deferente possessor juraverit] Etiam is qui actione in rem conventus petitore deferente juravit, exceptione jurisjurandi, si petitore eamdem rem iterum vindicet, adjuvatur, l. 3. §. 1. d. tit. sive juraverit rem suam esse, sive petitoris non esse; quamquam hoc amplius ei qui juravit rem suam esse, amissa possessione etiam actio in factum datur ad rem recuperandam, si is qui jusjurandum detulit possessionem nactus est. Ceterum adveius alium possessorem prærogativâ jurisjurandi non utitur; quoniam non debet alii nocere

TEXTUS.

De re judicata.

5. Item si judicio tecum actum fuerit sive in rem sive in personam, nibilominus obligatio durat, et ideo ipso jure de eadem re postea adversus te agi potest; sed debes per exceptionem rei judicatae adjuvari.

COMMENTARIUS.

Non ut quisque judicio absolutus est, ita statim & ipso jure tollitur jus actoris. Quid enim si judex perperam pronuntiaverit? Tantum propter auctoritatem rei judicatae statut sententia à qua appellatum non est: quam auctoritatem rebus judicatis dati publica suscit utilitas; alioqui nodus litium multiplicatus inexplicabilem afferret difficultatem, l. 6. de exc. rei jud. Competata est autem rei judicatae exceptio tuendi ejus rei causâ qui sententiâ judicis absolutus est; sive debitor sit sive possessor; ei vero contra quem judicatum est hæc exceptio numquam datur, l. 16. eod. Cui non obstat lex 4. C. depos. nam qui in sortem tantum reum condemnat vi ipsa de usuris absolvit.

Obligatio durat] Aut hoc referendum est ad actionem in personam, quoniam in rem actio non descendit ex obligatione; aut verbum obligationis contra usum Veterum, qui eo in vindicationibus numquam utuntur, laxius accepit. Theophilus videtur legisse, *actio durat;* sic enim hunc locum convertit: *ai πιστωται μενον (actiones manent) eaque lectio Hotomanno & Tuningio magis probatur: in quos cur tam vehementer invehatur Christoph. Riccius in vindic. jur. præmess. cap. 19. nullam equidem causam video.*

Per exceptionem rei judicatae] Hæc autem exceptio non aliter agenti obstat, quam si eadem questio inter easdem personas revocetur, l. 3. de exc. rei jud. Itaque ita demum nocet, si omnia sint eadem, idem corpus, eadem quantitas; idem jus, eadem causa petendi, eademque conditio personarum: quæ qualia sint late explicatur in l. 12. cum seqq. eod.

TEXTUS.

De ceteris exceptionibus.

6. *Hac exempli causâ retulisse sufficiat; alioqui*

qui quam ex multis variisque causis exceptiones necessariae sint ex latioribus Digestorum seu Pandectarum libris intelligi potest.

tuae & peremtoriae, aliae temporales & dilatoriae.

LL. 9. C. 11. tit. 13. Part. 3.

COMMENTARIUS.

Justinianus non putavit operæ pretium exceptiones omnes earumque causas proximas, quæ multæ & varie sunt, singulatim recensere, sed celebrioribus tantum exempli loco propositis de reliquis jubet consuli volumen *π.* lib. 44. tit. 1. cum seqq.

TEXTUS.

Divisio prima.

7. Quarum quædam ex legibus vel iis quæ legis vicem obtineat, vel ex ipsius prætoris jurisdictione substantiam capiunt.

NOTA.

7. Ex prætoris jurisdictione] Vélti quod metus causā, de dolo, pacti, jurisjurandi &c.

COMMENTARIUS.

Hæc exceptionum divisio sumta est à causa efficiente remota, ut & obligacioni illa in §. 1. Inst. sup. de oblig. & actionum §. 3. Inst. sup. de act.

Ex legibus] Exceptionum ex legibus proprie dictis descendantium nulla mihi occurrit. Arbitror tamen exceptionem rei judicata esse ex lege XII. tabularum.

Quæ legis vicem obtinent] Intelligit Principum constitutiones & senatusconsulta. Ex Principum constitutionibus sunt exceptiones divisionis & ordinis, item præscriptions illæ temporales quadriennii re alienâ à fisco vendita, tit. C. de quadriennii præscr. quinquennii adversus querelam inofficii testamenti: triginta annorum in actionibus personalibus, item in rebus quæ usucapi aut longo tempore adquiri non possunt, II. 3. 4. C. de præscr. trig. ann. decem dierum in causa appellationis &c. auth. bodie C. appell. Ex senatusconsultis sunt duæ, exceptio senatusconsulti Macedoniani de pecunia filiofam. credita, & exceptio Vellejani de intercessione mulieris.

TEXTUS.

Divisio secunda.

8. Appellantur autem exceptiones aliae perpe-

COMMENTARIUS.

Quarumdam exceptionum hæc vis est, ut rem de qua agitur perimant, atque objectæ efficiant ne amplius de ea re agi possit; aliae vero ad tempus tantum nocent, & in id tempus dumtaxat actionem differunt. Unde aliae dictæ sunt perpetuae & peremtoriae, aliae temporales & dilatoriae, l. 2. §. ult. l. 3. hoc sit. Est igitur hæc divisio sumta ab effectu.

TEXTUS.

De peremtoriis.

9. Perpetuae & peremtoriae sunt quæ semper agentibus obstant, & semper rem de qua agitur perimunt, qualis est exceptio doli mali, & quod metus causâ factum est, & pacti conventi, cum ita convenerit ne omnino pecunia peteretur,

COMMENTARIUS.

1. *Perpetuae exceptiones unde dictæ.*

2. *Exceptio doli cur perpetua, cum adie de dolo temporalis.*

Que semper agentibus obstant &c.) Vis exceptionum perpetuarum & peremtoriarum, quam ipsam & nomina indicant, hæc est, quod oppositæ & probatæ semper agentibus obstant, & rem de qua agitur perimant; unde alibi dicuntur totius negotii cognitionem tollere, & vires principalis negotii exhaustire, l. 2. C. de prec. Imp. off. Non enim actionem solum sed etiam obligationem tollunt, idque non minore cum effectu quam si sublata esset ipso jure; ut non abs re scriptum sit nihil interesse utrum actionem quis non habeat, an eam quæ per exceptionem perpetuam infirmetur; & pro indebito haberi id cuius petitio ita repelli potest, l. 112. de reg. jur. l. 3. §. 1. de const. pec. l. 40. de cond. ind.

1. *Dictæ igitur sunt perpetuae non à tempore proponendi, quod quacunque judicii parte opponi possunt, ut male DD. & Mynsic n. 2. nam & dilatoria quædam post litem contestatam objici possunt, ut postea ostendimus; sed à tempore quo effectus propositorum durat; eoque sensu etiam exceptio non*

nu-

numeratae pecuniae vere perpetua est. Bronch. 2. misc. 52. Gajus sic definit, *Perpetuae atque peremptoriae sunt, quae semper locum habent nec evitari possunt, l. 3. hoc tit. scilicet semel opposita.*

2. *Exceptione doli mali*] Obiter hic notandum exceptionem peremptoriam quamvis nascatur ex causa ex qua actio nata esset temporalis, non solum eo sensu perpetuam esse quo diximus, sed etiam lapsu temporis non interire: verbi causa, actio de dolo temporalis est, exceptio autem doli perpetuo competit. Hoc ideo, quia actor in sua potestate habet quando jure suo utatur; at in rei potestate non est quando conveniatur, l. 5. §. ult. de dol. exc. Secus tamen est cum quis iussum, intra certum tempus lege definitum per modum actionis in judicio proponere potest; quia tunc illa ratio est. Hinc exceptio non numeratae pecuniae biennio, querela officiosi quinquennio finitur. Gomez 1. var. res. 11. n. 20. Costal. l. 8. §. 13. de inoff. testam.

Quod metus causâ &c.] Tres haec exceptiones, doli mali, quod metus causâ, & pacti conventi perpetui, exempli tantum causâ proferuntur. Sunt enim longe plures exceptionum peremptoriarum species. Nam huc etiam pertinet exceptio erroris, item jurisjurandi, rei iudicatae, transactionis; item non numeratae pecuniae, liberationis legatae, rei venditae, quae vindicanti objicitur, tit. de exc. rei vend. item senatusconsulti Macedoniani, & Veillejani, trium conformium sententiarum, l. un. C. n. lic. in un. ead. ca. Vinn. Apud nos post tres sententias conformes solum patet ad Regium Consilium aditus ex remedio quod injustitiae notioriae appellantur. Vid. act. 6. & 7. tit. 20. lib. 4. Recop. ADDIT. Denique præscriptiones omnes quae reo ex tempore nascentur, & si quae sunt aliae quae rem de qua agitur perimunt.

TEXTUS.

De dilatoriis.

10. *Temporales atque dilatoriae sunt quae ad tempus nocent & temporis dilationem tribuunt: qualis est pacti conventi, cum ita convenerit ne intra certum tempus ageretur, veluti intra quinquennium; nam finito eo tempore non impeditur actor rem exequi. Ergo ii quibus intra certum tempus agere volentibus objicitur exceptio aut pacti conventi aut alia similis, differre debent*

actionem & post tempus agere. Ideo enim dilatoriae istae exceptiones appellantur. Aliqui si intra tempus egerint objectaque sit exceptio, neque eo judicio quidquam consequebantur propter exceptionem, neque post tempus olim agere poterat, cum temere rem in judicium deducebant & consumebant, qua ratione rem amittebant. Hodie autem non ita stricte hoc procedere volunt, sed eum qui ante tempus passionis vel obligationis litem inferre ausus sit Zenonianæ constitutioni subjacere censemus, quam sacratissimus Legislator de iis qui tempore plus petierint protulit, & inducias quas ipse actor sponte indulserit, vel quas natura actionis continet, si contemnerit, in duplum habeant ii qui tales injuriam passi sunt; & post eas finitas non aliter litem suscipiant nisi omnes expensas litis antea acceperint; ut actores tali pena perterriti tempora litium doceantur observare.

L. 9. tit. 3. & l. 45. tit. 2. Part. 3.

COMMENTARIUS.

- 1 *Præscriptio moratoria & aliæ dilatoriarum numero.*
- 2 *Exceptio excursionis an dilatoria.*
- 3 *Dilatoria propter diem initio obligationi adjectum.*

Exceptiones temporales & dilatoriae sunt quae ad tempus nocent, & in id tempus actionem differunt. Quia rem differunt, dilatoriae; quia ad tempus id faciunt, temporales appellantur. Gajus sic eas definit, *Temporales atque dilatoriae sunt quae non semper locum habent, sed evitari possunt, l. 3. hoc tit.*

1. *Qualis est pacti conventi, cum ita convenerit &c.*] Haec ab effectu appellari potest solutionis dilatoria. Cui similis est præscriptio moratoria à Principe impetrata, l. 2. & 4. C. de prec. Imp. off. 1. 45. §. 10. defur. fisc. Solent enim Principes humanitatis causâ dilationem alicujus temporis indulgere debitoribus qui fortunæ injuriæ facultatibus exuti, aut magnum aliquod damnum rei familiaris passi, spatium aliquod ad solvendum petunt, quo se interim tuantur adversus creditores, ne in carcere ire aut bonis cedere cogantur. Vulgo appellant literas salvi conducedus, gratia, securitatis: qua de re consulendi Affl. decis. 377. & seqq. Surd. decis. 301. 307. 322. Boës. decis. 96. Rebuff. de lit. dilat. art. 1. gloss. 1. n. 9. Christin. vol. 2. decis. 70. & seq. Kinschor. tract. de solut. induc. Vinn. Nostrates

tes moratoria appellant quæ à Regio Consilio datis fidejussoribus concedi debent. *Aff. 79. tit. 4. lib. 2. Recop. ADDIT.* Dilatoriarum numero sunt & exceptiones quæ dicuntur procuratoriæ, l. 2. §. ult. l. 3. in fin. *hoc tit. §. ult. inf. eod.* item præscriptiones fori, l. ult. *C. eod.* ut exceptio incompetentiæ, recusationis judicis. Hæ sunt quæ vulgo appellantur judicii declinatoriæ. *Merul. lib. 4. dist. 4. seqq. 3. tit. 4. cap. 2. 3. & 4.* Dilatoriæ quoque exceptiones sunt quæ adversus inhumanam solidi petitionem conceduntur, l. 16. & seqq. *de re jud. §. 37. & seq. & §. ult. Inst. sup. de aff.* ubi vide. Item quæ ideo objiciuntur, quod actione qua agitur præjudicium sit rei majori, *tit. C. de ord. jud.* Item exceptio cedendarum actionum, non impleti contractus, libelli generalis & obscuri; item exceptio sub & obreptionis, quæ tamen quatenus negotium principale concernit peremtoriis annumerari potest. *Christin. vol. 4. decis. 174. n. 5.* Denique exceptionis loci non tuti vel dishonesti, termini angusti, feriarum, & similium, de quibus late Zanger, *de except. part. 2.*

2. Plerique etiam exceptionem divisionis dilatoriam esse statuunt; sed rectius alii ad peremtorias eam referunt. Sichard. *ad l. 10. C. de fidejuss.* Bronch. *2. misc. 51.* Zanger. *de exc. part. 3. cap. 19.* Exceptio quoque excusonis quibusdam dilatoria est, quoniam, ajunt, item tantum differt non perimit; siquidem creditor excusso debitore potest redire ad fiducijs sine metu hujus exceptionis, *Autb. presente C. de fidei.* Fach. *lib. 8. cap. 52.* Ant. Fab. *Cod. suo hoc tit. def. 1.* Verum ego & hanc ad classem peremtoriarum potius referendam arbitror; nam utique actionem permit, quod ad fiducijs sine metu hujus attinet, si debitor solvendo esse reperiatur. Hoc vero sufficit ut pro perpetua & peremtoria haberi debat, *l. 56. de cond. ind.* D. Tuld. *comm. hic cap. 6.* Aliis hæc exceptio anomala.

3. *Aut pacti conventi aut alia similis*] Puta quod pecunia perita dies non venit. Nam & cum obligatio ab initio in diem contracta est ipso jure actio statim nascitur, ut abunde probavimus ad §. 2. *Inst. sup. de verb. obl.* sed præmature seu ante diem agens exceptione cuius pecunia dies non venit repellebatur; & quia perperam agebat tempore plus debito petens, *l. 2. §. 6. de eo quod cert. loc. l. unic. §. ult. quand. dies usus fr. leg. ced. l. 118. §. 1. de verb. obl.* causa amissione multabatur; quæ poena erat cuiuslibet plus petitionis §. 33. *Inst. sup. de aff.* Ceterum ex constitutione Ze-

nonis confirmata à Justiniano actor ante tempus pactionis aut obligationis item inferens non amplius rem consumit, sed hanc poenam suffert, ut cogatur reliquas inducias rei condupicare, iisque finitis non ante audiatur quam sumitus omnes prioris litis refuderit, *hoc text. in calce. Vinn.* Quid hodie juris sit diximus sup. ad §. 33. *Inst. de aff.* ADDIT.

TEXTUS.

De dilatoriis ex persona.

11. *Præterea etiam ex persona sunt dilatoriæ exceptiones, quales sunt procuratoriæ, veluti si per militem aut mulierem agere quis velit. Num militibus nec pro patre vel matre vel uxore, nec ex sacro rescripto procuratorio nomine experiri conceditur; suis vero negotiis superesse sine offensa militaris disciplina possunt. Eas vero exceptiones quæ olim pro curationibus propter infamiam vel dantis vel ipsius procuratoris opponebantur, cum in judiciis frequentari nullo modo perspeximus, conquiescere sancimus; ne dum de his altercatur ipsius negotii disceptatio proteletur.*

Vid. ll. 5. & 6. tit. 5. Part. 3.

COMMENTARIUS.

- 1 *Varia exceptionis dilatoriæ genera ratione objecti.*
 - 2 *Exceptio procuratoria quotuplex.*
 - 3 *Liceatne pluribus exceptionibus ejusdem rei nomine simul uti.*
 - 4 *Usus exceptionum peremtoriarum in bone fidei judiciis: in his contestationem earum non fuisse necessariam.*
 - 5 *In strictio judiciis initio litis contestandas.*
 - 6 *Vis exceptionum rei judicatæ, jurisjurandi & transactionis.*
 - 7 *Exceptiones juris etiam non contestatas usque ad sententiam allegari posse.*
 - 8 *Quibus exceptionibus uti liceat etiam in executione rei judicatæ.*
 - 9 *Usus dilatoriarum: has regulariter inter exordia litis opponi, disceptari &c. oportere; & que binc excipiendæ.*
 - 10 *Quæ exceptiones dilatoriæ etiam post sententiam recte opponuntur.*
1. **E**xceptionum dilatoriarum quædam tangunt negotium ipsum & causam principalem, ut exceptio pacti temporalis de non petendo, præscriptio moratoria &c. Quæ

Quædam constitutionem judicii; atque ex his quædam personam judicis, ut exceptio suscep-ti, & exceptio præventionis, de qua in l. 7. de judic. item ea quæ specialiter dicitur exceptio incompetentiæ, si videlicet apud eum agatur cuius de ea re de qua agitur aut in personam cum qua agitur jurisdictione non est. Quædam personam adversarii, puta quod idoneam personam standi in judicio non habet, tit. C. de bis qui pers. legit. &c. Quædam personam procuratorum, vel quia procuratores esse non possunt: quæ dicuntur procuratoria, l. 2. §. ult. l. 3. hoc tit. Sed nec incommodè quis dixerit dilatorias omnes comparatas esse aduersus quamcumque perversam judicij institutionem; sive quia persona judicis aut aduersarii aut procuratoris idonea non est ad judicium exercendum; sive quia actio quæ intenditur non competit, aut alia prius intendi debet, ne per eam graviori causæ præjudicium fiat; & generaliter quæcumque judicium transferunt vel commutant in alias personas, in aliam actionem, in aliud locum, in aliud tempus: unde à Cicerone lib. 1. & 2. de invent. appellantur translationes & judicij commutations.

2. *Quales sunt procuratoria?* Exceptiones procuratoria ex persona dilatoria sunt, quia rem differunt; nam qui dicit non licere procuratorio nomine agi non prorsus inficiatur item, sed personam evitat, l. 2. in fin. hoc sit. Exceptio autem procuratoria duplex est; nam aut omnino procurator esse negatur, veluti si dicatur mandatum non habere, l. 39. §. pen. ff. de damn. inf. l. 24. C. de proc. aut à pupilo sine auctoritate tutoris constitutus, l. 19. §. 2. de prob. aut esse non posse contenditur, veluti si miles sit, aut mulier: cujusmodi exceptionum vix ullus hodie usus est, ut liquet ex iis quæ sup. ad §. 1. Inst. de iis per quos ag. VENN. Quibus jus Regium congruit, ut ibidem monuimus. ADDIT.

Mulierem] Mulieres ab omnibus officiis civilibus pudor & naturalis verecundiæ ratio prohibet, l. 1. de reg. jur. l. t. de postul. quamobrem nec alienam item procuratorio aut defensorio nomine suspicere possunt, l. 54. ff. de proc. l. 18. C. eod. ubi Imp. ajunt, alienam suspicere defensionem virile esse officium, & ultra sexus muliebrem. Plane alias actiones in rem suam & proprium lucrum sibi mandatas exercere non prohibentur, l. 4. C. eod.

Militibus nec pro patre) Milites nec pro patre quidem aut matre aut uxore quamvis re-

scriptum impetraverint procuratores esse possunt, l. 8. §. 2. ff. de proc. l. 7. C. eod.

Suis negotiis] L. 9. C. de proc. ubi Imp. militibus non tantum suas causas agere, verum etiam si in rem suam procuratores constituti sint alienas actiones persequi permittit.

Propter infamiam) Apparet ex hoc loco olim infames neque procuratores esse neque procuratorem dare potuisse, quamquam per se agere poterant. Justinianus autem exceptions de agentis aut procuratoris infamia quiescere jubet: utique ubi de infamia non aper-te constat, & ob id disceptatio negotii protelanda.

3. *Opera pretium facturus videor si hic aliquid subjecero de recto usu exceptionum exercendarum.* De eo duplex fere quæstio est: una de numero objicendarum, altera de tempore objiciendi. De numero hoc quæsum, liceatne pluribus exceptionibus ejusdem rei nomine simul uti. Mover exemplum plurimum actionum de eadem re concurrentium, quarum constat unâ tantum eodem tempore experiri licere. Sed quod actori non licet, id placuit licere ei, unde petitur ut pluribus exceptionibus, quamvis diversis, modo ne se invicem destruant, eodem tempore uti possit: hoc effectu ut si in una probanda defecerit ad aliam recurrere non prohibeatur, l. 5. & 8. hoc tit. l. 43. de reg. jur. cap. 20. eod. in 6. DD. comm. in d. l. 8. Zas. ibid. n. 5. Covar. 1. var. resol. 2. n. 2. Diferentia ratio est, quod agere actori liberum est, defendere reo non item. Non iniquum in actore lacessendi libertatem uno genere armorum circumscribere; reo vero, cui non semper sui defendendi facultas, omnia ad defendendum arma suppeditare humanum est.

4. *De tempore objicendarum exceptionis ita in peremptoriis jus olim fuit, ut in bonæ fidei judiciis necesse non esset exceptionem initio litis contestari, sed eam quandoque ante rem judicatam opponere licet.* Cui non obstat quod dicitur, ultra id quod in judicium deductum est excedere potestatem judicis non posse; nam in bonæ fidei judiciis verba ipsa judicij dari exceptionem tacitam includunt, cum in his jubeatur judex judicare ex æquo & bono; idque Veteres significant, cum ajunt exceptions inesse bonæ fidei judiciis, his contineri: etsi non excipiatur, satis tamen per officium judicis consuli, l. 3. de resp. vend. l. 84. §. 5. de legat. l. 1. 38. l. ult. de ber. pet.

5. *In strictis vero judiciis exceptionem in Hhh prin-*

principio litis nominatim contestari necesse erat, & vel à reo agnoscente intentionem actoris statim probari, vel à dubitante tantisper omissam, donec actor intentionem suam probasset autequam sententia ferretur ad disceptationem opponi. Textus clari in *l. 9. C. de præscr. long. temp. ll. 8. & 9. C. hoc tit.* certum non contestatam postea objicere nego pro arbitrio licuisse. Cujus ego rei fortissimum hoc argumentum habeo. Certum est ultra id quod in judicium deductum est judicis potestatem non excedere, *l. 18. comm. div.* Atqui in strictis judiciis nihil in judicium deductum intelligi potest de quo lis non aperte contestata sit. Nam sive veterum judiciorum rationem considerare volumus, palam est exceptiones in jure apud prætorem proponi debuisse, qui deinde formulæ eas includebat; sive muratam postea judiciorum formam, constat eamdem judicis potestatem mansisse liberam in bonæ fidei judiciis, in contrariis adstrictam iis rebus quæ nominatim in judicium deducta sunt, ut proinde in his nihilominus necesse fuerit exceptionem in exordio litis contestari; atque ita sæpissime rescriptum est postquam jam à Diocl. *l. 2. C. de ped. jud.* sublara esset judicis dandi licentia, *ll. 8. & 9. C. hoc tit. l. 9. C. de præscr. long. temp.* Quibus non obstat *l. 2. C. sent. resc. non posse.* Nam omissas ibidem ex *dd. ll. 8. & 9. hoc tit.* accipere debemus non quarum nulla mentio initio facta, sed quæ contestatæ postea omissæ, id est dilatæ sunt ad probationem & disceptationem. *Don. ad d. l. 8. n. 7. Gudelin. lib. 4. cap. 8. Vinn.* Rectissime se habet hæc Vinnii observatio. Nam in judiciis stricti juris exceptio erat inserenda formulæ, alioquin ejus rationem habere non poterat judex, ex. gr. *Si paret Gajum Titio centum debere, tu eum in centum condemnna ut patrum sit.* Et inde est quod tribunorum plebis implorari posset auxilium, si in formula omitteret exceptionem, *Cic. quest. acad. 4. 30.* Eo rigore non opus erat in actionibus bonæ fidei, quia illis exceptiones inesse credebantur. Et hinc judex earum rationem habebat extra formulam. Inde jam facile patet in judiciis stricti juris exceptiones opponendas fuisse in jure, adeoque ante litis contestationem; in judiciis bonæ fidei etiam in judicio post litem contestatam. *Conf. Ger. Noodt de jurisd. 1. 3. de fæn. & usur. 121. 15. de form. emend. dol. mal. cap. 5. Hein.*

6. Exceptiones rei judicatae, jurisjurandi & transactionis hoc speciale habent quod im-

pediant litis ingressum, modo paratam earum reus probationem habeat: unde & litis finitæ appellantur. *Christin. d. decis. n. 7. Gudelin. lib. 4. cap. 7. sett. 1.* quamquam si initio oppositæ non sunt ad impediendum processum, nihilominus postea opponi possunt ad justitiam causæ. *Christin. d. decis. n. 18. & seqq.* Sciamus autem ea quæ de contestatione harum exceptionum diximus dicta esse de exceptionibus facti, quibus aliquid factum esse intendimus, quod proinde & probare debemus, ut intelligitur ex *l. 19. de prob.* quæ enim questionem facti habent non possunt intelligi in judicium deduci nisi facti contestatione.

7. Diversa autem causa est exceptionum juris, id est earum quæ alicui conditione ipsa personæ jure tribunntur, qualis est exceptio divisionis epistolæ *D. Hadriani fidejussoribus tributa*; nam hoc genus contestari necesse non est, sed sufficit quandoque ante sententiam allegari, *l. 10. C. de fidejuss.* & ibi *D. Ant. Fab. Cod. suo hoc tit. defin. 1. n. 3.* Nihilum auxilium divisionis satis sub appellatione & persona fidejussoris in judicium deduci intelligitur, cum fidejussori jure tribuantur hoc ipso quod fidejussor est.

8. Due omnino exceptions peremptoriae sunt, quas non solum necesse non est initio litis contestari, sed quibus etiam non allegatis uti licet in executione rei judicatae, nempe exceptio Senatusconsulti Macedoniani & Vellejani, *l. 11. de senat. Mac.* Id quod mirum videri non debet placuisse in iis exceptionibus quæ publicæ utilitatis causâ maxime introducta sunt. *DD. nostri etiam plures hujus generis referunt in l. 1. C. de re jud. l. 1. C. de jur. & fact. ign. Gail. 1. obs. 113. n. 5. & seqq. Zas. in l. 2. hoc tit. n. 16. Marant. part. 2. memb. 9. n. 18. Merul. lib. 4. distinct. 4. sett. 3. tit. 4. cap. 14.* Exceptiones dilatoriae cuiuscumque ex generis sint, si paucas demseris, inter exordia litis, hoc est ante litem contestatam opponi debent; quin & disceptari probari & decidi, *l. pen. & ult. C. hoc tit.*

9. Excipitur dilatoria solutionis, non defugiendi judicij, sed solutionis differenda gratia objecta, seu, ut vulgo loquuntur, non ad impediendum processum, sed ad merita causæ opposita, cuius initio contestatæ probatio demum à reo exigitur, postquam actor intentionem suam probavit: quò refero *l. 19. C. de probat.* cum *Gudelin. lib. 4. cap. 7. sett. 1.* Sed & si quæ hujus generis demum post litem contestatam nata sit, veluti si novæ causæ postea

ea emerserint ob quas judicem tamquam suspectum recusare licet, non est ambigendum quin hujusmodi exceptio post coeptum judicium objici possit, cap. 15. de off. deleg. Sichard. ad l. 13. C. de proc. n. 5. quamquam in privilegio fori superveniente hoc locum non habet, l. 7. de judic. Idem juris esse Interpp. nostri volunt si exceptio gravamen successivum, ut loquuntur, habet: cujusmodi est exceptio loci non tuti vel suspecti. Myns. 2. obs. 74. Gail. 1. obs. 52. n. 3. Sichard. d. loc. n. 6. Item si reus exceptionem sibi competere in facto errans ignoraverit, cap. 4. n. hoc tit. Covar. præf. quest. 26. n. 2.

10. Illud certum est, exceptiones dilatarias quæ adversus inhumanam solidi petitio nem comparatae sunt non solum post item contestatam ante sententiam objici posse, sed etiam post rem judicatam in ipsa executione, ll. 15. & 17. §. ult. sol. matr. ll. 18. & 41. §. ult. de re jud. Rationem reddunt, quia hoc genus exceptionis non impugnat sententiam

sed moderatur vires judicati. Idem obtinet & in exceptione restitutionis, l. 33. de re jud. & in exceptione cedendarum actionum, l. 41. §. 1. de fidejuss. Item in exceptione non impleti contractus, veluti pretii non soluti: de qua DD. in l. 1. C. de jur. & fact. ign. Gail. 2. obs. 17. Zang. de exc. part 4. cap. 28. n. 88. Tantundem dixerim, si exceptio judicium retro reddat nullum, qualis est exceptio falsi procuratoris, l. 24. C. de proc. si modo haec vera exceptio. Vinn. Hodie exceptiones dilatoriae intra novem dies à citatione propounderæ sunt; exceptiones vero peremptoriae intra viginti dies à lite contestata: quo tempore transacto juramento reus confirmare debet sibi de novo innotuisse, l. 1. tit. 5. lib. 4. Recop. Cetera quæ tum de exceptionibus dilatoriais & peremptoriais, tum de exceptionibus rei judicatae, jurisjurandi & transactionis, quas mixtas vocant, hic tradit auctor: ea si vacat leges repetita in prax. Paz tom. 1. part. 1. temp. 5. & 7. & in Cur. Phil. part. 1. §. 13. & 15. ADDIT.

TITULUS XIV.

DE REPLICATIONIBUS.

Replicatio quid sit.

UT exceptio actorem excludit ita replicatio reum, l. 2. §. 2. de exc. estque nihil aliud replicatio quam secunda actoris allegatio ad firmandam actionem suam adversus exceptionem à reo oppositam. Itaque & replicatio quædam exceptio est, sed quæ à parte actoris venit, d. l. 2. §. 1. unde à Paulo dicitur contraria exceptio, quasi exceptionis exceptio, l. 22. §. 1. eod. quamquam proprie exceptio appellatur ea defensio quæ reus utitur ad excludendam actionem.

TEXTUS.

De replicatione.

Interdum evenit ut exceptio quæ prima facie justa videtur, tamen inique noceat, quod cum accidit, alia allegatione opus est adjuvandi actoris gratiæ, que replicatio vocatur; quia per eam replicatur atque resolvitur jus exceptionis. Vt enim cum pactus est aliquis cum debitore suo ne ab eo pecuniam petat, deinde postea in contrarium pacti sunt, id est ut creditori pe-

tere licet: si creditor agat & excipiat debitor, ut ita demum condemnetur si non convenerit ne eam pecuniam creditor petat, nocet ei exceptio. Convenit enim ita; namque nibilominus hoc verum manet, licet postea in contrarium pacti sint. Sed quia iniquum est creditorem excludi, replicatio ei dabitur ex posteriore pacto convento.

Vid. l. 2. tit. 5. lib. 4. Recop.

COMMENTARIUS.

¶ Explicatur lex 27. §. 2. de pact. & conciliatur cum lege 95. §. 4. de solut.

Cum exceptio in speciem justa revera iniqua est, opus est alia defensione adjuvandi actoris gratiæ. Ut ecce, creditor qui decem mutuo dederat pactus est cum debitorne ab eo peteret. Postea cum quereretur creditor nullam fuisse causam debiti remittendi, obtinuit ut nova conventio interponeretur, quia placeret rursus ei petere licere. Hic si creditor agat & excipiat debitor, obstabit

agenti exceptio; nam prius pactum non tollitur per posterius ipso jure, sicut stipulatio per stipulationem, si hoc actum sit, puta si novandi animo posterior interposita sit, l. 27. §. 2. de paſt. Ceterum quia iniquum est creditorum excludi, alia defensione adjuvatur ex posteriore pacto convento, quæ exceptioni opposita eam elidat, & nostris replicatio dicitur, propterea quod per eam replicatur & resolvitur ius exceptionis, hoc text. l. 2. §. 1. & 2. eod. Theophilus reddidit, ἀναλιτής τῆς παγαγραφῆς ισχύς vis exceptionis resolvitur. Rethores firmamentum appellant. Nam definiatore Cicerone in partit. cap. 29. Firmamentum est quod ad labefactandum rationem (ea nostris est exceptio) refertur. At enim, inquis, obligatio naturalis ipso jure per pactum tollitur, l. 95. §. 4. de solut. cui consequens videtur, quod pacti etiam hac vis sit ut ipso jure obligationem priorem reponat in pristinum statum, perinde ac si pactum prius interpositum non fuisset. Minime, inquam; nam cum non obstante priore pacto de non petendo obligatio & actio ipso jure adhuc competat, fieri nequit ut exceptio debitorum priore pacto quæsita posteriore pacto ita tollatur ut ea agenti creditori in judicio opponi non possit.

1. Atque hoc significat Jurisconsultus in d. l. 27. §. 2. de paſt. cum ait, in paſtis factum versari. Antea dixerat, in stipulatione bus jus contineri. Ait, in paſtis factum versatur: id est, ut ego interpretor, pacta quidem nobis prosunt ad liberationem, sed facto nostro, si quis initio litis pactum sit contestatus & jusque pacti exceptionem in judicium deduxerit. Hæc enim contestatio & defensio cum in facto rei posita sit, recte dicitur, in paſtis factum ad liberationem versari; eademque hic exceptionis & replicationis ratio. In stipulationibus, inquit, jus continetur, id est, per stipulationem novantem, per Aquilianam eamque secutam acceptilationem hoc assequimur ut ipso jure liberemur, non facto aliquo nostro, id est non defensionis contestatione, aut acceptilationis exceptione & objectione. Huc pertinet quod idem Jurisconsultus in l. 34. §. 1. de obl. & ad. scribit, eum qui rem sibi commodatam surripuerit teneri quidem & commodati actione & condicione, sed alteram actionem per alteram perimit ipso jure aut per exceptionem. Significat enim, cum quis ipso jure liberatus est posse eum tuto negare se debere; & quamvis exceptionem in judicio non proponat absolvitur debere si ex pristina actione solvisse se quan-

doque apud judicem doceat. Si vero per exceptionem actio tollatur, non debere reum negare se teneri; sed cum hoc confessus fuerit, ejus quod præcesserit exceptionem opponere posse per quam consequatur idem, ne teneatur. Hoc vero inquit facere est tutius; quia scilicet dubitari possit an eo modo prior actio sublata sit jure. Add. Cujac. & Anton. Fab. ad d. l. 27. §. 2. de paſt. Don. ad d. l. 5. C. eod. Bachov. de paſt. cap. de effect. paſt. lib.

TEXTUS. De duplicatione.

1. Rursus interdum evenit ut replicatio quæ prima facie justa est inique noceat. Quod cum accidit alia allegatione opus est adjuvandi rei gratiæ, quæ duplicatio vocatur.

De triplicatione.

2. Et si rursus ea prima facie justa videatur sed propter aliquam causam actori inique noceat, rursus alia allegatione opus est quaæ hoc adjuvetur, quæ dicitur triplicatio.

De ceteris exceptionibus.

3. Quarum omnium exceptionum usum interdum ulterius quam diximus varietas negotiorum introducit, quas omnes apertius ex Digestorum latiore volumine facile est cognoscere.

L. 2. tit. 5. lib. 4. Recop.

COMMENTARIUS.

1. Hodie ultra duplicationem non procedi nisi ex gravi causa.

SI replicatio & ipsa prima fronte justa vera autem iniqua sit, contra eam datur reo duplicatio; & rursus contra duplicationem actori triplicatio; & sic deinceps nomina multiplicantur quoties vel actor vel reus objicit, allegationumque ultro citroque modus est infinitus, l. 2. §. 3. hoc tit. Verum hanc licentiam posteritas merito refrænandam putavit, ne modus allegationum nimium multiplicatus non tam explicet causam quam impliceat.

1. Itaque hodie in bene constitutis Cu- riis placet non procedi ultra duplicationem; nisi ex gravi causa iudex aliter decernat, puta ob novi & ad statum causa pertinentis facti allegationem. Vid. Ordin. Cam. Imp. p. 32 tit.

*tit. 20. Imbert. 1. Inst. for. 36. ampliat. instr.
Cur. Holland. art. 12. D. Tuld. in comm. ad
hunc tit. cap. 1. & 2. ubi exemplo hanc rem
illustrans ostendit cur necesse non sit ultra
duplicationem progreedi. Concessa autem
ex causa actori triplicatione reo simul con-
cessa intelligitur quadruplicatio, & ita de-
inceps. Merul. lib. 4. diss. 4. sect. 3. tit. 10.
cap. 1. VENN. Porro apud nos libellus post
duplicationem nec ab actore nec à reo admit-
ti potest, l. 2. tit. 5. lib. 4. Recop. Vid. Paz
in sua prax. tom. 1. part. 1. temp. 7. ADDIT.*

TEXTUS.

Quæ exceptiones fidejussoribus
prosunt vel non.

*4. Exceptiones autem quibus debitor defen-
ditur plerumque accommodari solent etiam fi-
dejussoribus ejus; & recte, quia quod ab iis
petitur id ab ipso debitore peti videtur; quia
mandati judicio redditurus est eis quod ii pro eo
solverint. Qua ratione & si de non petenda pecu-
nia pactus quis cum eo fuerit, placuit perinde
succurrentum esse per exceptionem pacti con-
venti illis quoque qui pro eo obligati sunt, ac
si etiam cum ipsis pactus eset ne ab eis pecu-
nia peteretur. Sane quedam exceptiones non so-
lent his accommodari. Ecce enim debitor si ba-
nis suis cesserit & cum eo creditor experian-
tur, defenditur per exceptionem si bonis ces-
serit. Sed hæc exceptio fidejussoribus non datur;
ideo scilicet quia qui alios pro debitore obligat
hoc maxime prospicit, ut cum facultatibus la-
psus fuerit debitor possit ab iis quos pro eo
obligavit suum consequi.*

Vid. l. 3. tit. 15. Part. 5.

COMMENTARIUS.

*1. Quæ exceptiones ad alios transeant aut non
transeant.*

2. Exceptio lassionis ex causa etatis cuius generis.

1. U Trum exceptio quæ debitori com-
petit ad alios, puta heredes, fi-
dejussores transeat nec ne, ex genere exce-
ptionis definitum est. Nam quedam exce-
ptiones in rem sunt, quedam in personam: si-
ve quod idem est, quedam causæ seu rei, quæ-
dam personæ cuiusque coherent. Rei cohæ-
rentes exceptiones sunt, veluti rei judicata,
doli mali, jurisjurandi, quod metus causâ,

pacti conventi in rem, senatusconsultorum
Vellejani & Macedoniani &c. l. 7. §. 1. hoc
tit. Personæ coherent, exceptio pacti quo
nominatim convenit ne à solo debitore pe-
teretur, l. 22. de pass. ne quis ultra quam fac-
ere potest conveniatur, d. l. 7. in pr. item
præscriptio moratoria, utpote beneficium
Principis personale, l. 1. §. 2. de const. Princ.
l. 196. de reg. jur. Primi generis exceptiones
etiam successoribus & fidejussoribus reliqui-
que accessionibus dantur, d. l. 7. §. 1.
l. 19. de except. l. 17. §. 5. cum aliquot ll.
seqq. de pass. l. 32. de fidejuss. l. 9. §. ult. l. 15.
§. ult. de exc. rei jud. l. 7. cum seq. de jurejur.
l. 9. §. pen. de sen. MAC. l. 16. §. 1. ff. ad sen.
Vellei. l. 8. C. de non num. pec. l. 28. C. de evit.
Secundi generis personam debitoris non egre-
diuntur, l. 12. & seq. sol. matr. l. 24. cum
seq. de rejud. ll. 22. & 25. §. 1. de pass. cum
similibus.

Quia mandati judicio.] Hæc ratio est ob
quam placet exceptionem quam reus habet
etiam fidejussori prodesse, nimur quia alio-
qui nec ipsi reo profutura esset; quippe à quo
fidejussor quod solvit judicio mandati repe-
tere potest, §. 6. Inst. sup. de fidejuss. l. 14. Co-
eod. Hinc quod à fidejussore petitur, tñ dñvñpui
(secundum vires) à reo exigi scribit Ulp. l. 29.
de recept. arb. Quod si nulla sit mandati actio,
puta si donandi animo fidejusserit, exceptio reo
competens fidejussori non proderit, l. 31. de
pass. l. 9. §. pen. de sen. MAC.

Si de non petenda pecunia.] Nisi nominatim
id actum ne à solo debitore peteretur non
etiam à fidejussoribus; nam tale pactum quia
personale est ad fidejussorem non pertinet,
quemadmodum nec ad heredem, ll. 22. & 25.
§. 1. de pass. Putarem tamen hodie etiam tale
pactum fidejussori prodesse debere propter
beneficium ordinis novissimo jure fidejussori-
bus tributum, quod alioqui facile per collu-
sionem reorum eis auferri posset. Hoc & D.
Cujacius in d. l. 22. de pass.

Debitor si bonis suis cesserit.] Debitor qui
creditori suo bonis cessit, si iterum conve-
niatur tueri se potest exceptione cessionis bo-
norum; neque tenetur nisi quid alicujus mo-
menti postmodum adquisierit: quo tamen ca-
su adhuc in solidum conventus exceptionem
competentia habet, ne ultra quam facere pos-
sit condemnetur, l. 4. & passim de cess. bon.
Hæc autem exceptio, uti & ceteræ omnes:
quæ adversus solidi petitionem compara-
sunt, personalis est, non cause sed persona
cohærens; & ideo ad alios non transit, l. 7.

pr. de except. De quo plura sub §. ult. Inst. de act.

*Qui alios pro debitore obligat] Cum fidejus-
sor suam personam tamquam magis idoneam
substituat pro persona debitoris principalis,
merito arcetur ab iis defensionibus quæ pro-
priæ sunt personæ rei, & specialiter tribu-
untur.*

*2. Exceptio læsionis ex causa ætatis quæ
minori in integrum restituto datur mixti
generis esse videtur, & partim pro beneficio
causæ habenda, quia etiam heredibus minoris
datur etsi ipsi sunt maiores, l. 6. de re restit.
in integr. l. 18. §. ult. de minor. partim pro be-
neficio personæ, quia denegatur fidejussori-*

*bus ejus, l. 13. pr. eod. l. 7. in fin ff. de except.
l. 1. & 2. C. de fidej. min. nisi forte salva sit
creditori judicij in aliud translatio, l. 51. de
procur. Add. Myns. 4. obs. 18. Maurit. tratt. de
rest. in int. cap. 13. Gomez 2. res. 14. n. 6. &
9. Plane si quis pro minore dolo adversarii
circumvento intervenerit, ex hac causa quæ
minori competit exceptio, ea pro beneficio
causæ omni ex parte habetur, ut etiam pro-
sit fidejussori. Nec mirum, cum etiam majori-
bus ex eadem causa eadem exceptio detur, d.
l. 7. §. 1. ff. de except. l. ult. C. de fidej. min. Mau-
rit. cap. 14. Odd. tratt. de rest. in int. 1. quest.
48. Duar. ad d. tit. C. de fidej. min.*

TITULUS XV.

DE INTERDICTIS.

Dig. lib. 43. tit. 1. Cod. lib. 8. tit. 1.

Ratio ordinis & summa tituli.

Postquam de actionibus earumque ordi-
ne progressu & cum exceptionibus
congressu dictum est, non inconve-
nienter subjicitur tractatio de interdictis; quip-
pe quæ & ipsa actionum instar obtinent, &
si vim eorum ac potestatem spectes, id est
quod iis consequi volumus, re ipsa actiones
sunt; unde & actionis verbo contineri dicun-
tur, l. 37. de obl. & att. Denique & olim ex
causa interdicti adversus non parentem actio
dabatur, & postea ambagibus interdictorum
sublati placuit ut recto & protinus actio
possessoria proponeretur, l. pen. & ult. C.
hoc tit. Unde & Compositores titulum π. in-
scriperunt, *De interdictis, sive extraordinariis
actionibus &c.* Docemur primum hoc titulo
quid sit interdictum & quæ ratio nominis;
deinde variae traduntur divisiones quæ gene-
ra eorumque species ostendunt.

TEXTUS.
Continuatio & definitio.

*Sequitur ut dispiciamus de interdictis, seu
actionibus quæ pro his exercentur. Erant autem
interdicta forme atque conceptiones verborum
quibus prætor jubebat aliquid fieri aut fieri
prohibebat, quod tunc maxime fiebat cum de
possessione aut quasi possessione inter aliquos
contendebatur.*

COMMENTARIUS.

1. *Quid sit interdictum juxta veterem formu-
lam & quid bodie: observatur error Theophil.*
2. *Quæ interdicta causam proprietatis aut quasi
contineant.*
3. *Cur potissimum de possessione proposita.*

Seu actionibus quæ pro his exercentur] Nam
tempore Justiniani necesse non erat inter-
dictum reddi & impetrari, sed loco interdi-
ctorum actiones rectâ introducebantur, ut do-
cet §. ult. hujus tituli.

1. Formæ atque conceptiones verborum] Inter-
dicta certis verborum formulis constabant:
id quod ex singulis fere titulis libri 43. π.,
civis licet animadvertere. Itaque interdictum
si veterem formulam spectemus sic recte defi-
nitur: Decretum prætoris certis verbis con-
ceptum quo in causis possessionum vel quasi
possessionum jubebat aliquid fieri aut fieri
verbat, prout id rei de qua agebatur con-
veniebat. Nam alias petitur ut possessio re-
stituatur aut res exhibeatur; hic prætor resti-
tui aut exhiberi jubebat. Alias qui rem tenet
aut eâ fruatur petit ne sibi tenenti aut fru-
enti vis fiat; hanc prætor fieri vetabat.

Aut jubebat aliquid fieri] Sine constitutio-
ne judicij. Nam prætor ad postulationem in-

terdictum potensis adversario ad se vocato si-
ne forma judicij interdictum reddebat, certa
verborum formulâ jubens aut vetans aliquid
fieri. Quod si interdicto paritum non esset,
tum aut manu ministrorum decretum suum ex-
equebatur, aut civilius ex causa interdicti a-
ctionem & judicium dabat, l. i. §. 2. si ventr.
nom. mul. l. 3. pr. ne vis fiat ei qui in poss. To-
toque judicio fallitur Theophilus interdictum
definiens, enuntiatum prætoris non decidens
hypothesin sed quomodo de ea judicandum
sit judicem informans. Postea placuit actio-
nem sine isto circuitu rectâ proponi: ut ho-
die interdicta nihil aliud sint quam actiones
quibus de possessione disceptatur.

2. *Tunc maxime cum de possessione*] Ait
maxime, quia quædam interdicta proprietatis
aut quasi proprietatis causam continent: vel-
uti de itinere actuque privato, de aqua quotidi-
ana & æstiva, de locis sacris & religiosis,
l. 2. §. 2. hoc tit. l. 3. §. 1. cum §§. seqq. de itin.
actuque priv. l. 1. §. ult. de aq. quot. & est.
quamquam hæc non ideo dicuntur causam
proprietatis continere, quod non sint de pos-
sessione aut usu rei tuendo; sed quia cum
sint de his rebus principaliter, per consequen-
tiam adjunctam habent causam proprietatis
aut velut proprietatis, dum placet eum vin-
cere in hoc usu, qui jus de cuius usu agitur
ad se pertinere ostenderit, d. l. 3. §. 13. Don.
ad bunc tit. C. n. 6. Tuld. n. 2. Et hoc est
quod dicitur in d. l. 1. §. ult. in hujusmodi
interdictis totam questionem finiri, id est &
possessionis & proprietatis: cum illa quæ sunt
de sola possessione vel quasi possessione tan-
tum sint preparatoria, & ubi desierunt incipi-
at secunda actio, l. ult. C. quor. bon. quæ
& principalis dicitur in l. 10. C. de jud.

3. Ideo autem de causa possessionis po-
tissimum interdicta proposita fuisse videntur,
ut hujusmodi controversiae quam celerime
imperio prætoris transigerentur; ne in pacata
& libera civitate, dum unusquisque possessio-
nem rei sibi asserere conatur vis interim fiat:
quod cum in causis proprietatis, ubi de pos-
sessore jam constat, non metuantur: illarum
cognitio sine periculo ad privatos judices de-
legari potest. VENN. Quam etiam ob causam
introductum apud nos fuit judicium de majo-
ratus tenuta seu possessione, & peculiari for-
ma instructum, ut de eo solum apud supremum
Consilium cognoscetur, II. 9. & 10.
tit. 7. lib. 5. Recop. Vide Paz detenuta, qui lu-
culentissime in ea explicanda versatus est.
ADDIT. Sed & pleraque interdicta de iis re-

bus competunt quarum nulla proprietas est,
sed usus tantum quædam velut possessio pri-
vatorum: nempe de locis sacris, religiosis,
publicis, hominibus liberis, l. 1. pr. hoc tit.
& exponuntur singulis titt. seorsum.

T E X T U S.

Divisio prima.

1. *Summa autem divisio interdictorum hæc*
est, quod aut prohibitoria sunt, aut restitutoria,
aut exhibitoria. Prohibitoria sunt quibus prætor
*vetat aliquid fieri: veluti vim sine vitio possi-
denti, vel mortuum inferenti quo ei jus erat in-
ferendi; vel in sacro loco adificari, vel in flu-
mine publico ripave ejus aliquid fieri quo pejus
navigetur. Restitutoria sunt quibus restituunt ali-
quid jubet, veluti honorum possessori possessio-
nem eorum quæ quis pro herede aut pro posses-
sore possidet ex ea hereditate; aut cum jubet ei
qui vi de possessione dejectus sit resirui pos-
sessionem. Exhibitoria sunt, per quæ jubet ex-
hiberi: veluti eum cuius de libertate agitur, aut
liberum cui patronus operas indicere velit; aut
parenti liberos qui in potestate ejus sunt. Sunt
tamen qui potest interdicta ea proprie vocari
quæ prohibitoria sunt, quia interdicere sit denun-
tiare & prohibere; restitutoria autem & exhibitoria
proprie decreta vocari. Sed tamen obtinuit om-
nia interdicta appellari, quia inter duos dicuntur.*

Vid. l. 17. tit. 2. Part. 3.

C O M M E N T A R I U S.

DIVISIO interdictorum quæ hic proponitur,
à forma ducitur, complectiturque gene-
ra omnia interdictorum, tam quæ de rebus
divinis aliisque commercio hominum exem-
titis proposita sunt; quam quæ de rebus pri-
vatis. Ulpian, l. 1. §. 1. hoc tit. addit: quæ-
dam interdicta & mixta esse, quæ & prohibito-
ria sint & restitutoria. In quo genere est in-
terdictum ne vis fiat ei qui in possessionem
missus erit, l. 3. §. 2. hoc tit. item interdictum
de liberis exhibendis & ducendis, l. 3. §. 1.
hoc tit. Vid. Cujac. 4. obs. 11.

Verat aliquid fieri) Unde in formulis edicto-
rum prohibitoriorum prætorem passim usurpa-
re videmus verbum *Vero*.

Vim sine vitio possidenti) Intelligit interdi-
ctum *Uti possidetis*: quod plenius explicabitur
§. 4. inf. hoc tit. *Sine vitio possidenti*, id est nec
vi nec clam nec precario possidenti ab ad-
versario; nam alias etiam vitiosum possesso-
rem interdictum tuetur, l. 1. §. ult. *uti possid.*

Mortuum inferenti) Significat interdictum de mortuo inferendo, quod in aliorum ordinem sub lib. 43. n. non refertur, sed tit. ult. lib. 11. his verbis: *Quo quare illi mortuum inferre invito te jus est, quoniam illi eo eave mortuum inferre & ibi sepelire liceat, vim fieri veto.*

In loco sacro edificari) De quo in l. 1. & passim ne quid in loco sacro.

In flumine publico) De quo sub tit. de fluminib. & tit. ne quid in flum. publ.

Restitutoria quibus restitui) Qua de causa ita semper concepta sunt, ut verbum *restituas addatur*, l. 1. *quor. bon. l. 1. quod vi aut clam, l. 2. de precar.*

Bonorum possessori) Significat interdictum quorum bonorum, de quo copiosius explicabitur §. proximo.

Qui vi de possessione) Unde apparet significari interdictum unde vi, §. 6. inf. cui explicando alias item locus infra destinatus est.

Exhibitoria per que jubet exhiberi) Quapropter verbum *exhibeat* in his addi solet, l. 1. de tab. exhib. l. 1. de bom. lib. exhib. l. 1. de lib. exhib. Inter actionem ad exhibendum & interdicta exhibitoria hoc principaliter interest, quod hæc tantum ad causam possessionis pertinent, illa iis fere datur qui de proprietate litigatur sunt, l. 1. ad exhib. Quod vero nonnulli ajunt, actionem ad exhibendum competere de eo quod privatim cujusque interest, interdicta autem hæc magis publicam causam spectare: id nou esse perpetuum ostendit interdictum de tabulis exhibendis.

De cuius libertate) Significatur interdictum de homine libero exhibendo, quod tuendæ libertatis causâ propositum est, ne videlicet homines liberi à quoquam retineantur, l. 1. de bom. lib. exhib.

Cui patronus operas) Quam ad rem comparatum idem editum sub tit. de bom. lib. exhib.

Aut parenti liberos) Cujus rei causâ propositum interdictum sub tit. de lib. exhib.

Proprie interditta vocari que prohibitoria) Atque hoc quoque mihi admodum verisimile videtur; nam interdicere omnibus Latine loquentibus idem est quod vetare prohibere; ut existimandum sit, ex productione & quasi abusione ejus verbi esse quod decreta quoque restitutoria & exhibitoria interdicta appellata sint.

Quia inter duos dicuntur) Hoc plane inceptum videtur. Proinde Alciat. in l. 178. de verb. sign. pro his verbis, *inter duos dicuntur, reponit, interim dicuntur*. Quæ allusio naturæ

rei non male convenit; nam interdicta totam item non perimunt sed tantum possessorem interim dicunt, quoad questio principalis de proprietate, de qua adhuc cognoscendum est, terminetur, l. 3. C. hoc tit. l. 2. in fin. C. ubi in rem act. l. 13. C. de rei vind. Isidorus quoque & Anianus ad Paul. lib. 5. sent. interdictum definiunt sententiam interim dictam. Adde Covar. pract. quest. 17.

TEXTUS.

Divisio secunda.

2. *Sequens divisio interdictorum hæc est, quod quedam adipiscendæ possessionis causâ compara-ta sunt, quedam retinendæ, quedam recuperandæ.*

COMMENTARIUS.

Secunda hæc divisio non complectitur omnia interdicta, sed ea tantum quæ ad rem familiarem pertinent, l. 2. §. ult. hoc tit. ac proinde tantum subdivisio quadam est, non secunda totius divisio. Est autem à fine sumpta; nam omnis de possessione rei privatæ controversia eò spectat ut aut possessionem nunc primum adipiscamur, aut adeptam retineamus, aut amissam recuperemus.

TEXTUS.

De interdictis adipiscendæ.

3. *Adipiscendæ possessionis causâ interdictum accommodatur bonorum possessori, quod appellatur Quorum bonorum; ejusque vis & potestas hæc est, ut quod ex iis bonis quisque quorum possessio alicui data est pro herede aut pro possesso possideat, id ei cui bonorum possessio data est restituere debeat. Pro herede autem possidere videtur qui putat se heredem esse. Pro possesso is possidet qui nullo jure rem hereditariam, vel etiam totam hereditatem sciens ad se non pertinere possidet. Ideo autem adipiscendæ possessionis vocatur interdictum, quia ei tantum utile est qui nunc primum conatur adipisci possessionem. Itaque si quis adeptus possessionem amiserit eam, hoc interdictum ei inutile est. Interdictum quoque Salvianum adipiscendæ possessionis causâ comparatum est; eoque utitur dominus fundi de rebus coloni quas is pro mercedibus fundi pignori futuras pepigisset.*

C O M M E N T A R I U S.

1. Quæ interdicta adipiscendæ possessionis cauia comparata.
2. Quorum bonorum cui, adversus quem competat; & cui bono comparatum.
3. Quis hic dicatur pro herede, prove possessore possidere; tum cur bonorum possessori petatio hereditatis non sufficere visa, & in quo illa cum hoc interdicto conveniat.
4. Quibus propositum remedium lege ult. C. de edict. D. Hadr. toll.
5. Cui, adversus quos interdictum Salvian. detur.
6. Interdicto huic affine remedium actio Serviana; & cur interdicto experiri utilius.

1. **A**dipiscendæ possessionis interdicta dicuntur quæ comparata sunt ad possessionem quam antea non habuimus nunc primum acquirendam: cuius generis duo hic proponuntur & expl. cantur, interdictum quorum bonorum, & Salvianum. In eodem genere sunt & interdicta quod legatorum: ne vis fiat ei qui in possessionem missus est: de tabulis exhibendis, & de grande legenda: quæ extant & explicantur in π.

2. *Accommodatur bonorum possessori]* Competit hoc interdictum ei cui ex edicto prætoris bonorum possessio data est, l. i. quor. bon. uno verbo, heredi prætorio. Obtinuit tamen ut etiam iis utique utile detur cui jure civili heredes facti sunt, per l. i. C. quor. bon. Gloss. comm. approbat ad rub. C. eod. Schneid. bīc n. 13. Ant. Fab. Cod. suo eod. tit. defin. un. Quamquam hoc displicet Baroni bīc, Don. ad d. tit. C. n. 3. Cujac. in par. C. eod. Sed quid opus est, inquis, hoc interdicto ad novam possessionem adipiscendam, si jam bonorum possessio alicui a prætore data est? Eo opus est, quod bonorum illa possessio quam prætor tribuit non corporis sed juris est: hoc est, prætor dando bonorum possessionem tribuit tantum jus persequendi & retinendi patrimonii defuncti, corporum autem possessionem aut detentionem non tribuit, l. 3. §. 1. de bon. poss. Hæc igitur adhuc restat atque hoc interdicto petitur, l. ult. C. quor. bon.

Appellatur, Quorum bonorum] A primis verbis interdicti, ut pleraque alia.

Ut quod ex iis bonis] Competit hoc interdictum de iis bonis quæ in hereditate defuncti cum moreretur fuerunt, atque etiam de iis quæ ex his bonis usucapta sunt; id enim significant verba interdicti, possideresve si nihil usucaptum esset, l. i. quor. bon.

Tom. II.

Pro herede aut pro possessore] Datur hoc interdictum adversus duo genera possessorum: primum adversus eum qui pro herede prove possessore possidet, quod etiam hic expressum est, deinde adversus eum qui dolo malo fecit quominus pro herede prove possessore possideret; quod nominativum adj. Etum est in l. 2. C. quor. bon. & comprehensum ill's verbis interdicti: *Quoque dolo malo facisti uti desinares possidere*, d. l. 1. eod. Estque hoc omnibus regulis juris consentaneum, ll. 131. & 150. cum similibus de reg. jur. Hinc autem intelligimus eum qui titulo singulari possidet, puta pro emtore, pro donato, hoc interdicto non teneri, sicut nec petitione hereditatis, l. 7. C. de pet. her. l. 4. C. in quib. cas. cess. long. temp. præscr. Esset enim iniquum, eum quem dominium esse nou constat, sed qui tantum se heredem esse dicit, rem auferre ei qui pro domino bona fide & justo titulo possidet. Ajo, justo titulo; nam titulus injustus aut jure invalidus possessorem non tueretur quo minus aut interdicto cum eo agi aut hereditas ab eo peti possit, arg. l. 13. §. 1. de her. petit. Covar. præf. quæst. cap. 12. Cicheran. decis. 56.

Restituere debeat] Restituendi verbum proprie referunt ad ea quæ à nobis profecta restituuntur. Sed interdum & de his accipitur quæ nunc primum nobis præstantur: quod fit in hoc interdicto. Non enim petit heres eas res sibi restitui quas aliquando possedit, sed quas numquam. Itaque sic restitutorum est, ut tamen sit adipiscendæ possessionis, l. 1. in fin. quor. bon.

3. *Pro herede]* Is dicitur hoc loco pro herede possidere qui se heredem dicit cum non sit, sive sciat se heredem non esse, sive se esse putet. Pro possessore autem qui nullam causam possidendi alien habet quamquod possidet; unde & nomen natum, l. 11. cum seqq. de her. pet. Putaverit aliquis hoc interdictum inutile esse & otiosum propterea quod heredibus & bonorum possessoribus aliud remedium plenius & efficacius competit, petitio scilicet hereditatis; quippe qua non tantum corporum possessores, ut interdicto, l. 2. quor. bon. sed etiam possessores juris & debitores hereditarii tenentur, si se heredes esse contendant, ll. 9. & 13. in fin. l. 42. & ibi Bart. de hered. pet. Sed neque majora onera esse videntur in judicio petitorio quam in interdicto; nam & qui interdicto experitur probare debet se heredem esse, l. 1. C. quor. bon. R. sp. eadem inter hæc remedia differentia

est quæ inter cetera judicia possessoria & petitoria : nimurum interdictum hoc, utpote remedium possessorum, non habet longas litis moras, sed brevis in eo est & expedita via ad possessionem adipiscendam. In petitione autem hereditatis plena de omnibus inquisitio & efficacior probatio requiritur, d. l. i. junct. l. 9. C. de jud. Afflct. decis. 14. Menoch. de adip. poss. rem. 1. n. 97. & seq. Ant. Fab. Cod. suo tit. quor. bon. defin. unic. Plane in eo hæc judicia convenientiunt, quod utrumque ad universitatem pertinet, non ad res singulas, l. i. in pr. de rei vind. l. i. §. 1. quor. bon. idque duplici respectu dicitur, (1) ratione intentionis actoris qui universa bona ad se pertinere dicit, (2) ratione tituli quo reus possidet; neutro enim judicio alius tenetur quam qui pro herede vel pro possessori possidet. Cui non obstat quod dicitur, petitione hereditatis teneri etiam qui rem unam hereditariam licet minimam possidet, l. 9. & seq. de ber. pet. nam qui vel unam rem hereditariam pro herede possidet, is totam hereditatem & universi juris successionem sibi aasserit. Consule Cacheran. decis. 74.

4. Est & aliud remedium possessorum heredibus propositum, sed scriptis tantum, constitutione Justiniani, l. ult. C. de edit. D. Hadrian. toll. (Et l. 2. tit. 14. Part. 6. confirmatum ADDIT.) quo ille qui testamentum profert non laborans conspicuo aliquo vitio, quale est cancellatio, item defectus testium, signorum, subscriptionis, auctoritate magistratus mittitur in possessionem rerum hereditiarum, dilata tantisper inquisitione super vitiis occulti oribus, puta falsitatis, injustæ exheredationis aut præteritionis. Succedenti autem ab intestato hoc remedium non datur; sed nec heredi instituto testamento nuncupativo, nisi illud in scripturam (ut fieri solet apud nos) redactum sit, aut petente herede nuncupato publicatum: de quo Vigl. in præl. d. l. ult. Sichard. ibi n. 4. & 5. Menoch. de adip. poss. rem. 4. n. 648. & 726. Ant. Fab. Cod. suo ad eund. tit. defin. 3. & 4. Christin. vol. 4. decis. 30.

5. Interdictum quoque Salvianum) Salvianum quoque interdictum adipiscendæ possessionis causâ comparatum est. Ait Julianus hoc interdictum dari domino fundi de rebus coloni quas is pro mercedibus fundi pignori obligavit. Existimare autem licet interdictum hoc nominatim conceptum fuisse non tantum de rebus coloni pro mercede locationis obligatis, sed etiam in ipsum colonum solum, ad

hunc modum: *Quod tu illi pro mercede fundi oppignerasti, qua de re agitur, id illi restituas.* Unde adversus extraneum possessorum, licet titulum & causam à colono habentem, non nisi utile interdictum ex productione redditur, l. i. in pr. de interd. Salv. Porro ex communi Interpp. sententia latius hoc interdictum extenditur, & utiliter accommodatur cuilibet creditori, non modo adversus debitorem qui oppigneravit, per l. i. C. de prec. & interd. Salv. sed etiam contra quemlibet tertium ejus rei possessorum; quamquam adversus hunc probationem desiderant, nimurum non solum rem obligatam esse, sed etiam in bonis debitoris cum obligaretur fuisse. Ang. Jas. & alii in §. 7. Inst. sup. de act. Wesemb. par. de Salv. interd. n. 2. Schneid. hic n. 7. Fach. 8. controv. 92. & plerique etiam censent prius excutiendum esse principalem debitorem quam adversus extraneum possesorem interdictum intentetur, arg. Nov. 4. cap. 2. Fachin. ubi sup. cap. 93. D. Tuld. ad d. tit. C. n. 2. Divortium à communi sententia facit D. Ant. Merenda 5. contr. 37. & seq.

6. Affine huic interdicto remedium est actio Serviana, quæ & ipsa primum locatori de rebus coloni pro pensione fundi obligatis proposita fuit, & postmodum ad alias causas & species pignoris per interpretationem producta, d. §. 7. Sed inter hæc remedia eadem quoque differentia est, cujus ante memini. Utilius est experiri interdicto quam actione Serviana. Nam interdicto, in quo de possessione momentaria tantum agitur, ad adipiscendam possessionem sufficit probare rem de qua agitur pignori obligatam fuisse; at in actione Serviana, quæ judicij petitorij est, hoc amplius probare creditor contra tertium possesorem agens debet, rem quam persequitur in bonis debitoris fuisse cum de pignore convenit, l. 15. §. 1. de pign. l. 23. deprobat. quod fusius à me explicatum sub d. §. 7. Wesemb. d. loc. Menoch. de adip. poss. rem. 3. n. 8. & seqq.

TEXTUS.

De interdictis retinendæ.

4. *Retinendæ possessionis causâ comparata sunt interdicta uti possidetis & utrubi: cum ab utraque parte de proprietate alicujus rei controversia sit, & ante queratur, uter ex litigitoribus possideat, & uter petere debeat. Namque nisi ante exploratum fuerit utrius eorum possessio sit, non potest petitoria actio institui;*
quia

quia & civilis & naturalis ratio facit ut alius possideat, & alius a possidente perat. Et quia longe commodius est & potius possidere quam petere: ideo plerumque & fere semper ingens existit contentio de ipsa possessione. Commodum autem possidenti in eo est, quod etiam si eius non sit qui possidet, si modo actor non potuerit suam esse probare, remanet in suo loco possessio: propter quam causam cum obscura sunt utriusque jura contra petitionem judicari solet. Sed interdicto quidem Uti possidetis de fundi vel aedium possessione contenditur; Utrubi vero interdicto de rerum mobilium possessione. Quorum vis ac potestas plurimam inter se differuntiam apud Veteres habebat; nam Ut possidetis interdicto is vincet qui interdicti tempore possidebat, si modo nec vi, nec clam, nec precario natu fuerat ab adversario possessionem etiam si alium vi expulerat, aut clam arripuerat alienam possessionem, aut precario rogaverat aliquem ut sibi possidere liceret. Utrubi vero interdicto is vincet qui majore parte anni nec vi nec clam nec precario ab adversario possidebat. Hodie tamen aliter observatur; nam utriusque interdicti potestas (quantum ad possessionem pertinet) ex aequata est, ut ille vindicet & in re soli & in re mobili qui possessionem nec vi nec clam nec precario ab adversario litis contestatae tempore detinet.

Vid. l. 28. tit. 2. Part. 3.

COMMENTARIUS.

- 1 Actionem in rem institui non posse nisi certus sit possessor; & quare.
- 2 Qui fieri possit ut duo de possessione retinenda litigent, cum duo in solidum eamdem rem possidere nequeant.
- 3 An qui vindicare rem instituit interdicto abduc agere possit; & de judicii possessorii cum petitorio cumulatione.
- 4 Vetus differentia inter interdicta Uti possidetis & Utrubi: ejus differentiae sublatio, tum quid hic jus Canonum & mores bodierni.

REtinendae possessionis gratia ea interdicta comparata dicuntur per quæ eam possessionem quam jam habemus retinere volamus: cuius generis interdicta sunt Uti possidetis & Utrubi. Prius est de rebus soli, posteriorius de rebus mobilibus, l. 1. uti poss. l. un. de utrubi. Utriusque causa olim non nihil dissimilis; nunc & causa & vis eadem, ut, si à rebus discesseris quarum nomine hæc inter-

dicta competit, unum atque idem videri possit, ut declaratur in calce hujus.

De proprietate alicujus rei] Hæc interdicta locum habent cum de proprietate inter alios quis lis est & queritur uter ex litigatoribus possideat, uter petere debeat, l. 1. §. 3. uti poss. ubi Ulp. ait, si inter litigatores contendatur uter possideat, quia alteruter se magis possidere affirmat, tum ad hæc interdicta remittendos esse.

1. *Nisi exploratum fuerit utrius possessio sit*] Actio in rem institui non potest nisi certus sit possessor, l. 13. de rei vind. Nam, ut alibi demonstravimus, ad fundandam actionem in rem duo extrema ponenda sunt, à parte actoris dominium, à parte rei conventi possessionis. Quamdiu igitur incertum est quis possideat & commodo possessionis frui debeat: judicio petitorio de proprietate locus esse non potest, l. 62. de jud. ubi Ulp. scribit, inter litigantes de proprietate non aliter item expediri posse quam si alter petitor alter possessor sit; esse enim debere qui onera petitoris sustineat, & qui commodo possessoris fungatur.

2. *Sed qui fieri potest ut duo de retinenda possessione litigent, cum duo in solidum eamdem rem possidere non possint*? l. 3. §. 5. de adq. poss. Nimurum accidere potest ut duo in speciem videantur possidere, cum tamen revera unus tantum possideat. Varii enim sunt actus possessorii, & ex quibusdam eorum usurpati plures sibi possessionem asserere possunt; ut proinde de qualitate hujusmodi actuum sit cognoscendum explorandumque, cuius causa potior sit. Alii respondent, absurdum non esse ut etiam duo dicantur eamdem rem simul possidere, diverso tamen genere possessionis, puta alter naturaliter alter civliter, aut alter juste alter injuste, l. 6. §. 1. de adq. poss. l. 3. pr. uti possid. Quæ & sententia Sabini fuit, d. l. 3. §. 5. de adq. poss. cuius vestigia cernimus in l. 3. pr. uti poss. & l. 15. §. 4. de precar. Cujac. y. obs. 22.

Commodum possidendi in eo est] Possessoris multo melior quam petitoris conditio est; nam possessor non cogitur probare rem ad se pertinere, sed petitori incumbit necessitas probandi rem suam esse, atque in ea probatione cessante petitore res apud possessorum remanet, licet ipse nihil probaverit, l. 2. C. de prob. l. ult. C. de rei vind. l. 4. C. de edend. fac. l. 128. de reg. jur. Quam ob causam ei qui destinavit rem petere hoc consilium dat Jurisconsultus in l. 24. de rei vind. ut videat,

num aliquo interdicto nancisci possit possessionem, atque ita onus probationis in adversarium derivare.

3. Quid ergo si quis non observato hoc consilio JCti. rem vindicare instituerit, an ob id interdicto agere non poterit? Prima fronte videtur dicendum non posse, quasi consilium Jurisconsulti contemserit, & renuntiaverit possessioni. Contaria tamen sententia placuit; quoniam potius ex ignorantia & justo errore id factum presumendum est, quam animo renuntiandi possessione aut interdicto, l. 12. §. 1. de adq. poss. Similiter qui rem vindicare coepit non censetur renuntiasse interdicto unde vi, l. 18. §. 1. de vi & de vi arm. ubi expresse traditur, pendente iudicio petitorio posse nihilominus interdicto agi, non sane ut utrumque simul cumuletur & una sententiā terminetur, ut falso multi existimaverunt, decepti d. lege 12. §. 1. & d. l. 18. §. 1. sed ut interim dum de possessione cognoscitur suspenderatur & differatur iudicium petitorum, l. 13. C. de rei vind. l. 1. C. de appell. l. 3. C. hoc tit. quæ verissima prædictar. legg. sententia est, Joanni & Azoni jam olim probata, à quibus male major pars secessio nem fecit. Et quamvis Bart. in d. l. 12. §. 1. aliisque citati à Menoch. de retin. poss. rem. 3. n. 511. cum seqq. & Nic. Tuld. in annot. ad prax. civ. Damhoud. cap. 45. lit. B. cum Martino Glossatore excipient interdictum uti possidetis, quod & ipsi propter contrarietatem eum iudicio petitorio cumulari posse negant; plures tamen Petrum secuti contendunt omne possessorium cum petitorio concurrere posse. Vid. Menoch. d. rem. n. 359. & seqq. Nic. Tuld. d. loc. Fachin. 8. contr. 6. Diod. Tuld. comm. hic cap. 3. & 4. Christin. vol. 4. decis. 130. n. 3. & seqq. Convenit cap. 6. x. de caus. poss. & prop. & hanc sententiam usu receperant tradit Christin. d. loc. quamquam non in omnibus tribunalibus. Vid. Papon. lib. 8. tit. 12. arrest. 4. Charond. 4. resp. 28. Nos hanc questionem plenissime excussimus lib. 2. select. quest. cap. 39.

4. Quorum vis ac potestas plurimam differentiam] Nam alia conditione proponebatur interdictum uti possidetis ei qui rem soli possideret; alia utrubi ei qui possideret rem mobilem. Uti possidetis ad prasens tempus referebatur, l. 1. §. 2. hoc tit. id est interdicti redditii, hoc modo: Ut eas ades quibus de agitur possidetis &c. l. 1. in pr. uti possid. & videtur huic interdicto adjecta fuisse particula nunc: Ut nunc possidetis eas ades &c. l. 3,

§. 6. eod. ad quem modum etiam formulam edicti conceptam apud Aelium Gellum Festus prodidit in verb. possessio. Utrubi vero in praeteritum referebatur: Utrubi hic homo quo de agitur majore parte bujusce anni fuit &c. His jam consequens erat ut interdicto Ut possidetis is vinceret qui interdicti tempore possidebat; Utrubi, is qui majore parte anni possederat: quod explicatur in l. 156. de verb. sign. add. Paul. 5. sent. 6.

Nec vi nec clam nec precario ab adversario] L. 1. & passim ff. uti possid. l. 1. C. eod. His autem veribus excluditur vitiosa possessio, non quævis, sed quæ vitiose, id est vel vi, vel clam, vel precario ab adversario obtinetur; nam si alter non ab altero sed ab extraneo possideat, licet vi, aut clam, aut precario, nihilominus prætor possessorum tueretur, l. 1. §. ult. & l. seq. eod. Et hoc est quod dicitur in l. ult. de adq. poss. etiam vitiosam possessionem adversus extraneos prodesse solere. VINN. Ad hæc possessionis vitia vel maxime attendebat prætor. Hinc ubi apud Terent. Eunuch. act. 2. scen. 3. Chærea ait: Hanc mihi vel vi vel clam vel precario fac tradari eleganter addit Donatus: Secundum jus locutus est. Nam his tribus mala fide aliquid possidetur. HEIN.

Utriusque interdicti potestas ex equata est] Justiniani tempore utriusque interdicti eadem vis ac potestas erat, ut is utroque vinceret, id est ei possessio interim adjudicaretur qui tempore litis contestata sine vitio ab adversario possidebat, ut hic declarant Compositores, à quibus probabile est interpolatum esse responsum Ulpiani in l. un. §. 1. de utrubi. Jure autem Canonico aliud observatur; nam hoc jure ad victoriam in his interdictis obtinendam non sufficit possidere tempore litis contestata, sed is obtinet eique adjudicatur possessio qui antiquiorem possessionem probaverit, tamquam qui justiorem possessionis causam habeat, cap. 9. x. de probat. Eoque jure nunc fere utimur; ut post alios testantur Damhoud. prax. civ. 34. Menoch. de retin. poss. rem. 3. n. 714. & seqq. Wesemb. par. uti poss. n. 5. & eleganter in not. ad Schneid. in §. pen. hoc tit. D. Tulden. comm. hic cap. 3. Quod si æque obscura sint utriusque litigatoris jura ut judici non appareat uter possideat, possessio sequestrari solet. Schneid. ad d. §. pen. n. 6. & ibi Wesemb. in not. Ant Fab. Cod. sui lib. 8. tit. 3. defini. 1. Solent autem hodie partes hoc interdicto, quod Pragmati ci

ci maintenue, seu manutentiam vocant, contendentes petere ut interim dum de principali lite possessionis cognoscitur, sibi recredentia adjudicetur, id est momentanea aut fiduciaria possessio. Covar. pr. quest. 17. Aufser. in styl. Parlam. tit. de caus. novit. Massuer. in pract. tit. de possess. Ant. Fab. Cod. sui lib. 8. tit. 4. defin. 1. Formulam conclusionis habes apud Merulam lib. 4. dist. 4. seqq. 3. tit. 1. cap. 2. n. 7. In multis locis duplice possessorio retinenda utuntur: quorum alterum plenarium vocant, quoniam plena in eo super possessione cognitione adhibetur; alterum summarium, & summarissimum, quia in hoc tantum summarum judex cognoscit, uter possideat quo tempore lis movetur. Vid. Gail. 1. obs. 5. § 2. seqq. Menoch. retin. poss. remed. ult. Fache. 8. controv. 5. Christin. vol. 4. decis. 142. n. 7. § seqq. Vinn. Et hoc possessorum summarissimum male vulgo comparant interdicto uti possidetis; cum tamen in illo, non ut in hoc, disceptetur de qualitate possessionis, vi ne quis possideat, an clam vel precario; sed tantum queratur quis jam in praesenti possideat. HEIN. Retinui quæ de moribus hodiernis tradit Vinnius, quia cum nostris magna ex parte consentiunt. De interdictis accurate & solide egit Gomez ad leg. 45. Tauri n. 127. § seqq. Nos enim nomina immutavimus rem retinuimus: iudicia in petitoria & possessoria partimur: in illis agitur quis dominus sit, in his uter possideat. Itaque iudicia possessoria vera sunt interdicta quibus agitur de possessione adipiscenda vel retinenda vel recuperanda. Sed cum hodie lites diurniores sint quam antea fuerunt: non parvi momenti est quaestio de re tempore litis possidenda; qua de causa Recentiores invenerunt judicium summarissimum de possessione, manutentio & interim dictum, quo judex summarie cognoscit uter litigantium tempore litis rem obtinere debeat. De quo singulari tractauit egit D. Covar. pract. quest. 17. quem omnino consules. ADDIT.

TEXTUS.

De retinenda vel acquirenda possessione.

5. Possidere autem videtur quisque non solum si ipse possideat sed & si ejus nomine aliquis in possessione sit, licet is ejus juri subjectus non sit, qualis est colonus & inquilinus. Per eos quoque apud quos deposuerit quis aut quibus

commodaverit, ipse possidere videtur. Et hoc est quod dicitur, retinere possessionem posse aliquem per quemlibet qui ejus nomine sit in possessione. Quin etiam animo quoque solo retineri possessionem placet: id est, ut quamvis neque ipse sit in possessione neque ejus nomine alius; tamen si non relinquenda possessionis animo sed postea reversurus inde decesserit, retinere possessionem videatur. Adipisci vero possessionem per quos aliquis potest secundo libro exposuimus. Nec ulla dubitatio est quin animo solo adipisci possessionem nemo possit.

L. 12. tit. 30. Part. 3.

COMMENTARIUS.

- 1 Quid propriè sit possidere, & cur etiam frumentario interdicta retinenda possessionis accommodetur.
- 2 Vetus controversia circa retentionem & amissionem possessionis: quæ à Justiniano sublata.
- 3 Etiam solo animo possessionem retineri; & quādū.
- 4 Indicatur & refutatur insignis DD. error.
- 5 Dejectum non posse interdicto retinenda agere: qui agit quid probare debeat.
- 6 Ad possessionem adquirendam opus esse & animo adquirendi & simul actu aliquo corporali.
- 7 Amitti possessionem etiam novis invitis, id que plurifariam.
- 8 Volentibus nobis amitti etiam solo animo.

Quoniam superiora interdicta solum tenuuntur possessorem, nec magis ei competunt qui possessionem semel quæsitam amisit quam ei qui numquam possedit: ideo Justinianus hoc loco obiter ostendere voluit quis intelligatur possidere, quomodo possessione adquiratur, adquisita quomodo retineatur.

1. Non solum si ipse possideat sed & si ejus nomine] Possidere auctore Theoph. §. 5. Inst. sup. per quas pers. cuiq. adq. est animo & affectu dominantis, ΨΥΧΗ ΔΙΟΝΟΣΙΟΣ, rem tenere. Itaque qui alieno nomine in possessione sunt hic non pertinet, veluti conductor, commodatarius, depositarius, procurator, amicus, hospes, l. 3. §. 12. l. 9. §. seqq. l. 30. §. 5. § seqq. de adq. poss. l. 6. §. 2. de preclar. Atque ex eo intelligimus, si hi controversiam possessionis patiantur, interdicto ad retinendam possessionem experiri non posse, l. 3. §. 8. uii possid. vid. tamen Menoch. retin. poss. rem. ult. Joann. à Sande lib. 5. tit. 4. defin. 2. Fructuarius quoque non ma-

magis possidet quam superiores, §. 5. *Inst. sup. per quas pers. cuiq. adq. d. l. 6. §. 2. de precar.* Placuit tamen inter fructuarios interdictum *uti possidetis* reddendum, itemque inter fructuarium eumque qui sibi usum defendat, *l. ult. uti possid.* Sed non est novum ut fructuario propter jus quod in re habet plus tribuatur quam aliis qui possessores non sunt, etsi rem similiter teneant. Nam & fructuario vi dejecto datur interdictum *unde vi*, *l. 3. §. 13. & seq. de vi & de vi arm.* quod argumentum est eum, licet non possideat, tamen pro posse in his interdictis haberit quamdiu ususfructus perseverat. Cujac. 9. obs. 33. Don. d. l. un. C. *uti poss. n. 5.* Joann. à Sande d. defn. 2. In summa vero, possessionis parum interest utrum quis juste an injuste possideat, *l. 3. §. 5. de adq. poss. nam & possessori injusto interdicta retinenda possessionis dantur*, modo ne injuste possideat ab adversario, *l. 1. §. ult. & seq. uti possid.*

In possessione sit] Recte in possessione. Nam aliud longe est possidere, aliud in possessione esse, *l. 10. §. 1. de adq. poss.* sicut aliud est servire, aliud in servitute esse, *§. ult. Inst. sup. de ingen.* Is possidet, cuius nomine possidetur; qui autem in possessione sunt alienæ possessioni præstant ministerium, *l. 18. pr. de adq. poss.*

2. *Retinere possessionem posse aliquem per quemlibet*] Per eos qui nostro nomine in possessione sunt, puta per servum, colonum, inquilinum, procuratorem &c. possessio nobis retineri potest. Sed nec illis vitâ decedentibus possessio amittitur: inque eo Veteres omnes consentiunt. Hoc amplius Proculus putabat, etiamsi sponte è possessione discessissent, vide licet animo eam derelinquendi, nihilominus possessionem à nobis retineri, *l. 31. de dol. mal.* Sabinus contrà spontanea illa discessione interpellari. Sabini sententiam secutus est Africanius, *l. 40. §. 1. de adq. poss.* sententiam Proculi Paulus *l. 3. §. 8. eod.* Ceterum si alii possessionem tradiderint possessionem amitti etiam Paulus concedit, *d. l. 3. §. 9. quod & apud Julianum relatum est, l. 33. §. 4. de usuc.* Papinianus hoc amplius, discessu eorum possessionem amitti si alius eam ingressus fuerit, *l. 44. §. ult. de adq. poss.* Hanc autem Veterum controversiam sustulit Justinianus *l. ult. C. eod.* ubi generaliter constituit, ut sive dereliquerint possessionem & alius eam occupaverit, sive possessionem alii prodiderint, nihil penitus ex ea re præjudicii dominis ge-

neretur. Et quamquam recentiores nonnulli, ut Cujac. par. C. eod. Don. 5. comm. 12. Ant. Fab. decis. 4. err. 2. & seq. existimant constitutionem illam non pertinere ad casum quo in possessione relictis alii eam tradit. (quorum sententiam sequuta est, *lex 13. tit. 30. Part. 3. ADDIT*); verius tamen esse quod his constitutionis verbis, *vel alii prodiderit*, tradens & que ac deserens comprehendatur, evincit ratio quæ mox subjicitur, ne ex aliena malignitate alienum damnum emergat: quomodo & vulgo Interpretes, quos laudat & sequitur Menoch. rec. poss. rem. 14. n. 17. & seqq. Eleganter D. Joann. Decker. lib. 1. diss. 3. n. 25. Illud constat, possessionem amitti si in possessione relicti vi dejecti fuerint, *l. 1. §. 22. unde vi.*

3. *Animo solo retineri possessionem*] Etiam solo animo retineri possessio potest, *l. 4. C. de adq. poss.* Itaque licet corpore quis è fundo exierit, quamdiu animus amittendæ possessionis abest, possessio rebus integris retinetur, *l. 3. §. 7. & seq. l. 6. in fin. eod.* quamvis neque servum neque colonum &c. in fundo reliquerit, *l. 44. §. ult. eod.* idque ex jure possessio mutuata est, ut pleraque alia *l. 49. eod.* & utilitatis causâ receptum, ne testudiis more perpetuo domi nos continere aut possessionem amittere coganimur. Enimvero quod dicitur, animo solo possessionem retineri, id ita temperandum est, si facultas nobis relata sit eam cum velimus iterum corpore apprehendendi; ea autem facultate sublata etiam inviti possidere desinimus, *d. l. 3. §. 13.*

4. *Hic autem locus occasionem Doctoribus præbuit, ut eum qui discessit civilem tantum possessionem retinere, non autem naturalem existimaverint; sed hanc demum iterum ingresso adquiri.* Falso, ut mihi videatur. Nam hoc posito, necessario sequitur eum qui è fundo egreditur priorem possessionem non retinere, sed eam amissa novam adquirere; & mox regressum hac iterum amissa recuperare priorem: quod sane à ratione nimis alienum est. Neque possessio quæ corpore tenetur & ea quæ animo sunt duas diversæ species possessionum, sed una & eadem possessio; unde & in proposito numquam nova adquiri dicitur, sed prior retineri. Tantum modus tenendi & possidendi diversus est, alius jure alius corpore consistens, *l. 10. C. de adq. poss.*

5. *Illud à vero abest quam longissime quod quidam asserunt, civilem quain vocant possessionem retineri, ejusque beneficio interdi-*

dictum uti possidetis competere, etiamsi ab alio possessio vi occupata sit. Covar. pratt. quæst. 17. n. 5. & alii citati apud Christin. vol. 4. decis. 142. n. 4. Nam possessio plane amissa intelligitur quæ nobis dejectis aut repulsi vi ab alio occupata est, l. 6. §. 1. l. 25. §. ult. de adq. poss. Neque hic animus ad retinendam possessionem sufficit; quoniam ut maxime velimus eam repetere non possumus, d. l. 3. §. 13. eod. Et ergo si dejectus nullam prorsus possessionem habet aut retinet, nec retinendæ possessionis remedio juvari potest; sed necessarium ei erit interdictum unde vi, quod possessionis recuperandæ causâ comparatum est. Ceterum si veteri possessore non dejecto & in possessione adhuc manente possessio ei minatur vel turbetur, seu vis ei fiat quominus uti possidet jure ita plane possideat: tunc locus est interdicto uti possidetis. Vid. Joann. Fab. ad prec. §. Menoch. rem ult. retin. poss. n. 17. Christin. d. decis. n. 6. In summa, qui agit interdicto retinendæ possessionis duo probare debet, possessionem ex parte sua, & turbationem ex parte adversarii. Turbationem, inquam, non spoliationem; quia si se diceret spoliatum sibi esset contrarius ob idque repellendus, & interdicto recuperandæ non retinendæ possessionis agere deberet. Ant. Fab. lib. 8. Cod. sui tit. 4. defin. 8,

Secundo libro exposuimus] Tit. Inst. per quas pers. cuiq. adq. ubi docuit, non solum per nosmet ipsos sed etiam per eos quos in potestate habemus, non minus possessionem nobis adquiri, quam proprietatem; adeoque possessionem per extraneam quoque personam, veluti per procuratorem nobis adquiri posse: quod singulare est, & utilitatis causâ receptum. ll. 1. & 8. C. de adq. poss.

6. *Animo solo adipisci possessionem nemo possit*) Adquisitio possessionis consistit in apprehensione rei conjuncta cum affectu eam pro sua tenendi, d. l. 1. §. 3. de adq. poss. Itaque nec animus solus ad eam acquirendam sufficit, nec solo corpore adquiri sine affectione tenendi potest; sed utrumque hic concurrat necesse est, & animus acquirendi, & simul actus aliquis corporalis, l. 1. §. 1. & 3. l. 8. §. 23. eod. Etsi autem necesse non est ut opera manuum aut pedum semper interveniat (quæ quidem ratio acquirendæ possessionis maxime naturalis est, & necessaria in iis rebus quæ ab aliis nobis traduntur, d. l. 1. §. 1. d. l. 3. §. 3. d. l. 23. eodem); semper tamen requiritur actus aliquis præter animum possidenti, qui vice corporalis apprehensionis

fungatur, d. l. 1. §. pen. l. 18. §. 2. l. 51. eod. l. 9. §. 6. de adq. rer. dom. l. 1. C. de donat. Falluntur enim qui hujusmodi casus à regula exceptos putant, quasi hic nudo animo citra ullum actum corporalem possessio adquiratur, quamvis ita fere loquantur Jurisconsulti in d. l. 1. §. pen. & d. l. 51. Sed illi cum ita loquuntur non excludunt omnem actum corporis, sed dumtaxat crassiorem illam apprehensionem, quæ manuum aut pedum operâ interveniente fit. Cur igitur placet possessionem solo animo retineri posse? Quoniam possessio semel quæsita etiam jus possidenti parit, quo retento possessio quoque retinetur. At adquisitio possessionis tota pene facti est. Sed & alias quod semel adquisitum est facilius retinetur quam initio quid adquiritur. Animo possessionem adquirere non possumus, nisi nostro; quippe ut nos velimus in aliis esse non potest. At corpore etiam alieno, d. l. 3. §. 12. d. l. 16. de adq. possess. l. 53. de adq. rer. dom. quoniam in iis quæ corporis ministerio geruntur nihil interest nostro corpore an alieno utamur.

7. Amittenda possessionis alla ratio est; nam non solum volentibus sed etiam invitis nobis possessio amittitur, & invitis plurifariam: veluti si res commercio exempta sit, aut in aliam speciem transformata, l. 30. §. 1. & 4. de adq. poss. si amplius, cum velimus, naturalem ejus possessionem nancisci non possumus, l. 3. §. 13. eod. si locum possessum flumen aut mare occupaverit, d. l. 3. §. 17. si prædones pradium invaserint qui nos dejiciant, aut redeunt s. repellant, aut quorum metu teriti accedere nolumus, tot. tit. unde vi l. 3. §. 8. l. 6. in fin. l. 25. §. ult. de adq. poss. si furto aut rapina res mobilis ablata sit, l. 15. si in flumen deciderit ut mergeretur, l. 13. eod.

8. Volentibus autem nobis uno tantum modo possessio amittitur, nempe si hoc animo simus ut nolimus possidere; idque etiam procedit quamvis corpore, verbi causâ, in fundo maneamus, ut constanter à Veteribus traditum est, l. 3. §. 6. l. 17. §. 1. & l. seq. l. 44. §. 2. eod. Neque obstat huic sententiae, quod Paulus scribit possessionem non amitti nisi eo modo quo adquiritur, seu non amitti nisi animo & corpore, l. 8. eod. l. 153. de reg. jur. Nam & qui in fundo adhuc manens constituit nolle possidere, is non animo tantum sed ob defectum animi corpore quoque possidere desinit; neque enim dici potest corpus possidere remoto animo in quo solo est affectio tenendi. Itaque in amittenda possessio-

ne, quod quidem volentibus nobis fiat, semper utrumque in contrarium agitur. Duar. ad d. l. 3. §. 6. Donell. lib. 5. comm. cap. 13.

TEXTUS.

De interdicto recuperandæ & affini-
bus remedii.

6. Recuperandæ possessionis causâ solet interdicti, si quis ex possessione fundi vel ædium vi dejectus fuerit. Nam ei proponitur interdictum unde vi: per quod is qui dejectus cogitur ei restituere possessionem, licet is ab eo qui vi dejectus, vi clavis vel precastio possideat. Sed ex constitutionibus sacris (ut supra diximus) si quis rem per vim occupaverit, si quidem in bonis ejus est dominio ejus privatur; si aliena, post ejus restitutionem etiam estimationem rei dare vim passo compellitur. Qui autem aliquem de possessione per vim dejectus tenetur lege Julia de vi privata, aut de vi publica. Sed de vi privata, si sine armis fecerit; sine autem armis eum de possessione vi expulserit, de vi publica tenetur. Armorum autem appellatione non solum scuta & gladios & galeas, sed & fustes & lapides significari intelligimus.

Vid. ll. 27. & 30. tit. 2. Part. 3.

COMMENTARIUS.

- 1 Interdictum unde vi quibus, quorum rerum nomine detur.
- 2 Dejici quis intelligatur.
- 3 Etiam fructuario & usuario hoc interdictum dari.
- 4 Quibus, quo casu ex constitutione Constantini detur.
- 5 In hoc interdicto vincere etiam eum qui clavis vel precastio ab adversario possidet. Licare autem deficientem in continentia rursum dejicere. Vestigium juris veteris apud Paulum.
- 6 Quatenus Canones hoc interdictum extenderunt; & de remedio Can. redintegrando.
- 7 Poena invasionis ex sacris constitutionibus & legibus Juliis.

1. **A**D recuperandam possessionem unde vi interdictum proditum est ei qui vi de possessione dejectus est, quod fuse declaratur ab Ulp. II. 1. & 3. de vi & de vi arm. Pertinet autem hoc interdictum ad eos tantum qui de fundo & ædibus dejiciuntur; ad rerum vero mobilium possessionem recu-

perandam non pertinet, quoniam hic sufficit actio furti aut vi bonorum raptorum, d. l. 1. §. 3. & seqq. Idemque est si quis de nave aut vehiculo dejiciatur, d. l. 1. §. 7. Paul. 5. sent. 6. videlicet si navis aut vehiculum simul abducatur; alias dejecto injuriarum dumtaxat actio datur. Plane de rebus mobilibus quas quis eo in loco unde vi dejectus est tunc cum dejiceretur habuit, placet etiam hoc interdictum reddi; quia verum est vi de eo loco dejectum esse, l. 1. pr. §. 32. & seqq. l. pen. eod. Et quoniam difficulter à dejecto probari potest que & cuius estimationis res direpta & deperditæ fuerint: cautum est ut ei de qualitate & estimatione earum rerum juranti fides habeatur; hoc adjecto, ne licet ei jurare ultra taxationem factam à judice, qui recte facturus sit si prius quam jusjurandum deferat pro personarum & negotii qualitate modum statuat, quem jurando non licet excedere, l. 9. C. eod. Hoc interdicto ex constitutione Justiniani etiam is tenetur qui rei alienæ vacuam possessionem sciens occupavit, l. ult. C. eod. cum jure veteri non aliter hoc casu interdicto locus esset quam si reversus dominus ab ingressu prædicti prohiberetur, l. 6. in fin. de adq. poss. d. l. 1. §. 24. unde vi. Don. ad d. l. ult. n. 8. D. Tuld. ad eund. tit. C. n. 4. Menoch. recip. poss. rem. 3.

2. Dejectus fuerit] Dejici intelligitur is solus qui possidet; unde & huic soli interdictum unde vi competit, d. l. 1. §. 45. unde vi & ideo si colonus inquilinus procurator hospes aut alius qui nostro nomine in possessione est dejectus sit, interdicto nos soli experiemur. Nam ut isti non possident, sed nos per eos possidentur: sic iis dejectis non ipsi dejecti intelliguntur, sed nos qui per eos possidebamus, d. l. 1. §. 27. l. ult. eod.

3. Plane fructuario & usuario etiam hoc interdictum datur, licet & ipsi non magis quam superiores possideant, l. 3. §. 13. & seqq. eod. Sed his plus tribui solet, quia emolumen rei suo jure percipiunt, quam aliis qui possessores non sunt, ut demonstratum §. præced.

4. Constantinus autem dum vult reprehendere eorum audaciam qui absentiæ dominorum confidentiores facti dejiciunt eos qui absensis nomine in possessione sunt, spe imputatis sibi proposita, eo quod neque dominus absens subvenire poterat, neque dejecti interdicto agere: ultero omnibus qui absensis nomine in possessione fuerunt & inde dejecti sunt hoc interdicto sive actione ad

ad possessionem recuperandam nomine domini absentis experiri permisit; & quidem nullo expectatio domini mandato: cui nihilominus actiones suas integras conservavit, l. 1. C. si per vim vel alium mod. poss. add. Menoch. *recup. poss. rem. 6.*

Cogitur restituere possessionem] Et præter possessionem occupatam fructus quoque omnemque utilitatem quæ ad eum qui dejectus est venire potuisset si dejectus non foret, d. l. 1. §. 40. & seq. l. 15. unde vi, l. 4. C. eod.

5. *Licet is ab eo qui vi dejecterit*) In interdicto *uti possidetis* succumbit qui ab adversario vel vi vel clam vel precastio possidet, §. 4. sup. hoc tit. In interdicto autem *unde vi* etiam ille vincit. Nimirum in hoc interdicto visum est dejectum statim & sine exceptione restituendum esse, ne occasio detur tumultus. Enimvero qui dejectus non ex intervallo sed in continenti & fervente adhuc congreßu dejectientem rursus deject, is non tenetur hoc interdicto; quia, quod licet, vim vi repulit, l. 3. §. 9. eod. ac proinde possessio in pristinam causam potius reversa quam ille vi possidere intelligendus est, l. 17. eod. Cujac. Hotom. bīc. Duar. 1. disp. 20. id quod hic Justinianus ait referunt ad vim armatam seu publicam; nam quod ad vim privatam seu quotidianam attinet, existimant posse me, hac vi adhibita, eum qui à me vi clam vel precastio possidet impune etiam ex intervallo dejicere; idque Paulum lib. 5. sent. 6. significare his verbis: *Qui vi aut clam aut precastio possidet ab adversario, impune deicitur.* Sed hoc parum convenit menti Justiniani; & hodie sic obtinet auctoritate huius textus, ut indistincte vincat hoc interdicto qui vi qua cumque à quocumque dejectus est, teste D. Menoch. *recup. poss. rem. 1. n. 7.* Jure civili hoc interdicto tantum tenetur qui deiecit, non aliud qui rem postea possidere coepit, l. 7. unde vi.

6. Canones autem id extenderunt etiam aduersus tertium spolii possessorem, dummodo sciat vim factam esse; quoniam hoc ipso se socium delicti facit, cap. 18. de rest. spol. Qui autem bona fide & justo titulo possessionem nactus est non tenetur, Menoch. *recup. poss. rem. 15. quæst. 13.* Idem Canones & pinguis remedium possessionis recuperandæ introduxerunt, can. redintegranda caus. III. quæst. 1. semper etiam rei mobilis per vim amissæ. Quod hodie frequens est, & in foro quoque sæculari obtinet: de quo vide Menoch. d. rem. Gail. 2. obs. 75. Myns. 3. obs. 85. Cacheran.

Tom. II.

dec. 93. Ant. Fab. Cod. sui lib. 8. tit. 3. defin. 1. & passim, Christin. vol. 4. decis. 135. n. 17. & seqq. item decis. 140. n. 4. & seqq. & decis. seq. n. 4. & deinceps. Vinn. Remedium Can. redintegranda & cap. sœpe de restit. spol. Regia sunt lege sancita, l. 30. tit. 2. Part. 3. Vid. Greg. Lopez gloss. G ad d. l. ADDIT.

7. *Ex sacris constitutionibus]* Qui violenter possessionem rei apud alium constitutam invasit, is non tantum tenetur interdicto *unde vi*, sed alias etiam poenas sustinet: tum ex sacris constitutionibus, tum ex legibus Juliis de vi publica & de vi privata. Constitutionibus hæc poena invasori imponitur, ut si rei dominus est dominium ejus amittat; si aliena est, cum re alterum tantum vim passo restituat, l. 5. & 7. unde vi. Eademque poena postea placuit etiam multos conductores certosque alienæ possessionis detentores qui sine justa causa recusant rem restituere iis à quibus acceperunt, in eaque recusatione perseverant donec à judice condemnentur, l. 10. C. eod. de quo plura dixi sup. ad pr. tit. Inst. de locat.

Ut supra diximus] §. 1. Inst. vi bon. rapt. ubi dicimus eamdem quoque poenam in rebus mobilibus vi erexit locum habere. Genera quoque violentiæ distinximus, & qua quæque poenâ coërceatur, tum à prætore tum legibus & Principiū constitutionibus obiter notavimus sub rub. eod.

Lege Julia de vi] Ne quid per vim admittatur etiam legibus Juliis de vi publica & de vi privata prospectum est, l. 1. §. 2. unde vi. Lege Julia de vi publica tenetur qui aliquem armis de possessione expulit, l. 3. §. 2. de vi publ. De vi privata qui sine armis, l. 5. de vi priv. Vis armata ideo publica habetur, quod solius Reipubl. est armis uti. De poena harum legum est in §. 8. Inst. infr. de publ. jud.

Armorum appellatione] Vid. l. 41. de verb. sign. l. 9. de vi publ. l. 3. §. 2. unde vi. Ciceronem in ea. pro Cæcina.

TEXTUS.

Divisio tertia.

7. *Tertia divisio interdictorum est, quod aut simplicia sunt aut duplia. Simplicia sunt, veluti in quibus alter actor, alter reus est: qualia sunt omnia restitutoria aut exhibitoria. Nam actor is est qui desiderat aut exhiberi aut restitu; reus autem is est à quo desideratur ut restituat aut exhibeat. Prohibitiorum autem interdictorum alia simplicia sunt, alia duplia.*

Kkk

Simp.

Simplicia sunt, veluti cum prætor probibet in loco sacro, vel in flumine publico, ripave ejus aliquid fieri. Nam actor est qui desiderat ne quid fiat, reus est qui aliquid facere conatur. Duplicita sunt, veluti uti possidetis interdictum, & utrubi. Ideo autem duplicita vocantur, quia pars utriusque litigioris in his conditio est, nec quisquam præcipue reus vel actor intelligitur, sed unusquisque tam rei quam actoris partes sustinet.

NOTA.

Cum prætor probibet in loco sacro &c.] Simplicia quoque sunt prohibitoria de arboribus cædendis, & de itinere actuque, d. l. 2. pr. ff. de interd.

COMMENTARIUS.

I. *An dentur interdicta duplicita tam recuperandæ quam adipiscendæ possessionis.*

Tertia hæc divisio sumta est à personis litigantium. Quædam enim interdicta sunt in quibus uterque litigior unam tantum personam sustinet, nempe vel actoris vel rei: qualia sunt in quibus prætor singulari numero utens unum tantum alloquitur, veluti: *Unde vi tu illum dejecisti, eò illum restituas. Ne quid in loco sacro facias, inve eum locum immittas.* Quam liberum dole malo retines exhibeas. Quædam in quibus uterque sustinet personam duplicitem, & actoris scilicet & rei: qualia sunt in quibus verba interdicti ad utrumque dirigit, veluti: *Uti possidetis, quominus ita possideatis &c. Ut alter ab altero fruimini, quominus ita fruamini,* l. 1. in pr. de superficie. Hinc illa simplicita, hæc duplicita dicta sunt. Exstat hæc divisio apud Paulum l. 2. pr. hoc tit.

I. *Duplicia sunt, veluti uti possidetis, & utrubi)* Ejusdem generis interdictum est quod de superficiebus proponitur, l. 1. pr. & §. 2. de superficie. Alibi hæc interdicta eodem sensu dicuntur mixta, l. 37. §. 1. de obli. & att. Paulus lege 2. hoc tit. in fin. scribit etiam esse quædam interdicta duplicita tam recuperandæ quam adipiscendæ possessionis. Sed Cujac. 4. obs. 11. negat ullum hujusmodi interdictum dari; quippe fieri non posse ut quis simul agat & ad possessionem jam primum adipiscendam & ad amissam recuperandam; hæc enim repugnantia esse; ac proinde verba illa tam recuperandæ quam adipiscendæ possessionis, vel transferenda esse in l. seq. vel potius omnino expungenda. At enim illud fieri potest, ut idem interdictum accommodetur & ei qui

jam primum possessionem adipisci studet, & illi item qui de amissa recuperanda sollicitus est. Cujusmodi est interdictum ne vis fiat ei qui in possessionem missus est. Nam hoc interdicto tenetur & qui prohibuit aliquem in possessionem venire, & is à quo quis possessione pulsus est, l. 1. §. 3. illo tit.

Par utriusque litigioris conditio] Eum tamen actoris partes obtinere in his interdictis plerique censem, qui prior ad judicium provocavit, arg. l. 13. de judic. idque non tantum quoad litis ordinationem, sed etiam quoad litis definitionem; ac proinde non probante eo qui provocavit reum absolvi. DD. comm. in l. 13. Schneid. hic n. 5. & ibid. in not. Wesemb. Christin. vol. 4. decis. 142. n. 6.

TEXTUS.

De ordine & vetero exitu.

8. *De ordine & vetero exitu interdictorum supervacuum est bude dicere. Nam quoties extra ordinem jus dicitur (qualia sunt bude omnia judicia) non est necesse reddi interdictum; sed perinde judicatur sine interdictis, ac si utilis alio ex causa interdicti redditia fuisset.*

COMMENTARIUS.

I. *Quæ judicia ordinaria, quæ extraordinaria olim dicta.*

Hic locus à me expositus est sup. pr. hunc jus tit. Pro exitu, Hotomanno legendum videtur riu; ut agendi sive, ut nunc loquuntur, procedendi formam intelligamus. Quod non placet; quia tunc bis idem diceret Imp. nam ordinis appellatione nihil aliud hinc significatur quam ritus & modus procedendi. Igitur de ordine, id est de ritu & conceptione formularum; de exitu, id est de effectu. Sic exitus actionis, l. 10. §. 14. quæ in fraud. cred. exitus controversia possessionis, l. 35. de adq. posses. Theoph. περὶ τῆς τάξεως καὶ τῶν ἀποτελέματος (de ordine & effectu).

Qualia sunt bude omnia judicia Ait suo tempore judicia omnia extraordinaria fuisse. Ordinaria judicia dicebantur, in quibus ordine & more usitato veterum judiciorum lis agebatur: quo more prætor aditus non ipse judicabat, sed quibusdam præparatoriis in jure apud eum tractatis actionem & formulam dabant, missis porro litigioribus ad judices peneaneos qui de re cognoscerent & judicarent.

At-

Atque hoc idem etiam in interdictis obser-vari solebat, *l. 1. §. 2. si ventr. nom.* Exceptæ erant quædam causæ de quibus ipse prætor ex officio cognoscere debebat: quod quia præter morem judiciorum ordinarium fiebat & ab ipso prætore, inde illæ causæ dictæ sunt prætoriæ & extraordinariæ, *tit. de extraord. cogn.* Postquam autem vetus ille mos dandorum judicum sublatus est, magistratibusque injunctum ut ipsi de causis co-gnoscant & judicent, *l. 2. C. de pedan. jud.* omnes actiones extraordinariæ dici coeperunt; eoque sensu ac respectu puto Justinianum quoque hic dixisse, judicia omnia nunc ex-traordinaria esse. Alioqui certe postquam or-

dinarium esse coepit ut ipsi magistratus ju-dicent, non possunt judicia quæ à magistratibus exercentur extraordinaria vocari. Repete quæ scripsimus *ad pr. tit. Inst. sup. de action.* VINN. Interdicta olim quidem erant extraord-inaria judicia. Sed tamen si jam interdixerat prætor & adversarius negabat recte & jure interdictum esse: partes remittebantur ad jus ordinarium, & hinc recuperatores vel judices dabantur, *l. 1. §. 41. ff. de vi & vi arm. l. 3. §. ult. ff. uti poss. l. 3. §. 3. de itin. & act. priv. Cic. pro Caecin. cap. 2. 8. & 17. Quintilian. inst. orat. lib. 7. cap. 5. lib. 12. cap. 10. Frontin. de limit. agr. p. 41. & ibi Agg. Urbic. HEIN.*

TITULUS XVI.

DE POENA TEMERE LITIGANTUM.

Lib. 3. tit. 14. for. legg.

Continuatio.

Cognitio jure tum actoris tum rei, non inconveniens Justiniano visum est ali-iquid subjugere de poena qua coërcen-tur qui eo jure abutentes vel temeritate & inconsiderata audaciâ vel dolo & malitiâ negotium alicui comparant, sive tendendo litem sive excipiendo.

TEXTUS.

De poenis in genere.

Nunc admonendi sumus, magnam curam egis-se eos qui jura sustinebant ne facile homines ad litigandum procederent: quod & nobis studio est. Idque eo maxime fieri potest, quod temeritas tam agentium quam eorum cum quibus agitur modo pecuniaria poenâ, modo jurisjurandi religio-nâ, modo infamiae metu coercedatur.

Vid. l. 8. tit. 22. Part. 3.

COMMENTARIUS.

** Causæ litium præcidenda: lites exortæ statim sponda: temere litigantes coercendi.*

Legislatorem, auctore Platone, in id uni-ce incumbere oportet, ut civitatem,

quoad fieri potest, redigat quasi ad unitatem, hoc est ad concordiam & unanimitatem. Ita-que cum nulla sit res quæ concordiam & ci-vium inter se consensum magis turbat quam litium multitudo & frequentia, danda opera est non tantum ut causæ litium præcidantur, lites exortæ confessim dirimantur, cujus rei ut in legibus ferendis rationem haberet Regem suum monuit Isocrates; sed etiam ut à litigan-do homines deterreantur, & poenarum commi-natione tam temere litigantium confidentia quam improbe calumniantium malitia compes-catur. In hunc finem quoque instituta fuerunt sponsiones illæ quibus litigatores se mutuo pro-vocabant, nî veram bonanque causam haberent, quarum frequens mentio apud Ciceronem; tum etiam sacramenta, bonæ fidei & causæ pignora: inter quæ & sponsiones quid intersit ex Varrone, Festo, Asconio docet Hotoman-nus in Quintiana.

Modo pecuniaria poenâ] Temeritas litigandi & multâ pecuniaria & jurisjurandi & infamie metu coërcetur. Multam intelligit, si reos spe-ctemus in iis causis quæ inficiando crescunt, quales sunt damni injuriâ dati, depositi misera-bilis, piorum legatorum. Si actores, poenam plus petitionis, de qua explicatum sub §. 33. Inst. sup. de action. Jusjurandum autem, calum-nia signifikat, de quo mox dicetur. Infamie

metu terret litigatores improbos, dicitur tibi puer
ἀριμαθεῖαι τίνα καὶ τεγεθῆται τὸ καλός πολιτέ-
νεσται, ἦτοι καθαρὸς, μέγα καὶ φοβερός (Quo-
niam in honore aliquem, eumque privare civili &
bonesta in Rep. conversatione, magnum quidem est
ac terrible.) Theod. Hermop. ad l. 104. dereg. jur.
Intelligit autem infamiam ex judiciis famosis:
de quibus explicabit inferius §. 2. hoc tit.

TEXTUS.

De jurejurando & poena pecuniaria.

1. Ecce enim iurandum omnibus qui con-
veniuntur ex constitutione nostra defertur. Nam
reus non aliter suis allegationibus utitur, nisi
prius juraverit quod putans se bona instantiā
uti ad contradicendum pervenit. At adversus
inficiantes ex quibusdam causis dupli actio con-
stituitur, veluti si danni injuria aut legatorum
locis venerabilibus relistorum nomine agatur. Sta-
tim autem ab initio pluris quam simpli est actio,
veluti furti manifesti quadrupli, nec manifesti
duplici. Nam ex his & aliis quibusdam causis,
sive quis neget sive fateatur, pluris quam sim-
pli est actio. Item actoris quoque calunnia coer-
etur. Num etiam actor pro calunnia jurare co-
gitur ex nostra constitutione quod non calum-
niandi animo item movisset sed existimando
se bonam causam habere. Utriusque etiam partis
advocati iurandum subeunt, quod alia nostra
constitutione comprehensum est. Hec autem om-
nia pro veteri calunniae actione introducta sunt,
qua in desuetudinem abiit, quia in partem de-
cimam litis actores mulctabat: quod nusquam
factum esse invenimus; sed pro his introductum
est & prefatum iurandum, & ut improbus
litigator & damnum & impensas litis inferre
adversario suo cogatur.

L. 23. tit. 11. Part. 3.

COMMENTARIUS.

- 1 Jusjurandum calunniae à Justiniano revocatum
qui præsent, & quale id sit.
- 2 Jusjurandum advocatorum & procuratorum
in singulis causis,
- 3 Vicitum in lite etiam in impensas & damna
condemnandum, nisi iustum causam litigan-
di habuerit; & damnandum etiam si hæc
nominatim petita non fuerint.
- 4 Mores bodierni circa superiora omnia.

1. Jusjurandum calunniae, quod apud
Veteres usurpatum, l. 44. §. 4. fam.

erit in desuetudinem postea abiisse videtur,
Justinianus revocavit, ll. 2. C. de jurejur.
propt. cal. dand. ubi sancit, ut uterque litigantium
in exordio litis juret: primum actor
se non calumniandi animo item intendere,
sed quod existimet se bonam causam habere;
deinde reus se non dolo malo aut negotii fa-
cessendi causâ actori contradicere, sed quod
putet se bona instantiā uti & juste ad inficias
ire. Nov. 49. cap. ult. §. 1. ubi jubetur reus
jurare se δικαῖαν νομίζει τὴν ἀπίγνωστην τὴν
δίκην (justam putare contradictionem esse litis).
Unde apparet, hoc jusjurandum magis esse opini-
onis quam assertionis, nec perjurum dici
posse qui non obtinuit. Perez ad d. tit. Cod.
n. 3. Ex constitutionibus novelli: s. jurant pariter
ambo nihil se prorsus differendi vel cor-
rumpendi judicij causâ fecisse facturosve esse,
Nov. 49. auth. hoc sacramentum, & auth. in
isto C. eod. Nov. 124. cap. 1. auth. Principales
C. eod. Pro iis qui in tutela aut curatione sunt
jurant tutores curatoresve, non pupilli aliive
quorum res gerunt; idemque obtinet & in
ceteris rerum alienarum legitimis administratoribus,
d. l. 2. §. 2. & seq. junct. d. auth. Principales.
Jurandum autem est apud judicem
qui de causa cognoscit. Ceterum si vel per-
sonae dignitas vel sexus verecundia vel mor-
bus non patiatur litigatorem ad tribunal ve-
nire, mittitur aliquis qui juramentum domi
litigantis excipiat, presente adversario ejus-
ve procuratore, d. Nov. 124. cap. 1. d. l. 2.
§. 1. C. eod. Jure Pontificio etiam permisum
est per procuratorem in animam domini jura-
ri; ad quod tamen speciale mandatum exigitur,
cap. 6. de jur. calum. cap. 3. §. pen. &
ult. eod. in 6. & hoc modo frequentius nomi-
ne absentium jurari solet. Gudelin. lib. 4. de
jur. noviss. cap. 8. in fin. Gail. 1. obs. 83. 88.
& seq. Merul. lib. 4. dist. 4. sett. 3. tit. 8.
cap. 4.

Adversus inficiantes ex quibusdam causis] Ex
damni injuria dati, depositi miserabilis &
piorum legatorum causa lis inficiatione dupla-
tur, §. 26. Inst. sup. de act. ubi hac de re sa-
tis copiose dictum est. Pertinet autem hoc eò,
ut intelligamus jusjurandum calunniae poe-
nam hanc pecuniariam non abrogare.

Vel tripli] Hæc verba tollenda sunt. Nulla
enim in inficiantem tripli actio est. Sed neque
in vetustis codicibus ea reperiri testantur Cu-
jac. Hotom. Pacius.

Pluris quam simpli actio est] Ex furti causa
lis etiam sine inficiatione poenam affert. Sed
hæc poena huc non pertinet, quoniam teme-
rita-

ritatem litigantis non coercet; voluitque Justinianus tantum obiter indicare dissimilitudinem causarum.

2. *Uriusque etiam partis advocati*) Etiam à patronis causarum seu advocatis jusjurandum simile superiori & in causa qualibet exigitur, ut scilicet jurent se integro animo causam clientis sui suscipere, nec falsi patrocinii sibi conscientios esse: nullam se operam nullumque studium in causa clientis sui intermissuros: denique si quid malitiose aut improbe fingi in ea postea deprehenderint, ejus se patrocinium protinus omisuros, *l. 2. pr. C. de jur. propt. cal. l. 14. §. 1. C. de judic.* De procuratoribus nihil simile jus civile dispositum; sed jure Pontificio cautum ut non obstante præcedente reorum juramento procuratores ad exemplum advocatorum similiter suo nomine jurent, *cap. cum causam 6. de jur. column. cap. 2. eod. in 6.*

Pro veteri calumniae actione) Fuit vetus quædam calumniae actio qua improbi litigatores in partem decimam estimationis litis expensarum nomine mulctabantur, *l. ult. C. Hermog. de calumnia*, quam hic abrogat Justinianus, licet desuetudine jam oblitteratam. Eamdem tamen restituit atque in usum revocare covatus est *Novellæ 112.* hoc etiam addito, ut cautio decimæ non reprobatione sed satisfactione fieret.

3. *Damnum & impensas*) Appendix sententiæ est condemnatio in sumtus & expensas litis. Constitutum namque est victum in lite in expensas quoque & cetera damna victori condemnandum esse, *l. 79. de jud. l. 13. §. 6. C. de judic. l. 4. C. de fruct. & lit. expens. Nov. 82. cap. 10. & hoc text.* Nec victo prodest ejurasse calumniam; ut enim vere de calumnia juraverit, nihilominus tamen ei imputari potest quod temere adversarium suum in jus vocavit, *d. l. 79. de judic.* Plane si quis justam causam litigandi habuisse videatur, quod interdum accidit, vel quia res obscura est, vel ex probabili ignorantia facti, vel etiam ex incertitudine juris nata ex discrepantibus Doctorum sententiis, placet hunc etsi victus est ab onere expensarum excusari, *d. Nov. 82. cap. 10. auth. post iurandum in fin. de jud.* idque judicis religioni & prudentia estimandum relinquitur; neque tam ex jure scripto quam ex usu judiciorum peti debet. Consule DD. in *d. l. 79. ff. de judic.* & *d. l. 13. C. eod. Covar. pr. quest. 27. n. 5. Viv. lib. 1. opin. 425. Menoch. arbitr. lib. 2. cent. 2. cas. 177. & 1. presump. 35. Gail. 1. obs. 151. & seqq. Gude-*

lin. lib. 4. de iur. noviss. cap. 13. D. Tuld. comm. hic cap. 3. Christin. vol. 1. decis. 266. & vol. 4. decis. 97. cum ibi citatis Sichard. in d. l. 13. §. 6. & in l. 15. C. de judic. Porro præter impensas in ipsam item factas etiam cetera damna adversarii in condemnationem veniunt, ut hic textus expresse docet; sed intrinseca tantum non extrinseca ut vulgo distinguuntur. Sichard. ad d. l. 15. n. 9. & seqq. Thesaur. decis. 67. Quid si victor propriam causam egerit? etiamne hie salarii ratio habenda? Vide Myns. 1. obs. 2. Gail. 1. obs. 151. n. 16. Trentac. 2. pr. res. tit. de postul. n. 3. Gudel. d. cap. 13. Christin. vol. 2. decis. 102. n. 1. Illud etiam tenendum est, quamvis expensa nominatim petita non sint, nihilominus tamen victum causâ cognita victori in eas condemnandum esse, usque adeo ut si judex hanc condemnationem omiserit rem periculi sui faciat, *d. l. 13. §. 6. d. Nov. 82. cap. 10. Nic. Valla de reb. dub. trax. 1. n. 18. Gudel. cap. 13. vers. ceterum. Sichard. ad d. §. 6. n. 18. ubi hanc sententiam in puncto juris veram esse fatetur post Salic. *ibid.* licet Bart. & comm. DD. contrarium teneant. Facta autem impensarum declaratione judex eas taxare & super iis juramentum victori deferre debet. Sichard. in d. §. 6. n. 16. Gudelin. d. cap. 13.*

4. Atque hæc quidem jure scripto sic obtinent; ceterum moribus hodiernis magnam partem exoleverunt. Nam neque lis ulla nunc inficiatione duplatur, & vix jurisjurandi calumniae in plerisque tribunalibus usus est. D. Gudelin. lib. 4. dejur. nov. cap. 8. in fin. Merul. lib. 4. dist. 4. sect. 3. tit. 8. cap. 1. Wesen. b. par. de jurejur. n. 9. Christin. volum. 2. decis. 147. de quo queritur D. Diod. Tuld. lib. 4. de caus. corrupt. jud. cap. 14. Loquor de juramento calumniae, quo de hic agitur, quod in exordio judicij a litigatoribus super tota lite jure communis præstandum est; nam quod interdum postea in parte aliqua litis exigitur, veluti ab eo qui jusjurandum judiciale defert, *l. 34. §. 4. de jurejur.* id moribus adhuc obtinet. Wesemb. d. n. 9. Sed neque advocati aut procuratores amplius in singulis causis jusjurandum præstant; verum semel in universum cum designantur, sive ad postulandum agendumve pro aliis admittuntur. Perez ad tit. C. de jur. propt. cal. Gudelin. d. cap. 8. in fin. Merul. d. tit. 8. cap. 3. & 4. Jure communis ipsi quoque judices in singulis causis sacramenti religione obstringuntur, ut jurent se ex vero & legibus judicaturos, *l. 14. in pr. C. de jud.* Sed & illi hodie unicum tantum jusjurant-

jurandum dant in ingressu muneris, quod in causis singulis pro repetito habetur, arg. auth. *Hoc sacramentum C. de jurejur. propt. cal. Wesemb. ad tit. C. de ord. jud. n. 5.* Porro nec usu hodierno recepta est actio illa decimaria quam diximus Justinianum, obliteratedam antea & hic repudiataam, postea in usum revocare studuisse *Nov. 112. Gudelin. d. lib. 4. cap. 13. in fin.* Quæ vero dicta sunt de condemnatione in expensas litis & cetera damna adversarii, ea fere hodieque obtinent; nisi quod vietus non aliter in hac condemnari nunc solet, quam si petita fuerint; non quod judex non possit ex officio victori impensa adjudicare etiam si petita non sint, sed quia, ut Bart. Bald. & DD. comm. in d. l. 13. §. 6. *C. de judic.* censem & usus judiciorum recepit, non tenetur. Ceterum impensa satis petitæ intelliguntur secundum plerosque si libello ut fieri solet adjecta sit clausula, *ut super omnibus optimo quoquo modo jus & justitia administratur. Gail. 3. obs. 151. Myns. 4. obs. 55. Damhoud. prax. civ. cap. 108 & ibi in annot. Nic. Tulden. Merul. d. sect. 3. tit. 1. cap. 2. n. 15. Gudelin. d. cap. 13.* Victor quas fecit impensa libello complectitur, & adversarius quantitatem earum diminuit; ac demum judex via taxationis in sententia sibi reservatae utraque parte auditam modum earum constituit, art. 95. & seq. *Instruct. Cur. Holl. Merul. lib. 4. dist. 4. sect. 5. tit. 15. & seq. Gudelin. d. cap. 13. vers. ult. Vinn.* Retinuimus hæc tum quia moribus nostris convenient, tum ut aliarum gentium mores nostros noscant. De juramento calumniæ & ceteris quæ in judicio præstari solent est integer tit. in Partt. tit. 11. Part. 3. Paz in sua prax. tom. 1. part. 1. temp. 4. n. 39. & seqq. testatur juramentum calumniæ exolevisse, nisi quod de more inserimus libello, *y ju-ro que no lo bago de malicia*, quæ tamen omissa processum non vitiant. Paz eod. loc. Juges Advocati Procuratores in ingressu sui muneris jurare tenentur ex præscripto legg. 6. tit. 5. 2. tit. 16. 1. tit. 24. lib. 2. Recop. Quæ de hodierna praxi condemnandi in expensas tradit auctor ea singulari lege apud nos sancta invenimus, nimurum l. un. tit. 14. lib. 3. for. legg. Praterea apud nos temerarii litigatores qui ex Regis Conventibus ad supremum Consilium appellant poenâ mille & quingentiarum duplarum punitiuntur si causâ cadunt, ex lege 1. tit. 20. lib. 4. Recop. quam singulari comm. illustratus est Petr. Avend. qui vero querelam instituunt de injustitia notoria (*magna*) poenam subeunt quingentorum ducato-

rum, si injuste querantur. *Ag. 7. tit. 20. lib. 4. Recop.* Indicavimus hæc nam elucubrare nec locus postulat nec instituti ratio sinit. ADDIT.

TEXTUS.

De infamia.

2. *Ex quibusdam judiciis damnati ignominiori fūnt: veluti furti, vi bonorum raptorum, injuriarum, de dolo; item tutelæ, mandati, depositi, direc̄tis non contrariis actionibus; item pro socio, quæ ab utraque parte directa est; & ob id quilibet ex sociis eo judicio damnatus ignominia notatur. Sed furti quidem aut vi bonorum raptorum aut injuriarum aut de dolo non solum damnati notantur ignominia, sed & patetis & recte; placitum enim interest utrum ex delicto aliquis an ex contractu debitor sit.*

COMMENTARIUS.

- 1 *Judicia civilia ex delicto quæ, qua conditio ne concurrente famosa.*
- 2 *Famosam non esse actionem quod metus causa, neque interdicta neque conditiones quamvis ex famosis causis.*
- 3 *Ex contractu quæ, quibus conditionibus concurrentibus, judicia famosa.*
- 4 *Cur non omnia judicia bona fidei famosa.*
- 5 *In actionibus famosis ex delicto etiam patetis infamia notari; in iis quæ ex contractibus non item; & cur tam varie.*

Pœna infamiae non tam temeritatis poena est quam dolii, & certis dumtaxat ex causis judicio civili damnatis infligitur: quales sunt illæ quatuor ex delicto & totidem ex contractu quæ hic recensentur. Judicia quidem criminalia & ipsa ut plurimum famosa sunt; sed ea hoc non pertinent.

1. *Veluti furti &c.]* Furti, rapine, injuriarum, de dolo malo damnati edicto notantur infamia, l. 1. de his qui non inf. Damnatio ea accipienda est vel à qua non est provocatum, vel quæ confirmata est, l. 6. §. 1. eod. Addit prætor in dicto, *si damnati sint suo nomine*, l. 1. & 4. §. ult. eod. Condicio addita propter procuratores tutores & curatores, qui alieno nomine conventi tametsi ipsi condemnetur infamie tamen notam non subeunt, d. l. 6. §. 2. Famosa quoque sunt judicia sepulcri violati, l. 1. de sepulcr. viol. & expilata hereditatis, quod est gravius judicio furti, l. 12. *C. ex quib. ca. infam.* item actio quæ

quæ est adversus mulierem quæ ut in possessorum bonorum ventris nomine mitteretur prægnantem se adseveravit, cum prægnans non esset aut ex alio concepisset, l. 15. cum 4. seqq. end.

2. Actio autem quod metus causâ famosa non est, quoniam in hac satis visum quadrupli poenâ contumaciam coërceri. Don. 15. comm. 40. Sed neque ulla interdicta famosa sunt quamvis sint ex causa delicti, l. 13. unde i. Postremo nec inter causas famosas ex delicto numeratur damnum injuriâ datum; nimur quia etsi ponamus consulto & malo animo damnum datum esse, tamen quia hoc factum contumeliam conjunctam non habet (alioqui & injuriarum actio competere), non videtur tam atrocem poenam mereri Hotom. b. Illud constat, in conditionibus cessare ignominiam quamvis ex famosis causis descendant, l. 36. de obl. & att. veluti in conditione furtiva & actione rerum amotarum, per l. pen. de cond. furt. l. 26. de att. rer. amot.

3. Tutele, mandati, depositi, pro socio] Etiam quatuor hæc judicia ex contractu proficiscuntur, tutele, mandati, depositi, pro socio famosa sunt, notanturque his judiciis damnati si tres hæc conditiones concurrant: si quis suo nomine: si de dolo ac perfidia sua: si directo judicio condemnatus fuerit. Prima conditio cum causis superioribus communis est, ll. 1. & 4. §. ult. de bis qui not. inf. Ex qua intelligimus, notari eos solum qui suo non qui alieno nomine damnantur, veluti procuratores tutores curatores heredes. Itaque si quis judicio famoso conventus curet ut per procuratorem defendatur, hic futurum est ut & ipse infamiam effugiat, quia non condemnabitur, sed procurator ejus, l. 1. C. de sent. & interloc. neque tamen notetur procurator, quia condemnatur alieno nomine d. l. 6. §. 2. De herede quoque idem eodem loco dicitur: nimur etsi heres actionibus ex contractu venientibus etiam ob dolum defuncti in solidum teneantur, & lite contestata poenales quoque ex delicto contra eum transeunt, ll. 12. 26. & 49. de obl. & att. l. 157. §. ult. l. 164. cum similibus de reg. jur. neutro tamen casu ita tenetur ut damnatus infamie notam subeat, cum non suo nomine nec ex suo dolo & delicto sed ex alieno conveniatur. Hodie autem exiguum hæc usum habent, quoniam non amplius sententia in procuratorem sed in dominum dirigitur. D. Tuldén. in tit. C. de sent. & interloc. n. 4. Christin. vol. 4. decis. 91. n. 16. Merul. lib. 4. dist. 4. sect. 5. tit. 1. cap. 1. Neque pri-

vata judicia poenalia habemus quæ dici possint lite contestata in heredes transire, nisi forte injuriarum. Illud adhuc manet, quod licet successores etiam ob dolum defuncti ex contractibus in solidum teneantur, numquam tamen ita tenentur ut damnatos sequatur infamia. Vinn. Et hæc apud nos obtinent. ADDIT. Secunda conditio est, si quis ex his causis ob dolum ac perfidiam damnatus sit, l. 6. §. ult. de bis qui not. infam. l. 5. depos. §. 6. Inst. de susp. tut. Neque enim convenit infamie notam cuiquam inuri qui nihil turpe admisit sed culpâ tantum imperitiâ aut solita negligentiâ peccavit; quoniam hoc etiam in hominem idoneum & frugi cadere potest, l. 42. de verb. sign. Tertia & postrema conditio est si quis condemnatus fuerit judicio directo, d. l. 1. de bis qui not. infam. Nam in contrario de dolo aut perfidia non agitur, sed tantum de calculo & supputatione ejus quod contrario judicio agenti abest, d. l. 6. §. ult. eod. d. l. 5. depos. Hæc autem conditio addita non propter actionem pro socio (quippe quæ utrumque directa est), sed propter tres reliquias, quarum quædam directæ, quædam contrariae. Plane in causa mandati interdum etiam contrario judicio de fide violata agitur, & damnatus notatur infamia, ut in specie d. legis 6. §. antep. de bis qui not. infam.

4. Tutele mandati depositi pro socio.] Quid ergo? an reliquis bona fidei judiciis, puta emi-venditi, locati-conducti, commodati, actione pigneratitia, ob dolum & perfidiam damnati infames non erunt? Et cum prætor quatuor illa quæ hæc proponuntur nominatim exceperit notaveritque, haud dubie in ceteris integrum existimationem servari voluit. Neque vero defuit prætori sua ratio cur quatuor illa à ceteris segregaret. Licet enim in omnibus qui se malitiose gerit fidem ex æquo violet, in solis tamen illis quatuor eam violat specie amicitia: quod majoris est improbitatis; nam quod de mandato non ex fide gesto ait M. Tullius pro Rosc. Amerin. eo nomine non minus turpe judicium constitutum esse quam furti, propterea quod hæc culpa duas res sanctissimas violat, amicitiam & fidem: id non magis ad mandati judicium quam ad tria reliqua, tutele, depositi, pro socio pertinet. Add. Coras. 4. misc. 19. Don. 18. comm. 8. Hodiernis moribus nulla judicia civilia famosa esse dicuntur, & non tam ex causa quam ex genere poenæ infamiam irrogari. Vid. Bern. Autumn. confer. ad rubr. C. ex quib. caus. infam. Zypæ not. jur. eod. tit. Groenew. de legg. ab-

abrog. b.c. VINN. Nota apud nos hæc. ADDIT.
 5. *Sed & pacti*] Non solum damni ex superioribus delictis, sed & pacti infamia notantur, l. 1. t. 4. §. ult. de bis qui not. inf. Ratio est, quia intelligitur confiteri crimen qui paciscitur, l. 5. eod. confessus autem pro judicato est, l. 1. de confess. Quid tamen ita acceptum est, si quis cum pretio quantocunque pactus sit, non si gratis remissa sit actio; nam inhumanum esset venie nullum locum dari, l. 6. §. 3. de bis qui not. inf. In actionibus vero quæ famosæ sunt ex contractibus paciscens infamia non notatur; quoniam in his causis non tam turpis est pactio, & potius hic de eo quod adversarii interest interposita præsumitur quam ex conscientia doli, l. 7. eod. Atque ad has causas tantum illud quoque pertinet, quod traditur in l. 73. de processu actione famosa conventum infamiam declinare posse si tantam pecuniam quanta petitur actori solverit, aut eo recusante accipere, si oblatam apud acta deposuerit; quamquam DD. vulgo hoc etiam ad causas famosas ex delicto referunt. Vid. quæ notamus sup. ad §. 10. Inst. de injur.

TEXTUS.

De in jus vocando.

3. *Omnia autem actionum instituendarum principium ab ea parte editi proficiuntur qua prætor edicit in jus vocando. Utique enim in primis adversarius in jus vocandus est, id est ad eum vocandus qui jus dicturus sit. Qua parte prætor parentibus & patronis, item parentibus liberisque patronorum & patronarum banc præstat honorem, ut non aliter liceat liberis libertisque eos in jus vocare quam si id ab ipso prætore postulaverint & impetraverint. Et si quis aliter vocaverit, in eum poenam solidorum quinquaginta constituit.*

Summ. tit. 7. & l. 4. ejusd. tit. Part. 3.

COMMENTARIUS.

- 1 *Partes processus judicarii.*
- 2 *An in jus vocatio pars sit judicii.*
- 3 *Effecta in jus vocationis.*
- 4 *Omissa in jus vocatione nihil cognosci aut statui posse.*
- 5 *Quid intersit inter citare & in jus vocare.*

Concluditur hoc loco tractatio de actionibus, ad quam omnia quæ hactenus dicta

sunt pertinent; doceturque actionem omnem instituendarum esse apud magistratum cujus de ea re jurisdictionem est, vocato prius ad eum adversario.

1. *Actionum instituendarum principium*] Processus judicarii partes sunt quatuor, quarum ordinem & progressum natura ipsa ostendit, & eleganter expresserunt Imperatores in l. 1. C. de exec. rei jud. in jus vocatio, litis contestatio, causæ cognitio, sententia. Additur & quinta, sententiæ executio, quæ tamen ab ordine quo ad eam pervenitur secerni potest.

2. Prima ordinis judicarii pars est in jus vocatio; ab ea enim, ut hæc dicitur, omnium actionum instituendarum initium proficiuntur. Quidam & judicij partem esse contendunt; sed hoc alii & plures negant, quoniam judicium non ante coptum dicitur quam lis est contestata, l. ult. C. de lit. contest. l. 15. ratam rem hab. Gail. 2. obs. 48. & 74. Wesemb. par. de jud. n. 6. Christin. vol. 2. decis. 149. n. 12. & decis. 155. n. 9. Dissidium non difficile compotiu. Nam aut vocem judicij latius accipiimus pro toto litis tractu ab in jus vocatione usque ad executionem, quæ processus judicarii est pars ultima, Wesemb. ad rubr. C. de jud. n. 19. Cagnol. ad rubr. C. de edend. n. 21. & 24. aut pressius ut ea tantum contineat quæ olim apud judices pedantes expediabantur, nempe pro progressu judicij à lite contestata usque ad sententiam, qui instantia dici solet. Marant. spec. aur. part. 5. n. 2. Priore sensu non minus in jus vocatio proprie & vere pars judicij est quam litis contestatio &c. Posteriore proprie judicij pars non est, quamquam nihil vetat partem judicij etiam proprie dicti vocare id principium quod judicium ita antecedit ut sine eo ad illud non perveniat. Unde etiam qui partem esse judicij negant, eam vocant principium basim & fundamentum processus. Gail. d. obs. 48. & d. obs. 74. n. 1.

3. Effecta in jus vocationis hæc fere sunt: (1) ut si quis postea quam in jus vocatus est alterius fori esse cooperit, puta mutatione domicilii aut privilegio proprii judicis quæsito, is in ea causa jus forum revocandi non habeat, quasi vocatione præventus, l. 7. de jud. (2) quod perpetuat jurisdictionem judicis delegati, hoc est ut is, delegante post propositionem citationis edictum mortuo, nihilominus in causa procedere possit & debeat, cap. grat. 20. de off. deleg. (3) quod post citationem in actionibus in rem res de qua agitur li-

tigiosa esse incipit, auth. litigiosa C. de litigio. Vid. Covar. præt. quest. 13. n. 6.

4. In primis adversarius in jus vocandus est] Qui judicio cum aliquo contendere constituit, is ante omnia adversarium suum in jus vocare debet eique actionem edere, quo is secum interim deliberet utrum cedere velit, an judicio contendere; & si contendendum putet ut veniat instrutus, l. i. de edend. auth. offeratur C. de lit. cont. Unde intelligimus hunc actum omnino necessarium esse, eoque omisso nihil cognosci nihil statui posse; & si contra factum sit id pro infecto habendum nec rei judicatae auctoritatem obtinere: facit l. 4. G. de sent. & interloc. & merito; quoniam sic deficit una ex personis quæ ad constitutionem judicii necessario requiruntur; neque judex contra jus naturale & divinum reum privare debet defensione quæ naturalis est. Clement. pastoralis de re jud. Petr. Greg. 48. syntag. 2. n. 28. Damhoud. prax. civ. cap. 54. n. 3. Gail. 1. obs. 48. & de pac. publ. 5. n. 6. Merul. lib. 4. dis. 4. secl. 1. tom. 4. cap. 1. Christin. vol. 1. decis. 89.

Qui jus dicturus sit] In jus vocare est, ad eum vocare qui jus dicturus est juris experiri gratiæ, l. i. de in jus voc. & hoc tex. Judicem igitur ad quem vocatio fit oportet aut tribunal præsse aut aliam jurisdictionem habere. Ad eum qui nudam dumtaxat notio-

nem habet, hoc est ad judicem pedaneum vocatus, impiae non parebit, l. 3. §. 1. ne quis eum qui injus voc. Additur in l. i. juris experiundi causà, qui finis est vocationis. Non enim vocatur quisquam in jus nisi ea gratiæ ut cum eo liceat jure judicioque experiri si ve agere de re quæ in judicium vocatur.

5. In jus vocatio vulgo nunc citatio appellatur, & promiscuus etiam horum verborum usus est in constitutionibus Justiniani, contrà quam Veteres, qui verbo *citare* numquam utuntur pro in jus vocare. Sane verbi *citandi* latior etiam nunc usus est quam in jus vocandi; quippe citationi locus est etiam post coepit judicium, & in quavis parte judicii: veluti cum quis citatur ad audiendam sententiam, ad videndum jurare testes &c. cum in jus vocatio de prima illa citatione quæ judicium præcedit dicatur dumtaxat. Quomodo nunc citatio seu in jus vocatio fieri soleat, quibus partibus constet & quam vim habeat cognoscere ex Nierul. lib. 2. tit. 1. lib. 4. dist. 4. secl. 1. tit. 4. lib. 1. & seqq. Gail. 1. obs. 48. & seqq. & obs. 74. n. 16. & seqq. Myns. 6. obs. 10. Christin. vol. 2. decis. 89. Vinn. Quibus adde integr. tit. 3. lib. 2. for. legg. tit. 7. Part. 3. tit. 3. lib. 4. Recop. & Interpretæ nostros passim ad *bas. leges*. ADDIT.

Parenibus & patronis] Hac de re copiosse explicatum est sub §. 12. Inst. sup. de action.

TITULUS XVII.

DE OFFICIO JUDICIS.

Continuatio. Quid sit litis contestatio. An ea à parte rei aliquando per affirmationem aut confessionem inducatur: ejus effecta, & quibus in causis non necessaria.

S Iis qui in jus vocatus est neget quod intenditur & cum actore paratus sit contendere, negotio ejus rem dubiam, contentio utriusque item facit, & à veteri ritu testationis in lite instituenda litis contestatio dicitur: de quo ritu vid. Pet. Fab. 2. semest. 24. Rævard. pro tribunal. 11. Cujac. 9. obs. 21. per litis contestationem potestas fit judicii de re cognoscendi & judicandi: antè nihil cognosci aut definiri potest. Nov. 53. cap. 4. tot. tit. x. ut lit. non cont. non proc. Eaque sic recte nunc definitur (nam vetus contestatio sublata est, licet nomen manserit) negotii hinc inde apud judicem facta narratio, continens petitionem actoris, & ad eam rei conven-

ti responsionem per contradictionem, l. un. C. de lit. cont. l. 14. §. 1. C. de judic. l. 2. C. de jurejur. propt. column. Enimvero non quælibet petitio actoris & responsio seu contradictione rei litis contestationem inducit, sed distincta & quæ statum causæ judicii demonstrat. Cumque lis esse non possit nisi unus affirmet alter neget, appareat litis contestationem non fieri nisi quemadmodum definivit, per contradictionem ejus quod petitur: ac proinde ex parte rei non nisi negative, d. l. 14. §. 1. C. de jud. Vis 1. de lit. contest. cap. 1. Obrecht. cap. 2. n. 16. & seqq. D. Perez ad tit. C. eod. n. 3. & 4. Et male igitur Gloss. in cap. un. x. eod. Sichard. in rubr. C. eod. n. 5. Merul. lib. 4. dist.

dist. 4. seft. 3. tit. 6. cap. 1. statuant, etiam per confessionem rei litis contestationem induci; nam qui hosti se dedit certare dici non potest. Lite contestata judicium constitutum esse intelligitur, *d. 1. un. C. de lit. cont. l. 15. rat. rem bab. l. 35. de usur. junct. l. 1. C. de jud.* Est enim litis contestatio, ut dictum est superiore titulo, prima judicii pars si vocem judicij proprie & stricte accipimus, & à DD. appellatur judicij principium formale, cuius effecta congeserunt *Gail l. obs. 76. & 2. seqq. Merul. d. tit. 6. cap. 2. Perez in Cod. de lit. cont. n. 8. & D. Tuld. ibid. n. 3.* Sunt autem fere hæc: (1) per litis contestationem statim res subj. citur cognitioni judicis: (2) actiones omnes quæ alias tempore aut morte periturae essent, semel judicio inclusæ salvæ permanent, *§. 1. Inst. sup. de perp. & temp. act. ll. 26. & 58. de obl. & act. ll. 87. & 139. de reg. jur.* (3) actiones quæ alias tringita annorum spatio circumscriptæ, post litis contestationem omissæ, intra quadraginta annos repeti possunt, *l. ult. C. de præsc. trig. ann. l. 1. §. 1. C. de ann. exc.* (4) litis contestatio inducit præstationem fructuum in strictis judicij quibus agitur ad consequendum quod nostrum non fuit, *l. 38. §. 7. de usur.* (5) excludit exceptions dilatorias, *ll. pen. & ult. C. de exc. & in universum actoris conditio- nem meliorem facit, l. 86. cum seq. de reg. jur.* (6) litigatores in eodem judicio retinet, *l. 30. de judic.* & retinet in conjuncto, ne causæ continentia dividatur, *l. 10. C. d. tit.* adeoque auctorem petitioni mutuae (reconventionem vocant Pragmatici) obnoxium reddit, *l. 22. eod. tit. l. 14. & auth. & con- sequenter C. de senten. & interloc.* Illud omnes passim notant, omissa litis contestatione processum yitiari's quamquam sunt causæ quæ contestationem non desiderant, quales sunt causæ appellationis, summariae, notoriae, & ubi periculum in mora. *Myns. l. obs. 1. & 38. & 3. obs. 74. Gail. dd. loc. Merul. d. tit. 6. cap. 2. Christin. vol. 4. decit. 155. n. 2.* Constituto sic per litis contestationem judicio statim res ad cognitionem judicis pertinere incipit; de cujus officio porro videndum.

TEXTUS.

De officio judicis in genere.

Superest ut de officio judicis dispiciamus. Et quidem in primis illud observare debet judex, ne

aliter judicet quam legibus aut constitutionibus aut moribus proditum est.

Act. 1. tit. 1. lib. 2. Recop.

COMMENTARIUS.

- 1 *Aliud esse officium jus dicentis, aliud judicis: illi respondere quod vulgo vocatur officium judicis nobile; buic, quod mercenarium; & in quibus hæc consistant.*
- 2 *Causæ cognitio quid & quibus in rebus consistat.*
- 3 *Officium judicis in judicando quale.*
- 4 *Quæ sententiæ nullius momenti: quæ item licet injustæ valeant nisi provocetur.*
- 5 *Utrum judex secundum conscientiam suam, an secundum acta & probata judicare debeat.*
- 6 *Omnes judices etiam supremos secundum leges & mores judicare debere.*

1. **A**liud est Veteribus officium jus dicentis, aliud officium judicis, de quo hic queritur: alterum enim jurisdictio- nis est, alterum nudæ notionis, illud Inter- pretes vulgo officium judicis nobile vocant, hoc mercenarium, verbis magis quam sensu inconcinno. Ad officium jus dicentis hæc per- tinent: minores facilitate sua lassos in integrum restituere, *l. 1. §. 1. de minor.* bonorum pos- sessionem dare, in possessionem mittere, pu- pillis minoribus tutores curatoresve non ha- bentibus constituere, judices litigantibus da- re, jubere cavere præatoria stipulatione, *ll. 1. & 4. de jurisd.* sententiam judicum à se dato- rum exequi, *l. 15. de re jud.* multam dicere, pignora capere, *l. 1. si quis jus dic. non obtemp.* *l. 4. §. 2. de damn. inf.* Sic hodie cum ma- gistratus non servato judicij ordine reum nec auditum ad solius actoris supplicationem ju- bet supersedere facto aliquo, puta cæsione sylvæ, cultione agri &c. idque sub poena, addita clausula, quæ & necessario addenda, ut si gravatum se sentiat mandato pœnali certo die veniat se defensurus, quo veniente man- datum illud resolvitur in simplicem citatio- nem: hoc item proficiscitur ab auctoritate præatoria & officio judicis nobili. *Oldend. in præfat. class. c. de off. jud. D. Tuld. bīc cap. 1.* Ad officium judicis pertinet causam cognos- cere, *l. 9. C. de jud.* dare & moderari dila- tiones, *l. 7. de fer. & dilat. jubere cavere stipulatione judiciali, §. 1. Inst. sup. de div. stip.* denique de re cognita pronuntiare; nam &

sea-

sententiæ officio judicis, quod mercenarium vocant, pronuntiantur tam super re principali quam super usuris fructibus sumtibus litis aliisque accessionibus, l. 74. de judic. l. 49. §. ult. de act. emt. dicta autem semel sententiæ cessant partes judicis, & succedunt magistratus, l. 55. de re jud. Igitur ad officium judicis duo hæc maxime expectant, causæ cognitio & judicatio. Causæ cognitio quæ & disquisitio, & examen, & disceptatio, est corpus & substantia judicii, nec ullus potentior judicii defectus. Vestr. 3. pr. aul. Rom. cap. 2. n. 7. & Gravat. ad Vestr. ibid. Consistit autem in his rebus; ut judex negotii veritatem examinet, deinde & justitiam; quorum alterum ad factum refertur, alterum ad jus, l. 3. de in int. rest.

2. Cognoscitur autem causa ex iis quæ à litigatoriis allegantur probanturque. Primo igitur litigatores audiendi; inde expendenda quæ ad probationem afferuntur; neque id perfunctorie ac summatis, ut interdum fit cum de re aliqua non ex professo agitur sed dumtaxat per occasionem, ubi judex præsentem probationem sequens id quod contra afferatur si altiorem questionem habeat in aliud tempus rejicere solet, l. 3. §. 4. de Carb. edit. l. 16. §. 4. de re jud. (consule de causis summarii judicii & perfuctoriarum cognitionis Vestrium pract. aul. Rom. lib. 5. cap. 1. & seq. Damhoud. prax. civ. cap. 22. & seq. Myns. 3. obs. 70. & 6. observ. 16.) verum ut in justo judicio, adhibita plena & justa inquisitione. Est autem plena & justa inquisitio ac cognitione cum judex nihil eorum quæ ad intentionem actoris & defensionem rei pertinentia afferuntur, quæque judicij natura non repudiatur prætermittit quin audiat cognoscatur, l. 9. C. de judic. & ibi Doctores. Causâ sic discep-tata ac cognita superest ut judex qui de re cognovit etiam judicet seu sententiam ferat, l. 74. de judic. in qua ferenda quid pro officio observare debeat docet deinceps Justinianus.

3. Nec aliter judicet quam legibus] Judici permisum non est quo velit modo ita judicare, quippe qui legum minister non arbitrus est. Sed cavere debet ne aliter judicet quam legibus aut moribus est proditum; hoc text. l. 13. C. de sent. & interloc. auth. jubemus C. de judic. Nov. 126. cap. 1. ubi jubentur judices r̄pus tyroq; ueni dñorū ḡnōr, legibus cognitam edere sententiam. Cui consentaneum est quod principes humanæ sapientiae Plato & Aristot. non uno loco tradide-

runt judicem legibus alligatum esse oportere. Et illud Augustini cap. 3. dist. 4. Postquam leges latæ sunt, non de ipsis sed secundum ipsas judicandum. Potest sane judex verba legis si duriora videantur æquitate quadam flectere, ut voluntati legislatoris conservet; quin immo id facere jubetur, l. 8. de legib. atque in re omni æquiratis potius quam stricti juris rationem habere, l. 8. C. de judic. Scriptum sequi, ait M. Tullius in ea pro Cæcin. cap. 23. calumniatoris est; boni judicis scriptoris voluntatem auctoritatemque defendere. At enimvero si & ipsa legis verba & simul mens legislatoris perspicua sint, quanvis à generali illa æquitate quæ communiter in omni lege inesse putatur dissideant (cujus rei exemplum habemus in l. 22. §. 1. qui & à quib. man.) hic judex non potest prætextu æquitatis à verbis legis recedere, ne simul faciat contra legis sententiam, nec tam interpretetur legem quam tollat: quod solius est Principis, hoc est ejus cuius est & legem condere, ll. 1. & ult. C. de legib. Gudelin. lib. 5. de jur. nov. cap. 2.

4. Sententia contra formam juris lata nullius momenti est, veluti quæ causâ non cognita, aut non publice & palam ac more majorum, aut non præsentibus iis inter quos res agitur dicta, tit. C. quim. & quand. jud. quæ ex scripto recitata non est, C. de sent. ex brevic. rec. qua absolutionem aut condemnationem non continet, l. 3. C. de sent. & interl. quæ sine certa quantitate prolatæ, C. de sent. quæ sine cert. quant. quæ lata est contra rem judicatam à qua provocatum non est, l. 1. C. quand. prov. non est nec. quæ expressim contra leges Senatusconsulta aut constitutiones data, l. 19. de appell. l. 1. §. 2. que sent. sin. appell. l. 2. C. quand. prov. non est nec. & si quæ sunt similes. Cumque hujusmodi sententiæ auctoritatem judicati non habeant, etiam sine appellatione causa denuo induci potest, dd. ll. Sed qui si horum nihil objici possit & tamen sententia injusta datur? Placet sententiam valere, & standum esse rei judicatæ si appellatum non erit, aut non intra tempora ad appellandum constituta, ll. 27. & 32. ff. de re jud. d. l. 2. C. quand. priv. non est nec. usque adeo ut nec rescriptum Principis contra sententiam recipiatur, l. ult. C. sent. resc. Verum hoc ita est, si nihil an plus proponatur quam sententiam in hypothesi injustam esse quia de jure litigatoriis judex pronuntians eum condemnavit quem absolvere debebat, aut contra. Ut ecce actor centum nomine sortis & viginti usurarum nomine petit: reus negat usuras usu-

varum à se peti posse ex constitutionibus: judex reum in eam quantitatem quæ petita est condemnat, existimans eas constitutiones nihil ad rem facere; quamvis judex id imperite & juste faciat, rei tamen judicatae standum esse responsum est, d. l. 27. junct. d. l. 32. de re jud. Diversa causa est si pronuntiasset usuras usurarum peti posset; tunc enim una cum reo constitutiones ipsas damnaret: qualis sententia cum non solum *ad iuxta* (injusta) sit, sed etiam *magistrorum* de lege ipsa & contra eam directo lata, ipso jure nulla est; & ideo nec provocatio nis auxilium in hac specie necessarium, d. l. 19. de appell. d. l. 1. §. 2. que sent. sin. app. ubi & aliud exemplum habes ad utramque partem hujus distinctionis accommodatum, d. l. 2. C. quand. prov. non est nec. ubi item exemplum aliud. Adi de tota hac re Vant. de null. ex defct. proc. n. 118. & seqq. Zas. Duar. & DD. in d. l. 27. de re jud. ubi recte obser vant verba *condemnavit contra leges & sacras constitutiones*, non esse judicis pronuntiantis sed Jurisconsulti casum referentis. VINN. Apud nos cum agitur de nullitate sententia intra sexaginta dies proponi debet actio de nullitate coram eodem judice qui pronuntiavit; cum vera appellatur causa defertur ad superiorem. Itaque appellatio & querela de nullitate diversa judicia sunt. Id vero intelligendum est cum principaliter de nullitate agitur; secus vero si accessorie; tunc enim simul de injustitia & nullitate sententia apud superiorem judicem cognoscitur; frequenter enim ita in libellis concludimus, *se declare la sentencia mala, & se revoque como injusta*, Hxc & id genus plura legis in Cur. Philipp. part. 1. §. 18. n. 11. & seqq. ADDIT.

5. Et igitur in statu judiciali seu quæstione juris, quod judicem sequi oporteat, in medio positum est; si quidem ex jure, quod certum est & notum ei esse debet sententiam feret, tametsi à litigatoriis aut eorum advocatis non allegetur aut probetur, l. un. C. ut quæ des. adv. jud. supl. & ibi DD. In statu autem conjecturali, seu cum de facto ambiguitur, plus difficultatis res habet. Nam cum facta plerumque incerta sint, probationibus eruenda veritas, & secundum acta & probata judicandum, l. 6. §. 1. de off. præs. Pro in reus convictus condemnandus; non convictus, etsi ipse nihil præstiterit, absolvendus, l. 4. C. de edend. l. 9. C. de obl. & atf. nec quod deest in facto judex supplebit, arg. d. l. un. C. ut quæ des. adv. ubi Glossa & DD. nisi factum actis continetur, puta exceptio aliqua quæ non fuit

allegata, ex instrumento quo probatur obligatio & actio appareat. Ranchin. in not. ad Guid. Pap. 221. Christin. vol. 2. decis. 165. n. 1.

6. Quoniam autem judex in judicando sequi jubetur rerum probatarum fidem, d. l. 5. §. 1. de offic. præs. plerique censuerunt, etiam si liquido judici constet falsitate aliqua vel testium vel instrumentorum bonam causam lœdi, tamen secundum acta & probata, ut loquuntur, eum judicare debere, non secundum privatam conscientiam; adeoque in foro animæ excusatum esse qui secundum probata eum quem scit esse innocentem condemnat. Canonistæ incap. Pastoralis 28. §. quia vero *z.* de offic. deleg. Cyn. in l. un. C. ut quæ des. adv. Covar. 1. res. 1. Clar. lib. 5. §. fin. pr. crim. quæst. 56. n. 2. Cacheran. decis. 79. n. 43. & seqq. Christin. vol. 2. decis. 148. n. 21. & vol. 1. decis. 4. ubi plures citantur. Mihi vero longius videtur ut dicamus, ita ex actis & probatis judicem judicare debere, ut tamen numquam judicet contra conscientiam. Etenim jubetur judex judicare secundum ea quæ probabantur. At qui hoc facit non potest non judicare secundum conscientiam; quippe probare Latinis est fidem facere. Cui autem fides facienda nisi judici? Huic enim eorum quæ allegantur examen mandatum est, & ita mandatum ut ex animi sui sententia estimare eum oporteat quod aut credit, aut parum probatum sibi opinetur, l. 3. de testib. & prout religio suggestit sententiam proferre, l. 79. §. 1. dejudic. Jam vero si ea quæ allegantur pugnant cum scientia judicis, fidem judici facere non poterunt cum falsa sint, & religione metuque justissimi Numinis prohibebitur secundum ea judicare. Una enim & simplex est veritas; ac proinde dividit conscientia aut scientia judicis in publicam aut privatum non habet. Neque obstat, d. lex 6. §. 1. de off. præs. nam & ibi jubetur præses non tam instrumentis, quæ vitiosa & falsa esse possunt, quam rei veritate quæ ex iis quæ probantur perspicuit moveri. Itaque arbitror & divino & humano juri consentaneum esse ut judex in quæstione facti & animi sui sententia religione & conscientiâ pronuntiet, veritatemque asserat spretis testimoniis, quamvis ille solus falsa ea esse sciat: maxime si talis est judex ut ab eo nulla sit provocatio, nec veritati nisi in fide illius ullum præsidium. Sin vero is judex est à quo provocari potest, satius est eum à judicando abstinere, & testimonio suo quantum in se est causam ejus cui injuria fit apud judicem superiorem adjuvare; ne temere

publica testimoniorum spernatur auctoritas, aut fenestra aperiatur pravis hominibus passim gratificandi cui velint, obtentuque ac colore scientiae aut conscientiae id ipsum excusandi aut defendendi. Consentient fere Coras. 4. misc. 20. Hotom. illustr. quæst. 27. D. Tulden. 3. de princ. jurisp. 6. & in comm. bīc. cap. 3. eoque etiam inclinare videtur Costal, ad d. l. 6. §. 1. de off. p̄r̄s. Ceterum est hæc quæstio de raro contingentibus; cum difficulter contingere possit ut vera judicis scientia pugnet cum testimonij aut instrumentis quibus nihil objici queat.

6. *Legibus constitutionibus aut moribus proutum*) Præceptum hoc ad omnes judices ex æquo pertinet, sive magistratum gerant sive aliter judicent; quamquam sunt qui id pertinere negant ad summas præfecturas seu Curias ultimæ jurisdictionis. Nam justianus generaliter loquitur, & in Nov. 8. cap. 12. nominatim de præsidibus provinciarum, omnemque dubitationem tollit Novellæ 82. cap. 13. VNN. Quibus legibus apud Hispanos judicari oportet diximus sup. lib. 1. Inst. tit. 2. §. 9. sed legere juvabit Aſſ. 1. tit. 1. lib. 2. Recop. ubi illa vel obsoleta vel oblitterata severius sanciuntur.

ADDIT.

TEXTUS.

De judicio noxali.

1. Ideoque si noxali judicio aditus est, observare debet, ut si condemnandus videtur dominus, ita debeat condemnare, Publicum Mævium Lucio Titio in decem aureos condemno, aut noxam dedere.

L. 16. tit. 22. Part. 3.

COMMENTARIUS.

UT sententia judicis valeat & res judicata esse intelligatur necesse est reum aut absolvit aut condemnari, l. 1. ff. de rejud. l. 3. C. de sent. &c interloc. Condemnatio autem in certam rem vel quantitatem fieri debet; incerta & vaga vim sententiae non habet, §. 32. Inst. sup. de aff. nisi natura rei petitæ obstet quominus certa sententia ferri possit: veluti in judiciis universalibus, qualia sunt petitio hereditatis & actio familiæ erescundæ; aut si plures res generaliter aut disjunctim promissa petantur; nam eodem modo condemnatio facienda, ne per sententiam reo auferatur jus electionis. Vid. Notata sub d. §. 32. Quod

autem Justinianus hic scribit, judicio noxali convictionem ita condemnandum esse ut aut pecuniam solvat aut servum noxæ dedat, id non videtur esse necessarium; quoniam pecunia tantum in actionem judicati venit; dedendi autem facultas non à judice sed à lege est, l. 6. §. 1. de rejud. quod alibi quoque monuimus sub §. 2. Inst. de nox. act.

Aut noxam dedere] Tūr ḡāfarrā, corpus ipsius quod nocuit, §. 1. Inst. sup. de nox. act. Similis locutio est in lege 1. in fin. pr. de his qui effud.

TEXTUS.

De actionibus realibus.

2. *Et si in rem actum sit coram judice, si ve contra petitorum judicaverit absolvere debet possessorem; sive contra possessorem, jubere ei debet ut rem ipsam restituat cum fructibus. Sed si possessor neget in præsenti se restituere posse, & sine frustratione videbitur tempus restituendi causâ petere: indulgendum est ei, ut tamen de litis estimatione caveat cum fidejussore, si intra tempus quod ei datum est non restituerit. Et si hereditas petita sit, eadem circa fructus interveniunt que diximus intervenire de singularium rerum petitione. Illorum autem fructuum quos culpâ sua possessor non perceperit, sive illorum quos percepit, in utraque actione eadem ratio pene habetur, si prædofuerit. Si vero bona fide possessor fuerit, non habetur ratio neque consumtorum neque non perceptorum. Post inchoatam autem petitionem etiam illorum fructuum ratio habetur qui culpâ possessoris percepti non sunt, vel percepti consumti sunt.*

L. 5. tit. 27. Part. 3.

COMMENTARIUS.

1 *Tempus judicatis indultum in actionibus in personam.*

2 *Qui possessores quos fructus quatenus restituere debeant. Summatim.*

Hoc §. agitur de officio judicis in actione in rem, tum singulari seu rei vindicatione, tum universalis sive petitione hereditatis; doceturque officium illud versari partim circa res petitæ, partim circa fructus.

Ut rem ipsam restituat cum fructibus] Ple-nius dicendum erat, ut rem petitam restituat cum omni causa, id est, id omne quod habi-tu-

turus foret petitor si tempore litis contestatae res ei restituta fuisset, l. 17. §. 1. l. 20. de rei vind. Et porro si possessor restituere jussus arbitrio judicis non pareat, tum eum ut in actionibus arbitrariis, qualis est rei vindicatio, fieri solet, condemnandum quanti petitor in item juravit, l. 46. derei vind. l. 5. & 8. de in lit. jur. Nonnumquam & possessori ob concumaciam manu militari seu per executores litium rem auferri, puta si id petitor maluerit & sua interesse doceat, l. 68. de rei vind. quomodo apud nos semper proceditur, art. 172. instr. Cur. Holl. add. not. sub §. præterea 31. Inst. sup. de act. Postremo & victum vicitori in expensas litis condemnandum, nisi justam causam litigandi habuerit, l. 13. §. 6. C. de jud. de quo explicatus tit. præc. sub §. 1.

Cum fructibus] Etiamsi expresse petiti non sint, l. 35. §. 5. de rei vind. idque vel ex eosatis intelligitur, quod officio judicis continetur ut jubeat fructuum restitutionem fieri; judicis enim officio proprie id contineri dicitur quod ei tacite suo jure permisum est, quamvis prætor nullam ejus in formula mentionem fecerit, l. 38. de ber. pet. l. 73. de procur. l. 9. §. 1. de furt. l. 49. §. 1. de act. emt. Adde Myns. 4. obs. 55. Christin. vol. 2. decis. 105. n. 2. Vant. de nullit. sent. ex defect. proc. n. 97. ubi ait, petitionem fructuum tacite & virtualiter petitioni rei inesse. Dissentunt D. Tulden. comm. hic cap. 8. & D. Perez ad tit. Cod. de rei vind. n. 16.

1. Sed si possessor] Si possessor causetur si non posse in praesenti rem restituere & sine fraude tempus ad restituendum petat, potest judex ex humanitate ei gratificari & moderatum tempus concedere intra quod restituat. Dissimilis ratio est in actionibus in personam, in quibus condemnato quadrimestres induciae indulgentur, l. ult. C. de usur. rei jud. Quippe res aliena quam quis penes se habet facilius restitui potest quam pecunia explicari. Et ideo dixerim interdum nec in actione personali damnato quadrimestre tempus concedendum, nempe si certa species petita sit, veluti actione depositi, vel commodati, cuius & præstandæ facultatem reus habeat; neque enim malitia indulgendum est; & contra, nonnumquam tantum temporis laxamentum reo dandum in actione in rem, nempe si damnatus sit in rei petitæ estimationem. VINN. Apud Hispanos in actione personali spatium indulgetur reo decem dierum ad solvendum; in actione vero reali judicis arbitrio permitti-

tur dare inducias viæto ad rem petitam tradendam, l. 5. tit. 27. Part. 3. Gregor. Lopez ad ipsam legem, ADDIT.

2. Eadem circa fructus] Est tamen nonnihil differentia. Nam in singularum rerum petitione bona fidei possessor fructus omnes consumtos lucratur, l. 4. §. 2. fin. reg. in petitione hereditatis etiam consumtorum nomine tenetur in quantum locupletior factus, l. 25. §. 11. de hered. per. In illa officio judicis fructus veniunt, in hac jure & potestate ipsius actionis, ut cetera corpora hereditaria, l. 20. §. 3. l. 40. §. 1. d. tit. quam ob causam forte mox additur & pene. Malæ autem fidei possessor fructus omnes etiam qui consumti sunt una cum re restituere debet, d. l. 40. §. 1. de ber. pet. l. 22. C. de rei vind. teneturque adeo non de perceptis tantum, sed etiam de iis qui non percepti honeste percipi potuerunt, hoc text. l. 33. de rei vind. Nec refert ab initio quis mala fide possederit an postea possidere cooperit, l. 48. §. 1. de adq. rer. dom. Denique possessores omnes post item contestatam pares sunt, & tamquam malæ fidei possessores tenentur, l. 23. §. 7. ff. de ber. pet. d. l. 22. C. de rei vind. l. 2. C. de fruct. & lit. expens. Fusius hæc explicui sup. §. 35. Inst. de rer div. & lib. 1. sel. quest. cap. 25. & seq.

TEXTUS.

De actione ad exhibendum.

3. Si ad exhibendum actum fuerit, non sufficit si exhibeat rem is cum quo actum est; sed opus est ut etiam rei causam debeat exhibere, id est ut eam causam habeat actor quam habiturus esset si cum primùm ad exhibendum egisset exhibita res fuisset. Ideoque si inter moras exhibendi usucpta sit res à possessore nibilominus condemnabitur. Præterea fructuum medii temporis, id est ejus quod post acceptum ad exhibendum judicium ante rem judicatam intercesserit, rationem babere debet judex. Quod si negat reus cum quo ad exhibendum actum est in praesenti se exhibere posse, & tempus exhibendi causâ petat, idque sine frustratione postulare videatur, dari ei debet, ut tamen caveat se resistiturum. Quod si neque statim jussu judicis rem exhibeat, neque postea se exhibiturum caveat, condemnandus sit in id quod actoris intererat si ab initio res exhibita esset.

L. 16. cum seqq. tit. 2. Part. 3.

COMMENTARIUS.

ACtio ad exhibendum præcursio quædam est & præparatio actionis in rem de re mobili; nam propter vindicationes porissimum introducta est, *l. 1. ad exhib.* quamquam aliquando & personali actione & interdicto experiri volenti competit, *l. 3. §. 1. l. 9. cum seqq. & passim eod. tit.* Est autem exhibere, rei in publico potestatem facere tum videntia tum contrahendæ, ut experiundi sit copia, *l. 2. eod. experiundi*, non actione ad exhibendum, qua jam satis actum est; sed principali, quam actor re exhibita exequi constituit, *l. 9. §. 5. eod.*

Ut rei causam] Actione ad exhibendum damnatus non rem tantum sed etiam causam rei exhibere debet. In re hæc sunt, ut exhibatur res eadem, ut exhibetur eodem jure quo fuit cum petita est. Eadem res exhibita videtur si exhibitum est idem corpus eadem specie qua fuit tempore litis contestata, *d. l. 9. §. 3.* Quid si deterior facta? Ad exhibendum possessor absolvvi debet. Ceterum si do-lo aut culpâ ejus deterior facta sit tenebitur actione legis Aquiliæ de damno, *l. 17. ad exhib. l. 7. C. eod. & ibi Sich. n. 5. & seq.* Eodem jure si re exhibita actori integra sit actio principalis, ut initio fuit, in nullo causa quam intendit læsa, *d. l. 9. §. 5. l. 10. & seq. eod.* Per causam rei significantur comoda rei externa, puta foetus animalium, partus ancillarum, denique id omne quod habiturus esset actor si litis contestata tempore res illi exhibita fuisset, *l. 31. de reb. cred. l. 20. de rei vind. & hoc text. de quo mox plura.*

Inter moras judicii res usucapta] *L. 9. §. 6. ad exhib.* Nam ex ratione juris veteris per litis contestationem usucatio naturaliter non interrupitur, sed pendente etiam lite impletri potest, *l. 18. d. l. 20. de rei vind.* quamvis effectu juris viçto possessori non prospicit, quippe qui nihilominus rem restituere tenetur. Secus erat in præscriptione longi temporis; nam quia præscriptions temporum facti sunt, placebat eas per litis contestationem plene interrumpi, *l. 10. C. de adq. poss. ll. 1. 2. & 10. C. de long. temp. præsc.* Sed hodie hac differentia non obtinet, *ll. 2. & 3. C. de annal. exc.* Vid. sup. §. 12. *Inst. de usuc.*

Fruictum medii temporis] Comoda quoque rei externa, ut fructus, puta foetus animalium, item partus ancillarum una cum exhibitione in hoc judicio veniunt, *d. l. 9. §.*

pen. Quod tamen hand dubie sic accipendum, si possessor hac actione viçtu de re ipsa porro contendere judicio directo supercederit, cum Accursio in *d. §. pen.* ubi recte monet eodem modo accipiendos esse locos omnes qui de restitutione ex hac actione facienda loquuntur. Nam qui rem ipsam restituere non debet, utique nec accessiones debet. Posse autem hanc actionem unâ cum principali eodem libello proponi, quia id ad compendium litis tendit; ita tamen ut judex non una cognitione utramque expediat, sed prius cognoscat & pronuntiet de præparatoria, docent Olden. *clas. 3. aff. 1. quæst. 7. Sich. in rubr. C. ad exhib. n. 8.*

Tempus exhibendi causâ petat] Si possessor in præsentia facultatem exhibendi non habeat, interdum ei ex causa tempus à judice indulgetur, nempe petenti sine fraudatione & cautionem offerenti de re cum poterit exhibenda. Causæ hujus generis indicantur *lege §. 9. ult. ad exhib.*

Quod si neque statim] Si possessor exhibere jussus neque exhibeat neque se exhibitum caveat, placet eum condemnandum esse in id quod actoris interest, hoc est in id omne quod vel habere potuit si res ab initio exhibita fuisset: quod declaratur *d. lege 9. §. pen. & ult. l. 10. & seq. ad exhib.* Harum autem rerum duplex officio judicis æstimatio: adversus contumacem quanti actor, utique qui jure dominii exhiberi desiderat, in item juraverit; adversus ceteros quanti res vere est, *l. 3. §. 2. d. l. 6. §. ult. eod. l. 5. de in lit. jur. Vinn.* Usus hujus actionis hodie rariores est; nisi quod rei vindicatione aliquando conjungi solet. ADDIT.

TEXTUS.

Familiaæ erciscundæ.

4. *Si familiaæ erciscundæ judicio actum sit, singulas res singulis hereditibus adjudicare debet;* & si in alterius persona prægravare videatur adjudicatio, debet bunc invicem coheredi certa pecunia (sicut jam dictum est) condemnare. Eo quoque nomine coheredi quisque suo condemnandus est, quod solus fructus hereditarii fundi perceperit, aut rem hereditariam corrumperit, aut consumserit. Quæ quidem similiter inter plures quoque quam duos coheredes obsequuntur.

L. ult. tit. 15. Part. 6.

COMMENTARIUS.

TRitum est sententiam debere respondere petitioni & conformem esse libello: quod à jure non abhorret, si sane accipiatur. Neque enim extra fines petitionis vagari sententia debet, aut condemnatio in rem alienam fieri quamquæ in judicium deducta est, & cuius judicatio judicii permissa, l. 18. ff. comm. div. l. ult. C. de fideic. libert. Gail. 1. obs. 66. Schneid. in §. 32. Inst. sup. de act. n. 4. Sed tamen in duplicibus judiciis id non usquequamque observatur, ut intelligimus ex adjudicationibus & mutuis condemnationibus quæ in his judiciis permisæ.

Singulas res singulis heredibus] Judicium familiæ eriscundæ duo continent, rerum hereditiarum divisionem, & quasdam præstationes personales, quibus scilicet heres heredi propter communionem rerum obnoxius est. In rerum divisione hæc observare judex familiæ eriscunda debet, ut res singulas singulis heredibus adjudicet, ut hic ait Justinianus. Quod tamen non ita accipiendo est, quasi semper & necessario hæc ratio divisionis ineatur; nam si fundi hereditarii commode per regiones dividuntur, nihil impedit quoniam ita dividantur; sed quoniam in plemento rebus hæc divisio commodissima est.

Debet hunc invicem] Cum impar adjudicatio est, is cuius pars præponderat vicissim in certam pecuniam consorti damnandus est, ut æqualitas per omnia conservetur, l. 52. §. 2. l. 55. fam. erisc.

Eo quoque nomine] Heres coheredi eo quoque nomine judicio familiæ eriscundæ condemnandus est, quod solus fructus fundi hereditarii, percepit, vel rem hereditariam corrupiter consumserit, vel quod coheres in rem communem impensas fecerit, quas propter partem suam necesse habuit facere, l. 16. §. pen. l. 18. §. 3. l. 25. §. 15. & l. 18. l. 44. §. 5. fam. erisc. Atque hæc sunt hujus judicij præstationes personales, de quibus fusius alibi explicatum est, nimirum §. 3. Inst. sup. de obl. que quasi ex contract. & §. 20. de act.

TEXTUS.

Communi dividundo.

5. *Eadem interveniunt & si communi dividendo de pluribus rebus actum sit. Quod si de una re, veluti de fundo: si quidem iste fundus*

commodè regionibus divisionem recipiat, partes ejus singulis adjudicare debet; & si unius pars prægravare videtur, is invicem certa pecunia alteri condemnandus est. Quod si commode dividii non possit, vel si homo forte aut mulus erit de quo actum sit, tunc totus uni adjudicandus est, & is invicem alteri certa pecunia condemnandus est.

L. IO. tit. 25. Part. 6.

COMMENTARIUS.

JUDICIUM COMMUNI DIVIDENDO UT FINE Eodem, ita iisdem rebus constat quibus judicium familiæ eriscundæ, rerum scilicet communium divisione & iisdem præstationibus personalibus, l. 3. comm. div. Atque hinc & in divisione rerum, in earum adjudicatione & condemnatione mutua & in præstationibus personalibus idem in hoc quoque judicio observatur, d. l. 3. l. 6. §. 1. & seqq. end.

Quod de una re] Cum de re una dividenda agitur, si quidem ea commode dividi potest, veluti fundus per regiones, singulæ singuli portiones adjudicandæ, & si cuius portio major esse videbitur is vicissim socio in certam pecuniam condemnandus, l. 1. C. comm. div. Quod si res partes pro diviso non recipiat, veluti si agatur ne servo aut equo, aut non commode recipiat, tota uni adjudicanda est, & is alteri certa pecunia damnandus, l. 3. C. eod. tit.

TEXTUS.

Finium regundorum.

6. *Si finium regundorum actum fuerit, discere debet judex an necessaria sit adjudicatio: que sane uno casu necessaria est, si evidenteribus finibus distingui agros commodius sit quam olim fuissent distincti. Nam tunc necesse est ex alterius agro partem aliquam alterius agri dominio adjudicari: quo casu conveniens est ut is alteri certa pecunia debeat condemnari. Eo quoque nomine condemnandus est quisque hoc judicio, quod forte circa fines aliquid malitiose commisit: verbi gratia, quia lapides finales furatus est, vel arbores finales excidit. Consumacæ quoque nomine quisque eo judicio condemnatur: veluti si quis jubente judice metiri agros passus non fuerit.*

L. IO. tit. 15. Part. 6.

COMMENTARIUS.

Judicium finium regundorum rarius admittit adjudicationes & condemnationes multas quam judicia superiora, quia in judicio finium regundorum de agris tantum & fundis agitur, qui facile per regiones dividi possunt. Deinde quia apud judicem finium regundorum non agitur de re communī ut ea dividatur, sed de re quam quisque suam esse contendit, ut finibus ad normam suam redactis quod quisque intra fines istos habet id totum retineat; si quid amplius, id vicino restituantur, l. 4. pr. l. 8. pr. & §. 1. fin. reg. quo intuitu actio finium regundorum dicitur pro vindicatione esse, l. 1. eod. & causæ proprietatis coherere, l. 3. C. eod.

Uno causa necessaria est) Si de finibus constet per evidentes & manifestos limites judicis officium est eos custodiri. Si turbati sunt aut obscurati, ita tamen ut eorum vetera vestigia appareant, à judice renovandi & evidenter distinguendi sunt, l. 3. de term. mot. cap. ex literis. 3. x. de probat. Quod si nulla veterum finium vestigia appareant nec probari possint, novi fines ex consilio agrimensorum constituendi, l. 2. §. 1. ll. 3. & 8. ff. fin. reg. l. 3. C. eod. Myns. 6. obs. 27. Uno autem casu permittitur adjudicatio, si videlicet fines recte dirigi non possunt, vel propter loci inæqualitatem, vel propter veterum finium incertitudinem, & ideo aliis finibus evidenter distingui expediat. Nam cum hīc necesse sit ex unius agro partem aliquam detrahi & alterius agri domino adjici, res transigenda adjudicatione & condemnatione, d. l. 2. §. 1. ll. 3. & 4. eod. De probatione finium adeundi Hieron. de Monte tratt. fin. reg. cap. 50. & seqq. Myns. 6. obs. 25. Wesemb. par. hoc tit. n. 7. Christin. vol. 2. decis. 183. n. 5. & seq.

Evidenter finibus) Quippe publice interest evidenter distinctos esse agrorum terminos. Ovid. 2. Fastor. v. 660. de Deo Termino:

Omnis erit sine te litigiorus ager.

Circa fines aliquid malitiosa) Duo hīc ait Justinianus: primum, eum quoque hoc judicio condemnandum qui quid malitiosa circa fines admisit, puta lapides finales furatus est, arbores finales excidit; deinde hoc eodem iudicio etiam contumaciam nomine condemnationem fieri, veluti si quis mensorem missum ad declarandos terminos metiri agrum non patiatur. Solent enim judges in lite finium diri-

Tom. II.

menda uti arte & operā agrimensorum, l. 8. ff. fin. reg. l. 3. C. eod. Hieron. de Monte d. tratt. cap. 31. & seq. Myns. 6. obs. 27. Christin. vol. 2. decis. 184. & seq. Quod de contumacia hīc dicitur idem traditur apud Ulp. l. 4. §. 3. eod. In quid igitur condemnabitur contumax? In id scilicet quod adversarii interest. Nam mulctam irrogare, qua poena esse solet contumaciam, non pedanei judicis sed magistratus est. De delictis admissis circa fines, veluti de terminis dejectis vel exaratis, lapidibus amotis, arbore terminali excisa judicium criminale constituum est *De termino moto*, tit. ff. de term. mot. Et potest quidem judex qui de hujusmodi crimen cognoscit etiam de finibus cognoscere, l. 4. § 4. fin. reg. Sed è converso judex qui cognoscere coepit de finibus, non poterit cognoscere de criminis & delinquente extra ordinem coeclere, juxta leges l. & 3. de term. mot. Neque ea mens Justiniani est; sed hēc, delinquente etiam hūjus admissi nomine à judice finium regundorum civiliter adversario suo condemnandum esse quanti is sua interesse juraverit; vel etiam, ut quod pendente quæstione finali ex fundo vicini occupavit prolatis finibus, id ei cum altero tanto de suo agro reddat, l. 4. C. fin. reg. Atque hēc civilis condemnatio non impedit quominus adhuc criminaliter atque extra ordinem agi possit de termino moto. Hieron. de Monte d. tratt. cap. 34. & seq. D. Tulden. comm. hic cap. 6.

Lapides finales] Sive terminales, qui & grumi: *οἱ τὰς ὁραὶ λίθοι*, *οἱ διοπλότες τύς ὄψεις λίθοι*, (*lapides terminorum*; *lapides terminos definientes*) qui fines & terminos distinguunt.

TEXTUS.

De adjudicatione.

7. *Quod autem istis judiciis alicui adjudicatum fuerit, id statim ejus fit cui adjudicatum est.*

L. 52. tit. 5. Part. 5.

COMMENTARIUS.

*Q*uod in tribus istis judiciis familiae circuscundæ, communī dividendo, finium regundorum uni ex coheredibus sociis aut vicinis adjudicatum est, id illi statim adquiritur, ut hīc scribit Justinianus, & diserte quoque testatur Ulpianus in fragment. tit. 19. §. 15. Quæ res magni erroris causam præbuit Interpretibus. Hinc enim inferre & probare

Mmm

bare vulgo solent, ex sententia judicis dominium transferri: quod à veritate abest quam longissime; neque aliunde apertius hic error convincitur, quam ex hoc ipso & dicto Ulpiani loco. Nam cum tam Imperator quam Jurisconsultus scribat in tribus istis judiciis quod adjudicatum fuerit statim ejus fieri cui adjudicatum est: hoc ipso satis uterque significat in aliis judiciis non idem juris esse, neque eam esse auctoritatem cuiusvis sententiae judicis ut dominium in aliquem transferat. Quid enim haberent speciale tria ista judicia si idem jus esset in omnibus ceteris? Sed neque existimandum est in istis tribus vi & potestate sententiae fieri ut dominium in unum transferatur; sed totum hoc pendet à potesta-

te adjudicationis, quam lex XII. tabb. unum esse voluit ex modis adquirendi dominii jure Quiritium, relatis apud Ulp. in fragm. d. tit. 19. Cum vero extra ista judicia adjudicationi locus non sit, sequitur nec in aliis judiciis dominium per sententiam transferri. De quo late Ant. Fab. dec. 98. err. 7. & seqq. Vinn. Qui vulgaris error etiam eo argumento profligatur, quod si dominium ex sententia judicis transferretur semper, necessario actionem judicati oporteret esse realem; quia rem suam extra conditionem furtivam nemo condicit, §. 14. Inst. de act. l. ult. ff. usufr. quemadm. cav. Atqui personalem eam actionem esse inter omnes constat. Hein.

TITULUS XVIII.

DE PUBLICIS JUDICIIS.

Dig. lib. 48. tit. 1. Et Part. 7. tit. 7.

Ratio hujus tractationis.

Absoluta pro modo instituti operis ea parte juris cuius solius tractatio suscepta est, scilicet tractatione juris privati: at texit Imperator auctarii vice particulam aliquam decerpitam ex jure publico, ea videlicet illius juris parte quæ leges continet publicorum judiciorum. Voluit nimis aliquid accessionis nobis dare; quamquam parce dedit, indicat tantum fontibus unde plura haurire licet; nec largius dare debuit, quia est præter institutum & velut quidam excessus. Quanobrem & nos in hac appendice explicanda solito erimus breviores; maxime cum iam commentarii nostri in satis magnam molem excreverint.

TEXTUS.

De differentia à privatis.

Publica judicia neque per actiones ordinantur neque omnino quidquam simile habent cum ceteris judiciis de quibus locuti sumus; magnisque diversitas eorum est & in instituendo & in exercendo.

COMMENTARIUS.

Judicia privata quomodo constituantur & exerceantur intelligi potest ex iis quæ dixi

sub pr. & §. 1. Inst. de act. Publicorum judiciorum exercendorum longe alia ratio est, & longe alia hæc etiam apud Veteres fuit quam tempore mediae Jurisprudentie. De veteri forma & ordine adeante Antiquitatis studiosi Carol. Sagon. lib. sing. Nicol. Gruch. lib. 1. de comit. Rom. cap. 3. Barn. Brisson. lib. 2. select. Antig. cap. 1. qui de eo ex professo scripserunt. Postea vetus ille ordo exercendorum judiciorum publicorum in usu esse desiit, & de criminibus publicis extra ordinem præfecti vel præsides cognoscere coepérunt, durante tamen poena legum, l. 8. de publ. jud. l. 15. §. 1. ad senat. Turp. l. 1. §. ult. l. 13. de pœn. Illud etiam mansit, ut is qui accusare paratus est ad eum cui judicii publici exercitio obtigit rei nomen deferat, idque recipi postulet, & qua lege eum reum faciat profiteatur; deinde & in crimen subscribat, id est interprete Ulp. lege 3. §. 2. de accus. libello subscribat se professum esse: quæ res similitudine supplicii eum obstrinxit, l. ult. C. d. tit. l. ult. C. de calumn.

TEXTUS.

Etymologia.

1. *Publica autem dicta sunt, quod cuivis ex populo executio eorum plerumque datur.*

Com-

COMMENTARIUS.

1. Libertatem accusandi bodie sublatam.
2. Criminalia judicia nunc omnia publica facta.

Civis ex populo) D. Hotomannus contra, ideo haec judicia publica dici existimat, quia cause publicæ sunt, quæ æque & universæ ad omnes pertineant. Sane si ratio queritur cur haec potissimum judicia publica facta sint, eorumque persecutio cuivis è populo permissa, probabile est id ex eo natum quod in his judiciis agitur de delictis quæ maxime ad læsionem & turbationem status publici pertinent. *Duar. lib. 1. disp. 37. Charond. 3. verisimil. cap. ult. add. Cujac. 8. obs. 33.* Bene Chrysost. *Homil. ad Antioch. Konv. ἐπὶ τὸν οὐρανοῦ δημόσιον τὸ ἀδίκημα, ἔξεταστον τὴν βαθύνειν καταγεῖται (commune est delictum, publica injurya, liberum est cuivis volentium accusare.)*

Perumque) Pro fere dixit: illud significans quod Ulp. lege 42. §. 10. de rit. nupt. scribit, publico judicio cuivis ex populo experiri licere, nisi si cui lege aliqua accusandi publico judicio non est potestas. Intelligit autem eos qui enumerantur *legibus 8. 9. & 10. de accus.*

1. Hodie haec libertas accusandi sublata est, neque amplius quilibet è populo ad accusationem admittitur, sed soli Advocati Procuratoresve fisci aut Balivi jus accusandi & crima consequendi habent, ubi vindicta publica agitur. Quod politici judicant rectius constitutum esse ad retinendam civium inter se concordiam. Nam nullus privatus civis potest accusatoris personam sibi sumere absque maxima invidia & odio ejus cui diem dixerit, ex qua re facile seditiones oriuntur inter cives. Quod incommode præclare vitatum est universo hoc accusandi munere demandato publicæ alicui personæ.

2. Sed & hodie omnia judicia criminalia publica videntur; nam videmus in omnibus fere criminibus nunc per inquisitionem procedi, quæ nota videtur publicorum judiciorum; & accusantibus procuratoribus fisci aut Balivis crima quævis exerceri, veluti furti, bonorum raptorum &c. *Clar. lib. 1. §. 1. n.*
6. idem de jure Canonico affirmat ex *Glossa in cap. 6. quart. 1. Vinn.* Que hic auctor de hodiernis moribus cum Hispaniæ praxi consentiunt. ADDIT.

TEXTUS.

Divisio.

2. Publicorum judiciorum quedam capitalia

sunt quedam non capitalia. Capitalia dicimus que ultimo supplicio afficiunt homines, vel etiam aquæ & ignis interdictione, vel deportatione, vel metallo. Cetera, si quam infamiam irrogant cum damno pecuniario, haec publica quidem sunt sed non capitalia.

COMMENTARIUS.

Capitalia dicimus) Quamvis caput in jure civili aliæ vitam, aliæ libertatem, aliæ civitatem, aliæ familiam, aliæ existimationem significet, l. 103. de verb. sign. in hoc tamen argumento capitis verbo tantum vita civitas & libertas continetur. Itaque quorum judiciorum publicorum poena damnatum civem vel morte afficit, vel de civitate tollit servitute exilio sive deportatione, ea capitalia recte nominantur, l. 2. hoc tit. Ultimum autem supplicium esse mortem solam interpretatur, l. 21. de pœna. Sane interdum etiam nostri id solum capitale vocant cujus non alia poena quam mors est; sed κατ' εξοχήν (per excellentiam) l. 4. ff. de pen. l. 18. C. de transact. Qui gradus sint capitalium criminum docet lex 28. de pœn.

Infamian cum damno pecuniario) Tale judicium publici non capitalis exemplum est in §. 4. & item in §. 8. inf. hoc tit. Interdum & in corpus aliqua coercitio poena est, d. l. 2. in fin. hoc tit. Sive autem capitalia sint sive non sint, famosa semper sunt: hoc est, damnatum publico judicio semper sequitur infamia.

TEXTUS.

Exempla. De læsa Majestate.

3. *Publica autem judicia haec sunt: lex Julia majestatis, que in eos qui contra Imperatorem vel Rempublicam aliquid moliti sunt suum vigorem extendit. Cujus poena animæ amissionem sustinet, & memoria rei etiam post mortem damnatur.*

Vid. tit. 2. Part. 7.

NOTA.

3. *Cujus poena animæ amissionem sustinet) Λύγης ἀπόλειαν Anima pro vita. Sallust. Catil. cap. 20. libertas & anima nostra in dubio est.*

COMMENTARIUS.

1. Quadruplex differentia inter crimen perduelionis & majestatis in specie.

DE solo crimine perduellionis videtur hic agere Tribonianus. Etenim duo sunt genera criminis lœsa Majestatis: unum perduellionis, quod est crimen immunitæ Majestatis & gravissimum & atrocissimum, puta si quis hostili animo quid machinet adversus Principem aut Rempublicam: alterum, quod generis nomen retinet & Majestatis vocatur, si quis ex alia causa legis reus sit. Utriusque exempla suppeditat *lex* 1. cum 3. II. seqq. ad leg. *Jul. Majest.*

1. Quadruplicem autem inter Majestatis & perduellionis crima differentiam notat D. Hotomannus. Prima est, quod Majestatis crimen tenentur ii qui vel partem aliquam Reip. lasserunt: veluti si quis duces hostium accepta pecunia liberavit, aut privatus duces hostium domi sue occultavit (quod tamen merito perduellioni adscribendum putavit vir cl. Ant. Matth. lib. de crim. de lœsa Majest. cap. 2. n. 3.), aut si quis magistratui pro officio suo aliquid agenti officiat. Perduellionis autem crimen in eos cadit qui summa Reipubl. labefactare conati sunt. Altera differentia est, quod Majestatis crimen in foro apud suum prætorem pro tribunal judicio certa lege constituto agebatur, ut ex *Verria*. 3. & 7. cognoscitur; perduellio vero primis quidem temporibus à Duumviris data opera creatis, post autem à Pop. Rom. Comitiis centuriatis in campo Martio cognoscebatur, ut ex ea pro C. Rabirio perduellionis reo constat; & Livius lib. 6. de Manlio Capitolino regnum affectante refert, Duumviro qui de perduellione inquirerent creatos. Tertia, quod Majestatis crimen non morte sed exilio mulctatur, I. 24. de pœn. perduellionis vero damnatus in erucem in campo fixam tollebatur, ut ex ead. orat. Cic. & ex Dione lib. 37. cognoscitur. Quartam differentiam Ulp. ostendit *lege ult.* ad leg. *Jul. Majest.* ubi ait, Majestatis imminutæ crimen rei morte obliterari; perduellionis autem memoriam etiam post mortem damnari. Hodie hoc discrimen appellationis non ita stricte observatur; sed omnes qui adversus Principem aut statum Rempublicæ quibuscumque modis aliquid moluntur promiscue rei Majestatis dicuntur, & omnium eadem est pœna, nimirum capititis. Myrs. bic n. 5. & 6.

2. *Et memoria rei*] Multa circa pœnam hujus criminis propter atrocitatem specialiter constituta sunt, quæ passim ab aliis congeruntur.

Unum illud est, quod mortuo quoque reo & nondum postulato crimen hoc inchoari & peragi possit, damnataque rei memoriâ bona fisco vindicentur, I. ult. ad leg. *Jul. Majest.* I. ult. C. eod. I. antepen. de accus. cum regulariter qui in reatu decedunt integri status decendant, & crimen mortalitate extinguitur. Eādem quoque severitate voluntas seu co-natus hujus sceleris qua effectus punitur, I. 5. C. eod. & consciâ qua actores ipsi I. 3. C. eod. Illud autem durum & crudele videatur quod ob paternum crimen etiam liberi ple-stantur, perpetua nimirum egestate & infamia, d. I. 5. C. eod. Sane legi divinæ & veræ justitiae hoc repugnat, per cap. 14. lib. 2. Reg. & cap. 25. lib. 2. Chronic, nec omnino temere est quod D. Budæus in annotat. in tit. π. ad leg. *Jul. majest.* existimat, auctores d. legis 5. Arcadium & Honorium pœnitentiâ postea ductos promulgasse sanctissimam illam constitutionem quæ extat in I. 22. C. de pœn. Add. Petr. Fab. 3. semestr. 8. Covat. 2. resolut. 8. Nai rai (præ aliis) C. Anton. Matth. de criminib. ad tit. ff. ad leg. *Jul. Majest.* cap. 3. n. 10. VENN. Immo ad d. legem intelligendam præ ceteris facit singularis Jac. Gothfredi commentatio, cui jungendas luculentus collega olim conjunctissimi Nic. Hieronymi Gundlingii commentarius de crimine Majestatis: ubi & de usu dirissimæ legis multa haud proletaria occurunt. HEIN.

TEXTUS.

De adulteriis.

4. Item *lex Julia de adulteriis coercendis*, quæ non solum temeratores alienarum nuptiarum gladio punit, sed & eos qui cum masculis nefandam libidinem exercere audent. Sed eādem lege etiam stupri flagitium punitur, cum quis sine vi vel virginem vel viduam honeste viventem stupraverit. Pœnam autem eādem lex irrogat stupratoribus, si honesti sunt publicationem parti dimidiae bonorum; si bimiles, corporis coercionem cum relegatione.

Vid. tit. 17. Part. 7.

COMMENTARIUS.

I Inter stuprum & adulterium quid intersit.

A Dulterium est alieni thorii violatio, sive coitus cum aliena uxore factus. Nam adul-

adulterium jure civili cum nupta tantum committitur, l. 6. §. 1. l. 34. §. 1. ad leg. Jul. de adult. fac. l. 1. C. eod. l. 101. de verb. sign. & hoc textu adulteri περιφερτικῶς (per circumlocutionem) dicuntur alienarum nuptiarum temeratores; nec hoc à sacra Scriptura veteris testamenti abhorre quidam existimant, per text. Lev. 20. v. 10. Deut. 22. v. 22. Gen. 23. Jure autem Canonico adulterium committi intelligitur sive solitus cum conjugata rem habeat, sive conjugatus cum soluta, aut conjugatus cum conjugata, can. 34. quest. 4. can. 15. can. 19. cum seqq. quest. 5. & hanc sententiam omnes fere Theologi amplectuntur, per text. Matth. 19. v. 9. Marc. 10. Luke 6. v. 18.

Gladio punit] Hæc poena non est ex lege Julia, sed ex lege 30. C. hoc tit. quæ Constantini est. Poena autem legisJulia relegatio fuit, ut constat ex Tacito lib. 1. 2. & 3. annal. & non obscure probat lex 5. de quest. Certe capitalem non fuisse arguunt lex 16. de divort. l. 11. ad leg. Jul. de adult. l. 14. de testib. l. 13. de bis que ut indign. & ipse Justinianus hanc poenam Constantino tribuit Novell. 134. cap. 10. Divus Augustin. lib. 3. de civ. Dei diserte scribit, Romanos adulteras foeminas quamvis aliqua damnatione nullas tamen morte mulctasse. Ut dubitandum non sit quin lex l. 18. C. de transact. & l. 9. C. ad leg. Jul. de adul. interpolatæ sint à Triboniano. Ceterum adscribitur legi Julia etiamea poena quæ postea sancta est, quia ea lex primum de crimine & poena adulterii serio & plene caverat. Legibus Mosaicis adulterium item capitale est, & tam moechus quam adultera morte puniuntur, Levit. 20. v. 10. Deut. 22. v. 22. VNN. Apud Hispanos qua poena adulteri afficiuntur disces ex lege 1. tit. 20. lib. 8. Recop. Adde Richard. &c. ADDIT.

Cuin masculis nefandam libidinem] L. 31. C. ad leg. Jul. de adult. quæ est Constanti & Constantis. Præpostere Veneris seu παρέστασις & sodomitica turpitudinis poena nunc fere concrematio est. Damhoud. prax. crim. cap. 96. Clar. §. Sodomia n. 4. Gudelin. de fur. nov. lib. 5. cap. 18.

1. *Stupri flagitium*] Lege Julia non modo de adulteriis sed etiam de stupris cavetur, l. 6. §. 1. ad leg. Jul. de adult. ubi Papinianus ait legem stuprum & adulterium promiscue appellare; sed proprie adulterium in nuptam committi, stuprum vero in viduam virginem, quod Græci φθηγεῖν (vitium) appellant; & ita quoque fere Modestinus, in lege 101. de verb. sign. Idem Modestinus in l. 34. §. 1. ad leg. Jul.

de adult. adulterium in nupta admitti ait, stuprum in vidua vel virgine vel puer. Quod autem Papinianus d. l. 6. §. 1. & Modestinus d. l. 101. ajunt, legem Julianam promiscue & indifferenter his appellationibus uti: hoc non ita accipendum est, quemadmodum accepit D. Hotomannus, quasi & verbum adulterii extra conjugatos usurpatum esset; sed quod stupri nomine etiam adulterium notatum; nimis stuprum & generis nomen est & speciei: quod in nuptiam committitur etiam proprium nomen habet & adulterium dicitur; quod in virginem viduam puerum generis nomen retinuit & stuprum proprie dictum est.

Honeste viventem] Σεβομένη. Nam consuetudo cum ea quæ corporis sui copiam passim facit stuprum non est sed simplex πορνεία, sive fornicatio, quæ Romanis legibus non puniebatur, l. 22. C. ad leg. Jul. de adult. Pro stupro quoque non habebatur consuetudo cum concubina, propterea quod concubinatus jure Romano permisus erat. Et hoc est quod Modestinus scribit, stuprum committere qui liberam mulierem consuetudinis causâ non matrimonii secum habet, excepta concubinâ, l. 34. pr. ad leg. Jul. de adult. fac. l. 3. pr. de concub.

Stupratoribus si honesti sunt] Stupri damnatus si honestæ existimationis fuit dimidia parte bonorum mulctatur; sin turpis verberatus relegatur. Sic cum D. Hotomanno interpretor illud quod de honestis aut humilibus hic dicitur, propter l. 7. C. de incest. nupt. Lex Attica stupratorem ita mulctabat, ut vel duceret puerilam vel dotaret; Lex Mosaica ut & duceret & dotaret. Deut. 22. v. 19.

TEXTUS.

De sicariis.

5. Item lex Cornelia de sicariis, quæ homicidas ultiore ferro persequitur, vel eos qui hominis occidendi causâ cum telo ambulant. Tela autem, ut Gajus noster ex interpretatione legum XII. tabb. scriptum reliquit, vulgo quidem id appellatur quod arcu mittitur; sed & nunc ornne significat quod manu cuiusque jacitur. Sequitur ergo ut & lignum & lapis & ferrum hoc nomine continetur: dictum ab eo quod in longinquum mittitur, à Græca voce τριχοῦ (procul) figuratum. Et banc significationem inveneri possumus & in Greco nomine; nam quod nos telum appellamus, illi βίας appellant ἄρδεται βάλλεοται (jaceret). Admonet nos Xenophon;

nam

nam ita scribit: και τὰ βίλη ὅμοιοι φέρεται, λίγης, τοξόνυμα, σφεδία, πλεῖστοι δὲ και λίθοι (Tela etiam simul ferebantur, lanceæ, sagittæ, fundæ; plurimum vero lapides). Sicarii autem appellantur à sica, quod significat ferreum cultrum. Eadem lege & venefici capite dannantur, qui artibus odiosis tam venenis quam susurris magicis homines occiderint; vel mala medicamenta publice vendiderint.

Vid. tit. 23. lib. 8. Recop.

COMMENTARIUS.

Justinianus hoc loco poenam mortis tribuit legi Corneliae de sicariis, ut superiore §. legiJuliae de adulteriis. Poena enim legis Corneliae depositatio fuit in insulam & omnia bonorum ademptio. Sed more judiciorum temporibus Marciani & Modestini honestioris loci homines deportabantur: sequenti gradu qui erant capite puniebantur, id est morte: humiliores etiam bestiis subjiciebantur, l. 3. §. pen. infin. l. pen. ad leg. Corn. de sicar. Paul. 6. sent. 23.

Ultore ferro) Scriptum hoc à Triboniano accommodate ad sui temporis rationem; nam poenâ capitis jam tum insistente homicidae puniebantur: quæ poena hodieque manet, quod eam etiam exigat lex Divina. Exod. 21. v. 12. Lev. 24. v. 17.

Qui hominis occidendi causâ) Lege Corneliae de sicariis non tantum homicida sed etiam qui hominis occidendi causâ cum telo fuerint tenentur, l. 1. pr. eod. Existimare licet Cornelium Syllam hanc legem tulisse post saevissimam civium proscriptionem, atque ut tandem finem imponeret cædibus, quæ tum passim impunitæ, gravitate poenæ etiam à conatu homines deterrere voluisse. Hodie generali consuetudine huic parti legis derogatum est, nec jam conatus aut delictum non consummatum amplius poenâ legi ordinaria plectitur, teste Claro lib. 5. §. ult. quest. 91. Ant. March. de crim. cap. 3. n. 10. & seq. ff. d. tit. Sand. lib. 5. tit. 9. defn. 11.

Telum autem) Hic locus descriptus est ex Gajo l. 233. §. 2. de verb. sign. & est satis planus. Ceterum non dubito quin lex Corneliae teli appellatione etiam gladium & vel maxime intellexerit; quamvis propria teli significatio qua hic indicatur gladio non conveniat.

A sica quod significat ferreum) Romani, teste Suida, τὰ επικαυτὴν ξίφη, incurvos gladios sicas vocant. Erat autem sica genus gla-

dii brevioris, Persici fere acinacis magnitudine, ut communè sub vestibus occultati potuerit: quod ex Josepho lib. 1. Antiq. discimus. Per abusionem autem omnes sicarios vocaverunt qui cædem telo quocumque commisissent, auctore Fab. lib. 10. cap. 1.

Venefici) Venefici dicuntur & qui veneno homines occidunt, quod plus est quam occidere gladio, l. 1. C. de malef. & qui artibus sive, ut hic ait Justinianus, susurris magicis: ad cuiusmodi susurros referenda illa legis XII. tabb. Qui malum carmen incantassit: Qui fruges excantassit: Neque alienam segem pelleveris. Item illud Virgilii 4. eclog. 8. v. 99.

Atque satas alio vidi traducere messes.
& id genus alia, quæ supersticio mortalium vi magici carminis effici posse credidit. Vid. leges 4. & 6. C. de malef. Plin. lib. 28. cap. 2. Augustin. lib. 8. de civ. Dei cap. 19. Sed verissime Seneca lib. 4. nat. quest. 7. Rudis, inquit, adhuc antiquitas credebat & atrabi imbræ cansibus & repellere: quorum nihil posse fieri tam palam est, ut bujus rei causa nullius Philosophi schola intranda sit. Ego sane sic persuasum habeo, multa nimis temere credi & veneficis sagisve falso affungi: multa per tormenta exprimi quorum nihil umquam factum, atque incantationum praetextu plerumque homines insontes ignibus tradi, quo supplicii genere pridem sagæ affici coeperunt. Extat memorabile arrestum Senatus Parisiensis pro Valdensibus Atrebatisibus, les Vaudois d' Arras, editum die 20. Maii 1491. quo amplissimus Ordo testatur nihil se in accusatione eorum animadvertere potuisse præter meras sycophantias. VINN. Egregium Vinnii testimonium, quod illos merito dare deberet in rubore n qui etiamnum hujusmodi anilibus fabellis oblectantur. Errorum hunc vulgarem masculine in Germania oppugnat vir celeberrimus Christianus Thomasius in variis scriptis de criminis magie, quæ quamvis bilem multis moverint, tamen tantam attulerunt utilitatem, ut iis locis ubi antea frequenter rogi accendebantur hodie vix sagarum nomen in foris audiatur. HEIN.

TEXTUS.

De parricidiis.

6. *Alia deinde lex asperrum crimen nova poenâ persequitur, quæ Pompeja de parricidiis vocatur: quæcavetur, ut si quis parentis aut filii aut omnino affectionis ejus que nuncupatione parentum continetur fata præparaverit*

(sive clam sive palam id ausus fuerit) necnon
is cuius dolo malo id factum est , vel conscientia
erimini existit , licet extraneus sit , pœnâ parri-
cidii puniatur ; & neque gladio neque ignibus
neque ulli solemni pœnâ subjiciatur , sed insu-
sus culeo cum cane & gallo gallinaceo & vipera
& simia , & inter eas ferales angustias compre-
hensus (secundum quod regionis qualitas tuterit)
vel in vicinum mare vel in amnum projiciatur;
ut omnium elementorum usu vivus carere inci-
piat , & ei cœlum superstiti & terra mortuo au-
feratur. Si quis autem alias cognatione vel affi-
nitate personas conjunctas necaverit , pœnam le-
gis Corneliae de sicariis sustinebit.

L. 12. tit. 8. Part. 7.

N O T A.

Aspernum crimen) Nefas ultimum vocat
Seneca 1. de Clem. cap. 23.

C O M M E N T A R U I S.

Hic quoque idem fere accidit quod superius , nimis ut poena culei adscribatur legi Pompejæ , quæ tamen moribus Majorum instituta est , l. 9. pr. de leg. Pomp. de parric. adeoque diu ante legem Pompejam , ut ex oratione Cicer. pro Rosc. Amerin. constat , atque in eum tantum qui patrem matrem avum aviam occidit ; si quis alios occiderit pœnâ legis Corneliae de sicariis plectitur , l. 1. d. l. pen. §. 1. de leg. Pomp. Constantinus & filios adjecit , l. un. C. de bis qui par. vel lib. occid. quod & ipsum Imperator hoc loco attribuit legi Pompejæ. Legis autem Pompejæ eadem poena quæ legis Corneliae fuit ; nec alia inter personas quæ utraque lege continentur differentia fuit , nisi quod lex Corneliae omnes homines , Pompeja certas personas coërceret ; & quod hæc etiam consciens sceleris quamvis nihil fecerint puniret , l. 6. eod. & hoc text.

De parricidiis] Parricida proprie dicitur teste Charisio lib. 4. qui patrem occidit , quasi patricida , aut per syncopen quasi parenticida. Sæpe tamen idem verbum pro quavis ἀρδεφορίᾳ (hominis cede) Romani usurpant: quod & Plutarchus in Romulo observavit. Sic quæstores parricidii appellati quæstores rerum capitalium ; & clausula Parricida esto , in omni re capitali ponebatur. Cic. 2. de legibus cap. 9. *Sacrum sacrove commendatum qui clepierit rapitve parricida esto* , id est capital esto. Sed fortassis hic consuetudo scribendi R. germinavit , cùn unico scribendum fuerit : de quo

ita Festus in verbo Parici quæstores. Parici-
da non utique is qui parentem occidisset diceba-
tur , sed qualemcumque hominem : in quam rem
citat legem Numæ his verbis compositam : Si
quis hominem liberum doño sciens morti duit,
parricida esto.

Aut affectionis) Ita omnino legendum , non
ut vulgo affinitatis , per l. un. C. de leg. Pomp.
& l. un. C. Theod. eod. Nam qui sacerdotum so-
crum vitrum novercam generum &c. neca-
vit , etsi ultimo supplicio , non tamen acerri-
ma culei pœnâ afficitur , l. pen. eod. & hoc
text. in fin.

Sed insutus culeo cum cane &c.) Supplicium
parricida est , ut virginis sanguineis verberatus
& mox culeo insutus cum cane gallo galli-
naceo & simia in mare aut profluen-
tem projiciatur. Cic. in ea pro Sexti. Rosc. cap.
11. de culeo solo loquitur ; sed Sen. lib. 1. de
Clem. cap. 15. etiam serpentis meminit : Juve-
nalis serpentis item & simiæ , sayr. 8. Veri-
sinile est Constantiū canem & gallum gal-
linaceum addidisse. Quæ tamen omnia Tri-
bonianus legi Pompejæ tribuit ; Modestinus à
Tribonianō interpolatus mori Majorum , d. l.
pen. pr. de leg. Pomp. Aliud quoque supplicii
genus usurpatum invenio apud Paul. lib. 5.
sent. 25. ut parricida vel vivus comburere-
tur vel bestiis objiceretur. Poena culei hodie
in usu esse desiit. Ant. Matth. ad hunc tit.
cap. 2. n. ult. Groenew. de legg. abrog. bīc. San-
de lib. 5. tit. 9. defin. 1. Gudel. de jur. nov.
lib. 5. cap. 17. ubi & de vario genere suppli-
cii quo nunc parricidia puniri solent.

Omnium elementorum usu) Quid mysterii sit
in poena culei ostendit Cic. in d. orat. pro Sext.
Rosc. & Theophil. hic. Leucipp. 3. ἵνα μὴ τὰς
ἀνθρώπινας ἀπολύτους , ἀλλὰ καὶ τὰς τυφῆς (ut
non solum vitam perdat , verum etiam sepultu-
ram). Eodem pertinet illud Quintiliā declam.
299. Cui lex lucem vivo , fluctuantem mare , nau-
fragio portum , morienti terram , defuncto sepul-
crum negat. Et Ovid. lib. 8. Metamorph. v. 97.

Dii te summoveant , o nostri infamia secli,
Orbe suo , tellusque tibi pontusque negetur.

T E X T U S.

De falsis.

7. Item lex Corneliae de falsis , quæ etiam
testamentaria appellatur , pœnam irrogat ei qui
testamentum vel aliud instrumentum falsum scri-
perit signaverit recitaverit subjecerit , vel si-
gnum adulterinum fecerit sculpserit expresserit
sciens

sciens dolo malo. Ejusque legis pena in servos ultimum supplicium est: quod etiam in lege Cornelii de sicariis & beneficis servatur: in liberis vero deportatio.

*tus, tunc & raptore*s* ii qui opem buic flagitio dederunt capite puniuntur secundum nostrae constitutionis definitionem, ex qua hoc apertius possibile est scire.*

Vid. tit. 7. Part. 7.

C O M M E N T A R I U S .

Testamentaria vocatur) L. 30. ad leg. Corn. de fals. Paul. 5. sent. 25. Ex eo autem fortassis sic appellata est, quod majore ejus parte de falso in testamento commisso caveatur. Hæc eadem & nummaria dicta ab ea parte qua de nummis cavebatur. Cicer. Verrin. 3. *Cornelia testamentaria nummaria ceteræ complices &c.*

Vel aliud instrumentum) Hoc ex senatus-consulto Livoniano adjectum legi Corneliae Cujacius existimat; legem enim ipsam tantum de nummis & testamentis falsis cavisse.

Scripterit signaverit &c.) Apud Paulum d. loc. additur, amoverit resignaverit deleverit, quive nummos aureos argenteos adulteraverit la- verit conflaverit raserit corrupserit vitiaverit, cultuve Principis signatam monetam, præter adulterinam, reprobaverit, ll. 1. 2. 8. 9. &c pas- sim ad leg. Corn. de fals.

In servos ultimum supplicium] Poena falsi deportatio est & omnium bonorum publicatio; servi ultimo supplicio afficiuntur, l. 1. §. ult. ad leg. Corn. de fals. ubi Marcius addit, & quasi falsi; nimirum cum aliter falsitas committitur quam uti nominati lege Cornelii caustum est: qui casus ex Senatus-consulto a. Principum constitutionibus ad rationem legis accommodati sunt. Quod si id exigit magnitudo commissi, etiam capitali supplicio in eum qui falsum commiserit animadvertisit, l. 22. C. de fals. Vinn. De crimine falsi & ejus poena vid. Aceved. ad tit. 17. lib. 8. Recop. ADDIT.

T E X T U S . -

De vi.

8. Item lex Julia de vi publica seu privata adversus eos exoritur qui vim vel armatam vel sine armis commiserint. Sed si quidem armatis arguatur, deportatio ei ex lege Julia de vi publica irrogatur; si vero sine armis, in tertiam partem bonorum suorum publicatio imponitur. Sin autem per vim raptus virginis vel viduae vel sanctimonialis vel alterius fuerit perpetra-

N O T A .

8. Sanctimonialis] Ascetrix, virginis vel viduae Deo dicata, l. un. C. de rapt. virg.

C O M M E N T A R I U S .

VIm armatam vel sine armis) Cur vis cum armis facta publica, sine armis privata habitasit, hæc ratio est, ut alibi quoque diximus, quod armis uti solius Reipublicæ est; unde lex XII. tabb. cum telo esse nemini privato permittebat.

Deportatio ex lege Julia) De vi publica damnati deportantur. Ulp. l. 10. §. ult. ad leg. Jul. de vi publ. ait aquâ & igni his interdici; sed notum est huic poena deportationem successisse. De vi privata damnati tertia parte bonorum suorum multantur, ll. 1. & ult. de vi priv.

*Raptore*s* capite puniuntur) Licet mulier raptui consenserit, l. un. §. 2. ibi: si & volen- tibus sive nolentibus C. de rapt. virg. Movere non debet quod volenti non fiat injuria, cap. 27. de reg. jur. in 6. l. 1. §. 5. de injur. Neque enim d. lex un. de simplici & spontanea voluntate aut assensu mulieris accipienda est, sed ubi dolo malo & blandis verbis, mune- tribus promissionibus aliisque malis artibus per- suasa raptori consenserit: quo casu eriam volenti mulieri injuria & vis fieri intelligitur; cum dolosa persuasio non minus malum sit quam violenta coactio, per l. 3. §. 5. de lib. bom. exhib. l. 1. §. 3. de serv. corr. Unde Solon severius punivit eum qui persuasoriis verbi pellexisset mulierem, quam qui vi usus esset, teste Plut. Add. Liban. declam. 2. Vinn. Quibus poenis hodie hæc crimina plectantur vide apud Pichard. &c. ADDIT.*

T E X T U S .

De peculatu.

9. Item lex Julia peculatus eos punit qui publicam pecuniam vel rem sacram vel religiosam furati fuerint. Sed si quidem ipsi judices tempore administrationis publicas pecunias subtraxerint, capitali animadversione puniuntur; & non solum hi sed etiam qui ministerium eis ad hoc exhibuerint, vel qui subtraherint ab his suscep- rint.

rint. Alii vero qui in hac legem inciderint pœnae deportationis subjungentur.

Vid. leg. 14. tit. 14. Part. 7.

COMMENTARIUS.

Lege Julia peculatus tenetur qui pecuniam publicam remye sacram aut reliquias furatur, II. 1. & 4. ad leg. Jul. pecul. Peculatus enim duplex est, furtum pecuniae publicæ, quod proprie & in specie peculatus; & rei sacræ, quod sacrilegium proprie vocatur; unde à Labeone definitur pecunia publicæ aut sacræ furtum, I. 9. §. 2. eod. addit Labeo, non ab eo factum cuius periculo est; nam auditum in his quæ ei tradita sunt peculatum non committere.

Si quidem ipsi judices] Qui pecuniam publicam quam ipse administrat averterit capite punitur, uti & is qui operam ei aut ministerium præbet, I. un. in fin. C. de crim. pecul.

Pœnae deportationis] Ob simplicem peculatum poena deportationis imponitur, I. 3. eod. interdum in quadruplum condemnatio fit, I. pen. eod. Sacrilegi autem, id est qui publica sacra compilaverunt, capite puniuntur, I. 9. eod. Clar. §. sacrilegium. Anton. Matth. de crim. cap. 2. & 3. de leg. Jul. pecul. Damohud. prax. crim. cap. III.

TEXTUS.

De plagiariis.

10. *Est & inter publica judicia lex Fabia de plagiariis, quæ interdum capitum pœnam ex sacris constitutionibus irrogat, interdum leviorum.*

COMMENTARIUS.

Plagium nihil aliud est quam liberi hominis vel servi alieni suppressio dolo malo facta. Nam plerumque supprimendo plagium committitur, II. 3. 5. & 6. de leg. Fab. II. 2. §. 9. & 14. C. eod. licet & aliis modis interdum fiat, puta vendendo donando permutando, II. 1. 2. & 4. eod. Poena plagiæ ex ipsa lege Fabia pecunaria erat; postea gravius puniri coepit, & nonnullis casibus etiam capite, I. ult. eod. II. 7. & ult. C. eod. Jure autem Divino & Canonico omnis plagiarius qui sciens dolo malo liberum hominem vendit mortale mulctatur. Deut. cap. 24. v. 7. Exod. 21. v. 16. quod transcriptum in decretalibus Gregorii cap. 1. de furt. & adhuc hodie obtinet Tom. II.

si celandi animo crimen commissum; alias fere virginis & relegatione, Clar. §. fin. quæst. 68. n. 31. Perez in C. ad leg. Fab. de plag. n. 6.

TEXTUS.

De ambitu, repetundis, annonा, residuis.

11. *Sunt præterea publica judicia, lex Julia de ambitu, lex Julia repetundarum, lex Julia de annonा, & lex Julia de residuis: quæ de certis capitulis loquuntur; & animæ quidem amissionem non irrogant, aliis autem pœnis eos subjiciunt qui præcepta earum neglexerint.*

EXCUSATIO.

12. *Sed de publicis judiciis hæc exposuimus, ut vobis possibile sit summo digito & quasi per indicem ea attigisse; alioqui diligentior eorum scientia ex latioribus Digestorum seu Pandectarum libris, Deo propicio, adventura est.*

NOTÆ.

11. *De annonा*] Apud Athenienses poena capititis statuta erat in eos qui frumentum alio comportabant annonamve suppressimabant. Lys. orat. 21.

12. *Et quasi per indicem*] Id est leviter summatim, ἵπτονται τεχνῶς, digito ad fontes unde hauriatur intento. Ascon. in Verr. 3. Antequam causam agerent, quasi per indicem res exponebant &c.

COMMENTARIUS.

De ambitu] Ubi singuli regunt ambitus nullus usus est; sed frequens ubi universi, ut Romæ olim ante constitutionem Principis frequentissimum fuisse constat. Hinc illæ leges Petilia, Pinaria, Fabia, Calphurnia, Tullia, Julia & similes de ambitu, id est affectatis largitione honoribus latæ. Sed hæ leges cessaverunt in urbe ex quo magistratum creatio ad curam Principis pertinere cœpit, sublatio populi suffragio: quod nominatim de lege Julia de ambitu memorat Modestinus *lege un. pr. de leg. Jul. ambit.* sicut & apud nos occasio ejus exercendæ sublata: de quo Groenew. *de legg. abrog. ff. de leg. Jul. de ambit.* Poena hujus criminis multæ centum aureorum cum infamia fuit, d. I. un. eod. Canonibus ambitus dicitur Simonia à Simone Mago, cui Petrus maledixit, quod ab Apo-

stolis Spiritus Sancti gratiam pecuniā emere voluit. *Afor. cap. 8. can. quidam xxiv. quest. 3.* Est enim Simonia cum aliquid pro spiritualibus exigitur vel promittitur, *tot. tit. x. de Simonia. VIN 4.* Poena centum aureorum tantum ad municipia & eos accusatores & reos qui domum judicis ingrediuntur, *l. un. §. 1. §. 4. ff. de leg. Jul. amb.* Alioquin poena legisJuliae fuit deportatio. Paul. *recept. sent. 5. 30. l. un. C. de leg. Jul. amb.* HEIN.

(Repetundarum) Lege Julia repetundarum tenetur qui cum aliquam potestatem haberet pecuniam ob judicandum decernendumve accepit, vel quo magis aut minus quid ex officio suo faceret, *ll. 3. & 4. de leg. Jul. repet.* Poena hujus legis extraordinaria est, nunc relegatio vel ordinis amotio, nunc exilium vel etiam mors, pro modo scilicet & qualitate sceleris, *l. 7. §. 3. eod.* Interdum & quadruplici poena reo imponitur, *ll. 1. & ult. in fin. C. eod.*

(De annonā) Lege Julia de annonā (qua appellatione veniunt omnia quæ ad viētum humānum pertinent) poena viginti aureorum statuit adversus eum qui annonam publicam fraudaverit vel vexaverit, aut cuius dolo ma-

lo factum est ut annonā carior fieret, *ll. 1. & 2. de leg. Jul. de annonā.* Quod crimen plerumque committuntii qui Daedanarii seu pantopolæ & seplasiarii vocantur: in quos etiam extra ordinem vindicari placuit, *l. 37. de pœn. l. 6. de extraord. crim.*

(De residuis) Crimen residuorum est pecunia publicæ alicui ad usum publicum datae & attributæ retentio, vel ad suos usus conversio, sive in solidum sive ex parte. Et quod in rationibus pecuniisve privatis est reliqua, id in publicis proprie est residua: sic dicta, quod apud eum cui administranda data est pecunia publica resideat. Hac autem lege damnatus amplius tertia parte quam debet punitur, *l. 2. l. 4. §. 3. & 2. §§. seq. ad leg. Jul. pecul.* Hodie poena hujus criminis ut & præcedentium fere arbitraria est, Groenew. *tract. de legib. abrog. ad rubr. C. de pœn.* Hæc παρέπεια & tralatitie, ut in appendice. VENN. Qui persequendorum apud Hispanos criminum modus: quæ judiciorum ratio: qua pœnā singula afficiantur crimina disces ex D. Laur. Matheu *de re crim.* Anton. Gomez in *3. var.* & Gundizalvo Suarez de Paz in *sua prax. part. 5. tom. 1.*

F I N I S.

INDEX

RERUM ET VERBORUM

ADDITIONUM JURIS HISPANI

Num. Rom. volumen, Arabicus pag. lit. *a* priorem, *b* posteriorem columnam designant.

A

- A**bsens Reipublic. causā à tutela libera-
tur. I.141.*a*.
Actio in rem exerceri potest non solum ubi
res sita est, sed in loco domicilii deten-
toris. II.312.*a*.
Actionum divisio in realem, personalem
& mixtam. II.318.*a*.
Actionis nomen inserere libello necesse
non est; ubi quædam notanda. II.319.*b*.
Actionis in confessoriam & negatoriam
divisio. Remissive. II.330.*b*.
Actionum divisio in civiles & prætorias; &
num Civitatum & Correctorum statu-
ta actiones civiles pariant vel præto-
rias. II.332.*a*.
Actio de peculio. II.348.*a*.
Actio de albo corrupto. II.350.*b*.
Actiones præjudiciales. II.354.*a*. & 355.*b*.
Actiones rei simul & pœnæ persecutoriæ
non sunt in usu. II.362.*b*.
Actiones mixtæ. Remissive. II.364.*a*.
Actiones in duplum triplum quadruplum
ab usu recessere. II.264.*b*.
Actiones bonæ fidei & stricti juris. II.371.*b*.
Actiones universales. Remissive. II.381.*a*.
Actio pro dote. II.388.*a*.
Actio de pastu pecoris. II.404.*b*.
Actio legis Aquilæ. II.287.*a*.
Actiones omnes sunt perpetuæ. II.412.*b*.
Actio ad exhibendum raro locum habet.
II.455.*b*.
Acceptatio non est in usu. II.253.*b*.
Adoptiones incognitæ Hispanis. I.18.*a*.
& II.76.*a*.
Advocati honoraria petere possit. II.234.*b*.
Adquisitio patris per filium. II.246.*b*.

- Ædificia quantum invicem distare debeant.
I.250. *a*.
Adulterii pœna. Remissive. II.461.*a*.
Agnatorum cognatorumque successio deci-
mo gradu terminatur. II.47.*a*.
Alienationes mulierum jurejurando firma-
tæ utiles sunt. I.314.*a*.
Appellatio à tutoribus ante repulsam ex-
cusationem non debet proponi. I.148.*b*.
Arra in pretium imputata rem constituit
noi integrum. II.186.*a*.
Arrâ præstita in argumentum contraetus
res integra manet. *ibid*.
Arrarum nova cautio priorem obligatio-
nem revocat. II.188.*a*.
Arbitri & arbitratoris officia. Remissive.
II.316.*a*.
Asyli jus, & de recentioribus constituti-
nibus. I.51. *b*.
Asyla antiquitus fuere Regiæ domus. I.52.*a*.

B

- B**onæ fidei possessor fructus naturales
etiam consumtos restituere tenetur.
I.212.*b*. Praxis autem hodierna fructus
consumtos ante litem contestatam resti-
tuere non decernit. 214. *a*.
Bonorum possessio qualis apud Romanos,
in usu non est apud Hispanos. II.77. *b*.

C

- C**apti ab hostibus statum non mutant.
I.91. *a*.
Capitis deminutio exolevit. I.110.*b*.
Capite damnati testamentum facere possunt
de bonis Fisco non adscriptis. I.375.*b*.
Citatio ad litem quomodo fiat. II.359.*b*.
& 449. *b*.

- Consuetudo introducitur formâ jure præscripta, & quot modis introducatur. I. 27. b. & 28. a.
- Commixtio & confusio quoad effecta non differunt. I. 137. a.
- Cognati qui quarto gradu sunt, computatione facta in linea transversa jure Canonico conjungi prohibentur. I. 66. a.
- Repete ea quæ pag. 68. Ipsamet prohibitio est inter affines. 70. a.
- Cognitio de suspectis tutoribus judicibus minoribus ordinariis bene accommodatur. I. 153. a. Immo & ante Regios Conventus instaurari valet vi privilegii quod nos *Caso de Corte* appellamus. ibid.
- Cognitio de suspectis tutoribus summarie procedit. I. 158. a.
- Conjugum mutuae institutiones atque pacta de reciproca successione frequentantur. I. 418. a.
- Conditio turpis & naturâ impossibilis pronon scripta habetur: impossibilis de facto dubia & incerta institutionem vident. I. 421. b.
- Codicilli directam institutionem continentes, dum testamentum non extat, deferrunt heredi scripto fideicommissariam hereditatem à manu heredis ab intestato, non obstanti quod deficiat clausula codicillaris. I. 611. a.
- Codicilli nuncupativi easdem solemnitates requirunt quas testamentum nuncupatum: scripti manent sub dispositione juris communis. I. 612. a.
- Constitutum à fidejussione vix dicernitur. II. 346. a.
- Condemnatio fit in rem petitam. II. 378. a.
- Criminum apud Hispanos persequendorum modus: judiciorum ratio: singulorum malificarum poena. Remissive. II. 466. a.
- D
- Debitores pupillorum tutores esse non possunt, nisi fuerint testamento dati. I. 222. b.
- Decima fructuum rerum pupilli tutoribus pro labore debita exponitur; atque ejus occasione alia bonæ frugis plena. I. 158. b.
- Debitor certum domicilium non habens quo-
- vis loco judicio sistere cogitur. II. 311. b.
- Donatio mortis causâ facta non intelligitur, nisi cum donator verbis declarat se ob metum propinquæ mortis donasse. I. 299. a.
- Donationis inter vivos revocandæ causæ jure Romano stabilitæ firmantur jure Hispano. I. 305. a.
- Donatio revocatur susceptione liberorum. ibid. b.
- Donationis matrimonii causâ species. I. 308. b.
- Dominium rerum adquirere possumus per liberos homines etiamsi nostræ potestati non subsint. I. 331. b. Immo & obligations alteri per alterum etiam absenti quæruntur. ibid.

E

- Lectio rei legatae in genere cui tribuitur: & inde consecaria. I. 452. b.
- Emancipandorum filiorum causæ. I. 94. b.
- Emancipatio nunc recepta recenset. ibid.
- Emphiteusis natura & usus. II. 206. a. Ad ejus substantiam requiritur scriptura. 207. a.
- Exheredationis causas numerant legg. Part. accedit tamen & nova ex Pragmatica sanct. anni 1776. I. 433. a.
- Exheredatio sine elogio nullum reddit testamentum. I. 474. b.
- Exercitores navis aut tabernæ singuli in solidum conveniri possunt. II. 393. b.
- Exercitor solvere tenetur mutuas pecunias acceptas à magistro navis cum hæc oportebat refici. II. 394. b.
- Exceptio non numeratae pecuniæ intra quod tempus opponatur. II. 180. b.
- Exceptiones dilatoria & peremptoriae quando proponendæ sint. II. 427. b.

F

- Alcidiae detractio exolevit. I. 482. a.
- Falcidia quarta vi juris ac potestate eadem est ac Trebellianica. I. 595. a.
- Falsi crimen ejusque poena. Remissive. II. 464. a.
- Factum promittens eum adimplere tenetur. II. 127. b.
- Feræ captæ prohibente domino fundi non ca-

- cipientis sed domini fiunt. I. 174.a.
 Fera dum excitata persequitur ab alio capi
 nequit; secus si non persequatur. I. 175.a.
 Feudi successionem ambiant filii legitimi
 & legitimati per subsequens matrimonium. II. 5. a.
Filiifam. tacentes cōsentire videntur. I. 93.a.
 Fiscus sibi adscribit res pro derelicto habitas. Remissive. I. 233.b.
 Fiscus vel dominus oppidorum ad littora maris res sibi vindicabant naufragio jaetas, in littore inventas, aut è mari extractas; ceterum hæc in melius sunt immutata. I. 235.a.
 Filii adoptivi ad successionem parentum non vocantur cum adsunt filii legitimi; verumtamen legari eis potest quinta bonorum pars utpote extraneo cuivis. I. 397. a.
Filiifam. restituere gravati præter legitimam non deducerent quartam Trebelianicam etiamsi in usu foret. ibid.
Fideicommissarii recte adire valent hereditatem. I. 610.b.
Filiorum naturalium successio. II. 42.a.
 Filii extra nuptias suscepti non succedunt; & an nati ex concubina. Remissive. II. 45. b.
Filiis naturalibus consanguinei matris succedunt, non vero consanguinei patris. II. 46.a. De successione parentum naturalium. Remissive. ibid.
 Fiscus adscribit sibi bona cuiusque defuncti sine cognatis in decimo gradu. II. 47.b.
Fidejussores mutui beneficio divisionis gaudent. II. 131.a.
Fidejussor quibusvis verbis citra stipulationem obligatur. II. 175.a.
Fori communis jus non habent Regiae urbes seu Metropoles. II. 311.b.
 Forus competens quis sit. Remissive. II. 316.a.
 Furti divisio. II. 263.a.
 Furitorum coercitiones. Remissive. II. 266.b.

H

Hereditas unus est jure Hispano per unitatem adquirendi titulus. I. 334.b.
 Heredes instituere licet Respublicas, Civitates, Ecclesias aliaque corpora politica. I. 403.a.

- Heres in re certa institutus è contentus esse debet. Remissive. I. 461.b.
 Heredes omnes sunt voluntarii. Hispanum jus suos heredes non cognoscit, neque suos & necessarios. I. 490.b. & II. 6.a.
 Hereditas delata etiam non adita in quoscumque heredes transmittitur, decedente intra annum herede. I. 501.a.
 Heredis institutio verbis directis an obliquis scripta sit nihil refert. I. 587.a.
 Heres ex die vel in diem recte datur. ibid.
 Heres ex delicto defuncti tenetur damnum sarcire, etiamsi lis non fuerit à defuncto contestata. II. 416.b.
 Hereditatis portione judicio testatoris praecpta, restitutaque reliqua hereditate, actiones in fideicommissarium transeunt: verum consumta substantiâ fideicommissi heres restituens creditoribus testamentiis hereditariisque tenetur pro portione retenta. I. 598.a.
 Hypotheca pro dote preferitur aliis antiquioribus à lege ortum ducentibus, non vero antea expresse constitutis. II. 374.a.

I

- I**mperitia literarum à tutela non semper excusat. I. 144.a.
 Injurię vulnerisque corporis compensatio quomodo fiat. II. 289.a.
 Institores nequeunt conveniri ex contractibus initis institorio nomine. II. 393.b.
 Interdictum recuperandę possess. competit etiam pro re mobili. II. 441.b.
 Infamia non sequitur successores damnatos ob dolum defuncti in contractibus. II. 447. b.
 Judicia civilia famosa non sunt. II. 448.a.
 Judicia criminalia nunc publica videntur. II. 459.a.
 Jurisdictio non suprema possessione 40. annorum cum titulo prescribitur; immemoriali etiam sine titulo. I. 296.b.
 Jurisdictio patrimonialis, ceteraque jura incorporalia tuentur actionibus confessoriā & negatoriā. II. 315.a.
 Jus accrescendi in hereditatibus sublatum esse verius reputatur. I. 413.a.
 Judicio sistere qui sine venia nequeant. II. 352. b. Ju-

- Judex imperitus quatenus teneatur. II. 303. b.
 Judicium possessorum & petitorum, & utriusque explicatio. II. 437. a.
 Jurisjurandi calumniæ usus. Remissive. II. 446. a.
 Juramentum deferri solitum Judicibus, Advocatis, Tabellionibus, & Procuratoribus ad officii ingressum. Remissive. *ibid.*

L

- L Egum Hispanicarum varii codices, atque eorum auctoritas. I. 28. a.
 Legitimationis species est nominare filios in testamento aliove instrumento à tribus testibus subscripto: immo potius est modus agnoscendi filios legitimos. I. 75. b.
 Legitimitatem integrum ingressus in Religionem non tribuit. I. 76. b.
 Legitimatio per rescriptum Principis in usu nunc est, certis adhibitis cautionibus circa successionem. I. 78. a.
 Legata ceteraque capita testamenti sortiuntur effectum quamvis nullus sit heres. I. 460. b.
 Legitima liberorum comprehendit omnia bona parentum, demta quinta parte: parentibus autem portio jure debita sunt omnia bona filiorum excepta tercia parte. I. 483. b.
 Legitima non præcise relinquenda est titulo institutionis: ubi de prælegatis tertiae & quintæ partis, quæ nos *mejoras de tercio i quinto nuncupamus*. I. 489. b.
 Legata ab intestato relicta tenent. I. 599. b.
 Legatum à legatario relictum ad quantitatem usque acceptam utile est. I. 602. b.
 Leges poenales privantes aliquem jure suo exolevere. II. 281. a.
 Leges quibus judicandum est. Remissive. II. 453. a.

Liberi homines nullatenus conditione differunt; gente in Nobiles & Plebejos partitionur. I. 38. a.

Liberalium artium publici professores à tutela excusantur. I. 147. a. Non vero juris Doctores nisi Regio Senatui adscripti. *ibid.*

Lites inficiādo crescere nequeunt. II. 244. b.

- Lis quando instituenda. Remissive. II. 356. a.
 Libellorum formulæ. Remissive. II. 356. a.
 Libellum emendare licet quovis litis tempore; mutare vero tantum ante litis contestationem. II. 387. a.
 Libellus nullus admittitur post duplicacionem. II. 429. a.

M

- M Agistratus majores à tutela & cura imunes sunt, non vero minores. I. 41. b.
 Magistratus ceterique munere publico donati in jus vocari possunt: parentes vero præcedente veniæ petitione. II. 351. b.
 Mater quando capiat intestatam filii successionem. II. 39. a.
 Macedonianum senatusconsultum nedum confirmatur jure Hispano verum & ampliatur. II. 398. b.
 Macedoniani senatusc. beneficium à filiofamilias renunciari non potest: & num renunciatio juramento firmata utilis sit. II. 399. a.
 Minor uxoratus qui 18. annum adimplevit liberam rerum suarum & uxoris habet administrationem. I. 127. b.
 Minoribus invitis num hodie curator detur. I. 131. a.
 Moratorias exceptiones impartiri supremo Consilio Regio tributum est. I. 24. a. & II. 423. b.
 Monetæ singulis temporibus in Hispania usitatæ exponuntur. I. 303. b.
 Muros transgressi extraordinaria poena puniuntur. I. 171. a.
 Mutuarius impeditus rem reddere, æstimationem præstando liberatur. II. 98. a.
 Mutus surdusque stipulari possunt & promittere. Remissive. II. 153. a.

N

- N Aturales filii habentur procreati ab iis inter quos aut conceptionis aut partus tempore nuptiæ consistere poterant. I. 76. b.
 Nepos conceptus post mortem avi quomodo capiat ea quæ avi fuere. Remissive. II. 12. a.
 Negotiorum gestor culpam levissimam præ-

præstare cogitur.	II.238.b.	Possessio retinetur etiamsi qui rem nostro nomine tenebat dereliquerit vel alii tradiderit.	II.438.b.
Novatio quando locum habeat.	II.257.b.	Possessio ante omnia restituitur ei qui vi dejectus est.	II.441.b.
Notariorum mos scribendi legata & fidei-commissa ante heredis institutionem.	I.568.b.	Posthumus exheredari non potest.	I.391.b.
Nuptiæ rite contrahuntur coram Parocho & duobus aut tribus testibus.	I.53.b.	Immo nec impubes , nisi pubertati proximus.	ibid.

O

Obligationes quovis mode contractæ sortiuntur effectum dummodo de voluntate mutua seriaque constet.

Obligationem pro dimidia inuunt qui eandem rem simul promittunt.

Obligatio inter absentes utiliter contrahitur.

Obligatio alteri per alterum adquiritur.

Obligatio adquiritur per eos qui extra potestatem nostram degunt.

Occidentis pars bonorum adjudicatur uxori liberis agnatisve occissi in quantitatem lucri amissi.

II.116.a.

II.130.b.

II.158.b.

II.163.a.

II.246.b.

II.283.a.

P

Patriæ potestatis vetera jura ut plurimum ab usu recessere.

Pacta nuda etiam inter absentes inita actiones pariunt.

Pactum inter & stipulationem nulla est differentia.

Pater auctor fieri potest ut filius adquirat & promittat ex bonis advétiis.

Palinodiæ poena cui convitio imponatur.

Pignus persequi potest creditor omissa personali actione , si debitor possidet.

I.57.b.

II.94.b.

II.151.a.

II.156.b.

II.300.b.

II.341.b.

Pignori obligata sunt illata & invecta in prædium rusticum sciente domino.

II.342.b.

Pignus conventionale in acta publica referri debet.

II.343.a.

Plebeii (*pecheros*) ex rescripto à tutela non excusantur.

I.148.a.

Possessio bonorum tutoris pupillis jure Romano certis casibus tradita nunc non frequentatur.

I.158.a.

Possessio armenti usuario traditur.

I.277.b.

Pœna conventionalis in quantum interest æstimatur.	II.128.b.	
Pœna conventionalis statui potest in duplex quantitatis rei conventæ.	II.169.a.	
Pœna plus re petentis.	II.385.a. & 424.b.	
Pœna temere provocantium à Regiis Conventionibus ad supremum!	Consilium. Remissive.	II.446.a.
Pœna recurrentium per viam injustitiæ manifestæ.	ibid.	
Prodigus sententiâ declaratoria est restituendus.	I.132.a.	
Promissor facti alieni tenetur etsi pœna non injungatur.	II.164.a.	
Promittens alium daturum facturumve obstrictus est ut adimpleatur promissio.	II.144.b.	
Procuratorés forenses salario petere possunt.	II.234.b.	
Procuratoris forensis officium quale sit.	II.406.b. & 425.a.	

Q

Querelâ inofficiosi utentibus parentibus liberisve sibi locum faciunt non fratribus defuncti.

I.479.a.

R

Ratihabitio mariti omnes actus uxoris confirmat quantumvis initio sine ejus consensu celebrati.	I.122.a.
Rapinæ poena antiquum usitata non frequenter.	II.281.a.
Rei promittendi quatenus obligentur. Remissive.	II.172.a.
Retractus legitimus quibus personis competat.	II.198.a.
Recursus notoriæ injustitiæ ubi instituatur.	II.423.a.

Sa-

S

- S**Atisdatio adversus quos locum habeat. II. 411.b.
 Scriptura trahit ad se chartam in qua exarata est. I. 205.a.
 Servitutis personarum usus apud Europeos. I. 33.a. De servitute precaria. *ibid.*
 Servitutis jura Europæ Gentes ad invicem non exercent , quod inter Christianismi beneficia referendum est. I. 36.a.
 Servus uxorem ducens mulierem liberam liber fit , & vicissim. I. 36.a.
 Servum manumittere licet procuratores ad omnia negotia constituendi causâ. I. 47.a.
 Sepulturæ jus. I. 168.b.
 Servitutis rusticæ tres species. I. 241.b.
 Servitus ductus aquæ nondum invente constitui potest. I. 244.a.
 Servitutis modos jure civili constituendæ licet in legg. Partt. numeratos inveniamus , & licet placita Recopil. præcipiant quamplurima circa obæratos creditores , tamen sèculi nostri humanitas hoc jure non utitur. I. 37.a.
 Sententiæ nullitates intra quod tempus & apud quem proponantur. II. 442.a.
 Societas omnium bonorum inter conjuges contrahitur. II. 212.b.
 Sponsalia in matrimonium abeunt Parocho adstante & testibus presentibus. I. 56.a.
 Sponsalia filiusfamilias sine assensu parentum contrahens pœnis civilibus multatatur ; quid antiquitus , quid vero hodie statutum sit præcipue Pragmaticâ anni 1776. traditur. I. 61.b.
 Schema de gradibus cognitionum. Remissive. II. 56.a.
 Stipulatio patrem inter & filium tenet , nec minus promissio domini in favorem servi. II. 152.b.
 Stipulari potest res futura. II. 164.b.
 Statuta condere Correctorum Judicunque est : juris tamen potestatem non habet nisi confirmata fuerint. I. 15.a.
 Substitutio pupillaris expressa excludit matrem à legitima ; secus tacita. I. 141.a.
 Substitutio verbis directis concepta in secundum casum , *Si heres erit & intracer-*

- tum tempus decesserit , jure fideicommissi sustinetur.* I. 445.b.
 Successionem non infringit capitis diminutio. II. 41.a.
 Successionum ordines. II. 48.b.
 Successio ascendentium. II. 49.b.
 Successio lateralium. II. 52.a.

T

- T**Estamentorum solemnia. I. 363.a.
 Testamentum condere possunt damnati ad mortem. I. 88.b.
 Testamentum coram judice celebratum , vulgo publicum. Remissive. I. 335.a.
 Testamenti duo genera , eorum species & solemnitates externæ. I. 363.a.
 Testandi facultas filiisfam. competit de omnibus bonis. I. 380.b.
 Testamentum cœci ejusque solemnitates. I. 384.a.
 Testamentum in quo filius præteritus est quo pacto rumpatur. I. 389.b.
 Testamentum matris & avi materni in quo filius neposve præteritus est nullum est. II. 402.b.
 Testatus & intestatus pro parte decedere quis valet : pars vacans cognatis ab intestato defertur. I. 416.a.
 Testamentum sine herede subsistit. I. 423.b.
 Testamentum continens substitutionem pupillarem num antecedat an sequatur tabulas paternas non queritur. I. 461.a.
 Testamentum adoptione non rumpitur. I. 457.b.
 Testamenti scripti vis laceratione aut cancellationle extinguitur , etsi protocolum extet. Remissive. I. 458.b.
 Testamentum primum continens clausulam derogatoriam prævalet posteriori : secus si posterius expressam & singularem contineat derogationem derogationis. I. 460.a.
 Testamentorum internæ solemnitates. I. 612.a.
 Testamenta militum. I. 375.b.
 Testamenti sine vitio conspicuo vi ac portestate defertur bonorum possessio ei qui eum coram magistratum profert. II. 434.a.

Te-

- Tenuta seu judicium de possessione majoratus. Remissive. II. 431. a.
 Tempus ad solvendum in utraque actione reali & personali. II. 454. a.
 Thesaurus ceteraque dominum non habentia ad Principem spectant. I. 222. b.
 Tignum jungens bona fide duplum praestare tenetur : qui mala fide quantum domino interest, summâ jurejurando in item firmata. I. 199. b.
 Titt. Inst. Imper. de *adquisit.* per *adrogat.* & de *eo cui libert.* causâ bona *adicunt.* nullius usus. II. 83. b.
 Tit. Inst. Imp. de *stipul.* serv. in desuetudinem abiit. II. 135. b.
 Traditio dominium rei absentis transfert. I. 332. a.
 Traditionis fictæ species. Remissive. *ibid.*
 Tutelæ vel curæ usus invaluit modo quo frequentabatur Romæ. I. 102. a.
 Tutor & curator legitimus quis sit. I. 105. b.
 Tutela parentum. I. 113. b.
 Tutorum assignare quibus magistratibus competit. I. 114. a.
 Tutorum à magistratu dari cum testamentarius impeditur vel renunciat hodiernus unus non patitur. I. 115. b.
 Tute ab hostibus capto locus non est dative tutori. *ibid.*
 Tutorum assignare valent judices pedanei. I. 118. b.
 Tutores inter & curatores non est discrimen. I. 124. b.
 Tutor & curator non differunt: frustra ergo exquiritur num absentiae vel morbo tutoris curator an tutor sit constituedus. I. 133. a.
 Tutoris & curatoris bona tacite sunt pignori obligata. I. 134. a.
 Tutor quæ bona alienare possit. *ibid.*
 Tutor à pupillo nihil emet nisi auctore

- contutore, & cum magna pupilli utilitate. *ibid. b.*
 Tutor fidejussorem præstare tenetur. I. 135. b.
 Tutelæ munus obire non coguntur qui duodecim equas ventris causâ alunt. I. 148. a.
 Tutor qui tutelam gessit non recte se excusat ea de causa ad suscipiendam curram. I. 150. a.
 Tutor remotus ob imperitiam vel segnitiem non fit famosus; aliud plane est si in dolo fuerit deprehensus. I. 156. a.
 Tutori suspecto non admittitur bonorum administratio nisi lite contestata. I. 156. b.

V U

- V**Enia ætatis conceditur à Regia Curia Cameræ. I. 197. b. Olim à Regio Consilio. *ibid.*
 Veetigalium redemptores à tutela & cura excusantur. I. 140. b.
 Venatio & piscatio omnibus permittitur extra quædam tempora; nonnulla vero instrumenta prohibentur. I. 175. a.
 Vis armatæ crimen quibus penitus plectatur. Remissive. II. 464. b.
 Vulgo quæsiti matri succedunt. II. 39. b.
 Ususfructus extraneo cesus transfertur. I. 269. a.
 Usuarius fruitur lacte, caseo, lana & ædibus armenti, I. 277. b.
 Ususfructus dimidiæ bonorum adventitiorum partis tarde retinere potest pater filium è potestate dimittens. I. 235. a.
 Usucaptionis & præscriptionis jus tempus & effecta. I. 283. b.
 Usucaptionis rescisio & rei restitutio uno bello petitur. II. 336. b.
 Uxor in potestatem & tutelam mariti transit totius ferme Europæ usu. I. 151. b.

INDEX

RERUM ET VERBORUM

IN ARNOLDI VINNI COMMENTARIUM.

Ubi numerus Romanus volumen, Arabicus paginam, litera vero *a* priorem consignat, & *b* posteriorem columnam.

- A**
- Cceptilationis definitio à Modestino tradita. II. 250. *b.* alia plenior & plainer. II. 251. *a.*
 - Acceptilatio an species sit stipulationis. *ibid. b.*
 - Acceptilationis & solutionis communia & propria. *ibid.* In forma acceptilationis quæ consideranda. 252. *a.* Materia seu objectum. *ibid. b.*
 - Accessionum genera. I. 191. *b.*
 - Accessionis vice quid cui & quando cedat. I. 192. *a.*
 - Accessionis & specificationis differentia. *ibid.* Domino partis quæ cessit quomodo consularunt. I. 186. *b.*
 - Accrescendi jus quid sit. I. 309. *a.* 522. *b.* In hereditatibus id jus valere ex necessitate. 523. *b.* Deficientium heredum portiones quibus accrescant, & pro qua parte. *ibid. b.* Valere idem jus & in legatis, sed ex sola voluntate testatoris. 523. *b.* Vetus circa jus accrescendi differentia inter genera legatorum. 524. *a.*
 - Accrescendi jus non esse inter legatarios diversarium rerum. I. 525. *a.* Quibus pro qua parte defecta pars collegatarii accrescat. *ibid.* An conjuncti post obitum testatoris mortui pars conjunto accrescat. I. 627. *a.*
 - Accrescendi jus an locum habeat inter conjunctos verbis, *ibid.* An in contractibus. II. 148. *a.*
 - Actio quomodo consideranda quatenus tertium juris objectum constituit. II. 307. *b.* Ex quo jure actiones proficiscantur. 308. *a.*
 - Actionis nouen quam late pateat. *ibid. b.* Quot modis usurpetur à nostris. 308. *b.*
 - Actio in rem cum domino ambulat, eaque tenetur novissime possidens. II. 319. *a.*
 - Actiones in personam nec ex contractu nec ex maleficio. *ibid. b.*
 - Actio rescissoria quibus ex causis à prætore detur; ejusque introducenda occasio. II. 335. *a.*
 - Actio ex stipulatu de dote cur plenior quam rei uxoriæ. II. 373. *b.* Singularia circa illam ex stipulatu à Justiniano constituta. 374. *a.*
 - Actio in rem quid sit, unde nascatur, & cui competat. II. 320. *b.* Quæ petitori in hac actione probanda ad fundam intentio nem, 321. *a.* Petitio hujus actionis propria. 323. *b.*
 - An possessor contra vindicare teneatur. II. 322. *b.*
 - Actio pœnalis nulla in heredem datur, licet ex contractu. II. 415. *a.*
 - Actio de peculio & actio de in rem verso an duæ diversæ actiones. II. 396. *a.*
 - Actio in personam quid cui adversus quem detur. II. 318. *b.* Quid petat, ubi & de formularum diversitate. 319. *a.*
 - Actio præscriptis verbis unde dicta. II. 202. *a.*
 - Actio ex jurejurando qualis. II. 348. *a.* In personam esse quacumque ex causa juratum sit. *ibid. b.* Quod genus jurejurandie pertineat. 348. *a.* Quam ob causam actio ex jurejurando à prætore introducta: cui adversus quem quo effectu detur. *ibid. b.*
 - Actio de partu agnoscendo cui adversus quem quo effectu detur. II. 354. *a.*
 - Actio de jure familiæ inter patrem & filium. Et quid hac ab illa de partu agnoscendo differat. *ibid. b.*
 - Actio Pauliana in personam est. II. 338. *a.* Cui quando detur. *ibid. b.* Quæ concurrere debeant ut huic actioni sit locus, 339. *a.*

- a. Intentio creditorum in actione Pauliana. 340. a. Quandiu ex quo tempore competat. *ibid.*
- A&ctio directa** quot modis dicatur. II. 290. a.
- A&ctio utilis** quid & qua ratione quando à quibus introducatur. *ibid.* Directa actio tam ex sententia legis quam quæ ex verbis: utilis, quæ tanquam ex sententia in factum cui nec oratio, nec sententia convenit. *ibid.* b. Appellatione actionis in factum interdum & utilem significari. 291. a.
- A&ctio de tigno juncto** in duplum datur etiam adversus eum qui junxit bona fide. I. 198. b.
- An exemptione tigni possit evitari dupli præstatio. I. 199. a.
- A&ctio in rem** etiam in loco domicilii possessoris moveri potest. II. 312. a. Non potest institui nisi certus sit possessor. 69. b.
- Actiones rei persecutoriæ** quæ, & quæ poena-les. II. 360. a. Rei persecutoriæ omnes quæ in rem. 412. b. Ex contractu una mixta. *ibid.* Pro poenalibus quæ habeantur, cum à parte actoris poenales non sint. 362. b. An ulla actio plus quam quadruplum persequatur. 364. b. Hodie actiones omnes esse rei persecutorias. II. 367. b.
- Actiones rei persecutoriæ** omnes & heredibus & in heredes dantur. II. 414. a.
- A&ctio** quibus casibus ex contractu non competat in heredem ad quem ex dolo defuncti nihil pervenit. II. 416. a.
- Actiones omnes** iudicio inclusas perpetuari: & quid hic juris hodie. *ibid.* b.
- Actiones populares.** II. 313. a.
- Actiones confessoria** & negatoria non ex figura verborum sed ex sententia & re petita estimandæ. II. 325. a. An haec actiones pro alio jure quam pro servitutibus etiam dentur. 324. b.
- A&ctio negatoria** cur de rebus corporalibus non prodita. II. 327. b. Cur prodita in rebus incorporalibus. 328. a. Cur in rebus corporalibus actio possessori non detur. 329. b.
- Actiones prætoriæ** quæ. II. 330. b. Prudentum non fuit actionem dare. 331. b.
- Actiones mixtas** an tertiam speciem constituant. II. 317. a. An actiones in rem scriptæ. 318. a.
- Actiones poenales**, quibus nihil amplius per sequimur quam quod abest. II. 415. b.
- Cur actiones poenales in heredes non dentur, cum dentur heredibus. *ibid.* b.
- Actiones bonæ fidei** quæ & unde sic dictæ. II. 368. b.
- Actiones stricti juris** quæ et unde sic appellata.
12. 369. b. Harum actionum insignes differentia; & an quæ adhuc maneat. *ibid.*
- Actiones bonæ fidei** nullas esse præter eas quæ à Justiniano recensentur. II. 371. b.
- Actioni hypothecariæ** locus in omni genere pignoris. II. 342. b. Differentia juris veteris & novi circa hanc actionem quando alias, quam debitor pignus possidet. 351. b.
- Actionis de peculio** introducendæ causa. II. 346. b. esse in personam, *ibid.* ex delictis non dari. 347. b.
- Actione de peculio** non consumi obligationem cum filio aut servo contractam. *ibid.* a. Causæ ex quibus servus dominum filius patrem de peculio non obligant. *ibid.* b.
- Actionis de pecunia** constituta introducendæ causa. II. 345. a. Qui quibus ex causis hac actione teneantur. 345. b.
- Actionis hypothecariæ** introducendæ causa. II. 341. a. Qualis sit haec actio, quibus adversus quos quo exitu detur. *ibid.*
- Actionis definitio** competit etiam actioni in rem: item actionibus popularibus &c. II. 313. a.
- Actionum divisio** in rem & in personam unde sumta. II. 314. a.
- Actus** quid sit. I. 242. a.
- Actum** qui habet etiam armenta trahicere potest, *ibid.* & vehiculum agere, *ibid.* & ire sine jumento. *ibid.*
- Ademtio** legatorum quot modis fiat. I. 572. a. A quibus ex rebus conjiciatur res adimenti legati causa alienata sit, necne, I. 535. a. Oppignoratione rei legatae non videri legatum ademtum. *ibid.* b.
- Adeundo** aut pro herede gerendo ut quis heres fiat quartum rerum eum signarum esse oporteat. I. 505. a. Quibus ex rebus in eo, quod geritur animus pro herede gerendi deprehendatur. I. 504. b.
- Aditam** post hereditatem derelinqui non posse. I. 501. b.
- Additionem** & pro herede geritionem duo esse distincta genera adquirendæ hereditatis, nec esse plura. I. 503. b.
- Adolescentes** inviti olim curatores non accipiebant. I. 179. a.
- Adoptati** jus liberorum in familia patris naturalis non habent. I. 397. a. Emancipati à patre adoptivo jus illud beneficio prætoris recuperant. I. 396. b.
- Adoptio** quid, apud quos olim ejus usus. I. 78. a.
- Adoptio** in specie dicta quid sit, & quorum apud quos quomodo fiat. I. 80. a. Quid circa eam novi constituerit Justinianus. *ibid.*
- Adoptio** naturæ imago, & quid inde. I. 83. a.

- Adoptiva filia nec adoptione dissoluta uxor
duci potest. I. 64. a.
- Adoptivorum successio exsoleta. II. 17. b.
- Adrogatio quid sit , & quorum apud quos
quomodo fieri solet. I. 79. b. In adroga-
tione impuberum quæ excutienda. I. 81. a.
- Adrogationis effectus. I. 85. b.
- Adrogator quid , cui caveat. I. 82. a.
- Adrogatori non tantum proprietas sed etiam
possessio adquiritur. II. 78. b.
- Adscriptiū qua conditione sint. I. 32. b.
- Adsec̄tarī cur injuriosum. II. 294. b.
- Assignare libertum quid sit. II. 65. a.
- Ædificia etiam non habitandi causā parata, ur-
bana prædia censerit in materia servitutum.
I. 241. b.
- Ædiles Curules : nomen & procuratio. I. 25. b.
- Æquitas quid & quotuplex. I. 28. b.
- Ærarium quid & quid fiscus. I. 295. b.
- Æstimationis auct̄a commodum & diminut̄a
incommodum ad creditorem pertinet. II.
98. a. cuius temporis in æstimatione ineun-
da hic ratio habeatur. ibid.
- Ætas annor. 25. cur finem afferat curationi. I.
127. b.
- Ætas legitima in matrimonio. I. 59. a.
- Affines qui,& an etiam gradus affinitatis. I. 69. a.
- Affinitatis genera. ibid.
- Affinitatis transversa linea apud veteres Roma-
nos prohibitionem non habuit. I. 70. a.
- Affinitas proprie sponsalibus non contrahitur.
I. 72. b. Nascitur etiam ex illegitima con-
junctione. ibid.
- Agnatorum nomen quot modis usurpetur. II.
23. b.
- Agnatorum successionem cur latius diffundi
placuerit quam cognatorum, II. 46. a. Hoc
discrimen sublatum. ibid. b.
- Agnatorum successio et novo jure cogua-
rum an certo gradu terminetur. II. 47. a.
- Agnatos inter et gentiles , item inter gentem
et familiam quid intersit. I. 103. b.
- Album prætoris: et quale judicium in eum,
qui album corrupit. II. 350. a.
- Alienandi verbum quam late pateat ex senten-
tia legis Julie. I. 319. a.
- Alluvio quid. I. 181. b. Quibus in agris locum
habet. 182. a.
- Alveus desertus primi occupantis fit , si vicini
agri limitati. I. 187. a.
- Alveus an aliquando priori domino restituatur
flumine recedente. ibid.
- Alveus fluminis extra usum publicum existima-
tur pars vicinorum prædiorum , et quid in-
de. I. 186. b.
- Ancilla si cum natis legata sit duo intelligi
legata separata , et æque principalia. I. 542.
- b. Item si servus cum vicariis suis. 543. a.
- Secus si servus cum peculio , aut penu cum
vasis,ibid. aut fundus cum instrumento. ibid.
- Apes omnes naturā feræ. I. 176. a.
- Aqua profluens non idem quod flumen. I.
163. b.
- Aquæductus quid , quomodo aqua ducatur, et
unde ducere licet. I. 243. b.
- Aquæ et ignis interdictionis origo et causa.
I. 107. a. In locum hujus poenæ successit
deportatio. ibid. b.
- Arbitriæ actiones an tertiam speciem actio-
num constituant. II. 317. a. Ex quo sit,
quod actio de eo quod certo loco arbitra-
ria. ibid. b. Ceterarum arbitrariarum natu-
ra et ratio nominis. ibid. In ea quod certo
loco una sententiā rem transigi. 322. a. In
illis duplice intervenerunt sententiam. ibid.
- Arbitrariarum et bona fidei discrimen. II.
380. a.
- Arbitratores quos vocant Judices non esse.
II. 316. a.
- Arbitri et Judicis nomina quam diversimode
accipiuntur. II. 315. a.
- Arboris transplantatæ proprietas post coalitio-
nem ita immutatur ut ne eruta quidem ad
priorem dominum revertatur. I. 203. b.
- Priori domino quomodo consulatur de pre-
tio plantatæ. ibid.
- Area legata si domus imposita sit , superfi-
cierum simul cum solo deberi. I. 545. a.
- Arrha datur vel ut symbolum vel ut sit pars
pretii : et effecta utriusque. II. 185. b.
- Assis ejusque partium usus quam frequens , et
quibus in rebus fuerit. I. 409. b.
- Asyli jus non esse dandum sicariis , raptoris-
bus cet. I. 51. b.
- Attentatio pudicitiae cur injuriosæ. II. 295. a.
- Auctoritatis verbum quam varie usurpetur , et
quid eo in XII. tabb. significetur. I. 281. a.
- Auctoritate propria nemo potest quod sibi de-
betur occupare. II. 310. a.
- B
- Beneficium competentiæ quibus quas ob-
causas datur. I. 387. b. Quale sit hoc be-
neficium, personæ an rei cohærens. I. 390. b.
- Beneficium ordinis , vide Ordinis.
- Beneficium divisionis quale sit et quibus com-
petat. II. 170. a. Conditiones sub quibus
conceditur. 171. a.
- Bonorum possessio contra tabulas etiam suis
heredibus proposita. II. 14. b. Ad bono-
rum possessionem contra tabulas difficilis
quem

- quem admetti quam ab intestato. I. 15. a.
Bonorum possessio contra tabulas quo sensu dicitur esse ex testamento. II. 70. a. Cur ea primo loco edicti proposita. *ibid. b.*
Bonorum possessio *unde liberi* quo colore emancipatis deferatur. II. 12. a. Ad bonorum possessionem *unde liberi* non vocantur qui à patre emancipati se adrogandos dererunt. I. 13. a.
Bonorum posses. edictalis decretalis. II. 74. b.
Bonorum possessio *unde vir & uxor* sola hodie necessaria. II. 73. a.
Bonorum possessiones quæ juris civilis confirmandi gratiâ introductæ. II. 67. b.
Bonorum possessores vi ipsa heredes esse, & jure prætorio dominium rerum singularum consequi. II. 68. b.
Bonorum possessores an heredes efficiantur, qui jure civili succedere possint, si malint honorario. *ibid. a.*
Bonorum possessio quid, II. 66. Ex bonis quæ dicantur. 66. a.
- C
- C**anones observandi circa materiam stipulationum. II. 139. b.
Capacitas heredis instituti quibus temporibus inspicienda. I. 497. b. Non satis subtiliter tempus adeundæ hereditatis in consideranda capacitate constitui terminum disjunctum à tempore mortis. I. 498. a.
Captatoria institutio quæ veteribus dicta. I. 418. a.
Casus fortuitus quid. II. 102. b. In nullo contractu præstatur. *ibid.* Periculi appellatione non semper casus venit. *ibid.* Inter casus fortuitos non numerantur qui cum culpa conjuncti esse solent. II. 104. a. Regula de casibus fortuitis non præstandis quando cesseret. *ibid. b.*
Casus fortuiti exclusio non pretinus inducit præstationem culpæ levissimæ. II. 210. a.
Causa legandi, etsi falsa sit, legato non nocet, nisi in futurum collata; & quare. I. 565. a. Insigne hujus regulae temperamenti. *ibid. b.*
Causarum duarum lucrativarum in eandem rem & personam concursus est species liberationis. Et quod ea pertineat. I. 520. b.
Causæ cognitio quid & quibus in rebus consistat. II. 451. a.
Cautio fructuaria à testatore remitti non potest, ab herede potest. Et quid si fructuarius propter inopiam fidejussores invenire non possit. I. 258. b.
Cautio quasi fructuaria an sit de substantia usus-fructus. I. 264. a. Partes hujus cautionis. *ibid. b.*
- Cautiones & confessiones debiti inutiles. II. 176. a. Quæ cautions ad probationem tantum valeant. *ibid. b.*
Cautionem pecuniae creditæ post biennium valere ad obligationem, antea ne ad probationem quidem. *ibid.* A quo tempore biennium currat. 180. a.
Cenotaphium an religiosum. I. 169. a.
Ceram quod pro tabulis Veteres dixerint unde sit. I. 360. b.
Civilis disciplina, *vide Justitia.*
Codicilli quid & unde dicti. I. 606. a. Jure codicillorum non valere voluntatem in hoc paratam ut testamentum sit, nisi adjecta sit clausula codicillaris. I. 608. b.
Codicilli quicunque & quocumque tempore à testatore facti jus testamenti sequuntur. I. 609. a. Differentia inter codicillos confirmatos & non confirmatos: quæ hodie sublata. *ibid.* Quatenus ex his quæ testamento cauta codicillis mutare quid licet. *ibid. b.* Codicilli ante testamentum facti non intelliguntur testamento revocati, nisi appareat testatorum à priore illa voluntate recessisse. *ibid.*
Codicillis hereditas nec dari nec adimi potest, nec si testamento confirmatis. I. 610. a. Neque conditio heredi instituto adjici neque detrahi. 611. a. Per fideicommissum hereditatem codicillis recte dari & adimi. 610. b.
Codicillos in captivitate factos ab eo qui in civitate testamentum fecerat, eo reverso convalescere. I. 384. b.
Codicilli unius hominis etiam plures esse possunt. I. 611. a.
Codicilli non sunt sine aliqua solemnitate ordinationis. *ibid. b.* An mulier in codicillis recte testis adhibeatur. *ibid.*
Cognatio servitute amissa manumissione non recipietur. I. 109. b.
Cognitionis genera. I. 63. a.
Cognitiones prætoriæ & extraordinariæ. II. 311. a.
Colonus, *vide Fructuarius.*
Comitiorum genera obiter exposita, & ostensum quibus comitiis testamenta fieri solita. I. 338. b.
Commixtio quid proprie, ejus eff. Etus. I. 196. a. Mixtionis pecorum & frumentorum comparatio. *ibid. b.*
Commodare quid sit, & quid commodatum differat à precario. II. 102. a.
Commodatum proprie nullum nisi gratuitum. II. 108. a.
Commodatum & mutuum in quo differant. II. 103. a.

- Communi dividendo inter quos qua de re agatur. II. 363. b.
- Communio inter aliquos constituta quarum rerum obligationem pariat. II. 239. b. In iudicio communi dividendo quæ culpa veniat. 240. a.
- Compensatio quid sit. II. 375. b. & 389. a. Non liquidi ad liquidum cur non admissa compensatio & quid causa liquida. 375. a.
- Compensatione ipso jure actiones minui, quid hoc, quæ inde utilitas &c, ibid. Rerum tantum consumtibilium esse compensationem. 376. a.
- Condicere quid sit Veteribus, & cur inde actio in personam dicta conditio. II. 358. b. Pro veteri condicione quid postea institutum. 359. b.
- Conditio certi una ne sit & generalis, an duplex. II. 100. b.
- Conditio furtiva non tantum in odium furis sed etiam in commodum domini introducta. II. 356. b. Difficile expeditu quomodo furti res condici possit. ibid.
- Conditio furtiva & actio rerum amatorum contra heredes etiam in solidum dantur. II. 414. a.
- Conditio & modus qua in re convenient & discrepant. I. 566. a.
- Conditio impossibilis non vitiat voluntates. I. 421. a. Conventiones contra, ibid. Impossibili conditioni siivilis est turpis. ibid. b.
- Conditio hæc, Si beres non erit, continet & casum impotentia & noluntatis. I. 416. a. Diversimode accipitur pro conditione instituti. ibid.
- Conditio quid sit & quotuplex, tunc quæ conditiones inutilem stipulationem ab initio faciant. II. 122. a. Etiam promissiones quibus tacite conditio inest pro conditionibus esse. ibid. In conditionibus arbitrariis quid juris. ibid.
- Conditione peudente nihil debiri, & quid inde. II. 123. b. Insigne discrimen circa stipulationes & legata conditionalia. ibid. a. An idem & conditionibus arbitrariis. 124. b.
- Conditiones ad præsens vel præteritum tempus relatas vim conditionis non habere, & quare. II. 125. b.
- Conductor regulariter levem dumtaxat culpam præstat. II. 209. b.
- Confusio & commixtio quomodo differant cum signate loquimur. I. 194. a.
- Confusionis effectum, & quarum rerum, quomodo confusio facta communionem pariat. ibid. In confusione fortuita quid juris. I.
195. a. Quid si unus è dominis confuderit altero ignorante. ibid.
- Conjuncti & disjuncti singuli recte & totum habere dicuntur & partem diversa consideratione. I. 525. b. Partem ab initio facere quid sit. 526. a. An partem faciat qui testamenti tempore mortuus aut incapax. 527. a.
- Conjunctorum genera exposita. I. 524. a. Disjuncti qui passim dicuntur eos & ipsos vere conjunctos esse. ibid.
- Consanguinei qui nostris; & unde sic appellentur. II. 14. a.
- Consanguinitas quando ab agnatione distinguiri & quam ob causam coepit. II. 26. a.
- Consanguinitatis prærogativa sublata. II. 24. a.
- Consensus quibus modis declaretur. II. 181. b.
- Obligatio ex consensu pinguior quam verborum. ibid. b.
- Consensus in matrimonio liber esse debet. 60. a.
- Consensus parentum, & quorum, quibus libris necessarius. ibid. Præcedere debet nec ratihabitioni hic locus. 61. a.
- Constituti & fidejussionis convenientia & dissimilitudo. II. 173. b. & 345. b.
- Constitutionum genera. I. 22. b.
- Constitutiones personales quotuplices, & quæ singularum vis. I. 23. a. & 24. a.
- Consuetudo quanto tempore, quot actibus & qualibus introducatur. I. 27. b. An hic opus scientia superioris. ibid.
- Contractus quid & quotuplex. II. 91. b.
- Contractus μοροπλευρι, διπλευρι, & medii generis. II. 102. b.
- Contractus an in testamento aut inter testandum celebrari queant. I. 345. b.
- Conventio, pactio sive pactum, in genere quid & quotuplex. II. 91. b.
- Convitum quid. II. 293. a. An veritas convitii excusat. ibid. An præfatio honoris, ibid. b.
- Correus qui totum solvit an eo nomine aduersus alios actionem habeat. II. 138. a.
- Correi plures debendi aut credendi etiam circa stipulationem constituvi possunt. ibid. b.
- Cretio nihil aliud olim fuit quam solemnis aditio hereditatis. I. 504. a.
- Crimen pro criminatione. I. 152. a.
- Culpa quid & quotuplex. Plenius quam vulgo. II. 104. b.
- Culpa levissima. II. 105. b. Lata culpa in omnibus contractibus præstatur & dolo comparatur. 104. b. Qui contractus dolum tantum recipiant, qui item culpam & diligentiam. 106. b.

Culpæ genera obiter distincta.

I. 155. a.

rendi modi.

ibid. b.

Dominorum vetus discriminæ, ejusque sublatione.

I. 226. b.

Donaria.

I. 167. a.

Donatio inter vivos absoluta est juris gentium. I. 296. a. Sitne donatio modus adquirendi an titulus.

I. 297. a.

Donatio propria quid sit, & quid improoria. ibid. Unde æstimandum an donatio facta sit mortis causâ. I. 298. b. Convenientia mortis causâ donationis cum legatis. I. 299. b. Discrepancia.

I. 300. a.

Donatio inter vivos quomodo perficiatur. I. 301. b. An ex quovis pacto donationis causa interposito actio nascatur. 302. b. An simplex factum donationis pariat actionem in rem. ibid. Quæ donationes insinuationem non desiderant. 304. a. Revocandi donationem qui, quibus ex causis jus habeant: & an inter causas etiam liberorum supervenientia.

ibid. b.

Donations inter sponsum & sponsam quo sensu dicantur Veteribus incognitæ. I. 306. a. Quid circa has constitutum.

ibid. b.

Dotalis rei maritus verus jususque dominus est. I. 311. b. Potest res mobiles, omnesque res æstimato in dotem datas alignare. 310. b. Cur dotalis prædii oppigneratio arctius prohibita quam alienatio. 313. b. Dotis repetitio olim cui, & qua ratione, & quid jam.

613. a.

Dupondio expleto quantum sine parte scriptus habere debeat, uti Hotomanni error notabilis.

I. 414. b.

De dotis æqualitate constitutio Justiniani repudiata.

I. 308. a.

E

E dictum perpetuum quid, & quid tempore.

II. 350. b.

Edictum successorium.

II. 8. a.

Emancipandi ratio vetus.

I. 91. b.

Emancipare idem quod mancipare. I. 341. a. Cur in omni mancipatione quinque testes adhibiti. Quæstio curiosa.

I. 342. b.

Emancipati cur capite minui dicantur, & an capite minui desierint.

I. 108. a.

Emancipati ab adrogatione vivo patre naturali jus liberorum recuperant; securi si post mortem ejus: & quid hic respectu patris adoptivi.

II. 13. b.

Emancipati ab adrogatione post mortem patris naturalis admittuntur ut cognati, non ut liberi.

ibid.

Emancipati sub colore quodam suitatis ad bonorum possessionem à prætore vocantur.

I.

395.

D

Damnum injuria datum. II. 282. a. Actione legis Aquiliae de damno dato qui tenentur, aut non teneantur. 284. a. Caput tertium legis Aquiliae declaratur variis exemplis.

288. b.

Deditio quo jure fuerint.

I. 42. b.

Defensio sui adversus vim illatam à natura est.

I. 14. a.

Delegatio quid & quomodo fiat.

II. 255. a.

Ad delegationem non pertinet lex ult. c. de novar.

257. a.

Deliberandi jus quorum causâ & cuius rei gratia comparatum, quis ejus effectus, & quid hic de suo contulerit Justinianus. I. 500. b. Etiam suos heredes jure prætorio deliberandi facultatem habere.

I. 501. a.

Delictum quid & quotuplex.

II. 259. a. an species οὐαλλάγματος.

II. 90. b.

Demonstratio falsa non vltiat legatum, nisi præterea quid aliud obstet legato.

I. 563. b.

Deportationis & relegationis differentia.

I. 87. b.

Depositum quid sit, & an etiam consistat in re immobili.

II. 108. a.

Depositarius ad quid teneatur.

II. 109. a.

Dies utiles & continuui.

II. 76. b.

Dies incertus quando conditionem faciat in contractibus, & quid hic intersit inter legata & stipulationem.

II. 117. b.

Quid si dies apponatur finienda obligationis causâ.

118. a.

Effectus obligationis in diem.

ibid.

Efficientia diei adjecti in modum termini ad quem.

120. a.

Quibus rebus differat stipulatio in singulos annos à simili legato.

121. a.

Dies certus institutioni appositus pro supervacuo habetur.

419. a.

Dies omnis incertus conditionem in testamento facit.

ibid. b.

Dies coepitus pro completo quando habeatur, & contra.

I. 127. b.

Directæ actiones an salvæ maneant adversus adrogatum.

II. 79. b.

Dispositioni §. ult. Inst. de fideic. bered. quando locus.

I. 600. b.

Glossema in fine text. d.

§. observatum.

601. b.

Divisionis beneficium non habere plures unius tutoris fidejussores: at ex persona plurium tutorum actionem dividi.

I. 135. a.

Dolus quid. II. 103. a. Præstatur in omnibus contractibus.

ibid.

Dominium quid, & quam large ea vox sumatur.

I. 172. a.

Dominii jure gendum adqui-

395. *a.* Absurdum non esse quod filii emancipatae jure prætorio meliore conditio ne fuerint quam filii non emancipati jure civili. *ibid. b.*
- Emandare actionem quid sit, & quid mutare. *II. 386. a.* Quamdiu emendare aut mutare actionem licet. *ibid. b.*
- Emphyteuticus contractus. *II. 204. b.* Jus emphyteuticum non ex tempore estimari, sed ex eo quod actum est. *205. a.* Solo consensu jus emphyteuticum non transferri. *ibid. b.* Præstatio canonis hujus contractus pars essentialis. Quanto tempore canone non soluto emphyteuta jure suo cadit: & alia in foro agitata. *ibid.* Qua conditione emphyteuta jus suum vendere aut aliter alienare possit. *206. a.* Contractum emphyteuticum esse vetustissimum, & quid à Zenone accepterit. *ibid.*
- Emphyteuticus contractus & census modo differant. *II. 207. a.* An ad substantiam contractus emphyteutici scriptura necessaria. *206. b.* An emphyteuta in casu insolite sterilitatis remissio canonis præstanda. *207. b.*
- Emissio. *II. 181. b.* Quando emissio perfecta intelligatur. *II. 183. a. et 194. a.*
- Emissione perfecta sine communi consensu reddi non posse, licet arrha intervenient. *II. 187. a.* Quando res in hoc contractu designat esse integra. *186. a.* Quando inter contrahentes actum intelligatur ut contractus in scriptis fiat. *ibid. b.* Quando negotium quod scripturâ fieri placuit pro perfecto habebatur. *187. a.*
- Emissio et permutatio, ac pretium. *II. 191. a.*
- Emissionis substantia ex pretio consistit; & quid inde. *II. 188. b.* Quid si pretium alieno arbitrio permissum. *189. b.* Arbitratoris manifesta iniquitas corrigi potest officio judicis. *190. a.*
- Error consensui quando obstet aut non obstat. *II. 164. b.* Quid si non in ipso corpore sed in materia erratum. *165. a.*
- Error matrimonium vitians aut non vitians. *I. 59. b.*
- Exceptio quid; & unde dicta. *II. 417. a.* Exceptio in factum qualis; & unde. *419. b.*
- Exceptiones perpetuae & temporales. *422. b.*
- a.* Exceptio excussionis an dilatoria. *424. a.* Exceptio dilatoria propter diem initio obligationi adjectum. *ibid.* Exceptio dolicur perpetua, cur actio de dolo temporalis. *423. a.* Exceptio divisionis. *171. a. & ordinis.* *ibid.*
- Exceptio non numerata pecuniae frustra post biennium objicitur, etiamsi debitor probare paratus sit pecuniam sibi numeratam non esse. *II. 478. b.*
- Exceptio lesionis ex causa ætatis, qualis. *II. 430. a.*
- Exceptio procuratoria quotuplex. *II. 425. a.* solutionis. *247. a.*
- Exceptiones in strictis judiciis que contestandæ. *II. 425. b.*
- Exceptiones juris etiam non contestatas usque ad sententiam allegari posse. *II. 426. b.*
- Exceptiones, que ad alios transeunt, aut non transeunt. *II. 429. a.*
- Exceptioni cedendarum actionum quando locus. *II. 171. b.*
- Exceptionis dilatoria genera ratione objecti. *II. 424. b.*
- Exceptionum peremptoriarum usus in bona fidei judicis. *II. 425. b.*
- Exceptionum dilatarum usus. *II. 426. b.* Quibus exceptionibus uti licet etiam in exceptione rei judicata. *ibid.*
- Excusatio tutorum intra quod tempus propoundeda & contestanda. *I. 149. a.*
- Exercitoria actio & institoria cui adversus quem qua de re detur. *II. 392. b.* Si plures exerceant singulos in solidum teneri, *393. b.* Cum magistro & institore etiam directo agi posse. *ibid. a.*
- Exercitores non habent actionem adversus contrahentes cum magistro. *II. 394. a.* In contractibus cum præpositis ineundis diligenter observanda lex præpositionis. *ibid.*
- Exheredare propriæ quid sit. *I. 386. a.*
- Exhereditationis forma alia atque apud Veteres, ratione sexus & gradus liberorum, prout nati aut adhuc nascituri. *I. 398. a.* Novo jure in omnibus forma exhereditationis eadem. *I. 399. b. &c.* jura autem suorum & emancipatorum minime confusa. *ibid. a.*
- Exhereditatio an extinguat jus suitatis. *I. 448. a.*
- Exhereditationem recte fieri etiam ob causas non expressas Novellæ 115. modo que graves, aut graviores. *472. b.* An si exhereditatio facta sit sine elogio testamentum hodie sit ipso jure nullum. *I. 473. b.*
- Exhereditationis vim etiam jure novissimo habet præteritio matris. *474. a.* Ubi contraria repelluntur. *ibid. b.*
- Expromissor quid à fidejussore differat. *II. 228. b.*
- Extranei heredes quotuplici sensu dicuntur. *I. 486. a.*
- Extraneus manumissor quis dicatur. *II. 70. b.*

- F**Acere posse quid sit, & quid illud reo tribuat. II. 390. a. Quibus rebus deducetis id aestimetur. *ibid.*
- Faciendi obligatio cur incerta. II. 126. b. Quid quando ex ea peti possit. 127. a.
- Facta nuda & simplicia separanda ab iis quae in rei alicujus præstatione consistunt. *ibid.*
- Factum alienum qui promittit cur nec se nec alium obliget. II. 144. a.
- Falcidiae legis ferendæ occasio. I. 575. a.
- Falcidiae appellatione Veteres & quartam Senatusconsulti intelligunt. I. 461. a.
- Falcidiae legis virtus ad quæ vel statim vel sensim producta. I. 577. a. Ratio legis Falcidiae quando in portionibus defectis habetur. 578. b. Circa deductionem Falcidiae in quantitate patrimonii exquirenda mortis tempus spectari. 579. b. Quæ in bonis defuncti numerentur cum de Falcidiae quæstio est. 581. a. An heres quod sibi à defuncto debetur deducat. *ibid.* Quibus casibus Falcidiae cesseret. *ibid. b.*
- Familia erciscundæ judicium inter quos reddatur & quid contineat. II. 363. b.
- Familia emtor fiduciarius cur olim à testimo-
nio testamentario remotus, heres admissus. I. 356. b.
- Famosa judicia civilia ex delicto aliquo con-
ditione concurrente. II. 446. b. Ex contractu
judicia famosa. 447. a. Cur non omnia ju-
dicia bonæ fid. famosa. *ibid. a.*
- Famosam non esse actionem quod metus cau-
sa, nec interdicta neque conditio[n]es. *ibid.*
- Famosi libelli quam varia poena. II. 294. a.
Si inventor auctorem indicaverit. *ibid.* Po-
næ legis un. C. de famos. libell. quando lo-
cus. *ibid.*
- Fera non vulnerantis sed occupantis fit. I.
174. b.
- Ferum animal sit an mansuetum unde aesti-
mandum. I. 173. b. Feras etiam in alieno
fundo captas fieri capientum. *ibid.*
- Fideicomissa quandoque induci sine verbis
fideicommissorum propriis. I. 461. b.
- Fideicomissa vim obligandi non habuisse ante
tempora Augusti. I. 583. b. De fidei-
commissis extra ordinem jus dici solitum.
I. 586. b. & quorum ea jurisdictio. *ibid.*
- Fideicommissaria hereditatis petitio an recte
numeretur inter actiones prætorias. II. 433. a.
- Fideicommissum etiam ex certo die recte dari.
I. 587. a. Recte relinquendi etiam ab heredibus
legitimis & honorariis. 599. a. An fidei-
commissum à legitimo herede relictum suc-
Tom. II.
- cessione propter repudiationem primi gradus
agnati ad sequentem devoluta debeatur. *ibid.*
- Fideicommissum hereditatis quis cui à quo
recte relinquat. I. 186. b.
- Fideicommissorum natura laxior quam legato-
rum, & quibus in rebus. I. 513. a.
- Fidejussor idem qui & adpromissor. II. 166. b.
- Fidejussoris obligatio est accesso principalis.
ibid. a.
- Fidejussor pro omni obligatione recte interve-
nit, excepta causâ dotis. II. 167. b. etiam
pro obligatione ex delicto quando civili-
ter agitur. 168. a. Quatenus in criminali-
bus recipiatur. *ibid.* Pro qua obligatione
naturali interveniens obligetur. *ibid.* Quid
si obligatio sit mere civilis. *ibid. b.* Circa
obligationem plurium fidejussorum nihil
mutatum jure *Novelle* 99. II. 170. a. Obliga-
tio plurium fid. jussorum non dividitur ipso
jure, sed ope exceptionis. 171. a.
- Fidejussor intensive obligari potest, extensive
non potest. II. 172. b. Acceptus in majo-
rem quantitatem quam debetur ne in de-
bitam quidem obligatur. 173. a.
- Fiducia Veteribus pignus, & proprie hypo-
theca. II. 343. b.
- Filiofam. herede instituto repudiante utrum
pater an substitutus admittendus. I. 431.
- a. Pleraque alia ejusdem generis quæstiones
obiter excussæ. I. 432. a.
- Filiorum appellatione an contineantur postu-
mi, nepotes, filiæ. I. 102. a.
- Filiusfam. Quando heredem ab intestato habe-
re coepit. II. 32. a.
- Filiusfam. in publicis causis non sequitur jus
patris. I. 99. a.
- Filiusfam. ne de iis quidem bonis testari pot-
test, quorum fructus patri non queritur. I.
379. a. An his codicillos facere, aut mor-
tis causâ hæc donare sine consensu patris. I.
380. a.
- Finium regundorum inter quos cujus rei gra-
tiæ agatur. II. 364. a.
- Fœminæ agnatæ non consanguineæ quo ordine
vocentur à prætore. II. 26. b.
- Formule in actionibus in personam usitatæ; &
quali locus cum agitur ex obligatione fa-
ciendi. II. 320. a.
- Forum commune esse locum domicilii. II.
311. b.
- Forum proprium quæ tribuant. II. 312. a.
- Fratres germani & uterini. II. 28. b. & 29. a.
- Fratrum filii quando soli exstant utrum here-
ditatem in capita an in stirpes dividant. II.
50. a.

- Fructuaria re locata quid juris circa pensiones.
I. 215. b.
- Fructuari onera. I. 218. a.
- Fructuario quid tribuat tum jus utendi tum fruendi. I. 256. b.
- Fructuarius an possideat. I. 329. b.
- Fructuarius potest jus quod habet alteri locare vendere &c. I. 274. b.
- Fructuarius & colonus in quo discrepant aut convenient. I. 216. a.
- Fructus quid & quotuplex. I. 208. b. Quando fructus percepti intelligentur. I. 209. a.
- Fructus non sunt fructuarii nisi ipse eos perceperit. I. 215. a.
- Fructus percipiendi jus non transire ad heredem fructuarii, licet majore parte anni ususfructus steterit. ibid. b.
- Frumentum ex spicis alienis excussum manet ejus cuius spicæ sunt I. 190. b. Quid de vino & oleo &c. expresso. ibid.
- Furem non esse nisi qui fraudulenter rem alienam contrectet. II. 260. b. Non item qui non lucrandi animo. 261. a. Quid si urgente fame esculenta ablata. ibid.
- Furiosus à mente capto quid distet. I. 132. b.
- Furta quam varie apud varios multata. II. 265. a. Non pugnare cum justitia attributrice quod interdum morte puniantur. 266. a.
- Furti actio quibus competat. II. 272. b. civilis an concurrat cum criminali. 277. a. etymon. 262. a. Inquirendi ratio vetus. 264. b.
- Furtiva conditione an heres furis teneatur in solidum. II. 278. a.
- Furtorum domesticorum coercitio vetus & moderna. II. 272. a. Genera. 263. a.
- Furtum manifestum. ibid. a. nec manifestum. ibid. b.
- Furtum non fieri sine contrectatione: & quid inde: tum quis contrectare dicatur. II. 260. b. Fieri non intelligi nisi sit qui possideat. 261. a. per se & naturâ turpe esse. ibid. b.
- Furtum aliquo casu facere non videri qui sciens rem alienam vendit. I. 268. b.
- Furti actio datur ob gallinam surreptam. I. 178. b.

G

Genus quid sit prudentibus, quid species. Generis legatum quando valeat. I. 550. a. Ubi utile est generis legatum, regulariter electionem esse legatarii. 551. a. Vetus inter genera legatorum circa potestatem eligendi differentia. ibid. An istius differentia adhuc ratio habenda. ibid. b. Quibus casibus electione sit heraldis ubi testator id non expressit. ibid. Electionem non usquequaque es-

- se liberam. I. 552. a.
- Generationis vis foeminis citius incipit, quam in maribus. I. 124. a.
- Gradus herendum ex serie successionis testatrix factæ estimandos. I. 425. b.
- Graduum cognationis distinctionem cur nosse opporteat, & cur seriem cognationum Juris consulti gradus vocent. II. 52. b.
- Graduum dimunerationis discriminem inter jus civile & canonicum. I. 67. b. Qua serie Gradus numerentur. II. 53. a.
- Grege legato, etiamsi unica ovis tantum persistit eam legato cedere: & cur non idem in legato usufructu gregis. I. 544. a.

H

- H**abitatio quid. I. 277. b. Habitatio tam vendi, quam locari potest. I. 278. b.
- Heres unde dictus. I. 505. b.
- Heredes omnes apud nos voluntarii. I. 470. b.
- Hereditas proprie quid sit I. 333. a. & 238. b. quibus modis deferatur. I. 333. b.
- Hereditas jacens diversa consideratione recte dicitur representare personam defuncti, & personam heredis. I. 407. b.
- Hereditas in quibus personæ vice fungi non potest. 333. a.
- Heres quasi obligatur legatariis fideicommissariis creditoribus non item. II. 240. b.
- Heres à legatariis cogi non potest ut adeat. I. 580. a.
- Hereditas in tot partes distribui potest quot testator voluerit. I. 410. a.
- Hereditatem olim qui & in quantum capere non poterint. I. 403. a. Qui & in quantum hodie heredes institui non possint. ibid. b.
- Hostem occidere an liceat postquam captus est. I. 34. b.
- Hostium res Veteribus eodem loco fuerunt quo res nullius. I. 179. a. Ager ex hostibus captus cur publicus fiat. ibid. b. & quid de mobilibus, tum olim, tum hodie. ibid.
- Hypotheca, vide Fiducia.
- Hypothecaria nomen commune, vide Pignoratitia.
- Hypothecaria legatariis à Justiniano primum data: item qua de re aduersus quos ea competit. I. 511. a.

I

- I**N impensas condemnandas victus victori & si non petitas. II. 445. a.
- Imperativa verba interdum vim habere precatiorum. I. 606. a.
- De impuberis delicto. II. 276. a.
- Impuber pubertati proximus an obligetur naturaliter sine tutoris auctoritate contrahens. II.

- II. 155. a. Cur non obligetur auctore patre. I. 428. a.
 156. b.
- In jure, & in judicio fieri diversa Veteribus. II. 310. a.
- Incertæ personæ cur olim non recte legaretur. I. 556. b. Cur tale legatum solutum per errorem repeti non potuerit. I. 558. a.
- Indebiti soluti condicō ut competitat quæ requirantur. II. 241. a. An error juris repetitione semper obsteret. 242. a. Obligatio indebiti per errorem soluti sitne ex vero an quasi ex contractu. 243. a. Causæ ex quibus indebitum errore solutum non repetitur, & cur id placeat. 244. a.
- Individuum quot modis dicatur. I. 55. a.
- Individuae vitæ consuetudo. ibid. b.
- Infans quamdiu quis habeatur, & gradus etatis pupillaris. II. 154. a. Infantæ proximus. ibid.
- Proxiimi pubertati, & an hi naturaliter si ne tutoe obligentur. II. 155. a.
- Ingenui quinam Veteribus & postea dicti; & quid proprie vox Ingenuus. I. 38. a.
- Ingenuitatis inter quos vertatur quæstio. II. 354. a.
- Injuria re quot modis fiat. II. 252. b. Injuriam factam an verbis liceat repellere. II. 293. b.
- Injuriā remissa adhuc peti posse impensas &c. II. 302. a. Cur dissimulatione injuria aboleatur, ibid. An idem obtineat in reali injuria, ibid. plures species tacitæ remissionis, ibid. In actione injuriarum annus utilis an continuus, & ex quo tempore currat, ibid. b. Actio injuriarum ex lege Cornelii perpetua, ibid. Levis & atrox injuria unde estimetur. 299. b.
- Injuriæ quæ poena ex lege XII. tabb. II. 297. b. Quæ ex edicto prætoris, 298. b. Ex lege Cornelii, 299. a. Actionem injuriæ ad palinodiam civilem esse, non criminalem, 300. b. In actione criminali poenam extra ordinem constitui civili electa hanc consumi, & contra, ibid. Civiliter conventus actione injuriarum qua ratione infamiam effugiat. 301. a.
- Injuriarum actio cur nec in heredem nec heredi detur. II. 415. b.
- In jus vocatio an pars judicii : effecta in jus vocationis. II. 448. b.
- In jus vocare quid sit, & quid citare. II. 449. b.
- Instituti sine partibus ex æquis partibus succidunt, quanvis testamento non facto inæqualiter successuri fuissent. I. 413. b.
- Instituti ex imparibus partibus, atque invi-
- cem substituti. I. 428. a.
- Institutio servi alieni sustinetur ex persona domini proprii ex consequentia libertatis, I. 404. a. Quid juris in servo communi ab uno è dominis herede instituto, ibid. b. Quid si servus heres institutus sit à fructuario. I. 405. b.
- Institutionem heredis multorum moribus ad subs tantiam testamenti non desiderari. I. 423. a.
- Institutus ex certa parte hereditatis vel ex certa re, quod bonorum omnium heres fiat id esse ex subtilitate juris. I. 410. a.
- Insula in mari cur raro nascatur. I. 183. b.
- Cur frequenter in flumine, 184. b. In flumine nata est vicinorum possessorum, ibid. b. non proprietate tantum sed etiam usu. 185. a. Pro qua parte cuique vicinorum adquiratur, ibid. quo jure. ibid. b.
- Interdicta cur potissimum de possessione proposita. II. 431. a. Quæ interdicta causam proprietatis ac quasi contineant. ibid.
- Interdicta retinendæ & recuperandæ possessionis etiam fructuario dari. II. 437. b.
- Interdicta adipiscendæ possessionis. II. 433. a.
- Interdictorum divisio à forma, II. 431. b. Ut possideris & Utrubi vetus differetnia ejusque sublatio : tum quid hic jus Canon. & mores hodierni. II. 436. a.
- Interdictum quid sit juxta veterem formulam, & quid hodie. II. 430. b.
- Interdictum quorum bonorum cui adversus quem competit : cui bono comparatum. II. 433. a.
- Interdictum Salvianum adversus quos detur. II. 434. a. Affine huic interdicto remedium actio Serviana, & cur interdicto experiri utilius. ibid. b.
- Interdictum Unde vi quatenus Canonibus extensem: & de remedio Can. Redintegranda; II. 441. a.
- Interdictum Unde vi quibus quarum rerum nomine detur. II. 440. a.
- Interesse qua ratione incertum. II. 128. a.
- Interrogationis & responsionis congruentia unde estimanda. II. 149. b. Quid juris si diversitas versetur circa rem aut quantitatem, ibid. Quid si circa qualitatem. 150. a.
- Intestabiles qui dicantur: & an aliquam habent testamenti factionem. I. 351. a.
- Intestato filio mortuo peculium castrense quando & quo jure ad patrem pertineat. I. 378. a.
- Intestatus quis dicatur: & an ea appellatio etiam ad pupillum furiosum &c. pertineat. II.

- II. 2. a. Successioni ab intestato quando locus testamento irrito factō. *ibid. b.*
- Inventarii beneficium. I. 502. a. Ejus neglegēti poena. *ibid.*
- Inventario non confecto an heres amittat quartam Trebelliani; & an testator hujus quartæ deductionem prohibere possit. I. 594. b.
- Inventio species occupationis. I. 180. a.
- Inundatio quid proprie, & quæ ejus vis. I. 187. b.
- Irrita fieri quando dicantur testamenta. I. 463. a.
- Iter quid sit, quid eo contineatur. I. 241. b.
- Judex secundum conscientiam, an secundum acta & probata judicare debeat. II. 452. a.
- Judex per imperitiam male judicans cur non æque ex delicto obligetur, ac medicus male curans; & circa hoc mores hodierni. II. 303. b. De dolo. 304. a.
- Judex per se non competens potest ex accidenti competens fieri, & quibus ex causis. II. 312. b.
- Judicis & arbitri nomina quam varie accipiuntur. II. 315. a.
- Judices omnes secundum leges & mores judicare debere. II. 453. a.
- Judicis officium in judicando. II. 451. a.
- Judicio constituendo personæ necessariæ. II. 325. a.
- Judicia ordinaria olim & extraordinaria quæ. II. 442. b.
- Jura captivitatis inter quos adhuc conserventur: & quid circa hæc inter Christianos. I. 35. b.
- Jura prædiorum quo aspectu servitutes dicantur. I. 239. b.
- Jure magistratus quæ competere dicantur, & quæ specialiter tributa. I. 116. b. Illa mandata jurisdictione transire, hæc non item. I. 117. a.
- Juris varia significationes I. 7. a. Propriæ quæ huc quadrat, *ibid.* Præcepta tria. I. 9. b. & 10. a. Divisio. 12. b. Publici nomen. 10. b. Animalia bruta. juris non sunt capacia. I. 13. a.
- Juris accrescendi inter plures in eundem usumfructum conjunctos propria. I. 270. b.
- Jurisconsultorum auctoritas non fuit proprietas. I. 25. a.
- Jurisdictionis verbum latius sumtum etiam ad specialiter concessa referri posse. I. 117. a.
- Juris non scripti quanta & unde auctoritas. I. 26. a.
- Jurisprudentia media quæ. II. 26. b.
- Jurisprudentia subjectum ejusque considerandi modus. I. 8. b.
- Jurisprudentia veteris contra accusationem Tribonianii defensio. II. 27. b.
- Jus accrescendi an testator prohibere possit. I. 411. b. vide 522. b.
- Jus civile in genere. I. 15. b.
- Jus gentium quid & unde estimandum. I. 16. a. Ejus distinctio in primævum & secundarium. *ibid. b.*
- Jus in definitione actionis quæ significet. II. 309. b.
- Jus naturale seu gentium primævum & immutabile. I. 30. a. Eam immutabilitatem præcipue apparere in communibus notiobus. *ibid. b.*
- Jus personæ & status sive conditio quomodo differant. I. 32. a.
- Jus sanguinis quot modis dicatur. I. 113. a.
- Jus vitæ & necis in servos non omnes gentes usurparunt. I. 50. a.
- Jusjurandum calumniæ quid sit. II. 444. a.
- Jusjurandum Advocatorum & procuratorum in singulis causis. II. 445. a.
- Justitia non est potentia naturalis, sed habitus. I. 7. b.
- Justitiae distributio in universalem & particularem. I. 6. b. An ea necessaria, 7. a.
- Justitia particularis ejusque species, 7. b.
- Justitia commutativa non semper respicit proportionem arithmeticam, nec distributiva geometricam, *ibid.* Disciplina civilis spectat etiam justitiam universalem, *ibid.*

L

- L Apis pro milliario, & unde ea appellatio, L. 149. b.
- Latinis liberti quo jure fuerint. I. 42. a.
- Legari à legatario cur olim non potuerit, & an hodie possit. I. 602. a.
- Legari quæ res possint aut non possint. I. 514. b.
- Rem alienam legari nihil vetat, 515. a.
- Quid juris si res communis legata, *ibidem.*
- Effectus legati rei alienæ. 516. a. Legatum rei commercio simpliciter exemptæ inutile; item ejus quæ ædibus juncta. *ibid.* Quid si res legata exempta commercio certæ personæ. *ibid. b.* Quid si feudum legatum, 517. b.
- Legatum rei alienæ nisi singulari conjectura adjuvetur, cur demum valeat si testator sciverit alienam esse. *ibid. b.*
- An legati mandata Principis vel populi precise debeant sequi. II. 228. b.
- Legata ante heredes institutionem relicta cur olim inutilia. I. 567. b.
- Legata & fideicomissa à Justiniano primum ex-

- exequata. I. 512. b. Eis communia iure veteri. 603. a.
 Legata relicta civitatibus, collegiis, pauperibus. I. 557. a.
 Legatarii & fideicommissarii particulares cur ad testimonia testamentaria admissi. I. 558. b
 Divinatio quorundam circa hoc improbata. ibid.
 Legatarii & creditoris quatenus cum herede agere possint consuma portione restituta. I. 598. a.
 Legati vindicationis & damnationis differentia & sublatio. I. 510. b.
 Legatorum onus ad solum fideicommissarium pertinet. I. 595. b. Natura stricta & cancellis circumscripta, 512. b. Genera. 509. a.
 Legatum nominis; & quid eo contineatur. I. 548. a. Legatum nominis extinguitur, si testatore vivo debitum exactum, aut ulro solutum, ibid. b. Admitti tamen probatorem non mutata voluntatis. ibid.
 Legatum omnium bonorum ususfructus an valeat alio herede post mortem legatarii instituto. I. 420. b.
 Legatum post mortem heredis aut legatarii relictum olim non valebat: in tempus mortis relictum contra; & cur tam varie. I. 569. a.
 Legatum quod debitor creditori legat quod debet non valet, nisi amplius sit in legato quam in debito: & quot modis accidat ut plus sit in tali legato. I. 537. a.
 Legatum rei pignori obligatae legato rei alienae simile. I. 518. b.
 Legatum rei quæ in rerum natura nondum est an purum sit, an conditionale. I. 521. b.
 Legatum rei quæ legatarii propria sit inutile, nec convalescere eā postea alienata. I. 533. a.
 Legatum unde dictum. I. 507. b.
 Lege regia jus omne populi privative in Principem translatum. I. 22. b.
 Lege Voconia mulieres heredes institui non potuisse. I. 58. b. Accurata in hoc legis caput inquisitio. ibid.
 Legem condere non potest populus alterius imperio subjectus. I. 15. a.
 Leges quibus comitiis à quibus magistratibus latæ. I. 20. a.
 Leges Euria, Voconia, Falcidia quo sensu dicantur testatorum gratiâ latæ. I. 575. b.
 Herendum potissimum causâ. 576. a. Quid à quo cautum singulis. ibid. b.
 Legis XII. tabb. verba, Uti quisque legasset sue rei, exposita. I. 575. b.
 Legis varia significatio. I. 12. b.
- Legitim a portio quid. I. 483. b. Arctio hujus portionis num ad parentes quoque & fratres pertineat, ibid. An ut augeri & minui legitima potest, ita & in totum tolli, ibid. Si minus legitimâ relictum, qua actione qued deest petatur: novique & veteris juris differentia. 484. b. actio ad supplementum in quibus differat à querela. ibid. Legitima hodie titulo institutionis relinquenda. 488. b.
 Legitimæ & quartæ Trebellianicæ deductio juxta cap. Rainutius. I. 594. b.
 Legitimati an ad feudum admittantur, II. 5. a.
 Legitimatio & ejus subjectum. I. 75. b.
 Legitimatio per subsequens matrimonium sine dotalibus instrumentis non procedit; secus jure Canonico & moribus. I. 77. a. Legitimatio per rescriptum Principis. ibid. b.
 Lex Aquilia. II. 282. a.
 Lex quando obligare incipit. I. 19. a.
 Lex Voconia. II. 26. b.
 Liberationis legatae quis effectus. I. 536. a.
 Liberorum appellatione omnes veniunt qui ex nobis descendunt. I. 102. a.
 Libertatis directæ & per fideicommissum datæ differentia an sublata. I. 505. a.
 Libertatis quæstio inter quos vertatur. II. 354. a.
 Libertini ingenuis exequati & à quo. I. 43. a.
 Libertinus & libertus quid differant. I. 40. a.
 Libertinus centenarius. II. 61. a.
 Limitati agri ius alluvionis non habent. I. 182. a.
 Literæ oīm chartæ, hodie charta literis cedit. I. 205. a. & b.
 Literarum obligatio. II. 176. a. An recte sic appelletur. 177. b.
 Litis contestatio quid sit. II. 449. b. An aliquando à parte rei per affirmationem inducatur, ibid. Ejus effecta. 450. a.
 Literas scire aut nescire quid. I. 143. a.
 Locatio & emtio unde quibusdam in casib[us] dignoscantur. II. 208. a.
 Locatio quid & quotuplex: tum quæ res aut facta locationem recipient. II. 199. a. Locationis & emtionis communia. 200. b. In locatione operarum diverso respectu idem & locator & conductor dicitur. 201. a.
 Locationi factæ à venditore emtor stare non tenetur. II. 211. a.

M

Macedonianum senatusconsultum. II. 398. a.
 Maleficia omnia quo sensu dicantur ex re nasci. II. 260. a.
 Mandatum quid. II. 222. a. Mandati variae divisiones, ibid. Quid differat à consilio. 225. b. Consilium tale instar mandati esse, si

- si quis alicui suaserit ut pecuniam credat certæ personæ. 226. b.
- Mandatum incertæ rei an & quando valeat. II. 223. a.
- Mandati rei inhonestæ nullam esse actionem, II. 227. a. De excedente fines mandati quædam non trita. 228. a. Mandatum cur solvatur revocatione mandantis. 230. b. Cur morte utriusque. 231. a. An morte mandantis finiatur, cum mandavit quid fieri post mortem. *ibid.* Casus quibus mandatario post mortem mandantis implenti mandatum actio datur. 232. a. Cur mandatum solvatur renuntiatione mandatarii, *ibid.* b. Quid si intempestive renunciet. 233. a. Qualis culpa in mandati judicio veniat. *ibid.* Mandatum non vitiatur constitutione honoraria, nec datur tamen de ipso honoraria mandati actio. 234. b.
- Manumissione servi alieni legati heres liberatur, ut nec estimatione debet: & quid si res legata evicta. I. 541. a. Quid si heres proprium servorum à se legatum ignorans manumisxit. *ibid.* b.
- Manumissionis species. I. 40. b. Manumissioni vindictæ. 41. a.
- Materiæ dominium non amitti, cuius ex materia in alieno solo ædificatur, I. 200. b.
- Materiæ dominus ædificans in alieno quando proprietatem materiæ amittat, *ibid.* Materiæ pretium à possessore qua ratione servari queat. 201. a.
- Matrimonia parentum cum liberis incestuosa in summo gradu. I. 63. b.
- Matris & avi materni præterito vim exhereditationis habet. I. 401. a. Etiam jure novissimo. *ibid.*
- Merces locationis an consistere possit in alia re quam pecunia numerata. II. 202. b.
- Miles etiam pro parte testatus decedere potest. I. 412. a.
- Milites capite damnati an & quatenus jure militari testari possint. I. 371. a.
- Militis testamentum an subjaceat querela officiosi. I. 400. b.
- Militibus testamentibus in expeditione remissa omnia quæ subtilitatem magis quam naturalem rationem habent. I. 365. b. Causa hujus privilegii. *ibid.* In hybernis &c. tale privilegium non habere. 366. b.
- Militum privilegia circa directam substitutionem in casum pupillarem. I. 455. b.
- Minor 25. annis procurator idoneus alienæ litis. I. 47. a.
- Modi adquirendi jure civilis singulares. I. 279. b.
- Mutiana cautio, & an ea quoque locum habeat in contractibus. II. 132. a.
- Mulierem præferri anteriorem hypothecam habentibus & expressam iniquum videtur, & quid. II. 37. a. & si liberi &c. *ibid.* b.
- Mulieres cur arceantur à testimoniiis testametnariis. I. 350. a.
- Mutui etymon. I. 99. b.
- Mutuum an sit species alienationis. I. 316. b.
- Mutuum non confirmari consumtione facta mala fide. 317. b. Nummi quando consumti intelligantur. *ibid.* a. Si mala fide consumti quæ tunc actio. 317. b.
- Mutuum quid. II. 96. b. Materia mutui. *ibid.* Cur mutui datio tantum consistat in rebus consumtibilibus. 97. a. Forma mutui propria, *ibid.* Singularia in mutuo recepta, *ibid.* Finis & effectus. *ibid.* b. Debitorum posse eam rem quam mutuo accepit in specie reddere. *ibid.*
- N**ati ex concubina non magis quam vulgo quasiti jus agnationis habent. II. 45. a.
- Nati ex damnato coitu omnis successionis sunt expertes. *ibid.* b.
- Naturales liberi quot modis dicantur. *ibid.*
- Naturalis omnis obligatio ipso jure nudo consensu tollitur. II. 257. b. Item re integra & civilis nudi consensus & honoraria pignoris. 258. a.
- Navis levandæ causâ quæ ejiciuntur pro derelicto non haberi. I. 234. a.
- Negotiorum gestio quale factum. II. 237. a.
- Actio ex gesto directa cui detur, cui item contraria, quid utraque contineat. *ibid.* Cujus culpe nomine negotiorum gestor teneatur. *ibid.* b.
- Nepos ex filio naturali an per subsequens matrimonium avi defuncto patre fiat legitimus. I. 76. b.
- Nepos post mortem avi conceptus & natus non potest ayo suus heres existere. II. 11. a.
- Nec bonorum possessionem tamquam cognatus accipere. *ibid.* b.
- Nepotis ex diversis filiis, etiam ubi soli sunt, in stirpes familiam erciscere. II. 4. a.
- Nomen quo effectu à creditore alienetur. II. 318. b.
- Nominum proprietum differentia subtilius quam vulgo explicata. I. 561. a. Error in nomine legatarii non vitiat legatum. 562. a.
- Error in nomine proprio rei legata non vitiat, in appellativo contra. *ibid.* Quid si testator rem oculis subjectam alieno nomine appellaverit, 363. a.
- No-

Notarii publici an stipulando alteri adquirant:
& quid juris hodie. II. 145. b.

Novatio quid, quæ in ea necessaria. II. 254. b.
Novationis effectus. II. 255. a. Quot modis no-

vatio fiat. *ibid.* Novatio quæ fit per litis contestationem, & quid differat à voluntaria. *ibid. b.* Novatio quando fieri intelligatur, si ab eodem debitore quis stipuletur. 256. b. Quid circa novationem novo jure inductum: ubi multa notabilia. 257. a.

Noxales actiones an recte inter arbitrarias numerentur. II. 378. b.

Noxa, noxia, noxae dedere. II. 400. a.

Nummi mutuo accepti etiam in alia forma & materia reddi possunt. II. 98. a. Autem aut deminuto nummorum valore, eos reddi oppertere ea estimatione quæ est cum solventur. *ibid. b.*

Nummos recte numerari inter res corporales. I. 236. b.

Nuptiæ comprivignorum licitæ. I. 71. b.

Nuptiæ fratum & sororum interdictæ, etiam jure Divino & moraliter. I. 64. b.

Nuptiæ quatenus prohibita in linea transversa inæquali: & an huic prohibitioni consentanea lex Divina. I. 66. a. Nuptiæ consobrinorum civili & divino jure licitæ: secus jure Canonico. 67. a. Nuptiarum prohibitio inter affines linea rectæ. 69. a. linea transversæ. *ibid. b.* Inter affines transversæ linea interdicta *Levit.* 18. an moralia. 70. a.

Nuptiarum perfectio nihil præter legitimum consensum desiderat. I. 53. b.

Obligatio naturalis nudo consensu tollitur. II. 257. a.

Obligationes quæ re contrahi dicuntur. II. 95. a.

Obligationum summa divissio. II. 87. a. Obligatio naturalis. *ibid.* Obligationes naturales non omnes eundem effectum jure civili habere, & quæ qualiter habeant. *ibid. b.* Obligatio mere civilis. 88. b. Obligatio mixta. *ibid.*

Officium jus dicentis aliud quam officium iudicis, & in quibus utrumque consistat. II. 450. b.

Oleum *vide* Frumentum.

Operæ servorum vix est ut servitutibus personali bus annumerentur. I. 255. b.

Optionis & electionis legatum idem esse. I. 553. b. differre à legato generis & alter nativo. *ibid.*

Optionis legatum habuisse olim conditionem coherentem personæ legatarii. I. 554. a.

Orcini liberti, & numquid juris in eos familiæ. I. 605. a.

Orficiano senatusconsulto filius & filia ad matris successionem vocantur, non item nepos & neptis ad successionem aviæ. II. 40. a. quod postea mutatum. *ibid. b.* Ex eodem ad matris successionem admittuntur & spuri. 41. b.

Ordinis beneficium quale sit, & quid quibus tribuat. II. 170. b. Non pertinet ad fidejussores judiciales. *ibid.*

Pacta hodie etiam actionem parere juxta scita juris Canonici II. 49. b. Pactum de quota litis jure improbatum. II. 234. b.

Pactum nudum quid, & cur ex eo jure civili non detur actio. II. 52. a. Pacta legitima & in continentia adjecta. *ibid.* Ex continentia adjecta an insit ex parte actoris in contractibus stricti juris. *ibid. I.*

Pœna constituta in eos qui plus quovis modo petunt. II. 384. b.

Pœnæ nomine legare quid sit. I. 57. b. Cur tale legatum Veteribus improbatum. 571. a. Cur probatum Justiniano. 571. a.

Pœnæ stipulatione incertitudini obligationis occurrit. II. 128. a. An per subjectam pœnalem stipulationem præcedens obligatio novetur. *ibid. b.*

Pœnalem stipulationem valere quamvis inutili subjecta sit. II. 168. a. Pœnam committi etiam ei cuius nihil interest. *ibid. b.* Pœna debetur quantacumque promissa. *ibid.* Quoties stipulantis interest alteri dare stipulatio alteri facta valet. 163. b.

Partum ancillæ cur placeat in fructum non esse. I. 217. b.

Parentibus quo jure alimenta debeantur. I. 14. a. Pater quo jure olim ut pater successerit filio. II. 32. a.

Patria potestas quo sensu proprium civium Romanorum. I. 56. b. qualis ea olim postea & hodie. 57. a.

Patricii genere semper à plebeiiis distincti, non ordine. II. 20. b.

Patricii qui olim, qui postea dicti. I. 89. b. Patroni & parentis manumissoris comparatio. I. 92. b.

Patroni parentes &c. sine venia in jus vocari non possunt: item hujus juris ratio. II. 351. a.

Patronos lex XII. tabb. non alio jure censuit, quam agnatorum. II. 59. b.

- Patronum ab adōptivis excludi cur magis ini-
quum visum quam patrem fratrem &c.
II. 60. a.
- Pavones & columbæ omnes generis ferti. I.
177. b. De peculio quando actio in patrem
non datur. II. 305. b.
- Peculio legato quod vivo testatore accedit
aut decedit cuius lucro vel damno sit. I.
545. b.
- Quid si post mortem testatoris. I. 546. a.
- Peculio pagano adventitio cum castrensi com-
munia. I. 378. b.
- Peculium filiifam. quid sit : quot ejus species:
& quid singulæ. I. 322. b. Adventitii pecu-
lii proprietas primum quibusdam in bonis,
postrem generaliter filiofam. concessa,usu-
fructu patri relicto. 323. a.
- Pecunia appellatio res omnes continentur.
II. 191. b.
- Pecunie signatae usus perantiquus. II. 192. a.
- Permutationis incommoda. II. 191. a.
- Periculum & commodum rei venditæ ad quem
pertinent emtione perfecta. II. 194. a.
- Petitoris in actione rescissoria intentio. II.
336. b.
- Picturæ cur tabulam cedere placeat. I. 206. a.
- Domino tabulæ adversus pictorem quomo-
do succurratur. 207. a. In concursu adver-
sus tertium possessorem uter præferendus.
ibid.
- Pignoratitia actio quando nascatur. II. 110. a.
- Quid differat ab hypothecaria. *ibid.* Ad
quid creditor pignoratitius teneatur. *ibid.* b.
- Pignora in vicem satisfactionis quando admit-
tantur. I. 135. a.
- Pignoris varia significata. II. 109. b. Pignus
contrahi etiam sola conventione. II. 110. a.
- Pignoris vendendi formam à Justiniano præ-
scriptam hodie non observari. I. 35. b.
- Etiam cum convenit ut pignus distrahere
liceat unam saltem denuntiationem requiri.
314. b. Et quid juris si solutio sua die non
facta. *ibid.*
- Pignus inter & hypothecam nihil interesse
quantum ad actionem hypothecariam. II.
343. a. Inter pignus & hypothecam quid
proprie intersit secundum usum juris. *ibid.* b.
- Pignus persequenti creditorì quarum rerum
probatio incumbat. II. 341. a.
- Piscandi jus in flumine quo sensu dicatur com-
mune. I. 163. b.
- Pisces in alieno stagno capti cuius sint. I.
173. b.
- Polygania numquam in foro conscientiae lici-
ta fuit. I. 71. a.
- Portus vide Flumina.
- Postumi alieni servus cur recte institui heres
potuerit, ipse non potuerit. I. 407. b.
- Postumi qui proprie dicantur ; & qui impro-
prie seu quasi postumi. I. 392. a. Qui ex
his agnascendo , qui succēdendo testamentum rumpant. *ibid.* Cur nepti quasi postumæ plus tributum olim quam filiæ. 303. a.
- Jus antiquum circa institutionem & exheri-
tationem postumorum. *ibid.* Quid Gallus
Aquilius circa nepotis postumi institutionem
introduxit. 392. a. Quid lex Velleja. *ibid.* b.
- Postumi similes incertis personis. I. 558. a.
- Postumi sui & alieni. *ibid.* b. Postumus
alienus quo sensu dicatur olim heres insti-
tui potuisse. 560. a.
- Postumorum appellatione venire omnes libe-
ros nascituros. I. 102. b.
- Postliminio reversus quando quis intelligatur.
I. 90. a. Quæ res postliminio recipiantur.
ibid. b. Origo vocis postliminii. 61. a.
- Possidere quid sit in arguento usucaptionis.
I. 292. a. Possessionem legitiimi temporis ad
usucaptionem definiti continuam requiri. *ibid.*
- Possessionis interruptio ejusque effectus.
ibid. Etiam alienæ possessionis accessione uti
licie ad implendam usucaptionem. *ibid.* b.
- Possessionem justam defuncti prodesse here-
di etiam scienti rem alienam esse , injustam
nocere etiam ignorant. 293. a.
- Possessionis accessione auctoris sui quando
successor particularis utatur. I. 294. b.
- Possessio cur per extraneam personam adquiri
possit, jus aliquod non possit. I. 330. b.
- Per consequentiam adeptæ possessionis etiam
dominium nobis adquiri. 331. b. vel con-
ditionem usucapiendi, sed demum postquam
scientia intervenit. *ibid.*
- Possessio rerum hereditiarum nec suis here-
dibus continuatur. II. 6. a.
- Possidere quid proprie sit. II. 437. b. Vetus
controversia circa retentionem & omissionem
possessionis, quæ à Justiniano sublata.
438. a. Etiam solo animo possessionem re-
tinerti. *ibid.* b. Ad adquirendam possessio-
nem & animo opus esse & simul aliquan-
do actu corporali. 439. a. Quibus modis
possessio amittatur. *ibid.* b.
- Possidere pro herede prove possessore quis di-
catur in interdicto *Quorum bonorum*, & alia
nonnulla scitu digna. II. 433. b.
- Possessor bonæ fidei qui in alieno ædificavit,
qua ratione pretium materiae & impensas
consequatur. I. 201. a. Quid juris in male
fidei possessore, 202. a.

Pos-

- Possessor bonæ fidei fructus perceptos suos facit. I. 212. b. Consumtos lucratur, extantes omnes restituit. 213. b. Praxis. 214. a. Ratio hujus juris. 210. b.
- Possessor bonæ fidei quis sit. I. 209. a. Quid si postea cognoverit rem alienam esse. 210. a.
- Possessores bona fidei an domino servum vindicanti restituere debeat quod ex operis servi paratum extat. I. 329. a.
- Possessorii cum petitorio cumu latio. II. 436. a. Qui possessores quos fructus restituere debeant. 454. b. Non possidenti nullam eo nomine actionem dari. I. 201. a.
- Possessor malæ fidei nullus fructus percipiendo suos facit, aut consumendo lucratur. I. 214. a.
- Possessores prædiorum provincialium quale jus olim habuerint. I. 227. a.
- Potestatis vocabulum in magistratu. I. 141. a.
- Prædia eorumque jura cum effectu juris considerata numquam loco distinguuntur. I. 245. a.
- Præjudicialis actio quid, quotuplex, & unde sic appellatur. II. 253. b. Cur actionibus in rem annumeretur. ibid.
- Prælegatum dotis jure antiquo semper plus habuit quam dotis obligatio. I. 539. b. Ac idem adhuc jure novo. ibid.
- Præscriptio non currit adversus agere non valentem. II. 336. a.
- Præscriptio moratoria, & alia dilatoria. I. 24. a.
- Præscriptio quadriennii fiscalis nec olim cognita, nec Canonibus aut moribus præcepta. I. 290. b. & 296. b.
- Præsumtio duplex pro instrumento. II. 160. b.
- Præterita filia & nepotibus in potestate existentibus quid olim juris. I. 398. a. Quid præteritis postumis. 399. a. Quid præteritis emancipatis. ibid. Quid præteritis adoptatis. ibid. Quid novi circa hæc introduxit Justinianus. ibid. b.
- Præteritis à patre liberis an legata beneficio uova legis conserventur. I. 476. a.
- Præterito filio qui in potestate est testamentum jure civili nullum esse: unde quatuor consecaria. I. 386. b. An tale testamentum prorsus inutile etiam jure prætorio. 388. b.
- Prætextatus sermo. II. 294. b.
- Prætor circa successiones ab intestato quomodo jus vetus emendarit. II. 67. a.
- Prætor heredem facere cur non possit. II. 68. b.
- Prætori unde & qualis condendi juris potestas. I. 24. b.
- Processus judicarii partes. II. 448. b.
- Princeps quatenus de bonis subditorum disponere potest. I. 52. b.
- Principes an & quatenus legibus soluti. I. 470. a.
- Privilegiorum usus rarus in statu democratico. I. 23. b.
- Probatio negativæ arctatæ loco & tempore. II. 158. a.
- Procurator, & officium ac potestas &c. II. 406. a. Procuratorem de cuius mandato constat non cavere de rato. 408. a.
- Procuratorum distinctio vulgata in simplices & cum libera late improbat. I. 230. a.
- Prodigus qui factò ipso talis, an is demum, cui simul interdicta rerum administratio. I. 131. b. Non potest testamentum facere. 382. b.
- Promittens metu licet coactus obligatur, & quare. II. 418. b.
- Profanum quid & unde dictum. I. 168. a.
- Provincialum qui vectigales qui stipendiarii. I. 228. a.
- Pubertatis in masculis ex annis etiam olim aestimatio. I. 123. b.
- Puberum minorum 25. annis obligatio II. 156. a.
- Publicianæ actionis introducendæ causa. II. 333. b. Cur ut competit Publiciana necesse sit rem traditam esse & an aliquando competit re nondum tradita. 332. b. An & de rebus incorporalibus: ubi & de bona fide &c. 333. a. An etiam vero domino detur, & an cum rei vindicatione cumulari queat. ibid.
- Cur requitur ut possessio amissa sit, & amissa casu. 333. a. Quæ sit & qualis in hac actione petitoris intentio. 334. a. Adversus quem detur: quid ei obstet: tum quis ejus exitus. ibid.
- Papillariter substituere pater non potest, multo minus mater liberis emancipatis. I. 435. a.
- Nec nepoti in potestate constituto quem pater antecedit. ibid. b. An ut valeat substitutio pupillaris sufficiat liberos in potestate esse tempore mortis. ibid.
- Vulgari causa expresso etiam pupillarem contineri. 336. b. An & ex converso. 437. a.
- Pupillo in quem solutio collata recte solvi. I. 119. a. Debitorem pupillo sine tutoris auctoritate solventem non liberari, licet dominium transferat. ibid.
- Pupillus aut minor non restituitur beneficio ætatis adversus solutionem factam secundum constitut. Justiniani. I. 320. a. Quid si nummos ita solutos salvos habeat. ibid.

Si pecunia quam pupillus sine tutoris aucto-
ritate creditit perierit , utrius futura sit
jactura. 321. a.

Q

Quarta D. pii tutorum bonorum an por-
tionis ab intestato debitæ quarta pars
sit , & num etiam hæc aucta. I. 82. b.
Querela cur etiam parentibus detur & quibus,
quando. I. 478. a. Quod statim post libe-
ros ad querelam admittantur parentes con-
tra rationem juris videri. ibid. b. An jure
novissimo fratres cum parentibus ad quere-
lam admittendi. 479. a. An fratres uterini
cum consanguineis debeat concurrere. ibi. b.
Querela inofficiosi testamenti quando liberis
exheredatis aut præteritis necessaria. I. 472.
a. quando postumis. 481. b.
Querela inofficiosi utrum sit actio sive peti-
tio , an remedium aliquod ab actione sepa-
ratum. I. 475. a.
Querela non detur iis qui alio jure venire pos-
sunt. I. 480. b. Parenti manumissori cur
detur cum contra tabulas petere possit.
481. a.
Querelæ inofficiosi cur colorem dementiae ve-
teres prætexerint , & num idem adhuc ho-
die. I. 477. a.
Querelæ inofficiosi renuntiare videri qui judi-
cium defuncti agnoscat : & in universum
de effectis agnitionis & oppugnationis judi-
cii defuncti , cum collatione juris veteris
& novi. I. 485. b.
Quasi contractus quid sit. II. 235. b. Obliga-
tionem ex quasi contractu non esse ex tacita
conventione. ibid. Tacitum cum ficto ex-
pressum cum vero perperam confundi. 236. a.
Quasi ex contractu heres legatariis proprie-
obligatur , non creditoribus hereditariis. II.
240. b.
Quasi maleficium quid. II. 303. a.

R

Rapinæ poena. II. 280. b. Poena rapinæ
quæ privatis applicatur , &c. exolevit.
281. a.
Recipere quid. II. 344. b. Actionis receptitiae
& constitutoria discrimen. ibid.
Regula : *Quod semel utiliter constitutum est,*
durat licet ille casus extiterit unde incipere
non potuit , quando locum habet & quando
contraria. I. 382. b.
Regulæ , *Neminem posse rogari ut plus resti-*
tuat quam ipse cepit declaratio. I. 603. b.
Reipub. causæ qui abesse dicantur , & quæ ho-

rum peculiaria. I. 144. b.
Religiosus locus ut fiat , quæ necessaria. I.
168. a.
Remedium legis ult. C. de edit. D. Hadriani
tollendo. II. 434. a.
Reorum duorum debendi & promittendi &c.
II. 129. a. & seq.
Rerum communium usus omnibus competit. I.
161. b. Quatenus harum rerum quid occupa-
ri , quod effectu possit. 162. a. Quatenus dif-
ferant ab his quæ nullius sunt communi
usu non attribuia. ibid.
Res omnes aut in bonis nostris sunt aut ex-
tra bona: tertium genus non datur. I. 160. a.
Res sacrae & persona consecrantis. I. 167. a.
Rescindentis & rescissorii judicii commentum.
II. 336. a.
Rescripta contra jus elicita , & preces obrep-
titiae & subreptitiae. I. 24. a.
Restitutio adversus eum qui absens usucepit
rem in civitate manentis : ubi & alia. II.
335. b. Adversus eum qui præsens rem absen-
tis usucepit. 337. a. Restitutio adversus
usuceptionem an detur ex sola causa igno-
rantiæ. ibid. Restitutio & rescissio ex edi-
cto *Quæ in fraud. cred.* II. 340. a.
Retentio rei dotalis quibus ex causis marito
olim concessa , & quid postea hic novi. II.
388. a.
Retentio extra causam dotis. ibid.
Reus quid & unde dictus. II. 129. a. Duo rei
stipulandi. ibid. b. Duo rei promittendi.
130. a. Duo rei debendi non aliter nunc fi-
unt , quam si id specialiter actum. ibid. Ju-
re novissimo i's competere beneficium divi-
sionis , non tamen in foro mercatorum. 131.
a. Solutione aliove modo qui vice solutio-
nis sit promissore ab uno è reis credendi li-
berato totam tolli obligationem. ibid. b. Uno
è duabus reis promitendi solvente &c. om-
nes liberari. ibid.
Ripa quid sit. I. 164. b.
Ripa non sequuntur conditionem fluminis , ut
littora maris. I. 164. b.
Roma olim commune forum. II. 311. b.

S

Sabiniano Senatusconsulto quid cautum. II.
17. b.
Sacra privata. I. 167. b.
Sancti appellatio quam late pateat. I. 170. a.
Inter sancta an recte portæ numerentur. ibi. b.
Satisficationum modus & usus hodiernus. II.
411. b.
Satisfacere & solvere , item fidejubere & ex-
pro-

- promittere quomodo differant. I. 228. b.
Scriptura non pertinet ad essentiam legis. I.
18. b.
Senatusconsulti Macedoniani scopus. II. 398. b.
Senatusconsulto Trebelliano quæ incommoda
causam dederint. I. 588. b. Quæ senatus-
consulto Pegasiano. 589. b. Hoc senatus-
consulto vim legis Falcidiæ productam ad
fideicomissa hereditatis. *ibid.* Discrimen
legis & Senatusconsulti circa res quæ im-
putantur. 590. a. Heres qui ultro totum
quod rogatus est restituit, an solus onera
subeat ex Pegasiano. 592. a. Caput Senatus-
consulti de cogendo nolentem adire. 593. a.
Senatus juris condendi potestatem quando &
unde acceperit. I. 21. b.
Senatusconsulto Tertilliano matri ter aut qua-
ter enixa liberorum delata legitima heredi-
tas. II. 38. b. Qui matri prælati ex eo Se-
natusconsulto. *ibid.* Jus novum circa matris
legitimam successionem liberorum vulgo
quæsitorum. *ibid.*
Sententia sine certa quantitate prolata cur non
valeat. II. 380. b.
Sententiae certitudo unde metienda. *ibid.* etiam
in petitione incerta certam debere ferri sen-
tentiam. 381. a. Quibus casibus certa sen-
tentia ferri nequeat. *ibid.*
Sententiae nullius momenti quæ, licet injustæ
valeant. II. 45. b.
Sepulchra privata Antiquorum & hodierna. I.
168. b.
Servi quomodo à dominis tractandi. I. 51. a.
Servi poenæ qui. I. 88. a. Servitus poenæ su-
blata. *ibid.* b.
Servi in his regionibus nulli. I. 36. a.
Servi cur nobis etiam ignorantibus & invitatis
adquirant. I. 325. b. Cur hic excipiatur
hereditas. 326. a. An possessio per servum
domino ignorantis adquiratur ex quacumque
causa. *ibid.* b.
Servitus quo sensu dicatur contra naturam es-
se. I. 34. a. Voluntaria in servitutem datio.
37. a.
Servitus prædii quid sit, quid ea requirat.
240. a.
Servitudes prædiorum omnes perpetuam cau-
sam habere debent. *ibid.* b.
Servitutes altius non tollendi, luminum & ne
luminibus officiatur an differant. I. 249.
Aqua haustus, pecoris ad aquam appulsus
an inter servitudes prædiorum recte nume-
rentur. 250. a.
Servitus communi prædio an uno neque con-
stitui neque adquiri potest. I. 252. a. Ad

- constituendam servitutem non sufficit sola
pactio. *ibid.* Ultima voluntate constituitur
ipso jure. *ibid.* b. Per usum ac possessionem
nostram quomodo capiatur. *ibid.* Quibus mo-
dis amittatur. 254. b.
Servitutes stillicidiorum & fluminum. I. 246.
b. Jus altius tollendi sitne servitus. 247. a.
Servitus tigni immittendi & oneris ferendi
sunt distinctæ; item prohiciendi & prote-
gendi. 245. b.
Servitutum personalium species. I. 255. a.
Servo proprio herede instituto quis circa ad-
quirendam hereditatem effectus. I. 406. a.
Quid circa idem instituto servo alieno. *ibid.* b.
Servo heredis cur pure inutiliter legetur. I. 166
a. Cur domino heredis utiliter. 567. a.
Servo alieno qui pater fam. credebatur institu-
to hereditas ex æquo dividitur inter substi-
tutum servi & dominum. I. 433. a.
Servus fructuarius cui adquirat, si dicat se do-
mino proprietatis accipere ex re fructuarii.
I. 327. b.
Servus fructuarius contemplatione fructuarii
heres institutus jussu fructuarii hereditatem
adire debet. I. 328. a.
Servus proprius simpliciter tutor datus direc-
to liber fit. I. 99. b.
Sestertius & sestertiū an idem valeant. II.
61. b.
Societas quid, quarum rerum quando & quo-
modo. II. 211. a. Species societatis subje-
ctis distinctæ. 212. a. Universorum bono-
rum societas & ejus effecta. *ibid.* b. Quæ bo-
na communicentur, si societas simpliciter
coita sit. *ibid.* Si de partibus societatis ni-
hil convenerit, partes in lucro & damno
æquales esse. 211. b. Si partes expressæ, hæ
servandæ, qualiscumque collatio sit. 214.
a. Notabilia quædam circa casum quo ab
uno pecunia, ab altero opera confertur.
215. b. Quid si convenerit ut unus lucri sit
particeps, damni immunis. 216. a. Si in una
tantum causa, puta in lucro, pars expres-
sa in altera eadem servari debet. 216. a.
Societas unius è sociis renuntiatione solvi-
tur. 217. a. Quibus ex factis renuntiatio ta-
cite arguitur. *ibid.* b. Malitiosa renuntiatio
quatenus cui noceat. *ibid.* a. Solvi societa-
tem etiam morte unius & pluribus, & quo id
pertineat. 218. a. Ad quem gradum diligen-
tiae culpa in judicio societatis exigatur. 221. a.
Solemnitates quatenus quibus in testamentis
paganorum remissæ. II. 347. a. Quatenus ju-
re Canonum & multorum moribus. *ibid.* b.
Solutio quid proprie. II. 247. a. Aliud pro
alio

alio invito creditor i solvi non posse. *ibid. b.*
exceptiones hujus regulæ. *ibid.* Ad justam
solutionem requiri ut solvatur simul & se-
mel totum quod debetur. *248. a.* Licere uni-
cuique pro debitore solvere, etiam ignorantे
& invito. *249. a.* Quid si creditor solutio-
nem an alio oblata recusat accipere; &
quid si alius pro emphyteuta canonis solu-
tionem offerat. *249. b.* Fidejussore pro reo
simpliciter solvente, utrum ipso jure reus
liberetur, an per exceptionem. *250. a.*
Sortis judicium apud Veteres frequens. *I. 555. b.*
Species *vide Genus.*
Species nova non adquiritur facienti, nisi eam
fecerit suo nomine & bona fide. *I. 189. a.*
Specificatio pertinet ad modus acquirendi per
occupationem. *I. 188. a.* Circa specificatio-
nem Proculi & Sabini dissensus. *189. b.*
Media sententia qua ratione nitatur. *190. a.*
Sponsalia, eorum genera & effectus. *I. 56. a.*
Sponsores vades prædes. *II. 166. b.*
Spurii an pro turpibus personis habendi. *I.*
479. b.
Status controversiam quis pati dicatur. *I. 145. a.*
Statuta qui qua conditione condere possunt. *I.*
15. a.
Stipendium & tributum an differant. *I. 247. b.*
Stipulatio quid sit. *II. 112. b.* Stipulationum
usus quam varius. *112. a.*
Stipulatio non habet certam & determinatam
naturam. *II. 113. a.* Stipulationis vera origina-
tio. *114. b.* Ad substantiam stipulationis
qua adhuc requiratur. *115. a.* Moribus ho-
diernis stipulationum & pactorum jura fere
confundi. *116. a.* Ex pura stipulatione sta-
tum agi potest. *117. a.*
Stipulatio non valet, in quam res deducta est
qua non est nec unquam fuit: ubi de hip-
pocentauris. *II. 140. a.* Quid si deducta res
qua esse desiit. *ibid.* Quid si qua non sit in
commerciali. *141. a.* Quid si stipulator sciat
non esse in commerciali. *ibid. b.* Quid si ille
ignoret, promissor sciat. *ibid.* Quando sti-
pulatio utilis earum rerum qua secundum
quid extra commercium. *142. a.* De sti-
pulatione rei sua. *ibid.* Stipulatio extinguitur
in casum deducta unde incipere non po-
tuit. *ibid. b.* An ex contrario iterum restitu-
tur. *143. a.* Res commercio exempta nec
sub conditione in stipulatum recte deduci-
tur. *ibid.*
Stipulatio in alium collata quid tribuat stipu-
latori. *II. 146. b.* Quid adjecto solutionis
causa. *ibid.* Quid permitrat promissori *ibid.*
Quid si adjectus statum mutaverit. *147. b.*

Quid juris si conjunctim sibi & alteri stipu-
letur. *ibid.*
Stipulatio post mortem stipulatoris aut promis-
soris, aut in ante diem mortis concepta, cur
olim inutilis. *II. 158. b.* Qua ratione jus ve-
tus mutatum. *159. a.* Stipulatio præpostera.
ibid. b. Post mortem alterius concepta, aut
in tempus mortis eorum. *160. a.* Quid inter-
sit utrum plures res conjunctim an disjun-
ctim in stipulationem deductæ. *161. b.*
Stipulationes & obligations ad hoc compara-
tæ ut unusquisque adquirat sibi: qui alii sti-
pulatur nihil agit. *II. 145. a.* Quæ hic cau-
tiones adhibendæ. *ibid. b.* Quibus in causis
admissum ut alteri ex conventione alterius
utilis actio detur. *146. a.*
Stipulationes emtæ & venditæ hereditatis. *592.*
b. Partis & pro parte. *ibid.* Cur hæ stipula-
tiones captiosæ. *594. a.*
Stipulationes rem pupilli salvam fore, rem ra-
tam haberí, & duplæ an recte dicantur com-
munes. *II. 138. a.* & *ibid. b.*
Stipulationum judicialium usus. *II. 136. b.*
Exempla harum stipulationum. *136. a.* Sti-
pulationes prætoriæ unde cognoscantur: ea-
rum usus & exempla. *ibid.* Quibus in causis
locus ædilitiæ. *ibid. b.* Distinctio stipula-
tionum judicialium & prætoriarum ad usum fo-
ri accommodata. *137. a.*
Subsidiaria actio quando pupillis detur adver-
sus magistratus. *I. 137. a.* Qui magistratus
ea actione teneantur. *138. b.*
Substitutio vulgarisin suo herede non operatur
in causam impotentiae sed noluntatis. *I.*
427. a.
Substitutio pupillaris unde dicta, & quo as-
pectu substitutio. *I. 434. a.*
Substitutio pupillaris extinguitur anno quar-
todecimo aut duodecimo completo. *I. 454.*
a. Si longius tempus comprehensum, an
substitutio valeat jure fideicommissi *ibid.*
An ad causam fideicommissi trahatur sub-
stitutio à pubertate incipiens. *ibid.*
Substitutio exemplaris quo consilio introducta:
I. 472. a. Quid juris si uteique parens exemplariter
substituat. *ibid. b.* Substitutio exemplarilis
an ad mutos quoque & surdos porri-
genda. *443. a.* Etiam impuberibus, mente-
capti qui in potestate sunt recte exemplari-
ter substitui. *ibid. b.* Si plures sint mente-
capti liberi vel fratres posse vel unum ex
his substitui. *444. a.* An & exheredatis
exemplariter recte substituantur. *ibid.* An
substitutio exemplaris per resipiscentiam in-
firmata vires recipiat redeunte morbo. *ibid. b.*
Subs-

- Substitutionis verbum quam varie usurpetur. I. 423. a. Substitutionis divisio in directam & fideicommissariam. *ibid.* b. Substitutionis nomine simpliciter posito intelligi directam: & perfecta hujus definitio. 424. a. Substitutionem in codicillis factam sustineri in vim fideicommissi. 425. b.
- Substitutionis pupillaris exheredato facta formula. I. 447. a. A substituto filii exhereditati patrem legari non posse, sicut nec ab ipso exheredato. *ibid.* b.
- Substitutionis pupillaris formulâ generali soli vocati intelliguntur qui heredes nominatim scripti. I. 452. b. Ex eâdem formula soli veniunt qui patri heredes extiterunt. 453. b. Alius ejusdem formulæ effectus. *ibid.*
- Substitutus substituto intelligitur etiam substitutus instituto. I. 429. a.
- Substitutus pupillo quando vi formulæ vulgaris admittatur. I. 438. a. Quando vi formulæ pupillaris. *ibid.* b.
- Substitutus pupillaris excludit heredes omnes legitimos, etiam matrem. I. 433. b. Etiam quoad legitimam. 440. a. Idem in pupillari tacita. *ibid.*
- Succedere in capita quid sit, quid in stirpes, II. 8. a.
- Succedendi ab intestato ratio ex jure novissimo. Successio liberorum. II. 48. b. Successio parentum. 49. a. Successio collateralium. 50. a.
- Successioni in legitimis hereditatibus cur olim non esset locus. II. 31. a. Cur Justinianus admisserit. 32. a. Quid sit quod dicitur successionem non esse in suis heredibus, & num id mutatum. 31. a.
- Successiones in stirpes usus initio tantum inter suos heredes fuit: tum hujus successionis ratio. II. 8. a. Quatenus procedente tempore extensa. *ibid.* b. Cur in ea proximior ulteriore non excludat. *ibid.* Ad successionem intestati qui descendantium lege XII. tabb. & à prætore vocentur. 18. b. Juris veteris derogatio qua ratione & an sufficienit nitatur. 19. a. Quatenus primum *lege C.Theod.* deinde *lege ult.C. de suis & leg.lib.* juri veteri derogatum & alia non trita. *ibid.* b. & seqq.
- Sui heredes qui dicantur. I. 492. a. Ratio hujus nominis & quædam alia non passim obvia. 493. b. Altera horum heredum qualitas scilicet necessitas & quid ea operetur. 494. a. Prætor jus suitatis non sustulit dato beneficio abstinendi, sed necessitatem. *ibid.* b.
- Surdi & muti pro herede gerere possunt. I. 506. a. Quid si hereditas delata infanti aut furioso. *ibid.* b.
- Surdos & mutos naturâ in militiam legi non posse. I. 369. b.
- Spectum recte postulati etiam apud eum cui mandata jurisdictio. I. 152. b.
- Suos heredes sub alia conditione institui non posse quam quæ sit in eorum potestate. I. 418. b.
- Suus heres an quis existere possit quo tempore inspiciendum. II. 9. a. & seqq.
- Suus heres accepto vulgari substituto ex necessario fit voluntarius, salva qualitate heiedis. I. 426. b.
- T
- Testamentum an annulo dumtaxat signare licuerit, an & alio instrumento. I. 348. b.
- Testamenti factio quotuplex. I. 349. b.
- Testamenta non notis sed literis scribenda. I. 360. b.
- Testamenti scripti. I. 344. b. Mixti ex prætorio & civili forma. 345. a. In testamento scripto non exigi ut testis intelligat sermonem testatoris. 345. b. Singularia in testamento cæci. 383. b.
- Testamenti factio cur filiifam. non habuerint. I. 376. b. Cur ne patre quidem consentiente potuerint testari, & quid hic de codicillis & mortis causa donatione. *ibid.* & 380. a.
- Testamento patris non subsistente, & filii nullum esse. I. 450. a. Ideo patrem prius sibi debere testamentum facere. 449. b. Testamenta patris per querelam rescisso pupillarem substitutionem concidere, cur non item bonorum possessione contra tabb. 450. b. Quid juris hic jure novissimo. 451. a.
- Testamento scripto cum nuncupativo communia. I. 345. a. 347. a. 362. a. Discrepancia. *ibid.* q.
- Testamentum factum juxta statutum aut consuetudinem alicujus loci, an etiam vim habeat extra illum locum. I. 363. b.
- Testamentum unius in plures codices referri potest: an testamenta plurimum in codicem unum, I. ,61. a.
- Testamentum à pagano non rite factum, si is postea militare cœpit, an id jure militiae valeat sine nova voluntate in castris declarata. I. 372. a.
- Testamentum in procinctu. I. 339. b. Calatis comitiis. 338. b. Per æs & libram. 340. a. Quando hæc in usu esse desierint. 341. b.
- Testamenti prætorii forma. 344. b.
- Testamentum antea factum cur furor postea in-

- incidens &c. non vitiet , capitis diminutio
vitiet. I. 382. a.
- Testamentum ut consistat quænam in persona
testantis requiratur. I. 375. a.
- Testamentum apud hostes factum jure post-
liminii non convalescere. I. 384. b. Quid
juris hodie. 385. b.
- Testamentum in genere quid sit. I. 334. a.
- Aliæ testamenti descriptions examinatae.
I. 336. a. Allusiva & vera testamenti nota-
tio. 335. a. Genera testamentorum. 334. a.
- Testamenti facti sitne juris gentium , an juris
civilis. I. 336. a. Liberam testandi potes-
tatem apud multos non esse. 337. b.
- Testamentum ruptum nativitate postumi præ-
teriti , eo ante patrem mortuo , vires reci-
pere. I. 464. a. Testamenti posterioris can-
cellatione restitui prius cuius tabula inte-
græ. ibid. b. Differentiae circa restitutio-
nem testamenti irriti facti maxima aut me-
dia capitis diminutione & arrogatione. 465. a.
- Testamentum rite factum nuda contraria
voluntate non infirmari , quamvis coram
septem testibus declarata. 466. a. Quid jur-
is sit causa adjecta , Quia volo decidere in-
testatus 467. a. Cur ne novi quidem testa-
menti inceptio vim corrumpendi prioris
habeat. ibid. b. Temperamenta hujus doctri-
nae. 568. a.
- Testamentum quot modis rumpatur. I. 456. a.
- Testamento deleto , inciso &c. utrum fisco
deferatur hereditas an venientibus ab inte-
stato. 458. a. An jura de incisione indu-
ctione &c. agentia pertineant etiam ad te-
stamenta nuncupativa de quibus instrumen-
tum conficitur , ut nunc moris est. ibid. Cur
prius testamentum rumpatur per posterius ,
etiam tabulis integris manentibus. ibid. b.
- Etiamsi non revocetur. 459. a. Quid juris
si prius testamentum contineat clausulam
derogantem. ibid. b. Quid si ex posteriore
nemo heres extiterit. 460. a.
- Testamentum destitutum. ibid. & II. 3. a.
- Testandi facultatem naturâ non habet quem
natura voce & auditu privavit. I. 369. b.
- Quid de his qui casu mutui aut surdi facti;
notata simul oscitantiâ Compositorum. 470. a.
- Testandi facultatem capite damnati olim amit-
tebant. An postea ab eo jure recessum. I.
375.
- Testandi jure militari privilegium etiam nostri
temporis militibus competere. I. 374. a.
- Testato pro parte & intestato nemo decidere
potest: & quam rationem id habeat. I. 410. b.
- Circa idem mores hodierni. 412. b.
- Testatoris voluntas declarata testamento mi-
nus solemni an obliget in foro conscientiæ.
I. 346. a.
- Testes ad testamentum adhiberi non possunt
muti surdi cæci. I. 450. b.
- Testis in testamento esse non potest qui est in
potestate testatoris , & quid de filio eman-
cipato. I. 354. a. An pater in testamento
filii post missionem testantis de castrensi
peculio recte testis adhibeat. ibid. b. Testes
domestici cur reprobentur : quid hic tes-
timonium domesticum. 355. a.
- Testis an recte adhibeatur heredis pater in
cujus potestate non est , aut filius heredis
emancipatus. I. 357. b.
- Testibus in testamento militis scripto opus
non esse. I. 368. b. Quot testes à milite
per nuncupationem testante adhibendi. ibid.
- An rogatio testium militi necessaria. ibid.
- Testium conditio tempore testamenti spectan-
da. I. 351. b. Idem juris & in habilitate pu-
tativa. 352. a. Quid si quis è testibus ante
apertas tabulas moriatur. ibid. b.
- Thesauri varia significata. I. 219. b. Inventus
in loco proprio adquiritur inventori. ibid. a.
- Quamvis locus sacer aut religiosus. 220. b.
- In alieno inventus pro dimidia inventoris
fit, pro altera dimidia conceditur domino.
221. b. Ratio hujus juris. ibid. Quid ju-
ris hodie. 222. a.
- Tigni appellatio quam late pateat. I. 197. a.
- Traditio vera & facta I. 223. b. Citra tra-
ditionem dominia jure gentium non trans-
ferri. ibid. An ad transferendum dominium
requiratur vacua possessionis traditio. 224. a.
- Traditione non transferri dominium nisi
justa causa præcesserit , saltem opinione
tradicis. 225. b. Dissensio in causis tra-
dendi an & quando impedit dominii trans-
lationem. 226. a.
- Tribonianian collectiones minime necessaria. II.
17. b.
- Tribonianian duplex error animadversus. I. 146. a.
- Tribonianian testimonium de nudorum corpo-
rum inspectione suspectum. I. 123. b.
- Tutela in abstracto considerata est juris gen-
tium , in concreto juris civilis. I. 118. b.
- Tutelæ affectatae. I. 142. a.
- Tutela legitima minima capitis diminutione
non amplius tollitur. I. 105. a.
- Tutelæ legitimæ species. I. 103. a. Agnato-
rum. ibid. Patronorum. ibid. Parentum. 111.
Fiduciaria. 112.
- Tutelæ definitio explicata. I. 95. a. Species tute-
lae. 96. Tutela an manus publicum. 139. b.

- Tutelam moribus hodiernis pubertate non finiri. I. 124. b.
- Tutor an jure datus sit quibus ex rebus astimandum. I. 97. b. Qui quibus testamento tutores dare possunt. 99. a. Tutoris à patre dati confirmatio quid differat à dato à matre vel extraneo. 98. a. Tutores confirmati pro testamentariis habendi ibid. b.
- Tutor à magistratu dari non potest minor 25. annis I. 101. a. Non potest dari ad certam rem. I. 101. b.
- Tutor præter dolum & culpam præstat, sed levem dumtaxat. II. 239. a.
- Tutor ob culpam latam remotus an fiat infamis. I. 155. b.
- Tutor interdum à magistratu datur impuberi ad adeundam hereditatem. I. 115. a. Ratio coendi tutores ad tutelam suscipiendam. 116. a. Tutores dati qui excusari volunt non debent appellare. 148. b.
- Tutoris gubernatio quibus in rebus consistat. I. 119. a. Quibus in rebus necessaria aut supervacua tutoris auctoritas. ibid. b. Auctoritatis interponenda modus. 121. a.
- Tutoris unius ex pluribus satisdati non obnoxiiis provocatione ceteros satisdati subjici, & quis ordo in gesta uni committendo. I. 136. a.

V

- V**Estigial navigantibus qui jure imponant. I. 163. a.
- Vendor an præcise teneatur rem tradere. II. 183. b.
- Vendor levem dumtaxat non etiam levissimam culpam præstat, nisi custodiam in se suscepit. II. 96. b. Quarum rerum venditio recte fiat. 199. a. Quin juris si uterque aut alteruter qualitatem rei nesciverit. ibid.
- Vendor an præsumatur fidem emtoris secutus ex eo quod simpliciter rem tradiderit, I. 229. a.
- Venia ætatis quando qua conditione & à quo concedatur, & cur citius fœminis quam masculis. I. 127. a.
- Veritas plus valet quam opinio, interdum contra, & quando. I. 534. a.
- Victus victori in expensas &c. damnandus. II. 445. a.
- Via quid sit, quid contineat & quibus rebus differat ab actu. I. 243. a.
- Vindicare qui reum instituit eum adhuc interdicto agere posse: & de judicij petitor, cum possessorio cumulatione. II. 436. a.


- Vindicare quid, lis vindicarum, vindiciae &c alia. II. 358. a.
- Vinum, vide frumentum.
- Violentiæ varia genera. II. 278. a.
- Vitium æctoris successoris neque prodest neque nocet. I. 294. b.
- Vitium possessionis quomodo purgetur. I. 289. a.
- Universitas non titulum adquirendi sed rem quæ adquiritur significat. I. 332. b. Modi adquirendi per universitatem. 333. a.
- Universitatis res quæ, & quantum in his juris singulis. I. 166. a.
- Usuariorum etiam ex fructibus industrialibus sumere potest, & qua conditione. I. 273. a.
- Modus utendi, & quam large aliquando cum usuario agitur. ibid. b. Quarum partium fundi de possessione quodammodo penes usuarium. 274. a. Non potest utendam alii locare aut vendere. ibid.
- Usuariorum non prohibetur dum ipse inhabitet, partem ædium quam non occupat alteri locare. I. 275. b.
- Usucaptionis & præscriptionis vetus differentia. I. 280. a. In persona usucipientis quæ necessaria, & de bona fide. 281. b. De iusto titulo. 282. a. Cur prædia provincialia usucapi non potuerint. ibid. b. Quæ res usucaptionem non recipiunt. ibid. Error false causæ obstat usucaptioni. 284. b. Juris de usucacione constituti ratio. 283. a.
- Usus quid sit, quid uti, quæ onera usuariorum. I. 271. a. Quid inter usum & usumfructum intersit, tum in constituendo, tum in amittendo. 272. a.
- Usus servorum. I. 276. b. Jumentorum. ibid. Pecorum. 277. a.
- Ususfructus in rebus fungibilibus constitui non potest. I. 261. b. In hoc rerum numero non sunt vestimenta. 262. a.
- Ususfructus amittitur non utendo per modum constitutum. I. 267. a. Quanto tempore non utendo amittatur. ibid. An olim sicut adrogatione, ita & adoptione & emancipatione perierit, 266. a. Extraneo cessus ad proprietatem revertitur. 268. a. Cur mutatione rei extinguitur. 270. a. Quando res mutata aut non mutata intelligatur. 269. b.
- Ususfructus quibus modis constituantur. I. 260. a. Testamento constitui ipso jure, inter vivos pactionibus, sed si sequatur traditio. ibid. b. Quid in definitione ususfructus verbo juris significetur. 255. a. Quid si velint verba sublati corpore. 258. b.
- Usumfructum formalem semper esse in re aliena:

na: & quo sensu dicatur pars dominii. 257. a
Ususfructus definitione non contineri colonum,
creditorem ~~aristarchista~~, ibid. Neque mari-

tum heredem fiduciarium, emphyteutam.
ibid. b. Quid in definitione sibi velit *salva*
rerum substantia. 258. a.

F I N I S.











Tab. A

Numb

INN

AD

mittuta

2

4417